

1913

THE
NEW TESTAMENT
OF
OUR LORD AND SAVIOUR JESUS CHRIST,
TRANSLATED INTO
THE CHOCTAW LANGUAGE.

PIN
CHITOKAKA PI OKCHALINCHI CHISUS KLAIST
IN TESTAMENT HIMONA,
CHAHTA ANUMPA ATOSHOWA HOKE.

NEW YORK:
AMERICAN BIBLE SOCIETY
INSTITUTED IN THE YEAR MDCCCKVI

1913.

CONTENTS.

Mahlu	Page. 5
Mak	109
Luk	171
Chan	286
Apostel isht Anumpa	369
Loman	467
I. Kolinhljan.	513
II. Kolinhljan.	557
Kaleshan	586
Efeshan	601
Filippiar	615
Koloshan	625
I. Hlessalonian	635
II. Hlessalonian.	644
I. Timohli	649
II. Timohli	662
Titus	671
Filemon	677
Heblu	680
Chemis	713
I. Pita	725
II. Pita	738
I. Chan	746
II. Chan	758
III. Chan	760
Chute	762
Nan Otöni.	766

10th Edition.

Մ Բ Ա Ն Մ Ք Ա Մ Ա Ի Լ Մ

Մ Դ Ի Ո Լ Ի Տ Տ Ո Շ Ի Թ Օ Կ .

Շ Ա Ք Թ Ա Ի .

Շիսւս Կլաիստ ք հակնիստ իմա իստ աի ին տիկա Վիլեհա, 1. 18 Տիլոնիստ Իոլիտոք յակ օստ իկ յօհմի աի ահնի քուլլա նա, Շիսւս Մտ օհօյօ հիմիտա հատակ հալելի կէյու Մելի հօհչիֆօ մակօ իմ աի Մտտա .

1. **ԷԲԼԱԻԱՄ** իստ աի սնչիլիլի, Լէւի ք Մշի, Շիսւս Կլաիստ Մտտա տօկ իստ սնոնա հօլիսսօ հօկէ .

2. Էբլահամ Մտ Աիսակ ք տօբաչի տօկ ; ստուկ օ Աիսակ Մտ Շէկօբ ք տօբաչի տօկ ; ստուկ օ Շէկօբ Մտ Շիտաս միչա իտիբաքիսի Վիլեհա աիենա կա տօբաչի տօկ ;

3. Ատուկ օ Շիտաս Մտ Բալէս, միչա Տալա աիենա կա ՏաՄա յա ա տօբաչի տօկ ; ստուկ օ Բալէս Մտ Էսլօմ ք տօբաչի տօկ ; ստուկ օ Էսլօմ Մտ Էլամ ք տօբաչի տօկ ;

4. Ատուկ օ Էլամ Մտ Ամինատաբ ք տօբաչի տօկ ; ստուկ օ Ամինատաբ Մտ Նաասօն ք տօբաչի տօկ ; ստուկ օ Նաասօն Մտ Տալմօն ք տօբաչի տօկ ;

5. Ատուկ օ Տալմօն Մտ Բօաս ք Լակաբ ք ա տօբաչի տօկ ; ստուկ օ Բօաս Մտ Օբէտ ք Լիտի ք ա տօբաչի տօկ ; ստուկ օ Օբէտ Մտ Շէսի ք տօբաչի տօկ ;

6. Ատուկ օ Շէսի Մտ միկօ Լէւի ք տօբաչի տօկ ; ստուկ օ միկօ Լէւի Մտ Տօլօմօն ք Մլիաս տէչի ա տօկ ք ա տօբաչի տօկ ;

7. Ատուկ օ Տօլօմօն Մտ Լօբօամ ք տօբաչի տօկ ; ստուկ օ Լօբօամ Մտ Աբիա յա տօբաչի տօկ ; ստուկ օ Աբիա Մտ Էսա յա տօբաչի տօկ ;

8. Ատուկ օ Էսա Մտ Շօսաֆատ ք տօբաչի տօկ ; ստուկ օ Շօսաֆատ Մտ Շօլամ ք տօբաչի տօկ ; ստուկ օ Շօլամ Մտ Օսիաս ք տօբաչի տօկ ;

9. Atuk o Osias vt Choahlam a tobachi tok ; atuk o Choahlam vt Akas a tobachi tok ; atuk o Akas vt Esekias a tobachi tok ;

10. Atuk o Esekias vt Manasses a tobachi tok ; atuk o Manasses vt Amon a tobachi tok ; atuk o Amon vt Chosaias a tobachi tok ;

11. Atuk o okla ha Babulon ishtia hosi foka ma, Chosaias vt Chekonias micha itibapishi vhleha aiena ka tobachi tok ;

12. Atuk o okla ha Babulon ishtona haya, Chekonias vt Salahliel a tobachi tok ; atuk o Salahliel vt Solobabel a tobachi tok.

13. Atuk o Solobabel vt Abivt a tobachi tok ; atuk o Abivt vt Eliakim a tobachi tok ; atuk o Eliakim vt Aso ya tobachi tok ;

14. Atuk o Aso vt Satok a tobachi tok ; atuk o Satok vt Akim a tobachi tok ; atuk o Akim vt Elivt a tobachi tok ;

15. Atuk o Elivt vt Eleasa ya tobachi tok ; atuk o Eleasa vt Mattan a tobachi tok ; atuk o Mattan vt Chekob a tobachi tok ;

16. Atuk o Chekob vt Meli, yvmak o Chisvs vt a tobvt vta tuk osh Klaist hohchifo ka, i hatak Chosef a tobachi tok.

17. Yohmi hatok o Eblaham a ai vhlit it ai unchululit mihinti kvv Lewi a ant ai vhli kvv moma kvv it ai unchululi auah ushta hoke : yohmikma Lewi a ai vhlit mihinti kvv okla ha Babulon ishtia tok a ant ai vhli kvv it ai unchululi auah ushta hoke ; yohmikma okla ha Babulon ishtona tok a ai vhlit mihinti kvv Klaist a ant ai vhli kvv it ai unchululi auah ushta hoke.

18. Chisvs Klaist vttahpi ka ilvppak osh a yakohmi tok ; ishki Meli vt Chosef a im vvhpoa tok vt, ik it im ono kisha ho, Shilombish Holitopa ya vlla i shali tuk osh otvni tok.

19. Yohmi ma i hatak Chosef vt hatak achukma hatuk osh, nana vvhpisa vt onvtula hi a ik ahno mvv, lumvt kancha hi vt im anukfila tok.

20. Yohmi kia ilvppa puta ka anukfihinli tuk osh holh-pokuna ma, Chihowa im enchil vt ant i haiaka cha, Chosef Lewi ushi chia ma! chi tekchi Meli a ishi ik chi nukwiyo kashke; Shilombish Holitopa ak atuk mak o yvmmak okvt toba hosh afoyuka hoka.

21. Yohmi ka vlla-nakni o sholikma, hohchifo ha Chisvs ish hochifa hi oke; yvmmak osh im okla talaia ai im ashv chika puta ma ai i hlakoficha hi oka, achi tok.

22, 23. Chihowa hvt hopaii ya isht ai anumpulit, Ohoyo himita hatak haleli keyu hosh chakalit vlla nakni o shola he; mikma hohchifo ha Immanuel, yvmmvt tosho-wak mvt, Chihowa hvt piba fok, achi mak o okla hochifa hi oke, achi tok mak o ont ai ghla chi ho, ilvppa moma kvv yvmmohmi tok.

24. Yohmi ma Chosef vt nusi tuk vt okcha mvt, Chihowa im enchil vt ai i miha tuk mak o yvmohmi mvt, tekchi a ilauei tok.

25. Yohmi kia ik it apoto kisha ho, vlla-nakni ishi ahpi kvv sholi tok: mihma hohchifo ha Chisvs hochifo tok.

CHAPTA II.

Fochik in tikba hika ho hatak hopoyuksa vhleha hvt hvshi akochaka imma mintit Chelusalem a vla cha, 11; vloai Chisvs a aiokpvchi, 14 micha i yakni a falamvt ilhkoli. 15 Chosef vt Echip ia chi ka enchil osh im anoli. 16 Helot vt Chisvs a hot vbi bvna; vlla chipota moma Behlehem a ai vbi. 23 Chosef vt Chutea yakni falamvt ia chi ka enchil osh im anoli no Nasalet ak o ont ai anta.

1. CHISVS vt Helot miko ai ahanta nitak o Chutea yakni Behlehem tmaha ha ai vta ma hatak hopoyuksa vhleha hvt hvshi akochaka imma mintit Chelusalem a ai vla mvt,

2. Chu okla i miko vta tuk mvto katimak o ituyula cho? i fochik a hvshi akochaka imma ya il a pihisa tuk osh aiokpvchit il itvnowa hatuk oke, achi tok.

3. Miko Helot vt ilvppa puta ka haklo mvt, Chelusalem okla moma aiena kvv komunta tok.

4. Micha na holitompa isht a_{sha} pehlich_i puta, micha okla nan i holissochi v_{hleha} moma ka itahobit taiyahli mvt, kanima yo Klaist vt ai v_{tta} hinla hatuk a im a ponaklo tok.

5, 6. Mihma Chutea yakni Behlehem ak oke; hopaii holissochi kv_t, Behlehem chia Chuta yakni ish talaia hokvt Chutea i m_{iko} v_{hleha} aiasha ka moma chik a lauwo ho ke-yushke; chishno ak o m_{iko} vt chi atoba hosh vm okla Israel oka ish pehlich_a he mak oke, achi tok oka, okla im achi tok.

7. Yohmi ma Helot vt hatak hopoyuksa v_{hleha} ha lumvt pit hoyo cha, kaniohmi fehna kash o fochik vt haiaka tuk a achukmalit im a ponaklo tok.

8. Micha Behlehem a pit tihleli mvt, Oh ia cha, vlo_{si} atukma achukmalit hvsh hoyashke; atuk osh hvsh ahayuchikmvt, anonti ant hv_s sv_m anoli na vno mvt ict ont ai okpvchi li ak inlashke, achi tok.

9. Mihma m_{iko} a haklot in taha mvt, okla ilhkoli tok: yohmi ma fochik hvshi akochaka imma a pihisa tuk ash o itikba takalit mahaya mvt, vlo_{si} ai itola ka paknaka ya ont takali tok.

10. Fochik a okla pisa mvt, nayukpa aiahli fehna mak osh okla na yukpa tok.

11. Micha aboha okla ont abeha mvt, vlo_{si}, micha ishki Meli aiena ka pisa mvt, aka hlipkvchit, yvmmak ash o okla aiokpvchi tok; micha im vlbihpo a tiwichi mvt, yvmmak ash o tvli-holisso-lakna, micha filakinsen, mikmvt mvh aiena ho okla habenvchi tok.

12. Mihmvt holhpokuna ho falamvt Helot a okla ik im ono ka hi a, Chihowa hv_t i miha hatuk o, hina inla ho vllh-
tot i yakni atuk akinli ho okla ilhkoli tok.

13. Mihma ai ilhkolit taha ma, Chosef vt holhpokuna ho, Chihowa im enchil vt ant i haiaka mvt, Tani cha, vlo_{si} mikmvt ishki aiena ka ishit malelit Echip a ish ona cha, yvmmak o ish ahanta tuk o, anumpa ishit chim aya lashke; Helot vt vlo_{si} a vbi bvnvt hoyo chi hoka, achi tok.

14. Mihma tani mvt, vlo_{si} micha ishki aiena kash ninak o pehlich_i cha, Echip a ia tok.

15. Chihowa hv_t hopaii isht ai anumpulit, Echip ak o

svso hā a hoyo li tuk, achi tok ā ont ai āhla chī ka, yvm-
mak q ahāshwa na Helot vt illi tok.

16. Yohmi ma Helot ash osh, hatak hopoyuksa vhleha
hvt ik ahobalo hq pisa mvt, anukhobela fehna cha, pit on
tiblelit, vlla chipunta Behlehem, micha auet a bilika maya
kvt afvmmi tuklo ai vhlit ola minti, hatak hopoyuksa vhleha
hā achukmalit im aponaklo tok vt pit ai it vlhpesa ka, mo-
minchit vbit tahli tok.

17, 18. Yvmohmi hoka Chelemaias hopaii vt anumpo-
honlit, Lama yā a yaiya, micha nishkin okchi minti, mikmvt
nukhaklo chinto, Lechel vt im vlla vhleha hvt iiksho hatuk
oka ishit yahāya mvt, hopohla hi ā ik ahno ka, takali na
haiyaklo tok oke, achi tok ā ont ai āhli tok.

19, 20. Yohmi tok kia Helot vt illi haya, Chihowa im en-
chil vt, Chosef vt holhpokuna hq Echip ā im a haiaka mvt,
Tani cha, vlōsi micha ishki aiena ka pehlichī cha, Israel okla
ī yakni ā ish iashke; vlōsi im ilhfiopak ā hoyo tok vt illi ho-
ka, achi tok.

21. Yohmi ma tani mvt, vlōsi micha ishki aiena kash peh-
lichī cha, Israel okla ī yakni ā vla tok.

22. Yohmi kia Akelavs vt īki vlhtobvt Chutea yā ī mīko
na haklo mvt, yvmma ona nukshopa tok: yohmi nana kia
holhpokuna ka Chihowa hvt nana ī miha hatuk oka, fullo-
vt Kalili ī kaniohmi hq ona tok.

23. Yohmi ka hopaii vhleha hvt anumpulit, Yvmmak
okvt Nasalet hatak vta hohchifa hi oke, achi tok ā ont ai
āhla chī ka, tvmaha Nasalet hohchifo hq ona cha, ahanta tok.

CHAPTER III.

Chan Baptist vt vba anumpa hā Chutea yakni haiaka isht anumpo-
honli, mihmvt baptismohonchi, 1. 13 Chisvs vt Chan ak q im a bap-
tismo; mihma Shilombish Holitopa yvt vba mintit onvtula.

1. NITAK yvmma foka ma Chan Baptist vt Chutea
yakni haiaka yā vbanumpa isht ai anumpohonlit aya tok;

2. Mihmvt, Uba apehlichika yvt olanlosi vla hoka, hvsh
ilekostininchashke, ahanchi tok.

3. Ilvppak o hopaii Esaias vt isht anumpulit, Achvfa hosh yakni haiaka ya ai anumpohonlit, Chihowa ataya hi a apoksiachit, i hina puta ka hvsh apissvlehashke, ahancha hi oke, achi tok mak oka.

4. Mihmvt Chan yvmmak okvt im anchi yvt Kamel hishi yosh toba ma, na-hakshup chuhlafa vskufvchi yo vskufaiya-chi tok; mihmvt im ilhpak vt hawa micha foi-bila aiena kak a tok.

5. Yohmi ma Chelusalem, micha Chutea pit a moma, mikmvt Chatan auet a bilika yakni moma ka asht a koh-chvt ivt;

6. Yvmmak ash o im ai onvt, nan im aiashvchika puta ilanolit, Chatan a ai im a baptismo tok.

7. Yohmi kia Falisi vhleha mikmvt Satusi vhleha aiena kvv lau hosh im a baptismot ai vla na pisa mvt, yvmmak ash o, Sinti chilita isht-atiaka hvchia ma! na palvmmi mi-hinti ka hvsh i hlakofa hi okvno kvta hosh hvchim anoli tuk oh cho?

8. Yohmi hokvt ilekostininchi ai itvlhpesa mak o vnit hvsh wayashke;

9. Mich a, Eblaham ak osh piki oka, acha hi okvno hvch ik il anukfillo kashke; Chihowa hvv tvli yak aiasha ka Eblaham im vlla ya chi ka ai ikba hinla hoke, hvchim achi lishke.

10. Yohmikma himak ak kia iskifa yvt iti puta akishtvla ya itonla hoke; yohmi hatuk o iti yvt vni achukma ho vnit waya keyu kvv moyumvt chavyt akakoha cha, luak pit itokaha chatuk oke.

11. Uno yokvto hvsh ilekostinincha chi mak o, oka ya ishit hvchi baptismochi li ho mvhlishke; yohmi kia auet siakavyt mihinti hokvto vno a shaiyahli, yvmma i shulush a isht im aya hi o si ahoba keyu hoke; yvmmak osh Shilombish Holitopa, micha luak aiena mak o ishit hvchi baptismochi hi oke.

12. Yvmmak osh i nan-isht-mvshahchi yvt ibbak a foyuka; yohmi hokvt i nan-anihichi yatuk ma achukmalit kashofit tahli cha, onush atuk ma kanchak a pit ashacha hi oke;

yohmi kia hakhlopish okvno luak moshola hi keyu mak o ishit hukma hi oke, im achi tok.

13. Yohmi ma Chisvs vt Kalili g vttvt minti hosh Chan g im a baptisma chi hosh Chatan g ai im ona tok.

14. Yohmi kia Chan vt yvmmak ash o im alvmmi mvt, Uno ak osh chishno g chim a baptismo la he si vlpiesa ka, anonti vno ak o is svm vla cho? achi tok.

15. Mihma Chisvs vt afalaminchi mvt, Himak okvno yakohma hi oka ish ahnashke: ai yakohmi hosh nana ai vlpiesa puta ka mominchit il aighicha he pim vlpiesa hoke, im achi tok. Yohmi ma vlpiesa, im ahni tok.

16. Yohmi na Chisvs vt baptismo mak inli hosh oka ya ai vttvt kocha ia tok; yohmi ma vba shutik vt auet in tiwa tok; mihma Chihowa imi Shilombish vt puchi yoshuba chiyuhmi hosh aka mihintit, yvmmak ash o ant o binili tok.

17. Yohmi ma vba shutik g auet ai anuhumpa kvv, Ilvppak osh svso g holitopa yo ilvppak o nan isht a sai yukpa mak oke, achi tok.

CHAPTA IV.

Shilomish osh Chisvs a ilauelit yakni haiaka isht ona: mihma nitak pokoli ushta ka nahullochi; micha Setan ak osh imomaka pisa: enchil vhleha hvv ant nan isht im anta, 1. 12 Kapenavm g Chisvs vt ai anta: mihmvt ile kostinincha he isht anumpohonli tok. 18 Pita, Antilu, Chemis, Chan aiena kvv nan im aithvna ya chi hv, Chisvs vt atokolechi. 23 Chisvs vt Kalili yakni g nan im avvchit a hlopullit, abeka puta atuk ma hlakofihinchi.

1. YUMOHMI ma Setan vt imomaka pisa chi ka, Shilombish vt Chisvs g yakni haiaka isht ia tok.

2. Atuk o yvmmak ash osh ik impo hosh nitak pokoli ushta cha ninak pokoli ushta aiena hv anta tuk osh, misha pila mvno hohchvfo tok.

3. Mihma imomaka pisa yash osh im vla mvt, Chihowa Ushi chia hokmvt, tvli yak maya kvv pvvka toba chi ka i mihā, im achi tok.

4. Yohmi kia yvmmak ash osh afalaminchi mvt, Hatak vt pvvka yak bano hv ai okchaya he keyu; amba anumpa

moyuma kv̄t Chihowa itih akohoncha kak a hi ɔ, holisso tok oke, achi tok.

5. Yohmi ma Setan ash osh ilaelit tmaha holitopa ya ont isht chukowa cha, tempel wishakchi yɔ ont ɔ hilechi tok.

6. Mihmvt, Chihowa Ushi chia hokmvt, aka pit ish ile pilashke; chi apesahancha ch̄i ka im enchil v̄hleha h̄a atohno na ibbak ɔ isht vba takalihinchit ehisht aya na nitak kaniohmi kia chiyi ya tv̄li isht chik ai isso ka hi ɔ, holisso tok oka, im achi tok.

7. Mihma Chisvs ash osh, Chitokaka Chin Chihowa hoka imomaka chik peso kashke, achi kv̄t holisso tok ak inli hoke, im achi tok.

8. Mihma anonti Setan ash osh ilaelit nv̄nih chaha fehna h̄o isht oiya cha, yakni apelichika moma, mikmvt nan-isht-im-aholitopa aiena ka pit pisachi tok;

9. Mihmvt, Aka hlipiv̄t is si aiokpuchi hokma, ilv̄ppa moma ka chima lashke, im achi tok.

10. Mihma Chisvs ash osh, Setan vt kanima iashke: chin Chitokaka Chihowa hak ɔ ish ai okpahanchikmvt, yvm̄mak illa h̄o ish im antiashke, achi kv̄t holisso hoka, im achi tok.

11. Yohmi ma Setan ash osh i filv̄mmi ma, enchil osh u v̄la cha, okla ant nan isht im anta tok.

12. Yvm̄ohmi tuk ɔ Chisvs vt, Chan vt aboha kv̄llo foka na haklo mvt, Kalili ɔ ia tok.

13. Atuk osh Nasalet ɔ issvt ia mvt, Kapenav̄m yvm̄mvt Sabulon yakni, micha Neftalim yakni aiena ont ai v̄hli okhv̄ta lapalika ak ɔ ont ahanta tok.

14, 15, 16. Yakohmi kv̄t hopaü Esaias anumpulit, Sabulon yakni, micha Neftalim yakni okhv̄ta lapalika, Chatan misha, Chentail okla i Kalili vt aiokhlileka ɔsha tuk vt tohwikeli ehinto pisa tuk; mihma isht aiilli yakni, micha isht-aiilli i ho-shontika maya tuk ɔ tohwikeli hv̄t i kohchvt takalishke, achi tok ɔ ont aighla he mak a tok.

17. Yvm̄ma foka aiv̄hlit mihinti ma, Chisvs vt vba isht anumpulit, Oh ilekostininchi; vba apelichika yvt olanlosi v̄la hoka, ahanchit ishtia tok.

18. Atuk osh Chisvs vt Kalili okheta lapalika nowvt aya tuk osh, itibapishi tuklo, Saimon Pita hohchifo, anonti nakfish Antilu itatuklot nvnihokli atuk osh nvnihokli a okheta pit okvchi hosh ashwa na pisa tok.

19. Mihmvt yvmak ash o, Hvs siakaiyashke, mikma hatok hokli o hvch ikbi lashke, im achi tok.

20. Yohmi ma mih makinli ho i nvnihokli a issa cha, yvmak ash o iakaiyvt okla tok.

21. Mihma yvmak ash vttvt ia hosh aya mvt, anonti itibapishi tuklo inla, Sebete ushi Chemis, micha nakfish Chan itatuklo kv iki Sebete a apihvt nvnihokli a apoksia hosh peni alhto na pisa tok; micha pit i howa tok.

22. Yohmi ma mih makinli ho peni, micha iki aiena kash o issvt, yvmak o iakaiyvt okla tok.

23. Mihma Chisvs vt Kalili a mominchit ayvt, i sinakak puta ka nan ai im avchit, apelihika isht anumpa hanta ya isht anumpohonli; micha okla hv abeka, micha haknip ik in chukmo im asha tuk a mominchit hlakofihinchi tok.

24. Mihma isht annoa kv Silia moma ka ont hlopulli tok; mihma okla hv abeka ilaiyuka puta isht issikkopa hatok; micha nan isht-ahullo okpulo ai i foka hatok; mihmvt tasimbo yatuk; micha palsi isht abeka yatuk moyuma ka okla isht im ai ona tok; mihma yvmak ash hlakofolichi tok.

25. Yohmi ma okla chinto Kalili minti, mikmvt Tekapolis minti, mikmvt Chelusalem minti, mikmvt Chutea minti, mikmvt Chatan misha minti aiena kv iakaiya tok.

CHAPTA V.

Chisvs vt nvnih chaha ya ai anumpuli. Yohmi kv kana hosh nan isht ilaiyukpa anoli, 11. 13. Khaist i yimmi vheha hv yakni i hvpi: 14 yakni a im a tohwikelika; tomaha yosh nvnih ai o talala ka chohmi; 15 pva hv chohmi. 17 Chihova i nanvhpisa ya Chisvs vt aighlicha chi hosh va. Kaniohmi hosh nanvhpisa isht hannali ka kobffi ka anoli. 27 Kaniohmi hosh nanvhpisa isht untuklo ka kobffi ka anoli. 33 Anumpa kv llo isht ile onochi im olvbbi. 38 Nukchintot nana ik achukmo ka a pim ahleka he pi miha. 43, pin tvvputa ka il i hulla he; 45 mikmvt nan ai ahla he pim anukfila he aiena ka pi miha.

1. **YOHMI** ma okla chito ka pisvt, nunih chaha yo pit oiya tok ; atuk osh ont binili ma, nan im ai ithvna vhleha hvt im ai ona tok.

2. Mihma itih ha wakvmmi cha, yvmmak ash im avchi mvt,

3. Chukvsh ilbvsha vhleha yokvto vba apelihchika yak osh immi hokvt nayukpvshke.

4. Nanukhaklo vhleha yokvto hopohla hi okvt nayukpvshke.

5. Anukhobela iksho vhleha yokvto yakni a isha he vhpesa hokvt nayukpvshke.

6. Ahopoyuksaka aiahni vhleha hvt hochahafu, itukshininla aiena hokvto, kaiya hi okvt nayukpvshke.

7. Nan i nukhaklo vhleha yokvto ilap ma i nukhaklo na pisa hi okvt nayukpvshke.

8. Chukvsh kashofa vhleha yokvto Chihowa ya pisa hi okvt nayukpvshke.

9. It i nanaiyvchi vhleha, yvmmak okvto Chihowa ushi hohchifa hi okvt, nayukpvshke.

10. Ahopoyuksaka pulla hatuk mak o isht i palvmmi vhleha yokvto, vba apelihchika yvt immi hokvt nayukpvshke.

11. Uno atuk pulla mak o hatak puta kv isht hvchi yopulvt, hvchi ilbvshachit, ghli keyu kia nana okpulo ilaiyuka puta ka isht hvchi mihahanchikma, na hvchi yukpvshke.

12. Nayukpvt hvchi yukpa fenashke : isht hvchim vltoba hi vt chinto hosh vba ya asha hoka ; hopaii vhleha hvchin tikba aiasha ka yakohmichit ilbvshachi tok mak oka.

13. Yakni i hvpi hvchia hoke ; yohmi kia hvpi hvt homi kv i kvnia hokmvt, nanta hak o isht a homa hinla cho ? yvmmak okvt himmakma nana ho isht ai vhpiesa he keyu ; amba kocha pit hlaya na hatak puta iyi yosh avhlihineha he ak o pulla hoke.

14. Yakni in tohwikeli hvchia hoke. Tvmaha chito yosh nunih chaha ai on talaia hokvt luma he keyushke.

15. Mikma hatak vt pula ha pulalikmvt, tanchi isht vlpisa nutaka yo talali chatuk keyu ; amba pula ai-o-hikia yo ai o

hilechi chatuk; yohmikma aboha anukaka maya ka mominchit tohwikelichi chatuk oke.

16. Hvchi pula hvt hatak puta itikba ya ik a tommi pulla na inla gsha kvv nana hvsh akaniohmi hochukma puta ka pisa cha, Iki vba binili ka holitoblashke.

17. Nan vlpisa, micha hopaii puta im anumpa aiena ha tok a okpvnit aya li tuk a, ik hvchim ahobo kashke; okpvni la hi osh aya li tuk keyu; amba aiahlichi la he mak a tok.

18. Ahli mak o hvchi miha lishke, Yakni, mikmvt vba shutik aiena hokvto ont ik ai iksho kia, vba nan vlpisa yvt moma ont ik a lauwo achvfona nana kia a kaniohmit aiokpuloka iksho mak osh, mpmvt ont aiahla he mak oke.

19. Yohmi hoka kvna hosh vba nan vlpisa ik a lauwo ilvpa puta ka achvfona ka kovffi cha, hatak puta kvv ai yv-mihcha chi ho im avvchi hokmvt, vba avehlichika aiasha ka moma ik a lauwo hohchifa he; amba kvna hosh mihma holitobli cha, inla ma isht im avvchi hokvto, mihi yosh vba avehlichika ya chito ont a hohchifa hi oke.

20. Hvchi avvhpiesa kvv na-holissochi vhleha, micha Falisi vhleha aiena ka i shahli ho keyukmvt, nana hosh a kaniohmi kak o vba avehlichika ya ont hvsh chukowa he keyu hoke, hvchim achi lishke.

21. Nitak tikba aiasha kvv, Kvna kia ish bi na: kvna hosh inla vbi hokv nan vlpisa yo isht im ahlekashke; achi tok a hvsh hgvlo chatuk.

22. Amba vno vto, Kvna hosh nana hosh a kaniohmi keyu ho, itibapishi ha i nukkilli hokmvt, nan vlpisa yo isht im ahlekashke: mikma kvna hosh itibapishi ha, Ik chi ahobo, im achi hokmvt, nan vlpisa kvv i shahli ho isht im ahleka he: amba kvna hosh, Im anukfila iksho chia hoka, im achi hokvto aiokpuloka luak o ont isht im ahleka hi oke.

23. Yohmi hoka vba chi nan-isht-aiokpvchi ya ieszit alta ya ish ona kvv, ish itibapishi ha nana ish i kaniohmi tuk a gsha ka ish ithaiyana hokmvt;

24. Uba chi nan-isht-aiokpvchi ash alta itikba yo ish bohli cha, kvv tikba ish itibapishi ak o ont ish it i nanaiya ha yosh, kvv, vba chi nan-isht-aiokpvchi ash pit isht ish aiokpvchashke.

25. Nan v_lhpisa chi onochi yatuk ma ap_ehvt ish maya takla kak osh, t_ushpvt ish it ibai achvfashke ; keyukma nitak kani_ohmi kash inli h_o nan v_lhpisa chi onochi yash osh chisht nan apesa ibbak a chi fohkikma, anonti nan-apesa yash osh nanv_lhtoka ibbak a chi fohki na aboha kv_llo ya ish fohka he mak oke.

26. Ahli mak o chi miha lishke, Ont ishtaiyopi fehna ka atobbit ish kaiyanchi h_o keyukmvt, kani_ohmi kak osh yvm-mak atuk a ish kohcha he keyu mak a hi oke.

27. Nitak tikba aiasha kv_t, Hvsh it in lumaka na ; achi tok a hvsh haklo chatuk.

28. Amba vno vto, Kvna hosh ohoyo ha i nukvli hosh pisa hokvt, chukvsh anukaka ya isht in lumaka mashko hoke, hvchim achi lishke.

29. Micha chi nishkin isht impak-imma yvt chi ibetvblichi hokma, halvllit kohchit ish kanchashke : chi nana achvfona hosh okpulo kia, chi haknip vt momvt aiokpuloka ik aiyo ka he ak osh chim v_lhpesa hoke.

30. Mikmvt chibbak isht impak-imma yvt chi ibetvblichi hokma, bvshlit tvplit ish kanchashke ; chi nana achvfona hosh okpulo kia, chi haknip vt momvt aiokpuloka ik aiyo ka he ak osh chim v_lhpesa hoke.

31. Kvna hosh tekchi a kanchikmvt, it i kvnia holisso ha imashke ; achi tok a takalishke.

32. Amba vno vto, Kvna hosh tekchi vt lumaka tuk o keyu h_o kanchikmvt, haui ikbicha he : yohmikma kanchi haya kvna hosh itauwayakmvt, haui toba mak a hi oke, hvchim achi lishke.

33. Micha anonti, nitak tikba aiasha kv_t, Anumpa kv_llo ish ile onochi tuk vt chik kobvffo kashke : amba anumpa kv_llo ish ile onochi tuk okvt Chitokaka ya ish im aiahlicha hi oke ; achi tok a hvsh haklo chatuk.

34. Amba vno vto, Anumpa kv_llo chik ile onochi kv_mohmashke ; vba shutik ak kia pit isht chik ai a miho kashke ; yvmmak okvt Chihowa im aiasha mak oka :

35. Mikmvt yakni vt iyi im ai-o-heli mak oka, yvmma isht chik ai a miho kashke ; anonti Chelusalem a isht chik ai a

miho kashke; yummak okvt Miko chito in tumaha ch.to yoka :

36. Micha chi noshkobo ak kia isht chik ai a miho kashke; chi pashi achvfa kia ish tohbichikmá, ish lusachikmá, nana he keyu hokvt :

37. Amba chim anumpa hvt Ome, ome; Keyu, keyu; achi aiena kak ashke : ilvppak o nana kvnt ont atampa hokvt o nana ik vlhpeso mak o a minti hoke, hvchim achi lishke.

38. Nishkin atuk ma, nishkin makinlashke, mikmvt noti atuk ma, noti makinlashke; achi tok a hvsh haklo chatuk :

39. Amba vno vto, Nan ik vlhpeso ka chik i sanalo kashke; amba kvna hosh chitisopi isht impakimma ya issokma, in tvnvp ma pit ish i weli makinlashke.

40. Micha hatak nana kia nan vlhpisa chi onochi cha, chim ilefoka ya chim ai ishikma, chim anchi ma ik ishi, ish im ahni akinlashke.

41. Micha kvna kia awant ivt kowi achvfa ka ish ona pulla hi a chim ahnikma, awant ivt tuklo ho ish onashke.

42. Nana chim asilhhakma, ish imashke : mikmvt chim a pota bvna hoka, chik i shanaiyo kashke.

43. Chin chukapanta hatak a ish i hullo cha, chin tvnvp okvno ish i nukkillashke; achi tok a hvsh haklo chatuk.

44. Amba vno vto, Hvchin tvnvp vhleha ha hvsh i hullo cha, nana okpuloka hvchim anukfillit miha aiena ka, nana achukma ho im ahnit hvsh mihashke; hvchi nukkilli ma ai achukma hi o isht hvsh i yvmohmikmvt, hvchi kanimachit, hvchi ilbvshachikma, vba isht hvsh anumpohonlashke.

45. Yakohmi hosh hvch Iki vba binili ka im vlla hvchia hi oke : yummak okvt i hvshi atuk ma nan ik vlhpeso, micha na-hochukma aiena ka i kohehinchikmvt, kocha umba ka nan-aiqli hochukma, mikmvt nan ik ahlo aiena ka auet i pilinla chatuk oka.

46. Hvchishno a hvch i hullo ho hvsh i hullo hokvt, nanta hosh isht hvchim vlhtoba ho? pvblikan vhleha ak kia yummak okvno yohmi akinli chatuk keyu ?

47. Micha hvsh itibapishi vhleha ak bano ho hvsh aiokpvchi hokmvt, inla a sha ka nantak o isht i shahlichi hosh

huchi yvmohmi h_o? publikan vhleha ak kia yohmi ak inli chatuk keyu?

48. Yohmi hoka aiahli huchi achukma kv_t, huch Iki vba binili kv_t aiahli achukma kak inli h_o hvsh chiyuhmashke, hvchim achi lishke.

CHAPTER VI.

Chisvs vt nvnih chaha ai anumpuli tuk vt a moma. Yohmi kv_t na habenvchi, 1, 5 anumpa ilbvshvt asilhha, 14 nan ai-ashvchi puta ka i kashofa he, 16 na hollochi aiena ka isht anumpuli, na pim ilayak kanima y_o il a boyula hi a pim anoli, 24 i shahli h_o tuklochit il ai okpvcha he keyu ka miha, 25 yakni paknaka nana a kaniohmi ka ai isht im anukfilvt isht ik ilbvsho hosh, 33 amba Chihowa apelihchika yak o na tikba e hoya hi a miha.

1. **AHAH!** hvsh aiahnit na hvsh habenvchi kv_t, huchi pisa ch_i ka, hatak puta itikba y_o hvch ik a yvmihcho kashke; yvmak keyukmv_t hvch Iki vba binili ka im a hvchim vlhtoba hi o keyu hoke.

2. Yohmi ka na hvsh habenvchi kv_t, isht-pufa ya chi tikba y_o ai olachit, nan-ilahobi vhleha hokvto hatak puta kak o im a holitopa ch_i hosh sinakak anukaka, micha ai itvnowa puta ka a yvmohmi chatuk oka, hvch ik chohmo kashke: ahli mak o hvchim achi lishke, yvmak okvto im vlhtomba chatuk oke.

3. Amba nana ish habenvchi hokmv_t, chibbak isht impakimma yvt nana kaniohmi ka, chibbak vlhfvbeka yvt akostinicha hi a chik im ahno kashke.

4. Yohmi na nan ish habenvchi ka a lumakashke; yohmikma Chiki alumaka a pisa yvt ilap inli hosh otvnichi achukma hosh chim atobba hi oke.

5. Micha vba pit ish anumpuli hokvt, nan-ilahobi vhleha hokvno chik chohmo kashke; yvmak okvto, hatak vt pisa ch_i ka, sinakak anukaka, ai itvnowa ai itai okhvkvchi aiena kak o hiohmavvt vba pit anumpuli kak osh im achukma chatuk oka; ahli mak o hvchim achi lishke, yvmak okvto im vlhtomba chatuk oke.

6. Amba chishno vba pit ish anumpula chi hokvto, chim abohushi pit ish chukowa cha, okhissa ya pit ish akvmmik-mvt, Chiki ai-alumaka ai ahanta yatuk ma pit ish im asilh-bashke; yohmikma Chiki alumaka apisa yvt otvnichi achukma hosh chim atobba hi oke.

7. Yohmi kia vba pit hvsh anumpuli hokvt it vbillit mih-iba kv, oklushi nan ik ithano ak okvno hvch ik chohmo kashke; yvmmak okvto anumpuli fehna kak o, hakla hinla, im ahoba cha tuk oka.

8. Yohmi hoka yvmmak oka hvch ik holbo kashke; nana a hvchi bvna puta hokvt hvch ik im asilhho kisha kak inli ho, hvch Iki vt ithana hoke.

9. Yohmi hoka yakohmichi hosh vba hvsh anumpu-lashke: Piki vba ish binili ma! Chi hohchifo hv holito-pashke.

10. Ish apelihchika yvt vlashke. Nana ish ai ahni ka yakni pakna ya a yohmi kv, vba yakni a yohmi mak o chiyuhmashke.

11. Himak nitak ilhpak pim ai vhpesa kako ish pi ipetashke.

12. Mikmvt nana il aheka puta ish pi kashofi kv, pish-no vt nana pim aheka puta il i kashofi chatuk a ish chiyuh-michashke.

13. Mikmvt anukpvlika yoka ik ia chik pim aiahno hosh, amba nan-okpulo a ish pi a hlakofihinchashke: Apehlichika, mikmvt nan-isht-aiagli, micha isht aholitopa aiena kv chimmi a bilia yoke. Amen.

14. Hatak nan ai ashvchika puta ka hvsh i kashofi hokma, hvch Iki vba binili kv hvchishno ma hvchi kashofa hinla ak inli hoka.

15. Amba hvchishno vt hatak nan ai ashvchika puta ka hvsh i kashofi keyu hokma, hvch Iki vba binili kak kia na hvchim ai ashvchika puta ka hvch i kashofa he keyu hoke.

16. Yohmikmvt anonti, nana hvsh hullochi kv nashuka ilapissa, nan ilahobi vhleha hoka hvch ik chohmo kashke; yvmmak okvto na hullochi kv hatak puta im otvna chi

kv̄t, nashuka ȳa ilapissachi chatuk oka. Ahli mak o hv̄chi miha lishke, yv̄mmak okv̄to im vlhtomba hoke.

17. Amba chishno v̄to nan ish hullochikm̄vt, chi noshkobo ish ahv̄m̄mi cha, chi nashuka ma ish achifashke.

18. Yohmi cha hatak puta kano na hullochi h̄o chik i holbo hosh, amba ai alum̄aka ai ahanta Ch̄iki ak illa h̄o ish im otvnashke; yohmikma Ch̄iki ai alum̄aka a p̄isa yatuk m̄vt, otvnichi achukma hosh chim atobba he mak oke.

19. Hv̄chim ilayak puta ka yakni paknaka nanilayak sh̄ushi, micha na-lakna aiena kv̄t ai okpv̄ni chatuk, micha hukopa puta yv̄t tiwit isht chukowv̄t a hukopa ȳa hv̄chik ai atahlo kashke.

20. Amba hv̄chim ilayak puta ka v̄ba yakni nanilayak sh̄ushi, micha na-lakna aiena kia ai okpv̄ni keyu, mikma hukopa puta kia tiwit isht chukowv̄t a hukopa keyu ak o hv̄sh ai atahlashke.

21. Kanima yo hv̄chim ilayak vt itonla hokma, hv̄chi chukv̄sh ak kia mihi yo pit takanla hinla ak inli hoka.

22. Haknip a i p̄vla hv̄t nishkin ak oke. Yohmi hatuk o chi nishkin vt achukma hokma, chi haknip vt momv̄t tohwikelit alotowa hinla hoke.

23. Amba ohi nishkin vt ik achukmo hokma, chi haknip momv̄t okhlilit alotowa he. Yohmi ka tohwikeli ch̄i foyuka, yv̄mmak atuk vt ont okhlieli hokma, okhlili yv̄m̄vt chinto fehna nana mak ahinla keyu?

24. Hatak nana kia i shahli h̄a tuklochit holitobla he keyu; achv̄falit i nukkilli cha, achv̄fa yak o holitobla hinla; keyukm̄vt achv̄falit pit halanli cha, achv̄fa yak o kanimancha hinla hoke. Chihowa micha Mammon it aieninchit hv̄sh holitobla he keyushke.

25. Yohmi hoka hv̄chi ai okchaya hi a nana h̄o hv̄sh pa he, micha nana h̄o hv̄sh ishka he aiena; mikm̄vt hv̄chi haknip ma nana h̄o hv̄sh fohka hi a anukfillit isht hv̄ch ik ilbv̄sho kashke, hv̄chim achi lishke. Ilhfopak vt ilhpak a i shahlikma, anonti haknip vt nafohka ȳa i shahli h̄o keyu cho?

26. Hushi v̄ba itv̄nowa h̄o ho pesá: yv̄mmak okv̄t nana

ho hokchi keyu, anonti vmot, kanchak kia pit ashachi ho keyu; yohmi kia vba hvch Iki vt yvmma ipehinta hoke. Holitopa kvv yvmma hvsh i shahli fehna ho keyu?

27. Hvsh katima kak osh anukfihinlit isht ilbvsha kvv hvchi chaha ka kubit achvfa kia hvsh il achakala hinla cho?

28. Micha nanta katiohmi ho na fohka ya anukfihinlit isht hvsh ilbvsha cho? Na pakanli hochukma lilli oktak aiasha kvv kaniohmit offo hoka anukfihinlit ho pesá: yvm-mak okvt toksvilit a hoyvbli keyu, anonti nana ho shvnni keyushke.

29. Yohmi ak inli kia Solomon ak kia nan-isht im a holitopa moma isht a shema kvv ilvppa achvfona kia chohmi tok keyu, hvchim achi lishke.

30. Yohmi ka hvshuk himak nitak ano oktak aiasha tuk osh onna ha apalvska vlhpita chi kia, Chihowa kvv she-mvchi kvv yvmihchi kvto, hvchishno a i shahlichu hosh ik hvchi shemacho ka hinla cho? na yimmi fehna keyu hvchia ma!

31. Yohmi hoka anukfihinlit isht ilbvshvt, Nantak o e pa chi? mikmvt nantak o iloh ishka chi ho? micha nantak o eho fohka chi cho? hvch ik acho kashke.

32. Ilvppa puta kak o okla nan ik ithano vbleha kvv hoyo chatuk oka; ilvppa moma ka a hvchi bvna hokvno vba hvch Iki vt ithana hoka.

33. Amba Chihowa apehlichika, micha nan isht im ai vlhpiesa aiena kak o tikba hvsh hoyashke; yohmikma ilvppa moyuma kvv hvchim aiena he mak oke.

34. Yohmi hoka onna ha ya hi a nana pit anukfihinlit isht hvch ik ilbvsho kashke; onna ha yokvto ilapo inli nan isht il ai anukfihinlit isht ilbvsha hi oka. Nana ik ai achukmo itonla kak osh nitak oka im vlhpesa hoke.

CHAPTA VII.

Nvnih chaha Chisvs vt anumpuli tok osh a moma; yohmi kvv himakfokalechit inla ya na mihacha chi ka imolvbbi, 1; 6 micha nana kvv holitopa hokvto ofi puta, keyukmvt shukha aiena ka pit ik in hlatapo ka he miha, 7 anumpa ilbvsha ishit asilhha

ka miha, 13 oklussa iskvtnosi, micha hina ik p̄rtho, mikm̄vt okhissa chito, micha hina p̄rtha isht anumpuli. 15 Hopaii ilahobi ya ahah! im ahna he, 21 vbanumpa haklo illa he keyu, amba im antia he; 24 t̄li chito chuka yvt ai it̄vbana chatuk ā chohmi; mikma kvna hoh kia ī yimmi keyu hokvt chuka yvt shinuk ō ai it̄vbana chatuk ā chohma hi ā miha.

1. HUCHISHNO ā nana ik hvch ī mihacho ka chi ka, inla ya nana hvch ik mihacho kashke.

2. Kanimihchit inla ya nana mihachi hosh hvsh mihachi tuk ma, hvchishno ma isht hvch ī mihacha he; mikm̄vt isht v̄lhpisa nana h̄o isht hvsh apesa tuk mvt, hvchishno mvt isht hvchim v̄lhpisa he akinli hoka.

3. Michā nanta katiohmi h̄o na hishonluk iskvtnosi kv̄t ish itibapishi nishkin a f̄oka na ish pisa ho kak osh, anonti iti chito yvt chi nishkin ak inli f̄oka kano chik akosti-nincho .cho ?

4. Michā katiohmi h̄o iti chito yvt chishno chi nishkin ak inli h̄o f̄oka ka, ish itibapishi h̄a, Na-hishonluk iskvtnosi ka chi nishkin ā ai ishit ak kohchī, ish im acha hinla cho ?

5. Nan ilahobi chia hoka, chishno chi nishkin ak ō t̄ikba iti chito ā ish a kohchashke; yohmikmak osh ish p̄isa achukma cha na hishonluk iskvtnosi ka ish itibapishi nishkin a f̄oka tuk a ish a kohcha hinla hoke.

6. Nana kv̄t holitempa hokvno ofi puta ma pit hvch ik imokm̄vt, anonti hvch ī na holitopa puta hatuk ma shukha itikba ya hvch ik ashacho kashke; yvmmak keyukma yvmmak ash ō iyi isht a hvhlichī cha, anonti filem̄vt hvchishno ash ō hvchi okpvna hinla hoke.

7. Hvsh asilhhakma, hvch ima he; hvsh hoyokm̄vt, hvsh ahayucha he; hvsh sokohakma, hvchin tiwa he oke.

8. Asilhha aiyuka hokvto ishi bano hoke: mikma kvna hosh hoyo hokvto, abayuchi hoke; mikma kvna hosh sokoha hokvno, in tiwa pulla hi oke.

9. Yohmi ka hatak hvsh katima kak osh, ushi osh p̄vska im asilhha ka, t̄li yō isht ima hinla h̄o ?

10. Keyukm̄vt nvni yō asilhhakma, sinti yō isht ima hinla cho ?

11. Yohmi ka nan ik ai vlpeso hvchia kia hvchim vlla ya na hochukma isht ima kv̄t hvchimponna chatuk a, im asilhha hoka hvch Iki vba binili kv̄t na hochukma isht ima kv̄t i shahlichī ik fehno ka hinla ho ?

12. Yohmi hoka nan-okluha ka hatak puta kv̄t hvchim a yvmohma hi a hvsh aiahni hosh, mih mak o hvsh ai i yvmohmi mak inlashke: ilvppak o nan vlpisa, micha hopaii puta aiena kv̄t miha hoka.

13. Okhissa iskv̄tinosi ak o hvsh ai abehashke; okhissa yvt chito cha, hina mvt pv̄tha hosh aiokpuloka ya ona hatuk o, yv̄mma ai abeha kv̄t laua hoke.

14. Okhissa yvt iskv̄tinosi cha, hina mvt ik pv̄tho hosh ai okchaya ya ona hatuk o, ik lauwo hosh yvmmak oka aha-yuchi hoke.

15. Hopaii ilahobi vhleha chukv̄lhpoba i na fohka fohka hosh hvchim ai vla kia, anukaka yokv̄to nashoba isikopa vhleha mak oka, ahah! hvsh im ahnashke.

16. Ilap vni kak o isht hvsh akostininchi pulla hi oke. Hatak vt kv̄ti hak o paki a ai vmo chatuk o? micha fik a shumvti ak o ai vmo chatuk oh cho?

17. Yvmmak inli ho chohmit iti hochukma moma kv̄t vni hochukma ho vni chatuk; amba iti okpulo yokv̄to vni yvt okpulo yo vni chatuk.

18. Iti achukma yvt vni okpulo yo vna he keyukma, anonti iti okpulo vt vni achukma ho vna he keyushke:

19. Iti vt vni achukma ho vni keyu hokv̄to momvt chayvt akakoha cha, luak itokaha chatuk oke.

20. Yohmi hoka ilap vni ak o isht hvsh akostininchi pulla hi oke.

21. Chitokaka ma! Chitokaka ma! vm achi kak osh momvt vba yakni a chukowa hi o keyushke; amba Aki vba binili nan aiahni ka yvmohmi tuk mak a hi oke.

22. Nitak yv̄mma fehnamma Chitokaka ma! Chitokaka ma! chi hohchifo ha nan isht anumpulit, chi hohchifo ha nan-ishtahullo okpulo puta isht kocha welit, anonti chi hohchifo ha na fehna laua ka isht il a yvmihchi tok keyu cho? vm achi kv̄t laua hi oke.

23. Yohmikma otovichit, Nitak nana ashq huch ithana li tuk keyu, nan ik vlhpeso yohmi hvchia hv̄t a filv̄mmit misha oh ia chá, im achi la hi oke.

24. Yohmi hoka kv̄na hosh v̄m anumpa ilv̄ppa puta hatuk ma haklo cha, mihma yvmohmi ka, hatak hopoyuksa yosh tvli paknaka ȳo in chuka a talali tok a it apesa lashke.

25. Yohmi tuk o umba hatuk mv̄t aka ituyula na okchitot vla ma, anonti mahli hv̄t mahli cha, chuka yvm̄mak ash ai ihiso ka, tvli paknaka ȳo ai itvbana hatuk okv̄t, ik akamo ki tok.

26. Yohmikma kv̄na hosh v̄m anumpa ilv̄ppa puta hatuk ma haklo cha, mihma ik yvmohmo hokv̄to, hatak ik hopoyukso yosh in chuka ya shinuk paknaka ȳo a talali tok a it vlhpisashke.

27. Yvmohmi tuk o umba hatuk mv̄t aka ituyula na okchitot vla ma, anonti mahli hv̄t mahli cha, chuka yvm̄mak ash ai ihiso ma, akama tok ; micha okpuloka kv̄t aighli tok oke, ahanchi tok.

28. Atuk o yakohmi tok ; Chisvs vt ilv̄ppa ahanchit ont in taiyaha ma, nan isht im av̄vchi tuk a okla hv̄t anukhla-kancha tok.

29. Im ai vlhpesa mak osh nana im av̄vchi tok ; amba na holissochi vhleha hokv̄no ik chohmo ki tok.

CHAPTA VIII.

Chisvs vt leposi vbi ya hlakofichi, 1. 5 Mikmv̄t sintuliyv̄n in tishu ha hlakofichi. 14 Chisvs vt Pita tekchi ishki, micha inla aiena ka hlakofichi. 18 Mahli chito ya yokov̄vchi. 23 Michā kaniohmi hosh il iakaya he pim anoli : 28, nan isht ahullo okpulo vhleha ha Chisvs vt kocha weli ma ; nan isht ahullo okpulo vhleha hash osh shukha laua ya iba chukowa.

1. **ATUK** osh nv̄nih chaha ya v̄ttv̄t akowa ma, okla chinto kv̄t iakaiya tok.

2. Mihma leposi vbi yosh v̄lv̄t ant aiokv̄vchi mv̄t, Chitokaka ma ! vlhpesa ish ahni hokmv̄t, is sa kashofa hinkv̄shke, achi tok.

3. Mihma Chisvs vt ibbak a pit weli cha, potoli mvt, Uhpesa ahni lishke; chi kashofashke, achi tok. Yohmi ma leplosi yash osh ashalika i kashofa tok.

4. Yohmi ma Chisvs vt, Ahah! ish ahni cha, hatak nana kia chik im anolo kashke; amba okla isht im otvna chi ka, Moses nana apesa tok vba isht aiokpvchi a isht ivt, na holi-tompa isht asha ak o ont ish ile haiakachashke, im achi tok.

5. Atuk osh Chisvs vt Kapenavm a ont chukowa ma, sintuliyvn vt mintit im vla tok.

6. Micha im asilhvvt, Chitokaka ma! an tishu hvvt palsi isht abeka hosh issikkopa fehna kvvt chuka ya itonlvshke, achi tok.

7. Mihma Chisvs vt, Ia lish ont hlakofichi lashke, im achi tok.

8. Mihma sintuliyvn ash osh afalaminchi mvt, Chitokaka ma! vm aboha ya ant ish chukowa he si ulhpesa keyu hoke; amba anumpa illa ho ish anumpuli kia, an tishu hatuk mvt hlakofa hinlvshke.

9. Uno yokvt hatak tvshka chipota vhleha pehlichit i shahli nutaka ahanta chatuk sia hoke; yohmi kvvt ilvppak atuk ma, Ia, im achi likma, ia hoke: mikmvt inla ho, Minti, achi likma, minti hoke: mikmvt an tishu ha, Ilvppa yakoh-michi, im achi likma, yvmihchi chatuk oke.

10. Chisvs vt yvmma haklo kvvt nukhlakancha mvt, apihvt aya kash o, Ahli mak o hvchi miha lishke; Israel okla ak oh kia nayimmi chinto yakohmi ka ak a pesoshke.

11. Yohmi ka, Hvshi akochaka, mikmvt hvshi a opiaka aiena ka a minti kvvt laua hosh vba apehlichika ya ai vlvvt Eblaham, micha Aisaak, mikmvt Chekob aiena ka ant ai itv-pehvt binohla hi oke, hvchim achi lishke.

12. Yohmi ka ilvppa apehlichika im vlla yatuk okvno kocha aiokhlilika ka pit kampila he; yvmmak oka a yabavvt noti ma ahampa hi oke, im achi tok.

13. Mihmvt Chisvs vt sintuliyvn ash o, Ish iashke: yoh-mikma isht a chi yimmi hatuk oka, mih mak osh a chi yvmohmashke, im achi tok. Mihma in tishu hatuk vt hvshi kanvlli vlvpisa mih mak inli ho hlakofi tok.

14. Atuk o Chisvs vt Pita in chuka ya ont chukowa mvt, yvmma tekchi a ishki vt yvnhvt abeka hosh itonla na pisa tok

15. Mihmvt ibbak a pit potoli ma, yvnhv kvt shipvchi tok: mihma yvmmak ash osh wakaya mvt, nan isht im vtta tok.

16. Atuk o opivt taha ma nan isht ahullo okpulo ai i foka puta kvt laua ho isht im ai ona tok; yohmi ma shilombish okpulo puta kash im anumpa hak o isht koche weli mvt; abeka yatuk a mominchit hlakofichi tok.

17. Yvmmvt hopai Esaias vt anumpulit, Ilap ak inli hosh nan isht ik pi ai iksitopo puta ka pim ai ishit, nan isht pi abeka a puta ma isht pi kanchishke, achi tok a ont ai ghla chi mak a tok.

18. Yohmi ma okla chito fehna kvt ahevvt ai asha na Chisvs vt pisa mvt, misha in tvnrvp ak o ilhkola hinla ka miha tok.

19. Mihma na holissochi achvfa hosh vla mvt, Nan ithv-nanchi ma! kanima yo chik aya kia, chiakaiya la chi mak oke, im achi tok.

20. Mihma Chisvs ash osh, Chula puta kvt chiluk vt im ashakma, vba hushi puta kvt vlhpichik vt im asha hoke; amba Hatak Ushi okvto noshkobo ha kanima a bohla hi vt ik im iiksho hoke, im achi tok.

21. Mihma nan im ai ithvna vhleha hash osh achvvt, Chitokaka ma! vmmona kano ivt, aki a ont hohpi la hi a, vlhpesa is svv ahnashke, im achi tok.

22. Yohmi kia Chisvs ash osh, Is siakaiyashke; yohmik-ma illi ak osh ilap bika illi yokvno hohpashke, im achi tok.

23. Mihmvt peni chukowa ma, nan im ai ithvna vhleha hvv iakaiya tok.

24. Atuk o mahli kvllv fehna kvt okhvta ha a tovt koche ma, peni ash o oka banvtha kvt isht ompohomo tok; yohmi kia yvmmak ashot nusi hosh itonla tok.

25. Mihma nan im ai ithvna vhleha hvv im ai vlvv ant okhvli mvt Chitokaka ma! ish pi okchalinchashke; pilli mak oke, achi tok.

26. Mihma yvmak ash o, Na-yimmi felna keyu hvchia ma! na katihmi ho hvchi nukshopa cho? im achi tok. Micha tani mvt, mahli mikmvt okhvta aiena kash im alvm-mi tok; mihma yokopa ai ghlit talala tok.

27. Yohmi ma hatak ash osh okla nukhlakancha mvt, ilvppvt hatak katiohmi hatuk okak o, mahli micha okhvta aiena hokak kia im antia cho? im achi tok:

28. Atuk o misha in tvnrvp Kekesenes yakni a ona ma, nan isht ahullo okpulo ai i fokta kvt tuklo hosh anuksho-munta fehna hatuk o, hatak nana kia yvmma imma ka ont ia he keyu chatuk o, hatak illi aiasha ya ashvvt kohchvt minti hosh ont afama tok.

29. Mihmvt tahpvvt okla mvt, Chisvs, Chihowa Ushi chia hvv nanta ho isht ish pi ahalaia cho? ik ai ono kisha ho, ish pilvshacha chi hosh ilvppa ish la hoh cho? achit okla tok.

30. Yohmi ma shukha laua kvt impa hosh auet i hopaki ka ai asha tok.

31. Yohmi hatak o nan isht ahullo okpulo vhleha hash osh im asilhha mvt, Ish pi kocha weli hokmvt, ivt shukha laua ya ont il abeha he ak o ish pim ahnashke, achi tok.

32. Mihma, Hvsh iashke, im achi tok; mihma kocha wiha mvt, shukha laua yash o, ont abeha tok; mihma shukha laua yash osh momvt yihlepa fehvt okhvta sakti chaha yo pit ai oka kahvt ok ai illit taha tok.

33. Mihma apesvchi vhleha hatuk vt yihlepvvt, ilhkolit tvmaha ona cha, nana ka mominchit anoli tok; micha nan isht ahullo okpulo ai i fokta tuk vt nana im a kanihmi tuk a aieninchit anoli tok.

34. Yohmi ma tvmaha hash osh momvt Chisvs a afamvt ilhkoli tok; atuk osh yvmak ash o okla pisa mvt, i yakui a a kohchvt aya hinla ka okla im asilhha tok.

CHAPTER IX.

Chisvs vt palsi isht abeka ya h_lakofichi, 1. 9 Chisvs vt Mahlu j howa; micha Falisi v_hleha h_g Mahlu im ai impa a_sha mvt ai it im anumpuli. Chisvs vt Chan nan im ai ith_vna v_hleha na hullochi imma ka isht anumpuli. 18 Chisvs vt na peh_lichi ushetik vt illi tuk g okchalinchit tanichi: micha ohoyo hvt issish umbokafa isht abeka tuk g h_lakofichi. 27 Micha hatak nishkin l_vpa tuklo h_o j fatummi. 32 Chisvs vt hatak ik anumpolo nan-isht ahullo okpulo ai j f_oka yatuk g im achukmali: mikmvt okla puta kash j nukh_gklo.

1. YOHMI ma yvmmak ash osh peni o pit chukowa mvt, pit tanv_bli cha, ilap in tv_maha ak inli h_o ona tok.

2. Mihma hatak vt palsi isht abeka hosh potv_lhpo pakna itonla h_o okla isht im v_la tok; mihma Chisvs vt okla na yimmi ka pisa mvt, palsi isht abeka ash o, Svso ma! chi yukpashke; n_a chim ai-ashvchika puta kv_t ch_i kashofa hoke, im achi tok.

3. Yohmi ma na holissochi v_hleha kaniohmi kv_t, Hatak ilvppvt nan ik ahobalot anumpulishke, chukvsh anukaka okla ahni tok.

4. Yohmi ma Chisvs vt okla im anukfila h_g ithana hatuk osh, Nanta katiohmi h_o hvchi chukvsh g nan okpulo ishit hvsh anukfilli cho?

5. Na chim ai ashvchika puta kv_t ch_i kashofa hoke, achi kak okm_a, keyukmvt, Tani cha now_a, achi kak okm_a, kati-mampo kak osh ahchiba kv_t ik lauwo cho?

6. Yohmi kia Hatak Ushi yvt yakni paknaka anta kv_t nan ai ashvchika puta ka kashofa hi vt im ai vlhpesa hatuk g, hvsh akostinincha ch_i kak oka, palsi isht abeka ash o, Tanit ch_i potv_lhpo ishi cha, ch_i chuka ish iashke, im achi tok.

7. Mihma yvmmak ash osh tani cha in chuka ia tok.

8. Yohmi ma okla chinto kv_t pisa mvt, nukhlakanchvt, hatak g nan-isht im ai ghli yohmi ka ima tok Chihowa ash o ai okpahanchi tok.

9. Mihma Chisvs vt yvmmak ash_o vttvt ia mvt, hatak vt Mahlu hohchifo hosh, tvli holisso ai itahoba ya binili h_o ont

pisa tok; mihmvt yvmmak ash o, Is siakaiyashke, im aclu tok; mihma wakaya mvt iakaiya tok.

10. Atuk o yakohmi tok; Chisvs vt impa hosh aboha anuka asha ma, publikan vhleha, mihmvt nan ashvchi vhleha aiena kv̄t laua hosh ai vlv̄t yvmmak ash, micha nan im ai ithvna aiena ka ant takla binohli tok.

11. Mihma Falisi vhleha hv̄t pisa mvt, yvmma nan im ai ithvna vhleha hash o, Katiohmi ho nan hv̄ch ithvnanchi vt publikan, micha nan ashvchi vhleha aiena ka it ibai impa cho? im achi tok.

12. Yohmi kia Chisvs vt yvmma haklo mvt, Haknip im achukma hokano alikchi a ai im ai vhpiesa keyu chatuk, amba abeka yok mak oh chatuk oke.

13. Ūba isht-ai okpvchi ak okano ak aiahno; amba nan i nukhaklo ak o aiokpanchi li hoke, achi yvmmak osh nana hokma, ont oh ithvna'; hopoyuksa vhleha ak o hoyot aya li ha tok keyu; amba nan ashvchi vhleha hv̄t ile kostinicha chi mak a tok oke, im achi tok.

14. Yohmi ma Chan nan im ai ithvna vhleha hv̄t im ai vla mvt, Katiohmi ho pishno, micha Falisi vhleha il aiena kv̄to nukhaklot nan e hullochi fehna ma, amba nan chim ai ithvna vhleha hv̄t nukhaklot nan ik hullocho cho? achi tok.

15. Mihma Chisvs vt, Hatak himona ohoyo itauwaya tuk vt takla anta moma ka i kanomi vhleha hv̄t nukhakla hinla cho? yohmi kia hatak himona ohoyo itauwaya tuk ash ant im ai isha he nitak vt ai ona he; yohmikmak o okla hv̄t nukhaklot na hullocha hi oke.

16. Hatak nana kia anchi sipokni a nantvna hlilafa himona ya lapalichi chatuk keyu; vlv̄kuta lapali kash osh anchi ash hlilv̄ffit ishikma, i shalvit hlilav̄t okpulo chatuk oke.

17. Mikma hatak puta kv̄t oka-paki himona ya shukcha sipokni yo apitta chatuk keyu; yvmmak keyukma shukcha yvt mitahli na oka-paki yvt hlayakma, shukcha yv̄to okpulo chatuk; amba oka paki himona ya shukcha himona yo apit-takmak o, tuklot nan ik okpulo chatuk oke, im achi tok.

18. Ilv̄ppa puta ka isht im anumpulik fehna, hatak na

pehlichi achvfa hosh vla cha, ant aiokpveli mvt, Himonas, ak kia svso-tek vt illi mak osh itonlvshke: yohmi kia minti cha, chibbak ant isht ish umbitepa hokma, okchaya hinla hoke, achi tok.

19. Mihma Chisvs vt wakaya cha, iakaiyvt ia ma, nan im ai ithvna vhleha aiena kvv yohmi ak inli tok.

20. Yvmohmi tuk o ohoyo hvv issish umbokafa isht abeka tok afvmmi auah tuklo hosh, yvmmak ash im ashaka ya mavvt ona cha, im anchi aposhokvchi g pit potoli tok.

21. Im anchi ak illa hq ak potoli kia, sa hlakofa hinlvshke, ahnit im anukfila hatuk osh.

22. Yohmi kia Chisvs vt filemvt yvmmak ash o pisa mvt, Svso-tek ma! na chi yukpa achukmashke; na chi yimmi pulla hosh chi hlakofichi hoke, achi tok. Mihma hvshi kanvlli vlvpisa yvmma fehna hq ohoyo yvmmak ash osh hlakofi tok.

23. Mihma Chisvs vt hatak na-pehlichi in chuka yash ona cha, oskula olachi vhleha, micha okla yaiya aiena ka ont pisa mvt,

24. Oh itj kanvlli; ohoyo himita yvt illi keyu hoka, amba nusi hoke, im achi tok. Mihma isht yopulvt okla j yukpa tok.

25. Yohmi kia okla hvv kocha wihvt taha ma, pit chukowa cha, ibbak g ont halvli ma, ohoyo himita yash osh tani tok.

26. Yohmi ma ilvppak atuk vt annovt yakni yvmma moma hlopulli tok.

27. Atuk o Chisvs vt yvmmak ash vttvt ia ma, hatak lvpa tuklo kvv iakaiyvt avvt, tahpahanlvv, Lewi ushi chia ma! ish pj nukhqlashke, ahanchi tok.

28. Mihma yvmmak ash osh aboha ont chukowa ma, hatak lvpa atuk vt im onvt okla tok: mihma Chisvs vt, Ilvppa yakohmichi la hinla ka hvchi yimmi cho? im achi ma, Yau, Chitokaka ma! im achit okla tok.

29. Yohmi ma nishkin g pit potoli mvt, Na hvchi yimmi tuk pulla mak osh isht a hvchim vlvpesashke, achi tok.

30. Mihma nishkin vt j fatumvt okla tok: yohmi ma

Chisva vt kvlochi fehna hosh i mihvt, Ahah! hvsh ahni na hatak nana kia ik akostinincho kashke, achi tok.

31. Yohmi tuk kia itiachi mvt, yummak ash o yakni ymma mominchit ai im annowachi tok.

32. Yummvt a kohcha ma, hatak ik anumpolo nan isht ahullo okpulo ai i foka ho okla isht im vla tok.

33. Atuk o nan-isht ahullo okpulo yash osh a kohcha ma, ik anumpolo yash osh anumpuli tok: yohmi ma okla laua yash osh nukhlakancha mvt, Himonna kia Israel okla ha a yakohmi na kvna hosh pisa chatuk keyushke, achi tok.

34. Yohmi kia Falisi vhleha hash osh, Ilvppvt nan-isht ahullo okpulo puta ka nan-isht ahullo okpulo i miko yak o isht kocha weli hoke, achi tok.

35. Yohmi ma Chisvs vt tvnaha moma, micha tvmahushi puta aiena ka mominchit ayvt, i sinakak puta kak o nan im ai abahanchi, mihmvt vba apelihika isht anumpa hanta isht anumpohonli, mihmvt abeka moma ka hlakofihinchit, haknip ik in chukmo okla im gsha tuk a mominchit hlakofihinchi tok.

36. Yohmi tuk kia okla laua yash osh hoyvbli cha, it a fimimvt aiasha, chukfvlhpoba yosh apesvchi ik im iksho ho, chohmi na pisa hatuk osh i nukhaklo tok.

37. Yohmi mvt nan im ai ithvna vhleha hash o, Nahoya hi okvto laua ho mvhli, amba toksvli vhleha hak osh ik lauwashke.

38. Yohmi hoka na-hoya hi okvt Chitokaka immi hoka nan im ahoya hi a toksvli vhleha ha auet tihlela chi ka, hvsh im asilhashke, im achi tok.

CHAPTA X.

Chisvs vt nan im ai ithvna auah tuklo kvv vbanumpa ha isht anum-pohonla chi ka, micha na fehna puta ka ai yvmohma chi aiena ka kanompit tihleli, 1. 5 Micha nana ka ithvnanchi. 40 Micha Chisvs a holitobli kvv nan isht il ai yukpa he miha.

1. YUMOHMI tuk osh nan im ai ithvna auah tukle kash o itahobit tahli mvt, nana im ai ghlit, nan-isht ahullo

okpulo puta imaiyvt, yvmmak atuk ma kocha welit abeka ilaiyuka puta, micha haknip ik in chukmo ilaiyuka moma hlakoficha hi a im apesa tok.

2. Yohmi ka vbanumpeshi auah tuklo hohchifo kv̄t yakohmi kak oke: v̄mmona Saimon atuk osh Pita hohchifo tok; mihma itibapishi Antilu ak a tok; Sebete ushi, Chemis ak osh, nakfish Chan itatuklo tok:

3. Mihma Filip, micha Bahlolomu; Tamas, mikmvt p̄vblikan hatak Mahlu; Alfevs ushi Chemis, micha Lebevs osh hohchifo apunta kv̄t Tatevs a tok.

4. Mihma Kenan hatak Saimon, micha Chutas Iskaliot ak atuk osh yv̄mma haksichi tok ak inli ka aiena tok.

5. Auah tuklo ilvppak o Chisvs vt pit tihleli mvt, nan im apesvt, Chentail aiasha pilla hokvno hv̄ch ik aiyo kashke, mikmvt Samalia okla in tv̄maha h̄a ont hv̄ch ik chukowo kashke.

6. Amba Israel in chuka-chv̄fa chukv̄lh̄poba tv̄moa pulla kak o hv̄sh im ai onashke.

7. Michā ia hosh hv̄sh itv̄nowa kv̄t, v̄ba isht anumpohonlit, Ūba apēhlichika yvt olan̄osi v̄lv̄shke, hv̄sh ahanchashke.

8. Mikmvt abeka ȳa hlakofichit, leplosi v̄bi puta ka kashofit, illi puta ka tanichit, nan-isht ahullo okpulo puta ma hv̄sh kocha welashke: pilla h̄o hv̄sh habena hatuk okvt, pilla h̄o hv̄sh imashke.

9. Hv̄ch̄i shukcha atuk ma tv̄li holisso lakna, micha tv̄li hv̄ta, mikmvt tv̄li lakna nana kia fohkit hv̄ch ik ieshokmvt;

10. Anonti nowvt hv̄sh aya hokvt bahta kia, ilefoka lumbo tuklochit, shulush aiena ma tuklochit, tv̄bi nana kia hv̄ch ik iesho kashke; hatak toksv̄li yvt ilhpita he ak o v̄lh̄pesa hoka.

11. Michā tv̄maha, keyukmvt tv̄maha chito yokm̄a nana h̄o ont hv̄sh chukowa ch̄i kv̄t, kv̄na hosh v̄lh̄pesa kv̄t yv̄mma anta ka, hv̄sh ponaklashke; micha yv̄mmak o hv̄sh asha tuk osh a kohchvt hv̄sh iashke.

12. Michā chuka ȳo ont hv̄sh chukowakmvt, hv̄sh ai okpv̄chashke.

13. Yohmikma chuka yatuk mvt vlhpesa hokma, na yukpa he hvsh im ahni tuk a onvtulashke: amba vlhpesa keyu hokmvo, na yukpa he hvsh im ahni tuk a hvchi falamashke.

14. Micha kvna kia ik hvchi aiokpacho, micha hvchim anumpa ma haponakla he keyukma, chuka yokmá, tmaha hokmá, nana hatuk a hvsh a kohchakmvt, hituk tohbi hvch iyi asha hatuk ma hvsh tahtulashke.

15. Ahli mak o hvchi miha lishke, Nan-vlhpisa chinto nitak okvno Sotom, micha Komola aiena kvv im ahleka hoh kia, pit im vlhpisa kvv tmaha yvmmak a tok a i shahla hi oke.

16. Inta! chukfvlhpoba yo chohmichi hosh nashoba itintakla pit tihleli lishke; yohmi hoka kostini kvv sinti ak o hvsh chiyuhmi cha, nuktaiyala mvt pvchi-yoshuba ak o hvsh itilauashke.

17. Yohmi kia hatak puta ka ahah! hvsh im ahnashke: yvmmak okvt ishit nan apesa vhleha ibbak a hvchi fohokikma, i sinakak puta ka a hvchi fahama he mak oke.

18. Micha na pehlichi vhleha, mikmvt miko puta, Chen-tail okla aiena ka, na hvsh im ai atokola chi ka, vno pulla hatuk mak o yvmma puta ka itikba hvch isht ohona hi oke.

19. Yohmi kia hvch isht ohona ka, kanimihchit, micha nana ho hvsh anumpula he aiena kvv hvch ik anukfillo kashke: nana ho hvsh anumpula hi a hvshi kanvlli vlhpisa yvmmak inli ho hvchi anukfohka hi oka.

20. Hvehishno ak osh hvsh anumpula hi o keyu, amba hvch Iki imi Shilombish yvmmak osh a hvchi anumpula hi oka.

21. Mikma itibapishi hatuk vt itibapishi ha illi issakma, anonti iki atuk vt vlla ya illi issa he: yohmikma vlla puta kvv iki ishki aiena hatuk ma i nukkilli cha, illi issa hi oke.

22. Mikma sa hohchifo pulla hatuk mak o momvt hvchi nukkilli he: yohmi kia kvna hosh achunanchit mghayvt ai vhli ka ona hok mak osh okchaya hi oke.

23. Yohmi kia tmaha chito ilvppa a hvch issikko

palikma, yihlepvt inla yo hvsh onashke. Ahli mak o hvchi miha lishke, Israel okla in tomaha puta ka hvch ik hlopullo kisha ho, Hatak Ushi yvt vla hi oke.

24. Nan-ithvna yvt nan-ithvnanchi ya imaiya keyukma, anonti tishu hv t i shahli ha imaiya ho keyu chatuk.

25. Nan-ithvna yvt nan-ithvnanchi ya itilauikma, anonti tishu hv t i shahli hatuk ma itilauikmak osh im vlhpesa hoke. Chuka-chvfa pehlichika ya Beelsevrb okla hochifo tuk vt in chuka-chvfa ya i shahlichu kv katiohmichi hosh hochifa hinla cho?

26. Yohmi hoka yvmmak oka hvch ik i nukshopo kashke. Nana kv ompoholmo tuk osh ik otano ka hi vt iksho ma, anonti nana kv luma tuk osh ik annowo ka hi vt iksho hoka.

27. Nana ka okhlilika yo a hvchim anoli li ka a tohwi-kelika yo hvsh ai anolashke: micha nana ka haksobish tikelichi hosh hvsh haklo kv, yvmmak ash aboha pakna yo hvsh ai anolashke.

28. Mikmvt haknip a vbi kia, shilombish a ilicha he keyu yvmmak okvno hvch ik i nukshopo kashke: amba shilombish micha haknip it aieninchit aiokpuloka ai ilbv-shala hinla kak pulla ho hvsh i nukshopashke.

29. Hushi chipunta yvt tuklokmvt sint achvfa iklvna itatuklo vlhtoba chatuk keyu? mikma yvmvt, hvch Iki vt ahni keyukma, achvfona kia aka itula hi o keyu hoke.

30. Amba pashi hvchi noshkobo o hikia kak kia momvt holhtinv taha yoke.

31. Yohmi hoka ik hvchi nukshopo kashke; holitopa kv hushi chipunta laua kia hvsh i shahli hoke.

32. Yohmi hoka kvna hosh hatak puta itikba ya si ai ahninchu tuk ma, vno ak kia ilapa Aki vba binili ka itikba ya ai ahninchu la hi oke.

33. Amba kvna hosh hatak puta itikba ya ik si ai ahninchu tuk ma, vno ak kia ilapa Aki vba binili ka itikba ya ak ai ahninchu ka hi oke.

34. Yakni pakna ya nanaiya yo bohli taya li tok ik

ivchim ahobo kashke: nanaiya yo a bohli aya li tok keyu, amba bvshpo falaia ak a tok.

35. Hatak a iki ik it im vlhpesachot, ushetik a ishki ik it im a vlhpesachot, ipok atuk ma ipokni a ik it im vlhpesachot aya li ha tok.

36. Mikma hatak in tenvi; puta kvit ilap in chukachvfa ash inla hi oke.

37. Kvna hosh iki yokma, keyukmtv ishki yokma, nana ho i hullo kvit vno a im i shahli hokvt, vmmi ha he vlhpesa keyu hoke: mikmtv ushi yokma, keyukmtv ushetik okma, nana ho holitobli kvit vno a im i shahli hokvt, vmmi ha he vlhpesa keyu mak inli hoke.

38. Yohmikma kvna hosh im iti-taiyukhva ya sholi cha, siakaiya keyu hokvt, vmmi ha he vlhpesa keyu mak oke.

39. Kvna hosh im ilhfiopak a ahayuchi tuk mtv i kvnia he: mikma kvna hosh vno pulla hatuk mak o im ilhfiopak vt i kvnia hokmtv, ahayucha he mak oke.

40. Kvna hosh hvchi aiokpvchi hokvt, vno a si aiokpvchikma; anonti kvna hosh vno a si aiokpvchi kvit, auet sa kanchi tok ma aiokpvchi hoke.

41. Kvna hosh hopaii ya hopaii atuk mak o aiokpvchi hokvt, hopaii im ai vlhtoba mak o isha he: yohmikma kvna hosh hatak ahli achukma ka, ahli achukma atuk mak o, aiokpvchi hokvt, hatak ahli achukma im ai vlhtoba mak o isha hi oke.

42. Mihma kvna hosh chipota vhleha ilvppa achvfona kia, nan ithva yatuk mak o ishka chi ka oka kapvssa isht-ishko achvfa illa ho ipeta kia, yvmmvt kanihmit nan-vlhtoba hvit i hlakofa he keyu, ahli mak o hvchim achi lishke, achi tok.

CHAPTER XI.

Chisvs vt vba isht anumpohonli kvit a moma; Chan a pit ponaklo tuk a Chisvs vt afalaminchit im anoli. 1, 7 micha, Chan Baptist a aighlit isht anumpuli. 20 Chisvs vt tomaha kanimi ka na palvm mi kvit onvtula chi ka anoli, yvmmak oka na fehna lava ka ai yv-

mihinchi tuk ka, okla ik ile kostinincho hoka. 25 Chisvs vt Chibe wa pit aiokpochi mvt, Iki vt nan oklgha ka ibbak ifoyuki tuk g achi: 28 mikmvt a foha chi kvv hoyvbli puta kvv im ai ona chi ka i miha.

1. ATUK o yakohmi tok; Chisvs vt nan im ai ithvna auah tuklo kash nan im apesvt in taiyaha mvt, in tvmahha puta ka nan ai ithvnanchi, micha vba isht anumpuli aiena chi hosh yvmma vttvt ia tok.

2. Atuk o Klaist vt nan-isht-anta puta ka Chan vt aboha kvllo anukaka ya a haklo mvt, nan im ai ithvna vhlcha tuklo ho pit tihleli tok.

3. Mihmvt yvmmak ash o, Chishno ak osh aya he tok mak o chia hokma, ak chu? inla yo e hoyokma, nanta chi cho? pit im achi tok.

4. Mihma Chisvs vt a falaminchi mvt, Anonti hvsh ia chana ka hvsh haklo, micha hvsh pisa aiena tuk vt Chan g ont hvsh im anolashke.

5. Lvpa yvt hopokoyo ma, imomokpulo yvt nowa; leplosi vbi okla hvv i kashofa; mikma ik haponaklo yvt haponaklo; illi tuk vt tani, mihma ilbvsha puta ka vbanumpa hvv isht im anuhumpvshke.

6. Yohmi ka kvna hosh vno g ik si ai ibetvblokmvt, na yukpa he mak oke.

7. Mihma itiachi ma, Chisvs vt okla laua ya im anumpulit ishtia mvt, Chan ak o miha hosh, Nanta ho hvsh pisa chi hosh yakni haiaka ya hvsh ilhkoli tok o? Kushak vt mahli na faiokvchi kak atuk o?

8. Amba nanta ho pisvt hvsh ilhkoli tok o? Hatak nafohka lapushki fohka kak atuk o? nafohka lapushki abekvu chi hokvto miko in chuka puta kak o aiasha hoke.

6. Amba nanta ho pisvt hvsh ilhkoli tok o? Hopaii atuk o? ahli, yohmi ka hopaii ak kia imaiya hoke, hvchim achi lishke.

10. Um anumpeshi ya chi tikba chvffichi li hoka, mihi vosh chi hina ya tikbanli apoksiacha chi hoke, achit isht hollisso tok g ilvppak osh mih mak oke.

11. Ahli mak o hvchim achi lishke, Ohoyo ho a tobtvt

aiasha ka itintakla hikia kv̄t Chan Baptist a imaiya chatuk keyushke : yohmi nana kia moma ik lauwo hosh vba apehlichika ya anta kv̄t, yv̄mma imaiya hoke.

12. Yohmi ma Chan Baptist vt ahanta nitak atuk a ai vhlit mihinti ka, vba apehlichika ya ishi bvnna kv̄t achilita fehna. yohmikma achilita puta kv̄t onvtulvt ihishi na himakvshke.

13. Hopaii vhleha moma micha vba nan vlpisa aiena kv̄t na tikbanli anoli kv̄t, Chan ak o ant im ai vhli hoka.

14. Michā hv̄chi yimma hinla hokma, ilv̄ppak osh vla he tok Elias mak oke.

15. Kv̄na hosh isht haponakla he haksobish vt i hinlik-mvt, haklashke.

16. Amba himak okla aiasha ilv̄ppak okvno nantak o it-apesa la ch̄i cho? Ulla yosh ilhpak a kanchi yo binohmaya hosh ilap bika iti howvt,

17. Oskula h̄a e hv̄chim olachi ka, hv̄ch ik hehloshke; e hv̄chi yaiya ka, hv̄ch ik yaiyoshke, achi h̄o itilauishke.

18. Chan vt ik impo, micha nan ik ishko aiena hosh aya ma, Yv̄mma nan-isht ahullo okpulo il ai eshi hoke, okla achishke.

19. Hatak Ushi yvt ihimpa, mikmvt nan ihishko aienvt aya ma, Yakeh ! hatak isikopa, oka-paki ishko shahli, pvblikan micha nan ashv̄chi vhleha aiena ka i kana yoke, achishke : yohmi kia Ahopoyuksa yokvto im vlla vhleha h̄a isht im a holitopa hoke, im achi tok.

20. Yohmi mvt tmaha na-fehna ka a yvmihinchi fehna tuk puta kash, okla ilekostininchi keyu hatuk o, nan isht a mihachit ishtia tok.

21. Kolasin ma ! na ch̄i palv̄m̄mi mak oke : Betsaita ma ! na ch̄i palv̄m̄mi mak oke ; na-fehna puta kv̄t hv̄chishno ya hv̄chim a yvmohmi tuk vt Taia, micha Saiton aiena ka a yvmohmi ha tok okma, hopaki kash inli h̄o na pashi tv̄nna anchit hituk chubbi banot mayvt ilekostinincha he a tok oke.

22. Yohmi kia nan vlpisa chinto nitak okvno Taia micha Saiton aiena kv̄t im ahleka hoh kia pit im vlpisa kv̄t hv̄chishno yokvno i shahla hi oke, hv̄chim achi lishke.

23. Yohmikma Kapenav̄m chia shutik ak o ont ish takia

tuk vt, aki vt ai okpuloka mak o ish ona hi oke: na-fehna puta kv̄t chishno yā chim a yvmohmi tuk vt Sotom a a yvmohmi ha tok okma, himak nitak ak kia talaia hi a tok oka.

24. Yohmi kia nan vlhpisa nitak okvno Sotom yakni vt im ahleka hoh kia, pit im vlhpisa kv̄t, chishno yokvno i shahla hi oke, hvchim achi lishke, achi tok.

25. Nitak yvma fehna ma Chisvs vt anumpuli mv̄t, Aki, shutik micha yakni aiena in Chitokaka ma! na yakohmi puta ka na kostini, micha nan ithana aiena kv̄no ish in luhmi tuk osh, vlōsi puta hō ish im otv̄nichi hoka, yak oke, chim aiahni lishke.

26. Ulhpesashke, Aki ma! yvmak osh chim vlhpiesa hatuk oka, achi tok.

27. Aki vt nan okluha ka svbbak fohkishke: yohmi ka Ushi yā hatak nana kia ik ithano hō, amba Iki ak banoshke; mikma Iki a hatak nana kia ik ithano hō, Ushi ak illa, micha Ushi ak osh kv̄na hō im otv̄nichi hok mak bano hoke.

28. Toksvlit ahantvt hoyv̄bli, micha shapoh i weki puta hvchia mv̄t, momvt hvs sv̄m ai vla na hvchi fohvchi lashke.

29. Um ikonla abana yak o isht hvsh il abanali cha, vno ak o hvs sv̄m ai ithvnashke: vno ak osh chukvsh yohbi, micha chukvsh akanlosi aiena sia hoka: yohmik mak osh hvchi shilombish puta a foha hi a hvsh ahayucha he mak oke.

30. Um ikonla abana yā il abanali ka im vlhpiesa, micha a shapoh hv̄t shohvla hoke, im achi tok.

CHAPTA XII.

Nan im ai ithvna v̄hleha hash osh nitak hullo yō onush a hlehlit v̄pa tuk a, vlhpesa, Chisvs vt im ahni, 1. 9 Chisvs vt ibbak bv̄shi yatuk a achukmali tuk o, Falisi v̄hleha hv̄t v̄bi bv̄nna. 22 Shilombish okpulo ai i foka tuk a Chisvs vt hlakofichi; 31 nihmvt Shilombish Holitopa yā ik ahobalot anumpuli kv̄t i kashofa he keyu miha. 38 Falasi v̄hleha hv̄t Klaist a nan-isht-atokowa im a hoyo. 46 Kv̄na hosh Klaist a i kanomi hoka isht annoa.

1. **NITAK** yvmma foka ma Chisvs vt nitak hullo nitak o osapa hlopullit aya ma, nan im ai ithvna vhleha hvv hohchvfo hatuk osh, onush a hlehli cha, vpvv ishtia tok.

2. Yohmi kia Falisi vhleha hvv pisa mvv, Yakeh! nana ka nitak hullo nitak a a yohma he vlvpesa keyu ka, na chim ai ithvna vhleha hvv yohmishke, im achi tok.

3. Yohmi kia yvmmak ash osh, Lewi micha apehvt aya tok aiena kvv hohchvfo mvv, kaniohmi tok,

4. Chihowa im aboha hatuk a ont chukowa cha, pvvka otvni yvmmak oka ilap vt, micha apehvt aya tok aiena kvv vpa he ai im vlvpesa keyu, amba naholitompa isht a sha ak illa hatuk a vpa tok a, holisso ha hvch ik ai it im anumpulo chatuk oh cho?

5. Yvmmak keyukmvv na-holitompa isht a sha vhleha hvv nitak hullo nitak puta ma tempel anukaka ya nitak hullo a kobahgi kvv ashvchi ha tok keyu ka vba nan vlvpisa holisso ha hvch ik ai it im anumpulo chatuk oh cho?

6. Yohmi kia, Achvfa hosh tempel a imaiya kvv ilvppa anta hoke, hvchim achi lishke.

7. Yohmi kia, Uba isht-aiokpvchi ya ak ahnincho, amba nan i nukhako ak o ai okpanchi li hoke, achi ilvppak osh nana ho miha hatuk a hvsh akostininchi hatuk okmvv, ashvchi keyu ka anumpa hvsh onocha he tuk keyu chishke.

8 Hatak Ushi yvt nitak hullo ak kia in Chitokaka ak inli hoka, im achi tok.

9. Michu yvmmak ash vttvt ia mvv, yvmma i sinakak ak o ont chukowa tok.

10. Yohmi ma hatak vt ibbak shulla yosh a sha tok. Yohmi ma ilvppak ash o nan vlvpisa onocha chi hosh okla im ponaklot, Nitak hullo nitak a na hlakoficha he vlvpesa cho? achi tok.

11. Yohmi ma yvmmak ash osh, Hatak hvchi katima kak osh chukvvlhpoba yvt achvfa hosh im anta tuk vt, nitak hullo nitak o yakni kula pit itula ka, pit halvllit ik kohocho ka hinla cho?

12. Yohmi ka hatak vt holitopa kvv chukvvlhpoba ya kaniohmi ho isht i shahli ho? Yohmi hoka nitak hullo

nitak ǵ nana achukma ka yohma he vllhpesa hoke, im achi tok.

13. Yohmi mvt hatak ash ǵ, Chibbak ǵ chisemochi, im achi tok. Mihma chisemochi tok: yohmi ma falamvt achukmvt taha mvt, in tvnnvp akinli hǵ chohmi tok.

14. Yohmi ma Falisi vhleha hvt kocha wiha mvt, kani-mihchit vba he vt isht it im anumpulit maya tok.

15. Yohmi kia Chisvs vt ilvppa akostininchi mvt, yvm-mak ash a kohchvt kvnia tok: mihma okla chito hvt iakaiya ma, yvmmak ash ǵ mominchit hlakofichi tok.

16. Yohmi mvt ilap ǵ okla ik otvnincho ka hi ǵ kvllochit i miha tok.

17, 18. Yohmi ma, hopaii Esaias vt anumpohonli mvt, An tishu hano ai atokoli li tuk ǵ hoolitopa, sa shilombish vt isht ai yukpa fehna ka ho pesá: ilvppak ǵ vmi Shilombish ǵ onochi likma, yvmmak osh Chentail okla hǵ vba nan vllh-pisa ya im otvnicha hi oke.

19. Yvmmak okvt ik it im paknokmvt, anonti ik tahpulo ka he; mikma tmaha ai itahoba puta ka im anumpa hǵ hatak nana kia a haiyakla he ǵ keyu ka he.

20. Kushak kushkoa kia ik tilohlecho ka he, mikmvt pva i honnula lua shobulli ka ik mosholicho hosh, vba nan vllh-pisa ya fihimit isht imaiyacha he.

21. Yohmikma Chentail vhleha hvt yvma hohchifo hǵ anukchieta he, achi tok ǵ ont ai aighli tok mak oke.

22. Yvma foka ma achvfa hosh nan-isht ahullo okpulo ai i foka hosh lvpa, micha ik anumpolo aiena hǵ isht im vla tok: yohmi ma yvmmak ash ǵ hlakofichi na lvpa micha ik anumpolo aiena tuk vt anumpuli, micha pisa aiena tok.

23. Mihma okla hvt momvt nukhlakancha mvt, Ilvppvt Lewi ushi ash keyu hǵ? achi tok.

24. Yohmi kia Falisi vhleha hvt haklo mvt, Hatak ilvppvt nan-isht-ahullo okpulo a kocha weli hǵ keyu, amba nanisht-ahullo okpulo i miko Beelsebv ak ǵ ishit kohchi hoke, achi tok.

25. Mihma okla im anukfila hǵ Chisvs vt akostininchi hatuk osh, Apehlichika puta kvv it a kashapvt ilap bika it i sanali hokvt, ont ai okpulo kvv taha chatuk: anonti tmaha

chito, keyukmvt chuka puta kv̄t it a kashapvt ilap bika it i sanali hokvt, talaia he keyu hoke.

26. Yohmi hoka Setan osh Setan a kohchi hokmvt, ilap o inli il i sanali hoke; yohmi ka katiohmi hosh im apehlichika yvt talaia hinla cho?

27. Micha vno vt Beelsevub ak o nan-isht-ahullo okpulo a ishit kocha weli li hokma, kv̄ta hak o hvchim vlla vt yvma ishit kocha weli chatuk oh cho? yohmi hoka yvmmak osh na hvchim apesa yashke.

28. Amba vno yvt nan-isht-ahullo okpulo a Chihowa imi Shilombish o ishit kocha weli li hokma, yohmi hokmvno Chihowa apehlichika yvt hvchim vla mak oke.

29. Keyukmvt katiohmi hosh achvfa kv̄t hatak hlampko in chuka ya ont chukowa cha, im ilayak a wehpula hinla? hatak hlampko ak o tikba takchi ha yo keyukmvt; amba yvmmak okmvt o in chuka ya wehpula hinla hoke.

30. Kv̄na hosh vno a svbafohka keyu kv̄t, a sanali hoke; mikma kv̄na hosh svba hoyo keyukmvt, na fimmi yoke.

31. Yohmi hoka, Hatak vt nan im ai ashvchika il aiyuka moma, micha Chihowa ik ahobalot anumpuli moma kv̄t i kashofa he; amba Shilombish Holitopa yo ik ahobalot anumpuli tuk okvto hatak vt ik i kashofa ka hi oke.

32. Micha kv̄na hosh Hatak Ushi ak o na mihachit anumpuli tuk okvto i kashofa he: amba Shilombish Holitopa ak o na mihachit anumpuli tuk okvto yakni ilvppak inli, micha yakni inla mihinti aiena ka ai i kashofa he keyu hoke.

33. Iti vt achukma ho hvsh ikbi hokma, vni ak kia achukma he: keyukmvt iti vt okpulo yo hvsh ikbi hokma, vni ak kia okpula he: iti vt ilap vni ak inli ho isht otvni chatuk oka.

34. Sinti chilita isht-ai-unchululi hvchia ma! ai vlhpiesa keyu hvchia kv̄t, katiohmi hosh nana achukma puta ka hvsh anumpula hinla cho? chukvsh a alotowak mak o, itih hv̄t kobchit miha chatuk oka.

35. Chukvsh anukaka ya na holitopa kv̄t a sha kak o, hatak achukma kv̄t nana achukma puta ka a yvmohmi chatuk: mikma chukvsh anukaka ya nana ik achukmo kv̄t a sha

kak o, hatak ik vlhpeso kut nana ik achukmo puta ka a yvmohmi chatuk oke.

36. Yohmi kia anumpa ik vlhpeso puta hatak vt anumpuli tuk okmvt, nan vlhpisa nitak okvno yvmmak atuk a nan isht il anola hi oke, hvchim achi lishke.

37. Chishno chim anumpa atuk ak o isht chi ai vlhpiesa he: mikmvt chishno chim anumpa atuk ak o nan isht chim vlhpisa hi oke,

38. Yvmma foka ma na holissochi vhleha kaniohmi, mi-cha Falisi vhleha aiena kut anumpuli mvt, Nan ithvnanchi ma! nan-isht-atokowa e chi pisa hinlvshke, achi tok.

39. Yohmi kia afalaminchi mvt, Nan ik vlhpieso, mi-cha haui aiena okla hash osh nan-isht atokowa ya okla hoyo: yohmi kia nan-isht-atokowa nana hosh in takala he keyu, amba hopaii Chonas nan-isht-im atokowa ak illa hi oke.

40. Chonas vt nitak tuchina micha ninak tuchina aiena ho nvi chito ikfoka anukaka ya foka tok a; yvmmak inli ho chohmit Hatak Ushi vt nitak tuchina micha ninak tuchina aiena ho yakni chukvsh anukaka yatuk ma foyuka hi oke.

41. Nana vlhpisa chinto nitak okvno Ninefeh hatak vt okla ilvppa ai apihvt hieli cha, anumpa onocha hi oke; yvmmak okvt Chonas vt vbanumpa isht anumpohonli ma, okla ilekostoninchi tok okvt; atuk o Chonas a imaiya mak osh ilvppa ahantvshke.

42. Nana vlhpisa chinto nitak okvno oka mahli ohoyo miko vt okla ilvppa awant hikia cha, anumpa onocha hi oke: yvmmak okvt yakni ont ai vhli pilla minti kut Solomon isht im a hopoyuksaka ya haklot aya tok okvt: yohmi tok o himak a Solomon a imaiya mak osh ilvppa ahantvshke.

43. Shilombish okpulo yvt hatak a akohchakmvt, afoha he hoyo kut oka ik ai iksho puta ka hlopullit aya kia, ik ahayucho chatuk;

44. Yohmikmvt, An chuka ai vttā kohchvt a minti li kash osh falamvt ia lashke; achi tuk osh onakmvt, yvmmak

ash kvna iksho hq, pashpovt, shemvt taiyaha cha hikia hq, ont pisa hoke.

45. Yohmikmvt shilombish okpulo untuklo inla yvt ilap a i shahli hq ivt ont pehlichit vla ma, yvmmak ash okla pit abeha cha ai asha chatuk; yohmikma hatak yvmmvvt ont ishtaiyopi kak o okpulo kvv vmmona tuk a i shahli chatuk oke. Yohmi ka yvmmak inli hq okla nan ik vhpeso ilv-put chiyuhma chi hoke.

46. Okla ha im anumpuli kvv moma hq, ishki micha itibapishi vhleha aiena kvv it im anumpuli bvna hosh kocha ya hinli tok.

47. Yohmi ma achvvt, Yakeh! chishki micha ish itibapishi vhleha aiena kvv chit im anumpuli bvna hosh kocha ya hohmayvshke, im achi tok.

48. Yohmi kia afalaminchi mvt, nan im anoli yash o, Hvshki ak osh kvta hq? mikma itibapishi li vhleha ak osh kvta hoh cho? im achi tok.

49. Mihmvt nan im aiithvna vhleha aiasha ka imma yo ib-bak a pit weli mvt, Hvshki, micha itibapishi li vhleha ha pisá;

50. Kvna hosh aki vba binili nan aiahni ka yvmohmikmvt, yvmmak osh itibapishi li, micha an tek, mikmvt hvshki aiena mak oke, achi tok.

CHAPTA XIII.

Na hokchi nan isht vhpisa; mikma nana a kaniohmi kak o Chisvs vt nan isht vhpisa hq isht ithvnanchi, 1. 18 Na hokchi nan isht vhpisa hq otvnichi; 24 onush micha haiyukpulo ita tuklo ka isht vhpisa, 31 mvstvt nihi; 33 micha nan isht shatvmmichi ita tuklo ka nan isht vhpisa: micha na kaniohni hq Chisvs vt nan isht vhpisa bano hq isht anumpohonli. 36 Onush micha haiyukpulo ita tuklo nan-isht vhpisa hq otvnichi; 44 na holitopa luma kvv itu-yula, 45 micha nan chumpa, 47 mikmvt nvmi isht hokli aiena ka nan isht vhpisa; 53 Chisvs vt falanvt i yakni ak inli hq ona tuk o, okla hvv kanimanchi.

1. **MIHMVT** Chisvs vt nitak yvmmak inli ka aboha ya a kohchvt ia mvt, okhvta lapalika yo ont binili tok.

2. Yohmi ma okla laua fehna kv̄t ant im ai itahoba, yohmi ma peni yō pit chukowa cha binili tok; mihma okla laua yash osh momvt oka vhli hā hiohmaya tok.

3. Mihma nana laua ka nan isht apesa hosh isht im anumpohonli mvt, Inta! na hokchi vt na hokchit ia tok.

4. Atuk osh hokchi ma, na nihi kanimi kv̄t hina lapalika yō kaha tok; atuk o hushi puta kv̄t ant vpv̄t tahli tok.

5. Kanimi kv̄t tv̄li foka yakni āsha fehna keyu hō kaha tok; atuk osh yakni vt ī suko keyu hatak okvt, chekosi fehna offo tok;

6. Atuk o hv̄shi vt kohcha ma, anakshua tok; yohmi kv̄t hakshish vt ik im iksho hatuk okvt, bv̄shit taha tok.

7. Yohmi ma kanimi kv̄t kv̄ti foka yō kaha tok; atuk o kv̄ti vt offo mvt, olv̄bbit ishi tok.

8. Amba inla ka yvt o yakni achukma hō kaha: yohmi tuk mvt achv̄fa tuk kia kanimi kv̄t tahlepa achv̄fa; kanimi kv̄t pokoli hanali; kanimi kv̄t pokoli tuchina aiena hō vnit waya tok oke.

9. Kv̄na hosh isht haponakla he haksobish vt ī hinlikmvt, haklashke, achi tok.

10. Mihma nan im ai ithv̄na vhleha hv̄t im ai ona mvt, Nanta katiohmi hō nan isht vlhpisa hō isht ish im anum-puli cho? im achi tok.

11. Mihma afalaminchi mvt, Hv̄chishno yokv̄to nan ik otano vba apelihchika ahalaya puta ka hv̄sh ithana hi okvt hv̄chim vlhpisa ha tok; amba yvm̄mak okv̄to im vlhpisa keyu hoka.

12. Kv̄na hosh īshikma, mihi yō ima he; mikma in laua kv̄t ī shahla hi oke: amba kv̄na hosh īshi keyuk mv̄no, īshi tuk ash kia im ai isha hi oka.

13. Okla pih̄isa hokak osh, pisa keyu; mikmvt hah̄aklo hokak osh, haklo keyu; micha akostininchi keyu aiena hatuk; yohmi kak o nan isht vlhpisa hō isht im anum-puli li hoke.

14. Mihma Esaias vt nana tikbanli anoli kv̄t, Hah̄aklo hokv̄no hv̄sh haklo kia, hv̄ch ik akostinincho ka he; mikmvt pih̄isa hokv̄no hv̄sh pisa kia, hv̄ch ik ithano ka ae

15. Okla ilvppa chukvsh atuk mvt ni vt taiyaha, mihma haksobish q isht haponahaklo kv t in takobi mvt, nishkin atuk ma okla okhishtvshke; yvmmak keyukmvt nitak kani-ohmi kia nishkin atuk ma isht pisvt, haksobish q isht haklo cha, chukvsh ma isht akostininchit ilekostininchi na hlakofichi la hinla kak o, yohmi achi tok q okla ilvppak o ont isht aighli hoke.

16. Amba hvchi nishkin okvto pisa; mikma hvchi haksobish atuk mvt haklo aiena hokvt na yukpvshke.

17. Ahli mak o hvchi miha lishke, Hopaii yvt lqwa, micha hatak hochukma aiena kv t nana hvsh pisa ka pisa bvna tok kia, okla ik peso tok; micha nana hvsh haklo ka haklo bvna tok kia, ik haklo tok oke, achi tok.

18. Yohmi hoka na hokchi isht vlpisa hatuk ma hvsh haklashke.

19. Kvna kia apelihika isht anumpa hq haklo cha, ik akostinincho, yohmik ma nan okpulo yosh vlv t, chukvsh anpkaka nana im a holokchi tuk ash yichiffit ishit kanchi chatuk. Ilvppak osh hina lapalika yq na nihi ai ishi tok mak oke.

20. Amba tvli foka yq na nihi ai ishi tok okvto vba anumpa hq haklo mvt, na yukpvt ashalika ishi kak oke.

21. Yohmi kia hakshish vt im a toba keyu hatuk osh, imoma na hopaki keyu chatuk; vba anumpa pulla hatuk mak o isht issikkopali, micha isht hofahyali aienakma, chekosi mak inli hq ibetvbli chatuk.

22. Mikma kv ti foka yq na nihi ai ishi kak kia vbanumpa hq haklo kak oke; yohmi tuk o yakni ilvppak inli nana ai anushkunna, micha nan in laua bvna kv t isht ashvchi aiena kv t vbanumpa hatuk ma ai olvbbit ishi na ik vno toba kak oke.

23. Amba yakni achukma yq na nihi ai ishi vto vbanumpa hq haklo mvt, akostininchi kak oke: micha yvmmak ash osh vnkmvt, achvfa tuk kia kanimi kv t tahlepa achvfa, kanimi kv t pokoli hannali, kanimi kv t pokoli tuchina, yohmi hosh isht waya hoke, achi tok.

24. Mihmvt nan-isht vlpisa inla yq in takalichit yak

abanchi mvt, Ūba apelihchi ka yvt hatak osh im osapa ya na nihi achukma ho hokchi tok a holba hoke.

25. Yohmi tuk kia hatak puta kv̄t nusi hosh maya takla ma, in tv̄np vt vla cha, onush ash haiyukpulo yo ant a hokchichi cha, kv̄ni tok.

26. Yohmi tuk o offot vpi toba cha, waya ma, haiyukpulo ak kia otvni tok.

27. Yohmi ma chuka-chvfa pehlichichi in tishu vhleha hash osh ona cha, Pi shahli ma! na nihi achukma yo chim osapa ya ish a hokchi tok keyu ho? katiohmi ho anonti haiyukpulo vt a sha cho? im achi tok.

28. Mihma, Tv̄np osh ilvppa yvmihchi tok, im achi ma; tishu vhleha hash osh, Yohmi ka ivt yvmmak atuk ma ont aivot il itahoba hi a, ish ahni cho? im achi tok.

29. Yohmi kia yvmmak ash osh, Keyu; yvmnak keyukma haiyukpulo a aivot hvsh itahobi takla kv̄t, onush a aieninchit hvsh lobba hinla hoke.

30. Itapihvt hiohm̄yvt avsha onashke: atuk o avsha onak mak o na-bvshli vhleha ha, Haiyukpulo ak o tikba aivot itahobit hvsh sitohli cha, hvsh hukmashke; yohmik-mvt onush ak okvno a kanchak ak o pit hvsh ai itahobashke, im achi lashke, achi tok.

31. Nan-isht vlpisa inla yo in takalichi mvt, Ūba apelihchika yvt mv̄stv̄t nihi achvfa ho hatak vt ishi cha, im osapa ya hokchi tok a holba;

32. Yvmmak okvt iskitini kv̄t na nihi moma ka ik lauwo ho mv̄hli; yohmi kia offot hofantikmvt, haiyukpulo puta ka moma imaiya cha, iti o toba: yohmi na vba hushi puta kv̄t naksish atuk ma ant a binohli chatuk oke, achi tok.

33. Anonti nan isht vlpisa inla yo isht im anumpuli mvt, Ūba apelihchika yvt puska shatv̄mmichi yo ohoyo hv̄t ishi cha, tanchi pushi vlpisa tuchina ho ibafohki tuk o, monvt shatv̄mmi tuk a, holba hoke, achi tok.

34. Ilvppa puta ka nan isht vlpisa bano ho Chisvs vt okla laua yatuk ma isht im anumpohonli tok.

35. Hopaii vt anumpuli mvt, Nan-isht vlpisa ho sv̄tih ha isht anumpohonli lashke; yakni toba tok taiyakla ka na lu-

ma a_{sha} chatuk puta ka anohonli lashke, achi tok a ont aiaha chi ka, nan-isht v_hpisa h_o keyukma im anumpuli tok keyushke.

36. Yohmi mvt Chisvs vt okla laua ya kanompit tihleli mvt, aboha ont chukowa tok; mihma nan im ai ithvna v_hleha hvt im ai ona mvt, Haiyukpulo osapa anuka a_{sha} tok nan-isht v_hpisa ka achukmalit ish pim anolashke.

37. Mihma afalaminchi mvt, Na nihi achukma y_o hokchi kut Hatak Ushi ak oke.

38. Osapa vt yakni moma kak oke: nihi achukma yvt vba apelihchika im v_lla ak oke; amba haiyukpulo vto nan okpulo im v_lla ak oke.

39. T_onv_o vt yv_omma hokchi tok vt Setan ak oke: abvsha ona kut yakni ont im ishtaiyopi kak a he; mikma na bvshli v_hleha hvt enchil v_hleha ak oke.

40. Yohmi ka haiyukpulo yvt itahoba cha, luak isht holokmi chatuk a, yakni ilvppvt ont im ishtaiyopikmvt, yv_o mak inli h_o chiyuhma hi oke.

41. Hatak Ushi vt im enchil v_hleha h_o atohonokma, na yoshubi, micha nan ik v_hhpeso yohmi v_hleha aiena ka mominchit im apelihchika atuk ma ai ishit kocha wela he;

42. Mikmvt yv_ommak atuk ma tvli a bila luak chinto h_o pit ai ashacha he: yohmikma yaiya micha noti ahampa aiena hosh yv_ommak oka aiasha hi oke.

43. Yohmikma hopoyuksa v_hleha hokvt shohpakali kut, hvshi ak o chiyuhmi hosh Iki im apelihchika atuk ma aiasha hi oke. Kvna hosh isht haponakla he haksobish vt i hinlikmvt, haklashke.

44. Anonti, Uba apelihchika yvt na holitompa luma hosh osapa anuka itonla tuk o, hatak vt yv_ommak ash o ahayuchi cha, luhmi mvt, na yukpa fehna hatuk osh ia mvt, nana im a_{sha} tuk vt mominchit kanchi cha, osapa yv_ommak ash o chumpa kak o chohmi hoke.

45, 46. Anonti, Uba apelihchika yvt hatak nan chumpa yosh tvli holitompa hochukma hoyot ahanta; yohmi tuk osh tvli holitompa achvfa kut v_hltoba chinto ahayuchi mvt, ivt

nana im a₂sha tuk vt mominchit ont kanchi cha, chumpa kak o chohmi hoke.

47. Anonti, Uba apelihika yvt nuni-isht hokli yo okhota okvchi na ilaiyuka puta pehli ;

48. Atuk o alota ma, okla halvllit oka vhli isht ona mvt, aka binohli cha, hochukma ka aivot nan aivlbeha pit apitta mvt, amba okpulo yvno kampila kak o chohmi hoke.

49. Yakni vt ont im ishtaiyopikma yvmmak inli ho chiyuhma he; enchil vhleha hvt kohchvt ayakmvt, hatak haksi vhleha hvt hopoyuksa vhleha ha ibvlhto tuk a filamohlicha he :

50. Mikmvt yvmmak ash o tvli a bila luak chito ka pit ito-ashacha he; yohmikma yahaya, micha noti ahampa aiena hosh yvmmak oka aiasha hi oke, im achi tok.

51. Mihmvt Chisvs ash osh, Ilvppa puta ka mominchit hvsh akostininchu cho? im achi ma, Yau, Chitokaka ma okla im achi tok.

52. Yohmi ma, Na holissochi aiyuka vba apelihika isht im vlvchi kv, hatak chuka-chvfa pehlichi yosh nan im aisha ya nana kv himona, micha hopaki aiena ho ai ishit kohchi ka chomi hoke, im achi tok.

53. Atuk o yakohmi tok; Chisvs vt nan isht vlvpisa ilvppa puta ka ont taiyali mvt, kohchvt ia tok.

54. Atuk osh ilap i yakni ak inli ka vla mvt, i sinakak a nan ai im abahanchi; yohmi ma okla nukhlakancha mvt, Hatak ilvppvt nan ithana, micha na fehna aiena ka yvmihchi kv, katimak o ai im vlhtaha tok oh cho?

55. Ilvppvt chuka ikbi ya ushi keyu? ishki vt Meli hohchifo keyu? mikma itibapishi vhleha mvt Chemis, micha Choses, mikmvt Saimon micha Chutas aiena kak keyu?

56. Mihma in tek vhleha hvt momvt hvpi takla maya keyu? Yohmi ka hatak ilvppvt katimak o nan ilvppa mo ma ka ai im vlhtaha tok oh cho? achi tok.

57. Mihmvt yvmmak ash o okla isht ai ibetvbli tok. Yohmi kia Chisvs vt, Hopaii vt ik holitopo keyu hosh ahanta kia, ilap i yakni ak inli, micha ilap in chuka kak illa hob chatuk oke, im achi tok.

58. Yohmi mvt okla nan ik i yimmo hatuk mak o yummak atuk ma na fehna ka lauachit a yvmihchi tok keyushke.

CHAPTA XIV

Chan Baptist vt nan ai ghli fehna hatuk osh Helot a nan i miha hosh aboha kvullo pit fohka, 1, 8 micha noshkobo tupa tok. 18 Chisvs vt paska lumbo tahlapi, micha nvti tuklo aiena ho hatak tahlepa sipokni tahlapi ho ipeta tok. 22 Chisvs vt vba pit anumpula chi hosh nvtih chaha pit oiya; atuk osh ninak a mahli fehna ma okhota paknaka a nowvt nan im ai ithvna vhleha ho im ia; micha Pita yvt oka kvnia he tuk a okchalinchi. 34 Chisvs vt Kensesalet ona mvt, abeka puta tuk a hlakofichi.

1. YOHMI ma nitak yumma foka ma, miko Helot vt Chisvs vt annohowa ka, haklo tok.

2. Mihmvt in tishu vhleha hash o, Ilvppvt Chan Baptist mak oke; illi tuk vt falamvt tanishke: yohmi hatuk o na fehna puta kvv yummak atuk ma ai isht il otvnihinchishke, im achi tok.

3. Helot vt itibapishi Filip a tekchi Helotias ak atuk pulla mak o, Chan a hoklit, ishit takchi cha, aboha kvullo ya fohki tuk a tok.

4. Chan vt, Yummak oka ish itauwaya he chim vhpesa keyushke, im achi hatuk o.

5. Yohmi kak o yumma vbi bvnna kia, okla laua yak o i nukshopa tok: yummak oka hopaii, okla ahni hatuk oka.

6. Yohmi tuk kia Helot vt ai vta tok nitak a holioblit maya ma, Helotias ushetik vt itikba ya a hihla ma, Helot vt yukpa tok.

7. Yohmi kak osh anumpa kvullo isht ai il onochi hosh nana ho asilhha hokma, ima hi vt miha tok.

8. Mihma ishki vt tikbanli i miha hatuk oka, Chan Baptist noshkobo vt amphvta chito fohka ho, iluppak fehna ant is si ai vmashke, achi tok.

9. Mihma miko vt nukhaklo tok; yohmi nana kia anumpa kvullo atuk pulla, micha okla ibai-impvt maya tuk aiena hatuk mak o, yummak atuk ma ima hi a apesa tok.

10. Micha pit atohno na aboha kullo anukaka yak o Chau noshkobo ya a tvbli tok.

11. Mihma yvmma noshkobo hvt amphvta chito fohka ho isht vla cha, ohoyo himita yash ima tok ; mihma yvmmak ash osh ishki a isht im ona tok.

12. Yohmi ma nan im ai ithvna vhleha hvt haknip a ont ishi cha, hohpi mvt, ivt Chisvs a ont im anoli tok.

13. Chisvs ash osh haklo mvt, nan im ai ithvna vhleha bano ho ai itapihvt yvmma vttvt ia kv, peni vlhtot yakni haiaka yo ilhkoli tok ; atuk o okla hvt yvmmak ash haklo mvt, aka itenowa hosh tvnaha puta ka ashvt okla pit iakaiya tok.

14. Atuk o Chisvs vt kohcha cha, okla laua ya pisa mvt, i nukhaklo fehna cha, abeka im asha tuk a hlakofichi tok.

15. Atuk o opivt taha ma, nan im ai ithvna vhleha hash osh im ai vla mvt, Ilvppak okvt yakni haiaka yoke ; mikma himak a shoba hosit tahvshke ; okla laua ya pit ish tibleli na tvmahushi taloha ka ilhpak vpa chi kv okla a chumpashke, achi tok.

16. Yohmi kia Chisvs ash osh, Okla ik aiyo mak kia, impa chi ka hvsh ipetashke.

17. Yohmi ma, Pvska tahlapi, micha nvni tuklo aiena illa hosh itvppa pim ashvshke, okla im achi tok.

18. Mihma, Ilvppak o isht oh vm vla, achi tok.

19. Mihmvt okla laua yvt aka hvshuk ai om binohla chi ka apesa tok ; mihmvt pvska tahlapi cha nvni tuklo aiena kash o ishi cha, vba pit vba-chakali mvt, ai okpvchi cha tushahlichit, pvska yash o nan im ai ithvna vhleha ha ima na nan im ai ithvna vhleha hash osh okla laua ya pit ipeta tok.

20. Mihma okla momvt impvt kaiya tok ; mihma boshulli atampvt asha ka kishi alota auah-tuklo ho okla ishi tok.

21. Yohmi ka okla impa tuk vt, ohoyo vlla aiena kvto asha ho, hatak tahlepa sipokni tahlapi foka tok.

22. Yohmi ma mih mak inli ho Chisvs vt ilapvt okla laua ya tishelichi taklakma, nan im ai ithvna vhleha hvt peni pit abcha cha, tikba misha tvnvp a ilhkola chi ka i miha tok.

23. Micha okla laua yash tishelichit tahli mvt, vba pit anumpula chi hosh ilap illt nmih chaha yo pit oiya tok : atuk osh opivt taha ma ilap bano hosh yvmma anta tok.

24. Amba peni vto okhvta iklvna ya, mahli ak osh a sanali hatuk o, oka banvtha ka takakanlit aya tok.

25. Atuk o ninak isht vlpisa ont isht ai ushtak fehna. Chisvs vt okhvta ha a nowvt ayvt im ona tok.

26. Mihma okhvta a nohovvt aya na nan im ai ithvna vhleha hvt pit pisvt, komunta mvt, Shilup oke, achi tok ; mihmvt nukshopa cha, tahpula tok.

27. Yohmi kia Chisvs ash osh ashalinka pit im anumpulit, Hvchi nuktanla achukmashke ; vno ash sia hoke ; ik hvchi nukshopo kashke, achi tok.

28. Mihma Pita yvt afalaminchi mvt, Chitokaka ma ! chishno ash chia hokmvt, oka ya a nowvt mayvt chim ona la hi a is sa mihashke, im achi tok.

29. Mihma, Minti, achi tok. Yohmi ma Pita yvt peni ash pit akowa mvt, oka ya a nowvt Chisvs a im ia tok.

30. Yohmi tuk kia mahli hvt kullo fehna ho pisa mvt, nukshopa tok ; micha oka kvnivt ishtia mvt, tahpult, Chitokaka ma ! si okchalinchí, achi tok.

31. Yohmi ma Chisvs vt ashalika ibbak a pit welit halvli mvt, Na yimmi fehna keyu chia ma ! nanta katiohmi ho chi anuktuklo tuk oh cho ! im achi tok.

32. Atuk o peni a ant vlhto ma, mahli hvt yokopa tok.

33. Yohmi ma peni anukaka maya tuk ash osh yvmmak oka ant aiokpahanchi mvt, Chishno ak osh Chihowa Ushi a chia ho mvhlishke, achi tok.

34. Atuk o yvmmak ash o hlopulli mvt, Kenesalet yakni o okla ona tok.

35. Yohmi ma hatak yvmma a sha tuk vt yvmmak ash o akostininchi mvt, inla tohnot yakni yvmma fullota ka mominchit pit tihleli na abeka yatuk vt momvt ai im ona tok.

36. Mihma im anchi aposhokvchi ak illa kia okla potola hinla ka im asilhha tok ; yohmi ma laua kvk kaniohmi hosh potoli tuk okvt hlakofi aiahli tok.

CHAPTER XV.

Chisvs vt na holissochi vhleha micha Falisi vhleha aiena kv̄t anumpa kochanli ĭ nan v̄lhpisa puta kak ǝ ahninchī kv̄t, Chihowa ĭ nan v̄lhpisa puta ka ĭ shahlichī ka nan ĭ miha tok, 1: 11 micha nana puta nana hosh hatak ǝ okpaiyani kv̄t ǝsha ka anoli. 21 Chisvs vt Kenan ohoyo hǝ ushetik ǝ hlakofichi, 30 micha okla laua kv̄t im ona na hlakofihinchī tok; 32 micha pvska lumbo untuklo, micha n̄ni chipunta kanomosi aiena hǝ hatak tahlepa sipokni ushta ka ipeta.

1. YUMOHMI ma na holissochi vhleha, micha Falisi vhleha aiena kv̄t, Chelusalem minti hosh Chisvs ǝ im ai vla mvt,

2. Nanta katiohmi hǝ na chim ai ithvna vhleha hv̄t hatak tikba vhleha anumpa kochanli isht ĭ nana v̄lhpisa ha tok ǝ kobv̄ffi cho? okla ibbak achifa keyu hosh pvska vpa kv̄t, achi tok,

3. Yohmi kia yvm̄mak ash osh afalaminchi mvt, Nanta katiohmi hǝ hv̄chishno mvt, Chihowa ĭ nan v̄lhpisa ya anumpa kochanli ch̄i nana v̄lhpisa ka isht hv̄sh kobv̄ffi cho?

4. Chihowa yvt apih̄isa kv̄t, Ch̄iki micha chishki aiena ka ish holitoblashke; yohmikma, Kv̄na hosh ĭki okm̄á, keyukmvt ishki okm̄á, nana hǝ na mihachikmvt, illi mak ǝ illashke, achi tok oka.

5. Amba hv̄chishno vt, Kv̄na kia ĭki, keyukmvt ishki okma nana kash ǝ vm̄ isht ish aiyukpa he tuk ǝ, Ūba-isht aiokpv̄chi oke, im achi: yohmi cha ĭki okm̄á, ishki okm̄á, nana ka ik holitoblo kia nan ik ĭ kanihmo ka hi oke, hv̄sh achi.

6. Yohmi hosh Chihowa ĭ nana v̄lhpisa ya anumpa kochanli ch̄i nana v̄lhpisa ya isht hv̄sh ai okpv̄nichishke.

7. Nan-ilahobi hv̄chia ma! Esaias vt tikbanli nan isht hv̄chi anohonli hosh,

8. Okla ilv̄ppvt itih hokv̄no ǝ bilikasi isht vla mvt, itiv̄lhi ma ishit sa holitoblishke; yohmi kia ch̄ukv̄sh okv̄to auet ǝ hopakishke.

9. Nana abvchi kv̄t hatak i nana v̄lhpisa yō ithananchi hokv̄t, nana v̄lhpesa keyut okla si aiokpahanchishke, achi tok, im achi tok.

10. Yohmi mvt okla laua yash o itahobi cha, Haklot, hv̄sh ithaiyanashke ;

11. Nana kv̄t itih h̄ pit chukowa kak osh hatak a okp̄ni hō keyu : amba nana hv̄t itih h̄ a kohcha, ilv̄ppak osh hatak a okp̄ni hoke, im achi tok.

12. Yohmi ma nan im ai ithv̄na vhleha hash osh im ai ona cha, Falisi vhleha hv̄t anumpa ilv̄ppa haklot issa mvt, ik im v̄lhpieso tuk a ish akostininchi cho ? achi tok.

13. Yohmi kia yv̄mmak ash osh afalaminchi mvt, Na holokchi moma kv̄t Aki v̄ba binili hosh hokchi tok keyu hokv̄no, tehvt taha hi oke.

14. Ant ik maya, l̄v̄pa yosh l̄v̄pa pehlichī okla hoke : yohmi ka l̄v̄pa yosh l̄v̄pa yā ilauei kv̄t tuklot yakni kula yā pit kaha hi bano hoke, achi tok.

15. Yohmi ma Pita yvt afalaminchi mvt, Nan isht v̄lhpisa ilv̄ppa achukmalit pim anoli, achi tok.

16. Mihma Chisvs ash osh, Hv̄chishno ak kia nana ik akostinincho kv̄t hv̄chi moma hato ?

17. Nana kv̄t itih h̄ fohka cha ia kv̄t takoba yā ont fohka tuk osh, anonti ont kohcha chatuk a, hv̄ch ik akostinincho moma cho ?

18. Amba nana puta kv̄t itih h̄ akohcha hokv̄to chukv̄sh ak o a minti ; micha yv̄mmak osh hatak a okp̄ni chatuk oke.

19. Chukv̄sh ak o im anukfila okpulo puta, hatak bika v̄bi, haui toba, ohoyo ik im iksho micha hatak ik im iksho it i lumaka puta, bukopa, anumpa ik ahlo isht atokoli, Chihowa ik ahobalot anumpuli puta kv̄t a toba hoka.

20. Ilv̄ppa puta kak osh hatak a okp̄ni hoke ; amba ibbak ik ahchifo yō isht impa hokv̄no hatak a okp̄ni keyu hoke, achi tok.

21. Yohmi ma Chisvs vt yv̄mmak ash v̄ttvt ia mvt, Taisa micha Saiton aiena yakni i kaniohmi hō ona tok.

22. Mihma Kenan ohoyo hosh yv̄mmak inli hō v̄ttvt aya

tuk vt vla cha in tahpvla mvt, Chitokaka Lewi ushi clia ma! is sa nukhuklashke; svso-tek vt nan-isht-ahullo okpuk ai i foka isht issikkopa fehna hoke, achi tok.

23. Yohmi kia ilap vt anumpa achvfa kia isht ik im afalamincho ki tok. Yohmi ma nan im ai ithvna vhleha hash osh ona cha, Tahpvlt hvv iakaiya ka, kanompit ish chvffichashke, achit im asilhha tok.

24. Yohmi kia yvmnak ash osh afalaminchi mvt, Inla yokvno im aya li ha tok keyu; amba chukfulhpoba tumoa Islael in chuka-chvfa ak a tok oke, achi tok.

25. Yohmi ma ohoyo hash osh mintit ant aiokpvchi mvt, Chitokaka ma! si apelvchi, achi tok.

26. Yohmi kia afalaminchi mvt, Ulla im puska ya ishi cha, ofi puta ka pit ipeta he vhpesa keyu hoke, achi tok.

27. Mihma yvmmak ash osh, Ahlishke, Chitokaka ma! yohmi kia ofi puta kvv boshulli osh im pushnayo im ai-impa a chilofa kvno vpa hoke, achi tok.

28. Yohmi ma Chisvs vt afalaminchi mvt, Ohoyo ma! na chi yimmi kvv chintoshke; chishno ish ai ahni tuk fehna mak o chim ai yvmohmashke, im achi tok. Mihma hvshi kanvlli vhpisa yvmmak fehna hq ushetik atuk vt hlakofi tok.

29. Yohmi ma Chisvs vt yvmmak ash vtvt ia mvt, Kalili okhvta bilika yq ona tok; mihmvt nvnih chaha yq pit oiya cha, yvmmak o binili tok.

30. Mihma okla chinto fehna kvv hanali okpulo, ik hoponayo, ik anumpolo, imomokpulo puta, mikmvt inla mvt laua hq il ai ishit im ai ona mvt, Chisvs iyi ituma ya ont ashachi tok; mihma yvmmak ash o hlakofichi tok.

31. Yohmi na okla laua kvv, ik anumpolo atuk vt anum-puli, imomokpulo atuk vt hlakofi, hanali okpulo atuk vt nowa, ik hoponayo atuk vt pisa aiena hq okla pisa mvt, nukhlakancha tok; micha Islael in Chihowa ak o okla aiokpahanchi tok.

32. Yohmi ma Chisvs vt nan im ai ithvna vhleha hash o hoyo cha, Okla laua si apehvt maya na himak nitak tuchina ka nana vpa hi vt ik im iksho hatuk o, i sa nukhakloshke; vohmi hatuk osh nan ik po moma hokvno tishelichi la he

keyu, yummak keyukma takla ya okla tikamba hinla hoka, im achi tok.

33. Mihma nan im ai ithvna vhleha hash osh, Yakni haiaka ya katimak o pvska laua ka il ahayuchi na okla chinto yohmi fehna kv̄t kaiya hinla cho? im achi tok.

34. Mihma Chisvs ash osh, Pvska yvt katohmi hō hvsh ishi hō? im achi tok. Mihma, Untuklo, micha n̄vni chi punta kanomosi hosh aiena, im achi tok.

35. Yohmi ma okla laua yvt aka binohla hi a apesa tok.

36. Mihmvt pvska untuklo, micha n̄vni aiena kash o ishi cha, vba isht aiokpv̄chi mvt, tushtoli cha, nan im ai ithvna vhleha hā ima na nan im ai ithvna vhleha hash osh okla laua ya ipeta tok.

37. Mihma momvt okla impvt, kaiya tok: mihma bo-shulli atampvt āsha ka kishi alota untuklo hō okla ishi tok.

38. Mihma okla impa tuk vt, ohoyo vlla aiena hokvto āsha hō, hatak tahlepa sipokni ushta tok.

39. Mihma okla laua yash o tishelichi mvt, peni fohka cha, ivt Maktala yakni a ona tok.

CHAPTA XVI.

Falisi vhleha hv̄t, Chisvs vt nan isht atokowa ya vba ya ai im otv̄n cha hi a ahni, 1; 6 micha nan im ai ithvna vhleha hv̄t, Falisi vhleha hv̄t nana ithvn̄n̄chi ka i nuktahlvt ahah! ahna he i miha tok. 13 Pita yvt Chisvs a Ohihowa okchaya Ushi, aiahnit yimmi kv̄t miha. 21 Chisvs vt iti-taiyukhv̄na ai illa he, atuk mvt nitak ont atuchinakma falamvt tana he aiena kv̄t tikbanli anoli; 24 anonti Chisvs a im antia vhleha hv̄t okla ile kaiyan̄chi, mikmvt tikba na yukpa ai im vltoba he takanli kak o isht ai ilbv̄sha he mak o achi.

1. **FALISI** vhleha micha Satusi okla aiena kv̄t ai v̄la cha, yummak ash o imomaka pisa hosh nan isht atokowa ya vba ya auet ai im otv̄nich̄a hinla ka, im ahni tok.

2. Mihma afalamin̄chi mvt opiaka yokma, Shutik vt hum ma hoka, kocha yvt achukma chishke, hvsh achi.

3. Mikmvt onnabinli yokma, Shutik vt humma cha hosh-

ontichi fehna hokvt, kocha yvt okpula chishke, hvsh achi Nan ilahobi hvchia ma! shutik pisa yosh kaniohmi hokvno hvsh akostininchi kv, anonti himak nitak isht ai vllpisa kvno hvch ik akostinincho ka hinla cho?

4. Hatak haksi micha havi aiena okla ash osh nan isht atokowa ya pisa ka ahnishke: yohmi kia nan-isht atokowa nana hosh im otvna he keyu; amba hopaii Chonas a nan-isht im atokowa kak illa hi oke, im achi tok. Mihmvt yvmmak ash o issvt ia tok.

5. Atuk o nan im ai ithvna vhleha hv misha in tvnvp a ona mvt, pvaska okla isha he tuk vt imihaksi tuk a tok.

6. Yohmi ma Chisvs ash osh, Falisi vhleha, micha Satusi vhleha aiena im pvaska isht-shatvmmi ya i nuktahlvt ahah! hvsh aiahnashke, im achi tok.

7. Yohmi ma yvmmak ash osh, Pvska kil esho kak oka, achit ilap bika it im anumpulit maya tok.

8. Mihma Chisvs vt yvmmak ash o akostininchi mvt, Na yimmi fehna keyu hvchia ma! na katihmi ho pvaska ya isht hvch ik gyo ke tuk ak osh isht it im anumpulit nvsh maya cho?

9, 10. Pvska tahlapi ho tahlepa sipokni tahlapi tuk a, kishi kanohmi ho hvsh ishi tok vt, micha pvaska yvt untuklo ho, tahlepa sipokni ushta tuk a, kishi kanohmi ho hvsh ishi tok aiena kv; hvch ik ithanot hvch ik akostinincho moma ho?

11. Katihmi ho Falisi vhleha, micha Satusi vhleha aien im pvaska isht-shatvmmi ya ahah! hvsh aiahna he, yvmmak pvaska imma yo isht hvch im anumpuli li tuk keyu ka hvch ik akostinincho cho? im achi tok.

12. Yohmi ma pvaska isht-shatvmmi hak o ahah! im ahna hi o i miha hatuk keyu; amba Falisi vhleha, mikmvt Satusi vhleha aiena nan-isht ai ithvnanchi ak atuk a okla akostininchi tok.

13. Atuk o Chisvs vt Sesalea Fillippi yakni a ona mvt, nan im ai ithvna vhleha im ponaklot, Hatak vto, Hatak Ushi sia ha, kvta ho si achi cho? achi tok.

14. Mihma, Kanimi kvto, Chan Baptist chia ho mihakma.

kanimi kvto, Elias ; mikma inlaka yvto Chelemaias ; keyuk-
mvt hōpaii a tok achvfona mak o chia hō miha hoke, achi
tok.

15. Mihma, Amba hvchishno vto kvta hō hvs si achi cho ?
im achi tok.

16. Mihma Saimon Pita yvt afalaminchi mvt, Chihowa
okchaya Ushi, Klaist chia mak oke, achi tok.

17. Mihma Chisvs vt afalaminchi mvt, Saimon Ba Chona
chia hv na chi yukpvshke : nipi micha issish aiena hosh
yvmma chim otvnichi hō keyu hoka, amba Aki vba binili
kak oke.

18. Yohmi ma anonti, Chishno vt Pita chia, yohmi ka tvli
ilvppak o an chvch atuk ma ai ikbit hilechi la hi oke : yoh-
mikma aiokpuloka okhissa puta kv yvmmak atuk ma ik
imayacho ka he mak oke.

19. Michā vba apēhlichika ishit-tiwa puta ka chishno ak
o chima lashke : mikma nana hō yakni paknaka ya ish a
takchi hoka, vba yakni ma a talakcha he : mikmvt nana hō
yakni paknaka ya ish ai i hotofi hoka vba yakni ma ai i ho-
tofa he mak oke, chim achi li akinlishke, achi tok.

20. Yohmi mvt ilap ak osh Chisvs Klaist mak atuk a ha-
tak nana kia okla ik im anolo ka hi a, nan im ai ithvna
vhleha hash kvlllochit i miha tok.

21. Nitak yvmma ai vhlit maya kak o Chisvs vt ilapvt
Chelusalem a ona cha, hatak hochitoka vhleha, micha na
holitempa isht a sha pēhlichī vhleha, na holissochi vhleha
aiena ka nan isht im ai ilbvsha in laua he, micha illichī tuk
ma, nitak ont atuchinakma falamvt tana he aiena ka nan im
ai ithvna vhleha hā im anolit ishtia tok.

22. Yohmi ma Pita yvt ilaelit ishi cha, im alvmminchit
ishitia mvt, Na yakohmi kv chī mishemashke, Chitokaka
ma ! ilvppak okvt a chī yvmohma he keyu hoke, achi tok.

23. Yohmi kia yvmmak ash osh filema mvt, Pita yash o,
Setan chia hv vm ashaka yō ish hikiashke ; chishno ak osh
is si ataklvmmichishke : nana kv Chihowa ya ahalaya kak
o ish ahninchī keyu, amba nana kv hatak o ahalaya hok
mak bano hoka, im achi tok.

24. Yohmi mvt nitak yvmma foka ma Chisvs vt nan im ai ithvna vhleha hash o, Hatak nana hosh siakaiya bvna hokmvt, ile kaiyanchi cha, im iti-taiyukhvna ya sholi hosh siakaiyashke.

25. Kvna kia ilap im ilhfiopak a okchalnchi bvna hokvto, i kvnia hi oke: yohmikma kvna kia vno pulla hatuk mak o im ilhfiopak vt isht i kvnia hov kia, ahayucha hi oke.

26. Hatak vt yakni a ai ila mominchi hosh ahanta na ilap imi shilombish ash osh i kvnia hokma, nanta ho ai-isht il aiyukpa hinla cho? yvmmak keyukmvt hatak vt nanta ak o ilap shilombish a isht atobba hinla cho?

27. Hatak Ushi vt enchil vhleha ha pehlichich cha, Iki isht aholitopaka ya il aieshi hosh aya hi oka; yohmikmak osh hatak moma ka ilap nana akaniohmi tok aiyuka mak o isht im atobba hi oke.

28. Ahli mak o hvchim achi lishke, Ilvppa hiohmaya kvtkanimi kvtkan im illo hosh ahanta cha, Hatak Ushi vt im apehlichika il aieshit minti ka, pisa hi vt asha hoke, im achi tok.

CHAPTER XVII.

Chisvs vt inlvt toba, micha Moses Elias ita tuklo kvtkan im vna na it im anumpuli, 1. 14 Chisvs vt nvnih chaha vtvvt akowa mvt, haiochichi tuk a hlakofichi; 22 micha illa he atuk mvt falamvt tana he tikbanlit anoli. 24 Chisvs vt tvli holisso holitopa ka tempel a nan isht im ai atahla chi ho ima tok.

1. YUMOHMI tuk o nitak hannali ont ia ma, Chisvs vt Pita, Chemis, mikmvt itibapishi Chan aiena ka ilap bano ho pehlichich cha, nvnih chaha yo pit oiya tok.

2. Mihmvt itikba ya ai inla tobtv hikia tok; mihma nashuka yvt shohpakali kvtkan hvshi ak o chiyuhmi ma, im anchi vt tohbi kvtkan tommi hak o itilauitok.

3. Yohmi ma Moses micha Elias itatuklo hosh yvmmak ash ant it im anumpuli hosh im otvni tok.

4. Yohmi ma, Pita yvt anumpuli mut, Chitokaka ma! ilvppa il asha kvtkan pim achukmvshke; vlvpesa ish ahni hok-

ma, ilvppa vlhtipo tuchina ka il ai ikbashke; achvfa kv̄t chishno ak o chimmi hokma, anonti achvfa kv̄t Moses ak o immi hokma, anonti achvfa kv̄t Elias ak o immi hashke, Chisvs a im achi tok

5. Yvmmvt anumpohonli moma ho, hoshonti tohbi kv̄t ant o hoshontikachi tok; mihma anumpa hoshontika auet a kocha kv̄t, Ilvppak osh Svso a holitopa yo, nan-isht a sai yukpa fehna hoke; hvsh i haponaklashke, achi tok.

6. Mihma nan ithvna vhleha hash osh haklo mvt, hlipvt kaha cha, okla nukshopa fehna tok.

7. Mihma Chisvs vt vlv̄t ant tebli mvt, Ho tani; ik hvchi nukshopa kashke, achi tok.

8. Yohmi ma okla vba chakali mvt, hatak nana kia ik peso, amba Chisvs ak illa tok.

9. Yvmohmi tuk o nv̄nih chaha ya asht akowvt okla minti ma, Chisvs vt yvmmak ash o nan i mihvt, Nana hvsh pisa tuk vt hatak nana kia hvch ik im anolo mak o, Hatak Ushi vt illit falamvt tani hayashke, achi tok.

10. Mihma nan im ai ithana vhleha hv̄t im ponaklot, Yohmi ka katiohmi ho na holissochi vhleha hv̄t, Elias ak osh tikba vla pulla he, okla achi cho? achi tok.

11. Mihma Chisvs vt afalaminchi mvt, Elias ak osh tikba vla cha, nan okluha ka falaminchit achukmalit taiyahla he tuk o mv̄hli:

12. Yohmi ka Elias vt himonasi ak kia vla mashko hoke; mihma yvmma okla ik ithano cha, amba nana ho okla ahni tuk mvt, yvmmak atuk ma i yvmihchi tok; yohmi ka Hatak Ushi ak kia mih mak o, chiyuhmit im ai issikkopa chi hoke, hvchim achi lishke, achi tok.

13. Yohmi ma Chan Baptist ak o yvmmvt isht anumpuli hatuk a nan ithvna vhleha hv̄t akostininchi tok.

14. Atuk o okla laua aiasha kash vlv̄t taha ma, hatak achvfa hosh im vla cha, ant i hvchukbihlept hikia mvt,

15. Chitokaka ma! svso ha ish i nukhaklashke: yvmmak okvt haiochi atuk osh himonna luak a itatohonla fehna, mikmvt oka ma himonna oka itohonla fehna aiena hatuk osh issikkopa fehna hoke.

16. Yohmi hō nan chim aiithvna vhleha hā isht im vla k tuk a, okla hlakoficha he keyu tuk oke, achi tok.

17. Mihma Chisvs vt afalaminchi mvt, Na yimmi iksho, micha na shanaiya fehna okla hvchia ma! hvchi takla abanta li katiohmi foka chī cho? nana ka isht ak hvchi ahno hō katiohmi foka chī cho? Ilvppak o isht hvs sum vlashke, achi tok.

18. Mihmvt Chisvs vt nan-isht ahullo okpulo yā im alvm-mi ma, yvmmak ash a kohcha tok; yohmi ma vlla yash osh hvshi kanvlli vlpisa mih makinli hō hlakofi tok.

19. Yvmohmi tuk o Chisvs vt ilap bauo ma, nan ithvna vhleha hvt im ona cha, Katiohmi hō pishno vto yvmma e kohcha he keyu tuk oh cho? achi tok.

20. Mihma Chisvs vt, Nan ik hvchi yimmo kak atuk oka; ahli mak o hvchim achi lishke: Na yimmi kvv mvtvt nihi achvfa yak o chohmi hosh hvchi nukfoka hatuk okmvt, nvnih chaha ilvppa, Ilvppak atuk ma a kanvllit yvmmak o ish onashke, hvsh im achi hoka, yvmvvt kanvlla hinla hoke: mikma nana hosh hvchi na fehna hi vt iksho ka hinla hoke.

21. Yohmi kia ilvppa chohmi hokvt vba pit anumpuli, micha nahullochi aiena kak o keyukma kohcha chatuk keyushke, im achi tok.

22. Atuk osh Kalili a okla mavā hō, Hatak Ushi a ishit okla ibbak a fohka chī hoke.

23. Yohmikma yvmmak ash o okla vbi tuk ma, anonti nitak ont atuchinakma falamvt tana hi oke, Chisvs vt im achi tok. Yohmi ma okla nukhaklo fehna tok.

24. Yvmohmi tuk o Kapenavm a okla ai vla ma, vba isht ai okpvchi tvli holisso a sholi vhleha hvt Pita yā im ona mvt, Na hvch ithvnanchi vt vba isht aiokpvchi tvli holisso a bohli chatuk keyu hō? achi tok.

25. Mihma yvmmak ash osh, Ahli; achi tok. Michā aboha yā ont chukowa ma, Chisvs vt tikbanli. Saimon vt katiohmi ish ahni cho? miko vhleha yakni pakna aiasha kvv ilap im vlla yak okmā, keyukmut hatak inla yak okmā, aanta hō vlpoyak i nan vlpisa tvli holisso, micha nosh-

kobo chumpa tvli holisso, aiena ka im a hoyo chatuk o? achi tok.

26. Pita yash osh, Hatak inla vhleha ha, im achi tok. Mihma Chisvs vt, Yohmikma im vlla yokvto yvmma ik ahalaiyo ho tumvshke.

27. Yohmi kia kil ibetvblecho ka chi ka, ivt okhvta ona cha, nvni isht-vlbi ya pit okvchi; atuk osh nvni tikba kohcha ho ish ishashke: micha itakha ya ish wakvmmikmvt, tvli holisso tushafa kvf foka na ish pisa chi hoke; yvmmak o ish ishi cha, vno, micha chishno, il ita tuklo isht vlhtoba mak o yvmma ont ish imashke, im achi tok.

CHAPTA XVIII.

Chisvs vt pim anukfila hvv akanlosa he, 1, 7 micha ilap i yimmi ahv vhleha hoka e shitelema he keyu ka pi miha: 12 anonti i yimmi vhleha ha i hullo kvf isht anoli mak osh chukfvlpoba kvnia isht apesvt anumpuli: 15 micha itibapishi iksa ibafohka yatuk osh nana ka pim okpvi hokma, il i kanihoma hi oka pi miha: 20 anonti kvna hoh kia i hohchifo ha kanima yo ai it afama ka ai ibafoka hi vt achi. 21 Chisvs vt hatak okvt nana ka ai iti kanihmi hokvt, peh iti kashofa he tuk nan isht apesa hosh anumpuli.

1. YOHMI ma yvmmak fehna akinli ka nan ithvna vhleha hvv Chisvs a im ai vla mvt, Kvta hosh vba apehlichika ya ibafoka kvf moma i shahli cho? achi tok.

2. Mihma Chisvs vt vlla iskitini o i howa cha, yvmmak ash intinlakla ya hilechi tok.

3. Mihmvt, Ahli ho hvchim achi lishke; Inlvv toba cha, vlla chipunta yo chiyuhmi ho keyukmvt, vba apehlichika ya hvsh chukowa he keyu hoke.

4. Yohmi hoka kvna hosh ile akanlosichi kvf vlla iskitini ilvppak o chiyuhmi hokmvt, mihi yosh vba apehlichika ya ibafoka kvf moma i shahla hi oke.

5. Mikma kvna hosh vno a hohchifo hatuk mak o vlla dvppa chohmi achvfa ka ahnichi hokmvt, vno ak o ahnichi hoke.

6. Amba kvna hosh a yimmi chipunta yakohmi achvfona

kia ibetvblichi hokmvt, yummak ash o ilap ak o tvli tanch. botoli osh ikunla ya atakanli ho, okhvta ahofobi fehna yo ai oka illi hok mak osh im vhpiesa he tuk mak a hi oke.

7. Nan-isht-ai ibetvbli ak pulla tok mak o yakni vt nan i palvmmi hoke: nana ai ibetvbli okakanto kaniohmi kia ik takalo ka wa: yohmi kia hatak nana ho ai ibetvbli vt isht a tobtv minti hatuk okvno i palvmmi mak oke.

8. Yohmi hoka chibbak okma, chiyi yokma, nana hosh chi ibetvblichi hokma, hokofit ish kanchashke; hanali okpulo, keyukmvt imomokpulo yokma, nana hosh ai okchaya ya ont ish chukowa kak osh ibbak vt tuklo, keyukmvt iyi yvt tuklo, kanima hosh luak ataha iksho ma ish itokvnia he tuk a chim i shahla hi oke.

9. Mikmvt chi nishkin vt chi ibetvblichi hokma, kohchit ish kanchashke; nishkin vt im achvfa hosh aiokchaya ya ont ish chukowa hok mak osh nishkin tuklo hosh aiokpulo ka luak a ish itokvnia he tuk a chim i shahla hi oke.

10. Ahah! aiahnit chipota vhleha ilvppa achvfona kia hvch ik kanimancho kashke: yummak oka im enchil vhleha vba yakni aiasha kv, Aki vba binili ka nashuka ya pisa na bilia hoke, hvchim achi lishke.

11. Hatak Ushi vt okpulot taha yak o okchalincha chi hosh aya hatuk oke.

12. Katiohmi hvsh ahni cho? Hatak vt chukvhpoba tahlepa achvfa hosh im agha tuk osh, achvfonvt yoshubvt kvnia ka, pokoli chakkali akocha chakkali kash ashachi cha, ivt yoshubvt kvnia tuk a hoyot, nvnih foka ya hikikia chatuk keyu cho?

13. Atuk osh ahayucha he yoba tuk osh yohmi hokmvt, achvfa yvmma isht a na yukpa kv, yoshubvt ik tumoo ke tuk pokoli chakkali akocha chakkali ka im i shahli chatuk oke, ghli mak o hvchim achi lishke.

14. Yohmi ka chipota vhleha ilvppa achvfona kia okpulot taha hi a, hvch iki vba binili kv ik ahno kv, yummak inli ho chiyuhmi hoka.

15. Yohmi ka ish itibapishi hvvt nana ka chim ashvchi hokma, ivt chishno, micha ilap hvsh ita tuklo bano ho nana

ai ashvchi tuk a ish im anolashke: chi haponaklo hokma, ish itibapishi hatuk a falaminchit ish im aiyubacha he mak oke.

16. Amba chi haponakla he keyu, yohmi hok mvno, himmakma achvfá, keyukmvt tuklokma, nana hō pehlinchit ish ia na nan anoli tuklo, keyukmvt tuchinakmá nana itih hō anumpa puta mvt isht ai ahlashke.

17. Yohmikma yvmmak atuk ma i haponakla he keyuk ma, chvch a ish im anolashke: yohmi kia chvch atuk ma i haponakla he keyu hokmvt, yvmmak atuk mvt Chentail hatak, micha pūblikan aiena mak o chim ai itilauashke.

18. Ahli mak o hvchim achi lishke, Nana hō yakni pakna ya hvsh a takchi hoka, vba yakni ma a talakcha he; mikmvt nana hō yakni pakna ya hvsh ai i hotofi hoka, vba yakni ma ai i hotofa he mak oke.

19. Anonti hvsh tuklo hosh nana ka asilhha he imma hō yakni pakna ya hvsh ai it im achvfa hokma, Aki vba binili kv̄t ai im aiahlichha he mak oke, hvchim achi lishke.

20. Kanima yo tuklokmá, tuchinakmá, nana hosh sa hohchifo hā isht ai itvnaha hoka, yvmma ai iklvna hikia li hoka, achi tok.

21. Yohmi ma Pita yvt im ona mvt, Chitokaka ma! itibapishi li hv̄t katohmi ha yo vm ashvchi ka, i kashofi la hinla cho? untuklo haya hi o? achi tok.

22. Mihma Chisvs vt, Untuklo ha ya hi o ak chim achoshke: amba, Pokoli untuklo bat untukla hi oke, chim achi lishke, im achi tok.

23. Yohmi hoka vba apelihchika yvt miko yosh in tishu vhleha hā aheka i hotihv̄t pisa bv̄na hō chohmi hoke.

24. Atuk osh i hotihv̄t ishtia ma, achvfa hosh talent tahlepa sipokni pokoli hosh aheka im asha tuk o, ilaelit im vla tok.

25. Yohmi kia isht atobba hi vt ik im iksho hatuk o, i shahli hash osh yvmv̄t, tekchi, micha im vlla vhleha, mikmvt nan im gsha tuk moma aiena kv̄t kv̄nia na aheka yvt v̄lhtoba hinla ka apesa tok.

26. Yohmi hatuk o tishu hash osh aka hlipia cha,

aiokpahanchi mvt, Chitokaka ma! is svmj svlaha hokma, mominchit chim atobbi lashke, achi tok.

27. Yohmi ma tishu yvmma i shahli yatuk vt i nukhaklo cha, i hotofi mvt, aheka atuk a i kashofi tok.

28. Yohmi tuk kia tishu yvmmak ash inli kvv kohchvt ia mvt, tishu ilapa ai itila ii yvt achvfa hosh, aheka iskvli tablepa achvfa hosh in takanli hatuk a ont pisa tok: mihmvt yvmmak ash o hoklit ishi cha, nukthliffi mvt, Aheka chin takali kvv is svv atobbashke, achi tok.

29. Mihma tishu itilauv yatuk ash osh iyi ituma aka ya hlipia cha, Is svmj svlaha hokma, mominchit chim atobbi lashke, achit im asilhha tok.

30. Yohmi kia vvhpesa ik ahno ki tok: amba aheka ya atobbi pulla chi mak o, yvmmak ash o aboha kvvlo pit fohki tok.

31. Yohmi ma tishu bika vvhleha hvv nana kvv yvmohmi na pisa mvt, okla nukhaklo fehna cha, ivv nana a kaniohmi tuk a mominchit i shahli ha okla ont im anoli tok.

32. Yohmi tok a i shahli hatuk vt yvmmak ash o pit hoyo cha, Tishu haksi chia ma! chishno vt is svv aiahni ma, aheka yvmma mominchit chi kashofi li tuk.

33. Yohmi ka chishno ak kia tishu chi bika ya ish i nukhaklo kvv, vno vt chi nukhaklo li tuk a, ish chiyuhma he tuk keyu cho? im achi tok.

34. Mihmvt i shahli hatuk vt anukhobela mvt, aheka in takanli tuk vt, mominchit atobbi pulla chi mak o, issikkopali vvhleha ha im issa tok.

35. Yohmi ka hvchishno hvsh moma kvv hvsh itibapishi nana ai ashvchi ya hvchi chukvsh ak o isht hvsh i kashofi keyukma, yvmmak inli ho ohmichit Aki vba binili kvv hvchi yvmihcha he akinli hoke, achi tok.

CHAPTA XIX.

Falisi vvhleha hvv Chisvs a nan im ponaklo ma. Chisvs vt afalaminchi mvt, a hatak vt tekchi iti kvnia ka ik vvhpeso ka miha, 3. 13 Chisvs vt vlla chipunta hoka ibbak a onochi cha, vba isht anum

puli. 16 Chisvs a hatak himita yosh, Nantak o katiohmi li kak osh ai okchayvt bilia yoka ona la hinla cho? im achi ma, Chisvs vt isht im anumpuli: 23 nan in laua yvt ai okchaya yoka palvmmi ho chukowa he achi: 27 anonti ilap i yimmi ahli vhleha ha yukpala hi vt miha.

1. **ATUK** o yakohmi tok; Chisvs vt ilvppa puta ka ahanchit tahli mvt, Kalili a vttvt ivt, Chatan misha Chutea yakni ai vhli ho ona tok.

2. Mihma okla chito yvt iakaiya tuk o, yvmmak o a hlakofohlichi tok.

3. Mihma Falisi vhleha hak kia im ai vla cha, yvmmak ash o imomaka pisa hosh, Nana hosh a kaniohmi mak inli ho hatak vt tekchi a kancha hi vt im ai vhpesa hoh cho? im achi tok.

4. Mihma yvmmak ash osh afalaminchi mvt, Ummona hokvno yvmma ikbi hokvt, nakni micha tek itatuklo ho ikbi tok.

5. Mihmvt, Ilvppa pulla hatuk mak o hatak vt iki micha ishki aiena ka issa cha, tekchi ak o it asitia hi oke: yohmikma tuklo yvmmak atuk vt haknip achvfa hi oke; achi tok holisso ha hvch ik it im anumpulo chatuk oh cho?

6. Yohmi hoka yvmmak okvt himmakma tuklo mak a hi o keyu, amba haknip achvfa hoke. Yohmi hoka Chihowa hosh nana ka ita halvlichi ha ya, hatak vt ik iti filvmmicho kashke, im achi tok.

7. Mihma okla hash osh, Yohmi ka katiohmi ho iti kvnia holisso ha ima cha, ohoyo ha kancha hi a, Moses vt apesa tok oh cho? im achi tok.

8. Mihma, Hvchi chukvsh vt kullo pulla hatuk mak o, hvchi tekchi hvsh kancha hi a, Moses vt hvchim ahni tok: amba vmona a mihinti kvno yohmi tok keyushke.

9. Yokmi kia vno vt, Kvna hosh tekchi a inla itinlumaka tuk keyu ho, kanchi cha, inla itauwaya hokmvt, haui toba mak oke: mikma ohoyo kanchi tuk ash o kvna hosh itauwayakmvt, haui toba hoke, hvchim achi lishke, im achi tok.

10. Mihma nan im ai ithvna vhleha hash osh, Hatak vt

tekchi a isht im a yakohma hinlakma, itauwaya ka achukma keyushke, im achi tok.

11. Yohmi ma yvmmak ash osh, Hatak moma kv̄t anum-
pa ilvppa aiokpv̄cha he keyu, amba kv̄na h̄o isht ai im v̄lhpe-
sa ak illa hinla hoke.

12. Kanimi kv̄t ishki ikfoka anuka ak inli h̄o yohmi hosh
atobvt vtta tuk yunvk vt āsha; mikma kanimi kv̄to hatak
osh yunvk ikbi tok o, yunvk vt āsha: yohmi ma kanimi kv̄to
eba apehlichika pulla hatuk mak o, ilap inli hosh yunvk il
ikbi tok vt, yunvk vt āsha hoka. Kv̄na hosh ilvppa aiokpv̄-
cha hinlakmvt aiokpv̄chi mak inlashke, im āchi tok.

13. Yvmma foka ma yvmmak atukma ibbak a v̄lla chi
punta ya isht umbitepa cha, v̄ba pit anumpula chi ka isht in
ai v̄la tok: mihma nan ithvna v̄hleha hvt okla h̄a im alvmm̄in
chi tok.

14. Yohmi kia Chisus vt, V̄lla chipunta yvt v̄m v̄la hi a
hvsh im ahni cha, hvch ik im alammo kashke: ilvppa chi-
yuhmi kak osh v̄ba apehlichika mak oka, achi tok.

15. Mihmvt yvmmak ash o ibbak a isht umbitepvt lahli
mvt, yvmmak ash a kohchvt ia tok.

16. Yohmi tuk o achvfa hosh ayvt ona mvt, Nan ithvnan-
chi achukma ma! ai okchayvt bilia yoka pisa la hi v̄to nana
achukma nanta hak o yvmohmi la hinla cho? im achi tok.

17. Mihma yvmmak ash osh, Katiohmi h̄o achukma is si
achi cho? achukma kv̄t iksho h̄o amba achvfa illa, yvmmvt
Chihowa ak oke: yohmi kia ai okchaya yoka ont ish chuko-
wa he ish ahni hokmvt, nan v̄lhv̄pisa puta mak o ish holi-
toblashke, im achi tok.

18. Mihma, Katima kak o? im achi ma, Chisus vt, Kv̄na
kia chik bo kashke, Chik itinlumako kashke, Chik hukopo
kashke, Anumpa ik āhlo isht atokolit chik anto kashke.

19. Chiki micha chishki aiena ka ish holioblashke: mik-
mvt, Chin chukapanta hatak a ish holiobli kv̄t, chishno
akinli ka chim itilauashke, achi tok.

20. Hatak himita yash osh, V̄lla sa tomba mak inli hosh
nana ilvppa moma ka holioblit isht mihinti li tok mak oke:
nanta hosh ik sv̄m ono moma cho? im achi tok.

21. Mihma Chisvs vt, Aiahli kak o ish ahni hokmvt, ia cha nan chim asha ka kampilvt, ilbvsha vhleha ha ish i hopelashke; yohmikmvt na holitompa kvv vba yakni ya chin tonla he mak oke: mikmvt ish la cha, ant is siakai-yashke, im achi tok.

22. Yohmi kia hatak himita yash osh anumpa yvmmak haklo mvt, nan in laua fehna hatuk okvt, nukhaklo fehna hosh kanvllit ia tok.

23. Yohmi ma Chisvs vt nan im ai itvna vhleha hash o, Ahli mak o hvchi miha lishke, Hatak nan in laua yvt vba apelihchika ya palvmmi ho chukowa hi oke.

24. Mikma anonti, Kamel vt chofak ushi nishkin a hlopulli ka palvmmi kvv, hatak nan in laua yosh Chihowa apelihchika pit chukowa hokvno, ik lauwo ka he hvchim achi lishke, achi tok.

25. Mihma nan im ai itvna vhleha hvv okla haklo mvt, nukhlakanha fehna tok: mihmvt, Yohmikma kvvta hosh okchaya hinla cho? achi tok.

26. Yohmi kia Chisvs vt yvmmak ash o atokolit pisa mvt, Hatak okmvno ilvppvt yohma he keyu, amba Chihowa hokmvno nan okluha kvv yohma he bano hoke, im achi tok.

27. Yohmi ma Pita yvt afalaminchi mvt, Yakeh! pishno vt mominchit il issa cha, e chiakaiya tuk; yohmi kvv nanta hak o il isha chi cho? im achi tok.

28. Mihma Chisvs vt, Ahli mak o hvchi miha lishke; Si apelv hvsh itvnowa tuk vt, nan okluha kvv himonvt tobakma, Hatak Ushi yvt im aholitopaka ya aiasha holitopa ai om binilikma hvchishno ak kia aiasha holitopa auah tuklo ka hvsh a chieyvt, Israel oklushi auah tuklo ka na hvchim apesa hi oke.

29. Yohmikma chuka puta, mikmvt itibapishi vhleha, micha in tek vhleha, keyukmvt iki okma, ishki okma, tekchi okma, keyukmvt vlla yokma, yakni okma, nana ho sa hohchifo pulla hatuk mak o issvt aya tuk vt momvt yvmmak atuk a ohmi tahlepa achvfa ka pisa tuk mvt, anonti ai okchayvt bilia ma iesha he mak oke.

30. Yohmi kia tikba tuk vt ont ishtaiyopa hi vt lauakma, anonti ishtaiyopi atuk vt tikba hi vt gsha hi oke.

CHAPTER XX.

Na pilea vhleha hv̄t nitak achvfa ka hv̄shi kanvlli v̄lhpisa ilaiyuka h̄o pakvpi a holokchi ilhkoli tok nan isht v̄lhpisa. Nan isht v̄lhpisa ilvppak o Chisvs vt ilap im antia vhleha aiahli ka ai ilaiyukachit im atobba hi vt ai isht apesa, 1. 17 Chisvs vt anonti illa ch̄i kv̄t tikbanlit anoli; 20 mihma Sebeta ushi ishki vt Chisvs g nan im asilhha, mihma afalaminchit i miha. 30 Chisvs vt hatak lopa tuklo h̄o hopokoyochi.

1. ŪBA apelihika yvt, hatak chuka-chvfa pehlich̄i osh i pakvpi aholokchi a toksvla ch̄i ka, tohna ch̄i hosh onnahinli fehna ia h̄o, chohmi hoka.

2. Atuk osh yvmmak ash osh ilhtohno vhleha h̄g nitak achvfa ka iskvli achvfa ch̄i h̄o it im apesa cha, pakvpi aholokchi g pit tihleli tok.

3. Atuk osh hv̄shi kanvlli v̄lhpisa ont atuchina foka h̄o kohchvt gya mvt, inla yvt nan-isht v̄tta ik im iksho hosh ilhpak a kanchi a hiohmaya na pisa tok,

4. Mihmvt yvmmak ash o, Hvchishno ak kia pakvpi aholokchi g pit hv̄sh abehashke; atukma kaniohmi kak osh ai v̄lhpesakma, hv̄ch ima lashke, im achi na okla ilhkoli tok.

5. Atuk o anonti hv̄shi kanvlli v̄lhpisa isht hannali, mikmvt ont isht chakkali aiena ka kohchvt gya mvt, yvmmak ash inli h̄o chohmichi tok.

6. Atuk osh hv̄shi kanvlli v̄lhpisa isht auah achvfa foka h̄o kohchvt ia mvt, anonti inla yvt nan-isht v̄tta ik im iksho hosh hiohmaya na pisa cha, Katiohmi h̄o nan isht v̄tta ik hv̄chim iksho hosh hv̄sh hiohmaya na shoyubi cho? im achi tok.

7. Mihma yvmmak ash osh, Amba hatak nana kia nan ik pi tohno kv̄no, im achi tok: mihma yvmmak ash o, Hvchishno ak kia pakvpi aholokchi g pit hv̄sh abeha ak inlashke; atuk ma kaniohmi kak osh ai v̄lhpiesakma, mih mak o hv̄sh ishahke, im achi tok.

8. Yvmohmi tuk o ont opivt taha ma, pakvpi aholokchi in talaia atuk ash osh nan im apesvchi ashq, Na pilesa vhleha hq i howa cha, vlhtoba hq imá: ishtaiyopi tuk ak o ai ishtia hosh tikba tuk a ont ish tahlashke, im achi tok.

9. Atuk o hvshi kanvlli vlhpisa ont isht auah achvfa foka hq tohno tuk ash o okla ai vla mvt, hatak achvfa kvv iskvli achvfa aiyuka hq ishi tok.

10. Amba tikba tuk vto ai vla mvt, i shahli hq okla isha chi kvv im ahoba tok: atuk o yvmmak ash kia hatak achvfa kvv iskvli achvfa aiyuka hq ishi tok.

11. Micha yvmma okla ishit tahli mvt, chukachvfa pehlichit hatak ash o nanumachit maya mvt,

12. Ishtaiyopi tuk yakohmi kvvto hvshi kanvlli vlhpisa achvfa illa hq toksvli tuk a pishno nitak lvshpa hq toksvli kvv ka isht il ahanta tuk a, ish pi ai itilauetchishke, achi tok.

13. Yohmi kia afalaminchi mvt, achvfa hq, A kana ma! nan ik vlhpeso nana hq a chi yvmohmi li keyushke: chishno vt iskvli achvfa hi o il it im apesa tuk keyu?

14. Chimmi mak o ish ishi cha, ish iashke: ishtaiyopi tuk ilvppak kia chishno a it ilauechit ima la chi hoke.

15. Uno vmmi hatuk vt vno nana aiahni li hosh kanimihchi la hi vt vm vlhpesa keyu? vno ak osh si achukma kak o, chi nishkin vt ik vlhpeso hoh cho? achi tok.

16. Yohmi ka yvmmak inli hq chiyuhmit ishtaiyopi tuk vt tikbakma, tikba tuk vt ishtaiyopa hi oke; im annoa hokvto laua; amba vlhtoka kak osh achafoa hoka, achi tok.

17. Atuk osh Chisvs vt Chelusalem a ia hosh aya mvt, takla ya nan im ai ithvna vhleha auah tuklo kash pehlichit naksika isht ona mvt,

18. Inta! Chelusalem a, iloh ivshke; yohmi ka Hatak Ushi ishit na holitempa isht asha pehlichit vhleha, mikmvt na holissochi vhleha aiena ka ibbak fohkikma, yvmmak ash osh illa hi a okla im apesa chi hoke.

19. Yohmikma yvmmak atuk ma ishit yopula chi, micha fvmmi, mikmvt ititaiyukhvna ahonvlichit vbi aiena chi

mak o, Chentail okla ha ibbak fohka chi hoke: yohmi tuk kia nitak ont atuchinakma falamvt tana chi hoke, im achi tok.

20. Yohmi ma Sebeta ushi vhleha ishki osh ushi a pehlinchit im ona cha, aiokpahanchi kvv, nana achvfa ho im asilhha tok.

21. Mihma ohoyo hash o, Nanta hak o ish aiahni hoh cho? im achi ma, yvmmak ash osh, Svso tuklo ilvppvt ish apelihika ya achvfvv chibbak isht-impakimma ya ont a binilikma, anonti achvfa kvv vlvfvbekimma ya asha hi a ish im apesashke, im achi tok.

22. Yohmi kia Chisvs vt afalaminchi mvt, Nana ho hvsh asilhha hokvt hvsh akostininchi keyushke. Hvchishno vt isht-ishko ai ishko la chi, yvmma hvsh ai ishka hinla cho? anonti baptismo isht a sa baptismo ka isht hvchi baptisma hinla cho? im achi ma, yvmmak ash osh, Pi yvmohma hinla hoke, im achi tok.

23. Mihma yvmmak ash o, Um isht-ishko yoka hvsh ai ishka chi ho mvhli; mikmvt baptismo isht a sa baptismo ka isht hvchi baptisma chi ho mvhli hoke; yohmi kia svbbak ishtimpakimma, micha vlvfvbekimma aiena aiasha hokvno vno yosh ima la hi o keyu, amba Aki vt kvna ho im atahli tok mak illa hi oke, achi tok.

24. Yohmi ma pokoli kash osh haklo mvt, itibapishi tuklo kash o isht ik i yukpo fehna tok.

25. Yohmi kia Chisvs vt yvmmak ash o i howa mvt, Chentail miko vhleha hvv ai i shahlit pehlichichatuk, mikma i hochitoka vhleha hvv nana im ai vlvpesa hatuk osh im ai yvmihchi chatuk a hvsh ithaiyanvshke.

26. Amba hvchishno yokvno ai yvmohma he keyushke: amba kvna hosh ai i shahlit hvch itintakla ya anta bvna hokmvt, yvmmak osh hvchin tishu hashke.

27. Mikma kvna hosh holitopa i shahli bvna hosh hvchi itintakla ahantakmvt, yvmmak osh nan isht hvchim vta yashke.

28. Hatak Ushi vt ilapo ak o nan isht im vta chi ho aya ha tok keyu: amba nan isht vta chi, mikmvt laua ho ilap

im ilhfiopak a isht chumpa chi aiena hosh aya tok a, mib mak o hvsh chiyuhmashke, achi tok.

29. Yohmi ma Cheliko a asht ilhkoli ma, okla laua fehna kv̄t yvmmak ash o iakaiya tok.

30. Atuk o hatak lopa tuklo kv̄t hina lapalika yo chiya tuk osh, Chisvs vt ont ia ho haklo mv̄t, pit tahpv̄lv̄t, Chitokaka Lewi ushi chia ma! ish pi nukh̄aklashke, achi tok.

31. Yohmi ma okla laua yash osh, yvmmvt nukchinta chi ka, im alv̄m̄mi tok; yohmi kia yvmmak o i shahlichit tahpv̄lv̄t, Ish pi nukh̄aklashke, Chitokaka Lewi ushi chia ma! achi tok.

32. Mihma Chisvs vt lumvt hikia cha, yvmmak ash o pit i howa mv̄t, Nanta hak o a hvchi katimichi la he a hvsh aiahni cho? achi ma,

33. Pi nishkin vt fatuma he ak oke, Chitokaka ma! im achit okla tok.

34. Yohmi ma Chisvs vt i nukh̄aklo cha, nishkin ash pit potoli tok: yohmi ma mih mak inli ho nishkin ashot falamvt pisa ma, yvmmak ash o iakaiyvt okla tok.

CHAPTA XXI.

Chisvs vt kaniohmi hosh Chelusalem a chukowa, 1; 12 anonti na-chumpa v̄hleha, micha na-kanchi v̄hleha aiena ka tempel a a kocha weli. 18 Micha iti v̄lh̄poba fik achi nan ik v̄no a bv̄shit illa he im ahni; mikmv̄t na yimmi micha anumpa ilbv̄sha anumpuli aiena ka nan isht im aighli ka ya pim anoli. 23 Kanimi kv̄t nan isht ai v̄lh̄pesa nana ho isht ai yvmohmi hatuk a a ponaklo tuk kia, yvmmak ash o Chisvs vt im a tv̄blich̄i, 28 micha hatak ushi tuklo, 33 micha na-pilesa v̄hleha p̄kv̄pi a holokchi i pota tuk nan isht apesa hosh Chu okla nan im ai ashv̄chi a isht otv̄nich̄i.

1. YUMOHMI tuk o Chelusalem pit bilika okla onvt Alif nv̄nih Betfachi ak o ai ona ma, Chisvs vt nan ithvna tuklo ho pit tihleli tok.

2. Mihmv̄t, Tv̄mahushi hvchi chapaka auet talaiia ka hvsh onashke; yokmikmv̄t mih mak inli ho issuba hakso-bish falaia ushi ilauei kv̄t asinta ho hvsh pisa chi hoke: yvmma hvsh i hotofi cha, isht hv̄s sv̄m vlashke.

3. Micha kvna kia nana ka hvchim achi hokma, Chitoka ka yak osh bvna hatuk oke, hvsh im achashke: yohmikma mih mak inli hō auet pila chī hoke, im achi tok.

4, 5. Hopaii vt anumpohonlit, Saion ushetik a, yakeh! chī miko chukvsh yohbi achukma, issuba haksobish falaia a toba tok issubushi haksobish falaia yō om binili hosh ayvt chim vlvshke, hvsh im achashke, achi tok a ont aiahla chī mak o ilvppa moma kvv a yakohmi tok.

6. Mihma nan ithvna yash osh itiachi mvt, Chisvs vt i miha tuk mak o ont yvmohmit okla tok.

7. Micha issuba haksobish falaia, mikmvt ushi aiena kash o isht vla ma, im ilefoka yā om pvllit tahli cha, yvmmak ash o okla om binilichi tok.

8. Yohmi ma okla chinto fehna hosh hina yā im anchi a okla pvlli tok; kanimi mvto iti naksish o vmot hina yā pvlli tok.

9. Yohmi ma okla chito tikba itvnowa tuk, mikmvt iakaiya aiena kash osh, tahpvvt, Lewi Ushi a Hosanna im ahanchashke. Chitokaka i hohchifo hō il ai eshi hosh aya hokvt holitopa mak oke. Shutik tvbokaka fehna ma, Hosanna ai ahanchashke, achi tok.

10. Atuk o Chelusalem a ant chukowa ma, tvmaha hash osh momvt nukhlakanha mvt, Ilvppvt kvta hoh cho? achi tok.

11. Mihma okla laua yash osh, Ilvppak osh Kalili yakni Nasalet a i hopaii Chisvs mak oke, achi tok.

12. Yohmi ma Chisvs vt ivt Chihowa in tempel a ont chukowa mvt, tempel anukaka yā nana a kanchi, micha a chumpa aiena maya tuk ash mominchit kocho pit tihleli mvt, ai impa tvli holisso ai itatoba puta, mikmvt pvchi vlvpoba akanchi abinohli aiena kash halvllit filemohlit kinahlichitok.

13. Mihmvt, Um aboha hvv vba pit ai anumpuli chuka yō hohchifa he, achi hosh holisso tok; yohmi kia hvchishno vto na-hukopa vvhleha in chuka yō hvsh ikbishke, im achi tok.

14. Mihma lvpa, micha hanali okpulo puta kvv tempel anukaka yā im ai vla ma, yvmmak oka hlakofichi tok.

15. Mihma na holitompa isht a^hsha pehlichi v^hleha, mi-cha na holissochi okla aiena kv^t, yvmmvt na fehna puta ka yvmihchi, mikma tempel anukaka ya v^hlla vt Lewi Ushi a Hosanna im ahanchashke, achi aiena ka pisa mv^t, okla isht ik i yukpo fehna tok.

16. Mihmv^t yvmmak ash o, Ilvppvt nana achit maya ka ish haklo cho? im achi tok; Mihma Chisvs vt, Yau, vlo^si mikmv^t pishi puta itih h^h Chihowa hv^t a holitopa he ish apesa tok achi holisso ka, himonna kia hv^hch ik it im anum-pulo chatuk oh cho? im achi tok.

17. Mihmv^t yvmmak ash o issvt tv^mmaha a kohchvt ia mv^t, Betani a ona cha, yvmmak o ont nusi tok.

18. Atuk osh onnahinli ma falamvt tv^mmaha ia hosh aya mv^t, hohchvfo tok.

19. Micha fik vpi vt tikba ya hikia na pit pisa mv^t, yvmmak ash o ona; yohmi kia nana kia takanli na ik ahayucho; amba hishi ak illa tok; mihmv^t, Himak a pilla ma nitak nana vni yvt ik chi a tobo kashke, im achi tok. Mihma chekosi mak inli h^h fik vpi vt bv^hshit taha tok.

20. Yohmi ma nan ithvna yvt pisa cha, okla okokko! aiahni mv^t, Chekosi fehna h^h fik vpi vt bv^hshit taha cha, achi tok.

21. Mihma Chisvs vt afalaminchi mv^t, Ahli mak o hv^hchi miha lishke, Na yimmi kv^t hv^hchi anukfoyuka, miha ik hv^hchi nukwiyo hokmv^t, fik vpi nana a kanimihchi ilvppak bano h^h hv^hsh yvmihcha hi o keyu, amba, Nvnih chaha ilvppa kanvllit ivt okhvta hak o pit ish okvtulashke, hv^hsh im achi aienakma, yvmohma hinla hoke.

22. Micha hv^hchi yimmi hosh nan okluha ka nana h^h anumpa ilbv^hsha isht hv^hsh asilhha hokvt, hv^hsh isha hi oke, im achi tok.

23. Atuk osh tempel a ona cha, nan ithvnanchi hosh ahanta ma, na holitompa isht a^hsha pehlichi v^hleha, mikmv^t okla i hochitoka v^hleha aiena kv^t im ai v^hla cha, Nan isht ai vlhpesa nanta mak o ilvppa puta ka isht ish yakohmichi cho? miha kv^ta hosh nan isht ai vlhpesa ilvppa chima tok oh cho? achi tok.

24. Mihma Chisvs vt afalaminchi mvt, Uno ak kia nan achvfa ka a hvchim asilhvchi lashke; yvmmak o hvsv svm anoli hokma, vno vt yvmmak inli ho chohmit nan isht ai vlvpesa nana ho ilvppa puta ka ishit yakohmichi li hatuk vt hvchim anoli lashke.

25. Chan i baptismo vt katimak o a minti ha tok oh cho? vba yakni okma, hatak okma, nanta ha tok oh cho? im achi tok. Yohmi ma, Uba yak o minti ha tok: il achi hokma, Yohmi kak o katiohmi ho yvmma hvch ik i yimmo ke tok oh cho? pim acha hinlvshke.

26. Yohmi kia moma kvv Chan a hopaii o okla ahni hatuk oka, Hatak ak a tok: achi kvv okla ha il i nukshopvshke, achit ilap bika it im anumpulit maya tok.

27. Micha Chisvs ash o im afalaminchi mvt, Kil ithano shke, im achi tok. Mihma yvmmak ash osh, Yohmi ka vno ak osh nan isht ai vlvpesa nana ho ilvppa puta ka isht yakohmichi li hatuk vt ak hvchim anoloshke, achi tok.

28. Yohmi kia katiohmi ho hvsh ahni cho? Hatak achvfa hosh ushi vt in tuklo tok; atuk osh tikba yash o, Svso ma! himak nitak a a pkvpi a holokchi a ont ish toksvlashke, ont im achi tok.

29. Mihma afalaminchi mvt, Yohmi la he ak ahnoshke, achi tok: yohmi tuk kia i himmakma inlanchit anukfilli cha, ia tok.

30. Yohmi ma anonti atukla kash yvmmak inli chohmi ka ont i miha tok. Mihma afalaminchi mvt, Ia lashke, a shahli ma! achi; yohmi tuk kia ik aiyo ki tok.

31. Tuklo yvmvvt katimampo kak osh iki nan aiahni tuk a yvmohmi tok oh cho? im achi tok. Mihma, Tikba yatuk a, im achi tok. Mihma Chisvs vt, Ahli mak o hvchim achi lishke, Pvblikan vhleha, micha havi puta kvv hvchi tikba Chihowa apehlichika ya pit abehiha hoke.

32. Chan vt ai vlvpiesa ataya mak osh hvchim vla ka, yvmma hvch ik i yimmo tok: yohmi kia pvblikan vhleha, micha havi puta kvvto i yimmi tok: mihma hvchishno vt yvmmak atuk ma hvsh pisa ha yvt, yvmma hvchi yimma hi vt i himmak a inlanchit hvch ik anukfillo tok, im achi tok.

33. Nan isht vlpisa inla ka hvsh haklashke; Hatak chuka-chvfa pehlichichvfa hosh pakvpi a hokchit tahli cha, kvti apushi isht a holitvchit apakfobli mvt, oka-paki ai vltto a yvmma anvkaka ya a kulli cha, chuka chaha ya ikbit tahli mvt, hatak na pilesa vhleha hq pota cha, yakni hopaki hq ia tok.

34. Atuk osh nan vni waya ai onq hosi ma, yvmmak ash vni waya ka ont isha chi hq, in tishu vhleha hq hatak na pilesa vhleha hash pit in tihleli tok.

35. Atuk o hatak na pilesa vhleha hvt in tishu vhleha hash o hoklit ishi cha, achvfa ka boli mvt, anonti achvfa ka vbi cha, anonti achvfa ka tvli isht boli tok.

36. Atuk o anonti inla laua kvtkba atuk a i shahli hq pit tihleli tok: yvmmak ash kia yvmmak atuk mak inli hq okla itilauechi tok.

37. Yohmi kia ont ishtaiyopi fehna ma, Svso hq holitobla chi hoke, achi mvt, ushi ak o pit i pila tok.

38. Yohmi tuk kia hatak na pilesa vhleha hash osh ushi ash o pisa mvt, Ilvppak osh immi mak oke: kiloh vbi cha, immi yatuk a kiloh ai ishi, ilap bika it im achi tok.

39. Mihmvt yvmmak ash o okla iti hoklit pakvpi a holokchi a ishit a kohchi cha, vbi tok oke.

40. Yohmi ka pakvpi a holokchi immi atuk vt onakmvt, hatak na pilesa vhleha yvmmak atuk a nanta hak o katimihcha hinla cho? im achi tok.

41. Yohmi ma, Hatak haksi vhleha yvmmak atuk ma issikkopalit tvmolli cha, pakvpi a holokchi yash hatak na pilesa vhleha inla yvto ont ai vlpiesakma na waya ka ihima he fehna hq, i pota he mak oke, im achi tok.

42. Mihma Chisvs vt, Tvli yvmma chuk-ikbi vhleha hvt shitilema yash o, yvmmak ash fehna hosh chukbika nutaka in tola holitopa i shahli hq tobvshke: ilvppa Chihowa hosh yvmihchi hq, pi nishkin a i na fehvshke, achi ka Baibil a himonna kia hvch ik ai it im anumpulo chatuk oh cho?

43. Yohmi hoka Chihowa apehlichika ya mokofit hvchim ai ishi cha, yvmmak atuk ma isht a waya he fehna oklushi o ima he mak oke, hvchim achi lishke.

44. Micha kvna hosh tvli ilvppa onvtulakmvt, livoa he, amba ilap ak osh kvna hq onvtula hokmvt, botolichit kan-cha hi oke, im achi tok.

45. Mihma na hohitompa isht asha pehlichu vhleha micha Falisi vhleha aiena kv, yvmmvt nan isht apesa ka haklot tahli mvt, yvmmvt ilap ak o isht anumpuli hatuk a okla akostininchi tok.

46. Yohmi kia yvmmak oka hopaii ak o okla ahni hatuk oka, yvmmak ash o iti hoklit ishi bvna tuk kia okla chito ak o i nukshopa tok.

CHAPTER XXII.

Itauwayachi ai impa he tok ik itvnao ki tok nan isht vlpisa, 1; 12 ai itauwaya aya he i nafohka ya ik fohko hosh i palvmma he im vlpisa; 15 Chisvs vt Falisi vhleha, micha Helotian okla aiena kvt Sesa ya tvli holiseo im itahobi ka vlpesa chishba, ahnit i ponaklo, mihma Chisvs vt afalaminchit nana i miha. 23 Chisvs vt Satusi vhleha hv illi yvt falamvt tana hi oka ik yimmo chatuk a isht anumpuli; 34 nan vlpisa chinto moma i shahli, 41 kaniohmi kak osh Klaist vt Lewi in Chitokaka yvt, anonti Lewi ushi ahinla ka, Chisvs vt a ponaklo.

1. **MIHMA** Chisvs vt anonti nan isht vlpisa hq isht im anumpulit,

2. Uba apehlichika vt hatak miko yosh ushi ohoyo itauwaya chi hq, impa im atahli hq chohmi hoke.

3. Micha im annoa tuk vhleha ha ont i howvt itauwaya ai impa ka isht vla chi hq, in tishu vhleha ha pit tihleli tok; yohmi kia okla minta hi a ik ahno ki tok.

4. Mihma anonti tishu inla yo pit tihleli mvt, Inta! an tvbokoli impa ha atahli lishke; a wak-hobvk, micha nana vlpitvt nia puta kv illi ma, nan okluha kv vltahvshke; itauwaya ai impa ka hvsh mintashke, achit im annoa tuk vhleha ha hvsh im anolashke, im achi tok.

5. Yohmi tok kia yvmmak ash o nan-isht ik ahno hosh kanima pit ilhkolit, achvvt im osapa ia ma, anonti achvvt im ai itatoba ia tok.

6. Yohmi ma akashampa kvto in tishu vhleha hatuk ash it_i hoklit ishi cha, kaniman_{chi} feh_{vt}, polaka okla illich_i tok.

7. Atuk o miko vt yvmak ash o haklo mvt, anuksho-
munta feh_{na} tok: mihm_{vt} in teshka chipota laua ka pit
tihlelit, hatak vbi vhleha yvmak ash o vbit tahli mvt, in
vmaha ha hukmit tahli tok.

8. Yohmi mvt in tishu vhleha hash o, Itauwaya ai impa
hamo vlhtahvshke; yohmi kia im annoa tuk vhleha hash
osh ahalaia hi o keyu tuk oke.

9. Yohmi hoka hina ai itafamoa puta ka itvnowvt, laua
kvt kaniohmi ho hvsh pisakmvt, moyumvt itauwaya ai impa
ka aya he hvsh im anolashke, im achi tok.

10. Yohmi ma tishu vhleha yvmak ash osh ilhkoli mvt,
hina ai itafamoa puta ka itvnowvt, okpulo, mikmvt hochuk-
ma aiena laua kvt kaniohmi ho pisa mvt, mominchit hoyot
itahobi tok: yohmi ma itauwaya ai impa yash osh im annoa
tuk vhleha ha isht alotvt kvnia tok.

11. Atuk o im annoa tuk vhleha hash pisa chi hosh
miko vt ant chukowa mvt, hatak vt ai itauwaya aya he i
nafohka ya ik fohko hosh yvma a_{sha} na pisa tok.

12. Micha yvmak ash o, A kana ma! katiohmi ho ai
itauwaya aya he i nafohka vt iksho ho ilvppa ant ish chu-
kowa tuk oh cho? im achi tok. Mihma yvmak ash osh
nan ik acho ki tok.

13. Yohmi ma miko vt in tishu vhleha hash o, Ilvppa
ibbak, mikmvt iyi aiena ka ho takchi cha, isht ivt ko_{cha}
aiokhlilika ya ont hvsh kanchashke: yvmak oka y_{gh}aya,
mikmvt noti ahampa aiena mak osh aiasha hi oke, im achi
tok.

14. Im annoa hokvto laua kia, amba vlhtoka kak osh
achafoa hoka, achi tok.

15. Yvma foka ma Falisi vhleha hv_t ilhkoli mvt, kani-
ohmit yvmak ash ilap im anumpa ho isht a yukacha hinla
kvt isht anumpulit maya tok.

16. Mihmvt ilap nan im ai ithvna vhleha ha, Helotian
iksa ai itapeha ho pit in tihleli mvt, Nan ithvnanchi ma!

chishno vt aiahli chia achukma chatuk; mikmvt Chihowa j hina aiahli mak o ish ithvnanchi chatuk, hatak nana kia nan isht ik chim ahobo chatuk; mikmvt hatak vt chim it i shashobli keyu chatuk a il ithaiyanvshke.

17. Yohmi hokvt kaniohmi ho chim anukfila hokmvt ish pim anolashke: noshkobo isht chumpa tvli holisso a Sesa yak o ima he ai vlhpesa hokma, keyukma, nanta cho? pit achi tok.

18. Yohmi kia yummvt im anukfila ai vlhpesa keyu atuk a, Chisvs vt akostinichi mvt, Katiohmi ho nan ilahobi vhleha hvchia hv imomaka hvs sa pesa cho?

19. Noshkobo isht chumpa tvli holisso a ho ha haiakvchi, achi tok. Mihma iskvli achvfa ho okla isht im vla tok.

20. Mihma yummak ash o, llvppvt kvta hak o holbvt toba ho, mikmvt kvta ho a hohchifo ho? im achi ma,

21. Sesa yak oke, okla im achi tok. Yohmi ma yummak ash osh, Yohmi hoka nana kv Sesa yak o immi hokma, Sesa yak o hvsh imashke: mikmvt nana kv Chihowa yak o immi hokmvo, Chihowa yak ashke, im achi tok.

22. Yohmi ma okla haklo mvt nukhlakancha cha, yummak ash o issvt, okla ilhkoli tok.

23. Mih nitak mak inli ka Satusi vhleha hv, illi yvt falamvt tana he keyu, achi chatuk osh im ai vla cha, ant i ponaklot,

24. Nan ithvnanchi ma! Hatak vt vlla yvt ik im iksho hosh illi hokma, nakfish vt tekchi atuk a itauwaya cha, itibapishi hatuk a vlla isht im ai ikbashke, Moses vt achi tok.

25. Yohmi tuk o itibapishi hv untuklo hosh pitintakla ya maya tok: atuk o akni hash osh ohoyo itauwaya tuk osh illi tok: mihmvt vlla yvt ik im iksho hatuk okvt, tekchi atuk a nakfish ak o im a tosholichi tok.

26. Atuk o atukla kak osh yohmi ak inli tuk o, anonti ont atuchina kv mihinli ma, mahaya mvt isht untuklo kash osh yohmi tok.

27. Atuk o ont ishtaiyopi fehna ma, ohoyo hash kia illi ak inli tok.

28. Yohmi ka yymma momvt okla itauwaya tok oka, illi yvt falamvt tani kano, untuklo ka katima mak o tekchi mak a hi oh cho? achi tok.

29. Mihma Chists vt afalaminchi mvt, Baibil, mikmvt Chihowa nan im aiahli aiena ka hvch ik ithano hatuk osh hvsh ashvchishke.

30. Illi yvt falamvt tani hokvt okla itauwaya he keyu mvt, anonti itauwaya he im vlhpisa he keyu, amba Chihowa im enchil vhleha vba aiasha kak o, chiyuhma hi oke.

31. Amba illi yvt falamvt tana he yymmak okvno, Chihowa hvv hvchim anumpohonli mvt,

32. Uno ak osh Eblaham in Chihowa sia, mikmvt Aisaak in Chihowa sia, micha Chekob aiena ka in Chihowa sia hoke, achi tok holisso ka hvch ik it im anumpolo chatuk oh cho? Chihowa hvv illi ak o in Chihowa keyu, amba okchaya ak oke, im achi tok.

33. Yohmi ma okla laua yvt ilvppa haklo mvt, nan isht ai ithvnanchi ka anukhlakancha tok.

34. Amba Falisi vhleha hokvto, yymmak ash osh Satusi vhleha ha nana acha he keyuchi tok a haklo mvt, okla itahoba tok.

35. Yohmi ma achvfa hosh yymvt vba nan vlhpisa ithvnanchi yosh, imomaka pisa hosh nan i ponaklot.

36. Nan ithvnanchi ma! vba nan vlhpisa katima kak osh nan vlhpisa holitopa kvv moma i shahli cho? achi tok.

37. Mihma Chists vt, Chitokaka chin Chihowa hoka chi chukvsh a mominchit, mikmvt chi shilombish a mominchit, anonti chim anukfila ha mominchit isht ish holitoblashke;

38. Achi ilvppak osh nan vlhpisa in tikba, mikmvt moma i shahli mak oke.

39. Mikma atukla kvv yymmak inli ho chohmi hoke; Chin chuka-panta hatak a ish holitobli kvv chishno ak inli chim itilauashke, achi kak oke.

40. Nan vlhpisa tuklo ilvppak o nan vlhpisa moma, micha hopaii holissochi tok aiena kvv a shaiyahli hoke, im achi tok.

41. Falisi vhleha hv̄t itv̄nahv̄t chiya takla ma, Chisvs vt i ponaklot.

42. Klaist ā katiohmi isht hv̄chim anukfila cho? yv̄mmv̄t kv̄ta hak ō ushi ō? achi ma, Lewi ak ō ushi oke, okla im achi tok.

43. Mihma yv̄mmak ash osh, Yohmi ka katiohmi hō Le wi vt Shilombish isht anukfoyuka mv̄t, yv̄mmak oka hochifo cha,

44. Chitokaka yv̄t an Chitokaka ya, Sv̄bbak ishtimpak-imma ya ish binili na chin tv̄v̄p vhleha chiyi ai ō hikia yō ikbi lashke, im achi tok oh cho?

45. Yohmi ka Lewi vt yv̄mmak oka Chitokaka hochifo tok okma, anonti yv̄mmv̄t katiohmi hosh ushi ahinla cho? im achi tok.

46. Yohmi ma hatak nana hosh yv̄mmak ash ō anumpa achv̄fa kia im afalamincha hinla kv̄t iksho ma, anonti nitak yv̄mma ai vhlit mihinti ka himmakma hatak nana kia ik nukwiyo hosh nan im ai asilh̄v̄chi kv̄t iksho ki tok.

CHAPTA XXIII.

Chisvs vt nan im ai ithv̄na vhleha hv̄t na holissochi micha Falisi aie na kv̄t nana isht ithv̄nanchi kv̄no im antia he, amba nana a kani ohmi yokv̄no okla ik iakaiyo ka hi ā im apesa, 1. 13 Chisvs vt na holissochi micha Falisi vhleha aiena kv̄t im a yv̄mohma he v̄lhpesa hoka, na palv̄m̄mi kv̄t onv̄tula ch̄i ka tikbanli anoli, 37 na palv̄m̄mi kv̄t ai imma tikeli ka ithana hatuk osh Chelusalem ā Chisvs vt isht yaiya.

1. YUMMA foka ma Chisvs vt okla chinto, mikmv̄t ilap nan im ai ithv̄na vhleha aiena kash ō im anumpuli mv̄t,

2. Na holissochi vhleha, micha Falisi vhleha aiena kv̄t Moses im aiasha yā chieyv̄shke.

3. Yohmi hoka nan okluha puta ka nana hō hv̄sh holitobla hi ā hv̄ch̄i miha hokma, yv̄mmak atuk ma holitoblit a hv̄chi yv̄mohmashke: amba okla nana a kaniohmi hokv̄no hv̄ch ik holbo kashke: yv̄mmak okv̄t anumpuli tuk kia yohmi keyu hoka.

4. Shapoh weki shali ka palv̄mma hinla hō takchit tahli

oha, hatak puta tahchi ma onochi hoka : yohmi kia ilap ak inli kvto yvmmak oka ibbak ushi achvfona kia pit isht kanwllicha hi g okla ahni keyu hoke.

5. Amba nana a kaniohmi puta kv, hatak vt pisa chj kak o, yvmohmi hoke : i failaktili ya okla hopvkvlli mvt, anonti im anchi aposhokvchi ma hofalohli chatuk,

6. Mikmvt impa gsha ka aiasha holitopa i shahli puta kak o im ai achukmakmvt, anonti sinikak puta anukaka ma ai-o-minili holitopa i shahli puta kak o im ai achukma chatuk,

7. Mikmvt ilhpak a kanchi ai it aiokpvchi, micha hatak puta kv Labai, Labai, im achi aiena kak o im ai achukma chatuk oke.

8. Yohmi kia hvchishno yokvto Labai ik hvchi hohchifo kashke ; hvch i shahli hvto achvfa, yvmvt Klaist ak oke. Yohmikma hvsh moyuma kvto itibapishi hvchia hoke.

9. Michi yakni paknaka ya hatak nana kia hvch iki hvch ik hochifo kashke : achvfa hosh hvch Iki okvto vba yak o binili hoka.

10. Michi i shahli vhleha ik hvchi hohchifo kashke : achvfa hosh hvch I shahli, yvmvt Klaist ak oke.

11. Amba kvna hosh moma i shahli kv hvch ibafoka hokmvt, hvchin tishu mak a hi oke.

12. Mikma kvna hosh ilefehuvchi hokmvt, aka ona he ; mikma ile akanlosechi hokmvt, holitopa he oke, im achi tok.

13. Amba na holissochi vhleha, michi Falisi vhleha, nan ilahobi hvchia ma ! na hvchi palvma he mak oke : vba apehlichika ya hatak inla puta ka hvsh im okhishta hokvt : mikmvt hvchishno vt yvma pit hvch ik abeho mvt, anonti pit abeha he tuk g, ant ik abeha hvch ik im ahnoshke.

14. Na holissochi vhleha, michi Falisi vhleha, nan ilahobi hvchia ma ! na hvchi palvma he mak oke : ohoyo i hatak illi in chuka puta ka wehpulit hvsh tahli, mikmvt peh ilahobi kv vba pit anumpuli hosh hvsh falaiachi hoka : yohmi hokvt na palvmi chito i shahli hosh hvchim vhpisa hi oke.

15. Na holissochi vhleha, mikmvt Falisi vhleha, nan ilahobi hvchia ma ! na hvchi palvma he mak oke ; na hv-

chim ai ithvna achvfa kia ikbi hvchi hvnna kv̄t, okhvta mi-
cha yakni aiena ka hvsh v̄lhfullihinchi hoka: atuk o yvm-
mak ash osh tobakma, anonti aiokpuloka im vlla fehna kv̄t
hvchishno ā chohmi tuklo ho hvsh ikbi hoke.

16. Kvna hosh anumpa kv̄llo ā tempel ak o isht ai a miha
hokvno nana keyu; amba kvna hosh tv̄li holisso lakna tem-
pel anukaka āsha kak o anumpa kv̄llo isht ai a miha hok
mvto, nan il aighlicha he v̄lhpesa, hvsh achi, na pehlichi
lvpa hvchia ma! na hvchī palvma he mak oke.

17. Nan im anukfila iksho, micha lvpa aiena hvchia ho-
ka, tv̄li holisso lakna yak okmá, keyukmvt tempel ā tv̄li ho-
lisso lakna yvt isht a holitopa kak okmá, nanta hosh ī shahli
ho?

18. Michā kvna hosh anumpa kv̄llo ā alta yak o isht ai
a miha hokvno nana keyu; amba kvna hosh vba pit isht
aiokpv̄chi vt yvma pakna onvtonla kak o, nan il aighlicha
he v̄lhpesa, hvsh achi.

19. Nan im anukfila iksho, micha lvpa aiena hvchia ma!
vba pit isht aiokpv̄chi ak okmá, keyukmvt alta yā vba pit
isht aiokpv̄chi vt isht a holitopa kak okmá, nanta hosh ī
shahli ho?

20. Yohmi hoka kvna hosh anumpa kv̄llo ā alta yak o
isht ai a miha hokmvt, yvmmak ash o, micha nana hosh
yvma onvtonla ka mominchit anumpa kv̄llo ā isht ai a
miha hoke.

21. Michā kvna hosh anumpa kv̄llo ā tempel ak o isht ai
a miha hokmvt, yvmmak ash o, micha yvma anukaka ai
asha aiena kak o anumpa kv̄llo ā isht ai a miha hoke.

22. Yohmikma kvna hosh anumpa kv̄llo ā vba yak o isht
ai a miha hokmvt, Chihowa im aiasha, micha yvma om bi-
nili hatuk ma aieninchit anumpa kv̄llo ā isht ai a miha hoke.

23. Na holissochi v̄hleha, micha Falisi v̄hleha, nan ilaho-
bi hvchia ma! na hvchī palvma he mak oke: mint, mik-
mvt anise, micha kv̄mmin aiena kv̄t ont isht pokoli kash osh
hvchī kv̄nia hoka; yohmi mvt nan v̄lhvisa kv̄llo ī shahli,
nana ai v̄lhpiesa, micha nana ī nukhaklo, mikmvt na yimmi
aiena hokvno hvsh a haksichishke: iluppa puta hoka hvchī

yvmohma he vhpesa hatuk, yohmikmvt yvmmak ash kia hvsh a haksicha he tuk keyu hoke.

24. Na pehlichi lva ma! shushi ya hoiyvchit hvsh kohchi tuk osh, kamel okvno ishit hvsh nanvbli hoke.

25. Na holissochi vhleha, micha Falisi vhleha, nan ilahobi hvchia ma! na hvchi palvmma he mak oke: isht-ishko micha ampo aiena ka paknaka yokvno hvsh kashofi hoka; yohmi kia anukaka yokvto na wehpuli micha nan ik vhpeso aiena hosh isht alotowa hoke.

26. Falisi lva chia ma! isht-ishko ampo aiena ka anukaka yak o tikba ish kashofi ha yo, paknaka yokak heto kashofa mak inlashke.

27. Na holissochi vhleha, micha Falisi vhleha, nan ilahobi hvchia ma! na hvchi palvmma he mak oke: sepvka tohbit vlhtaha yak o hvsh chiyuhmi hoka; yvmmak okvt paknaka yokvto pisa ka aiokli fehna ho mvhli chatuk; yohmi kia anukaka yokvto hatak illi foni, micha nan liteha okpulo moma kvt isht alotowa chatuk oke.

28. Yohmi ka hvchishno ak kia paknanli vt vhpiesa ho hatak a hvsh im ahoba; yohmi kia anukaka yokvto nan ilahobi, micha nan ik vhpieso aiena bano hosh ishit hvchi alotowa kv, yvmmak inli ho hvsh chiyuhmi hoke.

29. Na holissochi vhleha, micha Falisi vhleha, nan ilahobi hvchia ma! na hvchi palvmma he mak oke: hopaii vhleha, i sepvka ya hvsh im ikbi mvt, anonti hopoyuksa vhleha ha tok isht ithaiyana he sepvka ya hvsh aioklichi chatuk,

30. Mihmvt, Pin tikba vhleha aiasha nitak ak o il ashwa tok mak osh, hopaii puta im issish hlatvbli ka il ibatakla he tok keyu, hvsh achishke.

31. Yohmi hatuk osh hopaii puta vbi tok vhleha ha in chipota hvchia hatuk vt, hvchishno inli kak osh hvsh il ai atokolishke.

32. Yohmi hokvt hvchin tikba vhleha nan isht im vhpisa ya hvsh alotolashke.

33. Sinti hvchia, sinti chilita isht unchululi hvchia hv, katiohmi kak osh aiokpuloka ai ilbvsha he vhpisa ya hvsh i hlakofa hinla cho?

34. Yohrai hoka, Yakeh! hopaii vhleha, micha hatak hopoyuksa vhleha, mikmvt na holissochi vhleha aiena ka pit hvchin tibleli lishke; yohmi ka kanimi ka hvsh ba he, mikmvt, iti-taiyukhvna hvsh a honahlichy aiena he; mikmvt kanimi ma hvchi sinakak puta hvsh a fvmmikmvt, hvsh ilbvshachi kvv tvnaha puta ma isht hvsh aya hi oke.

35. Yohmi hokvt hvchishno ak o hopoyuksa puta im issish yakni pakna a hlatahampa tok, hatak hopoyuksa Ebel a im issish a tok ai vhlit mihintit, Sakalias, Balakias ushi, yvmma tempel, micha alta aiena itintakla ya hvsh ai vbi tok im issish ant ai vhli kvv, momvt hvchi onvtula hi oke.

36. Ahli mak o hvchim achi lishke, Ilvppa moyuma kak osh okla himonasi ilvppa a sha ka onvtula he mak oke.

37. Chelusalem, Chelusalem, hopaii vhleha vbi, micha auct chy kanchi tuk ma tvli ishit boli chia ma! akaka yosh ushi vhleha ha sinahchi nuta ya pit ai itahobi chatuk mak o, chiyuhmit chim vlla vhleha ha itahombi la he ahni li tuk nana kia, hvchishno ak osh vlvpesa hvch ik aiahno hokvno.

38. Inta! hvchin chuka yvt hvchin chukillissvt taiyaha mak oke.

39. Himak a pilla ma, Hvs sa pisa chy keyu; amba, Chitokaka i hohchifo ho mihnti hokvt holitopa mak oke, hvsh acha chy hok mak a hi oke, hvchim achi lishke, im achi tok.

CHAPTA XXIV.

Chisvs vt ishtaiyopi mak o tempel a a kohcha tuk osh, yvmmvt okpula he, tikbanli anoli: 3 micha ilap okvt mihintikma, nan isht atokowa kvv yvmohma he, micha na palvmmi kvv ibafoka he miha: 32 mikmvt nana a mihiha kvv ont aighla hi oka, iti vlvpoba fik achi kvv hishi toba chi hosh bokobli chatuk a nan isht apesvt anumpuli: 42 micha ahah! ahnit im vlvhaha he im apesa.

1. YUMOHMI mvt Chisvs vt kohcha mvt, tempel a issvt kanima ia tok: mihma nan im ai ithvna vhleha hvv, tempel vt toba kvv kaniohmi puta ka pisacha chy hosh im ai vla tok.

2. Mihma Chisvs vt, Na yakohmi puta moma ka hvch ik

peso cho? **ahli mak o** hvchim achi lishke, Ilvppak oka tvli vt achvfona kia aka ik itolo ke tuk osh, it on tvlkanchit itonla kvt iksho ka hi oke, im achi tok.

3. Yvmohmi tuk **o** yvmmak ash osh nvnih chaha Alif paknaka ya **asha ma**, nan ithvna vhleha hv lumvt im ai ona mvt, Nitak kaniohmikmak **o** nana kvt ai yakohma hi **o**, micha ish minta he, mikmvt yakni vt ont ai vhli aiena chj isht atokowa kvto nanta hi **o**? ish pim anolashke, achi tok.

4. Mihma Chisvs vt afalaminchi mvt, Ahah! hvsh aiahni na hatak nana kia ik hvchi yoshublecho kashke.

5. Lawa hosh sa hohchifo **ha** ishit hohchifo kv itvnowa cha, Klaist sia hoke, acha hi oka; mikmvt lauachit yoshublichha he oka.

6. Yohmikma tvnvp **asha**, micha tvnvp **asha** he annoa aiena ka hvsh hakla hi oke: ahah! hvsh aiahni cha ik hvchi komunto kashke: ilvppa puta kv moyumvt ont a yvmohmi pulla hi oka: yohmi kia ont ai ishtaiyopi kvno keyu kisha hi oke.

7. Okla achvfa kv okla mak inli ka it amokvfa he, mikmvt apelihchika achvfa kv apelihchika mak inli ka it amokvfa hi oka: yohmikma hohchvfo chinto, micha ililli puta, mikmvt yakni winakvchi aiena kv yakni kaniohmi ka ai itulvt **gya** hi oke.

8. Ilvppa puta kak osh nanukhaklo ai ishtia vmona mak oke.

9. Yohmikma hvch issikkopa chj ka hvch ishit okla ibbak hvchi fohki, mikmvt hvch illichha hi oke; micha sa hohchifo pulla hatuk mak **o** oklushi moyumvt hvchj nukkillla hi oke.

10. Yvma fokakma ibetvbli kv laua he, micha ilap bika atuk kia ishit okla **ha** im issa, micha ilap bika itj nukkillla hi oke.

11. Mikma hopai ilahobi vt hiohli kv laua cha, laua **o** yoshublichha hi oke.

12. Mikma nan ik vlpeso bieka hatuk mak **o** j hulle atuk vt kapvsvt taha kv laua hi oke.

13. Yohmi kia kvna hosh achunanchit mahayvt ai vhli ka ona hok mak osh mihi yosh okchaya hi oke.

14. Yohmi ka vba apelihika isht anumpa hanta ilvppvt oklushi moyuma ka isht im ai atokowa he mak osh yakni mominchit ai annoa he : yvmohmi mak o ont ishtaiyopi kv̄t v̄la hi oke.

15. Yohmi hoka nan okp̄ni ā i nukkilli v̄lhpesa ka hopaii Taniel vt isht anumpuli tok ā, aholitopaka yā a hikia na hv̄sh pisa hokma, kv̄na hosh ilv̄ppa it im anumpuli hokmvt, akostininchashke.

16. Yohmikma kv̄na hosh Chutea, yā maya tuk mvt, nv̄nih chaha puta ka pit ik o yihlepá ;

17. Aboha pakna yō anta tuk vt akowvt, im aboha yā nana kia ont kohchit ik esho kashke ;

18. Mikma osapa an̄ka yō anta tuk mvt, falamvt im ilefoka yā ont ik esho kashke.

19. Yohmikma nitak yv̄mma fehna ka kv̄na hosh v̄lla i foka hatuk, micha pishechi atuk aiena hokv̄to i palv̄mma he mak oke.

20. Yohmi kia hv̄sh yihlepa hi ā hv̄shtula yokmá, keyukmvt nitak hullo nitak okmá, ik nano ka hi ā vba pit hv̄sh asih̄h̄lashke.

21. Yv̄mma fehnakma na palv̄m̄mi kv̄t chinto fehna hosh takanla he, yakni vt toba vm̄mona tok ai v̄h̄lit mihintit himak ā ai v̄la ka, yv̄mma chohmi kv̄t takali chatuk keyu, mikmvt himmakma nitak nana yv̄mma chohma he keyu ka hi oke.

22. Yohmi ka nitak yv̄mma chohmi ka ik falaiacho hō keyukma, hatak nana hosh okchaya he keyushke : yohmi kia nan v̄lhtoka v̄lheha ak pulla tuk mak o nitak yv̄mma puta kv̄t ik falaio ka hi oke.

23. Yvmohmikma hatak nana kia, Yakeh ! ilv̄ppa Klaist vt antv̄shke, achi ; keyukmvt yv̄mma antv̄shke, hv̄chim achi hoh kia, ik hv̄chi yimmo kashke.

24. Klaist ilahobi v̄hleha, micha hopaii ilahobi v̄hleha aiena kv̄t hioh̄lit nan isht atokowa chinto puta, mikmvt na fehna puta aiena ka okla otv̄nich̄a he ; yvmohmi cha, yv̄mmvt yohma hinlakma, nan v̄lhtoka, v̄hleha fehna atuk kia yoshublich̄a hi oke.

25. Yakeh! tikbanli hvchim anoli lishke.

26. Yohmi hoka, yakeh! yvmmvt yakni haiaka ya anta hoke, hvchim achi hoh kia, kohchvt hvch ik aiyo kashke: micha, yakeh! vba potvlhpo a lumaka yak o yvmmvt anta hoke, hvchim achi hoh kia, ik hvchi yimmo kashke.

27. Malvtha kvv hvshi akochaka imma yo a kohchakmvt, hvshi aiokvtula ya pit tohwikelichi chatuk oka, Hatak Ushi vt minti kak kia yvmmak inli ho chiyuhma hi oke.

28. Kanima yo nan illi vt itonla hokma, miui yo ossi puta mvt ai itahomba hi oke.

29. Na palvmmi nitak yvmmak atuk a in chekosikma, hvshi vt okhlilikma, anonti hvshi ninak gya mvt ik tommo ka he: mikma fochik puta kvv vba ya asht aka fohopakma, nan isht aighlika puta vba shutik ash osh faiokahancha hi oke.

30. Yvmma fokakma, Hatak Ushi a isht atokowa kvv vba ya auet a haiaka hi oke: yohmikma oklushi moma yakni paknaka aiasha kvv yahaya he, mikma Hatak Ushi vt nan isht aighlika, micha isht a holitopaka chinto aiena ka il ai eshi hosh vba hoshonti anukaka ya mihinti na okla pisa hi oke.

31. Atuk ma yvmmak ash osh im enchil vhleha ha isht-pufa ola chinto ieshi ho tihlinlikma, ilap atokoli tok vhleha ha a mahli ushta shutik ont ai vhli achvfa ka vhlit ivt in tvnvp pit a fullota ka a hoyot itahohomba hi oke.

32. Yohmi ka fik vpi nan isht vlhpisa ka hvsh ai ithv-nashke. Yvmmak okvt hishi toba chi hosh bokoblit tahakma, tofa yvt olanlosi vla ka hvsh ithana chatuk:

33. Yohmi hokvt na yakohmi puta ka hvsh pisakmvt, ai vla hosi, okhissa ak kia ai itukonofa hoka, hvsh ithanashke.

34. Ahli mak o hvchim achi lishke. Himak a okla asha ilvppvt ont ik taho kisha ho, na yakohmi puta kvv ont aighla chi hoke.

35. Uba shutik micha yakni aiena kvto ont ai iksho ka he, amba vno vm anumpa puta hatuk vto ont ai iksho ka he keyu hoke.

36. Yohmi ka nitak yvmmak a he, micha hvshi kanvlli

vlhpisa a he aiena hokvno, hatak nana hosh, mikmvt enchil puta vba aiasha mak osh pit ithana keyu hō, amba Aki ak bano hoke.

37. Yohmi ka Noah hvt ahanta nitak a kaniohmi tok ma, Hatak Ushi vt mihinti kak kia yvmmak inli hō chiyuhma hi oke.

38. Oka falama yvt ik aiyo kisha nitak foka ma, impa micha nan ishko, itauwaya mikmvt itauwaya he im vlhpisa aiena hosh aiasha na Noah hvt peni chukowa he nitak vt ona tok,

39. Yohmi ma ik ithano hosh okla aiasha na oka falama yvt vla cha, mominchit ishit kaiyanchi tok a, Hatak Ushi vt mihinti kak kia yvmmak inli hō chiyuhma hi oke.

40. Yvmma fokakma tuklo kvv osapa ya ashwa tuk ma; achvfa hō ai eshi na achvfa kvto anta he.

41. Ohoyo tuklo kvv nana a botoli a botoli hosh ashwa tuk ma; achvfa hō ai eshi na achvfa kvto anta hi oke.

42. Yohmi hoka hvchishno vt hvchin Chitokaka yvt ai vla he hvshi kanvlli vlhpisa hā hvsh ithana keyu kvv, okchvt hvsh hoyashke.

43. Yohmi kvv hatak chuka-chvfa pehlichy yatuk mvt hvshi kanvlli vlhpisa kaniohmi kak o na hukopa yvt aya hinla ka ithana hatuk okmvt, okcha pulla cha, im aboha yatuk mvt tiwa hi a ahna he tuk keyu, ilvppa hvsh ithanashke.

44. Yohmi hoka hvchishno ak kia hvchim vltahashke: yvmmak a he hvch ik aiahno hvshi kanvlli vlhpisa takla kia, Hatak Ushi vt vla hi oke.

45. Yohmi ka kvta hak osh tishu aighli, hopoyuksa achukma aiena tuk o, i shahli hvt ilap in chuka chvfa ya apesvchit ont ai vlhpiesakma ilhpak ipihinta chī ka, atokoli tok oh cho?

46. Yvmohmi hosh ahanta hō, i shahli hatuk vt vla cha ant pisa chī ka, tishu yvmvvt na yukpa hi oke.

47. Ahli mak o hvchi miha lishke, Yvmmak atuk ma nana im gsha ka moma apesvchi mak o ikba hi oke.

48. Yohmi tuk kia tishu ik vlhpeso yo kvto chukvsh

anġkaka, A shahli hvt ai vla he tuk vt vbanvblichishke, achi ;

49. Yohmi cha tishu bika vhleha hash o bolit ishtia, yohmi mut ishkot haksi vhleha ġ it ibai imput ibai ishkot ahanta hokmvno ;

50. Tishu yvmma i shahli hatuk vt, yvmmak ash osh vla chj ik ahno nitak, mikmut ik akostinincho i hvshi kanvlli vhpisa ġo vla hi oke.

51. Yohmikmut yvmmak ash o chanlit ita hokofi cha, nan ilahobi vhleha isht ai im vlhtoba mak o ibafohkit im apesa he : yvmmak oka yahaya micha noti ahampa aiena he mak oke.

CHAPTA XXV.

Chisvs vt nitak ishtaiyopi vla hi oka isht anumpuli : yohmi kvv, ohoyo himita hatak haleli keyu pokoli, 1 : 14 micha talent aiena ka nan isht apesvt anumpuli. 31 Chisvs vt vla cha nana apesa hi okvt isht anumpuli.

1. YUMMA fokakma vba apelihchika yvt ohoyo himithoa hatak ik halelo pokoli hosh pvla sholit, hatak himona itauwaya chj ka afamvt ilhkoli tok o chohma he.

2. Mihmut tahlapi hosh hopoyuksa yokma, anonti tahlapi kvto ik hopoyukso ya tok.

3. Ik hopoyukso vhleha hatuk ash osh pvla ġ okla ishi kia, bila yano okla ik esho ki tok.

4. Amba hopoyuksa hatuk okvto bila yvt aivlhto a abeha ġo pvla ġ aieninchit okla ishi tok.

5. Hatak himona ohoyo itauwaya chin tuk ash osh ile svlahachit anta na nosilhhvt taha cha, okla nusi tok.

6. Atuk o ninak ont iklvna ma tahpahanla kvv, Inta ! hatak himona ohoyo itauwaya chin tuk ash osh mintishke, ivt ont oh afamá, achi tok.

7. Yohmi ma ohoyo himithoa yvmmak ash osh momvt tanit i pvla ġ okla aiskiachi tok.

8. Mihma ik hopoyukso vhleha hash osh hopoyuksa

vhleha hash o, Pim p_vla hv_t mosholi hoka, hvch_i bila ya hvsh pipetashke, im achi tok.

9. Yohmi kia hopoyuksa vhleha ash osh afalaminchi mv_t, Yohma he keyu; yvmmak keyukma, pishno micha hvchishno aiena ka hv_pim ona he keyu hoka: amba i_vt kanchi vhleha hak o ont hvsh in chumpa he, hvsh ahna he v_lhpesvshke, achi tok.

10. Atuk o chumpv_t ilhkoli t_akla ma, hatak himona itauwaya chin tuk ash osh v_la tok; mihma im v_lht_aha tuk vhleha hash osh ap_ihv_t ai itauwaya y_a pit abeha na okhissa y_vt v_lhk_vma tok.

11. I himmak o anonti ohoyo himithoa kashapa kash osh ai v_la mv_t, Chitokaka ma! Chitokaka ma! ish pin tiwashke, achi tok.

12. Yohmi kia yvmmak ash osh afalaminchi mv_t, Ah_lmak o hvchim achi lishke, Hvch ithanali keyushke, achi tok.

13. Yohmi ka Hatak Ushi v_t ai v_la he nitak, mikmv_t hvshi kanv_lli v_lhpisa aiena hoka pit hvsh ithana keyu hokv_t, okchv_t hvsh hoyashke.

14. Uba ap_ehlichika y_vt, hatak osh yakni hopaki nowv_t aya ch_i hosh in tishu vhleha h_a itahobi cha, nana im a_sha tuk v_t ibbak fohki tok o chohmi hoka.

15. Mihmv_t achvfa h_o talent tahlapi h_o ima mv_t, anonti achvfa ka tuklo h_o ima, anonti achvfa ka achvfa h_o ima tok; hatak v_t kanimihcha hinla aiyuka ka ai v_lhtokowa mak o ima tok; micha mih mak inli h_o nowv_t aya tok.

16. Yohmi ma talent tahlapi ishi tuk ash osh ia mv_t, yvmmak ash o isht itatobv_t, anonti talent tahlapi mak inli ka isht ikbi tok.

17. Mihma tuklo h_o ishi tuk ash kia, yvmmak ash inli h_o chohmit tuklo mak inli ka isht ahayuchi tok.

18. Amba achvfa h_o ishi tuk okv_to ia mv_t, yakni o ont kulli cha, i shahli in tv_li holisso atuk ash luhmi tok.

19. Atuk o hopakit taiyaha ma tishu vhleha yvmma i shahli hash osh v_la cha, yvmmak ash i hotinv_t pisa tok.

20. Yohmi ma talent tahlapi ishi tuk ash osh, anonti

talent tahlapi mak inli ka aieninchit isht vla mvt. Chitokaka ma! yakeh! talent tahlapi hō is suma tok: yvmmak atuk a talent tahlapi mak inli ka isht ahayuchi li tuk oke, achi tok.

21. I shahli hash osh, Ulhpiessvshke, tishu aiahli achukma chia ma! nana kanomosi ka aiahli chi achukma hoka, nana lawa pehlichy a chikbi la chī hoke: chī shahli nan isht im ilaiyukpa ya ish chukowashke, im achi tok.

22. Mihma talent tuklo hō ishi tuk ash kia vla mvt, Chitokaka ma! yakeh! talent tuklo hō is suma tok: yvmmak atuk a talent tuklo mak inli ka isht ahayuchi li tuk oke, achi tok.

23. I shahli hash osh, Ulhpiessvshke, tishu aiahli achukma chia ma! nana kanomosi ka aiahli chia achukma hoka, nana lawa pehlichy a chikbi la chī hoke: chī shahli nan isht im ilaiyukpa ya ish chukowashke, im achi tok.

24. Yohmi ma talent achvfa hō ishi tuk ash osh vla mvt, Chitokaka ma! hatak palvmmi chia chatuk; chishno ak osh ish hokchi keyu kia, ish ai vmo chatuk; mikmvt chishno ak osh ish mvshlichy tuk keyu kia, ish pehli chatuk oke, chithanali tuk:

25. Yohmi hatuk osh sa nukshopa cha, ivt chin talent a yakni anka yo luhmi li tuk oke: yakeh! chimmi hatuk vt yak chin tonlvshke, achi tok.

26. Mihma i shahli hash osh afalaminchi mvt, Tishu haksi nan intakobi chia hvv, vno ak osh hokchi li tuk keyu kia ai vmo likmvt, anonti vno ak osh a mvshlichy li tuk keyu kia, a pehli li chatuk a, ish ithana;

27. Yohmi hokvt an tvli holisso a tvli holisso abohli ya ont ish bohla he tuk: yohmi tuk ma minti li kvv vmmi atuk micha ushi atuk a aieninchit ishi la hi atuk oke.

28. Yohmi hoka talent a oh im ai eshi cha, talent pokoli ishi kak o oh imá.

29. Kvna hosh ishi hok mak o ima na lauvv im aiasha hi oka: amba ik im iksho hatuk okvno ishi tuk ash kia, im ai isha he oke.

30. Mikmvt tishu ik ahobo yokvno kocha aiokhlilika mak

o pit hvsh kanchashke: yvmmak oka yahaya micha nou ahampa aiena mak a hi oke, im achi tok.

31. Hatak Ushi vt, enchil vhleha moma kv̄t apiha h̄o, ilap isbt aholitopaka il ai ishit vla he, yohmikmvt im ai om binili holitopa yatuk ma om binila he oke.

32. Yohmikma itikba ya oklushi moma kv̄t ai itahoba he: yohmikma yvmmak ash osh yvma achafolichit it̄i filamohlichi kv̄t, chukfvlhpoba apesvchi vt chukfvlhpoba ya isi kosoma it̄i filamohlichi chatuk mak o chiyuhma he.

33. Mikmvt chukfvlhpoba ya im ibbak isht-impak imma yak o ashachikmvt, amba isi kosoma yokvno vlfv̄bekimma ȳo ashacha he.

34. Yohmikmvt M̄iko ash osh im ibbak isht-impak-imma asha kash o, Āki ī holitopa hvchia ma! ho minti, vba apelihika yakni vt ik tobo k̄isha mak o hvchim vlhtaha tok vt hvsh ai ahantashke.

35. Ūno vt sa hohchvfo ma, ilhpak ā hvs sv̄peta tok: sa tukshila ma, nana h̄o hvs sv̄shkochechi tok: hatak ik ithano sia hatuk ā, aboha yā ik chukowa, hvs sv̄m aiahni tok:

36. Sa nipi bano ma, nana hvs sa fohkichi tok: si abeka ma, ant hvs sa pesa tok: vno vt aboha kv̄llo f̄oka li ma, ant hvs sā nowa tok okvt, im acha he.

37. Yohmikma hopoyuksa vhleha hash osh im afalaminchi kv̄t, Chitokaka ma! katiohmi kash o chishno vt chi hohchvfo tuk ā, e chi pisa cha nana e chipeta tok o? micha chi tukshila tuk ā, nana e chishkochechi tok o?

38. Katiohmi kash o hatak ik ithano chia hatuk ā e chi pisa cha, aboha yā ik chukowa, e chim aiahni tok o? mihmvt chi nipi bano tuk ā, nana e chi fohkichi tok o?

39. Michā katiohmi kash o chi abeka, mihmvt aboha kv̄llo ish f̄oka aiena tuk ā, e chi pisa cha, a chī nowa tok oh cho? acha he.

40. Mikma M̄iko vt afalaminchikmvt Ahli mak o hvchi miha lishke, Itibapishi li vhleha yakohmi ka moma ik lauwo achv̄fona ka katiohmi h̄o hvsh ai ī yvmohmi tuk okvt, vno ak o hvs sā yvmohmi mak atuk oke, im acha hi oke.

41. Yohmikmvt ibbak vlfv̄beka imma asha tuk ash kia.

Issikkopa he vlhpesa hvchia hvt, a flvmmitt luak ataha iksho, Setan micha imi shilombish okpulo vhleha aiena im vlhtaha tok mak o, hvsh ilhkolashke.

42. Uno vt sa hohchvfo ma, ilhpak nana kia hvch ik sapeto ki tok : sa tukshila ma, nana kia hvch ik svshkochecho ki tok : hatak ik ithano sia hatuk a, aboha ya ik chukowa hvch ik sum ahno tok : si abeka, micha aboha kvllo fokā li aiena ma, ant hvch ik sa nowo ki tok okvt, im acha he.

44. Yohmikma yvmmak ash kia afalaminchi kvtt, Chitokaka ma! katiohmi kash o chi hochaiyafō, mihmvt chi tukshila, micha hatak ik ithano chia, mihmvt chi nipi bano, chi abeka, mihmvt aboha kvllo ish fokā aiena ka e chi pisa cha ke chi apelacho ke tuk oh cho? acha hi oke.

45. Yohmikma yvmmak ash osh afalaminchikmvt, Ahli mak o hvchi miha lishke, Yakohmi ka moma ik lauwo achvfona kia kanihmi ka a hvch ik i yvmihcho tok mvt, vno ak o hvch ik sa yvmihcho tok mak oke, acha hi oke.

46. Yohmikma yakohmi kash osh ai issikkopa bilia mak o pit ilhkola he, amba hopoyuksa yokvto aiokchayvt bilia yo ia hi oke.

CHAPTA XXVI.

Na pehlichī vhleha hvt it afama cha, Chisvs a vba chi kvtt isht anumpuli, 1. 6 Ohoyo hosh nan-ahama ya Chisvs noshkobo isht im a hvmmi. 14 Chutas Iskaliot vt Chisvs a tvli hvta pokoli tuchina ho ishit kanchi. 17 Chisvs vt nan im ai ithvna vhleha ha nan vbanvblit ontia it ibai impa ; 26 mihmvt opiaka na holitopa impa isht vlhpisa ka apesa, 30 mihmvt kohchvt nvnih chaha Alif a ona ; mihmvt Pita yvt ik ithano miha chi ka tikbanlit anoli. 36 Chisvs vt Ketsemane osapushi ont chukowa cha, vba pit anumpuli. Chutas Iskaliot vt hatak na-halupa sholi bieka ho pehlichī cha, Chisvs a ont ishi. 57 Okla hvt Chisvs a ishi mvt na holitompa isht asha pehlichī in chuka holitompa isht ona mvt, okla hash osh kalakshichit on tuftua. 69 Pita yvt in Chitokaka ya ik ithano il ahobi : yohmit ashvchi tok vt nukhaklo.

1. ATUK o yakohmi tok ; Chisvs vt anumpa ilvppa moma ka ahanchit ont in taiyaha mvt, nan im ai ithvna vhleha hash o,

2. Nitak tuklokma vbanvblit-ontia impa hvt a₂sha chi, mikma Hatak Ushi vt iti-taiyukhuna ahonvhlvt illa chi mak o, ishit okla ibbak fohka chi ka hvsh ithaiyanvshke, im achi tok.

3. Yvmma foka ma na holitompa isht a₂sha pehlichi vhleha, mikmvt na holissochi vhleha, mikmvt okla ha i hochitoka vhleha aiena kv₂ na holitompa isht a₂sha pehlichi Kaiafas hohchifo ho im aboha holitopa ya ai itvnaha tok.

4. Mihmvt haksichi hosh Chisvs a okla ishi cha, vba hinla kv₂ it im anumpulit may₂ tok.

5. Yohmi kia, Impa chito a₂sha nitak ak o keyu ho, yvmmak keyukma okla hvt i sanali fehna hinla yoba ka achi tok.

6. Atuk o Chisvs vt Betani a Saimon leplosi vbi a tok in chuka ya a₂sha ma,

7. Ohoyo pash-abama holitompa fehna alabasta itombu shi achvfa ho ishi kv₂ im ona mvt, impa hosh a₂sha ma, noshkobo a ont o fohobli tok.

8. Yohmi kia nan im ai ithvna vhleha hash osh pisa kv₂, okla ik im vlhpeso fehna mvt, Katiohmi mak o ilvppvt yakohmit okpulo cho?

9. Pash-ahama ilvppvt lava kia isht vlhtoba cha, ilbvsha vhleha ha i holhpela hinla tuk oka, achi tok.

10. Chisvs vt akostininchi mvt, Nanta katiohmi ho ohoyo ha hvsh ataklvmmichi cho? ilvppak okvt nan achukma mak o isht vm ai yvmihchi hoka.

11. Ilbvsha yokvto hvchim a₂sha bilia cha tuk : amba vno yokvto hvch ibatakla li bilia keyushke.

12. Pash-ahama ilvppa sa haknip a o fohobli hokvt, sa hollopa chi kak o vm atahli hosh yvmihchi hatuk oke.

13. Ahli mak o hvchi miha lishke, Yakni moma ka kanima fehna yo vbanumpa ilvppvt isht ai anuhumpakma, nana ka ohoyo ilvppvt yakohmichi tuk a yvmmak ash o isht ithaiyana hi a, anohowa hi oke, im achi tok.

14. Yvmma foka ma auah tuklo tuk ash achvfv₂ Chutas Iskalot hohchifo hosh ivt na holitompa isht a₂sha pehlichi vhleha hash o im ona tok.

15. Mihmvt, Yvmmak oka ishit hvchim issa la chī ka nanta hō hvs svma hinla cho ? yvmmak ash o im achi tok. Mihma tvli hvta boshulli pokoli tuchina hi o okla i kahli tok.

16. Yohmi ma nitak yvmma ai vhlit mahaya ka yvmmak ash o kanihmichit ishit im issa he akostininchi bahana tok.

17. Yohmi tuk o pvska ik shatvmmo vpa nitak vmona hō nan ithvna vhleha hv Chisvs a im ai ona mvt, Ubanvblit-ont ia ish impa chī ka, katima yak o ont e chim ai atahla hi a ish ahni cho ? im achi tok.

18. Mihma yvmmak ash osh, Ivt tvmaha hā hvsh onak mvt, hatak yvmmak o hvsh im ona cha, Nan ithvnanchi vt, Nitak vt vm ai onā hosishke : chin chuka ak o nan vm ai ithvna vhleha hā pehlichit vbanvblit-ontia yā a holitobli la chī hoke, achi kano, hvsh im achashke, achi tok.

19. Yohmi ma nan ithvna vhleha hash osh, Chisvs vt ai m atokoli tuk mak o yvmohmi tok ; micha vbanvblit-ontia yā okla atahli tok.

20. Yohmi ma ont opivt taha ma, auah tuklo kash o pehlichī cha impa chī hosh binili tok.

21. Atuk osh okla impvt maya ma, Ahli mak o hvchī miha lishke, Hvsh achvfona kv svshit okla hā hvsh im issa chī hoke, achi tok.

22. Mihma okla nukhaklo fehna mvt, achvfaiyukvt momvt, Chitokaka ma ! vno ak oh cho ? im achi tok.

23. Mihma yvmmak ash osh afalaminchi mvt, Kvna hosh ampo a ibbak a pit svb ai okvchikmvt, mihi yosh svshit okla hā im issa chī mak oke.

24. Kanihmit isht holihiso tok mak o Hatak Ushi vt a yvmohmi hoke : amba Hatak Ushi a ishit inla yā im issa hatak okvto i palvmma chī mak oke ; hatak yvmmak okvt ik tobo tok okmak osh im achukma hi atuk oke achi tok.

25. Yohmi ma ishit inla yā im issa Chutas ash osh afalaminchi mvt, A shali ma ! vno ak oh cho ? achi ma, Ahli, ish mihvshke, achi tok.

26. Mihmvt okla impa hosh maya ma, Chisvs vt pvska yā ishi cha, vba pit aiokpvchi mvt, tushahlichī cha, nan ithvna

vhleha hash o pit ima mvt, Iluppvt sa haknip mak oke ;
ishit oh vpá, achi tok.

27. Mihmvt isht-ishko ya ishi cha vba pit aiokpvchi mvt,
yvmmak ash o pit ima mvt, Hvsh moma kvv hvsh ish-
kashke.

28. Ilvppak okvt svssish nan isht vlvpisa himona, laua
kvv nan ai ashvchika puta isht i kashofa he mak o, hlatapa
hatuk oka.

29. Yohmi kia himak a pilla ma pakvpi vnit waya ilvppa
ak ishko mak atuk osh limonvchit Aki apehlichika ya a
hvch ibai ishko la he nitak mak a hi oke, hvchim achi lish-
ke, achi tok.

30. Mihma vba isht taloa ya okla talovt issa mvt, okla
kohchvt nvnih Alif a pit ilhkoli tok.

31. Yohmi ma Chisvs vt yvmmak ash o, Himak ninak a
vno ak atuk mak o hvsh moma kvv hvch ibetvbla chi hoke.
Chukfvlpoba apesvchi a issot kanchi likma, chukfvlpoba
atuk vt itafimimpvt aya he, achi hosh holisso hatuk oka.

32. Yohmi kia falamvt tani li ha yokvto, hvchi tikba Ka-
lili a ona la chi, im achi tok.

33. Pita yvt afalaminchi mvt, Moma kvv chishno ak atuk
mak o isht ai ibetvbli kia, vno yokvto nitak nana si a ibetv-
la he keyushke, im achi tok.

34. Mihma Chisvs vt, Ahli mak o chi miha lishke, Himak
ninak a akaka yvt ik olo kisha ho, hituchina ha chik svthano
ka ish miha chi hoke, im achi tok.

35. Pita yash osh, Chi awant svlla chi ik nana kia, ak
chithano miha la he keyushke, im achi tok. Mihma nan
ithvna vhleha hvv momvt yvmmak inli ho miha tok.

36. Yvmma foka ma Chisvs vt yvmmak ash o pehlich
cha, yakni Ketsemane hohchifo ho ona mvt, nan im ai ithv-
na vhleha hash o, yvmma ivt ont vba pit anumpvli li takla
ka, ilvppak inli ho hvsh chiyashke, im achi tok.

37. Mihmvt Pita, micha Sebete ushi tuklo aiena kvno
pehlich cha ia tok ; mihmvt nukhaklo fehvvt i wekit kvnia
tok.

38. Yohmi mvt yvmmak ash o, Sa shilombish vt nukhak

lo fehna, illa he ak kia chiyuhmishke : ilvppak inli ho chiyvt hvs svb ai okchashke, im achi tok.

39. Mihmvt achakalit ivt misha ituma ona mvt, hlipvt itula cha, vba pit anumpuli mvt, Aki ma ! yohma hinla yoba hokma, isht-ishko ilvppvt a kanvllashke : yohmi kia vno ak osh ahni li kak keyu, amba chishno ish ahni kak ashke.

40. Mihmvt mintit nan ithvna aiasha kash o vla mvt, nusi hosh maya na ant pisa cha, Pita yash o, Hvs svb ai okcha na hvshi kanvlli achvfa ka ona hinla keyu mak oh cho ?

41. Okchvt vba pit hvsh anumpohonli cha, ayoshuba ya hvch ik iba chukowo kashke : shilombish okvto im vlhtaha ho mvhli, amba nipi ak osh tikambishke, im achi tok.

42. Anonti atukla ma ia cha, ont vba pit anumpuli mvt, Aki ma ! isht-ishko ilvppa ai ishko li ha yo keyukma, a kanvlla he keyu hokma, chishno nana ish aiahni ka yvmoh-mashke, achi tok.

43. Micha vla mvt, anonti nusi hosh maya na ant pisa tok : nishkin ak osh weki hatuk okvt.

44. Mihma anonti issvt ia mvt, ont atuchina ma vba pit anumpuli kv, anumpa yvmmak ash inli ho miha tok.

45. Yohmi mvt nan im ai ithvna aiasha kash o vla mvt, Himmak mak o mayvt nusit hvsh fohashke ; inta ! hvshi kanvlli vlhpisa hv ai ona mak oke ; yohmi ka Hatak Ushi a haksichit nan ashvchi vhleha ibbak sa fohka chi mak oke.

46. Ho tani, kiloh ilhkoli, yakeh ! sa haksichit okla ibbak sa fohka chi hokvt olanlosi vlshke, im achi tok.

47. Mihma anumpohonli moma ho, auah tuklo atuk achvfa Chutas vt na holitempa isht asha pehlichihleha micha okla i hochitoka vhleha aiena im anumpa ho okla chinto bvshpo falaia puta, mikmvt iti tvptua aiena sholi ho, pehlichihleha cha vla tok.

48. Yohmi kv haksichit okla ibbak fohka chi, yvmmak okvt isht akostinincha hi a im anoli kv, Kvna ho ont i suk-sowa likma, yvmmak osh mih mak a chi hoke ; kullochit hvsh ishaskhe, achi tok.

49. Mihmvt yvmmak ash osh Chisvs a im ona mvt, A shahli ma ! na chi yukpashke, achi mvt, i suk-sowa tok.

50. Mihma Chisvs vt, A kana hvt katiohmi hō ish la cho? im achi tok. Yohmi ma okla ai onvt Chisvs ash o itj hoklit ishi tok.

51. Yohmi ma Chisvs a apēvt gya tuk vt achvfa hosh ibbak atuk ma i bvshpo falaia ya pit ishit shufi mvt, na holitempa isht asha pehlichī in tishu hō isht fahamvt, haksobish a chanlit tvbli tok.

52. Yvmma foka ma Chisvs ash osh, Chim bvshpo falaia a falaminchit afohka ya pit ish fohkashke: kvna hosh bvshpo falaia yo ishi hokvto, bvshpo falaia yo isht illa he bano hoka.

53. Himonasi ak kia Aki a pit im asilhha li hok ma, ashaliika enchil vhleha lechvn auah tuklo atampa ka auet vma hinla ka ik chim ahobo cho?

54. Yohmi hokma katiohmi hosh yakohma hi a tok vt Baibil vt ont aiahla hinla cho? im achi tok.

55. Chisvs vt hvshi kanvlli vhpisa yvmmak inli hō okla laua yash o, Hatak hukopa yo ayvt i kohcha hō chiyuhmit bvshpo falaia, mikmvt iti tvptua aiena sholi hosh hvsvsha chi kvv hvsh itvnowa cho? tempel anukaka ya nana ai ithvnanachit nitak moma hvch itintakla binili li ka itj hoklit hvch ik sasho chatuk oke, im achi tok.

56. Yohmi kia hopaii vhleha hvt holissohonchi tok a ont aiahla chi mak o, ilvppa moma kvv yakohmi tok. Yohmi ma nan ithvna vhleha hatuk vt momvt yvmmak ash o issvt yihlepa tok.

57. Yohmi ma Chisvs a itj hoklit ishi tuk vhleha hash osh yvmmak ash o ilaelit ivt na holitempa isht asha pehlichī i shahli Kaiafas a isht im ona tok; yvmmak o na holissochi vhleha, mikmvt hochitoka vhleha aiena kvv ai itvnavt maya hatuk oka.

58. Yohmi ma Pita yvt auet i mishemanchit pit iakaiyvt yahayvt na holitempa isht asha pehlichī i shahli im aboha holitopa hatuk ma ont chukowvt, ont ishtaiyopi ka pisa chi hosh tishu vhleha ha takla ont binili tok.

59. Mihma na holitempa isht asha pehlichī vhleha, micha hochitoka vhleha, mikmvt nan-apesa moyuma kvv Chisvs a

vba chi kv̄t, anumpa ik aḡlo isht atokola hi a hoyot aiasha tok.

60. Yohmi kia ik ahayucho tok. Anumpa ik aḡlo isht atokoli hokv̄to lauv̄t ai ahanla mv̄hli kia, ai v̄lhpesa hi a ik ahayucho tok. Ont ishtaiyopi ma anumpa ik aḡlo isht atokoli vt tuklo hosh v̄la tok ;

61. Mihmv̄t, Ilv̄pvt Chihowa in tempel a okv̄ni li tuk mv̄t, anonti nitak tuchinakma ikbit tahli la hinla hoka, achi kv̄no, achi tok.

62. Yohmi ma na holitompa isht aḡsha pehlich̄i i shahli vt wakaya mv̄t, afalaminchit, Afalaminchit nana kia chik acho cho ? nanta mak o yakohmit isht chi atokoli cho ? im achi tok.

63. Yohmi kia Chisvs vt nana ik acho ki tok. Mihma na holitompa isht aḡsha pehlich̄i i shahli vt anumpuli mv̄t, Chishno ak osh Klaist Chihowa Ushi chia hatuk okmv̄t, keyukma nana hatuk okmv̄t, ish pim anola he mak o Chihowa okchaya pulla ka isht a chim apesa lishke, im achi tok.

64. Mihma Chisvs vt, V̄lhpesa ish mihv̄shke : yohmi kia, Himak a pilla ma Hatak Ushi vt nan okluha im aia im ibbak-ishtimpakimma ya binili, micha vba hoshonti anukaka minti aiena ho hv̄sh pisa hi oke, hv̄chim achi lishke, im achi tok.

65. Yohmi ma na holitompa isht aḡsha pehlich̄i i shahli ash osh im ilefoka, im anchi aieninchit ita hlilv̄ffi mv̄t, Chihowa ik ahobalot anumpa ha anumpulishke ; himmakma nan-isht ai atokowa katiohmi ho iloh ahna hinla cho ? inta ! himak okv̄no Chihowa ik ahobalot anumpuli ka hv̄chishno vt hv̄sh hakloshke.

66. Katiohmi hv̄chim anukfila cho ? achi ma, okla afalaminchi mv̄t, Illa he ak o v̄lhpesa hoke, achi tok.

67. Yohmi ma nashuka ya on tuftua ma, ibbak a bonulit isht isso tok, kanimi kv̄t ibbak a isht pasalich̄i mv̄t,

68. Klaist chia ma ! kv̄na hosh chisso hokma, akostininchit pin anoli, achi tok.

69. Yohmi ma Pita yvt aboha holitompa kocha ya aḡsha

tok: mihma ohoyo himita yosh yummak ash o vla mvt, Chishno ak kia Chisvs Kalili vta ya awant ish aya kamo, achi tok.

70. Yohmi kia moma itikba yatuk ma ik ithano ilahobit, Nana ish miha hoka, ak akostininchoshke, achi tok.

71. Micha kohchvt ivt apishia ona ma, ohoyo himita inla yosh pisa mvt, ymma maya kash o, Ilvppak kia Chisvs Nasalet vta ya awant aya kamo, im achi tok.

72. Mihma anonti anumpa kullo isht il onochit ik ithano ilahobit, Hatak ymma ithana li keyushke, achi tok.

73. Atuk o in chekosi ma bilikasi hiohmaya tuk ash osh a vla mvt, Pita yash o, Chishno ak kia okla ymma ish ib ai achvfa yatuk o pullvshke; chim anumpa hvv chi otvnichi hoka, im achi tok.

74. Yohmi ma yummak ash osh, Hatak ymma ithana li keyushke, achit ik ahobalot anumpulit anumpa kullo isht il onochit ishtia tok. Mihma chekosi mak inli ho akaka yvt ola tok.

75. Yohmi ma Pita yash osh, Akaka yvt ik olo kisha ho, hituchina ha chik svthano ish miha chi hoke, im achi tok, Chisvs im anumpa hash pit ithaiyana tok. Mihmvt kocha ia cha, yahaya fehna tok oke.

CHAPTA XXVII.

Na holitempa isht asha peblihi vhleha hash osh Chisvs a Pailat Loman i miko ak o isht im ona, 1; 3 mihma Chutas Iskaliot vt ile nuksiteli. 19 Pailat tekchi vt Chisvs a nana ik kanimihcho hok bano im ahni; yohmi kia na holitempa isht asha vhleha hvv nan ahni kak o vlhpesa im ahni cha, 26 Balabas ak o peh i hotofi mvt, Chisvs vto illa chi mak o miha. 27 Loman tvshka chipota vhleha vt Chisvs a ishi cha, kvti halupa yo noshkobo ha isht iachukolichi. 32 Tvshka chipota yvt Chisvs a ishit Kalkohla ona cha, im ilefoka yash na shoeli isht apesvt im ishi mvt, Chisvs ash iti-taiyukhvna ahonvhlchi ma; 50 Chisvs vt chitoli fehvvt tahpola mvt, illit kvnia, illi ma na fehna kvv ai yvmohmi. 57 Chosef Alimahlea vta yak osh, Chisvs vt iti-taiyukhvna takali tuk a ishit akvchi, mi-cha hatak illi ai asha himona ilap immi ak inli ho fohkit bohli.

62 Na holitempa isht a^hsha pehlichⁱ v^hleha hak osh usih^hla ma, Pailat vt tvshka chipota y^a atoinchi na Chisvs ahollopi a^h atoni.

1. **O**NT onvt taha ma na holitempa isht a^hsha pehlichⁱ v^hleha hv^t moma, micha okla i^h hochitoka v^hleha aiena kv^t Chisvs a^h vba chⁱ kv^t isht it im anumpulit maya tok.

2. Micha yvmmak ash o^h okla takchi mvt, ilaelit isht iv^t, nahullo miko Pantivs Pailat ibbak a^h ont fohki tok.

3. Yvmma foka ma yvmma ishit okla h^a im issa tuk Chutas ash osh yvmma illi issa na pisa mvt, inlv^t im anukfila cha, tvli hv^ta boshulli pokoli tuchina kash o^h falaminchit na holitempa isht a^hsha pehlichⁱ v^hleha micha hochitoka v^hleha aiena ka isht om ona mvt,

4. Nan ashvchi keyu issish o^h ishit okla h^a im issa li hokvt ashvchi lishke, achi tok. Mihma, Yvmmvt nanta isht pi ahalaia cho? yvmmak okvno chishno ak inli hosh ish pisashke, achi tok.

5. Mihma tvli hv^ta boshulli a^h tempel anukaka y^a pit fohbli cha, kocha ia mvt, ont ile nuksiteli tok.

6. Yohmi ma na holitempa isht a^hsha pehlichⁱ v^hleha hash osh tvli hv^ta boshulli ash ishi mvt, Tvli holisso ai itahoba holitopa y^a pit fohka he v^hhpesa keyu, issish o^h isht v^hltoba hatuk oka, achi tok.

7. Yohmi mvt okla isht im anumpulit maya cha, oklushi inla hatak puta ka a hollopa hi vt shuti-tvna im osapa y^o isht chumpa tok.

8. Yvmohmi hatuk o^h osapa yvmmvt, Osapa issish hohchifo tok vt himak nitak a^h moyuma hoke.

9. Yvmohmi ma hopaii Chelemaias vt anumpuli mvt, Is-lael ushi v^hleha hv^t ai v^hltoba he okla apesa tok mak o^h ai v^hltoba he v^hhpesa tuk v^hltoba tvli hv^ta boshulli pokoli tuchina ka okla ishi tok.

10. Micha Chitokaka yvt vm apesa tok mak o^h, shuti-tvna atuk im osapa y^o isht atobbi tok; achi tok a^h ont aighli tok.

11. Mihma Chisvs vt nahullo miko itikba y^a hikia tok; mihma nahullo miko vt yvmmak ash o^h i^h ponaklot, Chishno ak osh Chu okla h^a i^h miko chia mak oh cho? achi

tok. Mihma Chisvs vt, Ulhpesa hō ish mihvshke, im achi tok.

12. Atuk o na holitompa isht asha pehlichī vhleha, mikmvt hochitoka vhleha aiena kv̄t nan isht mihachi ka, nanasi kia ilapvt afalaminchit ik miho ki tok.

13. Yohmi ma Pailat ash osh, Nana lāwa ka isht a chi atokoli ka chik haklo ho tuma? im achi tok.

14. Yohmi ma yvmmak ash osh anumpa achvfa kia ik im afalamincho ki tok; yohmi hatuk o nahullo mīko ash osh nukhlakancha fehna tok.

15. Micha vbanvblit ontia impa ashakma, kvna hō okla ahnikma, nahullo mīko vt yukvt talakchi atuk a okla hā imi hotofi chatuk a tok.

16. Atuk o yvmma fehna ma annohōwa fehna chatuk yukvt talakchit Balabas hohchifo hosh okla hā im anta tok.

17, 18. Yohmi hatuk o Pailat ash osh yvmma okla isht ik i yukpo kak osh ishit okla hā im issa hatuk a, ithana hatuk osh, okla itvnahvt taiyaha ma, Kvta mak o hvchimī hotofi la he a hvsh aiahni cho? Balabas ak okmá, keyukmvt, Chisvs osh Klaist hohchifo kak okmá, katimampo kak a chī cho? im achi tok.

19. Mihmvt nan-apesa aiasa yā ont binili ma, tekchi vt pit im anolit, Yvmmak atuk mak o himak nitak a si holhpokunvt nana isht ik svm ai achukmo kv̄t an laua hatuk oka, hatak aghi achukma yvmma nana chik kanihcho kashke, achi tok.

20. Yohmi kia na holitompa isht asha pehlichī vhleha, micha hochitoka vhleha aiena hokvto Balabas ak o okla asilhaha cha, Chisvs ak o vba chī ka, okla laua yā atohnochi tok.

21. Nahullo mīko ash osh afalaminchi mvt, Tuklo ka katimampo hvchim i hotofi la hi a hvsh aiahni cho? im achi ma, Balabas ak o, okla achi tok.

22. Pailat ash osh, Yohmikmvt Chisvs osh Klaist hohchifo kvno, nanta hak o katimihchi la hinla cho? im achi ma, Iti-taiyukhvna yak o ahonvhlvt illashke, momvt okla achi tok.

23. Mihma nahullo mīko ash osh, Katiohmi hō? nan okpulo nanta mak o yvmohmi tuk oh cho? achi tok, Yohmi

kia i shahlichit tahpvlvt, Iti-taiyukhvna yak o ahonvhlvt illashke, okla achi tok.

24. Pailat ash osh ilapvt na kanihma he keyu, amba yahapa kak osh i shahlit toba pulla hi a akostininchi mvt, oka kapvssa ya ishi cha, okla itikba ya ibbak ai achifa mvt, Hatak ahli achukma ilvppa im issish a isht si ahalaia keyu mak oke: hvchishno ak osh isht hvsh ashashke, im achi tok.

25. Yohmi ma okla momvt afalaminchi mvt, Im issish vt pishno, micha pim vlla aiena kak o onvtonlashke, im achi tok.

26. Yohmi ma yvmmak ash osh Balabas ak o okla ha imi hotofi tok: micha Chisvs ash o fvmmit issa mvt, iti-taiyukhvna ahonvhla chi mak o im issa tok.

27. Yvmma foka ma nahullo miko in tvshka chipota vhleha hash osh Chisvs a ishtvt nana ai apesa yo isht ona mvt, tvshka chipota vhleha ha mominchit ont im itvnahli tok.

28. Mihmvt nafohka ya i shoeli cha tvshka chipota peh lichi i nafohka humma yo ishit fohkvchichi tok.

29. Michu kvti iachuka ho okla tvnvt tahli mvt, noshkobo ha iachukolichi cha, anonti ibbak isht impakimma ya kvshak o pit fohki tok: mihmvt itikba ya okla i hvchukbihlepa cha, isht yopulvt, Chu okla i miko ma! na chi yuk pashke, achi tok.

30. Mihmvt yvmmak ash o okla on tuftua, micha kvshak ash ishi cha, noshkobo ha isht boli aiena tok.

31. Mihmvt yvmmak ash o okla ishit yopulvt issa mvt, tvshka chipota i nafoka humma yash o i shufi cha, ilap i nafoka yash inli ho fohkvchichi mvt, iti-taiyukhvna ahonvhlichu chi hosh ilauevit ishtia tok.

32. Atuk osh okla ont kochu wiha fehna mvt, Saileni hatak Saimon hohchifo ho okla pisa tok: mihmvt im ititaiyukhvna ya yvmmak osh shola he a okla atohnochi tok.

33. Atuk osh yakni Kalkohla hohchifo yvmmvt, Noshkobo foni aiasha, achi mak o ona ma,

34. Yvmmak ash o ishka chi ka wineka yosh basunlvsh okchi yvt ibvlhto ho ipeta tok: mihma yvmmak ash o ishkot pisa mvt, ishka he keyu ki tok.

35. Mihma yvmmak ash o iti-taiyukhvna okla ahonvhli-chi mvt, na shoeli o im ilefoka yatuk ash isht iti hopela tok; hopaü vt, anumpuli mvt, Um ilefoka yatuk puta ka okla iti hopela mvt, anonti vm ilefoka lumbo atuk g okla nan-isht a shoelishke, achi tok vt aiahla chi mak a tok.

36. Micha okla hash osh yvmmak o aka binohli cha, yvmmak ash atoni tok.

37. Mihmvt noshkobo paknaka anumpa onvtula holisso hvt, ILUPPAK OSH CHISVS CHU OKLA I MIKO MAK OKE, achi ho takalichi tok.

38. Yohmi ma hatak hukopa tuklo hosh apihvt ititaiyukhvna ahonvhla tok; achvfa kvvtt ibbak isht impakimma yo takali ma, anonti achvfvtt vlvfbekimma yo takali tok.

39. Mihma yvmma bilikasi ont ihiya kvvtt yvmmak ash o ik ahobalot pit i yuchunukli beka tok.

40. Mihmvt, Tempel g okpvni cha, anonti nitak tuchinakma ikbit tahli chia hvt, ish ile okchalinchashke, Chihowa g Ushi chia hokmvt, iti-taiyukhvna ya auet akowá, achi tok.

41. Na holutompa isht asha pehlichi vhleha ak kia na holissochi vhleha, micha hochitoka vhleha ai itapeha kvvtt yvmmak ash o ishit yopulvt,

42. Inla yokvno okchalinchichi hatuk okak osh, ilap inli kvvto ile okchalinchichi he keyushke. Ilvppak osh Israel g i miko yatuk okmvt, himonasi ak o iti-taiyukhvna ya auet ik akowá, yohmikmak o iloh i yimmashke.

43. Chihowa ya anukcheto atuk oka, yvmmak osh i hullo hatuk okmvt, himonasi g ant ik hlakofichí; Chihowa Ushi sia hoke, achi hatuk oka achi tok.

44. Hatak hukopa tuklo yvmma apihvt iti-taiyukhvna ahonvhla tuk kak kia ik ahobalo kvvtt, yvmmak inli ho, chohmichi tok.

45. Yohmi ma hvshi kanvlli vlvpisa ont isht hannalik fehna ai vhlit ivt, hvshi kanvlli vlvpisa isht chakkali ona ka, yakni moma ka ai okhlilit kvvnia tok.

46. Yohmi ma hvshi kanvlli vlvpisa ont isht chakkali foka ma, Chisvs vt chitoli fehna hosh tahpvlvt, Eli, Eli, lama sabakhiani? achi tok; yvmmvt an Chihowa ma! an

Chihowa ma! nanta katiohmi hō is sã kanchi cho? uchi hoke.

47. Mihma yvmma hiohmaya tuk vt kanimi kv̄t haklo mv̄t, Hatak ilv̄pvt Elias ă pit ĩ howvshke, achi tok.

48. Mihma mih mak inli hō achv̄vt malelit ia mv̄t, na shatv̄m̄mi ȳ ont ishi cha wineka alotoli mv̄t, kushak ȳ takalichi cha, yvmmak ash ȳ ishka ch̄i ka pit ipeta tok.

49. Mihma inla ka yash osh, Ik ashá, Elias vt okchalinchit gya hinlakmá, nanakmá, keho pesá, achi tok.

50. Mihma Chisvs vt atukla ma chitoli fehna hosh tahpv̄la mv̄t, fiopissa tok.

51. Yohmi ma nantv̄nna tempel anukaka takali tuk vt paknaka ak ȳ a hlilav̄t ia mv̄t, aka ont taha cha tuklo tok: mihma yakni vt winakahanchi ma, tv̄li hochito puta kv̄t bakahli tok.

52. Mihma hatak ahollopi puta kv̄t tiwa ma, vbanumpuli puta haknip mav̄vt nusi tuk vt lãwa kv̄t tani tok.

53. Atuk osh Chisvs vt illi tuk vt falamv̄t tani ma, ahollopi puta ka akohcha wihv̄t ia mv̄t, tv̄maha holiropa yã onv̄t lãwa ka ĩ haiaka tok.

54. Sintulion micha apihv̄t mav̄vt Chisvs ă apesv̄chi tuk aiena kash osh yakni winakv̄chi, mihmv̄t nana kv̄t ai yakohmi puta na pisa mv̄t, okla nukshopa fehna mv̄t, Ilv̄ppak okvt Chihowa hã Ushi yȳ mv̄hli tuk pullv̄shke, achi tok.

55. Yokmi ma ohoyo lãwa Chisvs ă apehvt Kalili ă asht, mintit yvmma nan im atahli yatuk vt yvmma maya cha, auet mishema hō pit pisa tok.

56. Yvmma takla maya kv̄t, Meli Maktalene micha Meli, Chemis, mikmv̄t Choses aiena ishki, mikmv̄t Sebeta ushi v̄hleha hã ishki ak osh aiena tok.

57. Ont opiv̄t taiyaha ma hatak nan in laua Alimahlea vtta Chosef hochifo hosh, yvmmak kia Chisvs ă nan im ai ithv̄na ak inli tuk osh v̄la tok.

58. Micha ia mv̄t, Chisvs haknip ă Pailat ă ont im asilhha tok. Yohmi ma haknip atukma ima he ă, Pailat vt miha tok.

59. Mihma Chosef vt haknip atuk a ishi mvt, yvm-mak ash o nantvna kashofa linen achukma ho a bonulli tok.

60. Mihmvt yvmmak ash o ilap i sepvka himona tvli chito yo a kulli hosh ikbi tuk osh ont fohki tok: mihmvt sepvka okhissa ash o tvli chito yo tonolichit pit isht akamali cha, ia tok.

61. Mihma Meli Maktalene, micha Meli achvfa itatuklo kvv sepvka i chapaka ya chiya tok.

62. Yohmi ma nana ai vlhtaha nitak atuk auct achakaya nitak o na holitempa isht asha pehlichi vheha, micha Falisi vheha aiena kvv Pailat a ant im ai itvnaha cha,

63. Pi shahli ma! na haksichi yvmvvt okchaya momvt ahanta mvt, Nitak ont atuchinakma falamvt tani la hi oke; achi tok a il ithaiyanvshke.

64. Yohmi hoka ish apesa na sepvka vt kullot vvhkama na nitak atuchina ka onashke; yvmmak keyukma nan im ai ithvna vheha hvv ninak a ai vlvv hukopvt ishit kvnia cha, Illi tuk vt falamvt tanishke, okla ha im acha hinla hoke: yohmikma ishtaiyopi ka isht haksi kak osh ik ai vvhpeso kvv vvmmona tuk a i shahla hinla hoke, achi tok.

65. Mihma Pailat ash osh, Nan atoni vt hvchim ashvsh ke: oh ilhkoli cha, kanimihchit hvsh a kvvlocha hinla kvv hvsh yvmihchashke, im achi tok.

66. Mihma ilhkoli mvt, tvli ash o in chunli cha, nan atoni a ashachit, sepvka ash a kvvlochit kaiyanchi tok.

CHAPTER XXVIII.

Nitak ont atuchina onnahinli fehna ohoyo tuklo kvv Chisvs ahollopi tuk a ona; yvmma enchil vt ai afama, 1; 2 micha Chisvs vt illi tuk vt falamvt tani tuk a, im anoli; mihmvt nan im ai ithvna vheha ha ia cha, ont im anola chi ka i miha. 11 Kaniohmi hosh Chisvs ahollopi ya atonit aiasha tuk vt falamvt tvnaha chito ya ona cha, ahollopi nana a kaniohmi tuk a na holitempa isht asha pehlichi vheha ha im anoli. 15 Chisvs vt nan im ai ithvna avah achvfa ka Kalili ak o ai i haiaka, 19 micha vbanumpa ha oklusha puta ka isht im anumpohonlit itvnohowa he a im apesa.

1. YUMOHMI tuk o nitak hullo vt ont taha tuk wek nitak vmona chi hosh onvt mihinti ma, Meli Maktalene, micha Meli achufa itatuklo kvt sepvka yash pisvt aya hosh itonachi tok.

2. Yohmi ma yakni vt winakvchi fehna tok: Chitokaka im enchil osh vba mintit vla cha, tvli okhissa onvtula tuk a kanompit tonolichi cha, paknaka ya on asha ha tok,

3. Mihma haknip vt malvtha ak o chiyuhmi ma, im ilefoka yvt tohbi kvt okti pushi ak o chiyuhmi tok.

4. Mihma nan atoni vhleha hatuk vt yvmma i nukshopa kvt vvnihinci mvt, illi yo chiyuhmi tok.

5. Yohmi ma enchil vt anumpuli mvt, ohoyo hash o, Ititaiyukhvna ahonvhlvt illi tuk Chisvs ak o hvsh hoyo ka hvchim ithanali hoka, ik hvchi nukshopo kashke.

6. Ilvppa ikshoshke; miha tuk okvt falamvt tani tuk oke. Mintit Chitokaka yvt ai itola tuk a ant ho pesa.

7. Michu tushpvt ivt, illi tuk vt falamvt tani cha, hvchi tikba Kalili a ia chi ka, yvmmak o ont hvsh a pisa chi hoke, nan im ai ithvna vhleha ha ont hvsh im anolashke: inta! hvchim anoli li mak oke, im achi tok.

8. Yohmi ma nukshopa, mikmvt nayukpa fehna aiena hosh sepvka ya ashvvt tushpvt itiachi tok; mihmvt nan im ai ithvna vhleha hatuk a anumpa isht im ona chi kv tihlahaya tok.

9. Atuk o nan im ai ithvna vhleha ha im anolit ia hosh ayvt okla ma, Chisvs vt afama cha, Na hvchi yukpashke; achi tok. Mihma ivt yvmmak ash o iyi a ont halvli cha, aiokpahanchit okla tok.

10. Yohmi ma Chisvs ash osh, Ik hvchi nukshopo kashke: Oh ia cha, itibapishili vhleha ha ont hvsh im anolikma, Kalili a okla ai onvt yvmmak o a sa pesashke, im achi tok.

11. Yohmi na itiachi hosh ayvt okla ma, nan atoni vhleha hatuk kaniohmi kv tvmaha ha ona cha, nana kv kaniohmi tuk a mominchit na holitempa isht asha pehlich vhleha ha im anoli tok.

12. Mihma yvmmak ash osh hochitoka vhleha ai itapihvt

itvna cha, it im anumpulit okla in taiyaha mvt, tvahka chipota vhleha hash o tvli holisso lqwa ka ima cha,

13. Nan im ai ithvna vhleha hvv ninak o ai vla cha, nusi hosh e maya takla ma, ant hukopvt ishit kvnia tuk oke, hvsh achashke.

14. Yohmikma ilvppak atuk mvt nahullo miko haksobish g afohka hokma, yvmmak oka e hopohlvchi cha, e hvchi hlakofichashke, achi tok.

15. Yohmi ma tvli holisso ash o okla ishi mvt, nan im avvchi tok mak o okla ai yvmohmi tok: yvmohmi tok o anumpa ilvppvt himak nitak ak kia Chu okla itintakla ya ai annqhoa hoke.

16. Yohmi ma nan ithvna auah achvfa kash osh Kalili g ilhkolit, nvnih chaha Chisvs vt ai im atokoli tok mak o ona tok.

17. Micha yvmmak ash o pisa mvt, okla ai okpahanchi tok: yohmi kia kanimi kvto anuktuklo tok.

18. Yohmi ma Chisvs vt vla cha, ant im anumpuli mvt, Uba yakni, micha yakni ilvppa aiena nan-isht im ai ghlika puta moma kvv vmmi toba hoke.

19. Yohmi hoka hvsh ilhkoli cha, oklushi moma ka nan ithvna ikbit, Iki, micha Ushi, mikmvt Shilombish Holitopa aiena hq isht a hochifochit hvsh baptismo honchashke:

20. Nan okluha ka nana hq hvchim apesa li tuk g holi-tobla he mak o hvsh im abahanchashke: yohmikma yakeh! vno vt hvchi awant gya li bilia hq, yakni vt ont ai vha hi oke. Amen.

UBANUMPA MAK.

UT HOLISSOCHI TOK.

CHAPTAL

Chan Baptist vt vbanumpa isht anumpohonli 1; 9 Chan vt Chisvs a baptismochi; 12 atuk o yummak atuk a i himmak ma Setan vt Chisvs ash o imomaka pisa. 14 Chisvs vt Kalili a vbanumpa isht anumpohonli; 16 mihmvt Saimon, micha Antilu, mikmvt Chemis, micha Chan aiena ka nan im aiithvna toba chi ka i miha. 23 Nitak hullo ya Chisvs vt nan ithvnanchi, micha shilombish okpulo kohchichi aiena mvt; 29 Pita tekchi ishki, 32 micha hatak abeka inla yvt laua ho hlakofichi; 35 Chisvs vt vba pit anumpula chi hosh onvt ik taho kisha ho tani; 39 atuk osh i himmakma Kalili vbanumpa isht ai anumpuli, 40 leposi vbi yo hlakofichi.

1. CHISVS Klaist Chihowa Ushi im vbanumpa ai ishtia vmona kvv,

2. Yakeh! vm anumpeshi ya chi tikba chvffichi li hoka mihi yosh chi hina ya tikbanli apoksiacha hi oke.

3. Achvfa hosh yakni haiaka ya a pahaya kvv, Chitokaka ataya hi a apoksiachit i hina puta ka oh apissvlichí, ahan-chishke, achit hopaii vhleha i holisso ha a holisso tok ak o ai itilau tok.

4. Chan vt yakni haiaka ya a baptismohonchi mvhli tok: mihmvt ai ashvchika puta ka isht a kashofa chi ka, ile kostoninchit baptisma hi a isht anumpohonli tok.

5. Yohmi ma Chutea yakui ai asha tuk, micha Chelusalem ai asha tuk aiena kvv, memvt yummak ash o im ai ona cha, nan im ai ashvchika puta ka il anohonlit, Chatan okhina yak o ai im a baptismo tok.

6. Mihmvt Chan vt kamel hishi nafohka fohka cha, na-

hakshup vskofvchi yo vskofaiyachi tok : mihmvt hawa, mi-
cha foi-bila kowi anuka asha yak o vpa beka tok.

7. Mihmvt vbanumpa isht anumpohonli mvt, Uno g a shahli fehna hosh auet siakaiyvt minti, yvmmak okvno vno vt i shulush isht-talakchi yak kia a hlipivt hotofi la he si ahoba keyu hoke.

8. Uno vto oka yo isht hvchi baptismochi li mvhli hatuk; amba yvmmak okvto Shilombish Holitopa yo isht hvchi baptismocha chi hoke, achi tok.

9. Atuk o nitak yvmma foka ka yakohmi tok : Chisvs vt Nasalet Kalili talaia ka vttvt mintit vla cha, Chatan ak o Chan g ai im a baptismo tok.

10. Micha oka ya ai vttvt kocha ia mak inli ho, vba shu-
tik vt auet tiwa na Shilombish Holitopa yvt pvchi-yoshuba chiyuhmi hosh vba mintit yvmmak ash o ant o binili tok.

11. Yohmi ma vba ya anumpa hv auet takali kvv, Chishno ak osh Svso g holitopa chia hoke; chishno ak o nan-isht chi a sai yukpa hoke, achi tok.

12. Atuk o chekosi mak inli ho Shilombish Holitopa yvt yakni haiaka ya pit chvffichi tok.

13. Yohmi na yakni haiaka yvmma nitak pokoli ushta ho ahanta na Setan vt imomaka pihisa tok; mihma napoa okpulo puta ka itintakla ahanta tok; mihma enchil vhleha hosh nan-isht im anta tok.

14. Chan vt aboha kullo fohka ha yo, Chisvs vt Kalili g vla cha, Chihowa apelhichika isht anumpa hanta ya isht anumpohonli tok.

15. Mihmvt, Nana kvv ont aighlit taha na Chihowa apelhichika yvt olanlosi vlvshke; ile kostininchit, vbanumpa ha ho yimmi, ahanchi tok.

16. Atuk osh Kalili okhvta lapalika ya aya mvt, Saimon vt itibapishi Antilu itatuklot, nvni-hokli yatuk okvt, nvni-isht-hokli g okhvta pit okvchi hosh ahashwa na pisa tok.

17. Mihmvt Chisvs vt, Mintit vno ak o hvs si apeha na hatak hokli yo hvch ikbi lashke, im achi tok.

18. Yohmi ma mih-makinli ho i nvni-isht-hokli yash issa cha, iakaiyvt okla tok.

19. Mihma yvmmak atuk a ivt mishema ona mvt, Sebete ushi Chemis, micha itibapishi Chan itatuklo kak kia, peni anuka ya nuni-isht-hokli aiskiachi hosh chiya na pisa tok.

20. Mihmvt mih makinli ho yvmmak ash o pit i howa tok; mihma yvmmak ash osh iki Sebete vt hatak iltohno vhleha ho iba takvt peni ash foka na issvt, pit iakaiyvt okla tok.

21. Atuk o Kapenavm ak o okla ai ona tok: atuk o chekosi ma nitak-hullo nitak o sinakak a ont chukowa cha, nana abahanchi tok.

22. Yohmi ma nan isht ai im avchi ka okla anukhlakan-cha tok: yvmmak okvt nana kvv ai im vhpiesa hosh nana im abahanchi kia, na-holissochi vhleha yak okvno ik holbo ki tok.

23. Yohmi ma sinakak yvmma hatak vt shilombish okpulo ai i foka hosh asha tuk osh, tahpvvt,

24. Ikikke! Chisvs Nasalet ai vta chia ha nanta ho isht e chi ahalaia cho? kvna ho chia hoka chithana li, Chihowa i na-holitopa chia mak oke, achi tok.

25. Mihma Chisvs vt yvmmak ash im olvbit, Nukchintot yvmma ish a kohchashke, im achi tok.

26. Mihma shilombish okpulo ash osh yvmmak ash o haiochechi cha, chitolit tahpva mvt, yvmmak ash a kohcha tok.

27. Yohmi ma momvt, okokko! aiahni fehna; yohmi cha, Ilvppvt nanta mak osh yakohmi cho? ilvppak osh nanisht avchi himona nanta mak oh cho? ai im vhpiesa hosh yvmmak ash osh shilombish okpulo vhleha hak kia nan im apesa ma, im antivshke, achit okla it im a ponaklot maya tok.

28. Yohmi ma chekosi makinli ho yvmmak ash isht annoa kvv Kalili a folumpa yakni moma ka hlopulli tok.

29. Atuk o sinakak a ashvt a kohcha makinli hosh Chemis, Chan itatuklo ka ai it apihvt Saimon, micha Antilu itatuklo in chuka yo okla ont abeha tok.

30. Mihma Saimon tekchi ishki yvt-yvna hosh itonla tuk o, ashalika yvmmak ash im anoli tok.

31. Mihma ona cha ibbak g halvllit, tanichi tok ; mihma yvnh hash osh ashalika shipa na nan isht im vtta tok.

32. Atuk o ont opia hvshi vt okatula ma, haknip ik in chukmo puta, mihmvt nan-isht-ahullo okpulo ai i foka aiena tuk g, mominchit okla isht im ai vla tok.

33. Mihma tvnaha okla hash osh momvt okhissa yg ant ai itahoba tok.

34. Mihma haknip ik in chukmo ilaiyuka isht abeka tuk g laua ho hlakofichi mvt, nan-isht-ahullo okpulo mvt laua ho kocha weli tok : mihmvt nan-isht-ahullo okpulo yvt ilapa okla ithana hatuk o, ik anumpuli ik im abno ki tok.

35. Atuk osh ont onnahinli, onnvt ik taho kisha pilla ho, tani cha, kohchvt ivt haiaka ona cha, vba pit anumpuli tok.

36. Mihma Saimon, micha apeha tuk ash aiena kvv pit iakaiyvt ilhkoli tok.

37. Atuk osh yvmmak ash ont pisa mvt, Hatak momvt chi hoyoshke, okla im achi tok.

38. Mihma auet apanta tvnaha maya kak o kil ohona na yvmmak ma vba isht ai anumpohonli lashke, yvmmak a he mak osh aya li ha tok okvt, im achi tok.

39. Atuk osh Kalili fullota i sinakak puta ka vba isht a anumpohonlit, nan-isht-ahullo okpulo puta ka kocha wihinli tok.

40. Mihma leposi vbi yosh gyvt im ona cha, i hvchuk-bihleptv im ilbvsha mvt, Ulhpesa ish ahni hokmvt, is sa kashofa hinlvshke, im achi tok.

41. Mihma Chisvs vt i nukhaklo cha, ibbak g pit welit, potoli mvt, Ulhpesa ahni lishke ; chi kashofashke, im achi tok.

42. Mihma anumpulit ont issa makinli ho, leposi ash ot ashalika i kvnia na yvmmak ash osh kashofa tok.

43. Mihma ik annoo ka hi a kvlochi fehna hosh yvmmak ash i mihvt taiyahli cha, ashalika kanima pit chvffichi ;

44. Yohmi mvt ahah ! aiahnit hatak kvna kia na chik im anolo kashke ; amba chi hlakofi hokvt okla ha nan im atokowa chi ka, ia cha, na-holitompa-isht vtta yak o ont ish il imi haiakvchi cha, nana puta ka Moses vt apesa tok mak o ish yvmihchashke, im achi tok.

45. Yohmi tuk kia yvmmak ash osh ia mvt, anoli fehvvt, nana kash kanima moma ai im annoachi, yohmi na Chisvs vt himmakma ile haiakvchit ayvt tvnaha hq chukowa he keyu hosh, amba kochvt yakni haiaka yak o vtvtv aya tok : yohmi ma kanima moma a mintit im ai ohona tok.

CHAPTA II.

Chisvs vt hatak palsi isht abeka yo hlakofichi, 1 : 13 Chisvs vt Mahlu vt nan im ai ithvna toba chj ka j miha ; 15 micha pvblikan vhleha mikmvt nan ashvchi vhleha aiena ibai impa ka nan isht mihachi ma kaniohmi hq yohmi hatuk vt anoli. 18 Mihmvt nan im aiithvna vhleha hq nan ik hullocho hoka nan isht mihachi ; mihma yvmmak ash osh ik yohmo kvv im ai vhpesa atuk q miha mvt ; 28 nan im aiithvna vhleha hq nitak hullo kobvffi hq nan isht mihachit gsha ma, yvmmak okvt nitak hullo kobvffi hatuk o keyu ka miha.

1. **ATUK** o nitak kanohmi ma, anonti Kapenavm a ont chukowa tok : mihma aboha anuka gsha ka annoa tok.

2. Yohmi ma ashalika lgvvt ant itahoba, yohmi na aiasha hi vt iksho ma, okhissa itikba yash kia a hikia hi vt iksho ki tok, mihma vbanumpa hq isht im anumpohonli tok.

3. Yohmi ma hatak vt palsi isht abeka hq ushtvt it j shoyulit, isht im vla tok.

4. Micha okla itakantvli ka, j bilika okla ona he keyu mvt, a hikia ka paknaka ya isht hulmo ya tiwi tok ; atuk osh tiwit tahli mvt, palsi isht abeka yvt ai onvtola topa hash okla aka pit bohli tok.

5. Okla na yimmi ka Chisvs vt pisa mvt, palsi isht abeka atuk ash o Svso ma ! na chim aiashvchika puta kvv chj kashofa mak oke, im achi tok.

6. Yohmi kia na-holissochi vhleha kanimi kvv yvmma binohmgya tuk vt, chukvsh anukaka isht anukfillit,

7. Na katihmi hq hatak ilvppvt yakohmichit Chihowa ik ahobalot anumpuli cho ? Kvta hosh nan ai aiashvchika puta ka kashofa hinla hq ? Chihowa ak illa keyu ?

8. Mihma yakohmichit okla im anukfila ka Chisvs vt ilap chukvsh ak inli ka isht akostininchi mvt, ashalika, Na katih-

mi hō ilvppa puta ka hvchi chukvsh anukaka isht hvchin anukfila cho?

9. Palsi isht abeka atuk a, Na chim ai ashvchika puta kv̄t ch̄i kashofa hoke; im achi kak okmá, keyukmvt, Wakayvt, ch̄i potvlhpo a sholi cha, nowá, achi kak okmá, kati-ma kak osh ahchiba kv̄t ik lauwo cho?

10. Yohmi kia Hatak Ushi vt yakni paknaka nan aishvchika puta ka kashofa hi vt ai im vlhpiesa hatuk a hvsh akostinincha ch̄i kak o.

11. Palsi isht abeka yash o im anumpulit, Tanit, ch̄i potvlhpo a sholi cha, chin chuka ish iashke; chim achi lishke, im achi tok.

12. Mihma ashalika yvmmak ash ot tanit, potvlhpo ash sholi cha, okla momvt pisa na kohchvt ia tok: yohmi na momvt nukhlakancha mvt, Nitak nan ash ilvppa chohmi na e pisa chatuk keyushke, ahanchit Chihowa ya pit holitobli-chi tok,

13. Atuk o anonti kohchvt ia mvt, okhvta lapalika yo ona tok: mihma okla laua yvt momvt ant im ai itahoba na nan im abahanchi tok.

14. Atuk osh ont ia hosh aya mvt, Lefai Alfevs ushi vt tvli-holisso abohli a asha na pisa mvt, yvmmak ash o, Is siakaiyashke, im achi tok.

15. Atuk o yakohmi tok: Chisvs vt yvmma im aboha anuka ya impa hosh asha ma, pvblikan micha nan-ashvchi vhleha aiena kv̄t laua hosh Chisvs, micha nan im ai ithvna vhleha aiena ka takla binohmaya akinli tok: yvmmak okvt laua hatuk osh, okla apihvt aya tuk a tok.

16. Michā na-holissochi vhleha, micha Falisi vhleha aiena kv̄t, yvmmv̄t pvblikan vhleha, micha nan ashvchi vhleha aiena ka it ibai-impā na pisa mvt, nan im ai ithvna vhleha hash o, Katiohmi hō pvblikan vhleha, micha nan-ashvchi vhleha aiena kv̄no it ibai impvt nan it ibai ishko cho? im achi tok.

17. Mihma Chisvs vt haklo mvt, Haknip im achukma hokvto, alikchi a bv̄nna keyu, amba abeka kak oke: nan-ashvchi ik im iksho vhleha hō hohoyot aya li tok keyu,

amba, nan-ashvuchi vhleha yosh ile kostinicha chj kak a tok, im achi tok.

18. Mihma Chan, micha Falisi vhleha aiena nan im ai ithvna vhleha hvt na hullohonchi beka tok: atuk osh ai vla mvt, Nanta katiohmi hō Chan micha Falisi vhleha aiena nan im ai ithvna vhleha hvt na hullohonchi ma, amba chishno na chim ai ithvna vhleha hvto nan ik hullocho cho? im achi tok.

19. Mihma Chisvs vt, Hatak himona ohoyo itauwaya tuk vt takla anta moma ka, j kanomi vhleha hvt nukhaktot na hullocha hinla cho? Hatak himona ohoyo itauwaya tuk vt im asha takla hokvt okla nahullocha he keyu hoke.

20. Yohmi kia hatak himona itauwaya yash ot ai j filvma he nitak vt ai ona he; yohmikmak o nitak yvmma fokakmvo okla nukhaktot nahullocha hi oke.

21. Hatak nana kia nantvna hlilafa himona ka anchi hlipa ya isht akvlli chatuk keyu: yvmmak keyukma, na hlilafa himona vlvkvt atuk vt sipokni ash hlilvffi na j shahlit hlilavt okpulo hoke.

22. Mikma hatak nana kia oka-paki himona ya shukcha sipokni yo apitta chatuk keyu: yvmmak keyukma, oka-paki himona yash ot shukcha yash mitahlichy na hlayakma; shukcha yash ot okpula hinlvshke: amba oka-paki himona vt shukcha himona yo vlvpitta pullashke, im achi tok.

23. Atuk o yakohmi tok; nitak-hullo nitak o osapa hlopullit aya tok: mihma nan im ai ithvna vhleha hvt onush a hlinlit itvnowa tok.

24. Mihma Falisi vhleha hvt, Yakeh! na-katihmi hō nitak-hullo nitak o nana kvv ai vlvpesa keyu ka, okla yvmohmi cho? im achi tok.

25. Mihma, Lewi vt ilap, micha apehvt aya tuk aiena kvv hohchvfo mvt, nana ka bvnna cha, a kaniohmi tok:

26. Michy na holitompa isht vttā j shahli Abaiabla vt ahanta nitak a Chihowa im aboha ya pit chukowa cha, yvmma ai vpa he vlvpesa hatuk keyu, amba na-holitompa isht asha vhleha kak a he tuk a, puska lolitopa ya vpa mvt,

anonti apehvt aya tuk ma ipeta tok & himonna kia holisso hvch ik it im anumpulo chatuk oh cho? im achi tok.

27. Mihmvt nitak-hullo vt hatak ak o im vlhpisa a tok : hatak ak osh nitak-hullo ak o im vlhpisa tok keyushke.

28. Yohmi hoka, Hatak Ushi vt nitak hullo ak kia in Chitokaka yoke, im achi tok.

CHAPTA III

Chisvs vt hatak ibbak shila hlakofichi, mihma yvmmak o Falisi vhleha hvt vbi bonna hatuk o Chisvs vt kochvt kvnia, 1; 10 mihma okla laua apehvt ilhkoli na lauachit hlakofichi. 18 Mihmvt anum- peshi auah tuklo ho atokoli. 20 Chisvs a i kanomi vhleha hvt tasim- bo ho im ahoba, 22 mihma Falisi vhleha hvt Chisvs & ik ahobalot anumpuli; yohmi ma yvmma okla miha ka ghli keyu ka atokolit im anoli. 31 Kona hosh Chihowa nana aiahni puta ka yvmohmi hokvt Chisvs & i kanomi fehna mak oke.

1. ATUK osh anonti sinakak & ont chukowa ma, yv- ma hatak vt ibbak shilvt illi yosh agha tok.

2. Mihma nitak-hullo nitak & hlakofichikma, nanakma, nan-vlhpisa onocha hi vt ahnit okla apesahanchi tok.

3. Mihma hatak ibbak shilvt illi yash o Iklvnnaka ya wa- kayvt a hikiá, im achi tok.

4. Mihmvt, Nitak-hullo nitak & nan achukma ho yvmoh- mi, keyukmvt achukma keyu ho yohmi kak okma; ilhfi- pak okchalinchi, keyukmvt vbi kak okma, nanta kak osh ai vlhpesa cho? im achi tok. Yohmi kia nan ik acho hosh maya tok.

5. Mihma okla chukvsh kvlllo ka isht nukhaglot, ik im vlhpiesot filemvt pisa mvt, hatak ash o, Chisemochi, im achi tok. Mihma chisemochi tok; yohmi ma ibbak ash osh fa- lamvt hlakofit in tvnvp ak inli ho chohmi tok.

6. Mihma Falisi vhleha hvt kocha wiha mvt, ashalika Helotian vhleha aiena kvv yvmmak ash vba hi vt isht it im anumpulit maya tok.

7. Yohmi kia Chisvs ash ot nan im ai ithvna vhleha hasb

pehlichí cha, filvmmít okhvta ía tok: nihma Kalí, mícha Chutea aiena mínti,

8. Mícha Chelusalem mínti, anontí Itumea, mícha Chatan mísh-tvnnvp mínti, mícha Taia, mícha Saiton a fullota mínti aiena okla chinto kv́t nan aiyaka fehna ka yvmíhchí hq okla haklo mvt, íakaiyv́t okla chinto fehnt im ai ona tok.

9. Míhma okla laua hokv́t ík atehlefo kq chí kák q, pení vt im vlhtaha chí kv́t, nan im ai íthvna vhleha hq í míha tok.

10. Lauachít hlakofíchi hatuk; yohmí hatuk oka, nan í palummit aiaша atuk vt momvt yvmmak ash halelí bvvntv́t okla a hvhlihínchí tok.

11. Míhma shilombísh okpulo putá kv́t yvmmak ash písa mvt, ítikba aka hlipkv́chi mvt, táhpahanvt, Chíshno ak osh Chíhova Ushí chia mak oke, achi tok.

12. Míhma yvmmak ash ot ílap a ík otv́níncho ka chí ka, yvmma kv́llochít im apesa tok.

13. Míhmv́t nvníh chaha yq ont oíya cha, kvna hq ílap aiaһní hosh hoyo na, okla im ai ona tok.

14, 15. Míhma toһno na yvmmvt ílapa apehvt gya cha, vbanumpa ísh́t ahanta he; mícha abeka putá hlakofíchít, nan-ísh́t-ahullo okpulo kocha wela he aiena kv́t, ai im vlhpesa chí ka auah tuklo hq atokolí tok.

16. Míhmv́t Saimon atuk q Pita hochífo tok.

17. Míhmv́t Sebeté Ushí Chemis ítibapíshí Chan ítatuklo, yvmmak ash q Boaneches hochífo, yvmmvt Híloha ushí, achi hoke.

18. Míkma Antílu, míkmv́t Fíllíp, mícha Bahlolomu, míkmv́t Mahlu, mícha Tamas, mícha Alfevs ushí Chemis, míkmv́t Tatevs, mícha Kenan hatak Saimon aiena,

19. Míkmv́t yvmmak ash íshít ínla im íssa tok Chutas Iskaliot vt aiena tok: míhma chuka chukova tok.

20. Míhma okla laua yash osh anontí ant ai ítahoba na ílhpaк ak kía okla vpa he keyu ka chohmí tok.

21. Yohmí ma í kanomí vhleha hv́t haklo mvt, Tasímbo hoke, achi cha, hokla chí hosh okla ílhkolí tok.

22. Atuk q na-holíssochí vhleha Chelusalem mínti tuk

ash osh, Beelsevub ak o il ai ishi hosh, nan-isht-ahullo okpulo puta ka isht kocha weli hoke, achi tok.

23. Yvmmak ash o hoyo mvt, nan-isht-vlhpisa ho anum-pulit, Katiohmi kak osh Setan vt Setan a kochha hinla cho?

24. Micha apelihchika achvfa kvit it a kashapvt ilap ash inli it im i sanali hokmvt, apelihchi achvfa yvmmak atuk vt talaia he keyu hoke.

25. Mihma chuka achvfa vt it a kashapvt ilap ash inli it im i sanal kmvt, chuka achvfa yvmmvt talaia he keyushke.

26. Mikma Setan vt ilapo inlit it a sanalit ahanta cha, it a kashapa hokmvt, kvllot hikia he keyu, amba ont iksho ka he bano hoke.

27. Hatak nana ak osh hatak hlampko in chuka ya ont chukowa cha, im ilayak puta ka wehpula he keyu: vmmona hak o hatak hlampko yak o takchi ho keyukmvt; amba yvmmak okmvt in chuka ya wehpula hinla hoke.

28. Ahli pulla ho hvchim achi lishke. Hatak puta nan im ai ashvchika yvt okluha, micha kaniohmit Chihowa ik ahobalot anumpuli a puta kvit i kashofa hi oke.

29. Amba kvna hosh Shilombish Holitopa yak o ik ahobalot anumpuli hokvto nitak nana i kashofa he iksho, amba issikkopvt bilia mak osh im vlhpisa hi oke, im achi tok.

30. Yvmmvt nan-isht-ahullo okpulo yo il ai ishi hoke, okla achi ha tok oka.

31. Yohmi ma itibapishi vhleha, micha ishki aiena kvit ai vla cha, kocha ya ont hiohmayvt, inla atohnot yvmmak ash pit hoyo tok.

32. Mihma okla laua vt a fuloblit binohmaya tok; yvmmak ash osh, Yakeh! chishki micha chitibapishi vhleha aiena kvit kocha hiohmaya hosh chi hoyoshke, im achi tok.

33. Mihma afalaminchit, Hvshki micha itibapishi li vhleha aiena kak osh kvta hoh cho? achi tok.

34. Mihmvt filemvt i bilikasi binohmaya kash pisa mvt, Hvshki micha itibapishi li vhleha aiena ka ho pesa.

35. Kvna hosh Chihowa nana aiahni ka yvmohmi hokmvt, yvmmak osh svtibapishi, micha an tek, mikmvt hvshki aiena mak oke, achi tok.

CHAPTA IV.

Na hokchi nan isht vllhpisa; micha kanihmi kak o Chisvs vt nan isht vllhpisa ho isht anumpuli, 1; 14 na hokchi isht vllhpisa yvt atokovt annoa. 21 Kvna hosh Chihowa im anumpa ha ithana hokvto, ai ithana kvv inla gsha ka im avcha he tuk: 26 vbanumpa hanta hatak chkvsh a fohka hokvt na-nihi yakni a holokchi yvmak oka yakohmi hosh ahni keyu kia, offot mahayvt waya cha, vimo ona chatuk a chiyuhmi hoke: 30 micha mvstvt nihi ak o it vllhpisa akinli. 35 Chisvs vt kocha umba, mahli kvllo ka im anumpulit yukobli.

1. **ATUK** osh anonti okhvta lapalika ya nan ai im av chit ahanta tok; yohmi ma okla chinto fehna kvv im ai itahoba: yohmi na yvmak ash ot peni yo pit chukowa cha, okhvta paknaka yo binili ma; okla laua yash ot okhvta alaka ak inli ho maya tok.

2. Mihma nana ka lauachit nan-isht vllhpisa ho isht im abahanchi tok: mihmvv nan isht im avchi kvv;

3. Inta! ho haponaklo; na-hokchi vt na-hokcha chi hosh ia tok oke.

4. Atuk o hokchi ma, yakohmi tok; kanimi kvv hina lapalika yo kaha tok; yohmi tuk o vba hushi puta kvv ant vpvv tahli tok.

5. Mihma kanimi kvv tvli foka yakni gsha fehna keyu ho kaha tok; atuk osh yakni vt i suko keyu hatuk okvt, chekosi fehna offo tok.

6. Yohmi kia hvshi vt kohcha ma, anakshvvt hakshish vt iksho hatuk okvt, bvshit kvnia tok.

7. Mihma kanimi kvv kvv foka yo kaha tok: atuk o kvv vt offo cha, ai olvbi na ik wayo ki tok.

8. Mihma inlaka yvto yakni achukma yo kaha tuk osh, offot i shahlit mahayvt, vnit waya mvv, kanimi kvv pokoli tuchina ma, kanimi kvv pokoli hannali, anonti kanimi kvv tahlepa achvfa vnit waya tok.

9. Mihmvv, Kvna hosh haksobish isht haponakla hi vt i hinlikmvv, haklashke, im achi tok.

10. Atuk o ilap banot gsha ma, yvmma aiasha tuk vt

auah tuklo kash it apeha cha, nan-isht vlhpisa hash im a ponaklo tok.

11, 12. Hvchishno ak okvto Chihowa apehlichika nan ik otano ka hvsh ithana hi vt a hvchim vlhpisa hoke; amba kocha maya kak okvno pisa hokvno pisa kia ik ithano ka he: haklo hokvno haklo kia ik akostinincho ka he mak o, ilvppa puta kv̄t nan-isht vlhpisa h̄o ai im vlhtaha hoke: yvmmak keyukma nitak kanima ka chukvsh vt inlv̄t toba cha, nan im ai ashvchika puta kv̄t i kashofa hinla hoke, im achi tok.

13. Mihmvt, Nan-isht vlhpisa ilvppa hvch ik ithano cho? mih kv̄to katiohmi hosh nan-isht vlhpisa puta moma ka hvsh ithvna hinla cho? im achi tok.

14. Na-hokchi vt vbanumpa hak o hokchi hoke.

15. Yohmikma kanima yo vbanumpa hv̄t a holokchikma, yakohmi kak osh ai itvnowa lapalika kaha mak oke: haklo tuk kia, chekosi mak inli h̄o Setan vt vlv̄t chukvsh im a holokchi tuk vbanumpa hash ishit kanchi hoke.

16. Yohmikma anonti, yakohmi kak osh tv̄li foka yakni a holokchi mak oke: yvmmak okv̄t vbanumpa h̄o haklo mvt, ashalika na-yukpv̄t ai okpv̄chi hoke.

17. Yohmi kia ilap hakshish vt ik im iksho, yohmi hokv̄t chekosi takla kak bano h̄o kv̄llot hiohmaya hoke: atuk mvt vbanumpa pulla hatuk mak o nan ilbvsha, keyukmvt na-palvmmi kv̄t ashakma, chekosi mak inli h̄o ibetv̄bli chatuk oke.

18. Mikma yakohmi kak osh kv̄ti foka yo a holokchi mak oke.

19. Vbanumpa h̄o haklo; yohmi tukmvt yakni ilvppa nan isht im anukfila, micha nan in laua bv̄nna kv̄t isht ashvchi, mikmvt nana inla puta ai anushkunna aiena kv̄t ibai alota cha, vbanumpa hash ai olv̄bit ishi na ik vno toba kak oke.

20. Mikma yakohmi kak osh yakni achukma a holokchi mak oke; vbanumpa h̄o haklo mvt, yvmmak ash yimmi cha, vnit wayvt, kanimi kv̄t achvfa tuk vt pokoli tuchinakma; kanimi kv̄t pokoli hannali; anonti kanimi kv̄t tahlepa achvfa ona hoke, im achi tok.

21. Mihmvt, Pula h̄o tanchi isht-vlhpisa nutaka, keyuk-

mut topa nuta yokmá, nana hō talali cha, ai-ō hikia ik ō hi-
iecho ka hi ō toba hō?

22. Nana kv̄t ik otano ka hi osh luma kv̄t ikshokma,
anonti nana kv̄t ik haiako ka hi osh luma tuk vt iksho, amba
haiaka he ak ō bano hoke.

23. Hatak nana hosh haksobish isht haponakla hi vt j
hinlikmut, haklashke, im achi tok.

24. Mikmut, Nana hv̄sh haklo kv̄t ahah! hv̄sh aiahnash-
ke: nan-isht v̄lhpisa nana hō isht hv̄sh apesa tuk mut, hv̄-
chishno vt isht hv̄chim v̄lhpisa hi oke; mikma na haponaklo
hv̄chia hoka j shablit hv̄chim ibvlhta hi oke.

25. Kv̄na hosh ishi hokmut, mihi yosh im ibvlhta he;
mikma kv̄na hosh ik im iksho tuk ma, mihi yō ishi tuk ash
kia im ai isha hi oke, im achi tok.

26. Mihmut, Chihowa apehlichika yvt hatak osh na-nihi
ō yakni anuka pit hokchi:

27. Yohmi cha ninak a nusit, nitak ma tahanikma, na-
nihi ash ot offot hofantit taiyaha ka, yakohmi kak osh ik
aiahno;

28. Yakni ak osh ilap inlit wayachi hoka: vmmona ka
vpi atuk mut, okshonli, yohmi ha mak osh waya chatuk.

29. Yohmi kia vni vt a lakna hokvno, ai-vlmo ona hatuk
oka, ashalika isht-vlmo isht iba chukowa chatuk ak ō chi-
yuhmi hoke, achi tok.

30. Mihmut Chihowa apehlichika ya nanta hak ō ohmi-
chit, nan-isht v̄lhpisa nanta mak ō il ai itilauecha chi
cho?

31. Mv̄stvt nihi yvmmak okvt yakni anuka a holokchi
kv̄t, na-nihi yakni paknaka moma ka iskitini kv̄t ik lauwo;

32. Yohmi kia holokchi mut, offot isht mahayvt, chito
kv̄t haiyupulo moma imaiya ma, naksish vt hochitot fila-
mohli: yvmohmi na vba hushi puta kv̄t hoshontika nutaka
a nusi ka chiyuhmi hoke.

33. Mihmut ai akostinincha hinla ka, anumpa hash nan-
isht v̄lhpisa yv̄mma chohmi ka lauachit isht ai anumapohonli
beka tok.

34. Amba nan-isht v̄lhpisa hō keyukmvno ik im anum-

pulo; inicha ilapo banot maya hokma, nan im ai i'hvna vheha ha nana moma ka achukmalit im anoli beka tok.

35. Atuk osh nitak yummak atuk vt ont opivt taha ma, yummak ash o, Misha tvnnvp ak o pit keho hlopulli, im achi tok.

36. Mihma okla laua kash kanima pit yuhli mvt, yvni-mak ash o peni fohka tuk vt moma na okla isht ia tok. Yohmi ma peni inla ak kia apehvt aya tok.

37. Atuk o mahli okpulo chinto kvv kocha: yohmi na oka banvtha kvv peni ash ai-issot pit vhpiphinta ma, polaka alota tok.

38. Mihma yummak ash osh nusi hosh peni asha ka pilla ho vhpishi on itonla tok: atuk o okla ont okchvli mvt, Nan ithvnanchi ma! pilla chi ka nan-isht chik ahno cho? im achi tok.

39. Mihma wakaya cha, mahli hash im avmmit okhvta hash, Nuktanvt lumvt ish talaiashke, im achi tok. Mihma mahli hvv issa na yokopa achukmvt talaiia tok.

40. Mihma, Na katihmi ho hvchi nukshopa fehna cho? na katihmi ho na-yimmi kvv ik hvchim iksho cho? im achi tok.

41. Yohmi ma okla nukshopa fehna mvt, Ilvppvt hatak katiohmi mak atuk a mahli, micha okhvta aiena kak kia im antia cho? im achit maya tok.

CHAPTER V.

Chisvs vt nan-isht-ahullo okpulo laua ho kohchichi, 1; 13 mikmvt shukha aya achvfa ho ont abeha chi ka im ahni. 25 Chisvs vt ia cha ushetik a ont hlakoficha chi ho Chailvs vt im asilhha: mihma ia tuk osh takla ya ohoyo issish ont ia isht abeka yo hlakofichi, 35 mihmvt Chailvs ushetik vt illi tuk a falamincht tanichi.

1. ATUK osh okhvta hash mish tvnnvp pit tanvblit Katalenes yakni a okla ona tok.

2. Mihma yummak ash ot peni kohchvt ia kash o chekosi ma, hatak vt shilombish okpulo ai i foka hosh, yummak

okvt hatak illi aiasha ak o takla vttvt aya yosh hatak illi aiasha ya a kohchvt afama tok.

3. Yohmi ka yvmmak oka hatak nana hosh tvli itatakvli yoka isht takcha hi o keyu tok.

4. Yvmmak okvt iyi isht talakchi, micha tvli itatakvli aiena ka isht talahakchi kv, tvli itatakvli ya hokohlichit, anonti iyi isht talakchi a kobahlihinch; yohmi hoka hatak nana hosh yvmmak oka kostininha he keyu ya tok.

5. Mihma ninak, nitak moma ka nvnih foka, micha hatak illi aiasha aiena kak o vttvt avt bilia cha, yahavvt tvli puta ka isht ile boli beka tok.

6. Yohmi tok kia Chisvs vt mishema ho minti na pit pisa mvt, malelit ont aiokpvchit,

7. Chitoli hosh anumpulit, Chisvs, Chihowa nana moma imaiya Ushi chia ka nanta ho vno vt isht chi ahalaia li cho? chik svlvshacho ka chi ka Chihowa pulla ho isht a chim apesa lishke, achi tok.

8. Yvmmak ash ot, Shilombish okpulo chia hvt hatak yvmma ish a kohchashke, im achi ha tok.

9. Mihmvt i ponaklot, Chi hohchifo hvt nanta hoh cho? achi tok. Mihma afalaminchi mvt, Pi laua hoka, sa hohchifo hvt Lechvn oke, achi tok.

10. Mihmvt yakni ashwa tuk ash a kohchit kanima pit ik tihlelo ka chi ka im asilhha fehna tok.

11. Yohmi ma yvmma nvnih foka pit bilika ho shukha laua vt impa hosh maya tok.

12. Mihma nan-isht ahullo okpulo ash ot momvt im ilbvshvt, Shukha laua ak o pit ish pi on tihleli na yvmmak o ont il abehashke, achi tok.

13. Mihma Chisvs ash ot mih mak inli ho vlvpesa im ahni tok. Yohmi ma nan-isht ahullo okpulo vhleha hash ot a kohchvt ilhkoli mvt, shukha laua yash ont abeha tok: mihma shukha laua yash osh, yvmmvt tahlepa sipokni tuklo foka tuk osh, yihlepa fehnvt sakti chaha yo okhvt hā pit ai oka kahvt oka ai illi tok.

14. Mihma shukha laua ya impvchit maya tuk ash ot yihlept, tomaha, micha haiaka gsha tuk aiena ka ont okla

anoli tok: yohmi ma nana mak osh yvmohmi tuk okma pisa chi hosh ilhkoli tok.

15. Atuk osh Chisvs g okla im ai ona mvt, nan-isht-ahullo okpulo ai i fokvt Lechvn il ai eshi tuk ash ot nafohka fohka cha, im anukfila mvt achukma hosh gsha na, okla pisa tok; mihmvt okla nukshopa tok.

16. Mihma okla pisa tuk ash ot nan-isht-ahullo okpulo ai i foka tuk vt im a kaniohmi hatuk; mihma shukha laua yvt a kaniohmi tuk aiena kash okla im anoli tok.

17. Mihma i yakni a kohchvt aya hinla ka, yvmmak ash o okla im asihhla tok.

18. Yohmi na peni g ont chukowa ma, nan-isht-ahullo okpulo ai i foka tuk ash osh awant aya hinla kv im asilhha tok.

19. Yohmi kia Chisvs vt vlhpesa ik im ahno hosh, amba, Chin chuka ia cha, Chitokaka yvt chi nukhaklo cha, na chinto fehna ka a chim ataiyahli tuk g chi kanomi vhleha ha ish im anolashke, im achi tok.

20. Mihma filvmit ia mvt, na chinto nana mak o Chisvs vt im a tahli tuk a Tekapolis g ai anohonli tok. Yohmi ma okla momvt nukhlakancha tok.

21. Mihma Chisvs ash ot peni fohka cha okhvta in tvn-nvp ash inli ho pit tanvbli ma, okla laua hosh im itahoba tok; mihma okhvta pit bilika ho anta tok.

22. Mihma sinakak apesvchi vhleha achvfa Chailvs hoh-chifo hosh vla cha, yvmmak ash ant pisa mvt, iyi ituma ya hlipvt,

23. Im ilbahasha fehnvt, Svso tek iskitini vt illi mak osh itonlvshke: ish ona cha, hlakofa he mak o chibbak g ont isht ish umbitepa hokbano chim ahni lishke: yohmikma okchaya he banoshke, im achi tok.

24. Mihma Chisvs vt awant ia tok: mihma okla laua kv a hahlihinchit apehvt aya tok.

25. Atuk o ohoyo achvfa hosh yvmvvt issish ont ia vbi tok g afvmmi auah tuklo;

26. Yohmi hatuk o alikchi lava ka nan isht i palvmmi ai im a pisvt, nana im gsha tuk vt moma kampilvt tahli; yohmi

kvt achukma hi vt iksho, amba okpulo kvt i shaht ia bano tok.

27. Atuk osh Chisvs a haklo mvt, okla itakantvli ka asha ka imma yo ont chukowvt, im anchi ya ont potoli tok.

28. Yohmi kvt im anchi ak illa ho ont ak potoli kia, sa hlakofa hinla hoke, ahnit im anukfila hatuk osh.

29. Mihma issish a mitafa yash osh ashalika shipa tok : mihma illi yvmmak atuk a a hlakofi kvt ilap haknip anuka ak inli ka isht akostininchi tok.

30. Mihma Chisvs ash osh isht-a-hlakofi vt im a kohcha kvt mih-makinli ho akostininchi hatuk osh, okla laua itin-takla ash a filemvt, Kvt hosh vm anchi ya potoli cho? achi tok.

31. Mihma nan im ai ithvna vlbeha hvt, Okla laua hvt chi a kantvliit kvnia ka ish pisa kvt, Kvt hosh sa potoli cho? ish achi ha cha, im achi tok.

32. Mihma yvmma yvmihchi tuk ash o pisa bvna kvt filemoa tok.

33. Yohmi ma ohoyo hash osh nana kvt ai i kaniohmi tuk vt ithana hatuk osh, nukshopvt wvnihinchi hosh vlv, itikba ya ant hlipia mvt, ai ghli mak o im anoli tok.

34. Mihma yvmmak ash osh, Svs tek ma! na chi yimmi yak osh chi hlakofichi hoke; nuktaiyalvt, micha illi hatuk a ai i hlakofit ish ayashke, im achi tok.

35. Anumpuli kvt isht anta moma na kaniohmi kvt sinakak apesvchi in chuka minti hosh ai vla mvt, Chiso tek vt illishke; na katihmi ho nan-ithvnanchi a ish im ahchibali na himak a cho? achi tok.

36. Chisvs vt anumpa hvt anumpa na haklo makinli hosh, sinakak apesvchi ash o, Chi komunta na; amba na chi yimmi kak illashke, im achi tok.

37. Mihmvt hatak nana kia apehvt aya hi a ik ahno mvt, amba Pita, micha Chemis, mikmvt Chemis itibapishi Chan aiena kak illa tok.

38. Atuk osh sinakak apesvchi in chuka ash vla mvt, okla yahapa, micha nishkin okchi minti, mikmvt chitolit yaiya fehna aiena hosh maya na pisa;

39. Yohmi cha pit chukowa mvt, Na katihmi ho yakohmit yahapvt, yayvt hvsh aiasha cho? ohoyo himita vt illi ho keyu, amba nusi hoke, im achi tok.

40. Mihma ishit yopulvt olvi tok. Yohmi kia yvmmak ash o mominchit kocha welit tahli mvt, ohoyo himita iki micha ishki itatuklo, mikmvt apehvt aya tuk ash aiena ho pehlichu cha, kanima ohoyo himita vt ai itola kash pit chukowa tok.

41 Mihmvt ohoyo himita yash ibbak a ont halvlli mvt, Talihla kumi, im achi tok; yvmvt toshowa kv, Ohoyo himita ma! tani, chim achi lishke, achi hoke.

42. Yohmi ma ohoyo himita yash ot ashalika tani cha, nowa tok, vta tok afvmmi auah-tuklo hatuk okvt. Yohmi ma nukhlakanha chinto fehna okla nukhlakanha tok.

43. Yohmi ma yvmmak oka hatak nana kia ik akostinincho ka hi a i miha tok; mihmvt nanasi kia i hoyo na impa hinla ka miha tok.

CHAPTA VI.

Chisvs vt vbanumpa isht anumpohonli: yohmi ma im ai okla achofa yvt kanimanchi, 1. 7 Vbanumpa isht anumpula chi ka im anumpeshi auah-tuklo ka pit tihleli mvt, nan-isht-ahullo okpulo puta imaiya chi ka im apesa. 14 Helot vt Chan a aboha kvlllo fohki; atuk osh tekchi ash osh anukfohkichi ho, noshkobo tvbli tok. 30 Im anumpeshi vhleha hv famvt Chisvs a im ai ona: 34 Chisvs vt hatak tahlepa sipokni tahlapi ho nan im avchit ahanta mvt, pvska lumbo tahlapi, micha nvni tuklo aiena tuk a okla ha impvchi.

1. ATUK osh yvmmak ash vttvt ia mvt, ilap i yakni ash inli ho ona; yohmi ma nan im ai ithvna vhleha hv apihvt aya tok.

2 Atuk o nitak-hullo nitak ai ona ma, sinakak anukaka yo nana ai ithvnanchi tok; mihma yvma haklo mvt, lauvt nukhlakanha mvt, Katima yak o hatak ilvppvt na yakohmi ka ai ithaiyana tuk o? mikma isht a hopoyuksa ilvppvt nanta hokak osh yvmvt anukfohka tuk o, nafehna yakohmi puta kv ibbak atuk ma isht ai yvmohmi cho?

3. Ilvppvt Meli ushi, Chemis micha Choses, mikmvt Chuta anonti Saimon aiena ka itibapishi chuka ikbi yash keyu hō? mikma in tek vhleha mvt ilvppa pi takla maya keyu hō? achi tok. Mihmvt yvmmak ash o okla isht ai ibetvbli tok.

4. Yohmi kia Chisvs ash ot, Hopaii vt ik holitopo hosh ahanta keyu kia, amba ilap i yakni ak inli, micha i kanomi vhleha, mikmvt in chuka-chvfa aiena takla ahantak mak bano chatuk oke.

5. Mihmvt yvmmak oka na-fehna nana ka ik ai yvmihcho ka hi vt ahni tok: amba hatak abeka kaniohmi kak illa hō ibbak isht umbitepvt hlakofichi tok.

6. Mihmvt okla na yimma he keyu kak oka, okokko! aiahni tok. Mihmvt tmahushi taloha ka fullokvchit ayvt nan-ithvnanchi tok.

7. Atuk osh auah-tuklo kash o hoyo cha, tuklo aiyukachit kanima pit tihleli mvt, nan-isht-ahullo okpulo vhleha hā ai imaiya he mak o im apesa tok;

8. Mihmvt itvnowvt aya kvv nana kia isht ik ayo, amba tvbi ak illa he; bahta vt iksho; pvska mvt iksho; tvli holisso kia i shukcha ya ik foko ka he;

9. Amba shulush ak o honla he; mikmvt nafohka lumbo tuklochit ik fohko ka chi hō im apesa tok.

10 Mihmvt peh kanima yo aboha ya ont hvsh chukowakmvt, yvmmak o hvsh ai ahashwa tuk osh a kohchvt hvsh ayashke.

11. Mikma kvna kia ik hvchi aiokpacho, micha ik hvchi haponaklo aienakma, yvmmak ash a kohchvt hvsh iakmvt, nan-isht im atokoli mak o hvchi iyi pvtha nuta hituk tohbi aasha ka hvsh tahtolashke. Ahli mak o hvchim achi lishke, Nan-vlhpisa chinto nitak ma Sotom micha Komola aiena kvto pit im vlhpisa kvv tmaha yvmmak atuk a i shahla hi oke im achi tok.

12. Mihma ilhkoli mvt, hatak puta kvv ile kostinincha he ak o isht anumpohonli tok.

13. Michā nan-isht-ahullo okpulo a lauachit kochea weli mvt, anonti abeka yatuk ash lauachit bila isht a hvmmichit hlakofichi tok.

14. Mihma miko Helot vt yvmma pit haklo, (hohchifo kv̄t kanima annoa kv̄t a mominchi hatuk oka;) mihmvt, Chan Baptist vt illi tuk vt tani hoka: yohmi hatuk o nafehna puta kv̄t yvmmak ash o ai isht il otvnihinchishke, achi tok.

15. Kanimi kv̄to, Elias ak oka, achi ma: kanimi kv̄t Hopaii oka: keyukmvt hopaii vhleha ha tok achv̄fona ma chohmi hoka, achi tok.

16. Yohmi kia Helot ash ot yvmma haklo mvt, Chan noshkobo tvbli li chash oka: illi tuk vt tani hoke, achi tok.

17. Helot vt itibapishi Filip a tekchi, Helotias ak atuk pulla mak o, ilap inlit pit on tihlelit, Chan a ishit takchi mvt, aboha kv̄llo fohki tok: yvmmak oka itauwaya tuk okvt.

18. Chan vt Helot a, Chitibapishi tekchi a ish itauwaya hi a chim v̄lhpesa keyu hoke, im achi tuk a tok.

19. Yohmi hatuk o Helotias vt yvmmak ash o i nukkilli cha, vbi ka ahni; yohmi kia na kanihma he keyu ki tok.

20. Helot vt Chan yvmmak okvt hatak ai v̄lhpiesa, micha ai ahli achukma hoka ithana hatuk osh, holitoblit nan ik i kanihmo ka hi a ahni tok; mihmvt yvmmak ash im a haponaklot, nana ka lauachit ai yvmohomi, mihmvt na yukpvt i haponaklo beka tok.

21. Atuk osh ont ai v̄lhpiesa nitak vt-ai ona ma, Helot vt ilap ai vtta tok nitak o i hochitoka vhleha, kv̄pitvni hochito, mikmvt Kalili i holitompa vhleha aiena ka opiaka im pa im ikbi tok.

22. Atuk o Helotias yvmmak ash ushitek vt ant chukowa cha, hihla ma, Helot micha apehvt binohmaya tuk aiena kash ot na-yukpa ma, miko yash ot ohoyo himita ash, Peh nana ho ish ahni cha is svm asilhhakma, chima lashke, im achi tok.

23. Mihmvt anumpa kv̄llo im isht il ai onochit peh nana ho is svm asilhhakma, apehliechi li ikv̄nna hatuk ik nana kia, chima lashke, im achi tok.

24. Mihma yvmmak ash ot kohchvt ia mvt, ishki ash o,

Nanta hak o asilhha la chi cho? ont im achi ma, yummak ash osh, Chan Baptist noshkobo hak o', achi tok.

25. Mihma tushpvt chekosi makinli ho ont chukowvt, miko ash im ona mvt, Chekosi mak o, Chan Baptist noshkobo yosh ampo fohka ho, is soma he ak o ahni lishke, achit im asilhha tok.

26. Mihma miko ash ot nukhaklo fehna tok: yohmi kia ilap vt anumpa kvllo ikbi tuk pulla, micha apehvt binohmaya hatuk pulla mak o ik im ai ghlo ka hi g ik ahno ki tok.

27. Mihmvt miko ash ot ashalika nan-atonni pit chvffichi mvt, noshkobo ya isht vla hi g im apesa tok; mihma ia mvt, aboha kvllo anukaka akinli ho noshkobo ya ont a tvbli tok.

28. Mihmvt noshkobo hash ampo fohkit isht vla cha, ohoyo himita yash o ima na, ohoyo himita yash ot ishki g ont ima tok.

29. Yohmi ma nan im ai ithvna vhleha hash ot yvmma haklo mvt, okla ai vlvvt illi haknip ash ishit, hatak illi aiasha yo bohli tok.

30. Mihma anumpeshi vhleha hash ot Chisvs g ant im ai itahoba cha, nana ka a kanihmi tuk, micha nan avvchi tuk puta ka mominchit im anoli tok.

31. Mihma yummak ash o, Hvchishno banot filvmmitt haiaka oh ia cha, chekosi takla ka mavvt ho fohá, im achi tok; lauvt ai ahanla ma, anonti ilhkohonli aiena hatuk o, peh maya cha impa kak kia impa he keyu chohmi tok.

32. Mihma lumvt peni pit vlhto cha, a haiaka ka pit ilhkoli tok.

33. Mihma ilhkoli ka okla pisa ma, anonti ithana kvv lau tok: micha tvmahá puta ka a kohchvt aka itvnowa hosh yummak ash pit yiblepa tuk osh, yummak ash o imaiya cha, ont im itvnaha tok.

34. Atuk o Chisvs ash ot ont kohcha cha, okla lau fehna ho pisa mvt, chukvvlhpoba yosh apesvchi iksho ho itilani hatuk o i nukhaklo tok: mihmvt himona nana ka lauvchit im avvchit isht ia tok.

35. Atuk o nitak ash ot ont shohba hosi ma, nan im ai ithvna vhleha hash osh im ai ona mvt, Ilvppak okvt yakni haiaka, anonti nitak mvt shohbit mahayvshke.

36. Kanima pit ish tihleli na yakni auet i bilika tumahu-shi puta ka itvnowvt, nana vpa hi vt ik im iksho hatuk okvt, pvska okla chumpashke, im achi tok.

37. Mihma, afalaminchi mvt, Ilimpa ha oh ipeta, im achi tok. Mihma, Ivt pvska iskvli tahlepa tuklo ai vlbi o ont e chumpa cha, ilimpa ha il ipeta chi hoh cho? im achi tok.

38. Mihma, Pvska katohmi ho hvsh ishi ho? ont ho pesa, achi ma; okla pisa mvt, Tahlapi cha, nvni tuklo hosh aienvshke, achi tok.

39. Mihma it a kvshkolit mominchit hvshuk okchaki ya ai o binohliha chi ka, im apesa tok.

40. Mihma tahlepa achvfa, anonti pokoli tahhapi, yohmit it a kvshkovt binohli tok.

41. Mihma pvska tahlapi, micha nvni tuklo aiena kash o ishi cha, vba pit chakalit aiokpvchi mvt, pvska yash tushalichi cha, okla ha in talohla chi ho, nan im ai ithvna vhleha hash o ima tok: mihmvt nvni tuklo kash o okla mominchit in tushtuli tok.

42. Yohmi ma momvt impvt okla kaiya tok.

43. Mihma boshulli vt nvni pit aiena kvv kishi auah-tuklo ho ishi tok.

44. Yohmi ka pvska ya okla vpa tuk vt hatak tahlepa sipokni tahlapi foka tok.

45. Mihma ilap vto okla ha kanima pit tihlelit anta takla ma, nan im ai ithvna vhleha hash osh peni pit vlhto cha, tikba ivt mish tvnnpv Betsaita okla ona chi ka, mih makinli ho i miha tok.

46. Atuk osh okla hash kanima pit tihleli mvt, vba pit anumpula chi hosh nvni chaha yo pit oiya tok.

47. Atuk o ont opivt taha ma, peni ashot okhvta iklvna ya aya ma, ilap bano hosh haiaka ya anta tok.

48. Atuk o mahli ak osh a sanali hatuk o peni mofi kvllo fehnvt aiasha na pit pisa tok: atuk osh ninak isht vlpisa

ont ai ushta foka h_o okhvta paknaka ya a noh_owvt, ayvt im ona, yohmi kv_t ont ia hi a aiahni tok.

49. Yohmi kia yvmmvt okhvta paknaka ya a noh_owvt aya na okla pisa mvt, shilup atuk o okla im ahoba mvt, tah-p_ola tok.

50. Momvt okla pisa hatuk osh komunta ha tok. Mihma ashalika pit im anumpulit, Hvchi nuktanla achukmashke. Uno ash sia hoke, hvchi nukshopa ná, im achi tok.

51. Mihmvt peni ash ont ibachukowa ma, mahli hash osh issa tok: mihma okla nukhlakancha atampa fehna mvt, okokko! aiahni tok.

52. Yohmi kv_t okla ak osh ch_ukvsh kv_llo hatuk osh, p_oska yatuk ash okla pit ik anukfillo kak a tok.

53. Atuk osh yvmmak ash pit tanvblit Kenesalet yakni a okla ai v_la mvt, v_hli h_a ont ataiyvli tok.

54. Mihma peni ash okla a kocha wiha ma, mih makinli h_o yvmmak ash okla pit ithana tok.

55. Mihmvt yihlepvt yakni auet a bilika ka mominchit hlopullit ayvt, abeka puta tuk ash topa onochit sholit, yvmmak ash osh kanima yo anta na haklo mvt, isht it_onowa tok

56. Mihmvt tvmahushi, okmá, keyukmvt, tvmaha chito yokmá, yakni kocha yokmá nana peh kanima yo ona hoka, abeka ya okla ai it_onaha ya ashachi mvt, yvmmak ash o im ilefoka a aposhokvchi ak oh kia okla potola hinla ka, okla im asilhha tok: mihma yvmmak ash okla potonli aiyuka hokvto, momvt hlakofi tok.

CHAPTA VII.

Chisvs nan im ai ith_ona v_hleha hv_t ibbak ik ahchifo hosh isht impa ka.

Falisi v_hleha hv_t nan isht mihachi, 1; 8 mihma ilap ak osh anumpa kochanli nan v_lhpisa tikba in tonla cha, Chihowa i nan v_lhpisa h_a isht kobvffi hatuk a Chisvs vt atokolit im anoli: 14 yohmi kv_t nana hosh hatak ch_ukvsh a a kocha ilvppak osh hatak a okp_oni hoke, achi, 24 Chisvs vt Silofenisian ohoyo ushetk a hlakofichi mvt; 31 hatak vt ik haponaklo, micha anumpuli anuktuklot aiena tuk a, hlakofichi.

1. **YOHMI** ma Falisi vhleha, micha na-holissochi kanohmi Chelusalem minti tuk aiena kv̄t ant im ai itahoba tok.

2. Atuk osh nan im ai ithvna vhleha kanimi kv̄t, ibbak liteha yo, yvmmvt ibbak ik ahchifo kak o miha, pvska isht vpa hosh maya na pisa mvt, nan isht a mihachi tok.

3. Yohmi kv̄t Falisi vhleha, micha Chu okla moma aiena kv̄t in tikba vhleha nan im vlhpisa halanli fehna hatukosh, achukmalit ibbak achifa ha yo keyukmvt, impa keyu beka tok.

4. Mihmvt ilhpak ai-itatoba mintit vla kv̄t, ibbak achifa ha yo keyukmvt, impa keyu beka tok. Michā nana inla ishtishko, micha ampo, mikmvt asonak lakna, anonti aūmpa achifa aiena ka a puta chohmi nan-isht-a hullocha he im vlhpisa tok vt lauvt a sha hoke.

5. Yohmi mvt Falisi vhleha, micha na holissochi vhleha aiena kash osh, i ponaklot, Na katihmi ho na chim ai ithvna vhleha hv̄t pin tikba vhleha nan im vlhpisa ya ik halanlo hosh, amba ibbak vt achifa keyu ho pvska isht vpa cho? achi tok.

6. Mihma afalaminchi mvt, Nan ilahobi hvchia ha vlhpisa ho tikbanli Esaias vt isht hvchi anohonli tuk vt, okla ilvppvt iti-vlbi yokvno isht sa holitobli kia, chukvsh okvto auet a hopakishke.

7. Yohmi kia nana avvchi kv̄t hatak i nan-vlhpisa yo ithvnanchi hokvt, nana vlhpisa hi o keyu ho okla si aiokpahanchishke, achit holissochi tok.

8. Yohmi kv̄t Chihowa i nan-vlhpisa hoka naksika pit hvsh bohli cha, hatak i nan-vlhpisa, ampo, micha ishtishko aiena achifa ho hvsh halanlishke; yohmikmvt nana yvmma ai itilau ka hvsh a yvmohmi kv̄t lauvshke, im achi tok.

9. Mihmvt hvchishno hvchi nan vlhpisa ya hvsh ai ahli-cha chi kv̄t, Chihowa i nan-vlhpisa ya aiahli hosh hvsh shitlemvshke.

10. Moses okvto, Chiki, micha chishki aiena ka ish holitoblashke: yohmikma, Kvna hosh iki okma, keyukmvt ishki

okmá, nana hō shitilemvt na mihachikmvt, ïlli mak o ïlli pullashke, achi tok.

11. Yohmi kia hvchishno vto, Hatak vt ïki, keyukmvt ishki okmá nana kash o vm isht ish ai yukpa he tuk a Kolban oke, yvmma achi hokmvt, vba-isht aiokpvchi isht vlhpisa hoke, achi mak okvt nan ik ï kanihmo kashke, hvsh achi ;

12. Yohmikmvt himmakma ïki, ishki ita tuklo ka nana kia isht im vtta hi a hvch ik im ahnot,

13. Hvchin tikba vhleha ï nan-vlhpisa isht hvsh avvchi pulla hosh Chihowa im anumpa ha hvsh akshochishke ; micha nana yvmma ai itilau ka a hvchi yvmohmi kvv lau-vshke, im achi tok.

14. Micha okla hash mominchit hoyot itahobit taiyahli mvt, Hvsh moma kvv hvs sa haponaklot, hvsh akostinin-chashke.

15. Nana hak osh kocha mavvt hatak a itih fohka kvv, okpvna hi vt ikshoshke : amba nana kvv a kohcha hokvto, yvmmak osh hatak a okpvni hoke.

16. Hatak nana hosh haksobish isht haponakla hi vt ï hinlikmvt, haklashke, im achi tok.

17. Atuk o okla aiasha kash vttvt aboha ont chukowa ma, nan im ai ithvna vhleha hash osh nan-isht vlhpisa kash isht im a ponaklo tok :

18, 19. Mihma, Hvchishno ak kia na hvch ik akostinincho fehna akinli hō ? peh nana hosh kocha mavvt hatak a itih fohka kvv okpvna he keyu, chukvsh ak o pit chukowa hō keyu hokvt, amba takoba yak o ont chukowa tuk mak osh, anonti a hlopulli kvv ilhpak moma ka ai it im vlhpe-svchi ka hvch ik akostinincho cho ? achi tok.

20. Mihmvt, Nana kvv hatak a a kohcha yvmmak osh hatak a okpvni hoke.

21. Hatak haknip anuka chukvsh ak o im anukfila okpulo, havi puta, ohoyo ik im iksho, micha hatak ik im iksho it in lumaka :

22. Hatak bika vbi, hukopa, inla nan im anushkunna, nan ï nukkilli, haksichi, havi anukfohka, nishkin isht ik ai

vlhpeso, Chihowa ik ahobalo, ilefehnvchi, im anukfila iksho puta kv̄t a kohcha hoke.

23. Nan ik vlhpeso ilvppa puta moma kv̄t anukaka yak o asht kohcha hosh hatak a okpuni hoke, achi tok.

24. Mihmvt yvmmak ash asht wakaya mvt, ivt Taia micha Saiton aiena yakni vhli h̄a ona cha, aboha ont chukowa mvt, hatak nana kia ik akostinincho ka hi a ahni tok : yohmi kia kaniohmit luma he keyu ki tok.

25. Ohoyo hv̄t ushetik himita vt na shilombish okpulo ai i foka hatuk o, yvmmak ash pit haklo mvt, onvt iyi ituma ya hlipia tok oka.

26. Ohoyo hv̄t Klik osh Silofenisian im okla ai achvfa a tok : mihmvt ushetik a na-shilombish okpulo a ai ishit i kohcha hinla ka yvmmak ash o im asilhha tok.

27. Yohmi kia Chisvs vt, Ulla vhleha ak osh tikba kaiya ha yo ; vlla vhleha i pv̄ska ya ishi cha ofi puta ka pit i pila he vlhpesa keyu hoka, im achi tok.

28. Mihma afalaminchi mvt, Ahlishke Chitokaka ma ! yohmi kia ofi puta kv̄t ai impa nuta ya vlla vhleha im pv̄ska boshulli yak o ai vpa chokvmo, im achi tok.

29. Mihma yvmmak ash o, Anumpa ilvppa pulla hatuk mak o ish iashke ; chiso tek a nan-isht-ahullo okpulo vt a kohcha hoke, im achi tok.

30. Atuk o ilap in chuka yash ona mvt, nan-isht-ahullo okpulo vt a kohcha tuk o, ushetik ash osh topa paknaka itonla na ont pisa tok.

31. Mihma anonti Taia micha Saiton itatuklo yakni ash issvt ia mvt, Tekapolis yakni a iklv̄nna hlopullit ayvt Kalili okhv̄ta h̄a ona tok.

32. Mihma achvfa hosh ik haponaklo, micha anumpuli anuktuklo aiena hatuk o yvmmak ash isht im vla ; yohmi mvt yvmmak ash o ibbak a isht umbitepa hinla ka, okla im asilhha tok.

33. Mihma yvmmak ash o okla laua ya a kohchit nak-sika isht ona cha, haksobish a ibbak ushi pit hiohlichy mvt, tofa cha, isunlv̄sh a pit halelichy tok.

34. Mihmut, pit vba chakalit pisa mut, hijvt, Effahlá, im achi tok: yvmmut ish tiwashke, achi hoke.

35. Mihma yvmmak ash osh ashalika haksobish vt wakama ma, anonti isunlvsh isht talakchi vt yuhapa na kohchi achukmut anumpuli tok.

36. Yohmi ma hatak nana kia okla ik im anolo ka chi ka, im apesa tok. Yohmi kia i shahlichit im apesa kak o, anonti okla anoli kvv isht i shahli fehna tok.

37. Mihmut nukhlakancha kvv atampa fehna mut, Yvmmak okvt nan okluha kvv vhpesa bano ho yvmihchishke: ik haponaklo atuk a haponaklochi mut, anonti ik anumpulo atuk a anumpuli ikbishke, achi tok.

CHAPTA VIII.

Chisvs vt pska lumbo untuklo, micha nvi chipunta kanomosi aiena tuk a hatak tahlepa sipokni ushta impvchi, 1; 11 Falisi vhleha ha nan isht ai atokowa ya i haiakvchi ik bnno; 14 mihma nan im ai ithvna vhleha hvv Falisi vhleha, micha Helot aiena i na-pska ishit-shatvmmi a ahah! okla im ahna chi ka i miha. 22 Betsaita ya hatak lva yvt anta tuk o, Chisvs vt hoponayochi. 27 Pita yvt, Chishno ak osh Klaist chia mak oke, atokolit achi ma, Chisvs vt im aiokpanchi; ilap ak o il im antia hosh ile kaiyanchit nana palvmmi putv ma e pihisa chi hokvto ik pi nukwaiyo ka hi a, Chisvs vt pim abahanchi.

1. NITAK yvmma foka ma okla hvv laua fehna, micha vpa hi vt nanasi kia ik im iksho ma, Chisvs ash osh nan im ai ithvna vhleha hash hoyo mut,

2. Okla laua vt si apvhv maya na himak nitak tuchina ka nana vpa hi vt ik im iksho hatuk o, i sa nukhakloshke.

3. Yohmi kvv okla ik impo ho in chuka ya pit yuhli li hokma, kanimi kvv mishema ho minti hatuk okvt, takla tikamba hinlvshke, im achi tok.

4. Mihma nan im ai ithvna vhleha hash osh, Yakni haiaka ilvppa katima yak o hatak vt pska ya ai ishi hosh okla ilvppa fihobla hinla ho? im achi tok.

5. Mihma i ponaklot, Pvska yvt katohmi ho hvsh ishi ho? im achi ma, Untuklo, achi tok.

6. Mihma okla hvt binohla chi ka apesa tok ; micha pvska untuklo kash ishi cha, vba pit aiokpvchi cha boshulichi mvt, okla ha itikba in talohla chi ho nan im ai ithvna vhleha hash ima ma, yvmmak ash osh okla hash itikba in talohli tok.

7. Michi nuni chipunta kanomosi ka okla isht aya tok ; atuk o yvmmak ash o vba pit isht aiokpvchi mvt, yvmmak-ma itikba in talohla chi ka apesa tok.

8. Yohmi na okla impvt kaiya tok : mihma ilhpak boshulli atampvt asha ka kishi untuklo ho okla ishi tok.

9. Mihma okla impa tuk vt tahlepa sipokni ushta foka tuk a tok ; yohmi ma okla hash kanima pit yuhli tok

10. Mihmvt ashalika nan im ai ithvna vhleha hash it apihvt peni pit fohkvt ia mvt, Talmanuhla yakni a kaniohmi ho ona tok.

11 Mihmi Falisi vhleha hvt ayvt ai vla cha, imomaka pisa hosh, nan isht ai atokowa vba minti ka okla ai im a hoyo hosh himona isht it im anumpulit aiasha tok.

12. Mihmi chitolit chukvsh ai anukaka hiha mvt, Na katihma ho hatak himonasi aiasha ilvppvt nan isht atokowa ya okla hoyo cho? Ahli mak o hvchim achi lishke, Hatak himonasi aiasha ilvppa nan-isht atokowa nana hosh in takala he keyu mak oke, im achi tok.

13. Mihmvt issvt ivt, peni ash o anonti chukowa mvt, mish-tvnnvp o ia tok.

14. Mihma nan im ai ithvna vhleha hvt pvska okla isha he tuk vt immihaksi, yohmi mvt peni a foka kvv pvska achvfa ka ont ia keyu ho okla isht gya tuk a tok.

15. Mihma yvmmak ash osh achukmalit nan i mihvt, Falisi vhleha i pvska isht-shatvmmi, micha Helot i pvska isht-shatvmmi aiena ka im il anuktahlvt ahah! ahnit hvsh pihisashke, achi tok.

16. Mihma ilap bika it im anumpulit, Pvska vt ik pim iksho kak oka, achi tok.

17. Mihma Chisvs vt akostininchi mvt, Na katihmi ho pvska vt ik hvchim iksho kak atuk g hvsh miha cho? hvch ik akostinincho, mikmvt hvch ik ithano aiena kvv moma ho? hvchi chukvsh vt kullo kvv moma ho tuma!

18. Hvchi nishkin vt asha kv̄t hvch ik peso cho? micha hvchi haksobish vt hinli kv̄t, hvch ik haponaklo hō? mikmvt hvch ik ithano cho?

19. Pvska tahlapi hō hatak tahlepa sipokni tahlapi ka in tushahlichi li ma, boshulli vt kishi alota katohmi hō hvsh ishi ha tok o? im achi ma, Auah-tukló, okla achi tok.

20. Anonti tahlepa sipokni ushta ma, untuklo tuk a a boshulli vt kishi alota katohmi hō hvsh ishi ha toko? achi ma, Untuklo, im achi tok.

21. Yohmi ma, Katiohmi hō na hvch ik akostinincho hoh cho? im achi tok.

22. Atuk osh Betsaita vla; yohmi ma hatak lvpa yo okla isht im ona mvt, yvmmak ash potola chi ka im asilhha tok.

23. Mihma hatak lvpa yash o ibbak a halvli cha, tv̄maha hā ishit kohcha; yohmi mvt nishkin a im on tofa cha, ibbak a isht umbitepa mvt, Nanasi kia ish pisa cho? achit i ponaklo tok.

24. Mihma vba chakali mvt, Hatak vt iti yak o chohmi hokak osh itvnowa hō pisa lishke, achi tok.

25. Yohmi ma anonti nishkin ash o ibbak isht umbitepa mvt, vba chakalichi tok: mihma hlakofi cha, hatak moma ka pisa achukma tok.

26. Mihma in chuka pit chvffichi mvt, Tv̄maha hā ont chik chukowokmvt, anonti tv̄maha asha ka achvfona kia chik im anolo kashke, achi tok.

27. Mihmvt Chisvs vt nan im ai ithvua v̄lleha hā ai itapehvt kohchvt ivt, tv̄maha Sesalea Filippi ya ona tok: mihmvt takla ya nan im ai ithvna v̄hleha hash i ponaklot, Okla hvto kv̄ta sia hō miha cho? im achi tok.

28. Mihma afalaminchi mvt, Chan Baptist; yohmi kia kanimi mvt, Elias ak o achi; kanimi kv̄to Hopaii v̄hleha ha tok achvfona mak oka, achi hoke, achi tok.

29. Mihma, Amba hvchishno vto kv̄ta hō hvs si achi hō? im achi ma, Pita yvt afalaminchi mvt, Chishno ak osh Klaist chia mak oke, im achi tok.

30. Mihma yv̄mma hatak nana kia ik im anolo ka chi ka kv̄llochit i miha tok.

31. Mihmvt Hatak Ushi vt nan-isht ai ilbvsha in laua chi, micha hochitoka vhleha, mikmvt na-holitompa isht a sha pehlich i vhleha, anonti na-holissochi vhleha aiena ka ai im a kvllakshit illa he ; atuk mvt nitak atuchinakma anonti tana hi a isht im avvchit isht ia tok.

32. Mihmvt anumpa yvmmak ash o haiakvchit anumpo honli tok. Mihma Pita yvt halvli cha, im alvmmmit isht ia tok.

33. Yohmi ma yvmmak ash osh filemvt nan im ai ithvna vhleha hash pisa mvt, Pita yash im alvmmmit, Setan chia hvv vm ashaka yo ish hikiashke : chishno vto Chihowa ai im anukfila hano ish ahninch i keyu, amba hatak ai im anukfila yok mak oka, achi tok.

34. Mihmvt okla ha, micha ilap nan im ai ithvna vhleha aiena kash hoyot itvnahli mvt, Kvna hosh siakaiyvt aya chikmvt, ik ile holitoblot im ititaiyukhvna ma sholi cha, siakaiyashke.

35. Kvna hosh ilap im ilhfiopak a okchalinchi ka ahni hokvt i kvnia he ; amba vno pulla, micha vbanumpa aiena pulla ho kvna hosh im ilhfiopak a kanchi hokvto, mihi yosh okchalincha hi oke.

36. Hatak vt yakni a mominchit immi ikbi hoh kia, anonti ilap im ishilombish ash osh i kvnia kvv, nanta ho isht im ai achukma hinka cho ?

37. Keyukmvt, hatak vt nanta hak o ilap shilombish a isht atobba hinla cho ?

38. Yohmi hoka havi shahli, mikmvt nan-ashvchi fehna aiena aiasha ilvppa kvna kia vno, micha vm anumpa aiena ka ai i hofahya atukma, mihi yo Hatak Ushi vt Iki im aholitopa il ai ishit, enchil holitopa vhleha aiena pehlichit ayvt vlakmvt, i hofahya ak inla hi oke, im achi tok.

CHAPTA IX.

Chisvs vt nvnih chaha oiyvt pakna ont hikia mvt inlvv toba, 1
11 mikmvt Elias vt vla he achi chatuk a, Chan Baptist ak osh mik
mak atuk o anoli ; 14 mihmvt hatak achvfa hosh shilombish ok-

pulo anukfohka kv̄t ik haponaklo, micha anumpula he keyu ka aiena tuk o hlakofichi; 30 mihmvt ititaiyukhvna a takalit illi tuk mvt, anonti falamvt tana hi vt atuklanchit anoli; 33 nan im ai ithvna vhleha hv̄t nafehna b̄v̄nvt ḡsha ka, Chisvs vt nan isht i n̄iba, 38 mihma kv̄na hosh nan isht ahullo okpulo ȳa ilap hohchifo ak o isht kocha weli hoka ik ataklv̄mo ka hi ḡ i miha; 42 na yimmi im anukfila ik hochito puta yoshubli ka ai v̄lhpesa keyu ka miha.

1. **MIHMVT**, Ahli mak o hv̄chim achi lishke, Ilvppa hioh-maya ka kanimi kv̄t ik illo hosh Chihowa apehlichika yvt nan-isht ai ghlika ȳa ai it ishit v̄la na pisa ch̄i kv̄t, ḡsha hoke im achi tok.

2. Atuk osh yv̄mmak atuk ḡ nitak hannali ma, Chisvs vt Pita, micha Chemis, mikmvt Chan aiena ka yv̄mmak bano h̄o pehlich̄i cha n̄v̄nih chaha yo pit oiya tok: mihmvt inlv̄t tob̄t itikba hikia tok.

3. Mihma im ilefoka yvt shohmalali tohbit kv̄nia kv̄t, okti pushi ak o chiyuhmi tok: yohmi hatuk o nant̄v̄nna tohbichi nana ak osh i shahlichit tohbicha he keyu ki tok.

4. Mihma Elias, micha Moses itatuklo hosh ant i haiaka tok: mihmvt yv̄mmak ash osh Chisvs ḡ it im anumpulit okla tok.

5. Yohmi ma Pita yash ot anumpuli mvt, Chisvs ash o, Pi shahli ma! ilvppa e maya kv̄t pim achukm̄vshke: yohmi ka v̄lhtipo tuchina kak o il ikbi na achv̄vt chimmi hokma, anonti achv̄vt Moses ak o immi hokma, anonti achv̄fa kv̄t Elias ak o immi hashke, im achi tok.

6. Yohmi ka okla nukshopa fehna hatuk o nana a miha ik ithano ha tok.

7. Yohmi ma hoshonti hv̄t ant im okhlilichi tok: mihma hoshonti anukaka ȳa auet anumpuli kv̄t, Ilvppak osh Sv̄so ḡ holitopa mak oke, hv̄sh i haponaklashke, achi tok.

8. Mihma ashalika filemvt okla hopokoyo kv̄t, hatak inla nana kia ik peso; amba Chisvs ash bano h̄o ai it apiha tok.

9. Atuk o n̄v̄nih ḡsht okla akowvt minti ma, nana ka okla pisa tuk vt hatak nana kia ik im anolo mak o, Hatak Ushi vt illi tuk vt tani ha ya hi ḡ, i miha tok.

10. Atuk o anumpak yvmmak ash o ilap illvt okla ithanvt, Illi tuk osh tani kv̄t nanta hak oh chishba? ahnit ilap bika it im a ponaklot itrnova tok.

11. Mihmvt im a ponaklot, Na katihmi hō na-holissochi vhleha hv̄t, Elias ak osh tikba vla pulla he, okla achi cho? achi tok.

12. Mihma afalaminchi mvt, Ahli, Elias ak osh tikba vla cha, nan-okluha ka ant falaminchit apoksiacha he; mikmvt Hatak Ushi vt kaniohmit nana l̄gwa ka isht ai ilbvsha he, micha nan isht ik ahobo ka he aiena ka isht a holisso hatuk oke.

13. Yohmi kia, Isht a holisso tok mak oka Elias vt vla ahli ho mv̄hli: yohmi na okla kanimihchi bv̄nna kv̄t yvmmak ash o im ai yvmihchi tuk oke, hv̄chim achi lishke, im achi tok.

14. Atuk osh nan im ai ithvna vhleha aiasha ka ona mvt, okla chinto fehna kv̄t aiasha ma, anonti na-holissochi vhleha hv̄t yvmmak ash o nan im asilhv̄chit maya na ont pisa tok.

15. Mihma okla hv̄t yvmmak ash o pisa mvt, mih makinli hō okla nukhlakancha fehvt, yihleptv̄t im ai onvt, okla aiokpv̄chi tok.

16. Mihma na-holissochi vhleha hash o i ponaklot, Nanta mak o hv̄sh it im asilhv̄chi hatuk o cho? achi tok.

17. Yohmi ma okla laua yash osh achv̄fv̄t afalaminchi mvt, Nan-ithvnanchi ma! sv̄so hv̄t na-shilombish ik anum-pulo yo il ai eshi hatuk o ishit chim vla lishke.

18. Yohmi ka kanima yo ai ilhkolicikhmvt, haiochichechi chatuk: mikma itukpokpokit noti ahampvt, chunnvt taha chatuk; yohmi hō na chim ai ithvna vhleha h̄g yvmma kohcha ch̄i ka im anoli li tuk ak o, okla kohcha he keyu ke tuk oka, achi tok.

19. Mihma afalaminchi mvt, Na yimma he keyu isht-ai unchululi hv̄chia ma! hv̄chi takla ahanta li katiohmi foka ch̄i cho? nana ka isht ak hv̄chi ahno hō katiohmi foka ch̄i cho? Isht hv̄s sv̄m vlashke, achi tok.

20. Mihma yvmmak ash o okla isht im ona tok: mihma v̄vmmak ash pisa ma, na-shilombish ash osh mih mak-inli

h_o haiochichechi tok; mihma aka itula cha, shalali mvt itukpokpoki tok.

21. Mihma i_{ki} ash o i panaklot, Katiohmi foka kash o ilvppvt ai yakohmi tok o? achi ma, Ulla tomba mak a tok.

22. Yohmi ka vbi bvna kv_t luak, mikmvt oka aiena ka it a kanchi beka tuk oke: yohmi kia nana h_o ish kanimihcha hinlakmvt, ish pi nukkaklo cha, ish pi apelashke, achi tok.

23. Mihma Chisvs ash osh chi yimma hinla hok ma, nayimmi hokvno nan okluha kv_t ai i yvmohma hinla hoke, im achi tok.

24. Mihma vlla ya i_{ki} yash ot mih makinli n_o nishkin okchi mihinti hosh chitolit, Chitokaka ma! sai yimmishke; nan-isht ik a sai yimmo ya is svm apelvchashke, achi tok.

25. Mihma okla hv_t yihlept ant ai itahoba ka, Chisvs vt pisa mvt, na-shilombish okpulo ash o im alvmm_t, Na shilombish ik anumpulo, mikmvt ik haponaklo aiena chia hv_t ilvppa ish a kohcha cha, mikmvt himmakma chik chukowo ka he mak o chim apesa lishke, im achi tok.

26. Mihma na-shilombish ash osh tahpvlvt, yvmmak ash o haiochichechi fehna cha, a kohcha tok: mihma yvmmak ash ot illi yo chohmi tok: yohmi hatuk o, Illishke, achi kv_t laua tok.

27. Yokmi kia Chisvs ash osh ibbak a halvlli cha, tanichi ma; yvmmak ash ot wakaya tok.

28. Atuk o aboha ont chukowa ma, nan im ai ithvna vhleha hash ot ilap banot im a ponaklot, Na katihmi h_o pishno vto yvmma e kohcha he keyu ke tuk oh cho? achi tok.

29. Mihma, Ilvppa chohmi kv_t nana h_o isht kohcha hi vt iksho, amba vba pit anumpuli, micha na-hullochi aiena hok mak bano hoke.

30. Mihma yvmmak ash asht okla ilhkoli mvt, Kalili a okla hlopulli tok: mihma hatak nana kia akostinicha hi oka, ik ahno ki tok.

31. Yohmi kv_t nan im ai ithvna vhleha h_a nan im avchi kv_t, Hatak Ushi vt hatak puta ibbak a fohka hoka, okla

vba chi hoke: atukma illi ha ya tuk vt, nitak ont atuchin-akma tana hi oke, im achi tok.

32. Yohmi kia anumpa yvmma okla ik akostinincho; yohmi mvt i ponaklo nukshopa tok.

33. Atuk o yvmmak ash ot Kapenavm a vla tok: milimvt aboha anuka asha hosh i ponaklot, Takla ya hvchishno bika isht hvsh it im anumpuli kash osh nanta mak atuk o? achi tok.

34. Yohmi kia lumvt okla maya tok: yohmi kvv takla ya, Kvta hak osh moma i shahli ahanta chishba? ahnit ilap bika okla isht it im anumpuli tuk a tok.

35. Mihma binili mvt, auhtuklo kash o hoyo cha, Hatak nana hosh moma i shahli bvna hokmvt, mihi yosh moma ka ik lauwovmvt, anonti moma in tishu a hi oke, im achi tok.

36. Mihmvt vlla yo halvli cha, itintakla binilichi tok: atuk osh ishit sholi mvt,

37. Kvna hosh sa hohchifo pulla hatuk mak o vlla ilvppa chohmi achvfa ka holitoblikmvt, vno ak o sa holitobli hoke: mikma kvna hosh vno a sa holitoblik mvt, vno ak o sa holitobli ho keyu, amba auet sa kanchi tok ak oke, im achi tok.

38. Mihma Chan vt afalaminchi mvt, Nan ithvnanchi ma! achvfa hosh chishno chi hohchifo ha nan-isht ahullo okpulo puta isht kocha weli hosh anta ho e pisa ka, ik pibafohkoshke: yohmi ma il im avmmi kano, ik pibafohko hoka, achi tok.

39. Yohmi kia Chisvs ash osh, Hvch ik im alammo kashke: hatak vt sa hohchifo pulla hatuk mak o na fehna ka isht ai yvmihchi hokvt vno a yvmmak fokalechit na sa mi-hacha hi vt iksho hoka.

40. Mikma kvna hosh hvvishno a hvv i sanali keyu hokvto, hvv-ibai achvfa hoke.

41. Klaist a immi hvchia hoka, kvna kia oka kapvssa isht-ishko achvfa ka hvsh ishka chi ho, vno sa hohchifo pulla hatuk mak o hvch ipeta hokmvt, isht vltoba ka i hlakofa he keyu, ahli mak o hvch im achi lishke.

42. Micha kva hosh a yimmi vhleha chipunta ilvppa achvona ma ibetvblichi hokmvt, ilapa ak o tanchi botoli tvli ak osh ikunla ya a takanli ho okhvta ha oka kvnia hokmak osh, im vlhpesa he tuk mak a hi oke.

43. Yohmi ka chibbak vt chi ibetvblichi hokma, chanlit ish hokofashke: imomokpulo yosh ai-okchaya ya ont ish chukowa hok mak osh, chim vlhpesa kvv chibbak vt tuklo hosh aiokpuloka, luak vt nitak nana moshola he keyu mak o, chi itvtula hi atuk a chim i shahli hoke.

44. Yvmmak oka i shushi yvt illi keyukma, anonti luak mvt nitak nana mosholi keyu hoke.

45. Mikmvt chiyi yvt chi ibetvblichi hokma, chanlit ish hokofashke: imomokpulo yosh ai-okchaya ya ont ish chukowa hok mak osh chim vlhpesa kvv, chiyi yvt tuklo hosh ai-okpuloka, luak vt nitak nana moshola he keyu mak o chi itvtula hi atuk a chim i shahli hoke.

46. Yvmmak oka i shushi yvt illi keyukma, anonti luak vt nitak nana mosholi keyu hoke.

47. Mikmvt chi nishkin vt chi ibetvblichi hokma, kohchit ish kanchashke: nishkin achvfa yosh Chihowa apchlichika ya ont ish chukowa hok mak osh chim vlhpesa kvv, chi nishkin vt tuklo hosh aiokpuloka luak a chi itvtula hi a chim i shahli hoke.

48. Yvmmak oka i shushi yvt illi keyukma, luak vt nitak nana mosholi keyu hoke.

49. Mikma moma kvv luak o isht ai yvmmi bano kvv, vba isht aiokpvchi vt hvpi isht ai yvmma hi a ohma hi oka.

50. Hvpi vt achukma; yohmi kia hvpi vt homi kvv i kvnia hokma, nanta hak o isht hvsh homincha hinla cho? Hvpi a hvchishno inli il anit hvsh ieszikmvt, hvchishno bika ma hvsh it i nanaiya achukmashke, achi tok.

CHAPTA X

Chisvs vt Chutea yak o nan im ai avchit anta, mihmvt it i kvnia holisso hak o Falisi vhleha ha isht it im anumpuli, 1; 18 vlla chipunta ya halvllit sholi. 17 Chisvs vt hatak himita nan in laua yo

aiokpuchit imomaka pisa : 28 mikmvt kvna hosh ilap ak o holitobl pulla hosh nan okluha ka issvt gya tuk okvno im atobba hi vt miha : 32 ilap vt ititaiyukhvna a takalit illi tuk mvt anonti, falamvt tana hi vt himmakma Chisvs vt anoli : 35 Chemis Chan ita tuklo kvv Chisvs a nana im asilhha ; mihma Chisvs vt ilap ma nana hq im achi mvt ; 46 ik hoponayo Batimevs a hoponayochi.

1. **MIHMA** yvmmak ash o asht wakayvt minti mvt, Chatan hlopullit mish-tvnnvp a ayvt Chutea yakni a vla tok : mihma okla hvt im ai itahoba na ai yakohmi yatuk okvt, anonti nan im avchit ahanta tok

2. Mihma Falisi vhleha hvt im ai vla mvt, imomaka pisa hosh, Hatak vt tekchi a kancha he vllhpesa hoh cho ? achit i ponaklo tok.

3. Mihma yvmmak ash osh afalaminchi mvt, Moses vt nanta hak o hvchim apesa tok o ? im achi tok.

4. Mihma, It i kvnia holisso hak o ikbi cha, kancha hi o Moses vt ahni tok, achi tok.

5. Mihmvt Chisvs vt afalaminchi mvt, Hvchishno hvchi chukvsh kvllo pulla kak o nan vllhpisa ilvppa hvchim ikbi tok.

6. Amba nan okluha toba vmmona ka Chihowa hvt nakni, tek ita tuklo ho ikbi tok.

7. Ilvppa pulla hatuk mak o hatak vt iki, micha ishki aiena ka issa cha, tekchi ak o asitia hi oke.

8. Yohmikmvt tuklo yvmmak atuk vt haknip achvfa hi oke. Yohmi ha mvt i himmakma tuklo mak a hi o keyu, amba haknip achvfa hoke.

9. Yohmi hoka, Chihowa hvt nana ka it a halvllichi ha ya, hatak nana kia ik it i filvmmicho kashke, im achi tok.

10. Atuk o aboha anvkaka maya ho nan im ai ithvna vhleha hash osh anonti na mihi yash inli ho i ponaklo tok.

11. Mihma kvna hosh tekchi a kanchi cha, inla yo it auwaya hokmvt, haui tobrt yvmmak ash o isht ik vllhpisalo hoke.

12. Mikma ohoyo hvt i hatak a kanchi cha, inla yo auwaya hokmvt, haui toba hoke, im achi tok.

13. Mihma yvmmak ash ot potola chi ho vlla chipunta

ya okla isht im ai vla tok : atuk ak o nan im ai ithvna vhleha hut nan isht ai vla yvmmak ash o im alvmmi tok.

14. Yohmi kia Chisvs vt yvmma pisa mvt, ik im vlvpiesc fehna cha, Ulla chipunta yvt vm ai vla hi a hvsh ahni cha, hvch ik im alammo kashke : ilvppa chohmi kak osh Chiho wa apelihchika mak oka.

15. Ahli mak o hvchim achi lishke, Kvna hosh vlla iskitini ak o chiyuhmit Chihowa apelihchika ya aiokpvchi ho keyukmvt, yvmmak oka chukowa he keyu hoke, im achi tok.

16. Mihmvt yvmmak ash o ishit sholi cha, ibbak a isht umbitepa mvt, yukpali tok.

17. Mihmvt kohchvt ivt hina ont fohka ma, achvfvv ma-
lelit mintit ant i hvchukbihlepa mvt, Nan-ithvnanchi achukma ma ! ai okchayvt bilia ya pisa la he vlvpesa kvto nanta hak o yvmohmi la chi cho ? achit i ponaklo tok.

18. Mihma Chisvs ash osh, Na katihmi ho achukma is si achi cho ? achukma vt iksho ; amba achvfa kak illa : yvm mvt Chihowa ak oke.

19. Anumpa vlvpisa, Haui chik tobo kashke : Kvna kia chik bo kashke : Nana kia chik hukopo kashke : Anumpa ik ahlo isht atokolit chik ahanto kashke : Kvna kia chik haksicho kashke : Chiki, chishki aiena ka ish holitoblashke, achi puta ka ish ithanvshke, im achi tok.

20. Mihma afalaminchi mvt, Nan ithvnanchi ma ! vlla sa tomba kash inli hosh ilvppa puta ka holitoblit isht mihinti li tuk oke, im achi tok.

21. Yohmi ma Chisvs vt pisa kvv i hullo : mihmvt, Nana achvfa hosh ik chim onoshke ; ish ia cha, nana hosh chim ashakmvt, ish kampila cha, ilbvsha puta ka ish imashke : yohmik mak osh na holitompa kvv vba yakni ya chin tonla he mak oke : mikmvt mintit ititaiyukhvna ant ish eshi cha, is siakaiyashke, im achi tok.

22. Mihma yvmmvt nan in laua fehna hatuk osh anumpa yvmma haklo mvt, nukhaklot, kanima ia tok.

23. Mihma Chisvs vt filemvt hopokoyo mvt, nan im ai ithvna vhleha hash o, Na palvmmi nana kvv a fehna ho nan

in laua vhleha hv̄t Chihowa apehlichika ȳg chukowa hi oke, im achi tok.

24. Mihma nan ithvna vhleha hash osh anumpa yv̄mma achi ka okla nukhlakancha tok. Yohmi kia Chisvs ash ot anonti anumpuli mvt, Ulla vhleha ma! im ilayak ai anukchieto hosh ahanta kv̄to Chihowa apehlichika ȳg chukowa kv̄no palv̄m̄mi kv̄t katiohmi fehna hoh chishba!

25. Kamel vt chofak ushi nishkin ̄g hlopulli ka palv̄m̄mi kv̄t, hatak nan in laua yosh Chihowa apehlichika chukowa ka ik lauwashke, im achi tok.

26. Mihma okla nukhlakancha atampa fehna mvt, Yohmikma kv̄ta hosh okchaya hinla cho? ilap b̄ika it im achit maya tok

27. Mihma Chisvs vt atokolit pisa mvt, Hatak okmv̄no yohma he keyu kia, amba Chihowa hokv̄no ai yohmi hoke. Chihowa yak okmv̄no nan okluha kv̄t aiahli chatuk oka, achi tok.

28. Yohmi ma Pita vt, Yakeh! pishno v̄to mominchit il issa cha, e chiakaiya tuk oke, im achi tok.

29. Mihma Chisvs vt afalaminchi mvt, Ahli mak ̄o hv̄chim achi lishke, Hatak nana hosh v̄no pulla, micha v̄banumpa aiena hatuk mak ̄o, in chuka, keyukmvt itibapishi vhleha, in tek puta, īki, ishki, keyukmvt tekchi, mikmvt vlla, micha yakni aiena ka issvt ̄aya hokv̄to,

30. Mihi yosh okchaya takla kv̄t chuka, itibapishi vhleha, micha in tek vhleha, mikmvt ishki, micha vlla, anonti yakni aiena kv̄t mihi atuk ̄g ohmi tahlepa achv̄fa h̄o pisa he; mikmvt nan ishtai ī palv̄m̄mi mvt im aiena tukmvt, anonti yakni inlakma aiokchayvt bilia ȳg pisa hi oke.

31. Yohmi kia tikba yatuk vt ont ishtaiyopa hi vt lav̄wakma, anonti ishtaiyopi atuk vt tikba ya hi vt lauv̄t ̄asha hi oke, achi tok.

32. Michā Chelusalem ilhkoli hosh hina vlhtot ̄asht ̄aya ma, Chisvs vt tikba hikv̄t ia ma, okokko! okla ahni mvt, iakaiya kv̄t nukshopvt okla itv̄nowa tok. Mihma auah-tuklo kash ̄o ī howa cha, ilap nana im a kaniohma chi kv̄t in anolit,

33. Inta! Chelusalem a iloh ilhkolishke; yohmi ka Hatak Ushi vt na-holitompa isht a^gsha pehlichy v^hleha, micha na-holissochy v^hleha aiena ka ibbak fohka chⁱ; mikma illa he anumpa onochy cha, Chentail okla h^o ibbak fohka chⁱ hoke.

34. Mikmvt yvmmak ash o okla ishit yopula, micha fvm-mi, mikmvt on tuftua aiena cha, okla vba chⁱ hoke: atukma nitak ont atuchinakma falamvt tana hy oke, achy tok.

35. Mihma Sebete ushy Chemis, micha Chan ita tuklo kv^t im ona mvt, Nan-ithvnanchy ma! nana h^o il ahnikma, ish pim aiahlichy hokbano il ahnishke, achy tok.

36. Mihma, Nanta hak o hvchⁱ yvmihchy la hy a hvsh ahny cho? im achy tok.

37. Chim a holitopa ya achvftv^t chibbak isht impak-imma ashakma, anonty achvftv^t vlhfvbekimma a^gsha hosh, e chy^a hy ak o ik yohmy ish ahnashke, im achy tok.

38. Yohmy ky^a Chisvs ash osh, Nana h^o hvsh asilhha hokvt hvsh akostininchy keyushke: isht-ishko vno vt ay ishko la chⁱ ka hvsh ay ishka hynla cho? mikmvt baptismo a vno vt isht baptismo ly ka hvchishno vt isht a hvchy baptisma hynla cho? im achy tok.

39. Mihma, Py yvmohma hynlvshke, im achy tok. Mihma Chisvs ash osh, Isht-ishko vno vt ay ishko ly ka hvsh ay ishkokmvt, anonty baptismo vno vt isht a baptismo ly aiena ka isht a hvchy baptisma chⁱ ho mvhly hoke.

40. Amba sabbak ishtimpak imma, micha vlhfvbekimma aiena a^gsha hy okvno ima la hy o keyu; amba kvna h^o im vlytaha mak a he oke.

41. Mihma pokoly kash ot haklo mvt, Chemis, Chan ita tuklo kash okla isht ik y yukpo fehna tok.

42. Yohmy ky^a Chisvs vt yvmmak ash o hoyo cha, Chentail okla y miko v^hleha hv^t ay y shahlyt pehlichy chatuk: mikma y hochitoka v^hleha hv^t nana kv^t im a vlypiesa mak osh okla h^o y yvmihchy chatuk a hvsh ithaiyanvshke.

43. Yohmy ky^a hvchishno yokvto hvchy yvmohma he keyushke: amba hvchy kany^a mvt y shahly bynna hosh hvchⁱ ibafoka hokmvt, nan-isht hvchym v^tta ya he.

44. Mikma hvchi kanima hosh moma i shahli hvchi bvn-nakmvt, moma in tishu hvchia ha hi oke.

45. Hatak Ushi ak kia nan isht im vtta hi o, aya tok keyu : amba ilapo ak osh nan isht vtta he, anonti lawa kvv isht a hlakofa hi g ilap im ilhfiopak a isht atobba he mak a tok oke, im achi tok.

46. Mihma Cheliko g okla ai vla tok : atuk osh nan im ai ithvna vhleha, micha okla lawa fehna aiena hq pelichi cha Cheliko ash a kohchvt ia ma, Timevs ushi Batimevs lapa vvt hina lapalika yq a binilit nan asilhha tok.

47. Atuk osh yvmmak ash ot Chisvs Nasalet minti yatuk o haklo mvt, tahpvlvt, Chisvs Lewi ushi chia hvv is sq nuk-haklashke, ahanchi tok.

48. Mihma nukchinta chi ka, i miha kvv laua tok : yohmi kia yvmmak o i shahlichy fehvvt tahpvlvt, Chisvs Lewi ushi ma ! is sq nukhaklashke, ahanchi tok.

49. Mihma Chisvs vt hikia cha, yvmmak ash o hoyo hi g miha tok. Mihma hatak lapa yash o ont hoyot, Chi nuk-tanla achukmashke, auct chi hoyo hoke ; wakaya, im achi tok.

50. Mihma im anchi ash o kanima pit bohli mvt, waka-yvt, Chisvs g ima ona tok.

51. Mihma Chisvs vt afalaminchi mvt, Nanta mak o chi yvmihchi la hi g ish ahni cho ? im achi tok : mihma hatak lapa yash osh, A shahli ma ! hoponayo la hi g, im achi tok.

52. Mihma Chisvs ash ot, Ish iashke ; na chi yimmi hvv chi hlakofichi hoke, im achi tok. Mihma ashalika hoponayo mvt, hina fohkvv Chisvs g iakaiya tok.

CHAPTA XI.

Uhisvs vt issuba haksobish falaia himita om binili cha, Chelusalem ont chukowa, 1. 12 Fik vpi yq nitak nana ik ano ka hi g, Chisvs vt im apesa : 15 mihmvt nan-itatoba vhleha tempel anykaka gsha tuk g kocha pit tihleli. 27 Kanimi kvv nan isht ai vvhpesa nana hq isht ai yvmohmi hatuk g a ponaklo tuk kia, yvmmak ash o Chi svs vt im a tvblichy.

1. **ATUK** osh Chelusalem bilika Betfachi, micha Betani ita tuklo, Alif nvnih fehna hō ai vla ma, nan im ai ithvna vhleha hash tuklochit tihleli tok.

2. Mihmvt, Ivt tvmahushi hvchi chapaka auet talaiia ka hvsh onashke: yohmikmvt yvmma ont hvsh chukowa mih makinli hosh, issuba himita hatak vt ik om binilo kisha yvt asinta na hvsh pisa chī hoke: yvmma i hotofit isht hvsh lashke.

3. Yohmi ka hatak nana kia, Na katihmi hō ilvppa hvsh yvmihchi hō? hvchim achi hokma, Chitokaka yak osh bvna hatuk oke, hvsh achashke: yohmikma mih makinli hō auet pila chī hoke, im achi tok.

4. Mihma it iachi mvt, hina tuklot ant ai it afama hō, issuba himita yvt okhissa kocha ya asinta na ont pisvt okla cha, i hotofi tok.

5. Mihma yvmma hiohmaya tuk vt kanimi kv̄t, Nanta mak o hvsh katiohmi hosh issuba himita ya hvsh i hotofi cho? im achi tok.

6. Mihma Chisvs vt nan apesa tuk ash o i miha tok: mihma peh ik ilhkoli okla im ahni tok.

7. Mihma issuba himita yash o Chisvs a isht im vla cha, im anchi puta ka om pv̄lli na yvmmak ash osh o minili tok.

8. Mihma hina ya im anchi puta ka pv̄lli kv̄t laua ma, anonti kanimi kv̄t iti naksish o vmot hina ya pv̄lli tok.

9. Mihma tikba ilhkoli, micha pit iakaiya aiena tuk vt, chitoli hosh, Hosanna, Chitokaka i hohchifo il ai eshi hosh minti kv̄t holitopa mak oke.

10. Piki Lewi apelihchi vt Chitokaka i hohchifo il ai eshi hosh aya kv̄t, holitopashke; shutik tvbokaka fehna, Hosanna ai ahanchashke, achi tok.

11. Mihma Chisvs vt Chelusalem a ont chukowvt, tempel a ont chukowa tok: micha nana puta kash filemvt pisvt in taha, mihma opivt taha aiena hatuk o, auah-tuklo kash o pehlichī cha, pit kohchvt Betani a ia tok.

12. Atuk osh ont onna ho, Betani a asht okla minti na, yvmmak ash osh hohchvfo tok.

13. Micha fik vpi vt hishi asha hosh, mishema ka hikia

hō pit pisa tok ; mihmvt yvmma nana kia ahayuchi li yoba hinla ká, ahni cha, ona tok ; atuk osh ona mvt, fik vt a nuna ik ai ono kisha hatuk o, nana kia iksho hō, amba hishi ak bano na ont pisa tok.

14. Mihmvt Chisvs vt anumpuli mvt, Himak a pilla ma hatak nana kia vni isht ik chi ai vpo hō biliashke. Mihma nan im ai ithvna vhleha hvv haklo tok.

15. Atuk osh Chelusalem a okla ai vla tok : mihma Chisvs vt tempel a pit chukowa mvt, tempel anukaka ya nana a kanchi, micha a chumpa aienvt maya tuk ash kocha pit yuhli mvt, anonti tvli holisso a bohlit itatoba ai-impá, micha pvchi vlvhpa kanchi vhleha im ai om-binili aiena tuk ash halvllit filemohlit kinahlichí tok.

16. Mihmvt hatak nana kia ai vlbeha ya tempel a isht hlopulla hi a ik im ahno ki tok.

17. Mihmvt nan im avchit, Um aboha ya oklushi moma kvv vba pit ai anumpuli chuka hochifa hi oke, achi hosh holisso hō keyv ? yohmi kia hvchishno yokvto na hukopa vhleha in chuka yō ish ikbishke, achi tok.

18. Mihma na-holissochi vhleha, micha na-holitompa isht agha pehlichí vhleha aiena kvv haklo mvt, okla ak osh momvt, yvmmvt nan isht im avchi ka ai im anukhlakancha hatuk o i komunta mvt, kanimihchit vbi ka ahni tok.

19. Atuk o opivt taha ma, tvmaha hash a kohchvt ia tok.

20. Atuk o onnahinli ma, fik vpi ash ot ak-isht-vla pit vhlit bvshít kvnia tuk o pit pivt ont ilhkoli tok.

21. Mihma Pita vt pit anukfilli mvt, Yakeh ! a shahli ma ! fik ik ano ka hi o ish im apesa kash bvshít kvnivshke, im achi tok.

22. Mihma Chisvs vt afalaminchi mvt, Chihova ak o hvsh i yimmashke.

23. Ahli pulla hō hvchim achi lishke, Kvna kia nvnih chaha ilvppa, Kanvllit, okhvta hak o pit ish okvtulashke ; im achi cha, chukvsh mvt anuktuklochi ik im iksho, amba nana hō miha tuk vt ont aiahla hi a yimmi hokmvt, im aiahla hi oke.

24. Yohmi hoka vba pit hvsh anumpulikmvt, hvsh asilhha

kv̄t hv̄sh isha hi vt hv̄chi yimmashke, yohmik mak osh hv̄chim aighla hi oke.

25. Micha vba pit anumpulit hv̄sh hikiakmvt, nana a hv̄chj̄ kaniohmi tuk ashakma, hv̄sh j̄ kashofashke: yohmi na hv̄chishno na hv̄chim aiashv̄chika puta ka Iki vba binili kv̄t hv̄chj̄ kashofi makinlashke.

26. Amba hv̄sh j̄ kashofi keyu hokmvno, hv̄ch Iki vba binili kv̄t hv̄chishno a na hv̄chim aiashv̄chika puta ka hv̄chj̄ kashofa he keyu akinli hoke, im achi tok.

27. Atuk o anonti Chelusalem a okla ai vla tok: mihma yvmmak ash ot tempel anukaka ya nowvt hikikia ma, naholitompa isht-asha pehlich̄i v̄hleha, micha naholissochi v̄hleha, mikmvt hatak hochitoka v̄hleha aiena kv̄t im ai vla tok.

28. Mihmvt, Nan isht ai v̄lhpesa mak o ilv̄ppa puta ka ish yakohmichi cho? micha ilv̄ppa puta ka ish yakomichi ka nan isht ai v̄lhpesa ka kv̄ta hosh chim apesa tok oh cho? im achi tok.

29. Mihma Chisvs vt afalaminchi mvt, Ūno ak kia nana achvfa ka hv̄chj̄ ponaklo likma, hvs svm anolashke; yohmikma, vno vt nan-isht-ai-v̄lhpesa kaniohmi h̄o ilv̄ppa puta ka isht ai yakohmichi li hatuk vt hv̄chim anoli lashke.

30. Chan j̄ baptismo vt vba yakni a minti hokmá, keyukmvt hatak akinli hokmá, nanta tuk oh cho? oh vm anoli, im achi tok.

31. Mihma ilap b̄ika it im anumpohonlit, Ūba yak a tok: il achi hokma, Yohmik mak o katiohmi h̄o hv̄ch ik j̄ yimmo tuk oh cho? acha hinla.

32. Amba, Hatak ak a tok; il achi hokma, achi mvt, okla moma kv̄t Chan a hopaii fehna hoke, ahni hatuk o, okla hak o j̄ nukshopa tok.

33. Mihmvt afalaminchi mvt, Chisvs ash o, Il anola he keyushke, im achi tok. Mihma Chisvs vt afalaminchi mvt, Ūno vt nan isht ai v̄lhpesa kaniohmi h̄o ilv̄ppa puta ka isht ai yakohmichi li tuk vt ak hv̄chim anoloshke, achi tok.

CHAPTER XII.

Pak-vpi a holokchi yo hatak toksvli ai vlhpesa keyu vhleha i pota tok o isht vlhpisa, 1. 18 Falisi vhleha hvt Sesa tvli holisso im itahobi ak o Chisvs a isht i ponaklo ho, anumpa falama ima 18 Satusi vhleha hvt hatak illi falamvt tana hi ak o, Chisvs a isht i a ponaklo ho, im anoli: 28 anumpa vlhpisa puta kvv kanima kak osh mcma i shahli hatuk a Chisvs vt im anoli: 35 Klaist vt kvna hak o ushi ahinla ka, ponaklo: micha nan im ai ithvna vhleha ha abah! im ahna chi ka, i miha. 41 Ohoyo ilbvsha i hatak illi yosh mait tuklo ho tvli holisso abohli ya out apitta ho, Chisvs vt im ahnichi.

1. **MIHMUT** nan-isht-vlhpisa ho isht im anumpulit ahanta mvt, Hatak osh pak-vpi aiasha ya hokchi cha, kvv apushi isht a holihtvchit apakfobli cha, oka-paki ai vlbeha ya kulli cha, chuka chaha yo ikbi mvt, hatak toksvli vhleha ho i pota cha, yakni hopaki ho ia tok.

2. Atuk osh waya he ai vlhpesa ma, pak-vpi aholokchi nana waya ka, hatak toksvli vhleha hash ot ipeta chi ho, hatak toksvli vhleha hash o tishu ha pit in chvffichi tok.

3. Atuk ak o yvmmak ash o okla it i hoklit boli cha, nana kia iksho ho pit chvffichi tok.

4. Mihma anonti tishu inla ho pit in chvffichi tok: atuk o yvmmak ash o tvli isht bolit, noshkobo ha mitvffit hofahyalichi fehna cha, okla pit chvffichi tok.

5. Mihma anonti inla ho pit chvffichi tok: mihma yvmmak ash o okla vbi tok: mihma inla yvt laua ho pit yuhli kash kia, pit aieninchit kanimi ka boli mvt, anonti kanimi ma vbi tok.

6. Yohmi hatuk o iso achvfa, i holitopa fehna yosh im anta moma mvt, Svso hokvno okla holitobla chi hoke, achi mvt, ishtaiyopi mak o yvmmak ma pit chvffichi tok.

7. Yohmi tuk kia hatak toksvli vhleha hash ot Ilvppak osh immi mak oke; inta! kiloh vbi na immi hatuk vt hv-pimmi hashke; it im achit maya tok.

8. Michi yvmmak ash o it i hoklit vbi cha, pakvpi a holokchi a ai ishit kocho pila tok oke.

9. Yohmi kvno, pak-vpi aholokchi immi atuk vto nanta hak o katiöhma chi cho? Yummak ash ot vla cha, hatak toksvli vhleha hash o vbit tahlikmvt, pakvpi a holokchi ash inla ho im issa chi hoke.

10, 11. Yohmi ka, Tvli yvmma chuk-ikbi vhleha hvt shiti-
 lema chash o, yummvt chukbika nutaka in tola holitopa i
 shahli ho tobvshke. Ilvppa Chitokaka yvt yvmihchi ha
 tok o, hvpi nishkin g i na-fehvvshke, achi Holisso Holitopa
 ilvppa hvch ik it im anumpolo chatuk oh cho? im achi tok.

12. Mihma nana isht apesa hosh ilap ak o isht anumpuli
 tuk g okla ithana hatuk osh, yummak ash o hoklit ishi bvna
 nokak osh, okla ak o i nukshopa tok: mihmvt yummak ash
 o issvt filamohlit taha tok.

13. Mihmvt ilap im anumpa akinli ho isht ai isht kanv-
 pacha chi ka, Falisi vhleha kanimi, micha Helotian iksa
 aiena ho pit on tihleli tok.

14. Atuk o yummak ash ot ai vla mvt, Nan-ithvnanchi
 ma! chishno yokvt aighli chia, mikmvt hatak nana kia nan
 isht ik chim ahobo; hatak nashuka yak o ish pisa ho keyu
 hatuk okvt; amba Chihowa nana aiahni ak o aighlit ish
 ithvnanchi chatuk g il ithaiyanvshke. Noshkobo isht
 chumpa tvli holisso ya Sesa yak o ima he ai vlvpesa hok-
 má, keyukmá, nanta cho?

15. Pi kvniakmá, ik pi kvniokmá nanta chi cho? im
 achi tok. Yohmi kia okla nan ilahobi ka ithvna hatuk osh,
 Na-katihmi ho vmomaka hvs sa pesa cho? iskvli isht hvs
 svm vla na pisa lashke, im achi tok.

16. Mihma okla isht im vla tok. Mihma, Ilvppvt kvta
 hak o holbvt toba ho, mikmvt kvta ho a hohchifo ho? im
 achi tok. Mihma Sesa yak oke, okla im achi tok.

17. Mihma Chisvs vt afalaminchi mvt, Nana puta kv
 Sesa yak o immi hokma, Sesa yak o hvsh imashke; mikmvt
 nana puta kv Chihowa ak o immi hokma Chihowa ak o
 hvsh imashke, im achi tok. Mihma okla i nukhlakancha
 tok.

18. Yohmi ma Satusi vhleha hvt, Illi yvt falamvt tana he
 keyu; achi mak osh im ai vla cha, i ponaklot,

19. Nan-ithvnanchi ma! Kuna hoh kia itibapishi hvt tek chi gsha hosh vlla vt iksho hq illikma, itlbapishi ash osh tekchi atuk g itauwaya cha, itibapishi im vlla ai ikba hi q, Moses vt holisso pim ikbi tok.

20. Atuk o itibapishi hvt untuklot gsha tok; mihma akni ak osh tekchi gsha tuk osh, vlla iksho hq illi tok.

21. Mihma iakaiya kash osh itauwaya tuk osh, anonti vlla vt iksho hq illi tok: mihma ont atuchina kvv mihinli tok.

22. Mihma untuklo kash osh okla itauwaya ka, vlla vt iksho ki tok: ont ishtaiyopi ma ohoyo hash kia illi tok.

23. Yohmi ka illi yvt falamvt tanikma, okla tanik mvno, untuklo hosh itauwaya tok g yvma katima aiyukali mak o tekchi mak a hi oh cho?

24. Mihma Chisvs vt afalaminchi mvt, Holisso Holitopa, micha Chihowa nan isht im aighli ka aiena ka hvch ik ithano hatuk osh hvsh ashvckhi hq keyu?

25. Illi tuk vt tani hokvto, okla ik itauwayokma, anonti auwaya he i bohli kia iksho ka hi oka; amba enchil vhleha vba yakni aiasha kak inli hq chiyuhma hi oke.

26. Mikma illi yvmak okvto tana he ak o miha hosh Chihowa hvt bvfaha anuka a kaniohmit im anumpuli mvt, Uno ak osh Eblaham in Chihowa sia, mikmvt Aisaak in Chihowa siakmvt, anonti Chekob in Chihowa sia hoke, achi tok g Moses i holisso ha a hvch ik peso chatnk oh cho?

27. Yvmak okvt illi ak o in Chihowa keyu, amba okchaya ak o in Chihowa yoke: yohmi hoka hvchishno ak osh hvsh ashvchi fehna hoke, im achi tok.

28. Mihma na-holissochi vhleha hvt achvvt vla cha, okla it im anumpulit maya ka haklot, yvmak ash osh vhpesa fehna isht i miha na akostininchi mvt, Nan-vlhpisa moma i shahli katima kak osh vmmona fehna hoh cho? achit i ponaklo tok.

29. Mihma Chisvs vt afalaminchit, Nan vlhpisa moma i shahli vmmona fehna kvv, Israel vhleha ma! ho haklo, Chitokaka hvpin Chihowa vt Chitokaka achvfa hoke.

30. Micha Chitokaka chin Chihowa ya chi chukvsh g a

mominchit, chi shilombish a ubvlinchit, mikmvt chim anuk-fila ha mominchit, anonti chim ishthlampko ma a mominchit isht ish holitoblashke, achi ilvppak osh nan-vlhpisa moma i shahli vmmona hoke.

31. Mikma atukla kv̄t yvmmak inli hō chohmi hoke, Chin chuka-panta hatak a ish holitobli kv̄t, chishno akinli ka chim itilauashke, achi hoke: nan vlhpisa inla vt ilvppa i shahli kv̄t ikshoshke, im achi tok.

32. Mihma na-holissochi ash ot, Ulhpesa nan-ithvnanchi ma! aighli mak o ish mihvshke; Chihowa hv̄t achvfa; yohmi ka inla mvt iksho hō yvmmak illvshke;

33. Mikma yvmmak ash o chikvsh a mominchit, im anukfila ha mominchit, anonti shilombish a mominchit, im isht-hlampko ma mominchit isht holitoblikmvt, in chuka-panta hatak a holitobli kv̄t ilapa ai itilauечи kak osh vba isht aiokpv̄chi nana achvfa nipi vt momvt lua puta ka, micha vba isht aiokpv̄chi aiena ka moma i shahlishke, im achi tok.

34. Mihma yvmmvt vlhpesa fehna miha na Chisvs vt pisa mvt, Chihowa apelhichika ya auet ish i hopaki keyushke, im achi tok. Mihma yvmmak ash i himmakma hatak nana kia ik nukwiyot nana ik im asilhho ki tok.

35. Mihma Chisvs vt tempel anukaka nan avchit ahanta mvt, anumpulit, Katiohmi hō na-holissochi vhleha hv̄t Klaist vt Lewi a ushi achi cho?

36. Lewi vt ilapo inli kak kia Shilombish Holitopa pulla kak o Chitokaka yvt an Chitokaka ya, Svbbak ishtimpak-imma ya ish binili na chin tvnvp vhleha ha chiyi ai-o-hikia ya ikbi lashke, im achi kvno, achi tok.

37. Yohmi kv̄t Lewi vt ilapo akinli kv̄t yvmma Chitokaka hochifo tok; yohmi ka katiohmi kak osh yvmmvt ushi yoh cho? achi tok. Mihma hatak holitompa keyu kvto momvt i haponaklo kv̄t na-yukpa tok.

38. Mihma nan isht ai im avchit ahanta kv̄t, Na-holissochi vhleha na-fohka hofaloha abehkv̄chit itvnowa kv̄t im achukma, micha ilhpak a kanchi ya ai it aiokpv̄chi aiena kak osh im achukma;

39. Mikmvt sinakak a aiasha holitopa i shahli, mikmvt impa chito gsha ka aiasha holitopa i shahli aiena kak osh im achukma ;

40. Micha ohoyo i hatak illi puta in chuka a wehpuli, mikmvt peh vbanumpuli ilahobi kvv anumpa ilbvsha falaia-chit itvnowa yoka, ahah! hvsh im ahnashke; yvmmak kvvto nana palvmmi kvv i shahli hosh im vhpisa hi oke, im achi tok.

41. Mihmvt Chisvs vt tvli holisso abohli i chapaka yo gshvt okla hvv tvli holisso tvli holisso a bohli pit apitta ka pisa tok. Mihma nan in laua atuk vt lauachit pit apitta kvv laua tok.

42. Mihma ohoyo i hatak illi ilbvsha achvfa hosh vla mvt, mait tuklo yvmmvt sint achvfa ik ono hvv pit abehli tok.

43. Mihma nan im ai ithvna vhleha hash o hoyot, Ahli mak o hvchim achi lishke, Ohoyo i hatak illi ilbvsha ilvp-pak osh tvli holisso abohli pit apittvt aiasha ka moma i shahlichit fohkishke.

44. Moma kvvto nan in laua im atampa hatuk osh okla bohli hatuk: amba yvmmvt ilbvsha yatuk vt ishi tuk vt mominchit pit bohli, isht okchaya he tuk ash kia mominchishke, im achi tok.

CHAPTA XIII.

Tempel, micha Ohelusalem aiena kvv aiokpulokvv taha hi a Chisvs vt tikbanli anoli: micha nana kvv ont ik a yakohmo takla ka, nana kvv isht ahoba kvv kaniohma he, 1; 14 micha na-palvmmi kvv a kaniohma he aiena ka anoli: 24 mihmvt ilapvt aya chikma a kaniohma he puta ka anoli. 28 Fik vpi ak o nan isht it apesa hosh nana kvv ai yakohma chi ka, ai onvt mahaya hi a anoli: 32 nitak kaniohmi, hvshi kanvlli nana hvv ai yakohma hi a, hatak nana hosh ithana keyu hatuk o, mema kvv il anuktahvt vba pit anumpo-honlit im vltahvt maya chi ka, miha.

1. **MIHMVT** tempel a a kohchvt iak fehna, nan im ai ithvna vhleha hvv achvvt, Nan-ithvnanahi ma! tvli hochito

puta, micha chuka hochito puta aiena kv̄t a kaniohmi hosh yak aiasha ka, pisá, im achi tok.

2. Mihma Chisvs vt afalaminchi mvt, Chuka hochitoka yak hiohmaya ka ish pisa cho? tvli vt achvfa kia aka ik itulo ka hi vt it on tvkanchit itonla kv̄t iksho hoke, im achi tok.

3. Atuk osh tempel in chapaka Alif nvnih paknaka ya asha ma, Pita, micha Chemis, mikmvt Chan, anonti Antilu aiena kv̄t lumvt i ponaklot,

4. Nitak katiohmik mak o ilvppa puta kv̄t yohma hi o, micha ilvppa puta kv̄t ont aiahla chikma, nanta hosh ai isht atokowa hi oh cho? ish pim anolashke, achi tok.

5. Mihma Chisvs vt afalaminchi mvt, Ahah! hvsh aiahni na hatak nana kia ik hvchi yoshublecho kashke.

6. Sa hohchifo isht hohchifo kv̄t itvnowa cha, Klaist sia mak oke, achi kv̄t laua he, micha lauachit yoshublichia hi oke.

7. Yohmikma tvnvp asha, micha tvnvp asha he annoa puta aiena ka hvsh haklokmvt, ik hvchi komunto kashke: ilvppa puta kv̄t moyumvt ont a yvmohmi pulla hi oke; yohmi kia ont ai-vhli kv̄to ik ai ono kisha hoke.

8. Okla achvfa kv̄t okla makinli ka it amokvfa he, mikmvt apehlichika achvfa kv̄t apehlichika mak inli ka it amokvfa hi oka; yohmikma yakni ilaiyuka ka yakni vt a winakvcha he: mikma hohchvfo, micha okla ik it im ai achukmo aiena kv̄t takala hi oke: yakohmi kak osh nanukhaklo ai ishtia vmmona mak oke.

9. Yohmi kia ahah! hvsh il aiahnashke; okla hvch ishit nan apesa vhleha ibbak a hvchi fohka he: mikma sinakak anukaka ma a hvchi a bohwa he: micha atokowa hvsh im anola chi ka, vno pulla hatuk mak o na pehlichia vhleha, micha miko puta aiena itikba ya hvch ishit ohona hi oke.

10. Yohmikma vbanumpa hak osh tikba eklushi moma ka isht ai im anuhumpa pulla hi oke

11. Amba okla hvch ishit, ivt okla ibbak a hvchi fohkikma, nana hvsh anumpula hi vt tikbanli hvch ik anukfillokmvt, anonti tikbanli anukfillit ik hvchim vltaho kashke:

amba hvshi kanvlli yvmma fehna ka nana h_o hvchi nukfol-kikma, yvmmak o hvsh anumpulashke: hvchishno ak osh hvsh anumpula hi o keyu, amba Shilombish Holitopa yak a hi oke.

12. Mikma itibapishi hatuk vt itibapishi hash illi issakma, anonti iki atuk vt iso h_a illi issa he; mikma vlla vhleha hvt iki, ishki ita tuklo ka i nukkilli cha, illi issa hi oke.

13. Yohmikma vno pulla hatuk mak o hatak moma kv_t hvchi nukkilli hi oke: yohmi kia kvna hosh aiahlit mahayvt ai vhli ka ona hok mak osh, mihi yosh okchaya hi oke.

14. Yohmi kia hopaii Taniel vt isht anumpuli tok nan-okp_{vni} a i nukkilli vhpesa kv_t a hikia he keyu kv_t hikia na hvsh pisakmvt, (kvna hosh ilvppa it im anumpulikmvt akostininchashke,) yohmikma Chutea ya gsha tuk mvt nv-nih chaha pit a yihlepashke.

15. Mikma kanima hosh aboha paknaka ahanta tuk mvt aboha ya akowa cha in chuka ya nana kia ai ishit kohcha chi kv_t, ont ik chukowo kashke.

16. Yohmikma osapa anukaka yo anta tuk mvt, i nafohka ya isha chi kv_t, falamvt ik aiyo kashke.

17. Yohmikma nitak yvmma foka ka kvna hosh vlla shanli hatuk, mikmvt vlla pishechi atuk aiena hokvto ai i palvmma he mak oke.

18. Micha hvstula yo hvch ik yihlepo ka hi vt vba pit hvsh anumpohonlashke.

19. Nitak yvmma foka na-palvmmi kv_t nana toba vmmo-na Chihowa hvt nan ikbi tok ai vhlit mihinti ka yvmma chohmi kv_t iksho chatuk: mikmvt yvmma chohma he keyu ka hi oke.

20. Micha Chihowa yak osh nitak yvmma foka ka hokohlichi tuk o keyukma, hatak nana hosh okchaya he tuk keyushke: amba nan-vlhtoka ilap vt atokoli tok pulla hatuk mak o nitak yvmma hokohlichi tok oke.

21. Micha yvmma fokakma hatak nana hosh, Yakeh! Klaist vt ilvppak o antvshke, keyukmvt yakeh! yvmma antvshke, hvchim achi hoh kia, ik hvchi yimmo kashke.

22. Klaist ilahobi vhleha, micha hopaii ilahobi vhleha

aiena tobtv hiohli kvv nan isht atokowa puta, micha nafehna puta aiena ka otvnihinchit, yohma he yobakma, nan-vlhtoka vhleha nana kia yoshublichha hi oke.

23. Yohmi kia yakeh! nan okluba ka tikbanli hvchim anoli li tuk oke, ahah! hvsh aiahnashke.

24. Amba na-palvmmi yvmmak atuk a misha foka nitak okvno, hvshi vt okhlilikma, anonti hvshi ninak aya mvt ik tommo ka he.

25. Mikma vba fochik puta kvv aka fohopakma, vba shutik nana aiasha puta kvv winakvcha hi oke.

26. Yvmma fokakma, Hatak Ushi vt nan-isht-aighlika chinto, micha isht a holitopaka chinto aiena ka il ai eshi hosh hoshonti anukaka mihinti na okla pisa hi oke.

27. Yvmma fokakma yvmmak ash ot im enchil vhleha ha pit tihleli na ilap i nan-vlhtoka vhleha ha a mahli ushta yakni atahaka ya ai vhlit shutik ont ataha pit ai vhli ka a hoyot itahoba hi oke.

28. Inta! fik vpi nan isht vlhpisa ka hvsh ai ithvnashke; Yvmmak okvt hishi toba chi hosh bokoblit tahakma, toffa chi kvv olanlosi ka hvsh ithana hoke.

29. Yohmi hokvt hvchishno vt yvmmak o hvsh chiyuhmi; na-yakohmi puta kvv ont aighli na hvsh pisakmvt, ai vla hosi, okhissa ak kia ai itukonofa hoka hvsh ithanashke.

30. Ahli mak o hvchim achi lishke, Himak a okla maya ilvppvt ont ik taho kisha ho, nana ilvppa puta kvv a yvmohma chi hoke.

31. Uba shutik, micha yakni aiena kvto ont ai iksho ka he, amba vm anumpa puta hatuk vto ont ai iksho ka he keyushke.

32. Yohmi kia nitak yvmmak a he, micha hvshi kanvlli isht vlhpisa yvmmak a he aiena hokvno, hatak nana hosh pit ithana keyu, enchil vhleha vba aiasha, mikmvt Ushi aiena kak kia pit ik ithano, amba Iki ak bano hoke.

33. Ahah! aiahnit okchvt vba pit hvsh anumpohonlashke: mitak ont ai vlhpesa hi a hvsh ithana keyu hoka.

34. Hatak Ushi vt hatak osh anowa hopaki ia hosh, in chuka issvt ia mvt, in tishu vhleha hash o chuka apesvchi

atokoli mvt, mominchit a toksvli aiyuka im apesa cha, okhissa atoni ash o ahah! ahnit okcha chi ka, im apesa tok o chohmi hoka.

35. Yohmi hoka ahah! ahnit hvchi okchashke: chuka chvfa pehlichy vt opiakmá, keyukmvt ninak iklvna hokmá, akaka ohonla kak okmá, keyukmvt, onnahinli kak okmá nana ho vla hi g hvsh ithana keyu hokvt.

36. Yvmmak keyukma ashalika vla cha, nusi hosh hvsh maya na ant hvchi pesa hinla hoke.

37. Yohmi hoka nana ho hvchim achi li kvv moma kak o Ahah! ahnit hvchi okchashke, im achi li hoke, achi tok oke.

CHAPTA XIV.

Na-holitompa isht gsha micha na-holissochi vhleha aiena kvv Chisvs g illichy chi kvv anumpa it im achvfa, 1: 3 micha ohoyo hosh pashi ahama Chisvs noshkobo yo o fohopli. 10 Chutas Iskaliot vt Chisvs g ishit okla ibbak g fohka chi kvv inla nan isht it im apesa. 12 Chisvs ak osh miha ho, nan im ai ithvna vhleha hvv vbanvblit ont ia isht-vlhpesa hg atahli: mihma Chisvs vt ibai impa hosh nahaksichi g atokolit bihlibli; 22 mihmvt Chitokaka im ai-impvt gsha hi g apesa; 27 nan im ai ithvna vhleha hvv issvt tvmoa he, 33 mikmvt Pita yvt ilapa ik ithano miha he puta ka Chisvs vt tikbanli anoli. 32 Chisvs vt Ketsemane g ont chukowa cha, vba pit anum-puli; micha nan i palvmmmit ahanta. 43 Chutas vt vla cha Chisvs g ant yukachit ishi ma, nan ai ithvna vhleha hvv issvt tvmoa: 53 Chisvs g Kaiafas g okla isht im ona mvt, ik ahobalo fehna, mihmvt illi issa; 66 Pita yvt i shahli hg ik ithano miha tuk osh anonti falamvt nukhaklo.

1. YUMMAK atuk o i nitak tuklo ma, vbanvblit ont ia, micha pvska ik shatvmmo aiena kvv gsha tok: mihma naholitompa isht gsha pehlichy vhleha, micha naholissochi okla aiena kvv yvmmak ash o kaniohmit haksichit okla ishi cha, vbi bvvntv maya tok.

2. Yohmi kia, Impa holitopa maya nitak ano keyu kashke, yvmmak keyukma, okla hvv isht ik ai vlvhesot gsha hinla hoke, okla achi tok.

3. Mihma yvmmak ash osh Betani tmaha Saimon leplosi-vbi a tok in chuka yq impa hosh asha ma, ohoyo hv spiknat nan-ahama toba hq alabasta kotobushi vlhto, holi-topa fehna hq ishi hosh vla tok: mihmvt kotobushi ash q koli mvt, yvmmak ash q noshkobo ha q fohopli tok.

4. Yohmi ma kanimi mvt chukvsh anykaka isht ik im vlhpeso fehna kv ash tok; mihmvt, Na katihmi hq nan-ahama ilvppvt yakohmit okpulot kvnia cho?

5. Ilvppvt iskvli tahlepa tuchina atampa kia aivbi cha, ilbvsha vhleha ha i holhpela hinla tuk oka, achi tok. Mihmvt ohoyo hash q okla nan isht mihachi tok.

6. Mihma Chisvs vt, Ik asha, nanta katihmi hq hvsh achivchi hosh? nana achukma fehna mak q a si ai yvmihchi hoke.

7. Yohmi hoka ilbvsha yak okvto hvchim asha bilia chatuk: yohmi hokvt yvmmak okvno peh nitak kaniohmi hq hvchishno hvsh ahnikmvt, nana achukma ka hvsh i yvmihcha hinla hoke; amba vno vto hvchi takla anta li bilia keyushke.

8. Ilvppak ashot nana ka ai yvmihcha hinla kvto yvmihchi hoke: sa nipi vt hollopa chi ka, tikbanli ahvmma chi hosh vla ha tuk oke.

9. Ahli mak q hvchim achi lishke: Ubanumpa ilvppvt yakni moma ka kanima fehna hq ai anuhumpakma, nana ai yakohmichi tuk ilvppak ash kia yvmmak ash q isht ithaiyana hi q, anohowa hi oke, achi tok.

10. Mihma auah-tuklo kash achvvt Chutas Iskaliot vt yvmmak ash q ishit na-holitompa isht asha pehlichihvleha ibbak fohka chi hosh im ona tok.

11. Mihma yvmma okla haklo mvt, na-yukpa mvt, tvli holisso ima he apesa tok. Mihma kaniohmi kak osh ai vlhpesa na yvmmak ash q ishi cha, yvmma ibbak fohka hinla kv anukfihinli tok.

12. Atuk q puska ik shatvmmo nitak vmmona ka vbanvblit ontia ya okla ai vbi ma, nan im ai ithvna vhleha hash osh, Katima yak q il ia cha, il atahli na vbanvblit ont ia ya ish impa hinla kv ish ahni cho? im achi tok.

13. Mihma nan im ai ithvna vhleha hash o tuklochit pit tihleli cha, Tvmaha ha ont hvsh chukowashke : mikma hatak vt lukfi kotoba oka vlhto ho sholi kvv hvchi afama chi hoke : apihvt hvsh iashke.

14. Mihma kanima yo ont chukowakma, chuka yvmma vtta hatak ash o, Nan-ithvnanchi vt, Ubapotvlhpo ai impa aboha hvv katima yak o talala ho, nan vm ai ithvna vhleha ha pehlichit vbanvblit ont ia ya it ibai impa la chi cho ? achishke, hvsh im achashke.

15. Mikma vba-potvlhpo yosh chito, nana vlhtaha achukma ho hvchim anola chi hoke : yvmmak o hvsh a pim atahlashke, im achi tok.

16. Mihma nan im ai ithvna ash osh ivt, tvmaha ha ont chukovvt okla mvt, nana ai im anoli tuk ash ai vlhpiesa na pisvt okla tok : micha vbanvblit ont ia ya atahlit okla tok.

17. Atuk o ont opia ma yvmmak ash ot auahtuklo kash o pehlichich cha, ona tok.

18. Mihma binohmayvt impa ma, Chisvs ash ot, Ahli mak o hvchim achi lishke ; Svbai impvt hvsh maya kvv hvsh achvfona mvt, svshit inla ibbak hvv sa fohka chi hoke, achi tok.

19. Mihma okla nukhaklo fehna mvt, achvf-aiyukvt, Uno ak oh cho ? im achi ma, anonti inla mvt, Uno ak oh cho ? achit isht mahaya tok.

20. Mihma afalaminchi mvt, Auah tuklo kvv achvvt ampo achvfa ho a svbai impa kak oke.

21. Hatak Ushi yokvto isht a holihiso tok mak o aya ho mvhlishke : amba Hatak Ushi a ishit inla ibbak fohki yvmmak okvto i palvmma chi mak oke : hatak yvmmak okvt ik tobo tok okmak osh im achukma hatuk mak a chi hoke, im achi tok.

22. Mihma impa hosh maya ma, Chisvs vt pvaska ya ishi cha, vba isht aiokpvchi mvt, tushahlichich cha, yvmmak ash o ima mvt, Ishit oh vpá, ilvppvt sa haknip mak oke, achi tok.

23. Anonti isht-ishko ya ishi cha, vba pit aiokpvchit issa mvt, yvmmak ash o ima tok : mihma momvt okla ishko tok

24. Mihma, ilvppvt svssish nan-isht-vlhpisa himona hosh ləwa ka i fohopa mak oke.

25. Ahli mak o hvchim achi lishke, Pakupi a waya ka himmakma ak ishko mak atuk osh himonvchit Chihowa apelihchika yak o ai ishko la he nitak mak a hi oke, im achi tok.

26. Mihma vba-isht-taloa ya okla taloa mvt, kohchvt Alif nvnih ha pit ilhkoli tok.

27. Mihma Chisvs ash osh, Hvsh moma kvv himak ninak a vno pulla kak o hvsh ibetvbla chi hoke: Chukvvlhpoba apesvchi a issot boli likma, chukvvlhpoba vt it a fimimpa hi oke, achit holisso hatuk oka.

28. Yohmi kia tani li ha mvto, hvchi tikba ivt Kalili a ona la chi hoke, im achi tok.

29. Yohmi kia Pita ash osh, Moma kak osh ibetvbli ik nana kia, si yvmohma he keyu, im achi tok.

30. Mihma Chisvs vt, Ahli mak o hvchim achi lishke, Himak nitak peh himak ninak akinli, akaka yvt hitukla ha ola takla ka hituchina ha chik svthano ish miha chi hoke; im achi tok.

31. Yohmi kia Pita ash ot i shahlichit kvllochit anum-pulit, Chi awant svlli hokmvt, kaniohmi kak osh ak chitha-no ka miha la he keyushke, achi ma, momvt yvmak inli ho miha tok.

32. Mihma osapushi Ketsemene hohohifo talaia ho okla ai ona tok: mihma nan im ai ithvna vhleha hash o, Uba pit anumpuli la chi takla ka ilvppak inli ho ho chiyá, im achi tok.

33. Mihmvt Pita, micha Chemis, mikmvt Chan aiena ka pehlinchit ia mvt, okokko! ahni fehna mvt, anonti nukhaklot isht alotowa tok.

34. Mihmvt yvmak ash o, Sa shilombish vt nukhaklo atampvt illi hoke: ilvppakinli ho okchvt hvsh chiyashke, im achi tok.

35. Mihmvt itikba ivt olanlosi ona mvt, aka ont hlipia mvt, yohma hinla hokma, hvshi kanvlli ai vlhpisa atuk vt i kanvlla hinla ka, asilhha tok.

36. Mihmvt, **A**ki Abba ma! nan okluha kv̄t a chim ajahli bano hoke; isht-ishko ilvppa is sa kanvlichashke: ik yohmi kia vno ak osh nan ahni li kak keyu, amba chishno ak osh nana hō ish ahni mak ashke, achi tok.

37. Micha vla mvt, nusi hosh maya na ant pisa cha, Pita ash o, Saimon chia hv̄t chi nusi hō? hv̄shi kanvlli v̄lhpisa achvfa takla ka chi okcha he keyu cho?

38. Okchvt vba pit hv̄sh anumpvashke, yvmmak keyukmvt anukpvli hō ish iba chukowa hinlvshke. Shilombish okvto im v̄lhtaha ho mv̄hli kia, amba haknip ak osh tikambi hoke, im achi tok.

39. Mihmvt anonti kanima ia cha, vba pit anumpuli mvt, anumpa mihi ash inli hō miha tok.

40. Micha falamvt vla ma, nishkin ak osh weki hatuk osh, anonti nusi hosh maya na ant pisa tok: mihma nana hō okla im acha hi vt ik ithano ki tok.

41. Atuk o ont isht atuchina vla mvt, Himmak mak o, mayvt nusit hv̄sh fohashke: ont ai v̄hli hoke, hv̄shi kanvlli v̄lhpisa hv̄t ai onvshke: yakeh! Hatak Ushi a ishit nanashvchi v̄hleha ibbak a fohka ch̄i mak oke.

42. Ho tani; kiloh ilhkoli, sv̄shit okla ibbak sa fohka ch̄i hokvt olanlosi v̄lvshke, im achi tok.

43. Yohmi ma mih makinli hō anumpuli moma na auah tuklo atuk achvfa Chutas vt okla chinto na-holitompa isht asha pehlichī v̄hleha, micha na-holissochi v̄hleha aiena aiasha ka a minti hosh bv̄shpo falaia, micha iti tv̄ptua aiena sholi hō it apehvt vla tok.

44. Yohmi kv̄t ishit okla ibbak fohka ch̄i yvmmak osh ot nana apesvt, Kvna hō i suksowa likma, yvmmak osh mih mak ach̄i hoke; yvmmak o hv̄sh ishi cha, achukmalit ishit hv̄sh iashke, im achi tuk a tok.

45. Atuk osh vla makinli hosh, yvmmak ash o apissanlit ivt im ona mvt, **A** shahli ma! **A** shahli ma! achi mvt, i suksowa tok.

46. Mihma yvmmak ash o ibbak onochit okla ishi tok.

47. Mihma bilikasi hiohmaya tuk vt achvfv̄t bv̄shpo falaia

yo ishit shufi mvt, na-holitompa isht a₂sha pehlichi in tishu ha ishit fahamvt haksobish a chanlit tvbli tok.

48. Mihma Chisvs vt anumpuli mvt, Hatak hukopa yo ayvt i kohcha ho chiyuhmit bvshpo falaia, micha iti tvptua aiena sholi hosh hvs svsha chi kv₂t hvsh itvnowa cho ?

49. Nitak moma ka tempel anukaka ya hvchi takla antvt, nan ithvnanchi li ka, hvch ik sasho chatuk: yohmi kia Holisso Holitopa yvt ont aiahli pulla chi kak o hvsh yakohmishke, im achi tok.

50. Mihma momvt yvmmak ash o issvt yihlepa tok.

51. Mihma hatak himita achvfa nipi bano hosh linen anchi kv₂t, yvmmak ash iakaiyvt aya tuk o, hatak himita vhleha hv₂t it i hokli tok.

52. Mihma linen anchi ash o kanchi cha, nipi bano hosh mokofit mvllelit i konia tok.

53. Mihma Chisvs ash o na-holitompa isht a₂sha i shahli yo okla isht im ia tok; mihma yvmma na-holitompa isht a₂sha pehlichi vhleha, micha hochitoka vhleha, mikmvt naholissochi okla aiena kv₂t momvt im ai itvnavvt maya tok.

54. Yohmi ma Pita yvt auet mishemanchi hosh pit iakaiyvt maya mvt, na-holitompa isht a₂sha i shahli im aboha holitopa yak kia ona tok: mihmvt tishu vhleha ha takla ashvt luak libesha tok.

55. Mihma na-holitompa isht a₂sha pehlichi vhleha, micha nan-apesa moma aiena kv₂t Chisvs a nan isht im ai atokowa na vba chi kv₂t, okla akostinichi bvna tuk osh, ik akostinincho ki tok.

56. Yohmi ka yvmma nan isht atokoli ilahobi hokvto laua kia, nan isht atokoli kak osh ai it im achvfa keyu ki tok.

57. Mihma kanohmi hosh wakaya mvt, nan isht im atokoli ilahobit,

58. Ilvppvt ibbak o, isht toba tok tempel ilvppa okp₂ni lish, nitak tuchinakma, inla yosh ibbak o isht toba keyu ho ikbi la chi hoke, achi ka e haklo tuk oke, achi tok.

59. Yohmi kia yvmmvt okla nan isht atokoli kv₂t ont ik itibai achvfo akinli tok.

60. Mihma na-holitompa isht gsha i shahli ash osh iklvn-na wakayvt hikia mvt, Chisvs ash o i ponaklot, Afalaminchit nana kia chik acho cho? yakohmi kvv nan isht chi atokoli ka katihmi hatuk oh cho? achi tok.

61. Yohmi kia nana ik acho hosh lumvt gsha tok. Mihma anonti na-holitompa isht gsha i shahli ash ot i ponaklot, Chishno ak osh Na-holitopa ya Ushi Klaist chia mak oh cho? im achi tok.

62. Mihma Chisvs vt, Mih sia mak oke: yohmi ka Hatak Ushi vt nan-okluha imaiya ibbak ishtimpakimma ya binili, mikmvt vba hoshonti anukaka minti aiena ho hvsh pisa he mak oke, achi tok.

63. Mihma na-holitompa isht-gsha i shahli yash ot i nafohka ya it a hlilvffi mvt, Na katihmi ho himmakma nan isht atokowa ka iloh ahna hinla cho?

64. Chihowa isht ik ahobalo anumpa ha hvsh hakloshke: nanta hvchim anukfila cho? achi tok. Mihma illa he vlvh-pesa kak o, momvt okla anumpa onochi tok.

65. Mihma kanimi kvv on tuftua mvt, anonti nashuka ya ompohomo cha, ibbak bonunta isht isso cha, Akostininchit anoli, achi tok: mihma tishu vhleha hvv ibbak pvtha ya okla isht pvsaha tok.

66. Mihma Pita yvto nutaka aboha holitopa anukaka ya gsha na ohoyo himita na-holitompa isht gsha i shahli in toksvli vhleha hvv achvvt vla tok.

67. Mihma Pita yvt libisha hosh gsha na ont pisa cha atokolit pisa tok: mihmvt Chishno vt Chisvs Nasalet vttta ya awant ish aya tuk akinlishke, achi tok.

68. Yohmi kia Pita yvt ik ithano ilahobit, yvmma ithana li keyu; mikmvt nana ish miha kak kia ak chim akostininchoshke, acki tok. Micha kohchvt apishia ya ona ma, aka-ka yvt ola tok.

69. Atuk o anonti ohoyo himita yosh yvmmak ash o pisa mvt, bilikasi hiohmaya kash o, Ilvppak osh yvmma pit ai achvfa mak oke, im achi tok.

70. Mihma anonti yvmma ik ithano, miha tok. Yvmmak atuk a in chekosi ma bilika hiohmaya tuk ash ot anonti Pita

yash o, Chishno ak kia okla yvmma ish ibai achvfa yatuk o pullvshke: Kalili hatak chia hatuk osh, chim anumpa hvt pit ai achvfa hoke, im achi tok.

71. Yohmi kia Pita yash ot, Hatak ilvppa isht anumpu- lit hvsh maya ka ithana li keyushke, achit ik ahobalot anum- pulit anumpa kvllo isht ile ononchit ishtia tok.

72. Mihma atukla ma akaka vt ola tok. Mihma Pita ash osh, Akaka yvt hitukla ha ik olo kisha ho hituchina ha chik svthano ish miha chi hoke, im achi tok Chisvs im anumpa hash pit ithaiyana tok. Mihma yvmma anukfieli mvt, ya- haya tok.

CHAPTA XV.

Chisvs a okla takchi cha, Pailat ibbak fohki, 1 ; 15 na-holitompa isht asha vhleha hvt Pailat a anukfohkechi na Balabas ak o i hotofi cha Chisvs okvno ititaiyukhvna ahonvhlvt illa chi ho im issa : 17 mihma tvshka chipota vhleha hvt yvmmak ash o kvti tvnna yo iachukolichi cha, isso : 20 mihmvt ititaiyukhvna ahonvlla chi mak o ilauct ia. 21 Chisvs a Kolkohla ya okla isht ona mvt, hatak hvkopa tuklo itin takla yo a tak alichit ititaiyukhvna ahonvhlchi ; 29 mihma na-holitompa isht asha vhleha, micha okla puta kvv ishit yopula : 33 hvshi vt okhlilit kvnia ma, Chisvs vt Chihowa ha pit in tahpahanlvv illi. 38 Nantvonna holitompa tempel anykaka ta- kali tuk vt it a hlilafa ; Sintulion vt, Chisvs vt Chihowa ushi pulla tuk achi ; Chisvs vt ititaiyukhvna a takali ka, ohoyo kanimi kvv pisa. 42 Chosvf vt Chisvs haknvp ititaiyukhvna takali tuk a ishit akvchi cha, sepvka himona ilap i hikia tuk vt fohki.

1. **ATUK** o onnahinli makinli ho na-holitompa isht asha pehlichy hash osh hochitoka vhleha, micha na-holissochi ok- la, mikmvt nan-apesa vhleha moma aiena ho nana ai it im apesvt maya cha, Chisvs a takchi mvt, isht ivt, Pailat ibbak a ont fohki tok.

2. Mihma Pailat ash ot i ponaklot, Chishno ak osh Chu okla ha i miko chia mak oh cho ? achi tok. Mihma Chisvs vt, Vlhpesa ho ish mihvshke, im achi tok.

3. Mihma na-holitompa isht asha pehlichy vhleha hvt

yvmmak ash o nana ilaiyuka laua ho isht onochi tok:
yohmi kia nanasi kia ilapvt afalaminchit ik miho ki tok.

4. Mihma Pailat ash osh anonti i ponaklot, Nana chik
acho ha cha? yakeh! nana ka isht a chi atokoli ka laua
fehnvshke, achi tok.

5. Yohmi kia Chisvs ash ot nana ik acho moma tok.
Yohmi hatuk o Pailat ash osh, okokko! aiahni tok.

6. Mihma vbanvblit ont ia impa gsha ka ilap mak osh,
kanima yo okla ahnikma, yukvt talakchi atuk g achvfalit im
i hotofi chatuk a tok.

7. Mihma achvfa hosh, Balabas hohchifo kvv nan-vlhpisa
ya itibai i sanalit ahashwa cha, nan-vlhpisa i sanali kvv ha-
tak vbi tuk vt ai it apehvt talakchi hosh itonla tok.

8. Atuk o okla laua yash ot chitolit tahpvlvt, nana ka ai
i yvmihchi bilia yatuk vt yvmihcha chi ka okla im ahni tok.

9. Yohmi kia Pailat ash osh afalaminchi mvt, Chu okla i
Miko ak o hvchim i hotofi la chi ka hvsh ahni cho? im achi
tok.

10. Yvmmak okvno na-holitompa isht gsha pehlichí vhle-
na hvt i nukkilli kak osh ishit ibbak fohki tuk g ithana ha-
tuk okvt.

11. Yohmi kia na-holitompa isht gsha pehlichí vhleha
hash ot Balabas ak o im i hotofi pulla chi ka okla ha isht a
nukfohkichi tok.

12. Mihma anonti Pailat ash ot afalaminchi mvt, Yohmi
ka Chu okla i Miko hvsh achi yvmmak amo nanta ho kati-
michi la he ak o hvsh ahni cho? achi tok.

13. Mihma atuklanchit chitoli hosh, Ititaiyukhvna ak o
ahonvhlvchi, achi tok.

14. Yohmi ma Pailat ash ot, Nanta katiohmi ho nan ik
achukmo nanta mak o yvmohmi tuk oh cho? im achi tok.
Mihma yvmmak o okla isht i shahlichí fehnvt tahpvlvt, Iti-
taiyukhvna ak o ahonvhlíchí, achi tok.

15. Yohmi ma Pailat ash ot okla ha yukpali bvna kvv,
Balabas ak o im i hotofi tok: micha Chisvs ash o fvmmi
mvt, ititaiyukhvna ahonvhlvt illa chi mak o, yvmmak ash o
ishit okla hash ibbak fohki tok:

16. Mihma tvshka chipota vhleha hash ot yummak ash o halvllit isht ivt nan ai apesa Pletolium hohchifo hō isht ona tok : mihmvt gya achvfa tuk ash o momint hoyot itvnali tok.

17. Mihmvt na-fohka hummakbi hō ishit fokvchi mvt, kvti tōnvt iachuka ikbi cha, iachukolichi tok.

18. Mihmvt aiokpvchit, Chu okla i Miko ma ! na chi yuk-pashke, achi tok.

19. Mihmvt noshkobo hā kushak ishit isso mvt, on tuf-tvvt, anonti hvchikbihleptv hikia cha, aiokpvchi aiena tok.

20. Mihmvt yummak ash o okla ishit yopula hayosh na-fohka hummakbi ash o i shufi cha, ilap i na-fohka yash inli hō okla fohkvchi mvt, ititaiyukhvna ahonvhlicha chī mak o kocha isht ia tok.

21. Mihma Saimon Silinian hatak Aleksanta, micha Lufvs aiena iki vt yakni kocha vttvt minti hosh gya ma, im ititaiyukhvna yā shola chī ka okla atohnochi tok.

22. Mihma yummak ash o yakni Kolkohla, yummvt to-showakma, Noshkobo foni aiasha achi hō okla isht ona tok.

23. Mihmvt ishka chī ka oka-paki osh mvh it-ibvlhto hō okla ipeta tok ; yohmi kia ik ishko ki tok.

24. Mihmvt yummak ash o okla ititaiyukhvna ahonvhlichi mvt, hatak achvfa kvv kaniohmi aiyuka isha chī kvv nan isht a shoelit mayvt, i na-fohka yash okla it i hopela tok.

25. Yohmi kvv hvshi kanvlli vlhpisa ont atuchina hō ititaiyukhvna yā okla ahonvhlichi tok

26. Mihma anumpa isht ai onvtula hatuk holisso kvv pak-naka yā CHU OKLA I MIKO YOKE, achi hosh a holisso tok.

27. Micha hukopa tuklo hō achvfvv ibbak ishtimpak-imma takali ma, anonti achvfvv im vlvfvvbekimma takali hō it aieninchit ititaiyukhvna ahonvhlichi tok.

28. Mihma holisso holitopa yvt achi kvv, Micha nan-vlhpisa kobvffi vhleha hō iba holhtiena tok achi hatuk vt ont aighli tok oke.

29. Mihma itōnowvt gya mvt, yummak ash o ik ahobalot pit i yuchunuklit, Tempel ā okpvni cha anonti nitak tuchinakma ikbi chia hash osh,

30. Chishno ak inli kak osh ile okchalinchit ititaiyukhona ya auet akowá, im achi beka tok.

31. Mihma na-holitompa isht a_usha pehlichí v_hleha, micha na-holissochi v_hleha aiena hash kia ishit yopula akinlit, Inla yokvno okchalinchi hatuk o kak osh, ilap inli hokvto ile okchalincha he keyushke.

32. E pisa cha pi yimma ch_i ka, himonasi ak o Israe_l i m_ik_o Klaist vt ititaiyukhona ya v_tt_vt auet ik akowá, it im achit m_aya tok. Mihma apehvt ititaiyukhona ahonv_hla kash kia yvmmak ash o na-mihachi tok.

33. Atuk o hvshi kanvlli v_hlpisa isht hannali kv_t ai ona ma, okhlili hv_t yakni mominchit takali na hvshi kanvlli v_hlpisa ont isht chakkali ka ona tok.

34. Mihma hvshi kanvlli v_hlpisa ont isht chakkalik fehna, Chisvs ash ot chitoli hosh tahp_olv_t, Elo_i, Elo_i, lama sabakhlani, yvmmvt toshowa kv_t, An Chihowa ma! an Chihowa ma! nanta katiohmi h_o is sa kanchi cho? achi hoke.

35. Mihma bilika hiokm_aya tuk vt kanimi kv_t haklo mv_t, Yakeh! Elias ak o i howvshke, achi tok.

36. Mihma achvvt malelit ivt na-shatv_mmi o wineka ont alotoli cha, kushak o takalichit ishka ch_i ka pit ima mv_t, Ik ashá, Elias vt v_la cha ant ishit akvchikmá nana ch_i hokmá, keho pisá, achi tok.

37. Mihma Chisvs ash osh chitoli hosh anumpuli mv_t, fiopa issa tok.

38. Mihma nantv_nna tempel anukaka takali kash ot paknaka ai it a hlilavt ia mv_t, aka ont taha cha tuklo tok.

39. Mihma Sintulion vt im a chapaka hikia tuk vt, yvmmvt chitolit makachi cha, fiopa issa na pisa mv_t, Hatak ilvppvt Chihowa Ushi yatuk o pulla mvhlishke, achi tok.

40. Mihma ohoyo aiena hosh mishema h_o p_isvt hiohmaya ma, Meli Maktalene, micha Chemis iskitini, mikmv_t Choses aiena ishki Meli, mikmv_t Salome aiena kak osh takla hinli tok.

41. Yohmi kv_t Kalili a anta ma, ohoyo ilvppak osh apehvt av_t, nan isht im ashwa tok: mihma apehvt av_t Chelusalem a ai v_la tuk vt ohoyo inla yvt laua hosh pit ai oklvha tok.

42. Atuk o ont opivt taha ma, nana il ai atahli nitak, yvmmvt nitak hullo vt onnvt gsha ho,

43. Chosef Alimahlea vta, nan-apesa holitempa hosh, yvmmak kia Chihowa apelihika hohoyo hosh anta hatuk osh, nukwya ikshot Pailat ash o ont iba chukowa cha, Chisvs haknip g im asilhha tok.

44. Mihma Pailat ash ot mihi ash takla illi hotuma, ahni kvv nukhlakancha tok, micha Sintulion g hoyo mvt, illi tuk g ahchibakma, nana tuk g, i ponaklo tok.

45. Michas sintulion g isht ai akostininchi mvt, haknip ash Chosef g im issa tok.

46. Mihma yvmmak ash ot linen lapushki yo chumpa mvt, yvmmak ash ishit akvchi cha, linen g a bonulli cha, sepulka tvli yosh kulvt toba ho ont bohli cha, tvli yo tonolichit sepulka okhissa yash pit o bohli tok.

47. Mihma Meli Maktalene, micha Meli Choses ishki ita tuklo kvv yvmmak ash a bohli ka pivvt okla tok.

CHAPTA XVI.

Enchil osh Chisvs vt falamvt tani tuk g ohoyo im anoli, 1. 9 Chisvs vt falamvt tani ha yvt Meli Maktalene g im otvni tuk osh, 12 nan im ai ithvna vhleha ha tuklot i haiaka: 14 atuk osh i himmakma auah-chvfa kash onit im otvni: yohmi mvt na yimma he keyu tuk g nan isht i miha; 15 micha vbanumpa ya kanima moyuma isht ai anumponla chi ka im apesa; 19 mihmvt vba ya ia ma, vba isht anumpa hvv anuhumpa.

1. ATUK osh nitak hullot issa ma, Meli Maktalene, micha Chemis ishki, mikmvt Salome aiena kvv ivt yvmmak ash o ont ahvma chi kvv, na-balama okla chumpa tok.

2. Atuk osh wek chukovvt ia nitak vmona onnahinli fehna hvshi kohcha ho sepulka yash okla ona tok.

3, 4. Mihmvt, Kvta hosh tvli vt chito fehna kash o sepulka okhissa g pim a kanvllichas chi ho? ilap bika it im achi tok: mihmvt okla pit hopokoyo kash osh, a kanvlli tuk g, okla pit pisa tok.

5. Michas sepulka ya okla pit chukowa mvt, hatak himita

yvt na-fohka tohbi falaiia fohka hosh, ishtimpak imma tvn-
nvp a binili ho, okla pisa cha, nukhlakancha tok.

6. Mihma yvmmak ash ot, Ik hvchi nukshopo kashke,
Chisvs Nasalet vttta yvt ititaiyukhvna ahonvha tuk ash o
hvsh hoyoshke: tani tuk oke: ilvppa ikshoshke: okla a
bohli tuk a, pit ho peá.

7. Yohmi kia hvsh ia cha, nan im ai ithvna vhleha, Pita
aiena ka, yvmmak okvt hvchi tikba Kalili a ia he tuk a, ont
hvsh im anolashke: yvmmak o hvchi miha tuk mak oka,
yvmmak o hvsh a pisa chi hoke, im achi tok.

8. Mihma tushpvt pit okla kohcha mvt, sepvka yash
ashvvt pit yihlepa tok: nukhlakancha, wvnihinchi, micha
nukshopa aiena hatuk osh, kvna kia nanasi kia okla pit ik
im acho ki tok.

9. Micha Chisvs vt wek chukowvt ia nitak vmmona on-
nahinli fehna ho tani tuk vt, Meli Maktalene, yvmmak o
nan-isht-ahullo okpulo untuklo ka a kohchi tuk ash nan
tikba i haiaka tok.

10. Mihma yvmmak ash osh ivt apehvt itvnova yatuk vt
nukhaklot yaiya hosh maya ma, ont im anoli tok.

11. Mihma yvmmak ash osh okchaya na yvmvvt pisa
tuk a okla haklo mvt, ik yimmo ki tok.

12. I himmakma yvmmak ash osh, tuklo hosh itvnovvt
ayvt, yakni kocha itonachi ma, anonti ai inlv i haiaka tok.

13. Mihma itiachi cha, kashapa kash o ont im anoli tok.
mihma yvmmak ash kia okla ik i yimmo ki tok.

14. Atuk o i himmakma auah-chvfa hash osh impa hosh
maya ho ont i haiaka cha, tani ha ya inla yvt pisa tuk a
okla ik i yimmo hatuk oka, na yimma he keyu, micha chu-
kvsh kvllo aiena ka nan isht ai i miha tok.

15. Mihmvt, Yakni moma ka ivt, vbanumpa ha hatak hi-
kia puta isht hvsh im anumpohonlashke.

16. Kvna hosh yimmi cha baptismokmvt, okchaya hi oke ;
amba kvna hosh ik yimmo hokvto, issikkopvt bilia im vlhpisa
hi oke, im achi tok.

17. Micha na-yimmi vhleha hokvno nan-isht atokowa ya-
kohmi kak osh a takanlit aya hi oke. Uno sa hohchifo ha

nan-isht ahullo okpulo puta isht kocha welikmvt, anumpa ilaiyuka anumpula hi oke.

18. Micha sinti chilita puta ka peh okla aiowa he, mikmvt ishkot illi nana kia ishko hoh kia, nan ik kanihcho ka he: abeka ya ibbak isht umbitepakma, hlakofa he bano hoke, im achi tok.

19. Yohmi mvt Chitokaka yvt ant im anumpuli mvt, vba ivt vba yakni a ont chukowa cha, Chihowa im ibbak ishtimpak-imma ya a binili tok oke.

20. Mihma Chitokaka yvt apelahanchit anumpa ha nan isht atokowa kvv a takanlit aya hatuk ash isht aiahlich ma, kanima moma ka vba isht ai anumpohonlit itvnowa tok oke. **Amen.**

UBANUMPA LUK

UT HOLISSOCHI TOK.

CHAPTA I.

Luk vt Hliopilvs g pit im anumpuli, 1. 5 Enchil vt Sakalias g ont im otvni: 13 mihmvt ushi gsha hi g i miha; 24 Elisabet vt vlla shali cha, ile luhmi. 26. Enchil vt ohoyo himita Meli g ont i haiaka; yohmi mvt Shilombish Holitopa yosh nan anukfilli hq, Klaist ishki g toba pulla hi g i miha. 39 Meli vt Elisabet g ont i nowa mikmvt ita tuklo kvv Chihowa yg aiokpahanchi. 57 Chan vt vtta cha, hakshup tupa mvt hohchifo: 64 mihma Sakalias vt falamvt anumpuli mvt, 67 na tikbanli anolit Chihowa hg aiokpahanchi.

1, 2. NANA ka isht a pi yimmi ghli fehna vmmonvt isht auehinchi ka nishkin isht pivt, nana ka isht ahqshwa tuk vt yvma pim anohonli tok mak osh lqwa kvv yvmmak atuk g isht anumpa holisso hg ikbi tuk o,

3, 4. Uno ak kia nan vmmona isht-auehinchi ka nana kvv akaniohmi tok puta ka mominchit asilhhit achukmalit akostinichi li tuk vt, chishno vt nana ka isht chim annoa tuk g aighli ka ish ithaiyana chi ka, nan-annoa ma it iakaiyachi hosh pit chi holissochi la hi vt vm anukfila tuk oke; Hliopilvs holitopa fehna ma!

5. Chutea i miko Helot vt ahanta nitak g, na-holitompa isht vtta achvfa Sakalias hohchifo kvv, Abia apehlichika ai ibafohka yosh anta tok: mihma tekchi vt Aalon ushetik vhleha isht-atiaka yosh, hohchifo kvv Elisabet a tok.

6. Mihi yosh yvmmvt tuklot Chihowa yvt pisa hq aighli bievvt, anumpa vhpisa puta, mikmvt nan-vhpisa ilaiyuka Chihowa yvt apihisa tok g moma ka i shanaiya iksho hosh ahqshwa tok.

7. Yvmohmi hosh Elisabet ak osh ushiksho yatuk o, vlla yvt ik im iksho ket okla hosh, tuklot sipoknit taiyaha tok.

8, 9. Atuk o yakohmi tok : ilap ai itvpeha yvt ont im ai vlhpiesa ma, yvmmvt na holitempa isht aasha Chihowa itikba ya isht ai ahanta chi ka, na holitempa isht aasha nan im vlhpisa chatuk mak o, Chihowa in tempel a ont chukowa cha, na-balama luacha hi vt nashoeli ho isht im vlhpisa tok.

10. Yvmohmi ma okla laua yvt na balama lua takla ka vba pit anumpuli hosh kocha ya aiasha tok.

11. Yvmohmi ma Chihowa im enchil vt na-balama a lua alta ishtimpak imma tvnvp o hikivt i haiaka tok.

12. Mihma Sakalias vt pisa mvt, nukhlakanchvt nan-nukshopa mvt anukfoyuka tok.

13. Mihma enchil ash ot, Sakalias vt chi nukshopa na ; vba pit ish asilhha tok vt chim vlhpesa mak oke : yohmi ka chi tekchi Elisabet vt vlla nakni o chi shala he ; mikma yvmma Chan ish hochifa he ;

14. Yohmikmvt na chi yukvt chim achukma fehna he ; yohmikma yvmmvt vta ka na yukpa kv laua hi oke.

15. Yvmmak okvt Chihowa ya i holitopa fehna he : mikmvt oka-paki, micha oka homi nana kia ik ishko ka hi oke : micha ishki ikfoka a kohcha mak inli hosh Shilombish Holitopa isht anukfohkv alotowa hi oke.

16. Yvmohmikmvt yvmmak okvt Israel isht-aiunchululi vhleha ha lauachit in Chitokaka Chihowa ya im antia hi a anukfohkicha he mak oke.

17. Mikmvt iki vhleha chukvsh a falaminchit vlla puta ka ai it ibafohkit it in nanaiyachikmvt, anonti nan ik yimmo puta ma hopoyuksa vhleha ha im anukfila ha pit ai ibafohkit, okla ha anukfohki na Chihowa hoka im vlhtaha chi ka, Elias im anukfila chinto il ai eshi hosh Chitokaka itikba ya ia hi oke, im achi tok.

18. Mihma Sakalias vt, Nanta hosh katiohmi na ilvppa isht akostininchi la chi cho ? vno vt hatak sa sipokni, yohmikma sa tekchi mvt sipoknit taiyaha kvno, enchil a im achi tok.

19. Mihma enchil ash ot afalaminchi kv, Uno vt Chiho-

wa itikba hikia Kebliel sia mak oke: mih hosh ant chit im anumpulit, nan annoa achukma ilvppa chim anoli la hi vt si vlhtoka tuk oke.

20. Yvmohmi tuk o vm anumpa hq ont im ai vlhpiesak-mvt aighla hi oka ik chi yimmo; yohmi hokvt ik anumpulo ish toba cha, ish anumpula he ik chim vlhpeso mak o, nana kash ot ont aighli nitak q onak mak a hi oke, im achi tok.

21. Mihma okla hash ot Sakalias q pit hoyot aiasha mvt, tempel anukaka ya anta na hopaki hatuk o, katiohmi cho? okla ahni tok.

22. Atuk o yvmmak ash ot kohcha mvt, okla hash im anumpula he keyu ki tok: peh abahanchi mvt, anumpula he keyu hosh hikia hatuk o, tempel anukaka ya nana ho a pisa tuk q, okla akostininchi tok.

23. Atuk o yakohmi tok; ilap na-holitompa isht ai ahanta he nitak atuk vt ont taha makinli ma, in chuka ia tok.

24, 25. Atuk o nitak yvmmak atuk q i himmak ha yo, tekchi Elisabet vt vlla i fohka cha, Hatak puta itintakla sa hofahya kvv a takali tuk q isht kancha chi hosh, auet sa pihisa nitak vt Chitokaka yvt ilvppak o q yakohmichi tuk oke; achi mvt ile luyuhmi na hvshi tahlapi tok.

26, 27. Atuk o hvshi ont isht hannalik fehna ohoyo himita yvt hatak Chosef hohchifo hosh, Lewi in chuka-chvfa isht atiaka yo, im vlhpoa hosh ohoyo himita hohchifo mvt Meli osh, Kalili yakni tvnaha Nasalet hohchifo ho anta ho, Chihowa yvt Kebliel q pit i chvffichi tok.

28. Yvmohmi na enchil ash ot im aboha hq ant chukowa mvt, Holitopa fehna chia hvv na chi yvkpashke; Chihowa hvv chi halvli hoke, holitopa kvv ohoyo puta moma ka ish imaiyvshke, achi tok.

29. Mihma yvmmak ash ot pisa mvt, yvmvvt nana ahanchi ka nukhlakancha mvt, nan isht aiokpvchi katiohmi hosh yakohma hinla cho? ahnit im anukfila tok.

30. Mihma enchil ash ot, Meli vt ik chi nukshopo kashke; Chihowa ish i holitopa hi vt chim vlhpesa tuk oke.

31. Yohmi kvv yakeh! vlla yvt chi fohka cha, vlla nakni o ish ishikmvt, hohchifo hq Chisvs ish hochifa he mak oke.

32. Yvmmak osh Chitokaka tobvt ahantvt, Nana moma i shahli Ushi hohchifa he; yohmikma Chitokaka Chihowa yvt iki Lewi im ai om binili holitopa ya ima hi oke.

33. Yohmikma yvmmak osh Chekob in chuka chvfa isht atiaka pehlichu na bilia he: yohmikma yvmma apelihchika ya ont ataha he mvt iiksho ka he mak oke, im achi tok.

34. Mihma Meli ash ot, Hatak kia ithana li keyu hatuk ano, katiohmit ilvppvt yakohma chi cho? enchil ash o im achi tok.

35. Mihma enchil ash osh anonti afalaminchit, Shilombish Holitopa yak osh chim aya he; yohmikma Nana moma i shahli nan isht im aiahlika yvt chi o hoshontikacha hi oke; yohmi hoka na-holitopa kvv chim vttta hi vt yvmmak kia Chihowa Ushi hohchifa hi oke.

36. Micha yakeh! chi kanomi Elisabet vt ushiksho hohchifo chatuk kia, sipoknit taiyaha hosh vlla nakni i fohkatuk g himak vt hvshi ont isht i hannali hoke.

37. Chihowa ak okvto nana kvv ik im aiahlo ka hi vt iksho hoka, im achi tok.

38. Mihma Meli ash osh, Chitokaka immi ohoyo sia ka sa pesashke: chim anuhumpa tuk mak o nana kvv vm ai vlvpiesashke, im achi tok. Mihma enchil ash ot issvt ia tok.

39. Mihma nitak yvmma foka ma Meli ash ot wakaya cha, tushpvt ivt, Chuta yakni nvnih foka tmaha chito mvt talaia ho ona tok.

40. Yohmi mvt Sakalias in chuka ya ont chukowa cha, Elisabet g aiokpvchi tok.

41. Mihma yakohmi tok; Meli vt aiokpvchi na Elisabet vt haklo ma, vlla yvt ikfoka anuka ilhkoli tok; yohmi ma Elisabet vt Shilombish Holitopa isht anukfohkvv alotowa tok.

42. Mihmvt chitoli hosh anumpulit, Holitopa kvv ohoyo puta moma ka ish imayvshke: mihma chikfoka anuka a toba mvt holitopvshke.

43. An Chitokaka ishki vt ayvt vm vla ilvppvt katiohmi ho g yakohmi cho?

44. Yakeh! is si aiokpvchi ka anumpa hvv olvt sa hak-

sobish a ant fohka mak inli ho, vlla yvt na yukpa kvf sak-foka anuka ya ilhkoli kano.

45. Chitokaka yvt yvmma nana ho im anoli tuk a ont aighlit taiyaha hi oka, na yimmi tuk yvmmvto na yukpvshke achi tok.

46. Mihma Meli ash ot, Sa shilombish vt Chitokaka ya holitobli,

47. Yohmi ma sa chukvsh vt Chihowa si okchalinchi a ai isht ilaiyukpvshke.

48. Yvmmak okvt in tishu ohoyo ilbvsha ya i nukhaklot pisa tuk oke: yohmi hoka himak pillvt ia ka hatak isht ai unchululi puta kvf na-yukpa sia hochifa hi oke.

49. Yvmmak osh nana moma imaiya mak osh nafehna shinto ka a yvmihchi tuk oke: yohmi kvf hohchifo hvt ho-itopa yoke.

50. Micha hatak it ai unchululi ia puta ka ilapa im antia vhleha ha yvmmvt i nukhaklo kvf ai in takali mak oke.

51. Yvmmak okvt ilapo shakba isht imaiyachi chatuk: ilapunla vhleha hvt ilap chukvsh nan isht im anukfilvt magyakma, yvmmak okvt it a fimibli chatuk oke.

52. Yvmmak okvt hochitoka vhleha im aiasha puta tuk a ai isht akakohlikmvt, anonti ilbvsha vhleha ak o holitobli-chi chatuk oke.

53. Hohchvfo ya yvmmak okvt na hochukma puta ka isht fhoblikmvt, anonti nan in laua yano nana kia ik im ikshochit kanom pit tihleli chatuk oke.

54, 55. Eblaham, mikmvt yvmma isht ai unchululi ka i nukhaklot a bilia hi vt pin tikba vhleha ha pim anumpohonli tok vt ithaiyana mvt, in tishu Israel a apelahanchi chatuk oke, achi tok.

56. Mihmvt Meli vt yvmma awant anta na hvshi tuchi na foka mvt, falamvt in chuka ona tok.

57. Yohmi ma Elisabet vt vlla in tonla hi vt ont ai im vllpiesa mvt, vlla nakni o sholi tok.

58. Mihma in chuka panta gsha, micha i kanomi vhleha aiena kvf, Chitokaka yvt yvmma i nukhaklo fehna tuk a okla haklo mvt, ibai yukpa tok.

59. Atuk o yakohmi tok: nitak ont isht untuchina ma vlla ya hakshup tvblit itvnowa tok; atuk osh iki a hochifochit yvmmak ash Sakalias hochifo tok.

60. Mihma ishki ash osh anumpuli mvt, Yohma he keyu; amba Chan ak o hochifa chi hoke, achi tok.

61. Mihma Chi kanomi hvt kanima mvt hochifo iluppa isht a hochifo kvv iikshoshke, okla im achi tok.

62. Mihmvt iki ak osh nana ho hochifa hi a ahnik mak a chi ka, okla pit avvchi tok.

63. Mihma yvmmak ash ot aholissochi a hoyo cha, Hochifo hvt Chan oke, achit holissochi tok. Mihma, Na katihmi ho? momvt okla ahni tok.

64. Mihma yvmmak ash ot itih hvt ashalika wakama ma, isunlush vt yuhapa na anumpuli mvt, Chihowa ya aiokpahanchi tok.

65. Yvmohmi ma yvmma ai i bilika fullota aiasha tuk ash ot momvt nukshumpa tok: yohmi ma iluppa yakohmi tuk vt momvt annovt Chutea yakni nvnih foka yash mominchit a hlopulli tok.

66. Mihma okla yvmma haklo tuk vt moyumvt, Ulla katioma chi hosh ilvppvt yakohmi cho? ahanchit chukvsh anukaka okla isht anukfihinli tok. Mihma Chitokaka ibbak vt yvmmak ash o apelahanchi tok.

67. Mihma iki Sakalias ash ot Shilombish Holitopa isht anukfohkvv alotovvt, tikbanli nana anolit pit aiokpahanchit,

68-71. Israel in Chitokaka Chihowa hvt holitopashke: yvmmak okvt yakni toba tok taiyakla ka i hopaii hochukma aiashvt isht-auehinchi ka itih isht ai anumpohonli tok mak osh, pishno vt pin tvnvp vhleha, mikmvt pi nukkilli vhleha ibbak ma mominchit il ai o hlakofa hi o, im okla talaiia ka i nukhaklot pihisa cha, nan isht vlhtoba he im atahlit, isht aiokchaya chinto fehna ka ilap in tishu Lewi in chuka-chvfa a pi hilechi tok.

72-75. Yohmi kvv pishno vt pin tvnvp vhleha ibbak ma il ai in hlakofikmvt, pi okchayvt nitak il ai ahanta kvv, nukshumpa iksho hosh nan-ashvchi ikshot ai vlhpiesa hosh im antivt, itikba ma il ahashwa he mak o, auet pim aiahna hi v

ilap i nan-vlhpisa holitopa anumpa kvllo aiena ka pin tikba Eblaham g isht ai im il onochi tok vt ithaiyana cha, anonti nan i nukhakla he anumpa hq pin tikba vhleha hq ihima tok vt aiahlichu mak oke.

76-79. Yohmikma, Ulla chishno vt Chitokaka yvt ataya chi puta ma apoksiachit, anonti hvpin Chihowa nan-isht i nukhaklo chinto pulla hatuk mak o, ilap nan im ai ashvchika yvt i kashofa hosh isht-ai okchaya ma im okla hq ish ithv-nahancha chi hosh Chitokaka itikba ish ia chi hokvt, Moma imaiya i hopaii chi hohchifa hi oke. Yvmmak atuk pulla mak o ai okhlilika, mikmvt ai-illi ai o hoshonti aiena anuka-ka aiasha tuk g in tohwelicha chi, mikmvt hvv iyi yvt ai itin-nanaiya hina foyuka chi ka apelvcha chi mak o onna tohwikeli vba minti kvv auet pi on tommishke.

80. Yvmohmi tuk o vlla yash ot avnot ivt, im anukfila mvt kvllot i shahlit ia; yohmi hosh yakni haiaka ya ahanta na Israel g i haiaka he nitak vt ai ona tok.

CHAPTER II.

Chisvs vt Behlehem ak o ai vtta cha, vlhpoba ai-impv peni yo fohka,

1. 8 Chukvvlhpoba apesvchi vhleha Behlehem bilika gsha tuk o, Chisvs vt vtta ka, enchil osh ont im anoli; 13 mihma enchil vhleha hvv laua hosh ai vla cha, ibai achvfvv Chihowa hq okla aiokpahan-chi. 21 Chisvs vt hakshup tvpa; yohmi ma tempel anukaka yak o Chitokaka ya pit ai im issa ma, Simeon, micha Auna aiena kvv, avvt okla hosh tempel g ont chukowa; yohmi cha hatak okchalinchu himona vtta tuk g pisa mvt, Chihowa hq pit aiokpahan-chi. 40 Chisvs vt avvmmi avah-tuklo ka ona mvt, 46 tempel o nan ai irr avvchi vhleha puta ka i haponaklo, nan im asilhvchi aienvt anta: 51 atuk osh falamvt Nasalet ona cha, iki, ishki aiena ka im antia hosh ahanta.

1. **MIHMA** yakohmi tok: nitak yvmma foka ma, yakni yvmmvt okluyhvvt holissa hi a Sesa Avvstvs vt apihisa tok.

2. Yakohmi ka Silenivs vt Silia i mikot ahanta mak o okla holissa he ilvppvt vlhpisa vmmona tok.

3. Mihma momvt ilap in tvamaha aiyuka a holissa chi hosh ilhkoli tok.

4, 5. Mihma Chosef ak kia, yummvt Lewi in chuka-chufa yo isht-ai-unchululi hatuk okvt, Kalili yakni Nasalet tumaha ha vttvt kohchvt ia mvt, Chutea yakni Lewi in tumaha Behlehem hohchifo ho tekchi vhpova Meli vt vlla in tola hosi ho, it iba holissa chi hosh ona tok.

6. Atuk o yakohmi tok : yumma ont abashwak fehna, yummvt vlla in tola he nitak vt ont ai vhpiesa tok.

7. Mihmvt ishi ahpi kvv vlla nakni osh in tola cha, yummak ash na-hlilahli o a bonulli mvt, aboha anuka yano aiasha yvt iksho hoka, issuba ai-ilhpita yo fohkit bohli tok.

8. Yohmi ma yakni yummak inli ka chukvhpova apesvchi vhleha hvv vhpova apesvchi hosh ninak a haiaka yo aiasha tok.

9. Yvmohmi tuk o Chihowa im enchil vt ayvt im vla na Chihowa im a tohwekali ehinto kvv ai on tommit talaja ma, okla nukshopa fehna tok.

10. Mihma enchil ash ot, Hvchi nukshopa na; vno vt anumpa na-yukpali a chinto fehna okla moyuma ka im aya he mak o isht hvchim aya li hoke.

11. Himak nitak a nan-okchalinchi, yummvt Klaist Chitokaka mak osh Lewi in tumaha ha a hvchim ai vtvshke.

12. Yohmi ka atokowa kvv ilvppak o yakohmi ha chi hoke: Ullosi vt nahlahli o a bonunta hosh, issuba ai ilhpitta yo fohkvv itonla ho ont hvsh pisa chi hoke, im achi tok.

13. Yohmi ma i mih-makinli ho enchil okla chinto yvt enchil ash o ant okla apeha cha, Chihowa ya aiokpvchit,

14. Chihowa yvt vba chaha moma i shahli ya ik a holi-topa; mikmvt yakni paknaka ma ik a nanaiya: mikmvt hatk a nana achukma im anukfilli aiena kvv ik ai ituyula, ahanchi tok.

15. Mihma yakohmi tok : enchil okla hash osh issvt vbc ya ivt taha ma, chukvhpova apesvchi vhleha hash osh, Inta Behlehem fehna ka kiloh ia cha, nana kvv a yvmohmi tuk o, Chitokaka yvt hvvim anohonli tuk ilvppa ont eho pisashke, it im achi tok.

16. Mihmvt tushpvv itvnowvt ona cha, Meli, Chosef ita

tuklo ka, micha vllösi atuk mvt issuba ai ilhpitta yq fohkv
:tonla aiena hq okla pisa tok.

17. Yakohmit ont pisa mvt, vlla yvmma nana ka okla
nan isht im annoa tuk ash ot mishema a mominchit ai anoli
tok.

18. Yohmi ma na yakohmi ka chukvlpoba apesvchi
vhleha hv im anoli na okla haiyaklo tuk vt momvt, okokko!
aiahni tok.

19. Yohmi kia Meli vto nana yakohmi kash mominchit
chukvsh anukaka isht ithaiyanvt, anukfihinli tok.

20. Mihma chukvlpoba apesvchi vhleha hash ot nana
kv im ai annoa tuk ash fehna ka oklvhlinchit haklo, micha
pisa aiena mvt, Chihowa ya holitoblichit aiokpahanchit, fala-
mvt okla ilhkoli tok.

21. Yvmohmi tuk o nitak ont isht untuchina ma, vlla ya
hakshup wishakchi tvbla hi a ai ona hatuk o, ikfoka anuka
ik foko kisha mak o, enchil vt yvmmak o hochifo tok oka,
yvmmak ash ot Chisvs hohchifo tok.

22-24. Yvmohmi tuk o Moses vt nana apesa tok a, ishki
ash ot na-hullochi nitak vt ont in taha mvt, ishi ahpi
ka nakni osh vta hokvto moyumvt Chitokaka ma pit im
a holitopa he mak o, Chitokaka i nan-vlhpisa ha a ho-
lihiso hatuk oka, yvmmak ash Chitokaka ima chi, micha
nan-isht aiokpvchi vt pvchi yoshuba tuklo, keyukmvt pvchi
himita yosh tukla hi o, Chitokaka i nan-vlhpisa yvto ahanchi
hatuk oka, isht aiokpvcha chi hosh Chelusalem a itvlachi
tok.

25. Yvmohmi ma yakeh! hatak Simeon hohchifo hosh
Chelusalem a anta tok: yohmi kv yvmmak okvt hatak
vlhpiesa, Chihowa ma holitobli aighli hosh Israel okla na-
yukpali a pit hohoyo hosh anta tok: yohmi ma yvmmak
oka Shilombish Holitopa yvt anukfoyuka tok.

26. Yohmi kv yvmmak okvt Chitokaka i Klaist a ik peso
kisha hokvto, illa he keyu ka, Shilombish Holitopa yvt tik-
banli im anoli tok.

27. Yvmohmi tuk o Shilombish Holitopa yosh yvmmak
ash o anukfoyuka hq ayvt tempel a ant chukowa tok : atuk

o ai yvmohma he nan-vlhpisa ha isht ai yvmihcha chi hosh iki, ishki ita tuklo kvv vilosi Chisvs a sholi cha, ant chukowa;

28. Yohmi ma yvmmak ash ot ibbak ishit sholi cha, Chihowa ya pit aiokpahanchi mvt,

29. Chitokaka ma! chishno chim anumpa ha tok pulla mak o, himak okvno chin tishu hvv na-yukpa hosh ia hi a im aiahni:

30—32. Chi nan-ai-okchaya na-tohwikeli yvt oklushi nan ik ithano vhleha ha isht in tohwikela chi, micha chim okla vhleha Israel mvt isht a holitopa chi ka, okla moma itikba ish ai atahli tok a, sa nishkin vt pisa hoke, achi tok.

33. Yohmi ma yvmmak ash o ishki, Chosof ita tuklo kvv yvma nana kvv isht anumpa ka, anukhlakancha tok.

34, 35. Mihma Simeon ash ot, yvmmvv ai yukvvv okla hi a, im aiahnit vba isht asilhha; yohmi mvt ishki Meli ash o, Yakeh! vlla ilvvvvv Israel okla hvv isht ai akakoha, mikma anonti a tana he aiena kvv lava he: micha nan-isht-atokowa ka i sanalit isht anumpohonli na chukvsh lava nan isht im anukfila puta mvt ai otaiyana he mak o isht ai vlhtoka hoke; ahli, mikmvv chishno chi shilombish ma aieninchit bvshpo falaiya yvt a hlopulla hi oke; im achi tok.

36. Yohmi ma ohoyo hopaii Anna hohchifo Ase isht ai unchululi, Fanuel ushetik osh, himitasit hatak auwaya tuk o, afvmmi untuklo ma illi tuk o, antvv sipoknit kvnia tok.

37. Yohmi kvv vlhtaklvv hikia tuk a afvmmi pokoli untuchina akocha ushta foka hosh, yvmmak okvv tempel a issvv ik aiyo hosh, nitak, micha ninak aiena ka na-hullochi, micha vba pit anumpuli aiena hosh Chihowa ma isht a holitoblit ahanta tok.

38. Atuk osh yvmmak ash ot yvmmak fehna ma ant chukowa mvt, Chihowa ha, yakoke, achit aiokvvchi akinli tok: mihmvv isht ai okchaya hi a Chelusalem a hoyot aiasha tuk puta ka yvmmak ash ai isht im anumpohonli tok.

39. Yvmohmi ma Chihowa i nan-vlhpisa hatuk ash mo minchit nana ka ont aiahlichit taiyahli mvt, falamvv, Kalili yakni ilap o in vmaha Nasalet a it onachi tok.

40. Atuk o vlla yash ot asvnot ia mvt, im anukfila hvt hopoyuksvt alotvt kvllot i shahlit mahaya; yohmi ma Chihowa nan isht ahniechi ka mvt ai anukfoka tok.

41. Ubanvblit ont ia nan-ai-impa holitopa ashakma iki, ishki ita tuklo kvv afvmmikma Chelusalem a itiachi beka tok.

42. Atuk osh impa holitopa isht asha yvmmak oh chatuk mak osh ont ai vlhpiesa ma, yvmmak ash ot afvmmi auah tuklo ho, Chelusalem a ilhkoli tok.

43. Atuk osh nitak vlhpisa hatuk vt ont in taha cha, falamvt itiachi ma, vlla Chisvs ash ot olvllaka Chelusalem a anta hokak o; Chosef, micha ishki ita tuklo kvv ik akostinincho ki tok.

44. Amba okla it apehvt asht aya ka takla aya he ak o im ahombvt, ayvt nitak achvfa nowvt okla tok: mihmvt yvmmak ash ilap i kanomi vhleha, micha ai it ithvnaka puta itin takla ya a hoyo tok.

45. Atuk osh yvmmak ash ik ahayucho mvt, hoyo kvv falamvt Chelusalem a itiachi tok.

46. Atuk ak o yakohmi tok: nitak ont atuchina ho yvmmak ash ot tempel anukaka ya hatak nan-ithvnanchi vhleha i haponaklo, micha nan im a ponaklo aiena hosh takla asha na ont ahayuchit okla tok.

47. Mihma yvmmvt nan-ithana, micha anumpa afalaminchit miha imponna aiena ka okla haklo mvt, momvt okokko! aiahni tok.

48. Mihma yvmmak ash ot ont pisa mvt, nukhlakanchvt okla tok: mihma ishki ash ot, Svso hvt nanta katiohmi ho ish pi yakohmichi na chiki ita tuklo li kvv nukhaiyaklot chi hoyo li cho? im achi tok.

49. Yvmohmi ma yvmmak ash ot, Nanta katiohmi ho hvs sa hoyo hosh? Aki nan isht im a katiohmi ka isht ahanta la he vlhpiesa kvno, hvch ik ithano cho? im achi tok.

50. Mihma anumpa yvmma, yvmmvt isht im anumpuli ka, ik ai akostinincho kit okla tok.

51. Mihma yvmmak ash ot awant ia cha, falamvt Nasalet a ona mvt, im antia achukma hosh ahanta tok: yohmi kia

ishki ash ot anumpa yvmmak atuk ash mominchit ilap chvkvsh ma isht il anukfohkit ieshi tok.

52. Mihma Chisvs ash ot ahopoyuksvt asvnot mahaya mvt, Chihowa, micha hatak puta aiena ka im a holitopa kv' i shahlit mahaya tok.

CHAPTER III.

Chan Baptist vt vbanumpa isht anumpohonli, 1: 15 Klaist a ato kowa anoli; 20 anonti aboha kvllo fohka. 21 Chisvs vt baptismo, yohmi ma yvmmak okvt Chihowa ha Ushi pulla hatuk vt annoa. 28 Alvm ak o isht ai unchululit mihinti ho, Chisvs vt hatak a toba tok a vltokowa annoa.

1. TIBELIUS Sesa yvt miko tobtv ahanta tok afvmmi ont isht auah tahlapik fehna, Pontivs Pailat vt Chutea yakni apelihchi ma, Helot vt Kalili ak o apelihchi ma, anonti itibapishi Filip vt Itulea, micha Hlakonitis yakni aiena ka apelihchi ma, Lisantias mvt Abilene ak o apelihchi ho,

2. Annas, micha Kaiafas ita tuklo kv't na-holitompa isht asha i shahli yosh ashwa ho, Chihowa im anumpa hv't Chan Sakalias ushi a yakni haiaka yo im ai ona tok.

3—6. Yvmohmi ma hopaii Esias im anumpa holisso ha a holihiso kv't, Achvfa hosh yakni haiaka yo ai anumpohonlit, Chitokaka ataya hi a apoksiachit, i hina puta ka oh apissvlechí: kolukbi puta mvt momvt ik alotá: mikma nvni, micha nvni hochito aiena moma kv't akanlosit ik tahá: hina fullota atuk kia apissvt ik tobá: yohmi ma ai itilauí iksho ke tuk vt itilauit tahashke: yohmikma hatak moma kv't Chihowa i nan okchalínchi a pisa he mak oke, achishke; ahanchi tok mak o, vvmak okvt ai ashvchika puta ka isht a kashofa chi ka, ile kostininchit baptisma hi a isht anumpohonlit Chatan a bilika yakni a mominchit aya tok.

7. Mihmvt im a baptisma chi hosh ok'a laua yvt ai via ma, Sinti chilita isht-atiaka hv'chia ma! na palvmmi mihinti ka hvsh i hlakofa hi a, kv'ta hosh hv'chim anoli tuk oh cho?

8. Yohmi hokvt ile kostinichi ai it vlpesa mak o vnit hvsh wayashke; micha, Himona Eblaham ak osh piki yoke, acha hi okvno hvch ik il anukfillo kashke; Chihowa hvv tvli yak aiasha ka, Eblaham im vlla ya chi ka ai ikba hinla hoka, hvchim achi lishke.

9. Yohmikma himak ak kia iskifa yvt iti puta ak-isht-vla ya ai itonla hoke; yohmi hatuk o iti yvt vni achukma ho vnit waya keyu hokvto, moyumvt chayvt akakoha cha, luak a pit itokaha hi oke, im achi tok.

10. Yohmi ma okla hash osh i ponaklot, Yohmi kvno nanta hak o e katiohma chi ho? achi tok.

11. Mihma afalaminchi kvv, Kvna hosh na-fohka yvt in tuklokmt, kanima hosh ik im ikshokma ik in chvfali; mikma kanima hosh ilimpa hvv im asha kvv, yohmi makinlashke, im achi tok.

12. Yohmi ma pvblikan vhleha hak kia baptisma chi hosh ai vla mvt, Nan-ithvnanchi ma! nanta hak o e-katiohma chi cho? im achi tok.

13. Yohmi ma, Nana hvchim vlpisa tuk vt atamblit hvch ik hoyo kashke, im achi tok.

14. Yohmi ma tvshka chipota vhleha hak kia i ponaklot, Mikma pishno ak osh nanta hak o e yvmohma chi ho? achi tok: yohmi ma yvmmak ash o, Hatak nana kia hvch ik o mahlantokmt, anonti kvna kia a holvbit hvch ik wehpulo kashke; yohmikmt na hvchim ai vltoba ma, Vlpiesa akinli hvsh aiahnashke, im achi tok.

15. Okla hvv nana ka pit hohoyo hosh asha hatuk, atul osh hatak moma kvv, Chan a yvmmak osh Klaist mak okma, keyukma, nanta ho chishba? ahnit chukvsh a isht anukfieli okla aiasha ma,

16. Chan ash ot mominchit im anumpullit, Vno yokvto oka yo isht hvchi baptismocho li mvhli; yohmi kia achvfa kvv a shahli fehna hosh mihinti ka i shulush isht-talakchi a vno vt hlitoli la hi o si ahoba keyu hoke; yvmmak osh Shilombish Holitopa, micha luak aiena ho isht hvchi baptismocho hi oke.

17. Yummak osh i nan-isht mvshahchi yvt ibbak a foyuka: yohmi kv̄t i nan-anihechi yatuk ma achukmali fehv̄t kashofa he; mikm̄vt onush atuk ma kanchak a pit asha-chikm̄vt, amba hakhlopish okvno luak vt moshola he keyu a isht hukma hi oke, ahanchi tok.

18. Micha okla h̄g nana inla mvt laua h̄o isht ai i mihiv̄t, vbanumpa h̄g isht im anumpohonli tok.

19. Yohmi kia Helot m̄iko yvt ilap itibapishi Filip tekchi Helotias atuk, micha Helot vt nan ik vlhpeso puta ai yvmohmi chatuk ash, pit a mominchit atokowvt nan isht ai i miha hatuk o.

20. Nana ik ai vlhpesacho ke tuk moma kv̄t ilvppakma isht ai ibafohki hosh Chan a aboha kv̄llo fohkit im okhishta tok.

21. Okla moyuma kv̄t baptismot taha ma, yakohmi tok: Chisvs ak kia baptismo cha, vba pit asilhha ma, vba yvt auet tiwa,

22. Yohmi ma Shilombish Holitopa yvt nipi āsha hosh pv̄chi-yoshuba chiyuhmit vba mintit im vla ma, vba ya anumpa hv̄t auet takali kv̄t, Chishno ak osh sv̄so a holitopa chia hoke; chishno ak o nan isht chi a sai yukpa mak oke, achi tok.

23. Mihma Chisvs vt afv̄m̄mi pokoli tuchina ka ona foka hosh, peh im ahoba kv̄no, Chosef ak o ushi a tok: mihma yvm̄m̄vt Heli ak o ushi a tok.

24. Mihma yvm̄m̄vt Mahlat ak o ushi a tok: mihma yvm̄m̄vt Lefai ak o ushi a tok: mihma yvm̄m̄vt Melchi ak o ushi a tok: mihma yvm̄m̄vt Channa ak o ushi a tok: mihma yvm̄m̄vt Chosef ak o ushi a tok.

25. Mihma yvm̄m̄vt Mattablias ak o ushi a tok: mihma yvm̄m̄vt Amos ak o ushi a tok; mihma yvm̄m̄vt Navm ak o ushi a tok; mihma sv̄m̄m̄vt Esli ak o ushi a tok: mihma yvm̄m̄vt Nakke ak o ushi a tok:

26. Mihma yvm̄m̄vt Maath ak o ushi a tok: mihma yvm̄m̄vt Mattablias ak o ushi a tok: mihma yvm̄m̄vt Semei ak o ushi a tok: mihma yvm̄m̄vt Chosef ak o ushi a tok: mihma yvm̄m̄vt Chuta ak o ushi a tok:

27. Mihma yvmmvt Choanna ak օ ushi a tok : mihma yvmmvt Lehesa ak օ ushi a tok : mihma yvmmvt Solobabei ak օ ushi a tok : mihma yvmmvt Salahliel ak օ ushi a tok : mihma yvmmvt Neli ah օ ushi a tok :

28. Mihma yvmmvt Melchi ak օ ushi a tok : mihma yvmmvt Alli ak օ ushi a tok : mihma yvmmvt Kosam ak օ ushi a tok ; mihma yvmmvt Elmolam ak օ ushi a tok : mihma yvmmvt El ak օ ushi a tok.

29. Mihma yvmmvt Chose ak օ ushi a tok : mihma yvmmvt Eliesel ak օ ushi a tok : mihma yvmmvt Cholim ak օ ushi a tok ; mihma yvmmvt Mathlat ak օ ushi a tok : mihma yvmmvt Lefai ak օ ushi a tok.

30. Mihma yvmmvt Simeon ak օ ushi a tok : mihma yvmmvt Chuta ak օ ushi a tok : mihma yvmmvt Chosef ak օ ushi a tok : mihma yvmmvt Chonan ak օ ushi a tok : mihma yvmmvt Eliakim ak օ ushi a tok.

31. Mihma yvmmvt Melea ak օ ushi a tok : mihma yvmmvt Menan ak օ ushi a tok : mihma yvmmvt Mattahla ak օ ushi a tok : mihma yvmmvt Nahlan ak օ ushi a tok : mihma yvmmvt Lewi ak օ ushi a tok.

32. Mihma yvmmvt Chesse ak օ ushi a tok : mihma yvmmvt Obet ak օ ushi a tok : mihma yvmmvt Boos ak օ ushi a tok : mihma yvmmvt Salmon ak օ ushi a tok : mihma yvmmvt Naason ak օ ushi a tok.

33. Mihma yvmmvt Aminatab ak օ ushi a tok : mihma yvmmvt Alam ak օ ushi a tok : mihma yvmmvt Eslom ak օ ushi a tok : mihma yvmmvt Fales ak օ ushi a tok : mihma yvmmvt Chuta ak օ ushi a tok.

34. Mihma yvmmvt Chekob ak օ ushi a tok : mihma yvmmvt Aisaak ak օ ushi a tok : mihma yvmmvt Eblaham ak օ ushi a tok : mihma yvmmvt Hlala ak օ ushi a tok : mihma yvmmvt Nachol ak օ ushi a tok.

35. Mihma yvmmvt Saluk ak օ ushi a tok : mihma yvmmvt Lakau ak օ ushi a tok : mihma yvmmvt Falek ak օ ushi a tok : mihma yvmmvt Hebeh ak օ ushi a tok : mihma yvmmvt Sala ak օ ushi a tok.

36. Mihma yvmmvt Kainan ak օ ushi a tok : mihma

yummvt Alfaksat ak ɔ ushi a tok : mihma yummvt Sem ak ɔ ushi a tok : mihma yummvt Noah ak ɔ ushi a tok : mihma yummvt Lamek ak ɔ ushi a tok.

37. Mihma yummvt Mehlusala ak ɔ ushi a tok : mihma yummvt Enok ak ɔ ushi a tok : mihma yummvt Chalet ak ɔ ushi a tok : mihma yummvt Maleleel ak ɔ ushi a tok : mihma yummvt Kainan ak ɔ ushi a tok.

38. Mihma yummvt Enos ak ɔ ushi a tok : mihma yummvt Seth ak ɔ ushi a tok : mihma yummvt Alam ak ɔ ushi a tok : mihma yummvt Chihowa ak ɔ ushi a tok.

CHAPTA IV.

Chisvs vt, nan-isht-ahullo okpulo yosh imomaka pihisa ma, ik impo ho nitak pokoli ushta mvt, nan-isht ai imomaka pisa puta ka imai-yachi, 1. 14 Chisvs vt falamvt Kalili g ona cha, vba isht anumpohonli; 16 atuk osh Nasalet g ona cha, nitak hullo yɔ sinakak g nan ai ithvnanchi: 28 mihma okla hvt ik im vhlpeso mvt, vbi bwna; 31 Chisvs vt Kapenavm g ona cha, nitak hullo yɔ nan ithvnanchit ahanta mvt, 33 nan-ishtahullo okpullo ma kohchichi; 38 Pita tekchi ishki g hlakofichi; 40 mihmvt nan abeka ilaiyuka laua ka isht ahullo fehna kia ai yvmihchit ahanta mvt, 48 Kalili fullota ka vbanumpa yɔ isht ai anumpohonli.

1. CHISUS vt Shilombish Holitopa isht anukfohkv̄t im alotowa hosh, Chatan vt̄vt falamvt ia ma, Shilombish ash ot im aiahni na ayvt yakni haiaka ont chukowa na,

2. Nitak pokoli ushta ka Setan vt imomaka pisa tok. Mihma nitak yv̄mma fehna ka nanasi kia vpa tok keyu: atuk osh yummvt ont taha na misha pilla mvno hohchvfo tok.

3. Yohmi ma Setan ash ot, Chihowa Ushi chia hokmvt, t̄oli il̄ppvt pvska toba ch̄i ka i mihá, im achi tok.

4. Yohmi ma Chisvs vt afalaminchi mvt, Hatak vt pvska yak bieka ho ai okchaya he keyu; amba Chihowa im anumpa moma kak ashke; achi kv̄t holisso hoke, im achi tok.

5. Mihma Setan ash ot yv̄mmak ash ilauelet nv̄nih chah̄.

yō isht oiya cha, yakosi itin takla fehna hō miko apelihi
puta yakni aiasha ka mominchit i haiakvchi tok.

6. Mihmt Setan ash ot, Nan im aialika, micha im a
holitopaka aiena ilvppa mominchit chima lashke; yvmmvk
okvt vno ak o vmmi toba tok: yohmi ka kvna hō vno ahni
li hok mak osh ima li hoke.

7. Yohmi hoka chishno vt aka hlipvt is si aiokpuchi
hokma, moma kvt chimmi hashke, im achi tok.

8. Mihma Chisvs ash ot afalaminchit, Setan chia hvv
ashaka yak o ish hikiashke; Chitokaka chin Chihowa yak o
i hvchukbihleptv ish aiokpahanchashke; micha yvmmak illa
hō holitoblit ish im antiashke; achi kvv hollisso hoka, im
achi tok.

9. Mihma yvmmak ash ot Chisvs ash o ilauelet Chelusa-
lem a ont isht chukowa cha, tempel wishakchi yō ont o
hilechi mvt, Chihowa Ushi chia hokmvt, aka pit ish ile
pilashke:

10, 11. Chishno a chi apesahancha chi ka, im enchil
vhleha hā atohno na ibbak a okla vba isht takalihinchit
chisht aya na nitak kanima kia chiyi yā tvli isht chik ai isso
ka hi a, achi hosh hollisso tok oka, im achi tok.

12. Mihma Chisvs ash ot afalaminchi mvt, Chitokaka
chin Chihowa yā imomaka chik peso kashke; achi tok a
ashvshke, im achi tok.

13. Mihma Setan ash ot nan isht ai imomaka pisa puta
kash o isht im anukfillit ont tahli mvt, yakosi takla kvno i
filvmmi ia tok.

14. Yohmi ma Chisvs ash ot Shilombish nan-isht im
aialika ka yvt anukfoyuka hosh falamvt Kalili a ona tok:
mihma yvmma isht annoa kvv yakni yvmma a bilika a mom-
inchit hlopulli tok.

15. Mihma yvmma i sinakak a puta ka nan ai ithvnan-
chit ahanta ma, momvt ahninchit tok.

16. Yohmi ma ai vtvvt hofanti tok Nasalet mak o vla
tok; mihmvt a yohmi atuk okvt, nitak hullo nitak a sina-
kak a ont chukowa cha, hollisso it im anumpula chi hosh
wakayvt hikia tok.

17—19. Mihma hopaii Esaias i holisso ho ant ima tok: yohmi ma holisso hash wakummi mvt, yvmma a holisso kv̄t, Ilbvsha puta ka vbanumpa isht im anumpuli la hi a yvm-mak osh nan isht si avvmmi tuk okvt, Chitokaka im i shi-lombish vt si onvtuyula hoke: chukvsh nukhaklo puta ha-tuk kia hopohl̄chit, yuka vhleha hatuk ma isht a hlakofa he; mikma l̄vpa puta yatuk mvt isht a hoponaya he, micha issikkopa puta kv̄t a sha tuk a isht a mokofit, Chitokaka yvt aiokpahanchi avvmmi ma isht anumpohonli la hi o, si a tohno tuk oke, achi ho ahayuchi tok.

20. Michā holisso hash akavli mvt, falaminchit sinakak nan-isht avtta yash ima cha, aka binili tok. Mihma sinakak aiasha tuk ash ot momvt nishkin isht aiokchifeli tok.

21. Mihma yvmmak ash ot, Holisso ilvppvt himak nitak a hvchi haksobish a isht hvsh haklo kv̄t ont aighli hoke, im achit isht ia tok.

22. Yohmi ma moma kv̄t nan ia atokowa ma p̄sv̄t, anum-pa hochukma kv̄t itih ha a kohoncha ka okokko! aiahni tok: mihmvt, Ilvppvt Chosef ushi keyu ho? okla achi tok.

23. Mihma, Alikchi a chishno inlit ile hlakofichī: nana kv̄t Kapenavm a a yvmohmi na e haklo tuk okma, chī yakni ilvppak inli ma a yvmihchī, achi anumpa isht vlhpisa ilvppak o hv̄s sv̄m achi pulla chī hoke, im achi tok.

24. Mihmvt, Ahli pulla ho hvchim achi lishke, Hopaii nana ak osh ilap i yakni ak inli hoka ai a holiropa chatuk keyushke, achi tok.

25. Yohmi kia aighli mak o hvchim anoli li: Elias vt ahanta nitak a vba vt ai okshilitvt kv̄nia na avvmmi tuchina hvshi hannali; yohmi na hopoa chinta fehvt a hlopulli ka, Israel okla ha ohoyo i hatak illi vt lauvt aiasha tok.

26. Yohmi kia yvmma achv̄fona kia im aya hi vt Elias vt ik vlhtoko: amba Saiton yakni Salepta tv̄maha, ohoyo i hatak illi yvmmak illa tok.

27. Michā hopaii Elisevs vt ahanta nitak a Israel okla ha leplosi vbi kv̄t lauvt aiasha tok: yohmi kia yvmmak ash ot achv̄fona kia ik hlakofo ho, amba Naaman Silian hatak ak illa tok.

28. Mihma sinakak aiasha tuk vt ilvppa puta ka haklo mvt, momvt anukhobelvt kvnia tok.

29. Mihmvt okla wakaya cha, yvmmak ash o tmaha hq kohcha pit chvffichi mvt, itehpelvt aka pit kancha chi hosh ilauelit, in tmaha ai on talaia sakti ont on talaka fehna isht ona tok.

30. Yohmi tuk kia yvmmak ash ot okla hash itin takla a hlopullit kanima ia tok.

31. Mihmvt Kapenavm tmaha Kalili yakni a ona cha, nitak hullo nitak puta ka okla nana ithvnanchi tok.

32. Yohmi ma im anumpa hvt a na-fehna hatuk o, nana ithvnanchi ka okokko! okla aiahnit im anukfila tok.

33. Yohmi ma sinakak a hatak vt shilombish okpulo yvt isht ai i fokka hosh anta tok: atuk osh yvmmak ash ot chitolit tahpvt,

34. Ikikke! Chisvs Nasalet minti chia hq nanta hq isht e chi ahalaia cho? ish pissikkopala chi hosh ish la hoh cho? kvna hq chia hoka chithana li, Chihowa i holitopa yak oke, achi tok.

35. Mihma Chisvs ash ot yvmmak ash im olvbbit, Nukchintot yvmma ish a kohchashke, achi tok. Yohmi ma shilombish okpulo ash ot okla ai itintaklvchit ai akvchi mvt, nan ik kanehiho hosh a kohcha tok.

36. Yohmi ma okla moyuma mvt nukhlakanchvt, ilap bika it im anumpulit, Ilvppvt anumpa nanta hokak osh yakohmi cho? nan im vhpisa, nan aiahlika aiena hq shilombish okpulo puta ka nan isht im ai apihisa hoka, okla kocha wihvshke, achi tok.

37. Yohmi ma yvmma ai isht annoachi ka yakni auet a bilika aiasha ka moyuma a hlopulli tok.

38. Mihma sinakak a vttvt kohchvt ia mvt, Saimon in chuka ont chukowa tok: mihma Saimon tekchi ishki vt yvnha fehna tuk o, pisa hinla ka okla im aiahni tok.

39. Mihma yvmmak ash o wakayvt hikia mvt, yvnha hash im olvbbi: yohmi ma yvmmak ash o yvnha hvt ai issvchi tok; mihma ashalika tani cha, okla hash nan isht im vttva tok.

40. Yohmi hatuk o hvshi vt okvtula ma, ililli ilaiyuka isht abeka im gsha tuk puta kvvtt yvmmak ash o im ai ona tok ; yohmi ma ibbak vt aieninchit mominchit isht umbitepvt hlakofihinchi tok.

41. Mihma nan-isht-ahullo okpulo puta kvvtt laua ka a kocha wiha mvt, chitoli hosh mihvt, Chishno ak osh Chihowa Ushi Klaist chia hoke, ahanchi tok. Mihma yvmmak ash im olvbbi mvt, ilap ak osh Klaist atuk g ithvna ka, yvmma ik mihá, ik im ahno ki tok.

42. Atuk osh ont onvvt taha ma, kohchvt ivt yahni haiaka yo ona tok : mihma okla hvtt hoyot itvnowvt im ai ona mvt, ai i filvmmitt kanima ik aiyo ka chj hq, im olvbbi tok.

43. Mihma tvnaha inla ak kia Chihowa apehlichika ya isht im anumpohonli la chj hoka, yvmmak a he mak osh gya li ha tok okvt, im achi tok.

44. Mihmvt sinakak pvtá Kalili aiasha ka vbanumpa isht ai anumpohonli tok.

CHAPTA V.

Chisvs vt Saimon i peni yo fohkvtt gsha hosh okla hq nan-ithvnan-chi, 1 : 4 Saimon vt, Chisvs osh i mihvt nan anukfilli pulla ho, himona ka nvti lgwa fehna hokli : 11 mihma Saimon, Chemis, micha Chan aiena kvvtt Chisvs g apeha. 12 Chisvs vt leplosi vbi yo hlakofichi : 16 atuk osh vba pit anumpula chj hosh haiaka ia ; 17 mikmvt hatak palsi isht abeka yatuk g hlakofichi ; 27 Chisvs vt Leifai nan im ai ithvna toba chj ka i miha : 29 micha pvtblikan vhleha mikmvt hatak nan-ashvchi vhleha aiena ka yvmmvt ai vlvhesa hq ibai impa hatuk vt miha ; 33 ilap nan im ai ithvna vhleha hvtt kanohmit nan i palvmma he anoli.

1. **ATUK** o yakohmi tok ; okla hvtt Chihowa im anumpa hq hakla chj kvvtt yvmmak ash atehlfichit kaiyanchi hq, Chenesalet hohtak lapalika yo hikia ;

2. Yohmi cha peni tuklo kvvtt hohtak lapalika ya takohnli na pisa tok : yohmi kia hatak nvti vbi vhleha hatuk vto a kocha wiha tuk osh nvti isht-hokli achvfa hosh maya ha tok.

3. Mihmvt peni achvfallit Saimon ak o immi yo pit chuk-

owa mvt, oka alaka takali tuk a kanvllichit mishemanchit pit takalicha hinla ka, im ahni tok. Mihmvt binili cha, peni yq fohkvt agha hosh okla hq nan ithvnanchi tok.

4. Anumpuli kvv ont issa mvt, Saimon ash o, Ahofom-bika pit takalichi cha, nvni isht-hokli puta ka okvchit ish hoklashke, im achi tok.

5. Mihma Saimon ash osh afalaminchi mvt, A shahli ma! ninak a isht il agha na oyunna kvv nana ke hoklo ke tuk: yohmi kia chishno chim anumpa atuk oka, nvni isht-hokli a pit okvchi li mak inlashke, im achi tok.

6. Micha iluppa okla yvmihchi mvt, nvni lqwa fehna hq hokli na i nvni isht hokli vt mitafa tok.

7. Yohmi ma im itapela vhleha hvv peni achvfa ya agha tuk vt vla cha, ant apela hinla ka, okla pit im avvchi tok. Mihma okla ai vla cha, peni ash it aieninchit okla alotoli: yohmi hoka yvmmak ash ot okbilhvvt isht ivt okla tok.

8. Saimon Pita yvt yakohmi na pisa mvt, Chisvs iyikala ha ya pit tikinlit aka hlipivt, Hatak nan-ashvchi sia hoka a filvmmmit, kanima ish iashke, Chitokaka ma! achi tok.

9. Himonna okvchit kohchi kvv, nvni yvt yohmi hq hokli kvv, ilapo, micha inla apehvt aya tuk vt momvt nukhlakan-cha tok.

10. Mihma Saimon im itapela, Sebete ushi, Chemis, micha Chan ita tuklo kak kia yvmohmi tok. Mihma Chisvs vt Saimon a, Chi nukshopa na, himak pilla hq hatak ak o ish hokla chj hoke, im achi tok.

11. Mihma i peni ash vli hq okla ant itaiyali mvt, nana moma kvv agha na issa cha, yvmmak ash okla iakaiya tok.

12. Atuk o yakohmi tok; yvmmak ash ot tvnaha kani-olmi hq anta tuk o, hatak vt leplosi isht ai vbi fehna hosh anta tuk osh, Chisvs a pisa mvt, hlipivt itola cha, im ilbvshvt Chitokaka ma! chishno vt vlvpesa ish ahnikmvt, is sq kashofa hinlvshke, im achi tok.

13. Mihma ibbak pit welit potoli mvt, Vlvpesa ahni lishke; chi kashofashke, im achi tok. Yohmi ma leplosi ash ot ashalika a mokofvt kvnia tok.

14. Mihma hatak nana kia ik im anolo ka chj ka i miha

mv̄t, amba īvt na-holitompa isht vt̄ta yak ̄o ont im ile haia-kv̄chi cha, na ch̄i kashofa ka nan-isht-ai im atokowa mak ̄o Moses vt̄ nan apesa tok a, nana ka ish bohlahske, im achi tok.

15. Yohmi kia yohmi ha yak ̄o isht ī shahlit kanima moma ka yvm̄mak ̄o ai annoa tok: yohmi ma im a haponakla ch̄i, micha hakn̄ip ik achukmo puta kv̄t a hlakofa ch̄i hosh okla chinto feh̄vt ai it̄vnaha tok.

16. Mihma ilap ill̄vt ai ī mokof̄vt, yakni haiaka ona cha, v̄ba pit anumpohonli tok.

17. Atuk ̄o yakohmi tok: nitak kaniohmi h̄o nana ithv̄nanchi hosh ahanta ma, Falisi v̄hleha, micha nan-v̄lhpisa ithv̄nanchi v̄hleha aiena kv̄t Kalili yakni tv̄maha aiasha moma, micha Chutea, mik̄mv̄t Chelusalem aiena ka ̄asht kohch̄vt ̄aya kv̄t yvm̄ma binohmaya tok: yohmi ma Chitokaka nan-isht im aighlika yvt okla ma hlakoficha ch̄i kv̄t ai ikl̄v̄nvt takali tok.

18. Yohmi ma hatak kanohmi kv̄t hatak vt̄ p̄alsi v̄bi ȳo potv̄lhpo ai it̄ ī sholit isht v̄la tok: mih̄mv̄t kaniohmit yvm̄ma pit isht chukowa cha, itikba ȳa ont bohla hinla kv̄t, okla akostininchi bv̄nna tok.

19. Mih̄mv̄t okla hak osh laua fehna hatuk ̄o, kaniohmit pit isht chukowa hinla kv̄t ik akostinincho mv̄t, aboha paknaka ȳo okla pit oiya cha, pit hlopullichit in topushi ash f̄okit ikl̄v̄nna ka Chis̄vs itikba ȳa pit bohli tok.

20. Mihma okla na yimmi ka pisa mv̄t, Hatak chia kv̄t na chim ai ashv̄chika yvt ch̄i kashofa hoke, im achi tok.

21. Mihma na-holissochi v̄hleha, micha Falisi v̄hleha aiena kv̄t, Ilv̄p̄vt kv̄ta hokak osh Chihowa ik ahobalot anumpuli cho? Kv̄ta hosh nan-ai ashv̄chika ȳa kashofa hinla? Chihowa ak illa keyu? aiahnit okla im anukfil̄vt aiasha tok.

22. Yohmi kia yvm̄ma im anukfila h̄a Chis̄vs vt̄ im akostininchi mv̄t, anumpulit, Nanta mak ̄o hv̄chi chukv̄sh anukaka isht hv̄chim anukfila cho?

23. Na chim ai ashv̄chika puta kv̄t ch̄i kashofashke, achi

kak okmá, keyukmvt, Tani cha nowá : achi kak okmá, katimampo kak osh ahchiba kv̄t ik lauwo cho ?

24. Yohmi kia Hatak Ushi vt nan ai ashvchika puta kashofa hi vt yakni paknaka ya ai im v̄lhpiesa hatuk a hvsh akostinicha ch̄i kak oka, im achi mvt, p̄alsi v̄bi ash, Tanit chin topushi a ish ishi cha, chin chuka ish iashke, chim achi lishke, im achi tok.

25. Mihma okla momvt p̄isa na tanit ai onv̄tola tuk ash ishi mvt, Chihowa ya holitoblichit aiokpahanchit in chuka ia tok.

26. Mihma okla momvt nukhlakancha feh̄v̄t, Chihowa ya holitoblichit aiokpahanchi mvt, nukshopa fehna hosh, Himak nitak oka nana kv̄t inla fehna h̄o eho piesvshke, achi tok ;

27. Atuk o nana kv̄t a yakohmi ha ya kohchvt ia mvt, p̄v̄blikan vt Lefai hohchifo hosh tv̄li holisso abohli ya āsha na ont pisa mvt, Is si akaiyashke, im achi tok.

28. Mihma nana moma kv̄t āsha na issvt wakaya mvt, iakaiya tok.

29. Mihmvt Lefai ash osh ilap in chuka akinli h̄o yvm-mak ash o impa chinto fehna im ai ikbi tok : mihma p̄v̄blikan v̄hleha, micha inlaka aiena kv̄t laua hosh iba takla binoh-maya tok.

30. Yohmi kia i na-holissochi v̄hleha, micha Falisi v̄hleha aiena kv̄to yv̄mma nan im ai ithvna v̄hleha h̄a lumvt nana mihachit, Nanta katiohmi h̄o p̄v̄blikan v̄hleha, micha nan-ashvchi v̄hleha aiena ka it-ibai impvt, nan it ibai ishkot hvsh aiasha cho ? achi tok.

31. Mihma Chisvs vt afalaminchi mvt, Haknip im achuk ma hokv̄to alikchi a b̄v̄nna keyu ; amba abeka mak oh chatuk oke.

32. Hopoyuksa v̄hleha ak o hoyot aya li ha tok keyu : amba nan-ashvchi v̄hleha hv̄t ile kostinicha ch̄i kak atuk oke, im achi tok.

33. Yohmi ma, Nanta katiohmi h̄o Chan nan im ai ithvna v̄hleha hv̄to chekosikma nahullochit, v̄ba pit anumpuli aienvt ah̄ashwa, mikma Falisi v̄hleha nan im ai ithvna v̄hleha ak

kia yvmohmi akinli hokak o, amba chimmi hvto impvt nan-ishkot aiasha cho? okla im achi tok.

34. Mihma hatak himona ohoyo itauwaya tuk vt takla anta moma ka, i kana vhleha hvv nukhaklot nahullocha hinla, hvsh im apesa vlhpesa cho?

35. Yohmi kia hatak himona ohoyo itauwaya tuk ash ot ai i filvmma he nitak vt ai ona he: yohmik mak o nitak yvmma fokakmvno okla nukhaklot nahullocha hi oke.

36. Mihmvt nan isht vlhpisa hq aieninchit isht im anum-puli mvt, Hatak nan ak osh na-fohka himona a hlilafa ka na-fohka sipokni g akvlli chatuk keyu: yvmmak keyukma himona yvt hlilvffikmvt, anonti himona ya a hlilafa tuk okvt sipokni g ai it im vlhpesa he keyu hoke.

37. Mikma hatak nan ak osh oka paki himona ya shukcha sipokni yo pit vni chatuk keyu: yvmmak keyukma oka paki himona yash ot shukcha ya mitahlichy cha hlayakma, anonti shukcha yash ot okpulo chatuk.

38. Amba oka paki himona yvt shukcha himona yo vlhto hok mak osh tuklot nan ik kanihmo chatuk oke.

39. Micha hatak nan ak osh oka paki siponki g ishko ha yvt ashalyka himona ma bvna chatuk keyu: sipokni ak osh achukma kvv i shalishke, achi hokvt, im achi tok.

CHAPTA VI.

Nana kvv achukma he okvno nitak hullo kia isht anta he ai vlhpesa hatuk g, Chisvs vt anoli, 1 : 8 mihmvt ibbak shila yatuk g hlakofichi. 12 Chisvs vt ninak g vba pit anumpohonli na onna mvt, vbanumpeshi auah-tuklo ka atokoli; 17 yohmi mvt hatak abeka laua ka hlakofichi. 20 Hatak kaniohmi hosh holitopa he, mikma hatak kaniohmi hq na-palvmmi kvv onvtula he puta ka, Chisvs vt otv-nichi. 27 Pin tvnvp vhleha kia e holitoblit, nan isht ai achukma he puta ma il i yvmohma hi g Chisvs vt pi miha; mikmvt okla moyuma ka il i kana hi ak o, pim ahni; 37 hatak inla gsha ka nan ik achukmo imma hokvno im anukfillit kil anumpulo ka hi a, pim avvchi. 43 Iti g ilap vni akinli kak o isht ithvna chatuk: mikma hatak g ilap nana a kaniohmi kak o isht akostininchi chatuk.

1. **YUMOHMI** tuk osh vbanvblit ont ia yatuk nitak atukla ka ai isht nitak-hullo vmmona ho, yvmmak ash ot osapa taloha ha hlopullit aya tok : yohmi ma nan im ai ithvna vhleha hash ot onush vni ya tvptulit ibbak isht koyuhlit okla vpa tok.

2. Mihma Falisi vhleha kaniohmi kvv, Nanta katiohmi ho nana ka nitak hullo nitak a a yohma he vvhpesa keyu kvno hvchi yvmohmi cho ? im achi tok.

3. Mihma Chisvs ash ot afalaminchi mvt, Lewi vt ilapo, micha apehvt aya tuk aiena kvv hohchvfo mvt, nana a kaniohmi tok ;

4. Yohmi kvv kaniohmit Chihowa im aboha ha pit chukovvt, pvaska otvnni a ishi cha vpa mvt, apehvt aya tuk ash kia ipeta tok : yvmmak oka ai vpa he vvhpesa keyu, amba na-holitompa isht asha ak illa ha tok oka, ilvppak kia holisso ha hvch ik a peso chatuk oh cho ? achi tok.

5. Mihmvt Hatak Ushi vt nitak-hullo a in Chitokaka akinli hoke, im achi tok.

6. Atuk o anonti yakohmi tok : nitak-hullo inla ho sinakak ont chukowa cha, nana ithvnanchi tok : mihma hatak vt ibbak ishtimpak imma yvt shila yosh yvmma asha tok.

7. Mihma na-holissochi vhleha, micha Falisi vhleha aiena kvv nan vvhpisa onocha chj hosh, nitak-hullo nitak a na hla-kofichikma, nanta chj chishba ? ahnit apesvchi tok.

8. Yohmi kia ilap vt okla im anukfila ha im ithana hatuk osh, hatak ibbak shila yash, Wakaya cha, iklvnnaka ya ont hikiá, im achi tok Mihma yvmmak ash ot wakaya mvt, ont hikia tok.

9. Mihma Chisvs ash ot okla hash, Nana achvfa ho hvchi ponaklo lashke : Nitak hullo nitak a nana achukma kak o a yvmohmi kak okma, keyukmvt nana ik vvhpeso yak o a yvmohmi kak okma, ilhfiopak a okchalanchi kak okma, keyukmvt tvbli kak okma, nana kak osh ai vvhpesa hob cho ? im achi tok.

10. Mihmvt filemvt okla hash o mominchit pisa mvt, hatak ash o, Chibbak a chisemochi, im achi tok : mihma yv-

mihchi tok : yohmi ma ibbak ash osh falamvt achukmvt taha mvt, in tōnnvp akinli hō chiyuhmi tok.

11. Mihma okla hvt anukhobela fehna tok : yohmi mvt Chisvs a nana hō kvnihcha chī kv̄t it ī mihvt aiasha tok.

12. Mihma nitak yv̄mma foka ka, yakohmi tok : vba pit anumpula chī hosh kohchvt nvnih chaya yō ont oiya tok ; micha ninak a Chihowa pit im asilhhvt ahanta na onna tok.

13. Mihmvt ont onnvt taha ma, ilap nan im ai ithvna vhleha hash hoyot itahobi tok : mihmvt yv̄mmak ash auah-tuklo hō ai atokoli mvt, yv̄mmak ash vbanumpeshi hochifo tok.

14. Saimon yv̄mmakma ilap ak osh Pita yō hochifo, mikmvt itibapishi Antilu, Chemis, micha Chan, Filip, mikmvt Bathlolomu,

15. Mahlu, micha Tamas, Alfevs ushi Chemis, Saimon Selotes hohchifo :

16. Michā Chutas Chemis itibapishi, mikmvt Chutas Iskaliot, yv̄mmak osh na haksichi yosh aiena tok.

17, 18. Mihmvt yv̄mmak ash ot awant akowa cha, yakni matali yō ant hikia ma, nan im ai ithvna yvt lāwa, mihmvt okla chinto fehna Chutea yakni moma, Chelusalem aiena ka a minti ; mikma okhvta lapali ka Taia, micha Saiton aiena asht minti ; mihma shilombish okpulo yō isht issikkopa yatuk aiena kv̄t yv̄mma im a haponakla chī, micha haknip ik in chukmo puta atuk vt im a hlakofohla chī hosh im ai vlv̄t hlakofohli tok.

19. Mihma okla chito ash ot momvt, nan-isht a hlakofi vt yv̄mmak o a kohcha hosh mominchit hlakofichi hatuk oka, yv̄mma potoli bvnna tok.

20. Mihma ilap nishkin ash nan im ai ithvna vhleha hō isht on talohli mvt, Ilbvsha hv̄chia ma ! Chihowa apehlichika yak osh hv̄chimmi hokvt na hv̄chi yukpvshke.

21. Himonasi hokvno hohchv̄fot aiasha hv̄chia mvt, hv̄chi kaiya hi okvt na hv̄chi yukpvshke. Himonasi hokvno yahayvt hv̄sh aiasha mvt, hv̄sh yukpa hi okvt na hv̄chi yukpvshke.

22. Hatak Ushi pulla atuk mak o hatak puta mvt hv̄chī

nukkillit, ilap ai itapeha yā isht a hvch il a flamohlichit, na hvchi mihachit, hvchi hohchifo ma nan okpulo yō ai itilauechit kahancha hi oke: yohmikma na hvchi yukpvshke.

23. Yakeh! nan-isht-vlhtoba hvt chinto hosh vba yā hvchin tonla hokvt, nitak yvmma fehnakma, na ho yukpā: na hvchi yukpvt hvsh mullashke: yvmma in tikba vhleha hvt hopaii puta ka yvmmak inli hō i yvmihchi beka tok oke.

24. Amba nan in laua hvchia hvto nan-isht a hvchi yukpa ma hvsh pisa hokvt, na hvchi palvmmi mak oke.

25. Kaiya hvchia hvto hvchi hohchvfa hi okvt na hvchi palvmmi mak oke. Himonasi ā hvchi yukpa hokvto hvchi nukhāklot hvsh yahaya hi okvt na hvchi palvmmi mak oke.

26. Hatak moma kvv ahninchit isht hvchi anumpohonlikma, na hvchi palvmmi mak oke: in tikba vhleha hvt hopaii ilahobi puta ka yvmmak inli hō i yvmihchi tok oka.

27. Amba hvsh hāklo hvsh puta kvno hvchin tvnvp vhleha ma i hullot, hvchi nukkillikma nana achukma hō hvsh i yvmohmashke.

28. Nan ik vlhpeso isht hvchim anukfillit na hvchi mihachi yā na-yukpali hosh anumpulit, anonti anumpa isht hvchi a holvbechikma, vba pit isht hvsh anumpohonlashke.

29. Micha kvna hosh chitisukpi ā issokma, in tvnvp ma pit ish i welli makinlashke: mikmvt kvna hosh chim anchi ā chim ai ishi ka, chi na-fohka lumbo ma isha chi ka, chik i halanlo makinlashke.

30. Kanima hosh nan chim asilhha ka ish imashke; micha kvna hosh nana ka chim ai ishikma, falaminchit chik i hoyo kashke.

31. Micha hatak puta kvv hvchishno ā a hvchi yohma hi ā, hvsh aiahni hok mak osh, hvchishno ak kia mih-mak o hvsh ai i yvmohmi makinlashke.

32. Micha hvchishno ā hvchi hullo na mihi yō hvsh i hullo hokvto, nanta hō isht a hvchi yukpa cho? nan-ashvchi vhleha hvt, kanima hosh ilap ā i hullo hokvno i hullo chatuk akinli hoka.

33. Micha kanima kvv hvchishno ā nana achukma ka isht a hvchi yvmohmi hō hvchishno mvt nan achukma ka isht

hvsh ai i yvmohmi hokvto, nanta hq isht hvchi yukpa cho? nan-ashvchi vhleha ak kia yvmmvno yohmi chatuk oka.

34. Micha yvmmvt hvchim atobba hinla ka hvchim ahoba hokmak osh hvsh i-pota hokvto, nanta hq isht a hvchi yukpa cho? nan-ashvchi vhleha ak kia yvmmak atuk ash inli ohmi hq isha chi kv, nanashvchi bika ya i pota chatuk oka.

35. Amba hvchishno vto hvchin tvvp puta ka hvsh i hullo, mikmvt nana achukma hq hvsh yvmohmikmvt; anonti nana kia isht ai vlhtoba hi q ik aiahno hosh hvsh i potashke: yohmikma isht a hvchim vlhtoba hokvto chinta he; micha Nana moma imaiya im vlla hvchia ha hi hoke. Yvmmak okvt ilap q ik aikpacho, micha nan vlhpesa keyu vhleha aiena ka i kana achukma yoka.

36. Yvmohmi hoka hvchishno mvt na hvchi nukhaklo bano kv, hvch iki vt nan i nukhaklo bano yoka yvmmak inli hq hvsh chiyuhmashke.

37. Inla ya ik vlhpesachot nan hvch ik apeso kashke. Yohmik mak osh nan ik hvchim vlhpiso ka he mak oke: isht a hotopa he anumpa hq hvsh onochi na: yohmikmak osh hvchishno vt isht a hotopa he anumpa hv ik hvchi onvtulo ka hi oke: inla ya i kashofit hvchim i haksashke; yohmikmak osh hvchishno mvt hvchi kashofa hi oke.

38. Hvsh ihimashke: yohmikmak osh hvchishno mvt hvsh habihina hi oke: vlhpisa achukma, vlhtekvchit, mikmvt faiokvchit it ai isso hosh ont atampvt hlahaya ho, hatak vt hvch il ai vskofvchi anpkaka ya pit hvchim apitta hi oke. Nan isht vlhpisa hvchishno vt isht hvsh apesa tuk q, yvmmak inli hosh hvchishno ma isht hvchim vlhpisa hi oke, hvchim achi lishke.

39. Mihmvt nan isht apesvt anumpulit, Lupa yvt lupa ya halvllit isht gya hinla? tuklot yakni chiluk kia pit ik kaho ka hinla hq?

40. Nana ithvna vt nan ithvnanchi q i shahli chatuk keyu: amba nana ka imponnvt aighli hok mak osh moma kv nan-ithvnanchi ak q ai itilaua hi oke.

41. Micha nanta katiohmi hq na hishonluk iskvtnosi kv

ish itibapishi nishkin a foka na ish pisa hokak osh, anonti iti chito yvt chi nishkin akinli ka foka kvno chik akostinincho cho?

42. Keyukmvt anonti katiohmit ish itibapishi ha, Itibapishi li ma! na hishonluk iskvtnosi kvt chi nishkin a foka ka ak chi kohchi, ish acha hinla cho? chishno chi nishkin akinli kvno iti chito yosh foka ka chik peso kvt; nan-ilahobi chia hoka, iti chito yak o tikba ishit chi nishkin a ish a kohchashke; yohmikmak osh ish pisa achukma hosh ish itibapishi nishkin a nahishonluk iskvtnosi kvt foka ka ish kohcha hinla hoke.

43. Iti achukma kvt vni vt okpulo yo vnit waya chatuk keyu: yohmikma iti okpulo mvt vni achukma ka vnit waya keyu chatuk oke.

44. Iti puta kvv ilap vni yak o isht il ai otvvinchi chatuk: hatak vt kvv hak o fik a ai vmo chatuk keyu: yohmikmvt bissvpi ak o paki a ai vmo chatuk keyushke.

45. Hatak achukma yvt chukvsh a nana achukma kvv i foka hatuk osh, nana kvv achukma ho ai ishit kohonchi chatuk: mikma hatak vlhpesa keyu kvto chukvsh a nana okpulo yosh i foka hatuk osh, nana kvv vlhpesa keyu ho ai ishit kohonchi chatuk: chukvsh vt isht alotowakmak o itih hvv kohchit anumpuli chatuk oke.

46. Na katihmi ho nana ka hvchi mihaha li ka hvsh yohmi keyu kak osh, Chitokaka ma! Chitokaka ma! hvv si achi cho?

47. Kvna kia vm vlvv, nana mihaha li ka haponaklo cha, ai yvmohmi kvv, kvna ho holba ka hvchim anoli lashke.

48. Hatak vt chuka ya ikbi kvv, yakni a kullit, hofobichit, tvli yo nutaka in tola ya ai om bohli tuk mak o chiyuhmi hoke: yvmohmi tuk o okchito hvv aya mvt, chuka yvmmak ash yanvlli hvv kvllot ai isso fehna tok: yohmi kia tvli yo a toba ha tok oka, ik winalecho ki tok.

49. Amba kvna hosh haklo cha, mihma ik yohmo hokvto, hatak vt nutaka in tonla yvt iksho ho yakni yak o chuka ya ai on talali tok mak o chiyuhmi hoke: yvmohmi tuk o yvmmak ash yanvlli hvv kvllot ai isso fehna tok: yohmi ma

chekosi makinli hq kinafa mvt, chuka yummvt okpulo kv̄t ai oklyha tok, im achi tok.

CHAPTA VII.

Chisvs vt Kapenam g ona cha, Sintulion na-yimmi ka ahnichi mvt, 1; 10 in tishu hq hlakofichi. 11 Nain g ona cha, ohoyo i hatak illi ushi illi tuk g falaminchit tanichi. 18 Chan vt aboha kv̄llo foka mvt, yummak osh Klaist mak okma, keyukma, nana hatuk ma Chisvs g pit i ponaklo: 22 mihma ilap vt nana kv̄t a fehna kia yummichi tok puta kv̄t Chisvs vt im anoli: 24 mihmvt Chisvs vt Chan g isht anumpulit atokowa ka anoli. 37 Ohoyo hv̄t nanashvchi yq ik yohmi, im aiahni na iyi ya nan-ahama a hv̄mmi; mihma ohoyo hash hopohlv̄chit nan im ai ashv̄chika ya i kashofi.

1. OKLA hv̄t haponaklot aiasha na nana ka mihvt ont in taiyaha mvt, Kapenam g ont chukowa tok.

2. Mihma Sintulion achv̄vt in tishu, yummvt i holitopa chatuk osh, abeka cha, illa hosi tok.

3. Atuk osh Chisvs g pit haklo mvt, vla cha, in tishu hash hlakoficha hinla ka, pit im aiahni hosh, Chu okla in tikba vhleha hq pit in tihleli tok.

4. Atuk o yummak ash ot Chisvs g im ai ona mvt, im asilhha kv̄t achilita fehvt, Ilvppa ai i yvmihcha he vlpiesa fehna;

5. Yummak okvt pim okla talaia hq pi holitoblit sinakak g pim ikbi tok oka, achi tok.

6. Mihma Chisvs vt awant ia tok. Atuk osh chuka atuk ash onq hosit taha ma, Sintulion ash osh i kana vhleha hq pit in tihleli mvt, Chitokaka ma! gyvt ik chim ahchibo kashke: chishno vt vm aboha ya ant ish chukowa he si ahoba keyu hoka.

7. Yohmi kv̄t anonti vno akinli hosh gyvt ont chi pisa la he si ahoba keyu kv̄t vm anukfila atuk oke: amba anum-pa bano hq ish mihakma, an tishu hatuk mvt hlakofa hinlv̄shke.

8. Uno ak kia hatak tv̄shka chipota vhleha pehlichit i shahli nutaka ahanta chatuk sia hoka: yohmi kv̄t achv̄fa ka, Iá, im achi likma, ia hoke: mikmvt inla ma, Minti, im achi

likma, minti hoke : mikmvt an tishu hā, Ilvppa yakohmichí, im achi likma, yvmihchi chatuk oke, pit im achi tok.

9. Mihma Chisvs vt ilvppa puta ka haiyaklo mvt, pit im aiokpanchi fehnvt, filemvt hikia cha, apehvt aya tuk okla hash, Islael okla hā kanima kia na yimmi chinto yakohmi ka ak a pesoshke, hvchim achi lishke, im achi tok.

10. Mihma yvmmvt yakohmit itnnowa tuk vt chuka ash falamvt, tishu abeka tuk vt hlakofi tuk o ont pisa tok.

11. Atuk o ont onna ma yakohmi tok : tmaha Nain hohchifo hō ia tok ; mihma nan im ai ithvna laua, micha okla laua aienvt apehvt ilhkoli tok.

12. Atuk osh tmaha okhissa yā i bilika vla ma, hatak vt ohoyo i hatak illi yō ushi yosh, ishki ā yvmmak osh i bano chatuk osh illi na okla sholit kohcha tok ; yohmi ma tmaha okla hvt lauvt yvmma apehvt aya tok.

13. Mihma Chitokaka yvt ishki atuk ā pisa mvt, i nukhaklo cha, Ish yaiya ná, im achi tok.

14. Mihmvt yvmmak ash ot ai onvtola kash ant potoli tok : mihma sholi tuk vt lumvt hieli tok. Mihma, Hatak himita chia hvt ish tanashke, chim achi lishke, achi tok.

15. Mihma illi yatuk yvmmak ash ot tanit binili cha, anumpuli tok ; mihma yvmmak ash ishki ā pit ima tok.

16. Mihma okla moma ka nanukshopa kv̄t ai anukfoyuka tok : mihmvt Chihowa yā holitoblichit aiokpahanchit, Hopaii chinto kv̄t pitintakla yā a tobt hikivshke ; micha Chihowa yvt im okla hā i nowvt ayvshke, okla achi tok.

17. Mihma yakohmit Chisvs isht ai annoa kv̄t Chutea yakni ā mominchit, anonti yakni inla auet a bilika aiasha ma moma a hlopulli tok.

18. Mihma Chan nan im ai ithvna vhleha hvt nana kv̄t a yakokmi tuk ā mominchit im anoli tok.

19. Mihma Chan ash ot ilap nan im ai ithvna yā tuklot hoyo cha, Chisvs ā pit in tihleli mvt, Chishno ak osh aya he tuk mak o chia hokmá, ak chu ? himmak pilla hak o inla yō e hoyo chī cho ? achi tok.

20. Hatak ash ot ayvt im it onachi mvt, Chan Baptist vt, Chishno ak osh aya he tuk mak o chia hokmá, ak chu ?

himmak pilla hak o inla yo e hoya chi cho? achi hosh auet pi tihleli tuk oke, achi tok.

21. **Mihma hvshi kanvlli vlhpisa yvmmak fehna ka haknip ik in chukmo, mikmvt ililli isht ai ilbvsha, micha shilombish okpulo ai i foka puta aiena kvv lau hq hlakofichi tok: mihmvt lvpa vt lau atuk g hoponayochi tok.**

22. **Mihmvt Chisvs vt afalaminchi mvt, Oh ia cha, nana ka hvsh pisa tuk, mihmvt hvsh haklo tuk aiena kvv Chan g ont oh im anoli; lvpa yvt hoponayo, imomokpulo yvt nowa ma, leplosi vbi vt i kashofa, ik haponaklo vt haponaklo ma, illi mvt falamvt tani, mihma ilbvsha ya vbanumpa hvv isht im anuhumpvshke.**

23. **Yohmi ka kvna hosh vno g ik si ai ibetvblokmvt, mihi yosh na yukpa hoke, achi tok.**

24. **Mihma Chan im anumpa isht aya tuk vt a falamvt, itiachi ma, okla ha Chan ak o isht im anumpulit, Nanta hq hvsh pisa chi hosh yakni haiaka yvno hvsh ilhkoli tuk oh cho? Kvshak osh mahli na winakvchi kak atuk o?**

25. **Amba nanta hq hvsh pisa chi hosh hvsh ilhkoli tuk o? Hatak na-fohka lapushki fohka kak atuk o? Yakeh! na-fohka holutopa ishit shemvt, ilimpa hochukma in lau hokvto, hatak miko vhleha in chuka ak o aiasha cho kvmo.**

26. **Amba nanta hq hvsh pisa chi hosh hvsh ilhkoli tuk o? Hopaii ak atuk o? Ahlishke, micha holutopa kvv hopaii ya i shahli fehna hoke, hvchim achi lishke.**

27. **Ish ataya he chi tikba ai apoksiahancha chi mak o vm anumpeshi g chi nashuka itikba ma chuffichi lishke, achit holisso tok g, ilvppak osh mih mak oke.**

28. **Ohoyo hq a tovt ai vta tok puta ka hopaii chito kvv Chan Baptist g imaiya kvv iikshoshke, hvchim achi lishke; yohmi ik nana kia moma ik lauwo hosh Chihowa apelihchika yvno anta kvv, Chan g imaiya hoke.**

29. **Yohmi ma Chan g okla im a haponaklo tuk vt moyuma, micha pvblikan vhleha aiena kvv Chan g i baptismo ya isht a baptismot, Chihowa ya im aighlichi tok.**

30. **Amba Falisi vhleha, micha nan-vlhpisa ithvnanchi**

vhleha aiena kvto ilapo yokvto yummak ash o ik im a baptismo, Chihowa nana im ajahni tuk g ik aiahlecho hokvt.

31. Mihma Chitokaka yvt, Yohmi kvno hatak himaka aiasha ka nanta hak o pit it apesa la chi cho? yohmi ka nanta hak o okla pit hoyulba cho?

32. Ulla yosh ilhpak a kanchi yo binomaya hosh ilap bika it i howvt, Oskula ha e hvchim olachi ka, hvchik heh-loshke; illi isht taloa isht e hvchi yaiya ka, hvch ik yaiyoshke, ahanchi ho chiyumishke.

33. Chan Baptist vt pvka yo ik po, mihmvt oka paki ma ik ishko yosh aya; yohmi ma, Nan-isht-ahullo okpuli il ai ishishke, hvsh achi.

34. Hatak Ushi yokvto impa, micha nan ishko aiena hosh aya: yohmi ma, Yakeh! hatak isikopa, micha oka paki ishko shahli, pvblikan vhleha mikmvt nan ashvchi puta ka i kana yoke, hvsh achishke.

35. Yohmi kia Ahopoyuksaka yokvto ilap im vlla vhleha ha mominchit ai isht aighli chatuk oke, achi tok.

36. Mihma ibai impa hinla ka Falisi achivvt im ahni tok: yohmi ma Falisi in chuka yash ont chukowvt, impa chi hosh binili tok.

37. Yohmi ma ohoyo nan-ashvchi yosh tvnaha yumma anta tuk osh, Falisi in chuka ya Chisvs vt gsht impa na akostininchi mvt, a l a b a s t a kotoba nan-ahama balama vlhto ho isht ona mvt,

38. Im asha-ka iyi pit a chiya ka ont hikivt yahaya cha, iyi ash nishkin okchi yak o isht achivvt, anonti ilap noshko-bo pashi akinli ho ishit kasholinchi mvt, iyi g i suksohovvt, nan ahama balama ash o isht a hvmmi tok.

39. Mihma Falisi vt yummak ash o hoyo tuk ash ot, yumma pisa mvt, Hatak ilvppvt hopaii atuk ok mvt, kvna hosh, micha ohoyo kaniohmi chatuk osh potoli ka, ik akostinincho ka heto; ohoyo ilvppvt nanashvchi yoka, ahnit ilapo inli il im achi tok.

40. Mihma Chisvs ash ot afalaminchit, Saimon g nana chi miha la hinla kv vm gshvshke, im achi tok. Mihma

yummak ash ot, Nan ithvnanchi ma! ish mihashke, achi tok.

41. Mihma, Hatak nan-ahekuichi achvfa yumma abeka im in takohnli kv̄t tuklo tok: achvfa kv̄to abeka yvt iskvli tahlepa in tahlapakma, anonti achvfa kv̄to pokoli tahlapi ha tok.

42. Atuk osh isht atobba hi vt nana kia ik im iksho kit okla ma, it aieninchit pilla hō yummak ash ot i kashofi tok. Yohmi ka, Um anoli; katimampo kak osh yumma i hullo kv̄t i shahlicha hinla cho? achi tok.

43. Saimon ash ot afalaminchi mvt, Laua i shahli tuk o i kashofi kak a hinla, ahni li, achi tok. Mihma, Pit v̄lhpesvchit ish anukfilli m̄vhlishe, im achi tok.

44. Mihmvt ohoyo a hikia ka pit filema mvt, Ohoyo ilvppa ish pisa cho? chim aboha ant chukowa li ma, chishno vto saiyi isht achifa he oka kapvssa kia chik samo ke tuk: amba ilvppak okvto nishkin okchi yō saiyi ya isht achifa mvt, ilap noshkobo p̄ashi ak o isht kasholihinchishke.

45. Chishno vto chik sa suksowo ke tuk: amba ohoyo ilvppak okvto, ilvppa ant chukowa li tuk takla ka, saiyi ya i suksohōwa kv̄t ik iesoshke.

46. Chishno vto sa noshkobo h̄a nan-ahama isht chik sv̄m a hv̄mmo ke tuk; amba ohoyo ilvppak okvto saiyi ya nan-ahama isht ahv̄mmishke.

47. Yohmi hokvt, Nan im ai ashvchika yvt laua tuk vt kashofa hoke: mihi yosh nan i hullo fehna hatuk okvt, chim achi lishke: amba ik lauo hosh i kashofa hok mak osh mihi yosh nan i hullo kv̄t a fehna keyu chatuk oke, im achi tok.

48. Mihmvt ohoyo hash o, Chim ai ashvchika puta kv̄t ch̄i kashofa mak oke, im achi tok.

49. Mihma it apehvt asht impa tuk yummak ash ot, Ilvppvt kv̄ta hokak osh nan-ai ashvchika puta kak kia kashofi hoh cho? ahnit ilapo inli okla im anukfila tok.

50. Mihma ohoyo hash o, Na chi yimmika yvt chi okchalinchishke: na-yukpvt ish ayashke, im achi tok.

CHAPTA VIII.

Chisvs vt im anumpeshi vhleha, micha nan-isht im vtta vhleha ohoyc aienvt apihvt aya hq, vbanumpa isht anumpuli, 1. 4 Na hokchi isht vlpisa anumpa; 6 micha yvmmak atuk vt vlbivt achukma annoa. 16 Pula tohwikeli isht vlpisa; 21 kva hosh Klaist im anumpa puta ka im antia hokto, yvmmak o i kanomi fehna mak oke. 22 Chisvs vt kocha umba mahli kvlo ka yukobli; 26 mihmvt nan-isht-ahullo okpulo lawa hq hatak achvfa ka a kocha weli: yohmi ma, shukha lokoli achvfa hq ont abeha chi ka, vlpesa im ahni; 43 ohoyo issish ont ia vbi yatuk o hlakofichi; 49 mihmvt Chailvs ushetik illi tuk a falaminchit tanichi.

1. **ATUK** osh i himmakma yakohmi tok: tmaha, micha chuka lokoli puta aiena ka mominchit a hlopullit ayvt, vbanumpa isht anumpohonli; micha Chihowa apehlichika ai isht ilaiyukpa anumpa hq otvvinchit isht anumpohonli tok: mihma auah tuklo kash ot apehvt aya ma,

2. Michi ohoyo kanohmi, yvmmvt shilombish okpulo puta, micha haknip ik in chukmo puta aiena tuk osh a hlakofi tok, Meli Maktalene hohchifo yvmmak o nan-isht-ahullo okpulo untuklot a kohcha tok.

3. Mihmvt Choanna Helot a nan-isht im vtta Chusa a tekchi, micha Susanna, mikmvt inlaka mvt laua hosh nana im agha tuk vt, Chisvs a isht apelvchi tuk vt apehvt aya akinli tok.

4. Okla lawa fehvt tmaha moma ashvt minti kvv im ai itvnaha ma, nana isht apesa hosh im anumpuli tok.

5. Na hokchi vt i nanihi hokchit ia tok; atuk osh hokchi ina, kanimi kvv hina lapalika yo kaha tok: atuk o a hvhlichich; yohmi na hushi puta vba itvnowa kvv ant aiowvt vpa tok.

6. Mihma kanimi kvto tvli yo ai o kaha tok: atuk osh offo mak inli hosh a shummi takanli kvv ik im iksho hatuk okvt, bvshit kvnia tok.

7. Anonti kanimi kvto kvti foka yo a kaha tok: atuk o kvti ash ot awant offo cha, olvbbit ishi tok.

8. Yohmi ma inla kvto yakni achukma h_o ai o kaha tuk osh offot, nihi achvfa tuk kia tahlepa achvfa vnit waya tok: ilvppa puta ka achit ont in taiyaha mvt, Kvna hosh isht haponakla he haksobish vt i hinlikmvt, haklashke, chitoli hosh achi tok.

9. Mihma nan im ai ithvna vhleha hash ot, Ilvppvt nan-iaht vlhpisa katiohmi ha hinla hoh cho? achit i ponaklo tok.

10. Mihma, Hvchishno ano Chihowa apelihchika ya nana kvt ik otaiyano ke tuk g hvsh akostinincha he mak osh hvchim vlhpisa hoke: amba inla ka yokvto pisa kia, pisa he keyu; mikmvt haklo kia, ik akostinincho ka chi h_o nan-isht vlhpisa anumpa ha chi ha tok.

11. Nan-isht vlhpisa kvt ilvppak oke. Na-nihi ak osh Chihowa im anumpa mak oke.

12. Hina lapalika kaha kvt, anumpa ha haklo kak oke: yohmi ma Setan vt gyvt, okla yimmit ik okchayo ka chi ka, anumpa ha chukvsh ash a kohchit im ishi chatuk oke.

13. Tvli yo ai o kaha kvto, anumpa ha haklokmvt, na yukpa hosh ahninchu kak oke; yakohmi kak osh hakshish vt iksho; yohmi hosh chekosi takla hokvno yimmi tuk osh, nana kvt ont a palvmmikma, mokohli hoke.

14. Mikma kvti foka yo a kaha kvto, anumpa ha haklo tuk kia, yakni pakna ahantvt nan-isht a katiohmi puta, mikmvt nan in laua bvna, micha na-washoha puta isht a nukfoyuka kak osh ai im olvbbi na vnit ghlit ik wayo kak oke.

15. Amba yakni achukma yo ai o kaha kvto, yvmmvt chukvsh achukma aighli mak osh anumpa ha haklokmvt, ieshit achunanchi cha, vnit waya kak oke.

16. Hatak nan ak osh pula ha luachi mvt, nan-aivlhto yo isht ompohomokma, keyukmvt topa nutaka yo pit tala-likma, nana chatuk keyu; amba kvna hosh ant chukowakmvt tohwikeli ka pisa chi ka, pula ai-o-hikia yak o o hilechi chatuk oke.

17. Na luma nana hatuk osh ik otaiyano ka hi vt iksho :

mikma nana hosh luma tuk ak o ik akostinincho ki, ik otano ka he mvt iksho hoke.

18. Yohmi hoka nana ka hvsh haklo kv̄t, Ahah! hvsh ahnashke; kv̄na hosh īshi hokmak o, mihi yo ima hi oke: mikmvt kv̄na hosh īshi keyu tuk mv̄no, mihi yo īshi ahomba tuk ash kia aieninchit im ai isha hi oke, achi tok.

19. Yohmi ma ishki, micha itibapishi v̄hleha aiena kv̄t im ai vla kia, okla hak osh atehlev̄t kv̄nia hatuk o, a hikia ka ona he keyu ki tok.

20. Mihma, Chishki, micha chitibapishi v̄hleha aiena kv̄t chi pisa bv̄nna hosh, kocha ya hiohm̄yvshke, achit im anoli tok.

21. Mihma yvm̄mak ash ot afalaminchi mvt, Chihowa im anumpa ha haponaklo cha, mihi yo ai yvmohmi v̄hleha ilv̄ppak osh vshki, micha itibapishi li v̄hleha aiena mak oke, im achi tok.

22. Atuk osh nitak kaniohmi ho yakohmi tok: nan im ai ithv̄na v̄hleha hash ai it apeh̄v̄t peni ont chukowa tok; mihmvt, Okhv̄ta mish-tv̄nvp ak o pit eho tanv̄blashke, achi tok. Mihma peni ash okla oka tobli tok.

23. Atuk o yakohmit peni a asht itv̄nowa ma, yvm̄mak amo nusi tok: atuk o mahli chito kv̄t okhv̄ta hash on itu-yula; yohmi ma oka yvt ibai alota na ai isht-kv̄nvp̄t ai i palv̄mma he pullv̄t aiasha tok.

24. Yohmi cha okla onv̄t yvm̄mak ash okchv̄li mvt, Pithvn̄anchi ma! Pithvn̄anchi ma! pilli mak oke, achi tok. Mihma yvm̄mak ash ot tani cha, mahli micha oka poakv̄chi aiena kash im alv̄m̄mi tok: mihma yvm̄mak ash ot yokopa na chulusv̄t talaia tok.

25. Mihma yvm̄mak ash ot, Na hv̄chi yimmika mv̄to? im achi tok. Mihma okla nukshopa hatuk okv̄t, nukhlakanchv̄t, Ilv̄ppv̄t hatak katiohmi mak oh cho? ilv̄ppv̄t mahli, oka aiena kak kia nan i miha ma, im antiv̄shke, it im achit maya tok.

26. Atuk osh Katalenes okla i yakni Kalili auet i chapa ka talaia ka, okla ont ataiya tok.

27. Yohmi na yvm̄mak ash ot pit kohchv̄t ia ma, hatak achv̄fa kv̄t nan-isht-ahullo okpulo puta kv̄t ai i fōka tok ho-

paki hosh, na fohka kia fohka chatuk keyu, mihmvt chuka yo ai vtta chatuk keyu, amba hatak illi aiasha yak o ai vtta chatuk osh, tumaha ha a kohchvt aya hosh afama tok.

28. Mihmvt Chisvs a pisa mvt, chitolit tahpula mvt, yvmmak ash itikba ya aka hlipvt chitoli hosh anumpulit, Chisvs Chihowa nana moma imaiya Ushi chia ha, vno vt nanta ho isht chi ahalaia li cho? chik svlvshalo ka chi mak o, chim asilhha lishke, achi tok.

29. Yvmmak okvt shilombish okpulo vt hatak ash a kohcha chi ka, im apesa ha tok. Yvmmak okvt himonna hak-sinchit hohokli beka tok; yohmi hatuk a yvmmak okvt tvli ita-takvli, micha iyi ai vlhpitta tvli aiena isht talakchi ho okla apesvchi ha tok: yohmi kvv isht a kamvssa yatuk a kobvffikma, nan-isht-ahullo okpulo ash osh chvffichi na yakni haiaka a kvnia beka tok.

30. Yohmi hatuk o Chisvs ash ot i ponaklot, Chi hohchifo hvv nanta ho? achi tok: mihma yvmmak ash ot nan-isht-ahullo okpulo vt laua hosh pit ai abeha hatuk oka, Lechvn sia, achi tok.

31. Yohmi ma kohchvt ahofobika ai-ilbvsha mak o okla ia hi a ik im apeso ka chi ka, okla im asilhha tok.

32. Yohmi ma nvnih pilla yvmmak oka shukha laua yvt ai impa hosh aiasha tok: yohmi ma yvmmak o okla ont abeha chi ka vlhpesa, im ahna chi ka, im asilhha tok. Yohmi ma vlhpesa, im ahni tok.

33. Yohmi ma-nan-isht-ahullo okpulo puta kash ot hatak ash a kocha wihvt ia mvt, shukha yash o ont chukowa tok. Yohmi ma shukha laua yash osh nvnih chakpatali ka asht aka pit yihlepa fehvvt, okhvta ont ai oka kahvt, nuksakkit illi tok.

34. Yohmi ma yvmma apesvchi vhleha hvv nana kvv ai yvmohmi ka pisa mvt, yihlepvt ivt, tumaha mikmvt haiaka aiasha tuk aiena ka ai im anoli tok.

35. Yohmi ma nana kvv ai yvmohmi tuk ash okla pisvt ilhkoli tok. Atuk osh Chisvs ash im ai vla cha, hatak nan-isht-ahullo okpulo puta kvv a kocha wiha tuk ash, ilefoka fohka cha, im anukfila mvt hopoyuksa achukma hosh,

Chisvs iyi ituma ya binili ho okla pisa tok : yohmi mvt okla nukshopa tok.

36. Yohmi ma nan-isht-ahullo okpulo puta ai i foka tuk vt kaniohmit a hlakofi na okla pisa tuk ash kia im anoli tok.

37. Yvmohmi ma Katalenes yakni ai i bilika tuk vt okla laua kvv nanukshopa chinto kvv ai onvtuyula hatuk osh, yvmmak okvt i filvmma hinla ka, momvt okla im asilhha tok. Yohmi na yvmmak ash ot oiyvt peni ash pit chukowa mvt, falamvt gya tok.

38, 39. Mihma nan-isht-ahullo puta kvv a kocha wiha tuk hatak ash ot awant gya hinla kvv, im asilhha tok : yohmi kia Chisvs ash ot, Chin chuka yak o falamvt ish ona cha, Chihowa hvv nana chinto nana mak o a chi yvmihchi tuk g, ont ish anolashke, achit pit chvffichi tok. Mihma yvmmak ash ot ia mvt, nana chinto fehna nana mak o Chisvs vt i yvmihchi tuk g, tvnaha hash mominchit ai anoli tok.

40. Atuk o yakohmi tok ; Chisvs ash ot falamvt vla ma, okla hvv momvt hoyo hosh aiasha tuk okvt, okla na yukpvt aiokpvchi tok.

41. Yohmi ma hatak vt Chailvs hochifo hosh, sinakak apesvchi yosh vla tok ; mihmvt Chisvs iyi ituma ya aka ant hlipia cha, in chuka ya ona hinla ka, im asilhha tok.

42. Yvmmak okvt ushetik vt achvfa illa hosh, afvmmi auah-tuklo foka tuk osh, illa hosi hosh itonla ha tok. Yohmi ma yvmmak ash ot ia hosh gya ma, okla chinto kvv ai a folublrit kvnia tok.

43. Yohmi ma ohoyo hvv issish um-bokafa tok afvmmi auah-tuklo hatuk osh, nana im gsha tuk g mominchit alikchi puta kak o ai ataiyaha kia, achvfona ma a hlakofa he mvt iksho hosh, gya tuk osh,

44. Im ashaka ona cha, im anchi aposhokvchi ya pit potoli tok : yohmi ma ashaliika issish ont ia tuk vt i hokofa tok.

45. Mihma Chisvs vt, Kvta hosh sa potoli cho ? achi tok. Kvna hatuk keyu ka momvt miha ma, Pita yvt, micha apehvvt gya tok aiena kash ot, Pi shahli ma ! okla chito vt chi a folublrit chi atehlifichi fehna hokak o, Kvta hosh sa potoli, ish achi cha ? achi tok.

46. Mihma Chisvs ash ot, Kvna hosh sa potoli tuk, nanisht aialhika yvt a si a kohcha ka akostininchi li hoka, achi tok.

47. Yohmi ma ohoyo hash ot ilapvt luma keyu kv akostininchi mvt, wvnihinchit ona mvt, itikba ya aka ont hlipia cha, nana kaniohmi hō yvmmak oka potoli tuk, micha kaniohmit ashalika hlakofi tuk aiena kv okla moma itikba ya ai im anoli tok.

48. Mihma yvmmak ash ot, Svsotek ma! na chi yukpa achukmashke; na chi yimmika yak osh chi hlakofichi hoka, na-yukpa bieka anukfoyuka hosh ish ayashke, im achi tok.

49. Yvmmak okvt anumpuli moma hō, sinakak apesvchi in chuka ya achvvt minti hosh vla mvt, Chiso-tek vt illishke; nan-ithvnanchi ma chik im ahchibalo kashke, im achi tok.

50. Yohmi kia Chisvs vt pit haklo mvt nan i mihvt, Ik chi komunto kashke; pilla ik chi yimmi, mikma yvmmak okvt hlakofa chj hoke, im achi tok.

51. Atuk osh aboha yash ont chukowa mvt, hatak nana kia ik chukowá, ik aiahno; amba Pita, micha Chemis, mikmvt Chan, micha ohoyo himita ya iki, mikmvt ishki itatuklo kak illa tok.

52. Yohmi ma moyumvt ilbvshvt isht yahaya tok: yohmi kia yvmmak ash ot, Hvsh yaiya ná; illi keyu; pilla nusi hoke, achi tok.

53. Mihma yvmmak okvt illi hoka, okla ithana hatuk osh, yvmmak ash ik ahobalot olvli tok.

54. Yohmi ma yvmmak ash ot mominchit kohchichit tahli mvt, yvmmak ash ibbak a halvlli cha, i howvt, Ohoyo himita ma! tani, achi tok.

55. Mihma shilombish vt falamvt im vla cha, yvmmak ash ot ashalika tani tok; mihma nan-ilimpa i hoyo hinla ka, miha tok.

56. Mihma iki, ishki itatuklo kash ot nukhlakancha fehna tok. Yohmi ma nana kv a yvmohmi tuk ash hatak nana kia ik im anolo ka hi o i miha tok

CHAPTER IX.

Chisvs vt im anumpeshi auah-tuklo ka vbanumpa isht anumpula chi, micha nana kv̄t isht ahullo fehna kia yvmibchi a puta hosh im ai vlhpesa hatuk vt otvnincha chi h̄o, pit tihleli, 1. 7 Helot vt, Chisvs a pisa bv̄nna. 17 Chisvs vt pvska lumbo tahlapi, micha n̄vni chipunta tuklo aiena tuk a, hatak tahlepa sipokni tahlapi ka impv̄chi: 18 micha ilapa kv̄na hak o okla im ahoba hatuk a ponaklo tok; 22 micha ilap vt illi tuk osh, anonti falamvt tana he aiena kv̄t tikbanli anoli: 23 yohmi mvt nan im ai ithvna vhleha ilapa holi-tobli pulla kv̄t, ile kaiyancha he, micha na-palv̄m̄mi puta ma pisa chi aiena kv̄t im vltaha hi a, i miha. 28 Chisvs vt vba pit anumpula chi hosh n̄vni chaha pit oiya atuk osh, vba pit anumpulit ahanta moma hosh pisa ka inlv̄t toba. 37 Vlla yosh nan-isht-ahullo okpulo isht abeka tuk a Chisvs vt hlakofichi: 48 mihmvt anonti ilap i palv̄m̄mit illa hi vt tikbanli anoli; 46 nan im ai ithvna vhleha hv̄t ilap na-fehna bv̄nna im anukfila puta ka im oktv̄bli: 51 Sa malia okla hv̄t Chisvs a ik aiokpacho kv̄t okla illit taha chi ka, Chemis, Chan, Ita-tuklo kv̄t ahni ma, Chisvs vt nan isht i miha; 57 hatak kaniohmi kv̄t chvk̄vsh a mominchit isht im antia he keyu kv̄t asha hatuk o, nan i miha.

1. YUMOHMI mvt ilapo nan im ai ithvna vhleha auah-tuklo kash hoyot itahobi mvt, nan-isht-ahullo okpulo puta imaiyvt, mikmvt abeka ilaiyuka puta ma hlakofihincha chi ka, nan aighlika ya isht im apesa tok.

2. Yohmi mvt, Chihowa apelihlika yoka isht anumpohlit, anonti abeka puta ma hlakofihincha chi mak o pit tihleli tok.

3. Yohmi mvt, Itvnowvt hv̄sh aya kv̄t tvbi kia, mikmvt shukcha, micha pvska, anonti tvli holisso, ilefoka lumbo mvt tuklo aiyuka, peh nanasi kia hv̄ch ik isho kashke.

4. Mikmvt chuka nana h̄o ont hv̄sh chukowakmvt, yvm-mak o hv̄sh ahashwa tuk osh, kohchvt hv̄sh iashke.

5. Michā kv̄na kia ik hv̄chi aiokpachokma, tumaha yvm-ma a kohchvt hv̄sh iakmvt, nan-isht im atokowa mak o hituk tohbi ka hv̄ch iyi ya tahtulit hv̄sh a kanchashke, im achi tok.

6. Mihma okla ivt tumaha puta ka hlopullit ayvt, vba-

numpa isht anumpohonlit, kanima moma ka abeka a hlakofichit itvnowa tok.

7, 8. Helot miko ash ot, yvmmvt nana puta ai yvmihchi ka haklo tok; yohmi mvt kanimi kvv, Chan ak osh illi tuk vt falamvt tani tuk, achi ma; anonti kanimi kvv, Elias ak osh ant haiaka, achi: mihma inlaka mvt hopaii vhleha tikba ya tok ak osh achvfvv falamvt tani hoke, achi hoka, katiohmi ahnit ik im vlvpiesot im anukfila tok.

9. Mihmvt Helot ash ot Chan ano noshkoba hq tvbli li chamo: amba na yakohmi puta a hahaklo li ka yvmmak osh kvvta hoh cho? achi tok. Mihmvt yvmmak ash pisa bvna tok.

10. Mihma vbanumpeshi vhleha hash ot falamvt ai ona mvt, nana ai yvmihchi tuk vt mominchit okla im anoli tok. Mihma yvmmak ash ot pehlinchit il a lumvt, naksika tvmaha hohchifo Betsaita ai i bilika yakni haiaka yo ia tok.

11. Mihma okla hvv akostininchi mvt, yvmmak ash o pit iakaiya tok; mihma yvmmak ash ot im aiokpahanchit, Chihowa apehlichika isht im anumpohonlit, yvmmak okvt hlakofi bvna hokvno hlakofihinchi tok.

12. Atuk o nitak ash ot ont shohbit mahaya ma, auah-tuklo kash ot ai vlvv, Yakni haiaka yo il aiasha hoka, okla laua ya ish in tohno na ilhkolit tvmaha puta, micha a kocha chuka hiohli yakni auet a bilika fullota aiena ka ont a nusit, ilhpak ma ahayuchit mayashke, im achi tok.

13. Yohmi kia yvmmak ash ot, Impa oh ipeta, im achi tok. Yohmi ma, Pvska tahlapi, mikmvt nvni tuklo aiena misha keyu hosh pin chiyvshke; kanima yo ivv okla moma ilvppa ilhpak q kil in chumpo hokmvt, okla achi tok.

14. Yohmi ka hatak vt tablepa sipokni tahlapi foka ha tok. Yohmi ma nan im ai ithvna vhleha hash o, Pokoli tahlapi aiyykvv ia ho ho binohlichí, im achi tok.

15. Yohmi ma yvmihchit, mominchit okla binohlichí tok.

16. Yohmi ma yvmmak ash ot pvska tahlapi, micha nvni tuklo aiena kash o ishi cha, pit vba chakalit aiokpvchi cha, tushahlichí mvt, okla laua ya in talohla chi ho, nan im ai ithvna vhleha hash pit ima tok.

17. Mihma okla impvt momvt kaiya tok ; mihma okla im atampa tuk a, boshulli yvt kishi auah-tuklo hq okla aiowa tok.

18. Atuk o yakohmi tok : nan im ai ithvna vhleha ak illa hosh apiha hq antvt, vba pit anumpuli tok : atuk osh yvm-mak ash o i ponaklot, Okla hvto vno vt kvta sia hq achi hq ? achi tok.

19. Yohmi ma afalaminchi mvt, Chan Baptist ; amba kanimi kvto, Elias ak o achi : mikma inlaka yvto, Hopaii vhleha tikba ya tok ak osh achvvt falamvt tani hoke, okla achishke, achi tok.

20. Amba, Hvchishno vto vno vt kvta sia hq hvsh achi hq ? im achi ma, Pita yvt afalaminchit, Chihowa i Klaist a, achi tok.

21. Yohmi ma yvma hatak nana kia okla ik im anolo ka chi ka, achukmalit kvllochit i miha mvt,

22. Hatak Ushi yokvt nan isht ai ilbvsha kv in laua chi, yohmikmvt hochitoka vhleha, micha na holitempa isht gsha pehlichit vhleha, mikmvt na holissochi puta aiena mvt ik i yimmot ik aiokpachot vbi tuk ma, nitak ont atuchinakma falamvt tana hi oke, achi tok.

23. Yohmi mvt mominchit i miha kv, Kvna hosh siakaiya he, ahni hok mvt, ilapo yvt ik ile holitoblo hosh nitak moma ka im iti-taiyukhvna atuk ma ieshi hosh, vno a siakaiyashke.

24. Kvna kia ilap im ilhfiopak a okchalinchi bvna hokmvt, i kvnia hi oka ; amba kvna hosh vno pulla hatuk mak o im ilhfiopak vt isht i kvnia hokmvt, mihi yosh il im okchalincha hi oke.

25. Hatak vt yakni a il a mominchit ieshi hosh, anonti ilapo fehna yash il okpvnichit il issikkopalit kaiyanchi hokmvt, nanta hq isht ilaiyukpa hinla cho ?

26. Kvna hosh vno, micha vm anumpa puta aiena ka i hofahya tukma, mihi yo Hatak Ushi vt ilapo, mikmvt Iki, micha enchil hochukma vhleha a puta nan-isht aholitopa ka il aieshit gyvt vlakmvt, i hofahya hi oke.

27. Yohmi kia Chihowa apehlichika ya pisa ha keyuk

mt, illa chi keyu kv̄t ilv̄ppa kanimi mt̄ hiohm̄aya hoke :
gh̄li mak ̄ hv̄chim anoli lishke, achi tok.

28. Ilv̄ppa puta ka ahanchi tuk ash nitak ont isht untu-
china foka ma, Pita, micha Chan, mikmt̄ Chemis aiena ka
pehlich̄i cha, nv̄nih ch̄aha ȳo v̄ba pit anumpula chi hosh ia
tok.

29. Atuk osh v̄ba pit anumpuli ma, nashuka yv̄t inlv̄t
toba ma, ī na-fohka yv̄t tohbit shohmalili tok.

30. Yohmi ma hatak tuklo kv̄t, yv̄mm̄t Moses, micha
Elias ita-tuklo mak osh yv̄mm̄ak ash ant im anumpulit okla
tok.

31. Yv̄mm̄ak okv̄t nan-isht a holitopa gh̄li ka il aieshi
hosh ant otaiyanit okla cha, yv̄mm̄ak okv̄t Chelusalem ̄ ai
illa hi ̄, isht anumpohonlit okla tok.

32. Yohmi kia Pita, micha inlaka aiena yv̄mma apehv̄t
̄aya tuk ash ot nosilh̄ha fehna tok : atuk osh okla ont okchv̄t
taha mt̄, isht-a holitopaka yash, micha hatak tuklo kv̄t
apehv̄t hieli tuk ash aiena ka okla pisa tok.

33. Atuk ̄ yakohmi tok ; yv̄mm̄ak ash ot ai ī filv̄mmit
tamov̄t okla ma, Pita yash osh Chisvs ash, P̄i shahli ma !
ilv̄ppa e m̄aya kv̄t pim achukmv̄shke : yohmi ka vlhtipo
tuchina ka il ikbashke, achv̄fa kv̄t chimmi hokma, anonti
achv̄fv̄t Moses ak ̄ immi hokma, anonti achv̄fa kv̄to Elias
ak ̄ immi hashke, achi tok : yv̄mm̄ak ̄ miha li, ahni keyu
hosh :

34. Yv̄mm̄ak ash ot yakohmichit anumpohonli moma na
hoshonti ̄aya kv̄t, ant ̄ hoshontikachi tok ; yohmi ma ho-
shonti anuk̄aka ȳa pit chukov̄t ia kv̄t, okla nukshopa tok.

35. Yohmi ma hoshonti anuk̄aka ȳa auet ai anumpa kv̄t,
Ilv̄ppak osh Sv̄so ̄ holitopa mak oke, hv̄sh ī haponaklashe,
achi tok.

36. Atuk ̄ anumpa hash ot ont taha ma, Chisvs ak illa
hosh hik̄ja na okla pisa tok. Yv̄mohmi ma nana yakohmi
kash okla nana ik achot, nana h̄o p̄isa tuk vt̄ achv̄fonv̄chi
mt̄ hatak nana kia nitak yv̄mma foka ka ik im anolo beka tok.

37. Atuk ̄ yakohmi tok : ont onna ma nv̄nih hash okla
̄asht akov̄t minti ma, okla l̄awa kv̄t ont afama tok.

38. Yohmi ma okla ha takla aya tuk vt hatak achufot chitolit mihvt, Nan-ithvnanchi ma! svso ha ish pisakbano chim ahni lishke, vm vlla yvt yvmmak bano hatuk oke.

39. Yohmi ho shilombish okpulo yvt ishikma, ashalika tahpahanla hoke; mikmvt haiochichehit itukpokpokihinchi beka hoke: yohmi kv̄t kaniohmit i filv̄mma he keyu chohmit, haknip litolit hotopahanlishke.

40. Yohmi ho na chim ai ithvna vhleha hak o yv̄mma kohchicha hinla ka, im asilhha li tuk ak o, okla yvmihcha he keyu ketuk oke, achi tok.

41. Mihma Chisvs ash ot afalaminchi mvt, Na yimmi iksho, micha nan-ahli ai i shanaia fehna okla hvchia ma! hvch iba takla ahantvt, nana ka isht ak ahno ho katiohmi foka chi cho? Chiso ha ilv̄ppa ishit minti.

42. Mihma ishit minti hosh aya ma, nan-isht-ahullo okpulo yash ot aka pila cha, haiochichechi tok. Mihma Chisvs vt nan-isht ahullo okpulo yash im alv̄m̄mi cha, vlla yash hlakofichit, iki ibbak ash falaminchit fohki tok.

43. Yohmi ma Chihowa nan isht im aiahli chinto fehna ka momvt okla isht nukhlakancha tok. Yohmi kv̄t nana ka Chisvs vt ai yvmihchi tuk puta kash momvt, okokko! okla aiahnit maya takla ma, yvmmak ash osh ilap nan im ai ithvna vhleha hash,

44. Anumpa ilv̄ppa puta kv̄t hvchi haksobish atuk ma ik a fohoká, hvsh ahnashke; Hatak Ushi yokvt hatak puta ibbak a i foyuka hi oke.

45. Yohmi kia anumpa ilv̄ppa okla ik akostinincho ki tok: mihma na miha kash ik im ai otano; yohmi hoka yvmmak ash okla ik ai ithaiyano ki tok: mihmvt anumpa yvmmak ash im asilhv̄chi okla nukwia tok.

46. Yohmi ma, Katima kak osh holitopa kv̄t moma i shahla hinla hoh chishba? ahnit okla isht im ai anukfilvt maya tok.

47. Mihma okla chukvsh nan im anukfila ha Chisvs vt im akostininchi mvt, vlla yo ishit, il a bilikv̄chit binilichi tok.

48. Mihmvt, Kvna hosh vlla ilv̄ppa v̄m̄mi hohchifo ho ahninchi hokvto, vno ak o si ahninchi hoke: mikmvt kvna

hosh vno g̃ si ahninchī hokmvt, yvmmvt auet sa kanchi tok ma pit ahninchī hoke: kanima hosh moma ik a lauwo kv̄t hv̄chi takla ahanta hokvto, mihi yosh moma ī shahla hi oke, im achi tok.

49. Mihma Chan vt afalaminchi mvt, Pī shahli ma! achvfa hosh chī hohchifo h̄g nan-isht-ahullo okpulo puta ka ishit kocha weli hosh anta h̄o e p̄isa tuk: yohmi kia yvm-mak okvt ik piba fohko hatuk o, il im alvmmi kano, achi tok.

50. Mihma Chisvs ash ot, Hv̄ch ik im alammo kashke: kv̄na hosh pī sanalit anta keyu hokvto, pibai achvfa hoke.

51. Atuk o yakohmi tok: yvmmak ash o aiokpanchit vba ȳg isht ia chī nitak vt ont v̄lhpiesa hatuk o, Chelusalem g̃ ia chī kv̄t ai anukfoykvt nashuka ȳg pit filimmi tok.

52. Mihmvt nan ont im atahla chī ho, anumpa shali v̄hle-ha h̄g tikba pit tihleli tok: yohmi na okla ivt Samalitan okla im tv̄mahushi o ont chukowa tok.

53. Yohmi ma yvmmak okvt Chelusalem g̃ ia h̄o fehna nashuka yatuk o, okla ik aiokpacho ki tok.

54. Yohmi na nan im ai ithv̄na Chemis, micha Chan ita tuklo kv̄t yakomi ka pisa mvt, Chitokaka ma! Elias vt yvmihchi tok akinli h̄o chohmichit, pishno mvt luak vba minti kv̄t aka itula cha, okla ilv̄ppa hushmit tahla chī ka il im apesa hinla ka, ish ahni cho? achi tok.

55. Mihma yvmmak ash ot filemvt im alvmmi mvt, Hv̄chi chukv̄sh ai im anukfila a kaniohmi hosh hv̄sh g̃ya kv̄t hv̄ch ik ithanoshke.

56. Hatak Ushi vt hatak puta ka vba chī hosh g̃ya ha tok keyu, amba okchalinya chī ha tok oke, achi tok. Mihma ilhkolit tv̄mahushi inla ȳo ona tok.

57. Atuk o yakohmi tok; ia hosh okla itv̄nowa ma, takla ȳg hatak achvfv̄t, Chitokaka ma! kanimak fehna chik g̃ya kia, vno vt chiakaiya la chī hoke, im achi tok.

58. Mihma Chisvs ash ot, Chula puta kv̄t chiluk vt im ai ashakma, vba hushi puta kv̄t v̄lhpic̄hik vt im g̃sha hoke: amba Hatak Ushi okvto noshkobo h̄g kanima a bohla hi v. ik im īksho hoke, im achi tok.

59. Mihmvt inla ȳo, Is siakaiyashke, im achi tok. Yoh-

mi kia yummak ash ot, Chitokaka ma! vhpesa, vm ahni na ivt, aki ak o tikba ont ak holpi ha yosh; im achi tok.

60. Mihma Chisvs ash ot, Illi ak osh ilap bika illi yokvno hohpashke: amba chishno vto ivt, Chihowa apelihchika ya isht ish anumpohonlashke, im achi tok.

61. Mihma anonti inla mvt, Chiakaiya la chi mak oke; yohmi kia ivt an chuka maya kak o tikba ont aiokpvchi la hi a, is svm ahnashke, achi tok.

62. Mihma Chisvs ash ot, Hatak nana kia yakni isht patafa ya ibbak a isht ishi ha yvt, olbulaka a pit hopokoyo kvv, Chihowa apelihchika ya ahalaia he vhpesa keyu hoke, achi tok.

CHAPTA X.

Chisvs vt nan im ai ithvna vhleha pokoli untuklochit vbanumpa isht anumpula chi, micha nana kvv a fehna kia yvmihchi puta hosh im ai vhpesa hatuk vt otvnicha chi mak o a tohno, 1: 17 kaniohmi kak o okla na yukpa he isht ai vhpesa hatuk a, Chisvs vt im anoli; 25 Chisvs vt nan-vhpisa ithvnanchi hatuk a vba yakni hina ya isht it im anumpuli: yohmi hosh hatak achukma Samalitan vt kaniohmi tok nan-isht vhpisa yummak o, ilapvt in chuka panta hatak puta ka isht ithana he mak o isht im anumpuli.

1. NANA kvv a yakohmi ha ya, Chitokaka yvt inla yosh pokoli untuklo ho atokoli akinli cha, tuklo aiyukachit tuma-ha puta, mikmvt kanima yo ilapo vt ai ona hinla kvv, tikbanli pit tihleli tok.

2. Yvmohmi hatuk osh na-waya yvt ai-vlmo-ona hokvto laua mvhli ho, amba na-toksvli vhleha hak osh chvbehasishe ke: yohmi hoka na-waya yvt ai-vlmo-ona ka in Chitokaka ya hvsh im asilhhahanchi na na-toksvli vhleha ha i na-waya yvt ai-vlmo-ona ka pit apittashke.

3. Hvsh itvnowashke: yakeh! chukfulhpoba ushi yosh nashobo ai itintakla maya ho, ohmichi mak osh pit hvchi tihleli li hoke.

4. Tvli holissc ai-vlhto, micha bahta, mikmvt shulush

aiena ka isht hvch ik ayo kashke : micha hina takla ya hatak nana kia hvch ik aiokpacho kashke.

5. Mikmvt chuka nana hō ont hvsh chukowa kv̄t nan tikba, Na-nanaiya kv̄t chuka ilv̄ppa ant iba fokashke, ahnit hvsh mihashke ;

6. Mikma na-nanaiya ushi vt yv̄mma anta tukma, nan-isht hvsh il a nanaiya mvt ai onvtuyulashke : amba keyukmv̄no, nan-isht hvsh il a nanaiya yv̄t hvchī falama hi oke.

7. Mikmvt chuka yv̄mmak ash inli hō ahāshwvt, peh nana hoh kia hvch ipetakma, v̄pvt hvsh ishkashke : toksvli vt im vlhtoba he ak osh im ai vlhpesa hoka. Chuka vbaiyv̄chit hvch ik itv̄nowo kashke.

8. Mikmvt tv̄maha nana hō ont hvsh chukowa ka, okla hvchi aiokp̄tchikma, impa nana hosh hvchi tikba talaiā hokma, hvsh pashke.

9. Yohmikmvt abeka yv̄t yv̄mma āshakma, ho hlakofichī : yohmikmvt Chihowa apēhlichika yv̄t hvch ī bilika vl̄shke, hvsh im achashke.

10. Amba tv̄maha nana hō ont hvsh chukowa na ik hvchi aiokpachokma, yv̄mmak ash a kohchvt iv̄t, hina bv̄shkv̄chi puta ka hvsh ona cha,

11. Hvchin tv̄maha ī hituk tohbi vt pi a lapali tuk a, hvchi o kashofit e kanchishke : yohmi kia Chihowa apēhlichika yato hvch ī bilika v̄la hoka, hvsh ithaiyanashke, hvsh im achashke.

12. Yohmi kia nitak yv̄mma fehna Sotom vt im ahleka hoh kia pit im vl̄hpisa kv̄t, tv̄maha yv̄mma ī shahla hi oke.

13. Kolasin ma ! na chī palv̄m̄mi mak oke ; Betsaita ma ! na chī palv̄m̄mi mak oke ; na-fehna puta kv̄t hvchishno ya a hvchim a yv̄mohmi tuk vt Taia, micha Saiton ita-tuklo ka a yv̄mohmi ha tok okma, hopaki kash inli hō na-pashi tv̄nna fohka cha, hituk chubbi anuka binoh-mayvt ile kostinicha hi a tok oke.

14. Yohmi kia nan ai-vl̄hpisa chinto nitak okv̄no Taia, micha Saiton ita-tuklo kv̄t im ahleka hoh kia pit im vl̄hpisa kv̄t, hvchishno a ī shahla hi oke.

15. Yohmikma Kapenavm chia hv^t shutik ak o^o ont ish talaia tuk vt, aka ivt ai-okpuloka mak o^o pit ish a kvnia hi oke.

16. Mikma kvna hosh hvchi haponaklokmt, vno g g haponaklo hoke: mikma kvna hosh hvchishno g hvchi shitilemakmt, vno a sa shitilema hoke: mikmt vno g sa shitilemakmt, auet sa kanchi tok a shitilema hoke.

17. Yvmohmi tuk o pokoli untuklo kash osh na yukpa hosh falamvt ai vla mt, Chitokaka ma! chi hohchifo pulla kak o nan-isht-ahullo okpulo puta kak kia pim antihyvshke, achi tok.

18. Mihma yvmmak ash ot, Setan vt malvtha kv^t vba vttvt aka minti chatuk a, chiyuhmi ho pisa li kvno.

19. Yakeh! sinti chilita puta, mikmt halambia puta aiena ka hvsh a hvhlihinci: micha na tvnvp nan-isht ai im ghli ka ma mominchit a hvsh imaiya chi mak o nan isht aiahlika ya hvch ima lishke: yohmi ka nana hosh a kaniohmit hvchi hotopala hi vt iksho ka hi oke.

20. Yohmi kia shilombish okpulo puta kv^t hvchim antia ilvppak okvno nan ik hvchi yukpo kashke; amba hvchi hohchifo puta kv^t vba ya a holisso, yvmmak o na hvchi yukpa vlhpesa hoke, im achi tok.

21. Hvshi kanvlli vlhpisa yvmma fehna ma Chisvs vt chukvsh na yukpa mt, Aki, vba, mikmt yakni ita-tuklo in Chitokaka ma! na yakohmi puta ka na kostini, micha nan-ithvna aiena kvno ish in luhmi tuk osh, vlo^si puta ho ish im otvninchi hoka, yak oke, chim aiahni lishke, vlhpiesvshke, Aki ma! yvmmak osh chim vlhpiesa hatuk oka:

22. Nan okluha ka Aki vt svbbak g a fohkishke; yohmi ka kvna hosh Ushi yoka hatak nana kia ik ithano ho, amba Iki vt ak illa hoke: mikmt kvna hosh Iki yoka kvna kia ik ithano ho, amba Ushi vt ak illa; micha Ushi vt kvna ho im otvninchi mak bano hoke, achi tok.

23. Yohmi mt nan im ai ithvna vhleha a hiel ka pit filema mt, yvmmak ash bano ho, Nishkin vt hvchishno nana hvsh pisa ka pisa kvto na yukpvshke.

24. Hopaii vhleha, micha miko vhleha aiena kv^t laua hosh

huchishno nana hvsh pihisa ka pisa bvna tuk osh, ik peso ki tok: micha hvchishno nana hvsh hahaklo ka haklo bvna tuk osh, ik haklo ki tok o, hvchim anoli lishke, achi tok.

25. Yohmi ma yakeh! nan-vlhpisa ithvnanchi achvfa hosh wakayvt hikia mvt, imomaka pisa bvnnvt, Nan-ithvnanchi ma! ai okchayvt bilia ya pisa la hi okvto, nanta ho katiohmi la chi cho? achi tok.

26. Mihma yvmmak ash ot, Nan-vlhpisa holisso ha katiohmit a holisso ho? katiohmi ho ai ish it im anumpuli ho? im achi tok.

27. Mihma yvmmak ash ot afalaminchi mvt, Chi chukvsh mominchi hosh, chi shilombish ma mominchit, chim isht-hlampko a mominchit, mikmvt chim anukfila ma mominchi hosh Chitokaka chin Chihowa ya isht ish holitoblashke; mikmvt chin chuka panta hatak ma ish holitobli kv, chishno akinli chim itilauashke, im achi tok.

28. Mihma yvmmak ash ot, Vlhpesa, ish miha mvhlishke: ilvppak o ish yvmihchashke: yohmi hokmak osh chi okchaya hi oke, im achi tok.

29. Yohmi kia yvmmak ash ot il ai achukmali bvna kv, Chisvs ash, Yohmi ka kvta hak osh an chuka panta hatak o? im achi tok.

30. Mihma Chisvs ash ot afalaminchi mvt, Hatak achvvt Chelusalem vttvt Cheliko ia tuk osh, hatak hukopa vhleha ont iba chukowa na i nafohka ya im apoyua cha, isskkopalit boyubli na illa hosit itonla ho, issvt ilh-koli tok.

31. Atuk o yakohmi tok; na-holitompa isht vta yosh hina yvma minta he mak yoba tuk osh, yvmmak ash ant pisa mvt, apakfompvt hina in tvnvp o ant ia tok.

32. Mihma Lefait hatak ak kia yvmmak ash vlt ant pisa kia, yvmmak ash inli ho apakfompvt hina in tvnvp o ant ia tok.

33. Amba Samalitan hatak osh nowvt aya tuk osh, yvm-mvt ai itola kash, vlt pisa mvt, i nukhaklo tok.

34. Mihmvt ai-itola kash vla cha, ai okpunlo tuk a na-

bila, micha okapaki aiena ka isht ahvmmmit, afohlit in tahl cha, ilap im issuba hatuk ash o binilichit isht ayvt, a-foha chuka yo isht ona cha, apesvchi tok.

35. Atuk osh ont onna ma ia chi mvt, iskvli tuklo ka ishit kohchit, afoha chuka apesvchi yash ima mvt, Ilvppa ish apistikelashke: micha atampa kvv kaniohmi hosh chi kvnia tuk mak heno, falamvt gya likmvt, chim atobbi lashke; im achi tok.

36. Yvmohmi ka tuchina ilvppa katima kak osh hatak hukopa vhleha ont im isht kanvpa tuk g in chuka panta hatak a tok o, chim ahoba cho? achi tok.

37. Mihma yvmmak ash ot, I nukhaklo tok á, achi tok. Mihma Chisvs ash ot, Ia cha, chishno mvt yvmmak inli ho ish chohminchashke, im achi tok.

38. Atuk osh yakohmi tok; ia hosh okla itvnowvt gya ma, yvmmak ash ot tvmahushi achvfa ho pit chukowa tok: mihma ohoyo achvfa, Mahla hohchifo hosh, aiokpvchit im aboha ya isht chukowa tok.

39. Mihma yvmma itibapishi hvv Meli hohchifo hosh anta tuk osh, yvmmak ash kia Chisvs iyi ituma ya binilit, im anumpa ha haklo tok.

40. Amba Mahla vto nan-isht vta in lauvt isht ik im ai vlvpieso mvt, yvmmak ash o im ai vlvv, Chitokaka ma! sa nakfish vt si apela hi g ik ahno ho, vno ak bano hosh nan-isht anta li ka, nan isht chik ahno cho? yohmi hoka nan isht ik svbai vttá, ish i mihashke, ant im achi tok.

41. Mihma Chisvs ash ot afalaminchi mvt, Mahla ma! Mahla ma! nana ka ahalavt im anukfila isht ik chim vlvpieso kvv chin lauvshke.

42. Yohmi kia nana ai vlvpiesa hokvto achvfa hoke; yohmi ka ai im ai isha he keyu nana achukma mih mak o Meli yokvto ai apissali tuk oke, im achi tok.

CHAPTER XI.

Chisvs vt nan im ai ithvna vhleha ha vba pit anumpuli im avvchi, 1,
14 nan-isht ahullo okpulo kohchichi: 28 mikmvt kvna hosh Chihv-

wa im anumpa hā im antia hokvto holitopa ka anoli; §7 Falisi okla nana ka ilahobi, yvmmak oka nana palvmmi onvtula he puta ka stokowa anoli.

1. **ATUK** o yakohmi tok: a kaniohmi hō antvt vba pit anumpuli tuk osh ont issa ma, nan im ai ithvna vhleha hā achōvt, Chitokaka ma! Chan vt nan im ai ithvna vhleha hā im avvchi tok a, chohmit pishno ma vba pit anumpuli ka, ish pim avvchashke, im achi tok.

2. Mihma yvmmak ash ot, Ūba pit hvsh anumpulikmvt, Piki vba ish binili ma! Chi hohchifo hvt holitopashke. Ish apelihchika yvt vlashke. Nana ish aiahni ka vba yā a yohmi kv̄t yakni ilvppak ma a yohmi makinlashke.

3. Nitak moma ilhpak vt a pim vlhpiesa mak o nitak osh nitak ma ish pihimashke.

4. Mikmvt il ai-ashvchika puta ka ish pi kashofashke: pishno mvt kvna kia abeka pin takalikma, il i kashofi bano hoke: micha anukpvlika imma hokvno ik iba chuková, chik pim ahno kashke; amba nanokpulo yā ish pi a hlakofihinchashke, hvsh achashke, im achi tok.

5, 6. Mihmvt yvmmak ash ot, Hvsh katima kak osh chj kana hvt āsha tuk osh, ninak iklvna hō ayvt ish onvt, A kana hvt nowvt aya tuk osh vm vla hō, nana kia itikba ma talali la hi vt ik sv̄m iksho hoka, pv̄ska tuchina ka is sam potashke, ā kana ma! ish im achi;

7. Yohmikma aboha anukaka yā auet ai afalaminchi kv̄t, Chik sv̄m ahchibalo kia, himak ano okhissa vt vlhkama hō, vm vlla vt si apihvt topa hā kahvt maya ka, tani lish chima la he keyushke, auet chim achi;

8. Yohmi tuk kia i kana hatuk ak osh tani cha, ipeta he tuk keyu kia, amba yvmmak ash osh im ahchivvchi fehna kak o tani cha, laua kv̄t kaniohmi hō bunnakma, ima hinla hoke, hvchim achi lishke.

9. Yohmi ka hvsh asilhhakma, hvch ima he: hvsh ho-yokmvt, hvsh ahayucha he: hvsh sokqhakma, hvchin tiwa hi oke.

10. Asilhha aiyuka hokvto habena hoke; mikma kvna

hosh hoyo hokvto, ahayuchi hoke: micha kvna hosh sokq-hakma, in tiwa pulla hi oke, hvchim achi lishke.

11. Hvsh kanima kvt iki atuk o, ushi vt pvska im asilhhakma, yvmmak ash tvli yo ima hinla? keyukmvt nuni yo asilhhakma, nuni a he tuk ash sinti yo ima hinla hq?

12. Yvmmak keyukmvt, akak-ushi lobunchi yo asilhhakma, halambia ho ima hinla ho?

13. Yvmohmi ka hvchishno vt hvchi ai vhpesa keyu kia, hvchim vlla ya nana achukma puta ka isht ima hokvto hvchimonna ka, hvch iki vba binili kvt i shaiyahlit, kvna hosh im asilhhakma, Shilombish Holitopa ya ima hinla keyu cho? im achi tok.

14. Mihma yvmmak ash ot ik anumpulo yo nan-isht ahullo okpulo ya a kohchit anta tok. Atuk o yakohmi tok: nan-isht ahullo okpulo vt a kohcha mvno, ik anumpulo ash ot anumpuli tok; mihma okla hv anukhlakancha tok.

15. Yohmi kia kanimi kvto, Ilvppvt nan-isht ahullo okpulo puta i miko Beelsevb ak o nan-isht ahullo okpulo puta ka isht kocha weli hoke, achi tok.

16. Mihma inlaka mvto imomaka pisa kvt, nan-isht-ato-kowa kvv vba a minta hi q im a hoyo tok.

17. Yohmi kia yvmmak okvt nana im anukfila puta ka ithana hatuk osh, Apehlichika achufa kvv it a kashapvt ilapo ash inli it im i sanali hokvt, ont aiokpulokvt taha hoke: mikma chuka yvt ita kashapvt ilapo ash inli it im i sanali hokvt, akvma hoke.

18. Setan ak kia ita kashapvt ilapo ash inlit il im i sanali hokmvt, im apehlichika yvt katiohmi hosh talaiia hinla cho? vno vt Beelsevb ak o nan-isht ahullo okpulo puta ka isht kocha weli li ho hvsh miha hoka,

19. Yohmi ka vno vt Beelsevb ak o nan-isht ahullo okpulo puta ka isht kocha weli li hokma, hvch iso vhleha hvto kvta hak o yvmma isht kocha weli cho? Yohmi hoka yvmmak osh na hvchim apesa yashke.

20. Amba vno vt Chihowa ibbak-ushi o nan isht ahullo

okpulo puta ka isht kocha wihinli li hokma, yohmi hokmuno, Chihowa apelihika yvt hvchim vla mak oke.

21. Hatak hlampko yosh na-halupa ai im vlhtaiyaha hosh in chuka apesvchi hokvno, nana kvv ai yubaka hoke.

22. Amba kvv kvv ilapo a i shahli hosh ant i kohchvt, imaiyachi hokmak osh, i na-halupa ai anukhieto tuk ash mominchit im ai eshi cha, nana immi hatuk ash inla im it a kvshkoli chatuk oke.

23. Kvna hosh vno a svb ai achvfa keyu kvv vm i sanali hoke: mikma kvna hosh svba hoyo keyu hokvto na fimmi yoke.

24. Shilombish okpulo yvt hatak a a kohchakmvt, a foha he hoyot haiaka oka ik ai iksho puta ka hlopullit aya kia ik ahayucho mvt, An chuka ai vttvt kohchvt a minti li kash osh falamvt ia lashke, achi hoke.

25. Atuk osh onakmvt, yvmmak ash ot pashpovt shemvt taiyaha cha hikia ho, ont pisa hoke.

26. Yohmikmvt shilombish okpulo untuklo inla yvt okpulo kvv ilapo a i shahli ho ont pehlichit vla na, yvmmak ash okla pit abeha cha, aiasha hoke; yohmikma hatak yvma nana kvv ont ai-isht im ai yopa kak osh ik achukmo kvv vmona tuk ash i shahli hoke, im achi tok.

27. Atuk o yakohmi tok; ilvppa anumpohonli moma ho, ohoyo achvvt okla takla hikia tuk vt chitoli hosh mihvt, Ikfoka yvt yvmmak osh chisht aya tuk, mikma i pishi ma ish a pihishi tuk a aiena kvto holitovshke, im achi tok.

28. Yohmi kia yvmmak ash ot, Ahli, na-yukpa aighli kvto Chihowa im anumpa ha haklo cha, im antia hak oke, achi tok.

29. Atuk o okla hvv itahobvt ant a laua fehvt taha ma, Hatak himonasi agha ilvppvt ai vlhpesa keyushke; nan-isht atokowa okla hoyo; yohmi kia nan-isht atokowa nana hosh in takala he keyu, amba hopaii Chonas nan-isht im atokowa kak a hi oke.

30. Chonas vt Ninefeh okla ha isht ai im atokowa tok a, Hatak Ushi mvt hatak himonasi agha ilvppa ai in ohiyuhmi makinla hi oke.

31. Nana vlhpisa chinto nitak okvno oka-mahli ohoyo miko vt hatak himonasi a_{sha} ilvppa awant hikia cha, atokowvt anumpa onocha hi oke; yvmmak okvto yakni ont ai vhli pilla vttvt minti kv_t, Solomon isht im a hopoyuksaka ya haklot aya tok okvt; atuk o yakeh! Solomon a imaiya mak osh ilvppa ahantvshke.

32. Nana vlhpisa chinto nitak okvno Ninefeh okla hv_t hatak vt himonasi a_{sha} ilvppa iba takla wakayvt hiohmavvt, atokowvt anumpa onocha hi oke; yvmmak okvto Chonas vt vbanumpa ont isht im anumpohonli ma, ile kostinichi tok okvt; atuk o yakeh! Chonas a imaiya mak osh ilvppa ahantvshke.

33. Hatak nana ak osh p_{va} h_a p_{va}lali kv_t a lumaka h_o talali chatuk keyu, keyukmv_t tanchi isht-vlhpisa nutaka yo talali chatuk keyu, amba kvna hoh kia ant chukowakmv_t tohwikeli ka pisa ch_i ka, p_{va} ai-o hikia ak o o hilechi chatuk.

34. Haknip a i p_{va} hv_t nishkin ak oke: yohmi hoka chi nishkin vt achukmakma, chi haknip ak kia momvt tohwikelit alota hoke; amba chi nishkin vt okpulo yokmvno, chi haknip ak kia ai okhlilikvt kvnia hoke.

35. Yohmi ka ahah! ish aiahni na na tohwikeli kv_t a chi foyuka yvmmvt ik okhlilo kashke.

36. Yvmohmi ka chi haknip vt im a kanima kv_t ai okhli-likaa iiksho hosh tohwikeli banot alotowa hokma, moma kv_t tohwikelit alotowa kv_t, p_{va} lua achukma kv_t chim a tohwikelichi chatuk a a chiyuhma hinla hoke, achi tok.

37. Yvmohmit anumpohonli moma na Falisi achvfv_t, yvmmak ash ot ont ibai impa hinla ka im ahni tok: mihma ont chukowa cha, impa ch_i hosh binili tok.

38. Yohmi ma Falisi ash ot pisa mv_t, ik impo kisha kv_t ibbak ik ahchifo ke tuk a, okokko! aiahni tok.

39. Mihma Chitokaka ash osh, Falisi hvchia hv_t isht-ishko micha ampo aiena ka paknaka yokvno hvsh kashofishke: amba hvchi anukaka yvto na wehpuli, micha nan ik ai vlhpeso banot isht hvchi alotovshke.

40. Nan anukfila iksho hvchia ma! nana ka paknaka ya ikbi mv_t, anukaka yak kia ikbi akinli tok keyu cho?

41. Amba yohmi kia nana hvchim gsha kvv hvsh habenv-chashke: yohmikma yakeh! nana puta kvv a hvchim vlv-pesa bano hoke,

42. Amba Falisi hvchia ma! na hvchi palvmmi mak oke, mint, michalu, mikmvt haiyukpolo ilaiyuka puta waya it a kashkoa ont isht pokoli kak osh hvchi kvnia, mikmvt nana ai-vlhpiesa ka, micha Chihowa holitobli aiena hokvno hvsh vbanvbli hoka: ilvppak o a hvchi yvmohmi ha yosh, anonti yvmmak ma hvch ik a haksecho ka hetuk oke.

43. Falisi hvchia ma! na hvchi palvmmi mak oke, sinakak puta anykaka aiasha holitopa puta, mikmvt ilhpak a kanchi ai it aiokpvchi aiena kak o hvchim ai achukma hoka.

44. Na-holissochi vhleha, micha Falisi okla aiena nan-ilahobi hvchia ma! na hvchi palvmmi mak oke; a-hollopi vt otani keyu ho, hatak vt a nowvt vbanopoli kia, yvmvt ik akostinincho chatuk a hvch itilau hoka, im achi tok.

45. Mihma nan-vlhpisa ithvnanchi vhleha hvv achvvt afalaminchit, Nan-ithvnanchi ma! ilvppa yak ish achi kvv pishno a aieninchit nan isht chik pi ahobaloshke.

46. Mihma yvmmak ash ot, Nan-vlhpisa ithvnanchi hvchia ma! hvchishno ak kia na hvchi palvmmi mak oke; nana weki shali ka palvmma hinla ho hatak a hvsh shalihinchi mvt, hvchishno yak okvto nana weki ash hvch ibbak ushi achvfvona kia ishit hvch ik potolo hoka.

47. Na hvchi palvmmi mak oke: hopaii puta ka hvchin tikba vhleha hvv vbi tok a i sepvka yo hvsh ihikbi hoka.

48. Hvchin tikba vhleha hvv yvmmak oka ahambi mvhli ma, hvchishno vt i sepvka puta ma hvsh ihikbi kvv, hvchin tikba vhleha hvv nana a kanihmi tok a hvsh im ahninchit kvv isht atokowa mak o hvsh ieshi mvhlishke.

49. Yvmohmi ka Chihowa i hopoyuksaka yak kia yak achi tok. Hopaii vhleha, micha vbanumpeshi vhleha aiena ka pit in tihlihlinli likma, kanima ka vbikmvt, anonti issikkopali aiena he;

50. Yohmi na yakni vt toba tok taiyakla ka hopaii vhleha im issish vt hlatahampa tok moyuma ka, himonasi hatak abashwa ilvppak o im a hoya hi oke.

51. Ebel a im issish a tok a ai vhlit mihintit Sakalaias a l t a micha t e m p e l itin takla ai vbi tok issish ak o ant ai vhli yvmmak o himonasi hatak aiasha ilvppak o im a hoya he mak oke, aighli mak o hvchi miha lishke.

52. Nan-vlhpisa ithvnanchi hvchia ma ! na hvchi palvmmi mak oke ; nan-ai-ithvna isht tiwa ya ishit hvsh kanchi hoka : hvchishno ak kia pit hvch ik chukowokmvt inla yvt pit abeha he tuk a hvsh ataklahamishke, achi tok.

53. Ilvppa puta ka isht im ahanchi moma na na holissochi vhleha micha Falisi vhleha aiena kvv a tushpalechit, yvmmvt nana ilaiyuka miha he tuk, okla achibvchi ho fehna mvt,

54. Nana kia itakha a kohchvt miha na haklot nan-vlhpisa isht onocha he bvna hosh okla im aiechi tok.

CHAPTA XII.

Chisvs vt nan-im ai ithvna vhleha ha nana ka peh ilahoba he imma hokvno ahah ! okla ahna chi ka i miha, 1 ; 13 yohmi mvt nan im ai ithvna vhleha hvv chukvsh a nan ilaiyuka isht ik asitio ka chi ka, hatak nan in laua yosh nana ai isht ilaiyukvvt ahanta tuk o, nan illi hvv ashalika a mokofit ishi tok, nan isht vlhpisa ha isht im anumpuli. 22 Chisvs vt nan im ai ithvna vhleha ha yakni paknaka nana a kaniohmi puta hokvno chukvsh isht ik anushkunno ka hi a i miha ; 31 micha hatak shilombish okchaya he ak o na tikba anukfihinli ; 36 yohmikmvt Chitokaka yvt aya hi a, tikbanli im vltaha he puta ka isht im anumpuli. 54 Chisvs vt okla ha, ilap ak osh Klaist mak atuk a ik akostinincho ka, nan isht i miha ; yohmi mvt Chihowa ha iti namaiya pulla hi a i miha.

1. YUMOHMI ai itin takla ma, okla laua kvv atampa fehna hosh itvnaha, yvmohmi cha ilap bika okla it i hvhlihinchichi ma, yvmmak ash ot nan im ai ithvna vhleha hash, Falisi vhleha i pvska isht shatvmmi, yvmmvt nan-ilahobi yak oka, ik kaniohmi kia ahah ! hvsh aiahnashke.

2. Nana kvv ompoholmo tuk vt ik wakamo ka he, mikma nana kvv luma tuk vt ik otaiyano ka he aiena kvv iksho ka hi oke.

3. Yvmohmi hoka nana hō aiokhlilika ya hvsh ai anum-pohonli tuk ma, a tohwikeli yō a hakla he; mikmvt hakso-bish ont tikelichit abohushi anukaka yō hvsh ai anum-pohonli tok ma, aboha paknaka puta ma ai annoa hi oke.

4. Yohmi ka a kana hvchia ma! Haknip a vbi kia, him-makma nana hō a kaniohma he mvt ik im iksho yvmmak okvno hvch ik i nukshopo kashke, hvchim achi lishke.

5. Amba kvna hō hvsh i nukshopa he okvno hvchim anoli lashke; Ilichi ha mvt, ai-okpuloka ya pit kancha hi vt im vllpiesa yvmmak o hvsh i nukshopashke; ahli, Yvmmak o hvsh i nukshohompashke, hvchim achi lishke.

6. Hushi chipunta tahlapi kvv sint tuchina hō ai vbi chatuk keyu? Yohmi kvv yvmmak okvt achvfona kia Chihowa itikba ya ai a haksi keyu chatuk oke.

7. Yohmi ka hvchishno hvchi pashi puta noshkobo ai o hielu kak kia moyumvt holhtinvv taha yoke. Yohmi hoka ik hvchi nukshopo kashke; holitopa kvv hushi chipunta laua ka hvsh i shahli hoke.

8. Kvna hosh vno a hatak itikba ya Klaist oke, si achit si ahnichi tuk ma, mihi yō Hatak Ushi vt Chihowa im enchil puta itikba ai ahninchit, Um antia yoke, achit aiokpvcha he akinli hoke.

9. Amba kvna hosh hatak puta itikba vno a ik si ahniechot, Ahalala li keyu, achi tuk ak o, mihi yō Chihowa im enchil itikba ya ik ahniechot ik ahalaio ka hi oke.

10. Mikma kvna hosh Hatak Ushi a na mihachit anumpuli tuk okvto, i kashofa he; amba kvna hosh Shilombish Holitopa ak o ik ahobalot anumpuli tuk okvto, i kashofa he keyu kvvmohmi hoke.

11. Micha sinakak puta, mikmvt miko vhleha, mikmvt nan apesa puta ka hvch isht im ai onakma, kaniohma hosh, micha afalaminchit nana ka hvsh anumpula he aiena kvv hvch ik anukfillo kashke.

12. Nana hō hvsh acha he vllpesa ka Shilombish Holitopa ak osh hvshi kanvlli yvmmak fehna akinli ka hvchim anola hi oke, hvchim achi lishke, im achi tok.

13. Mihma okla hash ot achvfvv, Nan-ithvnanchi ma!

itibapishi li hā ish i miha na, nana kv̄t vl̄toshov̄t pibbak
 a p̄i fohka tuk a a kashv̄blashke, im achi tok.

14. Mihma yvm̄mak ash o, Hatak chia hā, kv̄ta hosh nana
 hv̄chim apesa yokm̄á, keyukm̄v̄t nana hv̄chi itakv̄shkoli
 yokm̄á, nanta hō sakbi tok oh cho? im achi tok.

15. Mihm̄v̄t, Ahah! hv̄sh aiahni cha, nan in laua b̄v̄nna
 ya hv̄ch ik ahalaiyo kashke: hatak vt nana kv̄t laua hō il
 aieshi kak o im ilh̄fiopak vt takali hō keyu hoke, im achi tok.

16. Mihm̄v̄t okla hash nan-isht vl̄hpisa hō isht im anum-
 pulit, Hatak nan in laua achv̄fa hosh im osapa yvt nana
 waya fehna tok.

17. Mihm̄v̄t, Nana a waya puta ka kanima ai ashachi la
 hi vt ik sv̄m iksho kv̄to, nanta ak o katiohmi la ch̄i cho?
 achit il anukfilli tok.

18. Mihm̄v̄t, Ilv̄ppak o yakohmi lashke; an tanchi in
 chuka yak o yuhli lish, chito i shahli hō ikbi lashke: micha
 yvm̄mak o a nan a waya, micha na hochukma puta ka mo-
 minchit ashachi lashke.

19. Mikm̄v̄t sa shilombish a, Sa shilombish ma! na ho-
 chukma laua kv̄t afv̄m̄mi l̄gua taha he vl̄hpesa ka achukmalit
 ashachit chin tahl̄shke; peh nan ik pilesot fohv̄t, imp̄v̄t,
 nan-ishkot, nan isht ish ilaiyukpashke, im achi lashke, achi
 tok.

20. Yohmi kia Chihowa yokv̄to yvm̄mak ash, Ik hopo-
 yukso chia ma! chi shilombish a falaminchit himak ninak a
 chim a hoyā ch̄i hoke; yohmikm̄v̄no nana ish atahli tuk
 amo kv̄ta hō immi ha ch̄i cho? im achi tok.

21. Yohmi ka kv̄na hosh na hochukma puta ma ilap inli
 isht im atahlit ahanta hosh, anonti Chihowa ai imma hokv̄no
 nana kv̄t im vl̄htaiyaha tuk keyu kv̄t yvm̄mak o chiyuhmi
 hoke, achi tok.

22. Mihm̄v̄t nan im ai ithv̄na vhleha hash, Yvm̄ohmi
 hoka hv̄chi ai okchaya hi a nana hō hv̄sh pa he; mikm̄v̄t
 hv̄chi haknip ma nana hō hv̄sh fohka hi a anukfillit hv̄ch ik
 ilbv̄sho kashke, hv̄chim achi lishke.

23. Okchaya kv̄t holitopa kv̄t ilhpak a i shahlikma,
 anonti haknip vt holitopa kv̄t na fohka ya i shahli hoke.

24. Fula chito puta ka anukfillit ho pesá: yvmmak okvt nana kia hokchi cha vmo hō keyu: mikmvt yvmmak okvt vlhpoyak in chuka, micha kanchak aiena kia im asha keyu hō, Chihowa ak osh ipeta hoke. Holitopa kvto hushi puta ka katiohmit isht hvsh i shahli hō?

25. Yohmi ka hvsh katima kak osh anukfihinlit isht ilbvsha kv̄t hv̄chi chaha ka k u b i t achvfa kia hvsh il achakala hinla cho?

26. Nana kv̄t moma ik a lauwo hoka hvsh yvmihcha he keyu kv̄t, nanta katiohmi hō inla yokak heno anukfillit hvsh pisa cho?

27. Lilli puta kv̄t kaniohmit offot hofantit mahaya ka anukfillit ho pesá; yvmmak okvt toksvlit a hoyubli keyu: anonti nana hō shv̄nni keyushke: yohmi kia Solomon vt nan isht im a holitopa moma isht a shema kv̄t ilvppa achv-fona kia chohmi tok keyu, hvchim achi lishke.

28. Yohmi ka Chihowa hv̄t hv̄shuk himak nitak a kovi hā hiohmaya tuk osh, onna hā apalvska pit vlhpita chī kia, shemv̄chi kv̄t yvmihchi kv̄to, hv̄chishno a i shahlichī hosh ik hv̄chi shemacho ka hinla cho? na yimmi fehna keyu hv̄chia ma!

29. Yohmi hoka nana hvsh impa he, mikmvt nana hvsh ishka he aiena kv̄t hv̄ch ik hoyo kashke; mikmvt komuntvt ik hv̄chim anukfilo kashke.

30. Ilvppa chohmi puta kak o oklushi yakni paknaka aiasha kv̄t hoyo chatuk mak oke: ilvppa chohmi puta ka a hv̄chi bv̄nna hokvno hv̄ch i ki vt ithana hoke.

31. Yohmi kia amba Chihowa apelihika yak o hvsh hoyashke; mikmvno ilvppa moyuma kv̄t a hv̄chim ibakaha hi oke.

32. Apehlichika ya hv̄ch ima kv̄t im achukma hoka, chukv̄lhpoba aya ik lauwo hv̄chia mvt, ik hv̄chi nukshopo kashke.

33. Na hv̄chim asha kv̄t hvsh kanchi cha, ilbvsha ya hvsh habenv̄chashke: tvli holisso i shukcha yvmmak okvt nitak nana ont a sipokna he keyu, na-holitopa nitak nana taiyaha he keyu vt vba itonla; hukopa nana hv̄sh ai i bilin-

cha he keyu, mikma shushi mvt okpvna he keyu, yak o isht hvsh il atahlashke.

34. Kanima yo hvchim ilayak vt itonla hokma, hvchi chukvsh ak kia mihi yo pit takanla hinla akinli hoka.

35. Il ai-vskufvchi ma isht il ai vskufvchit im vlhtahvt, pva puta mvt hvchin lihimbashke.

36. Yohmikmvt hvchishno ak kia hatak osh i shahli hvv ohoyo ipetvchi ia tuk osh falamvt vla chi, atuk osh vla cha sokohakma, ashaliika in tiwa chi cha, pit hoyo hosh aiasha ho hvsh chiyubmashke.

37. Chitokaka yvt ayvt vlvv, okchvt asha na ont pisa ka, tishu vhleha yvmmvt na-yukpa mak oke: ahli mak o hvchim achi lishke, Ilap ash osh nan isht il ai vskufvchit tahli cha, yvmmak osh impa chi ka binohlichikmvt, wakayvt nan isht im vtta hi oke.

38. Micha ninak kashapa ont atukla ho ayakma, keyukmvt ont atuchina ho ayakma, nana cha yvmohmit aiasha ho ont pisa ka, tishu vhleha yvmmvt nayukpa hi oke.

39. Hatak chuka chvfa pehlichy vt in chuka ahanta kvv hvshi kanvlli vlhpisa kaniohmi kak o hukopa yvt vla hi a akostininchi hokmvt, atoni tuk osh in chuka yvt okpulot ik in tiwo ka hetuk a, ilvppa hvsh ithaiyanashke.

40. Yohmi hoka hvchishno mvt, hvchim vlhtahashke: yvmmak a he hvch ik aiahno hvshi kanvlli vlhpisa takla kia Hatak Ushi vt vla hi oke.

41. Mihma Pita yash ot, Chitokaka ma! nan-isht-vlhpisa ilvppa pishno ak okma, keyukmvt peh moma kak o isht isb im anumpulikma, nanta cho? im achi tok.

42. Mihma, Yohmi kvno kvta hak osh nan-apesvchi ahli, mikmvt hopoyuksa achukma aiena tuk o, mihi yo i shahli hvv ont ai-vlhpiesakma nan-vpa hvv ai immi ha he vlhpesa ka, ipihinta chi ka, ilap in chuka chvfa yash pehlichy ikba chi cho?

43. I shahli hvv ayvt vla kvv, yakohmi hosh ahanta na ant pisa ka, tishu yvmmvt na yukpa mak oke.

44. Ahli mak o hvchim achi lishke: Nana im asha ka moma apesvchi o ikba hi oke.

45. Yohmi tuk kia tishu yvmmak ash osh chukvsh anuk-aka, A shahli hv̄t ai v̄la he tuk vt vbanvblichishke, achi cha, hatak toksvli puta, micha ohoyo toksvli puta aiena kash bolit, impvt, nan-ishkot, okishkot haksi aiena hosh ahanta tok mvno ;

46. Tishu yvmma i shahli hash ot ilapvt yvmma pit hoyo nitak keyu, micha ik akostinincho ai itin takla hv̄shi kanvlli v̄lh̄pisa fehna h̄o ayvt v̄la cha, ehanlit ita hokofit, nan ik yimmo v̄hleha yak o ai iba foyuka ch̄i ka im apesa hi oke.

47. Yohmikma i shahli nan ahni tuk a akostininchi hosh, ik il atahlokmvt, nan-ahni tuk ash kia yvmihchi keyu ke tuk tishu yvmmak ash ot fahama l̄awa isht boa hi oke.

48. Amba ik akostinincho hosh nana ka isht a fv̄ma he v̄lh̄pesa ka yvmohmi hokmvt, fahama ik lauwo h̄o isht fv̄ma hi oke : kv̄na h̄o lauachit ima tok ma, mihi yo laua h̄o im a hoyo hi oke : micha kanima h̄o hatak vt lauachit ibbak fohki tuk ma, mihi yo laua i shahli h̄o im a hoyo hi oke.

49. Yakni paknaka ya luak o ai yo bohyuli la ch̄i hosh aya li tok : atuk osh himonasi ak o lua hatuk bano, nana ka ai ahni lishke

50. Yohmi kia baptismo isht a baptismo la ch̄i kv̄t vm asha : yohmi ka yvmmvt ont ai yvmohma ch̄i takla hokvno a palvmmi fehuvshke.

51. Yakni paknaka ya a nanaiyvcha ch̄i hosh aya li tok o, hv̄chim ahoba cho ? Keyushke ; ita kv̄shkoli kak illa hoke, hv̄chim achi lishke.

52. Himak pilla ma chuka chv̄fa ka tahlapit ashvt it a kashapa cha, tuchina kv̄t tuklo ka i sanalikma, anonti tuklo kv̄t tuchina ka i sanala hi oke.

53. It i kanimachi cha, iki vt ushi a i sanalikma, anonti ushi atuk vt iki a i sanalikma ; ishki vt ushetik a i sanalikma, anonti ushetik atuk vt ishki a i sanalikma, anonti ipokni vt ipok a i sanalikma, ipok atuk vt ipokni a i sanala hi oke, achi tok.

54. Mihmvt anonti okla hash, Hv̄shi ai-okvtulaka hoshontit kocha na hv̄sh pisakmvt, ashalīka, Umbvt mihintishke, hv̄sh achi chatuk ; atukma yohm. mv̄hli chatuk.

55. Micha oka-mahli hosh mahlikma, Lvshpa chishke, hvsh achi chatuk; atuk ma ont yvmohmi chatuk oke.

56. Nan ilahobi hvchia hoka, shutik, micha yakni aiena kv̄t pisa kaniohmi hokvno nan isht hvsh ai akostininchi hokak osh, amba katiohmi h̄o himak okvno nana ka hvch ik akostinincho cho?

57. Ahli, micha nanta katiohmi h̄o hvchishno akinli kv̄t nana v̄lhpesa kvno hvch ik ithano cho?

58. Nan-v̄lhpesa chi onochi ȳa awant m̄iko ish im ona chi hosh ish aya kv̄t, takla ȳa, ai ī hlakofi b̄vna kv̄t ish achunanchashke: yvmmak keyukma chi halv̄llit nan-apesa ȳa isht chi ai onakma, anonti nan apesa yash ot tishu h̄a ibbak ā a chi fohki na tishu hash ot aboha kv̄llo ȳa chi foh ka hinla hoke.

59. Iskvli ont isht aiyopi fehna ka ish atobbi h̄o keyukmvt, yvmmak oka ish kohcha he keyu hoke, chim achi lishke, achi tok.

CHAPTA XIII.

Chisvs vt ile kostininchit il aiasha he ak ō pi miha, 1. 6 Fik v̄pi vna he keyu nan isht-v̄lhpesa. 10 Nitak hullo ȳo Chisvs vt nan ithv̄nanchit abanta hosh ohoyo iksitopo ilbv̄sha ȳa hlakofichi; 15 micha v̄ba yakni apehlichika ȳa mv̄stv̄t nihi, micha p̄vska isht shatv̄mmichi aiena kak ō isht it apesa; 24 okhissa iskv̄tinosi yv̄mma chukowa b̄vna kv̄t achunancha hi ā, okla h̄a ī miha. 31 Chisvs ā Helot vt v̄bi b̄vna hatuk ō, kohchv̄t kv̄nia hinla ka, okla im ahni ma, nana h̄o im achi; anonti Chelusalem vt ont aiokpulokvt taha chī ka, itukonofv̄t mihinti ka, Chisvs vt tikbanli anoli mvt, isht yahaya.

1. YUMMA fehna ma kanimi kv̄t yv̄mma āsha tuk vt, Pailat vt Kalili hatak issish ā okla v̄ba pit isht aiokpv̄chi ā ai itaiomi tuk ā, im anoli tok.

2. Mihma Chisvs ash ot afalaminchi mvt, Kalili hatak osh yakohmi hokvt nan-ashv̄chi kv̄t Kalili okla h̄a moma ī shahli atuk osh na yakohmi ka isht ai ilbv̄sha tuk ō, hvchim aboba cho?

3. Keyushke; amba hvchishno ak kia hvsh ile kostinichi keyukmvt, hvsh moma kvv ilbvshvt hvch illi akinla chi ka, hvchim anoli lishke.

4. Yvmmak keyukmvt Siloam g chuka chaha hikia tuk vt auah untuchina ka o kinafvv vbi tok g, yvmmak osh nan ashvchi kvv hatak Chelusalem gsha moma ka i shahli ha tok g, hvchim ahoba cho?

5. Keyushke; amba hvchishno ak kia hvsh ile kostinichi keyukmvt, hvsh moma kvv ilbvshvt hvch illi akinla chi ka, hvchim anoli lishke.

6. Nan-isht-vlhpisa ilvppakma isht anumpuli tok: Hatak achvfa hosh f i k vpi vt osapushi anvukaka yg im a hollokchi tuk osh ona cha, vni g a hoyo tuk osh, ik ahayucho ki tok.

7. Mihmvt im osapushi apoksiachi ash o, Inta! ilvppvt afvmmi atuchina mak o f i k vpi ilvppa vni g hoyo kvv gya li hosh ak ahayucho bekvshke: chanlit akvchi; nanta katiohmi hv hikivv yakni g ai okpvvniichi cho? im achi tok.

8. Mihma yvmmak ash ot afalaminichi mvt, Chitokakama! himak afvmmi achvfa takla hokvno ant hikia na, kullit apakfoplit, yakni achukmali yg isht apolichit tahli li hayashke.

9. Yohmi na vnit waya hokvno, vlhpesa: amba keyukmno, yvmma misha pilla mak o chanlit ish akvchashke, im achi tok.

10. Mihmvt nitak hullo yo yvmmak ash ot nan ithvnanichi hosh sinakak achvfona ka anta tok.

11. Mihma ohoyo hvv shilombish okpulo nan iksitopochi vvt ai i foka tuk g afvmmi auah untuchina hosh, kochofvv kvnia, kaniohmit il apissalecha he keyu kvvohmi hosh anta tok:

12. Atuk o Chisvs vt yvmmak ash pisa mvt, pit i howa cha, Ohoyo chia ma! nan ik chi ai iksitopo ka ish ai i mokofa mak oke, im achi tok.

13. Mihmvt yvmmak ash o ibbak g ita tuklonchit isht umbitepa tok: mihma yvmmak ash ot mihmaklini hv apissvt taha mvt, Chihova hv holitoblichit tok.

14. Mihma sinakak g apesvchi ash ot, Chisvs vt nitak

hullo yō hlakofichi ka im okpulo fehna hatuk osh, okla hasl, Nitak hannali kak o hatak vt a toksula he vlhpesa kuto ashvshke: yohmi ka nitak hullo ak a he tuk keyu; yohmi hoka yvmma ai itintakla kak o ai vlvv hvchi hlakofashke, im achi tok.

15. Yohmi ma Chitokaka yash ot afalaminchi mvt, yvm-mak ash, Peh nana ilahobi chia hoke: hvsh moma kvv nitak hullo a chī wak toksvli okmá, keyukmvt chim issuba hakso-bish falaia okmá, nana kvv ai ilhpitta ya talakchit hikia tuk a i hotofi cha, halvllit oka ipetvt ish ia chatuk keyu?

16. Yohmi ka ohoyo ilvppvt Eblaham ushetik atuk o, Setan vt takchit ishi tok a, ilvppvt afvmmi auahuntuchina hatuk a, nitak hullo ya isht talakchi tuk vt ai i holhtofa he vlhpesa keyu cho? im achi tok.

17. Mihma ilvppa yvmmak achi ma, i sanali vhleha hash ot momvt hofahya tok; mihma nan isht a chinto a puta ka yvmihinchi ka okla hvv momvt na yukpa tok.

18. Mihma yvmmak ash ot, Chihowa apelhichika yvt nanta hak o hoyulba? yohmi ka nanta hak o isht it apesa la chī cho?

19. Mvstvt nihi achvfa hō hatak vt ishi cha, im osapushi a pit a pila tok o, offot hofantit mahayvt, iti chito tovt hikia tok: yohmi na vba hushi puta kvv naksish puta ka ant ai o binohonli tok mak o chiyuhmi hoke, achi tok.

20. Mihmvt anonti Chihowa apelhichika ya nanta hak o isht it apesa la chī cho?

21. Pvska shatvmmichi yō ohoyo hvv ishi cha, tanchi pushi isht vlhpisa tuchina hō a yvmslichī tuk o, momvt shatvmmit taiyaha tuk mak o holba hoke, achi tok.

22. Mihmvt tvnaha puta, micha tvmahushi aiena ka hlo-pullit ayvt nan ithvnanchit, Chelusalem imma ia hosh aya tok.

23. Mihma achvfvv, Chitokaka ma! Achafoa kak illa hosh okchaya hi oh cho? im achi tok.

24. Mihma yvmmak ash ot, Yichina fehvvt okhissa iskitini a chukowa hvchi bvnashke; chukowa bvnvt pisa kia, nan ik kanihmo ka chī kvv laua hoke, hvchim achi lishke.

25. Chuka chufa pehlichi yvt kaniohmi hō wakayvt, okhissa yā okhishta ha ma, kocha yā hvsh biohmāyvt, okhissa yā sokohvt, Chitokaka ma ! Chitokaka ma ! ish pin tiwashke hvsh achi kia, yvmmak ash ot afalaminchit, Yvmmak o minti, ahnit hvch ithana li keyu kv̄t, hvchim acha hi oke.

26. Yvmma fokakma hvchishno ash ot, Chi tikba yā ai imp̄vt, nan ishkot il aiasha chatuk : yohmi ma chishno vt pin tomaha itin takla yā nana ish ai ithvnanchi tok mak oke, hvsh acha he.

27. Yohmi kia yvmmak ash ot, Yvmmak o minti, ahnit hvch ithana li keyu hoka, nan ai v̄lhpesa keyu puta ka a yohmi hvchia hv̄t, momvt hv̄s s̄a filvmmashke, hvchim achi lishke, acha hi oke.

28. Yohmikma hvchishno yokvno kocha hvchi kanchi na, Eblaham, micha Aisaak, mikmvt Chekob, micha hopaii puta ka a moyuma hokvto Chihowa ap ehlichika yā auet aiasha na hvsh pisa he, yvmma fokak mak osh yahayvt noti ā v̄pvt hvsh aiasha hi oke.

29. Mikma hvshi akochaka imma, micha hvshi ai okv tula ka, mikmvt falvmmi, micha oka mahli aiena ka a mihintit Chihowa ap ehlichika im ai-imp̄a yā ai a binohla hi oke.

30. Mikma yakeh ! ishtaiyopi tuk vt mihi yosh na tikba hi oke, mikma na tikba tuk vt mihi yosh ishtaiyopa hi oke.

31. Mih-nitak fehna akinli ka Falisi kaniohmi kv̄t ai v̄la cha, Ilvppa a kohchvt kanima ish iashke ; Helot vt chiba he ahna hinla hoka, achi tok.

32. Mihma yvmmak ash o, Oh ia cha, chula yvmma ont oh im anoli ; Himak nitak, micha onna ha aiena kvno nanisht ahullo okpulo puta kocha weli, micha haknip ik in chukmo puta ka hlakofichi aienvt ahanta li tuk osh, nitak ont atuchinakma, nana ka aighlit ont vm ataiyaha hok mak a hi oke.

33. Yohmi kia himak nitak, micha onna ha, anonti nitak ont atuchina kvno, nowa li pullashke ; hopaii atuk vt Chelusalem keyu ka ai illa he keyu hoka.

34. Chelusalem, Chelusalem hopaii v̄hleha v̄bi, micha auet

chin tihleli tuk a tvli ishit boli chia ma! akaka yosh ushi vhleha ha sanahchi nuta ya pit ai itahobi chatuk mak o, chiyuhmit chim vlla vhleha ha itahohombi la he, aiahni li tuk nana kia, hvchishno ak osh vlpesa hvch ik aiahno hokvno,

35. Yakeh! hvchin chuka vt hvchin chuk-illissvt taiyaha mak oke. Yohmi hoka aighli mak o hvchi miha lishke; Chitokaka i hohchifo mak o gya kv holitopvshke, hvsh acha chi ka, ont ai vlpiesa keyukma, hvch ik sa peso ka chi hoke, im achi tok oke.

CHAPTA XIV.

Chisvs vt, nitak hullo nitak o hatak nipi shofohli isht abeka ya hlako fichi, 1: 7 hatak im anukfila kvlllo vhleha hv im anukfila ha akanlosecha hi a, micha nan in laua vhleha hv ilbvsha ya i kana he aiena ka im avchi. 15 Opiaka impa chito aha tok isht vlpisa. 25 Chisvs a nan im ai ithvna e toba chi hokmvt, yvmmak o e holitobli hatuk mak osh pishno vt ile kaiyanchit, nana fehna hatuk kia il issa hinla hatuk puta ka, yvmmak okvt nan isht vlpisa ilaiyuka ho isht a pim avchi.

1. ATUK o yakohmi tok; nitak hullo yo impa chi Falisi miko vhleha achvfa ka in chuka yo pit chukowa ma, okla apesvchi tok.

2. Yohmi ma hatak achvfa kv haknip oka atoba ililli ho isht abeka kv itikba ya aha tok.

3. Mihma Chisvs ash ot na mihvt, nan-vlpisa ithvnanchi vhleha, Falisi okla aiena kash im anumpulit, Nitak hullo ya na hlakoficha he ai vlpiesa hoh cho? achi tok.

4. Mihma nan ik achot maya tok. Mihma yvmmak ash ishi cha, hlakofichi mvt, kanima ia chi ka, im ahni tok.

5. Mihmvt okla hash im anumpulit, Hvsh katima kak osh hvchim issuba haksobish falaiia okma, keyukmvt wak toksvli okma, nana kv yakni chiluk hofobi o pit itula ka, ashalika nitak hullo nitak a halvllit hvch ik kohcho ka hinla cho? achi tok.

6. Yohmi ma anonti ilvppa puta ka okla ai isht im afala mincha he keyu ki tok.

7. Mihma im annoa tuk vhleha hvt aiasha holitopa kak o hoyot a binohli na pisa mvt, nan-isht vlhpisa h₂ takalichit,

8. Ohoyo ipetvchi ish aya hi a, k₂na hosh chim anoli tuk ma, aiasha holitopa i shahli ka chik binilo kashke; hatak holitopa kv₂t chishno a chi shahli kia yvmmak ash ot im anoli tuk a hinla hoke.

9. Atuk o chim anoli tuk, anonti yvmma im anli tuk yvmmak ash ot ita tuklot vla cha, Hatak ilvppak osh ik aiashá, chim achikma, chi hofahyvt aiasha ik a lauwo kak o ish a binila hinla hoke.

10. Amba chim annoakmvt ivt, aiasha ik a lauwo kak o ish a binili tuk o, na chim anoli tuk ash ot vlakmvt, A kana hvt chaha i shahli kak o pit oiyá, chim acha hinla hoke: yohmikma chibai impvt maya yvmma ish ai i holitopa he mak oke.

11. K₂na hosh ilefehnvchi hokvto aka ona he; anonti k₂na hosh ik ile fehnacho hokvto holitopa hi oke.

12. Yohmi mvt ilapa hoyo tuk ash kia, Tvbokoli impa yokmá, keyukmvt opiaka impa yokmá, nana h₂ ish ikbi kv₂t, chi kana vhleha, micha ish itibapishi vhleha, mikmvt chi kanomi vhleha, chin chuka panta hatak nan in laua puta kia chik hoyo kashke; yvmmak keyukma, ilapo mvt chishno a chi hoyo hinla hoke: yohmikma nana h₂, ish yvmihchi tuk a ai itilauit chim vlhtoba hi oke.

13. Amba impa chito ish ikbikmvt, ilb₂sha, imomokpulo, kinafa, lvpa aiena kak o ish hoyashke.

14. Yohmikmak osh na chi yukpa hi oke: yvmmak okvto chishno ma afalaminchit ai itilauechit chi yvmihcha he keyu hoka: hatak vlhpesa illi puta kv₂t tanik mak o yvmmak atuk a falamvt pit ai itilauit chim vlhtoba hi oke, im achi tok.

15. Mihma ai ibai impvt maya tuk ash o achvvt ilvppa puta ka haklo mvt, Chihowa apehlichika ya pvska ai vpa kak osh mihi hosh na yukpa hi oke, im achi tok.

16. Mihma yvmmak ash o, Hatak achvfa hosh opiaka impa chito fehna ka ikbi cha, lauvt aya chi ka, im anoli tok.

17. Atuk ash opiaka impa ont ai vlhpesa ma, im annoa

tuk vhleha hash, Himak ano nana moma kv̄t vltahvshke, ho minti, im acha ch̄i h̄o, in tishu h̄a chvffichi tok.

18. Mihma moyumvt im anukfila achvfa ohmit taha mvt, okla nan isht ile mihachit isht ia tok. Ummona kv̄t, Osapa iskitini ȳo chumpa li tuk osh, yv̄mma pisvt ia la he vlpesa hoke; vno yokvno ik ayo mak kia ba is sv̄m ahna hi a chim asilhha lishke, im achi tok.

19. Mihma inla mvt, Uno vt wak toksuli y o k tahlapi h̄o, chumpa li tuk osh, ivt kaniohmi hatuk okma pisa la ch̄i hatuk oka, vno yokvno ik ayo mak kia ba is sv̄m ahna hi a chim asilhha lishke, achi tok.

20. Mihma anonti inla hosh, Uno vt ohoyo itauwaya li; yohmi hatuk osh aya la he keyushke, achi tok.

21. Yvmohmi ma tishu yv̄mmak ash ot vla cha, i shahli h̄a ilvppa puta kash ant im anoli tok. Mihma chuka yv̄mma pehlichī ash ot im okpulo mvt, in tishu hash, Tushpvt kohchvt ivt tv̄maha itin takla hina hochito, chipunta aiena ka ayvt, ilbvsha, micha imomokpulo, mikmvt kinafa, micha lva aiena ka pehlichit ilvppa isht ish lashke, im achi tok.

22. Atuk o tishu hashot, Chitokaka ma! chishno nana ish ai apesa tuk ano, ont aighlit taha akinli kia, aiasha vt asha momvshke, achi tok.

23. Mihma i shahli ash ot tishu hash, Kohchvt ivt, haia-ka hina bvshkvchi, mikmvt kv̄ti holihta anukaka aiena puta ka ayvt, ilvppa vla ch̄i ka, ish atushpalechi na an chuka vt alota mak inlashke,

24. Im annoa tuk vhleha hatuk yv̄mmak amo achvfa kia vm opiaka impa ya iskitinosi kia ai vpa he keyu mak oke, hvchim achi lishke, im achi tok, im achi tok oke.

25. Atuk o okla lava fehna hosh apehvt aya ma, yvmak ash ot filema cha;

26. Kuna hosh ayvt vm vla kv̄t, iki, micha ishki, mikmvt tekchi, mikmvt im vlla, anonti ilap itibapishi, mikmvt in tek vhleha aiena, mikmvt im ilhfiopak akinli aienz kak kia, i nukkilli keyu hoketo, nan vm ai ithvna a he keyushke.

27. Micha kvna hosh im iti-taiyukhona ya shoyuli cha, siakaiya keyu hokvto, nan vm ai ithvna a he keyushke.

28. Hvsh katima kak osh chuka chaha ikba he ahni kv, vmona ka aka binilit, Tahli la hinlakma, nanta cho? ahnit ai-vlhtoba he ma hotinvt ik peso ka hinla cho?

29. Yvmmak atuk keyukmvt nutaka in tola ya bohli ha yosh, anonti atahla he keyukma, yvmmak atuk ash pisa kv momvt isht itukhlakavt,

30. Hatak ilvppvt itvbvnnit isht ia tuk ak osh, atahla he keyu ke tuk, acha hinla hoke.

31. Yvmmak keyukmvt miko nanta ak osh miko inla yo it in tanampa chi kv, vmona ka aka binilit, ilavt tahlepa sipokni pokoli ishi kv, tahlepa sipokni pokoli tuklo pehlich hosh i kohcha ka, amokvfa he vlhpesakma, nana kv anukfillit ik peso ka hinla cho?

32. Yvmmak keyukmvt, achvfa yash ot hopaki pilla auet takanli moma kak inli ho itin nanaiya ka ahnit, anumpa shali a pit chvfficha hinla hoke.

33. Yohmi ka yvmmak o chiyuhmit, hvchishno vt hvsh moma kv nana ho hvchim asha tuk vt mominchit hvsh issa keyukmvt, nan vm ai ithvna hvchia ha he keyu hoke.

34. Hvpi vt achukma hoke: yohmi kia hvpi hash ot homi tuk vt i kvniakmvt, katiohmi kak osh anonti homa hinla cho?

35. Yvmmvt yakni, micha nan i yvlhki yakni isht achukmvi aiena kak kia isht ai im vlhpesa he keyu; amba hatak vt kocha pit kanchi chatuk oke. Kvna hosh isht haponakla he haksobish vt i hinlikmvt, haklashke, im achi tok.

CHAPTA XV.

Chukvlhpoba kvnia nan isht vlhpisa, 1; 8 mikmvt tvli hvta tushafa kvnia nan-isht-vlhpisa aiena. 11 Hatak himita ik hoyoyukso nan isht vlhpisa.

1. YUMMA foka ma pvblikan vhleha, micha nan-ashvchi okla aiena kv i haponakla chi kv, momvt auet a kavvli tok.

2. Yohmi ma Falisi vhleha hvt micha na-holissochi vhleha aiena kash ot lumasit na-mihachit, Hatak ilvppvt nan-ashvchi vhleha hvt ilapa ai ibafohka chi ka ahninchit, it ibai impa yoke, achi tok.

3. Mihma yvmmak ash ot nan-isht-vlhpisa ilvppa isht im anumpuli mvt,

4. Hatak hvsh katima kak osh chukvlpoba tahlepa achvft im gsha tuk osh, achvft i kvnia hokmvt, pokoli chakkali a kocha chakkali kash ot yakni haiaka ya maya na issvt, kvnia tuk yvmmak ash o hoyot hikikvt ahayuchik mak a hinla keyu ?

5. Atuk osh ahayuchikmvt, na yukvvt isht iabvnali ;

6. Atuk osh in chuka yash vla mvt, i kana vhleha, micha in chuka panta hatak puta ka hoyot itahobi cha, An chukvlpoba yvt kvnia tuk ash ahayuchi li hoka, na hvs svbai yukpashke, im achi hoke.

7. Yohmi ka yvmmak inli ho chohmit, Nan-ashvchi achvfa hosh ile kostininchikma, vba ya na yukpa gsha kvv hatak vlhpesa pokoli chakkali akocha chakkali kvv nan ile kostinichi yvt ai im ahalaiya he keyu, yvmmak oka i shahla hi oke, hvchim achi lishke.

8. Yvmmak keyukmvt ohoyo nanta hak osh tvli hvta tushahli pokoli kvv im gsha tuk osh, tushafa achvft i kvniakmvt, pvla ha pvlali cha, aboha ya bvshpolit achukmalit hoyot hikikvt ahayuchik mak ahinla keyu ?

9. Atuk osh ahayuchikmvt, i kana puta, micha in chuka panta gsha tuk aiena kash hoyot itahobi cha, Tvli hvta tushafa g kvnia tuk ash ot ahayuchi li hoka, na hvs svb ai yukpashke, achi hoke.

10. Yohmi ka nan-ashvchi achvft ile kostininchikma, Chihowa im enchil vhleha aiasha ka na yukpa kvv yvmma akinli ho chiyuhmi chatuk oke, hvchim achi lishke, achi tok.

11. Mihmvt, Hatak achvfa hosh ushi vt in tuklo tok.

12. Atuk o nakfish ash ot iki a, Aki ma ! nana kvv vmmi ha he tuk ash is svmashe, im achi tok. Mihma nan isht ai okchaya yash o im it a kashvli tok.

13. Mihma yummak atuk g nitak kanohmi keyu ho, ushi nakfish ash osh mominchit itahobit taiyahli cha, ivt yakni hopaki fehna ho ona cha, nan isht aya tuk puta kash yummak o isht a yopomot ahantvt kampilvt taiyahli tok.

14. Yohmit mominchit kampilvt tahli ma, yakni yumma hohchvfo chinto fehna kvv a kohcha tok; mihma yummak ash ot nana kvv ik im iksho kit isht ia tok.

15. Mihmvt yakni yumma hatak ont iba fohka tok; atuk o yummak osh shukha laua ipeta beka chi ka im osapa puta ka pit chvffichi tok.

16. Atuk o yummak ash ot shukha laua yvt nanvni ai vpa beka tok yummak o vpvv kaiya bvna beka tok: yohmi kia kvna kia yumma ik ipeto beka tok.

17. Atuk o yummak ash ot ont il akostininchi mvt, Aki im iltohno vhleha hvv laua kvv katiohmi hosh pvvka yvt laua kvv im vlvhesakma, anonti atampa mvt asha chatuk ak o, vno ilvppa a hohchvfvot svlli cho?

18. Wakayvt ivt, aki im ona lish, Aki ma! Chihowa im ashvchit, mikmvt chi tikba ya a sai yoshuba tuk.

19. Yohmi kvv himak a pilla ma, chiso sa hohchifa he si ahoba keyushke; chim iltohno vhleha achvfa kak o is si ai itilauechashke, im achi lashke, achi tok.

20. Mihmvt wakaya cha, iki g im ia tok; atuk osh auet hopaki pilla minti kak inli ho, iki ash osh pit pisa mvt, i nukhaklo cha, chvfvot ivt, yummak ash ikunla ont vbnaiyvt i suksowa tok.

21. Mihma ushi ash ot, Aki ma! Chihowa im ashvchit, mikmvt chi tikba ya a sai yoshohumba tuk; yohmi kvv himak a pilla ma chiso sa hohchifa he si ahoba keyushke, im achi tok.

22. Yohmi kia iki ash ot im iltohno vhleha hash, Nafohka holitopa moma i shahli kak o ishit kohchit ant ho fohkvchi cha, ibbak ma ibbak-ushi-fohka ant fohkit, iyi ma shulush hvsh holochashke;

23. Micha wak ushi ilhpitvt nia ya ilvppa isht vlvv, oh vbi na impvt na-yukvt kiloh aiashá;

24. Svso ilvppvt illi tuk osh, falamvt okchaya hoke;

konia tuk osh haiaka hoke. Mihma na yukpot okla aiasha tok.

25. Yohmi ka ushi akni hvto osapa anta tok : atuk osh minti cha, chuka yash bilikasi vla mvt, vhlepa ola, micha hihla aiena ka pit haklo tok.

26. Mihmvt ilthohno vhleha hash achvfalit pit i howa cha, Katiohmi hosh yakohmi cho? achit i ponaklo tok.

27. Mihma yvmmak ash ot, Chi nakfish ak osh vla hosh achukmakvt gyvt vla ho, chiki vt pisa kak osh wakushi ilhpitvt nia ya vbi hatuk oke, im achi tok.

28. Mihma yvmmak ash ot hvshaya cha, ont chukowa ik bunno ki tok : yohmi hatuk o iki ash ot kohchvt ivt, ont i howa tok.

29. Mihma afalaminchi mvt, iki ash o, Inta! afvmmi kanohmi ilvppa chi yuka chiyuhmit isht chim ahanta li mvt, chim anumpa ma himonna kia ak kobvfoshke; yohmi kia a kana vhleha ai isht it ibai yukpa la chi ka, isi kosomushi kia chik samo chatuk,

30. Amba chiso ilvppvt havi puta ai iba fohkvt gyvt, nan isht ish ai okchaya he tuk ash isht yopomot tahli cha vla ma, mih makinli hq wak ushi ilhpitvt nia ya ish im vbishke, im achi tok.

31. Mihma yvmmak ash ot, Svso ma ! nitak moma ka si awant ish ahantushke, yohmi kvn nan okluha vm asha kvn chimmi hoke.

32. Chi nakfish ilvppak okvt illi tuk osh, anonti falamvt okchaya; micha konia tuk osh haiaka hoka, impa ikbit na yukpot il aiasha he vlhpesa hatuk oke, im achi tok oke; achi tok.

CHAPTA XVI.

Nan-apevchi ik aighlo nan-isht-vlhpisa, 1; 14 Chisvs vt Falisi vhleha hvv ilap a okla ishit yopula ma, nana ka peh ilahobi vhleha hatuk a nan isht i miha. 19 Hatak nan in laua, micha Lasalvs ita tuklo nan-isht-vlhpisa.

1. **MIHMUT** yvmmak ash ot nan im ai ithvna vhleha ha, Hatak nan in laua achvfa hosh nan-apesvchi vt im anta tok : atuk o yvmmak ash ot nana immi puta kash isht i yopomot tahlí ho, im annoa cha haklo tok.

2. Mihmvt yvmmak ash o i howa cha, Katiohmi ho ilvppa isht a chi haklo li cho? nan ish apesvchi yatuk vt achukmalit ish ai il anolashke : himak a pilla ma nan apesvchi chia ha' chi keyu hoke, im achi tok.

3. Yohmi ma nan apesvchi yash osh, Nanta hak o katiohmi la chi cho? a shahli hvv nan ai apesvchi li ash si a kohchichikma, okchahli la he keyukmvt, nan asilhha ma sa hofahyvshke.

4. Nan ai apesvchi li ash sa kohchichikma, in chuka yokvno chukowa la hi a okla vm ahna chi ka, nana ho katiohmi la chi kvto ithaiyana lishke, achi tok.

5. Mihmvt i shahli ha aheka im asha tuk vhleha hash mominchit hoyo mvt, Ummona ka a shahli ho aheka katiohmi ho ish in takanli cho? im achi tok.

6. Mihmvt yvmmak ash ot, Na-bila vlvhpesa tahlepa achvfa, achi tok. Mihma, Chim aheka holisso ha ishi cha, tushpvt aka binilit, pokoli tahlapi ho takalichí, im achi tok.

7. Mihma anonti inla ho, Mikma chishno vto katiohmi hosh aheka yvt chim asha cho? im achi tok. Mihma, Onush vlvhpesa tahlepa achvfa, achi tok. Mihma yvmmak ash o, Chim aheka holisso ha ishi cha, pokoli untuchina ho takalichí, im achi tok.

8. Yohmi ma nan-apesvchi nan ik ai vlvhpeso ash ot kostini fehvvt yvmohmi hatuk o, i shahli hvv im ai okpahanchi tok : yakni ilvppa im vlla vhleha hvv ilap bika nan it im a katiohmit hopoyuksa kvv, a nitaki im vlla vhleha ha i shahli hoke.

9. Yohmi ka, Nan-ai-ylvhpesa keyu m a m m o n a hvchi kana vhleha ha hi a isht hvsh ikbashke, hvchim achi lishke : yohmi tukma ont hvch ai illikma, ai vta bilia ya ik chuková, hvchim aiahna hi oke.

10. Kvna hosh nana kvv moma ik a lauwo ho aighli achukma yatuk mvt, nana kvv ik aiaka kia aighli achukma

akinli chatuk ; yohmikma kvna hosh nana kvt moma ik a lauwo hō aighli achukma atuk keyukmvt, nana kvt ik aiaka kia, aighli achukma chatuk keyu akinli hoke.

11. Yohmi ka nan-ai-vlhpesa keyu m a m m o n g isht a hvch ik aighlo ke tuk ma, kvta hak osh na holitopa ghli ya hvsh apesvcha hi g hvchi tohna hinla cho ?

12. Micha inla yo nana kvt immi hatuk g isht hvch ik aighlo ke tuk mvno, kvta hosh nana kvt chimmi fehna ya chima hi o ?

13. Tishu yuka nana kia i shahli tuklochit im antia he keyushke ; achvfalit i nukkilli cha, achvfa kamo holitobla hinla ; keyukmvt achvfalit halanli cha, anonti achvfa kamo a haksicha hinla hoke. Chihowa, micha mammon it aieninchit hvsh im antia he keyushke, im achi tok.

14. Mihma Falisi vt tvli holisso anuksitia fehna vhleha hatuk osh, ilvppa puta ka haiyaklo mvt, isht ik imi ahno ki tok.

15. Mihma yvmmak ash o, Hvchishno ak osh hatak itikba ya ai il achukmvtli hvchia mak oke : yohmi kia Chihowa hvt hvchi chukvsh puta ka ithaiyanvshke : nana kvt hatak g im a holitopa fehnakma, Chihowa hvt ai i nukkilli mak oke.

16. Nan-vlhpisa, micha hopaii vhleha i holisso aiena kvt aiashvt mihinti tuk o Chan vt vla tok : yvmmak a tok takla kvno Chihowa apehlichika yak osh anuhumpa na hatak puta kvv yichinvt pit vlbihvshke.

17. Micha vba shutik, mikmvt yakni aiena hokvto ont ik ahobot ik ai iksho ka hinla kvv, nan-vlhpisa iskitinosi kvv moma ik lauwo hosh ont ik ai iksho ka hi g ik lauwo ka hi oke.

18. Kvna hosh tekchi g kanchi cha, inla itauwayakmvt, hauv toba hoke ; mikma kvna hosh i hatak vt kanchi tok o itauwaya hokmvt, hauv toba hoke, im achi tok.

19. Hatak nan in laua achvfa hosh na-fohka hummakbi hō anonti linen lapushki aiena hō foyuka mvt, nitak moma nan-vpa in chitot nan isht ilaiyukpa hosh anta tok.

20. Yvmohmi ma hatak ilbvsha yosh Lasalvs hohohifo

hosh liahpo bieka h_o, yvmma i holihta okhissa y_a ont bohyuli na ituyula tok.

21. Yohmi kv_t hatak nan in laua im ai-imp_a y_o boshulli vt a chilofa kak o habenv_t vpa ka aiahni ha tok; yohmi ma ofi puta nana kia ai vlv_t liahpo a i holahakshi tok.

22. Atuk ash o yakohmi tok: hatak ilbvsha yash ot illi ma, enchil vhleha hosh ant isht ivt, Eblaham shakba pohloma ka ont fohki tok. Mihma hatak nan in laua yash kia illi cha, hollopi tok.

23. Atuk osh yvmmak ash osh aiokpuloka y_a ont ai issikkopa cha, vba chakali mv_t, Eblaham vt hopaki pilla ka auet a_{sha} ma, Lasalvs vt shakba pohloma ka foka na pisa tok.

24. Mihmv_t tahpahanlv_t, Aki Eblaham ma! auet a nukhaklot Lasalvs a auet chvffichi na ibbak-ushi wishakchi a oka kapvssa ik oka hilechi cha, sasunlvsh a ant ik kapvsulli: a libbi ilvppa vm a palvmmi kv_t atampa fehvshke, achi tok.

25. Yohmi kia Eblaham ash ot, Svso ma! chi okchaya taklv_t ish ahanta kv_t, na hochukma puta ka ish pihisa tok: yohmi ma Lasalvs ak kia nana kv_t a palvmmi puta ka pihisa tuk a, ish ithaiyanashke: yohmi tuk kia yvmmak ash ot himak okvno hopohl_t na yukpa ma, anonti chishno vto chim a palvmmi fehvshke.

26. Micha ilvppak osh ai vhli keyu; a hvp itin takla y_a kolukbi chito fehna hosh bachaya hoke: yohmi hatuk o ilvppa ai asht ia kv_t tanvblit yvmma a chim ona he tuk mak osh, na kanihma he keyu; yohmikma anonti yvmma asht minti kv_t hlopulli cha pim vla he keyu akinli hoke, achi tok.

27. Yohmi na yvmmak ash ot, Yohmi hoka aki ma! yvmmak oka aki in chuka y_a pit ish chvfficha he mak o chim asilhha lishke.

28. Yohmi ka itibapishi li hv_t tahlapit a_{sha} hoka, atokowa ka ont ai im anoli na ai issikkopa ilvppa yvmmakmv_t ai vla yoba na, achi tok.

29. Eblaham ash ot, Moses micha hopaii puta im anumpa

hvt in tonla hokvt, yvmmak o okla i haponaklashke, im achi tok.

30. Yohmi ma yvmmak ash ot, Ah! aki Eblaham ma! illi atuk ak osh achvft ayvt im ona hokmvo, okla ile kostinicha hinla hoke, achi tok.

31. Mihma yvmmak ash ot, Moses, micha hopaii puta im anumpa ha haklo keyukvt, illi tuk osh achvft tani mak o, vimma hi vt anukfoyuka he keyu hoke, im achi tok.

CHAPTA XVII.

Chisvs vt nan im ai ithvna vhleha hvt ahah! ahni cha, inla ya ik yoshublecho ka he, 1, 3 micha ilap bika yvt nana ka it i kashofa he aiena ka i miha: 6 na yimmi aiahlika yokvt na fehna ka anoli: micha Chihowa ha holitobli kvv nana ho ik yvmohmi kia im anuk-fila mvt akanlosi bieka hi a, i miha; 11 leposi vbi a hatak pokoli ho hlakofichi; 20 Chihowa apelihlika yvt hatak chkvsh anuka-ka ak o fohka: micha kva hosh yvmmak oka nan isht ik ahno tuk okvto momvt ont ai okpulokvt taha pulla hi a, anoli.

1. YOHMI mvt nan im ai ithvna vhleha hash o ik kanihmi hoh kia nana isht ai ibetvbli okvt iksho ka chi keyu pulla hoke; yohmi kia kva ho yvmvt isht a tobakma, mihi yosh nan i palvmmi mak oke.

2. Chipunta ilvppa achvfa ka ibetvblichi hokmvt, ilap ak o ikunla ya tvli chito na botoli ak osh a takanli ho, okvta ha pit okvchi kak o, vhpesa kvv im i shahli hoke.

3. Ahah! hvsh il aiahnashke. Ish itibapishi hvt chi yoshuba hokma, im alvmmi nana ish i mihashke: yohmi na yvmmak ash ot nukhaklot ile kostinichi hokma, kashofit ish i kanchashke.

4. Michi nitak achvfa ka untuklo ha chi yoshuba cha, anonti nitak achvfa ka untuklo ha yo filemvt, Sa nukhakloshke, achi hokma, ish i kashofa he mak oke.

5. Mihma vbanumpeshi vhleha hash ot Chitokaka yash, Na pi yimmi ka i shahlichit ish pi nukfohkashke, im achi tok.

6. Mihma Chitokaka yash osh, Na hvchi yimmi kvv mvt vt nihi achvfa ka chohmi hosh hvchi anukfoka hok-

mut, bihi vpi iloppa hakshish fehna ai isht alobafvt okhvta hak o ont ish a holokchashke, hvsh im achikma, hvchim antia hinla hoke.

7. Yohmi ka hvsh katima kak osh yuka hv im anta tuk vt yakni patvffi hokmá, keyukmut wak ipeta hokmá, nana hosh anta tuk osh osapa mintit vla makinli ho, Ivt ont binili cha, impá, im acha hinla ?

8. Amba yvmmak o keyukmut; Nana ho opiaka impa la chi ka atahli cha, il ai-vskofvchit chin taha cha, nan isht is svm anta na impvt nan ishko aienvt issa li ha yo, himmak o impvt nan ish ishkashke, im acha hinla keyu ?

9. Micha yuka yvmmak ash ot nan ai im vlpisa atuk ash ot yvmihchi ma, yak oke! im ahni ho? keyu ka, vm ahobvshke.

10. Yohmi hoka yvmma chiyuhmit hvchishno mut, nana kvv a hvchim vlpisa tuk vt mominchit ont hvsh ataiyahlikmut, Nana ho isht ai yukpa hi o keyu tishu pia: nana ka isht il ai vta hi a pim vlpesa tuk mak osh e yvmihchishke, hvsh achi makinlashke, achi tok.

11. Atuk o yakohmi tok: yvmmak ash ot Chelusalem ia hosh gya mut, Samalia micha Kalili ajena ka iklvna hlopullit ia tok.

12. Micha tvmahushi achvfa ho ont chukowak fehna, hatak pokoli kvv leplosi vbi yosh ant afama cha, mishemanchit auet hieli tok.

13. Mihmut chitoli hosh okla anumpulit, Chisvs pi shahli ma! ish pi nukhgklashke, achi tok.

14. Mihma yvmmak ash ot pit pisa mut, Oh ia cha, naholitompa isht gsha vhleha hak o ont hvsh im ile haiakvchashke, im achi tok. Atuk o yakohmi tok: ilhkoli hosh asht gya mut, okla hlakofi tok.

15. Mihma yvmmak ash ot achvfvv hlakofi kvv ile pisa mut, falama cha, chitoli hosh anumpulit, Chihowa hg holi-toblichli tok.

16. Mihmut yvmmak ash iyi ituma yak o hlipia cha, yak oke! ahnit aiokpvchi tok: yohmi kvv yvmmvt Samalatan hatak a tok.

17. Yohmi ma Chisvs ash ot anumpuli mvt, Pokoli hush hlakofi tuk keyu ? amba chakkali mvto ?

18. Falamvt Chihowa hq holitoblichit aya kut iiksho hq, amba oklushi inla hatak ilvppak illvshke, achi tok.

19. Mihmvt yvmmak ash o, Ish wakaya cha, ish iashke ; a chi yimmika yak osh chi hlakofichi hoke, im achi tok.

20. Yvmohmi ma Falisi vhleha hvv Chihowa apehlichika yvt, Katiohmi kak o aya hi o ? ahnit i ponaklo ma, afalaminchi mvt, Chihowa apehlichika yvt ai im akostininchi ho aya he keyu.

21. Micha Yakeh ! ilvppak oke : keyukmvt, Yakeh ! yvmmak oke ; achi kak okmá, kanimampa he keyu hoke. Chihowa apehlichika yvt hvchi chukvsh anukaka foyuka hoka, achi tok.

22. Yohmi mvt nan im ai ithvna vhleha hash o, Hatak Ushi i nitak o achvfalichit pisa ka hvchi bvna fehna kia, hvch ik peso ka hi q nitak vt ai ona pulla hi oke.

23. Yohmi ka Yakeh ! ilvppak oke ; keyukmvt, Yakeh ! yvmmak oke ; hvchim achikmá, nana hi oke. Yohmikma ivt hvch ik im onokmvt, hvch ik iakaiyo kashke.

24. Malvtha kvv shutik nutaka kanima ho a malvthakachit kohchakmvt, shutik nutaka bakapa tvnnpv ma pit on tommy chatuk q, Hatak Ushi i nitak vt ont ai vlvpiesakma, yvmmak inli ho chiyuhma hi oke.

25. Yohmi kia ik a yvmohmo kisha ka, isht ai issikkopa mvt in laua he ; mikma hatak himonasi gsha ilvppvt ik i yimmot ik ahnincho ka hi mak oke.

26. Mikma Hatak Ushi i nitak mvt, Noah vt ahanta nitak q a kanihmi tok mak o, a chiyuhmi makinla hi oke.

27. Okla impvt, okla nan ishkot, ohoyo okla itauwayvt, okla itauwaya hi vt im vlvpowvchit aiasha tuk o, Noah vt peni chito q pit chukowa nitak fehna ma, oka falama vt aya cha, mominchit vbit taiyahli tok.

28. Lat ahanta nitak q a kanihmi tok mvt, okla impvt, okla nan ishkot, okla na chumpvt, okla na kanchit, okla na hokchit, chuka okla ikbi aienvt aiasha tok.

29. Yohmi tuk kia Lat vt Sotom q a kohchvt ia nitak

fehna ma, ruak, micha hituk lakna aiena kv̄t vba yā auet ai umba cha, mominchit vbit taiyahli tok.

30. Yakohmi tok ā chiyuhmit Hatak Ushi vt ont haiaka nitak fehnakma, yvmohma he akinli hoke.

31. Nitak yv̄mma fehnakma kv̄na hosh aboha paknaka anta na im v̄lhpoyak vt aboha an̄ka ḡsha tuk ma, akowvt apoyv̄t isht ik aiyo kashke; yohmikma anonti kv̄na hosh osapa anta tukm̄vt, falam̄vt ik aiyo akinlashke.

32. Lat tekchi a tok ā hv̄sh ithaiyanashke.

33. Kv̄na hosh ilap im ilhfiopak okchalinchi b̄v̄na hokv̄to, kaiyancha he; mikma kv̄na hosh im ilhfiopak ā ik ī hullo hokm̄vt, okchalincha hi oke.

34. Ninak yv̄mma fehnakma topa achv̄fa ka hatak tuklot k̄aha tuk ma, achv̄fa ka ai eshi na achv̄fa hosh itonla he.

35. Ohoyo tuklo hosh nan it iba botoli hosh ḡshwa tuk ma, achv̄fa kash o ai eshi na achv̄fa hosh anta he.

36. Hatak tuklo hosh osapa yā ḡshwa tuk ma, achv̄fa kash o ai eshi na achv̄fa hosh anta hi oka, hv̄ch im anoli lishke, im achi tok.

37. Mihma okla afalaminchi m̄vt, Chitokaka ma! katima yak o? im achi tok. Mihma yv̄mmak ash ot, Kanima yo illi hakn̄ip vt ituyulakma mihi yo ossi puta m̄vt ont ai itahoba hi mak oke, im achi tok.

CHAPTA XVIII.

Nan apesa ai gh̄lich̄i keyu, micha ohoyo ī hatak illi nan asilh̄ha achunanchi aiena nan isht v̄lhpisa, 1; 9 Falisi, micha p̄v̄blikan ita tuklo nan isht v̄lhpisa. 15 Chis̄vs vt v̄lla chipunta yā holitoblit ishit sholi. 18 Chis̄vs vt hatak pehlich̄i himita nan in laua yo Klaist okm̄ā, nan laua im ḡsha kak okm̄ā, nanta kak osh holitopa kv̄t im ī shahli chishba! ahnit imomaka pisa. 31 Chis̄vs vt ilap̄vt ititaiyukh̄ona ahonv̄hl̄vt illa he, atukm̄vt nitak ont isht atuchinakma falam̄vt tana he, anonti tikbanli anoli.

1. MIHMUT yv̄mmak ash o, Hatak vt vba pit anum-pobonli kv̄t bilia cha, ik in takobo ka he tuk ā, nan isht v̄lhpisa h̄o isht anumpulit achi m̄vt,

2. Tvmaha hō nan apesa vt ahanta kv̄t, Chihowa yā nukshompa keyukm̄vt, anonti hatak ma nan isht ik im aho bo ya tok.

3. Yohmi ma tvmaha yv̄mma ohoyo ī hatak illi yosh anta tok; atuk osh yv̄mmak ash ō im ai v̄la cha, Nan v̄lhpisa si onochi tuk ā nan āhli achukma ka isht is sv̄m ai apesashke. achi tok.

4. Yohmi ma yakosi takla kv̄no yv̄mihcha he ik ahno ke tuk osh, amba himmak ō nan il anukfilli kv̄t, Chihowa yā ī nukshompa li keyu m̄vt, anonti hatak ma nan isht v̄m ahomba keyu hatuk nana kia,

5. Ohoyo ī hatak illi ilv̄ppvt si ataklaiyami hoka, nan āhli achukma ka isht ai im apesa lashke; yv̄mmak keyukma, mihinti bekakm̄vt, an takobicha hinlv̄shke, achi tok.

6. Mihma Chitokaka yash ot, Nan apesa ai v̄lhpesa keyu vt nana achi tuk ā, ho haiyaklō.

7. Yohmi ka Chihowa hv̄t ilap osh ai atokoli tok mak ō nitak, micha ninak aiena ka pit in tahpahanla ka, im ile sv̄laha tuk mak osh, nan ai āhli achukma ka ik im apeso ka hinla cho?

8. Chekosi makinli hō nan ai āhli achukma ka isht ai im apesa hi oka, hv̄chim achi lishke. Yohmi kia amba Hatak Ushi vt āyakm̄vt, yakni paknaka yā na yimmi kv̄t āsha na pisa hi oh cho? achi tok.

9. Mihm̄vt kanimi kv̄t ile yimmit, ilap ak osh ai v̄lhpesa mak ō im ahobvt, inla āsha kv̄no ik ahobalo v̄hleha hatuk ash nan-isht-v̄lhpisa ilv̄ppa isht im anumpuli m̄vt,

10. Hatak tuklo kv̄t v̄ba pit anumpula ch̄i hosh tempel ā pit chukowvt okla tok: achv̄fa kak osh Falisi okma, achv̄fa kv̄to pv̄blikan a tok.

11. Falisi ash osh hikia cha, v̄ba pit isht il anumpuli m̄vt, Chihowa ma! hatak inla āsha na-wehli; nan ik ai v̄lhpieso; haui puta; mikm̄vt pv̄blikan ilv̄ppak kia ak chohmo kv̄t, yak oke! pit chim aiahni lishke.

12. Nitak hullo achv̄fakma hitukla na hullochi likm̄vt. nan v̄m āsha puta kv̄t ont isht pokoli kv̄t ā kv̄nihyv̄shke, achi tok.

13. Yohmi ma publikan ash ot auet mishema yak inli ho hikiot, i holhponayo ak kia vba chakalinchi keyu hosh, peh ikkishi ak o isso mvt, Nan ashvchi sia hoka, Chihowa hvt is sa nukhaglashke, im achi tok.

14. Yohmi kvv hatak ilvppot nan im aighli achukma kvv achvfa yash i shahli hosh in chuka ona tok a hvchim anoli lishke: kvna hosh ile fehvchikmvt, aka ona he; mikma kvna hosh ile akanlosichi hokmvt, holitopa hi oka, achi tok.

15. Yohmi ma vloshi puta kia, yvmmak ash ot potola hinla ka okla ishit im ai vla tok: yohmi kia nan im ai ithvna vhleha hash ot pisa mvt, okla im alvmmi tok.

16. Yohmi kia Chisvs vto yvmmak ash o pit hoyo cha, Vlla chipunta vt vm ai vla hi a hvsh ahni cha, hvch ik im alammo kashke; ilvppak o chohmi hosh Chihowa apelhichika ya aiasha hoke.

17. Ahli mak o hvchim achi lishke; Kvna hosh vlla iskitini ak o chohmit Chihowa apelhichika ya aiokpvchi ho keyukmvt, kaniohmi kak osh yvmma chukowa he keyu hoke, achi tok.

18. Mihma hatak pehlichi achvfvv i ponaklot, Nan-ithv-nanchi achukma ma! nantak o katiohmi li kak osh ai ok-chayvt bilia yato vmmi ha hinla cho? achi tok.

19. Mihma Chisvs vt yvmmak ash o, Na katihmi ho vno a achukma is si achi cho? achukma kvv iksho ho, amba achvfa kak illa, yvmmvt Chihowa ak oke.

20. Nan vlhpisa, Havu ish toba na: Kvna kia ish bi na: Na chik hukopo kashke; Anumpa ik ahlo isht atokolit chik anto kashke; Chiki, micha chishke aiena ka ish holitoblashke; achi puta ka ish ithanvshke, im achi tok.

21. Mihma yvmmak ash ot, vlla sa tomba kash inli hosh ilvppa puta ka holitoblit isht mihinti li tok a ant a himak vshke, achi tok.

22. Mihma Chisvs vt ilvppa puta ka haklo mvt, Yohmi kia nana achvfa ho isht chik ai onoshke; nana chim gsha kvv mominchit ish kampila cha, ilbvsha ya ishit it a kvsh-koachi, yohmik mak osh vba ya chim ilayak vt gsha hi oke; micha ant is siakayashke, im achi tok.

23. Mihma yummak ash ot ilvppa haklo mvt, nan in laua fehna hatuk osh, nukhaklo fehna tok.

24. Yohmi ma nukhaklo fehna hq Chisvs vt pisa mvt, Nana in laua vhleha hokvto palvmmi fehna nana hq Chihowa apelihchika ya chukowa he ;

25. Kamel vt chofak ushi nishkin a hlopulli ka palvmmi kvv hatak nan in laua yosh Chihowa apelihchika chukowa hokvno ik lauwoshke, im achi tok.

26. Mihma yvmma okla haklo mvt, Yohmikma kvta hak osh okchaya hinla cho? achi tok.

27. Mihma yummak ash ot, Hatak okmvno nana kvv ai yvmohma he keyu kia, Chihowa yak okmvno ai yvmohmi hoke, achi tok.

28. Yohmi ma Pita yash ot, Yakeh! Pishno vto mominchit il issa cha, e chiakaiya kvno, achi tok.

29. Mihma yummak ash ot okla hash, Ahli mak o hvchim achi lishke; Hatak vt Chihowa apelihchika pulla hatuk mak o in chuka, iki, ishki, itibapishi vhleha, tekchi, im vlla puta aiena ka a kanima kia issvt aya hokvto,

30. Yakni ilvppak inli ka nana laua kvv yummak atuk a im i shahli tuk mvt, yakni inla mihintikma, ai okchayvt bilia ya ik peso ka hi vt iksho hoke, im achi tok.

31. Yohmi mvt auah-tuklo kash hoyo cha, Inta! Chelusalem ak o iloh ivshke; yohmi ka hopaii vhleha hvv Hatak Ushi ak o holisso ha ishi ai ikbichi tok a puyuta kvv ont ai ahla chi hoke.

32. Yvmmak oka ishit Chentail okla ibbak fohki na ishit yopulvt, itukhlakavv hofahyalichit, on tuftua chi:

33. Micha okla fvmmi cha, vba chi hoke; atukma nitak ont a tuchinakma falamvt tana hi oke, im achi tok.

34. Yohmi ma ilvppa puta ka achi kia okla ik akostinincho ki tok: mihma anumpa ilvppvt im a luma na nana kvv anumpa tuk ash kia okla ik ithaiyano ki tok.

35. Atuk o yakohmi tok; yummak ash ot Cheliko bilikasi ka vla ma, hatak lvpa achvfa kvv hina lapalika yo binilit nan asilhha tok.

36. Atuk osh okla laua vt ont ihiya ka haklo mvt, Katiohmi hosh yakohmi cho? achit a ponaklo tok.

37. Mihma, Chisvs Nasalet ai vta ak osh gya hatuk a okla im anoli tok.

38. Mihma yvmmak ash ot tahpvt, Chisvs, Lewi Ushi chia hv is sa nukhakashke, achi tok.

39. Mihma tikba asht gya tuk ash ot, nukchinta chi ka, i miha tok: yohmi kia yvmmak o isht i shahlichy fehv tahpvt, Lewi Ushi chia hv is sa nukhakashke, achi tok.

40. Mihma Chisvs vt hikia mvt, yvmmak ash o isht im vla hinla ka miha tok: atuk osh yvmmak ash ot i bilikasi vla ma, i ponaklot,

41. Nanta hak o a chi katimichi la hi a, ish ahni cho? achi tok. Mihma yvmmak ash ot Chitokaka ma! hoponayo la hi a, achi tok.

42. Mihma Chisvs ash ot, Ish hoponayashke, a chi yimmi yak osh chi okchalinchishke, im achi tok.

43. Yohmi ma yvmmak ash ot ashalika hoponayo cha, yvmmak ash o iakaiya mvt, Chihowa ya holitoblichy tok: mihma okla hv pisa mvt, Chihowa ya pit aiokpahanchy tok.

CHAPTA XIX.

Sakevs vt vbanumpa anukfohka tok a isht anumpa, 1. 11 Hatak holitumpa hosh miko tovt ia hosh, in tishu vhleha ha tvli holisso ibbak fohki. 25 Chisvs vt issuba haksobish falaia himita yo o minilit gya hosh Chelusalem a ont chukowa; 45 Chisvs vt tempel a ont chukowa cha, nan itatoba vhleha maya tuk a kocha pit tibleli.

1. MIHMA Chisvs vt Cheliko ont chukowvt a hlopullit ia tok.

2. Mihma hatak vt pblikan vhleha pehlichy yosh Sakevs hohchifo kv, nan in laua hosh anta tok.

3. Atuk osh yvmmak ash ot, Keta hoh chishba? ahni mvt, Chisvs a pisa bvna tok: atuk ak osh okla a fohopa fehna hatuk o, ik chaho hatuk osh na kanihma he keyu ki tok.

4. Mihmvt yvm-imma ont ia chī hatuk o, pisa chī hosh tikba pit malelit, bihi iti o ont oiya tok:

5. Atuk o Chisvs ash ot yvmmak ash o vla mvt, pit vba chakalit yvmmak ash o pisa cha, Sakevs ma! tushpvt akowá; himak nitak a chin chuka ya anta la chī hatuk oke, im achi tok.

6. Mihma yvmmak ash ot tushpvt akowa cha, na yukpa fehna hosh yvmmak ash o ilaelit ilap in chuka isht chukowa tok.

7. Mihma okla hvt pisa mvt, momvt lumasit na mihachit, Hatak nan ashvchi yo kak o ont ibai vta chī hosh ia tuk, achi tok.

8. Mihma Sakevs ash osh hikia cha, Chitokaka yash, Inta! Chitokaka ma! vm ilayak a iklvnnachit ilvsha ya im issa lishke; yohmi kvv hatak nana kia nanasi ka anumpa isht a holabi hosh im ishi li tuk okmvt, yvmmak atuk a ohmi ushta ho i falamichi lashke, im achi tok.

9. Mihma Chisvs ash ot, Ilvppak kia Eblaham ushi akinli hatuk oka, himak nitak a ai-okchaya yvt chuka ilvppa vlshke.

10. Hatak Ushi vt okpulet taha tok mak o hoyot okchalicha chī hosh aya tok oka, achi tok.

11. Mihma ilvppa puta ka okla haklo ma, achakalinchi mvt, Chelusalem a ong he, micha Chihowa apelihika yvt chekosi otvna hinla ka, okla im ahoba aiena hatuk oka, nanisht-vlhpisa ho isht anumpuli tok.

12. Yohmi hatuk osh, Hatak holitempa achvfa hosh miko ont vlhtoka cha, falamvt aya hi osh yakni hopaki ka ia tok.

13. Mihmvt in tishu pokoli ka hoyo cha, tvli holisso wek pokoli ka ibbak fohki mvt, Nan isht hvsh itatomba tuk o, vla lashke, achi tok.

14. Atuk ak o i yakni achvfa okla hash ot i nukkilli cha, Hatak yvmmak okvno ik pi pehichi, il ahna he keyu, achit anumpa shali a iakaiyachit pit chvffichi tok.

15. Atuk o yakohmi tok; yvmmak ash ot miko ont vlhtokvt im vlhtaha cha, falamvt vla; yohmi mvt nana isht itatoba kvv hatak achvfa aiyuka kvv kaniohmi ho ahayuchi

tukma, akostinincha hinla kv̄t, tishu v̄hleha ilv̄ppa tv̄li holisso ima tok ash, yv̄mmv̄t im annoa cha, im ai v̄la ch̄i ka, apesa tok.

16. Mihma tikba v̄la kv̄t, Chitokaka ma! chin tv̄li holisso weki achv̄fa tuk ash osh weki pokoli h̄o isht il ahayuchi li tuk oke, achi tok.

17. Mihma yv̄mmak ash o, V̄lhpesa, tishu chi achukm̄v̄shke; nana kv̄t ik lauwo fehna kia aighli chi achukma tuk okv̄t, tv̄maha pokoli h̄o ai j̄ shalhit ish pehlich̄a ch̄i kv̄t a chim v̄lhpiesashke, im achi tok.

18. Mihma at̄ukla kv̄t v̄la mv̄t, Chitokaka ma! chin tv̄li holisso weki achv̄fa tuk ash ot weki tahlapi h̄o isht il ahayuchi li tuk oke, achi tok.

19. Mihma yv̄mmak ash kia, Chishno mv̄t, tv̄maha tahlapi h̄o ish pehlich̄a ch̄i kv̄t a chim v̄lhpiesashke, im achi tok.

20. Yohmi ma inla yosh v̄la mv̄t, Yakeh! Chitokaka ma! chin tv̄li holisso weki achv̄fa kash nantapv̄ski ȳo a bonullit bohli li tuk o, yak itonlv̄shke.

21. Nana ka chishno ak osh ish bohli tuk keyu kia, ish ishi; yohmikmv̄t ish hokchi tuk keyu kia ish mo chatuk; hatak palv̄mmi chia hatuk oka ch̄i sa nukshopa tuk oke, im achi tok.

22. Mihma yv̄mmak ash o, Tishu haksi chia ka chishno chit̄ih a kohcha kak inli h̄o nan isht chim apesa la ch̄i hoke. Hatak palv̄mmi sia nana ka v̄no yak osh bohli li tuk keyu kia ishi li; mikmv̄t hokchi li tuk keyu kia v̄mo li chatuk g, ish ithana;

23. Yohmi ho kak osh na katihmi h̄o an tv̄li holisso weki achv̄fa kash tv̄li holisso a bohli g chik bohlo ke tuk o, v̄la li kv̄t v̄mmi hash a chelichi hosh ak hoyo cho? im achi tok.

24. Mihmv̄t bilika hiohm̄aya kash o, Yv̄mma tv̄li holisso weki achv̄fa kash oh im ishi cha, tv̄li holisso weki pokoli h̄a ishi kak o oh im̄a, im achi tok.

25. Mihma, Chitokaka ma! yv̄mmak okv̄to tv̄li holisso weki pokoli ka ishishke, okla im achi tok.

26. Kv̄na hosh ishi hok mak o ima he; amba ik im iksho

hatuk okvno ishi tuk ash kia, im ai isha hi oka, hvch im achi lishke.

27. Amba a nukkilli vhleha hv t i miko la he tuk a, vlh-pesa ik ahno ke tuk yummak okvno ilvppa isht vla cha, sa tikba ya oh ai vbi, achi tok oke, achi tok.

28. Micha ilvppa yakohmichit anumpuli mvt, tikba hikvt Chelusalem a pit oiyvt ia tok.

29. Atuk o yakohmi tok; Betfachi, micha Betani aiena ka auet bilika nvnih chaha Alif hohchifo ho vla mvt, nan im ai ithvna ya tuklochit pit tihleli mvt,

30. Ivt tmahushi hvchi chapaka talaia ka hvsh onashke : yvmma ont hvsh chukowak fehna kvv issuba himita hatak vt ik o minilo kisha yosh talakchit hikia na hvsh pisa chi hoke ; yvmma hvsh i hotofi cha, isht hvsh lashke.

31. Mikma hatak nana hosh hvchim ponaklot, Nanta katiohmi ho hvsh i hotofi cho ? achikma, Chitokaka yak osh bvna hatuk oke ; hvsh im achashke, im achi tok.

32. Mihma vlhtoka tuk ash ot itiachi mvt, yvmma nana ai i miha tuk ash yohmi fehna mvhli ho ont pisvt okla tok

33. Micha issuba himita yash i hotofi hosh abashwa ma, yvmmvt immi atuk ash ot, Nanta katiohmi ho issuba himita ya hvsh i hotofi cho ? im achi tok.

34. Mihma, Chitokaka yak osh bvna hatuk oke, achi tok.

35. Mihmvt yummak ash o Chisvs a isht im ona ; yohmi ma issuba himita yash anchi puta ka om pvlli cha, Chisvs a okla o minilichi tok.

36. Micha ia hosh aya ma, hina ya im anchi puta ka okla pvlli tok.

37. Atuk osh yummak ash ot ona he Alif nvnih ha pit okvtanovvt mahaya ma, nan im ai ithvna vhleha okla chito ash ot moyumvt na fehna puta kvv yvmohmi na okla pihisa tuk vt, na yukpvt chitolit tahpvt, Chihowa ya pit aiokpahanchi tok.

38. Chitokaka i hohchifo ho aya kvv miko yvmmvt holi-topvshke ; vba ya nanaiya achukmakma, achaha moma i shahli ma Chihowa vt ik a holitopa, achi tok.

39. Mihma Falisi vt okla laua takla asht aya tuk vt kani

mi kv̄t, Nan ithv̄nānchi ma! na chim ai ithv̄na v̄hleha h̄a im alv̄m̄m̄i, im achi tok.

40. Mihma ȳmmak ash ot afalaminchi m̄vt, Yakohmi kv̄t ont yokopa hokma, tv̄li puta kv̄t chekosi fehna tahpv̄lv̄t anumpula hinla hoka, hv̄ch im anoli lishke, im achi tok.

41. Atuk osh bilika ona cha, tv̄maha hash pit pisa cha, isht yaiya m̄vt,

42. Chishno akinli fehna kv̄t a ch̄i nitak ilv̄ppa fehna kak kia nana isht chi ai yukpa he ai v̄lhpesa ka ish ithaiyana tok okbato; amba himak okv̄no ch̄i holhponayo h̄a ai in lum̄vt kv̄nia hoke.

43. Chin tv̄nv̄p v̄hleha hv̄t yakni kullit on talaka holihta kv̄llo ai ikbichit isht chi a folv̄blit a chim oktv̄bli bieka na anukaka ȳa ish foyuka hi a nitak vt chim aya hi oke.

44. Yohmikma a ch̄i now̄vt aya he nitak a chik ithaiyano ke tuk oka, chishno, mikm̄vt chim v̄lla chi anukaka a sha aiena ka yakni ak o ai itilauechit aka chi bohla he; mikm̄vt tv̄li achv̄fona kia it v̄lant̄vt kaha hi a, ik chim ahno ka hi oke, achi tok.

45. Mihma tempel a ont chukowa cha, anukaka ȳmma nana a kanchi, micha nana a chumpa aiena maya tuk ash kocha pit yuhli m̄vt,

46. An chuka yvt v̄ba pit ai anumpuli chuka yoke: achi hosh holisso tok okak o, hv̄chishno yokv̄to na hukopa v̄hleha in chuka yo hv̄sh ikbishke, im achi tok.

47. Yohmi m̄vt nitak moma tempel anukaka ȳa nana im ai abahanchi tok. Yohmi kia na holitompa isht a sha pehlich̄i v̄hleha, mikm̄vt na-holissochi puta, micha hatak hochitoka v̄hleha aiena kv̄t v̄bi b̄vn̄vt aiasha tok.

48. Yohmi kia okla mom̄vt im a haponaklo kv̄t im achukma feh̄vt aiasha hatuk o, nana a kaniohma hinla kv̄t ik ithaiyano ki tok.

CHAPTA XX.

Kan̄imi kv̄t, Klaist kaniohmit isht im ai v̄lhpesa hosh ȳvmohmi hatuk vt atokowa anola ch̄i ka, im ahni hatuk o nan anoli, 1. 9 Pa kv̄pi a hollokchi isht v̄lh̄pisa. 20 Iskv̄li itv̄nali vt Sesa ak o im

itahoba he ai vllhpesa hatuk a Chisvs vt otv'ninchi. 27 Chisvs vt hatak illi falamvt tana he ilvppa Satusi okla ha isht it im anumpuli mvt, anumpa ha i kovvfi. 41 Klaist vt a katiohmi kak osh Lewi a ushi okmvt, anonti Lewi a in Chitokaka ya hinla chishba? achit Chisvs vt ponaklo tok.

1. **ATUK** o yakohmi tok: nitak yvmma foka ma tempel anukaka ya okla nana im avvchi, micha vbanumpa isht anumpuli aiena hosh ahanta ma, na-holitompa isht a sha pehlichu vhleha, micha na-holissochi vhleha, mikmvt hochi-toka vhleha aiena kvv ai it apihvt ant i kohcha tok.

2. Mihmvt im anumpulit, Nan-isht ai vllhpesa nana ho ilvppa puta ka isht ish yakohmichi, micha kvna hosh nan isht ai vllhpesa ilvppa chima tok a ish pim anolashke, achi tok.

3. Mihma yvmmak ash ot afalaminchi mvt, Uno ak kia nana achvfa ka hvchi ponaklo la chi hoke, mikma is svm anolashke.

4. Chan baptismo vt vba yak o a minti hokma, keyukmvt hatak ak o a minti hokma, nanta ha tok o? im achi tok.

5. Mihma ilap bika nan it im achit maya mvt, Uba yak o a minti tok; il achi hokma, Nanta katiohmi ho yvmma hvchik i yimmo ke tuk oh cho? acha hinla.

6. Amba anonti, Hatak ak o a minti tok; il achi hokma, Chan vt hopaii a tok a okla yimmi hatuk okvt, okla momvt tvli isht pi bola hinla hoke, achi tok.

7. Mihmvt afalaminchit, Kanimampo kak a tok a kil ithanoshke, okla im achi tok.

8. Mihma Chisvs ash ot, vno ak kia nan isht ai vllhpesa nana ho ilvppa puta ka isht yakohmichi li hatuk vt ak hvchim anoloshke, im achi tok.

9. Mihmvt nan-isht vllhpisa ilvppa okla ha isht anumpulit isht ia tok: Hatak achvfa hosh pakvpi a hokchit tahli cha, hatak toksvli vhleha ho i pota cha, yakni hopaki ho nowvt aya na achiba tok.

10. Atuk osh a waya ont vllhpesvt taha ma, pakvpi a hollokchi a waya ka okla ipeta chi ho, yvmmak ash ot tishu

hə hatak toksvli vhleha hash pit i chvffichi tok: yohmi tok kia hatak toksvli vhleha hash ot yvmmak ash o boli cha, nana ik im iksho hō kanima pit chvffichi tok.

11. Mihma anonti tishu inla hō pit chvffichi tok; atuk o yvmmak ash kia okla bolit hofahyalichi fehna cha, nana ik im iksho hō kanima pit chvffichi tok.

12. Mihma anonti ont atuchina ma pit chvffichi tok; yohmi ma yvmmak ash kia okla bolit ai okpvninchi cha, kocha pit pila tok.

13. Yohmi ma pakvpi a hollokchi vt immi hatuk ash ot, Nanta hō katiohmi la chi cho? svso a holitopa yak o pit chvffichi lashke; yvmmak okmvo okla pisakmvt, holitobla hinla yoba ká, achi tok.

14. Yohmi tuk kia hatak toksvli vhleha hash ot yvmmak ash o pisa mvt, Ilvppak osh immi ha he mak oke; inta! kiloh vbi, atuk mvt nan im ai vlhtoshowa he tuk vt hvpimmi ha hinla hoke, ilap bika it im achit maya tok.

15. Mihma yvmmak ash o pakvpi a hollokchi a ishit a kohchi cha, okla vbi tok: yohmi kvno pakvpi a hollokehi vt immi hatuk ash ot yvmmak ash o nanta hō katimihcha hinla cho?

16. Yvmmak ash ot ayvt vla cha, hatak toksvli vhleha ilvppak ash vbit tahlikmvt, pakvpi a hollokchi ash inla yo i pota hi oke, achi tok. Mihma okla haklo mvt, Yohma hi a Chihowa yvt ik ahno kashke, okla achi tok.

17. Mihma okla hā atokolit pisa mvt, Yohmi ka tvli ya chuk-ikbi vhleha hv̄t shitilema yash o mihi ash inli hosh chukbika nutaka in tola holitopa i shahli hō tobvshke, achi holisso ilvppvt katiohmi hoh cho?

18. Kvna hosh tvli yvmma onvtulakmvt, kobahla he; amba yvmmak ash ot kvna hō onvtula hokmvo, litolit kaiyancha hi oke, achi tok.

19. Yohmi ma hv̄shi kanvlli vlpisa yvmmak fehna ka na-holitompa isht asha pehlichī vhleha, micha na-holissochi vhleha aiena kv̄t, yvmmvt nan-isht-vlpisa ilvppa ilap ak o isht anumpuli hatuk a okla akostininchi hatuk osh, yvmmak ash ishi bv̄nna hokak osh okla hak o i nukshopa tok.

20. Mihmvt okla apesvchi beka ; yohmi mvt hatak vhlpe-
sa ilahobi cha, yvmmak ash ilap im anumpa akinli hō ai isht
onochi: yohmi hokmak osh yvmmak ash ishit hatak pebli-
chi ibbak a ont fohki na nana im apesa hinla ka, na pisa
vhleha hā tohno tok.

21. Mihmvt yvmmak ash ot okla i ponaklot, Nan ithv-
nanchi ma! nana kv̄t ai-vlhpiesa hō ish miha, mikmvt ish
ithvnanchi, yohmi kv̄t hatak mvt a chim it i shahsholi keyu,
amba Chihowa i hina ai ghli mak o ish ithvnanchi chatuk a
il ithaiyanvshke.

22. Noshkobo isht chumpa tvli holisso a Sesa yak o ima
he ai vlhpesa hokmá, keyukmá, nanta cho? pit achi tok.

23. Yohmi kia yvmmak ash ot okla nan-ilahobi ka akos-
tininchi hatuk osh, Nanta katiohmi hō imomakachit hvs sa
pisa cho?

24. Iskvli a oh a haiakvchi. Kv̄ta hak o holbvt toba hō,
mikmvt kv̄ta hō a hēchifo hō? im achi tok. Mihma afal-
aminchi mvt, Sesa yak oke, okla im achi tok.

25. Mihma yvmmak ash ot, Yohmi hoka nana kv̄t Sesa
yak o ai immi hokma Sesa yak o hvsh imashke; mikma nana
kv̄t Chihowa yak o ai immi hokmvno Chihowa yak ashke,
im achi tok.

26. Yohmi ma okla itikba ya im anumpa hā ai isht ono-
cha he keyu mvt, yvmmvt nana miha ka anukhlakancha cha,
nana ik acho ki tok.

27. Yohmi ma Satusi vhleha kanimi kv̄t, Illi yvt fala-
mvt tana he keyu, achi chatuk osh im ai vla cha, i ponaklot,

28. Nan-ithvnanchi ma! hatak nana kia itibapishi hv̄t illi
kv̄t tekchi vt gsha hosh, vlla yvt iksho hō illi hokma, itibapi-
shi hatuk ak osh tekchi atuk a ilauei cha, itibapishi hatuk
a vlla isht im ai ikba hi oka, Moses vt holissochit pi bohli
tok.

29. Yohmi tok o itibapishi hv̄t untuklo hosh gsha tok:
atuk o akni ak osh ohoyo itauawa tuk osh, vlla yvt iksho hō
illi tok.

30. Mihma atukla kash ot yvmmak ash ilauei tuk osh,
anonti vlla yvt iksho hō illi tok.

31. Yohmi ma ont atuchina kash ot ilauei ; yohmi tok o ont isht untuklo kash kia yvmmak ash inli ho chomit ilauei ; yohmi kv̄t vlla kia iksho ho illi tok.

32. Ont isht aiyopi fehna ma ohoyo hash kia illi tok.

33. Yohmi ka untuklo kash ot yvmma tekchi ikbit ilauei tok okvno, illi yvt falamvt tanikma, katima kak o tekchi mak a hi oh cho ? achi tok.

34. Mihma Chisvs vt afalaminchit, Yakni ilvppa vlla yo- kvto itauwaya, mikmvt vlpowvchit itauwayvchishke.

35. Amba yakni yvmma pisa he, micha illi tok vt falamvt tana he aiena kv̄t ai im vlpesa tuk yvmmak okvto itauwaya he keyu, micha it im apovvchit itauwacha he keyu hoke,

36. Mikmvt himmakma illa he keyu ; yvmmak okvt enchil vhleha hak o ai itilau hokvt, micha falamvt tani tok okla hokvt Chihowa im vlla mak oke.

37. Illi yvt tana he, Moses ak kia bv̄faha anukaka ya ai otv̄ninchī mak osh Chitokaka yvt Eblaham in Chihowa, mikmvt Aisaak in Chihowa, micha Chekob in Chihowa aiena ka hochihifo tok.

38. Yvmmak okvt illi ak o in Chihowa yo keyu, amba okchaya yak oke ; yvmmak o moma kv̄t ai okchaya hoka, im achi tok.

39. Mihma na-holissochi vhleha kanimi kv̄t afalaminchit, Nan ithvnanchi ma ! vlpesa fehna ho ish mivshke, achi tok.

40. Mihmvt yvmmak atuk o i himmakma okla nan i ponaklo kv̄t nukwia tok.

41. Mihma yvmmak ash ot okla hash, Katiohmi ho Klaist vt Lewi a Ushi okla achi cho ?

42. Mihma Lewi vt ilap inli kv̄t ataloo holisso ha, Chitokaka yvt an Chitokaka ya, Svbbak isht-impakimma ya ish binili na,

43. Chin tv̄nvp vhleha ha chiyi yvt ai-o-hikia yo ikbi lashke, im achi tok, achishke.

44. Lewi vt yvmma Chitokaka achi, yohmi ka katiohmi hosh ilap ushi oh cho ? im achi tok.

45. Yohmi mvt okla momvt həklo na nan im ai ithona vhleha yash,

46. Na-holissochi vhleha nafohka holitopa hofvloha hq abehkvchit itonowa bvnna, micha ilhpak a kanchi ai it-aiokpvchi yak o, micha sinakak puta anukaka ma ai-o-minili holitopa i shahli puta kak o, mikmvt impa chito gsha ka aia-sha holitopa i shahli puta kak o ai im achukma vhleha ;

47. Ohoyo i hatak illi vhleha in chuka puta ka a webpuli, micha peh ilahobi kvv vba pit anumpuli aiena kvv falaiachi vhleha hq ahah ! hvsh im aiahnashke ; yvmmak okvto na palvmmi chito i shahli hq pisa he mak oke, im achi tok.

CHAPTA XXI.

Ohoyo i hatak illi yosh Chitokaka ya na kvvinosi pit isht aiokpvchi hq, Chisvs vt ahninci fehna, 1. 5 Tempel vt ont aiokpulokvt taha hi g, anonti Chelusalem vt ont aiokpulokvt taha cha, chukillissvt talaia hi g isht anumpuli ; 25 micha ilap vt vla chikma, nan isht atokowa puta kvv kaniohma hi g anoli.

1. **MIHMVT** vba chakalit hopokoyo mvt, hatak nan in laua vhleha hvv tvli holisso abohli holitopa yo in tvli holisso ya pit apittvt maya hq pisa tok.

2. Mihmvt ohoyo i hatak illi ilbvsha yosh mait tuklo hq yvmma pit apitta ka, pisa akinli tok.

3. Mihmvt yvmmak ash ot, Ahli mak o hvchim achi lishke, Ohoyo i hatak illi ilvppvt moma i shahlichit pit fohkishke.

4. Ilvppak okvto moma kvv nan in laua hatuk osh ai im atampa kvv Chihowa isht aiokpvchi abohli ya pit apittvshke ; amba yvmmak okvto ilbvsha yosh isht ai okchaya he vt in tonla tuk vt lushumit pit abehlishke, achi tok.

5. Yohmi ma kanimi kvv tempel vt tvli hochukma, micha na hvlbena puta ishit shema fehna ka okla isht anumpulit maya ma, yvmmak ash ot,

6. Ilvppa puta hvsh pisa ka, tvli achvfona kia aka ik itolo ke tuk osh, it o tvlkanchit itonla kvv ai iksho ka he nitak vt vla hi oke, achi tok.

7. Mihma okla i ponaklot, Nan-ithvnanchi ma! katiohmi fokak mak o ilvppa puta kv̄t ai yvmohma hi oh cho? micha ilvppa puta kv̄t ont a yvmohma chik ma, nan-isht atokowa nanta hosh otaiyana hi oh cho? achi tok.

8. Mihma yvmmak ash ot, Ahah! hvsh ahni cha, ik hvchi yoshubo kashke; sa hohchifo h̄a isht hochifo kv̄t, Ūno ak osh Klaist sia hoke, achit gya kv̄t laua hi oka; ai yohma he nitak vt ik hopakoshke: yohmi kia yvma hvch ik iakaiyo kashke.

9. Tv̄nvp gsha, micha nana ik it im achukmo fehna ka hvsh haklo kia, ik hvchi nukshopo kashke: yvma puta kak osh tikbanli ai yvmohma hi oka; amba ont ishtaiyopi kv̄to chekosa ch̄i keyu hoke.

10. Yvma fokakma oklushi achvfa kv̄t oklushi inla ya it in tanampa he; yohmikma m̄iko apelhichi achvfa kv̄t m̄iko apelhichi inla ya it in tanampa hi oke.

11. Yohmikma kanima ai ilaiyukachit yakni vt winakvchi chinta he; mikma hohchvfo chinto, micha abeka okpulo aiena kv̄t gsha he; yohmikma nana pisvt ai i nukshopa he fehna, micha nan isht atokowa chinto aiena kv̄t vba ya auet a haiaka hi oke.

12. Yohmi kia ilvppa puta kv̄t ik a yvmohmo k̄isha ka, sa hohchifo pulla hatuk mak o okla hv̄t ibbak g hvchi ono-chi cha, hvch issikkopala he; yohmi kv̄t m̄iko vhleha, micha hatak pehlich̄i a puta itikba ya isht hvchi ai onvt, sinakak puta isht hvchi ai ona, mikmvt aboha kv̄llo g hvchi fohka hi oke.

13. Mikma yvmmak ash osh nan isht a hvchim atokoli mak a hi oke.

14. Yohmi hoka afalaminchit nana h̄o hvsh miha hi vt tikbanli hvch ik anukfillo ka ch̄i kv̄t, hvchi chukvsh ma hvsh il anukfoyukashke.

15. Ūno ak osh itih, mikmvt im anukfila hopoyuksa aiena ka hvch ima likma, yvmmak o hvch̄i nukkilli vhleha hv̄t i sanalit miha, mikmvt a kaniman̄cha he kia iksho ka hi oke.

16. Mich̄a hvch iki, hvch ishki, mikmvt hvsh itibapishi

vhleha, hvchi kanomi vhleha, micha hvch i kana vhleha aiena kv̄t hvch ishit, okla ibbak a a hvchi fohka he: mikmvt hvsh kanima mvt, yvmmak osh ai ahni hō, hvch illa hi oke.

17. Micha vno sa hohchifo pulla hatuk mak o hatak moma kv̄t isht a hvchi nukkilli hi oke.

18. Yohmi kia hvchi noshkobo pashi vt achvfa kia ai okpuloka he keyu hoke.

19. Nuklanvt achunanchit hvsh ahanta pulla hosh hvchim ilhfipak atuk ma hvsh il ai eshashke.

20. Micha Chelusalem a tvshka chipota puta ka isht apakfoyupa na hvsh pisakmvt, yvmmvt aiokpulokvt taha chi ka, atukonofa ka hvsh ithaiyanashke.

21. Yvmma fokakma Chutea ya aiasha tuk vt nvnih chaha foka pit yihlepakma; anonti yvmma ai iklvna aiasha tuk vt a kocha wihashke; mikma kocha foka tvmahushi maya tuk okvto yvmma pit ik vlbeho kashke.

22. Nana puta holihiso tok vt ont ai ghla chi mak o, ilvppvt na palvmmi chinto kv̄t isht ai im vlhpisa he nitak a hi oke.

23. Amba nitak yvmma foka hō vlla shanli, micha pishinchi aiena hokvto i palvmma he; na komunta chinto kv̄t yakni a ai onvtuyulakma, vba auet i nukkilli mvt okla ilvppa onvtula hi oke.

24. Yohmikma bvshpo falaia yō isht akakoha he; micha yuka tobtv̄t oklushi moma ai im ohona he; mikma Chelusalem a Chentail okla hosh aka a hvhlihinchī na Chentail okla nana im ai vlhpisa atuk vt ont ai ghlik mak a hi oke.

25. Yohmikma hvshi, micha hvshi-ninak-aya, mikmvt fochik puta aiena ka nan isht atokowa kv̄t aiasha he; mikma oklushi puta a kaniohmi ik ithanot isht a komunta yvt yakni paknaka ya ai onvtuyulakma, okhvta oka bvnvtha kv̄t fohompa he;

26. Ilvppa puta kv̄t yakni a ai onvtuyula chi ka hohoyo tuk vt hatak chukvsh puta kash ot nukshopvt illa hi oke: vba nan isht aighli ka puta gsha kash ot winakahancha hi oke.

27. Yvmma fokakma Hatak Ushi vt nan-isht-~~aighlika~~,

micha isht a holitopa chinto aiena ka il ai eshit a hoshonti anukaka minti na okla pisa hi oke.

28. Mikma nana ilvppa puta kv̄t ont aighlit isht ia, yohmikma a hv̄chi hlakofa ch̄j kv̄t atukonofvt taha hoka, vba pit hopokoyot hv̄chi noshkobo h̄a hv̄sh vba chakalichashke, im achi tok.

29. Mihmvt nan-isht vlhpisa h̄o okla hash isht im anum-pulit, Fik vpi, micha iti puta ka ho pesá.

30. Yvmmvt bokoplit kohcha na hv̄sh pisakmvt, hv̄chish-no akinli kia toffa vt olanlosi ant takanli ka hv̄sh ithana chatuk oke.

31. Yohmi kv̄t yvmmak inli h̄o chiyuhmit nana ilvppa puta kv̄t ont aighli na hv̄sh pisakmvt, Chihowa apelihika yvt auet olanlosi vla ka hv̄sh ithaiyanashke.

32. Ahli mak o hv̄chim achi lishke; Himak a hatak asha ilvppvt ont ik ai ikshot ik kv̄nio kisha h̄o, momvt ont aighli ha ch̄j hoke.

33. Uba shutik, micha yakni aiena hokvto ont ik ai iksho ka he; amba vno vm anumpa puta hatuk vto ont ik ai iksho ka he keyu hoke.

34. Michah ahah! hv̄sh il aiahnashke; yvmmak keyukmvt kanima kash inli h̄o isikopa, micha na homi ishkot haksi, mikmvt yakni ilvppa antvt nana ai okchaya he anukfoyuka fehna aiena kak osh hv̄chi chukvsh ma isht alotvt atopa, yohmi na hv̄ch ik akostinincho h̄o, nitak yvmmvt ayvt ant hv̄ch̄j kohcha hinla hoke.

35. Yvmmak okvt nan-isht hokli o chiyuhmit ayvt, yakni pataiya ai abashwa tuk a mominchit i kohcha hi oke.

36. Yvmohmi hoka il a nuktahlvt vba pit anumpononlit hv̄sh biliashke: yohmi tuk osh nana kv̄t a yakohma ch̄j puta ka mominchit ai i hlakofit, Hatak Ushi itikba ya hiohmaya hi vt a hv̄chi vlhpesashke, im achi tok.

37. Mihmvt nitak okvno tempel anukaka yak o nana ithvnanchit anta tuk osh, ninak ano kohchvt ia mvt, nv̄nih chaha Alif hohchifo h̄o ont antvt on onna tok.

38. Atuk o onnahnli fehna i haponakla ch̄j kv̄t, okla hv̄t momvt tempel a im ai ona tok.

CHAPTER XXII.

Chutas Iskaliot vt Chisvs g ishit na-holitompa isht gsha pehlich
 vhleha hq ibbak fohka chj kv̄t nan it im apesa, 1. 7 Pita, Chan
 ita tuklo hosh ont ai vbanvblit isht vlhpisa ka atahli hq, Chisvs vt
 auah-tuklo yash it ibai impa mvt, 19 opiaka na holitopa impa isht
 vlhpisa ka apesa. 31 Pita na-yimmi im anukfila hatuk vt i kv̄nia
 chj keyu, amba hituchina ha yq ilapa ik ithano chatuk vt miha chj
 ka, Chisvs vt im anoli. 39 Nana kv̄t im a palommi, micha vba
 pit anumpohonlit osapushi anukaka ya anta; 47 Chisvs g okla isht
 ia na na holitompa isht gsha pehlich g im ona. 54 Pita yvt hitu-
 china ha yq Chisvs g ik ithano ka miha tuk osh, i himmak q nuk-
 haklot yahaya fehna, 63 mihma Chisvs g okla ik ahobalot na
 mihachi. 66 Chisvs g ilaelit nan ai apesa ya isht ona na illa chj
 im vlhpisa.

1. MIHMA vbanvblit ont ia achi, pvska ik shatvmmo
 impa hv̄t ai ong he tok.

2. Yvmohmi ma okla hak q i nukshopa hatuk osh, na-
 holitompa isht gsha pehlich vhleha, micha na-holissochi
 puta kash ot yvma kaniohmichit vba hinla kv̄t akostinin-
 chi bahana tok.

3. Yohmi ma Setan vt Chutas Iskaliot hohchifo, auah-
 tuklo ka ai iba holhtina hatuk ash ont chukowa tok.

4. Mihma yvmak ash ot ia mvt, kaniohmichit ishit
 ibbak fohka hinla kv̄t, na-holitompa isht gsha pehlich
 vhleha, micha kv̄pitvni vhleha aiena ka ont isht it im anum-
 puli tok.

5. Mihma okla na yukpa mvt, yvmak ash tvli holisso
 ima chj kv̄t im apesa tok.

6. Mihma, Yohma hinla kv̄t miha mvt, okla laua yvt ai
 iksho ma ataklv̄chit ishit, ibbak g fohka hinla kv̄t ai vlhpesa
 hi g hoyo tok.

7. Atuk q pvska ik a shatvmmo ka he, micha ai vbanv-
 blit ont ia illa he nitak vt ai ona tok.

8. Mihma Chisvs vt Pita, Chan ita tuklo ka pit tihlelit,
 Ivt ai vbanvblit ont ia ya hv̄sh pim atahli tuk q, iloh im-
 pashke, achi tok.

9. Mihma yummak ash ot, Katima yak o il ai atahla hinla ka ish ahni cho? im achit okla tok.

10. Mihma, Yakeh! tumaha ha ont hvsh chukowakma, hatak vt lukfi kotoba oka vlhto ho sholi kvv hvchi afama chi hoke; yummak o apihvt aboha kanima yo pit chukowakma, hvsh chukowashke.

11. Mikmvt hatak chuka yumma ai vta yatuk ash, Nan-ithvnanchi vt, Katima ko ai impa aboha yvt talaia ho, nan vm ai ithvna vhleha ha pehlichit ai vbanvblit ont ia ya ai it ibai impa la chi cho? auet chim achi kvno; hvsh im achashke.

12. Yohmikma yummak ash ot vba potvlhpo chito hosh nana ai vlhtaha achukma ho hvchi pisacha chi hoke; yummak o hvsh ai atahlashke, im achi tok.

13. Mihma itiachi tuk osh, yummvt nana ai i miha hatuk ash ont ai vlhpiesa na pisvt okla tok; yohmi mvt ai vbanvblit ont ia ya ai atahlit okla tok.

14. Atuk o hvshi kanvlli vt ai ona ma, vbanumpeshi suah-tuklo kash ot apiha ho, binili tok.

15. Mihmvt, Ik si ai ilbvsho kisha takla kak osh ai vbanvblit ont ia ilvppa a hvch ibai impa ka ahni kvv ahni li fehna tuk oke.

16. Himak a pilla ma yumma ak ai vpo mak o, Chihowa apehlichika yak o ai isht aighla chi mak oke, hvchim achi lishke, im achi tok.

17. Mihmvt isht ishko a ishi cha, vba pit aiokpvchi mvt, Ilvppa oh ishi cha, hvsh ita kashkoashke;

18. Pakvpi a waya ka ak ai ishko mak o, Chihowa apehlichika yvt vla chi mak oke, hvchim achi lishke, im achi tok.

19. Mihmvt pvaska ya ishi cha, vba pit aiokpvchi mvt, tushalichi cha, yummak ash o ima mvt, Ilvppvt sa nipi yosh hvchishno yak o isht hvchi vlhtoba mak oke, isht hvv svthaiyana chi mak osh ilvppa hvchi yvmohmashke, achi tok.

20. Impvt issa ma, isht ishko ma aieninchit, Isht ishko ilvppvt nan vlhpisa himona yosh vm issish vt hvchishno atuk mak o hlatapa ka isht a toba mak oke.

21. Yohmi kia yakeh! sushit inla ibbak fohka chi ibbak vt si awant ai impa ya ashvshke.

22. Yohmi ka Hatak Ushi yokvto ai im vlhpisa tok mak osh yohmi mvhli; amba ishit inla ibbak fohki yummak okvto ai i palvmmi mak oke.

23. Yohmi ma, E katima mak osh ilvppa a pi yakohma chi hatuk oh cho? ahnit il im asilhvchit maya tok.

24. Atuk osh anonti, E katima kak osh moma i shahli ha hinla chishba? ahnit ai ita-chapovt maya tok.

25. Yohmi ma yummak ash ot, Chentail okla i miko vhleha hak osh i na-hullo ho tovt, nana ho ahnikvt, ai i yvmihchi chatuk; micha yvmma ai i shahlit nan im ai vlhpisvt antakvt, nana achukmali yo hohchifo chatuk.

26. Amba hvchishno vto hvchi yvmohma he keyu hoke; mikma kvna hosh moma i shahli kvv hvch ibafoka hokvt, yummak osh himmak o chohmashke; mikma na pehlichy yokvt, nan-isht im vta yo chiyuhmashke.

27. Ashvt impa kak okma, nan isht im anta kak okma, nanta kak osh i shahli yo? ashvt impa kak keyu? yohmi kia vno vto nan isht im vta mak o chohmi hosh hvchi ibafoka lishke.

28. Isht ai imomaka sa pesa a puta ka hvchishno ak osh hvs si apeha beka tuk mak oke.

29, 30. Yohmi ka a pehlichy li a vm ai impa ai impvt, ai ishkot, aiasha holitopa ka chieyvt, Islael hatak isht-ai-unchululi auah-tuklo ka nana hvsh im apihisa chi mak o, apehlichy ya hvch im apesa li kvv, vno a Aki vt ai vm apesa tok a chiyuhmichi lishke, im achi tok.

31. Mihvt Chitokaka yash ot Saimon, Saimon, yakeh! Setan vt chishi cha, mvshlichit onush o chiyuhmichi ka bvna tuk.

32. Yohmi kia na chi yimmi tuk vt ik chi kvnio ka chi ka, vba pit isht chi anumpuli li tuk; yohmi ka a filevt ish ile kostininchikvt, ish itibapishi vhleha ha ish hlampkochashke, achi tok.

33 Mihma yummak ash ot, Chitokaka ma! aboha kvllo,

micha ai-illi aiena ka chi awant ona la hi vt vm vlhtaha hoke, im achi tok.

34. Mihma, Pita chia hq chim anoli lishke, himak nitak g akaka yvt ik olo kisha hq, hituchina ha chik svthano ish miha chi hoke, achi tok.

35. Mihmvt, Tvli holisso i shukcha, micha bahta pinak ai-vlhto, mihmvt shulush aiena kvk iksho hq pit hvchi tihleli li chash, nanasi kia isht ik hvchim ai ono ke tuk o? im achi tok; mihma, Nanasi kia ik pim ai ono ke tuk keyu, okla achi tok.

36. Mihma, Amba himak okvno, kvna hosh tvli holisso i shukcha yvt in tonla tukmvt, ishi cha, anonti bahta pinak-ai-vlhto ma mihinlashke; yohmikma kvna hosh bvshpo falaia yvt ik im iksho ke tuk mvt, im anchi g kanchi cha, achvfa ka chumpashke.

37. Yohmi kvk yvmmak ash ot, Nan-vlhpisa kobvffi vhleha hq ai iba holhtina tok, achi holisso tok ilvppvt vno ak o ant si ai isht ai ghla chi ka pulla moma hoke; nana kvk vno ak o vsst anumpa tok okvto ont ai vbha chi mak oke, im achi tok.

38. Mihma, Yakeh! Chitokaka ma! bvshpo falaia yvt tuklo hosh yak chiyvshke, achi tok. Mihma, Yvmmak oh kia vlhpesa hoke, im achi tok.

39. Mihmvt yvmmak o yohmi chatuk okvt, kocha ia mvt, Alif nvnih chaha ya ona ma, nan-im ai ithvna vhleha hash kia iakaiya tok.

40. Mihma yvmmak ash ot yvma ont anta mvt, A yoshuba ya hvch ik iba chukowo ka chi kvk vba pit hvsh anumpohonlashke, im achi tok.

41. Mihmvt ai i filvmmitt tvli bohpoa ont ai itola ho tuk ohmi foka hq, ont hvchukbihlept hikia cha, vba pit anum-pulit,

42. Aki ma! vlhpesa ish ahni bokmvt, isht-ishko ilvppa is sa kanvllichashke: yohmi kia vno ak osh ahni li kak o keyu; amba chishno ish aiahni kak o ai yvmohmashke, achi tok.

43. Mihma euchil vba minti kvk ant i haiakvt hlampkohonchi tok.

44. Mihma i palvmmi kv̄t a fehna hatuk okv̄t, i shahlichit a chilitv̄t v̄ba pit asilhha tok : mihma laksha kv̄t issish hlatapa chinto aka fohompa h̄o chiyuhmi tok.

45. Atuk osh v̄ba pit asilhha tuk ash ot wakaya cha, nan im ai ithv̄na v̄hleha aiasha ka v̄la mvt, nukh̄aklo kv̄t nusi tuk osh aiasha na pisa mvt,

46. Nanta katiohmi h̄o hv̄chi nusi cho? ai-ashv̄chika ȳa hv̄ch ik iba chukowo ka ch̄i kv̄t, tanit v̄ba pit oh asilhhá, im achi tok.

47. Mihma yv̄mmvt anumpuli moma h̄o, auah̄tuklo ai iba holhtina Chutas hohchifo hash ot okla l̄awa ka in tikba hikv̄t aya tuk osh, i suksowa ch̄i kv̄t Chisvs a atukonofv̄t ia tok.

48. Yohmi kia Chisvs ash ot, Chutas ma! na suksowa hak o Hatak Ushi a isht haksichit ishit inla ibbak a ish fohki hoh cho? im achi tok.

49. Mihma apeha atuk ash ot nana kv̄t a kaniohma hinla ka pisa mvt, Chitokaka ma! bv̄shpo falaia ȳo isht e fahama ch̄i cho? im achi tok.

50. Mihma achv̄fvt na-holitompa isht āsha pehlich̄i i shahli in tishu h̄o fahama cha, ishtimpak imma haksobish a tv̄bli tok.

51. Mihma Chisvs ash ot anumpulit, Yv̄mmak okv̄no ant ik a yohmi na hv̄sh aiahnashke, achi tok. Mihmvt haksobish ash i potoli mvt, hlakofich̄i tok.

52. Mihmvt Chisvs ash ot na-holitompa isht āsha pehlich̄i v̄hleha, micha tempel i kv̄pitv̄ni v̄hleha, mikmvt hochitoka v̄hleha aiena kv̄t ai im v̄la tuk ash, Na-hukopa ȳo ayv̄t i kohcha h̄o chiyuhmit bv̄shpo falaia, mikmvt iti tv̄ptua aiena ka sholi hosh hv̄sh itv̄nowa cho?

53. Nitak moma hv̄chi takla tempel a anukaka ȳa ahanta li kv̄no; ibbak nana kia hv̄ch ik si o welo ke tuk; yohmi kia himak okv̄to hv̄chishno, micha aiokhlilika nana im aiahli aiena ka hv̄ch̄i nitak mak okv̄t, im achi tok.

54. Yohmi ma yv̄mmak ash o okla ishi mvt, isht iv̄t na holitompa isht āsha pehlich̄i i shahli in chuka ȳo ont ishit chukowa tok. Mihma Pita yv̄t auet i mishemanchit iakaiya tok.

55. Atuk o kvsbi aboha ai itin-takla talaia tuk a ai ik-lvna ka okla luak ai oti cha, binohlit taha ma, Pita yvt takla binili tok.

56. Atuk o yvmmvt luak bilika ont binili ka, ohoyo himita achvvt pisa cha, atokolit pisa fehna mvt, Hatak ilvppak kia yvmma awant aya kamo, achi tok.

57. Mihma ik ithano ilahobit, Ohoyo ma! yvmma ak ithanoshke, achi tok.

58. Atuk o anonti in chekosi ma, inla yosh yvmmak ash pisa mvt, Chishno vt yvmma ai achvfa chia akinli, achi ma; Pita ash ot, Hatak ma! mihi yo sia keyushke.

59. Atuk o yvmmak atuk a i hvshi kanvlli achvfa foka ma, inla hosh kvlluchi fehnvt miha mvt, Ilvppak kia yvmma awant aya yatuk vt aighli hoke; ilvppvt Kalili hatak oka, achi tok.

60. Mihma Pita yash osh, Hatak ma! nana ho ish miha ka ak ithanoshke, achi tok. Mihma ashalika anumpohonli moma na akaka yvt ola tok.

61. Mihma Chitokaka yvt filemvt Pita ya pisa tok. Mihma Pita yash ot, yvmmvt, Akaka yvt ik olo kisha ho, hituchina ha chik svthano ish miha chi hoke, im achi tuk Chitokaka im anumpa hash ithaiyana tok.

62. Mihmvt Pita yvt kohcha cha, yahaya fehna tok.

63. Mihma Chisvs ash apesvchit maya tuk hatak ash ot ik ahobalot na-mihachi mvt, boli tok.

64. Micha nishkin a okla ompohomot, nashuka ya isso mvt, kvt hosh chisso ho? akostininchit anoli, achit i ponaklo tok.

65. Mihmvt ik ahobalo fehnvt nan ilaiyuka isht im i sanalit mihachi kvv lauachi tok.

66. Atuk o onvvt taha mak inli ho, hochitoka vhleha, micha na holitompa isht asha pehlichy vhleha, mikmvt naholissochi vhleha aiena kvv itahoba cha, yvmmak ash ilauevit im ai-apesa aboha ya ishit chukowa mvt,

67. Chishno ak osh, Klaist mak o chia hoh cho? pim anoli, im achi tok. Mihma, Hvchim anoli li mak o, hvchi yimma he keyu.

68. Micha vno mvt na hvchim asilhha li mak o, afalaminchit hvs svm anumpula he keyukmvt, anonti ant ik i hotofá, hvs svm ahna he keyu.

69. Himak a pilla ma Hatak Ushi vt Chihowa nan okl^uha imaiya im ibbak isht impak imma ya a binila he mak oke, im achi tok.

70. Mihma momvt, Mih-kvto chishno ak osh Chihowa Ushi chia h_o? okla achi tok. Mihma yvmmak ash ot, Mihi yo sia mak atuk o hvsh mihvshke, im achi tok.

71. Mihma, Hvpishno akinli hosh ilap itih fehna iloh a haklo kv^t, himmakma nan isht atokowa ka iloh ahna hinla cho? okla achi tok.

CHAPTA XXIII.

Chisvs a okla ilaelit Pailat ak oisht im ona ma, 1, 13 Pailat ash ot, okla ak osh yvmma im ahni fehna hatuk o, Chisvs vt ititaiyukhvna ahonv^hla chi ka, im issa cha, Balabbas ak o i hotofi. 26 Chisvs vt iti-taiyukhvna ahonv^hla chi h_o okla isht ia mvt, Saimon ak osh iti taiyukhvna ya iba shola chi ka atohno; 33 hatak hukopa tuklo hosh apihvt iti-taiyukhvna ahonv^hla ak inli; achvfa kvto Chisvs vt yvmma takanli moma h_o, i yimmit aiokpvchi. 44 Chisvs vt illi. 50 Chosef Alimahlea minti osh Chisvs haknip a ishi cha, hohpi.

1. MIHMA okla laua yvt momvt wakaya cha, yvmmak ash ilaelit Pailat a isht im ona tok.

2. Yohmi mvt, Hatak ilvppvt Klaist miko yo ile mihvt, Sesa ya noshkobo isht chumpa tvli holisso im itahobi chatuk a im avmminchit ahantvt, pim okla talaia ka okpvnit ahanta h_o, e pisa tuk oke, achit anumpa okla onochi tok.

3. Mihma Pailat vt yvmmak ash o i ponaklot, Chishno ak osh Chu okla h_o i miko chia mak oh cho? achi tok. Mihma afalaminchi mvt, Mih-mak atuk ish mihvshke, achi tok.

4. Yohmi ma Pailat ash ot, na-holitompa isht a^sha pehlichⁱ vhleha, micha okla puta kash, Hatak ilvppa nan ik ai v^lhpeso nana kia ak ai akostininchoshke, im achi tok.

5. Mihma okla isht i shahlit a chilitvt, Ilvppvt vumona ka Kalili ak o ai isht ia hosh Chu okla aiasha ka mominchit a hlopullit nana im avchit, okla ha ai okpvnichit isht aya hosh ilvppa vla hoke, achi tok.

6. Mihma Kalili achi na Pailat vt haklo mvt, Kalili hatak okma, nanta hatuk ba? achit ponaklo tok.

7. Atuk osh Helot apehlichi yak o ai iba fohka atuk o akostinichi makinli hosh, Helot ak kia ilapvt nitak yvmma fehna ma Chelusalem a ant anta hatuk o, pit i chvffichi tok.

8. Yohmi na Helot vt Chisvs a pisa mvt, na yukpa fehna tok: yohmi kvv yvmma isht ai annoa ka habaklo ka laua hatuk osh, pisa bvna fehna tuk a hopaki tok; yohmi hatuk osh nana a fehna kaniohmi kia a yvmihchi na pisa chi kvv ahni tok.

9. Mihmvt anumpa lauachit nana isht im asilhhvchi tok: yohmi kia yvmmak ash ot afalaminchi kvv nana kia ik im acho ki tok.

10. Mihma na-holitompa isht asha pehlichi vhleha micha, na-holissochi vhleha aiena kash ot kvullochi fehvvt anumpa onochit hiohmaya tok.

11. Mihma Helot ash ot in tvshka chipota vhleha hash o pehlinchi cha, yvmmak ash o na-keyukechi fehvvt isht itukhlakavvt ik ahobacho ke tuk: mihmvt na-fohka tohbi holitompa ho fohkachechi cha, falaminchit Pailat a pit i chvffichi tok.

12. Mihma tikba hokvno ai it i nukkilli yoh chatuk ak osh, nitak yvmma fehna ka Pailat, micha Helot itatuklo kvv ai iti kana toba tok.

13. Mihma Pailat ash ot na-holitompa isht asha pehlichi vhleha, micha hochitoka vhleha, mikmvt okla a puta kash hoyot itahobi mvt,

14. Hatak ilvppvt okla ha i miko a isht ai iti filamolichi yoke, achi hosh isht hvs svm vla tuk: mihma yakeh! hvchi tikba ya nana ka ai im asilhhahanchi li kvv, anumpa isht hvsh ai onochi tuk imma ka, nana ik ai-vlhpeso kvv hatak ilvppa ai a takali ka ak im akostininchoshke.

15. Mihma Helot vt mihinli tuk; yvmmak o pit hvchi a tihleli li; yohmi ka nana ka isht ai illa he vlhpesa ma a takali keyushke.

16. Yohrai hoka fvmmi lish, i hotofi la chi hoke, im achi tok.

17. Yohmi kvv ai-vbanvblit ont ia impa gsha ka achv-falichit ai i hotofa hi g vlhpesa ha tok.

18. Mihma himonna achvfa momvt tahpvlvt, Hatak ilvppvno kanima isht ia cha, Balabbas ak o ish pi kohchi-chashke, achi tok.

19. Yvmmak okvt tmaha ha antvt i miko g ik im antio ka chi ka okla ha anukfohkichi, micha hatak vbi aiena hatuk o, aboha kvllo g pit a fohki tuk a tok.

20. Yohmi hatuk o Pailat vt Chisvs ak o i hotofi ka ahni hatuk osh, himmak ma okla ha im anumpuli tok.

21. Yohmi kia okla tahpvlvt, Iti-taiyukhvna yo ahonvh-lvchi, iti-taiyukhana yo ahonvhlichí, ahanchi tok.

22. Mihma ont atuchina ma, Nanta katiohmi ho? nan ik ai vlhpeso nanta mak o yvmohmi tuk oh cho? nana ka isht ai illa he vlhpesa ka vno vt ak im akostininchoshke; yohmi hatuk osh fvmmi lish, i hotofi la chi hoke, im achi tok.

23. Mihma okla a chilita fehnvt chitolit anumpuli hosh, yvmmvt iti-taiyukhvna ahonvhla hinla ka asihjhlha tok: mih-mvt yvmma, micha na-holitompa isht gsha pehlichí vhleha aiena im anumpa hak osh imaiyachi tok.

24. Mihma Pailat ash ot okla hvv nana asilhha tuk mak o vlhpesa chi ka apesa tok.

25. Mihma yvmmak o okla asilhha tuk oka, i miko ik im antio ka chi ka anukfohkvchichi, micha hatak ma vbi aiena hatuk o aboha kvllo g pit a fohki tuk a tok ash, i kohchichi tok: amba Chisvs ak okvno nana ho okla ahna chi ka, im issa tok.

26. Mihma yvmmak ash o kanima isht ivt itvnowa mvv, Silinian hatak Saimon osh haiaka vtvvt minti ho okla hakvllit ishi; yohmi mvv yvmmak osh Chisvs g iba shola chi ka, iti-taiyukhvna yg om bohli tok.

27. Yohmi ma okla lqwa fehna kvv iakaiyvt itvnowa ma,

ohoyo aiena tuk osh yummak ash o isht nukhaktot chitolit yahaya tok.

28. Yohmi kia Chisvs ash ot pit filema mvt, Chelusalem ushetik hvchia ma! vno ak okvno vsisht yaiyvt nishkin okchi hvch ik hlatvblo kashke: amba hvchishno inli kak o isht ile yaiyvt nishkin okchi hvsh hlatvblikmvt, hvchim vlla aiena kak ashke.

29. Yakeh! vlla ik im iksho, micha oshvto nana a foyuka keyu, mikmvt i pishik vt na pishechi keyu aiena hokvto im achukmvshke, okla acha he nitak vt mihintishke.

30. Yvmma fokakma nvnih chaha puta ka, Pi o kinahlí, im achikmvt, nvnih chipunta ya, Hvsh pi ompohomashke, achit isht ia hi oke.

31. Yohmi ka iti vt okchaki o ilvppa okla ai yvmichi tuk mvo, anonti shila yokvno nanta mak osh a katiohma hi oh cho? achi tok.

32. Yohmi ma hatak haksi tuklo hosh illit okla chi ho, ai apehalinchit isht aya tok.

33. Atuk osh Kalfali hohchifo yummak atuk ash okla ai vla mvt, yummak ash, mikmvt hatak haksi tuklo aiena kash ot achvvt ibbak isht-impak imma yo takali ma, anonti achvvt vlvfbeka tvnvp o takali ho, iti-taiyukhvna ya ai ahovhlichí tok.

34. Yohmi ma Chisvs ash ot, Aki ma! ish i kashofashke: nana ka kaniohmi kvv okla ithana ho keyu hoka, achi tok. Yohmi ma i na fohka ya ita kvshkolit mavvt na-shoeli tok.

35. Mihma okla hvv pivvt hiohmaya tok: mihma hochitoka vhleha mvt ik ahobalot, Inla ya okchalinehi yatuk okvt, ilap ak osh Chihova i holitopa Klaist atuk okmvt ilap inli kak osh ik il okchalinchí, achi tok.

36. Mihma vshka chipota vhleha ak kia ai im vlvv, ishit yopulvt, anonti wineka ipeta mvt,

37. Chishno ak osh Chu okla ha i miko chia hokmvt, ish il okchalinchashke, achi tok.

38. Yohmi ma Klik, micha Latin, mikmvt Heblu aiena anumpa ho isht a holiiso kvv, ILUPPAK OSH CHU OKLA HA I MIKO MAK OKE, achi hosh paknaka ya takali tok.

39. Mihma hatak haksi tuklot vba takohli tuk' ash ot achvvt yvmmak ash ik ahobalot mihachit, Chishno ak osh Klaist chia hokmvt, il okchalinchi cha, pishno ma ish pi okchalinhashke, achi tok.

40. Amba achvfa kvto afalaminchit im alvmmmit, Chishno ak kia na chim vlhpisa kvv a miha achvfa hokak osh Chiho wa hq chik i nukshopo cho ?

41. Micha pishno ak okvto pim ai vlhpesa ho mvhli; pishno nana il a kaniohmi tuk isht ai vlhtoba he vlhpesa mak o e pisa hoka; amba hatak ilvppak okvto nana hq okpvni tuk keyushke, achi tok.

42. Mihmvt Chisvs ash, Chitokaka ma! ish apeblichika ya ont ish chukowakmvt, is svthaiyanashke, im achi tok.

43. Mihma Chisvs ash ot, Himak nitak q si awant pala-tais q ish anta chi hoke, ai ghli mak o chim achi lishke, im achi tok.

44. Yohmi ka yvmmvvt hvshi kanvlli vlhpisa ont isht han-nali foka tok; mihma yakni moma ka ai okhlilit kvnia na hvshi kanvlli vlhpisa ont isht chakkali tok.

45. Yohmi ma hvshi vt okhilli ma, nan-tvna tempel anu-kaka takali atuk vt iklvna ita hlilafa tok.

46. Mihma Chisvs vt chitoli hosh anumpuli mvt, Aki ma! sa shilombish q chibbak pit a fohki lishke, achi tok: mih-mvt yakohmichit miha mvt, fiopissa tok.

47. Mihma nana kvv ai yvmohmi na Sintulion vt pisa mvt, Ilvppvt hatak ghli achukma yatuk o pulla mvhlishke, achit Chihowa ya holitoblichit tok.

48. Mihma okla yvma pisvt ai itahoba tuk ash ot, nana kvv ai yvmohmi ka pisa mvt, momvt ilap ikkishi hq isso cha, falamvt ilhkoli tok.

49. Mihma yvma ai it ithanaka puta, micha ohoyo Ka-lili q asht ai apehvt minti tuk aiena kash ot mishema hq auet hielit, na yakohmi puta ka pihisa tok.

50. Mihma hatak vt Chosef hohchifo nan-apesa, micha hatak aighli achukma hosh anta tok.

51. Okla nana im anukfila, micha a kaniohmit maya aiena ka ilvppvto ik ibafohko ki tok: ilvppvt Chu okla in tmaha:

Alimahlea ak o ai vtta hosh yvmmak kia Chihowa apehlichika ya pit hohoyo ya tok.

52. Hatak ilvppak ash ot ivt, Pailat g im ona cha, Chisvs haknip g asilhha tok.

53. Micha yvmmak ash ot akvchi cha, na-lapushki linen o a bonullit sepulka vt tvli yosh kulvt toba ho, yvmma hatak nana kia ik a fohko yatuk o fohki tok.

54. Mihma yvmmvt ai atahli nitak atuk o, nitak hullo vt atukonofvt mihinti tok.

55. Mihma ohoyo Kalili g asht ai apehvt gya tuk ash kia, iakayvt ilhkoli cha, sepulka, micha haknip ash ot kaniohmit itola aiena ka achukmalit pisa tok.

56. Mihmvt falamvt ilhkoli cha, na-balama, micha nanahama aiena ka atahlit maya tok: mihmvt anumpa vlpisa yoka nitak hullo yokvno foha tok.

CHAPTA XXIV.

Chisvs vt falamvt tani tuk g enchil tuklo hosh ohoyo hash sepulka ak o ai im anoli, 1. 13 Chisvs nan im ai ithvna vhleha tuk vt tuklot Emmavs g itiachi hosh gyvt okla; 38 il otvnichi, nan im ai ithvna vhleha hatuk vt chiya moma na Chisvs vt itintakla ant hikia; 47 yohmi cha Chelusalem ak o vmona ka ai isht ia hosh vbanumpa ya okla isht anumpula chi ka, im apesa. 51 Chisvs vt vba a holitopa ya ia.

1. ATUK osh we k nitak vmona onnvt okhlilnchi fehna ho na-balama atahli tuk vt ishit, inla ka ai itapihvt, sepulka yash okla ai ona tok.

2. Mihma tvli vt sepulka ya kanima pit tonoli tuk o okla pisa tok.

3. Mihmvt okla pit chukowa tuk osh, Chitokaka Chisvs haknip ash ik peso ki tok.

4. Atuk o yakohmi tok; okla nana a kaniohmi ik ai ithano fehnvt maya ma, yakeh! hatak tuklo kvj na-fohka shohmalali hosh itumasi a hinli tok.

5. Mihma okla nukshopvt, aka pit yochonoli ma, yvmmak

ash ot, Nanta katiohmi hō okchaya illi aiasha ak o hvsh hoyo cho?

6. Ilvppa ikshoshke; amba tani tuk oke; Kalili g anta moma mvt hvchim anoli kv̄t;

7. Hatak Ushi vt hatak nan ashvchi vhleha ibbak g a fohka cha, iti-taiyukhvna ai ahonvhla tuk osh, nitak ont atuchinakma falamvt tana hi oke, achi tuk g hvsh ithaiyanashke, im achi tok.

8. Mihma im anumpa ha tok ash okla ithaiyana tok.

9. Micha sepvka yash gsh̄t falamvt ilhkoli mvt, auahachvfa kash, micha inla moma aiena ka na yakohmi puta tuk ash mominchit ont im anoli tok.

10. Meli Maktalene, micha Choanna, mikmvt Meli, Chemis ishki, micha ohoyo inla ka yvmma apehvt gya tuk aiena kak osh vbanumpeshi vhleha hā na-yakohmi puta tuk g ont im anoli tok.

11. Mihma yvmma im anumpa hv̄t annoa ik ghlo yak o ai im itilau cha, okla ik yimmo ki tok.

12. Mihma Pita yvt wakaya cha, malelit sepvka yg onvt, pit aka chonoli mvt, line n nan-tv̄nna ak bano hosh gsha na pisa cha, ia mvt, nana kv̄t ai yvmohmi tuk ash, okokko! ahni tok.

13. Atuk o tuklo kv̄t nitak mih-makinli ka tv̄mahushi Emmavs hohchifo hosh, yvmmvt Chelusalem g auet i kovi untuchina foka hatuk o itiachi tok.

14. Mihmvt nana kv̄t ai yvmohmi tuk ilvppa puta kash isht it im anumpohonli tok.

15. Atuk o yakohmi tok; it im anumpulit nan it im asilhhahanchi kash ot moma hō, Chisvs akinli kv̄t sakki cha, takla gya tok.

16. Yohmi kia ik ithano ket okla ch̄i ka, nishkin vt mocholi hō chiyuhmi tok.

17. Mihma yvmmak ash ot, Ilvppak osh anumpa katiohmi mak o isht it im anumpohonlit hv̄sh gya cha, hv̄sh ilapissa cho? im achi tok.

18. Mihma achv̄vt Kleopas hohchifo hosh afalaminchit; Hatak kanima minti chishno ak hosh Chelusalem g ish anta

kv̄t himak nitak chohmi yv̄mma nana kv̄t a kaniohmi ka ohik akostinincho ke tuk oh cho? im achi tok.

19. Mihma yv̄mmak ash ot, Nana nanta ho? achi ma, Chisvs Nasalet hatak nan im a kaniohmi tuk a, yv̄mmak okv̄t hopaii yosh Chihowa, mikmvt okla puta aiena itikba ya nana a kaniohmi, micha anumpuli aiena kv̄t a chinto fehna tuk;

20. Yvmohmi tuk o na-holitompa isht aasha pehlichihvleha, micha pi hochitoka hvleha aiena kv̄t, yv̄mmvt illa chi hosh im vlpisa chi ka, kaniohmichit ishit inla ibbak a fohki na iti-taiyukhvna ahonvhlidhi tuk.

21. Yohmi kia yv̄mmak osh Israel okla ha hlakoficha he tuk mak atuk a pi yihimmi tuk; yvmohmi tuk kia keyushke; micha yv̄mmak bano keyu, nana kv̄t a yakohmi tuk a himak nitak vt nitak ont isht atuchivshke.

22. Michah anonti ohoyo il ai itapeha tuk a a kanimi kv̄t onnahinli fehna sepulka ya ont maya tuk vt,

23. Yv̄mma haknip a ik peso hosh ai vla mvt, anonti enchil mvt i haiaka na pisa ma, Yv̄mmak ash ot okchaya hoke, achi tuk achi cha, okla pi nukhlakvshli tuk oke.

24. Yohmi ma il ai itapeha tuk a a kanimi kv̄t sepulka ya ona, yohmi mvt ohoyo nana a miha tuk a vlpesa ho ont pisa tuk; yohmi kia yv̄mmak amo okla ik peso ke tuk oke, im achi tok.

25. Mihma yv̄mmak ash ot, Im anukfila iksho, hopaii hvleha hv̄t anumpuli tok moma ka chukvsh isht yimma he svlaha hvchia ma!

26. Klaist vt na yakohmi puta ka pisa ha yosh a holitopaka ya chukowa he vlpesa ha tok keyu cho?

27. Mihmvt Moses, micha hopaii puta aiena tok ai vhli kak o isht ia hosh, Holisso Holitopa ya a mominchit ilap a isht ai annoa ka achukmalit im anohonli tok.

28. Mihma tvmahushi itiachi yv̄mmak atuk ash ot itonachahosi tok; yohmi ma yv̄mmak ash ot ont ia hinla ka, ile chohmichi tok.

29. Yohmi kia im a chilita fehvt oklv̄t, Nitak vt abohbit ont opiv̄t mahaya hoka, pi takla ish antashke,

achit okla tok. Mihma takla anta chi hosh ont chukowa tok.

30. Atuk o yakohmi tok; yvmmak ash ot takla impvt binili mvt, pvska ya ishi cha, vba isht aiokpuchi mvt, tush-tolit, yvmmak ash o ipeta tok.

31. Mihma nishkin vt i fatumvt okla cha, yvmmak ash ithanvt okla tok; yohmi ma yvmmak ash ot i holhponayo ha ai i kvninihya tok.

32. Mihma, Ilvppvt takla ya a pim anumpuli, micha Holisso Holitopa aiena ka achukmalit a pim otvninchi ma, pi chukvsh vt libisha tuk keyu? it im achi tok.

33. Mihmvt hvshi kanvlli vlhpisa mih-makinli ho wakaya cha, falamvt Chelusalem a it vlachi mvt, auah-achvfa kash ot, micha ai itapeha tuk aiena kvv, itvnaha mvt,

34. Chitokaka yvt falamvt tani pulla mvhli tuk osh, Saimon a i haiaka kvno, achit maya ho ant pisvt okla tok.

35. Mihmvt yvmmak ash osh hina takla ya nana kvv a kanihmi tuk, micha yvmvvt pvska tushalichit ashvt kanihmit im otaiyani tuk aiena kash anolit okla tok.

36. Mihma yakohmichit anumpohonli moma ho, Chisus vt ilap fehna hosh-ai iklvna ont hikia cha, Nanaiya kvv hvchimmi hashke; im achi tok.

37. Yohmi kia yvmmak ash ot komuntvt nukshopa fehna mvt, Shilup o pisa ka, im ahoba tok.

38. Yohmi ma, Na katihmi ho hvchi komunta cho? micha, Na katihmi ho hvchi chukvsh anukaka ya na hvchim anukfila anuktuklo kvv takali cho?

39. Svbbak, saiyi aiena ka ho pesa; vno sia hash inli hoke; sa pvsholit ho pesa: shilup vto nipi, micha foni puta aiena asha, vno vt si yvmohmi na hvv sa pisa ka, chohmi keyu hoka, im achi tok.

40. Michi ilvppa yakohmichit anumpuli mvt, ibbak, micha iyi aiena kash i haiakvchi tok.

41. Mihma okla na yukpa kak osh yimmi keyu kisha, micha okokko! aiahni aienvt maya takla ma, yvmmak ash ot, Ilvppa nan-ilhpak nana kia hvchim asha cho? im achi tok.

42. Mihma nvni vlhpasha tushafa, micha foi-bila aiena hō okla ipeta tok.

43. Mihma ishi cha, okla itikba ya ai vpa tok.

44. Mihmvt, Nan okluha kv̄t isht a si annovt Mōses, mi-cha hopaii vbleha aiena ī holisso, mikmvt ataloa holitopa aiena ka ai ō holisso tok vt ont aighli pulla ch̄i mak ō, hvchi takla anta li moma kv̄t anumpa ilvppa puta ka isht hvchim anumpuli li tok oke, im achi tok.

45. Mihmvt Holisso Holitopa ya ithaiyana ch̄i ka, im anukfila nan-isht akostininchi ā in tiwi tok.

46. Mihmvt, Klaist vt yakohmi hosh ī palvmm̄it, illi tuk osh, anonti nitak ont atuchinakma illi tuk vt tana hi ā, isht ai vlhpiesa tok.

47. Micha ile kostinicha he, mikmvt ai ashvchika puta isht a kashofa he aiena kv̄t yv̄mma hohchifo hō isht anumpa kv̄t, v̄mmona ka Chelusalem ak ō ai isht ia hosh, oklushi moma isht im anumpa hi oke, achi hosh yakohmit holihiso hoke.

48. Yohmi hō hvchishno ak osh na yakohmi puta ka atatokov̄t anoli hvchia mak oke.

49. Yohmi ka yakeh! Aki vt nana ka hvch ima hi vt miha tok mak ō, hvchishno ā hvchi ō kaiyanchi lishke: yohmi kia Chelusalem tmaha hak ō hvsh aiashvt, nana aighli vba minti kv̄t ont hvchi anukfoyuka kak mak ashke, im achi tok.

50. Yv̄mohmi tuk osh yv̄mmak ash pehlichit kohchvt īvt Betani yokvno isht ona tok: mihmvt ilap ibbak ash vba pit weli cha, yv̄mmak ash holitoblit aiokpv̄chi tok.

51. Atuk ō yakohmi tok: yv̄mmak ash holitoblit aiokpv̄chi ai it̄an takla mvt, ai ī filvmm̄it vba pilla pit a kv̄nia tok.

52. Mihma yv̄mmak ash okla pit holitoblichit aiokpv̄chi cha, na-yukpa fehna hosh falamvt Chelusalem ā ai vla tok.

53. Yohmi mvt Chihowa ya in talovt holitoblichit pit aiokpahanchit tempel anukaka ya aiasha beka tok. Amen.

UBANUMPA CHAN

VT HOLISSOCHI TOK.

CHAPTA I.

Anumpa achi Chisvs Klaist yvmmak osh vmmona fehna ka Clahowa ha iba chvfa, 1; 6 Nan-tohwikeli ai ahli kvv achvfa illa ilvppak atuk a atokowa anola chi mak osh Chan vt aya hatok. 15 Chan vt Klaist a nan vltokowa isht ai anoli. 35 Chan nan im ai ithvna yatuk vt tuklot Chisvs a apeha toba; yvmmak atuk vt achvfvv An-tilv ak osh itibapishi Pita ya ilavelit Chisvs a isht im ona.

1. UMMONA ka Anumpa hvv ahanta mvv, Anumpa hvv Chihowa ya ai iba chvfa tok: mihmvv Anumpa hash ot Chihowa ya tok.

2. Yvmmak inli hosh vmmona ka Chihowa ya ai iba chvfa tok.

3. Yvmmak atuk mak o nan okluha kvv toba tok; yohmi ka nana kvv toba tok vt yvmmak o keyu hokvno ik tobo ki tok.

4. Yvmmak oka isht ai okchaya yvv asha tok: yohmi ka isht ai okchaya yvmmak ash ot hatak puta ka in tohwikeli ya tok.

5. Mihmvv tohwikeli hash ot ai okhlilika ya a tohvmmi; yohmi ka okhlilika yvv yvmmak ash o ik akostinincho ki tok.

6. Hatak Chan hohchifo hosh, Chihowa nana aiahni ho aya tok.

7. Yvmma pulla tuk mak o hatak vt momv vmma hi o, yvmmak ash osh nan atokoli osh Nan-tohwikeli ash atokowa anola chi hosh aya tok.

8. Yvmmak osh Nan-tohwikeli mih mak a tok keyu; am-

ba Nan-tohwikeli yvmma atokowa anola chi mak osh aya tok.

9. Yakni pakna hatak vt ai vtta hoka mominchit in tohwikelichi, yvmmak osh Nan-tohwikeli ahli mak a tok.

10. Yvmmak atuk mak o yakni vt toba tok o, yakni a ai ahanta ma, yakni vt yvmmak ash ik ithano ki tok.

11. Yvmmak okvt ayvt ilap immi vhleha ho im vla ma, immi vhleha hash osh ik i yimmo ki tok.

12. Amba laua kaniohmi hosh ahninchit, ilapo hohchifo ha i yimmi hokvno, Chihowa ushi vhleha toba chi mak o isht ai vhpesa ka ima tok;

13. Issish ak o keyu, mikmvt haknip nan ahni keyu, micha hatak osh nan ahni keyu ho, yvmmak okvt toba tok; amba Chihowa yak a tok.

14. Micha Anumpa hash ot nipi yo toba cha, nan isht i kana, micha nana aighlika aienvt isht alotowa hosh pi takla ahanta tok: yohmi na isht a holitopa ya, Iki a Ushi vt achvfa illa cha ai isht a holitopa chatuk mak o, chiyuhmi ho e pibisa tok.

15. Chan vt yvmmak oka atokowa anoli hosh, chitolit anumpulit, Auet siakaiyvt mihinti kak osh sa tikba ahanta tok mak okvt, yvmmak ash holitopa kvv vno a a shahli ho, isht anumpohonli li tuk a ilvppak atuk mak oke, achi tok.

16. Micha yvmmvt isht alotowa hatuk ash e moma kvv nan isht i kana yvt ai itvlbitkvchi ho, e pisa tok.

17. Nan-vlhpisa yokvto Moses ak atuk mak o vlhpihisa tok: amba nan isht i kana, micha nan-aighlika aiena hokvto Chisvs Klaist ak o a minti tok.

18. Hatak nana hosh Chihowa ya nitak nan ash o pisa tok keyu: Ushi holitopa achvfa illa Iki shakba ya afoyuka, yvmmak atuk okvto yvmmak oka otvninchi tok oke.

19. Mihma yvmmak ash o, Kvta chia hoh cho? achit ont i ponakla chi ka, Chu okla hvv na-holitompa isht asha, micha Lefait okla aiena ka Chelusalem a a kohchit pit tihleli na Chan vt atokowa anoli tok a ilvppak oke.

20. Yohmi kvv yvmmak ash ot atokolit anoli kvv, Mih sia

hoke, achi tok keyu; amba atokolit, Uno ak osh Klaist o sia keyu hoke, achi tok.

21. Mihma okla i ponaklot, Mih kvto kvta hak o? Elias ak o chia ho? achi tok: mihma, Mih sia keyu, achi tok. Hopaii mih mak o chia ho? achi ma; afalaminchi mvt, Keyú, achi tok.

22. Mihma, Kvta chia hak o? ish pim anoli na auet pi tihleli tuk vhleha ha anumpa falama ka ont il imashke: chishno akinli kvto, Kvta ho ish ile miha cho? im achi tok.

23. Mihma yvmmak ash ot, Achvfa hosh yakni haiaka yo ai anumpohonlit, Chitokaka ataya hi a oh apissvlichí, ahanchi ho hopaii Esaias vt isht anumpohonli tok mak o mih sia mak oke, achi tok.

24. Mihma okla vlhtokvt ilhkoli tuk ash ot Falisi vhleha ha tok.

25. Atuk osh yvmmak ash o okla i ponaklot, Chishno ak osh Klaist mih mak o chia keyu; Elias a chia keyu; anonti hopaii mih mak o chia keyu hokak osh, nanta katiohmi ho ish baptismochi cho? im achi tok.

26. Chan ash osh yvmmak ash o im afalaminchi mvt, Uno vto oka yo ishit baptismochi lishke; amba achvfa kvv hvchi takla hikia yvmmak okvno hvch ik itha-noshke.

27. Yvmmak osh siakaiyvt minti kvv hovitopa kvv a shahli ka, i shulush isht-talakchi a hotofi la he si ahoba keyu mak oke, achi tok.

28. Chatan misha Behlabala yvmmak o Chan vt a baptismochi hosh ahanta hatuk o, ilvppa puta kvv ai yakohmi tok.

29. Atuk o ont onna ma Chan vt, Chisvs vt i minti na pisa mvt, Chihowa in Chukfvlhpoba ushi, yvmmak osh yakni im ai-ashvchika isht kanchi a, ho pesá.

30. Hatak vt auet siakaiyvt minti kvv, yvmmak osh sa tikba ahanta tuk osh hovitopa kvv a shahli hoke; achi li tuk a ilvppak osh mih mak oke.

31. Yohmi kvv ilvppa ithana li tuk keyu; yohmi kia

ilvppak osh Israe^l okla h_g im otvna ch_i kak o, vno vt oka y_g ishit baptismochit aya li hatuk oke, achi tok.

32. Mihmvt Chan vt atokowa anolit, Shilombish okvto pvchi yoshuba y_o chiyuhmi hosh vba y_g vttvt mintit, yvmmak ash ant o binili na pisa li tok.

33. Yohmi ka yvmmak ash o ak ithano ki tok; yohmi kia oka ishit baptismochi la ch_i h_o, sa tohno tuk yvmmak osh, K^ona h_o Shilombish ak osh aka mintit ant o binili na ish pisa ch_i ka, mihi yosh Shilombish Holitopa y_g ishit baptismocha ch_i mak oke, im achi tok.

34. Atuk o, Ilvppak osh Chihowa h_g Ushi pulla hatuk a pisvt, atokowa anoli li tuk oke, achi tok.

35. Anonti ont onna ma Chan vt ilap, nan im ai ithvna tuklo aienvt hinli tok.

36. Micha Chisvs ash ot nowvt aya na pisa mvt, Chihowa in Chukv^lhpoba ushi a ho pesá, im achi tok.

37. Mihma nan im ai ithvna tuklo kash ot, yvmmak ash ot anumpuli na haklo mvt, Chisvs a iakaiyvt okla tok.

38. Mihma Chisvs ash ot filema cha, iakaiyvt okla kash o pisa mvt, Nanta h_o hvsh hoyo cho? im achi ma, Labbai ma! yvmmvt vlhtoshowakmvt, nan-ithvnanchi ma! achi, Katima k_o ish ai v^tta yoh cho? im achi tok.

39. Mihma, Mintit ant ho pesá, im achi tok. Mihma itvlachit kanima ai-v^tta yatuk a ant pisvt okla mvt, hvshi kanvlli v^lhpisa ont isht pokoli foka hatuk oka, nitak yvmmvno apehvt ashwa tok.

40. Tuklot Chan vt anumpuli na haklo cha, yvmma iakaiyvt okla tuk ash, achvfa kv^t Antilu, Saimon Pita itibapishi ha tok.

41. Yvmmak ash ot na tⁱkba ilapo itibapishi akinli Saimon ak o pisa mvt, Messias ash, yvmmvt vlhtoshowakmvt, Klaist achi h_o il ahayuchishke, im achi tok.

42. Mihma yvmmak ash o ilaue^lit Chisvs a im v^la tok. Mihma Chisvs vt yvmmak ash o pisa mvt, Chona ushi Saimon chia hv^t Sefas, yvmmvt toshowakmvt, tvli achi hoke, yvmmak o chi hohchifashke, achi tok.

43. Atuk osh ont onna ka Chisvs vt Kalili a ia hi atuk osh Filip a pisa mvt, Is siakaiyashke, im achi tok.

44. Filip vt Antilu, micha Pita ita-tuklo in tomaha Bet-saita yak o ai vtta ya tok.

45. Filip vt Nahlanael a pisa mvt, Chisvs Nasalet vtta, Chosef ushi, yvmmak o nan vlpisa ya Moses vt, micha hopaii puta kvv isht a holissohonchi tok mak o, e pivoashke, im achi tok.

46. Mihma Nahlanael ash osh, Nana achukma kvv Nasalet a ai itolvt kohcha hinla ho? im achi ma, Filip ash osh, Minti cha, ant pisa, im achi tok.

47. Chisvs vt Nahlanael vt i minti na pisa mvt, Yakeh! Islael hatak ahli fehna kvv nana ilahobi keyu mak oke, achi tok.

48. Mihma Nahlanael ash ot, Katiohmit is svthana cho? im achi ma, Chisvs vt afalaminchi mvt, Filip vt ont ik chi hoyo kisha ho, fik vpi nuta ya ish asha kak o, chi pisa li kamo, im achi tok.

49. Mihma Nahlanael ash ot afalaminchi mvt, Labbai ma! chishno ak osh Chihowa Ushi chivshke; chishno ak osh Islael okla i miko chivshke, im achi tok.

50. Chisvs vt afalaminchi mvt, Fik vpi nuta ya ish asha ho chi pisa li tuk achi li kak o, chi yimmi ha cha? nana kvv ilvppa i shahli fehna ka ish pisa hi oke, im achi tok.

51. Mihma, Ahlishke, ahli mak o chim achi lishke, Himak a pilla vba yvt tiwa na Chihowa im enchil vhleha kvv Hatak Ushi a auet ai akohova, anonti vba pit ai ihiya aiena ka, ish pisa hi oke, im achi tok.

CHAPTER II.

Kana ak o nan-itaawayvchi asha ho Chisvs vt oka kapvssa atuk a oka paki ikbi, 1; 12 Chelusalem a ona cha, na chumpa vhleha, micha na kanchi vhleha aiena tempel anykaka aiasha tuk a kocha pit yuhli; 23 yohmi ma Chisvs vt na fehna yvmihinchi ho pisa hatuk mak osh lauvv i yimmi.

1. **ATUK** o nitak ont atuchina ma Kalili yakni Kana a nan-itauguayvchi vt a sha tok: mihma Chisvs ishki vt yvmma ont anta tok.

2. Mihma Chisva, micha nan im ai ithvna vhleha aiena kvv nan-itauguayvchi a aya hi-a, im annoa tok.

3. Atuk o oka paki vt ont ai ik im ikshot taha ma, Chisvs ishki vt yvmmak ash o, Oka paki vt okla ik im ikshoshke, im achi tok.

4. Chisvs ash ot, Ohoyo ma! vno vt nanta isht a chi aha-laia li cho? hvshi kavlli vm ai vhpisa hvv ik ai ono kisha hoke.

5. Ishki ash ot nan-isht a sha vhleha hash, Nana ho hv-chim achikma, hvsh yvmihchashke, im achi tok.

6. Mihma Chu okla ai yvmohmi yatuk osh isht il ai achifa ya tuk, tvli shuti oka ai-vlbeha hannali kvv, fvk in tuk-lokma, tuchinakma nana ai vlhto aiyuka hosh yvmma talohmaya tok.

7. Atuk o Chisvs ash ot, Shuti oka ai-vlbeha ya oka oh alotoli, im achi tok. Mihma yvmmak ash o okla alotolit iti-vlbi vhlichitok.

8. Mihma, Inta! ho bicheli cha impa pehlichit ya ishit oh im ia, im achi tok. Mihma okla ishit im ia tok.

9. Mihma impa pehlichit ash ot oka oka paki toba tuk ash ishkot pisa cha, kaniohmi hosh toba tuk a ik akostinincho mvt, yohmi kia nan-isht a sha vhleha oka ochi tuk okvto ithana ho, impa pehlichit ash ot himona ohoyo itauwaya ash hoyo tok.

10. Yohmi mvt, Hatak moma kvv vmona ka okapaki achukma ka talohli chatuk; atuk osh hatak vt ishkot fihopak mak o, okpulo yak oh chatuk; amba chishno vto oka paki achukma ya ish il atomba na himak atoshke, im achi tok.

11. Na fehna yvmihchit isht ai vmona kvv ilvppak o Chisvs vt Kalili yakni Kana yak o ai yvmihchit, ilap im a holitopa ya otv ninchi tok; mihma nan im ai ithvna vhleha hvv i yimmi tok.

12. Ai yakohmi ha ya, yvmmak ash ot, ishki, micha itibapishi vhleha, mikmvt nan im ai ithvna vhleha aienvt Ka-

penavm a ilhkoli tok ; atuk osh nitak kanohmi keyu ho ont maya tok.

13. Mihma Chu okla i nan-ubanvblit ont ia yvt ai ona hosi hatuk o, Chisvs vt Chelusalem a ia tok.

14. Atuk osh tempel anukaka ya wak, chukfulhpoba, micha pvchi vlhpoba aiena kanchi vhleha, mikmvt tvli holisso itatoba aiena kvv binohmaya na pisa tok.

15. Mihmvt aseta chipunta yo isht fvma ikbi cha, yvm-mak ash, chukfulhpoba, micha wak puta aiena kash mom-inchit tempel a a kocha weli tok ; mihmvt tvli holisso itatoba vhleha in tvli holisso ash aka fohopli mvt, anonti ai-impv tvli holisso ai-itatoba puta kash kinahlichit tok.

16. Mihmvt pvchi yoshuba vlhpoba kanchi vhleha hatuk ash o, Ilvppa kanima ishit oh ia cha, Aki in chuka yano na-na ai-itatoba chuka hvch ik ikbo kashke, im achi tok.

17. Mihma, Chin chuka i hullo pulla kak osh vm anuk-fila uhvlinchit ai ishit kaiyanchishke, achi hosh holisso ha tok a, nan im ai ithvna vhleha hvv ithaiyana tok.

18. Mihma Chu okla hash ot afalaminchi mvt, Nan isht atokowa nanta ho ish pim otvvinchi hosh ilvppa puta ka ish yakohmichi cho ? im achi tok.

19. Mihma Chisvs ash ot afalaminchi mvt, Tempel ilvppa oh okpvni ; atuk ma nitak tuchinakma falaminchit ikbit hilechi lashke, im achi tok.

20. Yohmi ma Chu okla hash ot, Tempel ilvppvt afvmmi pokoli ushta akocha hannali ho tovt vltaha tok : yohmi ka chishno vto nitak tuchina ho falaminchit ikbit ish hilecha hinla cho ? achi tok.

21. Yohmi kia yvmmak okvt ilap haknip tempel ak o isht anumpuli ha tok.

22. Yohmi tok o yvmmak ash ot illi tuk vt falamvt tani ma, ilvppa im achi tok a, nan im ai ithvna vhleha hvv ithaiyana tok ; mihmvt Holisso Holitopa, micha Chisvs vt anumpa anumpuli tok aiena ka okla yimmi tok.

23. Ubanvblit ont ia isht ashvt impvt maya nitak o, yvmmvt Chelusalem a anta cha, na-fehna puta ka yvmihinchit na okla pisa mvt, lauvv i yimmi tok.

24. Yohmi kia Chisvs vt hatak moma ka ithana hatuk okvt ik i yimmo ki tok.

25. Micha nana hosh hatak g anukfoyuka ka ithaiyana hoka, kvna kia hatak g isht atokolit im anola he vlhpesa keyu ki tok.

CHAPTA III.

Chisvs vt Nikotemvs g it im anumpuli; yohmi hosh atuklanchit vtta hi oka ai vlhpesa hatuk, 1; 14 micha kaniohmi kia ilapvt ititaiyuk-hvna a takalit illa hi g ai vlhpesa hatuk aiena; 16 mikmvt Chihowa hvv hatak g i hullo ka, 18 micha Chihowa ik im antio vhleha hvv nan i palvmma he aiena ka anoli. 22 Chan vt Klaist nan-isht a holitopa ya, micha yvmma i yimmi hatuk okvto ai okchaya he.

1. HATAK vt Falisi yosh Nikotemvs hohchifo hosh, Chu okla pehlichy yosh ahanta tok.

2. Atuk osh yvmmak ash ot ninak o ayvt Chisvs g im vla cha, A shahli ma! chishno ak osh nan ithvnanchi yosh Chihowa ak o ish a minti ka il ithanvshke; Chihowa ak osh ik apalachokma, hatak nana hosh na-fehna ilvppa puta ish yvmihinchy ka, yvmihcha he keyu hoka, im achi tok.

3. Chisvs vt afalaminchi mvt, Ahlishke, ghli mak o chim achi lishke, Hatak vt atuklant vtta keyukmvt, Chihowa apelihchika ya pisa he keyu hoke, im achi tok.

4. Nikotemvs ash ot, Hatak vt sipoknit taiyaha kvv kati-ohmi kak osh vtta hinla hq? atukla ma ishki im oshvto ya pit chukowa cha, vtta hinla hq? im achi tok.

5. Chisvs vt afalaminchi mvt, Ahlishke, ghli mak o chim achilishke, Hatak vt oka, micha Shilombish ita-tuklo kak o isht ai vtta keyu hokvto, Chihowa apelihchika ya chukowa he keyu hoke.

6. Nipi yo a tovt vtta hokvto, nipi yoke; mikma Shilombish o a tovt vtta hokvto, shilombish oke.

7. Atuklanchit hvsh vtta pullashke, chim achi li tuk g, okokko! chik ahno kashke.

8. Mahli hvv kanima yo pit ai im vlhpesakmvt, pit mahlit fokka hokvno ish haklo kia, yvmmak o a minti hosh, anonti

yummak o ia, ish ai ahni keyu ka, Shilombish ak o a tohvt otta hokvto yummak inli kak o chiyuhmi bano hoke, im achi tok.

9. Nikotemvs ash osh afalaminchi mvt, Katiohmi kak osh ilvppa puta kvv yvmohma hinla cho? im achi tok.

10. Chisvs vt afalaminchi mvt, Israel okla ha nan-ithv-nanchi chia hokak osh, ilvppa puta ka chik ithano cho?

11. Ahlishke, ahli mak o chim achi lishke, Nana ka il ithana mak osh il anumpuli: mikmvt e pisa tuk mak osh atokolit il anoli hoke; yohmi ka nana atokolit il anoli ka ik hvchi yimmoshke.

12. Nana kvv yakni paknaka asha yo isht a hvchim anoli li ha ya tuk a, ik hvchi yimmo ke tuk vt, anonti nana kvv vba asha ho isht a hvchim anoli li hok mak o, katiohmit hvchi yimma chi cho?

13. Yohmi ka hatak nana hosh vba ya ia tuk keyu; amba vba ya mintit vla tok Hatak Ushi vba ya asha yummak il-lvshke.

14. Yohmi ka Moses vt sinti a kovi anukaka ya vba tak-alichi tok a, yummak inli chiyuhmit Hatak Ushi vt vba takali pulla hi oke:

15. Yohmi na kvna hosh yvmma i yimmikmvt, ik illo hosh, amba ai-okchayvt bilia yo pisa hi oke.

16. Chihowa yvt yakni a i hullo fehna kvv, kvna hosh yvmma i yimmikmvt ik illo hosh, amba ai okchayvt bilia yo pisa hi o, Ushi achvfa illa hovitopa ya auet ima tok.

17. Yakni ak o ilbvshacha chi ho, Chihowa yvt Ushi a auet ima tok keyu hoka; amba yummak atuk mak o yakni vt isht ai okchaya hi a tok;

18. Kvna hosh yvmma i yimmi kvvto, isht ai ilbvsha he anumpa hvv onvtula keyu hoke: amba kvna hosh i yimmi keyu hokvto, Chihowa Ushi achvfa illa hovitopa hohchifo hatuk a i yimmi keyu kvv, isht ai ilbvsha he anumpa hvv onvtula mashko hoke.

19. Yohmi ka tohwikeli hvv yakni a ant iba chukowa ma, ilap nana a kaniohmi ai vlhpesa keyu hatuk okvt, hatak vt ai okhlilika yak osh im ai achukma kvv atohwikinli ka,

im i shahli, ilvppak o isht ai ilvsha he anumpa hvt onvtula hoke

20. Nan ik ai vlhpeso ya a yohmi aiyukali vt atohwikinli ka i nukkillikmvt, anonti ilap nana a kaniohmi yvt otvnt ik hofahyalo ka hinla ka, atohwikinli ka ik ono chatuk oke.

21. Amba kvna hosh nan-ai ghlika yo a yohmi yokvto, ilap nana a kaniohmi yvt Chihowa yak atuk mak o isht a yvmohmi tuk vt otvna chi ka, atohwikinli ka ona chatuk oke, im achi tok.

22. Nana kvv ai yakohmi ha ya, Chisvs vt nan im ai ithvna vhleha ha it apihvt Chutea yakni a ai vla tok; mihma takla yvmmak o antvt baptismochi tok.

23. Mihma Chan ak kia Salim i bilika Enon yvmmak o oka vt laua hatuk o, baptismochit ahanta tok: mihma okla hvt ai vltv baptismo tok.

24. Chan vt aboha kvllo ik fohko kisha ha tok.

25. Yohmi ma Chan nan im ai ithvna vhleha kanimi, micha Chu okla aiena kvv na-baptismo a isht ai it im asilh-vvchit maya tok.

26. Mihmvt Chan a ai im ai vltv, Nan-ithvnanchi ma! Chatan misha ya a chi awant aya tok yvmmak o nana ai atokowa isht ish anohonli kash, yvmmak fehna kvv baptis-mohonchi ho, okla momvt im ai itahohombvshke, im achi tok.

27. Chan ash ot afalaminchi mvt, Uba yak o auct ai ima ho keyukma, hatak vt nana ho ilap inli kvv isha he keyu hoke.

28. Uno vt Klaist mak o sia keyu: amba itikba aya a si vltoka hatuk oke; achi li tok a hvchishno fehna akinli kvv ai atokowa ka hvv svv ithanvshke.

29. Ohoyo himona hatak auwaya ka ilauei kak osh, yvm-mvt hatak himona ohoyo itauwaya mak oke: amba himona ohoyo itauwaya i kana hokvto himona ohoyo itauwaya anumpuli pulla kak o hikivt i haponaklot isht a yukpa chinto hoke: yohmi ka na sai yukpa ilvppvt isht aighli mak oke.

30. Yvmmak okvto isht i shahlit mahaya he vlhpesakma, amba vno vto ak a lauwt mahaya la he vlhpesa hoke.

31. Ūba yā a minti yvmmak okvto moma ka i shahli hoke: yakni yak o a minti hokvto yakni yakinli; mikmvt yakni yak o ai isht anumpuli hoke; vba yā a minti yvmmak okvto moma ka i shahli hoke.

32. Micha nana ka pisa tuk; mihmvt haklo tuk aiena mak osh yvmmak ash atokolit anumpuli hoke; yohmi kia nan ai vlhtokowa anohonli ka, hatak nana kia ik yimmoshke.

33. Kvna hosh, yvmmt nan ai vlhtokowa anoli ka yimmit aiokpuchi hokvto, Chihowa yvt aighli ka, aighlich i hosh yimmi hoke.

34. Chihowa yvt atohno tok ā, yvmmak okvt Chihowa im anumpa hō anumpohonlishke; yvmmak oka Shilombish vt vlhpisa hō Chihowa yvt ihima keyu hoka.

35. Iki vt Ushi ā i hullo kvt nan okluha ka yvmma ibbak o fohkishke.

36. Kvna hosh Ushi ā i yimmi hokvto ai-okchayvt bilia yā pisa hoke; mikma kvna hosh Ushi ā i yimmi keyu hokvto, ai-okchaya yā pisa he keyu; amba Chihowa nan-isht ai i nukkilli yak osh onvtuyula hoke, achi tok.

CHAPTA IV.

Chisvs vt Samalia ohoyo hō ai okchaya oka ak o isht im anumpuli hosh 1, 26 ilap ak osh Klaist mak atuk vt il anoli; 28 mihma oheye hash ot falamvt tomaha hā ona cha, yvmmak atuk ā okla hā im anoli; 39 mihma okla hash ot na yimmi. 43 Chisvs vt falamvt Kalili ā ona tuk osh Kana ak o anta hosh, hatak holitompa ushi vt abeka hosh Kapenam ak o itonla ka, pit hlakofichi.

1. CHISUS vt nan ithvna vhleha ikbit baptismochi kv. Chan ā i shahlich i ka, Falisi vhleha hv haklot maya ka, Chitokaka yvt akostininchi hatuk osh,

2. Chisvs vt ilap inli kvto baptismochi keyu hō, amba nan im ai ithvna vhleha hak atuk ak o,

3. Chutea yash issvt Kalili yash inli hō anonti ia tok.

4. Yohmi kv Samalia yā pit hlopullit maya he vlhpesa tuk a tok.

5. Atuk osh Chekob vt ushi Chosef ā osapa ima tok ta-

laia ka bilika, Samalia yakni tmaha Saika hohchifo hq, vla tok.

6. Yohmi ma Chekob i kvli hvt yvmma hikia tok; yohmi hatuk o Chisvs vt nowvt gyvt hoyvbli mvt, hvshi kanvlli isht vlpisa ont hannali foka hatuk o, kvli yvmmak ash yakohmit a bininli tok.

7. Atuk o Samalia ohoyo hvt oka ochit gya hosh yvmmak ash o vla ma, Chisvs ash ot, Svpeta na ak ishkó, im achi tok.

8. Nan im ai ithvna vhleha hamo ilimpa chumpvt tmaha ilhkoli tuk a tok.

9. Yohmi ma Chu okla hvt Samalia okla hq nan ai itim abalaia keyu chatuk oka, Katiohmi hq Chu chia hokak osh, vno vt Samalia ohoyo sia hq oka is svm asilhha cho? im achi tok.

10. Chisvs ash ot afalaminchi mvt, Chihowa i na-hvlbena hq, micha kvna hosh, Svpeta na ak ishkó; chim achi aiena ka ish ithana hatuk okmvt, ilapo ak o ish im asilhha na yvmmak okvt oka okchaya yo chipeta he tuk oke, im achi tok.

11. Mihma ohoyo hash ot, A shahli ma! isht ish ocha hi vt nana kia ik chim iksho hq, anonti kvli hvt hofobishke; yohmi ka katimak o oka okchaya yvmma ish ai ishi hosh?

12. Chishno ak osh piki Chekob vt ilapo inli, micha im vlla vhleha, mikmvt i wak aienvt ai ishko yatuk vt kvli hq pima tok g ish imaiya hotuma! im achi tok.

13. Chisvs vt afalaminchi mvt, Kvna hosh oka ilvppa ishko tukmvt, anonti itukshila he;

14. Amba kvna hosh oka ya ipeta la chi yvmmak o ishko hokto, nitak nana itukshila he keyu; amba vno ak osh oka ya ipeta la chi hokvno, yvmmak atuk ma a foyukvt tobohonli na nitak bilia hi oke im achi tok.

15. Ohoyo hash ot, A shahli ma! oka ilvppa is svpeta na ik svtukshilokmvt, anonti ochit gya kv ilvppak o ak lc kashke, im achi tok.

16. Chisvs ash ot, Ia cha, chi hatak g ont i howvt vlá, im achi tok.

17. Mihma ohoyo hash ot afalaminchi mvt, **A** hatak vt ikshoshke, achi ma, Chisvs vt, **A** hatak vt iksho, ish achi kv̄t, v̄lhpesa ish mihvshke.

18. Hatak vt tahlapi hosh chim āsha tuk osh, anonti himonasi ā chim āsha kv̄to, ch̄i hatak atuk ō keyu hoka, yvmmak okvno aiahli mak osh ish mihvshke, im achi tok.

19. Ohoyo hash ot, **A** shahli ma! hopaii chia hatuk ō chi akostininchi lishke.

20. Pin tikba v̄hleha hv̄t nv̄nih ilvppak ō asht Chihowa pit aiokpahanchi tok: a tok ak ō hv̄chishno v̄to Chelusalem ā āshvt hatak puta kv̄t Chihowa pit aiokpahancha he v̄lhpesa hatuk ā ish mihvshke, im achi tok.

21. Mihma Chisvs ash ot, Ohoyo chia mvt is sā yim-mashke; nv̄nih ilvppa, micha Chelusalem aiena kak kia mayvt Iki ā pit hv̄sh aiokpv̄cha he keyu ka hi ā hv̄shi kanv̄lli v̄lhpisa hv̄t mihinti hoke.

22. Hv̄chishno v̄to yvmmak ō hv̄sh ahni keyu hosh pit hv̄sh aiokpv̄chishke; isht-ai-okchaya hi vt Chu okla immi hoka, pishno v̄to nana h̄o pit il aiokpv̄chi hokvt il ithana hoke.

23. Yohmi kia Chihowa pit aiokpv̄chi aiahli v̄hleha hv̄t shilombish, mikmvt aiahli aiena mak ō isht aiokpahancha hi ā, hv̄shi kanv̄lli at v̄lhpisa hv̄t mihinti h̄o, anonti himonasi ā v̄la hoke: yvmma chohmi hosh ilapā aiokpv̄cha he ak ō Iki vt hoyo hoka.

24. Chihowa yvt Shilombish oke: yohmi ka kv̄na hosh yvmma pit aiokpv̄chi hokvt shilombish, mikmvt aiahli aiena mak ō isht aiokpv̄chi pullashke, im achi tok.

25. Ohoyo hash ot, Messias, Klaist hohchifo kv̄t, v̄la hi ā ithana lishke, yvmmvt v̄la hok mak osh, nana moma ka pim anola hi oke, im achi tok.

26. Chisvs ash osh, Ūno vt chim anumpohonli li kak osh mihi ȳo sia hoke, im achi tok.

27. Mihma nan im ai ithvna v̄hleha hash ot ilvppa atak-lama ma ai v̄la cha, yvmmvt ohoyo h̄a it im anumpuli tuk ā, okla anukhlakancha tok: yohmi kv̄t hatak achvfa kia, Nanta h̄o ish hoyo hosh? Katiohmi h̄o yvmma ish it im anumpuli cho? achi kia iksho ki tok.

28. Yohmi ma ohoyo hash ot isht-ochi ash talali cha, ivt tvmaha ont chukowa mvt, hatak puta kash,

29. Yakeh ! hatak vt nana hō a kaniohmi li tok a mominchit vm anoli ka ant ho pesá, ilvppvt Klaist mak o keyu hō ? achi tok.

30. Mihma tvmaha hash a kohchvt ivt, yvmmak ash okla im ai ona tok.

31. Yohmi takla ma nan im ai ithvna vhleha hash ot, Pi shahli ma ! impá, achit im asilhha tok.

32. Yohmi kia, Ilhpak vpa la chí kvv vm gsha yvmmak oka hvch ik akostininchoshke.

33. Yohmi hatuk o nan-ithvna vhleha hash ot, Ūpa chí ka hatak nana kia isht im vla tuk atuk o ? it im achit maya tok.

34. Chisvs ash ot, Auet sa kanchi tok nan ahni kak o a yvmohmi, micha i na-toksvli atahli aiena kak osh vm ilhpak oke.

35. Na-hoyo ai vhpesa chí ka hvshi ushtvt gsha moma, hvsh achi keyu hō ? yakeh ! oh vba chakali cha, osapa puta kvv himonasi ak kia a hoyá he ai ona kvv tohmbi ka ho pesá, hvchim achi lishke.

36. Na-hokchi, micha nan vmo ita-tuklo kvv itibai yukpa chí ka, nan vmo yash ot vlhtoba hā ishi hosh ai okchayvt bilia na-wayá ya hoyo hoke.

37. Yohmi ka achvvtv hokchi okma, anonti achvfa hosh vmo, achi tok a yvmmvt aiahlishke,

38. Hvchishno vt hvsh a toksaiyali tok keyu kvv hvsh ai vma chí ka, pit hvchi tihleli li tuk : hatak inla yosh toksvli tuk o, im a toksvli yash pit hvsh chukowa tuk oke, im achi tok.

39. Mihma ohoyo hvv nana vlhtokowa ka anolit, Nana hō a kaniohmi li tok a mominchit vm anolishke, achi ka Samalia okla tvmaha gsha tuk vt lauvv yvmmak ash isht ai i yimmi tok.

40. Yohmi hatuk osh Samalia okla hvv yvmmak ash im ai vla mvt, takla anta hinla ka im asilhha tok ; mihma yvma anta na nitak tuklo tok.

41. Mihma ilap fehna akinli im anumpa hatuk o himakma yimmi kv̄t laua tok.

42. Mihmvt ohoyo hash o, Himak ano pi yimmishke, chishno ak osh nan ish anoli kak o keyu; pishno akinli hosh il ai i haponaklo cha, ilvppak osh Klaist, yakni okchalinchi mak atuk pulla ka il akostininchishke, im achi tok.

43. Nitak tuklo ont vbanvpa ma yvmmak ash kohchvt ia mvt, Kalili a ona tok.

44. Chisvs akinli kv̄t hopaii vt ilap i yakni akinli ka a holitopa hi vt ik im iksho ka, vlhtokowa anoli tok.

45. Micha Kalili ash vla ma, Kalili okla hvt yvmmak kia impa holitopa ya itvnova hatuk osh, impa holitopa isht agha yvmmvt Chelusalem a nana puta ka a yvmihchi tuk mo minchit pisa tuk okvt, yvmmak ash o okla aiokpv̄chi tok.

46. Yohmi hatuk o Chisvs ash ot Kalili yakni Kana yvmak o oka ya okapaki ai ikbi tok ash ot, anonti ona tok. Mihma hatak holitopa achvfa hosh ushi vt abeka kv̄t Kapenam a itonla tok.

47. Atuk osh, Chisvs vt Chutea ya a kohchvt ayvt Kalili vla ka, haklo mvt, yvmmak ash im ona cha, ushi vt illa hosi hatuk o, ivt ont hlakoficha hinla ka, im asilhha tok.

48. Yohmi ma Chisvs ash ot, Nan isht atokowa, micha na-fehna aiena ho hvsh pisa ho keyukmvt, hvchi yimma he keyushke, im achi tok.

49. Mihma hatak holitopa hash osh, A shahli ma! vm vlla vt ik inlo takla ish onashke, im achi tok.

50. Mihma Chisvs ash ot, Chiso hvt okchaya hoke; ish iashke, im achi tok. Mihma hatak ash ot, Chisvs vt im anumpuli ka anumpa ha yimmi cha, ia tok.

51. Atuk osh ia hosh aya ma, nan isht im agha vhleha hvt afama cha, Chiso hvt okchayvshke; achit im anoli tok.

52. Mihma hvshi kanvlli vlhpisa yvt kaniohmi kak o pit nuktanlv̄t isht ia tuk a im a ponaklo tok. Mihma, Pila-shash hvshi kanvlli vlhpisa ont isht untuklo kak o yvna hvt shipa tuk, im achi tok.

53. Yohmi ma iki ash ot, Chisvs vt, Chiso hvt okchaya hoke, im achi tuk hvshi kanvlli vlhpisa vt yvmmak fehna

akinli tuk a ithana tok ; micha ilapo fehna, mikmvt in chuka chvfa yvt a momvt yimmi tok.

54. Chisvs vt Chutea ya a kohchvt ayvt Kalili a vlvvt, anonti na-fehna ka ai yimihchi kvv ilvppvt ont atukla ha tok oke.

CHAPTA V.

Chisvs vt Chelusalem a ona tuk osh, nitak hullo nitak o Behlesta oka talaia hq hatak vt abeka tok a afvmmi pokoli tuchina akocha untuchina tuk a a hlakofichi, 1. 10 Chu vhleha hvvt, Chisvs vt nitak hullo yo na hlakofichi hatuk o, vbi bvnna ma ; 17 Chisvs ash osh ilapvt Chihowa ya Ushi yatuk okvt yvmmak oka yvmihcha he im ai vlpesa-hosh yvmihchi tuk vt anoli. 32 Chisvs vt ilapvt Chihowa Ushi pulla hatuk a, Chan vt atokolit anoli ma, 36 atukla ma ilapo inli kvv nana kvv a fehna kia yvmihinchi ka isht otvni ; 39 Baibil vt yvmma atokolit anoli akinli hoke.

1. ILUPPUT ai yakohmi ha ya, Chu okla impa hovitopa hvvt a sha tok : mihma Chisvs vt Chelusalem a ia tok.

2. Yohmi ka Chelusalem a chukvvlhpoba a kanchi i biljka yvmmak o ai-yupi vt Heblu hohchifo hosh Behlesta yosh i hoshontika tahlapi hosh talaya hoke.

3. Yakohmi ka hatak iksitopo, ik hoponayo, imomokpulo, nipi vt ikshot kvnia puta aiena kvv laua fehna hosh oka piakvcha chi ka, im aiehchi hosh kahvt maya tok.

4. Enchil vt kaniohmikma ayvt, ai yupi ash oka ont pialichi hatuk o ; yohmikma kvna hosh oka vt piakvchikma, tikba pit okvtulakmvt, abeka nana hq isht abeka hatuk kia hlakofi beka tok.

5. Yohmi hq hatak achvfa kvv iksitopo ik nowo tok a afvmmi pokoli tuchina akocha untuchina hosh yvmma itonla tok.

6. Yvmmak ash ot itonla na Chisvs vt pisa mvt, ai yvmohmi tok vt hopaki fehvvt taha ka ithana hatuk osh, yvmmak ash o, Chi hlakofa hi a ish ahni cho ? im achi tok.

7. Mihma hatak iksitopo ik nowo yash ot afalaminchi mvt, A shahli ma ! hatak nana kia oka yvt piakvchikma, ai-yupi a pit si okvcha hi vt ik svm ikshoshke ; yohmi hatuk o maya

li taklakma, inla yosh sa tikba okvtula beka hoke, im achi tok.

8. Chisvs ash ot, Tanit, chi potvlhpo ya ishi cha, nowá, im achi tok.

9. Yohmi ma ashalika fehna hatak ash ot hlakofi cha, i potvlhpo ash ishi mvt, nowa tok; mihma nitak yvmma fehna kvv nitak hullo ya tok.

10. Yohmi hatuk o Chu okla hvv na hlakofi tuk yvmmak ash o, Nitak hullo yoke; chi potvlhpo a isht ish aya he ai vvhpesa keyu hoke, im achi tok.

11. Mihma yvmmak ash osh afalaminchi mvt, Na sa hlakofichi yvmmak osh, Chi potvlhpo ya ishi cha, nowá, vm achi tuk oke, im achi tok.

12. Mihma yvmmvt, Hatak nanta hosh, Chi potvlhpo ya ishi cha, nowá, chim achi tuk oh cho? achit okla im asilhhvchi tok.

13. Yohmi ma okla laua yvt yvmma agha hatuk o, Chisvs vt lumvt a kvnia tuk atuk a, na hlakofi tuk ash ot kvna ak atuk a ik ithano ki tok.

14. I himmakma Chisvs vt yvmmak ash o tempel anuka-ka ya a pisa mvt, Yakeh! chi hlakofi hokvt, nan okpulo i shahli kvv ik chi onvtulo ka chi kvv, himmak mvno ik chi yoshubo kashke, im achi tok.

15. Mihma hatak ash at kohchvt ia mvt, hlakofichi tuk vt Chisvs ak atuk a, Chu okla ha ont im anoli tok.

16. Yohmi hatuk o Chv okla hash osh, Chisvs vt nitak hullo nitak o yvmma yvmihchi tuk o, yvmmak ash i nukkil-lit vbi bunnvt maya tok.

17. Yohmi kia Chisvs vt, Aki vt toksahanli na himak a kak o, vno vt toksvli li hoke.

18. Yohmi ka yvmmvt nitak hullo ya kobvffi kak o illa keyu, amba Chihowa yak osh Iki yo mihvt, Chihowa ya ila-pinli kvv itilau hō isht il ilapissa aiena hatuk o, Chu okla hvv yvmmak ash vbi bvnna kvv i shahliehi tok.

19. Mihma Chisvs ash osh afalaminchi mvt, Ahlishke, ahli mak o hvchim achi lishke; Ushi yvt ilape inli hokvto nana kaniohma he keyu, amba nana hō Iki vt yvmihchi hō,

pisa tuk mak oh chatuk oke; nana hō yvmmak osh a yohmik mak o, Ushi yak kia yvmmak o ai yohmi akinli hoke.

20. Iki vt Ushi a i hullo hatuk osh, ilapvt nana hō a kaniohmi kv̄t mominchit yvmma im otv̄ninchī chatuk; yohmi kv̄t hv̄chi nukhlakancha chī ka, nana kv̄t ilv̄ppa i shahli fehna ka im otv̄ninchā hi oke.

21. Iki vt illi a tanichit okchalinchi chatuk a, Ushi vt yvmmak inli hō chohmit kv̄na hō ilap ahni hosh okchalinchi hoke.

22, 23. Iki vt hatak kv̄na kia nana ka im apesa keyu hoka; amba hatak vt momvt Ushi a holitobli kv̄t, Iki a holitobli kak inli hosh ai itilauecha chī ka, nan-vlhpisa he puta ka mominchit Ushi ak o im issa hoke. Kv̄na hosh Ushi yash ik holitoblokv̄t, yvmma auet kanchi tuk Iki ash ik holitoblo hoke.

24. Ahlishke, ahli mak o hv̄chim achi lishke; Kv̄na hosh vm anumpa hā haklo cha, auet sa kanchi tok a pit i yimmi hokv̄to, ai-okchayvt bilia yā ahayuchi; mikv̄t isht ai ilv̄sha he anumpa hv̄t ik onvtulo ka hi oke: amba ai-illi hā a kohchvt ai-okchaya yō ona hoke.

25. Ahlishke, ahli mak o hv̄chim achi lishke; Illi yvt Chihowa Ushi im anumpa hā hakla he hv̄shi kanv̄lli ai vlhpisa kv̄t mihintit, himonasi ak kia vl̄shke; yohmi ka haklo hokv̄to, yvmmvt okchaya he mak oke.

26. Iki vt ilapvt kaniohmit ai-okchaya yā ilap inli il ai ishi hokv̄t, yvmmak inli hō chohmit Ushi vt ilap inli il ai isha chī ka, im apesa hoke:

27. Micha yvmmak okv̄t Hatak Ushi atuk oka, nan apesvt ahanta he isht ai vlhpesa ka im apesa hatuk oke.

28. Hv̄shi kanv̄lli ai vlhpisa kv̄t mihinti yvmmak okv̄no a-hollopi yā vlbehvt mayā kv̄t, momvt yvmma im anumpa hā haklo cha, kocha wiha he;

29. Kv̄na hosh ai vlhpiesa hō yvmohmi tok okv̄to okchaya chī mak osh tana he; anonti kv̄na hosh aivlhpesa keyu hō yvmohmi tok okv̄to, nan isht ai i palv̄mma chī mak osh tana hi oka, ilv̄ppa hv̄ch ik anukhlakancho kashke.

30. Ūno akinli hokv̄to nana hō kaniohmi la he keyu; na-

na ka haklo lik mak osh apesa li; yohmi kv̄t vno v̄m anuk-
fila h̄o hoyo li keyu, amba Aki auet sa kanchi tok im anuk-
fila ak oka, nan apesa li kv̄t ai v̄lhpiesa hoke.

31. Uno akinli hosh nan il atokolit anoli li hokmv̄no, nan
il atokolit anoli li kv̄t ik āhlo hoke.

32. Na si atokowa anoli kv̄t inla hosh āsha kv̄t, yv̄mmv̄t
nan atokowa isht si anoli ka nan v̄lhtokowa aighli mak oka
ithana lishke.

33. Chan ā nan ī ponakla ch̄i ka, pit hv̄sh tihleli ma,
yv̄mmak ash ot aighli ka atokolit anoli tok.

34. Yohmi kia hatak osh nan atokowa anoli h̄o, hoyo li
keyu hoke; yohmi kia hv̄chishno yak osh a hv̄chi okchaya
ch̄i kak o, ilv̄ppa puta ka achi li hoke.

35. Yv̄mmak okv̄t p̄vla lua yosh shohmalalit tohwikeli ya
tok: yohmi ma hv̄shi kanv̄lli v̄lhpisa achv̄fa kv̄no in tohwi-
kinli ka nan isht il aiyukpa ka hv̄sh abni tok.

36. Yohmi kia nan atokowa si anoli kv̄t Chan ā ī shahli-
chi kv̄t āsha hoke; na toksv̄li atahli la hi o Aki vt v̄m
apesa tok o, na toksv̄li h̄o isht ahanta li ka yv̄mmak osh,
Aki vt auet sa kanchi tok o mv̄hli ka, atokowa si anohonli
hoke.

37. Mihma Aki vt auet sa kanchi tok vt, ilapv̄t ai atokowa
ka si anohonli tok. Nitak kaniohmi kash o yv̄mma im anum-
pa h̄a hv̄sh im antia tok keyu mv̄t, anonti kaniohmit otaiyani
ka hv̄sh pisa tok keyushke.

38. Mihma im anumpa hv̄t hv̄chi anukf̄oka keyu hoke:
auet sa kanchi tok ash yv̄mma hv̄sh ī yimmi keyu hoke.

39. Holisso Holitopa yā achukmalit asilhhit ho pihisá:
yv̄mmak o ai okchaya yv̄t a hv̄chin takali ka hv̄chim ahoba
hatuk okv̄t, micha yv̄mmak osh ai-atokowa ka si anohonli
mak oke.

40. Yohmi ka v̄m v̄lv̄t ai-okchaya yā hv̄sh pisa hi vt hv̄ch
ik ahno kv̄mohmishke.

41. Hatak o ai im a holitopa hi ano ahni li keyushke.

42. Yohmi kia Chihowa holitobli kv̄t hv̄chi anukf̄oka keyu
ka, hv̄ch ithana lishke.

43. Uno vt Aki ī hohchifo h̄o aya li ma, hv̄ch ik si ahnin-

choshke; inla yosh ilap i hohchifo akinli ho aya hokmuno, yummak o hvsh ahnicha hinlvshke.

44. Ilap bika ai it im aholitopa yak o hvsh aiahni cha, Chihowa ak illa ai im a holitopa hi ano hvsh ahni keyu kv, katiohmi kak osh hvchi yimma hinla cho?

45. Anumpa hvchi onochit Aki a im anoli la hinla ka, ik hvchim ahobo kashke; amba hvsh anukchieto tuk Moses ak osh anumpa hvchi onochi hoke.

46. Moses a hvsh i yimmi tok okmvt, vno a hvš sa yimma he tuk oke; yummvt vno ak o isht a sa holissochi tok oka.

47. Amba yummvt holissohonchi tok a ik hvchi yimmo hokmvt, katiohmit vm anumpa hak o hvchi yimma hinla cho? im achi tok.

CHAPTA VI.

Chisvs vt pvska lumbo tahlapi, micha nuni tuklo aiena tuk a hatak tahlepa sipokni tahlapi ka impvchi, 1. 14 Nan-ithvna vhleha ash ot okhvta ilhkoli tuk osh, mahli okpulo itafama; yohmi tuk kia okhvta paknaka ya a nowvt maya hosh Chisvs vt ona. 27 Hatak vt imi shilombish ak o ilhpak im atahli bvnvt maya hi a i miha mvt, 32 ilap ak osh ai okchaya pvska mak atuk vt miha. 65 Laua hosh ik im vlhpeso mvt, issvt i filvmmi; 66 Pita yvt auah tuklo nan im anukfila ka anoli hosh, Chisvs vt Chihowa ak o Ushi pulla ka yimmi ka anoli.

1. NANA kv ai yakohmi ha ya, Chisvs ash ot Kalili okhvta, yummvt Tibelias okhvta ho pit tanvbli tok.

2. Mihma abeka puta hatuk a nana ka ai i yvmihchit anta na pisa tuk ak osh okla laua fehnvt pit iakaiya tok.

3. Yohmi ma Chisvs vt nvni chaha yo pit oiya cha, yummak o nan im ai ithvna vhleha hash pehlinchit binili tok.

4. Mihma vbanvblit ont-ia Chu okla im impa holitopa yvt ai ong hosi tok.

5. Yohmi ma Chisvs ash ot vba chakalit, okla laua fehna

hosh im ai vla na pisa mvt, Filip ash o, Katima ko pvska ya il a chumpa na okla ilvppvt impa chi cho? im achi tok.

6. Ilapvt nana a kaniohma hinla hokvto ithana hatuk osh, yvmmak o imomaka pisa hosh ilvppa achi tok.

7. Mihma Filip ash ot afalaminchi mvt, Pvska yvt iskvli tahlepa tuklo vlhtoba mak osh, momvt iskvtnosi ayuka ho isha hinla kia, vlhpesa he keyushke, achi tok.

8. Nan im ai ithvna achvvt, Antilu, Saimon Pita itibapishi hash osh,

9. Ulla himita yvt bali palvska tahlapi, micha nuni chipunta tuklo aiena ho ishi kvv ilvppa ashvshke; yohmi mak osh laua fehna hoka, na katihma heto, im achi tok.

10. Mihma Chisvs ash ot, Okla ha ho binolichi, achi tok. Yvma hvshuk vt gsha fehna tok. Yohmi hatuk o hatak holhtina kvv tahlepa sipokni tahlapi foka hosh aka binohli tok.

11. Mihma Chisvs vt pvska yash ishi cha, vba pit aiokpvchi mvt, nan im ai ithvna vhleha ha ima ma, nan im ai ithvna vhleha hash ot aka binohli tuk ash ima tok: mihmvt nuni mvt kaniohmi ho okla bvna hinla tuk a yvmmak atuk ash inli ho okla chohmichi tok.

12. Mihma okla hash ot kaiyvt taha ma, nan im ai ithvna vhleha hash o, Boshulli vt atampvt gsha ka oh itahobi, nansi kia ik kvnio kashke, im achi tok.

13. Yohmi na yvmmak ash ot bali palvska tahlapi ka okla ai vpa ma im atampa tuk boshulli gsha ka, aiowvt itahobi mvt, kishi auah tuklo ka okla alotoli tok.

14. Yohmi ma Chisvs vt na-fehna ho yvmihchi na okla pisa mvt, Ilvppak osh hopaii yakni ilvppa vla he tuk mak o pulla mvhlishke, achi tok.

15. Yohmi hatuk osh okla mintit iti halvllit ishit, miko ikba hinla ka, Chisvs vt akostininchi mvt, filvmmitt ilap bieka hosh nvni chaha yo anonti ia tok.

16. Atuk o opivt taha ma, nan im ai ithvna vhleha hash ot pit okvtahvt okhvta ho ona tok.

17. Micha peni ont vlhbeha mvt, Kapenavm imma ia hosh

okhvta h₂ g₂sh t₂ya tok. Atuk o₂ ont okhlilit taiyaha ka, Chisvs ash ot ik im gyo kisha tok.

18. Mihma mahli chito yosh mahli hatuk o₂, okhvta hash ot poakahanchi tok.

19. Yohmi hatuk o₂ peni ash okla mof₂ kv₂t, kowi tuchi-nakmá, keyukmvt ushtakmá, nana foka h₂o ona mvt, Chisvs vt okhvta paknaka a noh₂wa hosh peni ash i₂ bilika ona na okla pisa tok; yohmi mvt okla nukshopa tok.

20. Yohmi kia yvmmak ash ot, Hvchi nukshopa ná, vno sia hash oke.

21. Mihma okla na yukpa fehvt yvmmak ash o₂ peni ash ik chukowá, okla im ahni tok; atuk o₂ peni ash ot chekosi fehna okla ai ona he tuk ash yakni g₂ ont ataiya tok.

22. Ont onna ma okla okhvta mish tvnnvp hiohmaya kv₂t, peni inla mvt yvmma iksho h₂o, achvfa yvmmak illa tuk o₂ nan im ai ithvna vhleha hv₂t vlbeha tuk; yohmi ka Chisvs vt nan im ai ithvna vhleha h₂ takla peni ont ik chukowo h₂o, amba nan im ai ithvna vhleha ak bano hosh ilhkoli tuk g₂, pisa mvt;

23. Yohmi kia Chitokaka yvt pvska vba pit ai isht aiok-pvchi na okla ai impa tuk g₂ pit bilika Tibelias g₂ a minti kv₂t peni inla kanohmi hosh vla tok.

24. Yohmi hatuk g₂ Chisvs, micha nan im ai ithvna vhleha aiena kash ot yvmmak ash iksho h₂o okla akostininchi mvt, yvmmak kia peni inla kanohmi kash vlbeha cha, Chisvs g₂ hoyot, itvnowvt Kapenavm g₂ okla ai vla tok.

25. Mihmvt okhvta h₂ mish in tvnnvp o₂ anta na okla ont pisa mvt, Pi shahli ma! katiohmi kash o₂ ilvppa ish la tuk oh cho? im achi tok.

26. Chisvs vt afalaminchi mvt, Ahlishke, ghli mak o₂ hvchim achi lishke; Nana a fehna puta ka yvmihchi li h₂o hvs sa pisa tuk ak osh hvs sa hoyo kak keyu, amba pvska ya hvsh pvt, hvchi kaiya tuk ak oke.

27. Ilhpak vt okpula hi okvno ahnit hvch ik toksalo kashke; amba ilhpak vt ik taho hosh ai-okchayvt bilia ya ona hinla, yvmma Hatak Ushi vt hvch ima he yvmmak ash

ke: yummak o Iki Chihowa yvt ai atokolit ai im aighlichi hatuk oke, im achi tok.

28. Yohmi ma okla afalaminchi mvt, Nanta ak o e kati-ohmi hosh Chihowa i na toksvli ha e toksvla hinla cho? im achi tok.

29. Chisvs vt afalaminchi mvt, Auet sa kanchi tok yummak o hvch i yimmi ilvppak osh Chihowa i na toksvli mak oke, im achi tok.

30. Yohmi hatuk o okla hash ot, E pisa cha, e chi yimma chi kvno, na-fehna nanta ho ish yvmihchi ho? nanta hak o isht ish ahanta cho?

31. Pin tikba vhleha hvv chukushmi foka ya manna yo ai ahampa tok; okla vpa chi ka pvska vba minti ho ipeta tok, achi kvv holisso tok oke, im achi tok.

32. Yohmi ma Chisvs ash ot, Ahlishke, ahli mak o hvchim achi lishke, Pvska vba minti yumma Moses ak osh hvch ipeta ha tok keyu; yohmi kia Aki ak osh pvska aighli vba minti ka hvch ipeta hoke.

33. Uba mintit vla cha, yakni a ai-okchaya ihima kak osh, yummvt Chihowa i pvska mak oke, im achi tok.

34. Yohmi ma, Chitokaka ma! Pvska ilvppak o ish pipihinta na biliashke, im achi tok.

35. Mihma Chisvs ash ot, Uno ak osh ai-okchaya pvska ya sia mak oke: kvna hosh vno ak o vm vla hokvt nitak nana hohchvfa he keyu; micha kvna hosh vno a a yimmi hokvt nitak nana itukshila he keyu hoke.

36. Yohmi kia hvchishno vto hvs sa pisa kvv ik hvchi yimmo ka, hvchim anoli li tuk oke.

37. Aki vt vma hokvno memvt vm vla hi oke; mikma kvna hosh vm vla hokvno, ik kanihmi kia falaminchit kocha pit tobli la he keyu hoke.

38. Uba ya mintit vla li kvv, vno akinli nana vm anukfila hosh a yvmohmi la he tok keyu hokvt, amba auet sa kanchi tok nan im anukfila ha he tok.

39. Yohmi kvv auet sa kanchi tok Aki vt vma tok moyuma ka achvfa kia ik sa kvnio hosh, amba nitak ont ishtaiyopikma falaminchit tanichi la he ilvppak o im anukfila hoke.

40. Micha Ushi a pisa cha, yummak ash i yimmi hokvto, momvt ai-okchayvt bilia ya pisa he, ilvppak o auet sa kanchi tok vt aiahni hoke; yohmi ka nitak ont ishtaiyopikma yummak ash o falaminchit tanichi la hi oke.

41. Yummvt, Uno ak osh pvska vba minti tok mak o sia hoke, achi hatuk o, Chu okla hash ot yummak ash o lumasit na-mihachit maya tok.

42. Mihmvt, Ilvppvt Chisvs, Chosef a Ushi yoh chokvsh keyu? mikma iki, micha ishki aiena ka iloh ithana keya ho? yohmi hokak osh katiohmi ho vba mintit vla li tok, achi cho? achi tok.

43. Yohmi hatuk o Chisvs vt afalaminchi mvt, Lumasit nan itiba mihvt hvch ik mayo kashke.

44. Hatak nana kia vm vla he keyv, amba auet sa kanchi tok Aki ak osh halvli hok mak a hi oke: mikma nitak ont ishtaiyopikma falaminchit tanichi la hi oke.

45. Mihmvt momvt Chihowa yak o nan im ai ithvna he, achi kvv hopaii puta i holisso ha a holisso tok. Yohmi hatuk o hatak vt Aki a im a haponaklot, nana ka im ai ithvna aiyuka hokvto, vm ahanla hoke.

46. Hatak nana hosh Aki ak o pisa chatuk o keyu; Chihowa yak o a minti tok ak bano yummvto Aki a pisa chatuk oke.

47. Ahlishke, ahli mak o hvch im achi lishke, Kvna kia a yimmi hokvto ai-okchayvt bilia ya pisa hoke.

48. Uno ak osh ai-okchaya pvska sia mak oke.

49. Hvchin tikba vhleha hvv chukushmi foka ya manna ai ahampa tok vt illi tok.

50. Pvska ilvppak o hatak vt ai vpa cha, ik illo ka hi o, vba ya mintit vla tok mak oke.

51. Uno ak osh pvska okchaya vba minti tok a sia mak oke; hatak nana hosh pvska ilvppa vpa hokmvt, okchaya na bilia he; yohmikma pvska ipeta la he, yummvt vno sa nipi yakni vt ai okchaya hi o, isht atobbi la chi kak oke, im achi tok.

52. Yohmi hatuk o Chu okla hash ot, Hatak ilvppvt

katiohmi kak osh ilap nipi ya pipeta na e pa hinla ho? achit itachowvt maya tok.

53. Mihma Chisvs vt, Ahlishke, ahli mak o hvchim achi lishke; Hatak Ushi nipi ya vpvvt, im issish ma hvsh ishko keyu hokmvt, ai okchaya hi vt hvchi anukfoka keyu hoke.

54. Kvna hosh sa nipi a vpa cha, svssish ma ishko hokvto, ai-okchayvt bilia ya pisa hoke; atukma nitak ont ishtaiyopikma falaminchit tanichi la hi oke.

55. Sa nipi vt ilhpak o fehnakma, svssish a ishka hi o fehna hoke.

56. Kvna hosh sa nipi a vpa cha, svssish ma ishko hokvt, vno a a subai achafakma, anonti vno mvt ilapa ai ibachafa li hoke.

57. Aki okchaya yvt vno a auet sa kanchi tok o, Aki ak o vno vt ai okchaya li hatuk a, kvna hosh vno a supa hokvt, yvmmak inli ho chohmit vno ak o si ai okchaya hi oke.

58. Ilvppak osh pvska vba minti tok mak oke; hvchin tikba vhleha hvvt manna ya vpa tuk osh anonti illi tok a a chohmi ho keyu; kvna hosh pvska ilvppa vpa hokvto okchayvt bilia he mak oke, im ahanchi tok.

59. Kapenavm a nan ai ithvnanchit ahanta mak osh sinakak anukaka ya ilvppa puta ka ai ahanchi tok.

60. Yohmi hatuk o nan im ai ithvna vhleha hvvt ilvppa haklot in taha mvt, lawa kvvt, Ilvppvt anumpa kullo fehnvshke, kvta hosh haponakla hinla cho? achi tok.

61. Nan im ai ithvna vhleha hvvt yvmma lumasit nan isht a miha ka, Chisvs vt ilapo inlit akostininchi mvt, Ilvppvt hvchi ibetvblichy hoh cho?

62. Yohmi kvto Hatak Ushi vt tikba ma ai vta tok vba ya ia na hvsh pisa hok mvt o?

63. Okchalinchi vt shilombish ak oke; yohmikma nipi vto nana ho isht ai vlvpesa keyu hoke; anumpa hvchim anumpuli li yvmmak osh shilombish okmvt, anonti isht ai-okchaya yoke.

64. Yohmi ka hvsh katiohmi mvt ik yimmo kvvt hvsh ashvshke, im achi tok. Ummonvt isht auehinchi kak inli ho kvna hak osh ik yimmo ka he, mikma kvna hak osh

ilapa ishit inla ibbak fohka he aiena ka Chisvs vt ithana tuk a tok.

65. Mihmvt, Yohmi hatuk o Aki ak osh anukfohkichi ho keyukma, hatak nana hosh vm vla he keyu hoke, hvchim achi li kvno, achi tok.

66. Yvmmak fehna kak o nan im ai ithvna vhleha hv lauvt filamovt taħa mvt, i himmak ma apehvt ik itvnowo ki tok.

67. Yohmi ma Chisvs ash ot auah-tuklo kash o, Hvchishno ak kia filvmmi gya hi g hvchim anukfla cho? im achi tok.

68. Mihma Saimon Pita yvt afalaminchi mvt, Kvta hak o il im ia hinla cho? chishno ak osh ai okchayvt bilia isht anumpa hā ish ieshishke.

69. Micha chishno ak osh Chihowa okchaya Ushi, Klaist mak o chia pulla ka il ithanvt, pi yimmi fehna hoke, im achi tok.

70. Chisvs ash ot, Auah-tuklo ho hvchi atokoli li tok o, hvsh achvfona kv nan-isht-ahullo okpulo yo chia keyu? im achi tok.

71. Yvmmak osh auah-tuklo ka ai iba chvfa yatuk osh, yvmmak ash ishit inla ibbak fohka chi ha tok oka Saimon, ushi Chutas Iskaliot ak o isht anumpuli ha tok oke.

CHAPTA VII.

Chisvs vt luma chohmi hosh ayvt Chelusalem g ona ma, Chu vhleha hv yvmmak ash pisa bvnvt aiasha mvt, nan isht anukfilli kv im ilaiyukvt aiasha, l. 14 Chisvs vt tempel g ont chukowa cha, nan ithvnanchit ahanta. 37 Hatak vt itukshila hokvto, ilap ak o im ai onvt nan ishka hi g, ahnit Chisvs vt hoyo.

1. NANA kv ai yakohmi ha ya, Chisvs vt Kalili yakni ak o ahanta tok: Chu okla hash osh yvmmak ash vbi ka bvnvt maya hatuk o, Chu i yakni yokvno ahanta he ik ahno ha tok.

2. Mihma Chu okla chishako vlhtipo nuta ai impa holi-topa yoh chatuk nitak vt a tikeli tok

3. Yohmi hatuk o i kanomi vhleha hvt yvmmak ash o, Ilvppa issvt ivt, Chutea yakni yak o ish ona na nan chim ai ithvna vhleha hak kia na-fehna puta ish ai yvmihchi ka pisashke.

4. Ilapo vt otvni achukmvt annoa hi a ahni hokvt, hatak vt ai alumaka ho nana ka yvmihchi chatuk vt iksho hoke. Ilvppak oka a chi yvmohmi mvhli chatuk okmvt, yakni a ish il ai im otvninchashke, okla im achi tok.

5. I kanomi vhleha hak kia ik i yimmo hatuk osh.

6. Mihma Chisvs ash ot, Uno vt ia la he ai vlhpiesa kvto ik ai ono kisha hoke; amba hvchishno vto hvsh ia hi vt hvchim vlhpiesa bieka hoke.

7. Yakni vt hvchishno yokvno hvchi nukkilli he keyu: amba vno vto yvmma nana a kaniohmi kvt ai vlhpiesa keyu ka atokolit anoli li hatuk o, vno yokvno a nukkilli hoke.

8. Ai-impa holitopa asha ilvppa hvsh iashke; vno yokvto ai vlhpesa kvt ai ona fehna keyu kisha hoka, ai-impa holitopa asha ilvppa himonasi kvno ia la chi keyu hoke, im achi tok.

9. Anumpa ilvppa puta ka im ahanchit in taha mvt, Kalili yakni akinli ho anta tok.

10. Yohmi tuk kia i kanomi vhleha hash ot ivt taha tuk o, ilap ash kia ile haiakvchi fehna keyu, amba luma chohmit ayvt, ai-impa holitopa asha kash ona tok.

11. Yohmi ma Chu okla hvt yvmmak ash ai-impa holi-topa asha ka hoyot, Mih mvto katima yak o hikia cho? achi tok.

12. Mihmvt kanimi kvt, Yvmmvt hatak achukma hoke, achi ma, inlaka yokvto, Keyu, amba okla ha haksichi yoke, achi hatuk o yvmmak ash lumasit isht anumpulit, ilap bika itachowa fehnvt maya tok.

13. Yohmi kia Chu okla ha i nukshopa hatuk osh, hatak nana kia haiakvchit yvmma isht anumpuli kvt iksho ki tok.

14. Atuk o ai-impa holitopa asha ka iklvnvt taha foka

ma, Chisvs ash ot tempel g pit chukowa cha, nana ithv-nanchi tok.

15. Mihma Chu okla hvv nukhlakancha cha, Hatak ilvppvt katiohmi kak osh ithvna tok keyu kvto, holisso hq imponna hoh chishba? achi tok.

16. Chisvs vt afalaminchi mvt, Nan isht ai ithvnanchi li kvv vno vmmi hq keyu, amba auet sa kanchi tok ak o immi hoke.

17. Hatak nana hosh, yvmmvt nana ai ahni tok mak o ahninchit yvmihchi hokmvt, nan-isht-ithvnanchi ka Chiho wa ak o a minti hokmá, keyukmvt peh vno ahni li hosh anumpuli li hokmá, nana hatuk ma akostinincha hi oke.

18. Kvna kia peh ilap ahni hosh anumpuli hokvto ilap isht a holitopa he ak o aiahni chatuk; amba auet kanchi tok vt nan-isht a-holitopa he ak o aiahni hokvto, yvmmak osh aighli, mikma nana ik ai vllhpeso nana kia ai a takali keyu hoke.

19. Moses vt vba-nan-vllhpisa yq hvch ima tok keyu hq? a tok ak o hvchi achvfoha kia vba-nan-vllhpisa mvno hvch ik holidobloshke. Nanta katiohmi hq svbi bunnvt hvsh itvno-wa cho?

20. Okla hash ot afalaminchi mvt, Nan-isht-ahullo okpulo yq il ai eshi chia hoka, kvta hosh chibi bunnvt itvnowa hoh cho? okla achi tok.

21. Chisvs vt afalaminchi mvt, Nana achvfa hq ai yvmihchi li, yvmohmi ma momvt okokko! hvsh ahnishke.

22. Yohmi ka Moses vt hakshup tvpa ka hvchim apesa tok. Moses ak osh yvmma tikbanlichi tok keyu, amba in tikba vllaha ak a tok: a tok kia hvchishno vto nitak hullo nitak o hatak hakshup hvsh in tahamblishke.

23. Moses i nan-vllhpisa yut ik kobafu ka chi ka, hatak vt nitak hullo nitak o hakshup in tvptohowa ma, vno vto nitak hullo nitak o hlakofichit kaiyanichi li kak o, hvs sq nukkilli cho?

24. Nana kvv a katiohmi ahoba kak o isht ik hvchim a-

nukfilo kashke; amba nana kv̄t isht v̄lhpisa kv̄t ai-v̄lhpiesa mak ǝ isht hv̄chim anukfilashke.

25. Mihma Chelusalem ǝ ǝsha tuk vt kanimi kv̄t, Okla v̄bi b̄v̄nvt m̄ya beka tuk ǝ ilv̄ppak osh mih mak ǝ keyu?

26. Yohmi kia nukw̄ya iksho hosh anumpohonli ma, nan ok ik im achoshke. Ilv̄ppak osh Klaist fehna mak ǝ m̄v̄hli kv̄no, hatak pehlichi v̄hleha hv̄t akostininchi hoh chishba?

27. Yohmi kia hatak ilv̄pp̄v̄to kanima yǝ a minti ka iloh im ithanv̄shke; amba Klaist ak osh v̄la hokma, kanima yǝ a minti ka hatak nana hosh akostinincha he keyu hoke.

28. Mihma Chisvs vt tempel anukaka yǝ nana ai ithv̄nan-chi hosh anta tuk ash osh chitolit, Ūno ǝ hv̄s sv̄thana m̄vt, anonti kanima yǝ a minti li tuk ma hv̄sh ithanv̄shke; yohmi ka v̄no akinli ahni li hosh ǝya li keyu, amba auet sa kanchi tok yv̄mmak osh aighli mak atuk ǝ yv̄mma chik ithanoshke.

29. Amba v̄no v̄to yv̄mmak ǝ a minti li tuk okvt, yv̄mma ithana li hoke; yv̄mmak osh auet sa kanchi tok mak oke, achi tok.

30. Mihma okla ishi b̄v̄nna tok; yohmi kia hv̄shi kanv̄lli isht ai im v̄lhpisa kv̄t ik ai ono k̄isha hatuk oka, hatak nana kia ibbak ǝ ik onochi ki tok.

31. Mihma okla l̄av̄vt yv̄mmak ash i yimmi m̄vt, Klaist ak osh v̄la hokm̄v̄to, na-fehna puta ka yv̄mihchi kv̄t, hatak ilv̄pp̄vt ai yv̄mihchi tuk puta ka i shahlicha hinla hǝ? okla achi tok.

32. Okla hv̄t lumasiť yakohmichit yv̄mma isht anumpulit m̄ya ka, Falisi v̄hleha hv̄t haklo tok; micha Falisi v̄hleha, mikm̄vt na-holitompa isht ǝsha pehlichi v̄hleha aiena kash ot yv̄mmak ash isha ch̄i ka, tishu v̄hleha h̄a pit tihleli t̄ok.

33. Mihma Chisvs ash ot, Chekosi itintakla kak ǝ hv̄chi takla anta li moma ch̄i; atuk m̄vt anonti auet sa kanchi tok ǝ im ia la ch̄i hoke.

34. Hv̄s sa hoyo kia, hv̄ch ik sa peso ka ch̄i; mikm̄vt kanima yǝ ai ahanta likma, yv̄mma hv̄sh ai ona he keyu hoke, im achi tok.

35. Mihma Chu okla hash osh ilapo b̄ika it im achit, Katima kǝ ia ch̄i hokak ǝ, keho pesa ka ch̄i hoh chishba?

ita-fimimpvt Chentail okla ibvlhkahvt a^{sha} hak o im ayvt, Chentail okla h^g nan ithvnancha chⁱ h^o ?

36. Ilvppak osh anumpa nanta mak o, Hvs sa hoyo kia, hvch ik sa peso ka chⁱ; mikmvt kanima y^o ai ahanta likma, v^{mma} hvsh ona he keyu hoke, achi tok.

37. Nitak ont ishtaiyopi na holitoblit ai-imp^a nitak chinto y^{mma} fehna Chisvs vt hikia cha, tahpahanla mvt, Hatak nana hosh itukshila hokmvt, vno ak o v^m ai vlv^t ik ishk^o.

38. K^{vna} hosh vno a a yimmikma, y^{mma} o, Holisso Holitopa yvt achi hatuk oka, oka okchaya okhina yvt ch^u-kvsh a a yanvllit a kokoncha chⁱ hoke, achi tok.

39. Yohmi kia ilapa i yimmi vhleha hv^t Shilombish a habena he y^{mma} o isht anumpuli hosh ilvppa miha tok: Chisvs vt ont ik a holitopo k^{isha} hatuk o, Shilombish Holitopa yvt ik ayo k^{isha} ha tok.

40. Yohmi hatuk o anumpa ilvppa haklo mvt, okla hash ot lauv^t, Ilvppak osh hopaii mih mak o fehna ho mvhlishke, achi tok.

41. Kanimi mvt, Ilvppak osh Klaist mak oke, achi ma, amba kanimi kvto, Klaist vt Kalili yakni a vttvt a kohchvt aya hinla h^o ?

42. Klaist vt Lewi Ushi ai isht atiaka h^o, micha Behlehem tomaha Lewi vt ai ahanta tok mak o ai v^{tta} ahpa hi a, Holisso Holitopa yvt achi hatuk keyu? achi tok.

43. Yohmi hatuk o y^{mma} atuk mak o okla hv^t isht ai ta kashapvt may^a tok.

44. Mihma kanimi kv^t y^{mma} ash ishi ka ahni tok; yohmi kia hatak nana hosh ibbak a ik onocho ki tok.

45. Yohmi ma tishu vhleha hash osh na holitompa isht a^{sha} pehlichⁱ vhleha, micha Falisi vhleha aiena kash im ai ona tok; mihma y^{mma} ash osh, Nanta katiohmi h^o y^{mma} ash isht hvch ik lo cho? im achi tok.

46. Mihma tishu vhleha hash ot, Hatak nana hosh anumpuli kv^t hatak ilvppa chohmi chatuk keyushke, achi tok.

47. Mihma Falisi vhleha hash ot afalaminchi mvt, Hvchishno ak kia hvsh i haksi hotuma?

48. Hatak hochitoka, keyukmvt Falisi vhleha aiena kv
kanimi mvt, yvmma i yimmi tuk o?

49. Yohmi ka nan-vlhpisa kia ithana keyu okla ilvppvt
nan isht i palvmma he vlhpesvshke, achi tok.

50. Nikotemvs, yvmmvt ninak o avvt Chisvs a im ona
tok ash ot, yvmma ai ibachvfa hatuk osh,

51. Nan vlhpisa pin tonla kv hatak a ai i haponaklot,
nana ho a kaniohmi hatuk ma ai akostininchi keyu kisha kv,
nan im apesa chatuk oh cho? im achi tok.

52. Mihma okla afalaminchi mvt, Chishno ak kia Kalili
hatak chia hatuk o? achukmalit hoyot pisá: hopaii vt
Kalili yakni a ai vttvt kohchvt aya hi vt iksho hoka, im
achi tok.

53. Yohmi ma hatak ash ot momvt in chuka aiyuka
ilhkolit taha tok.

side

CHAPTA VIII.

Falisi vhleha hv, ohoyo hosh havi tobtv ahanta na yvmmak osh nan
im apesa chi ho, isht im ona, 1. 12 Chisvs vt ilap ak osh yakni in
tohwikeli; yohmi ka yvmmvt im aiahli ka Iki vt atokolit anoli
chatuk aiena ka miha. 80 Chu okla hv Chisvs a i sanali; yohmi
hatuk o ilapvt Eblaham ak okvno isht atiaka ho mvhli akinli kia,
nan ai ashvchika yokvno i yuka vhleha; micha nan isht ahullo ok-
pulo a im vlla vhleha aiena hatuk a, Chisvs vt im otvninchi.

1. CHISVS vt Alif nvnih ha ia tok.

2. Atuk osh onna-hinli fehna falamvt tempel ash ant
chukowa ma, okla momvt im ai itvnaha tok: mihma aka
binilit nan ithvnanchi tok.

3. Mihma na-holissochi vhleha, micha Falisi vhleha aiena
kv, ohoyo hv lumakvt anta tuk o, isht im ona tok; micha
ai iklvna ka okla binilichi mvt,

4. Nan-ithvnanchi ma! ohoyo ilvppvt lumakvt anta, ai
yakohmi fehvt haiaka na ishi tuk oke.

5. Yohmi ka Moses vt ilvppa chohmi hokvt tvli isht boa
hi o, nan-vlhpisa ya isht a pim apesa tok; yohmi ka chishno
vto nantuk ish achi cho? im achi tok.

6. Ilap ak o anumpa onocha hi vt ahnit, imomaka pisa hosh ilvppa okla achi tok. Yohmi kia Chisvs ash ot ik i haponaklo ho chohmit, aka pit waiahpvt, ibbak-ushi a yakni a isht ai o holissochi tok.

7. Yohmi ka okla i ponaklo kash ot a moyuma ma, wakaya mvt, Kanima hosh ai ashvchika ik im iksho kvv hvchi takla hikia hokmvt, yvmmak osh na tikba tvli ya isht ik boli, im achi tok.

8. Mihmvt anonti aka pit waiahpvt yakni a ai o holissochi tok.

9. Mihma okla haklo tuk ash ot, ilap chukvsh akinli ka nan isht ai il akostininchi mvt, holitopa i shahli tuk ak osh tikba achvfa ayukvt kohchvt ihiya mvt, ik a lauwo ke tuk vt momvt ont taiyaha tok; mihma Chisvs ak bano hosh hikia ma, ohoyo hash osh ai iklvna ash hikia tok.

10. Chisvs ash ot wakaya mvt, inla yvt iksho ho, ohoyo ak bano ho pisa mvt, Ohoyo chia ma! anumpa chi onochi vhleha mvto? hatak nana kia anumpa ik chi onochi ke tuk oh cho? im achi tok.

11. Mihma, Hatak nana kia anumpa ik si onochoshke, Chitokaka ma! achi tok. Mihma Chisvs ash ot, Uno ak kia anumpa chi onochi li keyushke, ia cha, himmakma ik chi hakso kashke, im achi tok.

12. Mihmvt Chisvs ash ot anonti okla ha im anumpuli mvt, Uno ak osh yakni im a tohwikeli sia mak oke; kvna hosh vno a siakaiya hokvt, ai okhlilika yo aya he keyu; amba ai okchaya tohwikeli hvv in takala he mak oke, im achi tok.

13. Yohmi hatuk o Falisi vhleha hash ot, Nan ish ai atokoli kvv chishno akinli hosh ish il ai-anoli hokvt, nan ish ai atokoli ka ghli keyushke, im achi tok.

14. Chisvs ash ot afalaminchi mvt Atokoli kvv vno akinli hosh il ai anoli li akinli kia, nan ai atokoli li ka ghli hoke: vno ak okvto kanima yo a minti li tuk: mikmvt kanima yo atia la he aiena kvv ithanali hoka; amba hvchishno vto kanima yo a minti li tuk, micha kanima yo atia la he aiena ka hvsh akostinincha he keyushke.

15. Haknip nan isht a kaniohmi chatuk mak o nana hvsh apesvshke; vno vto hatak nana kia nana ak im apesoshke.

16. Yohmi kia nana ka apesa li hokma, nan apesa li ka aighli hoke; vno ak illa keyu hoka, amba vno vt auet sa kanchi tok Aki g itatuklo li hoke.

17. Hatak tuklo hosh nana atokolit anoli ho aighla hi g hvchi nan-vlhpisa yak kia a holihiso hoke.

18. Nan isht a si atokowa anoli kvv vno akinli kak osh mihi yo sia hokma, anonti auet sa kanchi tok Aki ak osh nana atokowa ka si anoli hoke.

19. Yohmi ma Katima ko Chiki vto asha hosh? okla im achi tok. Chisvs vt afalaminchi mvt, Uno, mikmvt Aki ita tuklo li ka hvch ik pithanoshke; vno g hvs svthana hatuk okmvt, Aki ma hvsh ithana he tuk akinli hoke, im achi tok.

20. Anumpa ilvppa Chisvs vt tempel anykaka ya nana ai ithvnanchi hosh ahantvt, vli holisso abohli yo hikia hosh anumpuli tok: hvshi kanvli isht ai im vlhpisa kvv ik ai ono kisha hatuk o, hatak nana kia ibbak g ik onochoki tok.

21. Anonti Chisvs ash ot, Kanima ia likma, hvs sa hoyo kia, nan ai-ashvchika puta kak o isht hvchi ai illa hi oke: kanima yo ai ona li ka, hvchishno vto hvsh ona he keyu, im achi tok.

22. Yohmi ma Chu okla hash ot, Kanima yo ai ona li ka, hvchishno vto hvsh ona he keyu, achi kvv ilap inli kak osh ile ba chi hoh cho? achi tok.

23. Mihma, Hvchishno vto aka yo a minti hvchia hokma, vno vto vba yo a minti li hoke; hvchishno vto yakni ilvppak o ai ibachvfa hvchia hokma, vno vto yakni ilvppa ai ibachvfa sia keyu hoke.

24. Yohmi ka na hvchim ai-ashvchika puta kak o isht hvchi ai illa hi oke, hvchim achi li hokvno; vno ak osh mih mak o sia ka ik hvchi yimmo hokmvt, na hvchim ai-ashvchika puta kak o isht hvchi ai illa hi oka, im achi tok.

25. Mihma, Chishno ak osh kvvta hak o chia ho? okla im

achi tok. Mihma Chisvs ash ot, Ummona ka nana ho hvchim anoli li kash mih mak o sia hoke.

26. Nana ka hvchi mihvt, nan isht apesa la hi vt lauvt vm ashvshke. Yohmi kia auet sa kanchi tok yvmmak osh aighli mak oke; mihma vno vt yvmmak o nana ka ai im a haklo li tuk mak osh yakni a isht im anumpuli li hoke.

27. Iki ak o isht im anumpuli hatuk a, okla ik akostinincho ki tok.

28. Mihma Chisvs ash ot, Hatak Ushi a vba hvsh takalichi hok mak osh, vno vt mih mak sia hatuk; micha vno akinli vm anukfila hosh nanasi ka ai yvmohmi li keyu; amba Aki ak osh nan svthvnanchi tuk mak o ilvppa puta ka anumpuli li hatuk a hvsh akostinincha hi oke.

29. Michi auet sa kanchi tok vt sa takla aya hoke; Aki vt ilap ilvchit sa kanchi tok keyu; nana kvv yvma yukpali pulla kak o yvmohmi kvv a sa bilia chatuk oke, im achi tok.

30. Anumpa ilvppa puta ka anumpohonli ma, i yimmi kvv laua tok.

31. Yohmi ma Chisvs ash ot i yimmi tuk vhleha Chu okla hash o, Um anumpa ha hvsh halvli kvv hvch ik issokmvt, nan vm ai ithvna ghli fehna hvchia mak a chi hoke.

32. Mikmvt nan-aighli ka hvsh ithana he; mikma nan-aighlika yash ot yuka keyu hvch ikba hi oke, im achi tok.

33. Okla afalaminchi mvt, Eblaham ak o isht atiaka pia, yohmi kvv nitak nan ash o hatak nana kia ai i yuka hosh il anta tok keyu ka, katiohmi ho, Yuka keyu hvchi toba hi oke, ish achi cho? im achi tok.

34. Chisvs ash ot afalaminchi mvt, Ahlishke, ghli mak o hvchim achi lishke, Kvna hosh nan ai ashvchika ya ai yohmi hokmvt, nan-ai-ashvchika ya i yuka mak oke.

35. Yohmi ka yuka hokvto chuka ya ai ahantvt bilia chatuk keyu; amba Ushi yokvto ahanta na bilia chatuk oke.

36. Yohmi hoka Ushi yak osh yuka keyu ka hvch ikbi hokma, yuka keyu ghli mak o hvchia ha hi oke.

37. Eblaham ak o isht atiaka hvchia hokvno hvchim

ithana li; yohmi kia vm anumpa hak osh hvchi chukvsh a ai anukfoyuka keyu kak o, s̄vbi hvchi b̄vnnvshke.

38. Aki a ai iba p̄isa li tok mak osh vno vt nana ka isht anumpuli li hoke; mihma hvchishno vt hvch iki a hvsh ai iba-p̄isa tok mak osh a hvchi yvmohmishke, im achi tok.

39. Mihma okla afalaminchi mvt, Eblaham ak osh piki oke; im achi tok. Chisvs ash ot, Eblaham ak o ushi hvchia hatuk okmvt, Eblaham vt nana a kaniohmi tok mak o, hvsh yvmohma he tuk oke.

40. Amba Chihowa ya nana ai im a haponaklo li tuk vt nan ai ahl̄ika mak o hatak hvchim anoli li ka, s̄vbi hvchi b̄vnnvshke; Eblaham vt ilvppa yakohmi tok keyu hoke.

41. Hvch iki vt nana a kaniohmi tok mak o hvsh yvmohmishke, im achi tok. Mihma, Iki, ishki ita tuklo kv̄t ai vl̄hesa keyu h̄o a toba hosh il vtta tok keyu: Piki vt achvfa, Chihowa ak oke, im achi tok.

42. Chisvs ash osh, Chihowa ak osh hvch Iki atuk okma, hvs sa hulla he tuk oke; vno vt Chihowa yak o a kohchvt gya li hosh vla li ha tok oka; yohmi kv̄t vno vm anukfila akinli hosh vla li tok keyu; amba yvmmak osh auet sa kanchi tok oke.

43. Nanta katiohmi h̄o vm anumpa h̄a hvch ik sv̄m akostincho cho? vm anumpa h̄a haponaklo ik hvchi b̄vnnno kak okvt,

44. Setan hvch iki ak o hvsh a toba hatuk osh, hvch iki nana ai-ahni kak o ai yohma hi a hvchim anukfilvshke; yvmmak okvt vmmona kash inli h̄o hatak vbi a tok; micha ilap ak osh nan aighli kv̄t anukfoka keyu hatuk osh, nan ai ahl̄ika ya a hikia keyu hoke. Holabit anumpuli kv̄t ai immi ka mak okvt anumpuli hoke; ilap ak osh holabi yokvt, anonti na-holabi iki mak oke.

45. Yohmi hatuk o ai ahl̄ika yo hvchim anoli li hatuk o, hvch ik sa yimmoshke.

46. Hvsh katima kak osh nan ai-ashvchi li tak a hvs sv̄m atokola hinla cho? Ahli mak o miha li hok mak heno, nanta katiohmi h̄o hvch ik sa yimmo cho?

47. K̄vna kia Chihowa ya immi hokmvt, Chihowa im

anumpa ha haklo hoke ; yohmi hoka hvchishno vto Chihowa immi hvchia keyu hokvt hvch ik hakloshke, im achi tok.

48. Mihma Chu okla vhleha hash ot afalaminchi mvt, Chishno vt Samalitan hatak chia hosh, nan-isht-ahullo okpulo a ish il ai eshi hatuk a, e chi achi kvv vlhpesa ho e miha keyu cho ? im achi tok.

49. Chisvs vt afalaminchi mvt, Nan-isht-ahullo okpulo il ai ishi li keyushke : amba Aki a holitobli li hatuk o, hvchishno vto vno a hvch ik sa holitobloshke.

50. Micha vno akinli isht a sa holitopa hi o ahni li keyu ; yvmma aiahni cha, nan apihisa kvto achvfa hosh a sha hoke.

51. Ahlishke, ahli mak o hvchim achi lishke ; Hatak vt nana mihaha li ka vm antia hokmvt, nitak nana ai-illika ya pisa he keyu hoke, im achi tok.

52. Mihma Chu okla hash ot, Nan-isht-ahullo okpulo a ish il ai eshi hatuk a, himak vno il akostininchishke ; Eblaham, mikmvt hopaii vhleha aiena kvv illi tok : yohmi ka hatak vt nana mihaha li ka vm antia hokmvt, nitak nana ai-illika ya pisa he keyu, ish achishke.

53. Piki Eblaham illi tok a ish i shaiyahli cho ? mihma hopaii vhleha aiena kvv illit taha tok. Chishno ok ash kvta hak o ish il ai apesa hoh cho ? im achi tok.

54. Chisvs vt afalaminchi mvt, Vno akinli hosh ile holitobli li hokma, na sa holitopa he mak keyu hoke. Hvchin Chihowa hvsh miha tuk Aki yvmmak osh sa holitobli hoke.

55. Yohmi kia hvchishno vto yvmma hvch ik ithanoshke ; amba vno vto yvmma ithana lishke ; yohmi kvv yvmma ak ithano hoke ; achi li hokmvt, holabi hvchishno akinli ho chohmi la chi hoke ; yohmi kia yvmmak oka ithana li mvt, nana ahanchi ka holitobli lishke.

56. Hvch iki Eblaham vt ai ahanta li nitak a pisa hi okvt na yukpa tok ; atuk osh pisa cha, na yukpa chinto fehna tok, achi tok.

57. Mihma Chu okla hash ot, Sipokni kvv afvmmi pokoli tahlapi ka chik ono kisha hokak osh, Eblaham a ish pisa tok oh cho ? im achi tok.

58. Mihma Chisvs vt Ahlishke, ahli mak o hvchim achi

lishke, Eblaham vt iksho kisha ma, anta li tok oke, im achi tok.

59. Yohmi ma ishit bola chi kvv, tuli g okla aiowa tok yohmi kia Chisvs ash ot lumvt okla ai iklvnnaka ya hlopulit ayvt tempel g a kohchvt ont ia tok.

CHAPTA IX.

Hatak vt lva yosh vttta tok g, Chisvs vt hoponayochi, 1: 18 hatak ash o ilauct Falisi vhleha hq isht im ona ma, Falisi vhleha hash ot hatak ash sinakak g a kohchichi. 35 Chisvs vt ilap ak osh Chihowa hq Ushi mak atuk vt hatak yvmmak ash im il otvvinchi ma, hatak ash ot i yimmi cha, aiokpvchi.

1. MICHA Chisvs vt ont ia cha gya mvt, hatak vt lva imoma yosh vttta tok osh gsha na pisa tok.

2. Mihma nan im ai ithvna vhleha hvv, Pi shahli ma! hatak ilvppak okmá, keyukmvt iki, ishki itatuklo ka a kati-ma kak osh nan ashvchi tok o, hatak ilvppvt lva imoma yosh vttta tok oh cho? achit i ponaklo tok.

3. Chisvs ash ot afalaminchi mvt, Hatak ilvppak okmá, keyukmvt iki, ishki ita-tuklo ka a kanima kak osh nana ashvchi tok o keyu hoke; amba Chihowa nan-isht im ai ghlika yvt ilvppak o isht ai otvna he mak o, ai yakohmi tok oke.

4. In tokvli la he mak o auct sa kanchi tok oka nitaki moma kak o isht im ahanta li pullashke; ninak vt vla ha yokmvo, hatak nana kia pilesa he keyushke.

5. Yakni g ai ahanta li takla hokvto, yakni g in tohwikeli sia hoke, im achi tok.

6. Ilvppa mak achit ont issa mvt, yakni g on tofvv, lukfi g itukchi ishit yvmvslit tahli mvt, hatak lva nishkin g lukfi ash o isht im apolusli tok.

7. Mihmvt, Oka talaia Siloam, yvmmvt toshowakmvt, Pila, achi hq ia cha, ont okamí, im achi tok. Yohmi ma ia cha ont okami mvt, pisa hosh vla tok.

8. Yohmi hatuk o chuka panta hatak vhleha, micha yvmmvt lva yo tikba ka pisa beka tuk vhleha yvmmak ash ot, Ilvppvt gshvt nana asihihla chokvsh mak o keyu? achi ma,

9. Kanimi kv̄t, Il̄ppvt mihi yoka, achi ma, inla mvt, Peh holba hoka, achi tok : yohmi kia ilap vto, Mihi yō sia hoke, achi tok.

10. Yohmi hatuk o, Katiohmi hosh chi nishkin vto fatuma tuk oh cho? im achi tok.

11. Mihma afalaminchi mvt, Hatak Chisvs hohchifo kak osh lukfi a yvmvslit, sa nishkin a isht vm apolusli cha, Oka talaia Siloam a ia cha, ont okamí, vm achi ma, ivt ont akami li hosh, hoponayo li tuk oke, achi tok.

12. Mihma, Atuk osh mih mvtō? okla im achi ma, Ak akostininchoshke, achi tok.

13. Mihma l̄pa yō beka tuk yvmmak ash o ilauinlit Falisi vhleha hā isht im ona tok.

14. Yohmi ka nitak hullo nitak o Chisvs vt lukfi a yvmvslī cha, nishkin a i fatummi tuk a tok.

15. Yohmi hatuk o anonti Falisi vhleha hvt katiohmit hopanayo tuk a, im asilhhvchi akinli tok. Lukfi yvmvska yō sa nishkin a isht a lapohlechi na okami li tuk osh, hoponayo lishke, im achi tok.

16. Yohmi hatuk o Falisi vhleha kanimi kv̄t, Hatak yvm-mvt nitak hullo nitak a holitobli keyu hokvt, Chihowa ak o a minti keyushke, achi tok. Inlaka yokvto, Hatak vt nan ashvchi atuk vt katiohmi hosh na-fehna puta yakohmi ka yvmihcha hinla cho? achi tok : yohmi mvt ilap bika okla ai ita kashapvt maya tok.

17. Hatak l̄pa yatuk ash o anonti, Chishno vto chi nishkin a chī fatummi tuk a, yvmmak oka nanta isht ish achi cho? okla im achi ma, Yvmmak ash ot hopaii yoke, achi tok.

18. Yohmi kia Chu okla hash ot hoponayo tuk ash iki, ishki ita tuklo ka hoyot ik im asilhhacho kisha kv̄t, yvmmv̄t l̄pa yatuk osh hoponayo tuk a, ik yimmo ki tok.

19. Atuk osh yvmmak ash o okla i ponaklot, Il̄ppvt hvch iso l̄pa yosh vtta tok hvsh achi chokvsh oh cho? Yohmi hokak osh katiohmi hō himak ano hoponayo cho? okla achi tok.

20. Iki, ishki ita-tuklo kash ot afalaminchi mvt, Il̄ppvt piso, micha l̄pa yosh vtta tok okvno il ithanvshke.

21. Amba nana hosh katiohmi hō himak ano pisa kvno.

kil akostininchoshke ; mikmut kvna hosh nishkin a i fatummi tuk aiena kvno, kil ithanoshke ; vlla keyu hoka, ilap ak o hvsh i ponaklokma, ilap inli hosh isht il ai anumpula hinla hoke, achit okla tok.

22. Hatak nana hosh, yummvt Klaist oke, achi hokmut, sinakak a a kohcha hi o, Chu okla hvv ai it ibachvvt taha mashko hatuk o, iki, ishki itatuklo kvv Chu okla hak o i nukshopa hatuk osh, anumpa ilvppa achit okla tok.

23. Yohmi hatuk osh iki, ishki itatuklo kash ot, Vlla keyu hoka, ilap ak o oh i ponakló, achit okla tok.

24. Yohmi ma atukla ma hatak lvpa yatuk ash o okla hoyo mvt, Chihowa yak o pit holidoblichí, hatak ilvppak okvto nan ashvchi a il im ithana hoke, im achi tok.

25. Mihma afalaminchi mvt, Yummak okvt nana ashvchi yokmá, keyukmá, nana hokvno ak im ithanoshke ; nana achvfa kvno ithana li ; yohmi kvv lvpa sia ha tuk kia, himak ano hoponayo li kak oke.

26. Mihma anonti, Nanta ho a chi katimichi tuk o ? Katimihchi hosh chi nishkin a fatummi tuk oh cho ? okla im achi tok.

27. Mihma im afalaminchi mvt, Hvchim anolit taiyahli li kia, hvch ik haponaklo ke tuk vt, nanta katiohmi ho atuklanchit haklo ka hvsh ahni cho ? hvchishno ak kia nan im ai ithvna toba hvchi bvna ho ? achi tok.

28. Yohmi ma okla ishtukhlakavvt, Chishno ak osh yvma nan im ai ithvna chia hoke ; amba pishno vto Moses ak o nan im ai ithvna pia hoke.

29. Moses ak okvno Chihowa yvt im anumpuli beka tok a il ithana ; amba ilvppak okvto kanima yo a minti ma, il ai im ithana keyushke, okla im achi tok.

30. Mihma hatak ash osh afalaminchi mvt, Yummvt kanima yo a minti tuk a hvch ik im akostinincho ho, anonti sa nishkin a a fatummi hoka, ilvppvt na-fehvvshke.

31. Mihmut Chihowa yvt nan ashvchi vhleha hokvno i haponaklo keyu chatuk ; amba hatak nana hosh Chihowa ya aiokpvchi, micha nan ahni ka im antia aiena yok mak o mihi yo i haponaklo chatuk a iloh ithanvshke

32. Yakni vt toba tok a taiyakla ka lupa imoma yosh vtta tok g hatak nana kia nishkin ash i fatummi tok g annoa chatuk keyushke.

33. Hatak ilvppvt Chihowa yak o a minti hatuk keyu hokmvt, nana ho yvmihcha he keyushke, im achi tok.

34. Mihma okla afalaminchi mvt, Nana ai ashvchika bieka mak osh ish vtta tok ak naka nan ish pim avuchi hotuma? im achi mvt, a kohchichi tok.

35. Yvmma a kohchichi tuk g, Chisvs vt haklo tok; atuk osh yvmmak ash o pisa mvt, Chihowa Ushi g ish i yimmi cho? im achi tok.

36. Afalaminchi mvt, Chitokaka ma! i yimmi la hinla yvmmak osh kvta ho? achi tok.

37. Mihma Chisvs ash osh, Yvmmak oka ish pisa tuk o, anonti mihi yosh chit im anumpohonli hoke, im achi tok.

38. Mihma, Chitokaka ma! sai yimmishke, achi mvt, yvmmak ash aiokpvchi tok.

39. Ik hoponayo atuk vt hoponayo yokma, anonti hoponayo tuk vt lupa yo toba he, yakohmit nan isht im vlpisa hi o, yakni ilvppa aya li hatuk oke.

40. Mihma Falisi vhleha kanimi kvv yvmma apela tuk ash ot anumpa ilvppa puta ka haklo mvt, Pishno ak kia lupa pia hoh cho? im achi tok.

41. Chisvs ash ot, Lupa hvchia hatuk okmvt, nan ai ashvchika vvt ik hvchim iksho ka he tuk; amba, E hoponayo, himak g hvsh achi; yohmi hokvt hvchim ai ashvchika vvt takanli moma hoke, im achi tok.

CHAPTA X.

Chisvs ak osh okhissa, mikmvt yvmmak osh chukvlpoba apesvchi achukma yatuk osh chukvlpoba ya vltobvt illi, 1. 19 Okla hvv Chisvs g nan isht ai im anukfila kvv ilaiyuka, 24 Chisvs vt Chihowa hak o a minti tuk g ilap nana ai isht ahanta kak inli hosh otvninchi ka im anoli; 39 Chu okla hvv vbi bvna kia im a hlakofit kocha. 40 Chisvs vt ia mvt Chatan misha tvnvp o ona ma, okla laua hosh i yimmi.

1. **AHLISHKE**, ahli mak o hvchim achi lishke, Kuna hosh chukfulhpoba i holihta okhissa yak o ik a chukowo hosh, amba naksika kanima yo pit oiyvt o walvbli hokvto, yummvt hukopa, mikmvt na wehpuli mak oke.

2. Amba okhissa yak o pit a chukowa hokvto, yummak osh chukfulhpoba ya apesvchi mak oke.

3. Yummak o okhissa apesvchi atuk vt in tiwikma, itih ola ka, chukfulhpoba yvt ithana; yohmi hatuk oka in chukfulhpoba atuk ash hohchifo aiyuka hochifot pehlichit kohcha chatuk.

4. Atuk osh in chukfulhpoba yash kocha welit tahlilmvt, tikba im iakma, itih ola ka, ithana hatuk okvt, chukfulhpoba yash ot apehvt ia chatuk.

5. Yohmi kia inla itih ola hokvno ik ithano hatuk osh, apihvt ia he keyu hosh, amba i filvmmitt yihlepa chatuk oke, im achi tok.

6. Nan-isht-vlhpisa ilvppak o Chisvs vt okla ha isht im anumpuli tok: yohmi kia nana ho yummvt isht ai im anumpuli hatuk a, okla ik akostinincho ki tok.

7. Yohmi hatuk o Chisvs ash ot atuklanchit, Ahlishke, ahli mak o hvchim achi lishke, Uno ak osh chukfulhpoba im okhissa sia hoke.

8. A sa tikba aya tok puta kvto hukopa, mikmvt na wehpuli bano ha tok: yohmi hatuk o chukfulhpoba yvt yummak okvno ik i haponaklo ki tok.

9. Uno ak osh okhissa sia hoke: hatak nana hosh vno ak o si a chukowa hokvto, okchaya he: micha pit chukohovvt, anonti kohonchvt, ai-impv ya ahayuhoncha hi oke.

10. Na-hukopa yvt hukopa, micha vbi, nan okpvni aiena he ak bieka hosh aya chatuk; amba ai okchaya ya okla ahayuchikmvt, anonti laua kvtt i sbahli fehna ho pisa he mak o, vno vto aya li ha tok.

11. Uno ak osh chukfulhpoba apesvchi achukma sia mak oke; chukfulhpoba apesvchi achukma yvt chukfulhpoba ya ilap im ilhfiopak a a kaiyanchi hoke.

12. Amba peh iltohno, chukfulhpoba apesvchi keyu hatuk, micha chukfulhpoba yvt immi atuk keyuk mvto, na-

shoba vt minti na pisakmvt, chukfvlhpoba yā issvt chvfa hoke; yohmi ma nashoba yvt yummak ash ant hoklit, chukfvlhpoba yash it ai yuhli hoke.

13. Ilhtono hvt peh ilhtohno atuk okvt, chukfvlhpoba yā nan isht ik ahno hatuk mak osh chvfa hoke.

14. Ūno ak osh chukfvlhpoba apesvchi achukma sia hoke; an chukfvlhpoba yā ithaiyana li hoke; mikma anonti vmmi hvt vno ā svthana hoke.

15. Āki vt svthana ka, vno mvt Āki ā ithana li akinli koke; yohmi hosh chukfvlhpoba yā isht vlhtoba hō vm ilhfiopak ā aka bohyuli lishke.

16. Yohmi kv̄t chukfvlhpoba inla mvt ilvppa āshaka ai achvfa keyu kv̄t vm āsha hoke: yummakma pehlichit vla likma, vm anumpa hā hakla hi oke: yohmikma aiasha vt achvfakma, anonti chukfvlhpoba apesvchi vt achvfa hi oke.

17. Ūm ilhfiopak ā falaminchit ishi la hinla hosh aka bohyuli li; yohmi hoka Āki vt sa holitobli hoke.

18. Hatak nana hosh vm ishi hō keyu: amba vno akinli ahni li hosh aka bohyuli li hoke. Aka bohyuli la hi vt isht vm ai vlhpesakmvt, anonti falaminchit ishi la hi vt isht vm ai vlhpesa hoke. Nan-vlhpisa ilvppak o Āki ā im a habena li tok, im achi tok.

19. Yohmi hatuk o anonti Chu vhleha hash ot anumpa ilvppa isht ai it a kashapvt maya tok.

20. Yohmi mvt, Nan-isht-ahullo okpulo il ai ishi hatuk osh tasimbo hokvto, nanta katiohmi hō hvsh i haponaklo hosh? achi kv̄t laua ma,

21. Inlaka yokvto, Ilvppak okvt nan-isht-ahullo okpulo il ai ishi hō im anumpa keyushke. Nan-isht-ahullo okpulo vt lva nishkin ā fatumma hinla hō? achi tok.

22. Hvshtula yō tempel ā himonvchit Chitokaka pit im issa impa hosh Chelusalem ā āsha hō, yohmi tok.

23. Mihma Chisvs vt tempel anukaka Solomon im api-shia nutaka yā hikikja tok.

24. Mihma Chu vhleha hash ot vlv̄t yummak ash o ant a folubli cha, Ik ai ithano chohmit il aiasha na katiohmi foka

chi ho ish pim ahni cho? Chishno ak osh Klaist chia hok-mvt, achukmalit ish pim anolashke, im achi tok.

25. Mihma Chisvs ash ot afalaminchi mvt, Hvchim anoli li ka, ik hvchi yimmo hoke: nana ka Aki hohchifo ho isht a yvmihinchi li kak o, yvmmak osh ai vlhtokowa ka si anohonlishke.

26. Yohmi kia ik hvchi yimmoshke; yvmmak o hvchim achi li hatuk oka, an chukvlhpoba keyu hvchia hatuk okvt.

27. An chukvlhpoba vto vm anumpa ha haklokma, an onti vno vt ilap ma ithana li ho, a si apeha chatuk.

28. Mikma ai-okchayvt bilia ya yvmma im issa li; yohmi ka nitak nana ilbvshvt illa he keyukma, anonti kvna kia yvmmak ash svbbak a a kohchit isha hi vt iksho hoke.

29. Aki yvmma vma tok vt moma i shahli; yohmi ka kvna kia yvmmak ash Aki ibbak a a kohchit isha hi vt iksho hoke.

30. Uno, Aki itatuklo li kvv il it ibai achvfa hoke, achi tok.

31. Mihma anonti Chu okla hash ot tvli ishit bola chi kvv tvli a okla aiowa tok.

32. Chisvs vt afalaminchi mvt, Isht il apelvchi vt Aki a minti pulla na na hochukma lava ka isht a yvmihinchi li hvsh pisa tuk a, na-fehna yvmma puta tuk ash katima kak o tvli a isht hvv sa bola chi mak oh cho? im achi tok.

33. Mihma Chu okla hash ot afalaminchi mvt, Na fehna achukma yvmmak atuk ak o tvli a ishit e chi bola chi mak o keyu; amba ik ahobalot anumpulit, anonti hatak chia hokak osh, Chihowa ish il apesa aiena kak oke, im achi tok.

34. Chisvs vt afalaminchi mvt, Chitokaka vhleha hvchia hoke, achi li tok, achi kvv hvchi nan-vlhpisa holisso ha a holihiso keyu cho?

35. Chihowa im anumpa hvv ayvt ai im ahanta yo yvmmak o Chitokaka vhleha hohchifo tok okma, anonti Holisso Holitopa yvt kobafa hi o keyushke:

36. Iki vt na-holitopa ka isht a im atokoli cha, yakni a auet kanchi tok o, Chihowa Ushi sia hoke, achi li tuk ak o, Nan ik ahobalot ish anumpuli, hvsh achi hoh cho?

37. **A**ki vt nana a kaniohmi ak o ak yvmihcho hok mak o, hvchik sa yimmo kashke.

38. Amba yvmihehi li hokmuno, vno ak okvno hvch ik sa yimmo hoh kia, nana kvv a kaniohmi yvmmak o hvchi yimmi cha, **A**ki vt auet a si achafakma, anonti vno vt ilap a pit ai achafa li ka, akostininchit hvchi yimmashke, im achi tok

39. Yohmi hatuk o anonti okla ishi bvna tok: yohmi kia ibbak a im a hlakofi tok.

40. Mihmvt anonti ivt, Chatan misha Chan vt a baptis-mochi vmona tok yvmmak o ona cha, ahanta tok.

41. Mihma okla lgvvt im ai itahoba mvt, Chan vto nafehna nana kia yvmihchi tok keyu; yohmi kia Chan vt hatak ilvppa isht anumpohonli tok a, momvt aiahli ha tok, achi tok.

42. Yohmi ma yvmma ashvt ai i yimmi kvv laua tok.

CHAPTA XI.

Lasalvs vt abeka na in tek vhleha hvv Chisvs a pit im anoli, 1; 17 **Chisvs** vt Betani a vla, mihmvt **Lasalvs** a falaminchit tanichi. 45 **Laua** hosh **Chisvs** a i yimmi kia, kanimi kvv Falisi vhleha ha ont im anoli; **Chisvs** vt kohchvt ia mvt, vmaha Efihaim ont anta.

1. **HATAK** achvfa **Lasalvs** hohchifo, Meli micha itibapishi Mahla itatuklo in vmaha Betani ak o vta yosh abeka tok.

2. Meli yvmmak osh Chitokaka ya pashi ahama isht a hvmmi cha, iyi ma ilap pashi yo isht i kasholichi tok mak o i nakfi yosh **Lasalvs** vt abeka ha tok.

3. Yohmi hatuk o in tek tuklo kash ot yvmmak ash pit im anolit, Yakeh! Chitokaka ma! ish holitobli chatuk vt abekvshke, achi tok.

4. Mihma ilvppa **Chisvs** vt haklo mvt, Nan abeka ilvppvt isht ai illa hi o keyu hoke; amba Chihowa vt isht a holitopa na Chihowa Ushi vt yvmmak o isht a holitopa chj mak oke, achi tok.

5. Mahla, micha itibapishi, mikmvt **Lasalvs** aiena ka **Chisvs** vt holitobli tok.

6. Yohmi hatuk osh yvmmvt abeka tuk g haklo ha yvt, ai vtta tuk ash inli hq ahanta na nitak tuklo tok.

7. Atuk osh yvmma ont vbanvpa ma nan im ai ithvna vhleha hash, Anonti Chutea yakni yg iloh iashke, im achi tok.

8. Mihma nan im ai ithvna vhleha hash ot, Pi shahli ma! Chu okla hvt chekosi kash o tvi g ishit chi boli bvna tuk g, anonti yvmma ish ia chi hq? im achi tok.

9. Chisvs vt afalaminchi mvt, Nitak achvfa ka hvshi kanvlli vlhpisa auah-tuklo chatuk keyu cho? Hatak nana hosh nitak o nowvt gya hokmvt, yakni ilvppa ai in tohwikeli ka pisa hatuk osh ik ibetvblo hoke.

10. Amba hatak vt ninak o nowvt gya hokmvt, tohwikeli kvv ik im iksho hatuk osh, ibetvbli hoke, achi tok.

11. Ilvppak o achi tok: yohmi ha yosh i himmak o, Hvpi kana Lasalvs vt nusishke; yohmi kia nusi tuk g ont okchvli la chi mak osh ia li hoke, im achi tok.

12. Yohmi ma nan im ai ithvna vhleha hvt, Chitokaka ma! nusi hatuk okmvt, hlakofa chi hoke, achi tok.

13. Yohmi kia yvmmvt illi kak o Chisvs vt miha ha tok; amba nusit foha kak o miha ka, okla im ahoba tok.

14. Yohmi ma Chisvs vt achukmali fehvt, Lasalvs vt illi tuk oke.

15. Yohmi ka vno vt yvmma ont ak anto ke tuk vt, hvchishno na hvchi yimma chi ka, hvchishno ak atuk mak o sai yukpvshke; yohmi kia yvmma iloh im ai onashke, im achi tok.

16. Mihma Tamas, yvmmvt Titimvs hohchifo hosh yvmma nan im ai ithvna ai itilauv vhleha hash, Pishno ak kia iloh ia cha, apihvt hvv illashke, im achi tok.

17. Atuk o Chisvs ash ot ona mvt, yvmmak ash ot hollopi tuk g nitak ushta tuk o, ont akostininchi tok.

18. Betani vt Chelusalem g pit i bilika kovi tuklo foka tok.

19. Mihma i nakfi illi Mahla, micha Meli itatuklo ka hophlvla chi hosh Chu okla hvt lauvt im ai itahoba tok.

20. Atuk o Mahla ash osh, Chisvs vt minti ka, haklo

makinli hosh, ivt ont afama tok ; amba Meli vto aboha anuka yash asha moma tok.

21. Mihma Mahla vt Chisvs ash o, Chitokaka ma ! ilvppa ant ish anta tuk okma, a nakfi vt illa hetuk keyushke.

22. Ik yohmi kia himonasi mak o Chihowa ya nana ho ish im asilhha hoka, Chihowa yvt chima hinla ka ithana lishke, im achi tok.

23. Mihma Chisvs vt, chi nakfi vt falamvt tana chi akinli hoke, im achi tok.

24. Mihma Mahla ash ot, Nitak ont ishtaiyopi illi vt falamvt tani yvmmak okvno falamvt tana hi oka, ithana lishke, im achi tok.

25. Chisvs vt, Uno ak osh illi a falaminchit tanichi, mikmvt ai-okchaya aiena ka sia mak oke. Kuna hosh vno ak o a yimmi hokvto, ik illi tuk nana kia, okchaya he mak oke.

26. Micha kuna hosh okchayvt ahanta hosh vno a a yimmi hokvto, nitak nana illa he heyu hoke. Ilvppa chi yimmi cho ? im achi tok.

27. Ahli, Chitokaka ma ! chishno ak osh Chihowa Ushi, Klaist yakni ilvppa aya hi a tok mak o chia ka sai yimmishke, im achi tok.

28. Ilvppa yakohmichit miha mvt, ivt itibapishi Meli a lumasit ont i howvt, Nan-ithvnanchi vt vla cha, chi hoyoshke, achi tok.

29. Yvmma haklo makinli hosh, ashalika wakayvt ivt ont afama tok.

30. Chisvs vt tmaha ha ant ik chukowo kisha hosh, Mahla yvt ai afama tuk ash akinli ho hikia ha tok.

31. Mihma Chu okla hvt apehvt aboha anuka ya mayvt hopohlvi tuk ash ot, Meli vt tushpvt wakayvt kocha ia na okla pisa mvt, Aholopi yvmmak o ont a yaiya chi hosh ia hoka, achi mvt iakaiya tok.

32. Atuk o Meli ash ot Chisvs a hikia kash ona cha, pisa mvt, iyi ituma ya ont hlipia cha, Chitokaka ma ! ilvppa ant ish anta tuk okma, a nakfi vt illa he tuk keyushke, im achi tok.

33. Yvmmvt yahaya ma, anonti Chu okla yvmma apihvt

ai vla tuk aiena kv̄t yah̄ya akinli na Chisvs vt pisa hatuk osh, chukvsh anukaka isht a nukhaklo fehv̄t ik im v̄lhpieso ki tok.

34. Mihmvt, Katima yak o hvsh bohli tuk oh cho? achi ma, Chitokaka ma! minti cha, ant pisá, okla im achi tok.

35. Chisvs vt nishkin okchi minti tok.

36. Mihma Chu okla hash ot, Yakeh! ī holitopa fehna tuk o mv̄hli, achi tok.

37. Mihma kanimi kv̄t, Lupa yatuk ā hoponayochi tuk vt, hatak ilvppak kia ik illo ka hinla ka, a kanimihcha he tuk keyu chishba? okla achi tok.

38. Yohmi ma Chisvs ash ot anonti chukvsh anukaka isht anukhaklo fehv̄t av̄t ahollopi ā ona tok. Yakni chiluk o tv̄li yosh isht v̄lhkv̄ma ha tok.

39. Chisvs ash osh, Tv̄li yā ishit ho kanv̄lichí achi, ma, Mahla illi tuk ā in tek ash osh, Chitokaka ma! illi tuk ā nitak ushta hokvt himak foka ma shua hoke, im achi tok.

40. Mihma Chisvs vt, Chi yimmi hokmvt, Chihowa isht a holitopaka yā ish pisa hinla hoke, ak chim acho ke tuk oh cho? im achi tok.

41. Mihma illi ai itola tuk ash tv̄li yā okla ai ishit kanv̄lichí tok. Mihma Chisvs vt nishkin ā pit vba chakalichi mvt, Aki ma! is sa haiyaklo hatuk ā yak oke, chim aiahni lishke.

42. Yohmi kv̄t is sa haiyaklo a bilia chatuk ā ithaiyana li kv̄no; yohmi kia okla ilvppa hiohm̄ya kv̄t, chishno ak osh auet is sa kanchi tok ā ai yimma ch̄i kak o, yv̄mma achi li tuk oke, achi tok.

43. Yakohmich̄it anumpulit ont in taha mvt, chitoli hosh anumpulit, Lasalvs ma! auet kohchá, achi tok.

44. Mihma illi atuk ash ot ibbak, iyi aiena ka ahollopi ishit shema yvt isht v̄lhfova h̄o ant kohcha tok; mihma nashuka yano nantapv̄ski yosh isht v̄lhfoyuka tok. Mihma Chisvs vt, Oh ī hotofi na ik iá, im achi tok.

45. Yohmi ma Chu okla Meli ā im ai itahoba tuk osh, Chisvs vt vana ka ai yvmihchi na pisa mvt, laua hosh ī yimmi tok.

46. Yohmi kia kanimi hokvto falamvt ivt, Falisi vhleha h₂ im ona cha, nana ka Chisvs vt ai yvmihchi tuk ash okla im anoli tok.

47. Yohmi ma na-holitompa isht a₂sha pehlichi vhleha, micha Falisi vhleha aiena kash ot hatak hochitoka nan apesa vhleha h₂ itahobi mvt, Hatak ilvppvt na-fehna lawa ka yv-mihchi ka, nanta mak o katiohmi hosh iloh aiasha cho ?

48. Ilvppa ant ik yohmi, iloh im ahni hokma, hatak mo-ma kv₂t i yimma ch₂i hoke ; yohmikma Loman okla hv₂t vla cha, pi yakni, micha pim okla talai₂a aiena kash ai okpvnicha hinla hoke, achi tok.

49. Mihma achvvt Kaiafas hohchifo hosh afvmmi yv-ma fehna ka na holitompa isht a₂sha pehlichi i shahli a ai ibafobka hatuk osh, Nana ka hvch ik akostinincho kvmoh-mishke.

50. Mikmvt hatak achvfa hosh okla h₂ vlhtobvt illi na okla talai₂a kash ot momvt ik illo ka hi a, a hv₂pim vlhpiesa hatuk a hvch ik anukfiloshke, im achi tok.

51. Yohmi kv₂t ilap nana aiahni hosh ilvppa anumpuli ha tok keyu ; amba afvmmi yvmma fehna ka na-holitompa isht a₂sha pehlichi i shahli hosh anta hatuk okvt, Klaist vt okla yvmma vlhtobvt illa he.

52. Yohmi kv₂t okla yvmmak bana hi o keyu ; amba Chihowa im vlla vhleha kanima ai it afimimpvt a₂sha tuk aiena ma hoyot a miha chvfa h₂o ai itahoba he ak o, tikbanli anoli ha tok.

53. Yvmohmi hatuk o nitak yvmma ai vhlit mihinti ka, yvmma vba ch₂i kv₂t nana it im apesvt okla maya beka tok.

54. Yohmi hatuk o Chisvs vt himmakma haiaka fehvvt Chu okla itintakla ya ik a hikikio ki tok ; amba yvmmak ash vtvt ia mvt, yakni haiaka pit a bilika tv₂maha Efihaim hohchifo h₂o nan im ai ithvna vhleha h₂ pehliechit ahanta tok.

55. Atuk o Chu okla nan im vbanvblit ont ia yvt ai on₂g hosi tok ; mihma ilap nan ai il atahlit maya ch₂i kv₂t, nan-vbanvblit ont ia yvt ik ai ono kisha h₂o yakni yvmma asht Chelusalem a ia kv₂t laua tok.

56. Atuk osh Chisvs ash okla hoyot, tempel anukaka ya hiohmayvt, Impa holitopa asha ka ik lo ka chi hokma, nana ka hvchim ahoba cho? it im achit maya tok.

57. Na-holitopa isht asha pehlich i vhleha, mikmvt Falisi vhleha aiena kash ot, yummvt kanima yo anta ka hatak nana hosh akostininchi hokmvt, anoli na okla isha hinla kvv anuma vhpisa ka bohli tuk a tok oke.

CHAPTER XII.

Meli vt Chisvs iyi ya nan-ahama im ahvmmi ma, yummvt ai vhpisa ho yohmi hatuk a Chisvs vt miha, 1. 12 Chisvs vt issuba nashoba yo om binili hosh Chelusalem a ona. 20 Klik kanimi kvv Chisvs a pisa hvvna: 23 Chisvs vt ilapvt kaniohmit illa he, anoli; 27 Chisvs vt chukvsh anukaka nan isht nukhaklo in chito mvt, vba pit anumpuli; 37 Hatak pehlich i vhleha hvv laua hosh Chisvs a i yimmi: yohmi kia Chisvs a isht anumpuli nukwia.

1. ATUK o nan vbanvblit ont ia isht asha chi ka nitak hannalit takanli moma ho, Chisvs vt Betani ak o Lasalvs vt ai illi tuk o falaminchit tanichi tuk a yummvt yummak o ai vttta chatuk o, ona tok.

2. Mihma yummak o opiaka impa yo okla ai im atahli tok; mihma Mahla ak osh nan ai isht im anta ma, amba Lasalvs vto ibai impa hosh maya kak o iba takla asha tok.

3. Yohmi ma Meli vt spiknat nan-ahama holitopa fehna weki achvfa ka ishi cha, Chisvs iyi ya ishit a hvvmmi mvt ilap pashi akinli ho iyi yash isht i kasholichi tok: mihma nan ahama balama kvv aboha yash alotowa tok.

4. Mihma nan im ai ithvna vhleha achvfa Saimon ushi Chutas Iskalit vt yummak oka inla ibbak fohka he mak osh,

5. Nanta katiohmi ho nan ahama ilvppvt iskvli tahlepa tuchina kia isht ik vbi cha, ilbvsha ya ik i holhpelo ke tuk oh cho? achi tok.

6. Ilbvsha yak o i nukhaklo kak osh ilvppa achi tok keyu; amba hvkopa yatuk osh, micha yummak osh shuk-

cha ya ishi hatuk osh, nana kv̄t yv̄mma ai vl̄beha h̄o shaiyali yatuk ak a tok.

7. Mihma Chisvs vt, Ant ik yvmihchí, ish im aiahnashke, a sa hollopa chí nitak mak a hi o, ilvppa ilatomba hatuk oke.

8. Ilbv̄sha yak okv̄to hv̄chim ḡsha na bilia chatuk; amba vno ak okv̄to hv̄chim anta li a bilia he keyushke.

9. Yohmi ma yv̄mma ant anta ka Chu okla hv̄t lauv̄t akostininchi tok: mihmv̄t Chisvs ak bano kak o keyu, amba Lasalvs, yv̄mmv̄t illi tuk o, falaminchit tanichi tuk ash it aieninchit pisa chí hosh okla ai vla tok.

10. Yohmi kia na-holitompa isht ḡsha pehlichi vhleha hokv̄to Lasalvs ak kia aieninchit illicha hinla kv̄t, isht it im anumpulit maya tok.

11. Yv̄mmak atuk pulla mak o Chu vhleha laua kv̄t yv̄mma itv̄nowv̄t, Chisvs ḡ ai i yimmi kak a tok.

12. Nitak ont atukla ma okla laua kv̄t ai-imp̄a holitopa ȳa itv̄nowa tuk vt, Chisvs vt Chelusalem ḡ vla chí hosh minti na okla haklo mv̄t,

13. P̄am vpi naksish ḡ ishit, kohchv̄t afamv̄t okla ia mv̄t, chitoli hosh, Hosanna, Islael i m̄iko Chitokaka i hohchifo h̄o il ai eshi hosh ḡya hokv̄t holitopa mak oke, okla achi tok.

14, 15. Saion ushetik chia hv̄t chi nukshopa ná, chí m̄iko vt issuba haksobish falaia himita ȳa on talaia hosh minti hoke, achi hosh holisso hatuk oka, Chisvs ash ot issuba haksobish falaia himita ȳo pisa mv̄t, yv̄mmak ash on talaia tok.

16. V̄mmona kv̄no nan im ai ithv̄na vhleha hv̄t ilvppa ik ai akostinincho ki tok; amba Chisvs vt ont a holitopa ha yak o, nana kv̄t yakohmi hosh yv̄mma isht a holisso tok ḡ, anonti okla hv̄t nana kash ai i yvmihchi tok aiena ka ithaiyana tok.

17. Mihma yv̄mmv̄t Lasalvs ḡ ahollopi ai i howv̄t kohchit illi tuk ḡ falaminchit tanichi ka, okla ap̄ihv̄t aya tuk ash osh ai vl̄htokowa ka anohonli tok.

18. Yv̄mmv̄t na-fehna ilvppa yvmihchi tuk ḡ okla haklo tuk atuk osh, ilvppak atuk pulla kak o okla mak kia ont afama ha tok.

19. Yohmi ma Falisi vhleha hash ot, Nana hvsh kanihma he keyu kvto hvsh akostininchi cho? yakeh! okla puta hash ot yvmmak o pit a kanvllishke, ilap bika it im achit maya tok.

20. Mihma Klik vhleha kanimi kvv vba pit aiokpvchit ayvt, ai impa holitopa gsha ka ai vla tuk vt takla maya tok.

21. Yohmi hatuk osh yvmmak ash ot Kalili yakni Bet-saita tvnaha a minti tuk, Filip ash im ai ona mvt, Pi shahli ma! Chisvs g pisa pi bvnvshke, achit i ponaklo tok.

22. Mihma Filip ash osh ivt, Antilu g ont im anoli tok; atuk o anonti Antilu ash osh Filip g ita tuklo cha Chisvs g im anoli tok.

23. Mihma Chisvs vt afalaminchi mvt, Hatak Ushi vt a holitopa he tuk g hvshi kanvlli vlhpisa kvv ai onvshke.

24. Ahlishke, ghli mak o hvchim achi lishke, Onush nihi vt yakni anukaka yo itola cha, illi ho keyukmvt, ilap ash biekvt itonla hoke; amba illi hokmvt, waya fehna chatuk oke.

25. Kvna hosh ilap im ilhfopak g i hullo fehna hokvto, i kvnia hi oke; amba kvna hosh yakni ilvppa ahanta kvv ilap im ilhfopak g i nukkilli hokvto, mihma ieshit okchayvt a bilia hi oke.

26. Hatak nana hosh vm antia hokmvt, siakaiyashke; mikmvt kanima yo ai ahanta likma, yvmmak o an tishu hoh kia anta hi oke; hatak nana hosh vm antia hokma, yvmmak o Aki vt holitobla he mak oke.

27. Himak oka sa shilombish vt ik im ai vlhpesoshke: yohmi ka, Aki ma! hvshi kanvlli ai vlhpisa takali ilvppa ai isht is sai i hlakofichashke, achi likma, nanta chi cho? yohmi kia ilvppak a he mak o hvshi kanvlli vlhpisa takali ilvppa im aya li ha tok oke.

28. Chi hohchifo ha ish holitoblichashke, Aki ma! achi tok. Yohma ma vba ya auet ai anumpa kvv, Yvmmak oka holitoblichu li tuk osh, anonti himmakma holitoblichu la chi akinli hoke, achi tok.

29. Yohmi hatuk o okla hvv bilika hiohmaya tuk vt, yvm-

ma haklo mvt, Hilohvshke, achi tok. Mihma kanimi kv̄t, Enchil osh auet im anumpuli hoke, achi tok.

30. Chisvs ash osh afalaminchit, Ūno ak atuk mak o anumpa ilvppvt auet takali h̄o keyu, amba hvchishno pulla kak oke.

31. Himak okvno yakni vt nana im ai vlhpisa mak oke: himak okvno yakni ilvppa ai i shahli nan im aiyahanchi ash ot issvt kohcha he mak oke.

22. Ūno vt yakni a a mokofvt vba takali li hokmvt, hatak moma ka halvllit il a kanvllichī la hi oke, achi tok.

33. Ai-illi kaniohmi h̄o isht illa he ak osh anoli hosh ilvppa achi ha tok.

34. Mihma okla hash ot afalaminchi mvt, Klaist vt ahan- ta na bilia h̄o nan-vlhpisa holisso h̄a okla il a haklo chatuk; yohmi ka katioghmi h̄o, Hatak Ushi vt vba ȳa takala hi o ish achi cho? Hatak Ushi ilvppak osh kv̄ta hokak o? okla im achi tok.

35. Mihma Chisvs vt, Himonasi takla kak o tohwikeli hv̄t hv̄ch in takanli hoke. Tohwikeli hv̄t hv̄chin takanli takla kak osh hv̄sh nowashke, yvmmak keyukma okhlili hv̄t hv̄chi onvtula hinla hoke. Kv̄na hosh okhlili h̄o nowvt aya hokv- to, kanima ȳo ia kv̄t ithana keyu hoke.

36. A tohwikeli hv̄t hv̄chin takanli takla kak osh a toh- wikinli vlla hv̄chia ha ch̄i kv̄t, a tohwikeli h̄a hv̄sh i yim- mashke, im achi tok. Ilvppak o Chisvs vt anumpohonli mvt, ai i filvmm̄it kv̄nia cha, ik i haiako ki tok.

37. Na-fehna laua h̄o itikba ȳa yvmmak ash ot ai yvmi- h̄inchi hoh kia, okla ai i yimma he keyu ki tok.

38. Yohmi kv̄t hopaii Esaias vt anumpuli mvt, Chitokaka ma! nana il anoli ka kv̄ta hosh p̄i yimmi cho? micha kv̄ta hak o Chihowa i shakba mvt i haiaka tuk oh cho? ahanchi tok a ont aiahla ch̄i mak a tok.

39, 40. Anonti Esaias vt i himmakma, Nishkin a isht ik peso, mikmvt chukvsh ma ik akostinincho kish, chukvsh hi- mona ik anukfoyuko k̄i, ak hlakoficho ka ch̄i ka, nishkin a im akvmmi mvt, anonti chukvsh ma i kv̄llochishke; achi tok oka, okla yimma he keyu ki tok.

41. Yvmma im isht a holitopa ya pisvt yvmma pit isht anumpuli mak osh Esaias vt ilvppa puta ka achi tok.

42. Yohmi kia nan apesa hochitoka vhleha hv̄t ī yimmi kv̄t laua akinli tok: yohmi kia sinakak ā a kohchicha hinla hatuk o, Falisi vhleha pulla kak o yvmmak ash ī yimmi hatuk vt okla ik otvnincho ki tok.

43. Hatak ai im aholitopa yak o im achukma kv̄t, Chihowa ai im a holitopa ka im ī shahli hatuk osh.

44. Chisvs vt chitoli hosh, Kvna hosh vno ā a yimmi kv̄t vno ak o ā yimmi hō keyu, amba auet sa kanchi tok yvmmak o ī yimmi mak oke.

45. Micha kvna hosh vno ā sa p̄isa hokmvt, auet sa kanchi tok ma p̄isa mak oke.

46. Kvna hoh kia vno ā a yimmi hokvt ai-okhlilika ya ik ai ahanto ka ch̄i mak o, nan-tohwikeli mak osh ayvt yakni ā vla li ha tok oke.

47. Yohmi kia hatak nana hosh vm anumpa hā haklo cha, ik yimmo hokma, nan im apesvt ilbvshali la hi o keyushke; yakni ak o nan im apesvt ilbvshali la hi osh aya li tok keyu; amba yakni ā okchalinchi la ch̄i ha tok oke.

48. Kvna hosh vno ā sa shitilema cha, vm anumpa hā ik ahnincho hokvno, achvfa hosh nan im apesvt ilbvshali kv̄to āsha hoke; anumpa anumpohonli li tuk ash fehna akinli kak osh nitak ai ishtaiyopikma nana im apesvt ilbvshala he mak oke.

49. V̄no akinli hosh nana ka ahnit anumpuli li tuk keyu hoka; amba auet sa kanchi tok Āki ak osh nana hō achi la he, mikmvt nana hō anumpuli la he aiena ka nana vm apesa ha tok.

50. Yohmi ka ī nan-vlhpisa vt ai-okchayvt bilia yoka ithaiyana lishke; yohmi hatuk osh nana hō anumpohonli li ka, yvmmvt Āki vt vno ā a miha tok ā mih mak o anumpuli li hoke, achi tok.

CHAPTA XIII.

Chisvs vt nan im ai ithvna vhleha hq iyi im achifa, 1. 18 Chisvs vt Chutas ak osh ishit inla im issa chi hatuk a, nana kv̄t isht vlhpisa hq isht im atokoli. 31 Chisvs vt ilap nan isht a holitopa hi anoli, mihmvt nan im ai ithvna vhleha hv̄t it i hulla chi ka, i miha mvt, 36 Pita yvt hituchina ha yo ilapa ik ithano miha chi ka, tikbanli im anoli.

1. NAN vbanvblit ont ia ai-imp̄a holitopa kv̄t ik ai ono kisha hq, Chisvs vt ilapvt yakni ilvppa ai issvt, Iki a im ia chi hv̄shi kanvlli vlhpisa kv̄t ai ona ka ithaiyana mvt, immi hv̄t yakni paknaka gsha ka i hullo hatuk vt, yv̄mma i hullo kv̄t imomvt ont illi tok.

2. Yohmi ka okhlili ai-imp̄a yvt ont vlhtaha yv̄mma fehna ma, yv̄mmak ash ishit inla im issa chi ka Setan vt Saimon ushi, Chutas Iskaliot chukvsh a anukfohkichi hatuk o;

3. Chisvs vt, Iki vt nana moma ka ilap ak o ibbak a fokhi tok, micha ilapvt Chihowa hak o a minti ha tok osh, anonti Chihowa hak o im ia chi kv̄t ithaiyana mvt,

4. Okhlili imp̄a gsha tuk vt wakayvt, im anchi ash o naksika pit bohli mvt, tikba takali ishi cha, isht il ai vskofvchi tok.

5. Yohmi ha yosh oka ya ampo pit vnit ishi cha, nan im ai ithvna vhleha iyi yash achifvt isht ia mvt, tikba takali isht ai il ai vskofanchi tuk ash o ishit isht i kasholichi tok.

6. Atuk osh Saimon Pita yash o ont a hikia tok; mihma Saimon Pita yash ot, Chitokaka ma! saiya ya ish achifa chi hoh cho? im achi tok.

7. Chisvs vt afalaminchi mvt, Nana ka yvmihchi li ka himonasi kv̄no chik akostininchoshke; yohmi kia himmak o ish akostinincha hi oke, im achi tok.

8. Pita yash ot, Saiya yak kv̄no nitak nana chik sv̄m achifo kashke, im achi tok. Chisvs vt afalaminchi mvt, Ak chi achifo hokma, is si ahalaiya keyu hoke, im achi tok.

9. Saimon Pita yash ot, Chitokaka ma! saiya ak bano

keyu kashke, amba subbak, micha sa noshkobo pit aieninchi hosh, im achi tok.

10. Chisvs vt, Ulhchifa tuk okvto himmak ma ik vlhchifo h_o iyi ak bano kia, momvt kashofa chatuk; yohmi ka hvchishno vt hvchi kashofa akinli kia, hvsh moma keyushke.

11. Kvna hosh ilapa ishit inla ibbak fohka ch_i hoka ithana, yohmi hatuk osh, Momvt hvchi kashofa keyushke, achi tok.

12. Yohmit iyi y_a im achifvt taiyahli mvt, im anchi ash ishi cha, falamvt aka binili mvt, Nana ka hvch_i yvmihchi li ka hvsh ithana cho?

13. Uno g, Na pithvnanchi, pin Chitokaka hvs si achi; yohmi ka mih sia h_o mvhli hoka, vlhpesa hvsh mihvshke.

14. Yohmi kia vno vt hvchin Chitokaka, micha na hvch ithvnanchi sia hatuk osh, hvch iyi y_a hvchim achifa li hatuk okma, hvchishno ak kia hvchishno b_ika iyi y_a hvsh it im achifa he vlhpesa hoke.

15. Uno vt a hvch_i yvmihchi li tuk mak o hvsh a chiyuhmicha he mak o, na hvchim abvchi li hatuk oke.

16. Ahlishke, ahli mak o hvchim achi lishke; Tishu hv_t i shahli h_a imaiya chatuk keyu; mikma nan-vlhtoka yosh aya kv_t nan-atokoli tuk g imaiya chatuk keyu hoke.

17. Ilvppa puta ka hvsh ithana cha, yvmmak o hvsh yvmihchi hokmvt, na hvchi yukpa mak oke.

18. Moma kak o isht hvchi anumpuli li h_o keyushke: kanima kak o vno vt atokoli li tok okvto ithana lishke: yohmi kia Holisso Holitopa yvt, Pvska svbai vpa kash ot iyi kotoba y_a isht a sai o wakelishke, achi ha tok g yvmmvt ont ai ahla ch_i mak oke.

19. Yvmmak ash ot ont ai yvmohmi ha ma, vno ak atuk g hvchi yimma he mak o, ik ai ono k_isha h_o himak ano hvchim anoli lishke.

20. Ahlishke, ahli mak o hvchim achi lishke, Kvna kia vno ak osh nan tohno li h_o aya ka ahninchi hokvt, vno ak o si ahninchi hoke; micha kvna kia, vno g si ahninchi hokmvt, auet sa kanchi tok mak o ahninchi hoke; im achi tok.

21. Chisvs vt yakohmiechit anumpuli mvt, chukvsh anu-
kaka ai ik im vhpieso mvt, atokolit anolit, Ahlishke, ahli
mak o hvchim achi lishke, Hvsh achvfona kvv svshit inla
ibbak o hvv sa fohka chj hoke, achi tok.

22. Mihma nan im ai ithvna vhleha hash ot kanima kak
o miha hatuk a ik ai akostinincho mvt, filemvt okla iti
pisa tok.

23. Yohmi ma nan im ai ithvna vhleha ha achvfa ka
Chisvs vt holitobli yatuk o, Chisvs ikkishi ha vtayvt gsha
tok.

24. Yohmi tuk o yvmmak ash osh kvna hak o miha
hatuk ma a ponakla chj ka, Saimon Pita yvt j yuchunukli
tok.

25. Mihma Chisvs ikkishi ha vtayvt gsha hosh, Chitokaka
ma! kvta hak o cho? im achi tok.

26. Mihma Chisvs vt afalaminchi mvt, Itih fohka achvfa
ka pit okvchit kohchi li kvv, kanima ho pit ima likma,
yvmmak osh mih mak a chj hoke, achi tok. Atuk osh
itih fohka achvfa ka pit okvchit kohchi mvt, Saimon ushi
Chutas Iskaliot ak o ima tok.

27. Mihma itih fohka achvfa ishi ma, Setan vt yvmmak
ash ont ekukowa tok. Mihma Chisvs vt, Nana ka ish yv-
mohma chj kvv tushpvt ish yvmihchashke, im achi tok.

28. Nana ka a kaniohma hi o, ilvppa im achi ka, impvt
maya tuk vt hatak achvfa kia ik akostinincho ki tok.

29. Chutas ak osh shukcha ya ishi hatuk oka, ai impa
holitopa gsha takla ka nana ho pi bvna hinla ka chum-
pakma, keyukmvt ilbvsha vhleha yak o nanasi kia j hopela
hinlakma, nana ho Chisvs vt j miha hatuk a, kanimi kvv im
ahoba tok.

30. Mihma itih fohka achvfa ka ishi makinli hosh kocha
ia tok; mihma yvmmvt ninak a tok.

31. Yvmmak ash ot kocha ia ma, Chisvs vt, Himak okv-
no Hatak Ushi vt ai ahlit holitopakma, anonti Chihowa yvt
yvmmak o isht a holitopa ai ahla chj mak oke.

32. Chihowa yvt yvmmak o isht a holitopa ai ahli hok-
mvt, Chihowa yvt anonti ilap inlit yvmmak ash o ai isht i'

a holiloblichi vi ghla chi akinli: micha chekosi fehna yvm-mak ash o holiloblichi ai ghla chi mak oke.

33. Chipota vhleha ma! chekosi takla kak o hvchi takla gsha lishke; yohmi ka hvs sa hoya chi hoke; Chu okla ha, Kanima yo ai ia li hoka, hvsh ona he keyushke, im achi li tuk mak osh anonti hvchishno ma himonasi a hvchim achi lishke.

34. Hvsh it i hullo kv, vno vt hvchi hullo li tuk a ohmichi hosh hvchishno yak kia hvsh it i hulla he mak o, nan vlpisa himona ka hvch ima lishke.

35. Hvchishno bika yvt hvsh it i hullo ilvppa pulla kak o nan vm ai ithvna hvchia hatuk a, hatak moma kv isht ithaiyana he mak oke, achi tok.

36. Saimon Pita yash ot, Chitokaka ma! katima ko ish ia chi hoh cho? im achi ma, Chisvs vt afalaminchi mvt, Kanima yo ia li hoka, himonasi kvno pit is siakaiya he keyushke; yohmi kia i himmak o pit is siakaiya hi oke, im achi tok.

37. Pita yash osh, Chitokaka ma! Na katihmi ho himo nasi akinli kvno pit ak chiakaiyo ka hinla cho? chishno a pulla kak o vm ilhfiopak a aka bohyuli lashke.

38. Chisvs vt afalaminchi mvt, Uno a pulla kak o chim ilhfiopak aka ish bohyula chi cho? Ahlishke, ahli mak o chim achi lishke; Akaka yvt ik olo kisha ho, hituchina ha chik svthano ish miha chi hoke, im achi tok.

CHAPTA XIV.

Chisvs vt nan im ai ithvna vhleha ha pehlichit impvt gsha moma hosh, apihvt vba yakni a ont okla gsha hi a i miha, 1; 13 micha ilap hohchifo hak o nan isht asilhvvt anumpuli hokvno moma im aighlicha hi vt miha. 15 Chisvs vt nanuktalali inla auet ima hi vt miha.

1. HVCHI chukvsh vt nana ik hvchi kaniohmo kashke; Chihowa ha, oh i yimmi cha, vno ma oh a yimmi.

2. Aki in chuka ya aiasha yvt laua hoke: ik yvmohmo

hatuk okma, hvchim anoli la he tuk oke, aiasha ya hvchim apoksiachit atahli la chi hosh ia li hoke.

3. Yohmi kv̄t ont apoksiachit hvchim atahli li hokm̄vt, anonti falam̄vt v̄la lish, vno vt kanima yō ai ahanta likma, hvchishno m̄vt yummak o hvsh ai ahashwa hi a, ant hvch ishit ai v̄tta li ka ona la hi oke.

4. Yohmi hokv̄t kanima yō ia li hoka pit hvsh ithana; mikm̄vt hina ya hvsh ithanv̄shke, im achi tok.

5. Tamas ash osh, Chitokaka ma! kanima yō ish ia hoka il ithana keyu: yohmi kv̄t katiohmi hosh hina yano il ithana hinla cho? im achi tok.

6. Mihma Chisvs ash ot, Ūno ak osh hina, micha ai ahlika, ai okchaya aiena sia mak oke: vno ak o keyukma hatak nana hosh Aki a im ai ona he keyu hoke.

7. Ūno a hvs svthana hatuk okm̄vt, Aki ma hvsh ithana akinla he tuk oke: atuk kia hvsh p̄isa tuk okv̄t himak ai v̄hlit ia hokvno hvsh ithaiyanv̄shke.

8. Filip ash osh, Chitokaka ma! Chiki a ish p̄i haiakvchashke, yohmikma pim v̄lhpesa hinla hoke, im achi tok.

9. Mihma Chisvs vt, Chi takla ahanta li hopakit taiyaha ka, Filip vt chik svthano k̄isha tuk oh cho? kv̄na hosh vno a sa p̄isakm̄vt, Aki a p̄isa hatuk; yohmi ka katiohmi hō, Chiki a ish p̄i haiakvchashke, ish achi cho?

10. Ūno vt Aki ibai achafa likma, anonti Aki vt vno a a svbai achafa ka ik chi yimmo cho? anumpa hvchim anum-pohonli li kv̄t vno akinli vm anukfila hosh anumpuli li keyushke; amba Aki svbai achafa yummak osh nana ka ai yvmihchi hoke.

11. Ūno vt Aki a ibai achafa likma, anonti Aki vt auet svbai achafa ka hvs sa yimmashke; keyuk mak heto nana kv̄t a katiohmi tuk yummak pulla kak o isht ai hvs sa yimmashke.

12. Ahlishke, ahli mak o hvchim achi lishke, Kv̄na hosh a yimmikm̄vt, vno nana ai yvmihchi li tuk ash yvmihchi akinla hi oke: yohmikm̄vt vno v̄to Aki a im ia li hatuk oka, nana kv̄t a fehna ilv̄ppa puta ka i shahli hō v̄vmihcha hi oka.

13. Micha **g** hohchifo pulla **h**o nana ka isht hvsh asilhha hokma, **I**ki vt Ushi **g** ai isht a holitopa ai **g**hla hi **g**, mihi **y**o yvmihchi la hi oke.

14. **A** hohchifo pulla **h**o nana ka isht hvsh asilhha hokma, ai yvmihchi la hi mak oke.

15. Hvs **s**a hullo hokmvt, vm anumpa vlpisa puta ka hvsh holitoblashke.

16. Mikma **A**ki **g** im asilhha likma, yvmmvt a hvchi takla ahanta na bilia he mak **o** hvchi nanuktalali inla **y**a auet hvch ima hi oke.

17. Yvmmvt Shilombish ai **g**hli, yvmmak oka yakni okvto pisa keyu, micha ithana keyu aiena hatuk osh, ahninha he keyu mak oke; yohmi kia hvchishno yokvno hvchi takla ahanta tuk osh, anonti hvchi anukfoyuka **ch**i hoka hvsh ithana hoke.

18. Hvchi vlltakla **h**o hvch issvt **g**ya la he keyu; hvchim **g**ya la hi oke.

19. Chekosikma yakni vt sa pisa **ch**i keyu hoke; amba hvchishno vto hvs sa pisa hi oke; yohmi ka sai okchaya hoka, anonti hvchi okchaya he akinli hoke.

20. **U**no vt **A**ki **g** ibai achafa likma, anonti hvchishno vt vno **g** hvs svbai achafa na hvchishno ma hvch ibai achafa li aiena ka, nitak yvmma fehnakma hvsh akostininha hi oke.

21. Kvna hosh vm anumpa vlpisa vt in tonla cha, holi-
tobli hokmvt, yvmmak osh sa holitobli mak oke; micha kvna hosh vno **g** sa holitoblikmvt, **A**ki ma **i** holitopakma, vno mvt holitoblit il im otvninchi la hi oke.

22. Chutas vt Iskaliot ak keyu hosh, Chitokaka ma! ka-
tiohmi **h**o pishno ano ant ish pim ile haiakvchi hokak osh, yakni ano chik im ile haiakvcho ka **ch**i hoh cho? im achi tok.

23. Chisvs vt afalaminchi mvt, Hatak vt **g** hullo hokmvt, vm anumpa **h**a holitobla he; yohmikma **A**ki vt ilapo ma holitoblikma, il im **g**ya cha, il ibai vta he mak oke.

24. **U**no **g** **g** hullo keyu hokvto, vm anumpa **h**a ik holitoblo hoke; micha anumpa ilvppa hvsh haiyaklo ka vm anumpa keyu, amba auet sa kanchi tok **A**ki ak **o** immi hoke.

25. Hvchi takla ahanta li takla hatuk mak osh ilvppa puta ka isht hvchim anumpohonli lishke.

26. Yohmi kia nanuktalali, yvmmvt Shilombish Holitopa mak o a hohchifo pulla hatuk mak o Aki vt auet kancha chi hoka, yvmmak osh nan okluha ka hvch ithvnanchit, nana ho hvchim ahanchi li tuk ma, moma falaminchit hvchi anukfohka hi oke.

27. Nanaiya ya hvchi bohli lishke: a nanaiya ya hvch ima lishke: yakni vt ima chatuk a chohmi keyu ho hvch ima lishke. Hvchi chukvsh vt ik kaniohmokmvt, anonti ik nukshopo kashke.

28. Ia li tukmvt, anonti falamvt hvchim aya la hi oke, hvchim achi li ka hvsh haklo kvno. Hvs sa hullo hatuk okmvt, Aki ak o im ia li hoke, achi li tuk a na hvchi yukpa he tuk; Aki vt vmaiya hatuk oka.

29. Micha ont ai ghlikma, hvsh i yimma he mak o, himonasi ik ono kisha ho hvchim anoli li tuk oke.

30. Yakni ilvppa ai i shahli yatuk mvt, nana ho isht a si ahalaia keyu hosh minti hoka, himak a pilla mvno hvch it im anumpuli li fehna chi keyu mak oke.

31. Yohmi kia Aki a holitobli li ka, yakni vt ithaiyana chi ka, Aki vt nana ho vm apihisa tok a, mih mak o yvmihchi li hoke. Ho wakaya, kiloh ilhkoli.

CHAPTA XV.

Chisvs vt paki vpi yosh naksish puta aiena hosh nan isht vlpisa ilvppak o hatak vt ilap ak o pit ai achafa pulla hosh vnit waya ka chohma he ai vlpesa hatuk a anoli, 1: 9 micha ilapvt nan im ai ithvna vhleha ha i hullo fehna hatuk vt anoli mvt, 12 anonti yvm-makmvt it i hullo kvv yvmmak inli ho chohma hi a in tohno; 19 yakni ilvppak okvt ilap, micha Iki ita-tuklo ka ik ahnincho yatuk okvt yvmmakma i nukkillit ilbvshacha hi a im anoli.

1. UNO ak osh pak-vpi ahli sia hokma, anonti Aki ak osh apoksiachi oke.

2. Naksish vno ak o a sai offo hosh vni keyu hokma, mo-

minchit ishit kanchi hoke: mikmvt naksish vt vni hokvta isht i shahlit vna chi ka, achukmalit apoksiachi hoke.

3. Anumpa isht hvchim anumpohonli li tuk pulla hq himonasi a isht a hvchi a kashovshke.

4. Uno a ho svbai achafa; mikma vno mvt hvch ibai achafa lashke. Naksish vt vpi ak o pit a hikia hq keyukmvt, ilap illa kvv vna he keyu chatuk a, yvmmak i chiyuhmit hvchishno ak kia vno a hvs svbai achafa hq keyukmvt, nana hvsh kanihma he keyushke.

5. Uno ak osh pkvpi sia hokma, hvchishno vto naksish hvchia hoke. Kvna hosh vno a svbai achafa na anonti ilap ma ibai achafa li hokma, mihi yosh vni fehna chatuk oke: vno ak o keyukma nana hvsh kanihma he keyu hoke.

6. Kvna kia vno a svbai achafa keyu hokma, naksish mak o ai itilauechit kanchi na bvshi chatuk; yohmikma hatak puta mvt yvmmak ash aiowvt luak a pila na lua chatuk oke.

7. Uno a hvs svbai achafa na vm anumpa mvt hvchi anukfoyuka hokma, nana hq hvsh aiabni cha hvsh asilbha hokvt, hvchim ai ghla hi oke.

8. Hvsh vni fehna yvmmak okmak o, Aki vt isht a holi-topa ai ghla he; yohmikma nan vm ai ithvna hvchia mak a hi oke.

9. Uno a Aki vt a hullo tok mak o, ai itilauechi hosh hvchi hullo li hoke; a sa holitobli kvv hvsh biliashke.

10. Um anumpa vlpisa puta ka hvsh im antia hokmvt, a sa holitobli kvv a hvchi bilia he: vno vt Aki a im anumpa vlpisa puta ka im antia li kvv, ai i hullo mvt a sa bilia tok mak o hvsh chiyuhma hi oke.

11. Hvchishno pulla atuk mak o nan isht vm ilaiyukpa hatuk mvt hvchin takali bilia na, na hvchi yukpa kvv alotowa chi mak o, ilvppa puta ka isht hvchim anumpohonli li hoke.

12. Uno vt hvchi hullo li tok mak o, chiyuhmichit hvsh it i hulla he, ilvppak osh vm anumpa vlpisa mak oke.

13. Hatak vt i kana vhleha hg i hullo kvv im ilhfiopak a aka bohyuli hoka, hatak nana kia yvma i shahlichit it i hulla hi vt ikshoshke.

14. Nana hō hvchim apesa li ka hvsh yvmohmi hokmvt, a kana hvchia mak oke.

15. Himak pilla kvno ilhtohno hvchi achi la he keyu; ilhtohno yokvto, i shahli hvv nana hō isht ahanta ka, akostinichi keyu chatuk; amba nana hō Aki a im a haklo li tuk vt oklyuha hvchim anoli li hatuk okvt, a kana vhleha hvchi achi lishke.

16. Hvchishno ak osh hvv si atokoli tok o keyu; amba itnowvt vnit hvsh waya he ak atuk oke; yohmikma hvchi a waya kvv aiasha na Aki a nana hō a hohchifo pulla kak o isht hvsh im asilhhakma, hvch ima he mak o, vno ak osh ai atokolit hvchim apesa li hatuk oke.

17. Hvsh it i hulla he mak o, ilvppa hvchim apihisa li hoke.

18. Yakni vt hvchi nukkilli hokmvt, ik hvchi nukkilli kisha hosh vno a a nukkilli tok a hvsh ithaiyanvshke.

19. Yakni ak o hvsh ai achvfa hatuk okmvno, yakni vt immi hatuk okvno holitobla he tuk; amba yakni a hvsh ai achvfa keyu; amba vno ak osh atokolit yakni a a kohchit hvch ishi li hatuk; yohmi hatuk o yakni vt hvchi nukkilli hoke.

20. Tishu hvv i shahli hā imaiya chatuk keyu, hvchim achi li tok anumpa yvmma hvsh ithaiyanashke. Uno a okla svlvshachi tok okmvt, hvchishno ma hvch ilvshacha he akinli hoke; vm anumpa hā im antia tok okmvt, hvchim anumpa hā im antia he akinli hoke.

21. Yohmi kia auet sa kanchi tok a pit ithana keyu hokvt, vno pulla hatuk mak o ilvppa puta ka hvchi yvmihcha hi oke.

22. Uno ak osh ayvt vlvv ant ak im anumpulo hatuk okmvno, ai ashvchika yvt okla ik im iksho ka he tuk; amba himak okvno nan im ai ashvchika ya isht ompoholma hi v okla ik im ikshoshke.

23. Kvna hosh vno a a nukkilli hokvt, Aki ma i nukkilli akinli hoke.

24. Uno vt na-fehna puta ka, hatak inla nana kia ai yvmihchi chatuk keyu ka ai itintakla ma vno vt ai yvmihchi li

tuk keyu hokm^vno, nan ai ashvchika yvt okla ik im iksho ka he tuk; amba himak okvno pisa cha, anonti vno, mikmvt **A**ki ita-tuklo ka i nukkilli tuk oke.

25. Yohmi kia na kaniohmi keyu h_o okla a nukkillishke, achi anumpa hvt i nan vlpisa holisso h_a a holisso tok vt ont ai ghla ch_i kak o, ilvppvt ai yakohmi tok.

26. Yohmi kia nanuktalali, yvmmak okvt Shilombish ghli, **A**ki a a kohchvt aya mak o, **A**ki a im ai isht auet hvchi kanchi li v_la hokmvt, yvmmak osh ai atokowa ka si anohonla he mak oke.

27. Yohmikma hvchishno vt nana vmmona ka si apehvt hvsh aya tuk okvt, nan ai-atokowa ka hvsh anoli akinla hi oke.

CHAPTA XVI.

Chievs vt anonti nan im ai ithvna v_hleha h_a okla hvt ilb^vshala chi puta ka im anoli, 1: 7 mihmvt nanuktalali, yvmvt Shilombish Holitopa mak o auet ima hi vt miha. 16 Falamvt tani ha yvt, ilapvt i nowvt aya pulla he im anoli; 23 ilap hohchifo pulla h_o Chihowa h_a nan isht im asilhha hokvto im anumpa hvt holitopa pulla hi a miha.

1. **I**K hvchi ibetvblo ka he mak o, ilvppa puta ka isht hvchim anumpohonli li hoke.

2. Sinakak puta ka okla a hvchi kohchicha he; ghli, kvna hosh hvchibi hokmvt, Chihowa h_a holitoblich_i mak o im ahoba he nitak vt mihinti hoke.

3. Yohmi kv^t **A**ki, mikmvt vno il ita-tuklo ka ik pithano hatuk mak osh, ilvppa puta ka hvchi yvmihcha hi oke.

4. Yohmi kia nitak yvmvt ai ona hokma, yvmmak oka hvchim anoli li tok a hvsh ithana he mak o, ilvppa puta ka hvchim anoli li hoke. Yohmi kv^t vno vt hvchi takla anta li hokvt, nana vmmona hokvno ilvppa puta ka ak hvchim acho ki tok oke.

5. Yohmi tuk osh himonasi yokvno auet sa kanchi tok mak o falamvt im ia la ch_i hoke; yohmi na hvsh kanima kia, Katima y_o ish ia ch_i cho? achit hvchik s_a ponakloshke.

6. Amba ilvppa puta ka hvchim achi li kak o, nanukhaklo kvv hvchi chukvsh a alotolishke.

7. Yohmi kia ghli mak o hvch im anoli lishke. Uno vt ia li hok mak o nan isht a hvchim vlhpiesa chi hoke; vno vt ia li keyu hokmvno, nanuktalali vt hvchim aya he keyu: amba ia li hokmvto, yvmma auet hvchi kanchi la he mak oke.

8. Yohmikma yvmmak osh vlakmvt, ai ashvchika, micha nan ai vlhpiesa, mikmvt nan-vlhpisa aiena ka okla puta ka, anukfohkicha hi oke.

9. Uno a okla a yimmi hatuk keyu hoka, nan im ai ashvchi hatuk a im otvnhincha he;

10. Uno vt Aki a im ia li; yohmi na himmakma hvch ik sa peso hatuk oka, nan ai vlhpiesa hatuk a im otvnhincha he:

11. Yakni a ai i shahli hvv nan im vlhpisa hatuk oka, nan-vlhpisa ma im otvnhincha hi oke.

12. Na hvchim achi la he yokvto vm aasha moma akinli kia, himonasi okvno yvmmak oka hvsh akostinincha he keyushke.

13. Yohmi kia Shilombish ghli, yvmmvt vla hok mak osh, nan ai ghlika puta ma hvch ithvnancha hi oke; yvmmak okvt ilap nana aiahni hosh anumpula he keyu hokvt; amba nana ho haklo tuk mak osh mihi yo anumpula hi oke; mikmvt nana a kaniohma he puta ka hvchim otvnhincha hi oke.

14. Yvmmak okvt vno ak o vm ai ishi cha, hvchim otvnhincha hi okvt, vno a sa holitoblichia he mak oke.

15. Nana moma Aki vt im aasha kvv vmmi hoke; yohmi hatuk mak o, vno ak o vm ai eshi cha hvchim otvnhincha he, hvchim achi li tuk oke.

16. Chekosikma hvs sa pisa chi keyushke; atukmvt anonti Aki ak o im ia li hatuk oka, chekosikma hvs sa pisa hi oke, im achi tok.

17. Yohmi ma nan im ai ithvna vhleha kaniohmi kvv, Chekosikma hvs sa pisa chi keyushke; anonti Aki a im ia li hatuk oka, chekosikma hvs sa pisa chi hoka hvvim achi ka, ilvppak osh katiohmi hoh chc? ilap bika it im achit maya tok.

18. Yohmi hatuk osh, Chekosikma, achi ilvppvt nanta hak oh cho? nana hō miha ka kil im akostininchoshke, okla achi tok.

19. Ilapa okla i ponaklo bvna ka Chisvs vt im ithana hatuk osh, Chekosikma hvs sa pisa chi keyushke: atuk osh anonti chekosikma hvs sa pisa chi oke, achi li tuk yvmmak ash isht ai it im a ponaklot hvsh m̄ya cho?

20. Ahlishke, ahli mak o hvch im achi lishke; Hvchishno yokto nishkin okchi mintit hvsh yahaya chi hoke; yohmikma yakni vto na-yukpa chi hoke: mikma hvchi nukhaklo fehna he; yohmi kia na hvchi nukhaklo kash ot falamvt isht a hvchi yukpa hi oke.

21. Ohoyo hvv vlla in tonla chikmvt, hvshi kanvlli vlvpisa hvv im ai vla hokvt ilbvsha hoke; yohmi tuk kia hatak osh tobtv yakni a ai ituyula ka, na yukpa kvv, vlla yvt in tola makinli hosh na palvmmi tuk a imi-haksi hoke.

22. Yohmi ka hvchishno vt himonasi kvno hvch ilbvshvshke; yohmi kia himmakma hvchi pisa la chi akinli; yohmikma hvchi chukvsh vt yukpa he, mikma na hvchi yukpa ka hatak nana hosh ishit hvchi kancha wa.

23. Mikma nitak yvmma fehnakma nana kia hvch ik sa ponaklo ka hi oke. Ahlishke, ahli mak o hvch im achi lishke, Ūno a hohchifo hō nana ka Aki a isht a hvsh im asilhhakma, hvch ima he mak oke.

24. Tikvtv a mihinti hokvno a hohchifo hā nana ka isht hvch ik asilhho ke tuk; oh asilhhā; yohmikmvt na hvchi yukvtv isht alotowa chi ka, hvsh habena he mak oke.

25. Nana ilvppa puta ka nan isht vlvpisa hō isht hvchim anumpuli lishke; yohmi kia himmakma nan isht vlvpisa hō isht ak hvchim anumpulo hosh, amba otvvinchi achukma hosh Aki a isht a hvchim anohonli la he nitak vt mihinti hoke.

26. Nitak yvmmak okvno a hohchifo hā nan isht a hvsh asilhha hi oke: yohmikma Aki a hvch isht im a ponaklo la hi oke; hvchim achi li keyushke.

27. Hvchishno vt hvs sa hullo, mikmvt Chihowa ak o a

kochvt aya li hatok a hvchi yimmi tuk : yohmi hatuk o **Aki** vt ilapo akinli kv̄t hvchj hullo hoka.

28. **Aki** ak o a kohchvt aya hosh yakni a vla li tok osh ; anonti yakni ash issvt, **Aki** a im ia li hoke, im achi tok.

29. Nan im ai ithvna v̄hleha hash ot, Inta ! himak okvno achukmalit isht pim anumpuli cha, nan-isht vlhpisa h̄o chik anumpuloshke.

30. Nan okluha ka ish ithaiyana ka, hatak nana hosh nana ka a chim a ponakla hi o keyu ka himak okvno il akostininchishke ; Chihowa ak o a kohchvt ish aya tok pulla ka ilvppak o isht a pi yimmishke, okla im achi tok.

31. Chisvs vt afalaminchi m̄vt, Himak ano okla hvchi yimmi cho ?

32. Inta ! hatak vt ilap in chuka aiyukali ka ai ita fimimp̄vt ilap banochit h̄vs sa filvmma chj ka hvshi kanvlli ai vlhpisa kv̄t mihinti tuk osh, anonti himak okvno ai ona hoke ; yohmi kia **Aki** ak osh si ahina hoka, vno ak illa he keyushke.

33. Ūno pulla h̄o nana anuktanla ka hvsh iesha he mak o, ilvppa puta ka isht hvchim anumpuli lishke. Yakni paknaka yokvno na palvmmi puta kv̄t a hvchim aiasha he ; yohmi kia hvchi nuktanla achukmashke ; vno vt yakni a imaiyachi li tuk oke, im achi tok.

CHAPTA XVII.

Ishit inla ibbak fohka chj ninak a Chisvs vt vba pit anumpuli kv̄t, ilap̄vt illi tuk vt falam̄vt tani ha ya, Chihowa hv̄t nan im ai ithvna v̄hleha h̄a apelabanchi na im anukfila hv̄t ai it achvfa he, 1 ; 20 Chihowa, Ushi ita tuklo ka im anukfila pit ai itachvfa he : 24 yohmi cha ilap vt vba yakni a holitop̄vt ahanta ka ont apehvt maya he puta ka vba isht anumpohonli.

1. **ANUMPA** ilvppa puta ka Chisvs vt anumpohonli m̄vt, vba pit vba chakali cha, **Aki** ma ! hvshi kanvlli vlhpisa yvt ai onvshke. Chiso h̄a ish holitoblichy na anonti chiso m̄vt chi holitoblichy akinlashke.

2. Laua kv̄t kaniohmi h̄o ish im ihisa tuk ma, yvmmak

ash ai okchayvt bilia yo yummak ash ot ima hi vt, hatak puyuta ma ai imaiya he mak o, ish im apihisa tok oke.

3. Yohmi ka Chishno ak illa kak osh Chihowa ghli chia ka, micha Chisvs Klaist auet ish kanchi tok ma okla ithaiyana he ak o ilvppak osh ai-okchayvt bilia yoke.

4. Yakni paknaka ya a chi holitoblichi lishke. Natoksvli isht ahanta la hi o is svm apesa tok a, atahli lishke.

5. Yohmi ka, Aki ma! yakni vt iksho mak o na holitopa ka isht chiba holitopa li ya tok mak o, himak a chishno a ai il a aieninchit is sa holitoblichashke.

6. Hatak puta ka yakni ak o ai ishit is soma hatuk a, chi hohchifo ha im otvninchi li hokvno; yummak okvt chimmi hatuk o, is soma hatuk oka, chim anumpa ha okla holitobli tuk oke.

7. Nana ka is soma tok oklyuha kvv chishno ak o a minti hatuk a himak okvno okla akostininchishke.

8. Anumpa is soma chash yummak o ima li hokvno; mihma yvma okla aiokpvchi mvt, vno vt chishno ak o a chi a minti li hatuk a, okla akostininchi, micha chishno ak osh auet is sa kanchi tok aiena ka okla yimmi hatuk oke.

9. Yummak o isht chim ilbvshvt anumpuli lishke; yakni ak o isht chim ilbvshvt anumpuli li keyu, amba ilvppak o is soma tok a, yvmmvt chimmi vhleha hoka, isht chim ilbvshvt anumpuli lishke.

10. Yohmi ka vmmi hvv momvt chimmi hokma, anonti chimmi hvv vno a vmmi makinli hoke: yohmi hoka vno vt yvma isht a sa holitopa hoke.

11. Himak okvno yakni paknaka ya himmakma ik si ai iksho mak oke; yohmi kia ilvppak okvto yakni a ai ahashwa na vno vt chim aya li mak oke. Aki holitopa ma! is soma tok vhleha ilvppak oka chishno chi hohchifo pulla hatuk mak o ish apesahanchi na yummak mvt ai itibai achvfa kvv pishno a chiyuhmashke.

12. Pehliechit yakni paknaka ai ahanta li moma kvvto chi hohchifo pulla ho isht ai apesahanchi li tok: is soma tok vhleha yummak oka apesahanchi li ma, achvfa kia ik kvnio

hō, amba Holisso Holitopa vt ont ai ḡhla chī kak օ, nan-ok-puni ushi ak illa tuk oke.

13. Yohmi ka vno pulla hatuk mak օ ḡ nan-isht ilaiyukpa ma ilap inlit okla il ai esha hi օ, ilvppa puyuta ka yakni paknaka isht ai anumpohonli li, yohmi tuk osh himak okvno chim ḡya li mak oke.

14. Chim anumpa hḡ ima li tuk oke: yohmi ma yvm-mak okvt yakni ḡ ai immi keyu kv̄t, vno vt yakni ḡ ai immi sia keyu kak inli hō chohmi hatuk օ, okla ḡ nukkili hatuk oke.

15. Yakni ak օ a kohchit ish isha hi օ chim asilhha li keyu; amba apesahanchit nan-okpulo ak օ ishit chik ahalai-yacho ka he ak oke.

16. Yakni ḡ ai immi keyu kv̄t, vno vt yakni ḡ ai immi sia keyu kak inli hō okla chiyuhmi hoke.

17. Yvmmak oka na chim ai ḡhlika pulla kak օ isht ish ḡ kashofichashke; chim anumpa hak osh nan ai ḡhlika yoke.

18. Chishno vt yakni paknaka yḡ auet is sa kanchi tok mak օ, chohmichit vno mvt ilvppak ma yakni paknaka yḡ a tihlehinli lishke.

19. Micha ilap ak kia nan-ai ḡhlika yḡ ai isht a kashofa chī ka, vno vt ilvppak pulla hatuk mak օ ile kashofichi li hoke.

20. Micha ilvppa illa hō isht asihihla li keyu; amba ilvppa pulla im anumpa hatuk mak օ ḡ yimma he aiena kak oke.

21. Moyumvt ai itib achvfa kv̄t, Ḃki chia hv̄t vno ḡ is svbai achafakma, anonti vno mvt a chibai achafa li kak inli hō okla chiyuhmi cha, yvmmak mvt pishno ḡ a pibai achafashke: yohmi na chishno ak osh auet is sa kanchi tok ḡ okla moma kv̄t ithaiyanashke.

22. Yohmikma ilvppvt ai itib achvfa kv̄t pishno il itibai achvfa kak inli hō chohma hi ḡ, nan-isht aholitopa is svma tok ḡ ilvppa ima lishke.

23. Vno vt ilvppa ai ibachafa likma, anonti chishno mvt auet is svbai achafa; ai yakohmi hō yvmmak osh ont ai ḡhli achvfa ka tobashke; yohmikma chishno ak osh auet is sa

kanchi tok; a tok osh ilvppak oka ish i hullo kvv vno q a sa hullo kak inli hq ish chohmichi ka, yakni vt ithaiya-nashke.

24. Aki ma! is svma tok vhleha hak kia kanima yq ai ahanta likma, si apihvt gsha cha, nan-isht vm aholitopa yvma is svma tok q pisa he ak o, ahni lishke: yakni vt ik tobo kisha mak o is sa holiobli tok mak oke.

25. Aki ahli achukma ma! yakni vt ik chithanoshke; yohmi kia vno vto chithana li; mihma chishno ak osh auet is sa kanchi tok q ilvppak okvto akostininchi hatuk oke.

26. Yohmi na ilvppak o chi hohchifo ha isht im anohonli li tuk osh, anonti anohonli la chi hoke: yohmikma na-holiobli ai isht is sa hullo hatuk vt ilvppak ma anukfoyuka na, anonti vno mvt ai ibachafa lashke, achi tok.

CHAPTA XVIII.

Chisvs vt osapushi yo ont chukowa, 1; 6 Chutas vt Chisvs q isha enq hosh ai vla na, Chisvs vt anumpuli ma, falamvt obvlhpelvt aka ont fobopa; 10 Pita yvt Malkvs haksobish q chanlit hokofi. 12 Chisvs q okla takchi cha isht ia mvt, Annas ak o isht im ona tuk osh achakalinchi mvt, Kaiafas ak q okla isht im ona; 15 mihma Pita yvt Chisvs q ik ithano miha. 29 Chisvs q Pailat ak o kila isht im ona ma, Pailat ash osh achukmalit nan im a ponaklo.

1. CHISUS vt ilvppa puta ka ahanchit in taiyaha mvt, nan im ai ithvna vhleha pehlinchit Kitlon bokushi q pit tanvblit osapushi vt yvma talaiia tuk o, nan im ai ithvna vhleha hash ai it apihvt ont chukowa tok.

2. Yohmi ka Chisvs vt nan im ai ithvna vhleha ha pehlichit yvma ai ona fehna chatuk q ishit inla im issa tok Chutas ak kia yvma pit ai ithana tok.

3. Yohmi hatuk osh Chutas ash ot hatak ai-itapeha achvfa, i kvpitvni vhleha aiena ka na-holitompa isht gsha pehlichi vhleha, mikmvt Falisi vhleha aiena ka ai im ai ishi mvt, pvla afohka, mikmvt na shimahli pvla, micha na halupa aiena ka sholi hosh yvmmak ash ai vla tok.

4. Yohmi ma Chisvs vt nana hosh ilapa ai outvuyula chi

puta moma ka ithana hatuk okvt, ivt ont afamvt, Kṛta hṛ hvsh hoyo cho? im achi tok.

5. Mihma, Chisvs Nasalet minti ak oke, okla im achi ma, Chisvs ash osh, vno ak osh mih sia mak oke, im achi tok. Mihma ishit inla im issa tok Chutas ash kia yvmma takla hikia tok.

6. Atuk o, Ūno ak osh mih sia mak oke, im achi makinli hṛ, okla obvlhpevt ivt aka ont kaha tok.

7. Mihma atuklanchit i ponaklot, Kṛta hak o hvsh hoyo cho? achi tok. Mihma, Chisvs Nasalet minti ak oke, okla achi tok.

8. Chisvs vt afalaminchi mvt, Ūno ak osh mih sia hatuk vt hvchim anoli li kvno; yohmi hoka vno ak o hvsa sa hoyo hatuk okmvt, ilvppak okvno asht ik itvnowá, hvsh im ah-nashke.

9. Yohmi na yvmmak o isht anumpuli hosh, Is svma tok vhleha hokvt achvfa kia ik sa kvnioshke, ahanchi tok a ont ai ahlashke, achi tok.

10. Yohmi ma Saimon Pita yvt bvshpo falaia shanli tuk osh halvllit shufi mvt, na holitompa isht asha pehlichy i shahli in tishu hṛ isht fahamvt, haksobish isht impak imma ya chanlit hokofi tok. Tishu hohchifo hv Malkvs a tok.

11. Mihma Chisvs vt Pita yash o, Chi bvshpo falaia ya i shukcha pit fohki; isht ishko Aki vt auet vma tok a ak ai ishko ka hinla cho? im achi tok.

12. Yohmi ma hatak aya achvfa, micha kvpitvni, mikmvt Chu okla nan vlhtoka vhleha aiena kash ot Chisvs ash ishi cha, takchi tok.

13. Mihmvt yvmmak osh Kaiafas vt afvmmi yvmma feh-na ka na holitompa isht asha pehlichy i shahli yatuk o, yvmma ipochi yatuk oka Annas ak o tikba okla isht im ona tok.

14. Kaiafas ilvppak osh hatak achvfa hosh okla hoka vlhlobvt illa he ak o ai vlhpiesa ka, Chu okla ha it im apesa tuk a tok.

15. Mihma Saimon Pita yvt Chisvs a pit iakaiyvt aya ma, anonti nan im ai ithvna achvfa yvmmak oka na-holi-

tompa isht a₂sha pehlichy i shahly hvt ithana hatuk o, Chisvs a awant na-holitompa isht a₂sha pehlichy i shahly i nan-ai-apesa ya ont chukowa tok.

16. Amba Pita vto okhissa kocha yak o hikia tok. Yohmi ma nan im ai ithvna achvfa na-holitompa isht a₂sha pehlichy i shahly hvt ithana hatuk, yvmmak ash ot kohchvt ivt, ohoyo okhissa apesvchi yash ont im anoli cha, Pita ya ilauelet chukowa tok.

17. Mihma ohoyo himita okhissa apesvchi yash ot Pita ya, Chishno ak kia hatak ilvppa nan im ai ithvna chia keyu? im achi ma, Mih sia keyushke, im achi tok.

18. Mihma kapvssvchi hatuk o, ilhtohno vhleha, micha nan vlhtoka vhleha aiena kash ot tobaksi yo oti cha, libisha hosh hiohmaya tok; mihma Pita yvt takla hikivt libisha tok.

19. Na-holitompa isht a₂sha pehlichy i shahly ash ot Chisvs a nan im ai ithvna vhleha, mikmvt nan isht im avchi aiena ka ai im asilhvchi tok.

20. Chisvs vt afalaminchi mvt, okla puta ka ai im otvni achukma hosh anumponli li hatuk; Chu okla hvt ai itvnaha bilia sinakak, micha tempel aiena yvmmak o nana ai ithvnanchy li chatuk; yohmi kvv luma chohmi hokvto nana ak achoshke.

21. Na katihmi ho vno ak o is svma ponaklo cho? nana im achi li ka haklo chatuk vhleha hak o ish i ponaklashke: yakeh! yvmmak osh nana achi li chatuk a okla ithana hoke, achi tok.

22. Ivppa yakohmichit anumpuli ma, nan-vlhtoka vhleha hvt achvvt bilikasy hikia tuk osh, Chisvs ash ibbak isht pasalichy mvt, Na holitompa isht a₂sha pehlichy i shahly ya yakohmichy hosh ish im anumpuli cho? achi tok.

23. Chisvs vt afalaminchi mvt, Ik vlhpeso ho anumpuli li hokma, nan ik vlhpeso mak o isht ish atokolashke: amba vlhpesa tuk mvno, katiohmi ho is svssso cho? achi tok.

24. Yvmmak ash ot talakchy na Annas vt na holitompa isht a₂sha pehlichy i shahly Kaiafas a pit pila tuk a tok.

25. Mihma Saimon Pita yvt libisha hosh hikia tok : yoh mi ma, Chishno vt yvmma nan im ai ithvna vhleha hā ish ibai achvfa tuk keyu ? okla im achi ma, ik ahlo mihvt, Ūnc yokvt mih sia keyushke, achi tok.

26. Na holutompa isht aśha pehlichī i shahli im ilhtohno vhleha achvft Pita yvt haksobish tvbli tuk ash i kanomi hosh, Chishno ak osh yvmma awant osapushi ā ish anta hō, chi pisa li tuk keyu ? achi tok.

27. Mihma Pita yvt ik ahlo kash inli hō miha tok : mihma chekosi fehna akāka yvt ola tok.

28. Yohmi ma Chisvs ash Kaiafas ā im ai ishit ivt, nan ai apesa yō okla isht onā tok : yvmmvt onnahinli ha tok ; yohmi kv̄t nan-vbanvblit ont ia yā ai impa he tuk vt, im ai okpuloka hinla hatuk osh ilapo ak okvto nan ai-apesa yā okla pit ik chukowo ki tok.

29. Mihma Pailat vt kohchvt ona mvt, Hatak ilvppa anumpa nanta mak o hvsh ai ikbichi cho ? achi tok.

30. Mihma okla afalaminchi mvt, Ilvppvt nanokp̄ni keyu hatuk okma, chibbak oka ant e chī fohka he tuk keyu hoke, okla im achi tok.

31. Mihma Pailat vt, Isht oh ia cha, hvchī nan-vlh̄pisa mak o isht oh ai im apesá, im achi tok. Yohmi hatuk o Chu okla hash osh, Hatak nana kia illa he il im apesa he vt a pim vlhpesa keyu hoke, okla im achi tok.

32. Yohmi ka Chisvs vt kaniohmit ai-illi yō ai illa hi vt anumpohonli tok ā, ont ai ahla he mak a tok.

33. Mihma Pailat vt atuklanchit nan-ai-apesa yash ont chukowa cha, Chisvs ā i howa mvt, Chishno ak osh Chu okla i miko chia mak oh cho ? im achi tok.

34. Mihma Chisvs vt afalaminchi mvt, Chishno akinli hosh, keyukmvt, inla yak osh vno ā isht a chim anolikmá, nanta tuk o ilvppa ish achi cho ? im achi tok.

35. Pailat vt afalaminchit, Ūno vt Chu sia hō ? chishno ohim okla ash inli, mikmvt na holutompa isht aśha pehlichī vhleha aiena kak osh chishit svbbak ā fohki tuk oke. Nanta mak o ish katiohmi tuk oh cho ? achi tok.

36. Chisvs vt afalaminchi mvt, Apehlichī li ka yvt yakni

ilvppak inli keyushke. Apehlichli li ka yvt yakni ilvppak inli hatuk okma, Chu okla ibbak ak a fohko ka chi ka, an tishu vhleha hvt itihimba he tuk: amba himak okvno apehlichli li ka yvt ilvppak inli ho keyushke, achi tok.

37. Yohmi hatuk o Pailat ash osh, Mih kvto miko chia akinli hotuma? im achi ma, Chisvs vt afalaminchit, Miko sia mak atuk o ish mihvshke. Nan ai ghlika atokolit anoli la he ilvppak osh sa toba cha, anonti ilvppa pulla hatuk mak o ayvt yakni a vla li tuk oke. Nan ai ghlika yo anukfoyuka aiyukali hokvto, vm anumpa ha haponaklo bano hoke, achi tok.

38. Pailat ash osh, Nan-ai ghlika yak osh nanta ho? im achi tok. Mihmvt ilvppa achi mvt, falamvt kohchvt Chu okla hash im ona mvt, Nan ik ai-vlhpeso nana kia a takali ka ak im akostinincho kvmohmishke.

39. Yohmi kia nan-vbanvbli ont ia isht gsha hokvno, achvfalichit a hvchim i hotofi la he ai vhpesa chatuk vt ghvshke: yohmi hoka Chu okla i miko ak o a hvchim i hotofi la hi a hvsh ahni cho? im achi tok.

40. Mihma anonti momvt chitoli hosh, Hatak ilvppvno keyu ho, amba Balabbas ak ashke, okla achi tok. Yohmi ka Balabbas vt hatak hukopa ya tok.

CHAPTA XIX.

Pailat vt Chisvs ash fvmmit issa ma, tvshka chipota vhleha hvt kvti tvnna yo iachokolichi, 1: 4 hlakofichi bvna kia, Chu okla nan ahni kak o im antia hatuk osh, yvmmvvt ititaiyukhvna ahonvha chi mak o, im issa: 17 tvshka chipota vhleha hvt i nafohka yatuk a iti hopela: 26 Chisvs vt ishki yatuk a achukmalit apelahancha chi ka, nan im ai ithvna i holitopa yatuk a i miha cha, illi. 31 Tvshka chipota vhleha hvt, Chisvs naksi a tvli halupa ishit bahli. 38 Chosef Alimahlea minti, micha Nikotemvs ita tuklo hosh Chisvs haknip a ishi cha, hohpi.

1. YOHMI hatuk o yvma foka ma Pailat vt Chisvs a ishi cha, fvmmi tok.

2. Mihma tvshka chipota vhleha hvt kvti tvnvt iachuka

ikbit, noshkobo h_g iachukolichi mvt, na tishepa na fohka holitopa yo ishit okla anchichi tok.

3. Mihmvt aiokpvchi mvt, Chu okla i miko yosh nan ik yukpá, achi mvt ibbak okla isht isso tok.

4. Yohmi ma anonti Pailat ash ot ia cha, Yakeh! nana ik ai-vlhpeso nana kia ai a takali na akostininchi li keyu ka hvsh akostinincha chi mak o, ilauelet hvchi kohchi lishke, im achi tok.

5. Mihma Chisvs vt kvti iachuka h_g iachukoli cha, natishepa na-fohka holitopa fohka hosh auet kohcha tok. Mihma Pailat ash osh, Yakeh! hatak atukma ho pesá, okla h_g im achi tok.

6. Yohmi ma na-holitompa isht gsha pehlichí vhleha, mikmvt nan-vlhtoka vhleha aiena kash ot yvmmak ash pisa mvt, chitoli hosh mihvt, Ititaiyukhvna ak o oh ahonvhlichí, ititaiyukhvna ak o oh ahonvhlichí; ahanchi ma, Pailat ash osh, Oh ishi cha, ititaiyukhvna ak o oh ahonvhlichí; vno yokvto nana ik ai-vlhpeso nana kia ai atakali ka ak im akostinincho hoke, im achi tok.

7. Chu okla hvt afalaminchi mvt, Nan-vlhpisa hvt pin tonla: yohmi ka ilvppak okvt Chihowa Ushi ilapissa hatuk okvt, pi nan-vlhpisa pulla kak o isht illa he vlhpesa hoke, im achi tok.

8. Yohmi hatuk o Pailat vt anumpa yvmma haklo mvt, nukshopa kvt isht i shahli tok.

9. Mihmvt anonti nan ai apesa yash ont chukowa cha, Chisvs ash o, Katima ko ish minti tok oh cho? im achi tok. Yohmi kia Chisvs ash ot nana ik im acho ki tok.

10. Yohmi ma Pailat ash ot, Chik svm anumpulo mak oh cho? vno vt ititaiyukhvna ya a chi ahonvhlichí la hi vt vm vlhpesa, anonti chi hotofi la hi vt vm vlhpesa aiena ka chik ithaiyano cho?

11. Chisvs vt afalaminchi mvt, Chishno yokvt vba ak o auet a chima ho keyukma, vno yoka nana ho is sa kanibcha hi vt chim vlhpesa keyushke: yohmi hoka svshit gyvt chibbak g ant sa fohki tuk g yvmmak osh nan-ashvchi kv ai in chinto hoke, achi tok.

12. Yohmi ma yvmma ai vhlit minti ka Pailat vt yvmmak ash i hotofi bvnvt im anukfihinla tok : yohmi kia Chu okla hvv chitolit anumpulit, Hatak ilvppa ish i hotofi hokmvt, Sesa ya i kana chia ha he keyu. Kva hosh miko il apesakmvt, Sesa ak o i sanalit anumpuli hoke, okla achi tok.

13. Yohmi hatuk o Pailat vt anumpa yvmma haklo mvt, Chisvs ash ishit kohchi cha, ilap vto nan ai-apesa ai-o-minili om binili tok, yvmmvt Tvli potvlhpo hohchifo ho, amba Heblu ano Kabbahla hohchifo ha tok.

14. Mihma nan vbanvblit ont ia gsha chi ka, ai il atahlit maya nitak, mihmvt hvshi kanvlli vlvhvisa yvt ont isht han-nali foka aiena ; yohmi hatuk o Chu okla hash o, Hvchi miko ya ho pesa, im achi tok.

15. Yohmi kia okla chitoli hosh anumpulit, Kanima isht oh ia cha, kanima isht oh ia cha, ititaiyukhvna oh ahonvhlichí, achi ma, Pailot ash ot, Hvchi miko ya ititaiyukhvna ahonvhlichí la chi cho ? im achi ma, na holutompa isht gsha pehlichí vhleha hash ot, Pi miko vt iksho, Sesa ak banoshke, im achi tok.

16. Yohmi ma polaka yvmmak ash ot ititaiyukhvna ahonvhlvt illa chi mak o, ibbak i fohki tok. Yvmma foka ma Chisvs ash o okla ishi cha, halvllit kanima isht ia tok.

17. Yohmi ma im ititaiyukhvna yash o sholi cha ivt yakni hohchifo noshkobo foni aiasha yo, anonti Heblu yokvno yvmmvt Kalkohla hohchifo ho ona tok.

18. Mihma yvmmak ash, micha inla yvt tuklo ho aieninchit ititaiyukhvna okla ai ahonvhlichí tok : Chisvs ak osh iklvna yo takali na achvfa bkvvt ita hlaklaka takohli tok.

19. Mihma Pailat vt nan anoli holisso ha holissochit ititaiyukhvna ya a lapalichí tok. Yohmi ka holisso kvv, CHISVS NASALET MINTI CHU OKLA I MIKO YOKE, achi ha tok.

20. Yohmi na Chisvs vt ititaiyukhvna ai ahonvhlvt illi yvmmvt tvmaha ha i bilika ha tok : yohmi ka holisso kvv Heblu, Klik, mikmvt Latin aiena anumpa hosh isht a holisso hatuk oka, nan anoli holisso ilvppak ash Chu okla laua kvv pisa tok.

21. Yohmi ma Chu okla na holitempa isht im asha peh lichi vhleha hash osh Pailat a, Chu okla i miko, achit chik holissocho kashke; amba Chu okla i miko sia hoke, achi chatuk yvmmak o ish holissochashke, okla im achi tok.

22. Mihma Pailat ash ot, Nana ho holissochi li kvv holissochi li mak atuk oke, im achi tok.

23. Yohmi ma tvshka chipota vhleha hvv Chisvs a ititaiyukhvna ahonvhlichi mvt, i na fohka yatuk a ishit ita kvsh koa ushtali cha, tvshka, chipota vt i kashampa aiyuka tok; mihmvt i na fohka lumbo ash kia aieninchi tok: na fohka lumbo yvt ahchuwa yo keyu, paknaka yak o a tvnvt maya hosh ont taiyaha ha tok.

24. Yohmi hatuk o, Ilvppak okvno keho hlilvffo hosh, amba kvna hosh immi ha chj ka, na shoelit kil oh ashá, ilap bika it im achit maya tok; yohmi ka Holisso Holitopa vt, Um ilifoka ya okla iti hopela mvt, a na fohka lumbo yoka na shoeli isht aiasha kvno, achi ka ont aighla chj mak a tok; yohmi hatuk o tvshka chipota vhleha hvv ilvppa okla yakohmi tok.

25. Mihma Chisvs ititaiyukhvna a takali ka ituma ya ishki, micha ishki nakfish, mikmvt Meli Kleofas tekchi, mikmvt Meli Maktalene aiena hosh hiohmaya tok.

26. Yohmi hatuk o Chisvs vt ishki, micha nan im ai ithvna yvmma i hullo beka tuk mak osh itatuklot hinli na pisa mvt, ishki ash o, Ohoyo ma! chiso ha ish pisashke, im achi tok.

27. Mihmvt nan im ai ithvna yash o, Chishki a ish pisashke, im achi tok. Mihma nan im ai ithvna yvmmak ash osh hvshi kanvlli vlhpisa yvmmak fehna ai-vhlit ia ka, ohoyo hash ilaelit ilap in chuka akinli ho bohli tok.

28. Yakohmi ha ya, nan okluha kvv ont ai vlhtaha ka, Chisvs vt ithana hatuk osh, Holisso Holitopa yvt ont ai ghla chj ka, Sa tukshilvshke, achi tok.

29. Yohmi ma nan-ai-vlhto wineka alota kvv talaia tok; atuk o na-shatvmmi yo wineka yash alotolit hissop o takalichit itih ha pit tikelichi tok.

30. Yohmi hatuk o Chisvs vt wineka yash ishkot pisa

mt, Ulhtaiyahvshke, achi tok; yohmi cha aka yuhcu-nukli mt, fiopissa tok.

31. Yohmi hatuk o nan il ai atahli nitak atuk oka, nitak hullo ya haknip vt ititaiyukhvna ya ik a takohmayo ka chi ka, nitak hullo yvmmvt nitak holitopa hatuk oka, Chu okla hash osh yvmma hanali ak osh kobahli na ishit kanima ia hinla ka, Pailat a im asilhha tok.

32. Yohmi na tvshka chipota vhleha hash ot ivt, ititaiyukhvna ai iba honvhlvt okla kash achvfalit tikba hanali ha kobahlichi mt, anonti achvfa yash kobahlichi tok.

33. Amba Chisvs vt a takali tuk a okla ona mt, yvmmvto illi mashko tuk o pisa cha, yvmmvno hanali ha ik kobahlecho ki tok.

34. Yohmi kia tvshka chipota vhleha yash ot achvvt naksi a na halupa ho ishit bahli na ashalika issish, micha oka aiena hosh auet fohopa tok.

35. Yohmi ka yvmma pisa tok mak osh atokowa ka anoli; yohmi ka yvmmvt atokoli ka ai ahli hoke: yohmi ka hvchishno vt hvchi yimma chi ka, ai ahli mak o miha kvv ithana hoke.

36. Holisso Holitopa yvt, Foni vt ik pakoto ka he, achi kvv ont ai ahla chi mak o, nana kvv a yakohmi tok.

37. Micha anonti Holisso Holitopa ai anumpa inla mt, Yvmma okla bahli tuk vt yvmmak ash pisa hi oke, achishke.

38. Micha ai yakohmi ha ya, Chosef Alimablea minti vt Chisvs a nan im ai ithvna akinli kia, Chu okla ha i nukshopa kvv il aluma beka tuk osh, Chisvs haknip a isha hinla kvv, Pailat a ont im asilhha tok: mihma Pailat vt vlhpesa, im ahni tok. Yohmi hatuk o ivt, Chisvs haknip ash ont ishi tok.

39. Yohmi ma Nikotemvs vt nan vmmona ka ninak o gyvt Chisvs a pisa tok yvmmak ash kia vla cha, mvh micha aloes itibvlhto kvv weki tahlepa achvfa foka ho isht vla tok.

40. Yohmi ma Chisvs haknip ash o ishit okla cha, Chu okla hvv hohpi kvv yvmihchi chatuk mak o, yvmmak ash o linen osh na-balama pit aiena ho isht a bonulli tok.

41. Ititaiyukhvna ahonvhlvt ai illi yvmma osapushi osh ta-

laia tok : mihma osapushi anukaka ya sepvka himona, hatak vt ik a hollopo kisha yo, hikia tok.

42. Yohmi hatuk o Chu okla nan il ai atahli nitak a tok; yohmi hatuk o sepvka yvt yvmma auet i bilikasi hatuk oka, vvmmak o Chisvs a bohli okla tok.

CHAPTA XX.

Meli Maktalene vt sepvka yash ona, 1. 2 Pita, Chan itatuklo kv tushpvt ivt, sepvka yash it onachi akinli. 11 Meli Maktalene ash ot sepvka ya falamvt ona, atuk o i himmak o Chisvs fehna kash osh yvmmak ash inli ho ont i haiaka. 19 Mih nitak akinli opivt taha ho nan im ai ithvna vhleha hv itvnavt chiya ma, Chisvs vt im ona; 25 Wek inla hosh ont taha ho nan im ai ithvna vhleha hv Tamas a pit a momvt itvnavt chiya ho, Chisvs vt anonti i haiaka.

1. WEK chukovvt iahpi onnahinli fehna okhlilinch moma ho, Meli Maktalene vt sepvka yash ona cha, tvli yash osh sepvka ya a kanvli tuk o, pisa tok.

2. Yohmi ma maleli hosh vlv, Saimon Pita, micha nan-ithvna achvfa Chisvs vt holitobli yatuk ita tuklo ka, Chitokaka ya sepvka ya ai ishit kohchi cha kanima yo ont bohli tuk a chini ho, kil akostininchoshke, im achi tok.

3. Yohmi ma Pita yvt, micha nan-ithvna achvfa yash ita tuklo cha ivt, sepvka ya it onachi tok.

4. Yohmi kv tuklot pit tihlaiya tok; atuk o nan-ithvna achvfa yash ot Pita ya imaiya cha, tikba sepvka ya ona tok.

5. Yohmi cha ont a hlipvt pit hopokoyo mvt, linen vto kahvt maya na pisa akinli kia, pit ik chukowo ki tok.

6. Yohmi ma Saimon Pita yash ot auet iakayvt vla mvt, sepvka yash pit chukowa cha, linen vt kahvt maya ka pisa tok.

7. Yohmi ma nantapvski noshkobo isht afoa tuk vto linen a ik ibafoko hosh, amba pohlv taha cha, ilapissa yo itonla tok.

8. Mihma nan-ithvna achvfa na tikba sepvka ya ona tuk ash kia pit chukowa cha, pisa mvt, yimmi tok.

9. Yvmma foka mvno illi tuk vt falamvt tana hi oka, Holisso Holitopa ya ik ai akostinincho kishvt okla tok.

10. Yohmi mvt nan-ithvna ash osh ilap in chuka atuk akinli ho itiachi tok.

11. Yohmi kia Meli vto sepvka a kocha ya nishkin okchi mihintit hikia tok: atuk osh nishkin okchi mihintit pit aka chunulit, sepvka anukaka ya pit hopokoyo tok.

12. Mihmvt enchil tuklo i na-fohka tombi kvv Chisvs haknip ai itola tuk a, achvvt noshkobo imma yatuk ak o gsha ma, achvvt iyi pilla hatuk ak o gsha na pisa tok.

13. Mihma, Ohoyo chia hvv na katihmi ho ish yahaya cho? im achit okla ma, An Chitokaka ya okla ishit kvnia tuk a chini ho, kanima yo a bohli tuk a ak ithano kak oke, im achi tok.

14. Micha ilvppa mak achi mvt, im ashak-imma pit filema mvt, Chisvs vt hikia na pisa kia, yvmmak osh Chisvs ash atuk a ik ahno ki tok.

15. Chisvs ash ot, Ohoyo chia hvv na katihmi ho ish yahaya cho? Kvta ho ish hoyo cho? im achi tok: mihma osapushi apesvchi mak o im ahoba mvt, A shahli ma! chishno ak osh yvmmak ash ai isht ish ia tuk okmvt, kani- ma yo ont ish bohli tuk mvt, is svm anoli na ont ishit minti lashke, im achi tok.

16. Chisvs ash ot, Meli, im achi ma, pit-filema mvt, Labboni, yvmmvt nan-ithvnanchi ma! achi hoke, im achi tok.

17. Chisvs vt, Uba ivv Aki a ak im ono kisha hoka, is sa potoli na; amba ivv tibapishi li vhleha aiasha kak o ona cha, Aki, mikmvt hvch Iki, an Chihowa, mikmvt hvchin Chihowa im ia li ka, ish im anolashke, im achi tok.

18. Meli Maktalene ash osh vla cha, Chitokaka ya pisa tuk, yohmi na ilvppa puta ka im ahanchi tuk a, nan-ithvna vhleha hash im anoli tok.

19. Atuk o nitak yvmmak ash inlit ont shohbi wek chukovvt iahpi nitak atuk o, Chu okla ha i nukshopa hatuk osh nan-ithvna vhleha ai itvnavvt chieya ka, okhissa yvt

v_lh_kv_ma h_o, Chis_vs ash ot v_lvt ikl_vnna ant hikia cha, H_vchi nuk_tan_lash_ke, im achi tok.

20. Il_vppa mak achi m_vt, ibbak iti chap_linchit, naksi aiena ka i weli tok. Yohmi ma nan-ith_vna v_hleha hash osh Chitokaka y_a pisa k_vt na yukpa tok.

21. Yohmi ma Chis_vs ash ot atuk_lanchit, H_vchi nuk_tan_lash_ke; Aki vt na sa tohno tok mak o, ai itilauechi hosh h_vchishno ma na h_vchi tohno li hoke, im achi tok.

22. Micha il_vppa makachit in taha m_vt, o fiopa m_vt, Shilombish Holitopa y_a oh ishi.

23. K_vna im ai ash_vchika y_o h_vsh i kashofi hoka, i kashofa he mak oke; mik_mv_t k_vna im ai ash_vchika y_o h_vch ik i kashofo hokma, ik i kashofo ka he mak oke, im achi tok.

24. Yohmi kia Chis_vs vt v_la ka, auah-tuklo yatuk a ach_vfa, Titim_vs hohchifo Tamas vt takla g_ha tok keyu.

25. Yohmi tuk o nan-ith_vna v_hleha inla yash osh, Chitokaka y_a e pisa k_vno; im achi tok. Yohmi kia, Ibbak chofak ai ahon_vhla tuk a pisa lish, chofak pit a hika tuk a sv_bbak ushi pit maiachi lish, anonti naksi a sv_bbak pit hilechi li h_o keyuk_mv_t, sai yimma he keyushke, im achi tok.

26. Atuk o anonti nitak isht untuchina ma nan im ai ith_vna v_hleha hash osh aboha an_uka aiasha ma, Tamas vt takla g_ha tok; yohmi ma okhissa y_vt v_lh_kv_ma h_o, Chis_vs vt v_la cha, ikl_vnna y_a ant hiki_vt, H_vchi nuk_tan_lash_ke, achi tok.

27. Mih_mv_t Tamas ash o, Chibbak ushi a auet welit, sv_bbak a pisá; mik_mv_t chibbak ma auet welit sa naksi a pit hilechi: yohmi cha, na yimmi iksho hosh ish anta ná, amba chi yimmi k_vt a chim alotowashke, im achi tok.

28. Mihma Tamas vt afalaminchi m_vt, An Chitokaka ma! an Chihowa ma! im achi tok.

29. Chis_vs ash ot, Tamas is sa pisa hatuk mak osh chi yimmishke: pisa h_o keyu kia, yimmi tok v_hleha hok_vt na yukpa mak oke, im achi tok.

30. Micha na-fehna inla k_vt laua h_o, Chis_vs vt nan im ai ith_vna v_hleha h_vt pisa na yvmihchi mv_hli tok a holisso il_vppa ik a holissoshke.

31. Amba Chis_vs vt Chihowa Ushi Klaist mak a tok a,

huchi yimma he; micha huchi yimmi pulla hosh yumma hohchifo hatuk mak o okchayvt bilia ya hvsh ahayucha he mak o, ilvppa puta kvv holisso hatuk oke.

CHAPTA XXI.

Chisvs vt, nan im ai ithvna vhleha hvv Tibelias okhvta hvv nvn i hokli hosh maya hvv, ont im otvni, 1 ; 12 yohmi cha nan-isht-hokli a nvn im alotoli cha, anonti itibai impa. 15 Chisvs a i hullokmvt in chukfvlpoba, micha in chukfvlpobushi aiena ka im ipeta hi a hituchina ha Pita ya i miha; micha Pita yvt na palvmmi isht illa hi a tikbanli im anoli. 24 Chan vt ilap nana anohonli ka aiahli, micha Chisvs vt na fehna ka yvmihchi tok a, inla yvt lauvv gsha hosh ik holisso ka, miha.

1. ILUPPUT ai yakohmi ha ya, anonti Chisvs vt nan im ai ithvna vhleha hvv Tibelias okhvta hak o ont a im ile haiakvchi tok: mihmvt ilvppak o ai yakohmi hosh ile haiakvchi tok.

2. Saimon Pita, micha Tamas Titimvs hohchifo, mikmvt Nahlanael Kalili yakni Kana vttta, micha Sebeta ushi tuklo, anonti nan im ai ithvna inla tuklo aiena kvv ai itapehvt maya tok.

3. Saimon Pita yash ot, Nvni vbit ia lishke, im achi ma, Pishno ak kia chi apihvt il ivshke, im achi tok. Okla kohchvt ivt chekosi makinli hvv peni a ont vbeha tok; atuk osh ninak yumma nana kia okla ik hoklo ki tok.

4. Atuk o ont onvvt taha ma, Chisvs vt alaka ya hikia tok; yohmi kia nan-ithvna vhleha hvv Chisvs ash atuk a ik ithano ki tok.

5. Yohmi ma Chisvs ash ot, Ulla vto ilimpa hvchim gsha cho? im achi ma, afalaminchit, Ikshoshke, achi tok.

6. Mihma, Peni ishtimpak-imma yak o nvn-isht-hokli a oh okvchi, micha hvsh ahayuchashke, im achi tok. Yohmi hatuk o pit okvchi mvt, anonti nvn yvt laua fehna ka, halvlli kvv okla na kanihma he keyu ki tok.

7. Yohmi ma nan-ithvna Chisvs vt holitobli yatuk, yvm-mak ash ot, Chitokaka mak oke, Pita ya im achi tok.

Mihma yvmmvt Chitokaka mak atuk o, Saimon Pita yvt haklo mvt, nipi bano tuk osh nafobkvt nvti hokli yatuk ash o ishit il ai vskofvchi mvt, okhvta hash pit okatula tok.

8. Mihma nan-ithvna vhleha inla ka yvto alaka ya pit i hopaki keyu, amba k u b i t tahlepa tuklo foka ho asha hatuk okvt, pen-ushi ash o alhtot nvt-isht-hokli nvti alota ka halvllit isht ia tok.

9. Atuk osh alaka ya okla ona makinli ho, tobaksi luak vt yvmma asha ma, nvti yvmma itotonla ma, pvska ak kia itonla na okla pisa tok.

10. Chisvs ash ot, Nvti himonasi hvsh hokli tuk vt, ishit ho minti, im achi tok.

11. Saimon Pita yvt pit chukowvt nvt-isht-hokli ash nvti hochito tahlepa achvfa pokoli tahlapi cha, akocha tuchina aienvt alota ho halvllit, alaka isht ona tok: laua hokvto yakohmi nana kia nvt-isht-hokli ash ot ik okpulo ki tok.

12. Chisvs ash ot, Mintit ant oh impa, im achi tok. Mihma yvmmvt Chitokaka mak atuk a ithana hatuk osh, nan-ithvna vhleha hvv achvfa kia i ponaklot, Kvta chia ho? achi kia iksho ki tok.

13. Mihma Chisvs ash ot onvt, pvska ya ishi cha, i hopela mvt, nvti ma yvmihchi akinli tok.

14. Chisvs vt illi tuk osh falamvt tani ha yvt, ilvppvt ont atuchina mak o nan im ai ithvna vhleha ha im ile haiakvchi tok.

15. Atuk o impvt okla issa ma, Chisvs ash ot Saimon Pita ya, Saimon, Chonas ushi chia hvv is so hullo kvv, ilvppa puta ka chim i shahli cho? im achi ma, Ahlishke, Chitokaka ma! chi hullo li hoka chishno vt ish ithanvshke, im achi ma, An chukvllhpoba ushi puta ka pehlichit ish ipihintashke, im achi tok.

16. Anonti atukla ma, Saimon, Chonas ushi chia hvv is sa hullo cho? im achi ma, Ahlishke, Chitokaka ma! chi hullo li hoka, chishno vt ish ithanvshke, im achi tok: mihma, An chukvllhpoba puta ka pehlichit ish ipihintashke, im achi tok.

17. Ont atuchina ma, Saimon, Chonas ushi chia hvv is sa

hullo cho? im achi ma; ont atuchina mak o, Is sa hullo cho? im achi hatuk o, Pita yash osh nukhaklot taha tok. Yohmi mvt, Chitokaka ma! nan okluha ka ish ithanvshke, chi hullo li hoka chishno vt ish ithanvshke, im achi tok. Mihma Chisvs vt, An chukfulhpoba puta ka pehlichit ish ipihintashke, im achi tok.

18. Ahlishke, ahli mak o chim achi lishke, Chi himita mvto chishno inlit il ai vskofachehit, chishno ish ahni hosh kanima ish aya beka tok: yohmi kia ont a chi sipokni hayokmvto, chibbak a ish wakeli na inla hosh chi vskofachechi cha, kanima ish aiahi keyu kia, chisht aya hi oke, im achi tok.

19. Ai illi kaniohmi ho Chihowa ha isht a holitoblichia he ak o, anoli hosh ilvppa anumpuli tok. Mihmvt ilvppa anumpuli mvt, Is siakaiyashke, im achi tok.

20. Mihma Pita yvt filemvt, nan-ithvna achvfa Chisvs vt holitobli chatuk opiaka impvt maya ka ikkishi ha pit vtayvt ashvt, Chitokaka ma! chishit inla ibbak chi fohki kvto, katima kak oh cho? achi tok ash osh awant aya na pisa tok.

21. Pita yvt yvmma pisa mvt, Chisvs ash o, Chitokaka ma! yohmikmvno hatak ilvppak amo katiohma chi cho? im achi tok.

22. Chisvs ash osh, Uno ak osh ahni li hokma, ilvppak okvt ahanta tuk o vla la he, yvmmvt nanta isht chi ahalaia cho? Is siakaiyashke, im achi tok.

23. Yohmi ma itibapishi vhleha hv, nan-ithvna yvmmvt ik illo ka he yatuk a, it im anolit maya tok; yohmi kia Chisvs vt, Yvmmvt ik illo ka hi a i miha tok keyu; amba vno ahni li hokma, ahanta tuk o vla la he, yvmmvt nanta isht chi ahalaia cho? achi tok.

24. Nan-ithvna ilvppak a tok mak osh ilvppa puta ka atokoli cha, anonti yakohmi ka holissochi tok: yohmi ka yvmmvt nana atokolit anoli ka ai ahli ka il ithaiyanvshke.

25. Micha nana inla Chisvs vt a kaniohmi tok a lauvt asha, yvmmak osh momvt holisso hokma, holihiso kv yakni ak oh kia holisso hv ai itola hi vt iksho ka hinla, vm ahobvshke. Amen.

CHISUS KLAIST

IM APOSTEL VHLEHA HUT NANA A KANIOHMI TOK.

CHAPTA I.

Klaist vt illi ha ya tok a isht annoa kaniohmi kv̄t v̄lbit̄v̄t annoa, 1. 9
Yv̄mmv̄t v̄ba ia isht annoa. 15 Chut̄v̄s v̄lhtoba h̄o ach̄v̄fa ka ato-
kola hi a, Pita yv̄t isht anumpuli.

1, 2. **TIAFILUS** ma! Chis̄v̄s vt v̄mmona, nana puta
 a kaniohmit nan im av̄v̄chit isht mah̄aya tok osh, v̄ba anum-
 peshi v̄hleha h̄a ilapo akinli atokoli tok vt, nana v̄lh̄pisa ka
 Shilombish Holitopa pulla h̄o isht ai ih̄ima tok osh, v̄ba ia
 tok nitak fena ka, holisso tikba kash o, isht ai ikbi li tok.

3. Yv̄mmak okv̄t ilbv̄sha hayv̄t okch̄aya kv̄t, nana āhli
 isht ikhaiyana he l̄awa ka, yv̄mmak ash o ai isht im ile hai-
 akv̄chi cha, nana kv̄t Chihowa ap̄ehlichika ya, pit ai ahalaiā
 puta ka isht anumpohonli ka, okla p̄isa na nitak pokoli ushta
 tok.

4. Micha itahobit taiyahli mvt, Chelusalem a okla issv̄t ik
 aiyo hosh; amba Iki vt nana miha tok, Yv̄mma h̄v̄s sv̄m
 a haklo tuk vt, pit hoyot h̄v̄sh ch̄ieyashke; achit im ap̄esa
 mvt,

5. Chan ak okv̄to oka yo isht baptismochi mv̄hli tok;
 amba h̄v̄chishno v̄to himmak p̄ila h̄a, nitak kanohmi keyuk-
 ma, Shilombish Holitopa yak o isht h̄v̄chi baptisma ch̄i hoke;
 achi tok.

6. Yv̄mohmi na okla itahobv̄t ch̄ieya mvt, nan i ponaklot,
 Chitokaka ma, himak foka hokv̄no ap̄ehlichika ya falamin-
 chit Islael a ish ema ch̄i cho? achi tok.

7. Mihma, Nitak, micha afv̄m̄mi puta ka, Iki vt ilapo ib-
 bak akinli h̄o fohkit ieshi ka h̄v̄sh ithana v̄lh̄pesa keyu hoka

8. Amba Shilombish Holitopa yvt ayvt hvchim vla ha mvno, nana ai ghlika ya, hvsh esha he : yvmohmikmvt Chelusalem, micha Chutia moma, micha Samelia, micha yakni afolota ont ai vhli fena aiena ka, atokolit a na si anoli hvchia ha he mak oke ; im achi tok.

9. Mihma nana yakohmi ka anumpulit ont in taiyaha ma, oklat pisa na, vba ishtia ma, hoshonti hv̄t i holhponayo ha ant im a luhmit ishi tok.

10. Mihma vba ia na, pit aiokchifelit shutik pilla ka pit hopokoyot hieli ma, hatak tuklot nafohka tohbi fohka hosh i bilikasi hieli tok.

11. Mihmvt yvmmak ash osh, Kalili hatak hvchia hv̄t, nanta katihmi h̄o shutik pilla ka pit hopokoyot hvsh hieli cho ? Chisvs ilvppak ash fehna akinli kv̄t hvchim eshit vba ishtia ka, kaniohmit vba ia h̄o hvsh pisa tuk a yvmmak inli h̄o chohmit ayvt vla hi oke ; achi tok.

12. Yvmohmi ma, nv̄nih chaha Alifit hohchifo h̄o, yvmmak okvt Chelusalem a pit bilika nitak hullo anowa vlhpesa h̄o asht falamvt Chelusalem a okla vla tok.

13. Michā okla ant chukowa mvt, vba potvlhpo ya yvmmak o Pita, micha Chemis, micha Chan, mikmvt Antilu, Filip, micha Tamvs, Bahlolomu, micha Mahlu, Chemis, Alfivs ushi, mikmvt Saimon Selotis, micha Chutvs Chemis itibapishi aiena kv̄t ai asha tuk o pit oiyat taha tok.

14. Ilvppak osh momvt ohoyo puta, micha Meli Chisvs ishki, micha itibapishi vhleha hatuk aiena ka ai itapehvt im anukfila ai achvfv̄t vba pit anumpulit, nana asilhha aiena kv̄t ik isso hosh aiasha tok.

15. Atuk o nitak yvmma foka ma ! nan ithvna vhleha hohchifo holhtina kv̄t tahlepa achvfa cha pokoli tuklo foka hosh itv̄nahvt chieya h̄o, Pita yvt iklv̄nna wakayvt hikia cha,

16. Hatak itibapishi li vhleha ma ! Shilombish Holitopa yvt tikbanli, Lewi ash itakha ai isht Chutvs a isht anumpuli tok o, Chisvs okla ishi ka in tikba hika tuk a, ik kaniohmi kia holisso ilvppvt ai ghli tuk pulla hoke.

17. Yvmmak okvt hv̄p iba holhtiena cha, anonti nan isht vtta ilvppa pit ahalaia ka ieshi hatuk,

18. Micha hatak ilvppvt yoshoba isht vlhtoba tuk a osapa yo ishit chumpa tuk ; micha itihpelvt akivt, iklvna mitafana, iskuna puta kashot momvt kocha pit fohopa tok.

19. Yvmohmi ka Chelusalem okla aiasha kvv momvt akostininchi tuk ; yohmi hatuk o osapa yvmmvt ilap im anumpa ya, Esiltama hohchifo, yvmmvt osapa issish achi hoke.

20. Micha ataloe holisso ha a holisso kvv, Yvmmvt ai ahanta yatuk a ik chukilissá, yohmikma hatak nana kia yvm-mak ash ik ai ahanto kashke ; micha, Nana ai isht vtta yatuk a, inla yosh ishashke ; achishke.

21, 22. Yvmohmi hoka, Chitokaka Chisvs vt pi takla vttvt aya, Chan a im a baptismo chash, vhlit mintit a hvpim eshi na vba ia nitak fehna ai vla ka, hatak yakohmi kvv pi apehvt, aya na bilia tok okvt, yvmmvt falamvt tani tuk a, atokowa pib ai anola chi kvv, achvvt vlhtoka pullashke ; achi tok.

23. Mihma hatak tuklot, Chosef osh Basabvs hohchifo hosh, hochifo apunta kvv Chvstvs o, anonti Mathlavis aiena ho, okla hiohlichí tok.

24. Micha okla vba pit anumpuli mvt, Chitokaka hatak moma chukvsh a ithaiyana chia hokvt, tuklo ilvppa kanimampo kak o, ish atokoli hatuk okmvt ish otvvinchi na,

25. Nan isht vtta ilvppa, micha vba anumpa isht vtta pit ahalaia aiena, yvmmak atuk o, Chutus vt ilap ai vtta ya ia chin cha, yoshoba cha issa tuk oka, ieshashke ; okla achi tok.

26. Micha okla nashoeli bohli tok ; mihma nashoeli ash ot Mathlavis ak o onvtula na, yvmmak osh vbanumpeshi auahchvfa kash iba holhtiena tok oke.

CHAPTA II.

Vbanumpeshi vhleha hvv Shilombish anukfobka fehna mvt, anumpa ilaiyuka anumpuli, 1. 14 Pita yvt vbanumpa isht anumpuli.

1. **ATUKO** Pentekost nitak vt ont vlhpiesvt taha ma, momvt im anukfila ai achvvt mih achvfa yo chieya tok.

2. Yvmohmi ma ashalika mahli kvlllo chinto chiyuhmit, vba yg fopa hosh mintit vla cha, aboha anuka okla aiasha tuk ash ant alotolit kaiyanchi tok oke.

3, 4. Yvmohmi ma, isunlvsh chuhlahli kvv luak o chiyuhmi hosh ant i haiaka, micha achvfaiyuka ant onvttoyula tok; yvmohmi na, moyumvt Shilombish Holitopa yvt isht anukfohkvt alota ma, anumpa inla puta anumpula hi a, Shilombish vt apelahanchi na, okla anumpulit ishtia tok oke.

5. Yvmohmi ma Chelusalem a Chu vhleha, hatak hopoyuksa puta, oklushi moma shutik nuta ka aiasha ka a minti hosh, aiasha tok.

6. Mihma ilvppak ashot annovt takakanli ma, okla laua yvt ant itahoba cha, ilap im anumpa aiyuka yo, ai anumpulit maya na, hatak momvt haklo hatuk osh, okla anukhlakancha tok.

7. Micha momvt okla nukhlakancha mvt, okokko! ai ahni mvt, Ilvppa anumpulit maya kvv momvt Kalili okla keyu ho?

8. Micha nanta katiohmi ho hatak moma kvv il a toba tok pim anumpa akinli ho, e hahaklo cho?

9. Patia okla, micha Mit okla, micha Ilam okla, mikmvt Mesopotemia, micha Chutia, anonti Kapatosha micha Pontvs mikmvt Asia,

10. Fichia micha Pafilia Echip, mikmvt Libya pilla Saini foka aiena aiasha puta, micha Chu vhleha, mikmvt ai ibvlhto puta, Lom mintit itvnowvt aya,

11. Klit okla, micha Alabia okla puta kashot, Chihowa i na fehna ka, pishno pim anumpa ho okla isht anumpuli na eho haiyakloshke; itim achit maya tok.

12. Micha okla momvt nukhlakancha mvt, ik ai akostinincho chohmi cha ilvppvt, Katiohma hinla hosh yakohmi ho? itim achit maya ma,

13. Anonti inla ka mvt isht yopulvt, Hatak yakohmi kvv oka paki himona yo yvmmi hoka; achi tok.

14. Yohmi kia Pita yashot, auah chvfa kash ibafohkvv hikia cha, im anumpa vba takalichit, Chutia hatak hvchia,

micha Chelusalem aiasha hvchia, hvsh moma kv̄t, ilv̄ppa oh ithaiyana cha, v̄m anumpa h̄g hvsh haponaklashke.

15. Yakohmi kv̄t nan ishkot haksi h̄o keyu, chishno yokv̄to yohmi h̄o hvchim ahoba kia nitak hvshi isht v̄lhpisa ont atuchina hoka.

16. Amba ilv̄ppv̄to hopaii Choel vt isht anumpo-honlit,

17. Nitak himmaka pilakma yakohma hi oke: Nipi puyuta ka v̄mi shilombish ma ai isht o fohohompli la hi oke: yohmikma hvch iso nakni v̄hleha, micha hvch iso tek puta kash ot v̄ba anumpa isht anumpulikma, anonti hatak hvch̄i himithoa puta kash ot nan isht ahoba pih̄isa he; yohmikma hatak hvch̄i sipokni puta kv̄t holhpokunna ma holhpokoh̄una hi oke.

18. Micha nitak yv̄mma fokakma, an tishu v̄hleha, micha ohoyo an tishu moyuma ka v̄mi shilombish ḡ o fohohombli la he; yohmikma v̄banumpa isht anumpula hi oke.

19. Micha v̄ba shutik ḡ nana fehna ka a haiakahanchi lik-mv̄t, anonti aka yakni ma nan isht ahoba, issish, micha luak, anonti shobulli yobota aiena ya hi oke.

20. Chitokaka i nitak chinto hoolitopa kv̄t ik lo k̄isha h̄o, hvshi ash ot okhlili h̄o tobakma, hvshi ninak ḡya ash ot issish toba hi oke.

21. Micha yakohma hi oke, Kv̄na kia Chitokaka hohchifo h̄g pit hochihifokmv̄t okch̄aya he mak oke; Chihowa yv̄t ahanchishke: ahanchi tok mak oke.

22. Israel hatak hvchia hv̄t, anumpa yakohmi ka hvsh haiyaklashke; Chisvs Nasalet ai vtta, Chihowa yv̄t ai ahniechi hatak osh, hvch itintakla ahanta ma, yv̄mmak o Chihowa yv̄t isht ahullo, nana fehna, micha nan isht ahoba puyuta ka isht hvch itintakla ma, a yv̄mihinchi tuk ḡ, hvchishno akinli kak kia hvsh ithainayv̄shke.

23. Yv̄mma Chihowa yv̄t nan tikbanli pit akostininchi, micha ik kaniohmi kia yohma he ma im anukfila cha, issa tok pulla hatuk mak o, hvsh ishi cha, ibbak haksi yash isht iti taiyukh̄ona a takalichit hvsh bi tok.

24. Yv̄mma Chihowa yv̄t illi na-hotopa puta ka hotoffi

cha, tanichi tok: yvmmak oka yvmmvt a foka he vhpesa keyu hatuk oka.

25. Lewi yvt yvmma isht anumpuli mvt, Chitokaka yvt sa nashuka itikba ya hikia na, pit pihisa li chatuk. Ik sa kanvillo ka hi a, yvmmak okvt svbbak isht impak imma ya hikia hoka:

26. Yohmi hatuk o, sa chukvsh vt na yukpa ma, anonti sa sunlvsh vt yukpa tok: yohmikma sa nipi ak kia nan ahni iksho hosh foha hi oke.

27. Umi shilombish a aiokpuloka ya ish a kancha he keyu hokvt, anonti chi Holitopa tuk ash kia ant toshbit ik tahá, ish im ahna he keyu boke.

28. Chishno yvt ai okchaya hina puta is svm otvnichi tok; chishno vt chi nashuka ya, isht yukpalit is si alotola hi oke; ahanchi tok.

29. Hatak il itibapishi vhleha ma! nukwaya ikshot hatak iki chinto Lewi atuk osh illi cha hollopi aiena tok o, im ahollopi yvt hvv itin takla ya hikia na himak a nitak fehna hatuk a, isht hvchim anumpohonli lashke.

30. Yomohmi ka hopaii atuk, micha Chihowa yvt, nipi okvto yvmma isht atia ka yo, Klaist a ai ikbit yvmma im ai asha holitopa tuk ash, ai o binila chi mak o, hilecha hi vt, anumpa kvllo isht ai im il apihisa tok a, ithaiyana tok oke.

31. Ilvppa tikbani akostinichi hatuk osh, Klaist vt falamvt tana hi a isht anumpuli mvt, ilap imi shilombish a aiokpuloka ya ik im a kancha ma, anonti nipi yvt toshbit ik taho ki tok aiena ka, miha tok oke.

32. Chisvs ilvppa Chihowa yvt tanichi tuk o, yvmma atokowa nan anoli pi bieka mak osh e hielishke.

33. Yohmi ka Chihowa im ibbak isht impak imma a binilit holitopa, micha Shilombish Holitopa im ihisa tuk ash, Iki ya im ai ihishi aiena hatuk makosh, ilvppa auet fohohombli na, himonasi ka mihmak o hvsh pisa, micha hvsh habakloshke.

34. Lewi yvt vba shutik a ona tok keyu hoka; yohmi kia ilapinli kvv, Chitokaka yvt an Chitokaka ya, Svbbak isht impak imma ya ish binili na,

35. Chin tɔnvp vhleha hɔ chiyi ai ɔ hikiɔ ikbi lashke ; im achi tok, ahanchi tok.

36. Yvmohmi hoka, Islael okla moma kv̄t, Chisvs iti itai-yukhvna hvsh a takalichi chash fehna ka, Chihowa yvt yvm-mvt, Chitokaka, micha Klaist aiena mak ɔ, ikbi tok ɔ, ithaiyana pullashke ; im achi tok.

37. Yohmi ma ilvppa okla haiyaklo mvt, chukvsh vt nukhaklo fena mvt, Pita, micha vbanumpeshi inla aiena kash ɔ, Hatak il itibapishi vhleha ma ! nantak ɔ e katiohma ch̄i cho ? im ahanchi tok oke.

38. Yvmohmi ma Pita yashot, Hvsh moma kv̄t ile kostininchit, nan ai ashvchika puta isht kashofa ch̄i ka, Chisvs Klaist hohchifo hɔ, im a hvchi baptismashke ; yohmikmvt Shilombish Holitopa holhpila ka hvsh isha he mak oke.

39. Anumpa hv̄t hvchishno, micha chim vlla puta aiena, micha auet hopaki pilla aiasha ka moma, peh laua kv̄t kaniohmi hɔ Chitokaka hv̄pin Chihowa yvt pit hoyā hi ɔ, im ɔya hoka ; im ahanchi tok oke.

40. Michā anumpa inla mvt laiyawa hɔ, isht im anumpulit, anonti atohnohonchi mvt, Aivlhpesa iksho isht ai unchululi vhleha ilvppa hvsh ai ile mokofashke ; ahanchi tok oke.

41. Yvmohmi ma im anumpa hɔ na yukpvt ih̄ishi tuk puta kv̄t baptismo tok ; yvmohmi na nitak yvmmak inli ka hatak tahlepa sipokni tuchina fokvt ibvlhkaha tok oke.

42. Yvmohmi cha vbanumpeshi vhleha im anumpa hash, micha it̄i hullo aiena, micha pvska boshulichi, mikmvt vba pit anumpuli aiena kv̄t kv̄llo fenhvt ah̄ashwa tok.

43. Yvmohmi ma hatak moma ka nukshopa hv̄t onvtuyula tok ; mihma nana fehna, micha nan isht ahoba laua aiena kv̄t vbanumpeshi vhleha hash isht a yvmohmi tok.

44. Yvmohmi ma na yimmi tuk vhleha hv̄t momvt ai it achvfa mvt, anonti nana puta ka ai ī moma hosh ai asha tok.

45. Michā im osapa puta, vlpoyak aiena kash okla kampela cha, hatak mominchit hatak vt nana hɔ bvnna hatuk aiyuka ka, ī hopela tok.

46. Michā im anukfila mvt ai achvfv̄t, Tempel anukaka ya, nitak moma ai ah̄ashwa, micha chuka taloha puta ma,

puska a boshullichit itvnowa aiena mvt, chukvsh ai ghlit na yukput im ilhpak ma vput aiashvt,

47. Chihowa ya ai okpahanchi ma, okla moyuma kvt ahniechi tok. Yvmohmi ma okchaya he puta kano, Chitokaka yvt nitak moyuma ka vbanumpuli iksa ya isht ibakanli tok oke.

CHAPTA III.

Pita, Chan ita tuklo kvt hatak imomokpulo hlakofichi tok o isht anoa, 6.

1. YOHMI ma Pita, Chan ita tuklo kvt hvshi kanvlli isht vlpisa chakkali ho, vba pit ai anumpuli hvshi kanvlli hatuk o, tempel a itiachit ont chukowa tok.

2. Yvmohmi ma hatak vt imomokpulo yosh vtta tok o, yvma okla iti sholit, tempel a, okla ont a chukowa ka, nanasi kia im asilhha chi ho, nitak uba tempel okhissa, yvmmvt hohchifo mvt aiukli achi ho, ont okla bohyuli beka tok o;

3. Yvmmak ashot, Pita, micha Chan ita tuklo kvt tempel a pit chukovvt okla chi ho, pisa mvt nanasi kia asilhha tok.

4. Mihma Pita yvt Chan ash awant yvmmak ash aiokchifelit pihisa mvt, Auet pi pesa, achi tok.

5. Yohmi ma yvmmak ashot nana ho im a habena chi ka, im ahoba mvt im atia tok.

6. Mihma Pita yashot, Tvli holisso, micha tvli holisso lakna aiena hokvto ik svm ikshoshke: amba nana ho ishi li kvto chima lishke: Chisvs Klaist Nasalet ai vtta hohchifo pulla ka, wakaya cha nowa, achi tok.

7. Mihmvt ibbak im ishtimpak imma ya halvlli cha, wakeli tok: mihma ashalika iyi, micha iyi imoksak foni puta aiena kash ot hlampkot toba tok.

8. Mihma yvmmak ash ot balaklit tanit hikia cha, nowa tok: mihmvt nohovvt, anonti mullit, Chihowa ma pit aiokpahanchit, yvmmak ash awant Tempel a ont chukowa tok.

9. Mihna okla momvt yummvt nohwa, micha Chihowa pit aiokpahanchi aiena ka, piesa tok.

10. Mihmvt yummak osh na habena chi hosh tempel okhissa aiukli a asha beka tuk a, okla ithana tok: nana kv̄t ai i yakohmi tuk a, okla okokko! ahnit anukhlakanchvt kv̄nia tok.

11. Micha hatak imomokpulo hlakofi tuk ash ot Pita, micha Chan ita tuklo ka halanli ma, okla moma kashot okokko! ahni fehvt, o yihleptv̄t Solomon im apishia achi ho nutaka ya, ont ai itahoba tok.

12. Yumohmi na Pita yvt pihisa mvt, okla hash im anumpulit, Israel hatak hvchia hv̄t, nanta katihmi ho ilvpa isht hvchi anukhlakancho? Micha nanta katihmi ho pishno nan isht a pim ghlika akinli hokmā, keyukmvt pi achukma hokmā, nana tuk osh hatak ilvppa e nowchi tuk o chiyuhmit aiokchifeli fenvt hvsh pi pihisa cho?

13. Eblaham micha Aisak, mikmvt Chekob in Chihowa, micha hv̄p iki vhleha in Chihowa yvt Ushi Chisvs a holitobli tok; yummak oka Pailat vt ant ik iá, im ahni vlhpiesa tuk a hvchishno vt itikba hielit kanchit ibbak hvsh fohki tok oke.

14. Micha Holitopa, mikmvt Aiahli aiena tuk ash hvsh kanchi cha, hatak vbi yak osh a hvchim vlhpiesa chi kv̄t, hvsh asihhla tok.

15. Micha Aiokchaya i miko ya hvsh bi tok o, yummak ash illi tuk a, Chihowa yvt tanichi tok o; yumma atokowa anoli vhleha pia mak oke.

16. Yumma hohchifo, hohchifo yumma a yimmi pulla hosh hatak ilvppa hlampkochi tuk o, hvsh pisvt hvsh ithaiyanvshke: ghli, yumma ai i yimmika pulla hosh haknip achukma aiahh ilvppa, hvsh moma hvchi tikba ya a im ataiyahli hoke.

17. Yohmi ka itibapishili vhleha ma! na hvchik ithaiyano kak osh hvsh yumohmi tok; micha hatak hvchi pehlichihleha ak kia yohmi akinli tuk a, himak a ithaiyana lishke.

18. Yohmi kia Klaist vt ilvsha he a, Chihowa yvt tikba

ma i hopaii puta itih ha, nana yvmma puta ka isht anohoul-
tuk vt, yvmihchit ai ahlichit tok oke.

19. Yvmohmi hoka ile kostininchit im anukfila inla hvchi
anukfohkashke; yvmohmi na nitak hochukma Chitokaka
itikba a mihinti kvv ahanlakma, nan hvsh ai ashvchika puta
kvv hvchi kashofa hi oke.

20. Yvmohmikma tikba kash isht hvchim anumpa tck
Chisvs Klaist a auet chvfficha hi oke.

21. Yvmmak oka vba shutik vt ieszhi pulla na, nana ok-
luha Chihowa yvt nitak tikba pilla mihinti ka, i hopaii
hochukma puta itih ha isht anumpohonli tok vt, ont ai ahla
he vlpiesa hoke.

22. Moses okvt hatak pin tikba vhleha ha, Chin Chitokaka
Chihowa yvt hvsh itibapishi hatuk a hopaii, vno chohmi ka
ikbit hvchi hilecha he: yvmmak o nan okluha nana ho
hvchim ahanchikma, hvsh haiyakla hi oke.

23. Yohmikma, yakohma hi oke: kvna hosh Hopaii
yvmma i haponakla he keyukmvt, okla ai ibafohka tuk vt
ai okpulo kvv kvnia hi oke; im ahanchi mvhli tok.

24. Ahli, micha hopaii moma, Samuel ai vhlit minti,
micha ola takla ha asht isht auehinchit anumponli kvv mo-
mvt, nitak yakohma hi oka, tikbanlit anoli akinli tok.

25. Hvchishno vt, hopaii vhleha, micha Chihowa yvt
hvpin tikba vhleha ha, nan it im apesvt Eblaham a, chish-
no isht chi ai unchululi ho, oklushi puta yakni paknaka
aiasha kvv ai isht ilayukpa hi oke; im ahanchi tok, anumpa
ha ushi hvchia hoke.

26. Chihowa yvt ushi Chisvs ikbit hilechi mvt, hvchish-
no ak o mominchit nan im ai ashvchika ya ai isht filvmmi-
chit a chi yukpala chi ka, tikbanli auet chvffihinchi tok oke;
achi tok oke.

CHAPTER IV.

Pita, Ohan ita tuklo kvv aboha kvvlo vhlpitta tok, 1. 8 Pita yvt
nukwaya iksho tok. 18 Vbanumpeshi vhleha hvv anumpa kvv
im vlpisa tok.

1, 2. **MICHA** okla ha im anumpulit ahashwa ma, na holutompa ish vtta vhleha, micha tempel atoni, mikmvt Satusi vhleha aiena kv̄t, yvmmvt hatak illi puta tana hi oka, Chisvs atuk mak o okla ha nan ikhv̄nanchi, micha isht anumpohonli kak o, ik im v̄lhpieso hatuk osh, ant ī kocha tok.

3. Michā okla ibbak isht ieshit, aboha kv̄llo apitta na onna tok, opia hosi tok oka.

4. Yohmi kia anumpa ha hahaklo tuk vt, laua hosh yimmi tok; yvmohmi ma hatak holhtina kv̄t tahlepa sipokni tahlapi foka tok.

5. Ont onna ma yakohmi tok; Okla ī pehlichika vhleha, micha hatak hochitoka vhleha, micha na holissochi vhleha,

6. Mikmvt Annas, na holutompa isht āsha pehlichī, micha Kaiafvs, mikmvt Chan, micha Aliksanta, micha na holutompa isht āsha pehlichī ī kanomi vhleha moma aienvt, Cheluselem ā ai itahoba tok.

7. Michā yvmmak ash o ai iklv̄nna hiohlechi mvt, Kv̄ta hosh nan apesa tuk o, keyukmvt nanta hohchifo ho ilv̄ppa isht hv̄sh ai yakohmi tuk oh cho? achit ponaklo tok.

8. Yohmi ma Pita vt Shilombish Holitopa isht anukfohka fehna mvt, Okla pehlichī vhleha micha Israel ī hochitoka vhleha hv̄chia ma!

9. Hatak iksitopo vt nan isht il ayukpa yvt im v̄lhtaha tuk a, kaniohmi ho isht a hlakofi tuk a, himak nitak a pishno ak o pī ponaklo hatuk oka,

10. Hv̄chishno vt hv̄sh moma, micha Israel okla moma kv̄t hv̄sh ithaiyanashke; Chisvs Klaist Nasalet ai vtta hohchifo pulla, yvmma iti itaiyukhv̄na hv̄sh a takalichi tok o illi tuk a, Chihowa yvt tanichi tok: yvmmak fehna kak o, hatak ilv̄ppvt isht a hlakofi cha hv̄chi tikba ya, yak hikia hoke.

11. Tv̄li ilv̄ppak o, chuk-ikbi vhleha hv̄chia hv̄t, ik aho-balot hv̄sh kanchi tok mak o, yvmmak ash ot chukbi ka nutak intola fehna toba hoke.

12. Michā ai okchaya mvt inla kia iiksho: shutik nutaka ya hohchifo inla ma hatak puta ka auet ai ima tok o, mihi yo il ai okchaya he v̄lhpesa kv̄t iksho hoka; im ahanchi tok.

13. Yohmi ma Pita, micha Chan ita tuklo kv̄t nukw̄ya iksho h̄o okla pih̄isa, micha yv̄mmvt hatak holisso imponna keyu, micha nan ik ithano aiena yatuk ȳ, akostininchi mvt, okokko! okla aiahni tok; micha yv̄mmvt Chisvs ȳ apehvt aya tuk ȳ, okla im akostininchi tok.

14. Michā hlakofi tuk hatak ashot ibafokv̄t hikia na, okla p̄isa hatuk osh, yv̄mma okla nan isht a miha he keyu tok.

15. Amba ai itv̄naha ka a kohcha ch̄i ka, okla im apesa ha yokv̄to, ilap b̄ika it im anumpulit mayvt,

16. Hatak ilv̄ppa nanta k̄o eho katimihcha ch̄i h̄o? na fehna ithana hinla mak ȳ, yv̄mma ai isht yv̄mohmi mv̄hli tuk ȳ, Chelusalem ai asha kv̄t momvt akostininchi hoka; anonti pishno vt ik ȳhlo, e miha he keyushke.

17. Amba okla h̄a ibai a chukowvt i shahlit isht ik aiyo ka he ȳ, i nokowa fehvt, himmak a pilla ma, hatak nana kia hohchifo ilv̄ppa isht ik im anumpulo ka hi ȳ, iloh im apesashke; ahanchi tok.

18. Mihmvt okla pit i howa cha, Chisvs hohchifo h̄a isht ik anumpulo kv̄mohmikmvt, anonti nan im av̄vchit ik ah̄ashwo ka ch̄i h̄o, im apesa tok.

19. Yohmi kia Pita, micha Chan ita tuklo kash ot, afalaminchi mvt, Hv̄chishno ak ȳ a hv̄ch̄i haponaklo kv̄t, Chihowa ya, i shahlich̄i kak okm̄a, nanta kosh Chihowa itikba ya ai v̄lhpiesa h̄o anukfillit ho pesá.

20. Nana ka e p̄isa tuk, micha e hah̄aklo tuk aiena kv̄t, isht kil anumpulo ka he keyu hoka; im achi tok.

21. Yv̄mohmi ma okla hatuk pulla mak ȳ, kanimihchit a fvm̄ma hinla kv̄t, ik akostinincho hatuk osh, achakalit nan i mihvt tahli mvt, ant ik ȳyá, okla im ahni tok; nana kv̄t a yv̄mohmi tuk ȳ, hatak moma kv̄t, Chihowa ya pit isht holi-tobli hatuk ȳ.

22. Hatak vt hopahki kv̄t afv̄m̄mi pokoli ushta ka atampa h̄o na fehna nahlakofichi ilv̄ppvt ai i yv̄mohmi hatuk oka.

23. Ant ik ȳyá, im ahni mv̄no, iv̄t ilap ai itapeha ai asha kash itonachi tok; micha na holitompa isht vtta v̄hleha, hohchitoka aiena kv̄t nana im achi tuk ash mominchit anoli tok.

24. Mihma yv̄mma okla haklo mvt, im anukfila ai achv̄vt,

Chihowa ya okla pit im anumpuli mvt, Chitokaka ma! chishno akosh Chihowa chia hosh, vba shutik, micha yakni, mikmvt okhvta, micha nana moma yakohmi aiasha ka ikbi tok chia hvt;

25. Lewi chim vlla itih ha isht ish ai anumpuli mvt, Nanta katihmi ho okla nan ik ithano yvt nokowa ma, anonti okla hvt nana tok keyu ka anukfillit ai asha tok oh cho?

26. Yakni miko vhleha hvt hiel ma, yohmi na pehlich vhleha hvt Chitokaka, micha i Klaist aiena ka i sanalit itahomba tok, ish achi tok.

27, 28. Ahli mvhlishke, chiso holitopa Chisvs, yvmmak o chishno vt ish il a hvmmichi tuk ash, Helot vt Pashis Pailat a ita tuklot, okla nan ik ithano vhleha, micha Islael okla aiena ka itapehvt i sanalit nana hosh kaniohma hi a, chibbak, micha chim anukfila aiena kv, tikbanlit aiahni tok a, yvmihcha chi mak osh, okla itahohomba tok oke.

29, 30. Yvmohmi ka himonasi a, Chitokaka yvt okla im anumpa palvmmi a ish ithaiyanashke, micha hlakoficha chi kv, chibbak a auet ish wihinli; micha nan isht ahoba puta, anonti na fehna puta aiena kv chiso holitopa Chisvs hohchifo pulla ka isht a yvmohmi na, chin tishu vhleha hvt nukwaya iksho hosh chim anumpa ha isht anumpohonla chi ka auet ish im aiahnashke; achi tok.

31. Yvmohmit vba pit anumpulit okla in taiyaha ma, itv nahvt okla a chieya tuk ash winakahanchi tok: yohmi ma momvt Shilombish Holitopa yvt anukfohkv kvnia mvt, nukwaya iksho hosh Chihowa im anumpa ha okla isht anumpohonli tok oke.

32. Okla laua na yimmi tuk vhleha hashot chukvsh achvfa mvt, Shilombish mvt achvfa hosh ai asha tok; micha achvfona kia nana im aiasha kv kaniohmi ka ilvppa vno vmi fena, achi tok keyu; amba nana moma ai i moma hosh aiasha tok.

33. Ubanumpeshi vhleha hash ot nan ahlika chinto ka il aieshi hosh, Chitokaka Chisvs vt tani tok a atokowa okla anohonli tok: yvmohmi ma ayukpa chinto kv mominchit onvtoyula tok.

34. Micha achvona kia nana kv̄t ik im iksho mvt ibafoka tok keyu ; amba osapa, micha chuka kia in talohmaya aiyukali atuk vt, kampila cha, nana hosh nana kanchi ka it vlhtoba tuk puta ka, okla isht ai vla tok.

35. Micha yvmmak ash vbanumpeshi vhleha iyi ituma ya, ant ashachi tok ; yohmi na hatak vt nana ka banna ka aiyukali tuk a isht i holhpila tok oke.

36. Yohmi ma Choses atuk o, vbanumpeshi vhleha hv̄t Banabas hochifo tok, yvmvt toshowakmvt Nana im avchi ushi achi hoke, Lefait hatak Saiplov yakni vta vt,

37. Osapa in talaia tuk osh, kanchi cha, tvli holisso a isht vla cha, vbanumpeshi vhleha iyi ituma ya, ant ashachi tok oke.

CHAPTA V.

Ananaivs, Safaila itatuklo kv̄t, Pita yvt nan i miha ma, illit aka kaha,

1. 12 Vbanumpeshi vhleha hv̄t na fehna puta yvmihinchi tok.

1. YOHMI kia hatak achvfa Ananaivs hohchifo hosh, tekchi Safaila itatuklot, osapa kanchi,

2. Micha isht vlhtoba tuk ash kashvblit ishi tok ; tekchi ak kia im akostininchi ho ; micha a kashampa ho isht vla cha, vbanumpeshi vhleha iyi ituma ant bohli tok.

3. Yohmi ma Pita yashot, Ananaivs, nanta katiohmi ho Shilombish Holitopa ya ish i holabi cha, osapa isht vlhtoba tuk a kashvblit ish isha chi ka, Setan vt chi chukvsh a anukfohki tok oh cho ?

4. Talaya moma mvt, chishno ak o chimmi ha tok keyu ? micha yvmvt kvnia ha ya, chishno chibbak o foka tuk keyu ? nanta katiohmi ho, ilvppa chi chukvsh anukaka isht chim anukfiela tuk oh cho ? Hatak o ish i holabi tuk keyu, amba Chihowa ak atuk oke ; achi tok.

5. Yvmohmi ma, Ananaivs ashot anumpa ilvppa hahaklo mvt, aka itulvt fiopissa tok ; yohmi ma na yakohmi ka haklo kv̄t momvt nukhlakancha fehna tok.

6. Mihma hatak himita vhleha yosh wakayvt, nan abonullit isht kohcha cha, ont okla hohpi tok.

7. Mihma yvmmak atuk a hopaki kv̄t hvshi kanvlli isht vlhpisa tuchina foka hō, tekchi vt nana kv̄t yvmohmi tuk a, ik akostinincho hosh ant chukowa tok.

8. Mihma Pita yvt im anumpuli mvt, Yakohmi hō osapa ya hvsh kanchi tuk okmá, nanakmvt, is svm anolashke ; achi tok, mihma, Yau, yvmmak okvno ; achi tok.

9. Mihma Pita yashot, Katiohmi hō Chitokaka imi Shilombish a imoma ka hvsh pisa chí kv̄t, hvchim anukfila hv̄t ai achvfa tuk oh cho ? Chí hatak a hohpi tuk, micha chishno ma isht chi kohcha chí vhleha iyi vt okhissa ya asha ka, písá ; im achi tok.

10. Yohmi ma mih makinli hō yvmmak ash ot iyi ituma ya ont itula mvt fiopissa tok ; mihma hatak himita vhleha yash ot ant abeha cha, yvmmvt illi tuk o pisa mvt, ishit kohcha cha, i hatak ont apotulit hohpi tok.

11. Mihma vbanumpuli iksa yvt moma, micha kaniohmi hosh na yakohmi ka haklo tuk vt momvt nukshopa fena tok.

12. Yvmohmi ma vbanumpeshi vhleha ibbak a nan isht ahoba, micha na fehna aiena laua kv̄t okla itintakla ya isht a yvmohmi tok. Mihma momvt im anukfila hv̄t ai achvfv̄t Solomon im apishia nutaka chieya tok.

13. Mihma inla hokvto nukwia kv̄t hatak achvfa kia ik ibafohko ki tok ; yohmi kia okla hokvto yvmma ahninchí tok.

14. Mihma na yimmi vhleha hatak nakni, micha ohoyo puta aiena kv̄t, laua hosh Chitokaka ya ai ibvlhkaha kv̄t i shahlit ia tok.

15. Yohmi hatuk o Pita yvt ayvt ont iakma shilombish ak illa kia kaniohmi ka pit o hoshontikacha hi a, abeka puta ka isht kohchvt hina puta isht onvt topa, micha topushi aiena paknaka ont okla o kahpulli tok.

16. Mihma auet abilika tv̄maha talohmayvt fullota ka asht minti kv̄t laua hosh abeka puta, micha na shilombish okpulo puta isht issikkopa vhleha hatuk aiena isht ayvt, Cheluselem a ai vla tok ; mihma momvt hlakofit taiyaha tok.

17. Yohmi ma na holitompa isht asha pehlichí, micha apeha tuk vt, (yvmmvt Satusi iksa yatuk osh,) momvt wakaya mvt, anukhobela fehna tok.

18. Mihmvt vbanumpeshi vhleha h₂, okla ibbak isht ieshi cha, okla moma im aboha kvllo y₀ pit apitta tok.

19. Yohmi tuk kia Chitokaka im enchil vt ninak a aboha kvllo okhissa y₂ ant tiwit tahli cha, pehlichit kohcha mvt,

20. Oh ia cha, ai okchaya ilvppa isht anumpa h₂ mom-inchit tempel anukaka y₂ ont hielit okla h₂ isht hvsh im anumponlashke; achi tok.

21. Mihma yvmma okla haklo mvt, onnahinli fehna tempel a ont abeha cha, nan ithvnanchit ahashwa tok. Yohmi kia na holitempa isht asha pehlichit vt apeha tuk ash aienvt ai vla mvt, nan apesa vhleha, micha Israel okla i hochitoka moma i howvt itahobi mvt, yvmmak ash isht vla chi h₀, aboha kvllo a pit tihleli tok.

22. Yohmi tuk kia nan vlhtoka vhleha hash ot ai vla cha, aboha kvllo anukaka y₂, yvmmak ash ant ik a peso mvt okla falamvt ont anolit,

23. Aboha kvllo yokvto vlhkama achukma bano, yohmi ma apistikeli yvt okhissa puta itikba kocha y₂ hiel h₀, ont e pisa ho mvhli tuk, yohmi kia e tiwi mvt, hatak nana kia anukaka y₂ asha na ke peso kano; ahanchi tok.

24. Yvmohmi ma na holitopa isht asha pehlichit i shahli micha tempel atoni, mikmvt na holitempa isht asha pehlichit vhleha aiena kv, na yakohmi ka haklo mvt, nana ak o ilvppvt ont ai vlhpiesa hinla ka, ik ai akostininchot okla aiasha tok.

25. Yohmi ma achvfa kv yvt okla hash ant im anohonli kv, Yakeh! hatak aboha kvllo pit hvsh apitta tuk ash o tempel anukaka y₂ hielit, okla h₂ nan im abahanchishke, achi tok.

26. Yohmi ma nan atoni ash ot, nan vlhtoka vhleha hash itvpeha cha ia mvt, okla h₂ i nukshopa, yvmmak keyukmvt, tvli okla isht boa hinla hatuk osh, yvmmak ash o nan ik kanicho hosh ont pehlichit vla tok.

27. Ont okla pehlichit vla mvt, nan apesa vhleha itikba y₂ hiehlichit tok: yohmi ma na holitempa isht asha pehlichit yvt im a ponaklot,

28. Hohchifo ilvppa isht im avchit hvchik ahanto ka hi

g, kvllochi fehnvt okla e chim apesa tuk keyu ? Yohmi kash o Cheluselem g hvchim anumpa isht ai alotolit hvsh kaiyanchi ; yohmi mvt hatak ilvppa im issish g pishno ak o isht pi onochi hvchi bvnvshke ; ahanchi tok.

29. Yohmi ma, Pita, micha vbanumpa isht vtta vhleha inla aiena kashot afalaminchi mvt, Chihowa yak o il im antia kvv hatak g, il i shahlichu he tuk oke.

30. Hvpin tikba puta in Chihowa yvt, Chisvs yvmma iti a takalichit hvsh bi tuk g, tanichi tok.

31. Yvmmak o Miko, micha Nan okchalinchi aiena cha, ilekostininchi Israe'l g anukfohki, micha ai ashvchika aiena ma kashofa chi ka, Chihowa yvt ilap ibbak ishtimpak imma ya isht holitobli tok oke.

32. Yvmohmi ka pishno ak osh nan ilvppa puta ka isht im a atokovvt anoli pia ; yohmikma Shilombish Holitopa, yvmma Chihowa yvt im antia vhleha ha ima tok g, yohmi akinli hoke ; achi tok.

33. Yvmma haklo mvt, okla anukhobela fehna mvt, vba chi kvv, isht anumpulit maya tok.

34. Mihma achvvt Falisi hatak, Kameliel hohchifo, nan vlvpisa ikhananchi, okla momvt i holitopa cha tuk o, nan apesa vhleha itin takla ya hikia mvt, vbanumpeshi vhleha hash, chekosi takla ka kocha pit ashacha chi ka, miha tok.

35. Yvmohmi mvt, Israe'l okla hvchia hvv hatak ilvppa imma yo, nana kanihcha chi ka, hvsh aiahni hokvto, ahah ! isht hvsh il aiahnashke.

36. Himak nitak takla ka, Hlutas vt ilap ak osh hatak fehna mak o, mihvt ahanta na yvmma hatak holhtina kvv tahlepa ushta fokvt iba kaha tok o ; yvmmak ash o vbi ma, im antia vhleha hatuk ash ot momvt, ita fimimpvt, ont aiok-pulokvt taha tok.

37. Chutvs Kalili hatak osh hatak ilvppak ash achkvv, okla holhtinvv maya nitak ash ahanta cha, okla lava ka isht il akanvllichi tok osh, yvmmak ash kia illi tok : yohmi ma kanihmi hosh im antia tuk vt, momvt itatiapvt taha tok.

38. Yvmohmi hoka, Hatak ilvppa nan isht hvchik ahalaio ho, peh asht ik itvnowa ; chim ahanchi lishke Anumpa, mi-

cha, nan isht vtta aiena ilvppvt hatak atuk okma, ont aiok-pulokvt taha chi hoka.

39. Amba ymma Chihowa yak atukmvno, ai okpvnit hvsh kancha he keyushke. Yummak keyukmt, Chihowa yak o itibi hosh hvsh ahashwa na hvchi ahayucha hinla hoke; im ahanchi tok.

40. Mihma, vlhpesa okla im ahni tok. Micha vbanumpa isht vtta vhleha hash i howa cha, fvmmit ashachi mvt, Chisvs hohchifo ha okla isht ik anumpolo ka chi ka, im apesvt taiyahli cha, kvnompit tihleli tok.

41. Yohmi ma ymma hohchifo pulla ho na hofahya ka isht ile pisa he a, ont ai vlhpiesa tuk vt, na yuhukpvt nan apesa vhleha itikba ya asht okla ia tok.

42. Micha nitak moma tempel anukaka, micha chuka taloha moma ka, nan im avchi, micha Chisvs Klaist isht anumpuli aiena kvv okla ik isso tok.

CHAPTA VI.

vbanumpeshi vhleha hvv hatak ilbvsha ithana, micha anumpa ha isht anumpuli aiena, 1. 5 Hatak vlhtoka untuklot vlhtoka tok.

1. NITAK yummak foka, nan ithvna vhleha hvv laua kvv isht i shaht taha ma, im ohoyo vlhtakla puta ka nitak moma nana iti hopela ya ahaksichi beka hatuk o, Klik okla hvv Heblu okla ha nanumachit aiasha tok.

2. Yohmi ma auahuklo kashot nan ithvna vhleha laua kash itahobi cha, Chihowa im anumpa ha il issa cha, ai im- pa yak o isht il ai ashwa he, vlhpesa keyushke.

3. Yohmi hoka il itibapishi vhleha ma! hvsh ai itvpeha ya hatak untuklo annoa achukma chatuk, nan imponna, micha Shilombish Holitopa anukfohka aiena ho hvsh atokoli na, yummak o nan ai isht vtta ilvppa e hiohlehashke.

4. Amba pishno ak okvto, vba pit anumpuli, micha anumpa isht vtta aiena kak o, kil isso kvvohma chi hoke; achi tok.

5. Yohmi ma okla lava kash ot momvt anumpa ha aiok-

panchi tok. Yohmi mvt Istefin hatak na yimmi, micha Shilombish Holitopa yvt anukfohka fehna, micha Filip, micha Pokolvs, mikmvt Naikena, micha Taimon, micha Paminvs, mikmvt Nikolis vbanumpa nukfohka Antiak ai vtta aiena ho, okla atokoli cha,

6. Yvmma puta kash o vbanumpeshi vhleha itikba hiehlechi tok. Mihma okla vba pit anumpuli mvt, ibbak isht umbitepa tok.

7. Yohmi ma Chihowa im anumpa hvt isht i shahlit ia ma, Cheluselem a nan ithvna vhleha holhtina laua kvv i shahlit ishtia fehna tok; yohmi ma na holitompa isht gsha lawa fena kvv ayimmika ya im antivt aiasha tok.

8. Mihma Istefin vt ayimmika, micha isht ai ghlika aiena kvv isht alota mvt, nan isht ahoba chinto, micha nafehna aiena ka, okla itin takla ya a yvmihinchi tok.

9. Yvmohmi ma sinakak Laibatin okla i sinakak achi ho, gsha yatuk, micha Sailini okla, micha Aleksantia okla, mikmvt Silisia, micha Asia minti aiena kaniohmi kvv, Istefin a itim anumpulit hieli tok.

10. Yohmi kia chukvsh, micha ahopoyuksaka aiena ho isht ai anumpuli hatuk ash, okla nan isht a miha he keyu tok.

11. Yohmi mvt hatak lumvt tohno na, Yvmmak ashot Moses, micha Chihowa aiena ka ik ahobalot isht anumpohonli ka, e haklo kano; achi tok.

12. Mich a okla puta, mikmvt i hochitoka vhleha micha holissochi vhleha aiena kash okla ilhkolihinchi na, okla i kohcha cha yvmmak ash ishi mvt, nan apesa vhleha ha isht im ona tok.

13. Mich a hatak nana aholvbi ya hiehlechi na, yvmmak ash ot, Hatak ilvppvt aholitopaka ilvppa, micha nan vlpisa aiena ka, anumpa ik ahobalo isht mihachi kvv ik issoshke.

14. Chisvs Nasalet ai vtta ilvppvt ilvppa okpna he, micha nan vlpisa puta Moses vt hvp ima tok a inlvcha he, ilvppvt achi ho, okla e haklo kamo; achi tok.

15. Yvmohmi ma, itvnavvt maya kash ot momvt yvmmak

ash aiokchifeli fehnvt pisa ma, nashuka mvt enchil nashuka yq chiyuhmi na, pisa tok oke.

CHAPTA VII.

Istefin a im asilhvchi hatuk o isht il anumpuli.

1. YUMOHMI ma na holitempa isht asha pehlich ashok, Nana kv yakohmi ho mvhli cho? achi tok.

2. Mihma yvmmak ashot, Hatak itibapishi li vhleha, micha an tikba puta ma! hvsh haiyaklashke. Pin tikba Eblaham vt Chalan a, ont ik vtto kisha hosh, Mesopotemia ak o anta moma ma, Chihowa holitopa yvt ant i haiaka tok.

3. Mihmvt yvmmak ash o, Chi kanomi vhleha i filvmmmit, chi yakni a a kohchvt ayvt, yakni chi pisachi la chi ka, ish lashke; im achi tok.

4. Mihma Kaltia okla i yakni ash a kohchvt minti cha, Kalan ak o ant ai ahanta tok. Atuk o iki vt illi ma, yvmmak ash o a wihachit yakni ilvppa himonasi hvsh ai ahshwa ka, isht vla tok.

5. Ulla yvt ik im iksho kisha ma, ilap micha isht ai-unchululi aiena ka, yvmmvt immi ha he mak o, ima hi okvt, i miha tok nana kia, a binila hi a peh iyi putha a habli achvfa kia, ilap a ik emo ki tok.

6. Michi Chihowa yvt yakohmichit anumpuli tok: Yvma isht ai unchululi vhleha hv yakni inla ai itvnowa he; yohmikma okla yukachit ilbvshahanchi na, afvmmi tahlepa ushta he.

7. Yohmikma oklushi nana ho i yukvt ahshwa tukma, yvma na kanichi la hi oke; yohmi ha mvno, okla kocha wiha cha, ilvppa ant a si aiokpahancha hi oke; Chihowa yvt achi tok.

8. Mihmvt hakshup tupa nan vlhpisa ka ima tok. Atuk o Eblaham vt Aisak a ikbi cha, nitak isht untuchina ma, hakshup tvbli tok. Atuk o Aisak vt Chekob a ikbi tok o, Chekob vt hatak piki hochitoka auah tuklo ka ikbi tok.

9. Yohmi tuk o, hatak iki hochitoka yash ot Chosef a i

nukilli hatuk osh, nan isht chumpvt Echip a pit kanchi tok ; yohmi kia Chihowa yvt awant anta tok.

10. Micha nan isht im a palvmmi puta ka mominchit ai isht kohchi cha, Echip miko Feleo a itikba ya aholitopa, micha nan imponna aienvt ahanta chi ka, ima tok ; yohmi na yvmmak ashot Echip yakni, micha in chuka moma pehlichikbi tok.

11. Yvmohmi ma Echip yakni moma, micha Kenan aiena ka na hohchvfo, micha na palvmmi chinto aiena kvv onvtuyula tok ; yohmi ma hvpin tikba vhleha hashot nan ilimpa nana kia ik ahayucho ki tok.

12. Yohmi kia Echip a tanchi vt asha na Chekob vt haklo mvt, hvpin tikba vhleha ak o vmmona ka pit tihleli tok.

13. Atuk o ont atukla kak o, Chosef vt itibapishi vhleha ha im il anoli tok. Yohmi ma Chosef i kanomi vhleha hatuk vt Feleo a im annoa tok.

14. Yohmi ma Chosef vt iki Chekob, micha i kanomi vhleha moma kvv, hatak pokoli untuklo akucha tahlapi ho, pit hoyo hosh, pit chvffichi tok.

15. Yohmi na Chekob vt Echip a ona tok osh, ilap ash, micha hvpin tikba vhleha aienvt illi tok.

16. Yvmohmi na ishtvt Saikam a isht ona cha, Eblaham vt ahollopi Saikam iki, Ema ushi vhleha ha tvli holisso isht in chumpa tok a, ont fohki tok.

17. Yvmohmi kash o Chihowa yvt anumpa kvvlo Eblaham a nan isht ai im apihisa tok, nitak vt ai ona het mahaya ma, okla hashot Echip a a laua kvv i shaht isht mahaya na,

18. Miko inla Chosef a ithana keyu hosh hikia tok.

19. Yvmmak ash osh hvpi kanomi vhleha ha haksichi mvt, hvpin tikba vhleha hash o ilbvshachi, yvmohmi cha okchayvt ik mayo ka chi ka, im vllosi a isht kampila beka tok.

20. Yvmmak foka ma Moses vt vta mvt, aiukli fehna, yvmohmi cha iki in chuka ya hvshi tuchina ho, a pishi tok.

21. Yvmohmi tuk o kocha kanchi ma, Feleo ushetik vt eshi cha, ilap ushi a chi ho hofantichi tok.

22. Yvmohmi ma, Moses vt Echip okla nan ai ithana

puta ka mominchit ithaiyana, yvmohmi mvt anumpa puta, micha na fehna puta aiena ka isht anta imponna tok.

23. Yvmohmi tok osh hopaki kvt afvmmi pokoli ushta ont vllhpiesa 'mvt, itibapishi Islael ushi vhleha hā i nowvt aya hi oka, chukvsh anukfoyuka tok.

24. Yvmohmi tok osh, achvfvv nan vllhpesa keyu hō isht ilbvsha na pisa mvt, yvmmak ash apelvchi, yohmi cha, issik-kopa tuk ā atobbit, Echip hatak ash vbi tok.

25. Yvmma ibbak ak o Chihowa yvt isht hlakoficha hi ā, itibapishi vhleha hvt okla akostininchi hatuk ā, im ahoba hatuk kia, okla ik akostinincho ki tok.

26. Yvmohmi tuk o nitak ont atukla ma itibi hosh ash-wa ma, yvmmak ashot ont i haiaka cha, itin nanaiyvcha chi hosh, Hatak, itibapishi hvchia hoke; na katihmi hō hvsh iti okpvni cho? ahanchi tok.

27. Yohmi kia in chuka panta hatak okpvni tuk ashot, Kvta hosh na pi pehlich, micha na pim apesa aiena ka chik-bi tuk o?

28. Pilashash Echip hatak ish bi tuk vt, is sa chomicha chi hō? achi mvt, naksi ka pit tobli tok.

29. Yohmi ma ilvppa ahanchi ka, Moses vt kvnia cha, hatak nowvt aya yosh, Matian yakni yā ahanta hosh, yvmmak o ushi tuklo ka ai ikbi tok.

30. Atuk o afvmmi pokoli ushta kvt ont taha ma, Chitokaka im enchil vt yakni haiaka nvni chaha Saina yā bv-faha anuka luak libbi hō, ant im a haiaka tok.

31. Moses vt yvmma pisa mvt, na pisa kvt okokko! aiahni tok; micha akostinicha chi hosh bilika ona ma, Chitokaka im anumpa hvt im vla kvt,

32. Uno akosh chin tikba vhleha yā in Chihowa sia, Ebla ham ā in Chihowa, micha Aisak ma in Chihowa, micha Chekob ā in Chihowa sia mak oke; ahanchi tok. Yohmi ma Moses vt wvnihinchi mvt, atokowvt pisa nukwia tok oke.

33. Yvmohmi ma Chitokaka ashot, Shulush ā chiyi ish a shuelashke; ish a hikia yvmmvt yakni holitopa hoka.

34. Um okla vhleha Echip ai ahashwvt ilbvsha ka pisa kvt pihisa li: micha okla yahaya ka hahaklo li chatuk;

yvmohmi cha kocha weli la chi hosh aka minti lishke. Yohmi ka minti, chishno ak o himonasi a Echip a pit chi chvffichi lashke; im achi tok.

35. Moses ilvppa, okla shitilema cha, Kvt a hosh na pehlichí, micha nan apesa aiena ka chikbi tok o? ahanchi tok ash fena akinli ka, na pehlichí, micha na hlakofichi aiena ka, enchil bvfaha anka ai i haiaka ka ibbak o, Chihowa yvt isht a pit chvffihinchí tok.

36. Mihma na fehna, micha nan isht ahoba puta aiena ka, Echip yakni, micha okhvta humma, mikmvt afvmmi pokoli ushta ho yakni haiaka ya, isht a kaniminchi hosh, yvma pehlichit kohcha tok.

37. Moses ilvppak osh Israel ushi vhleha ha, Chihowa hvchin Chitokaka yvt hvsh itibapishi hatuk a, hopaii vno chohmi ho, ikbit hvchi hilecha he; yvmmak o hvsh i haponakla hi oke; im ahanchi tok oke.

38. Ilvppak osh yakni haiaka okla ai itvnaha ka ibafohka, enchil vt nvni chaha Saina ya ai im anumpuli ka awant anta; micha hvpin tikba vhleha ma ibafohka tok; yvmmak osh isht ai okchaya, nan vlpisa puta ka hvpin ima chi kv, ishi tok mak oke.

39. Yvmmak o hvpin tikba vhleha hv im antia he keyu hosh, amba naksi ka pit tobli cha, chukvsh vt falamvt Echip a ia mvt,

40. Alon ash o Pi tikba ilhkola chi ka, Chitokaka puta ka, pim ikbi; Moses ilvppa pi pehlichí Echip yakni ai-isht pi kohchi ano, nana mak osh isht a kaniohmi tuk chishba, kil ithaiyano hoka, im ahanchi tok.

41. Michá nitak yvma foka ma, wak ushi okla ikbi cha, na holba toba yash nan isht aiokpvchi ya, isht im ai vla cha, ilap ibbak nan ikbi tuk a isht il ai yukvvt aiasha tok.

42. Yohmi ma vba fochik puta ka, okla aiokpvcha chi mak o, Chihowa yvt issvt i filvmmi tok. Hopaii vhleha j holisso ha a holihiso kv, Israel in chuka achvfa vhleha hvchia ma! afvmmi pokoli ushta ka yakni haiaka, nan vlpoba nipi puta, micha nan isht ai okpvchi puta aiena ka, isht hv svv ahanla cho?

43. Amba Molak im vlhtipo a, micha Limfan chin Chi howa i fochik aiena, na holba hvsh aiokpvcha chi mak osh, hvsh ikbi tok vt shoyulit hvsh aya cha tok. Yvmohmi hoka wihachit Babulon misha pilla, hvch isht aya la hi oke, achi hoka.

44. Yvmmak okvt Moses a i mihvt, kaniohmi ho pisa tuk vt, holba ho ikba he o, apesa tok mak o, hvpin tikba vhleha hvt yakni haiaka ya isht ai atokowa vlhtipo vt in takali tok.

45. Atuk o hvpin tikba vhleha hak kia, yvmma ishi tok osh, Choshua a apehvt oklushi nan ik ithano, yvmmak o Chihowa yvt pin tikba vhleha itikba ya a kohchit tihlinli tok, i yakni a isht chukowa tok o, ituyula na, Lewi vt ahanta nitak a oyuna tok.

46. Mihma yvmmak osh Chihowa itikba ai isht il ayukpa ahayuchi, yvmohmi cha, Chekob in Chihowa ya aboha im atahli bvna tok;

47. Yohmi tuk kia Solomon ak osh chuka ya im ikbi tok.

48. Yohmi kia Moma i shahli hvt tempel puta ibbak o isht ikbi yokvno, ai ahanta cha tuk keyu;

49. Uba yvt vm aiasha okma, yakni vt saiyi ai o hikia yoke. Chuka nanta ho hvsvm ikba chi ho? mikma a foha li ak osh nanta ho?

50. Uno svbbak ak osh nana ilvppa moma ka ikbi tok keyu cho? Chitokaka yvt achishke; hopaii vt achi hoka.

51. Ikunla kvllo, micha chukvsh mikmvt haksobish aiena wishakchi ik tapo hvchia hvt, Shilombish Holitopa ya i svnalit hvsh bilia. Hvchin tikba vhleha hvt yohmi tok a, hvsh chiyuhmishke.

52. Hopaii vhliha ha katima kak o hvchin tikba vhleha hvt ik ilbvshacho ki tok o? MichA Aiahli vt aya hi a, tikbanli anoli vhleha, yvmma okla vbi tok o mihi o himak a hvchishno vt na haksichi, micha nan vbi aiena hvsh a toyuba tuk oke.

53. MichA enchil vhleha hosh nan vlhpisa ya auet tosholi

na, hvsh eshi tok; yohmi kia hvchik holitoblo cha tuk oke: achi tok oke.

54. Yohmi ma na yakohmi ka okla haiyaklo mvt, chvkvsh vt nvhla tok; micha yvmmak ash noti isht o shakan-lichi tok.

55. Yohmi kia yvmmak okvt Shilombish Holitopa anukfohkvt kvnia hatuk osh, vba ya pit ai okchifeli fehnvt hopokoyo mvt, Chihowa im aholitopaka, micha Chisvs vt Chihowa im ibbak ishtimpak imma ya hikia aiena ho, pisa tok.

56. Michā, Uba yvt tiwa, micha Hatak Ushi vt Chihowa ibbak isht impak imma ya auet hikia aiena ho, pisa lishke; achi tok.

57. Yohmi ma chitoli fehnvt okla tasali mvt, haksobish a akvmmi cha, achvfa chohmit o yihhleptv tomaha ha ishit a kohchi cha, tvli ishit boli tok.

58. Yohmi ma nana atokowa anoli vlheha hashot, ilap anchi a hatak himita Sal hohchifo ho, iyi ituma ont ashachi tok.

59. Michā Istefin vt pit im payvt, Chitokaka Chisvs ma! Sa shilombish a ish ishashke; ahanchi na, okla tvli ishit boli tok.

60. Yohmi ma hvchukbihleptv hikia cha, chitoli hosh, Chitokaka ma! ai ashvchika ilvppa isht ish onochi na; achi tok. Michā ilvppa ahanchi mvt, nusit kvnia tok oke.

CHAPTA VIII.

Filip vt Samelia ya vbanumpuli ikxa ahilichi, 5. 26 Ehliopia hatak anumpeshi yo baptismochi.

1. YUMMUT illi ka Sal vt vlhpesa ahni tok. Michā nitak yvmma foka ma, vbanumpuli ikxa Cheluselem ashwa tok a i palvmmichi fehna tok; yohmi ma momvt ita fimim-
pvt Chutia yakni, michā Samelia aiena a mominchi na, vbanumpeshi vhleha hash illa tok.

2. Yohmi ma hatak hochukma yosh Istefin a hohpit taiyahli mvt, okla isht yaiya fena tok.

3. Yohmi ma Sal vto, vbanumpuli iksa ya okpvnit, chuka moma iba chukowa cha, hatak puta, ohoyo puta aiena ka halvllit ishit, aboha kvlllo pit apihinta tok.

4. Yvmohmi hatuk o ita fimimpa tuk vhleha hash ot, anumpa ha isht anumpulit kanima moma itvnowa tok.

5. Yohmi ma Filip vt Samelia tmaha ha ona cha, Klaist a isht im anumpohonli tok.

6. Mihma okla hvv, yvmmvt na fehna yvmihinchi ka haklo, micha pihisa aiena mvt, im anukfila ai achvfvv Filip vt nana ahanchi puta ka, haponaklo tok.

7. Shilombish okpulo puta a foyuka tuk vt chitolit tahpanlvv lawa ka a kocha wiha hatok o; micha palsi isht abeka lawa tuk, micha imomokpulo aiena tuk vt hlakofi tok.

8. Yvmohmi ma tmaha yvmma a yukpa chinto tok.

9. Yohmi kia hatak achvfa Saimon hohchifo hosh, tikba ma tmaha yvmmak inli ka ai isht ahullot ahantvt, ilap ak osh hatak na fehna mak o, mihisa cha, Samelia okla ha nukhlakvshli tok.

10. Yvmmak o, chipunta, micha asvno aiena kvv momvt, Hatak ilvppvt Chihowa nan isht im ai ghlika chinto mak oke; ahanchi mvt, okla im antia tok.

11. Michu yvmmak osh isht ahullot, isht nukhlakahashli tok hopaki hatuk o, okla im antia beka tok.

12. Yvmohmi tuk kia, Filip vt Chihowa apehliechika, micha Chisvs Klaist hohchifo aiena nana puta ka isht ai anumpohonli na, okla yimmi mvt, hatak, micha ohoyo puta aiena kvv baptismo tok.

13. Yohmi ma Saimon vt ilap ash kia yimmi akinli tok, micha baptismo mvt, Filip a ibafohkvv ayvt, na fehna, micha nan isht ahoba puta aiena kvv a kaniohmi na pisa mvt, nukhlakancha tok.

14. Yohmi ma vbanumpeshi vhleha Cheluselem maya tuk vt, Samelia vt Chihowa im anumpa ha ishi tuk o, hakle mvt, Pita micha Chan aiena ka okla pit in tihleli tok.

15. Atuk o, yvmmak ashot itonanchi mvt, okla Shilombish Holitopa anukfohka chi ka, vba pit isht anumpulit oklat tok.

16. Yvmma foka ma, achvfona kia yvmmvt ik onvtulo kisha ha tok; Chitokaka Chisvs hohchifo hā isht a baptismo tuk ak illa ha tok.

17. Yohmi mvt okla hash ibbak isht umbitehimpa ma, Shilombish Holitopa yvt okla anukfohka tok.

18. Yvmohmi ma Saimon vt vbanumpeshi vhleha ibbak isht umbitepa ka, Shilombish Holitopa yvt ai anukfohka hō, pisa mvt tvli holisso ant i weli cha,

19. Uno ak kia nan isht im ai ghlika ilvppa hvs sama na, kvna hō vno vt svbbak isht umbitepa likma, Shilombish Holitopa yvt ai anukfohkashke, ahanchi tok.

20. Yohmi kia, Pita yvt, Chihowa yosh nan ima yā, tvli holisso yvt isht vlhtoba hinla ka, chim ahoba tuk oka, chin tvli holisso yvt chi awant aiokpuloka pit kvniashke.

21. Chi chukvsh vt Chihowa yā itikba yā ai vlhpiesa keyu hokvt; nan ilvppa kaniohmi kia, micha ahalaia kia ik chim ikshoshke.

22. Yvmohmi hoka, nan isht ik chi ai vlhpeso ilvppa ish ile kostininchashke; micha Chihowa pit ish im asihihla na, yohma he yobakma, chi chukvsh im anukfila yvt chī kashofa hi oke.

23. Chishno vt basunlvsh homi, micha nan ai ashvchika abonunta aiena chia hatuk o, akostininchi li hoka; im achi tok.

24. Mihma Saimon vt afalaminchit, Chitokaka yā pit im ilbvshvt isht hvs si anumpuli na, na yakohmi hvsh anumpuli tuk ā achvfona kia ant ik si onvtulo kashke; achi tok.

25. Mihma yvmmak ash ot, Chitokaka im anumpa hā atokovvt anolit, isht anumpohonli cha falama mvt, Samelia okla in tmahushi lāwa ka vbanumpa isht ai anumpohonlit, Cheluselem ā itvlachi tok.

26. Yvmohmi ma, Chitokaka im enchil vt Filip ā im anumpulit, Wakaya cha, oka mahli pila ivt, hina Cheluselem vttvt, Kesa ia bachaya chukushmi foka yvmma ish onashke, im achi tok.

27. Mihma wakaya cha ia tok. Atuk o Ehliopia hatak, Kantisi ohoyo Ehliopia okla i miko im anumpeshi holitompa

hosh, yvmmak osh tvli holisso a mominchit i shoyuli yosh vba pit aiokpvcha chi hosh, Cheluselem a vla tok osh,

28. Falamvt ia kv̄t im iti chanv̄lli anukaka binilit, Esaias hopaii i holisso ha itim anumpvli tok.

29. Mihma Shilombish vt, Filip a, Bilika ona cha, iti chanv̄lli ilvppa ont ibafohka; im achi tok.

30. Mihma Filip vt pit o malelit ona cha, Esaias hopaii i holisso itim anumpuli ka haklo mvt, Nan ish itim anumpuli kv̄to ish akostininchi cho? achi tok.

31. Mihma, Katiohmi li kak osh, hatak nana hosh vm avvchi ho keyukma? achi tok. Mihmvt, Filip vt pit oiya cha, awant gsha hinla ka; ahni tok.

32. Anumpa holisso holitopa ai itim anumpuli ka ilvppak a tok. "Chukfi vlhpoba chohmi ho yvmma ai illi hvllat ishtia tok; micha chukfi vlhpo-ushi yosh hishi im vmo in tikba hikia kv̄t, nan ik ayo chatuk a chohmit, yvmmvt itih ha ik wakvmmo ki tok:

33. "Ilbvsha fena ma, nan ai vlhpiesa ka im ishi tok Im ilhfiopak a yakni a ai ishi tok oka; im ai itilauj kv̄t ahashwa tok a, kv̄ta hosh anola hinla cho?"

34. Mihma anumpeshi vto, Filip a afalaminchi mvt, Chi ponaklo lishke; Kv̄ta ho hopaii vt ilvppa isht anumpuli ho? Ilapo akinli hokma, keyukmvt hatak inla yokma, nanta ho? achi tok?

35. Mihma Filip vt itih ha wakvmmi cha, holisso mihi ash inli ho ai isht ivt, Chisvs a isht im anumpohonli tok.

36. Yvmohmit hina fohkv̄t mahayvt okla mvt, oka nana kia ont a hielitok. Mihma anumpeshi ashot, Yakeh! oka yoke; baptismo la hi a nanta kosh ai ataklvmmi cho? achi tok.

37. Mihma Filip vt, Chi chukvsh mominchit ishit chi yimmi hokma, vlhpiesvshke, achi tok. Mihma afalaminchi mvt, Chisvs Klaist vt Chihowa ya ushi yoka, sa yimmishke, achi tok.

38. Mihma iti chanv̄lli vt lumvt hikia chi ka, miha tok; micha Filip vt anumpeshi ash ita tuklot pit okvtahvt oka ya itonachi na, yvmmak ash baptismochi tok.

39. Yvmohmi ma oka yash ai ashvvt kochvt okla ma, Chitokaka imi Shilombish vt Filip a isht ia na, anumpeshi ash ot himmakma ik peso ki tok : micha na yukpa hosh i hina fohkvt ia tok.

40. Amba Filip vto Asotvs ak o antvt haiaka tok ; micha a hlopullit aya mvt, tmaha moyuma ka vba isht ai anum-pohonlit ayvt Seselia ya vla tok oke.

CHAPTA IX.

Sal vt Tamaskvs pilla ia hosh aya ho, Klaist vt im anumpuli, 1. 10 Ananaivs vt ayvt im ona ma, baptismo tok. 20 Pal vt nukwaya iksho hosh Klaist a isht anumponli.

1. YUMOHMI ma, Sal vt Chitokaka i nan im ai ithana vhleha ha i nokowa, micha vbi aiena he fiopvt kohonchi kvv imoma mvt, na holitempa isht aasha pehlich i im ona tok.

2. Mich a sinakak puta, Tamaskvs aasha ka, nakni okma, keyukmvt ohoyo hokma nana hosh, ilvppa chohmi kvv aasha na, ahayuchikmvt talakchi o Cheluselem a pehlichit vla hinla kvv, yvma puta pit holisso ha, im ikba hi a, im asillha tok.

3. Atuk osh ia hosh aya mvt, Tamaskvs pit bilika ona tok ; mihma tohwikelit vba minti kvv yvmak ash o ashalika tommit a folupli tok.

4. Yohmi ma aka ont itula tok ; micha anumpa hvv, Sal, Sal, nanta katihmi ho is svlvshali cho? im ahanchi na haklo tok.

5. Mihmvt, Chitokaka ma ! kvta chia hoh cho? achi tok. Mihma Chitokaka ashot, Uno akosh, Chisvs ish ilvshahanli ka sia mak oke, Na halupa puta asvnalinchit ish bahgli kvv chi palvmmi hoke ; achi tok.

6. Yohmi ma yvmak ashot nukhlakanchvt wvnihinchi mvt, Chitokaka ma ! nanta hak o katiohmi la hi a, si svv ahni cho? achi tok. Mihma Chitokaka yvt, Wakaya cha, ivt tmaha ha ont ish chukowakmak o, nana ish kaniohma chi kvv, chim annoa chi hoke ; im achi tok.

7. Yohmi ma hatak apehvt aya tuk ashot anumpa kvne haklo kia, hatak nana kia ik peso mvt, ik anumpolo hosh hieli tok.

8. Atuk o, Sal vt aka itolvvt tani tok: micha nishkin vt fatuma mvt, hatak nana kia ik peso ki tok. Yohmi ma ibbak a halvli cha ishtivt, Tamaskvs a okla isht chukowa tok.

9. Yohmi ma ik hoponayo mvt, anonti ik impo, nan ik ishko aienvt ahanta na nitak tuchina tok.

10. Yvmohmi ma hatak nan ithvna achvfa, Ananaivs hohchifo kvv Tamaskvs a anta tuk o: yvmmak ash o holhpokuna ka, Chitokaka yvt, Ananaivs, im achi tok; mihma, Yak anta lishke, Chitokaka ma! achi tok.

11. Mihma, Wakayvt ivt hina Apissa hohchifo ka ish ona cha, Chutvs in chuka ya, Tasvs hatak Sal hohchifo ka, ish aponaklashke; yvmmak ash osh vba pit anumpohonli hoka.

12. Michā holhpokuna kvv, hatak Ananaivs hohchifo hosh ant chukowa cha hopokoya chī ka, ibbak a ant isht um bitepa na, pisa tuk oke: Chitokaka yvt im achi tok.

13. Yohmi ma Ananaivs ashot afalaminchi mvt, Chitokaka ma! hatak ilvppvt, chī holitopa vhleha Cheluselem aiasha ka kanihmit nan isht okvni ka, laua hō a haklo li chatuk.

14. Michā chī hohchifo pit hochifo vhleha mominchit takcha chī ka, na holitopa isht asha pehlichī vhleha yvt im apesa tuk o, ilvppa anta hoke: achi tok.

15. Yohmi kia Chitokaka ash ot, Iá, nan isht vm vttā holitopa, sa hohchifo hā shoyulit, miko vhleha michā okla nan ik ithano puta, michā Isīael ushi vhleha aiena itikba ya hikia hi oka.

16. Michā vno sa hohchifo pulla ka, na palvmmi hochito kanihmi kia isht ilbvsha chī ka, im anoli la chī hoka; im achi tok.

17. Mihma Ananaivs ash ot, ivt aboha ya ont chukowa tok; michā ibbak a isht umbitepa mvt, Itibapishi li Sal ma! ish minti ma, hina takla ya a chī haiaka tuk, Chitokaka Chisvs vt chishno vt ish hopokoyo cha, Shilombish Holi-

topa yvt chi anukfohka chi ho, auet sa chvffichi tuk oke; achi tok.

18. Yohmi ma chekosi makinli ho, na hakhlobish atuk o chohmit nishkin g mokohlit aka itula tok; yohmi ma ashaliika hopokoyo mvt, wakaya cha baptismo tok.

19. Micha nana impvt in taha mvt hlampko tok; yohmi mvt Sal vt nan-ithvna vhleha Tamaskvs maya ka awant anta na nitak kanohmi tok.

20. Micha in chekosi makinli ho, Klaist g yvmmvt Chihowa Ushi atuk g, sinakak puta ka, isht ai anumpohonli tok.

21. Yohmi ma okla haklo kvv momvt anukhlakancha mvt, Ilvppak osh na hohchifo ilvppa pit hochifot Cheluselem ai asha tuk g ilbvshahanli cha, ilvppa aya kvv, yvmmvt talakchi yo, na holitompa isht asha pehlichy vhleha, isht im ona chi mak atuk keyu? achi tok.

22. Yohmi kia Sal vto hlampko kvv isht i shahlit ishtia, yohmi mvt atokowvt, ilvppak osh Klaist fehna mak oke; ahaya mvt, Chu okla Tamaskvs asha tuk a imaiyvchi tok.

23. Yvmohmi kash o nitak kanohmi kvv taha ma, Chu okla hvv, yvmma vba chi kvv isht anumpulit maya tok.

24. Yohmi kia okla nan ahnit maya ka, Sal vt akostininchi tok; mihma vba chi kvv nitak, micha ninak moyuma holihta okhissa puta ka okla atoni tok.

25. Yohmi ma nan ithvna vhleha hvv nitak o ishit, kishi fohkit tvli holihta lapalint aka pit bohli tok.

26. Yvmohmi na Sal vt Cheluselem g vla mvt, nan ithvna vhleha hg ibafohka bvna tok. Yohmi kia momvt okla i nukshopa tok; micha yvmmvt nan ithvna yo ik im ahobo ki tok.

27. Yohmi kia Banabas ato eshi cha, ilaelit vbanumpeshi vhleha ya isht im vla tok; micha hina takla ya kaniohmit Chitokaka ya pisa tok, yohmi na im anumpuli tok, micha kaniohmit nukwaya iksho hosh, Chisvs hohchifo hg Tamaskvs g isht ai anumpohonli tok aiena ka, im anoli tok.

28. Yohmi ma Cheluselem g asht kocha, micha ant abeha aiena ka takla ahanta tok.

29. Micha nukwaya iksho hosh, Chitokaka Chisvs holi-

chifo hā isht anumpohonli cha, Klik okla ma itim anumpohonli tok; yohmi kia vbi bvnvt okla aiasha tok.

30. Yohmi na itibapishi vhleha yvt akostininchi mvt, ilauelet Seselia isht vla cha, Tasvs ā pit chvffichi tok.

31. Yohmi na Chutia yakni vt moyuma, micha Kalili, micha Samelia aiena ka, vbanumpuli iksa puta kv̄t nuktanla mvt isht ī shahlit ia tok; mihma Chitokaka ī nukshoyupa, micha Shilombish Holitopa yā isht ilai yukpa aienvt itvno-wa kv̄t, lauvt isht ī shaiyahli tok oke.

32. Yakohmi tok; Pita yvt mominchit hlopullit āya mvt, vbanumpuli vhleha Litti ai asha tuk ash kia, im vla tok.

33. Mihmvt yv̄mma hatak achvfa, Enias hohchifo kv̄t palsi isht abeka hosh topa itoyula na afv̄m̄mi untuchina tuk o, ont pisa tok.

34. Michā Pita yashot, Enias ma! Chisvs Klaist vt chi hlakofichishke. Tani cha, chishno inlit chin topa ha patalī, im achi tok. Mihma chekosi tani tok oke.

35. Yohmi ma Litti, micha Salon aiena āsha tuk vt m-mvt yv̄mma pisa mvt, filemvt Chitokaka yā im ai ona tok.

36. Yohmi ma nan ithvna achvfa Tabihla hohchifo, yv̄m-mvt toshowakmvt Takvs achi hō, Chappa yā anta tok: ohoy ilv̄p̄vt nan achukma a yv̄mohmi, micha na habenv̄chi aiena biekvt ahanta tok.

37. Atuk o nitak yv̄mma foka ma yakohmi tok; yv̄m-mvt abeka cha illi tok; yohmi ma yv̄mmak ash okla achiv̄t tahli mvt, vba potvlhpo yā boyuhli tok.

38. Mihrav̄t Litti yvt Chappa yā pit bilika hatuk, micha nan ithvna vhleha hv̄t, Pita yvt yv̄mma anta ka, okla hāklo tuk osh anukwaya im vla hinla ka, pit im ahnit hatak tuklo ka pit tihleli tok.

39. Atuk o, Pita yash ot wakaya cha awant ia tok. Atuk osh vla ma, ilauelet vba pctvlhpo yā okla ishit chukowa tok; mihma ohoyo vlhtakla vhleha yvt mcmvt apehvt hiohm̄yvt yaiya mvt, nafohka, micha anchi chohmi, Takvs vt awant anta moma mvt ikbi tok ā, haiakahanchi tok.

40. Yohmi kia Pita yvt mominchit kocha weli cha, hv̄chukbihlepv̄t hikia mvt, vba pit anumpuli tok; mihmvt hak-

nip ai ittola ka pit filema mvt, Tabihla, tani, achi tok; yohmi ma nishkin a fatummi cha Pita ya pisa mvt, tanit binili tok.

41. Mihma ibbak pit ima cha wakayvchi tok. Micha vba pit anumpuli vhleha, micha ohoyo vlhtakla puta aiena kash koyo cha, okchaya ho ima tok.

42. Yohmi ma Chappa okla hut momvt yvmma akostin- inchi tok; yohmi mvt lawvt Chitokaka ya i yimmi tok.

43. Mihma yakohmi tok; Saimon wak hakshup hummv- chi ya awant Chappa ya ahanta na nitak kanohmi tok oke.

CHAPTER X.

Kanilis vt Pita ya pit hoyo, 1. 34 Pita yvt vbanumpa isht anumpuli. Shilombish Holitopa yvt haponaklo vhleha ha onvtoyula.

1. HATAK achvfa Seselia ya ahanta kvv, Kanilis hoh- chifo hosh tvshka chipota aya achvfa, Itili okla achi ho, i kvpitvni ha tok.

2. Hatak achukma, micha in chuka-chvfa moma aienvt Chihowa ya i nukshompa cha, okla ha na habenvchi fehna mvt, Chihowa ya pit im anumpohonli na bilia tok.

3. Yvmmak ashot holhpokuna chohmit pisa ka nitak hv- shi kanvlli isht vlhpisa ont isht chakkali foka ho, Chihowa im enchil vt haiaka achukma hosh mintit ant iba chukowa mvt, Kanilis, im achi tok.

4. Yohmi ma yvmmak ash atokowvt pisa mvt nukshopa cha, Chitokaka ma! nanta hoh cho? achi tok; mihma, Uba pit ish anumpohonli, micha nan ish hovela puta aiena ka, Chihowa yvt ithaiyana he mak o vba ihya hoke.

5. Yohmi hoka himak a, Saimon, Pita hohchifo ka pit hoyot, hatak a Chappa pit ish tihlelashke.

6. Yvmmak okvt Saimon wak hakshvp hummvchi in chu- ka mvt okhvta lapali ka yo talaia ho, awant anta hoke; yvmmak osh nana ho ish kanihoma he tuk ma, chim anola hi oke; im achi tok.

7. Mihma enchil, Kanilis a im anumpohonli tuk ash ot ia

ma, chuka nan isht im ai vttā yā tuklo, micha tvshka chi-pota nan isht im ai ashwa bilia yā ḡhli achukma achvfa hō aieninchit hoyo tok.

8. Micha nan okluha kash mominchit im anolit taiyahli mvt, Chappa yā pit tihleli tok.

9. Ont onna ma okla itvnowvt mahaya mvt, tmaha hash pit bilika ona ma, hvshi kanvlli isht vlhpisa ont isht hannali foka hō, Pita yvt vba pit anumpula chī hosh aboha pakna pit oiya tok.

10. Atuk osh hohchvfo fehvt taiyaha cha, impa he tuk osh; amba okla atahlit isht maya ma, holhpokuna hō chohmi tok.

11. Micha shutik vt tiwa, yohmi ma, nan ai vlhpitta yosh nan tohbi chito wishakchi ushtvt ita shekonopa hō chohmi hosh aka i mintit, yakni ant onvtoyula hō, pisa tok.

12. Mihma anukaka yā nan-vlhpoa puta, hanalushta ilia-yuka yakni aiasha kv̄t moyuma, micha napoa puta, micha nana aka a balvlli puta, micha vba hushi puta aiena kv̄t ai asha tok.

13. Yvmohmi ma anumpa hv̄t mintit im vla kv̄t, Pita, tani cha, vbit vpá; achi tok.

14. Yohmi kia Pita ashot, Yohma he keyushke, Chitoka-ka ma! nana kv̄t ai vlhpesa keyu, kashofa keyu hokvno himonna kia, vpa li chatuk keyu hokvt; achi tok.

15. Yohmi ma anonti anumpa hv̄t atukla ma, im anumpuli kv̄t, Nana hō Chihowa yvt kashofi tuk ḡ, yvmma vlhpesa keyu, chik hochifo kashke; achi tok.

16. Hituchina ha yō ilvppa yakohmi tok; yohmi ma nana ai vlhpitta kash ot falamvt vba ia tok.

17. Pita yvt holhpokuna chohmit nana pisa tuk, yvmmvt nana isht akaniohmi hatuk ḡ ik akostinincho chohmi ai itān takla ma, hatak Kanilis vt pit tihleli tuk ash, Saimon in chuka yā a ponaklo tuk osh okhissa itikba yā hieli tok.

18. Mihmvt tahpva cha a ponaklot, Saimon, Pita hohchifo kv̄t, yvmmak o antakmá, nanta cho? achi tok.

19. Pita yvt holhpokuna tuk ash o anukfihinli fehna, Shilombish vt, Yakeh! hatak tuchina kv̄t chi hoyoshke.

20. Yohmi hoka tanit pit akowa cha, nana kia isht ai anuktuklo iksho hosh awant ish iashke, yvmma vno ak osh auet tihleli li tuk oka ; im achi tok.

21. Yohmi ma Pita yash ot akowvt ivt, Kanilis vt auet in tihleli tuk hatak ash im onna mvt, Yakeh ! vno ak osh hatak hvsh hoyo hatuk a sia mak oke. Nanta hosh a katiohmi hq ayvt hvsh la cho ? achi tok.

22. Mihma, Kanilis Kvpitvni hatak ghli, micha Chihowa ya i nukshohumpa cha tuk, micha Chu okla moyuma ka ai im annoa achukma hosh ahanta chatuk, yvmmak osh in chuka ya ish ona chi ka, chi hoyo cha, anumpa hq chi a hakla chi ka, Chihowa yvt enchil holitopa ya isht ai im anoli tuk oke ; okla achi tok

23. Yohmi ma i howvt aboha pit apitta na maya tok. Atuk o ont onna ma, Pita yvt wakaya cha awant ia ma, itibapishi vhleha kanohmi kv Chappa ya asht apihvt ilhkohi tok.

24. Atuk osh yvmmak atuk a onna ma, Seselia ya okla ont chukowa tok ; yohmi ma Kanilis vt i kanomi vhleha, micha i kana fehna aiena ka hoyot itahobit tahli cha, asht pit hoyo tok.

25. Atuk osh Pita yvt ant chukowa ma, Kanilis vt ont afama cha, iyi ituma ya hlipiyvt ai okpuchi tok.

26. Yohmi kia Pita yvt, Hikiá, vno ak kia hatak sia akinli hoke, ahanchi cha halvllit tanichi tok.

27. Michá im anumponlit pit chukowa mvt, itahoba tuk vt laua hosh ai asha na pisa tok.

28. Yohmi mvt Chu hatak okvt okla inla takla gya hokmá, keyukmvt ont ibafohka hokmá nana ka kaniohmit im ai vlpiesa keyu ka hvsh ithaiyanvshke ; yohmi kia vno yokvto hatak nana kia ik vlpeso, micha okpulo a la he keyu hq, Chihowa yvt vm abahanchi tuk oke.

29. Yvmohmi hatuk o, sa hoyo makinli hq nana ak acho hosh, ayvt hvchim vla li hoke. Yohmi hosh hvchi ponaklo lishke, nanta katiohmi hq is sa hoyo tuk oh cho ? im achi tok.

30. Mihma Kanilis vt, Nitak ushta kash o nahullochit an-

ta li, hvshi kanvlli himak foka tok. Yohmi hosh hvshi kanvlli isht vlpisa ont isht chakkali ho, vm aboha anukaka ya vba pit ai anumpuli li tuk; yohmi ma hatak vt nafohka shohmalali fohka kvv sa tikba ya hikia tuk.

31. Mihmvt, Kanilis, vba pit ish anumpuli ka haklo, micha nan ish hopehinla chatuk a Chihowa yvt ithaiyana hoke.

32. Yohmi hoka Saimon, Pita hohchifo ka pit hoyot Chappa ya pit ish tihlelashke; yvmmak okvt okhvta lapali ka Saimon wak hakshup hummvtchi in chuka yo anta hoke; yvmmak osh vlakmvt ant chim anumpula hi oke; achi tok.

33. Yohmi hatuk o ashalika pit chi hoyo li kvno; atuk o ish la kvv ish vlpesa hoke, yvmohmi ma Chihowa yvt nana chim apesa tuk a, mominchit e hakla chi mak osh momvt himak a yakohmit Chihowa itikba ya e chiya hoke; achi tok.

34. Mihma Pita yvt itakha ya wakvmmi mvt Chihowa yvt hatak a kanimanchi keyu ka, ai ghlit akostininchi lishke—

35. Amba oklushi moyuma ka kvna hosh yvmma i nukshoyupa cha, ai vlpiesa ka yvmohmi hokvt, im a holitopa chatuk oke.

36. Chihowa yvt Israel ushi vhleha ya anumpa auet ema na Chisvs Klaist pulla ho nuktanla hi a, isht ai im anuhumpa tok a, yvmmak osh moma in Chitokaka yoke.

37. Baptismo yo Chan vt isht anumpuli ha yak o, anumpa yvmvt Kalili ai ishtia tuk osh, Chutia yakni a mominchit ai anumpvt hlopulli tok;

38. Kaniohmit Chihowa yvt, Chisvs Nasalet ai vta ya Shilombish Holitopa, micha nan isht im ai ghlika aiena ka isht ahvmmichi tok; Chihowa yvt awant aya hatuk o, yvmmak ashot nan achukma ka isht ahanta, micha nan isht-ahullo okpulo isht ilbvsha vhleha ya mominchit hlakofichit nohwa tok, hvsh ithaiyanvshke.

39. Micha yvmvt Chu okla i yakni, micha Cheluselem aiena ka nana ho a kanimihinchi tukma, moyuma atokowa anoli pia mak oke; yvmmak o okla iti a takalichit vbi tok.

40. Yvmmak ash nitak ont atuchina ma, Chihowa yvt tanihi cha, achukmalit haiakvchi tok.

41. Yohmi kia okla moma kak a tok keyu, amba nana

atokowa anou vhleha, Chihowa yvt tikbanli atokohonli tok, illi tuk vt falamvt tani ha ya, nan itibai impvt, ishkot maya tok, pishno ak a tok oke.

42. Mihma okla hg il im anumpula he, micha okchaya vhleha, mikmvt illi puta aiena nan im apesa ya he, Chihowa yvt atokoli ka ilap ak atuk g, atokowa il anohonla he, pim apesa tok oke.

43. Yvmmak o hopaii moma kvv, yvmma hohchifo pulla hatuk mak o, kvna ho kia i yimmi hokvt ai ashvchika puta kvv isht a kashofa ahayucha hi g, atokolit okla anohonli tok ; achi tok.

44. Pita yvt anumpa ilvppa anumpohonli kvv moma ho, anumpa haklo yash Shilombish Holitopa yvt mominchit onvtuyula tok.

45. Yohmi ma hakshup toptua na yimmi vhleha Pita ya apihvt vla tuk vt, okla nan ik ithano vhleha ak kia Shilombish holhpila kvv o fohopa hatuk o,

46. Anumpa ilaiyuka okla anumpulit Chihowa ahnihinchi ka, okla haklo hatuk osh momvt nukhlakanha tok ; Mihma Pita yvt afalaminchit,

47. Shilombish Holitopa yvt anukfoka tuk vhleha pishno akinli chohmi ; yakohmi kvv ik baptismo ka chi ka, hatak nanta hosh oka ya im atakvmma hinla cho ? achi tok.

48. Yohmi mvt Chitokaka isht a hochifot okla baptisma chi, i miha tok ; yohmi ma awant anta na nitak kanohma chi ka okla im ahni tok oke.

CHAPTA XI.

Pita yvt oklushi nan ik ithano vbanumpa ont isht im anumpuli tuk o, nanumachi, 1. 19 vbanumpa yvt tomaha kanohmi ka ai anumpa.

1. YUMOHMI ma vbanumpeshi vhleha micha itibapishi vhleha aiena Chutia maya tuk vt okla nan ik ithano vhleha hak kia Chihowa im anumpa hg ishi tuk g, okla haklo tok.

2. Yvmohmi tuk o, Pita yvt Cheluselem a vla ma, hakshup tupa vhleha yatuk vt i chapvt anumpulit,

3. Chishno vt hatak hakshup tupa keyu vhleha ya ont ish iba chukowa cha, ish ibai impa tuk oke; ahanchi tok.

4. Yohmi ma Pita yvt ai ishtia vmmona ka silhhit im anolit,

5. Chappa tmaha ha vba pit anumpuli hosh ahanta li tuk osh, sa holhpokuna chohmit na pisa li ka, nan ai vlhpitta yvt mihinti kvv nan tohbi chito yo chiyuhmi hosh vhli ushta ka ishi ho vba ya ai aka mihinti tok, mihmvt vno ash fehna vm vla tok.

6. Yvmmak ash sa nishkin a isht atokoli li mvt, nana vm anukfihinla tok, mihmvt nan-vlh-poba iyushta puta yakni pakna aiasha, micha na-poa nukshopa, mikmvt nan aka balvlli puta, micha vba hushi aiena ka pihisa li tok oke.

7. Mihma anumpa hvv, Pita yvt wakaya cha, vbit vpa, vm ahanchi na, haklo li tok.

8. Yohmi kia vno ashot, Yohma he keyushke, Chitokaka ma! nitak nan ash nana kvv ai vlhpesa keyu, micha okpulo aiena kvv satakha ya fohka tok keyu chatuk oke; achi li tok.

9. Yohmi kia atukla ma anumpa hvv vba auet si afalaminchit, Nana ho Chihowa yvt kashofi tuk a, yvmma ai vlhpesa keyu, chik acho kashke; achi tok.

10. Ilvppa yakohmi kvv hituchina ya tok; yohmi ma moma falaminchit vba isht maya tok.

11. Yvmohmi ma, mih makinli ho hatak tuchina Seselia auet ai an tihleli tuk a, chuka ai vta li tuk ash, ai vla tok.

12. Yvmohmi ma Shilombish vt, nana kia isht anukwaya ikaho hosh awant ia la he, a miha tok; yohmi ma il itibapishi hannali ilvppv si apelv itvnowa ho, hatak ash in chuka ont e chukowa tok.

13. Yohmi ma yvmmak ash ot kaniohmit enchil vt ilap im aboha anuka ya hikia na pisa ho, Hatak a Chappa ya pit tihlelit Saimon, Pita hohchifo ka pit ish hoyashke.

14. Yvmmak osh anumpa, chishno, micha chin chuka

achufa moma aienvt isht hvchi okchaya hi g, chim anola hi oke, im achi tuk g, pim anoli tuk oke.

15. Yvmohmi ma anumpulit ishtia li makinli ho, Shilombish Holitopa yvt okla ha onvtuyula kv, vmmona ka hvpushno g pi onvtula chash chiyuhmi tok.

16. Yohmi ma Chitokaka yvt, Chan okvto oka yo ishit baptismochi mvhlishke; amba hvchishno yokvto Shilombish Holitopa yo ishit hvchi baptisma hi yoke; achi tok g, im anumpa ha ithaiyana li kvno.

17. Yvmohmi ka Chihowa yvt, Chitokaka Chisvs Klaist i yimmi vhleha ha hvv ima tok, ai itilau na holhpila ka ihima tuk g, vno ak osh nanta sia hatuk osh Chihowa ya atakvmmi la hinla cho? im achi tok.

18. Na yakohmi ka okla haiyaklo mvt lumvt chieya cha, Chihowa ya aiokpahanchi mvt, Yohmikma Chihowa yvt okla nan ik ithano vhleha ak kia isht okchaya ile kostininchi ya ihima tumvshke; ahanchi tok oke.

19. Yvmohmi ma na palvmmi kv Istefin g isht atoba ma, okla ita fimimpa tuk vt itvnowvt aya kv Finisi, micha Saipilvs, mikmvt Antiak g pit vlichit inla ka yano keyu, amba Chu vhleha ak bano ho anumpa ha okla isht im anumpohonli tok.

20. Micha kanimi kv Saipilvs hatak, micha Sailini hatak aiena hatuk osh Antiak g ai vla mvt, yvmmak ash ot Klik okla ha im anumpulit Chitokaka Chisvs g isht anumpohonli tok.

21. Yohmi ma Chitokaka ibbak vt awant anta tok, holhti-na laua hosh yimmi cha filemvt Chitokaka ya im ona tok.

22. Yvmohmi ma na yakomi kv annovt, iksa Cheluselem ashwa tok haksobish g ont chukowa tok; mihma Banabas g yvmvmt ia kv Antiak g ona chi ho okla pit chvffichi tok.

23. Yvmmak ash osh vla cha, Chihowa im isht il aiyukpa ka pihisa mvt na yukpa tok; micha chvkvsh mvt kullo hosh Chitokaka ya isht asitia chi ka, mominchit atonohonchi tok.

24. Yvmmak okv hatak achukma hosh, Shilombish Ho-

litopa, micha ayimmika aiena kv̄t anukfoyuka fehna hatuk oka; yohmi ma okla hv̄t lawvt Chitokaka ya iba kaha tok.

25. Yohmi ma Banabas vt Sal ā hoyā ch̄i hosh, Tasus ā ia tok.

26. Atuk osh yvmmak ash ahayuchi mv̄t, ilaelit Antiak ā isht vla tok. Mihma yakohmi tok, afv̄m̄mi achvfa v̄lh-piesa ka vbanumpuli ik̄sa yā ibai itahobvt okla lawa ka nan im abahanchi tok. Mihma nan ithvna v̄hleha hv̄t v̄mmona ka Antiak ak o, Klaist okla a hohchifo tok.

27. Yvmohmi ma nitak ilvppa foka ma, hopaii v̄hleha Cheluselem minti kv̄t, Antiak ā ai vla tok.

28. Micha yvmmak ash ot achvfv̄t Akabvs hohchifo hosh hikia cha, hohchvfo chinto kv̄t yakni mominchit a hlopulla ch̄i ka, Shilombish pulla isht ai anohonli tok. Yvmmvt Kilatvs Sesa yvt ahanta nitak ak o ont ai ahli tok.

29. Yohmi ma nan ithvna v̄hleha yvt nana kv̄t kaniohmit im āsha tukmv̄t ik kaniohmi kia, itibapishi v̄l̄heha Chutia maya ka isht apelv̄chi yā pit ī pila ch̄i kv̄t, hatak moma tok.

30. Yvmmak ash okla yohmi mv̄hli cha Banabas, micha Sal ita tuklo kak ō ibbak fohkit, hatak tikba v̄hleha yā pit pila tok oke.

CHAPTA XII.

Helot vt vbanumpuli v̄hleha h̄ā issikkopali.

1. **YOHMI** ma nitak yvmma foka ma, Helot miko yvt vbanumpuli ik̄sa yatuk ā kaniohmi h̄o, ilbvshala ch̄i kv̄t ibbak ā o weli tok.

2. Micha Chemis, Chan itibapishi h̄ā bvshpo falaia h̄o isht v̄bi tok.

3. Micha yohmi ka Chu okla hv̄t im achukma h̄o, pisa hatuk osh achakalinchi mv̄t, Pita yā aieninchit isha chin tok; mihma pvska ik shatv̄mmo vpa nitak a tok.

4. Atuk osh yvmmak ash hoklit ishi mv̄t, aboha kv̄llo pit fohki cha, vbanv̄blit ont-ia issa ha yō okla h̄ā isht ī kohcha

ch_i mak o, ahni hosh, tvshka chipota ushta bat aya ushta ho apesvcha ch_i ka, im issa tok.

5. Yohmi hatuk o Pita yashot aboha kv_llo ya fo_ka tok; yohmi kia vbanumpuli iksa yvt yv_mma isht Chihowa pit im asilhha kv_t, ik yokopo ki tok.

6. Atuk o Helot vt isht kohcha he tuk a, yv_mma ninak fenak akinli ka, Pita yvt tvli itatak_vli tuklo hosh isht talai-yakchi ho, tvshka chipota tuklo itin takla yo a nusi tok; yohmi ma apesvchi vt okhissa itikba ya hielit aboha kv_llo ya apesahanchi tok.

7. Yvmohmi kash o Chitokaka im enchil vt im vla na tohwikeli kv_t aboha kv_llo anukaka ya tom_mi tok: mihma yv_mmak ash osh Pita ya naksi a isso cha, tanichi mvt, Tushpvt tan_i; achi tok; yohmi ma in tvli itatak_vli yvt ibbak a a mokohli tok.

8. Mihma enchil ash ot, Il ai vskofachi cha, ch_i shulush a holó, im achi ma, yvmihchi tok, mihma, Chim anchi a anchi cha, is siakaiyashke, im achi tok.

9. Mihma kohcha mvt iakaiya tok; yohmi kv_t enchil vt nana a yvmihchi ka ai ghli mak atuk a, ik akostinincho ki tok. Amba nana mak o pisa ho im ahoba tok.

10. Ai atoni v_mmona, micha atukla aiena ka ant itiachi mvt, tv_mmaha pila ia tvli holihta okissa ya itvlachi ma, ilap akinlit in tiwa tok; mihma pit kohcha cha, hina achvfa ho fokvt ayvt okla tuk o, enchil ash ot ashalika i filv_mmi tok.

11. Yohmi ma Pita yvt falamvt kostieni mvt, Chitokaka yvt im enchil a auet chvffichi cha vno a Helot ibbak, micha Chu okla nana ahni tuk puta ka, a sa hlakofichi tuk a, himak a ai ghli mak o ithaiyana lishke; achi tok.

12. Mich_a nan im anukfihinla mvt Chan, Mak hohchifo ishki, Meli in chuka ya, yv_mma laua hosh itahobvt vba pit anumpuli hosh maya na, vla tok.

13. Mich_a Pita yvt apishia okhissa ya ant sukoha ma, ohoyo himita Loti hohchifo hosh ont haponaklo tok.

14. Mich_a Pita im anumpa ho pit ithana mvt, na yukpa kv_t apishia ya okhissa ya ik tiwo hosh, amba malelit ant chukowa mvt, Pita yvt apishia itikba ant a hikia ka, anoli tok.

15. Mihma, Ik chi hopoyuksoshke, im achi tok. Yohmi kia i shahlichit, yohmi tuk ash pulla h_o mih_iha tok; yohmi ma, Im enchil oka, okla achi tok.

16. Yohmi kia Pita ash ot suk_oha kv_t imoma tok; yohmi ma okla tiwi cha, pisa mv_t nukhlakan_ocha tok.

17. Yohmi ma nukchintot m_aya ch_i ka, ibbak pit i fahv_mmi mv_t, kaniohmit Chitokaka yv_t ilap a aboha kv_llo isht a kohchi tuk a, im anoli tok; mihmv_t, Na yakohmi ka Chemis, micha il itibapishi v_hleha aiena ka iv_t oh im anoli, achi tok; mihmv_t kohchv_t iv_t inla h_o ona tok.

18. Atuk o onv_t taha makinli h_o, tvshka chipota v_hleha ash ot Pita yv_t nanta mak o a katiohmi tuk, ahnit nukhlakan_ocha kv_t chohmi tok keyu.

19. Yvmohmi tuk o Helot vt yvmmak ash hoyo tuk osh ik peso mv_t, apesvchi v_hleha yash achukmalit im asilhhvchi mv_t, yvmmak ash o vba ch_i ka, apesa tok. Mihmv_t Chutia ya v_tvtv_t iv_t Seselia ona cha, yvmmak o anta tok.

20. Mihmv_t Helot vt Taia, micha Saitv_n aiena ai asha ka isht ik i yukpo fehna tok; yohmi kia m_iko im vba potvlhpo apesvchi Blastv_s a it_i kana okla ikbi tok, micha ilap i yakni ya m_iko i yakni yak osh ai apelvchi atuk aiena hatuk oka, im anukfila mv_t ai achvfa hosh im ai v_la cha, nanaiya ka ai ahni tok.

21. Yvmohmi ma ai vlhpisa tuk nitak o, Helot vt m_iko i na fohka ishit shemv_t taiyahli cha, im aiasha holi_topa paknaka ya binili cha, anumpa isht hikv_t im anumpohonli tok.

22. Mihma okla hash ot tahpv_lvt, Ilvppv_t Chihowa yak o im anumpa, hatak im anumpa yo keyushke; ahanchi tok.

23. Mihma isht aholitopaka ya Chihowa yak o pit ik im isso hatuk o, mih makinli h_o Chihowa im enchil vt isso tok, mihma sh_ushi yosh ai ahampa na fiopissa tok.

24. Amba Chihowa im anumpa hv_to achakv_t isht i shahlit ia tok.

25. Yohmi ma Banabas micha Sal ita tuklo kv_t nan isht ah_gshv_t atahli mv_t Chan, Mak hohchifo ka ilauint Cheluselem a ashv_t falamv_t ia tok oke.

CHAPTA XIII.

Pal, Banabas ita tuklo kv̄t oklushi nan ik ithano, yā im ia. 42 Oklushi nan ik ithano v̄hleha yvt v̄banumpa yinmi.

1. YOHMI ma iksa Antiak ahashwa ka kaniohmi kv̄t hopaii, micha nan im av̄chi v̄hleha, Banabas, micha Simion osh Naika hohchifo, anonti Lusivs, Sailini v̄tta, micha Manevn, Helot na pehlichy yā iba hofanti tok, micha Sal chohmi kv̄t maya tok.

2. Okla Chitokaka pit aiokpv̄chit nahullochit maya ma, Banabas, micha Sal ita tuklo ka, a toksv̄li im ai atokoli li tuk isht ashwa ch̄i ka, hvs sv̄m atokolashke, Shilombish Holitopa yvt achi tok.

3. Mihma okla nahullochit v̄ba pit anumpuli cha, ibbak a isht umbitepv̄t taiyahli mvt, okla pit tihleli tok.

4. Yohmi ma Shilombish Holitopa yak osh pit tihleli hoka, iv̄t Silushi a itonachi tok osh, yv̄mma ashv̄t peni v̄lhtot iv̄t Saipilvs a itonachi tok.

5. Michā Salemv̄s a ont ashwa mvt, Chu okla i sinakak puta Chihowa im anumpa isht ai anumpohonli tok. Mihma Chan a il ai apelahanchi akinli tok.

6. Michā tashaiyi yā a hlopullit Pefvs a itonachi mvt, hatak isht ahullo achv̄fa hopaii ilahobi, Chu hatak Bachivs hohchifo hō, pisa tok.

7. Yv̄mmak okvt nahullo m̄iko hatak nan ithana, Sachis Paulvs a awant anta tuk o, yv̄mmak ash ot Banabas, micha Sal aiena ka hoyo mvt, Chihowa im anumpa hā haklo bv̄na tok.

8. Yohmi kia Ilimvs hatak isht ahullo ash ot, hohchifo hv̄t toshowakmvt yv̄mmak oka nahullo m̄iko a na yimmika ai i filv̄mmichi bv̄nna kv̄t yv̄mmak ash im ataklv̄m̄mi tok.

9. Mihma Sal mvt, Pal hohchifo akinli hosh, Shilombish Holitopa yvt anukfohkvt kv̄nia hosh, yv̄mmak ash atokolit pisa tok.

10. Mihma, Na haksichi, micha nan ik ai v̄lhpeso aiena banot isht alotowa, nan isht ahullo okpulo ushi, ahopoyuksa

okluha in tenvp ma! Chitokaka i hina ai ahli puta okpvi kv̄t, ish issa he keyu cho?

11. Mikma, yakeh! himak a Chitokaka ibbak vt chi onvtula boka, chi lvpakmvt hvshi a chik peso ho ahebiba chi hoke; achi tok. Mihma chekosi makinli ho tohbi, micha okhlilika aienvt onvtula tok. Mihma kvna kia ibbak a halvli cha isht aya chi ka, hoyot fullokahanchi tok.

12. Mihma nahullo miko vt Chitokaka im anumpa ha anukhlakancha cha, nana kv̄t yvmohmi na pisa mvt yimmi tok.

13. Mihma Pal vt itvpeha yash aienvt Pefvs a a hotofi cha, okla mintit Pafilia yakni Pvki a ai vla tok. Mihma Chan vt i filvmm̄it Cheluselem a falamvt ona tok.

14. Amba Pvki a asht kohchvt okla ia mvt, Pisitia yakni Antiak a ai vla cha, nitak hullo a sinakak a ont chukowvt chieya tok.

15. Mihma nan vlhpisa, micha hopaii i holisso puta aiena kash, itim anumpulit atahli ma, sinakak apehlich̄i vhleha yvt, Hatak, il itibapishi vhleha ma! okla isht im anumpa he anumpa hv̄t hvchim ashakmvt hvsh anumpulashke; achit auet im anoli tok.

16. Mihma Pal vt hikia cha ibbak a pit isht im alvmm̄it, Islael okla, micha Chihowa ya i nukshohumpa vhleha hv̄chia ma! hvsh haponaklashke.

17. Okla ilvppa Islael vhleha in Chihowa yvt pin tikba vhleha ya atokoli mvt, hatak nowvt aya chiyuhmi hosh Echip a okla ahashwa ma, yvm̄mvt holitobli tuk osh, ilap ibbak kv̄llo pulla kv̄t yvm̄mak ash isht akohonchi tok.

18. Mich̄a afv̄m̄mi pokoli ushta foka yakni haiaka okla nana a kaniohmi ka, ant ik yohmi, im ahni tok.

19. Mich̄a Kenan yakni a oklushi untuklot ai imaiyachi mvt, i yakni atuk a, na shueli ho, isht ai i hopela tok.

20. Mich̄a yohmi ha ya nan apesa vhleha im a hiohli-hinchi na, afv̄m̄mi tahlepa ushta cha pokoli tahlapit aiena foka ho, Samuel hopaii vt vtta tok.

21. Atuk o i himmakma, miko okla asilhha tok. Mihma Chihowa yvt Sis ushi, Sal, hatak Benchamin isht atiaka yq, i hilechi na afv̄m̄mi pokoli ushta tok.

22. Atuk osh yvmmak ash ai ishi mvt, Lewi ak osh i mi-ko ya chi ho okla ha i hilechi tok; yvmmak o pit atokolit, ilap vt, Lewi Chesse ushi, vno sa chukvsh fehna iakaiya hatak, micha vno nan ai ahni li ya mominchit ai ahlichia chi makoh ahayuchi lishke; achi tok oke.

23. Hatak ilvppa isht ai unchululi yo Chihowa yvt ilap miha tok pulla hosh, okchalinski Chisvs a Israel okla ha i hilechi tok.

24. Yvmmvt ik lo kisha ho, Chan vt vmona ka Israel okla moyuma ka ile kostinichit baptismo ya isht im anum-ponhli tok.

25. Micha Chan vt anumpulit ahanta mvt, Kvta hak o sia hvchim ahoba cho? Uno vto mih mak o sia keyu hoke. Amba siakaiyvt minti kak o, yvmma iyi i shulush a vno vt i hotofi la he si ahoba keyu hoke; achi tok.

26. Hatak itibapishi li vhleha ma! Eblaham isht atiaka ushi, micha kvna hosh hvchi takla ashwa kvv Chihowa ya i nukshohumpakma, hvchishno ak o, ai okchaya isht anumpa ilvppvt hvchim aya hoke.

27. Cheluselem ai asha, micha i hochitoka aiena kvv, yvmma, micha hopaii vhleha im anumpa nitak hullo moma ka itim anumpuli chatuk aiena ka ik ithano hatuk osh, na palvmmi ka onochit yvmmak atuk a, ai-ahlichia tok oka.

28. Micha kaniohmi ho yvmmak okvt isht ai illa he vlv-pesa kvno, im ai akostinichi keyu ho kakosh, illa he a ahnit, Pavvt a okla im asilhha tok.

29. Micha yvmma isht a holihiso tok a mominchit ai ahlichit okla tahli mvt, iti ash ai ishit akvchi cha ahollopi anukaka ya bohyuli tok.

30. Yohmi kia illi tuk a Chihowa yvt tanichi tok.

31. Yohmi ma Kalili ya asht ahevvt mintit Cheluselem a ai vla tuk vt yvmma okla pisa na nitak kanohmi tok; mih mak osh yvmma atokowvt okla ha im anoli yoke.

32. Yohmi hosh anumpa achukma pin tikba vhleha ima tok a isht e hvchim anumpulishke.

33. Im vlla vhleha hvpia hak o, Chihowa yvt yvmmak ash isht pim ai ahlichia hosh Chisvs a falamichit tanichi

tok. Yohmi kv̄t ataloa ont atukla ka, Sv̄so chia hoke, himak nitak ʒ chikbi lishke, achit aholisso akinli hoke.

34. Micha yv̄mmvt illi tok ʒ falaminchit tanichi ka himakma falamvt ahollopi ʒ chukowa, he keyu hatuk o yak ahanchi tok, Lewi i nan isht il aiyukpa ʒhli ka chima la hi oke.

35. Yvmohmi hatuk o anonti, Chi Holitopa ka ant nan toshbi ka ik pisá, ish im ahna he keyu hoke, inla ma ai ahanchi hoke.

36. Lewi ak okv̄to Chihowa nan ahni pulla h̄o, im okla h̄a nan isht im ahantvt in taiyaha mvt, illi cha in tikba v̄hleha h̄a ibafohkv̄t itoyulvt nan toshbi ma piesa tok oka.

37. Amba Chihowa yvt falaminchit tanichi tok, yv̄mmv̄to nan toshbi nana kia ik peso ki tok.

38. Yvmohmi ka hatak il itibapishi v̄hleha ma! hatak ilv̄ppa pulla hatuk mak o, nan ai ashv̄chika puta isht kashofa yvt ishit hv̄chim anumpa hoka hv̄sh ithaiyanashke.

39. Micha Moses i nan vl̄hpisa ak okm̄v̄no yv̄mma kaniohmit isht hv̄sh ai i hlakofa he keyu ke tuk kia, na yimmi vt momvt yv̄mma pulla kano okl̄ha isht ai i hlakofi hoke.

40. Yvmohmi hoka ahah! hv̄sh ai ahnashke; yv̄mmak keyukma hopaii v̄hleha i holisso h̄a isht ai anumpvt,

41. Na shitilema v̄hleha hv̄chia hv̄t ho pesa cha, okokko! ahnit, ik hv̄chi nukhlakanchá; hv̄chi nitak ʒ nan isht vtta ya isht ahanta li ka, kv̄na kia ik hv̄chim anoli mak o, kaniohmit nan isht vtta yv̄mma a hv̄chi yimma he keyu, achi kv̄t hv̄chi onvtula hinla hoke; achi tok.

42. Mihma Chu okla hv̄t sinakak ʒ a kohcha wiha ma, okla nan ik ithano v̄hleha yvt anumpa yakohmi kash ot nitak hullo atuklakma isht im anumpa hinla kv̄t asilhha tok.

43. Yvmohmi tuk o itv̄naha yash ot tisheli ma, Chu okla laua, micha himona v̄banumpuli toba v̄hleha aiena kv̄t Pal micha Banabas ita tuklo ka apehvt ʒya tok. Mihma yv̄mmak ash ot im anumpulit, Chihowa im ai isht il ayukpa pulla h̄o ai itv̄nowa chi ka atohnonchi tok.

44. Atuk o atukla nitak hullo ya tv̄maha chito achv̄fa

kvt moma hosit Chihowa im anumpa hakla chi kvt itenaha tok.

45. Yohmi kia Chu okla hvto okla laua ya pisa mvt, nukhobelvt alota mvt, Pal vt nana anumpuli ka ik ahobalot na mihachit itachowvt maya tok.

46. Yohmi ma Pal, micha Banabas ita tuklo kash ot nukwaya iksho kvt isht i shahlit ia mvt, Chihowa im anumpa hvv tikba hvchishno ak o a hvchim anumpa he mvto ai vlhpiesa tuk okvno; yohmi kia, yvmmak ash naksi ka pit hvsh bohli cha, okchayvt bilia he o ik chi ahobo kvt isht hvsh il anukfihinli hoka, okla nan ik ithano yak o pit il i filemvshke.

47. Yakohmi ho Chitokaka yvt pim apihisa mvt, Okla nan ik ithano vhleha ya ish in tohwikela chi, yakni ont vhli fullota kvt isht ai okchaya he mako, chi hilechi lishke; ahanchi tuk oke, achi tok.

48. Mihma okla nan ik ithano vhleha yvt ilvppa haklo mvt, okla na yukvvt Chitokaka im anumpa ha aiokpahanchi tok. Mihma okchayvt bilia he isht im vlhpisa tok vto mvmvt yimmi tok.

49. Yohmi na Chitokaka im anumpa hvv annovt yakni yvmma mominchit a hlopulli tok.

50. Yohmi ma Chu okla hvv, vbanumpuli ohoyo holitompa vhleha, micha hatak holitompa tvamaha gsha tuk aiena ka atohnohonchi cha, Pal, micha Banabas ita tuklo ka isht ai ilbvshaka ya ilhkolichi tok; micha i yakni g kohchit kanom pit tihleli tok.

51. Yohmi kia iyi hituk chubbi gsha tuk g on tahtuli cha, mintit Aikonivm g itvlachi tok.

52. Mihma nan ithvna vhleha yvt na yukpa, micha Sli-lombish Holitopa aiena ka isht anukfohka tok.

CHAPTA XIV.

Pal, micha Banabas ita tuklo kvt i palvmmi, 1. 8 Pal vt Listi g hatak imomokpulo g hlakofichi na, nan-ishtahullo vhleha hatuk o, okla

hət ahobvchi, 1. 19 Pal vt tvi isht boa, 21 Tvmaha ilaiyuka hlo pullit aya mvt, falamvt Antiak a itvlachi.

1. **MIHMA** Aikonivm a yokohmi tok; Chu okla i sinakak o ita tuklot ont chukowa cha, kaniohmit anumpohonli ma, Chu okla, micha Klik okla ai itvpeha kvv laua hosh yimmi tok.

2. Amba Chu nan ik yimmo vhleha hvto okla nan ik ithano a atohnochit, im anukfila ha itibapishi vhleha hash isht i nukkilichi tok.

3. Yvmohmi hatuk o nukwayiksho kit Chitokaka ya isht anumpulit, yvmmak ash abashwa na hopaki ma, yvmmak ash ot nan isht ahoba, micha na fehna puta aiena kvv yvma ibbak a isht ai yohma hi a ahni cha, im anumpa hanta ya isht ai ghlichi tok.

4. Yohmi kia tvmaha okla chinto kash ot ita kashapa tok; mihma kashapa kvto Chu okla hak o pit halanli ma, anonti kashapvt vbanumpa isht vta vhleha yak a tok.

5. Atuk osh okla nan ik ithano vhleha, micha Chu okla ha pit aiena kvv i pehlichi ka ai itvpehvt, yvmmak ash ilvshachit, tvi isht bola chi kvv im anukfilvt maya ma,

6. Akostininchit okla mvt, tihlavt Laikeonia yakni a tvmaha Listi, micha Tabi ita tuklo, micha yakni auet folumpa ka ona tok.

7. Micha yvmmak o vbanumpa isht ai anumpulit okla tok.

8. Mihma Listi a hatak achvfa kvv ishki ikfoka anyka yakinli ho ai imomokpulo tok osh, iyi vt ik kullo hosh, nitak nana nowa tok keyu vt binili tok.

9. Yvmmak ash ot Pal vt anumpuli ka haklo tok; mihma yvmmak ash ot atokovvt pihisa cha, hlakofa he vt yimmi ka akostininchit mvt,

10. Chitoli hosh anumpulit, Wakayvt chiyi a apissvt isht ish hikiashke; achi tok. Mihma yvmmak ashot mvlit, micha nowa aiena tok.

11. Mihma okla hash ot, Pal vt nana yvmihinchit na pisa mvt, Laikeonia anumpa ho okla anumpulit chitoli hosh, Chi-

tokaka vhleha yvt hatak o chiyuhmit aka mintit ayvt hvp im vlvshke; ahanchi tok.

12. **Micha Banabas a Chupita hochifo mvt, Pal ak okvto anumpuli chito atuk o, Makulvs hochifo tok.**

13. **Mihma in tmaha itikba hikia Chupita ya na holi-tompa isht im vtta yvt, wak nakni chohmi, micha sita bita puta aiena ka ishit holihta okhisa ya vla kv, okla ai itvpehvt vbit isht aiokpvcha he ahni tok.**

14. **Mihma vbanumpeshi vhleha Banabas, micha Pal ita tuklo kv haklo mvt, im ilefohka ya ita hlilvffit, okla mvt pit tihlaiyvt okla ha iba chukowa cha, tahpvlvt,**

15. **Hatak puta ma! na katihmi ho hvchi yakohmi cho? Pishno ak kia hatak hvchishno chohmi pia hoke, mih hosh nan ik ahobo yakohmi ka ai i filvmmmit, Chihowa okchaya, vba shutik, micha yakni, micha okhvta, micha nana puta, yvmma ai abashwa ka aiena ikbi tok a, hvsh im ona he mak o, e hvchim anumpohonli hoke.**

16. **Yvmmak okvt nitak tikba ma, oklushi moma ka ilap o inli nana a kaniohmi a ant ik ai itanowá, ahni tok.**

17. **Yohmi kia ilap fehna isht ai atokowvt anoli a ik takoblichu hosh ahanta tok keyu; yohmi kv nana ka achukmali hosh umba vba minti, micha na waya achukma nitak aiena ka auet hvp ihima cha, pi chukvsh a ilhpak, micha na yukpa aiena ka, isht alotohonli hoke; ahanchi tok.**

18. **Micha ilvppa ahaya pulla hosh na kvni okla ha yokbli na, yvmma okla nan ik im abo ki tok.**

19. **Yvmohmi ma Chu hatak kanomona Antiak, micha Aikonivm aiena mintit vla cha, okla ha ant atohnochit, Pal a tvli isht bolit, illi ho im ahoba cha hvllat tmaha ha isht kohchi tok.**

20. **Yohmi tuk kia, nan ithvna vhleha yvt afolublithinli ma, tani cha, tmaha ha ant chukowa tok. Atuk osh nitak ont atukla ma, Banabas awant Tabi a ia tok.**

21. **Atuk osh tmaha yvmma vba isht im anumpulit, micha lava ho nan im avvchi mvt, falamvt anonti Listi, micha Aikonivm, micha Antiak aiena kash itvlachit,**

22. Nan ithvna vhleha im anukfila hlampkochi, micha ayimmi kv̄t achunancha ch̄i h̄o atohnochi mvt, na palvmmi laua ka il a hlopulli pulla hosh Chihowa apehliechika yā e chukowa hi oke; achi tok.

23. Micha vbanumpuli iksa moma pehlichī aiyuka atokolit hiohlechi cha, nahullochit vba pit anumpulit issa mvt, Chitokaka yvmmak o okla anukcheto tuk ash pit im issa tok.

24. Micha Pisitia hlopulli mvt, Pafilia itvlachi tok.

25. Micha anumpa hash Pv̄ki ā isht ai anumpuli cha, Atelia itonachi tok.

26. Atuk osh yvmmak o peni ai vlhtot Antiak yvmmak o toksvla ch̄i ka Chihowa im aholitopaka hi o, pit im issa tok ash ai ahlichī tuk vt itonachi tok.

27. Micha itvlachi cha iksa yā itahobi cha, Chihowa yvt isht kaniohmibinchi tuk moma, micha okla nan ik ithano vhleha yā ayimmika okhissa yā ik tiwi tuk aiena ka, im anohonlit okla tok.

28. Micha yvmmak o nan ikhvna vhleha yā awant ahashwa na hopaki tok oke.

CHAPTA XV.

Hakshup t̄pa isht ai itachowa, 1. 6 vbanumpeshi vhleha hv̄t isht itim anumpulit maya. 22 Ai apissalechit im anukfila ha tok.

1. MIHMA hatak kaniohmi Chutia mintit ai vla tuk vt, itibapishi vhleha hā nan im avrchit, Moses i nan vlpisa ak o chohmit hakshup hv̄chi tapa keyukmvt, hv̄chi okchaya he k̄ayushke; achi tok.

2. Yohmi na Pal, micha Banabas ita tuklo kv̄t yvmmak ash itachowvt itim inla fehna ma, Pal, micha Banabas anonti inlaka kaniohmi aiena kv̄t anumpa itachowa tok, ilvppak atuk vt vbanumpeshi vhleha, micha asononchika vhleha aiena ka Cheluselem ā im ona ch̄i ka, okla apesa tok.

3. Mihma iksa vhleha yvt pit apehvt aya na kohchvt ilh-koli mvt, okla nan ik ithano vbanumpuli toba tuk ā anohon-

lit, Finisi, micha Samelia aiena ka hlopulli tok; micha itibapishi vhleha ya mominchit yukpali chinto tok.

4. Atuk osh Cheluselem ash itonachi ma, iksa vhleha, micha vbanumpeshi vhleha, micha asononchika vhleha aiena kvt aiokpanchi tok. Mihma Chihowa yvt ilapo a nana isht a kaniminchi tuk a mominchit anoli tok.

5. Yohmi kia Falisi iksa kaniohmi na yimmi atuk vt wakaya cha, Hakshup a in tvpli cha, Moses i nan vlpisa ha holitobla he aiena ka im apesa he vlpiesvshke; ahanchi tok.

6. Yvmohmi ma vbanumpeshi vhleha, micha assononchika vhleha aiena kvt anumpa ilvppa anukfillit pisa chi kvt itvnaha tok.

7. Atuk osh itachowa chuma naha ma, Pita yvt wakaya mvt, Hatak itibapishi li vhleha ma! nitak hopaki kash Chihowa yvt hvpin takla ma auet ai atokoli ka, yvmmt svtih ak o okla nan ik ithano vhleha yvt vba isht anumpa anumpa ka a haiyaklo cha, yimma hi a tok a, hvsh ithaiyanvshke.

8. Michi Chihowa yvmak osh chukvsh puta ka ithaiyana kvt, aiokpanchi hosh Shilombish Holitopa ihima kvt hvpushno yo chash itilauечи hoke.

9. Michi hvpushno a yvma a pit im invchi keyu, yimmi hatuk o chukvsh a i kashohufi hoke.

10. Yvmohmi ka nanta katihmi ho Chihowa hvchik anukcheto hosh, nan itvna vhleha ikonla ya ikonla abana yvma pin tikba vhleha, micha hvpushno aiena kvt e lauwi cha, e shala he keyu ka, yvma hvsh onochi cho?

11. Yohmi kia Chitokaka Chisvs Klaist achukma pulla hatuk mak o, pi okchaya kvt yvmak inli il itilaua he aiahnit pi yimmishke; achi tok.

12. Yohmi ma okla laua yvt lumvt chieyvt, Banabas, micha Pal ita tuklo Chihowa yvt ilapo a, na fehna, micha nan isht ahoba puta aiena kaniohmi ho okla nan ik ithano vhleha itin takla ya, isht a yvmihinchi tuk a anoli ka haklo tok.

13. Okla hvvt lumvt chieya ha yano, Chemis vt achakalinchi mvt, Hatak itibapishi li vhleha ma! hvv sa haponaklashke.

14. Chihowa yvt vmona ka oklushi nan ik ithano a kaniohmit aiokpanchit okla ilap isht hohchifa chi ka akohchit ishi tuk a, Simion vt anohonli tok.

15. Micha hopai vheha im anumpa hvv ilvppak o ai achvfvshke.

16. Yakohmi ha ma falama lish, Lewi in chuka kinafa tuk a falaminchit ikbi la hi oke; micha okpulo tuk a falaminchit ikbit hilechi la hi oke.

17. Yvmmvt hatak a kashampa, micha okla nan ik ithano vheha moma sa hohchifo ha isht a hohchifo tuk puta kvv, Chitokaka ya okla hohoya chi ka, yvmak osh na yakohmi moma ka yvmihchi mak osh Chitokaka yvt achishke; achi holisso tok a.

18. Vmona pillvt isht auehinchi ka Chihowa yvt ilap nana a kaniohmi puta ka mominchit ithaiyana chatuk.

19. Yvmohmi hoka okla nan ik ithano atuk filemvt Chihowa ya im onvt maya ka, kil anumpulicho ka he ak o, vno vt aiahni lishke.

20. Amba na holba toba puta isht ai okpulo, micha ohoyo himita itin lumaka, mikmvt nana kvv nuksitvt illi puta, micha issish aiena ka ik ahalaio ka chi kak o pit iloh i holissochashke.

21. Nitak hopaki isht auehinchi ka, Moses i holisso ha tvmaha moma, kvna hosh isht ai anumpohonlikma, nitak hullo moma, sinakak a ai itim anumpohonli chatuk oka; ahanchi tok.

22. Mihma vbanumpeshi vheha, micha asononchika vheha, iksa vheha moma ai itvpeha kvv ilap ai itvpeha akinli, hatak ai vltoka ho Pal, micha Banabas ita tuklo ka ai itvpelechit Antiak a pit tihlela he, vhpesa ahni tok Chutvs osh Basabas hohchifo, micha Sailvs itatuklo itibapishi vheha ya moma i shashonli kak a tok.

23. Micha holissochit ibbak fohki kvv yakohmichi tok. Vbanumpeshi vheha, micha asononchi ka, micha itibapishi vheha aiena kvv, itibapishi vheha okla nan ik ithano a tok Antiak, Silia, micha Selisia puta aiasha ka pit aiokpvchishke.

24. Yvmohmi kvv hatak kaniohmi ilvppa isht ia tuk osh,

anumpa isht hvchi ataklvmmmit hvchi shilombish okpanit, Hvchi hakshup vt tupa cha, nan vllhpisa ya hvsh holitoblashke, ahanchi tuk a e haiyaklo tok; yvmmak oka il atohno tuk keyu hoke.

25, 26. Chukvsh vt achvfa chohmit itvnavt e chieya mvt, hatak vlhtoka hvpin Chitokaka Chisvs Klaist hohchifo pulla ka ilap im ilhfiopak a a kaiyanchi chohmi hatak o, pi holitopa Banabas, micha Pal ita tuklo ka ai itvpehvchit pit a hvchin tihlela he a, vllhpesa il aiahni tuk.

27. Yvmohmi hatuk osh Chutvs, micha Sailvs aiena ka pit e hvchin tihleli hoka, mihi yosh yvmmak ash fehna ka itih ho isht hvchim anohonla hi oke.

28. Yvmohmi ka Shilombish Holitopa, micha pishno il aiena kvv nana kvv weki kvv ai vllhpesa ilvppa chohmi ka, ai i shahli ho e hvchi onoicha he keyu kak o vllhpesa il aiahni tuk oke.

29. Yohmi kvv nipi na holba toba pit im issa tuk, micha issish, mikmvt nana kvv nuksitvt illi tuk puta, micha ohoyo himita itin lumaka aiena kak o, hvchik ahalaio kashke. Yvmak o hvchik il ahalaicho hokmvtto hvsh vllhpiesa hi oke. Hvchi achukmakashke; achi tok.

30. Yohmi na okla pit tihleli ma, Antiak a ai vla tok; micha okla laua ya itahobit tahli mvt, holisso hash ima tok.

31. Mihma yvmmak ash okla itim anumpuli mvt, nan im annoa kvv okla na yukpa tok.

32. Mihma Chutvs, micha Sailvs ita tuklo kvv, ilap mvt hopaii akinli hatuk okvt, itibapishi vhleha ha anumpa lava ka isht atohnohonchi cha kvullochi tok.

33. Atuk osh yvmmak osh ahashwa na ahchieba ma, itibapishi vhleha yvt aiokpanchi cha vbanumpeshi vhleha la pit in tihleli tok.

34. Yohmi kia Sailvs vto yvmmak inli ahanta kak osh im vllhpiesa tok.

35. Pal ak kia, micha Banabas aiena kvv Antiak a, inla laua ho ai itvpehvt mavvt Chitokaka im anumpa ha im abahanchi, micha isht im anumpohonli aiena tok oke.

36. Yvmmak atuk a nitak ont isht kaniohmi ma, Pal vt

Banabas ash, Anonti ivt tvmaha moma Chitokaka im anum-
pa il ai anumponhli tuk vt, il itibapishi vhleha h₂ i nowvt
ayvt kaniohmi hosh ai ashakma e pisashke ; im achi tok.

37. Mihma Banabas vt Chan osh Mak hohchifo ka ilau-
ehit aya lhi a ahni tok.

38. Yohmi kia Pafilia ai i filvmmi cha iba takla nan isht
vttvt ik ayo ke tuk ash, ilaelit aya ik vlpeso, Pal vt ahni
tok.

39. Mihma itachowa kvv kullo fehna hatuk osh, iti filv-
mit okla tok. Yohmi ma Banabas vt Mak a ilauei cha peni
fokhvt Saipilvs a ona tok.

40. Mihma Pal vt Sailvs a hoyo cha itibapishi vhleha yvt
Chihowa im aholitopa he mak o, pit im issa ma, ia tok.

41. Mihmvt yvmmak ashot iksa vhleha ya hlampkochit
isht ayvt, Silia, micha Silisia aiena ka hlopulli tok oke.

CHAPTA XVI

Pal vt Timohli a hakshup tvpli, 1. 14 Litie vt vbanumpuli toba.
24 Aboha kullo apesvchi vt vbanumpuli toba.

1. **YUMOHMI** mvt Tabi, micha Listi aiena ka vla tok.
Mihma yvmma nan ithvna achvfa Timohlivs hohchifo hosh
anta tok ; Chu ohoyo na yimmi o ushi ; amba iki okvto Klik
hatak a tok.

2. Yvmmak oka itibapishi vhleha Listi, micha Aikonivm
aiena aiasha kvv ahnichi tok.

3. Yvmmak osh takla aya hi a, Pal vt aiahni tok ; mi-
cha ishi cha hakshup tvpli tok, yakni koyofa yvmma aiasha
kvto Chu vhleha hatuk o, micha iki okvto Klik hatak a
mvmvt ithana hatok oka.

4. Micha tvmaha puta a hlopullit aya mvt, nan vlpisa
vbanumpeshi vhleha, micha hatak asononchi aiena Cheluse-
lem aiasha kvv apesa tuk a, holitobla chi ka ihimvt okla tok.

5. Yvmohmi ho iksa puta kvv yimmi kvv kullot hiohli ma,
holhtina mvt laua kvv nitak atukma, i shahlit ia tok.

6. Yvmohmi ma Fichia, micha Kaleshi yakni aiena a hlo-

pullit okla, micha Asia a anumpa ha isht ai anumponla he keyu, Shilombish Holitopa yvt i miha tuk o,

7. Mishi a itvlachi mvt, Bihlinia chukowa bvna tuk kia, Shilombish vt vlhpesa, ik im ahno tok.

8. Yohmi ma Mishi a ant itiacchi mvt, Tloas a itvlachi tok.

9. Mihma ninak o, Pal a nan isht ahoba yvt ant i haiaka tok. Masetonia hatak osh hikia cha, im asilhvchit, Masetonia ak o vla cha ant pi apelá, ahanchi tok.

10. Mihma yvmak oka vbanumpa ont isht il im anum-pula he mako, Chitokaka yvt auet pi hoyo tok pulla ka, pim anukfihinla mvt, nan isht ahoba ka pisa tuk a, in chekosi ma, Masetonia ya ia pi bvna tok.

11. Yohmi cha Tloas a il a hotoffi mvt, auet apissalint mintit Samolessi e la tuk osh, nitak atukla ka Niapolis a e la.

12. Mich a yvma ashvvt il ia mvt, Filippi, yvmak okvt tmaha chito kv Masetonia yakni koyofa yvma moma i shahli, okla wiha a binili a e la tok. Mich a tmaha yvma il ashwa na nitak kanohmi tok.

13. Mich a nitak hullo ma tmaha kohvvt ivt okhina lapali ka, yvmak o vba pit ai anumpuli chatuk a, ont e chieya mvt, ohoyo hv itahohumba ma il im anumpuli tok.

14. Mihma Chihowa aiokpanchi ohoyo achvfa Litie hohchifo, na humma lusbi kanchi, Hlaiataila tmaha vta yvt pi haklo tok; mihi yo chukvsh o Chitokaka yvt tiwi na Pal vt nana isht ai anumpohonli ka anukfohka tok.

15. Mich a ilap vt in chuka chvfa aienvt baptismo mvt, asilhvchit, Ūno vt Chitokaka ya pit im ai ahli li ka hvchim ahobakmvt, an chuka ya ont hvsh chukowa cha hvsh ashwashke; ahanchi mvt, pi atushpalechi tok.

16. Yakohmi tok, vba pit ai anumpuli ia hosh il aya ma, ohoyo himita achvfa kv isht ahullo shilombish anukfoka hosh pi afama tok; yvmak okvt nan anoli ilahobit vlhtoba chinto i shahli vhleha isht im ahayuchi a tok.

17. Yvmak ashot Pal, mich a pishno aiena ka piakaiyvt aya mvt tahpulvt, Hatak yakohmi kv Moma i Shahli Chihowa yako, in tvshka vhleha yosh ai okchaya hina hvvim abahanchi hoke; ahanchi tok.

18. Mihmut ilvppa yakohomi na nitak kanohmi tok. Yohmi kia Pal vt ik im vllpeso hatuk osh filema mut, shilombish ash, Chisvs Klaist hohchifo pulla hō, chishno vt yvmma ish akohcha chī ka, chī miha lishke; im achi tok. Mihma yvmmak ashot mih makinli hō kohcha tok.

19. Yvmohmi ma ī shahli vhleha yvt nan isht ai ahayunchi ashot kvnia na pisa mut, Pal, micha Sailvs ita tuklo ka hokli cha, hvllat ishtivt nan vpa a kanchi ā isht chukowvt, hatak pehlichī vhleha yā isht im ona tok.

20. Micha ishtivt tvshka chipota ī miko vhleha yā isht im ona cha, Hatak ilvppvt Chu okak osh hvpin tmaha hā atak-laiyvmmi fenvshke.

21. Micha Lom okla pia hv, nan vllpisa yvmma il aiokpvchi cha, e holitobla he pim ai vllpesa keyu ka pim abahanchishke; ahanchi tok.

22. Yohmi ma okla laua yashot im a svnali himona achvfa wakaya tok; mihma tvshka chipota ī miko vhleha yashot im ilefohka yā okla ī shueli mut bola chī ka, okla apesa tok.

23. Mihma fvma lāwa hō okla onochi mut, aboha kvllō apesvchi ā achukmalit apesahancha chī ka im apesvt tahli cha, aboha kvllō pit apitta tok.

24. Yvmmak ashot nana kv yakohmit im vllpivhisa mut, aboha kvllō anukaka pilla pit apitta cha, iti iyi isht kvllō isht a kvllōchi tok.

25. Yvmohmi tuk o ninak iklvna ma, Pal, micha Sailvs ita tuklo kashot vba pit anumpulit, Chihowa pit aiokpvchit in talohowa tok; mihma aboha kvllō vllpinta tuk vt haiyaklo tok.

26. Mihma yakosi fena makinli hō, yakni winakvchi chinto na, aboha kvllō nutaka intola yvt ilhkoli tok: mihma ashali ka okhissa yvt momvt tiwa ma, momvt im isht talakchi yvt ī mokohli tok.

27. Mihma aboha kvllō apesvchi yvt nusi tuk vt okcha cha, aboha kvllō okhissa puta kv tiwa hō pisa mut, aboha kvllō vllto ā tihlaiyvt tamoa tuk ā, im ahoba mut ī bvshpo falala yā hvllat shufi kv ile ba chin tok.

28. Yohmi kia Pal vt chitolit pit tahpvlt, Momvt ilvppa e maya hoka, nana kia chik ile kanihecho kashke; ahanchi tok.

29. Mihma p_ula h_a pit hoyo cha, mvlet pit chukow_vt wvnihinchi hosh v_la mv_t, Pal, micha Sailvs ita tuklo itikba y_a ant hlipia tok.

30. Micha pehlichit kohcha mv_t, Hatak hvchia ma! sai okch_aya ch_i kvto nanta k_o katiohmi la ch_i cho? achi tok.

31. Yohmi ma, Chitokaka Chisvs Klaist ak o ish i yim-mashke, mikmak osh chishno, micha chin chuka achvfa aienvt chi okch_aya hi oke; achit okla tok.

32. Micha Chitokaka im anumpa h_a ilap, micha in chuka an_uka y_a maya tuk ash a mominchit isht im anumpuli tok.

33. Mihma ninak hvshi kanvlli isht v_lhpisa mih makinli h_o ishi cha, a fvma tuk a achifa tok; mihma ashalika ilap vt in chuka chvfa momvt baptismo tok.

34. Micha pehlichit im aboha y_a ishit chukowa mv_t, ilh-pak a itikba in talohli mv_t, in chuka chvfa y_a a moyumvt Chihowa y_a yimmit na yukpa tok.

35. Yvmohmi tuk o onnv_t taha ma, tvshka chipota i m_i-ko vhleha yvt anumpeshi a pit tihleli mv_t, Hatak yvmmvt ant ik itiachi, ahanchi tok.

36. Atuk o aboha kvllo apesvchi yvt Pal a anumpa ilvppa im anolit, Tvshka chipota i m_iko vhleha yvt ant ik ay_a, auet hvchim aiahni tuk oke; yvmohmi hoka himak ano kohchvt ivt, na yukvt hvsh ayashke, achi tok.

37. Yohmi kia Pal vt, Anumpa v_lhpisa yosh pi onvtula keyu ka, Lom hatak pia ho kak o haiakvchi hosh pi fahami cha, aboha kvllo y_a pit pi apitta tuk; yohmi kash ot anonti peh luma hosh pi kohchi hoh cho? Yohma he keyu pulvshke. Amba ilapo inlit ai v_la cha, isht pi kohchashke; im ahanchi tok.

38. Atuk o anumpeshi ash ot anumpa ilvppa tvshka chipota i m_iko vhleha yash ont im anoli tok. Mihma yvmmvt Lom hatak atuk o okla haklo mv_t, nukshopa tok.

39. Mihmv_t ai v_la cha ant im asilhvvt, isht kohchi mv_t, tvmaha h_a a kohchvt okla hinla ka, im ahni tok.

40. Mihma aboha kvllo a a kohchvt ia mv_t, Litie in chuka ont chukowvt okla tok; micha itibapishi vhleha y_a pisa cha hopohlvtit tahli mv_t, kohchvt itiachi tok oke.

CHAPTER XVII.

Pal vt Hlessalonika ya vba isht ai anumpuli, 1. 10 Pal vt Belia
ako ai anumpuli. 15 Pal vt Ahlens a ai anumpuli.

1. YUMOHMI kashot Amfipolis, Apollonia aiena ka hlopullit okla mvt, Hlessalonika yvmmak o Chu okla i sinakak vt hikia ho itvlachi tok.

2. Mihma Pal vt yvmmak o a yohmi atuk okvt ont iba chukowa cha, nitak hullo nitak tuchina ka Holisso Holitopa ya ai isht okla ha im anumpohonli tok.

3. Klaist vt issikkopa he, micha illi tuk osh falamvt tana hi vt ai vlhpiesa tok, isht i fahpullit im abvchit, yvmohmi ka Chisvs ilvppa vno vt isht hvohim anumpohonli li kak osh, yvmvt Klaist mak oke; achi tok.

4. Mihma kanimi kvv yimmi mvt Pal, Sailvs ita tuklo kash iba kaha tok. Mihma Klik hatak vbanumpuli laua fehna, micha ohoyo holitempa aiena kvv kanomosi tok ke-yushke.

5. Yohmi kia Chu okla nan ik yimmo hokvto anukhobela mvt, hatak haksi nan isht vttā ik im iksho kaniohmi ho pehlichit itvnnali cha, tvnaha okla ha mominchit nukhla-kashlit, Chesvn in chuka ya o yihlepa tok; micha pehlichit kohchvt okla isht im vla chi hosh yvmmak ash hoyo tok.

6. Atuk osh yvmmak ash okla ik ahayucho mvt, Chesvn micha itibapishi vhleha kaniohmi ka-aieninchit, hvllat tvnaha apehlichi vhleha ya isht im ona cha, tahpvlvt, Yakohmi kvv yakni a shot filimmi tuk vt ilvppak kia ai vlvshke.

7. Mihi yo Chesvn vt pehlichit ishi tuk; micha yakohmi kvv momvt Sesa i nan-vlhvisa ai ahalāia keyu ho, okla yvmohmit, miko inla Chisvs vt asha hoke, ahanchishke, achi tok.

8. Mihmvt okla puta, micha tvnaha apehlichi vhleha aiena kvv na yakomi ka haklo ma, nukhla-kashli tok.

9. Mihmvt Chesvn, micha inla aiena anumpa nana ho im ai ishi kvv im vlhpesa mvt, asht ik itvnowā, okla im ahni tok.

10. Mihma itibapishi v̄hleha yvt ashalika ninak o Pal, Sailvs itatuklo kash Belia pit tihleli tok; yvmmak ash itonachi mvt, Chu okla i sinakak o ont abeha tok.

11. Yakohmi kvto hochukma kv̄t Hlessalonika maya ka i shahli tok, im anukfila mominchit isht aiokpanchit anumpa ha ishi hatuk osh, micha yvm̄mvt yohmi ho mv̄hli ho chishba, nitak moma Holisso Holitopa ya a hohoyo tok.

12. Yvm̄ohmi hatuk osh okla yvm̄mvt laua hosh yimmi tok; mihma Klik ohoyo holitompa v̄hleha, micha hatak aiena mvt kanomosi tok keyushke.

13. Yohmi kia Chu okla Hlessalonika āsha kv̄t, Pal vt Chihowa im anumpa ha Belia ya isht ai anumpohonli ka pit akostininchi mvt, yvmmak ash kia okla ai vla cha, okla ha ant okp̄ni tok.

14. Mihma ashalika itibapishi v̄hleha ash osh Pal a okhv̄ta ak o ia chohma chi ho, pit chv̄ffichi tok. Amba Sailvs, micha Timohlivs itatuklo kvto yvmmak inli ho ashwa moma tok.

15. Mihma Pal ilauct isht okla aya tuk vt Ahlens a isht ona tok; micha Sailvs, Timohlivs itatuklo kv̄t tushpa fehnvt im itonancha chi ka, pit i miha, anumpa ishi mvt, okla ilhkoli tok.

16. Yohmi ma Pal vt yv̄mma pit hoyo hosh Ahlens a anta takla cha, tv̄maha hv̄t na holba toba banot isht alotowa na, pihisa mvt im anukfila hv̄t ik vlhpeso ki tok.

17. Yvm̄ohmi hatuk osh Chu okla, micha v̄banumpa ahni v̄hleha aiena ka, sinakak micha kv̄na ho nana ai itatoba ai itafama Lokvt nitak moma ai im anumpohonli beka tok.

18. Mihma hatak nan-imponna Epikulvs iksa, micha Istok okla aiena kaniohmi kv̄t, yv̄mma okla itim anumpuli tok. Mihma kanimi kv̄t, Anumpuli shahli ilv̄p̄p̄t nanta ko acha hinla? achi ma; kanimi kv̄t, Chisvs, micha falamvt tani aiena isht im anumpuli hatuk o, Yakni kanima nan isht abullo ho isht anumpuli ha chinishke; achi tok.

19. Michā okla ilauelit ishtiv̄t, Mas n̄v̄nih a isht ona mvt, Ilv̄p̄p̄t anumpa himona nana ho isht ish ai anumpuli hatukma, il ithv̄na hinla cho?

20. Chishno yokvt nan inla nana mak o pi haksobish a ant ish foyuki hoka. Yohmi hoka ilvppvt kaniohmi hatuk okma il akostinincha hinlvshke; ahanchi tok.

21. Ahlens okla moma, micha yakni inla hatak puta yvmma aiasha aiena kv̄t, nan inla yō keyu, amba na himona fehna anoli, keyukmvt haklo hokmá, nana hosh aiasha bilia hatok oka.

22. Yvmohmi ma Pal vt Mas nv̄nih ikl̄vna ya hikia cha, Ahlens okla hv̄chia ma! nana a kaniohmi puta ka na holba toba ya hv̄sh aiokpanchi fehna hō, hv̄chim akostininchi lishke.

23. Ant ia li kv̄t hv̄chi na holba toba puta ka pihisa li mvt, vba tv̄la ya, Kv̄na ik ithano Chihowa mak o, achi, ilvppak osh isht ai o holisso ka pisa li hokv̄no. Yohmi hoka hv̄sh ithana keyu hosh, pit hv̄sh aiokpahanchi chatuk, mihmak o, vno vt hv̄chim anohonli lishke.

24. Chikowa yakni, micha nana moma yvmma anukaka aiasha aiena ka ikbi tok; yvmmak okvt vba shutik, micha yakni aiena ka in Chitokaka yokvt tempel puta ibbak a isht toba ya, ai ahanta keyu.

25. Micha nana hosh ik im iksho hatuk o, hatak ibbak vt im isht anta chatuk keyu; yvmmak osh moma ka okchaya, micha im ilh̄fiopak, micha nana moma aiena ka ih̄ima hatuk oka.

26. Micha issish achv̄fa hō, hatak oklushi moma yakni paknaka a mominchit aiasha hi a ikbi tok; mihmvt nitak kaniohmi vl̄hpisa hō, micha kanima yō aiasha he puta ka, apesa tok.

27. Yvmmvt Chitokaka ya hoya chi hatok; yvmmak okv̄to eho moma ka hv̄pi mishemanchi keyu nana kia, yohma he yobakmvt, pasholit hoyo fehna cha, yvmmak oka ahayucha hinla hoke.

28. Hv̄pishno vt yvmmak o iloh ai okchaya, micha ilh̄kolit, iloh aiasha hoka. Hv̄chim ataloa ikbi kaniohmi kv̄t, Hv̄pishno ak kia yvmma ushi hv̄pia hoka, ahanchi akinli tok oka.

29. Yohmi ka Chihowa ya ushi vhleha pia hokvt, Chiho-

wa imma ya tvli holisso lakna okmá, keyukmvt, tvli hvta, keyukmvt tvli, hatak nan isht vtta imponna nana anukfilli hosh, na holba ikbi ya chohmi hoka, hvvim ahoba he tuk keyu hoke.

30. Nan ik ithaiyano nitak yvmmak foka hokvno, Chihoa yvt tohmosonli hosh pihisa tok kia; amba himak okvno hatak okluha kanima moyuma ahanta kv̄t ile kostinicha he ak o, im apihisvshke.

31. Hatak a ilapo inlit atokoli tok, yvmmak o yakni a ai ahli banot nan isht im apesa he vt nitak a apesa tok okvt; illi tuk a tanichi hosh moma ka im ai ahlichí tok; ahanchi tok.

32. Illi falamvt tana he puta okla haklo mvt, kanimi kv̄t isht yopula tok; mihma kanimi kv̄t, Anonti himmakma ilvppa e chim a hakla hi oke; achi tok.

33. Yakohmi ho Pal vt okla iklvnnaka ya, akohcha tok.

34. Yohmi kia hatak kaniohmi kv̄to yimmi cha, yvmmak ash ibakaha tok. Yvmma iba takla kv̄t Taionishvs, Mas nvnih nan ai apesa, micha ohoyo Tamelis hohchifo hosh, anonti inla ai itvpeha tok oke.

CHAPTA XVIII.

Pal vt Kolinhla, a ibbak isht a toksvli, micha vba isht ai anumpuli aiena, 1. 9 Holhpokuna hosh isht ai i yiminta.

1. NANA kv̄t a yakohmi ha ya, Pal vt Ahlens a akohchvt ia mvt, Kolinhla a vla tvk.

2. Michá Chu hatak achvfa Akuila hohchifo, Pantvs ai vtta tok vt, tekchi Plisilla ita tuklo kv̄t, Kilativs vt Chu vhleha yv t momvt Lom a akocha wiha ch̄i ka, apesa hatuk o, Itili ya ashvvt itvlachi tuk a cheki hosh ashwa na, pisa mvt yvmmak o im ona tok.

3. Michá ilap vt a toksvli itim ai achvfa hatuk okvt, takla ahantvt toksvli tok; yvmmak okvt isht vlhtipo ikbi im vlhtayak vhleha ha tok okvt.

4. Mihmvt sinakak a nitak hullo moma ai anumpulit, Chu vhleha, micha Klik okla aiena ka nukfokichi tok.

5. Atuk o Sailvs, micha Timohlivs ita tuklot Masetonia ashvvt itvlachi ma, Pal vt chukvsh vt a yimihinta mvt, Chisvs ak osh Klaist pulla mak atuk a, Chu okla ha im abahanchi fehna tok.

6. Mihma okla i sanalit ik ahobalot anumpuli ma, ilap im ilefohka ya wilohli mvt, Hvch issish vt hvchi noshkobo akinli ho onutulashke, vno vto sa kashofvshke. Himmak pilla ano okla nan ik ithano vhleha ak o im aya la chi hoke; im achi tok.

7. Michu yvmmak ash akohchvt ia mvt, hatak achvfa Chvstvs hohchifo, Chihowa aiokpahanchi in chuka ont chukowa tok. Yvmma in chuka yvt sinakak o bilikasi ho, talaia hatok.

8. Mihma Kispvs sinakak apelhichika yvt in chukachvfa moma ai itvpehvt, Chitokaka ya i yimmi tok. Mihma Kolinhla okla hvt haklo mvt, laua hosh yimmi cha baptismo tok.

9. Mihma Chitokaka yvt ninak o, Pal vt holhpokuna chohmi ka im anumpulit, Chi nukshopa na, amba anumpuli, micha lumvt chik asho kashke:

10. Uno vt chi awant aya li hoka; hatak nana hosh chi onvtulvt chi hotopala he keyu hoke, tvnaha ilvppa okla lauvt vm ai ashwa hoka; im achi tok.

11. Mihma Chihowa im anumpa ha ai im avchit ahanta na avvmmi achvfa cha hvshi hannalit aiena tok.

12. Atuk o Kalio vt Akaia i nahullo mikot ahanta ma, Chu okla hvt im anukfila ai achvfa chohmit, Pal a o kinafvv ishik nana ai apesa ya isht ona mvt,

13. Nan-vlhvpa ya ai ahalaia keyu ka, Chihowa ya aiokpvcha chi ka, hatak ilvppvt okla ha atohnohonchishke, achanchi tok.

14. Mihma Pal vt ilap itih ha wakvmma chi foka ma, Kalio vt, Chu okla hash nana kvv ik vlvhpeso, keyukmvt, okpulo fehna nana hatuk okmvno, vno vt hvchim aiokpanchi la hi a, ai vlvhpiesa he tuk oke, Chu okla hvchia ma!

15. Amba anumpa, micha hohchifo puta, mikmvt hvchi nan-vlhvpa imma aiena isht anumpa hatukmvno, hvchishno

akinli hosh yvmmvno isht hvsh ashashke. Uno yokuto nana yvmma chohmi hokvno, non apesvt ahanta la he keyushke, im achi tok.

16. Mihmvt nana ai vlpisa asha tuk a kvnom pit tihleli tok.

17. Mihma Klik vhleha hvv momvt sinakak apelihchi Soshlenes a, okla hoklit ishi cha, nana ai vlpisa itikba ya a boli tok. Mihma Kalio vt yvmma puta ka nan isht ik ahno tok.

18. Yakohmi ha ya, Pal vt ahanta na nitak kanohmi tok ; atuk osh itibapishi vhleha ya aiokpvchit tahli mvt, Plisilla, micha Akuila aiena ka ai itapihvt peni fohkvt ayvt Silia ya ia tok ; anumpa ha il onochi tok okvt, Kenklea pashi ai vmo tok.

19. Michā Efesvs a vla mvt, yvmmak o ant ashachi cha ; amba ilapo vto vba isht ai anumpa chuka ont chukowa cha, Chu vhleha ya im anumpohonli tok.

20. Mihma takla anta na hopaka hinla ka, okla ahni ma, ilap ak osh ik haklo tok.

21. Michā okla ha aiokpvchi mvt, Ik kaniohmi kia, impa holitopa mihinti ilvppa Cheluselem ak o ai isht anta la chi hoke. Yohmi kia Chihowa ak osh ik yohmi ahni hokma, falamvt chim aya la he akinli hoke ; ahanchi tok. Mihmvt peni fohkvt Efesvs vttvt ia tok.

22. Atuk osh Sesalia ya ont atayali cha, pit oiyvt iksa vhleha ha ont aiokpvchit tahli mvt, Antiak a ia tok.

23. Mihmvt yvmma ont anta naha cha ia mvt, Kaleshi, micha Fichia yakni aiena ka, nan ithvna vhleha moma hlampkochit abaiyvt ayvt hlopulli tok.

24. Mihma Chu achvfa Apollos hohchifo, Aleksantia ai vttā tok, hatak anumpuli imponna, micha Holisso Holitopa ya imponna fehna yosh Efesvs a vla tok.

25. Hatak ilvppvt Chihowa i hina yvt im vlvvchi ya tok ; micha chukvsh vt ai yimihinta hatuk osh, Chan i baptismo ak ila ho ithana hosh, achunanchit Chitokaka immi ya isht anumpuli, micha im avvchi aiena tok.

26. Michā nukwaya kvv iksho hosh, sinakak a ai anum

pulit ishtia tok. Yvmmak ash o Akuila, micha Plisilla ita tuklo kv̄t haklo mvt, yvmmak ash pit hoyot ishi cha, Chihowa i hina ya achukmalit i shablichit im anohonlit okla tok.

27. Michā Akāia ya ia ka bvnna ma, nan ithvna vhleha yvt okla aiokpahancha chi ka, pit atohnochit, itibapishi vhleha yvt holissochi tuk o; yvmmak ashot vla mvt, i nukhaklo na yimmi-tuk vhleha ya apelahanchi fehna tok.

28. Yvmmak okvt, Chisvs ak osh Klaist mak a tok a okla itin takla Holisso Holitopa ya ai isht im abahanchit Chu okla ha anukfohki fehna tok oke.

CHAPTA XIX.

Pal vt ibbak isht umbitepaka Shilombish Holitopa yvt anukfohka tok. 17 vbanumpa yimmi kv̄t laua.

1. **ATUK** o, yakohmi tok, Apollos vt Kolinhla a anta moma ma, Pal vt ibetvp pilla ka a hlopulli mvt, Efesvs a vla tok; micha nan ithvna kaniohmi ka ant pisa mvt,

2. Hvchi yimmi tok takla kv̄to, Shilombish Holitopa ya hvsh eshi tok oh cho? im achi tok. Mihma Shilombish Holitopa yvt a sha hokma, nana kak kia, e haklo chatuk keyu hoke; okla im achi tok.

3. Mihma, Yohmi kv̄to, nanta ko ai isht hvchi baptismo hatok o? im achi tok. Mihma, Chan i baptismo ak a tok; okla achi tok.

4. Mihma, Chan vto ile kostininchit baptismo yo isht baptismochi ho mvhli cha, ilap iakayvt mihinti, Klaist Chisvs mak o yimma hi a, okla ha im ahanchi tok; Pal vt achi tok.

5. Mihma ilvppa okla haklo mvt, Chitokaka Chisvs hohchifo ha isht okla baptismo tok.

6. Mihma Pal vt ibbak a okla hash, isht umbitepa ma, Shilombish Holitopa yvt ant onvtoyula tok. Mihma anumpa ilaiyuka okla anumpuli mvt, vbanumpa aiena isht anum-puli tok.

7. Micha hatak vt moma kv̄t auah̄tuklo foka hatok.

8. Micha sinakak ont chukowvt, nukwaya iksho hosh, Chihowa apehlichika imma yā isht anumpulit, anukfohki-chit ahanta na hvshi tuchina tok.

9. Yohmi kia kaniohmi hokvto chukvsh kv̄llo taha cha, ik yimmo mv̄t, hina yv̄mmak ash na mihachit okla laua itikba yā ai anumpohonli ma, yv̄mmak ashot ai i filv̄m̄mi cha, nan ithvna vhleha hash a filamolechit eshi cha, Tailanvs osh nana ai ikhvna i hikia hō, nitak moma ai anumpohonli tok.

10. Ilv̄ppa yakohmi kv̄t imoma na afv̄m̄mi tuklo tok; yohmi hatuk o, Chu, micha Klik okla aiena Asia ai asha tuk vt momvt Chitokaka Chisvs im anumpa hā haklo tok.

11. Mihma Chihowa yvt nana kv̄t isht ahullo fehna kaniohmi ka, Pal ibbak ā isht a yv̄mihinchi tok.

12. Yvmohmi hatuk o, nantapv̄ski puta, keyukmv̄t, tikba takohlichia kia, yv̄mma haknip ā ai isht abeka puta ka isht im ohona; yohmi ma nan ililli puta kv̄t ai i filamoli, micha shilombish okpulo aiena kash ot akohoncha beka tok.

13. Yvmohmi ma Chu kaniohmi nan isht-ahullo okpulo kohchi ilahobit itanowa yvt, shilombish okpulo anukfoka vhleha hā, Chitokaka Chisvs hohchifo hā isht ai o hochifochit pisvt, Chisvs, Pal vt yv̄mma isht ai anumpohonli ka pulla hō, anumpa kv̄llo ai isht e chi onohonchishke; ahan-chi tok.

14. Yohmi ma Chu hatak Sifa hohchifo, na holitompa isht āsha pehlichia o ushi untuklo hosh yv̄mma yohmi tok.

15. Mihma shilombish okpulo ash ot falaminchi mv̄t, Chisvs ā ithana li, mikmv̄t Pal ano ithana li; amba hvchishno ak osh kv̄ta hvchia hō? achi tok.

16. Mihma shilombish okpulo yvt a foka hatak ash ot yv̄mmak ash o mv̄let, onvtulvt isht i shahlichit imaiyachi tok; yvmohmi na na fohka iksho micha ai okpulo kv̄t taha aiena hosh, chuka yv̄mmak ash akohchvt yihlepa tok.

17. Yohmi ma Chu okla hv̄t moma, micha Klik puta aiena Efesvs āsha tuk vt, ilv̄ppa okla akostininchi tok; mihma na nukshopa hv̄t mominchit onvtoyula ma. Chitokaka Chisvs hohchifo hv̄t holitopa tok.

18. Mihma na yimmi tuk vt laua hosh ai vlvut ant il anolit, nana akaniohmi chatuk puta kvut anohonli tok.

19. Micha isht ahullo imponna vhleha hatuk aiena kak kia, laua hosh i holisso puta ka isht itahobi cha, hatak mo-ma itikba ya a hukmi tok. Micha ai vlhtoba ya okla hotihna mvt, tvli hvta boshulli tahlepa sipokni pokoli tahlapi tuk o, akostininchi tok.

20. Chihowa im anumpa hvut kvullo kvut i shahlit ia fehna, yakohmi hosh imaiyachi tok.

21. Nana kvut a yakohmit ont ai issvchi ma, Pal vt Masetonia, micha Akaia aiena ka hlopullikmvt, Cheluselem a ia hi vt chukvsh a isht ai ahni mvt, Yvmma ont anta li tukmvt, anonti Lom ma pisa li pulla akinlashke; ahanchi tok.

22. Mihmvt im ai itapela tuklo Timohlivs, micha Elastvs aiena ka Masetonia pit tihleli cha, amba ilapa vto Asia ya anta na ahchiba tok.

23. Mihma nitak yvmma fehna ma, hina yvmma okla hvut nanumachi fehna tok.

24. Hatak achvfa Temetivs hohchifo, tvli hvta ikbi, yvm-mak osh Taiena ya tvli hvta itombushi puta im ikbi yosh isht vlhtoba mvt chvbihasi keyu ho, hatak nan ikbi imponna vhleha ya isht im vla cha;

25. Yvmmak ash, micha nan isht vtta ai itim achvfa vhleha aiena ka hoyot itahobi mvt, Hatak puta ma! nan isht ai vtta ilvppa pulla ho, nan isht il ahayuchi ka hvsh ithaiyanvshke.

26. Yvmohmi ka Efesvs ak o bano keyu, amba Asia a a mominchi chiyuhmit Pal ilvppvt, ibbak isht toba yokvto chitokaka vhleha nana ho keyu hoke, ahanchi cha, okla laua ka anukfokichit filamolihinchi ka hvsh pisa, micha hvsh haklo aienvshke.

27. Yvmohmi ka hvpushno nan isht iloh ai vtta ilvppak bano ho, ik ahobalo ka he fehna keyu; amba nan isht ahullo ohoyo chito Taiena in tempel ak kia aienvt kalakshikma, anonti yvmmak o Asia moyuma, micha yakni puta kvut aiokpahanchi yash isht aholitopa yvt ont ai okpulot kvnia hinla fehna hoke; achi tok.

28. Mihma okla haklo mvt, anukhobelvt alota mvt, tahpvt, Efesvs okla in Taiena vt chinto hoke: ahanchi tok.

29. Mihma tmaha ha yahapa kvv alotvt kunia tok. Micha Masetonia hatak, Pal apehvt nowvt aya Kaius, micha Alistakvs ita tuklo ka hoklit okla ishi mvt, im anukfila ai achvfa chiyuhmit yihlepvt, okla ai itahoba chatuk a pit abeha tok.

30. Mihma Pal vt okla ha pit iba chukowa bvna tuk ak o nan itvna vhleha yvt vhpesa, okla ik im ahno ki tok.

31. Mihma Asia hatak pehlichy vhleha kaniohmi, yvma i kana yatuk vt, okla ai itahoba ya pit chukowa bvnvt ik peso ka hi a, ahnit pit im anoli tok.

32. Yvmohmi ma kanimi kvv nana ho mihakma, anonti inla mvt inla ho miha tok; itvna hak osh ai vhpesa keyu hatuk o, micha moma chohmi kvv nana kaniohmi ho itvna hatuk vt ik ahostinincho ki tok.

33. Mihma Aleksanta ya okla laua akohchi ma, Chu okla hvv tikba pit hilechi tok; mihma Aleksanta yvt ibbak pit fahvmmi mvt, okla ha im isht il anumpuli bvna tok.

34. Yohmi kia yvmak okvt Chu atuk o, okla akostininchi mvt, momvt anumpa achvfa, Efesvs okla in Taiena yvt chinto hoke, tahpvt ahanchi na hvshi kanvlli tuklo foka tok.

35. Mihma tmaha i holissochi yokvt okla ha yokopli mvt, Efesvs hatak hvchia ma! Efesvs tmaha hvv nan isht ahullo ohoyo chito Taiena, micha na holba toba Chupita a mintit akatula tok aiena ka aiokpvchi a, hatak nanta hosh ik akostinincho kvv ahanta cho?

36. Yohmi ka ilvppa nana ho isht ai acha hi o keyu hoka, hvchishno yvt nukchintot hvsh maya cha, tushpvt nana hvchik kaniohmo ka he tuk oke.

37. Hatak yakohmi kvv tempel puta wehpuli keyu mvt, anonti hvchi nanisht ahullo ohoyo ma ik ahobalot na miha-chi o keyu hokak o, ilvppa isht hvsh la tuk oka.

38. Yvmohmi hoka Temetivs vt, micha hatak nan ikbi vhleha yvma apeha kvv, hatak nana kia nana im a kanioh-

mi tuk in takanli hokma, nan vlhpisa nitak vt gsha, micha nan apesa vhleha mvt mayvshke; nan vlhpisa iti onechit ik gshá.

39. Amba nana inla imma yo hvsh ai asilhvuchi hokma, yvmmak okvto itvnaha ai ghli hq ai vlhpisa hi oke.

40. Itvnaha ilvppak atuk a nana hq isht il ai anola he mvt iksho; yohmi hokvt himak nitak nana ai vlhpisa mvt iksho ka, nan vlhpisa yvt hvpi onvtula he fehna hoka; achi tok.

41. Micha yakmichit anumpulit issa mvt, itvnaha yash tishelichi tok oke.

CHAPTA XX.

Pal vt Masetonia ona, 1. 7 Pal vt Chitokaka im opiaka impa holi-
toblit antvt, vba isht anumpuli. 28 Pal vt iksa in tikba vhleha hq
atohnochi.

1. ATUK o yahapa kash ot issa ma, Pal vt nan ithvna
vhleha ya hoyo cha ai okpvchi mvt, Masetonia a ona chi
hosh ia tok.

2. Atuk osh yakni puta yvmmak ash a hlopullit, im
anumpohonli fehnvt gya tuk osh Klis a vla tok.

3. Micha yvmmak o ahanta na hvshi tuchina tok. Mih-
mvt peni fohkvvt Silia ia chi foka ma, Chu vhleha hvvt im aie
chi ma, falamvt Masetonia pit hlopulli ka ahni tok.

4. Mihma apehvt Asia ona kvvt Sopeta, Belia hatak, micha
Hlessalonika okla Alistakvs, micha Sikvntvs, micha Tvbi
hatak Kaivs, mikmvt Timohlivs aiena kak, a tok; mikma
Asia hatak vt Tikikvs, mikmvt Tafimvs aiena kak a tok.

5. Yakohmi kvvt tikba ilhkoli tuk osh Tloas ak o ont ash-
vvt pi hoyo tok.

6. Mihma pvska ik shatvmmo vpa nitak vt ai issachi ha
yo, peni vlbihvt, Filippi asht e minti kvvt, nitak tahlapi hq
Tloas a il im ai vla cha, yvmmak o il gsha na nitak untuklo
tok.

7. Mihma nitak hullo achvfa nitak ahpi hq, nan ithvna

vhleha hvt pvska kobahlichu chi hosh itahoba ma, Pal vt onnakma kanima ia chi hatuk osh, im anumpuli mvt; anumpa hash isht mahaya na, ninak iklvna ona tok.

8. Mihma aboha vba potvlhpo ai itahobvt maya ka, pola hvt lawa tok,

9. Mihma hatak himita achvfa Yutikvs hohchifo hosh okisushi ya asha tuk osh nusit kvnia tok; anonti Pal mvt anumpa ha falaiachi aiena hatuk o, nusit kvnia kvv akia cha, vba potvlhpo ont atuchina ho vttvt aka ont ittula cha, illi yo okla sholit wakeli tok.

10. Mihma Pal vt pit akowa cha, ont onvtuyulvt ishi mvt, Im ilhfiopak vt a fokka moma hoka, ik hvchi nukhlakancho kashke, achi tok.

11. Yvmohmi hatuk osh falamvt oiya mvt, pvska ya kobahlichit impa cha, anumpohonli hopaki, polaka onvt taha ho, kohchvt ia tok.

12. Mihma hatak himita yashot okchaya ho, okla isht vla mvt, na yukpa kvv chohmi tok keyu.

13. Mihma tikba ivt peni ya il ona cha, ilap vt aka ayvt ia kak o ahni cha, yvmamak o miha tuk oka, yvmma Pal ont ai isht e fohka chi, pim ahoba hosh peni fohkvv ivt Asvs g il ona tok.

14. Atuk osh yvmmvt Asvs g a pi afama ma, ishit auet e fohki cha, mintit Mitilini ya e la tok,

15. Micha yvmma asht peni fohkvv, e minti tuk vt nitak atukla ma, Kaios, i chapaka e la tuk osh, anonti onna ma, Samvs e la cha, Tochilvm g ant il ashwa tok; atuk osh onna ma mintit Mailitvs g e la tok.

16. Pal vt Asia g antvt nitak i kvnia ik bonno hatuk osh, yohma hinla yobakmvt, Pentekost nitak g Cheluselem g, ont anta chi hatuk osh, tushpvt aya hokvt Efesvs g peni fokvt ont ia he ak o, ahni tok.

17. Micha Mailitvs ak o vttvt, iksa i pehlichu vhleha ha Efesvs g pit hoyo tok.

18. Atuk o okla im ai vla ma, Asia ya vla li nitak vmona tok ai itin taiyakla kvv, nitak moyuma ka kaniohmi hosh hvchi awant ahanta li chatuk,

19. Chukvsh akanlosi bieka, micha nishkin okchi mihinti fehna hosh, Chu vhleha hvv aiechit maya na, na palvmmi puta sai onvtulvt, Chitokaka ya im antihya li tok.

20. Michu hvchishno nan isht hvchim ai vhpesa puta ka hvchim a luhmi li tok keyu; amba hvchim anolit ai itvaha, micha chuka puta, a hvchim abahanchi li tok.

21. Chu okla, micha Klik vhleha aiena ka, Chihowa ile kostininchit i falama cha, hvpin Chitokaka Chisvs Klaist a i yimmi aiena ka, im abahanchi li fehna chatuk a, hvsh ithaiyanvshke.

22. Yvmohmi hosh himak a sa chukvsh vt pit a yiminta fehna hosh, yvma nana a si akanohma hi a pit ithana iksho hosh, Cheluselem a ia lishke.

23. Amba Shilombish Holitopa ak osh tomaha moma ka ai anolit, talakchi, micha na palvmmi puta kvv an takalishke; ahanchi kak illvshke.

24. Yohmi kia nan ilvppa puta kvv achvfona kia ik sa folulechoshke, micha na yukpa hosh a nitak ma, micha nan isht vta Chihowa achukma ka anoli, vbanumpa im avvchi la he, Chitokaka Chisvs a ai im ishi li tuk vt atahli la chi kvv, vm ilhfiopak a a holitopa ak ai ahnoshke.

25. Yvmohmi hosh himak a, Chihowa apchlichika ya isht hvchim anumpulit hvch itin takla ma aya li chatuk a, hvsh moyuma kvv himmakma sa nashuka ya hvsh pisa chi keyu ka, ithaiyana lishke.

26. Yvmohmi hoka hatak okluyuha im issish a, vno yvt nan isht ai ahalaia li keyu kvv, ai ahli mak osh himak nitak a hvchishno a hvchim anohonli lishke.

27. Uno vt Chihowa im anukfila puyuta ka hvchim anoli ka, sa nukwaya iksho chatuk okvt.

28. Yvmohmi hoka hvchishno akinli, micha nan iakaya vhleha moma, Shilombish Holitopa yvt mihi yo apesvchi puta hvch ikbi tok a, ahah! ahnit Chihowa im iksa puta ilap im issish akinli ho isht chumpa tok a, mominchit hvsh pehlichashke.

29. Uno vt kanima atia li ha ma, nashoba okpulo nan

iakaiya vhleha hash, i nukhaklo iksho mak osh, ant hvch iba chukowa he ; ilvppa vno vt ithaiyana li hoka,

30. Micha hvchishno hvsh ai itapeha yash inli hatak ak kia nan ikhvna vhleha ya filvmmichit il iakaiyvcha chi kv, nan isht okpvni ya anumpulit hiohla hi oke.

31. Yvmohmi hoka, hvsh ile nuktaghla chiké ; micha afvmmi tuchina ka nishkin okchi mihinti hosh, nitak micha ninak puyuta ma, moma nan im anolit ahanta li kv, ak isso kv-mohmi chatuk a hvsh ithaiyanvshke.

32. Inta ! il itibapishi vhleha ma ! Chihowa, micha ilap o achukma isht anumpa aiena, yvmmak osh ai ahlichit hvchi hiohlichea hinla, mikmvt hochukma toba tok vhleha moyuma ka ai itin takla ya, ai vttvt hvch ima he vlpiesa mak o, yvmma ibbak a pit hvchi fohki lishke.

33. Hatak nana kia in tvli hvta kia, mikmvt in tvli holisso lakna yokmá, keyukmvt ilefohka yokmá nana kia im anushkonna li chatuk keyushke.

34. Ahli, ibbak ilvppak osh vno, micha si apehvt aya puta na pi bvna ka, nan isht ahanta chatuk a, hvchishno ak kia hvsh ithaiyanvshke.

35. Yakohmit toksahanli hosh ilbvsha puta ka hvsh apevcha he tuk, micha Chitokaka Chisvs im anumpa puta, yvmmak okvt, Ima kak osh na yukpa kv habena ka, i shahli hoke, achi tok a hvsh ithaiyana chi ka mominchit hvchim anohonli li chatuk oke ; im ahanchi tok.

36. Micha yakohmichit anumpulit taiyahli mvt, hvchukbihleptv hikia cha, moma ka pehlichit vba pit anumpuli tok.

37. Mihma momvt nishkin okchi minti fehna mvt, Pal ikonla ya okla onvtuyula cha i suksowa tok ;

38. Himmakma i nashuka ya okla pisa he keyu, miha tok ; anumpa yvmmak o isht nukhaklo im atampa ha tok. Mihmvt apihvt peni ya okla ona tok oke.

CHAPTA XXI.

Pal vt Cheluselem a ia, 1. 17 Pal vt Cheluselem a ont anta ma, itq hokli. 31 Kvpitvni chito vt Pal hlakofichi.

1. **MIHMA** yakohmi tok, yvmmak ash pit il oka topli cha, i mokofvt auet apissanlit mihintit, Kous g e la tuk osh, nitak atukla ma Lotis g e la ; atuk osh yvmma ashvvt Patela ya e la tok.

2. Micha peni vt Finishi ya ia hosh aya ka e pisa mvt, ont e chukowa cha, e maya tok.

3. Atuk osh Saipilus vt auet pi haiaka mvt, yvmmak ash pim vlhfvbeka imma yo talaia na, ont il ia mvt, Silia ya il ona cha, Taia yak o ont il ataya tok ; peni na shali ka yvmmak o ont akohcha wiha chi hatuk o.

4. Micha yvmma nan ithvna vhleha ya ont il ai ahayuchi mvt, il ashwa na nitak untuklo tok ; yvmmak osh Pal g Cheluselem ik aiyo ka hi g, Shilombish pulla hatuk mak o, im achi tok.

5. Nitak yvmmak ash ot ont pin taiyaha mvt, pishno ash ot kohchvt pi hina fohkvt il ia ma, momvt tekchi vhleha, micha im vlla puta aienvt pi apehvt pisht aya na, tvnaha ha ant e kohcha tok ; mihma oka takchvka ya hvchukbihlept e hiel cha, vba pit il anumpuli tok.

6. Atuk osh okla it aiokpvchit pin taiyaha ma, peni pit il vlhto ma, yvmmak ash ot falamvt, in chuka ilhkoli tok.

7. Atuk o peni fohkvt, Taia asht e minti tuk vt ont pim ai vhli mvt, Talimeis g e la cha, il itibapishi vhleha ya ant il aiokpachi cha, nitak achvfa ho takla il ashwa tok.

8. Atuk osh ont onna ma, Pal g apeha pia hatuk vto kohchvt ivt, Sesalia ya e la tok ; micha Filip vbanumpa isht vta, yvmmak osh untuklo kash aiena hatuk ash, in chuka ont e chukowa cha apehvt e maya tok.

9. Mihma hatak yvmmvt ushetik ohoyo himita ushta hosh im ashwa tuk osh, vbanumpa isht anumpuli tok.

10. Micha yvmma il asha na nitak kanohmi ma, hopai achvfa Akebus hohchifo hosh Chutia mintit vla tok.

11. Micha yvmmak ashot gyvt pim vla mvt, Pal im vskofvchi yash ishi cha, ilap ibbak micha iyi aiena ka isht takchi mvt, Hatak vskofvchi ilvppvt immi yatukma, Chu vhleha Cheluselem aiasha kvv yakohmichit takchi cha, ishit okla

nan ik ithano ibbak a a fohka hi oke ; Shilombish Holitopa yvt achishke ; ahanchi tok.

12. Mihma ilvppa okla e haklo mvt, pishno ash ot yvm-mak inli aasha yatuk pit il aienvt, Cheluselem a ik aiyo ka hi a, okla il im ahni tok.

13. Mihma Pal vt afalaminchi mvt, Katiohmi ho hvsh ahni hosh yayvt sa chukvsh a hvsh kobvffi cho ? Sa talakcha he ak o illa keyu ; amba Cheluselem a Chitokaka Chisvs hohchifo pulla ka, isht a si ai illa chi aiena kvv vm vltaha hoke, achi tok.

14. Micha hakla he keyu ma, Chitokaka nan ahni yak osh ik yvmohmi, il ahni mvt, okla il issa tok.

15. Mihmvt nitak yakohmi kvv ont taha ma, il il apoyua cha, Cheluselem a pit il ilhkoli tok.

16. Mihma nan ithvna vhleha kanihmi kvv Sesalia ya asht pi apehvt ia akinli tok ; micha Nesvn Saipilvs vttta nan ithvna sipokni ka yo, yvmmak o il ibai ashwa chi ka, okla pisht ona tok.

17. Atuk o Cheluselem ash il ai ona ma, il itibapishi vhleha yvt na yukpa hosh pi aiokpvchi tok.

18. Atuk o onna ma, Pal vt pi awant Chemis a im ona ; mihma hatak tikba vhleha yvt momvt chieya tok.

19. Mihma yvmmak ash aiokpvchit tahli mvt, ilap vt nana isht ahanta ho, Chihowa yvt okla nan ik ithano vhleha itin takla ya, nana ai atahanli tuk puta kash o atokowa fehna kak o anohonli tok.

20. Mihma okla haklo mvt, Chitokaka ya okla aiokpachanchi mvt ; yvmmak ash o, Chu vhleha na yimmi kvv tahlepa sipokni kanihmi hosh ai aasha kvv, yvmmak okvt moyumvt nan-vlhpisa holitobli fehna ka, ish pihisvshke, il itibapishi ma !

21. Micha chishno vt Chu vhleha hosh oklushi nan ik ithano takla aasha ka, mominchit Moses a okla issa chi ka, im avvchit im vlla puta ka hakshup tvpla he tuk keyu, mikmvt ilap nana a kanihmi vlhpisa puta aiena ka, okla iakaiya he tuk keyu ka, ish i mihaha ho, okla im annoa tok.

22. Yohmi ka nanta mak oh cho? Ish la tuk a, okla hakla chi hokvt, okla laua yvt itvnaha pulla chi hoke.

23. Yvmohmi hoka pishno yvt nana e chi miha, ilvppak o ik chi yvmohmi; hatak anumpa holitopa ile onochi tuk ushta hosh pim ashwvshke.

24. Yvmmak o pehliechi cha, takla nan iba hullochit, mi-cha chishno ak osh vlhtoba hvt ibafokvt chi kvnia pulla na, okla noshkobo shafashke; mina momvt chishno a nana a chi haiyaklo tuk vt peh pilla hatuk; amba chishno ak kia ai vlhpiesvt ish aya cha, nan vlhpisa ya ish holitobli ka ithaiyanashke.

25. Amba okla nan ik ithano na yimmi vhleha imma kamo, nana yvmma chohmi ka ik holitoblo ka chi, amba nana ka na holba toba pit im issa tuk puta, micha issish mikmvt nana kvv nuksitvt illi puta, micha ohoyo himita itin lumaka aiena kak o. okla ik ahalaio ka he yak o, okla pim anukfilvt pit il i holissochi tok; im achi tok.

26. Mihma Pal vt hatak ash pehliche cha, onna ma, nan iba hullochi mvt, vba nan isht pit aiokpvchi ya achvfa ai-yuka pit im isht aiokpachi ha ya chi ho, nahullochi nitak vt ont taha ka, anola chi hosh tempel a chukowa tok.

27. Atuk o nitak untuklo kash ot ont taha ahosi ma, Chu vhleha Asia minti tuk vt, yvmmvt tempel anukaka ya asha na, okla pisa mvt, okla mominchit atushpvlihinchit yvmmak ash ibbak isht ishi mvt;

28. Israel hatak puta ma! pi apelá; hatak ilvppak osh yakni ilvppa, okla, micha nan-vlhpisa aiena ka i svnalit, hatak moyuma ka kanima mominchit ai imabvchi mak oke; micha achakalechi mvt, Klik vhleha ma pehlichit tempel a ant isht chukowa cha, aholitopaka ilvppak ash aiokpvnishke; achit tahpahanla ha tok.

29. Tikba ka Tafimus, Efesus hatak vt yvmma awant tv-maha anta ho, okla pisa tuk osh, yvmma Pal vt ilauint tempel a chukowa tuk a, okla im ahoba tok.

30. Mihma tmaha hash ot momvt wakaya ma, oklat yihleptv itahoba tok; micha Pal ash okla ishit tempel a a kohchi ma; chekosi makinli ho okhissa puta kash ot vlhkva tok.

31. Micha okla vbi bvnna hosh maya ma, tvshka chipota aya-chvfa i kpvitvni chito ya, Cheluselem vt momvt nan ik ai vllpeso bano ka annoa kvv ayvt im vla cha ;

32. Yvmmak ash ot ashalika tvshka chipota vhleha, mica kpvitvni puta ka pehlichi cha, chvfvv itv im ona tok ; mihma kpvitvni chito, micha tvshka chipota vhleha aiena ka okla pisa mvt, Pal a boli mvt issa tok.

33. Mihma kpvitvni chito ash ot itv ituma ona cha, yvmmak ash ishi mvt, tvli itatakvli tuklo hosh ishit talakcha chv ka miha tok ; mihmvt, yvmmvt kvna hatuk, micha nana hv kanihvmi aiena tuk a, asilhhvchi tok.

34. Mihma okla laua gsha tuk vt tahpvt, kanimi kvv kanimihchit miha ma, anonti kanimi kvv inlvchi tok ; mihma yvmmak ashot yahapa hatuk o, ai atokova ma ik ai akostinicho mvt, yvmmak ash isht holihta kvvlo ont fohka chv ka, miha tok.

35. Atuk o yakohmi tok, okla hak osh okpulo ka fehna o, yvmmak ashot pit atuyvt ia ya ona ma, tvshka chipota vhleha yosh sholit ishtia tok.

36. Okla laua yak osh, Yvmma kanima isht oh ia cha, ahayvt iakaiya hatuk o,

37. Atuk o Pal ash o holihta kvvlo ya, ont isht chukova chv foka ma, yvmmak ash ot kpvitvni chito yash, Chim anumpuli la hinla cho ? im achi ma, yvmmak ash ot, Klik anumpa ya ish anumpula hinla ho ?

38. Chishno ak osh Echip hatak chia hosh, nitak tikba kash nan isht ish ataklaiyama cha, hatak bika vbi ya tahlepa sipokni ushtat pehlichit yakni haiaka ya, pit isht ish chukova tok keyv ? achi tok.

39. Mihma Pal vt, Uno vt Chu hatak Tasvs, Silisia yakni vmaha ai vta, vmaha ik ahobo nana hv ai vta sia keyu hoke : mi hosh okla hv im anumpuli la hi a vm ahnikbano, chim ahni lishke ; achi tok.

40. Mihma yvmmak ash ot vllpesa im ahni ma, Pal ash-ot pit atuyvt ia ya o hikia cha, okla hv ibbak a pit i fahvm mi tok ; micha luma bievvt okla aiasha ma, Heblu anumpa hv im anumpulit yak ahanchi mvt,

CHAPTA XXII.

Pal vt kaniohmit vbanumpa nukfoka tok vt anoli, 1. 25 Pal vt foma he tuk kia, Lom hatak atuk osh hlakofi.

1. **HATAK** il itibapishi vhleha, micha an tikba puta ma! himak a isht hvchim il anumpohonli li ka, hvsh hai-yaklashke.

2. Yvmmvt Heblu anumpa ho isht im anumpuli na, okla haklo mvt, isht i shahlit lumvt aiasha tok. Mihma yvm-mak ashot,

3. Uno vt Chu hatak fehna sia, Tasvs, Silisia yakni in tmaha ak o ai vta li tok nana kia, tmaha ilvppa Kamiliel iyi itvma ka yo ahantvt sa hofanti; micha hatak tikba vhleha i nan vlpisa ai apissali mvt, vm vlbahanchi tok; mihmvt Chihowa ya pit achunanchi kvv himak a nitak hvsh moma kvv, hvchi yvmohmi kak inli chiyuhmi li tok.

4. Mihma ilvppa yakohmi ka nakni, micha ohoyo aiena ka, illa he mak o, takchit aboha kvllo pit apittvt ilbvshachi li tok.

5. Yohmi ka na holitompa isht asha pehlich, micha hatak tikba vhleha hak kia momvt vm ithaiyana hoke; micha yvmmak o il itibapishi vhleha pit i holisso ka, im ai ishi li hosh, yvmma asha tuk vt talakchi ya Cheluselem a isht vla likma, na palvmmi pisa chi ho, Tamaskvs a ia li tok.

6. Atuk o yakohmi tok; nowvt aya li mvt, hvshi vt tv-bokoli foka ho, Tamaskvs a ona la hosi ma, ashalika nan tohwikeli chito vba minti kvv ant tommit si afolupli tok.

7. Mihma aka ont sa tula cha, anumpa hvv, Sal, Sal, nanta katiohmi ho, is sa palvmmichi cho? vm ahanchi na, haiyaklo li tok.

8. Mihmvt afalaminchit, Kvta chia hoh cho, Chitokaka ma? achi li ma, Uno ak osh Chisvs Nasalit ai vta mihi yo ish i palvmmichi ka sia mak oke; vm ahanchi tok.

9. Mihma si apehvt aya tuk vt tohwikeli hokvno okla pisa mvhli cha, nukshopa tok; yohmi kia anumpa auct vvv anumpuli hokvno okla ik haklo ki tok.

10. Mihma, Chitokaka ma! nanta kō katiohmi la chī ho? achi li tok. Mihma Chitokaka yash ot, Wakaya cha, Tamaskvs a ish onashke; mikma nana ish a kaniohma he a chim vlpisa tuk vt moyuma, yvmmak o a chim annoa hi oke; vm achi tok.

11. Mihma tohwikeli yvmma shohpakali tuk a ak hopanayo hatuk o, si apehvt aya tuk ibbak ak osh sa halvlli hō, ayvt Tamaskvs a ona li tok.

12. Mihma hatak achvfa vbanumpuli nan vlpisa ya isht ai ahli, Ananavs osh, Chu vhleha yvmma ai asha ka moma ai im annoa achukma chatuk osh,

13. Ayvt vm vla cha hikia mvt, Itibapishi li Sal ma! ish hoponayashke, vm achi tok; mihma hvshi kanvlli makinli hō, vba chakalit ilap a pisa li tok.

14. Mihma, Hvpin tikba vhleha in Chihowa yvt, chishno vt ilap o nan ahni ka ish ithaiyana he, mikmvt Ahli yvmma ish pisa cha, yvmma itakha ai anumpa ma ish hakla hi a chi atokoli tuk oke.

15. Chishno vt nana hō ish pisa tuk, micha ish haklo tuk aiena kvv, hatak moyuma ka im anoli chia ha chī mak oka.

16. Yohmi kvv nanta katiohmi hō himak a ish ahchibali cho? wakaya cha, baptismot, Chitokaka ya pit hochihifot, nan chim ai ashvchika puta kvv kashofvt chī kvniashke; achi tok.

17. Atuk o yakohmi tok, falamvt Cheluselem ash vla lish, tempel anukaka ya vba pit ai anumponli li mvt, sa holhpokuna chohmi tok.

18. Mihma yvmmak ash ot vno ya, Nana isht is si ai anoli ka, okla chim aiokpahancha he keyu hoka, tushpa, micha Cheluselem a chekosi ish akohchashke; vm ahanchi na pisa li tok.

19. Michā vno ash ot, Chitokaka ma! chishno chī yimmi vhleha hatuk a aboha kvvllō pit apittvt, sinakak puta ka, a fahāmi li tuk a, okla ithaiyanvshke.

20. Michā Istefin atokowa chi anolit im issish hlatapa ka, vno ak kia itomasi ya hikia li tuk osh, yvmmvt illa chī ka, vlpesa ahni li mvt, yvmma vbit maya ka, im ilefokka ya ishi li tok oke; achi li tok.

21. Mihma, Hopaki pilla, okla nan ik ithano vhleha aisha kak o pit chi chvffichi la chi hoka, ish ayashke; vm achi hokvno; achi tok.

22. Mihma anumpa ilvppa vhli kano okla i haponaklo tok; atuk osh chitolit, Hatak yvmma chohmi ka, yakni a ai isht ho kanchi, yvmmak okvt okchayvt anta he vlhpesa keyu hoka, okla achi tok.

23. Micha okla tahpvlt i na fohka puta kash shoelit kampilvt, lukfi pushi aiena ka pehlt vba pilvt maya ma,

24. Kvpitvni chito yvt yvmmak ash o holihta kvlllo ya isht ona chi ka, apesa mvt, anonti yvmmak ash fvmmi hosh, nan i ponaklo na, kaniohmi ho okla hvt isht anumpuli kv yohmi fehna hatukma, ilap vt akostinincha chi kv, miha tok.

25. Mihma wak hakshup aseta chuhla ka, okla ishit takchi ma, Pal ash osh kvpitvni hvt bilikasi hikia tuk o, Lom hatak, micha nan vlhpisa yosh ai atokowa keyu ka, ish fvmma he chim ai vlhpesa ho? im achi tok.

26. Kvpitvni vt ilvppa haklo mvt ivt, kvpitvni chito ya ont im anolit, Nana ish kaniohmi kv, ahah! ish ahnashke, ilvppvt Lom hatak oka; ahanchi tok.

27. Mihma Kvpitvni chito ash ot vla mvt, Chishno vt Lom hatak chia ho? vm anoli, im achi ma, yvmmak ash ot, Yau, achi tok.

28. Mihma kvpitvni chito yash ot afalaminchi mvt, Ilap inli nan ahni hosh gya ilvppa, vlhtoba chinto ho isht ishi li tok, achi tok; mihma Pal ash ot, Amba vno vto si ai imoma yosh vta li tok oke, achi tok.

29. Yohmi ma yvmma nan i ponakla he tuk ash ot mih makinli ho, ai i filamoli tok; mihma kvpitvni chito ash kia, yvmmak okvt Lom hatak atuk a akostininchi, micha takchi tuk aiena hatuk osh nukshopa tok.

30. Ont onna ma, kaniohmi ho Chu vhleha yvt anumpa ha onochi hatukma atokowa ka akostininchi bvna hatuk osh, isht talakchi ya i hotuffi mvt, na holitempa isht gsha pehlichu vhleha, micha i nan apesa vhleha moyuma kv itvna cha chi ka, apesa tok. Micha Pal ash isht ona cha itikba ya ont hilechi tok oke.

CHAPTA XXIII.

Pal vt isht il anumpuli, 1. 10 Pal vt atukla aboha kvullo foka tok.
28 Pal vt nahullo miko Filiks a im ia.

1. **MIHMA** Pal vt hochitoka vhleha ya ai okchifelit pi-hisa mvt, Hatak il itibapishi vhleha ma! im anakfila ai achukma biekvt Chihowa itikba ma ai ahanta li himak nitak fenvshke; achi tok.

2. Mihma na holitompa isht gsha pehlichy Ananaius ash ot, yvmma bilika hiohmaya tuk vt itih ha lvsalicha chi ka, miha tok.

3. Mihma Pal ash ot, Chihowa yvt chishno ak o chissa chi hoka, holihta kvullo tohbi chia ka; nan vlpisa yo nan isht vm ai apesa chi hosh ish gsha mvt, anonti nan vlpesa ya ai vlpesa keyu ka, svssa hi a ish miha cho? im achi tok.

4. Mihma a bilika hiohmaya tuk vt, Chihowa i na holi-tompa isht gsha pehlichy a chik ahobalo ho? achi tok.

5. Mihma Pal ashot, Iloh itibapishi ma! yvmmak okvt na holitompa isht gsha pehlichy ya, ak akostinincho ke tuk oke. Chim okla talaia pehlichy ya ik ahobalot ish anumpuli na, achi hosh holihiso hoka, achi tok.

6. Yohmi kia kashapa kvt Satusi okla yokma, anonti kashapa kvt Falisi yo akastininchi mvt, itonaha itin takla ya tahpvlot, Hatak il itibapishi vhleha ma! vno vt Falisi sia, Falisi o ushi sia hoke; illi falamvt tana he isht a sai yimmi hatuk mak o, nan vm ai asilhrvchi hoke; achi tok.

7. Yvmihchit anumpuli ma, itachowa anumpa kvt Falisi vhleha, micha Satusi vhleha aiena itin takla ya takakanli tok; mihma okla laua yvt ita kashapa tok.

8. Satusi iksa yokvt falamvt tana hi vt takanli keyu, mik-mvt enchil, micha shilombish aiena kvt iksho, achi hoka; amba Falisi yokvt tuklonchit yimmit anoli hoke.

9. Mihma yahapa chinto kvt takali tok; mihma holisso-chi vhleha, Falisi apehanchi kvt wakaya cha, anumpa ha isht ai isso fehvt, Nan ik vlpeso nana kia hatak ilvppa kil

ai akostininchoshke; amba shilombish okmá, keyukmut en-chil okmá nana hosh im anumpuli tok okma, Chihowa ya kiloh itibo kashke; ahanchi tok.

10. Mihma okla itachowa chinto kv̄t takali ma, kv̄pitv̄ni chito ash ot, Pal ǵ okla it̄i hv̄lat nipli na ahni kv̄t, komunta mut, ont afv̄t mokofit im ishit, holihta kv̄llo ya ant foka chi h̄q, tv̄shka chipota vhleha ya i miha tok.

11. Mihma yvm̄mak atuk ninak ǵ, Chitokaka yvt ant a hikiv̄t, Pal ma! na chi yukpashke, Cheluselem ǵ is si ai anohonli hatuk okvt, chiyuhmit Lom ma atokovvt ish ai anohonla ch̄i pulla akinli hoke; achi tok.

12. Atuk ǵ onv̄t taha ma, Chu vhleha kaniohmi kv̄t itibai achv̄vt anumpa kv̄llo ile onochit, Pal ǵ okla vbi h̄q keyukmut ik impo, micha nana kia ik ishko ka ch̄i kv̄t, mih̄iha tok.

13. Mihmut pokoli ushta ka atampa hosh anumpa yakohmi ka ikbi tok.

14. Mihmut na holiutempa isht ǵsha pehlich̄i, micha asonchika puta aiena ka im ai v̄la mut, Anumpa kv̄llo fehna ka il il onochi kv̄t, Pal ǵ ke bokmut nana kia ke po ka ch̄i hoke.

15. Yvm̄ohmi hoka, himik ǵ hv̄chishno, micha hochitoka vhleha hv̄sh ai itapeha kv̄t, yvm̄mak atuk ak ǵ anonti achukmalit i shablichit im ai asilhv̄cha ch̄i h̄q chohmit, kv̄pitv̄ni chito ya hv̄sh im anoli na, onna ha ma yvm̄ma isht hv̄chim ayashke, yohmikma yvm̄mut ilv̄ppa itomasi ǵ ik lo h̄q e ba ch̄i kv̄t pim vl̄taha yoke; achi tok.

16. Mihma Pal in tek ushi yvt, yvm̄ma im aiechit maya ka haklo mut, iv̄t holihta kv̄llo ǵ ont chukowa cha, Pal ǵ im anoli tok.

17. Mihma Pal vt kv̄pitv̄ni vhleha ya achv̄vt pit hoȳ cha, Hatak himita ilv̄ppa ilauct kv̄pitv̄ni chito ya isht im ona, yvm̄mak oka nanasi kia im anola ch̄i kv̄t in takanli hoka; achi tok.

18. Mihma yvm̄mak ash ilauei cha, kv̄pitv̄ni chito ya isht im ona mut, Pal aboha kv̄llo fohka yak osh pit sa hoyo na v̄la li h̄q, hatak himita ilv̄ppvt nanasi kia chim anola hi vt

im gsha hatuk o, ilaueŧ chim vla la hinla ka, vm ahni tuk oke; achi tok.

19. Mihma kvpitvni chito yvt yvmmak ash ibbak g halvlli cha, naksika alumaka isht im ona mvt i ponaklot, Yvm-mak osh nanta mak o is svm anola chi kvŧ chin takanli hatuk o? achi tok.

20. Mihma, Yvmmak oka achukmalit i shahlichit im asilhhvcha chi ho chohmit, onnaha ma, Pal g ilaueŧ ai itv-naha ya isht ish ona chi ka, chim asilhha chi kvŧ, Chu vhleha yvt itib ai achvfa tuk oke;

21. Yohmi kia chishno vto vlhpesa, chik im ahno kashke; yvmmak okvt hatak pokoli ushta ka atampa hosh, yvmma im aiechi kvŧ ai asha hosh, yvmmvŧ anumpa kvllo ya isht il onochit, yvmma okla ik bokmvŧ nana kia vpvŧ, ishkot ik mayo ka chi, isht il apesa tuk oke; yohmi hatuk osh himak g im vlhtahvt, anumpa falama ka aueŧ chim a hoyot maya hoke; achi tok.

22. Mihma kvpitvni chito yvt hatak himita yash ant ik ia, im ahni mvt, nana ilvppa puta is svm anoli tuk vt hatak nana kia, chik im anolo kashke; im achi tok.

23. Mihmvŧ yvmmak ash ot kvpitvni tuklot hoyo mvt, Ninak hvshi kanvlli isht vlhpisa ont atuchinakma, Sesalia ilh-kola chi ka, tvshka chipota tahlepa tuklo, micha issuba o binili tvshka pokoli untuklo, mikma na halupa ishi mvt tahlepa tuklo ho hvsh atahlashke.

24. Micha Pal g, okla o binilichit achukmalit isht ayvt, nahullo miko Filiks g isht im ona chi ka, nan vlhpoa ma, hvsh atahlashke, ahanchi tok,

25. Mihmvŧ ilvppak o yakohmichit holissochi tok.

26. Kilativs Lisivs vt nahullo miko holitompa fena Filiks g pit aiokpvchishke.

27. Hatak ilvppa Chu vhleha yvt ishi tuk; micha okla vba he tuk o; ilvppvŧ Lom hatak atuk o haklo li mvt, tvshka chipota pehlinchit vla lish, okchalynchi li hokvno.

28. Micha kaniohmi ho okla anumpa onochi tuk okma, akostininchi ka sa bunna mvt ilaueŧ ilap itvnahvt maya ka iba chukowa li tuk.

29. Mihmut yummak okvt ilap i nan-vlhpisa yak o anum-pa hvt isht im atoba hatuk o, akostininchi li tuk; yohmi kia isht ai illikmá, keyukmvt talakchikmá nana he imma hokvto ik onvtulo ke tuk oke.

30. Micha Chu vhleha yvt hatak ash im aiechi hosh ma-ya ka vm annoa mvt, ashalika pit chin chvffichi lishke, mi-cha anumpa onochi vhleha mvt, yumma nana ho isht a miha hi vt im asha tuk vt, chishno chi tikba yak o a miha chi ma, aieninchit im apesa li tuk oke. Chi achukmakashke; achi tok.

31. Mihma tvshka chipota vhleha yvt, yummak osh im vlhpisa tuk okvt, Pal a ilaelit ninak o isht ayvt Antipetis a isht vla tok.

32. Ont onna ma yumma apihvt ia chi ka, issuba o binili tvshka ya ashachi cha, falamvt holihta kvllo ya okla ona tok.

33. Yummak ashot Sesalia ya ai vla cha, holisso hash nahullo miko ya ant ima mvt, Pal ma aieninchit ibbak fohki tok.

34. Mihma nahullo miko vt holisso hash pisvt issa mvt, ulhti nana ho vttvt aya hatuk a i ponaklo tok; Silisia ak atuk o akostininchi mvt,

35. Anumpa chi onochi vhleha ak kia ai vla hok mak o, chi haklo lashke; achi mvt Helot i nan ai vlhpisa chuka yak o, yummvt a foka chi ka, apesa tok oke.

CHAPTA XXIV.

Tatvls vt Pal a anumpa onochi, 1. 10 Pal vt isht il anum-pul.

24 Pal vt nahullo miko tekchi ita tuklo ka Klaist isht im anum-puli.

1. **YUMMAK** atuk a nitak tahlapit taha ma, na holi-tompa isht asha pehlichy Ananavs vt asononchika vhlona, mi-cha hatak anumponli achvfa Tatvls hohchifo ho itapehvt vla na, yummak osh Pal a nahullo miko a nan isht im anoli tok.

2. Yvmmak ash pit hoyo na vla ma, Tatvls vt anumpa ouochit ishtivt, Filiks holitompa fehna ma! chishno ak atuk mak o nukchinto fehvvt il ahashwa chatuk, micha chishno vt nan chimponna pulla ho, nan isht im ai ahli achukma fehna kvv okla ilvppa ai i yvmohmi chatuk oke.

3. Nitak moma, micha kanima a mominchit yukpa fehna hosh, il aiokpanchi chatok oke.

4. Himmakma achakalechit ak chin takobecho ka chi na-na kia, nuktanla chia hvv, anumpa tilofasi ish pi haiyaklok-bano, chim ai ahni lishke.

5. Hatak ilvppvt, Chu vhleha yakni paknaka aiasha ka mominchit ai itin takla ma, nan isht ataklaiyamvt nan itachowa ma atohnochit aya mvv, Nasalin iksa ya in tikba hika yo e pisa hatuk oka.

6. Tempel ma aieninchit yvmmvt ik akobalo bvna ho, ilvppa il ishi kvv pishno pi nan vlvpisa yo, nan isht il im apesa chin tok.

7. Yohmi tvk kia kvpitvni chito Lisivs vt ayvt ant pi kohcha cha, kvvlo fehvvt yvmmak ash pibbak a a kohchit eshi cha,

8. Yvmma anvmpa ai ikbichi vhleha yvt ayvt chishno a chim vla chi ka apehisa tuk; yvmmak oka chishno inlit im ai asilhvchi hosh, anumpa isht il ai ikbichi hatuk puta ilvppa ish akostinincha chi hatuk oke, ahanchi tok.

9. Mihma Chu vhleha hak kia pit ataklammvt nana kash yvmmvt yohmi tok oka, ahanchi tok.

10. Mihma anumpula chi ka, nahullo miko vt pit im avvchi ma, Pal ash ot, Okla ilvppa nan im apesvt ish ahanta avvmmi kanohmi ka, chim akostininchi li hatuk osh, na yukpa fehna hosh isht ile anumpohonli lishke.

11. Uba pit aiokpvchi la chi hosh, Cheluselem ia li chash, nitak auah tuklo ka atampa keyu ka, ish ithaiyana hinla kama.

12. Yohmi ka tempel anukaka ya hatak nana kia ai itachovvt ahanta li, micha sinakak puta, micha tvmaha aiena ka okla ha ai ilhkolichit ahanta li, okla sa pisa tuk keyu.

13. Mikmvt nana ka anumpa ma himonasi g okla isht a sai onochi tuk vt atokola he keyu hoke.

14. Amba ilvppak o chim il anohonli li, vno nana puyuta nan vlpisa holisso, micha hopaii vhleha i holisso aiena, a holihiso tok moma ka, yimmit iksa inla yo okla achi hatuk oka, an tikba vhleha in Chihowa ya yakohmit aiokpahanchi li mvhlishke.

15. Michá, ghli mikmvt ik ai ghlo, moma illi yvt tana hi g, yvmma ilap ak kia yohmi, okla ahni akinli hoka, vno vt Chihowa ya pit anukchieto lishke.

16. Yohmi hatuk o Chihowa, mikmvt hatak puta aiena itikba ya chukvsh mvt yoshoba iiksho bilia hosh ahanta la chi kvt achunanchi li chatuk oke.

17. Yvmmak a tok g afvmmi kanohmit taha ma, na holhpila vm okla ha isht im aya li mvt, vba pit isht aiokpvchi puta aiena ka isht vla li tok.

18. Mih ho yvmmak o Chu kaniohmi Asia minti kvt okla laua yokma, keyukmvt a yahapa itin takla yokma nana keyu, tempel anukaka yo, nahullochit vm vlhtahvt anta li ka, sa pisa tok.

19. Yvmmak osh chi tikba ma, ant maya tuk osh nana kia isht sa mihacha hi vt im gsha tukmvt acha he tuk.

20. Yvmmak keyukmvt ilvppa maya kak inli kia vno vt nan ai apesa itikba hikia li ka, nan ik vlpeso nana kia vm ai akostininchi tukmvt, ik mihá.

21. Amba yvmma itin takla hikia li mvt, illi tani yak o isht tahpahanli li tuk, anumpa achvfa ilvppa illa tok o, himak nitak g hvchishno vt hvs svm asilhvchishke; achi tok.

22. Mihma Filiks vt ilvppa puta haklot, na yakohmi puta kash achukma fena ai akostininchi mvt, Kvpitvni chito Lisivs ak osh vla hokmak o nana hvchim a kaniohmi ya okluha hvchim akostininchi lashke; achi mvt, im achakalechi tok.

23. Michá kvpitvni hvv Pal g apesvcha chi, yohmi kia fohacha he, mikmvt it ithvna ka vhleha yvt, nana ant isht im

vtta, keyukmvt im ai itanowvt maya ka, ik im olabo ka hi g, im apesa tok.

24. Yummak atuk g i himak nitak kanohmi ho, Filiks vt tekchi Chu ohoyo Tusila yg ilaelit vla mvt, Pal g pit hoyc cha, Klaist g i yimmi imma ka im a haponaklot chieya tok.

25. Yohmi na yummak ash ot, ai ghli, mikmvt ile nukta-lanli, micha nan-vlhpisa hi vt mihinti aiena ka isht anumpohonli ma, Filiks vt wvnhinchi mvt, Himak okvno ish iashke, nitak vt vm vlhpiesa hok mak osh pit chi hoyo la hi oke; achi tok.

26. Micha Pal vt tvli holisso kia ima na, i hotofa hinla ka im ahoba tok; yohmi hatuk osh chekosikma pit hoyo cha, itim anumpohonli beka tok.

27. Yohmi tuk kia yummak atuk g, afvmmi tuklo taha ma, Pashis Festvs vt Filiks vlhtobvt hikia tok; mihma Filiks vt Chu vhleha yg yukpali bvnna kv, Pal vt talakchi na, issvt ia tok.

CHAPTER XXV.

Chu okla hv, Festvs itikba hielit, Pal g anumpa onochi.

1. YOHMI tuk o Festvs vt ulhti hg vla tuk g, nitak tuchina ont ia ma, Sesalia yg vttvt ivt Cheluselem g ona tok.

2. Mihma na holitompa isht gsha pehlichy, micha Chu vhleha i hochitoka aiena kv, yvmma Pal g ai isht im anoli cha, nan im asilhha tok.

3. Micha im aiokpanchi cha, yummak ash Cheluselem g vla chi ka, pit hoyo na, takla im aiechit vba chi kv, im asilhha tok.

4. Yohmi kia Pal vt Sesalia yak inli ho anta pulla he, micha ilapo akinli mvt chekosikma, yvmma ia chi kv, Festvs vt miha tok.

5. Yohmi hoka hatak vlhpisa hvchi takla maya kv si apihvt ik ia cha, nan ik achukmo kv a takanli hatukma hatak ilvppa ont ik atokoli; achi tok.

6. Micha yummak ash takla ahanta na, nitak pokoh ka ont atampa ma, ivt Sesalia ya ona tok. Atuk osh ont onna ma, nan apesa aiasha ya om binili mvt, Pal a isht vla hi a miha tok.

7. Atuk o yummak ash ot vla ma, Chu vhleha Cheluselem mintit vla tuk vt, afoluplit hiohmayvt anumpa laua, micha okpulo fehna ho, ai ikbichit Pal a onochi mvt, yummak ash ai atokolit ghlicha he keyu ki tok.

8. Mihma ilapo inlit isht il anumpulit ahanta mvt, Chu okla i nan vlhpisa, micha tempel, mikmvt Sesa yak okma nana kia, nana ka isht ai i yoshoba li iksho kvmohmishke, achi tok.

9. Yohmi kia Festvs vt Chu vhleha ya yukpali bvnna kvv, Pal a afalaminchi mvt, Cheluselem a ish ona cha, sa tikba hikivt ilvppak atuk puta kvv nan isht chim vlhpisa hinla cho? achi tok.

10. Mihma Pal ash ot, Nana vm ai vlhpisa he ai vlhpesa mak o, Sesa vt ai asht nan apesa yo hikia lishke; Chu okla hoka nana ik achukmo nana kia, ai i yvmohmi li iksho ka, chishno vt ish ithaiyana fehnvshke.

11. Uno vt anumpa kobvffi sia hokma, keyukmvt isht ai illa he vlhpiesa kaniohmi ho a si yvmohmi tuk okmvt, ik sullo ka hi a ak ahnoshke, Amba ilvppa puta kvv takali ho anumpa ma yakohmi kvv a sai onochi keyu hokmvno, hatak nana kia sasht ibbak ma ik fohko kashke, Sesa ya achakvlit pit im anoli li mak oke, achi tok.

12. Mihma Festvs vt nan itibai apesa vhleha ya itim anumpulit issa mvt, afalaminchit, Sesa yak o ish im anoli mak o? Sesa yak o ish im iashke, achi tok.

13. Atuk o nitak kanohmit taha ma, miko Ekilipa, micha Banisi ita tuklo kvv, Festvs a aiokpvchit aya hosh Sesalia ya itvlachi tok.

14. Micha yummak ash ant ashwa na nitak kanohmi ma, Festvs vt Pal nana im a kaniohmi ya, miko im anolit, Hatak achvfa kvv talakchi na, Filiks vt issvt ia tok a ashvshke.

15. Mihi yo Cheluselem ont anta li ma, na holitompa

isht asha pehlichy v^hleha, micha Chu in tikba v^hleha aiena kv^t nan im apesakbano, ahnit v^m anoli tok.

16. Mihma afalaminchit, Anumpa onvtula tuk vt anumpa onochi y^a nashuka bⁱka ita sanali keyu, micha nana isht a kaniohmi nan ash onvtula tuk vt, mihma isht il anumpula he mv^t, ik im v^hlhpeso kⁱsha ka Lom okla hv^t hatak nana kia illi issa, im ai v^hlhpesa chatuk keyu hoke; im achi li tuk.

17. Yohmi hatuk o ilvppa okla ai v^la ma, ahchiba iksho ont onna ma, nan apesa ai o binili y^a o binili lish hatak ash isht kohchv^t v^la chⁱ ka, apesa li tok.

18. Mihma anumpa onochi v^hleha yvt wakayvt hieli mv^t, yakohma chⁱ ka ahni li tuk amo, achvfali kia isht ik onochi ki tok.

19. Amba ilapo vba pit anumpuli isht a tovt maya, mikmv^t Chisvs illi tok, yvmmak o Pal ak osh yvmmv^t okchaya kak pulla, miha kak o; yvmmak o anumpa isht onochi tok.

20. Mihma anumpa yv^mma chohmi ka, nan ai anukfilli ak ithano hatuk osh, Cheluselem ak o ona cha, yvmmak o ilvppa puta kash ot nan isht im ai v^hlpisa hinlakma, nana ka i ponaklo li kvⁿo.

21. Yohmi kia Pal vt anumpa h^a Akvstvs vt atoshowa ka, hakla he pulla h^o ahni ma, apesanchi tuk o Sesa y^a pit in chvffichi la he vt miha li tuk oke; ahanchi tok.

22. Mihma Ekilipa ash ot Festvs a, Uno ak kia hatak yv^mma i haponaklo la hinla, im achi ma; Onna ha mak o, ish i haponaklashke; achi tok.

23. Atuk o ont onna ma, Ekilipa, micha Banisi aiena kv^t shema chinto fehna hosh itvlachi cha, kvpitvni hochitoka v^hleha, micha hatak holitompa v^hleha tv^mmaha asha tuk a, ai itapeha cha ai asht na haklo y^a pit abeha ma, Festvs im anumpa h^o Pal a isht kohchit v^la tok.

24. Mihma Festvs ash ot, Ekilipa mⁱko, micha hatak pi apehvt ilvppa hv^{sh} maya kv^t momvt hatak ilvppa, Chu okla laua yvt moyumvt, yvmmak okvt himmakma okchayvt ahanta na ahchiba he v^hlhpesa keyushke, ahanchit Cheluselem, mi-cha ilvppak inli aiena ka, ai v^m v^la beka tuk mak o, hv^{sh} pihⁱsvshke.

25. Yohmi kia nana hō isht ai illa he vļhpesa ka yvmohmi tuk keyu ; micha ilapo akinli mvt anumpa hā achakalinchit Akvstvs ā im anoli mak atuk o, akostininchi li mvt, pit chvffichi ka vm-anukfihinla tuk okano.

26. Mih hosh nana hō yvmma ai isht, ā shahli hā pit i holissochi li fehna hi vt ik sv̄m iksho : yohmi hatuk osh nana im asilhhvchi yak osh āsht issa ha yokm̄vno, nanasi ka holissochi la he vt vm āsha hinla kak osh kohchit hvchi tikba, micha chishno ak o fehna kak o chi tikbi yā ant hilechi lishke, miko Ekilipa ma !

27. Anumpa mvt isht ai onvtula ka atokowa ma anoli ka aieninchi hō keyu kv̄t, aboha kullo foka yā pit chvfficha he vļhpisa keyu ka, vm ahoba hokvt ; ahanchi tok oke.

CHAPTA XXVI.

Pal vt Ekilipa ā itikba hikivt kaniohmit āya chatuk puta kv̄t anoli, 1
12 Pal vt vbanumpuli toba tok vt anoli.

1. MIHMA Ekilipa ashot, Chishno isht ish il anumpula chī kv̄t, chim vļhpesvshke, Pal ā im achi tok. Mihma Pal ash ot ibbak ā pit fahv̄mmi mvt, isht il anumpohonli tok.

2. Chu vhleha yvt anumpa isht ā sai onochi tok imma puta ka mominchit himak nitak ā, chi tikba hikivt isht il anumpohonli la chī kv̄t, na yukpvt vm anukfihinlvshke, miko Ekilipa ma !

3. Chu okla i nan vļhpisa puta, micha anumpa ai isht itachowa puta aiena ka, chishno vt chimponna pulla hatuk mak o ; yohmi hoka achukmalit ā haponaklokbano, chim ai ahnilishke.

4. Ūlla sa tomba tok takla, yvmmvt v̄mmona ka vno vm okla talaia ai itin takla Cheluselem ak a tok oka, nana a kaniohmit mihinti li puta ka, Chu vhleha yvt momvt ithanvshke.

5. Ūmmona kash inli hō, sv̄thanvt isht auehinchi tok, yvmmak osh vbanumpa isht pim iksa apissali kv̄t moma i shahli, Falisi yosh ahanta li tok ā, anola hinla chishke.

6. Micha Chihowa yvt hvpin tikba vhleha ya anumpa ima tok g, a yimmi hatuk pulla hosh himonasi g hikivt nan vm vlhpisa mak oke.

7. Anumpa tok yvmmak o pisa ka, aiahni hosh pim okla auah tuklo kv̄t nitak, ninak puyuta ka Chihowa ya pit aiok-pahanchi na bilia hoke. Na pit ai ahni yvmmak pulla ho, Chu vhleha yvt anumpa isht a sai onochi hoke, Ekilipa miko ma!

8. Chihowa yvt illi puta ka tanicha hi g, katiohmi ho ayimma he keyu nana ho hvchim ahoba cho?

9. Uno vt Chisvs Nasalet v̄tta hohchifo ha i sanalit nana ka lauachit a si yvmohma he tuk oka, ahnit il anukfilli li mvhli tok.

10. Mihmvt na yvmmak ash Cheluselem g ai yvmihinchi li akinli tok; micha na holitompa isht gsha pehlichī vhleha yvt vm apesa hatuk o, vbanumpuli lauachit aboha kv̄llo pit apihinta li tok; micha okla vba chī ka vno vt vlhpesa, ahanchi li tok.

11. Micha sinakak puta ka ai ilbv̄shahanchi li mvt, Chihowa pit ik ahobalot anumpula hi g, atushpalihinchi li tok; micha yohmi ka i nukkilli li fehna hatuk osh issikkopali kv̄t, yakni inla tmaha puta kak kia isht aya li tok.

12. Yvmmak o na holitompa isht gsha pehlichī vhleha yvt atokowa, anumpa kv̄llo ai ghli achukma ka vma na, ieshi hosh Tamaskvs g ia hosh aya li tuk o,

13. Ont tvbokolik fehna, hina takla ya, tohwikeli vba minti kv̄t shohmalali kv̄t hvshi g imaiya hosh, tommit vno, micha si apehvt nowt aya tuk aiena kash a folupli na, pi-hisa li tok oke, miko ma!

14. Mihma momvt aka ont pi kaha ma, anumpa hv̄t vm anumpuli kv̄t, Heblu anumpa yo Sal, Sal ma! nanta katiohmi ho is sv̄lvshali cho? Na halupa puta ho pit ish hvhli kv̄t chī palv̄m̄mi hoke; ahanchi na haiyaklo li tok.

15. Micha, Kv̄ta chia hoh cho. Chitokaka ma! achi li tok. Mihma, Uno akosh Chisvs ish issikkopali g sia hoke.

16. Yohmi kia chishno g vbanumpa isht v̄tta, mikmvt nana ish pisa tuk ilv̄ppa, micha nana chim ottv̄n̄inchi likma,

yvmma puta ka ish anohonla he aiena ka, chikbi la chi, apisali ilvppa pulla hosh chi haiaka li hatuk oka; wakayvt chiyi a isht ish hikiashke.

17. Okla ha, micha oklushi nan ik ithano vhleha aiena ka akohchit chi hlakofichi li hatuk okvt.

18. Yvmmak oka i holhponayo ha fatummi, anonti ai okhlilika ya a filvmmichit tohwikelika ya isht onvt, micha Setvn apehlichy a akohchit Chihowa ya isht ish im ohona na, nan ai ashvchika puta isht a akashofa ka, micha vno a yimika pulla hosh isht kashofa tok puta ka, iba takla ai ahanta aiena ma, ahayucha chi makō himak a pit chi chvffhinchy lishke; achi tok.

19. Yohmi ma vba mintit haiaka kash ik im antiot ahanta li tok keyushke, miko Ekilipa ma!

20. Amba ile kostininchy cha filemvt, Chihowa ya okla im ona cha, ile kostininchy yvt a yohmi ai vlhpiesa ho yvmohmit aiasha hi a, vmona ka, Tamaskvs, mikmvt Cheluselem, micha Chutia yakni afullota moma aiasha ka mominchit im anoli li mvt, anonti oklushi nan ik ithano vhleha ma im anohonli li tok oke.

21. Yakohmi puta pulla hatuk mak o, tempel anukaka ya anta li ho, Chu vhleha yvt sashi cha, svbi bvnvt maya tok.

22, 23. Chihowa yvt si apelahanchy hatuk mak o, hopaii vhleha, micha Moses aiena kvv nan a kaniohma he, Klaist vt illvsha he, micha yvmmak osh illi tani ka tikba he, micha okla hash, mikmvt okla nan ik ithano vhleha aiena ka tohwekali ka i haiakvcha he a, ahanchy tok a, yvmma nan isht inla yo miha keyu hosh asvno, micha chipunta aiena ka im anohonli kvv, himak nitak a sa moma hoke, ahanchy tok.

24. Yakohmihchit isht il anumpohonli ma, Festvs vt chitolit anumpulit, Pal, chy tasimboshke; holisso chimponna fehna kak osh isht chy tasimbo hoke; achi tok.

25. Mihma, Sa tasimbo ho keyushke; amba anumpa ai ghli, anumpa kostini yo anumpohonli li hoke, Festvs holi-tompa fehna ma!

26. Miko vt ilvppa puta ka ithaiyana ho, itikba ma hikivt

nukwaya ikshot anumpuli li akinlishke. Nana ilvppak okvt chukbika yo a yvmohmi tok keyu hoka. A yakohmi puta kvv achvfona kia in luma keyu ka, vno vt akostininchi li hoka.

27. Miko Ekilipa ma! hopaii vhleha im anumpa ha chi yimmi cho? Chi yimmi ka ithana lishke, achi tok.

28. Mihma Ekilipa ash ot Pal a, Ubanumpuli toba la hi a si anukfokichi naha fehvshke; im achi tok.

29. Mihma Pal vt, Chishno ak o bano keyu, amba himak nitak a sa haklo kvv moyumvt naha fehna cha, anonti fehna, vno ak o chiyuhmi hosh, amba talakchi yakohmi kano keyu hosh, hvsh aiasha hi a, Chihowa ya pit im asilhha li hoke; achi tok.

30. Yakmihchit anumpulit issa ma, miko vt, nahullo miko, micha Banisi, mikmvt apehvt chieya tuk aiena kvv wakaya tok.

31. Micha naksika onvt taha mvt, Hatak ilvppvt isht ai illa he, micha isht a talakcha he ai vhpesa nana ka, nana ho a kaniohmi kvv ikshoshke; achit itim anumpuli tok.

32. Mihma Ekilipa vt, Hatak ilvppvt i holhtufa hinla tuk, Sesa akv achakalit im anola chintuk keyu hatukmvt; Fes-tvs a im achi tok oke.

CHAPTA XXVII.

Pal vt peni fohkvv Lom pila ia hosh aya, 1. 14 Mahli kvvilo vt peni a onvtula. 39 Yakni a ont ahayuchi cha okla hlakofi.

1. MICHA peni fohkvv Itili ya il ona hi a ai vhpisvt taha ma, Pal, micha aboha kvvilo fohka inla kaniohmi aiena ka, tvshka chipota Akvstvs ai itapeha i kvv pitvni, Chulivs hohchifo ho ibbak fohki tok.

2. Mihma Hlessalonika tmaha Masetonia hatak, Alistakvs vt piba foka hatuk o, Asia ya pit lapalika okla e maya chi mak osh pim anukfila hosh Atlemitivm peni yo pit il vbeha mvt il ilhkoli tok.

3. Atuk osh ont onna ma, Saitvm a ont il ataya tok; mih-

ma Chulivs vt Pal a i kana fehnvt isht aya mvt, i kanomi vhleha aiasha ka ona cha, impa hinla chohmi ka, im apesa tok.

4. Atuk o yvmma asht il ilhkoli mvt, mahli hak osh ai isso hatuk o Saipilvs a nutaka il aya tok.

5. Micha Silisia, mikmvt Pafilia aiena okhvta hq pit il a hlopulli mvt, Lishi yakni, Maila tmaha hq e la tok.

6. Mih hq yvmmak o Aleksantia peni yvt Itili ya ia hosh aya na, kvpitvni hv pisa cha, yvmmak o pishno ash pit pi apitta tok.

7. Mihma svlahvt il itvnowa na nitak kanohmi hosh, Naitvs a ont kil i chapo kisha chiyuhmi hq, mahli hak osh pi a sanali hatuk o Salmoni i chapa ka Klit ak o nunta asht il aya tok.

8. Micha yvmmak ash ont kil aiyo chohmi hosh, peni ai ataya achukma hohchifo hq e la tok; yvmmak o bilika yo Lesi tmaha hv talaiha ha tok.

9. Atuk o ahchievt taha, micha nahullochi hv ai issa-chi ha ya tuk o, himak okak heno peni isht aya ka ai achukma he keyu hatuk o, Pal ash ot nan i miha tok.

10. Mihmvt, Hatak puta ma! himak okhvta aya ka nana kvv ai okpulo kvv kvnihia fehna chishke, vhpoyak, micha peni aiena kak bano keyu; amba hvvim ilhfopak vt aiena chi ka akostininchi lishke; im ahanchi tok.

11. Yohmi kia kvpitvni hash ot, peni vt immi hatuk, micha isht aya pehlichia aiena kak o i yimmi kvv, Pal vt nana anumpuli tuk a, im i shahli tok.

12. Micha peni ai ataya yokvt hvstula ya aiasha achukma keyu hatuk o, yvmma asht achakvlit ivt kaniohmi kia yohma hinlakmvt, Finisi yvmmak okvt Klit peni im ai ataya yosh falvmmi im okvtula imma pit bachayakmvt, anonti oka mahli im okvtula imma ma pit hikia hq, ona cha hvstula ya yvmmak o okla asha hi a, miha kak osh laua kvv i shahli tok.

13. Atuk o oka mahli hv lomvt mahli ma, okla nan ahni tuk vt im vhpesa, im ahoba mvt, hotofi cha, Klit pit a bilikasit peni isht aya tok.

14. Yohmi tuk kia yvmmak atuk a hopaki keyu ho, mahli kvllo fehna tobtv, Yulaklitvn hohchifo hosh ai isso tok.

15. Mihma peni vt atavvchit kvnia cha, mahli ha a sanalit ia he keyu ma, ant shalit isht ik ayá, il ahni tok.

16. Mihma shalit ishtia ma, yakni tashaiyi achvfa Kilati hohchifo ho nutaka ona ma, penushi yak osh palvmmi ho isht e mihinti tok.

17. Yvmmak ash o okla hvlat ishi mvt, apelvchi kvv peni chito ash afohilit takchi mvt; anonti ik yohmokma, okchv-nak ont ai issa hinla ka, nukshopa kvv na hvta ha ai akvchi na shalit isht aya tok.

18. Atuk o mahli kvllo ka e takakanlit aya fehna hatuk o, ont onna ma, peni a okla shohhvvlachi tok.

19. Atuk osh nitak ont atuchina ma, pishno pibbak akinli ho peni isht talakchi ya ishit kocha pit e kampila tok.

20. Micha nitak kanohmi ka, hvshi, mikmvt fochik nana kia ik haiako ma, anonti mahli kvllo mvt atampa fehna hosh pi onvtuyula ma, pi okchaya he pit ahomba kash ot, momvt pi kvnia tok oke.

21. Yohmi kia okla ik impo ho hopakit taha ma, Pal vt wakayvt itin takla hikia cha, Holitopa vhleha ma! vno ak o hvs sa haponaklo tukmvt, Kilati a hvchik a hotofo ke tuk osh, nan okpulo, micha nan kvnia aiena ilvppa hvchik peso ka he tuk oke.

22. Yohmi kia hatak hvsh achvfona kia im ilhfiopak vt a kvnia chi keyu, amba peni ak illa chi hoka, hvchi yukpa hi a hvchi miha lishke.

23. Himak ninak a Chihowa yvmmak o immi sia hosh, mihi yo im atihya li yatuk mak o, im enchil vt sa tuma ya hikivt,

24. Pal vt ik chi nukshopo kashke. Sesa itikba ya ish ona chi pulla hoke; mikmvt Chihowa yvt ai itapehvt peni isht hvsh aya ka, yvmma mominchit chima hoke; ahanchi tuk oka.

25. Yvmohmi hoka holitopa vhleha yvt na hvchi yuk-

pashke; nana vm annoa tuk fena kv̄t ont v̄lhpiesā ch̄i ka, Chihowa ī sai yimmi hoka.

26. Yohmi kia yakni tashaiyi kaniohmi h̄o, ont iloh v̄ hlatapa ch̄i hoke; achi tok.

27. Yvmohmi tuk ō ninak vt ont isht auah ushta mak ō Atelia okhvta h̄a e fullokahanchi na, ninvk ikl̄onna foka ma, peni isht aya v̄hleha hash ot yakni nana mak ō pit bilika ona h̄o, im ahoba tok.

28. Micha oka ya apesa mvt, ashatvpa pokoli tuklo h̄o akostininchi tok; atuk osh achakvlit ivt mishema ona mvt, anonti apesa ma, ashatvpa auah tahlapi na pisa tok.

29. Mihmvt tvli hochito ka ont ai issa hinla kv̄t, okla nukshopa kv̄t, yakni yichifi ya ushtat peni hasimbish ā pit ai okvchi mvt, onnakbano ahnit aiasha tok.

30. Mihma peni chito isht aya v̄hleha yash ot peni chito ya a kohcha wihvt yihlepa chin cha, penushi yash okhvta h̄a pit oka talali mvt, yakni isht yichifi ya peni chito itikba ya pit ai oka kapulla hi ā ahoba ma,

31. Pal vt, kvpitvni, micha tvshka chipota v̄hleha aiena kash, Yakohmi kak osh peni chito anukaka ya maya h̄o keyukma, hvchi okchaya he keyushke; im achi tok.

32. Mihma tvshka chipota v̄hleha yvt peni ushi isht-talakchi ya chanlit hokofi na akia tok.

33. Atuk ō onvt mihinti ma, Pal ash ot, momvt impa hinla ka, im ahni mvt, Nahullochit hvsh ahshwa cha, nana kia hvchik impo mak ō himak vt nitak ont isht auah-ushtvshke.

34. Yohmi hoka nanasi hvsh impa hinla ka hvchim ahni lishke. Ilvppak ō hvsh ai okchaya ch̄i mak okvt; hvsh achvfona kia chi noshkobo h̄a pashi vt ai akia ch̄i keyu mak oke; achi tok.

35. Yakohmihchit anumpulit tahli mvt, pvska ya eshi cha, moma itikba ya Chihowa pit ai aokpachi tok; micha tushtuli mvt, impvt ishtia tok.

36. Yohmi ma momvt yukpa chukma mvt, yvmmak ash kia okla impa tok.

37. Micha peni il għto kv̄t e moma kv̄t hatak tahlepa tuklo cha pokoli untuklo akucha hannali il aiena tok.

38. Micha impa kv̄t okla ont im v̄lhpesa mvt, onush ḡ okla okhv̄ta pit oka hlahlit peni ḡ shohhalali tok.

39. Atuk ō onnvt taha ma, yakni ȳḡ okla ik ithano ki tok; yohmi kia okhv̄ta filv̄mminchi yvt v̄hli hv̄t auet ḡsha hō, okla pit pisa mvt, yohma hinla yobakma, yv̄mma peni ȳḡ ont fohka ch̄i kv̄t okla im anukfila tok.

40. Micha isht yichifi ȳḡ okla kohchit aiowa mvt, okhv̄ta h̄ḡ okla im ile kaiyanchit peni isht afana isht talakchi ḡ hotofi cha, nan tohbi shv̄pha wishakchi fehna takali ȳḡ mahli h̄ḡ pit a asanalichit v̄ba takalichi mvt, oka v̄hli pilla ka, okla ia tok.

41. Micha okhv̄ta tuklo ai itafama ȳḡ pit v̄lh̄to cha, peni ash yakni ont on talali tok; mihma ibbish imma kv̄to a kv̄llet kv̄nia cha ilhkola he keyu hosh talḡya ma, amba hasimbish pila hamo oka banv̄tha kv̄llo fena kv̄t okpunit kanchi tok.

42. Mihma tv̄shka chipota v̄hleha hash ot aboha kv̄llo v̄lh̄pita yatuk ḡ v̄ba hinla, yv̄mmak keyukma, kanima mvt okshonullit kohcha cha, hlakofa hinla ka, anumpulit m̄ya tok.

43. Yohmi kia kv̄pitv̄ni hv̄t Pal ḡ okchalnichi b̄v̄nna hatuk osh, okla nan ahni tuk ḡ im olv̄bbi tok; mihmvt kanima hosh okyohla hinla kak osh tikba okhv̄ta h̄ḡ pit oka kahvt kocha ona ch̄i ka,

44. Mikma inla kanimi kv̄t iti b̄v̄sha yō ō binohli ma, kanimi mvt peni pahlahli yak ō ō binohla ch̄i hō, miha tok. Mih hosh yakohmi tok; momvt nana kaniohmi iksho hosh yakni ȳḡ, okla onvt hlakofi tok oke.

CHAPTA XXVIII.

Pal, micha apehv̄t ḡya tuk aiena kash okla nan ik ithano v̄hleha hv̄t ī kana fehna, 1. 8 Pal vt yakni tashaiyi abeka aiasha tuk ḡ laua hō hlakofichi. 16 Pal vt Lom a v̄la mvt, Chu okla h̄ḡ v̄bi isht im anumpuli.

1. **M**ICHA okla hlakofi mvto yakni tashaiyi vt Milita hohchifo hatuk o akostininchi tok.

2. Mihma okla nan ik ithano vhleha yvt pi kana kv̄t peh chohmi tok keyu; mihma uhumba hatuk, mieha kapvssa aiena hatuk oka, okla luak oti cha, mominchit pehlichit pishi tok.

3. Mihma Pal vt iti chipunta laua itahobit, sholit luak a ant itoyashachi ma, sinti okpulo fena yvt luak lvshpa ka vttvt kohchvt, ibbak a apakfoa tok.

4. Mihma sinti okpulo fehna yvt ibbak a a takanli na, oklushi nan ik ithano vhleha yash ot pisa mvt, Ik kaniohmi kia hatak ilvppvt hatak bika vbi pulla tuk osh, okhvta hokvno i hlakofi tuk nana kia, na palvmmi ak okvto okchayvt ik anta, ahni keyu hoke; ilap bika itim achit maya tok.

5. Mihma sinti yash fahlit luak pit itvchi mvt, nan ik kanihmo ki tok.

6. Yohmi kia shatalikma, keyukmvt ashalika illit aka itulakma nana chi kak o, im ahobvt maya tok; yohmi tuk kia okla pisa na hopaki ho, nan ik i kanihmo ho pisa mvt, inlvchit im anukfila mvt, yvmmak ash nan isht-ahullo hoka, achi tok.

7. Yakni yvmmak oka yakni tashaiyi ya apelihchi Pvblivs hohchifo ho, im osapa yosh talohmaya tok. Atuk osh yvmmvt pi kana achukmvt pehlichit pishi na, nitak tuchina il ashwa tok.

8. Atuk o yakohmi tok, Pvblivs iki vt yvna, mieha isshikfia aiena ho isht abeka hosh ittoyula tok; atuk o Pal vt yvmmak ash ont iba chukowa cha, vba pit anumpulit ibbak a isht umbitepa mvt, hlakofichi tok.

9. Ilvppvt a yakohmi ma inlaka ak kia, yakni tashaiyi yvmma abeka maya tuk vt ai vlv̄t hlakehoi tok.

10. Micha yvmmak okvt nan isht a holitopa laua ka isht pi holitobli tok; mieha kocha il ilhkoli ma, nana kia isht aya he vlhpesa puta ka okla pi shaliichi tok.

11. Mihma hvshi tuchina kv̄t taha ma, Aleksantia peni yosh yvmmvt yakni tashaiyi yak o hvstula ya takanli tok; mieha hohchifo mvt Kasta, mikmvt Palvks aiena hosh lapali ho, pit vlhtot il ilhkoli tok.

12. Micha Sailekus ǵ ont il ataya cha, yvmma il ǵashwa na nitak tuchina tok.

13. Yvmma ǵsht e minti mvt apakfompvt mihintit Lichi-vm ǵ e la tok; atuk ǵ ont onna ma, oka mahlit mahli ma, mintit nitak ont atukla ma, Putioli, ya e la tok.

14. Yvmmak ǵ il itibapishi vhleha ya ant il ahayuchi ma, takla e maya na nitak untukla chi ka pim ahni tok; yohmi ma Lom pila imma pit il ilhkoli tok.

15. Mihma yvmma ǵsht il ilhkoli ka, il itibapishi vhleha yvt pi haklo mvt, Api Folvm, mikmvt Ai-impā chuka tuchina heli ka ai vhli kak ǵ, ant a pi afamvt itvnowa tok, Pal vt yvmma pisa mvt, Chihowa ya, yakoke, pit im ahni mvt, ayiminta tok.

16. Atuk ǵ Lom ǵ okla il ai vla ma, kvpitvni hvt aboha kvllo vlvhpa yatuk ǵ nan apesvchi i kvpitvni hǵ ont ibbak fohki tok; amba Pal ano ik yohmi im ahni na, ilap bano hosh isht ǵya tuk tvshka chipota ya awant anta tok.

17. Atuk ǵ yakohmi tok, nitak tuchina ont taha ma, Pal vt Chu hochitoka vhleha hǵ hoyot itahobi tok; micha itahoba ma, Hatak il itibapishi vhleha ma! vno vt okla hoka, micha pin tikba nana a kaniohmi a puta kia nana im ai isht a kaniohmi li kvv iksho nana kia, Cheluselem ǵ vttvt talakchi yosh Lom okla hǵ ibbak fohka li hokvno.

18. Atuk ǵ yvmmak ashot okla achukmalit vm asilhhvchit taiyahli mvt, isht ai illa he vlvhesa mvt, si a takali keyu hatuk oka okla ǵ hotofa he tuk.

19. Yohmi kia Chu vhleha yvt yvmma a sanalit anumpuli ma, vno vt ik kaniohmi kia, Sesa ya im anoli la hi vt, vm anukfila ha tok; vm okla talaia ka nana hǵ isht ai atokoli la hi vt vm ǵsha ha tok ǵ keyushke.

20. Yvmohmi hatuk osh ilvppa a yakohmi pulla kak ǵ hvchi pisvt isht hvchitim anumpuli la chi hosh hvchi hoyo li tuk oke; Israel nan pit ai ahni a tok pulla mak ǵ, tvli ita-takvli ilvppvt isht sa talaiyakchi hokvt; im ahanchi tok.

21. Mihma, Chishno ǵ chi nanumachi holisso kvv Chutia ya minti kvv ik pim vlo; yohmikma il itibapishi vhleha ak kia ai vla kvv kanima mvt, nana ik achukmo nana kia chi anolit anumpuli chatuk keyushke.

22. Yohmi kia chishno nana isht chim anukfila kano haklo ka il ahnishke; amba iksa ilvppak okvno na mihachi kv̄t kanima mominchi hoka, il ikhaiyanvshke; okla im achi tok.

23. Micha nitak okla pit im apesa tuk ɔ, laua kv̄t ai vtta ya okla ant iba chukowa tok; mihma yvmmak osh Chihowa apelihika ya atokolit im anolit, Moses i nan-vlhpisa, micha hopaii vhleha i holisso puta ka akohchit, Chisvs a isht ai anukfohkichit ahanta na onnahinli tuk vt opia tok oke.

24. Yohmi ma nana kv̄t anumpa tuk puta ka kanimi kv̄to yimmi ma, anonti kanimi mv̄t ik yimmo ki tok.

25. Micha okla ik ai it achvfo mv̄t, Pal vt anumpa achvfa anumpulit, Shilombish Holitopa yvt hopaii Esaias a, ahli hosh ai isht anumpulit hv̄pin tikba vhleha ya,

26. Oh ia cha, okla ilvppa haklo hokvno hv̄sh haklo kia hv̄chik akostinincho ka hi oke; mikmv̄t pisa hokvno hv̄sh pisa kia, yakohmi hv̄chik ai ahno ka hi oke; hv̄sh in ahanchashke.

27. Yvmmak keyukmv̄t nishkin a ishit pisa cha, anonti haksobish ma, ishit haklokmv̄t, anonti chukvsh a akostininchi cha inlv̄t im anukfila na, hlakofichi la hinla ka, okla ilvppa chukvsh vt nusilhha fehv̄t taha ma, anonti haksobish mv̄t haponaklo kv̄t in takobi ma, anonti nishkin a okla okhishta hoka; im ahanchi tok.

28. Yvmohmi hoka, Chihowa yvt isht ai okchalnichi ya okla inla puta kak ɔ ima ka, yvmmak okv̄to haponakla chi hoke, hv̄sh ithaiyanashke; achi ma, tisheli tok.

29. Yvmmv̄t anumpa ilvppa ahanchit ont issa ma, Chu vhleha yvt tisheli cha, ilapo bika yak ɔ itim anumpuli fehna hosh maya tok.

30. Yvmohmi ma Pal vt, ilap chuka puta tuk vt ahanta na, afv̄mmi tuklo vlhpiesa hlopulli tok; yohmi mv̄t kv̄na hosh i nowvt ayvt vla ka aiokpahanchi banot,

31. Chihowa apelihika ya isht anumpulit, hatak nana hosh im alv̄mmi iksho ho, nana kv̄t Chitokaka Chisvs Klaist a pit ai ahalaiia putakma nukwaya iiksho hosh im abahanchi beka tok oke.

HOLISSO PAL UT CHUCH LOM

A HIKIA HO I HOLISSOCHI TOK.

CHAPTER I.

Vbanumpa yimmi Lom aiasha ka Pal vt pit aiokpuchi, 1; 16 **V**banumpa hvt nana, micha nan vllhpiesa nana hq isht otaiyani; 18 **n**nashvchi moma ka Chihowa yvt i nukkilli; 21 nan ik ithano okla nan im ai ashvchika yvt nana hatuk okma anoli.

1. **P**AL, Chisvs Klaist in tishu, apostel toba kv̄t, Chihowa im vbanumpa isht vtta hi osh vlhtoka tok vt,

2. Yv̄mma tikba pilla kash o Chihowa hvt Holisso Holitopa yak o i hopaii v̄hleha h̄a isht ai anohonli kv̄t,

3. Ilap Ushi Chisvs Klaist hv̄pin Chitokaka, yv̄mmvt haknip imma hokv̄no Lewi isht atiaka yo isht atoba kak atok;

4. Micha shilombish holitopa hokv̄no illi tuk osh falamvt tani kak osh Chihowa Ushi nan im ai ghli fehna kv̄t isht otaiyani ai okl̄uha tok:

5. Yv̄mmak atuk pulla mak o isht ai i kana, micha vbanumpa isht-ai vtta vlhtoka aiena ka il ai eshi ka, oklushi moyuma kv̄t vbanumpa h̄a im antia na ilap h̄ohchifo hvt isht a holitopa hi atok:

6. Yv̄mmak o ibai achv̄vt Chisvs Klaist a im a hv̄chi vlhtohoka tok:

7. Lom aiasha moyuma Chihowa i holitopa, vbanumpuli tohomba tok moyuma ka Piki Chihowa, micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo kv̄t hv̄chi anukfoyukashke.

8. Ummona ka Chisvs Klaist ak atuk mak o hv̄sh moyuma ka hv̄ch ithaiyanvt, na hv̄chi yimmi hoka annohqv̄vt

yakni moyuma ka a hlopulli kak o, an Chihowa ya yak oke, pit im ai ahni li hoke.

9. Yohmi ka yvmmak oka ilap Ushi im vbanumpa hak o ai isht sa shilombish oka isht in toksahanli li kvv, anumpa ilbvsha anumpuli li puta kvv pit hvch ithaiyana bieka uosh, isht hvchi anumpohonli li kvv ak isso kamohmi hoka, Chihowa yak osh nan atokowa si anoli yoke.

10. Himak a yohma he yoba tuk o nitak vt ik hopako kia achukma biekvv avvt, Chihowa yak osh ai ahni pulla na hvchim ona la he ak osh asihihla lishke.

11. Yohmi ka hvchi pisa sa bvna fehna kvv, shilombish isht im achukma he yak o hvchi hopela li, nana ka isht hvchi hlampka hi atok.

12. Ilvppvt nana ka hvch ibai yukpa li hokbano, na yimmi bika pia hatuk oka, achi li hoke.

13. Yohmi ka itibapishi li vhleha ma! hvch im ona la hi okvt himonng vm anukfihinla kvv, nan-vni kaniohmi ka hvch itintakla ya ai ishi li kvv, Chentail inla vhleha ha ai ihishi li tok a chiyuhmi ak inlikbano ahni li tuk kia, si ataklama na himak a hvch ik ithano ka he ai ahni li keyu hoke.

14. Klik, micha Bvlbaha vhleha, nan ithana, nan ik ithano aiena ka vbanumpa ha isht im anumpohonli la he vm vlhpisa hoke.

15. Yohmi hoka, vno yokvto Lom hvsh ai asha kak kia, vbanumpa isht hvchim anumpohonli la chi kvv vm vlhtaha hoke.

16. Yohmi ka Klaist im vbanumpa ha i sa hofahya he keyu hoke: yohmi ka yvmmak okvt Chihowa nan im ai ahli pulla hatuk ak o kvna hosh yimmi puta hokvto isht ai okchaya hoke; vmona ka Chu hak osh ai yvmohmi ho, anonti Klik vt ai yvmohmi ak inlishke.

17. Yohmi ka yvmmak o na yimmi ak atuk pulla kak o Chihowa i nan isht okchalinchi yvt na yimmi vhleha ha im otaiyani hoke; holihiso kvv, Ai-vlhpiessa yokvto na yimmi pulla kak osh isht okchaya hi oke, achi hoka.

18. Yohmi ka Chihowa vba yakni binili nan isht i nukkilli yvt hatak vt Chihowa ik holitoblo, micha nan ai vlhpiesa

keyu yvmohmi puta kv̄t anumpa ai gh̄li ka ataklv̄mm̄i kak q̄ onvtuyula hosh otaiyani hoka.

19. Yohmi ka Chihowa imma ka isht ithvna hinla ka ilap inli kv̄t isht otaiyani hoka, Chihowa yak osh ĩ haiakv̄chi hatuk oka.

20. Yohmi ka yakni, micha nan okluha vba ai asha kv̄t toba tok takla ka nana nishkin isht pisa he keyu Chihowa immi puta ka akostininchi fehna kv̄t nan okluha tohomba tok a Chihowa nan okluha im ai gh̄li, micha okchayvt bilia yoka isht akostininchi hatuk osh nan isht a miha hi vt ik im ikshoshke.

21. Yohmi ka Chihowa yoka ithana ha yokvt, Chihowa chohmichit ik holitoblo kish, yak oke ik im ai ahno, amba im anukfila kv̄t nan isht ik ahobo tobt, chukv̄sh anukfila iksho v̄t okhlilit kv̄nia tok.

22. Yv̄mmvt hopoyuksa ilahobi hosh ik hopoyukso toba tok.

23. Micha Chihowa illa he keyu isht a holitopa ya kan-
chit na holbtv̄t toba hatak illa he, micha hushi, micha nam-
poa iyi ushta, micha nana balali puta aiena ka holbtv̄t toba
h̄q̄ holitobli tok.

24. Yvmohmi hatuk ak q̄ Chihowa hokvt ilap inli chu-
kv̄sh okpulo nan ai ahni puta kak atuk mak q̄ na liteba ya
a yvmohmit, ilap haknip puta kash inli isht ik iti hofahyali,
im ai ahni tok ak inlishke :

25. Yohmi ka yv̄mmvt Chihowa ĩ nan ai gh̄li yoka holabi
yq̄ isht ai ikbi cha, natoba yak q̄ aiokpv̄chit, in toksahanli
kv̄t Nan ikbi ya ĩ shahlichit tok : yv̄mmak okv̄to holitopvt
bilial yoke. Amen.

26. Ilv̄ppak atuk pulla kak q̄ Chihowa hv̄t ant ik yvmoh-
mi ai ahni h̄q̄, havi isht ile hofahyali ilaiyuka ka ai yvmoh-
mi tok. Yohmi kv̄t ohoyo hak kia nana ka ai yvmohma he
atuk ash q̄ ai inlv̄chit, ohoyo hv̄t ai yvmohma he atuk keyv̄
ka yvmohmi tok.

27. Mihma nakni yak kia ohoyo hak q̄ ai yvmohma he
atuk vt issa cha, it ĩ havi anukfilli kv̄t luh̄wa fehna mv̄t,
nakni vt nakni b̄ika ka isht a hofahya yak q̄ it ĩ yvmihinchi

hosh, ilap nan ai ashvchika isht vlhtoba ai vlhpiesa mak q ilap ash inli hosh ihishi tok.

28. Micha Chihowa hoka ithaiyana ka ik bunno hatuk oka, Chihowa hv̄t ant ik yvmohmí ai ahni hq̄, im anukfila okpulo yoka nan isht ai ahni hosh, nan isht a hofahya he puta ka yvmihinchi tok.

29. Yohmi hosh nan ai vlhpiesa keyu, itin lumaka, nan okpulo anukfilli, nan anushkunna, inla chukvsh hotopali bunna, nan it i potvno, hatak bika vbi, itachowa, it i hak-sichi, nan isht i nukkilli, inla lumvt na mihachi aiena ka isht ai alotovvt kvnia hatuk osh,

30. Inla ya ashakachit na mihachi puta, Chihowa i nuk-killi vhleha, na hofahyalit isht anumpuli, ilefehnvchi, ilauata, nan isht ik achukmo puta ihikbi, iki, ishki ita tuklo ik im antio,

31. Nan im anukfila iksho, nan it im vlhpisa kobvffit shahli, im vlla i hullo ik im iksho, it i hopohla himma keyu, it i nukhaklo ik im iksho :

32. Yvmmak okvt Chihowa i nan vlhpisa yvt, kvna hosh nana yvmma chiyuhmi ka yvmihinchi hokvt isht ai illa he vlhpiesa achi ka ithana kia ; yvmma yvmihinchi kak bano keyu, amba kvna hosh yvmihinchik mak q isht im ai achukma hoke.

CHAPTER II.

Kvna hosh nanashvchi hokvto nana hq̄ isht apohpoacha hi vt ik im iksho, 1 : 6 mikmvt Chu yokmá, keyukmvt Chentail okmá, nana hatuk oh kia Chihowa i nan vlhpisa hq̄ im a hlakofa he keyu.

1. YVMOHMI ka kvna chia hoh kia inla anumpa ish onochikmvt, nan isht ile mihacha hi vt ik chim ikshoshke, hatak chia ma ! kvna chia hosh inla anumpa ish onochi hokmvt, nana yvmmak ash inli hq̄ ish ai yvmohmi chatuk okvt ; nana hq̄ inla ya ish onochi kv̄t, chishno yash inli hosh anumpa ish il onochi hoke.

2. Yohmi kia ilvppa chiyuhmi yvmihchi puta hokvno

owa yokvt ai ghli mak o nan vlhpisa ya onochi hoka il ynvshke.

Yohmi ka hatak chia ma! nana yvmma yvmihinci ka anumpa ish onochi mvt, yvmmak ash inli ho ish ihinci kv, Chihowa i nan vlhpisa ya ish ai i hlakofa t, chim ahoba cho?

Micha Chihowa isht chi kana ya isht ish ile kostiniche atuk vt chik ithaiyano hosh, isht chi kana fehv, t ile salalit, na palvmmi chi onocha hi osh ile halanli t ka ish shitelama cho?

Amba chi chukvsh kvlllo nan ai ashvchika isht nuk-o keyu yak o ish iakaiya hosh, Chihowa yokvt nan ai iesa apesa ka otaiyana he, micha ai ilbvsha nitak vt otai-kma, a chilbvsha hi vt ish il im itvnahanlishke.

Yvmmak okvto hatak puta kv ilap nana kaniohmi tok isht ai im atobba hi oke.

Yohmi kv kvna hosh nuktaiykv achunanchit nan ikma yvmohmi kv, isht a holitopa, micha isht annoa ikma, micha isht ai illa he keyu bohoyo hokvno isht ai naya bilia he im apesa hi oke.

Amba kvna hosh Chihowa ya i sanali, micha anumpa ali ik holitoblo hosh, amba nan ai vlhpiesa keyu a yvm-i yokvno, isht i nukkilli chinto kv onvtuyula hi oke,

Micha hatak nan ik achukmo yvmihchi puta hokvno ai ilbvsha, micha isht anukhvmmi aiena hosh onvtuyula ; Chu ak o tikba onvtuyula cha, Chentail ak kia onvtu- hi oke :

0. Amba isht a holitopa, micha isht annoa achukma, na isht it i nanaiya aiena hosh hatak nana achukma yv- inchi puta hokvno onvtuyula he ; yohmi kv Chu ak o a onvtuyula cha, Chentail ak kia onvtuyula hi oke ;

1. Yohmi ka Chihowa hokvto hatak puta ka it i shah- alichi kv ik im iksho hoke.

2. Yohmi ka laua kaniohmi hosh vba nan vlhpisa yvt n iksho hosh nan ashahanchi hokvto, vba nan vlhpisa o ho ai okpulo kv kvnia mak inla he ; mikma laua kan- ni hosh vba nan vlhpisa yvt in tonla hosh nan ashahan-

chi hatuk mvt, vba nan vlhpisa yak o nan isht ai im vlhpisa hi oke :

13. Yohmi ka vba nan vlhpisa ya haklo vhleha hak osh Chihowa itikba ya isht ai vlhpiesa ho keyu, amba vba nan vlhpisa ya yvmihinchi vhleha hak osh ai vlhpiesa hoke.

14. Yohmi ka Chentail vba nan vlhpisa ik im iksho vhleha hvt ilap nan anukfilli hosh nana a kaniohma he vba nan vlhpisa ya foka tuk a yvmihinchi hokmvt, yvmmvt vba nan vlhpisa yvt ik im iksho ak inli kia, ilap ash inli hosh isht im il i nan vlhpisa yoke.

15. Yvmmak osh vba nan vlhpisa yvt nan i miha ka otv-ninchi kvv i chukvsh oka ai o holihiso ho, ilap nan isht il akostininchi yak kia nan atokowa ka ibai anohonli, mikma im anukfila puta kvv i himmak ano ilap ash inli hosh anumpa isht il onochi, isht il achukmali, kanimampo ka it im anohonli hoke.

16. Yohmi kvv Chihowa hokvt vm vbanumpa ak atuk pulla kak o Chisvs Klaist oka ishit hatak im anukfila luma puta tuk a nan im apesa he nitak yvmmak fehna ka yvmohma hi oke.

17. Yakeh ! Chu chi hohchifo kvv, vba nan vlhpisa ya ish anukchieto hosh Chihowa ya isht ish ilauata ;

18. Micha vba nan vlhpisa ya isht a chim vlbvchi hatuk osh, nan ai ahni ka ish ithana, micha nan achukma i shahli ka ish holitobli hoke ;

19. Micha nishkin tamoa ya in tikba hika, ai okhlilika anukaka aiasha ka im pvla sia hoke, ai ahnit ish ile yimmi hokvt ;

20. Micha im anukfila iksho kostininchi, vlla chipinta nan im avvchi, nan ithana, micha nan ai ahli vba nan vlhpisa foka ka ai isht ithvna ish ishi hoke.

21. Yvmohmi ka chishno yvt inla nan ithvnanchi chia hokvt, chishno inli kvno chik il ithvnancho cho ? Hatak vt hukopa he keyu ho otvninchit ish anumpohonli hokak osh, chishno yvt ish hukopa cho ?

22. Hatak vt itin lumaka he keyu, ish ahaya hokak osh, sh itin lumaka cho ? Na holvvt toba ya i yuwalvt ish shi-

tilema hokak osh, Chihowa ya nana ish ima hi atuk vt ish ishi cho?

23. **Uba nan vlhpisa isht ish ilauata ho kak osh, vba nan vlhpisa yash kobvffit Chihowa ya isht chik holitoblo cho?**

24. **Yohmi ka, Yohma hi o holihiso hatok oka, Chihowa hobchifo hvt Chentail vhleha ha ai i kvllakshi kvv hvehishno yak atuk pulla kak oke.**

25. **Yohmi ka vba nan vlhpisa yak o ish holitoblik mvno, hakshup tupa yvt isht ai achukma ai ghli; amba vba nan vlhpisa ya, ish kobvffi yokmvno chi hakshup tupa yvt hakshup ik tapo hoke.**

26. **Yvmohmi ka hakshup ik tapo yvt vba nan vlhpisa yvt isht ai vlhpiesa kak o holitobli hokmvt, hakshup ik tapo yash ot hakshup tupa yo chohma hinla keyu?**

27. **Micha hakshup ik in tapo yoh mak osh vba nan vlhpisa ya holitobli hokmvt, chishno yokvt holisso hvt chin tonla, micha chi hakshup tupa kia vba nan vlhpisa ya ish kobahafi ka, nan chim apesa hinla keyu?**

28. **Yohmi ka paknali yokvto Chu keyu, micha nipi ai otvni kvto hakshup tupa keyu hoke.**

29. **Amba im anukfila anukaka yokvto Chu oke; mikma hakshup tupa yvto chukvsh anukaka yak oke; yvmmak oka hatak okvt ahninchu keyu, amba Chihowa yak oke.**

CHAPTA III.

Chu okla nan isht im achukma kvv i shahli, 1. 9 Uba nan vlhpisa yvt nanashvchi Chu g isht im atokowa; 20 hatak nana hosh vba nan vlhpisa ya isht ai vlhpiesa he keyu: moma kvv na yimmi ho isht ai vlhpiesa; yohmi kia vba nan vlhpisa yvt akshot kvnia keyu.

1. **YOHMI ka Chu hvt nanta isht i shahli ho ishi ho? micha hakshup tupa ya nanta hak o isht im ai achukma ho?**

2. **Ai okluha bieka; vmmona ka Chihowa im anunipa hvt ibbak a foyuka hatok oka.**

3. **Yohmi ka kaniohmi kvv ik yimmo hatuk okma, nanta**

katiohmi cho? yummvt ik yimmo kak osh Chihowa yvt nan isht ai ghli yoka ik ai ghlecho hō?

4. Ik yvmohmo pullashke; ghli, Chihowa hokvto ai ghlikma, amba hatak moma kvto holabi ashke; yohma hi o holihiso hatok oka, Ish ai anumpohonli puta kvt ish ai ghla hi atok, micha nana chim vlhpisakmvt, ish imaiyacha hi atok.

5. Yohmi ka nan ai vlhpiesa keyu e yvmohmi kak osh Chihowa hvt nan ai vlhpiesa yvmohmi ka otvninchi hokmuno, nanta hak o il acha hinla hō? Chihowa hvt na palvmmi ka onochi kvt ik ai vlhpieso hō? Hatak vt anumpuli chatuk mak o anumpuli lishke.

6. Ik yvmohmo pullashke; yohmi hokmuno, Chihowa hvt okla moyuma ka katiohmit nan im apesa hinla hō?

7. Yohmi ka Chihowa nan isht ai ghli yokvt vno ak osh holabi li kak o isht i shahlit otvni na ilap vt isht a holitopa hokak o, nanta katiohmi hō nan ashvchi yō chiyuhmit nan vm vlhpisa hinla ak inli hō?

8. Amba nan ik ghlo isht a pi annohōwa kv, nan ik achukmo kak o e yvmohmi na nana kv isht ai achukmashke, il achi hō katiohmi hokak heto kvlochit anohonli hatuk a, nanta katiohmi hō ke yvmohmo cho? yummak ash nan vlhpisa hvt onvtuyula he vt ai vlhpiesa hoke.

9. Yakohmi ka katiohmi hō? isht a pim achukma kv yvmma il i shahli hō? Keyu kamohmi hoke; yohmi ka Chu, micha Chentail vhleha moyuma hokvt ai ashvchika nuta ai asha ka tikba kash il otvninchi tuk oke:

10. Yohma hi o holihiso hatok oka, ai vlhpiesa yvt iksho, achvfa kia iksho hoke:

11. Achvfona kia nana ka akostininchi kv iksho; achvfa kia Chihowa ya hohoyo kv iksho hoke.

12. Moyuma kv naksika yō itvnohōwa, moyuma kv itapihvt isht ai achukma hi vt iksho; achvfa kia nana achukma yvmihchi kv iksho; achvfa kia iksho hoke.

13. Ishit nulli yvt hatak a hollopi tiwa yoke; isunkvsh a isht haksihinchi; asps nan isht vbi yvt itivlbi anukaka ya fqka hoke:

14. Inla ya nan okpulo im ai ahnit anumpuli, micha anumpa na hotopali aiena kv̄t itih h̄a alotowa hoke.

15. Iyi yvt issish a hlatahampla ch̄i kv̄t pulhki hoke.

16. Isht ai okpulo, micha isht ai ilvsha aiena kv̄t i hina ya foyuka hoke :

17. Isht it i nanaiya hina ya ik ithano chatuk oke.

18. Chihowa isht i nukshopa yvt nishkin itikba ya ik im iksho hoke.

19. Yohmi ka nana h̄o vba nan vlhpisa yvt achi kv̄t, kv̄na hosh vba nan vlhpisa i nuta ai asha kak o im achi ka il ithana ; yohmi na itih puta kv̄t vlhkuma hi atok ; micha okla moyuma kv̄t Chihowa itikba ya nan vlhpisa yvt ai onvtula hi atok.

20. Yvmohmi hoka nan isht ai vta vba nan vlhpisa yvt ai ahni kak o hatak nana kia itikba ya ai vlhpiesa he keyu hoke ; yohmi ka vba nan vlhpisa yak o ai ashvchika ya isht ithvna yoka.

21. Amba himonasi kano nan ai vlhpiesa kv̄t vba nan vlhpisa holitobli kak o keyu, Chihowa hv̄t atahli tok a otaiyani kv̄t, vba nan vlhpisa, micha hopaii vhleha hv̄t nan atokowa anohonli tok ak atok :

22. Yvmmvt Chihowa i nan ai vlhpiesa Chisvs Klaist i yimmi kak o a minti mak osh moyuma ka im annohwa, micha yimmi moyuma, kv̄t anukfoyuka ; it im inla kv̄t iksho hoka :

23. Yohmi ka moyuma kv̄t nan ashvchi hatuk, micha Chihowa hv̄t ai ahvneha hi a ik ono hatuk oka :

24. Chisvs Klaist vt isht vlhtoba ya atobbi tok pulla mak o, Chihowa isht i kana ya pilla isht ai im vlhpiesa hatuk oke :

25. Yvmmak oka im issish a anukchieto hokmak o, Chihowa hv̄t haiakvchi tok ; yohmi hosh Chihowa hv̄t na palvmmi onocha hi osh ile halanlit, tikba nan ai ashahanchi tok a i kashofi kv̄t, nan isht ai vlhpiesa otvmincha hi osh yvmohmi tok :

26. Yohmi hosh himonasi ya nan isht ai vlhpiesa ya otvmincha ch̄i hosh yvmohmi kv̄t, Chisvs ak o i yimmi hokvno

nan ai ashvchika ya ai vlhpiesachi kv̄t, ilap vt ai vlhpiesa hi atok.

27. Yohmi ka nan isht ilauata yvt katimak o? Iksho kamohmishke. Nan vlhpisa nanta hak o isht ai akshu ho? nan isht v̄tta nan vlhpisa hak o? Keyu, amba na yimmi nan vlhpisa kak oke.

28. Yvmohmi hoka hatak vt vba nan vlhpisa ya holitobli tok ak o keyu, amba na yimmi pulla kak osh isht ai vlhpiesa il ai ahnishke.

29. Chihowa hv̄t Chu ak illa in Chihowa ho? yvmmv̄t Chentail ak kia in Chihowa ak inli keyu ho? Ahli, Chentail ak kia in Chihowa hoke;

30. Yohmi ka hakshup tupa yvt i yimmi hatuk pulla mak o, micha hakshup ik tapo yvt yimmi hatuk pulla mak o ai vlhpiesacha hi vt Chihowa achv̄fa illa hoka.

31. Yohmi ka na yimmi yatuk pulla kak o vba nan vlhpisa ya il akshochi ho? Ik yvmohmo pullashke: amba vba nan vlhpisa yak o il ai ahlich̄i hoke.

CHAPTA IV

Eblaham vt na yimmi hosh ai vlhpesa isht hohchifo, 1 : 18 na yimmi moma hokvno Eblaham vt iki; 26 na hv̄pim a yimmi ka yak kia ai vlhpiesa isht pi hohchifa chi.

1. YOHMI ka p̄iki Eblaham vt hakn̄ip imma hokvno nanta hak o ahayuchi tok o, il acha hinla ho?

2. Yohmi ka Eblaham vt vba nan vlhpisa ya isht ahanta kak osh isht ai vlhpiesa hokm̄v̄t, nan isht ilauata ishi; yohmi kia Chihowa itikba hokvno yvmohmi keyu ki tok.

3. Yohmi ka Holisso Holitopa yvt nanta hak o achi ho? Eblaham vt Chihowa ya i yimmi kak osh nan isht ai vlhpiesa yvt immi toba tok.

4. Yohmi ka na toksahanli ka isht im vlhtoba kv̄t isht i kana yo keyu, amba aheka yoke.

5. Amba toksahanli yak keyu, amba nan ashvchi ya ai

vlhpiesachi yak ɔ i yimmi hokvto, ilap na yimmi ak osh nan isht ai vlhpiesa yvt immi toba hoke.

6. Yvmma chiyuhmi ka hatak vt toksahanli keyu kia, nan isht ai vlhpiesa ya Chihowa hvt ima na nan isht ilaiyukpa ka Lewi ak kia isht anumpuli kv, t,

7. Kvna hosh nan ik ai vlhpieso yvt i kashofa, micha ai ashvchika yvt im ompoholmo hokvto, na yukpvshke.

8. Chitokaka yvt ai ashvchika ik im iksho yo chohmichi hokvno hatak yvmmvt na yukpvshke, achi tok.

9. Yohmi ka nan isht ilaiyukpa ilvppvt hakshup tupa ak illa ho immi ho? keyukmvt hakshup ik tapo yak kia aiena ho? Yohmi ka na yimmi yak osh Eblaham a nan isht ai vlhpiesa immi toba tok, il achi hoke.

10. Yohmi ka katiohmit immi toba tok ɔ? hakshup tupa hayak atok ɔ? keyukmvt hakshup ik tapo kisha kak atok ɔ? Hakshup tupa hayak atok keyu, amba hakshup ik tapo kisha kak atok.

11. Yohmi ka hakshup tupa yak osh nan isht atokowa, micha nan isht ai vlhpiesa isht ai ahli mak ɔ hakshup ik tapo kash inli hosh ishi tok; yohmi kv hakshup ik tapo kia, yimmi hokvno moyuma ka iki ya hi atok; yohmi ho yvmmak kia nan isht ai vlhpiesa yvt immi ak inla hi atok:

12. Yohmi kv hakshup tupa iki, micha hakshup tupa kak illa keyu, amba piki Eblaham vt hakshup ik tapo kisha ak inli kash osh yimmi a nohwa tok ak ɔ iakaiya yvmmak okvno iki ya hi atok.

13. Yohmi ka Eblaham, micha isht atiaka yvt yakni moyuma kv immi ha hi ɔ im issa kv, vba nan vlhpisa ya holitobli tok ak atok keyu, amba na yimmi nan isht ai vlhpiesa kak atok.

14. Yohmi ka vba nan vlhpisa yvmma anukchieto yak osh immi ha he yokma, na yimmi vt akshu toba, micha nan im issa tok a ai ahla he keyu hoke.

15. Yohmi ka vba nan vlhpisa yvto nan isht a palvmmi yoka; yohmi ka nan vlhpisa iksho hokvno, nan vlhpisa kobvffi iksho hoka.

16. Yvmohmi hoka isht i kana yak a hi atuk pulla kak o, na yimmi isht ai vlhpiesa kak oke: yohmi ho yvmmak ash isht atiaka moyuma ka nan im issa tok ash im ai ghla hi-atok: isht atiaka vba nan vlhpisa in tonla kash illa keyu, amba isht atiaka Eblaham e moyuma ka piki vt yimmi tok ak o chiyuhmi aiena kak o im ai ghla hi atok.

17. Yohmi ka, Oklushi lawa ka iki yo chikbi li tok; achi kvh holihiso hatok ak o yohmi hoke; Chihowa i yimmi tok yvmmak osh illi ya tanihinchi, micha nana kvh ik yvmohmo kisha kia, yohmi tuk ash inli ho chohmichit isht anumpohonli yvmmak o itikba ai yvmohmi hoke.

18. Yvmmtv yohma he ik ahobo fehna kia, yohmi pulla chi ahnit, oklushi lawa ka iki toba hi atuk vt yimmi tok; yohma hi o anuhumpa hatuk oka, Isht chi ai unchululi hvh yvmohma hi oke.

19. Yohmi kvh yimmi kvh ik kullo keyu hokvt, sipokni kvh afvmmi tahlepa achvfa foka kia, ilap haknip vt himonasi kvno illi, micha Sela im oshvto yvt illi, ai ahni tok keyu.

20. Chihowa hvh nan im issa tok ash ik yimmot anuktuklo keyu; amba yimmi kvh kullo hatuk osh Chihowa hg holitohombli tok:

21. Michi nan im ihisa hatuk vt ai ghlichia he bano aiena ka nukfoyuka fehna tok.

22. Michi yvmohmi kak o nan isht ai vlhpiesa yvt immi toba tok.

23. Yohmi ka yvmmtv immi toba tok g, holihiso kak osh ilap ak atuk illa hak atok keyu:

24. Amba pishno ak kia pi holihiso ak inli tok; pin Chitokaka Chisvs okvt illi tuk g falaminchit tanichi tok g il i yimmi hokmtv, pishno ak kia pimmi toba hi atok oka,

25. Yvmmak ash ot pim ai ashvchika yak atuk pulla mak o illa chi hosh im vlhpisa tuk osh, isht pi ai vlhpiesa he mak o anonti falamvt tani tok.

CHAPTA V.

Na yimmi ho isht a pi vlhpiesa hokmak osh nan isht i kana Chihowa il ibai ishi, 1; 8 in tonwp pia hatuk kia Chisvs im issish pulla ho il itin nanaiya tok; 10 il itin nanaiya hokvt hovi okchaya chi pulla; 12 nanashvchi, micha nan illi itatuklo kvt Alvm ak o minti tok; yohmi hoka nan ai vlhpiesa micha nan okchaya itatuklo kvt Chisvs Klaist ak o a minti hoke.

1. YUMOHMI ka na yimmi pulla yak o isht a pi ai vlhpiesa hatuk osh, pin Chitokaka Chisvs Klaist ak atuk pulla mak o Chihowa ya il it i nanaiya hoke.

2. Yvmmak atuk pulla mak o isht i kana il a hiel ilvppa na yimmi pulla kak osh e chukowa cha, Chihowa isht a holitopa ya il isha he ahnit, pi yuhukpvshke.

3. Micha yvmmak illa keyu, amba na palvmmi puta ak atuk mak o pi yuhukpa ak inlishke; na palvmmi yak osh nuktaiyalvt achunanchi ikbi hoka, il ithana hoke:

4. Mikmvt nuktaiyalvt achunanchi yak osh Chihowa immi ai a atokowa isht ai il ithana ikbi hoke; micha Chihowa immi ai atokowa isht ai il ithana yak osh ai okchaya pisa he ahni ikbi hoke:

5. Mich a ai okchaya pisa he ahni yvt hofahyali keyu; Shilombish Holitopa yvt pi anukfoka hatuk osh Chihowa isht i hullo ya lauachit pi chukvsh anukaka ya pit fohobli hoka.

6. Yohmi ka hlampko ik pim iksho moma kak o ont ai vlhpiesa ma, Chisvs vt Chihowa ik holitoblo ya vlhtobvt illi tok.

7. Yohmi ka hatak vlhpesa yak ok mak o kanima kvv vlhtobvt illa he keyu chiyuhmi; amba hatak achukma yokvno kaniohmi kvv vlhtobvt illi kvv ik nukwiyo ka hinla chishke.

8. Amba Chihowa hokvto isht pi hullo otvninchi kvv, nan ashvchi pia moma kash o, Chisvs Klaist vt pi vlhtobvt illi kak a tok.

9. Yohmi ka himonasi hokvno im issish ak o isht a pi

vlhpiesa hokvt, yvmmak atuk pulla kak o isht i shahli fehnvt na palvmmi mihinti ka il i hlakofa hinla hoke.

10. Yohmi ka in tenvp pia moma kash ot, Ushi yvt illi tok pulla kak o Chihowa ya isht a il it i nanaiya hatuk okmvt, il it i nanaiya ha yokvt, ilap okchaya pulla kak o isht i shahli fehnvt isht a pi okchaya hinla hoke.

11. Micha yvmmak illa keyu, amba pin Chitokaka Chisvs Klaist ak atuk pulla kak o Chihowa ya isht a pi yuhukpa fehna cha, yvmmak atuk pulla kak o himonasi kvno isht il it i kana hoke.

12. Yvmohmi ka hatak achvfa nan ashvchi achvfa pulla ho ai ashvchika yokvt yakni paknaka yoka chukowa tok; micha ai ashvchika yak atuk pulla mak o nan illi yvt yakni paknaka yoka onvtuyula tok; yohmi hatuk o nan illi yvt hatak moyuma ka onvtuyula tok, moyuma kv ashahanchi hatuk oka.

13. Yohmi ka vba nan vlhpisa yvt ik holisso kisha ho ai ashvchika yvt yakni paknaka ya a takali tok: amba nan vlhpisa yvt iksho hokvno ai ashvchika yvt onvtuyula he keyu hoke.

14. Yohmi kia Alvm ai ahantvt Moses ai ahanta ant ai vhli Alvm nan ashahanchi tok a chohmi keyu moyuma kak kia nan illi yokvt i shaiyahli tok; yvmmak ash ot vla hi atok yvmma isht vlhpisa hoke.

15. Amba nan ai ashvchika yash o na hvlbina yvto ik chiyuhmo hoke. Yohmi ka achvfa hosh nan ashvchi kak o moyuma kv illi hokma, Chihowa hv isht i kana, micha isht i kana yak o isht a hvlbina yvt isht i shahli fehnvt, Chisvs Klaist, hatak achvfa, yvmmak atuk pulla kak o moyuma ka in laua hoke.

16. Micha achvfa nan ai ashvchi tok ash o na hvlbina yokvto chiyuhmi keyu hoke: yohmi ka ai ashvchika achvfa nan im vlhpisa kv isht ai i palvmmi yatok, amba pilla na hvlbina yak okvto ai ashvchika lava isht a kashofvt isht ai vlhpiesa yoke.

17. Hatak achvfa kash im ai ashvchika yak o nan illi yvt hatak achvfa kash pulla kak o isht i shaiyahli hatok okma;

isht i kana lawa, micha nan isht ai vihpiesa hvlbina lawa ka ihishi hokak heto isht i shahli fehnvt, hatak achvfa, Chisvs Klaist ak atuk pulla mak o ai okchaya ya a mikot aiasha hi oke.

18. Yvmohmi ka achvfa nan ashvchi kash pulla kak o isht ai i palvmmi yvt hatak moma kvv isht im vlhpisa tok ash inli chiyuhmit, achvfa i nan isht ai vlhpiesa yak pulla kak o pilla na hvlbina ai ashvchika i kashofvt isht ai vlhpiesvt okchaya hi vt hatak moyuma ka im gya hatok.

19. Hatak achvfa kash osh ik im antio pulla kak o moma kvv nan ai ashvchi vhleha toba tok ash inli chiyuhmit, achvfa kash osh im antia pulla kak o lawa kvv ai vlhpiesa toba hi oke.

20. Anonti ai ashvchika yvt lawa chi mak o, vba nan-vlhpisa yvt gya tok: yohmi kia ai ashvchika yvt lawa ma, isht i kana yvt isht i shahli fehnvt lawa tok.

21. Yohmi ka ai ashvchika yvt imaiyvt illihinchi tok ash inli chiyuhmit, isht i kana isht ai vlhpiesa pulla kak osh isht i shahlit pin Chitokaka Chisvs Klaist atuk pulla mak o, isht okchalinchi bilia hi atok.

CHAPTA VI.

Nanashvchi il ai ahanta he keyu, 1; 8 na baptismo pulla hosh yvm-mak ash il im illi hatuk okvt: 12 nan ahopoyuksa a yvmohma he osh pishno ak inli il im issa hatuk oka; himaka pilla ma nanashvchi yvt ik hvv i shahlo kashke: 22 nanashvchi atoksali isht im vltoba kvv nan illi.

1. **YOHMI** ka nanta hak o il acha hinla hq? Isht i kana yvt laua chi mak o, isht ai ashvchika ya e mahaya hinla hq?

2. Ik yvmohmo pullashke. Ai ashvchika ya il im illi ha yvt, katiohmi kak osh yvmmak ash inli hq il ai ahanta moma hinla hq?

3. Yohmi ka Chisvs Klaist ak o im a baptismo kvv, illi tok g isht a pi baptismo ak inli hatuk g, hvch ik ithano hq?

4. Yvmohmi ka pi baptismo pulla kak osh illit il iba hvl-

lopi hoke: yohmit Klaist illi tok vt Chihowa isht a holi-topa yak pulla kak o falamvt isht a tani tok ash inli chiyuhmit, pishno yak kia himonvt toba yosh il itonowa hi atok.

5. Yohmi ka ilap illi tok ak o isht a hoyulba hosh il iba hollokchi hatokmvt, illi tuk vt falamvt tani tok ak kia isht il a hoyulba ak inla hi atok.

6. Yohmi ka ai ashvchika haknip vt okpulot kvnia na himak a pilla hokvno ai ashvchika yvno il i yuka he keyu mak o, pim anukfila tikba yvt ititaiyukhvna yak o yvma ibai illi hatok, ilvppa il ithana hoka.

7. Yohmi ka kvna hosh ibai illi hokvto, ai ashvchika ya ai i mokofa hoke.

8. Anonti Klaist a il ibai illi hatok mvt, il ibai okchaya ak inla hi okvt, pi yimmishke.

9. Yohmi ka Klaist vt illi tuk vt, falamvt tani hatok okvt, himmakma illa he keyu: nan illi yvt himmakma imaiyacha he keyu ka il ithaiyanvshke.

10. Yohmi ka illi hokvto, himonna illa ho ai ashvchika pulla kak o illi hatok: amba okchaya hokvto, Chihowa hak o im ahantvshke.

11. Yvmak inli ho chiyuhmit hvchishno yak kia ai ashvchika ya il im illi ho mvhli, hvsh il ahni, amba pin Chitokaka Chisvs Klaist ak atok pulla mak o okchayvt Chihowa ya il im ahanta, hvsh il ahni ak inlashke.

12. Ai ashvchika yvt hvchi haknip illa hi a ik imaiyacho ki, im anukfila okpulo yvma hvch ik im antio kashke.

13. Hvchi haknip moyuma ka vlpesa ahnit, nan ik ai vlpieso isht a yvmohmi yo chiyuhmit isht hvsh ashvchi na; amba illi tok osh falamvt okchaya ho chiyuhmit, Chihowa ya hvsh il im issashke; micha hvchi haknip moyuma kv Chihowa yak o nan isht ai vlpiesa isht i yvmohmi mak o hvsh chiyumashke,

14. Yohmi ka ai ashvchika yvt hvch i shahla he keyu; yohmi ka nan vlpisa yak o nutaka hvsh anta keyu, amba isht i kana yak oke.

15. Yohmi ka katiohmi cho? nan vlpisa ya nutaka il

anta keyu; amba isht i kana nutaka yo il anta kak osh il ashvcha chi ho? ik yvmohmo pullashke.

16. Yohmi ka kvna ho in tishu tobt hvsh im antia hokmvt, kvna ho hvsh im antia kv, in tishu hvchia hokvt hvch ik ithano ho? Ai ashvchika isht ai illi, keyukmvt im antivt isht ai vlhpiesa yak okma, kanimampo yoke.

17. Amba ai ashvchika ya i yuka hvchia hatok ak inli kia, nan isht vlvchi kaniohmi ho hvchim vlvchi hatok vt hvchi chukvsh ak o isht hvsh holitobli hatok ak o, Chihowa ya yak oke, pit im ai ahni lishke.

18. Yvmohmi ka ai ashvchika ya hvsh ai i mokofa mak osh, nan isht ai vlhpiesa ya in tishu hvsh toba hatok.

19. Hvchim anukfila hv ik hlampko pulla kak o, hatak anumpuli chatuk mak o chiyuhmit anumpuli lishke; yohmi kv hvchi haknip moyuma ka vlhpesa ahnit, nan ik vlhpeso ya hvsh yvmohma chi kak osh, na liteha, micha nan ik vlhpeso aiena ka i yuka hvsh toba tok ash inli chiyuhmit, himonasi hokvno hvchi laknip moyuma ka vlhpesa ahnit, ai ashvchika yvt ik hvchim iksho ka chi kak osh nan isht ai vlhpiesa ya in tishu hvsh tobashke.

20. Yohmi kv ai ashvchika ya i yuka hosh hvsh ai asha mvt, nan isht ai vlhpiesa yvt ik hvchim iksho ki tok;

21. Yohmi ka nana yakohmi puta kvno nan isht il ai yukpa nanta ho hvsh ai ishi tok okak osh himonasi hokvno yvmak a tok a hvsh i hofahya ho? yohmi ka nana yakohmi puta ka ont im ai isht aiyopi hokvto nan illi hak oke.

22. Amba himonasi hokvno ai ashvchika ya ai i mokofa hatok osh, Chihowa yak o in tishu hvsh toba hosh, ai ashvchika i kashofvt isht il ai yukpa hvsh ishi hoke: yvmvt ont im ai ishtaiyopi kv ai okchayvt bilia yak oke.

23. Yohmi ka ai ashvchika ya isht vlhtoba hokvto nan illi hak oke; amba pin Chitokaka Chisvs Klaist ak atok pulla mak o Chihowa i na hvbina hokvto ai okchayvt bilia yak oke.

CHAPTA VII

Okchayvt anta kak illa hō vba nan vlpisa yvt onvtuyula, 1, 4 yohmi ka vba nan vlpisa ya il im illi tok; 7 yohmi kia vba nan vlpisa yvt nanashvchi keyu; 12 amba holitopa vlpiesa, micha achukma; nan vlpisa ya holitobli kv̄t ik onancho kak osh Pal vt nukhāklo tok.

1. ITIBAPISHI li vhleha ma! nan vlpisa ya ithana vhleha hak o im anumpuli lishke; yohmi ka hatak vt okchaya takla ka nan vlpisa yvt i shaiyahli hoka hvch ik ithano cho?

2. Yohmi ka ohoyo hv̄t i hatak ashakmv̄t, nan vlpisa ya nutaka ahanta hatuk osh, i hatak vt okchaya takla ka i filv̄mma he keyu; amba i hatak ak osh illi hok mv̄no, i hatak a i filv̄mma he keyu nan vlpisa yash o ai i mokofa hoke.

3. Yvmohmi hatuk o i hatak vt okchaya takla hō, hatak inla auwaya hokmv̄to, havi hohchifa hi oke; amba i hatak vt illi hokmv̄no, nan vlpisa yvmmak ash ai i mokofa hoke; yohmi hokvt hatak inla yo ik auwaya mak osh havi toba he keyu hoke.

4. Yvmohmi hoka itibapishi li vhleha ma! hvchishno yak kia Chisvs Klaist haknip atuk pulla mak o nan vlpisa ya hvsh im illi hoke: yohmi kv̄t inla yo hvsh auwaya kv̄t, illi tok vt falamvt tani tok yvmmak a hi atuk: yohmi hosh Chihowa yoka nan vnit hvsh i waya hi atok.

5. Yohmi ka haknip ak o i nutaka hosh il ai asha mv̄no, ai ashvchika anukfila puta kv̄t nan vlpisa atuk pulla mak o yvmohmit, haknip moyuma ka a toksahanli hosh isht illi ya vnit wahaya tok.

6. Amba himonasi kv̄no nan vlpisa ya il ai i mokofa kv̄t, i nutakvt il ai asha hatok vt il im illi hatuk okvt; Chihowa ya holisso tikba ya tok ak o isht il a holitobla he atuk keyu, amba shilombish himona yo isht e holitobla he atuk oke,

7. Yakohmi hoka nanta hak o il acha hinla hō? vba nan

vlhpisa yak osh ai ashvchika y_o? ik yvmohmo pullashke. Keyu, ai ashvchika y_g ak ithano ke tuk osh, amba vba nan vlhpisa ak atuk pulla mak _o ithana li tok; yohmi kv_t nan vlhpisa yak osh, Chik anushkunno kashke, achi hatuk ke-yukma, nan anushkunna y_o ithana la hi atuk keyu hoke.

8. Amba ai ashvchika yv_t vba nan vlhpisa atuk pulla mak _o nan-anushkunna ilaiyuka puta ka isht si anukfokihinch_i tok; vba nan vlhpisa yv_t iksho hokvno ai ashvchika yv_t illi yatok oka.

9. Yohmi ka vba nan vlhpisa y_g ak ithano hokvto, himonna ka sai okchaya tok; amba vba nan vlhpisa nan ai ahni kv_t vla mvno, ai ashvchika yv_t okcha tok: mihma svlli tok.

10. Micha vba nan vlhpisa yvmmv_t isht ai okchaya yosh vlhpihisa tok ash osh, isht illi y_o ahayuchi li tok.

11. Yohmi ka ai ashvchika yv_t vba nan vlhpisa yak _o isht okcha cha, sa haksichi tok; micha yvmmak _o isht svbi tok.

12. Yvmohmi hatuk _o vba nan vlhpisa yv_t holitopa, mikma nan vlhpisa nan ai ahni kv_t holitopa, ai vlhpiesa, micha achukma hoke.

13. Yvmohmi ka nana achukma yvmmak okak osh isht a svlla he an toba tok _o? ik yvmohmo pullashke. Amba ai ashvchika yak atok yohmi h_o ai ashvchika yv_t otvna ch_i kak osh, nana achukma ka isht a svlla he vm ikbi tok; yohmi h_o ai ashvchika yv_t ik achukmo atampa fehna kv_t nan vlhpisa nan ai ahni kak _o isht ai otvna hi atok.

14. Yohmi ka vba nan vlhpisa yvto shilombish imma hoka il ithanvshke; amba vno yokvto haknip nan ai ahni _i nuta sia, ai ashvchika y_g _i yuka sia hoke.

15. Yohmi kv_t nana h_o yohmi li kv_t, vlhpesa ak ahno; yohmi kv_t nana h_o ai ahni li hokvto, yvmmvno ak yvmihcho; amba nana h_o ak ahnichokmv_t, yvmmak _o yvmihchi lishke.

16. Yvmohmi kv_t nana ka ak yvmihcho hokbano ai ahni lik mak osh yvmihchi li hokmv_t, vba nan vlhpisa yv_t achukmvshke, vno yv_t ai ahni lishke.

17. Yakohmi hoka vno ak osh himmakma yvmma yvmi-

hinchu li kak keyu, amba ai ashvchika si anukfoyuka kak oke.

18. Yohmi ka vno ya sa foyuka, yvmmvt sa haknip anukaka ya nana achukma kvv iksho ka ithaiyana lishke: yohmi kvv nana achukma ai ahni hokvto si anukfoyuka; yohmi kia nana achukma yvmma yvmihinchu la he ak osh ak ahayuchoshke.

19. Yohmi kvv nana achukma kvno yvmihinchu la he ai ahni li kvv, ak yvmihchoshke; amba nana ik achukma kvno yvmihinchu la he ak ai ahno kia, yvmmvno yvmihinchu lishke.

20. Anonti nana ka ak yvmihcho hok bano ai ahni lik mak osh yvmihinchu li hokmvt, vno ak osh himmakma yvmma yvmihinchu li kak keyu; amba ai ashvchika si anukfoyuka kak oke.

21. Yakohmi hoka nana achukma ka yvmihinchu la he ai ahni likma, nana ik achukmo hokvvt si anukfoyuka a bilia kvv, il akostininchi lishke.

22. Yvmohmi hoka Chihowa i nan vlpisa ya vm anukfila himona yak okvno isht i hullo lishke.

23. Yohmi kia sa haknip nan ai ahni hokvvt inla hatuk osh, vm a nukfila nana ai ahni ka in tanahampi, micha ai ashvchika nan ai ahni sa haknip foyuka kak o i yuka sahakbi ho, pisa lishke.

24. Uno hatak ilbvsha fehna sia hoka, kvta hak osh isht ai illi haknip ilvppa a sa hlakoficha chi cho?

25. Pin Chitokaka Chisvs Klaist atuk pulla kak o Chihowa ya yak oke pit im ai ahni lishke. Yakohmi hoka vm anukfila hokvno Chihowa i nan vlpisa yoka isht holitobli li; amba sa haknip okvno ai ashvchika nan ai ahni kak o isht i yuka sia hoke.

CHAPTA VIII.

Klaist a kvna hosh ib ai achvfa cha, Shilombish nan ahni ho ahanta hokvto isht ai ilbvsha he nan vlpisa ya im ai i hlakofi, 1; 5-13 nan isht ahotopa he nana hosh haknip a atoba: 6-14 nan achukma nana hosh Shilombish a a minti, 17 mikma Chihowa im vlla toba

ka nana achukma nana hosh otvni; 29 nan isht ai okchaya hi vt Chihowa pulla hq tikba ma im vlhpisa tok; 38 nan isht i hullo ya nanta hosh isht a pit i filamincha hinla hq?

1. YUMOHMI hoka Klaist Chisvs ibai achvfa, haknip nan ai ahni kak o yvmohmi keyu, amba Shilombish nan ai ahni kak o iakaiya vhleha hokvno himonasi ka isht ai i palvmma he anumpa hv̄t im vlhpisa keyu hoke.

2. Yvmohmi ka isht ai okchaya Shilombish nan ai ahni Klaist Chisvs a minti kak osh ai ashvchika nan ai ahni isht ai illi yo a sa hlakofichi hatok oke.

3. Yohmi ka vba nan vlhpisa yvt nana ka ik atahlo kv̄t, haknip ak atuk pulla kak o ik ai ghlo hatuk o, Chihowa hv̄t ilap Ushi ak inli hq ai ashvchika isht vlhtoba mak o hatak nan ashvchi haknip q̄ hobachit auet kanchi hosh, haknip ak o ai ashvchika ya ai i palvminchi tok:

4. Yohmi hq pishno yokvno haknip nan ai ahni ka e yvmohomi keyu, amba Shilombish nan ai ahni kak o il iakaiya kak osh, vba nan vlhpisa isht ai vlhpiesa kv̄t pim ai ghla he atok oke.

5. Yohmi ka haknip nan ai ahni kak o iakaiya hokvto, nana puta haknip immi hak o i hulloṭ anukfihinli chatuk: amba Shilombish nan ai ahni kak o iakaiya hokvto, nana puta Shilombish immi hak o i hulloṭ anukfihinli chatuk oke.

6. Yohmi ka haknip nan ai ahni kak o isht ahanta hokvto isht ai illi yoke; amba Shilombish nan ai ahni kak o isht ahanta hokvto isht ai okchaya, micha isht it i nanaiya yoke:

7. Haknip nan ai ahni kak o isht ahanta hokvto Chihowa i nukkilli yoka; yohmi kv̄t Chihowa i nan vlhpisa ya im antia keyu, micha yohma hi o keyu kamohmi mv̄hlishe.

8. Yakohmi hoka haknip nan ai ahni kak o i nutakvt ahanta hokvto Chihowa ya yukpala himma keyushke.

9. Amba haknip nan ai ahni kak o i nutakvt hv̄sh ahanta keyu, amba Shilombish nan ai ahni kak o i nutakvt hv̄sh ahanta hoke; Chihowa imi Shilombish ak osh hv̄chi anukfoyuka ho mv̄hli hokmvt. Yohmi ka hatak nana hosh Klaist imi Shilombish q̄ ishi keyu hohmvt, immi hq keyu hoke.

10. Micha Klaist ak osh hv̄chi foyuka hokma, hv̄chi hak-

nip okvto ai ashvchika yak atuk pulla kak o illi hoke: amba hvchi shilombish okvto nan isht ai vlhpiesa pulla kak o okchaya hoke.

11. Amba Chisvs vt illi tuk a falaminchit tanichi tok imi Shilombish ak osh hvchi anukfoyuka hokmvt, Klaist vt illi tuk a falaminchit tanichi hatok ak osh hvchi haknip illi im vlhtayak ilap imi Shilombish hvchi anukfoyuka kak o isht okchalinchi ak inla hi oke.

12. Yvmohmi ka itibapishi li vhleha ma! nan aheka vhleha pia kvv haknip nan ai ahni kak o il im aheka yosh haknip nan ai ahni kak o il iakaiya hi o keyu hoke.

13. Yohmi ka haknip nan ai ahni kak o hvsh iakaiya hokmvt, hvch illa hi oke; amba Shilombish ak atuk pulla kak o haknip nan a kaniohmi puta ka hvsh illihinchi hokmvt, hvchi okchaya hi oke.

14. Yohmi ka laua kaniohmi ho Chihowa imi Shilombish ak osh anukfohkit isht aya hokvno, Chihowa ak o ushi vhleha hoke.

15. Yohmi ka anonti isht a hvchi nukshopa chi hosh yuka im anukfila ho hvsh ishi hatok keyu; amba vlla im anukfila ho hvsh ishi hatok ak o, pishno vt Abba, Piki, il achishke.

16. Shilombish Holitopa ak inli hosh pimi shilombish a nan isht atokowa it ibai anohonli kvv, Chihowa im vlla vhleha pia ka anolishke,

17. Micha im vlla pia hokmvt, isha he ai vlhpiesa pia: micha Chihowa yak o im ai isha he vlhpiesa pia, micha Klaist ak o it ibai isha he ai vlhpiesa pia hoke: yohmi ka il ibai ilbvsha ho mvhli hok mak osh il iba holitopa hi atok.

18. Yohmi ka yakni paknaka ilvppa nan isht ai ilbvsha puta hokvto nan isht a holitopa pim otaiyana hi a pit it vlhpisa hi a ik ono, ai ahni lishke,

19. Nana toba tok puta hokvto Chihowa ushi vhleha hvv isht otaiyana hi ak o pit hohoyo fehna hosh ai asha hoke.

20. Nana toba tok puta hokvto vlhpesa ik ahno kia, isht ai illa hi vt im vlhpisa tok: yohmi kia isht ai illa he im apesa kvv, isht a hlakofa he ahna hi a nukfohkit yvmihochi tok.

21. Yohmi hoka nana toba tok ash puta kv̄t isht a illa he ī yuka hatuk vt ai ī hlakofi cha, Chihowa im vlla vhleha kv̄t yuka keyut isht a holitopa yvt immi ak inla hi oke.

22. Yohmi ka nana toba tok puta moyuma kv̄t it ibai h̄ih̄ivt, it ibai ilbahasha na himak a hoka, il ithaiyanvshke.

23. Micha yvmmak illa h̄o keyu, amba pishno ak kia Shilombish isht ai vni waya v̄mmona ka il ishi kv̄t, pishno ak kia e h̄ih̄iha kv̄t vlla ai ḡhli e toba he, yvmmvt pi haknip isht a hlakofi yak ō e hohoyo hoke,

24. Yohmi ka nana kv̄t pim vlhtaha tok vt il isha he il ai ahni kak osh isht ai okchayvt il ahanta hoke: amba nana ka il ishi hokvt, himmak ō il isha he il ahna he keyu hoka: yohmi ka katiohmit hatak vt nana ka ishi kv̄t himmak ō ishi la hi oka, ahni h̄o?

25. Amba nana ka e p̄isa keyu hosh il isha ch̄i, il ai ahni hok mak osh nuktaiyalvt achunanchit e hohoyo hoke.

26. Yvmmak ī chiyuhmit Shilombish ak kia ik a pi hlampko puta ka pi apelahanchi fehna hoke: nana ka il asilhha he tuk ai vlhpiesa kv̄t pishno ak inli kv̄t il ithana keyu hoka; amba Shilombish ash inli hosh isht a h̄ih̄iha isht anumpa he keyu puta kak ō pi anukfokihinchi hoke.

27. Yohmi kia ch̄ukvsh puta silhhit akostininchi yak okvtō Shilombish vt nana h̄o pi anukfokihinchi ka ithana hoke: Chihowa nan ai ahni kak ō Shilombish ash ot vbanumpuli ḡhli puta ka nana ka anukfokihinchi hokvt.

28. Yohmi ka nan okl̄ha hokvt Chihowa ī hullo vhleha, ilap nan ai ahni tok pulla mak ō vlhtoh̄oka tok vhleha hokvtō, isht im ai achukma he mak ō it ibai toksahanli ka il ithaiyanvshke.

29. Yvmohmi ka tikbanli ithaiyana tok okvtō ilap Ushi yak ō hoyulba he mak ō tikbanli atokohonli mak inli tok; yohmi h̄o yvmmak ash ot itibapishi laua ka tikba vttahpi ha hi atok.

30. Anont̄i tikbanli atokohonli hatok okvtō hoyo mak inli tok: mihmvt hoyo hatuk okvtō ai vlhpiesvchi mak inli tok:

mihmvt ai vlpiesvchi hatuk okvto ilap isht aholitopa yo ib ai isha he im ai ahni tok.

31. Yakohmi kvno nana ilvppa puta imma hokvno nanta hak o il acha hinla ho? Chihowa hak osh pi kana hokma, kvta hosh pi sanala hinla ho?

32. Ilap Ushi fehna ka ik ilatombo hosh, amba pishno e moyuma hak atok pulla mak o pim issa tok vt, katiohmi ho yvmma pima hatuk vt nan okluha ka anonti pilla pima ak inla he keyu ho?

33. Kvta hak osh Chihowa im vltoka vhleha ha isht ai i palvmmi anumpa kia onocha hinla ho? Chihowa ak osh i kashofi hoke.

34. Kvta hosh nan vlpisa onocha hinla ho? Klaist ak osh illi hatok; ahli, yvmma i shahli, yvmmak osh falamvt tani hatok osh Chihowa ibbak isht impak imma yo binilit, yvmmak osh isht pi anumpohonli hoke.

35. Kvta hak osh Klaist vt pi hullo ka pi filvmmicha hinla ho? Isht ai ilbvsha, isht a palvmmi, hatak bika yvt pi hoto-pali, isht a hohchvfo, haknip bieka, isht ai illa he, keyukmvt bvshpo falaia yak a hinla ho?

36. Yohma hi o holihiso hatok oka, Chishno yak atuk pulla mak o nitak moma ka pihimbi na shohombishke, chukfi vlpoba vba chi kak o e chiyuhmi hoke.

37. Yvmmak illa keyu, nan okluha ilvppa puta ka ilap pi hullo tuk pulla kak o im aiyachi yak kia il i shahli hoke.

38. Yohmi ka isht illa he, isht okchaya he, enchil vhleha, enchil vhleha i shahli, miko puta, himonasi nana ai asha puta, himak a pilla ai asha he puta;

39. Isht a holitopa fehna, ilbvsha fehna, keyukmvt nana toba tok nana kia, pin Chitokaka Chisvs Klaist ak atuk pulla mak o, Chihowa il i hullo ka, pi filvmmicha himma keyu ka, sai yimmishke.

CHAPTA IX.

Pal vt Chu i nukhaklo, 1. 7 Eblaham isht ai unchululi moma kvv nan ai yukpa isha hi vlla keyu: 18 Kvna ho ahni hok mak osh

Chihowa yvt i nukhaklo; 28 Chentail vt yimma he; mikma nan ik yimmo kak osh Chu yvto ik holitopo ka he a tuk tikba anoa.

1. **KLAIST** ak o nan ai ghli ka isht ai anumpuli li kv̄t holabi li keyu, Shilombish Holitopa ak osh anukfokihinchi ho, isht akostininchi li yak kia nan atokowa ka anohonli ak inlishke.

2. Yohmi kv̄t sa chukvsh anukaka ya isht a nukhaklo bilia, micha isht a weki chinto kv̄t a foyuka kak osh miha lishke.

3. Yohmi ka itibapishi li vhleha,vm okla achufa yak atuk pulla mak o Klaist a i filvmm̄t sa kv̄nia hi a, ahni la hinla hokbano.

4. Yvmmak osh Israel isht atiaka vhleha hoke: yvmmak o ushi isht a toba, micha Chihowa yvt holitopa fehv̄t im otaiyani, micha nan it im v̄lhpisa puta, micha v̄ba nan v̄lhpisa in tonla, micha Chihowa isht aiokpv̄chi, micha ai okchayvt bilia puta im issa tok aiena kv̄t immi hoke:

5. Mihmv̄t iki vhleha tikba chash ot immi, micha yvmmak o Klaist vt hatak hakn̄p imma hokvno a minti tok osh, morna i shaiyahlit Chihowa holitopv̄t bilivshke. Amen.

6. Chihowa im anumpa hokv̄t aka itulv̄t kv̄nia tok o chiyuhmi keyu hoke. Yohmi ka Israel vhleha hak osh moyumv̄t Israel okla keyu hoke.

7. Michā Eblaham isht atiaka vhleha hokak osh moyumv̄t im vlla vhleha keyu ak inli: amba Aisaak ak o isht chi ai unchululi hohchifa hi oke.

8. Yohmi kv̄t hakn̄p imma im vlla vhleha hokv̄to, Chihowa im vlla vhleha keyu hoke: amba im issa tok vlla vhleha hak osh isht ai unchululi mak osh toba ho mak a chi hoke.

9. Yohmi ka nan im issa tok isht anumpa hv̄t ilvppak oke, V̄lhpisa tok nitak ont ai v̄lhpiesakma v̄la la hi oke, mikma Sela yvt ushi im v̄tta hi oke.

10. Michā yvmmak illa keyu; amba Lebeka yak kia achufa p̄iki Aisaak ak o isht ai i chakali hatuk o:

11. Yohmi ka vlla yokv̄t ik ashwo k̄isha hokv̄t, nana

achukma, nana ik achukmo nana kia ik yvmihcho kisha ak inli kia, nana h_o yvmihchi tok ak o keyu, amba ilap ak osh hoyo hatuk o vlhtoka kv_t Chihowa nana ai ahni tok vt ai ahla chi kak o;

12. Yvmmak ash o, Akni ak osh nakfish g i nutaka hi oke, im achi tok.

13. Holihiso kv_t, Chekob ano i hullo li tok: amba Esau yokvno ak i hullo ki tok, ahanchi hatok oka.

14. Yakohmi ka nanta hak o il acha hinla h_o? Chihowa hv_t nana yvmihinchi kv_t ik ai vlhpeso h_o? ik yvmohmo pullashke.

15. Yohmi ka, Kvna h_o i nukhaklo la he ahni likmvt, i nukhaklo la hi oke; micha kvna h_o i kana la he ahni likmvt, i kana la hi oke, Moses g im achi tok.

16. Yakohmi hoka yvmmak ash o, ilap nan aiahni hokma, mvlihinli kak okma, nana kak osh ishi h_o keyu; amba Chihowa yak osh i nukhaklo kak o yvmohmi hoke.

17. Yohmi ka, Chishno yak o nan isht vm ai ghli yoka ai otv_ninchi la he, micha sa hohchifo hokvt yakni moma ka hlopullit ai annohowa he, ilvppak fehna kak atuk mak o ik ahanta chim ai ahni li tok, Feleo ya Holisso Holitopa yvt im achishke.

18. Yvmohmi hoka kvna h_o i nukhakla he ahnikmvt, i nukhaklo hoke: micha kvna ho kvllocha he ahnikmvt, kvllochi hoke.

19. Yakohmi ka chishno yokvt, Nanta katihmi h_o ik ahnincho imoma h_o? Kvta hak osh ilap nan ai ahni ka i sanali hatuk o? is svm acha chi hoke.

20. Yohmi ak inli kia, amba hatak chia ma! kvta chia hokak osh Chihowa ya i sanalit ish anumpuli cho? Nana toba tok vt ikbi tok ash o, Nanta katihmi h_o yakohmichit chishno yvt is sakbi tok o? im acha hinla h_o?

21. Lukfampo ikbi yvt lukfi ya kanimihcha hi vt im ai vlhpiesa keyu h_o? lukfi yvmvaska miash inli ka achvfa kvto isht a holitopa, mikma achvfa kvto isht a kvllakshi ampo y_o ikbi chatuk keyu h_o?

22. Yohmi ka Chihowa hut ilap isht i nukkilli, micha ilap

nan isht ai ahli ya otvnincha he ai ahni kak osh, isht i nukkilli onvtuyula he nan ai vlhto okpulot kvnia he im vlhtaiyaha puta ka ilbvshala hi vt i svlaha fehna hatuk mvt :

23, 24. Micha ilap isht a holitopa lawa fehna ka i nuk haklo onvtuyula he nan ai vlhto puta, yvmmvt isht a holi-topa pisa hi o tikbanli im ataiyahli hatok vt, pishno yak fehna ka pi hohoyo hatok ; Chu okla hak bano keyu, amba Chentail okla hak kia ai isht otvnincha he ai ahni hatok okma, nanta katihmi cho ?

25. Hosea yak o isht ai anumpohonli mvt, vm okla vhleha hatok keyu ka vm okla vhleha hochifa la he : micha a holi-topa tok keyu kv, a holitopa hi oke, ahanchi ak inli hatok oka.

26. Yohmi ka, Um okla hvchia keyu ai im ahanchi tok ash inli, yvmmak o Chihowa okchaya im vlla vhleha a hoh-chihifa he mak oke.

27. Esaias ak kia, Israel imma ka chitolit isht anumpohonli mvt, Israel im vlla vhleha holhtina kv okhota on talaka shinuk ai asha kak o chiyuhmi ak inli kia, kashapa hosh okchaya he mak oke.

28. Yohmi kv ilap im anumpa ha ai ahlichia chi kv ai vlhpiesa hosh tushpa fehvt yvmihcha hi oke : yohmi hosh Chitokaka yvt yakni paknaka ya a yvmohma he vlhpisa tok anumpa ha ai ahlichia he mak oka.

29. Mikma Esaias vt tikba kash, Sabaolh in Chitokaka yak osh kashapa ka pim ashahanchi hatok keyukma, Sotom atok ash inli ho e chiyuhmi, micha Komolah yak o chiyuhmit e toba hi atok oke, ahanchi tok.

30. Yakohmi ka nanta hak o il acha hinla ho ? Chentail okla hv nan isht ai vlhpiesa yak o achunanchit hohoyo hatok keyu kv, isht ai vlhpiesa na yimmi yak o ai isht ai vlhpiesa yak fehna ka ihishi hatok oke.

31. Amba Israel okla hokvto nan vlhpisa isht ai vlhpiesa ya achunanchit hohoyo kv, nan vlhpisa isht ai vlhpiesa ya ik ai ono hatok oke.

32. Yohmi ka katiohmi hatok o ? isht ai vlhpiesa yash o isht ai yimmi kak o keyu, amba nan vlhpisa yak o a mihinte

hi ash o in chiyuhmit hohoyo hatok okvt. Isht ai ibetvbli tvli yvmma isht ibetvbli hatuk okvt.

33. Holihiso kv, Yakeh! isht ai ibetvbli, micha isht ai itula tvli yo Saion anukaka ya bohli lishke: yohmi ka kvna hosh i yimmikmvt, hofahya he keyu mak oke, ahanchi tok oke.

CHAPTA X.

Vba nan vlpisa, micha na yimmi yo isht ai vlpiesa kv itim inla ka anoli, 5, 11 Chu yokma, Chentail okma nana hohkia, na yimmi kv momvt hofahya he keyu, 18 Chentail vt vbanumpa ha holidoblit yimma he.

1. ITIBAPISHI li vbleha ma! sa chukvsh nan aiahni, micha Israel oka anumpa ilbvsha Chihowa ha isht im anum-pohonli li kv, okla okchaya he ak o ai ahni lishke.

2. Yohmi ka Chihowa ya ai yiminta fehna kia, ai ghli ithana keyu ka atokowa im ithaiyana lishke.

3. Yohmi kv Chihowa hv nan isht ai vlpiesa ya ataiyahli tok a ithana keyu hatuk osh, ilap inli i nan isht ai vlpiesa yo ai ghlichu bunna kv, Chihowa hv nan isht ai vlpiesa ataiyahli hatok okvno ik im antio hatuk oke.

4. Yohmi ka na yimmi puta hokvto isht ai vlpiesa he mak o, Klaist ak osh vba nan vlpisa nan ai ahni ka ai ghlichu yoke.

5. Yohmi ka Moses okvt vba nan vlpisa isht ai vlpiesa ka isht anumpuli mvt, Hatak vt yvmma puta ka yvmihinchik mvt, isht ai okchaya hi oke, achi tok oke.

6. Amba na yimmi isht ai vlpiesa hokvto yakohmichit anumpulishke: Chi chukvsh oka isht anumpulit, Kvta hak osh vba yakni yoka ont chukowa hi o? achi kv, Klaist a ont ilaelit aka isht vla chi ho? achi ka, chik acho kashke.

7. Keyukmvt, Kvta hak osh ahofobi fehna ka ont chukowa hi o? achi kv, Klaist a falaminchit tanichi cha, isht vla chi ho? achi ka, chik acho kashke.

8. Amba yvmmak ash ot nantuk achi? Anumpa hokvt chi bilikasi, chitakha anukaka yak fehna, micha chi chukvsh

nukaka foka hoke; achi kv̄t isht ai yimmi anumpa isht il numpuli kak oke.

9. Chishno yokvt chitih fehna ka Chitokaka Chisvs oka iht otv̄ninchit ish anumpuli, micha illi tuk a falaminchit shihowa hak osh tanichi tok a chi chukvsh oka isht chi immi hokm̄t, chi okchaya hi oke, yv̄mm̄t achi hoke.

10. Yohmi ka hatak vt chukvsh ak o isht ai yimmi kak sh isht ai v̄lhpiesa hoke; micha itih hak o Klaist a isht tv̄ninchit anumpohonli kak osh isht ai okchaya hoke.

11. Yomohmi ka Holisso Holitopa yvt, Kvna fehna hoh ia i yimmikm̄t, hofahya he keyu mak oke, ahanchishke.

12. Yohmi ka Chu, micha Klik ita tuklo ka nana kv̄t ai t im inla keyu hoke: yohmi ka Chitokaka moyuma i shai-rahli miash inli hosh ilapa i pahaya moyuma ka i nukhaklo vt a chinto fehna hoke.

13. Yohmi ka kvna hoh kia Chitokaka hohchifo ha i pahayakm̄t, okchaya hi oke.

14. Yohmi ka katiohmit yv̄mma i yimmi hatuk keyu kv̄t pahaya hinla ho? micha katiohmit yv̄mma haklo hatuk keyu kv̄t i yimma hinla ho? micha katiohmit vbanumpa isht anumpuli yvt iksho ka, hakla hinla ho?

15. Michav̄lhtoka keyu kv̄t katiohmit vbanumpa ha isht anumpula hinla ho? holihiso kv̄t, Isht it i nanaiyv̄chi vbanumpa isht anumpohonli, micha na hochukma isht anohowa isht ai yukpa puta isht aya ka iyi yvt yakeh! aiokli fehnvshke, ahanchishke.

16. Yohmi kia moyum̄t vbanumpa ha im antia hatuk keyu. Yohmi ka Esaias vt, Chitokaka ma! kv̄ta hak osh pim anumpa ha yimmi hatuk o? achishke.

17. Yakohmi hoka haklo kak osh isht a yimmi hoke: Chihowa im anumpa hv̄t isht anuhumpa pulla kak o a haklo hoke.

18. Yohmi kia haklo tuk keyu ho? Ih! ai ahli fehna; yakni moyuma ka itih ola kv̄t im ohona tok; micha anumpa puyuta kv̄t yakni hatak ai ahanta moyuma ka im ohona tok oke, v̄no v̄to achi lishke.

19. Amba Israēl vt ithana hatuk keyu ho? v̄no v̄to achi

lishke. Ummona ka Moses vt okla h_o keyu kia isht a chi nuktahlachi la hi oke, micha oklushi ik hopoyukso yo isht a chi nokowvchi la hi oke, achishke.

20. Anonti Esaias vt nukwaya iksho hosh, Sa hohoyo hatok keyu kv_t si abayuchi tok; si a ponahaklo hatok keyu ka im otaiyani li hatok, achishke.

21. Amba vm antia he keyu, micha a sanalit anumpuli okla hoka sabbak a pit i wiyeli li shohombishke, Israel okvno im ahanchishke.

CHAPTA XI.

Chihowa hv_t Chu moma kak o kanchi hatok keyu, 1; 7 kanimi kv_{to} chukvsh kv_{llochi} kia, kanimi kv_{to} okchaya he vlhtoka tok: 16 vbanumpa anukfohka hi yokvno im ahna he vlhpesa; 26 Chihowa yak osh ahnit imissa tuk atok oka, 33 Chihowa nan im anukfila yokvno kvna hosh hoyo kv_t im ithvna he keyu.

1. YAKOHMI ka Chihowa hv_t im okla fehna ka kanchit taiyahli hatok o? Ik yvmohmo pullashke; yohmi ka vno yak kia Israelait Eblaham isht atiaka Benchamin iksa sia hoke, achi lishke.

2. Chihowa hv_t im okla fehna tikbanli ithaiyana tok okvto kanchit taiyahli hatok keyu hoke. Holisso Holitopa yvt Elias ai isht anumpohonli ka chik ithano cho? Israel oka anumpa onochit Chihowa ya isht anumpohonli kv_t,

3. Chitokaka ma! chi hopaii vhleha ha ahambi tok, chim alta puta ka iba kullit akahanchi tok; yohmi ka vno ak bano hosh ahanta li ma, vm ilhfiohpak a tvbli bahanvshke, ahanchishke.

4. Yohmi kia Chihowa hv_t afalaminchit nanta hak o im achi h_o? Hatak tablepa sipokni untuklo hokvto Baal hol- bvt toba ya ik i hvchukbihlepo atuk okvno vno vmmi yo ilatohomba li tuk oke, achishke.

5. Yvmmak ash inli chiyuhmit himonasi ak kia isht i kanv_t isht ai vlhtoka tok vt kanihmi kv_t ai asha ak inli hoke.

6. Yohmi ka isht i kana yak okma, toksahanli tuk pulla yak o ai yvmohmi keyu hoke; yakohmi hokma isht i kana

yvt isht i kana keyu yoke. Amba toksahanli tuk pulla yak o ai yvmohmi hokma, isht i kana yak o ai yvmohmi keyu hoke: yakohmi hokma toksahanli yvt toksahanli keyu hoke.

7. Yakohmi ka katiohmi ho? Israel okvt nana hohoyo kvv ishi hatok keyu hoke: amba vlhtoka yak osh ishi hatok; mihma kashapa hokvto im anukfila hvv kvllot kvnia tok oke;

8. Yohmi ka holihiso kvv, Chihowa hokvt im anukfila nosilhhvt kvnia, nishkin nan isht pisa he keyu, micha hak-sobish nan isht hakla he keyu puta aiena ho ihima hatok; ahanchi hatok ash o ihima na himak a nitak g ai vlvshke.

9. Mihma Lewi vt achi kvv, Ai impa yvt isht ai ibetvbla he, micha isht ai itula he, micha isht ai okpula he, micha isht ai im vlhtoba he aiena isht ai in tobashke.

10. Michu nishkin vt im okhlili cha, isht ik peso hosh hlipkvchit maya na biliashke, achishke.

11. Yakohmi hoka ibetvbli hatok ak osh isht ai itulvt kvnia ho? Ik yvmohmo pullashke: amba isht ai itula hatok pulla kak o isht ai okchaya yvt Chentail g im vla ho isht a nuktahlancha chi hatok oke, achishke.

12. Yohmi ka yvmvvt isht ai itulvt kvnia kak o yakni moyuma kvv isht ai yukpa laua kvv im vla hokma, micha isht ik a lauwt taiyaha kak o Chentail vhleha ha isht ai yukpa lava kvv im vla hokma; isht ai alotowa hokak heno isht i shahli fehna hi o keyu?

13. Yohmi ka Chentail hvchia ha hvch im anumpohonli il kvv, Chentail im apostel sia hatok okvt, nan isht ai vttali ya holitobli lishke.

14. Yohmi hosh kaniohmit isht a nuktahlachit sa haknip ai achvfa kash kanimi kvno okchalinchi la hinla hokvvt,

15. Yohmi ka yvmma kaiyanchi kak o yakni moyuma kvv isht ai it i nanaiya hokma, yvmmak ash i kanvt falaminchit ishi hokak heno nanta ha hi o? amba illi tuk vt falamvt isht ai okchaya kak a hi o?

16. Yohmi ka vnit waya vmmona kvv holitopa hokma, a moyuma kvv holitopa ak inli hoke: micha hakshish vt holitopa hokma, naksish puta kak kia yohmi ak inli hoke.

17. Mihma naksish kaniohmi kvto atvptovt kvnia hokma,

alif haiaka ai offo chia hash osh ish ibafohka hatuk ; micha yummak ash ibafoka hosh alif okchi, micha hakshish aiena ka ish ibai ishi hatuk okmvt ;

18. Naksish puta ka ik ahobalot chik im ilauato kashke ; amba ish ilauata hok mak osh chishno yak osh hakshish ish il ai ishi keyu, amba hakshish ak osh chishi hoke.

19. Yvmohmi ka, Naksish kaniohmi kvv kobahlit kvnihiya kvv, vno yak osh iba fohka la he yak o yohmi hatok, ish acha chi hoke.

20. Ahli ; ik yimmo kak osh kobahlit kvnihiya hatok ; amba chishno vto na yimmi kak osh isht ish a hikia hoke. Chik ilefehnacho kashke, amba ish il akanlosechashke :

21. Yohmi ka Chihowa hvv naksish fehna yash kanchi nukwiya tok keyu hokmvt, chishno yak kia chi kancha he yoba ka, ahah ! ish ahnashke.

22. Yvmohmi ka Chihowa hvv isht i kana, micha isht palvminchi ya ho pesa : aka itula tok ash isht palvminchi ; amba chishno yokvno isht chi kana, ilap isht i kana yash o ish a mahaya hokmvt ; yummak keyu hokmvno chishno yak kia chayvt chi tupa he ak inli hoke.

23. Yummak ash kia ik yimmo kak o keyu hokmvt, iba fohoka he ; Chihowa hak osh yummak ash falaminchit iba fohoka hi vt im ai ahli hoka.

24. Yohmi ka chishno yvt alif haiaka ai offo yo a tupa hosh alif achukma yash, ai yvmohmi chatuk keyu kia, ish ibafohka hatok okma ; naksish fehna yatok ilvppak heto isht i shahli fehvvt ilap immi yatuk ash inli ka ibafohoka hinla keyu ho ?

25. Yohmi ka itibapishi li vhleha ma ! Islael a kashapa hokvt im anukfila hvv kahanlo na Chentail vhleha isht ai alotowa yvt vla he yak atok, anumpa ai ahli ik otano chatuk ilvppa hvch ik ithaiyano hosh, hvchishno ash inli hosh ile yimmit hvsh ai asha hi a ak hvchim ai ahnoshke.

26. Yakohmikmvno Islael vhleha hvv moyumvt okchaya hi oke ; holihiso kvv, Nahlakofichi yvt Saion ak o a mintit kohcha hosh ai ashvchika ya Chekob a ai isht i kahancha hi oke, achi hatok oka.

27. Micha ai ashvchika yash ai isht i kanchi likmvt, ilvpak o nan it im apesa la he tok mak oke.

28. Ubanumpa hash imma hokvno, hvchishno yak atuk pulla kak o yvmmak ash ot tvnvp vhleha hoke; amba vltoka yash imma hokvno iki vhleha yash ak atuk pulla kak o i holitopa vhleha hoke.

29. Yohmi ka Chihowa hvt na habenahanchi, micha atokohonli aiena kvt inlvchit im anukfila he keyu hoke.

30. Yohmi ka hvchishno yokvto tikba pilla kash Chihowa ya hvsh i yimmi hatok keyu; yohmi kia yvmmak ash ot isht ik a yimmo pulla kak o isht i nukhaklo yash hvsh ishi hatok ash o;

31. Chiyuhmit ilvppak ash ot himonasi ka ik yimmo ak inli hatok kia, isht hvsh i nukhaklo yak atuk pulla kak o ilvppak ash kia isht i nukhaklo ya ishi mak inla hi atok.

32. Yohmi ka Chihowa hvt yvmmak ash moyuma kvt ik yimmo ka he im ai ahni hosh moyuma ka i nukhakla he ak atok.

33. Yakeh! Chihowa hvt hopoyuksa fehna, micha nan ithana aiena kvt ataha hi vt ik im iiksho; nana apihisa ka akostininchit nana a kaniohmi puta ka silhhit ahayucha he keyu hoke.

34. Yohmi ka kvta hak osh Chitokaka im anukfila ha ithayana tok o? keyukmvt kvta hak osh nan i miha yatok o?

35. Keyukmvt kvta hak osh tikba ima hatok osh, anonti falamvt im vlhtoba hi atok o?

36. Yohmi ka nan okluha kvt yvmmak o a mihinti, micha yvmmak o isht a toba, micha yvmmak o immi mak osh tohomba tok; isht a holitopa yvt yvmmak o immit peh biliashke. Amen.

CHAPTA XII.

Chihowa ahnichit e yukpa la chi ka Chihowa nan isht i nukhaklo yash pi nukfokihincha hi a tuk, 1; 3 ilifehnvchit pishno ak inli ka isht ik pim anukfilo kashke; 6 amba kanima yo il a hikia na nana

ka yvmohma he vllpesa kv̄t a pi onutuyulak ma, mihi yō e yv-
mohmashke; 9 it̄i hullo, micha nana ka il a yvmihcha he vllpesa inla
aiena ka pim apesa; 19 afalvminchit nana ka ik vllpesalo ka hi
okvno pim ahni keyu hoke.

1. YUMOHMI ka itibap̄ishi li vhleha ma! Chihowa
hvt isht ī nukh̄aklo puta hak atuk pulla mak ō hv̄chi hakn̄ip
puta hokvno vba isht aiokpv̄chi okchaya, holitopa, Chihowa
yvt aiokpancha he vllpesa hō, yv̄mma isht hv̄sh ai ahan-
ta he vllpiesa hokvt, hv̄sh im issa he, hv̄chim ai ahni lishke.

2. Micha yakni ilvppak inli ka hv̄ch ik hoyulbo kashke;
amba hv̄chim anukfila hvt himonvt toba pulla hatuk mak
osh inlv̄t hv̄sh tobashke; yohmi hosh nan achukma, nan ai
vllpiesa, nan ai ḡhli Chihowa nan ai ahni ka hv̄sh akosti
ninchashke.

3. Yohmi ka isht ī kana yḡ vma hatuk pulla mak ō, ha-
tak hv̄ch ibafoka puta ka ilap ash inli kv̄t isht il anukfilla
he ai vllpiesa ka isht ī shahlichit isht ik anukfillo kashke,
im achi lishke: amba il oktambilit Chihowa hvt hatak hikia
aiyuka ka isht ai yimmi kaniohmi hō ima hatok ash ō, hatak
hikia aiyuka kv̄t isht il anukfillashke.

4. Yohmi ka pi hakn̄ip vt achvfa kia, pit ai achvfa hvt
laua, micha pit ai achvfa ilvppvt moyuma kv̄t nan isht ai
vtta yvt miash inli keyu kash ō:

5. E chiyuhmi hosh e laua kia, Klaist il ibai achvfa kv̄to
hakn̄ip achvfa pia, micha achvfa aiyuka kv̄t pit il it ibai
achvfa hoke.

6. Yvmohmi ka isht ī kana yvt kaniohmi hō il ishi hatok
ak osh na hv̄lbina puta kv̄t ilaiyuka hō il ieshi hokvt, Shi-
lombish anukfoyukvt anumpuli isht ai vtta yō e habena ha-
tuk okmvt, isht ai yimmi yak ō ai itilauī hō yv̄mmak ō isht
il ahantashke.

7. Mikmvt chv̄ch nan isht im vtta isht ai vtta yḡ e habe-
na hatok mvt, yv̄mmak ō isht il ahantashke; micha nan
ithvn̄anchi yokmvt, yv̄mmak ō isht ahantashke.

8. Micha vbanumpa isht atohnochi yokmvt, yv̄mmak ō
isht ahantashke: na hopela yokmvt, im anukfila apissali
hosh yvmihchashke: pehlichī yokmvt, ai ḡhli achukmashke:

ĵ nukħaklot nan isht im vtta yokmvt, aiokpanchi hosh yvmihchashke.

9. Isht ĵ hullo yvt isht il ahobi iiksho hashke. Nan ik achukmo ka ish ĵ nukkillashke; nan achukma hoka ish asi-tiashke.

10. Itibapishi chiyuhmit it ĵ kana fehnvt hvsh it ĵ hul-lashke; hvsh iti holitobli kvv hvsh it im ĵ shahlashke.

11. Nan isht vtta kvv intakobi keyu; chukvsh isht ai yiminta fehnvt, Chitokaka yak 0 in toksvli hosh isht hvsh ahantashke.

12. Ai okchayvt bilia pisa la he ai ahnit, hvchi yuh-pashke: na palvmmi hvsh pihisa kvv hvchi nuktaiyalashke: achunanchi hosh anumpa ilbvsha hvsh anumpohonlashke.

13. Ubanumpuli a bvna ka hvsh ĵ hopehinlashke: hatak ik ithano yĵ hvsh ĵ kana fehnashke.

14. Hvch ilbvshali ka isht im ai achukma he ai ahnit isht hvsh anumpohonlashke; isht ai okpula hi ĵ hvch ik ai ahno hosh, isht ai achukma he ak 0 ai ahnit isht hvsh anumpohonlashke.

15. Nan isht ilaiyukpa ka hvsh ibai yukpashke; micha nukħaklokma, hvsh iba nukħaklashke.

16. Hvchim anukfila hvv ai achvfvv hvsh it im anukfil-lashke. Isht a holitopa puta ka hvch ik hohoyo kashke: amba hatak ilbvsha yak 0 hvsh il itilaueshashke. Hvchish-no inli hvch ik ile yimmo kashke.

17. Hatak vt nan ik achukmo hvchi yvmihchi ka nan ik achukmo y0 hvch ik ĵ falamincho kashke. Hatak moyuma itikba yĵ nana achukma puta ka hvsh yvmihchashke.

18. Yohma he yobakma, hvsh a yvmohma he ai vlhpiesa kvv, hatak moyuma ka hvsh it ĵ nanaiya hosh hvsh ahantashke.

19. A holitopa ma! hvch ik il ai okho kashke, amba ai vlhpiesa isht im atobbi yak 0 hvsh il im issashke; holihiso kvv, Ai vlhpiesa isht atobba hi okv vmmi hatuk osh, afalaminchit atobbi la hi oke, Chitokaka yvt achi hatok oka.

20. Yvmohmi ka chin tvnvp vt hohchvfo hokma, ish ipetashke; itukshila hokma, nan ishko ish ipetashke; ilvppak

o ish yvmihchi hokmak osh luak tobaksi yo noshkobo ha ish o fohobla hi oke.

21. Nan ik achukmo i nutvt chik il ai okho kashke; amba nan achukma kak o nan ik achukmo ka isht ish imaiyachashke.

CHAPTA XIII.

Nan apesa ya im antia, mikmvt nana ka il i yvmohma he vlhpesa kvv inla mvt asha ka isht anumpuli, 1, 8 vba nan vlhpisa yvt ahla hi a holitobli, 11 atampli fehvvt impa, nan ishkot haksi aiena kvv ai okhlili ka yo yvmohmi hatuk osh kanima yo vbanumpa hvv atohwikeli hokvno ai otaiyana he keyu.

1. SHILOMBISH puta kvv nan vlhtoka i shahli vhleha ha im antiashke. Nan vlhtoka inla kvv iksho: amba Chihowa ak osh ai ahni ak bano hoka; nan vlhtoka puyuta ka Chihowa hak osh vlhtoka he ai ahni hoke.

2. Yvmohmi hoka kvna fehna hoh kia nan vlhtoka yoka i sanali hokvt, Chihowa hvv nan apesa tok a i sanali hoke: mikmvt i sanali vhleha hokvto ilap inli isht ai ilvsha yosh im vlhpisvt isha hi oke.

3. Nan vlhtoka vhleha hoka nan toksvli achukma yak osh ai i nukshopa yo keyu hoke: amba nan ik achukmo toksvli yak oke. Yakohmi ka nan vlhtoka yoka chishno yvt i nukshopa la he, chik ai ahno cho? Nan achukma kak o ish yvmohmashke; mikmvtto yvmmak ash o ish im a holitopa hi oke.

4. Nan isht chim achukma chi mak o yvmvvt Chihowa nan isht im vta hatuk oka. Yohmi kia nan ik achukma kak o ish yvmihchi hokmvt, chi nukshopashke: yohmi ka yvmvvt bvshpo falala ya peh pilla ieshi ho keyu; amba yvmvvt Chihowa nan isht im vta yosh nana ka ai ahlichit nan ik achukmo yvmihchi ya isht ai i palvmmi ka onohonchi mak oke.

5. Yvmohmi hoka isht ai i palvmma he ak bano kak o keyu, amba isht il akostininchi yak atuk pulla aiena kak o ish im antia pullashke.

6. Yohmi ka ilvppak atuk pulla kak o noshkobo chumpa ya ish atobbi makinlashke: yvmmvt Chihowa nan isht im vtta vbleha hatuk osh nana ilvppak fehna ka isht ahantvt bilia hoke.

7. Yvmohmi ka moma kvv ilap ai isha he ai vlhpiesa ka ish imashke: noshkobo chumpa ya kvna hosh isha he ai vlhpiesa kak o ish imashke: vlhpoyak isht ai vlhtoba ka shampa kvnia he tuk a kvna hosh isha he ai vlhpiesa kak o ish imashke: kvna ho i nukshopa he, ai vlhpiesa kak o ish i nukshopashke: kvna ho holitoba he ai vlhpiesa kak o ish holitoblashke.

8. Hatak nana kia aheka yvt ik chin takanlo kashke: amba hvsh it i hulla he vto hvsh it in takanlashke; yohmi ka kvna hosh inla ya i hullo hokvto vba nan vlhpisa ya ai ahlichy hoke.

9. Yohmi ka, Chik it in lumako kashke, Chik bo kashke, Chik hukopo kashke, Chik aholvbecho kashke, Chik anushkunno kashke; micha nan vlhpisa inla kvv takanli hokmvt, anumpa kanomosi, Chin chuka panta hatak a ish i hullo kvv, chishno ish il i hullo kak i chiyuhmashke, achi ilvppak o foka hoke.

10. It i hullo yvt nan ik achukmo in chuka panta hatak a ik i yvmihcho yoke: yvmohmi hoka it i hullo yak osh vba nan vlhpisa ya ai ahlichy mak oke.

11. Michay ilvppak o hvsh yvmohmashke: mikmvt himonasi ka nusi tuk vt pi okcha he hvshi kanvlli hvv ont ai vlhpiesa ka il ithaiyanashke; himonasi kvno isht ai pi ok chaya yokvt pi bilika kvv pi yimmi hatok ano i shahli hoka

12. Ninak vt ant ia hosi ma, nitak vt vla hosishke: yvmohmi hoka okhlili isht a toksvli puta ka e kaiyan-chashke: micha nan tohwikeli isht il atukkochi yak o e foyukashke.

13. Nitak itvnowa yak o chiyuhmit ai vlhpiesa hosh il itvnowashke: haksi, micha tasimbot tasali keyu, itiba nusat isht a havi keyu, itachowa, micha it i potvnot hvch ik it i nukkilho kashke.

14. Amba Chitokaka Chisus Klaist ak o hvsh foyukash-

ke; micha haknip nan ai ahni okpulo puta ka im ai ghlicha
chj kv̄t haknip ḡ nana hvch ik atahlo kashke.

CHAPTA XIV.

Nana kv̄t ilim itim inla mak osh il iti shetilima he tok keyu, 1; 13
amba nana ka ahah! il oh ahni na, nana ka il itim inla hoh kia, inla
m̄aya kv̄t isht ik pim ai ibetvblo kashka; 15 nana kv̄t yohmi ka
na laua hq̄ isht mihvt Pal vt otv̄ninchī hoke.

1. NA yimmi kv̄t ik ono ka hvsh i kana banashke;
micha im anukfila anuktuklo atuk ḡ nana isht chik im apeso
kashke.

2. Yohmi ka achvfa hokvto nan okluha ka vpa hi atuk vt
yimmishke; inla hokvto na yimmi kv̄t ik ono mvt, na waya
yak o vpvshke.

3. Yohmi ka vpa hokvt ik po hoka ik kanimancho kash-
ke; micha ik po hokvt vpa hoka nan ik im apeso kashke;
Chihowa ak osh i kana hatuk oka.

4. Kv̄ta chia hokak osh hatak inla in tishu hq̄ nan ish im
apesa hoh cho? ilap i shahli ak illa hq̄ isht im a hikia he,
keyukmvt isht ai im itula hi oke. Ahli, ai ghlit hikia hi
oke, Chihowa hak osh ai ghlichit hilecha hinla hoka.

5. Hatak achvfa hokvto nitak achvfa kv̄t inla ka i shahli,
ai ahnishke; inla hokvto nitak moma kv̄t itilauī, ai ahnishke.
Hatak puyuta kv̄t ilap im anukfila fehna ka ai ghlit anukfo-
yukashke.

6. Kv̄na hosh nitak ḡ holitoblikmvt, Chitokaka yak o i
holitobli hoke: mikma kv̄na hosh nitak ḡ ik i holitoblo hok-
mvt, Chitokaka yak o ik i holitoblo hoke. Kv̄na hosh vpak-
mvt, Chitokaka yak o im vpa hoke; Chitokaka yak o isht
aiokpvchi yq̄ ima hokvt: mikma kv̄na hosh ik pokmvt,
Chitokaka yak o ik im vpo hoke: yohmi kia isht aiokpvchi
yq̄ Chihowa yak o ima hoke.

7. E kanima kv̄t pishno inli il im anta keyu hoke: micha
hatak nana kia ilap inli il im illi keyu hoke.

8. Pi okchayvt il ahanta kv̄t, Chitokaka yak o il im ahan-
ta hoke; micha pilli hokmvt, Chitokaka yak o il im illi hoke

yvmohmi hoka pi okchaya, pilli, kanimampo hoh kia Chitokaka yak o immi pia hoke.

9. Yohmi ka Klaist okvt illi tuk vt falamvt okchaya kv, illi, micha okchaya it aieninchit in Chitokaka toba chi ilvp-pak fehna hatok oka.

10. Yohmi kia nanta katiohmi ho chitibapishi ha nan ish im apesa cho? micha nanta katiohmi ho ish itibapishi ha ish kanimanchi cho? e moyuma kv Klaist nan apesvt ai o binili ka itikba ya e hiohla hi oka.

11. Yohmi ka holihiso kv, Sai okchaya hoka iyikalaha puta kv a hvchukbihlapa hi oke; mikma isunlvsh puta kv Chihowa ha aiokpahancha hi oke, Chitokaka yvt achi hoke, achi hatok oka.

12. Yakohmi hoka e moyuma kv Chihowa hoka il im il anohonla hi oke.

13. Yvmohmi hoka himak a pilla kvno nan it im apesvt kil ahanto kashke; amba hatak nana kia isht ai ibetvbla he, keyukvt isht ai itula he nana kia itibapishi i hina ya ik bohlo ka he ilvp-pak o hvsh im anukfillashke.

14. Yohmi ka nana kv ilap ak inli kv ik kashofo kv iksho ka, Chisvs Klaist ak atuk mak o isht a sa nukfoyukvt, ithaiyana lishke: amba kvna hosh nana kv ik kashofo ai ahni hokvno, yvmvno nana kv ik i kashofo hoke.

15. Ish itibapishi hv nana ish pa ka isht ik im vlhpieso hokma, himak a i hullot ish nohwa keyushke. Yvmmak ash Klaist vt vlhtobvt illi hatok oka, chim ilhpak a isht chik okpano kashke.

16. Yvmohmi hoka nana achukma isht ish ilaiyukpa kv ik ai vlhpesot isht ik anumpo kashke.

17. Yohmi ka Chihowa apehlichika yokvt nan impa, nan ishko kak o keyu hoke; amba nan isht ai vlhpiesa, micha isht it i nanaiya, micha Shilombish Holitopa ai isht ilaiyukpa yak oke.

18. Yohmi ka kvna hosh nana ilvp-pak fehna ka Klaist a isht im antia hokvno Chihowa yvt ahnichi, mikvt hatak puta kv vlhpesa ai ahni hoke.

19. Yvmohmi hoka nana kv isht ai it i kana puta, micha

nana ka isht it i hlampkohoncha he aiena kak o e yvmohomashke.

20. Yohmi ka nan vpa ak atuk mak o Chihowa hvt nana toksahanli tuk ash isht chik okpano kashke. Nan okluha kvv kashofa mvhli hoke: yohmi kia hatak nana hosh inla isht ai ibetvbli ho impa hokvto, isht ik im achukmo hoke.

21. Nipi vpa, oka paki ishko, keyukmvt nana kia ish itibapishi hvt isht ai itulvt isht ai ibetvblit isht ik a hlampko ka chi ho, ai yvmohmi kvv ik achukmo hoke.

22. Nana kash chi yimmi cho? Chihowa itikba yak o chishno illa hosh ish a yvmohmashke. Kvna hosh ilap vt nana ho vhpiesā ahnit, ilap ash inli anumpa isht ik il onochō hokvt, na yukpa hoke.

23. Yohmi ka kvna hosh anuktuklo hoh kia vpa hokmvtō, anumpa onvtula hoke: nana hoh kia yimmi keyu hosh yvmihchi hokvto ai ashvchi yoka.

CHAPTA XV.

Hlampko kvv, ik hlampko ya nan ib ai isha he, 1; 2 pishno inli kil ile yukpalo, 3 Klaist vt yohmi tok keyu, 7 amba e moma ka Klaist vt pi kanvt nan pim anukfilli tok a chohmit it i kanvt ili tiholito-blichā he: 30 Pal vt Loman vbanumpuli vhleha hvt vba isht anumpula he im a sihlha.

1. YAKOHMI hoka pi hlampko hokvto ik hlampko hokvno nan il ib ai isha he atuk; micha pishno inli il ile yukpala hi atuk keyu hoke.

2. E moyuma kvv ilap in chuka panta hatak vt vbanumpa ha isht a hlampkot im achukma chi ka e yukpalashke.

3. Yohmi ka Klaist ak kia ile yukpali tok keyu hoka; amba holihiso kvv, Isht a hofahyali puta kvv ehi onvtula hatuk vt sai onvtula hatuk oke, achi hatok oka.

4. Yohmi ka nana fehna hoh kia tikba pilla kash holihiso kvv nana isht a pim vlvcha he mak o holihiso hatok oka; yohmi kvv Holisso Holitopa ak o nana ka isht a nuktaiyalvt achunanchit ai okchayvt bilia ya il isha he, il ai ahna hi atok oke.

5. Yohmi ka Chihowa hak osh hvchi atohnonchit isht anuktaiyalvt achunanchi ya hvch ima na nana hvsh it im anukfilli kv̄t ai achv̄vt Klaist Chisvs ak atok ak ̄ hvsh chiyumashke.

6. Yohmi hosh hvchim anukfila hv̄t ai achv̄vt, itih achv̄fa hosh Chihowa, pin Chitokaka Chisvs Klaist Iki yak febna ka hvsh holitobla hi atuk oke.

7. Yvmohmi hoka Chihowa hv̄t isht aholitopa chi kak ̄ Klaist ak kia pi kana hatok ash ̄, chiyuhmit hvsh it i kanashke.

8. Yohmi ka Chihowa isht ai ahli yak atuk pulla kak ̄ Chisvs Klaist okvt hakshup t̄pa yak ̄ nan isht im v̄tta toba kv̄t, iki vhleha h̄a nan im ihisa tok puta ka ai ahlicha chi kak atok oke, achi lishke.

9. Micha yohmi h̄o Chentail vhleha hv̄t ilap isht i nukhaklo tok ak ̄ Chihowa ya holitobla hi atok oke ; holihisc kv̄t, Ilvppak atuk mak ̄ Chentail vhleha h̄a ibai achv̄vt chi aiokpahanchi la he ; micha chi hohchifo h̄a isht talohowa la hi oke, achi hatok oka.

10. Micha anonti Chentail hvchia hv̄t vm okla vhleha h̄a hvsh ibai okpahanchashke, Chitokaka yvt achishke.

11. Micha anonti, Chentail moyuma kv̄t Chitokaka ya hvsh aiokpahanchashke : micha okla moyuma kv̄t hvsh aiokpahanchashke, achishke.

12. Micha anonti Chesse ak ̄ isht atiaka yosh ahanta he, micha yvmmak febna hosh Chentail okla h̄a i shahlit mikot wakaya hi oke : yvmmak ̄ Chentail okla hv̄t anukchieta hi oke, Esaias vt achishke.

13. Yohmi ka ai okchayvt bilia ya pisa he ai ahni ya in Chihowa yak osh isht ai yimmit ai isht it i nanaiya, micha ai isht il aiyukpa moyuma ka hvchi alotoli h̄o Shilombish Holitopa nan isht ai ahli yak atuk pulla mak ̄ ai okchayvt bilia hvsh isha hi okvt, ai ahli fehnvt hvchi anukfoyukashke.

14. Micha itibapishi li hvchia hv̄t nana achukma bieka hosh hvchi anukfoyukvt, nan ithana isht a hvchi alotowa hatuk osh, nana ka hvsh it i miha he bieka ak inli ka, vno ak inli kv̄t hvchi yimmi li ak inlishke.

15. Yohmi ak inli kia itibapishi li vhleha ma! Chihowa ak osh isht i kana ya vma hatuk oka, ik sa nukwayo kv̄t isht i shahli hosh isht hv̄sh ithana ch̄i kak o, nana a kaniohmi ka hv̄ch̄i holissohonch lishke;

16. Yohmi hosh Chisvs Klaist nan isht im vtta yosh, Chihowa im vbanumpa h̄a Chentail okla hak o isht im ahanta la ch̄i hatok; yohmi h̄o Chentail vt Shilombish Holitopa yak o isht a kashofa hatuk o vba isht aiokpv̄chi ka ahnincha hi atok oke.

17. Yvmohmi hoka nan okluyuha, Chihowa hv̄t isht pit ahalaya ka Chisvs Klaist ak atuk pulla mak o, nana ka isht ilauata la hi vt ieshi lishke.

18. Chihowa imi Shilombish nan isht ai ghli yak atuk pulla mak o nan isht nukhlakancha, micha nan isht atokowa yo nana ka isht ai yvmohmit anumpohonli li h̄o, Chentail okvt im antia ch̄i ka, Klaist vt isht a si atoksv̄li hatuk keyu hokvno nana ai yvmohmi tuk ash achv̄fa kia isht anum-puli la he keyu hoke.

19. Yvmohmi hosh Chelusalem, micha isht ai apakfoyv̄t Illilikvm a ont ai vhli itintakla ya Klaist im vbanumpa ya ai ghli fehv̄t isht ai anumpohonli li hatuk oke.

20. Ahli, yakohmi hosh intolahpi hatak inla immi paknaka yo ai ikbi li yoba ná, ai ahni li kak osh kanima yo Klaist vt isht ik ai anumpo hokvno vbanumpa ya isht ai anumpohonli sa bv̄nna fehna chatuk oke.

21. Yohmi kia holihiso kv̄t, yvmmak o isht im anumpa hatok keyu kia, okla pisa hi oke; micha okla yvmmv̄t haklo hatok keyu kia, akostinincha hi oke, achi hatok oka.

22. Yohmi ka ilv̄ppak atuk pulla kak o hv̄chim ona la hi atok vt, isht a si ataklv̄ma fehna ak inli hatuk oke.

23. Yohmi kia himonasi hokvno ilv̄ppa ai anumpuli la hi okvt ik sv̄m iksho hatuk osh; micha hv̄chim ona sa bv̄nna fehna tok a himak a afv̄m̄mi hv̄t laua fehna hatuk osh;

24. Kanima kash inli h̄o nowvt ayv̄t Ispani yoka chukowa likmv̄t, hv̄chim ona la hi oke: yohmi kv̄t nowvt aya li hokvt, ont hv̄chi pisa la he ai ahni li: micha hv̄chi piv̄t

kaniohmit vm vlhpiesa ha yokmvo, nowvt gya li kash achakalit pit hvs sa pila he chishke, ai ahni lishke.

25. Yohmi kia himonasi hokvno vbanumpuli vhleha hak o i hopela la chi hosh Chelusalem ak o ia la chishke.

26. Yohmi ka Masetonia, micha Akaia okla aiena kv̄t im vlhpiesa hosh vbanumpuli ilvsha Chelusalem ai asha ka nan isht apelvchi kaniohmi ka i bohonli tuk oke.

27. Im vlhpiesa ai ghli fehna hosh yvmihchi tuk : yohmi hatuk o im aheka vhleha hokvt. Yohmi ka Chentail okla hvt nana Shilombish immi puta ka ibai ihishi toba hatuk mv̄t, anonti nana haknip immi puta ka yv̄mma isht apelvcha hi okvt im ai vlhpiesa ak inlishke.

28. Yvmohmi hoka ilvppa isht vt̄vt̄ vm vlhtaha, micha nan isht apelvchi ilvppak ash o im ai ghlich̄i li ha yok mak osh, hv̄chin tv̄maha h̄g hlopullit Ispani yoka ont chukowa la hi oke.

29. Michā hv̄chim ona likmv̄t, Klaist im vbanumpa ai isht ilaiyukpa ai ghli fehna laua ka isht hv̄chim ona la hi okvt, ithaiyana lishke.

30. Yohmi ka itibapishi li vhleha ma ! Chitokaka Chisvs Klaist ak atuk puyula, micha Shilombish ak atuk mak o isht iti hullo yvt hv̄chi anukfoyuka hokvt, sv̄bai yichina fehna hosh anumpa ilvsha Chihowa ȳg im anumpohonli kv̄t, isht hvs si anumpohonlashke.

31. Yohmi h̄o ik yimmo vhleha Chutia ai asha ka ai i hlakofi lashke : micha Chelusalem ḡ nan i hopela la chi ishi li kash vbanumpuli vhleha hash ot aiokpahanchashke.

32. Yohmi h̄o Chihowa nan ai ahni pulla h̄o nan isht ilaiyukpa ȳg ieszit hv̄ch im ona li hosh, nana ka hv̄ch ibai yuh̄kpa li hokbano.

33. Yohmi ka nan isht it i nanaiya in Chihowa yak osh hv̄sh moyuma ka hv̄ch iba foyukashke, Amen.

CHAPTA XVI.

Vbanumpuli Loman ḡsha tuk vt̄ laua ka ai okpacha hi ḡ, Pal vt̄ im ahni, 1, 17 mihmv̄t nan itakv̄shikoli, nan ibetv̄blich̄i aiena ka ahah !

okla im ahna chi ka im anoli ; 21 atuk osh nana ka yakmibehit na pit i mihihvt tahli mvt, ishtaiyopichi kv̄t Chihowa yā aiokpachanchi.

1. **KLENKLEA** chvch hikia ka nan isht im v̄tta, pin tek, Febi yā hvsh aiokpancha he pit hvchim ai ahni lishke :

2. Yohmi hosh Chitokaka yak o ai achvfa hoka vbanumpuli ai yvmohmi yak o chiyuhmit hvsh aiokpvchashke : micha nana hoh kia isht apelvcha hi ḡ b̄vna hokma, hvsh apelahke : yohmi ka yvmmvt laua ka apelahanchi chatuk ; micha vno ak kia aieninchit si apelahanchi chatuk oke.

3. Klaist Chisvs ḡ ibai achvfv̄t sv̄b a toksahanli Akuila, micha Plissilla ita tuklo ka hvsh aiokpvchashke.

4. Yvmmak okvt v̄m ilhfopak ak atuk pulla kak o ilap ikunla fehna ka aka yā bohoni tok : yvmmak oka vno ak illa keyu, amba Chentail iksa hiohli puyuta aiena kv̄t yak oke, im ai ahnishke.

5. Yvmmak ash chiyuhmit yvmma in chuka vbanumpuli iksa maya ka hvsh aiokpvchashke. Epenetvs ḡ holiropa fehna, yvmmvt Klaist i yimmi kv̄t Akaia yā ai yvmohmit nan vni v̄mmona hatok ḡ hvsh aiokpvchashke.

6. Meli yā hvsh aiokpvchashke ; yvmmak okvt pin toksahanli fehna hatok oke.

7. A kanomi, micha sv̄bai yuka Antonikvs, micha Chunia itatuklo, yvmmak okvt vbanumpeshi v̄hleha hā i holiropa yoka hvsh aiokpvchashke ; yvmmak okvt sa tikba Klaist ai ibai achvfa hatok mak oke.

8. Amplias Chitokaka yā ai achvfa ḡ holiropa yā hvsh aiokpvchashke.

9. Ulbani Klaist ai achvfv̄t piba toksahanli, Stakvs ḡ holiropa aiena ka hvsh aiokpvchashke.

10. Apelles, Klaist vt ahninchī yā hvsh aiokpvchashke. Alistobulvs in chuka chvfa, ai achvfa ka hvsh ai okpvchashke.

11. A kanomi Helotion ḡ hvsh aiokpvchashke. Nasissvs in chuka chvfa Chitokaka ai achvfa ka hvsh aiokpvchashke.

12. Tlaifina, micha Tlaifosa itatuklo, Chitokaka in toksahanli yā hvsh aiokpvchashke. Pasis holiropa, yvmmvt

Chitokaka ya in toksahanli fehna chatuk a, hvsh aiokpvchashke,

13. Lufvs Chitokaka im vlhtoka, micha ishki, micha yvm-mvt vshki ya hvsh aiokpvchashke.

14. Asinklitvs, Flekon, Hemas, Patlobvs, Hemes, micha il itibapishi vhleha hvt yvmma apehvt maya aiena ka hvsh aiokpvchashke.

15. Filolokvs, micha Chulia, Nelevs, micha in tek, micha Olimpas, micha vbanumpuli yvmma apehvt maya aiena ka hvsh aiokpvchashke.

16. It i suksowa holitopa yo isht hvsh it aiokpvchashke. Klaist in chvch vhleha hokvt hvchi aiokpvchishke.

17. Yohmi ka itibapishi li vhleha ma ! nan vlvchi hvsh ithvna kash i sanalit isht it i flvmmichi ; micha isht ibetv-blich i aiena ihikbi hokvno, yakohmi hvsh ahni pulla cha, hvch ik ahalaiyo kashke.

18. Yohmi ka ilvppa chiyuhmi puta hokvto Chitokaka Chisvs Klaist ak o in toksvli keyu hoke, amba ilap ikfoka yak inli hoke : mikmvt anumpa achukma puta, micha isht ahninch i anumpa puta aiena kak o nuktvlvt ahah ! ik ahno chukvsh puta ka isht haksichi hoke.

19. Yohmi ka isht hvsh im antia yokvt hatak moyuma ka im anohwa hoke : yvmohmi hoka hvchishno yak atuk pulla kak o sai yukpvshke : yohmi ak inli kia nana achukma kak o hvch imponna cha, nan ik achukmo hokvno ik hvch imponno hok bano hvchim ai ahni lishke.

20. Mikma nan isht it i nanaiya in Chihowa yak osh Setan oka chekosikma chiyi nuta ya a litola chi hoke. Pin Chitokaka Chisvs Klaist isht i kana yvt hvchi anuk foyu kashke. Amen.

21. Timohlivs svba toksvli, micha Lusivs, micha Chason, micha Sosipata a kanomi aiena kvv pit hvchi aiokpvchishke.

22. Tetivs sia holisso ilvppa holissohonchi kash ot Chitokaka ibai achvfa hvchia ha pit hvchi aiokpvchi lishke.

23. Uno, micha chvch moma aiena ka nan im atahli Kavvs ash ot pit hvchi aiokpvchishke. Elastvs, tvamaha in

tvli holisso sholi, micha il itibapishi Katus aiena kv̄t pit hv̄chi aiokpuchishke.

24. Pin Chitokaka Chisvs Klaist isht i kana yv̄t hv̄sh moyuma ka hv̄chi anukfoyukashke. Amen.

25. Yohmi cha Chisvs Klaist vt nan abahanchi tok v̄m vbanumpa ak atuk na luma ituyula chatuk yakni toba tok itin takla ka isht ik anumpo chatuk osh isht anuhumpa ak atuk puyula mak o isht a hv̄chim ai ghlicha he im ai vlhpiesa hatuk,

26. Michā Chihowa okchayvt bilia yvt nan apihisa hatuk mak o hopaii v̄hleha hv̄t holissohonchi tok o, oklushi moyuma kv̄t na yimmit isht im antia ch̄i mak o, im otaiyani hatok:

27. Chihowa hopoyuksa achv̄fa bano kash ot Chisvs Klaist ak atuk pulla kak o isht a holiropa yvt immit biliashke. Amen.

HOLISSO UMONA PAL UT

KOLINHILA CHUCH

A HIKIA HO I HOLISSOCHI TOK.

CHAPTER I.

Vbanumpuli Kolinhila gsha tuk g Pal vt pit ai okpuchi, mihmwɛ Chihowa ya aiokpuchi, 1; 10 itibachvɛt maya he i miha; 12 itakashapɛt maya tuk g nan i miha. 18 Aka a nahopoyuksa yvt nan isht a hopoyuksa ka; 21 nan ik ahobo vbanumpa isht anumpuli kak o Chihowa yvt isht okpaninchi: 26 na hopoyuksa, micha nan i shahli aiena kak osh vltoka keyu, amba ik hopoyukso, ik hlampko, aiena kak osh vltoka.

1. **PAL**, Chihowa nan ai ahni atuk pulla mak o Chisvs Klaist im apostel vltoka tok, micha il itibapishi Soshlenes ita tuklo kvɛt,

2. Chihowa in chvch Kolinhila a hikia, Chisvs Klaist ak atuk pulla kak o isht a kashovɛt, vbanumpuli vltoka tok, micha pin Chitokaka Chisvs Klaist vt yvma, micha pishno il ita tuklo ka pimmi hatuk o hohchifo ha anukchietot hohoyot kanima moma ai asha aiena ka pit i holissohonchishke.

3. Isht i kana, micha isht it i nanaiya aiena Piki Chihowa, micha Chitokaka Chisvs Klaist ita tuklo ka a mihinti kvɛt hvchi anukfoyakashke.

4. Yohmi ka Chisvs Klaist ak atuk pulla kak o Chihowa hvɛt ilap isht i kana ya hvch ima hatuk oka, an Chihowa ya hvchishno yak atuk pulla mak o yak oke im ai ahni li bilivshke.

5. Yohmi ho nan okluha kvɛt yvmmak o isht a hvchin

laua hosh isht anumpuli puta, micha nan ithana puta ket isht a hvchim aienvshke.

6. Yakohmi hosh Chisvs Klaist nan isht atokowa yash osh hvchishno a isht ai ahli hatuk oke.

7. Yohmi hosh na hvlbina nana kia ik ai ono ho hvsh ishi tuk keyu hatuk osh; pin Chitokaka Chisvs Klaist vt otaiyana hi a hvsh hohoyo hoke.

8. Yvmmak ash inli hosh hvchi ai ahlihinchit ont ai vhli ka isht hvch ona hi oke: yohmi ho pin Chitokaka Chisvs Klaist i nitak fehna ka anumpa isht a hvchi onvtula hi vt iksho ka hi oke.

9. Chihowa hvv ai ahli yoke, yvmmak o ilap Ushi pin Chitokaka Chisvs Klaist a ai ib ai eshi isht a hvchi vlhtoka hatuk oke.

10. Yohmi ka itibapishi li vhleha ma! nana a miha chvfa ho isht hvsh anumpula he, mikmvt ai it i filvmmi puta kvv ik hvchim iksko ka he; amba nana hosh ai ahni kvv hvchim anukfila hvv ai ahli fehvvt hvsh it ibafoyuka he mak o, pin Chitokaka Chisvs Klaist isht a hochihifo hosh hvchim ai ahni lishke.

11. Itibapishi li vhleha ma! nan itachowa yvt hvchin takla a takali ka, Kloe in chuka chvfa yosh vm anoli hatuk oke.

12. Yohmi ka hvsh moma kvv, Uno ak osh Pal ai achvfa sia; anonti, Uno mvt Apollos ai achvfa sia; mikma, Uno vto Sefas ai achvfa sia; yohmik ma, Uno vto Klaist ai achvfa sia; hvsh achi ilvppak o achi lishke.

13. Klaist vt ita kvshkoa ho? hvchishno atuk mak o Pal ak osh ititaiyukhvna ai illi tok o? keyukmvt Pal i hohchifo ho isht hvchi baptismo tok o?

14. Hvsh kanima kia ak hvchi baptismocho hosh Klisvus, micha Kavvs ita tuklo bano tok a yak oke, Chihowa ha im ai ahni lishke.

15. Yohmi hatuk o vno ak inli a hohchifo ho isht baptismochi li tok a, hvsh kanima kia hvsh acha he keyushke.

16. Mikmvt Stefanvs in chuka chvfa ak kia baptismochi h tok; inla yano baptismochi likma, nana tuk vt ak ithanoshke.

17. Baptismochi la hi o, Klaist vt si atokoli tok keyu hoka, amba vbanumpa isht anumpuli la he ak atok: anumpa hopoyuksa ya he atuk keyu, yohmi hokma Klaist im ititaiyukhvna yvt nan ai ghla he keyu hoke.

18. Ititaiyukhvna isht anumpuli yokvt kvna hosh ilbushvt illa chi yvmmak o ik im ahobo yoke: amba okchaya chi pishno ak okvno Chihowa nan isht im ai ghli yoke.

19. Nan imponna isht a hopoyuksa yokvno okroni la chi, mikmvt nan ithana nan isht akostininchi yano akshochi la chi, achi hosh holihiso hatok oke.

20. Katima yak o na-hopoyuksa yvt anta ho? katima yak o na-holissochi yvt anta ho? yakni ilvppa nan isht ai it i ponaklo yvto katima yak o maya ho? yakni ilvppa isht a hopoyuksa ya Chihowa hvto ik ahobalecho hatuk keyu?

21. Nan isht a hopoyuksa hosh Chihowa hvv nan atahli tok kia, yakni vt ilap hopoyuksa kak osh Chihowa ya isht ik ithano ma, vbanumpa isht anumpuli ik ahobo kia, kvna hosh yimmi hokvno mihi yo Chihowa hvv vlvpesa, ahnit isht okchalinchi yoke.

22. Chu okla hvv nan isht atokowa asihihla, mikma na hopoyuksa yo Klik vto hohoyoshke:

23. Yohmi kia pishno vto Klaist ititaiyukhvna ai illi tok a isht il anumpohonli ka, Chu okla hokvno isht ai im ibetv-bli yokmvt, anonti Klik okvno nan ik im ahobo yoke;

24. Yohmi kia Chu okla, mikmvt Klik okla ita tuklo ka kanima hosh vlvtoka hokvno mihi yo Chihowa nan isht im ai ghli, micha Chihowa nan isht im ahopoyuksa Klaist a isht il im anumpohonlishke.

25. Chihowa nan isht ik im ahobo yvt hatak okvno hopoyuksa kvv i shahli hoka; micha Chihowa yvt isht ik a hlampko ahoba kia hatak okvno hlampko kvv i shahli hoke.

26. Itibapishi li vvhleha ma! hvchishno vto hvchi vlvto-ka hokvto yakni pakna a hopoyuksa yvt ik lauwo, nan isht ai ghli ishi kvv ik lauwo, hatak holitempa aiena kvv ik lauwo hosh vlvtoka ka hvsh pivshke:

27. Yohmi kvv ilap hopoyuksa ya hofahyala chi kvv

Chihowa hvt yakni ilvppa nana ik ahobo puta ka atokoñ hatuk; micha nana hlampko yvmma hofahyala chi kv̄t yakni ilvppa ik a hlampko ȳo Chihowa hvt atokoli hatuk :

28. Mikmvt nana kv̄t yakni ilvppa ik a holitopo, micha nana kv̄t yvmma ik ai ahobo aiena ka, Chihowa hvt atokoli hatuk ; ḡhli, yohmi kv̄t nana ḡsha tuk ḡ akshocha chi kv̄t nana kv̄t iksho ke tuk ḡ atokoli hatuk :

29. Yohmi h̄o hatak nana kia Chihowa itikba yḡ ai ilauata he atuk keyu hoke.

30. Yohmi kia hvchishno vto yvmmak atuk mak ̄o Klaist Chisvs ḡ hvsh ibai achvfa ka yvmmak ̄o Chihowa pulla kak ̄o isht pi a hopoyuksa, micha isht pi ai vlpiesa, micha isht pi a kashofa, micha isht pi ai vlbi yoke :

31. Yohmi ka holisso hatuk oka, K̄vna kia ilauata hokmvt, Chitokaka yak ̄o isht ik ilauatá.

CHAPTER II.

Vbanumpa isht anumpohonli ka Chihowa nan isht im ai ḡhli yosh ai ibafoyuka tuk ḡ, Pal vt achi, 1. 14 Im anukfila himona hatak keyu hokvto vbanumpa hḡ ik akostinincho.

1. **YOHMI** ka itibapishi li vhleha ma! kaniohmi kash hvchim ona li kv̄t, Chihowa isht atokowa ȳo hvchim anohonli la chi kv̄t, isht ahnicha he anumpa hokmá, keyukmvt isht ahnicha he hopoyuksa hokmá, nana h̄o sht hvchim aya li hatok keyu hoke.

2. Nana ka a hvchim ai ithvna la he ahni li hatok keyu, amba Chisvs Klaist, micha yvmmak osh ititaiyukhvna ai illi tok ak bano hatok ak oka.

3. Yohmi mvt isht a hlampko iksho, mihmvt komunta, micha wvnihinchi fehna hosh hvchin takla yḡ ahanta li tok.

4. Mihmvt anumpuli li, micha vbanumpa isht anumpuli li aiena kv̄t, hatak hopoyuksa nan isht yukpali anumpa hstok keyu, amba Shilombish, micha nan ḡhli ȳo otv̄ninchit isht anohonli li tok :

5. Yohmi ka`na hvchi yimmi kv̄t hatak nan isht im a

hopoyuksa yo a minta chi hatok keyu, amba Chihowa nan isht ai ahli yak a he atok.

6. Yohmi kia vbanumpa ithana ahli yokvno na hopoyuksa yo isht il im anumpulishke: yohmi kia yakni ilvppa isht a hopoyuksa yak keyu; mikmvt yakni ilvppa i miko vhleha isht a hopoyuksa, yvmmak okvt ont ik ai iksho ka he ak atuk keyushke.

7. Yohmi kia Chihowa isht im a hopoyuksa yvmmvt luma hatok a yvmma isht pi a holitopa hi o, yakni vt ik tobo kisha ma, Chihowa hvt apesa tok ak o isht il anum-pohonlishke.

8. Yakni ilvppa i miko vhleha achvfa kia ilvppak ash ik ithano ki tok: okla ithana hatuk okmvt, a holitopa in Chitokaka ya ititaiyukhvna ai vba he atok keyu hoke.

9. Yohmi kia kvna hosh yvmma i hullo hokvno mihi yo Chihowa hvt nana ka im ataiyahli tok a, yvmmak oka hatak nishkin vt ik pesokma, anonti haksobish vt ik haklokma, hatak chukvsh ak kia ik anukfohko hoke, achi hosh holihiso hatuk oka.

10. Yohmi tok o Chihowa hvt ilap imi Shilombish pulla ho yvmmak ash isht a pim otvninchi hatuk: Shilombish ak osh nana puta ka silhhit ithana hokvt, ahli, Chihowa nana im a kaniohmi a hofobi kak kia ai yvmohmi yoke.

11. Kvt hosh hatak nana im a kaniohmi puta ka ithana cho? hatak shilombish yvmmvt ilapa anukfoyuka ak illa keyu? yvmmak i chohmi ho Chihowa nana im a kaniohmi puta ka hatak nana hosh ithana keyu ho, amba Chihowa imi Shilombish ak illa hoke.

12. Yohmi ka yakni nana isht ai im anukfila yo il ishi hatuk keyu, amba Chihowa hatuk mak o nana puta ka il ishi hatuk vt il ithana chi pulla hosh Shilombish Chihowa a minti ho il ishi hatuk oke.

13. Nana puta yvmma isht il anumponli kv yvmma hatak nan isht im a hopoyuksa yosh avvchi anumpa keyu, amba yvmmak oka Shilombish Holitopa yosh avvchi anumpa ho Shilombish nana im a kaniohmi ya Shilombish anukfoyuka vhleha ho il ithvnahanchishke.

14. Hatak chukvsh ik kashofo hokvto Chihowa imi Shilombish nana im a kaniohmi puta ka ik ithano yoke; yvmmak okvt ilap a nana ik ahobo hokvt: mikmvt ithana he keyu, yvmmak ash o Shilombish osh avchi hoka.

15. Yohmi ka kvna hosh Shilombish anukfoyuka hokvto nana puta ka anukfillit akostininchi, yohmi kia ilap okvno hatak nana hosh im akostininchi keyushke.

16. Kvta hosh Chitokaka im anukfila hq ithaiyana cha, mihi yosh nan im avcha hinla cho? Yohmi kia pishno yokvto Klaist im anukfila yo il ieshvshke.

CHAPTA III.

Pishukchi vt vlla chipunta yak o immi, 1: 3 kaniohmi hq itakvshkoa hatuk q haknip imma im anukfila hatuk vt otvni. 7 Kvna hosh hokchi, mikma kvna hosh oka o foechi itatuklo kvv nana keyu: 14 Chihowa ak osh wayachi. 16 vbanumpuli yvt Chihowa in tempel; 19 yakni nan isht ahopoyuksa yokvto Chihowa i naho poyuksa keyu.

1. YOHMI ka itibapishi li vhleha ma! Shilombish anukfoyuka hq chohmichit hvchim anumpohonli la he keyu, amba haknip nan ai ahnit Klaist ibai achvfa vllqsi yo hvchi chohmichi lishke.

2. Pishukchi yo isht hvch ipeta li tok, ilhpak kvllo atok keyu; tikba kamo isht a hvchim vlhpesa tok keyu kvv himonasi ak kia, isht a hvchim vlhpesa keyu momvshke.

3. Haknip nan ai ahni hvchia moma hoka iti potvno, micha itachowa anonti iti filamohli aiena kvv hvch itin takla aiasha hoka, haknip nan ai ahni mak o hvchia moma, micha hatak im anukfila yo chohmit hvsh itvnohova keyu?

4. Hvsh kanima kvv, vno vto Pal ai achvfa sia; anonti inla mvt, vno vto Apollos ai achvfa sia, hvsh achi hokvt haknip nan ai ahni hvchia mak o keyu?

5. Yohmi ka kvta hosh Pal okma, anonti kvta hosh Apollos o? amba vbanumpa isht vta yvmmak atuk mak o hvsh moma ka Chitokaka yvt hvchi anukfohki tuk mak o, hvchi vimmi tuk oke.

6. Hatak moma kv̄t yohma he mak ǝ Chitokaka yvt ape-sa tok ǝ, Uno ak osh na-hokchi li tok, Apollos vto oka on hlali tok; amba Chihowa yokvto offochi hatuk oke.

7. Yohmi ka kv̄na hosh hokchi, mikma kv̄na hosh oka isht ǝn hlali hǝkvto na kanihma he keyu, amba Chihowa yvmmak osh offochi yoke.

8. Yohmi ka kv̄na hosh na hokchi, anonti kv̄na hosh oka isht ǝn hlali ita tuklo kv̄t itibai achvfa yoke: yohmi ka moma kv̄t ilap na toksvli isht ai v̄lhpiesvt vlhtoba ak illa hǝ isha hi oke.

9. Chihowa immi hosh itiba toksvli v̄hleha pia hoke. Chihowa nan im ahollokchi hvchia, micha aboha Chihowa hv̄t atahli tuk mak ǝ hvchia hoke.

10. Chihowa hv̄t ilap nan isht i kana yvmma vma tuk mak ǝ aboha ikbi imponna hopoyuksa yǝ chohmit in tolahpi ya bohli li hatuk, mihma inla yosh yvmmak ash ǝ ai itv̄bni hoke. Yvmohmi hoka hatak moma kv̄t kanimihchit yvm-mak ash ǝ ai itv̄bni kv̄t ahah! ahnashke.

11. Intolahpi yvmmvt Chisvs Klaist, yvmmak osh itola ha ya, hatak nana hosh inla ya bohla he keyu hoka.

12. Yohmi ka hatak kv̄na kia intohlapi ilvppa pakna ya tv̄li holisso lakna yokmá, tv̄li hv̄ta yokmá, tv̄li ai v̄lbi chito yokmá, iti yokmá, hvshuk okmá, onush vpi yokmá, nana hǝ isht itv̄bni tuk okmá;

13. Nana vlhtaha tuk aiyuka kv̄t otaiyana hi oke: nitak yvmmak osh otv̄nicha he, luak ǝ isht otaiyana hi oka; yvmohmi ka hatak ǝ im a toksvli aiyuka kv̄t kanihmi hatuk oh kia, luak osh imomaka pisa hi oke.

14. Yvmmak ash pakna ai itv̄bni tuk ǝ hatak nana hosh atoksvli tuk ak ǝ ik okpulokma, mihi yosh nan vlhtoba ya isha hi oke.

15. Kv̄na hosh atahli tuk ǝ lua hokma, yvmmak osh i kv̄-niv̄t ilbv̄sha hi oke: yohmi kia ilap okvto okchaya he, yohmi kia luak ǝ a hlopulli kak inli hǝ chohma hi oke.

16. Chihowa in tempel hvchia, yohmi hatuk ǝ Chihowa imi Shilombish vt hvchia chukvt anta ka hvch ik ithano cho?

17. Kvna kia Chihowa in tempel a litehlikma, mihi yə Chihowa hvt ishit kancha he; Chihowa in tempel vt holito-ya yoka, tempel yvmmak o hvchia hoke.

18. Kvna kia ik ile haksecho kia. Hvchi kanima hosh yakni ilvppa hopoyuksa hə ilahobikmvt, yvmmvt hopoyuksa chj kvv yakni ilvppa ik ahobo yə ik tobá,

19. Yakni ilvppa isht im a hopoyuksa yokvto Chihowa yə isht ik im ahobo yoka. Yvmmak okvt hopoyuksa yə ilap nan isht imponna ak inli hə isht ishi yoke, achi hosh holisso tok oka.

20. Mihmvt anonti atuklanchi mvt, Chitokaka yvt hopoyuksa im anukfila puta, yvmmvt ai ghli ik ono ka ithaiyana hoke, achi tok.

21. Yvmohmi hoka kvna kia hatak puta hə isht ik ilauato kia, nana moma kvv hvchimmi hoka;

22. Pal ak okmá, keyukmvt Apollos, keyukmvt Sefas, keyukmvt yakni ilvppa, keyukmvt ilhfopak okchaya, keyukmvt nan illi, keyukmvt nana kvv himonasi gsha, keyukmvt nana kvv gsha he moma kvv hvchimmi yoke.

23. Mikma hvchishno vto Klaist immi hvchia; mikma Klaist vt Chihowa immi hoke.

CHAPTA IV.

Kanohmit Klaist im vbanumpa isht vta yə il ahnicha he tuk 1; 7 nana ka e habena tuk keyu kvv il j shi keyu. 9 Apostel vhleht yakni pakna ik ahobo yə isht vlpisa, 16 yvmmak o il im antia he tuk.

1. **KLAIST** in tishu vhleha, micha, nan ghli Chihowa hvt otvnnichi tok puta nan im apesvchi vhleha mak o, chiyuhmichit hatak puta kvv isht pi anukfillashke.

2. Anonti nan apesvchi vhleha nan isht im vlpisa kvv hatak yvmmvt ai ghla hi ak oh chatuk oke.

3. Yohmi kia hvchishno, keyukmvt hatak inla nana kia nana hə isht hvs som anukfillit hvsh apesa kia, vno yokvto

yvmmt vm iskitinosi fehna hoke; ghli vno ak inli kvv isht il anukfillit nan apesa li keyu hoke.

4. Vno ak inli kvv nana hq isht il akostininchi li keyu kvv; yohmi kak osh ilvppak o isht si ai vhpiesa hi o keyu; amba kvna hosh nan isht si anukfillit apesa hokvto Chitokaka yak oke.

5. Yvmohmi hoka Chitokaka yvt ik lo kisha ka tikbalinchit nan isht anukfillit hvch ik apeso kashke, yvmmak osh ai okhlilika ya nana kvv a luma puta tuk a otvninghikmvt, anonti chukvsh im anukfila puta hatuk ma haiakahancha hi oke; yvmohmi ha ya hatak moma kvv nana ai isha he vhpesa tuk vt Chihowa ya im ai isha hi oke.

6. Yohmi ka itibapishi li vhleha ma! yvmma puta kash hvchishno pulla hatuk mak o, vno, mikmvt Apollos, ita tuklo li kak o isht il onochi li: yohmi ka nana kvv holisso tok a i shahlichit hatak o isht ik hvchim anukfilo hosh pishno ak o hvsh pim ai ithvnashke; yohmi hosh hvsh achvfona kia achvfa ka ish ile fehvchit, anonti achvfa ka hvch ik i sanalo kashke.

7. Kvta hosh hvch iti shashohlichit hvchim apesa tok o? Nanta hq ish ishi hosh yvmma chik habeno tok o? yohmi ka ish habena hatuk mvt, nanta katiohmi hq chik habeno ke tuk ak inli hq chohmit isht ish ilauata cho?

8. Himak ano na hvchi fihopa, himak ano na hvchin laua, ik piksho hq mikot hvsh mavvshke; yohmi ka hvsh miko hatuk o mvhli hokbano ahni li, yvmmak atuk mvno pishno ak kia e hvch iba mika he atuk.

9. Illa he isht im vhpisa kak o chohmit vbanumpeshi ishtaiyopi pishno a Chihowa hvv pi atokoli tuk a vm ahoba hoka; yakni moma, mikmvt enchil vhleha, mikmvt hatak puta itikba a yopissa e toba tok oka.

10. Klaist atuk mak o ik pi ahobo ma, amba hvchishno vto Klaist a isht hvchi a hopoyuksa hoke: ik pi hlampko ma, amba hvchishno vto hvchi hlampkoshke: hvchi holitopa ma, amba pishno vto ik pi holitoposhke.

11. Pi hohchahafot, pi tukshihinla, micha haknip bieka, mihma pi pvsahaha; yohmi hq ai vta ghli yvt ik pim iksho na ant himakvshke.

12. Mihmvt pishno pibbak ak inli hq isht toksahanli hosh ont pi a hoyublishke. Isht pi atukhlakahafa kia, i kanvt il anumpohonlishke: pi palvmihinchi kia, vlpiesa il ahnishke.

13. Ik ahobalot na pi achi kia, i kana hosh il im anumpohonlishke; yakni pakna im a liteha ak inli hq a pi chiyuhmi, mikma nana moma isht liteha chukvlhpvsh ak o e chiyuhmi na ant himakvshke.

14. Hvchi hofahyali la he osh ilvppa puta ka holissochi li keyu, amba vm vlla g holitopa hvsh chiyuhmi kv ahah! hvsh ahana chi kak o hvchi miha lishke.

15. Klaist nan isht ithvnanchi tahlepa sipokni pokoli hosh hvchim ai asha hoh kia, hvch iki vt ik lauwoshke; Klaist Chisvs osh nan apelvchi hq vbanumpa pulla hq isht hvchi tobachi li tuk oke.

16. Yvmohmi hokvt hvs siakaiya hi g hvchi miha lishke.

17. Ilvppa yakohmi kak o Timohlivs, svso g holitopa, Chitokaka im ai ghlit achukma ya pit hvchi kanchi li ka, mihi yosh kanima moma iksa a hiohli puta ka Klaist isht avvchit, nana a kaniohmi li puta ka anolit hvchi anukfohki-cha hi oke.

18. Yohmi ka ak hvchim ono ka he im ahobvt, hvsh kanimi kv isht hvsh ilefehcvchishke.

19. Yohmi kia Chitokaka yvt vlpesa ahnikma, chekosi hvchim ona la chi hoke: yohmi kv ilefehcvchi vbleha hatuk yvmmak ash im anumpa hak a chi keyu, amba nan ai ghli yak o ithana la chi hoke.

20. Chihowa im apehliechika yokvt anumpa hq keyu, amba nan isht ai ghli yak oke.

21. Nanta hq hvsh ahni? fuli yokma, keyukmvt i hullo, micha chukvsh im anukfila yohbi hokma, nanta hq ieshi hosh hvchim ona la chi cho?

CHAPTA V.

Hau mvt Kolinhla chvch g ibvlkahvt maya kak osh hofahyalichi, 1; 10 nan ibetvblichy okpulo yokvno hofahyalit kano pit kancha he vlpesa.

1. ITIN lumaka yvt hvch itin takla ya asha kvv anohwa fehna hoke; yohmi ka kvna kia iki tekchi atuk a itauwaya, nan itin lumaka chohmi kvv Chentail okla ak kia ai yvmohmi fehna chatuk keyu hoke.

2. Yohmi ka kvna hosh na yakohmi ka yvmihchi tuk vt hvch itin takla ya a filvmma chi ka, ik hvchi nukhaklo kish, isht hvsh ile fehvchishke.

3. Sa haknip okvno isht a hvchi filvmmi li mvhli; yohmi kia sa shilombish okvno isht hvch ibafokvt hvch itin takla ahanta li ka chohmit, kvna hosh na yakohmi ka yvmohmi tuk mihi yo nana im apesa li mashkoshke.

4, 5. Kaniohmi ho pin Chitokaka Chisvs Klaist i hohchifo ho isht itvnavvt hvsh chiyakma, sa shilombish vt a hvch iba foyuka na pin Chitokaka Chisvs Klaist nan isht im ai ahli pulla hatuk mak o, kvna hatuk ash haknip isht ai im ilbvsha tok osh Chitokaka Chisvs Klaist i nitak vla hokvno imi Shilombish okvto okchaya chi ka, Setan ak o hvsh im issashke.

6. Nan isht hvsh ilauata ka ik achukmoshke. Nan isht shatvmmi iskvtnosi kia na yvmmvska moma ka yvmmichi ka hvch ik ithano cho?

7. Yvmohmi ka ik yvmmo hvchia hokvt, na yvmmvska himona mak o hvchia ha chi kvv, nan isht shatvmmi tikba yash isht ile filvmmichit hvsh kanchashke. Klaist vt na pim vbanvblit ont ia yvt vlhtobvt illi tok oka.

8. Yomohmi hoka impa holitopa isht kiloh ai ashá; yohmi kvv nan isht shatvmmi tikba yash o keyu, mikmvt isht iti nukkilli, micha nan ik ai vlhpeso aiena ka isht shatvmmi yak o keyu, amba nan ilahobi keyu hosh ai ahli i pvaska ik shatvmmo yak ashke.

9. Itin lumaka vhleha ha hvch ik itiba chvfo ka chi ho, holisso ha hvchi holissochi li tuk oke.

10. Yohmi kak osh yakni ilvppa ai itin lumaka vhleha, mikmvt nan anushkunna atampa vhleha, micha na wehpuli vhleha, mikmvt na holvvt toba aiokpvchi vhleha aiena ka hvch ik itvpeho kvmohma he ak atok keyu; yohmi hokmvt yakni ya hvsh a kohcha he ak osh hvchim vlhpesa hoka.

11. Yohmi tok kia kvna hosh itibapishi hohchifo hatuk vt itin lumaka, keyukmvt nan anushkunna atampa, keyukmvt na holbut toba aiokpvchi, keyukmvt inla isht itukhla-kafa, keyukmvt oka homi ishko, keyukmvt na wehpuli okma, nana hokvno hvch ik itibai achvfokmvt, yvmma chohmi kash impa kia hvch ik itibai impo ka hi o himak a hvchi holissochi lishke.

12. Kvna hosh ikxa ibafohka yatuk keyu yvmmak kia nanta ho isht im apesa la he vlhpesa ho? ikxa ibafohka yvmmak atuk okvno hvsh im apesa keyu ho?

13. Amba kvna hosh ikxa ibafohka keyu hokvno Chihowa yosh nan im apesa yoke. Yvmohmi hoka hatak nan ashvchi yvmmak ash ai il i filvmmichit hvsh kanchashke.

CHAPTA VI.

Vbanumpuli vt nan vlhpisa isht it onocha he keyu, 1; 9 nan ik vlhpeso vto vba apelihchi ka ai ahanta he keyu. 15 Hvpi haknip vt Klaist a ibachvfa, 19 mikmvt Shilombish Holitopa in tempel oke.

1. HVSH kanimi kvv inla ya nana hvsh iti kaniohmikmvt, nan ik vlhpeso itikba yo ont nana hvchim vlhpisa hi osh hvsh ahni cha, amba na yimmi vhleha itikba yokvno keyu ka hinla hatuk o?

2. Na yimmi vhleha hvv yakni moma nan im apesa hi a hvch ik ithano cho? yohmi ka yakni a nan hvsh im apesa hi okmvt, nana kvv iskvtnosi hokvno hvsh apesa he hvchi vlhpesa keyu ho?

3. Enchil vhleha ha nan iloh im apesa hi a hvchik ithano cho? yohmi hokvt okchaya ilvppa nana im a kaniohmi yokak heno il i shaiyahlichich fehna hinla keyu ho?

4. Yohmi ka okchaya ilvppa nana im a kaniohmi yo nan isht hvchim vlhpisa chi hokmvt, kvna hosh ikxa im a holitopa keyu mihi yosh na hvchim apesa chi ka, hvsh atokoli chatuk oh cho?

5. Hvchi hofahya chi ho hvchim anumpuli lishke. Hatak hopoyuksa kvv hvch itin takla ya iksho ho? achvfa kia

itibapishi vhleha nan iti kaniohmi ka im apesa he keyu kvt iksho hō? yohmi ho mvhli hō?

6. Yohmi kia itibapishi achvfa kvt itibapishi atuk a anum-pa onochi cha, nan ik yimmo vhleha itikba yō nana im vlpisa chi kvt ohonvshke.

7. Yomohmi hoka himonasi kia anumpa itonochit nan im vlpisvt hvsh maya hokvt, nana hvsh ashvchi fehnvshke. Nanta katiohmi hō nan ik vlpeso ka hvchi onocha he hvch ik im ahno hosh? nanta katiohmi hō nana ka ik vlpesachot hvchim isha hi a vlpesa hvchik im ahno hosh?

8. Yohmi keyu, amba hvch itibapishi ak kia ai vlpiesa keyu hō na hvsh im ishi kvt, nan hvsh ashvchi hoke.

9. Ik vlpeso vhleha hokvt Chihowa im apehlichika yvt ai immi ha he vlpesa keyu ka hvch ik ithano cho? hvch ik ile haksecho kashke; itin lumaka vhleha, naholvt toba aiokpvchi vhleha, micha haui vhleha, micha nakni haui vhleha, micha nakni bika iti hauichi vhleha,

10. Micha hukopa vhleha, micha nan anushkunna atampa vhleha, micha oka homi ishko vhleha, micha inla isht itukhlakafa vhleha, micha na wehpuli vhleha, aiena hokvno Chihowa im apehlichika yvt ai immi toba he vlpesa keyu hoke.

11. Yohmi ka hvsh kanimi kvt yvmma chohmi hvchia hatuk oke. Yohmi tuk kia hvchi ahchifa hatuk, mihmvt hvchi kashofa hatuk, yohmi kvt Chihowa jmi Shilombish pulla hō Chitokaka Chisvs i hohchifo hō isht a hvchi vlpiesa hoke.

12. Nana puta kvt isht vm ai vlpesa, yohmi kia nana puta kvt isht vm ai achukma keyu; nana puta kvt isht vm ai vlpesa, yohmi kia yvmma kanima kak oh kia i yuka la he keyu hoke.

13. Il impa hvt takoba yak o immi hoh chatuk oke, mikma takoba yato ilimpa hak o ai immi hoh chatuk oke: yohmi kia yvmmak ash o it aieninchit Chihowa hvt ikshokecha chi hoke. Yohmi ka haknip okvt haui yak o ai im vlpisa keyu, amba Chitokaka yak oke: yohmikma Chitokaka yvt haknip a nan im atahli yoke.

14. Yohmi kvt Chihowa hvt Chitokaka ya tanichi hatuk

okvt anonti pishno ʒ ilap nan isht im ai ʒhli yʒ isht pi tani-
cha he ak inli hoke.

15. Yohmi ka hvchi haknip vt Klaist ʒ ai it immi hʒ hvch
ik ithano cho? yohmi hatuk ʒ Klaist ʒ ai it immi hash ishi
lish, anonti havi yʒ ai it immichi la chʒ cho? ik yvmohmo
pullashke.

16. Yakeh! kvna hoh kia havi yʒ ibafohka kv, yvmmvt
haknip achvfa ka hvch ik ithano cho? tuklo tuk kia haknip
achvfa toba hi oke, achi hoka.

17. Amba kvna hosh Chitokaka ak ʒ ibafokkakt, shi-
lombish achvfa hoke.

18. Havi yʒ ili filvmmichit hvsh m lelashke. Kvna kia
nan ai ashvchika moma ka yvmihchi hokvt, haknip okvno
nana kanihchi keyu hoke: amba kvna hosh itin lumaka ho-
kvto, ilap haknip ak inli hʒ okpanit nan ashvchi hoke.

19. Yakeh! hvchi haknip vt Shilombish Holitopa mihi
yosh hvchi afoka, yvmmak osh Chihowa a minti hʒ hvsh
ieshi, yvmmak ʒ in tempel hvchia hosh, hvchishno ak inli
kvno keyu kv hvch ik ithano cho?

20. Nan ai vlli hʒ isht hvsh ai vlhtoba hatok: yvmohmi ho-
kv hvchi haknip, micha hvch imi shilombish, yvmmak okvt
Chihowa immi hoka, Chihowa yʒ isht hvsh holitoblashke.

CHAPTA VII.

Nan itauwaya imma ka miha, 1; 4 mikmvt ik iti lumako ka hi ʒ itau
waya hi ʒ miha: 10 nan itauwaya kvt pilla ik ahobot iti mokofa
he keyu: 18 moma kvt ilap nan im vlhpisa kvt vlhpesa ahnit ahi
kia he; 25 ohoyo himithoa itauwaya ka nan isht anumpuli.

1. YUMOHMI ka nana ka hvs sʒ holissochi tok imma
kak oke. Hatak vt ohoyo hʒ ik potolo kak osh im achukma
hoke.

2. Yvmohmi kia itin lumaka iksho ka chʒ kak ʒ, hatak
moma kvt ilap tekchi ak inli hʒ ieshikma, anonti ohoyo mo-
ma kvt i hatak ak inli hʒ ieshashke.

3. I hatak vt ohoyo hʒ isht ai im vlhpesa ka imashke:
mikma tekchi atuk ak kia i hatak ʒ mihinlohimchashke.

4. Tekchi vt ilap haknip ak o immi ho keyu, amba i hatak ak oke; mikma i hatak ak kia mihi yo chohmit ilap haknip a immi keyu, amba tekchi ak oke.

5. Isht im ai vlhpiesa hatuk ash hvch ik it im esho kashke, amba anumpa ilbvsha hvsh anumpuli fehna chi hosh chekosi itin takla yo hvsh it im ahni hok mak ashke; atuk osh nan isht il ai oktambli ik hvchim iksho ki Setan vt imomaka hvchi pisa hinla ka, atuklant hvsh it im onashke.

6. Yohmi kia vno nana vm anukfila hosh ilvppa isht hvchim anumpuli lishke, yohmi kvv nana isht vm vlhpisa tuk keyu hoke.

7. Hatak puta kvv vno ak inli chiyuhma he ak o ahni lishke. Yohmi kia hatak moma kvv Chihowa i nan hvlbina ya isht im vlhpiesa cha, achvfa kvv ilvppak o isht ai im vlhpiesakma, anonti inla yvt yvmmak o isht im vlhpiesa yoke.

8. Yvmohmi ka nan ik itauwayo kisha, micha i hatak illi vhleha aiena kvv, Uno ak inli chohmit maya hinla hokmvto, im achukmvshke, achi lishke.

9. Yohmi kia okla il oktampla he keyu mvto, okla itauwayashke: itauwaya kak osh lua hi a im i shahli hoke.

10. Anonti itauwaya vhleha hokvno im apesa lishke; yohmi kia vno ak keyu, amba Chitokaka yak oke; Tekchi atuk vt i hatak atuk a ik i filvmmo kashke.

11. Yohmi kia anonti tekchi atuk vt filvmmi hokmvto, inla ik auwayo hosh antashke: keyukmvv i hatak atuk ash o i kanvt i falamashke; mikma i hatak vt tekchi a ik kancho kashke.

12. Yohmi ka inlaka yano vno ak osh anumpuli li, Chitokaka yak keyu; iloh itibapishi kvna kia tekchi ik yimmo, yohmi kia yvmmak ash o awant anta kvv im achukmakma, yvmma ik kancho kashke.

13. Anonti ohoyo hvv i hatak osh ik yimmo, yohmi kia yvmmak ash awant anta kvv im achukmakma, yvmma ik kancho kashke.

14. I hatak vt ik yimmo yvt tekchi atuk pulla mak o isht im a kashofa yoke; mikma tekchi nan ik yimmo yvt i hatak atuk mak o isht im a kashofa voke; yvmmak keyukma hv-

chim vlla yvt ik kashofu ka he tuk; amba himak ano holi-
topa hoke.

15. Yohmi kia ik yimmo yvt filvmmi hokmvt, filvmmi
ayashke. Yvmma chohmi hokvno il itibapishi yokmá, pin
tek okmá, nana hash osh i yuka he keyushke; yohmi ka
Chihowa hvto iti nanaiya he ak o pi atokli tuk oke.

16. Tekchi chia ma! chi hatak a ish okchalinchikmá nana
chi kvv nanta ish ithana cho? mikma hatak chia ma! chi
tekchi a ish okchalinchikmá, nana chi kvv katiohmit ish ithana
cho?

17. Yohmi kia Chihowa hvv kaniohmichit hatak moma ka
i hopehinla hatuk, Chihowa yvt moma achvofalechit atokoli
tok; yohmi hoka yvmmak o ik ai itvnowá. Yohmi ka
chvch hiohli moma ai yvmohma chi mak o apihisa lishke.

18. Kvna kia hakshup tupa yvt vbanumpa nukfohka ho?
Yohmi hokmvt hakshup ik tapo yo ik tobo kashke. Kvna
kia hakshup ik tapo yosh vbanumpa nukfohka ho? yohmi
hokmvt hakshup tupa keyu kashke.

19. Hakshup tupa yokvto nana keyu, mikma hakshup ik
tapo yokvt nana keyu, amba Chihowa i nan vlvhvisa holito-
hombli kak oke.

20. Hatak moma kvv kaniohmit antvt vbanumpa anuk-
fohka tuk vt, yvmmak inli ho anukfoyukvt isht ahantashke.

21. Yuka chia hosh vbanumpa chi nukfohka ho? yohmi
hokmvt na yohmi chik ahno kashke; yohmi kia yuka keyu
ish toba hinla hokmvt, yvmmak o ish yvmihchashke.

22. Kvna hoh kia yuka hosh Chitokaka isht anukfoyu-
kakma, mihi yosh Chitokaka immi yuka keyu hoke; yvmmak
ash inli ho chohmit kvna hosh yuka keyu yosh vbanumpa
anukfohkakmvt, mihi yosh Klaist in tishu yokvt.

23. Nan ai vlli yo hvsh ai vlbi hatuk; hatak i yuka ho
hvchia keyu kashke.

24. Itibapishi li vhleha ma! hatak moma kvv kanima yo
hikvt anukfohka tuk mvt, Chihowa im antihiyvt yvmmak inli
ho antashke.

25. Yvmohmi ka ohoyo himithoa hatak haleli keyu vhleha
umma kak a he tuk okvno Chitokaka i nan vlvhvisa yvt ik

svm ikshoshke: yohmi kia ai ahla chi hosh Chitokaka nan isht i nukhaklo ahayuchi tuk mak o, chohmit vno vm anukfila ha ima lishke.

26. Yohmi kia himonasi yokvno nan isht palvmmi ak atuk mak o ilvppak okvt achukma, ahni li; na yakohmi ka hatak vt yohmi kak o achukma, achi lishke.

27. Tekchi a ish a talaiyakchi ho? i holhtoyufa he, chik ahno kashke. Chi tekchi a ish i holhtoyufa ho? tekchi a chik hoyo kashke.

28. Yohmi kia anonti ish itauwaya hokmvt nana ish ashvchi tuk keyu hoke: mikma ohoyo himita hatak haleli keyu yosh hatak auwaya hokmvt, nan ashvchi tuk keyu hoke. Yvmohmi ak inli kia yvmma chohmi kv haknip nan isht ik im vlhpieso ka he; yohmi kia hvchi kanvt nana kaniohma hi okvno ak hvchim anoloshke.

29. Yohmi ka itibapishi li vhleha ma! ilvppak o achi lishke: nitak vt ik falaio yosh takanli hoke; tekchi im asha vhleha yatuk vt, ik im iksho chiyuhmashke.

30. Mikma kvna hosh yaiya kia, yaiya tuk keyu chiyuhmashke; mikma kvna hosh yukpa kia, yukpa tuk keyu chiyuhmashke; mikma kvna hosh chumpa kia, ik esho ke tuk chiyumashke.

31. Mikma kvna hosh yakni ilvppa nan isht ai ahanta kia, ik vlhpesachot ahanta ik chiyuhmo kashke. Yakni ilvppa nana a kaniohmi yokvto ont ikshot ihia hoka.

32. Yohmi hoka nan isht im anukfilvt ik hvchi komunto ka he ak o hvchim ai ahni lishke. Kvna hosh itauwaya keyu hokvto, kaniohmit Chitokaka ya yukpala chi kv, nana kv Chitokaka ai immi hak o anukfihinli hoke.

33. Amba kvna hosh itauwaya yokvto, kaniohmit tekchi a yukpala chi kv, nana kv yakni ai immi hak o anukfihinli hoke.

34. Hatak im asha, mikmvt ohoyo himita hatak haleli keyu hokvto, it im inla hoke: ohoyo hatak auwaya keyu hokvto ilap haknip, micha im anukfila ita tuklo ka isht ik ashvcho ka chi kv, nana kv Chitokaka ai immi hak o anukfihinli hoke: amba hatak im asha yokvto, kaniohmit i hatak yukpala chi kv, nana kv yakni ai immi hak o anukfihinli hoke.

35. Yohmi ka hvchishno isht ai hvchim vlhpesa hi q ilvppa anumpuli lishke: yohmi kv̄t nan isht ataklv̄ma yō isht hv̄chi onochi la ch̄i hatuk keyu; amba nana kv̄t ai vlhpiesa kak atuk; yohmi ka nan isht fitekv̄chi ik im ikshot, Chitokaka ya im antihyv̄t nan isht hv̄sh im ahantashke.

36. Yohmi ka hatak kv̄na hosh ilap ushetik hatak haleli keyu hatuk q̄ ilap inli hosh ik vlhpesalo kv̄t anukfillikm̄vt, yvm̄mak ash osh hofantit taha ha ya tuk okma, anonti yvmohma he vlhpesa hoka, nana hō iki ash osh ahnikm̄vt nanashv̄chi keyu hokv̄t, yvmihchashke: yohmi hō hatak auwayashke.

37. Yvmohmi kia yvmohma he vlhpesa keyu hokm̄vno, iki ash osh ilap ch̄ukv̄sh isht ile kv̄llochit ilap nan ahni hosh ahlich̄a hinla hosh, anonti yakohmashke, ahnit ilap ch̄ukv̄sh q̄ anukfoyuki hokm̄vt, ushetik hatak haleli keyu kash ot imoma hosh im anta he ahnikm̄vt, vlhpesa hō yvmihchi hoke.

38. Yvmohmi hoka kv̄na hosh ushetik hatak haleli keyu hq̄ hatak auwayv̄chi kv̄t vlhpesa hō yvmihchi hoke; yohmi kia kv̄na hosh ushetik hatak haleli keyu ya hatak auwayachi keyu kak osh, vlhpesa kv̄t i shahli hō yvmihchi hoke.

39. I hatak vt okchaya moyuma ka tekchi vt nan vlhpisa pulla hō isht a talaiyakchi hoke; yohmi tuk kia i hatak ash osh illi hokm̄vno, Chitokaka immi kv̄na hoh kia ahnikm̄vt, auwaya hi vt i holhtofa hoke.

40. Yohmi ka Chihowa imi Shilombish vt a si anukfoyuka ak inli ka vm ahoba hoka, vno vm anukfila hq̄ yvm̄mak ash osh iakaiyv̄t peh anta hokm̄vt, yvm̄m̄vt yukpa kv̄t i shahli hoke.

CHAPTA VIII.

Naholbv̄t toba puta ka nan isht aiokpv̄chi ka isht anumpuli, 1; 9 kv̄na kia na kil ibetv̄blich̄o kashke.

1. **YOHMI** ka na holbv̄t toba isht aiokpv̄chit nana ka im issa tok imma hokv̄no, nana ka iloh ithaiyana kv̄t il

ithanvshke. Nan ithana yvt ile chahvchi, amba nan i hullo yokvto nan achukmali yoke.

2. Yohmi ka kvna kia nana ka ithana im ahoba hokmvt, nana ka kaniohmit ithana he tuk ash osh ik ithano kisha hoke.

3. Amba kvna hosh Chihowa ya i hullokma, mihi yosh yvmma im a holitopa hoke.

4. Na holbvt toba puta isht aiokpvchit nana ka im issa tok yvmmak o vpa hatuk imma tok okvno, na holbvt toba yvt yakni pakna ya nana ho keyu; micha Chihowa inla yvt iksho, amba achvfa kak illa ka iloh ithanvshke.

5. I shahli hohchifo kvt ai asha kvt vba shutik ak okma, keyukmvt yakni pakna yak okma, nana ho ai asha kvt, i shahli hvv lauua cha, anonti chitokaka mvt lauua hoke.

6. Amba pishno yokvno Chihowa achvfa, Iki, yvmmak osh nan ai ahni pulla ho nana moma kvv toba hoke; mikma pishno vt yvmmak o immi pia hi osh il in toba hoke; mikma Chitokaka Chisvs Klaist achvfa yvmmak atuk mak o nana moma kvv ai asha, mikma pishno mvt yvmmak atuk mak o il ai ashvshke.

7. Yohmi kia nan isht ithaiyana yash hatak moyuma ka anukfoyuka keyushke: kanimi kvv na holbvt toba ya nana ho chohmichit isht ai i yimmi cha, na holbvt toba yash nana ho im issa tuk ash o yvmmak o ai vpvv maya na ant himakvshke: yohmi mvt nan isht il ai akostininchi yvt ik ono hatuk osh ai okpuloka hoke.

8. Yohmi ka il impa hatuk mak o Chihowa hvv pi abninchi ho keyu: il impa hoh kia, kaniohmit il i shahli keyu hoka; mikmvt kil impo kia kil a lauwo keyu hoke.

9. Yohmi kia ahah! hvsh ahni na na hvsh a kaniohma he vlvpesa ilvppak ash ot kvna hosh ik hlampko, yvmmak ash o ibetvblichi yo ik kaniohmi kia ik tobo kashke.

10. Kvna chia hosh nana hash isht ithaiyana kia, na holbvt toba in tempel anukaka ya ish ai impa na kvna hosh chi piesakmvt, yvmmvt nan isht il akostininchi hvv ik hlampko hatuk okmvt, na holbvt toba nana ho im issa tok yvmmak ash o vpa hi vt i shahlit anukfohka keyu ka hinla ho?

11. Yohmi ka nana ish ithana pulla tuk'ash o chitibapishi ik hlampko yummak o Klaist vltobvt illi tok a ai okpuloka chi cho?

12. Yohmi ka hvsh itibapishi vhleha ha yakohmiechit hvsh im ashvchi cha, nan isht il akostininchi ik hlampko yash hvsh hotopali kut, Klaist ak o hvsh im ashvchi hoke.

13. Yumohmi ka ilhpak vt itibapishi li ha ibetvblichichokma, itibapishi li hash ak ibetvblecho ka chi kut, yakni vt talaia moma ka nipi nana kia vpa la he keyu hoke.

CHAPTER IX.

Vbanumpa isht vta yvt nan isht il apelacha hi okvno im atahla he otvminchi, 1: 18 yohmi kia ilap vt kvna kia nana ka iwekechi tok keyu. 21 Okchayvt il anta ilvppvt nan iti timiya pvlhki ho chohmi.

1. APOSTEL sia keyu ho? yuka keyu sia keyu ho? pin Chitokaka Chisvs Klaist a pisa li tuk keyu ho? Chitokaka hvsh ibai achvfa ka yummvt na hvchi atahli li tuk mak keyu?

2. Inla yokvno im apostel sia keyu hok mak heto, hvchishno yokvno hvchim vbanumpeshi sia mvhlishe: Chitokaka hvsh ibai achvfa kak osh vbanumpeshi si vltoka hatuk a isht ahlichichivhia hoke.

3. Kvna hosh ik yimmot si a ponaklo tuk yvmma im afalaminchi li ka ilvppak oke;

4. Impa, micha nan ishko ita tuklo kut isht a pim vlpiesa keyu ho?

5. Ohoyo pin tek a ilaelit aya kut, apostel inla vhleha, mikmvt Chitokaka itibapishi vhleha, micha Sefas aiena ka chohmit pim ohoyo, pin tek a ilaelit il aya hi vt pim vlpiesa keyu ho?

6. Yohmikmvt Banabas ita tuklo li kak bano hosh ke tokvulo ka hi vt pim vlpiesa keyu ho?

7. Kvta hosh kaniohmi hoh kia itotinowa kut ilap inli hosh nan i kvnia ho? kvta hosh pakvpi a hollokchi ya ikbi tuk vt, yvmma nan ai vni ka ai vpa keyu ho? keyukma

kvta hosh nan vllhpoba apistikeli kvv anonti nan vllhpoba ya i pishukchi ya ik ishko ka hinla?

8. Hatak o chohmit ilvppa puta ka achi li ho? vba nan vllhpisa yak kia yvmmak inli ho achi ak inli keyu ho?

9. Wak toksvli yvmmvt na nihechi ka, Itakha ya chik takcho kashke, achi hosh Moses i nan vllhpisa ya holisso hoke. Chitokaka yvt wak toksvli ya nan im atahli ho?

10. Yohmi ka pishno ak illa puyulla hatuk mak o achi tok o? pishno puyulla mvhli hatuk mak o ilvppvt holisso hatuk: yohmi ka kvna hosh yakni patvffi kvv, nawaya pisa he ahni hosh yakni patvffashke; mikma nan isht ilai yukpa pisa he ahni hosh kvna kia nanihechi kvv, na pisa he ahni tuk ak o ibai isha hi oke.

11. Nana kvv shilombish imma ko e hvchim a hokchi hatuk okma, nana kvv haknip ahalaia imma e hvchim ai vma chi ka, nana kvv a fehna ho?

12. Inla yvt ilvppa hvch ibai isha hi vt vllhpesa hokma, pishno yokak heto isht a pim vllhpiesa keyu ho? yohmi kia nana vllhpesa ahnit ilvppak ash o isht kil il apelacho hatuk: amba Klaist im vbanumpa ha kil ataklammo ka chi kvv, nana moma ka ik yvmohmi il ahni hoke.

13. Kvna kia nana kvv hoolitopa imma kak o isht vta kvv, yvmmvt nana kvv tempel a ai immi hak o ai vpa; mikma kvna hosh alta ya nan isht ai vta kvv, yvmmvt alta ya nan ai ibai ishi ka hvch ik ithano cho?

14. Yvmmak inli ho chohmit kvna hosh vbanumpa isht anumpuli kvv, yvmmvt vbanumpa ha ai isht il apelacha hi o, Chitokaka yvt apesa tok.

15. Yohmi kia ilvppa puta kash achvona kia isht il apelachi li tuk keyu: yohmi mvv nana kvv vm ai yvmohma chi kvv ilvppa puta kash holissohonchi li tuk keyu: kvna kia nan isht il a hoolitopa li ya ik ahobalecho ka he atuk a, illi kak osh achukma kvv yvmma vm i shahliskke.

16. Vbanumpa isht anumpohonli li hoh kia, nan isht il aholitopa la hi vt ik svm iksho kamohmishke: nana kvv ai vllhpiesa mak osh si onvtuyula hoka; ahli, vbanumpa ha isht anumpohonli li keyukmvv, nan vm a palvmmi hoke.

17. Ahni li hok mak osh ilvppa yvmohmi li hokmvt, nan vlhtoba kia ieshi li hoke; amba ak ahno hok mak osh ilvppa yvmihchi li hoh kia, vbanumpa isht ai vta hi okvte si vlhtokowa hatuk oke.

18. Yohmi ka nanta hosh nan isht vm vlhtoba yo? ahli, vbanumpa ho isht anumpohonli li kv, Klaist im vbanumpa hash nan ak ai illecho ka chi hatuk; yokmi hokvt vbanumpa isht vm ai vlhpisa hatuk a ak vlhpesacho ka hi o keyushke.

19. Achvona kia i yuka sia keyu, yohmi kia i shahlichit asitvbi la chi kv, vno ak inli hosh moma ka il im i yukahanchi li hoke.

20. Yohmi hokvt Chu okla ha asitvbi la chi kv, Chu okla hokvno Chu ak inli ho toba li hatuk; mihmvt kvna hosh nan vlhpisa ya ai i nutaka atuk a asitvbi la chi kv, nan vlhpisa ai i nutaka hokvno nan vlhpisa ai i nutaka ak inli ho toba li hatuk;

21. Kvna hosh nan vlhpisa a keyu ka asitvbi la chi kv, nan vlhpisa a keyu hokvno nan vlhpisa a keyu ak inli ho toba li hatuk; yohmi kia nan vlhpisa ik im ikshot Chihowa ik im antio ka hi o keyu, Klaist i nan vlhpisa yosh onvuyula hoka.

22. Ik hlampko ya asitvbi la chi kv, ik hlampko hokvno ik hlampko ak inli ho toba li hatuk; yohmi kv ik kaniohmi kia kanimi ka okchalinchi la chi kv, hatak moma ka nana moma ka in toba li hoke.

23. Yohmi kv vbanumpa ha hvch ibai ishi la chi kv, vbanumpa pulla kak o ilvppa yakohmi li hoke.

24. Kvna hosh ai itin timiya ai yihlepa chi hatuk okvt, moma kak osh yihlepa kia, nan isht a holitopa hi okvno achvfa bano hosh ishi chatuk a hvch ik ithano cho? Nan isht a holitopa hi ya hvsh isha chi kv, yvmmak inli ho chohmit hvsh malelashke.

25. Yohmi ka hatak moma kv i shablicha he ahnit ile lushummi hokvto, yvmvt nana moma ka il ai oktampli hoke. Yohmi kv iachuka okpula hi o isha chi kv, okla ilvppak o yakohmi hoke: pishno yokvto nan okpula ha keyu kak oke.

26. Yvmohmi hoka ik im ai ono keyut, yakohmit malihinli lishke: kvna hosh mahli hō ihisso hō chohmi keyut, itihimbi lishke.

27. Yohmi kv̄t sa haknīp imaiyachi li, yohmi m̄vt yukahanchi lishke: yvm̄mak keyukm̄vt ik kaniohmi kia inla ya vbanumpa isht im anumpohonli li haya tuk vt, vno ak inli kak osh ak ai ghlo ka hinla hoke.

CHAPTA X.

Chu okla nan isht im v̄lh̄pisa holitopa, 1. 7 Chu okla nan isht im apalv̄mi tok a nan isht il ithana he tuk. 21 Chitokaka im ai impa ya Setan o im ai impa kiloh ikbo kashke. 24 Il itibapishi im anukfila h̄a il itim ahnicha he tok.

1. **YAKOHMI** ka itibapishi li v̄hleha ma! pin tikba v̄hleha h̄vt kaniohmit moma kv̄t hoshonti h̄a ai ī nutakvt ayvt, anonti momvt okhv̄ta hō a hlopulli tok a hv̄ch ik ithano ka hi a, hv̄chim ai ahni li keyushke.

2. Yohmi ka Moses a im antia ch̄i kv̄t hoshonti, micha okhv̄ta ita tuklo kash o isht a baptismo tok.

3. Mihma il impa shilombish imma a miha chv̄fa hō momvt vpa tok.

4. Mihm̄vt nan ishko shilombish imma a miha chv̄fa hō momvt ishko tok. Tv̄li chito shilombish imma yvm̄mak ash okla ai ishko tok a yvm̄mak ash ot iakaiya tok oka; yohmi ma Tv̄li chito yvm̄m̄vt Klaist mak atok oke.

5. Yohmi kia yv̄mma kashampa laua ka Chihowa yvt isht ik ī ahno fehna tok; illit yakni haiaka ya okla a fimimpa tok oka.

6. Yohmi ka nana yakohmi kv̄t nan isht a pim v̄lv̄cha hi atuk; yvmohmi hokvt okla nan anushkunna tok ak inli hō chokmit nan ik v̄lh̄peso puta ka kil anushkunno ka he atuk oke.

7. Okla hvt binohmayvt imp̄vt, nan ishkot wakaya cha, a hihlv̄chi tok, achi kv̄t holisso hoka; kanima kv̄t yohmi hatok a chohmit nan holbvt toba aiokpv̄chi hv̄chia keyu kashke.

8. Mihmvt kanimi kv̄t itinlumaka tuk osh, nitak achvfa ka tahlepa sipokni pokoli tuklo akocha tuchinv̄t ak-akoha tok vhleha h̄a chohmit kil itinlumako kashke.

9. Mihmvt kanimi kv̄t Klaist imomaka pisa tuk osh, sinti ̄o isht ai illi tok vhleha h̄a chohmit Klaist a imomaka ke peso kashke.

10. Mihmvt kanimi kv̄t ik im vlvpesot na mihachi tuk osh, nan okpv̄ni ̄o isht ai okpuloka tok vhleha h̄a chohmit, na hvch ik mihacho kaskke.

11. Yohmi ka isht a pim vlvvcha hi ̄a ilvppa puyuta kv̄t yvm̄mak ash ̄o ai i yvmohmi tok: yohmi tuk osh yvm̄mak atok vt isht a pim achukma ch̄i mak ̄o holisso ma, yakni ont ai vhli hv̄t pishno ak ̄o pim vlvshke.

12. Yvmohmi hoka kv̄na hosh, Hikja li, ahni kv̄t, mihi yosh ik itulo ka ch̄i kv̄t ahah! ahnashke.

13. Nana imomaka pisa nana hosh hv̄chi onvtula he keyu; amba hatak moma ka ai onvtuyula chatuk chohmi kv̄t yvm̄mak oke; yohmi kia Chihowa yvt ai ̄ahli, yvm̄mvt nan hv̄sh a lauecha he ont ia hokvno imomaka hv̄chi pisa hi ̄a ahna he keyu hoke; amba yvm̄mak ash hv̄sh a lauecha ch̄i ka nana imomaka pisa yvt hv̄chi ontuyulakma, a hlakofa he ataya ya hv̄chim ikba he ak inli hoke.

14. Yvmohmi hoka ̄a kana ̄a holitopa vhleha ma! na holbv̄t toba ai okpv̄chi hv̄sh i filvmmashke.

15. Hatak hopoyuksa yo hv̄chi chohmichit anumpuli lishke; nana h̄o achi li ka anukfillit hv̄sh akostininchashke.

16. Isht ishko holitopa mihi yo Chihowa isht il aiokpv̄chi kv̄t, yvm̄mvt Klaist im issish ̄a isht itibai ishi keyu h̄o? Pvska e boshullich̄i ka, yvm̄mvt Klaist haknip ̄a isht itibai ishi keyu h̄o?

17. Pishno vt pi laua kia, pvska achvfa, anonti haknip achvfa pia hoke; pvska achvfa yv̄mma momvt iloh itibai ishi hokvt.

18. Israel okla haknip imma hokvno ho pesá; kv̄na hosh vba nan isht aiokpv̄chi nipi yo ai vpa kv̄t, yvm̄mvt alta ya itibai ishi keyu h̄o?

19. Yohmi ka nanta h̄o achi li h̄o? na holbv̄t toba

yummvt nana hoke ; mikmvt na holbut toba nana hō isht aiokpvcha chī hō imma ka yummvt nana hoke, achi li hō ? keyú.

20. Amba nana hō Chentail okla hvt vba isht aiokpvchi kv̄t, nan isht a hullo okpulo yak o isht aiokpvchi kv̄t, Chihowa yak okvno keyu, achi li hoke : yohmi hokvt nan isht a hullo okpulo yā hvsh ibai isha hi o, hvchim ahni li keyushke.

21. Chitokaka im isht ishko, mikmvt nan isht ahullo okpulo im isht ishko it aieninchit hvsh ai ishka he keyushke . mikmvt Chitokaka im ai-impā, mikmvt nan-isht ahullo okpulo vhleha im ai-impā it aieninchit hvsh ibai achvfa he keyushke.

22. Chitokaka yā il anukhobelvchi na pī nuktvhla hinla hō ? yvmma hlampko kv̄t il i shahli hō ?

23. Nana moma kv̄t isht vm ai vlpiesa, yohmi kia nana moma kak osh isht achukma he keyu ; nan moma kv̄t isht vm ai vlpiesa, yohmi kia nana moma kak osh achukmalechi keyu hoke.

24. Hatak kv̄na kia ilap nan isht im ai vlpiesa he ak bano hō ik hoyo kashke ; amba hatak moma kv̄t inla nan isht im ai vlpiesa he yak ashke.

25. Nipi a chumpa yā nana hosh a kv̄nia tuk ā, yvmma nan isht il akostininchi pulla kak o nana ik a ponaklot, hvsh pashke.

26. Yakni moma, micha awaya moma kv̄t Chitokaka immi hoke.

27. Kanimi kv̄t na yimmi keyu hosh ont hvsh ibai impā he hvchim ahni hokma, ia hi ā hvsh ahni hokmvt ; nana hosh hvchin tikba yā talaiakma nan isht il akostininchi pulla kak o nana ik a ponaklot, hvsh pashke.

28. Yohmi kia kv̄na hosh, Na holbut toba isht aiokpvcha hi o ilvppa im issa tok ā hvchim achikma, na hvchim anoli tuk yvmmak pulla, mikmvt nan isht il akostininchi aiena pulla kak o hvshpa ná ; yakni micha ai immi moma aiena kv̄t Chitokaka immi hoke.

29. Nan isht il akostininchi achi li ka, chimmi ak o keyu,

amba yvmmak ash oke; nan isht vm ai vlhpisa hosh yvmihchi li ka, nanta katiohmi hō inla nan isht il akostininchi hosh si onochi hō?

30. Chihowa nan isht i kana pulla hō ibai ishi li hokmvt, yvmmak oka yak oke isht ahni li ka, nanta katiohmi hō nan ik vlhpeso yō isht a si anumpa cho?

31. Yvmohmi hoka hvsh impa, keyukmvt na hvsh ishko, keyukmvt nana hō hvsh yvmihchi hokmvt, Chihowa isht a holitopa chī hō, mominchit hvsh yvmohmashke.

32. Achvfona kia Chu ak okmá, keyukmvt Chentail ak okmá, keyukmvt Chihowa in chvch ak okmá, nana kia hvch ik ibetvblichō kashke.

33. Hatak moma ka nana moma ka yukpali kv̄t, vno nan isht vm ai vlhpiesa hi o hoyo li keyu; amba lawa yvmmvt okchaya chī ka, isht im ai vlhpiesa hi o hoyo li ka hvsh chiyuhmashke.

CHAPTER XI.

Chihowa aiokpahanchi a nana kv̄t ik vlhpeso, micha Chitokaka im opiaka impa ma ik ahobalo aiena ka im alvmmi, 1. 23 Chitokaka im opiaka impa vlhpisa vmonnvt isht a minti tok a im anoli; mihmvt kaniohmit okla holitobla hi tok a im otv̄ninchī.

1. V̄NO vt Klaist a iakaiya sia akinli hō chohmit, siakaiya hvchia hashke.

2. Yvmohmi ka itibapishi li vhleha ma! nana moma isht hvs svthaiyana, mikmvt nan vlhpisa holitopa moyuma ka hvch ichīma li tuk a hvsh holitobli hoka, hvchi ahninchī lishke.

3. Yohmi ka hatak moma i noshkoboka yvt Klaist ak okma; anonti ohoyo hā i noshkoboka yvt hatak ak cke; mikma Klaist i noshkoboka yvt Chihowa yak oka, hvsh ithana he ak o, hvchim ahni lishke.

4. Hatak moma kv̄t anumpa ilbvsha anumpuli, keyukmvt Shilombish o anukfoyukvt anumpuli kv̄t, noshkobo hv̄t im o hlipia hokmvt, ilap noshkobo hā hofahyali hoke.

5. Amba ohoyo moma kv̄t noshkobo o hlipia keyu hosh,

anumpa ilbvsha anumpuli, keyukmvt Shilombish o anukfo-yukvt anumpuli hokmvt, noshkobo yash o hofahyali hoke, yvmmak okvt noshkobo i shafa yak inli ho chiyuhmi hoka.

6. Ohoyo hvt noshkobo ompoholmo keyukmvt, pashi ak kia vlmashke; yohmi kia pashi vlmo, keyukmvt shafa kak okma, nana ka ohoyo hvt isht a hofahya hinla hokma, noshkobo hvt ompoholmashke.

7. Chihowa ya a hoyulba na isht a holitopa hoka, hatak vt noshkobo ha nan o hlipela he vlhpesa keyu mvhlishke: amba hatak a isht im a holitopa yokvto ohoyo ak oke.

8. Hatak vt ohoyo ak o a toba tok keyu, amba ohoyo ak osh hatak ak atok oka.

9. Mikmvt hatak vt ohoyo ak atuk pulla mak o toba tok keyu, amba ohoyo ak osh hatak ak atok oke.

10. Yvmohmi kak o ohoyo hvt enchil vhleha ak pulla kak oka, noshkobo hvt ompoholma he vlhpesa hoke.

11. Yohmi kia ohoyo hvt iksho ka hatak vt anta he keyu, mikma hatak vt anta he keyu, mikma hatak vt iksho ka ohoyo hvt anta he keyu, Chitokaka yvt im ahni hoke.

12. Ohoyo hvt hatak ak o a toba yatuk o, yvmmak inli ho chohmit hatak vt ohoyo pulla kak o atoba hoke; yohmi ka nana puta kvv Chihowa ak o atoba hoke.

13. Hvchishno ak inli hosh anukfillit ho pesa; ohoyo hvt noshkobo ompoholmo keyu hosh Chihowa im ilbvshvt anumpuli yvmvvt vlhpesa ho?

14. Hatak vt pashi vt falaia hokmvt, ishit hofahya ka nan isht anukfilli kak oh kia nan hvchi ithvnanchi keyu ho?

15. Amba ohoyo hvt pashi vt i falaia hokmvt, isht im a holitopa hoke; ilap pashi vt noshkobo isht ompoholma hi o ishi tok oka.

16. Yohmi kia kvna hosh a sanali kak o bvna ahoba kia, pishno yukvto yvma chohmi kvv ik pim iksho chatuk; mikmvt Chihowa in hvch a hiehli kvv yvma chohmi kvv ik im iksho chatuk oke.

17. Yohmi ka achukma i shahli kak o keyu, amba okpulo i shahla chv hosh mintit hvsh itvnaha kak o, ak hvchim ahnincho ilvppak osh hvchim anoli lishke.

18. Ūbanumpuli iksa yosh ant hvsh ai itvnaha kv̄t, nana vmonna ka ita kvshkov̄t hvsh maya ka haklo lishke : yohmi kv̄t sai yimmi chohmishke.

19. Yohmi ka hvch ik itibachvfo kak o pulla chi, yohmik mak o kvna hosh ai ghli hok mak osh hvch itin takla ya otaiyana hi oke.

20. Yohmi ka a miha chvfa hō ant hvsh ai itvnaha, ilvppak osh Chitokaka im opiaka impa ya vpa hō keyu hoke.

21. Hvsh impakm̄t, hvsh moma kv̄t hvchim opiaka impa yatuk kak illa hō tikba hvsh ishishke : yohmi hatuk o achvfa kv̄t hohchvfohma, anonti inla yato nan ishkot haksishke.

22. Yakeh ! ai impa he, mikm̄t ai ishka he aiena chuka yvt ik hvchim iksho hō ? keyukm̄t Chihowa in chvch hvsh, shitilema cha, anonti kvna hosh nana kv̄t ik im iksho ke tuk yvmmak ash kia hvsh hofahyala chi hosh hvsh yohmi hō ? Nanta hō hvchim achi la chi hō ? ilvppak ash o isht hvchi ahninchī la chi hō ? isht hvchi ahninchī li keyushke.

23. Chitokaka ya im ishi li tuk mihi yo hvch ihīma li ; yohmi ka Chitokaka Chisvs vt t̄vn̄v̄p̄ ibbak fohka chi ninak yvmmak inli m̄t p̄vska ya ishi tok.

24. Mihm̄t yvmmak ash ot v̄ba pit isht aiokp̄v̄chi cha, p̄vska yash boshullichī m̄t, Ieshi cha, ho v̄p̄á ; ilvpp̄t sa hakn̄p̄ osh hvchi boshulli hoke : hvs sv̄thana chi kv̄t ilvppak o hvsh yvmihchashe, achi tok.

25. Yvmmak ash inli hō chohmichit opiaka impa ishi hayosh, isht ishko ash kia yvmmak ash ot ishi m̄t, Ilvpp̄t nan v̄lh̄p̄isa himona v̄m̄ issish o isht ai ghli toba hoke ; ilvppak o hvsh yvmihchi cha, yvmmak ash hvsh ishko aiyukakm̄t, hvs sv̄thah̄n̄ashke.

26. P̄vska ilvppa hvsh pa aiyuka, mikm̄t isht ishko ilvppa hvsh ai ishko aiyuka aiena kv̄t, Chitokaka illi tok a hvsh otv̄nihinchī na yvmmak atuk vt v̄la hayashke.

27. Yvmohmi ka kvna hosh yohma he ai v̄lh̄piesa keyu hosh, p̄vska ilvppak ash vpa chi, mikm̄t Chitokaka im isht ishko ilvppak ash ai ishka chi aiena hokm̄t, mihi yosh Chitokaka hakn̄p̄, micha im issish ita tuklo ka ik holitoblot nan isht i palv̄m̄mi mak a hi oke.

28. Yohmi ka hatak okvt anukfillit ik ile pisá: yvmohmi cha mihi yosh puska yash ik pá, mikmvt isht ishko yash ik ai ishkó.

29. Kvna hosh ai vlpiesa keyut yvmmak ash vpa, micha ishko aiena kv̄t Chitokaka haknip ash ik akostinincho hokvt, mihi yosh ilap nan isht im v̄lpisa hi o yvmmak ash vpa, micha ishko aiena hoke.

30. Ilvppa yakohmi kak o ik sitopo, micha abeka aiena kv̄t laua hosh hvchim ai asha; mihma laua kv̄t nusi hoke.

31. Pishno ak inli kv̄t il il akostininchi hatuk okmvt, nan isht pim v̄lpisa hi atuk keyu.

32. Yohmi ka nan isht pim v̄lpisa kv̄t, yakni ya ai itv-pehvt ik pi palvmmo ka chi kv̄t, isht pi achukma chi hosh Chitokaka ya il im afvma hoke.

33. Yomohmi hoka itibapishi li v̄hleha ma! hvsh impa chi hosh hvsh itvnahakmvt, it i hullot hvsh iti hoyashke.

34. Yvmohmi ka itvnahvt nan isht hvchim v̄lpisa chi kv̄t, kvna hosh hohchvfo hokvto, mihi yosh in chuka yak o ik ai impá. Nana inla ka yatuk okvno ona lik mak osh, apoksiachi la hi oke.

CHAPTER XII.

Shilombish na holhpela hokvto il ai yuka, 1; 7 yohmi kia moma kv̄t nan isht ai yukpa he v̄lhpesa bano. 12 Haknip a ai ibachvfa yvt ai it im il aiyuka bano, yohmi kia ilap bika it im v̄lhpesak mvt, haknip ma im ai v̄lhpiesa chatuk; 29 yohmi hoka na pi hv̄lbena kv̄t il aiyuka kia, isht il itapela he tok.

1. **Y**VMOHMI ka itibapishi li v̄hleha ma! Shilombish imma ka hvch ik akostinincho ka hi a ak hvchim ahnoshke.

2. Chentail hvchia hv̄t na hvsh anukfoyuka hosh na hol-bvt toba ik anumpulo puta ilvppa hvsh im ohona kv̄t hvsh ithaiyanvshke.

3. Yvmohmi ka hatak nana kia Chihowa imi Shilombish anukfoyuka hosh anumpuli kv̄t, Chisvs a na kallakshi yo hochifa he keyu hoke: yohmikma hatak kvna kia Chisvs vt Chitokaka yoke, acha he keyu, amba Shilombish Holitopa yak osh anukfoyuka hok mak ahinla ka hvch ithvnanchi lishke.

4. Yohmi ka na hvlbina ilaiyuka kv̄t ai asha ; yohmi kia Shilombish mihi ash inli hoke.

5. Mikma nan isht v̄tta mvt im ilaiyuka ; yohmi kia Chitokaka yokv̄to mihi ash inli hoke.

6. Mikma na toksv̄li mvt im ilaiyuka hoke ; yohmi kia Chihowa mihi ash inli hosh ilv̄ppa moma ka hatak moma ka anukfokichi hoke.

7. Yohmi ka Shilombish nan isht otv̄ni h̄o hatak moma kv̄t isht ai v̄lhpiesa hi osh habena hoke.

8. Shilombish pulla h̄o na hopoyuksa anumpa h̄a achvfa kv̄t anukfoyuka hoke ; inla yato Shilombish yv̄mmak inli h̄o nan ithana anumpa h̄a anufoyuka hoke.

9. Inla mvt Shilombish mihi ash inli pulla h̄o na yimmi h̄a ishi : mikma inla mvt Shilombish mihi ash inli pulla h̄o na hlakofichi hvlbina ka ishi hoke.

10. Inla yv̄t na fehna puta yv̄mihcha hi vt ishi ; inla mvt Shilombish anukfokv̄t nan ithv̄nancha hi vt ishi ; inla mvt chukv̄sh im anukfila puta akostininchi ȳo ishi ; inla mvt anumpa ilaiyuka anumpula he vt ishi ; inla mvt anumpa ilaiyuka toshola hi vt ishi ka Shilombish pulla kak oke.

11. Shilombish achvfa mihi ash inli kak osh hatak moma ka kanimi h̄o im ai ahni aiyuka hosh na yakohmi puta kash im it a kv̄shkolit anukfokichi hoke.

12. Haknip okv̄to achvfa, yohmi kia yv̄mma ai immi hokv̄to in laua ; mikma haknip achvfa yv̄mma ai immi moma kv̄t laiyawa kia, haknip achvfa hoke ; yohmi ka Klaist ak kia ilv̄ppak inli h̄o chohmi hoke.

13. Shilombish achvfa pulla h̄o momv̄t isht il a baptis-mot haknip achvfa e toba ; Chu, keyukmvt Chentail pia hokmá, yuka, keyukmvt yuka keyu ȳo pia hokmá, nana tuk kia momv̄t Shilombish achvfa il ibai ishi ȳo e toba hatuk.

14. Haknip vt ai immi im achvfa keyu, amba laua hoka.

15. Iyi yv̄t, Ūno vto ibbak sia keyu hokv̄t, haknip ai immi sia keyu ; achi hokmv̄to, yohmi kia yv̄mmv̄t haknip a ai immi keyu h̄o ?

16. Mikma haksobish vt, Ūno vto nishkin sia keyu hokv̄t,

haknip ai immi sia keyu hoke; achi hokmuto, yohmi kia yummvt haknip a ai immi keyu ho?

17. Yohmikma haknip moma kvt nishkin okma, katima yak osh na haklo ya hinla ho? moma kak osh na haklo yokma, katima yak osh na huwa ya hinla ho?

18. Yohmi ka himonasi yokvno Chitokaka yvt yakohma hinla, ahni mak osh, ai immi hash achvfa aiyukali mominchit haknip ash ai iba fohkichishke.

19. Yohmi ka moma kak osh ai immi achvfa hokmuno, katima yak osh haknip a hinla ho?

20. Yohmi ka himonasi yokvno ai immi yvt laua: yohmi kia haknip okvto achvfa hoke.

21. Yohmi ka nishkin vt ibbak a, Nana ka ak chi svbn-noshke, im acha he keyu: keyukmvt anonti iyi yash o, Nana ka ak chi svbvnoshke, noshkobo hvt im acha he keyu hoke.

22. Keyú, yvma i shahli, haknip ai immi ilvppak ash osh ik hlampko fehna ahoba kia ai vlhpiesa hoke.

23. Yohmi ka haknip ai immi ilvppak ash kanima ka holitopa ik lauwo pim ahoba kia, ilvppak ash o holitopa i shahli fehna il ima hoke: mikmvt a pim alumaka imma hokvno i shahlichit e shemvchi hoke.

24. Isht a pi aiokli imma hokvno shema yvt isht im ai vlhpesa keyu hoke: yohmi ka Chihowa hvt haknip a iti fohkit apoksiachi mvt, kanimi kvt ik alauwo ke tuk ash holi-tobli kvt i shahlichit fehna hoke.

25. Yohmi na haknip ash ita kvshkoa iksho ka hi atok; amba ai it immi hash osh ahah! it im ahna he ak atok oke.

26. Yohmi ka haknip ai immi achvfa hatuk vt ilbvsha hokma, haknip ai immi moma kak osh ibai ilbvsha hoke: mihma ai immi achvfa kvt holitopa hokma, moma kvt ibai yukpa hoke.

27. Yohmi ka Klaist haknip o hvchia, micha yvmak ash o ai immi ka a kashampa ai yuka hvchia hoke.

28. Yohmi ka Chihowa hvt kanimi ka atokolit chvch a hiohlichit; vmmona ka apostel, atukla ka Shilombish anukfoyukvt anumpuli; atuchina ka vbanumpa isht ithvnanchi;

mikmvt na fehna puta yvmihchi, mikmvt na hlakofichi holh pela, nan apelvchi, chvch pehlich, anumpa ilaiyuka anum puli puta kak oke.

29. Moma kak osh apostel o? keyukmvt moma kak osh Shilombish anukfoyukvt anumpuli yo? keyukmvt moma kak osh vbanumpa isht ithvnanchi yo? keyukmvt moma kak osh na fehna puta yvmihchi yo?

30. Moma kak osh na hlakofichi holhpela ha ishi ho? keyukmvt moma kak osh anumpa il aiyuka anumpuli ho? keyukmvt moma kak osh anumpa ilaiyuka tosholi yo?

31. Yohmi ka na holhpela puta achukma i shahli kak o ishi ka hvsh ahni fehnashke. Yohmi kia na fehna kv̄t i shahli ho hvchim anoli lishke.

CHAPTA XIII.

Shilombish holhpela moma kv̄t nan i hullo kv̄t aiena keyu hokvto nan ik ahoba, 1; 4 nan i hullo im anukfila nan a kaniohmi.

1. **HATAK** im anumpa ilaiyuka puta, mikmvt enchil puta im anumpa ho isht anumpuli li hoh kia, nan i hullo yvt ik sv̄m ikshokmvt, tvli lakna ohonla, keyukmvt tvli kv̄sa kv̄sahahanchi ak inli ho holba li hoke.

2. Yohmi ka Shilombish anukfoyukvt anumpuli na holhpela ka ieshi li, micha nan ik otano ki tok moma ka akostininch, micha nan ithana moma ka ieshi li, yohmi cha na yimmi moma ma ieshi li, yohmi hokvt nvnih hochito puta ka kanv̄llich, la hinla kia, nan i hullo yvt ik sv̄m iksho hokmvt, nana ho sia keyu hoke.

3. Yohmikmvt nana vm asha moma kash ilbv̄sha ya im iti yopelachi li, micha sa haknip mvt lua chi ho im issa li; yohmi kia nan i hullo yvt ik sv̄m iksho hokmvt, nana ho isht vm ai achukma keyu hoke.

4. Nan i hullo yvt na hotopali ya i sv̄laha, micha nan i kana yoke; nan i hullo yvt nana potv̄nnot i nukkilli keyu; nan i hullo yvt ilap inli ka isht ilauata keyu, ile chahv̄chi keyu.

5. Ilefehnuchi hosh inla ya hofahyali keyu, ilap immi yo hoyo keyu, nan ik kanihmo ka nokowa keyu ; nan ik vlhpeso anukfilli keyu.

6. Nan ik vlhpeso isht ai yukpa keyu, amba nan ghli yo isht ai yukpa yoke.

7. Nana moma ka ompohomo, nana moma ka yimmi, nana moma kvv vlhpesa chi, ahgnit a yimmi, nana moma kvv ant ik svm ai yohmi, ahani.

8. Nan i hullo yokvto nitak nana ont ai iksho ka he keyu : amba Shilombish anukfoyokvt anumpuli yokma, nana hatuk kia yvmmak okvto ont ai iksho ka hi oke ; anumpa ilaiyuka ithaiyana yokma, nana tuk kia yvmmak okvto ont issa hi oke ; nan ithana yokma, nana hatuk vt ont akshot kvnia hi oke.

9. Ik onancho hosh il ithaiyana hosh, anonti ik onancho hosh Shilombish anukfoyokvt il anumpuli hoke.

10. Yohmi kia nana ont ai ghli yvmmvt vla chi, yohmi hokvno nana ik ono yvmmak atuk vt ont ai ikshot kvnia hi oke.

11. Vlla sa tomba mvt, vlla yo chohmit anumpuli li tok ; vlla yo chohmit nana akostininchi li tok ; vlla yo chohmit nana anukfilli li tok ; yohmi tok kia hatak ont toba li mvt, vlla nana im akaniohmi yash kanchi li tok.

12. Himonasi yokvno ik onanchot a pisa yo hlopullechit e pisa : yohmi kia yvmmak fokak mak o nashuka bika il iti pihisa hi oke : himonasi yokvno ak onancho hosh ithana li ; yohmi kia himmak o himonasi ya svthaiyana kak inli ho chohmit ithaiyana la hi oke.

13. Yohmi ka himonasi yokvno na yimmi, ai okchayvt bilia pisa he ahni, nan i hullo, tuchina ilvppak ash osh takali hoke : yohmi kia ilvppak ash moma i shahli hokvto nan i hullo yak oke.

CHAPTA XIV.

Shilombish anukfoyokvt anumpuli ha ahninchi ; 4 yvmmak osh anumpa inla ithanvt anumpuli ka i shahli ; 12 isht a hlampko

achukmvt i shaht ia chi ka ita tuklo ka a yvmihcha hinla
84 chvch itvnahvt maya ka ohoyo hvv anumpula he keyu im
vlhpisa.

1. NAN i hullo ya achunanchit iakayvt, ishi ka hvchi
bvnnashke: mikmvt Shilombish imma ka anukfoyuka chi ka
hvchi bvnnashke: yohmi kia Shilombish anukfoyukvt hvsh
anumpula he ak osh ahni kvv hvsh i shahlichashke.

2. Kvna hosh anumpa inla yo anumpuli hokvto, hatak o
im anumpuli keyu, amba Chihowa yak oke: kvna hosh im
akostininchi keyu hoka; yohmi kia Shilombish anukfoyuka
hosh yvmmak ash ot nana luma hatok puta ka anumpuli hoke.

3. Amba Shilombish anukfoyukvt anumpuli hokvto,
hlampkohonchi, mikmvt ai okchaya he ahna chi ka i mihaha,
mikmvt hopohlahanli, aiena hosh hatak puta im anumpuli
hoke.

4. Kvna hosh anumpa inla yo anumpuli hokvto, ilap illa
isht achukmali hoke; amba kvna hosh Shilombish anukfoy-
ukvt anumpuli hokvto, chvch a hlampkohonchi hoke.

5. Hvsh moma kvv anumpa ilaiyuka hvsh anumpula he
ak o hvchim ahni li; yohmi kia Shilombish anukfoyukvt
hvsh anumpula he ak o hvchim ahni li kvv i shahlichhi li:
kvna hosh anumpa ilaiyuka anumpuli ka, chvch vt achuk-
mvt i shahlit hlampka chi ka, yvmvvt tosholi keyukma, kv-
na hosh Shilombish anukfoyukvt anumpuli kak osh holitopa
kvv i shahli hoke.

6. Yohmi ka itibapishi li vhleha ma! nana otvvinchi, ke-
yukmvt nana ithvnanchi, keyukmvt Shilombish anukfoyukvt
anumpuli, keyukmvt nana avvchi nana hosh anumpa ilaiyu-
ka anumpuli la chi hosh hvchim ona li hokmvt, nanta hv
isht hvchi yukpali la hinla ho?

7. Yohmi ka nana kvv fiopa iksho hosh ohonla kvv, oskula
hokma, keyukmvt hap okma, nana ka ai ola kak osh it im
ilaiyuka keyukmvt, katiohmi kak osh oskula yokma, keyuk-
mvt hap okma, nana hv ai ola kvv otaiyana hinla hv?

8. Isht pufa yvt ola kvv ik haiako hokma, kvta hosh itiba
chi kvv il atahla hinla cho?

9. Yvmmak inli hv hvsh chiyuhmi kvv anumpa akostinin-

eba he kvllo keyu hō hvsh anumpuli keyukma, katiohmi kak osh nana hosh anumpa tak vt otvna chj hō? mahli ak o hvsh ai anumpuli ha chj hoka.

10. Anumpa ola ilaiyuka laua kv̄t yakni pakna ai asha, yvmohmi chatuk; yohmi kia achvfa kv̄t nana hō miha keyu kv̄t iksho hoke.

11. Yvmohmi ka anumpa ola ka yvmmak o miha ka ak akostininchokma, kvna hosh anumpuli yvmmak ash o im bvlbaha sia mak a hi oke; mikma kvna hosh anumpuli yvmmak ash ot am bvlbaha mak a hi oke.

12. Yvmmak inli hō chohmit Shilombish imma ka ahnit hvsh achilita hokvt, chvch a hvsh hlampkohoncha he yak osh hvsh anukfillashke.

13. Yvmohmi hoka anumpa inla yō kvna hosh isht anumpuli hokmvt, yvmmak ash toshola chj kv̄t vba ik asilhhá.

14. Anumpa inla yō vba isht anumpuli li hokma, sa chykvsh ak osh vba asilhha hoke: yohmi kia vm anukfila hokvto inla yā nan im vni keyu hoke.

15. Yohmi ka katiohmi kak a chj hō? chjvksh o vba isht anumpuli la he, micha vm anukfila hō vba isht anumpuli la he: mikmvt chjvksh o isht taloa la he, micha vm anukfila hō isht taloa la hi oke.

16. Yvmmak keyukma, Chihowa isht ish aiokpvchi kia, kvna kia nan ik ithano im ai o binili binili hatuk vt, nana hō ish achi ka akostininchi keyu kv̄t, katiohmi kak osh yvmmak ash osh yak oke ahnit, vba pit ish aiokpvchi ka, Amen acha hinla hō?

17. Ahli hosh yak oke vba pit ish aiokpvchi ho mvhli; yohmi kia inla yokvno hlampkohonchi keyu hoke.

18. Anumpa inla anumpuli li kv̄t, hvsh moma ka hvch i shahlichy li kv̄t, an Chihowa ya yak oke im ahni lishke.

19. Yohmi kia chvch itonaha ka inla maya ka vm anumpa ola ka nana isht im avchi la chj kv̄t, vm anukfila anumpa akostininchi tahlapi anumpuli li kak osh, anumpa inla tahlepa sipokni pokoli anumpuli ka vm i shahlishke.

20. Itibapishi li vhleha ma! nana akostininchi kv̄t vlla chipunta yō hvch ik tobo kashke: yohmi kia nana ik ai vlv-

peso hokvno villosi yo hvsh tobashke; yohmi kia nana akos-tinichi hokvno hatak o hvsh tobashke.

21. Anumpa im inla, mikmvt itivlbi inla hatuk o okla ilvppa isht anumpohonli la chi: ilvppa moma yvmohmi hoh kia okla ik sa haponaklo ka chi, Chitokaka yvt achi hoke, achi kvv nan vlpisa ya a holisso hoke.

22. Yohmi hoka anumpa inla anumpuli yvt na yimmi vhleha ha isht im atokowa keyu, amba kvna hosh yimmi keyu kak oke; yohmi hoka Shilombish anukfoyuka kvv anumpuli kak o kvna hosh yimmi keyu yvmmak o achuk-mali keyu, amba kvna hosh yimmi kak oke.

23. Yvmohmi hoka chvch moma kvv miha chvfa ho ant ai itvnaha cha, momvt anumpa inla anumpuli aiyuka hokma, anonti nan ik ithano, mikmvt nan ik yimmo aiena kak kia ai vlakmvt, tasimbo yo hvchim acha hinla keyu?

24. Amba moma kak osh Shilombish anukfoyukvt anumpuli hokma, anonti na yimmi keyu, keyukmvt nan ik ithano yosh vla hoh kia yimmit, momvt anumpuli ka ahli ahnit anukfohka, yvmmak ash ot moma kak o nan isht ai im vlpisa hoke.

25. Yohmi ka yakohmi hosh chukvsh isht im anukfila anukaka yvt otaiyani yoke: yakohmi hok mak osh hlipia cha, yvmmak ash ot Chihowa ya aiokpuchishke, mikmvt Chihowa hvv hvch iba takla ho mvhli hatuk a anola hi oke.

26. Yohmi ka itibapishi vhleha ma! nanta katiohmi ho? ant hvsh itvnahakmvt, hvsh moma kvv ataloa yokma, anumpa tosholi ak okma, nana ho hvsh ishi aiyuka hosh ant hvsh itvnahvshke. Isht achukma hi o nana moma kvv yvmoh-mashke.

27. Hatak kvna hosh anumpa inla yo anumpuli hokma, tuklo, keyukmvt tuchina kvno ont ik aiyo, yohmik mak o it iakaiyashke; mikma achvfa kak osh tosholi ashke.

28. Amba tosholi iksho hokmvno, ai itvnaha ya lumvt binilashke: yohmi cha Chihowa, ilapo ak inli ita tuklonchit im anumpulashke.

29. Shilombish anukfoyukvt anumpuli vhleha hvv tuklo,

tuchinakma, nana kv̄t anumpulikma, inla yokvto gh̄li hō? ahnit anukfillit pisashke.

30. I bilikasi binili yvm̄mak ash o nana kv̄t im otvni hokma, v̄mmona kash ot nuktanlv̄t binilashke.

31. Momv̄t ithana cha, anonti moma kv̄t isht im ai achukm̄v̄t isht i shahla ch̄i ka, Shilombish anukfoyk̄v̄t hv̄sh moma kv̄t it iakaiya hosh hv̄sh anumpula hinla hoke.

32. Shilombish anukfoyk̄v̄t anumpuli v̄hleha im anuk-fila puyuta kv̄t Shilombish anukfoyk̄v̄t anumpuli v̄hleha hash o i nutaka yoke.

33. Shakapv̄t nan iti ataklv̄ma he Chihowa hv̄t ahni keyu, amba v̄banumpa anukfohka gh̄li im ai itv̄naha moma kak o chohmit it̄i nanaiya yak oke.

34. Iksa itv̄nahv̄t maya ka hv̄chim ohoyo hv̄t lumv̄t binohmayashke; yvm̄mak okv̄t anumpula he im v̄lhpesa keyu hoka; amba im antia he ak osh im v̄lhpesa hoka, nan v̄lhpesa v̄v̄t yvm̄mak o achi ak inli hoke.

35. Yohmi ka nana hō itv̄na b̄v̄na hokm̄v̄t, chuka ak inli kak o i hatak a ai im aponaklashke: iksa itv̄nahv̄t maya ka ohoyo hosh anumpuli hokv̄to nan isht im a hofahya hoka.

36. Yakeh! Chihowa im anumpa hv̄t hv̄chishno ak o a kohchv̄t minti hatok o? keyukm̄v̄t hv̄chishno ak bano hō hv̄chim ona hatuk o?

37. Hatak kv̄na hosh ilap inli kv̄t Shilombish anukfoyk̄v̄t anumpuli yokma, keyukm̄v̄t Shilombish holhpela ka isht anukfoyuka hō mihi yosh im ahobakm̄v̄t, pit hv̄chi holisso-chi li tuk yvm̄m̄v̄t Chitokaka i nan v̄lhpesa mak atuk a akostininchit, gh̄li ahnashke.

38. Amba kv̄na hosh ik akostinincho hokv̄to mihi yosh nan ik akostinincho kv̄t imomashke.

39. Yvm̄ohmi ka itibapishi li v̄hleha ma! Shilombish anukfoyk̄v̄t anumpula he ishi ka b̄v̄n̄v̄t hv̄sh achilitashke; mikm̄v̄t anumpa inla anumpuli ka hv̄ch ik im alammo kashke.

40. Nana moma kv̄t ai v̄lhpesa, micha ai itiakaiyv̄t anuktanla mak o yvm̄ohmashke.

CHAPTER XV.

Illit falamvt e tani pulla hi a, Klaist vt illit falamvt tani tok ak o isht anoli, 1: 21 Klaist vt illit falamvt tani tok a nana kv̄t isht a yv̄mohmi: 86 falamvt e tana he nana akaniohmi: 51 Klaist vt vlak ma, okchayvt anta tuk vt inlv̄t toba he.

1. YV̄MOHMI ka itibapishi vhleha ma! vbanumpa yvm̄mak o hv̄chim anumpohonli li yv̄mma hv̄sh ishi tuk osh, anonti mihi yō anukfoykvt hv̄sh mahaya ka, yvm̄mak inli hō hv̄ch im anohonli lishke:

2. Yvm̄mak o hv̄chi ai okchaya, nana ka isht hv̄chim anumpuli li tuk a ithaiyanvt hv̄sh ieshi hokmvt, nana ka ik onancho keyut hv̄chi yimmi hatuk okmvt.

3, 4. Holisso Holitopa nana achi tok mak o nana pim ai ashvchika puta kak o Klaist vt kaniohmit isht ai illi; yohmi cha yvm̄mak ash ot hollopi tuk osh, anonti nitak ont atuchina ma Holisso Holitopa nana achi tok mak o yvm̄mak ash ot anonti tani tok, yvm̄mak o vno ak kia si anukfoykuka hatuk osh, mihi yō tikbanli hv̄chim anohonli li tuk oke.

5. Mihma yvm̄mak ash ot Sefas a i haiaka, yohmi mvt auah tuklo kash i haiaka tok.

6. Yohmi ha ya tuk osh himona achvfa yvm̄mak ash osh itibapishi tahlepa tahlapi ont ia ka i haiaka tok: yvm̄mak atok a akashampa laua kv̄t okchaya ra ant himakvshke, yohmi kia kanimi kv̄to nusit akakoha tok.

7. Yohmi ha yō yvm̄mak ash ot Chemis a i haiaka tok; yohmi mvt apostel vhleha hash mominchit i haiaka tok.

8. Yohmi mvt moma ont ishtaiyopi ka ai vvhpiesa keyu hō chohmi, vno ak kia yvm̄mak ash ot a haiaka tok.

9. Apostel vhleha moma ik alauwo sia, yohmi kv̄t apostel hohchifa he si vvhpesa keyu, Chihowa in chvch a ilbvshali li tok okvt.

10. Yohmi kia Chihowa nan isht i kana pulla hō kanima a hikia li kv̄t yvm̄mak o hikia sia mak oke; mikmvt yv̄mma nan isht i kana yvm̄mvt si anukfoykuka kv̄t ik ai ono ke tuk keyu hoke: yohmi hokvt toksvli hoyubli kv̄t yvm̄mak ash

moma ka i shahlichu li: yohmi kia vno ak keyu, amba Chihowa nan isht i kana mihi yosh a subai achvfa kak atuk oke.

11. Yvmohmi hoka vno yak okmá, keyukmvt yvmmak okmá, e nana hosh yvmihchit il anumpohonli ma, yvmohmit hvchi yimmi hatuk oke.

12. Yohmi ka Klaist yvmmvt illit falamvt tani tuk vt isht anumpa hokma, katiohmi hō hvsh kanimi kvv illit falamvt tana hi vt iksho, hvsh achi cho?

13. Yohmi ka illit falamvt tana hi vt iksho hatuk; yohmi hokma Klaist vt ik tano ki tok oke.

14. Yohmi ka Klaist vt ik tano ki tok; yohmi hokma vbanumpa isht il anumpuli ka isht ai achukma he keyu, mikma nan isht hvchi ai yimmi ka yvt isht ai achukma he keyu ak inli hoke.

15. Ahli, yohmi ka Chihowa isht atokowa ik ghlo il otvni noke: Chihowa yvt Klaist a tanichi tok a isht il atokoli tok okvt: yvmmak ash ik tanicho ke tok, illi yvt falamvt tana he keyukma.

16. Illi yvt tana he keyu, yohmi hokma Klaist vt ik tano ki tok oke.

17. Yohmi ka Klaist vt ik tano kitok okma, na hvchim ai yimmi ka yvt ik ai ghlo; na hvchim ai ashvchi ka hvsh a hikia momvshke.

18. Yohmikma kvna hosh akakohvt Klaist a iba nusi tuk vhleha yvmmvt aiokpuloka mak oke.

19. Okchaya ilvppak bano kak osh Klaist a il ai okchaya chi il anukchieto hatuk okmvt, pilbvsha kvv hatak moma ka il i shahlishke.

20. Yohmi ka himak vno Klaist vt illit falamvt tani tok, mieha kvna hosh nusi tuk vhleha yvmmak ash nan vni vmmoma mak o toba hoke.

21. Hatak puyulla hatuk mak o nan illi hvv aya tok, hatak pulla kak o illit falamvt tani vt a minti tok.

22. Alvm atok puyulla mak o momvt illi ka, yvmmak inli hō chohmit Klaist pulla atuk mak o momvt falamvt okchaya yo toba hi oke.

23. Yohmi kia hatak moma kv̄t ilap nan isht im ai vlh-
piesa kak a hi oke: Klaist ak osh nan vni vmmona hoke: i
himmak o Klaist immi hatuk vt, yvmmvt mintikma, tana hi
oke.

24. Mikma apelhichika, nan vlhtoka, micha nan im ai ghli
aena ka ai akshochi ha yosh apelhichika ya yvmmak ash ot
iki Chihowa mak o ibbak fohka hi oke; yohmik mak o ai
rhli hv̄t vla hi oke.

25. Yvmmak okvt mikot abanta pullvt, in tv̄nvp vhleha
moma ka ilap iyi nuta ashachi ha ya hi oke.

26. Tv̄nvp ishtaiyopi mak osh yvmmvt ont ik ai iksho ka
chj kv̄t nan illi ak oke.

27. Nana moma ka yvmmak ash ot iyi nuta ya ashachi
tok oke. Yohmi ka nana puta kv̄t yvmmak ash ai i nuta-
kvshke, yvmmvt achi kia, nana moma ka yvmmak ash ai i
nutakvchi tok ilap ak bano hosh keyu kv̄t otaiyanishke.

28. Yohmi ka nana moma kv̄t yvmmak ash o ai i nutakvt
taha, yohmik mak o Ushi ilap ak kia nana moma ka ai i
nutakvchi tok yvmmak ash o ai i nutaka. he; yohmi ho
Chihowa ya moyuma kv̄t nana moma ka isht ai okpahanchit
isht im antia hi oke.

29. Yvmmak a he keyukma; illi tuk ak o vlhtoba hosh
baptismo tuk, yvmmvto nanta ho katiohma hi o? illi yvt
tana he keyu kv̄mohmi hokma; nanta katiohmi ho illi atuk
pulla ka isht a baptismo hatuk o?

30. Mikma nanta katiohmi ho hv̄shi kanvlli moma ka isht
a pi palvmmi ya il a hikia cho?

31. Nan isht ilaiyukpa yvmma hv̄chishno pulla hatuk
mak o pin Chitokaka Klaist Chisvs isht im ai eshi li kak
osh ai ghlichit anohonli li mv̄t, nitak moma ka sahanlishke.

32. Hatak o chohmit nampoa nukshopa puta ka Efesvs
ak o ai itihimbi li tuk vt, illi yvt tani keyukma, nanta hosh
isht vm ai achukma hinla ho? onnaha ya hv̄p illa chi hokvt,
imvt, nan ishkot keho mayá.

33. Hv̄ch ik ile haksecho kashke: nan ik vlhpeso a chu-
kulbi yokvto im anukfila achukma puta tuk a im okp̄ni
voke.

34. Yohma he ai vlhpiesa hoka oh okcha, micha na hvch ik ashvcho kashke; kanimi kv̄t Chihowa nan isht im ithaiyana ik im iksho hoka. Hvchi hofahya ch̄i h̄o ilvppa hvchim anumpuli lishke.

35. Yohmi ka katiohmi hosh illi yvt tani h̄o? mikmvt haknip vt katiohmi h̄o yvmmak ash ot isht kohcha h̄o? hatak kanimi kv̄t acha hi oka.

36. Im anukfilla iksho chia ma! nana ka ish hokchi tuk a illi ȳo keyukmvt, yvmmak ash ot okchaya ȳo keyu hoke.

37. Mikma nana ish hokchi kv̄t nan vpi yvmmak a hi o ish hokchi keyu, amba onush okmá, keyukmvt nihi inla yokmá, nana kia nihi ak bano hoke:

38. Yohmi ka Chihowa yvt yohmi ai ahni mak osh, nan vpi ya ch̄i ka ima hoke; mikmvt nihi moma kv̄to ilap im vpi ya ch̄i ka ima hoke.

39. Nipi moma kv̄t nipi mihi achvfa keyu hoke; yohmi ka hatak nipi vt inlak ma, inla mvt nampoa nipi, inla mvt n̄ni nipi, inla mvt hushi nipi yak oke.

40. V̄ba imma na haknip ilaiyuka, aka imma na haknip ilaiyuka aiena kv̄t ai asha hoke: yohmi kia vba imma isht im a holitopa yokvto achvfa, mikma inla mvt aka imma nan isht im a holitopa yak oka.

41. Hvshi yvt nan isht im a holitopa yvt achvfa, inla mvt hvshi ninak aya nan isht im a holitopa, anonti inla mvt fochik puta isht im a holitopa yvt asha hoke; isht a holitopa hokvno fochik achvfa kv̄t fochik inla ya it im inla hoke.

42. Illit falamvt tani kv̄t yvmmak inli h̄o chiyuhma hi oke. Toshba hi osh hollohokchi tuk vt, ik toshbo ka hi osh taiyani hoke.

43. Ik holitopot hollohokchi tuk vt, holitopa hi osh taiyani hoke: ik hlampkot hollohokchi tuk vt, nan ai aghlahe mak osh taiyani hoke.

44. Ilhfiopak haknip hollohokchi tuk vt, shilombish imma haknip osh taiyani hoke. Ilhfiopak haknip, mikmvt shilombish imma haknip ita tuklo kv̄t ashvshke.

45. Yvmohmi kak o hatak v̄mmona Alvm vt shilombish

okchaya yosh toba tok; Alvm ishtaiyopi kvto Shilombish okchalinchi yo toba tok, achi hosh holihiso hoke.

46. Yohmi kia shilombish imma kak osh vmmona tuk keyu, amba haknip imma kak atok oke: atuk o i himmak o shilombish imma kak atok oke.

47. Hatak vmmona kvt yakni yo a toba hatuk osh, yakni imma kak oke. Hatak atukla kvto vba minti Chitokaka ak oke.

48. Yakni ai immi atuk ash o, chohmit kvna hosh yakni ai immi hokvto yvmmak inli ho chohmi hoke: mikma vba ai immi hokvto, yvmmak ash inli ho chohmi hoke.

49. Yohmi ka yakni ai immi kash o holba ka iloh ieshi hatuk a, chohmit vba ai immi kash o holba ka iloh iesha he ak inli hoke.

50. Yohmi ka itibapishi li vhleha ma! nipi, micha issish ita tuklo kvto Chihowa im apelihchika yvt ai immi ha he vvhpesa keyu; mikma nan toshba hi okvto nan ik toshbo ya ai immi ha he vvhpesa aiena keyu hoke.

51, 52. Yakeb! nana a luma hatuk a hvch im anoli lishke; moma kak osh hvpi nusa chi keyu, amba ai ishtaiyopi isht pufa yvt nana olakma, yakosi itin takla, nishkin mochukli ai itin takla ho, moma kvt inlvt e toba hi oke: nana ola hvv ohonla he, mikmak o illi atuk vt ik toshbo ka hi osh tana he, mikma inlvt e toba hi oke.

53, 54. Na toshba he ilvppak ash osh nan toshba he keyu ho isht a foyuka pulla he, mikma nan illa he ilvppak ash osh nan illa he keyu ho isht a foyuka he: yvmohmi ha yok mak o, nan illi hash o ont imaiyachi na ik ai iksho ka hi oke; ahanchi hosh holisso tok vt yvmmak ash ot ont ai ahla hi oke.

55. Nan illi ma! katima yak o nan isht ish nvhli yo? ahollopi ma! katima yak o nan isht ish imaiyachi ho?

56. Nan illi i nan isht nvhli vt nana ashvchi ak oke; mikma nan ashvchi isht imi hlampko yvt nan vvhpisa yak oke.

57. Yohmi kia hvpin Chitokaka Chisvs Klaist pulla ha tuk mak o nan isht imaiyachi ya Chihowa yvt hvv ima hoka, Chihowa ya yak oke; im ai ahni lishke.

58. Yvmohmi hoka itibapishi li a holitopa vhleha ma!

hush kullo cha ik huchi fitekacho kish, vltoba iksho ka hi osh Chitokaka hush in toksuli keyu kut hush ithaiyana hokut, Chitokaka im atoksuli ya lauachit hush toksahanlashke.

CHAPTER XVI.

Nan ik im iksho a kaniohmit apelacha he, mikmut vbanumpa hut i shaht holitopt mahaya chi ka, nanasi isht apelacha he im anoli; 13 i kanvt nan i mihvt tahli mvt, isht aiyopichi kut vbanumpa ha yakohe ahani tok.

1. YOHMI ka na yimmi ahli nan im itahobi imma hokvno, chuch Kaleshi a hiohli kak o nana im apesa li tok a, chohmit hush yvmihchi ak inlashke.

2. Ona li ha yo nan itahobi kut ik ai iksho ka chi ka, wek nitak vmonakma achufa hush aiyuka kut, Chihowa hut nan im ilayak a ataiyahli ka, it ilauechit ishit hush il im bohonlashke.

3. Atuk o ona likma, kuna ho vhpesa hush ahni hokma, mihi yosh nana hush habenvehi tuk ash Chelusalem isht ona chi ka, holisso ha im atahli lish, pit yuhli lashke.

4. Yohmi kia ia li kak o vhpesa hinla hokma, yvmak ash ot si apihvt ia chi hoke.

5. Yohmi ka Masetonia yakni ya a hlopulli li ha yosh, hvchim ona la chi hoke, Masetonia yakni ya a hlopulli li mak okvt.

6. Yohmikmut hvch ibai anta la chi, ahli, hvshtula yak kia hvch ibai anta la chi chishke; yohmi ho anowa hopaki kanima yo ia la chi ka hvs si apelvcha hi oke.

7. Himonasi ya nowvt aya li hokvto, huchi pisa la he keyu; amba Chitokaka vvt ik yohmi ahni hokma, ont hvch ibai anta li hopaka he keyu, ahni li hoke.

8. Yohmi kut Efesus ak o anta li Pentekost ai onak mak a chi hoke.

9. Okhissa vvt chito, mikmut vm ai ahla hi vt an tiwa, mikma a sanali vt laua hoke.

10. Yohmi ka Timohlivs vt ona hokmut, nukshopa ikshot hvch iba takla anta chi ka hush pisashke: vno vt yvmak inli chohmit, yvmvt Chitokaka im atoksuli li ya toksahanli hoke.

11. Yvmohmi ka kvna kia ik shitelemo kashke: amba yummvt ayvt vm vla chi ka, i kanvt hvsh apelvchashke: itibapishi li vhleha takla vla hi a hoyo li hoka.

12. Il itibapishi Apollos okvno iloh itibapishi vhleha ha ai itvpivht hvchim ona he ak o ahni li fehna tuk; yohmi kia himonasi yokvno ona hi vt ik ahno kvmoimi tuk; yohmi kia ona he im ai vhpiesa onakma, ona chi hoke.

13. Okcht oh il apistikeli, ai yimmika ya kvllot ieshit hvsh hikiashke, hatak ghli il otvnochit, hvsh hlampkashke.

14. Nana hvsh a kaniohmi puta kvv nan it i hullo mak o ik ai yvmohmi.

15, 16. Stefanas in chuka chvfa, yummak osh Akaia ya nan ai vni vmmona yosh, na yimmi ghli vhleha ha apelvcha chi kvv okla il im issa tok; yohmi ka itibapishi li vhleha ma! yvma chohmi, micha na piba toksvli, micha toksvliit hoyubli ayuka ka hvsh im antia chi ka, hvch it i kanvt hvchi atohno lishke.

17. Stefanas, micha Fatunatvs, mikmvt Akaikvs aiena kvv ai vla ka sai yukpvshke; nana ka hvch ik onancho ke tuk a okla onanchit atahli hoka;

18. Sa chkvsh, micha hvchishno aiena chkvsh a okla yukpali hatuk: yvmohmi hoka yvma chohmi vhleha ha i kanvt hvsh ithaiyanashke.

19. Asia yakni hvch maya kvv pit hvchi aiokpvchishke. Akuila micha Plissilla ita tuklo kvv, ilap in hvch maya ka aiena kvv, Chitokaka ibai achvfa hvchia hoka pit hvchi aiokpvchi fehkvshke.

20. Itibapishi moma, kvv pit hvchi aiokpvchishke. Suk-sowa holitopa yo hvsh it aiokpvchashke.

21. Uno Pal nan isht aiokpvchi ka vno svbbak isht holisohonchi lishke.

22. Kvna hoh kia Chitokaka Chisvs Klaist a holitobli keyukmvt, mihi yosh Anahlema, Malanahla mak ashke.

23. Hvpin Chitokaka Chisvs Klaist nan isht i kana yosh hvchi anukfoyakashke.

24. Klaist Chisvs ibai achvfa hvchia ka nan isht i hullo li yvt mominchit hvchi anukfoyakashke. Amen.

HOLISSO ATUKLA PAL VT

CHUCH KOLINHILA

A HIKIA HO I HOLISSOCHI TOK.

CHAPTA I.

Pal vt ilap nan isht im apalvmi ka isht hopohghla kv̄t achi; mihmvt v̄banumpuli Kolinhla ai asha ka nan isht hopohla tok ash inli h̄q isht hopohlahan li kv̄t Chihowa ya yak oke im ai ahni, 1; 15 nana hosh kaniohmi h̄q ik im v̄lo ki tok vt anoli; 23 i kana kak a tok.

1. **CHHOWA** nan ai ahni atuk pulla mak o Chisvs Klaist im apostel Pal, micha il itibapishi Timohli ita tuklo kv̄t Chihowa in chvch, yvmmvt Kolinhla a hikia, mikmvt na yimmi ghli moma yvmmvt Akaia moma ka ai asha ka aie-ninchit pit aiokpv̄chi kv̄t,

2. Piki Chihowa, micha Chisvs Klaist ita tuklo nan isht i kana, micha isht it i nanaiya ita tuklo kv̄t hv̄chi anukfoyuk-ashke, hv̄chim ahnishke.

3. Pin Chitokaka Chisvs Klaist Iki, Chihowa, nan i nukhaklo fehna Iki, micha nan isht anuktanla moma in Chihowa yvt holitopashke.

4. Yvmmak osh nan isht il ai ilbv̄sha moma ka pi nuktalahanli; yohmi h̄q pishno vt Chihowa hak o nan isht im anuktaiyala ya isht a pi nuktaiyala cha, kv̄na hoh kia ilbaiyasha hokma, e nuktalahanla hinlv̄shke.

5. Klaist pulla hatuk mak o nan isht ilbv̄sha yvt pim a lana; yohmi hokvt Klaist pulla hatuk mak o nan isht a pi nuktaiyala yak kia lauvshke.

6. Yohmi ka nan isht a pilbaiyasha hoh kia, hv̄chishno

ano nan isht hvchim ahopohla, micha nan isht hvchim ai okchaya chi kv̄t, nan ilbvsha yvmmak o pishno vt isht a pilbvsha tuk ak inli chohmi ka isht a hvch ilbvsha hokmak osh nan isht hvchim ai ghli hoke; anonti pishno vt isht a pi nuktaiyala hok mak heno, yvmmvt nan isht a hvchim a hopohla, micha hvchim ai okchaya mak oke.

7. Yohmi ka nan ilbvsha puta ka hvsh ibai ishi, yohmi hatuk okvt na hopohla ma hvsh ibai isha chi ka il ithaiyana kak osh nan isht e hvchim anukfilli kv̄t kv̄llo fehnvshke.

8. Iloh itibapishi vhleha ma! nan isht a pilbvsha yvmmvt Asia yakni ya a pi onvtula; yohmi mvt pim isht hlampko hash imaiyachi na na pi weki fehna mvt; okchaya he yak kia kil ahno ke tuk a, hvch ik akostinincho ka hi a e hvchim ahni keyu hoka:

9. Yohmi ka illa he anumpa il il ai eshi, yohmi kv̄t pishno ak inli ka il anukchieta he keyu; amba illi tanichi Chihowa yak a hetuk oke.

10. Yvmmak osh nan illi chinto fehna kash a pi hlakofichi tuk osh, a pi hlakofichi moma: yohmi kv̄t yvmmak ash osh pi a hlakofihinja chi ka yvmmak o il anukhieto hoke.

11. Hatak laua pulla kak o nan isht i kana pi onvtuyula tuk a, hvchishno ak kia itapelvt anumpa ilbvsha isht hvsh pi anumpohonli; yohmi ho pishno pulla kak o yak oke Chihowa ya im ahni kv̄t laua hi oke.

12. Isht il il akostininchi isht im ai atokowa kv̄t haknip imma isht hopoyuksa keyu, amba Chihowa nan isht i kana pulla hatuk mak o nan anukfila apissali achvfa, micha Chihowa anukfoyuka ai ghli hosh yakni paknaka il ai ahanta hatuk: yohmi hokvt hvchishno yak heno i shahlichit il a hvchi yvmohmi, ilvppak osh nan isht il il aiyukpa hoke.

13. Nana ka hvsh it im anumpuli; micha ghli hvsh akostininchi fehna tuk yvmmak keyukma nana inla yo e hvchi holissochi keyu hoke; yohmi hoka ghli ahnit, akostininchit mahayvt ont ai vhli ka hvsh ona hi a hvchim ai ahni lishke:

14. Chitokaka Chisvs i nitak vt vlakma, nan isht pim ilaiyukpa hvchia ha chi kv̄t, yvmmak inli ho chohmit nan isht

huchim ilaiyukpa pia ha chī ka, hvsh kanimi kv̄t ḡhli hvsh pi akostininchi ak inli tuk oke.

15, 16. Yohmi ka yakohmi tok ak ̄ na yimmi hosh atukla ma nan isht ilaiyukpa ka hvsh isha hi ḡ tikba hvchim ona la he ahnit, anonti ont ivt, Masetonia yakni ona li tuk mvt, anonti Masetonia yakni yash ̄ akohchvt atuklant hvchim ḡya li hok mak osh, Chutia imma ḡya la chikma, hv̄s si apelvcha hi ḡ vm anukfila tuk oke.

17. Yvmohmi kv̄t yakohmit vm anukfila mvt, vm anukfila hv̄t fitekvchi hosh yvmihchi li tuk ̄? yvmmak keyukmvt vno vto yau, yau, mikmvt keyu, keyu, achi la hi osh nana ka ahni li kv̄t, haknip nan ai ahni h̄ isht anukfilli li tuk ̄?

18. Yohmi ka Chihowa hv̄t ai ḡhli yatuk ̄, pim anumpa nan isht e hvchim achi tuk ḡ yau yatuk osh anonti keyu, yatuk keyushke.

19. Ūno, mikmvt Silfanvs, micha Timohlivs aiena pulla kak ̄, Chihowa Ushi Chisvs Klaist, yvm̄mvt hvchim anuhumpa kv̄t, yau yatuk osh, anonti keyu yatuk keyushke, amba yvmmak okvt yau yatuk oke.

20. Yvmmak atuk pulla mak ̄ Chihowa hv̄t nana im ihisa tuk moma kv̄t yau okma, anonti yvmmak atuk mak ̄ Amen oke, yohmi kak ̄ pishno ma Chihowa nan isht im a holitopa yoke.

21. Yvmohmi ka Klaist ḡ iloh ibai achvfa chī ka, hvpi hlampkohonchi cha, na pi a hv̄m̄mi kv̄t, yvm̄mvt Chihowa ak oke.

22. Mihmvt ilap immi pia ha chī ka, yvmmak ash osh pi ai ḡhlichī mvt, ai okchayvt bilia e pisa he pim ai ḡhlichī kv̄t, Shilombish ḡ pi anukfohkechi tuk oke.

23. Yvmohmi hoka hvchī kanvt na hvchim anukfilli la chī kak osh, Kolinhla ya ak ono kisha hatuk ḡ Chihowa hv̄t vmi shilombish ḡ atokowvt vm ithana ya chī ka hohoyo lishke.

24. Na hvchi yimmi ka il ī shahli hatuk keyu hoka, amba na hvchim ai yukpa apelvchi pia hoke; na yimmi pulla hatuk mak osh hlampkot hvsh hikia hoke.

CHAPTER II.

Nana hosh kaniohmi kak o ik im ono ki tuk vt anoli, 1 ; 6 Chvch a a kohcha tok a i nukhanklot i kvshofa hi a im ahni ; 10 ilap ak kia i kvshofi tuk a chohmachi : 15 kanima yo vbanumpa isht anum-pohonli ka Chihowa yvt im ai okpanchi.

1. YOHMI ka vm anukfila kvv na nukhaklo hosh, atuk-la ma ak hvchim ono ka chi, ilvppak o vno ak inli kvv vm anukfila hatuk oke.

2. Hvchi nukhaklochi li, yohmi hokma kvta hosh na sai yukpala hinla ho ? amba vno yak atuk mak o kvna hosh nukhaklo tuk yvmmak inli kak a hinla keyu ?

3. Yohmi ka ona likmvt, kvna ho ibai yukpa la hetuk, yvmmak ash ot nana a kaniohmi ka isht a nukhaklo la hinla kak osh, ilvppvt mihi ash inli ka isht hvchi holissochi li hatuk oke : hvsh moma nan isht hvchim ai-yukpa yvt vno a nan isht vm il aiyukpa ak inli hoke, ai ahnit hvsh moma ka hvchi yimmi lishke.

4. Na nukhaklo fehna, chukvsh ilbaiyvshvt nishkin okchi mvt laua aiena hosh isht hvchi holissochi li hatuk ; hvchi nukhakla he yak atuk keyu, amba nan isht i hullo yvmma isht hvchi hoyullo li fehna hatuk a hvsh ithaiyana chi kak atuk oke.

5. Yohmi kia kvna hosh na nukhaklochi tuk okmvt, vno ak illa ho si anukhaklochi tuk keyu : hvsh moma ka ak hvchi kvllo ka chi kak osh ilvppa hvchim achi lishke.

6. Hatak yvmma chohmi kvno nan vlhpisa ilvppak o laua kvv im apesa tuk a, im ai vlhpiesa hoke.

7. Yohmi tuk a yvmma chohmi kash i kashofit hopohlvi kak o hvsh ahna he tuk oke ; yvmmak keyukma yvmma chohmi kash ot na nukhaklot isht ai i palvmmmit kvnia hinla hoke.

8. Yvmohmi hoka nan isht hvsh i hullo kvv yvmmak ash o hvsh im otvniacha chi kak o hvchim ai ahni lishke.

9. Ilvppak a he mak o holissochi li akinli hatuk ; nana

moma ka ai im antia hvchia hokmá, nana ka hvch imoma ka ithvna la chi hatuk oke.

10. Kvna hō nana ka hvsh i kashofi hokma, vno ak kia i kashofi li hoke; nana hatuk o i kashofi likmvt, hvchishno pulla kak o Klaist vlhtoba hosh yvmihchi li hoke.

11. Yvmmak keyukma Setan vt pi haksicha hinla, yvma nan ahni ik vlhpeso yā kil ithano keyu hoka.

12. Yohmi ka Klaist im vbanumpa isht anumpohonli la chi hosh, Tloas a ona li ma, Chitokaka yvt nan ai ahni hō, okhissa yvt an tiwa tok.

13. Itibapishi li Titvs a ak ahayucho hokvt, vm anukfila nuktola ik svm iksho ki tok: yohmi ka okla yvmmak ash aiokpvchit issa li mvt, yvma a kohchvt Masetonia yakni yā ia li tok.

14. Yohmi hoka, yak oke ahnit, Chihowa hā kiloh aiokpvchí; yvmmak osh Klaist pulla hatuk mak o il imaiyacha chi ka pi apelahanchi; mikmvt kanima moma ka pishnc pulla atuk mak o ilap a nan isht im ithvna i na balama otvnhinchishke.

15. Pishno vto Klaist ibai achvfa pia hosh kvna hosh okchaya chi, micha illa chi aiena kak o Chihowa i nan isht balama champuli pia hoke.

16. Achvfa kano, illi bitema nan isht ai illa he i pia hoke, mikmvt inla yano okchaya na balama nan isht ai okchaya pia hoke. Yohmi ka kvta hosh ilvppa puyuta ka isht im ai vlhpiesa cho?

17. Laua hvv Chihowa im anumpa ik ai ghlecho yā e chohmi keyu; amba chukvsh ai ahli, yohmi kvv Chihowa im vlhtoka kvv, Chihowa itikba yō Klaist i hohchifo isht il anumpohonli hoke.

CHAPTA III.

Pal vt vbanumpa isht anumpohonli hō Kolinhlia vt vbanumpa anukfohka kak o yvmmak ash Chihowa hvv pit pila hatuk a otvnhinchi tok, 1; 6 vbanumpa anumpula chi ka Chihowa yak osh ataiyahli tok a tuk, 12 vbanumpa hak osh hovitopa kvv Moses nan apesa tok a i shahli.

1. PISHNO ak inli kv̄t atuklanchit il il ahninchit isht il ia hō? keyukm̄vt inla maya ka chohmit, isht hōsh p̄i kana he holisso puta ka il isha he pim v̄lhpesa hō? yvmmak keyukm̄vt holisso isht ai i kana yā e hvchim ai isha hi vt v̄lhpesa hō?

2. Hvchishno ak osh p̄i holisso hvchia hosh pi chukv̄sh a a holihiso tuk osh, hatak moma ka im otaiyanit im ai it anuhumpa hoke:

3. Pishno yatuk mak o hvchishno vt Klaist i holisso toba tuk otaiyanit hōsh anohōwa kv̄t, isht holissochi oka yō isht holihiso tok keyu, amba Chihowa okchaya imi Shilombish ak atuk; tv̄li patv̄ssa yō a holihiso tok keyu, amba chukv̄sh nipi ak atuk oke.

4. Yohmi hatuk o Klaist pulla hatuk mak o Chihowa yak osh yvmihchi tuk a p̄i yimmishke.

5. Pishno ak inli nana ka ai isht anukfillit isht im ai ahla he il ahni kak osh pishno ak inli kv̄t il ona ch̄i keyu hoke: amba Chihowa ak atuk mak o nana ka pim ai ahlit il ona ch̄i hoke.

6. Nan it im v̄lhpesa himona nan isht im vtta ai ahla he mak o yvmmak osh pi atokoli ak inli tok: holisso tikba yak o nan isht im vtta hō keyu, amba Shilombish ak oke; holisso tikba yash okv̄to v̄bi yoka, amba Shilombish okv̄to okchalinchi yoke.

7. Yohmi ka tv̄li yō ai in chūwa holisso isht ai illa he isht ai vtta yvt hōlitopa; yohmi hō Moses yvmma nashuka yvt shohpalali hoka, Islael ushi v̄hleha hv̄t nashuka yash o atokov̄vt pisa he keyu ki tok; yvmmak ash ot ont ai iksho ka hi atok oke;

8. Katiohmi hosh Shilombish nan isht ai vtta yokak heto hōlitopa kv̄t i shahla hetuk keyu hō?

9. Isht a palv̄mma he nan v̄lhpesa isht ai vtta yvt hōlitopa hokma, nan isht ai v̄lhpesa isht ai vtta yokak heto hōlitopa kv̄t i shahli fehna he tuk keyu hō?

10. Nana kv̄t yakohmit hōlitopa tok ilv̄ppak ash ot na hōlitopa yvmm̄vt i shahli pulla kak o hōlitopa kv̄t ik alauwo ki tok.

11. Nana kv̄t ont ai iksho kak osh holitopa tok okma, nana kv̄t takali kv̄t holitopa i shahli fehna hinla hoke.

12. Yvmohmi hoka yvmohma chi ahnit na pi yimmi hosh anumpa otaiyani fehna ho isht il anumpuli hoke.

13. Yvmohmi kv̄t Moses atok ano chohmi keyu, yvmak okvto Islael ushi vhleha hv̄t nan vlpisa yvmmak ash ot kv̄nia kia, a hlopullichit ai vhli pit atokowv̄t pisa keyu kak o, isht ompoholmo yo ilap nashuka yash isht ompohomo tok.

14. Yohmi kia yvma im anukfila hash ot lvpa yatok; himak nitak ak kia Testament sipokni im ai itim anumpuli hokvno nan ompoholmo mihi ash inli kv̄t ik i kv̄nio kisha hosh takali hoke; yohmi kia yvmmak ash ot Klaist ak o ont isht ai akshot kv̄nia hoke.

15. Yohmi ka himak ak kia Moses g ai itim anumpuli ka, nan ompoholmo yashot i chukvsh g on hlipia hoke.

16. Yvmohmi tuk o Chitokaka ya pit ai i filemvt im onakma, nan ompoholmo yash o isht i kancha hi oke;

17. Yohmi ka Chitokaka yvt, Shilombish yvmmak ash oke: yohmi ka kanima yo Chitokaka imi Shilombish vt ai otaiyanikma, mihi yo ai yuka keyu mak oke.

18. Yohmi ka nashuka ompoholmo keynt a pisa yo il a pihisa chohmit Chitokaka im aholitopa ya e pihiv̄t, yvmak ash inli ho hoyulba chi hosh momvt inlv̄t e toba kv̄t, Chitokaka imi Shilombish vt a pi yvmihchi kak o, holitopa kv̄t i shahlit il a mahaya hoke.

CHAPTA IV.

Ai ghli, achilita hosh vbanumpa ha isht anumpohonli tuk vt, otv̄ninchi, 1; 7 mihmvt nan im apalomi puta tuk vt Chihowa yosh isht aholitopa he, 12 chv̄ch nan isht im a chukma he; 16 mikmvt ilap nan isht il ai yukv̄t im a bilia hi a tuk g, achi.

1. YAKOHMA chi mak o, nan isht i nukhaklo il ishi hatuk mak osh, nan isht ai v̄tta ilv̄ppak ash o isht il ahanta kv̄t, pin takobi keyushke.

2. Isht a hofahya he nan isht im aluma puta ka e kanchi

mv̄t; ī kostinit nan isht akanomi yā il ai itv̄nowa keyu, Chihowa im anumpa hā ik ghlechot il inlv̄chi keyu; amba Chihowa itikba yā nan ai ahli yā il otv̄ninchī ka, hatak mo-ma nan isht il akostininchī yvt ahli, pim ahni hoke.

3. Yohmi kia pim v̄banumpa hv̄t luma hokmv̄t, okpula he v̄hleha hak ō in luma hoke.

4. Klaist, yv̄mmv̄t Chihowa Hoyulba ka, im v̄banumpa hovitopa in tohwikeli hv̄t on tomma chī keyu ka, na yimmi keyu yv̄mmak ash ō im anukfila puta ka yakni ilv̄ppa ī shahli yosh lv̄blichī hatuk oke.

5. V̄banumpa isht il anumpuli kv̄t, pishno ak inli hō isht il anumpuli keyu, amba Klaist Chisvs Chitokaka yak atuk: yohmi hokv̄t pishno yokv̄to Chisvs pulla hatuk mak ō hv̄chin tishu pia hv̄t il otv̄ninchishke.

6. Tohwikeli hv̄t ai okh̄ilika yā a kohchv̄t tomma chī ka, Chihowa yv̄mmak osh im apesa tok okv̄t, Chihowa im ahovitopa nan isht ithaiyana im a tohwikeli hv̄t Chisvs Klaist ī nashuka a minti mak ō pima chī hosh pi chukv̄sh ā a tom-mi hatuk oka.

7. Yohmi kia nan isht ai ahli chinto fehna kv̄t pishno ak ō keyu, amba Chihowa ak ō immi ha chī ka, nan ilayak hovitopa ilv̄ppak ash ō nan ai vl̄hto okfulush toba hō isht il ieshi hoke.

8. A palv̄mmi bano hosh pia folubli kia, atukonov̄t pi komunta keyu k̄isha; atia he pim okv̄pa, yohmi kia isht apelv̄chi yvt ik pim iksho ka chī kil ahno hoke.

9. Inla yvt pī palv̄mmichi, yohmi kia Chihowa hv̄t ik pisso; aka il itula; yohmi kia ik pi okpulo hoke.

10. Chitokaka Chisvs vt isht illi mak ō pī haknip ā isht ieshit il aya bilia; yohmi na Chisvs okchaya yosh pi haknip ā ai otv̄na chī hatuk oke.

11. Chisvs vt okchaya kv̄t illa he pi haknip ā isht ai otahana chī ka, Chisvs pulla hatuk mak ō okchayvt il anta kv̄t, illa he pim vl̄hpihisa na bilia hoka.

12. Yohmi hoka nan illi yosh pi a toksahanli, yohmi kia nan okchaya yosh hv̄chi a toksahanli hoke.

13. Na yimmi im anukfila, Na sai yimmi yv̄mohmi hosh

anumpuli li hoke; achit holisso tok a yvmmak inli hō il ieshi hosh na pi yimmi ak inli, yvmohmi hokvt il anumpuli hoke.

14. Chitokaka Chisvs a tanichi tok yvmmak osh Chisvs pulla hatuk mak o pi tanicha he ak inli, mikmvt hvchishno a a pit aieninchit pi hiohlichia hi a il ithaiyana hoke.

15. Nana puta kv̄t hvchishno pulla hatuk mak o ai yakohmi ka, laua kv̄t yak oke ahnit, aiokpv̄chi pulla hō nan isht i kana laua kv̄t Chihowa yvt isht a holitopa ch̄i hoke.

16. Yakohmi hoka pin takobi keyu hoke; yohmi kia hatak pi pakna yokvto tikambit mahaya kia, hatak anukaka yokvto nitak osk nitak ma himonvt tohombvshke.

17. Yakosi itintakla hō na pim a palv̄mmi shohvla kia, na holitopa weki bilia nan imaiya fehna ka pim atahli hoke:

18. Nana puyuta yvmmvt otaiyani yak o e pihisa keyu, amba nana kv̄t otaiyani yak keyu; nana puta yvmmvt otaiyani yokvto a bilia keyu; amba nana puta yvmmvt otaiyani keyu kak osh a bilia yoke.

CHAPTA V

Aiokchaya bilia pisa he anukfoyuka ahli, 1; 9 mihmvt Klaist im a asha holitopa nan apesa itikba hikia ch̄i kv̄t ithaiana, yohmi mvt im a holitopa he ahnit tokshahli; mihmvt ib ai achv̄vt nohwa, micha inla mvt okchaya ch̄i ka anukfokihinchi.

1. ULHTIPO yakni pakna a pim aboha ilvppak okvt ont a yuhla kia, ibbak isht atoba tok keyu, vba a holitopa ya a bilia chuka, Chihowa hv̄t ikbi tok a, pin talaia kv̄t il ithaiyana hoka.

2. Ilvppak ash o il a foyuka kak osh ilbvshvt e hih̄iha kv̄t, pim aboha, yvmmvt vba a minti mak o, isht e fohka he ahni fehvt, e hohoyo hoke:

3. Yakohmit e foyuka mv̄hli hokmvt, haknip biekv̄t il otaiyana ch̄i keyu.

4. Ulhtipo ilvppa il ai ahanta hokvto, nan i weki tikabit ilbvshvt e hih̄iha; yohmi kia ik fohko ka hi ak o il ahni keyu, amba isht il a foyuka he ak oke; yohmi hō nana kv̄t

illa he imma hatuk okvto nan okchaya kak o ont ai ikshc kak a chi hatok a il ahni hoke.

5. Yohmi ka nana kv̄t ilvppak a chi ka a pi atahli tuk vt Chihowa ak oke; yvmmak osh ai okchayvt bilia yvt pim ai ghla chi ka, Shilombish a pihima ak inli hoke.

6. Yvmohmi hoka yvmohmi pulla chi ai ahni fehna kv̄t, haknip o il ai anta takla hokvto, Chihowa ya i filvmmi hosh il anta kv̄t il ithaiyana hoke.

7. Na yimmi pulla kak osh il itvnohova, pisa kak o keyu hoka.

8. Yvmohmi pulla chi il ahni fehna, yohmi hokvt haknip a ai i filvmmi cha, Chitokaka yak o il ibai achvfa hi ak osh pim i shaiyahli hoke.

9. Yvmohmi hokvt ibai achvfa kak okma, keyukmvt i filvmmi kak okma, nana kia yvmmak ash e yukpala chi kv̄t e toksahanli hoke.

10. Ilap haknip aiyuka nana kv̄t ai yvmohmi tuk a nana achukma hokma, keyukmvt okpulo hokma, nana hoh kia, yvma yvmihchi tuk isht vltoba mak o moyuma kv̄t il isha chi kv̄t, Klaist im o binili nan ai apesa itikba ya e moma kv̄t ont il ai otaiyana chi pulla hoka.

11. Yvmohmi hoka Chitokaka isht im anukshopa hi a ithaiyana hosh, hatak puta kv̄t hlakofa he ahnit il in tohono; yvmohmi hokvt Chihowa ho il im otaiyani pulla; yohmi hokvt nan isht hvsh il akostinichi ma e hvchim otaiyani ak inli, ahni li hoke.

12. Isht hvsh pi ahnicha hi a pishno ak inli kv̄t atukla ma isht e hvchim atahli keyu; amba chukvsh ak o keyu; ilap nashuka yo isht il aiyukv̄t ilauata vhleha yvma hvchishno vt i nan hvsh ok acha hi vt hvchi anukfoka chi kak osh, pishno ak o nan isht hvsh il aiyukpa kv̄t hvsh il auata chi kak o, e hvchim ahani hoke.

13. Pishno ak inli kak osh il il atampli fehna hokma, nana hoh kia, Chihowa nan isht im a hovitopa chi kak oke: keyukmvt pim anukfila nuktaiyala hokma, nana kia hvchishno nan isht hvchim achukma chi kak oke.

14. Klaist nan isht pi hullo yak osh a pi anukfoyukvt pi

ai yimilihinchi hatuk oka; yohmi ka achufa kvf moma ka im illi hatok, yohmi hokma, moma kak osh illi yoke, ahnit yakohmichit isht pim anukfila hoka.

15. Yohmi ka moma kak o im illi hatuk oka, kvna hosh himmak ma okchayvt ahanta kvf, ilap nan ahni banot ahanta he keyu, amba vlhtoba hosh illi tuk osh, anonti falamvt tani tok yvmmak o holitoblichy hosh ahanta he vlhpesa hoke.

16. Yohmi ka himak a pilla ka haknip imma hatak nana kia il ithaiyana chi keyu: ahli, yohmi kia haknip imma Klaist okvno il ithaiyana tok: yohmi tok kia himak a pilla kvno yvmmak ash il ithaiyana chi keyu mak oke.

17. Yvmohmi ka hatak nana hosh Klaist a ibai achufa hokmvt, mihi yosh nana toba himona yoke: na sipokni atuk vt ont ai ikshot kvnia na, yakeh! nana puta kvf himonvt toba hoke.

18. Yohmi ka Chihowa yvmmak osh Chisvs Klaist pulla hatuk mak o ilap a isht a pit i nanaiyvchi tok; mihmvt nan isht it i nanaiyvchi isht ai vta yo pi atokoli tuk mak osh, nana yakohmi puta ka yvmihchi yoke.

19. Yohmi kvf Klaist pulla ho Chihowa hvf yakni a ilap a isht il i nanaiyvchi kvf, yvmmak ash nan im ai ashvchi puta kash o isht in takalihinchi keyu; yohmi mvt nan isht it i nanaiya im anumpa ha pi anukfoyuki hatok.

20. Yvmohmi hoka Klaist vlhtobvt im anumpa isht aya pia hoke; yohmi ka pishno pulla hatuk mak o Chihowa hvf i kanvt hvchim anumpohonli chiyuhmi ma; pishno mvt Klaist vlhtoba hosh e hvchim asilhha ka Chihowa ya hvsh i nanaiyashke.

21. Yvmmak atuk mak o Chihowa nan isht im ai vlhpiesa e toba chi ka, yvmvt nan ashvchi ithaiyana tok keyu ka, yvmmak ash o Chihowa yvt nan ashvchi yo pim ikbi tok.

CHAPTA VI.

Ilap, micha itapehvt toksvli aiena kvf Chihowa yak o iba toksahanli kvf achi, 1; 5 vbanumpa isht anumpohonlit nan isht im apalemi,

micha toksahanli aiena kv̄t anoli; 14 Chihowa okchaya yō in tempel a tuk okv̄t, na holbv̄t toba putanankaniohmi ik vlhp̄eso puta ka ai i filv̄mma chi ka i miha.

1. YUMOHMI hoka pishno vt nan itiba toksuli pia hosh, Chihowa nan isht i kana hvsh habena kv̄t, pilla hvsh habena ch̄i keyu hō i kanv̄t hvchin tohono li hoke.

2. Ai okpancha he nitak vt takali ma chi habaklo li tok; anonti isht ai okchaya nitak vt takali nia chi on chv̄fv̄t chi apelahanchi li tok, yummvt achi hoka: yohmi hoka yakeh! himonasi yā aiokpahancha he nitak vt takali hoke; yakeh! himonasi yak osh isht ai okchaya he nitak vt takali hoke.

3. Ubanumpa isht ai vtta yvt ik hofahyo ka chi ka, nana kia isht ai ibetv̄bli yā kil i bohonlo hosh;

4. Nuktaiyav̄t achunanchi fehna, nan apalv̄m̄mi puta ka isht ai atukonufv̄t a hlakofa he keyu;

5. Fahama, aboha kv̄llo ma fohoka, nukkillit yahapa puta, toksahanlit hoyubli, nusi mv̄t ik im iksho, hohchahāfo,

6. Chukv̄sh kashofa, nan ithaiyana, i kanv̄t nuktaiyala, sv̄lahv̄t nokowa, Shilombish Holitopa, ilahobi keyu hosh nan it i hullo,

7. Nan ghli isht anumpa, Chihowa nan isht im ai ghli, isht impakimma, mikmv̄t isht afvbekimma ita tuklo kv̄t nan isht ai vlhp̄iesa i nan isht tanampi isht ai im vlhtaiyaha;

8. Nan isht holitopa, anonti nan isht ik holitopo, nan ik achukmo isht annoa, anonti nan achukma isht annoa; na haksichi yō chiyuhmi, yohmi kia ai ghli bieka;

9. Ik ithano yō chiyuhmi, yohmi kia otaiyani achukma; illa he im ai vlhpihisa, yohmi kia yakeh! pi okchaya moma; kostina hi osh nan i palv̄m̄mi, yohmi kia illi keyu;

10. Na nukhaklo yō chiyuhmi, yohmi kia na yukpa bieka; ilbv̄sha yō chiyuhmi, yohmi kia lāwa ka nan in lauahanchi; nan ik im iksho kamohmi hō chiyuhmi, yohmi kia nana moma kv̄t ai immi; nana kv̄t a pi yakohmi hokv̄t, Chihowa nan isht im vtta vt kaniohma hetuk ā chohmit nana moma ka isht il ai otv̄nihinchi hoke.

11. Kolinhlilian hvchia ma! pitakha yvt hvch̄i wakama, pi chukv̄sh mv̄t hvchim a chinto fehna hoke.

12. Pi chukvsh a ai iskitinosi ho hvsh pim a foyuka keyu, yohmi kia hvchi chukvsh okvno iskitinesi ho hvsh a pi foyuki hoke.

13. Yohmi ka mihi ash inli chohmi ho hvsh pi falaminchi cha, hvchi chukvsh a hvsh pin chitolashke; vm vlla chipunta chohmi ho im anumpvli li hoke.

14. Na yimmi keyu vhleha hokvno it ibai achvfvrt ikunla abana isht ik hvch abanaiyo kashke: nanta ho nan vvhpesa kvrt nan ik vvhpeso ya it ibai ieshi ho? nanta ho tohwikeli hvrt okhlili ha isht ai it ibai achvfa ho?

15. Yohmikma Klaist vt Belial a nanta ho isht ai itiba ola achukma ho? mikma na yimmi yvt nan ik yimmo ya nanta ho isht ai it ibai achvfa ho?

16. Yohmikma Chihowa in tempel vt na holvvt toba puta ka nanta ho isht ai it ibai achvfa ho? Chihowa okchaya in tempel hvchia hoka; yohmi ka Chihowa hvrt, Yvmmak oka ai ahanta la chi, mikmvt a nohova la chi: yohmi cha in Chihowa sia hokma, anonti ilap vt vm okla ha chi hoke, achi tok oka.

17. Yvmohmi hoka yvmma a kohchvt hvsh mintashke; yohmi cha oh i filvmmi, mikmvt nana kvrt ik kashofa ka hvsh potoli na; yohmik mak o hvch i kanvt hvchi ieshi la chi hoke, Chitokaka yvt achishke.

18. Yohmikmvt hvch Iki toba likma, anonti hvchishno vt svso vhleha, svso tek vhleha hvsh toba hi oke, Chihowa nana moma i shahli hvrt achishke.

CHAPTA VII.

Nan ashvchi ik im iksho ka he i miha, 1; 2 Klaist im vbanumpa ishi ai ghli yatuk ilap a okla aiokpancha chi ka i miha; Ilap nan im ai ashvchika isht ilekostininecha hi a i holisso vmonna kvrt nukfokichichi tok o, Titvs vt ant im anoli ilvppak o nana kvrt i palvmi ak inli kia isht hopohghla tok vt pit im anoli.

1. YUMOHMI ka a kana holitopa vhleha ma! nana hash yakohmiechit pimihisa ka, haknip, micha hvvim anukfila nan isht ai liteha puyuta ka isht kiloh il a kashofi,

Chihowa ha holitohombli pulla hosh ont ai ahlit nan ai ashvchi ka ik pim iksho kashke.

2. Pi kanvt hvsh il anukfoyukashke; hatak nana kia kil vlpesalo hatuk keyu; hatak nana kia il ai okpunichi hatuk keyu; hatak nana kia haksichi hosh nan il im ishi hatuk keyu.

3. Anumpa hvchi onochi la hi osh ilvppa anumpuli li keyu; hvch ibai illi hokma, okchayvt hvsh ibai ahanta hokma, nana hi vt pi chukvsh a hvsh pim a foyuka hoke, tikba kash achi li tuk oka.

4. Yohma chi ahnit, na yimmi chintot hvchim anumpuli li hokvt otvminchi li fehnvshke; nan isht hvchi ilauahanta li chinto hoke; na hopohla ma isht vm alotowa kv, na pim apalvmmi a moma ka isht a sai yukpa vm atampa fehna hoke.

5. Masetonia yakni ya ant e chukowa ha yatuk a pi haknip vt ik foho kvmoimi; yohmi hoka a pi afolubli moma ka nan isht a pi palvmmi; kocha ya ai itihimbi ma, pi anukaka ma, pi nukshohumpvshke.

6. Yvmohmi kia Chihowa hv kvna hosh im anukfila akanlosi puta hokvno nuktalali, yvmmak osh Titus vt ayvt vla pulla ho pi nuktalali tuk.

7. Yohmi kv yvmmvt ayvt vla kak bano keyu, amba na nuktanla mihi yo yvmmak ash ot isht hvchi anuktanla pulla tuk osh, nan isht hv sa hullo kvlo, mihmvt na hvchi nukhaklo, hvchim anukfila ha kvlochit isht hv si atakali aiena ka yvmmak ash ot ant pim anoli hoka: yohmi hoka nan isht sai yukpa vm i shahli fehna tuk oke.

8. Yohmi kv hvchi holissochit isht hvchi nukhaklochi li tuk vt sa nukhaklo tuk kia, himak ano sa nukhaklo keyushke; holisso yvmmak ash ot na hvchi nukhaklochi kia, hvshi kanvlli achvfa ho chohmi tok a akostininchi li hoke.

9. Himonasi ya sai yukpvshke, na hvchi nukhaklo kak keyu, amba na hvchi nukhaklot hvsh ile kostininchi kak atuk oke: pishno ak atuk mak o nana kia isht hvchi ai okpulo ka chi kv, Chihowa nan ai ahni ho na hvchi nukhaklo tuk oke.

10. Chihowa nan ai ahni hō na nukhāklo yokvto anukfohka cha, okchaya chī hosh ile kostininchi kv̄t nukhākla himma keyu hoke: amba yakni yō nan isht a nukhāklo yokvto illa hi osh anukfohka hoke.

11. Chihowa nan ai ahni hō na hvchi nukhāklo tuk vt ilvppak fehna ka ho pesá; tushpvt anukfohkvt nana isht hvsh ahanta tuk, ḡhli, na hvchi onvtula tuk ash hvsh il im ī kanvllichi tuk, ḡhli, ile shitlemvt nan ai ashvchi hvsh ī nukkilli tuk, ḡhli, na hvchi nukshopa tuk, ḡhli, yvmohmi pullakbano ahni fehnvt hvchi anukfoyuka tuk, ḡhli, nan a mosholit hvsh ahanta tuk, ḡhli, ik vlvpeso mak o ī sanalit hvsh ī nukkilli tuk, yohmi hokvt nan ilvppak ash hvsh ai itī kashofa kv̄t nana ilvppa puta kak o isht hvsh il otv̄ninchishke.

12. Yvmohmi ka hvchī holissochi li tuk vt kv̄na hosh nan ik vlvpeso ka yvmihchi tuk, mihmvt kv̄na hosh ik vlvpesot nan ī palvmmi tuk pulla kak o yvmihchi li tuk keyu; amba Chihowa itikba yō tushpvt anukfohkvt isht e hvchim ahanta ka hvchim otaiyana chī kak atuk oke.

13. Yvmohmi hoka nan isht hvchi nuktanla ka isht a pi nuktaiyala hoke; ḡhli, yohmi hokvt Tītv̄s yvmmvt im anukfila hv̄t hvsh moyuma kak o nan isht a nuktanla tuk okvt, na yukpa kak o pishno vt na pi yukpa pim atampa tuk oke.

14. Hvchishno pulla hatuk mak o isht im ilauata li tuk oh kia, sa hofahya keyu; yohmi ka ai ḡhli hō nana moma isht e hvchim anumpuli kv̄t, Tītv̄s itikba yō na yukpvt il ilauata ha tuk ḡ, yvmmak ash ot ai ḡhli bieka hoke.

15. Yohmi ka nukshohumpa, micha wv̄nihinchi aiena hosh yvmmak ash hvsh aiokpv̄chi cha, nana ka mominchit hvsh im antia tuk ḡ ithaiyana momvt, yvmmak ash ot im anukfila isht hvchī kana kv̄t in laiyawa atampa hoke.

16. Yvmohma hoka nana moma ka hvsh ai ḡhli ka hvchi yimmi li kak osh na sai yukpa hoke.

CHAPTER VIII.

v̄banumpuli ilbv̄sha Cheluselv̄m ḡsha ka peh pilla nana ka isht **ape-lacha** he ī miha, 1; 7 **v̄banumpuli** Masetonia ai ashvt nan akanioh-

ni ka hobacha he. 8 Chihowa nan isht i kana anukfoyuka pulla hosh; 14 Klaist a iakaia pulla hosh yvmihcha he; mikmvt nana ka yvkmichi kvv ilap shilombish nan im achukmali pulla ka, achi.

1. YUMOHMI ka itibapishi li vhleha ma! Masetonia yakni chvch a hiohli ka Chihowa hvv ilap nan isht i kana yv ihjma ma,

2. Nan imomaka pisa chinto a palvmmi kak o nan isht im il aiyukpa kvv lawa, yohmi mvt ilbvsha fehna yatuk vt ilap nan ahnit nan itahobi kvv, lauachi fehna tuk a isht e hvchim anolishke.

3. Nan isht il ilauechi, ghli, nan isht il ilauecha hi a im atampa ak inli kia, yvmihcha he ahnit, ilap inli nana im anukfila hatuk o atokowa anoli li hoke;

4. Nan isht i kana yash il ishi cha, na yimmi ghli vhleha isht im ia ka ibachvvt il apelvcha hi a, okla ai ahni fehvvt pim asilhha tuk oke.

5. Yohmi kvv ilvppak o okla yvmihchi tuk, yohma he ahnit pim anukfila tuk keyu; yohmi kia na tikba Chitokaka yoka okla il im issa cha, anonti Chihowa nan ai ahni pulla hv pishno ma pim il issa tuk oke.

6. Yohmi hatuk o nana ka isht wakaya hatuk okvt, Titvs ak osh nan isht i kana hvsh bohla he yvmmak ash kia hvchi ai itahobit tahla hi a, il im ahni tuk oke.

7. Yvmohmi hoka na yimmi, micha anumpuli imponna, micha nan ithana, micha tvshvvt anukfovkvv nana ka isht ahanta, mikmvt hvsh p i hullo aiena, nana moma ma isht a hvchim vlhtaiyaha laua ka, chohmit nan isht i kana ilvppak kia hvchin lauashke.

8. Nan vlvpisa yv isht anumpuli li keyu, amba inla tvshvvt anukfovkvv nan achunanchi yak oke; yohmi kvv na hvsh i hullo ai ghli kak o otvninchi la he ak atuk oke.

9. Hvpin Chitokaka Chisvs Klaist, yvmmak okvt nan in laua yatuk kia, hvchishno pulla kak o ilbvsha yv toba tok; yvmvvt nan ilbvsha pulla hatuk mak o na hvchin laua chi hatok vt hvsh ithana hoke.

10. Yohmi ka tikba kash isht hvsh wakaya kvv, nana ka hvsh yvmihcha he ak illa keyu, amba afvmmi achvfa foka

**kash yohmikbano ahnit, hvchi anukfoyuka ak inli tok, ilv-
pvt nan isht hvchim vlhpesa hoka, vno nana anukfilli li kv
anoli lishke.**

11. Yohmi hoka himonasi ya nana kv ai yvmohma he
yatuk ash hvsh yvmihchashke: yohmik bano ahnit hvchim
vlhtaiyaha hatuk okvno na hvchim gsha ka isht hvsh ai ghli-
chi kv, hvchim vlhtaiyaha ak inlashke.

12. Im anukfila ak osh nan tikba yohmikbano ahni ha
yatuk okvno, hatak yvmmvt nana hq ishi tuk ash isht vlhpisa
hq ima kv isht ai vlhpesa hoke, amba yvmmak ash ot nana
hash ik isho ke tuk ak osh isht ik im ai vlhpiso chatuk keyu.

13. Hvchishno ak osh na hvchi weki, nan inla yvto nan
ik ahalaio ka hi o miha li keyu.

14. Amba ai itilauashke, yohmi hoka himonasi ano na
hvchin laua yak osh ilbvshvt na bvna yak o apelvcha chi;
yohmi tukma ilap nan in laua yak kia ilbvshvt na hvchi bvn-
nakma hvchi apelvcha chi; yohmikma nana kv ai itilau kv;

15. Kvna hosh nana ka lauachit itahobi hatuk kia, atampa
kv ik im iksho hoke; mihma kvna hosh ik lauachot itahobi
hatuk kia, ak im ono keyu, achi hosh holisso ka chohmi
hoke.

16. Yohmi ka achilitvt nana yvmmak ash isht hvchim
vta chi ka, Titvs im anukfila hq Chihowa hv anukfohki-
chechi tuk g yak oke, im ahni lishke.

17. Yvmmak ash osh nan in tohono li ka aiokpanchi
fehna mvhli hatuk; yohmi kv ilap inli nan im anukfila kv
achilitvt, ila tushpa fehnvt hvchi maya hatuk oke.

18. Yohmi ma vbanumpa pulla hatuk mak o chvch hi-
ohli moma ka im a holitopa il itibapishi hq, tuklonchit pit e
pila hatuk.

19. Yohmi kv yvmmak bano hatuk keyu, amba Chito-
kaka yvmmak ash inli kv isht a holitopa chi, mikmvt nana
kv yohmikbano ahnit hvchim vlhtaiyaha tuk vt otaiyana
chi ka, nan isht i kana ilvppak okvt pishno pulla hatuk mak
o ai yvmohmi tuk g yvmmak ash ieszit pi takla nowvt gya
chi kv, chvch vhleha hq yvmmak ash ot ai im vlhtokowa
ak inli tuk oke.

20. Nan isht i kana laua ilvppak ash yakohmichit isht il ahanta na kvna kia nan isht ik pi mihacho ka chi ka, ilvppa ahah! il ahani tuk oke.

21. Chitokaka itikba ak illa keyu, amba hatak puta itikba yak kia, nana kvv vlhpiesa ho isht iloh il otvvincha he-tuk oke.

22. Yohmi kvv himonna imomaka e pihisa na nana lava ka achunanchi yatuk il itibapishi, mihmak o ibafokit pit e pila tuk; yohmi ka hvchi yimmi ehinto kvv nana ka achunanchi i shahli fehna chi pulla hoke.

23. Hvchishno yatuk mak o kvnia kia Titvs a a ponakla he yoba ka, yvmmak okvt vm itapela, micha na svba toksvli yoke; yvmmak keyukvvt hvv itibapishi vhleha hash a ponakla he yoba ka; yvmmak okvt Klaist nan isht a holitopa chi ka, hvch hiohli puta ho ai im vlhtoka vhleha hoke.

24. Yvmohmi hoka nan isht hvsh i hullo, mikvvt hvchishno a nan e hvchi yimmit isht il ilauata hatuk ash atokolit ahlichu kvv, hvch hiohli puta, mikvvt ilvppak ash aiena ka hvsh im otvvinchashke.

CHAPTA IX.

Achakalinchi kvv peh pilla nan ima he akv anukfokichi, 1; 6 na holokchi nihi yo isht ita pesa hosh na hokchi tok aiyuk ali kvv osh vma he, achi; 7 aiokpanchit nan ima kvv o Chihowa yvt holitoblichu; 10 pilla nan isht i kana lauachu ya Chihowa kvv ilap nan isht i kana ya lauachit ima.

1. **UBANUMPULI** ahli vhleha nan isht im ahanta he imma yvmmak ash okvno, nan isht mihvt hvchi holisso chi la he vm vlhpesa keyu.

2. Yohmik bano ahni kvv hvchim vlhtaiyaha hatuk, mihma Akaia ai asha kvv kia avvmmi achvfa foka kvv nana kvv im vlhtaiyaha hatuk, mihi yash o Masetonia ai asha ka isht m ilauata li hatuk; yohmi hatuk o na hvsh a mosholi kvv kvv laua fehna ka yimitvchit anukfokichechi ka itvaiyana lishke.

3. Yohmi ka ilvppak ash o hvchim vlhtaha chi ka, achi

tuk mak osh il itibapishi vhleha ha pit tihleli li tuk oke; yohmi ka nan isht e hvch ilauwaiyata tuk ash o ont ik ai ghlo keyu ka chi kak atuk.

4. Masetonia hatak ash ot si apihvt ona yoba cha, nana kvv ik hvchim vlhtaho ke tuk o ont ahayuchi na, na yimmit isht ilauwaiyata tuk mihi yo ai isht a pi hofahya hinla kvv, hvchishno ak a he okvno il achi keyu.

5. Yohmi ka il itibapishi vhleha hash ot tikba hvchim aya cha, nan isht hvsh i kana he vt isht anuhumpa tuk ash, tikbanli atahla he vlhpesa ahnit, i miha li tuk; yohmi ka pilla nan isht i kana yummak a he ash ot vlhtaiyaha kvv, nan il ahayuchi bvna yo ik chohmo kashke.

6. Yohmi ka kvna hosh ik lauacho hosh hokchi hokvto, mihi yosh ik lauacho hosh vma chi ak inli hoke; mikma kvna hosh lauachi hosh hokchi hokvto, mihi yosh lauachi hosh vma chi ak inli, ilvppa achi lishke.

7. Kvna kia ilap im anukfila hak o na tikba nan isht ik ahni ha yosh hatak moma kvv nan ik ima; isht nukhaklo keyu, mikmvt yohma hi atuk ahni kak o keyu; aiokpanchit nan ima yak o Chihowa yvto i hullo hoke.

8. Yohmi ka Chihowa hvv nan isht i kana moma ka isht hvchim a lauacha hinla kvv im vlhpiesa hoke; yohmikma nana moma ka isht hvch im vlhtaiyaha bievvt, na toksvli achukma moma mvt isht a hvchin laua hi oke.

9. Yvmmvt na fimmi hatuk; micha yvmmvt ilbvsha yo nan ima hatuk aiena kvv, nan ai vlhpiesa ho yvmihchi tuk a takali na bilia hi hoke.

10. Yohmi ka kvna hosh na hokchi a na nihi im atahli yak osh hvchim ilimpa chi pvka ma ik atahanli, micha hvchi na nihi hollokchi tuk ash ik ibakahanli, mikmvt na hvsh a kaniohmi ai vlhpesa im vni ya i shahlichit ik ibafohoki; achi hosh holisso hoke.

11. Nana ka lauachit hvsh ima chi kvv, nana moma isht a hvchin laiyauwa ka yummak osh pishno pulla hatuk mak o, lava kvv Chihowa ha yak oke im ai ahna chi ka, nukfokihinchishke.

12. Nan isht apehvchi ilvppak oka isht ahanta kvv vba-

numpuli ghli vhleha nan ik im iksho kash o nan im atahli illa keyu, amba Chihowa h₂ lauachit yak oke im ai ahmi vhleha h₂ isht a laiyawa ak inlishke.

13. Klaist im vbanumpa h₂ im antia hvsh il anohonli; yohmi mvt ilap, micha hatak moma ka nan isht hvsh apelvchi na nan isht apelvchi ilvppak ash o imomaka pihisa pulla hosh Chihowa y₂ okla holitoblichishke.

14. Yohmi mvt vba isht hvchi anumpohonli pulla hosh Chihowa nan isht i kana fehna kv₂ hvchi anukfoyuka chi ka, ai ahnit isht hvchi hullo hoke.

15. Chihowa nan isht i kana yvt anumpa h₂ isht annoa he keyu hoka yak oke im ai ahni lishke.

CHAPTA X.

Klaist im apostel atuk osh nana kv₂ vltoka, mikmvt shilombish imma isht im ai ghli kv₂ anumpuli.

1. YUMOHMI kv₂ Klaist chukvsh yohbi, micha chukvsh nukhobela iksho pulla h₂, vno Pal sia hv₂ hvchi kanv₂ hvchi tohono lishke; hvchi takla antakmvt, im anukfila akanlosi, amba hvchi filommikmvt, hvchi nukwaya iksho sia mak oke.

2. Yohmi kv₂ haknip imma nan ahni h₂ nana ka e yvmihchi tuk a kanimi kv₂ pi ahobachi, yvmmak okvno nukwaya ikshot i kv₂ li kv₂ hvchi takla ont anta li hokmvt, nukwayvt ak hvchi kv₂ ka he ak osh hvchim asilhha lishke.

3. Yohmi kv₂ haknip o il ai ahanta kia, haknip imma nan ahni y₂ ai isht e tanahampi keyu.

4. Nan isht e tanampi yokvto hatak osh nan isht tanampi y₂ chohmi keyu, amba Chihowa pulla hatuk mak o kv₂ ai ghli hosh nan a holihta kv₂ puta hatuk a yuhlichy yoka.

5. Nan anukfilli ik vlhpeso puta, mikmvt nan anukfilli chaha, yvmmak okvt Chihowa nan ithana y₂ i sanalit ilap inli ile chahvchi moma ka ishit e kanchi, mikmvt. Klaist a im antia chi ka, nan isht pim anukfila moma ka e yukahanchi yoke.

6. Yohmi ka na hvsh im antia he tuk vt ont a hvchim ai

ghlikma, nan ik im antio moma kvno nana kv̄t isht ai im vlhpiesa mak o isht il i yvmihcha he vt pim vlhtaha hoke.

7. Nashuka yo chohmichit nana ka hvsh pihisa hō? Kvna kia Klaist immi sia, ahnit ilap inli il anukchieto hokmvt, atuklant ilap ak inli hosh ilvppak ash ik anukfilli, yvmmak ash ot immi sia, ahni ka, yvmmak inli hō chohmit pishno kia Klaist immi pia, il ahni hoke.

8. Yohmi kv̄t nana a pi vlhtoka tuk pulla hō nana ka i shahlichit isht ilauwaiyata li ka isht ik hvchi okpulo hosh, achukma i shahlit hvsh mahaya hi o, yvmmak ash Chihowa yvt pima hatuk oka, sa hofahya he keyu hoke.

9. Yohmi kv̄t holisso hō isht a hvchi nukshopli la he, ahni li tuk a ik si ahobo ka ch̄i kv̄t, ilvppak o yvmihchi li hoke.

10. I holisso hokvto weki, micha kv̄llo, yohmi kia ilap haknip fehna otaiyani hokmvt ik kv̄llo, micha im anumpa mvt ik ahobo hoka, yvmmak ash ot achi.

11. Yv̄mma chohmi tuk ak osh ilvppa ik anukfilli, yohmi ka il i filvmmik mak osh holisso pulla hō anumpa yakohmi ka e yvmihchi kv̄t, pishno fehna il otaiyani hokmak heto, nan isht il anta kv̄t, yvmmak ash atuk ak inli hō e chohma hi oke.

12. Kanima kv̄t ilap inli il ahninch̄i vhleha, yv̄mma pishno vt isht il iba hotehnachit, isht il it apesa keyu; yohmi ka ilap inli ahninchit nan isht il apesa vhleha, micha ilap inli ka isht il it apihisa vhleha aiena hokvto hopoyuksa keyu hoke.

13. Yohmi ka nan isht a pim vlhpisa ya ont atampa hokvno nan isht il ilauwaiyata he keyu; amba nan isht vlhpisa pulla yvmv̄t hvchishno ak kia hvchim ona he, nan vlhpisa yo Chihowa yvt pim apesa tok ak oke.

14. Ik hvchim ono ke tuk ak inli hō chohmit nan isht a pim vlhpisa ya pit il atamplit il ile mahampli keyu; Klaist im vbanumpa isht anumpohonli ak inli hosh hvchishno a e hvchim ona hatok:

15. Nan a pim vlhpisa, yash pit atamplit hatak inla im a pilesa yokvno nana ka isht il ilauwaiyata he keyu; amba na hvchi yimmi hatuk vt i shahlit hlampko na nan isht a pim

vlhpisa hash o, hvchishno pulla hq isht a pi chito fehna he ak o il ahni.

16. Yohmikmno hvsh ai asha ka misha vbanumpa isht il anumpohonli kvf, hatak inla nan isht im ai vlhpisa ai vlh taiyaha hq isht kil ilauwaiyato ka chi hatuk.

17. Yohmi ka kvna hosh ilauwaiyata hokvto, mihi yosh (Chitokaka yo isht ik ilauwaiyatá.

18. Kvna hoh kia ilap inli il ahninchik kak osh mihi yoshi holitopa keyu, amba kvna hq Chitokaka ak osh ahninchik mak oh chatuk oke.

CHAPTA XI.

Kolinhlia ya i hullo pulla hosh ilap inli il ahnichit vbanumpeshi moma i shahli ka ili tilauechit anohonli: 9 vbanumpa ha pilla isht im anumpohonli hatuk, vba nan vlhpisa imma nan achi ka ai itilau.

1. NAN isht ilauwaiyata li kanomosi ka ant ik yohmi, hvs svm ai ahnikbano hvchim ahni li; yohmi ka ant ik yohmi, hvs svm ahna chi pulla hoke.

2. Chihowa anukfoykvt nan isht i hullo mak o isht hvchi hahulo li hokvt: ohoyo himita hopoyuksa ahli hatak haleli keyu chohmi mak o, hvch ishit Chisvs a im otvninchi la hi mak osh, i hatak achvfa chi ka hvch it im apovvchi li hatuk.

3. Yohmi tuk kia sinti okvt ilap kostini pulla kak osh If a haksichi tok a, chohmit na hvchim anukfila hash ot shanaia na nan anukfilli apissali achvfa, yvmvvt Klaist ak o ai achvfa yash o hvsh i filvmma hinla ka, sa nukshohumpa hoke.

4. Kvna hoh kia Chisvs inla yvmma isht il anumpuli tuk ash keyu hq isht anumpulit aya, micha Shilombish inla yvmma hvchi anukfoykuka tuk ash keyu hq hvchi anukfoykuka, yvmmak keyukvvt vbanumpa inla yvmma hvsh aiokpvchi tuk ash keyu hq hvsh aiokpvchi hokvvt, ant ik yohmi, hvsh im ahni vlhpesa hoke.

5. Apostel moma i shahli fehna kak kia ik alauecho sia keyu, vm aboha hoka.

6. Yohmi ka anumpuli hokvt ik imponno sia, yohmi kia nan ithana kak o keyu ; yohmi kv̄t hv̄ch itin takla ya nana moma ka achukmalit isht e hv̄chim otaiyani hatuk oke.

7. Nan isht hv̄chi holitopa ch̄i ka il akanlosechi lish, Chihowa im vbanumpa h̄a pilla isht hv̄chim anumpohonli li kak osh nan ashv̄chi li hatuk o ?

8. Hv̄chi apelv̄chit nan isht hv̄chim ahanta la ch̄i kv̄t, chv̄ch hiohli inla yo nan im ih̄ishi li kv̄t, ilap ak osh nan atobbi h̄o ish̄ishi li hatuk.

9. Yohmi kv̄t hv̄ch iba takla ahantvt na sa baiyv̄nna kia kv̄na hosh na hv̄ch̄i kv̄nia tuk keyu ; nana kv̄t ik svm̄ ono ke tuk okv̄no itibapishi li vhleha Masetonia minti hosh vm̄ atahli tok ; yohmi hoka nana moma ka isht ak hv̄chim ile wekecho ke tuk ; yohmi hokvt yvm̄mak o a si yvm̄ohma ch̄i mak oke.

10. Klaist nan isht im ai gh̄li yvt a sa nukfoyuka hosh, nan isht ilauwaiyata li ilv̄ppa kv̄ppa hosh Akaia afullota anta kv̄t, sv̄ssacha he keyu hoke.

11. Nanta katiohmi h̄o ? hv̄ch̄i hullo li keyu kak o ? Chihowa hv̄t ithaiyanv̄shke.

12. Amba anumpa si onochi bv̄nna kia, anumpa isht si onocha hi vt ik im iksho ka he ; micha nana ka isht ai ilauata hatuk vt pishno ak inli h̄o chohmit otaiyana ch̄i kak o, a kaniohmit ahanta li hatuk vt, yvm̄mak o ai yvm̄ohmit ahanta la ch̄i hoke.

13. Yv̄mma chohmi kv̄t vbanumpeshi gh̄li keyu hoke ; na haksichi yosh Klaist nan isht im vtta ilahobi hoke.

14. Ilv̄ppvt a yakohmi ka anukhlakancha he v̄lhpesa keyu ; Setan ak fehna ak kia inlv̄t tobtv̄t a tohwikeli ka im enchil ilahobi chatuk oka.

15. Yvm̄ohmi hoka yvm̄mak ash in tishu vhleha ak kia inlv̄t tobtv̄t, nan isht ai v̄lhpiesa in tishu vhleha h̄a holba hokvt na fehna keyushke ; yv̄mma im ishtaiyopi yvt ilap vt nana a kaniohmi chatuk ak inli h̄o chiyuhma hi oke.

16. Hatak nana kia im anukfila iksho ik si ahno kashke : yvm̄mak keyukm̄vt im anukfila iksho si ahni hoh kia, v̄lh-

pesa vm ahni; vno ak inli kv̄t iskv̄tinosi ka isht ilauata lashke, anonti achi lishke.

17. Ilvppa puta anumpuli li kv̄t Chitokaka ak ǒ iakaiya hosh anumpuli li keyushke; amba im anukfila iksho yǒ chohmit nukwaya iksho hosh isht ilauata ilvppa anumpuli lishke.

18. Lawa kv̄t haknip imma ka isht ilauata kak ǒ, vno ak kia isht ilauata li ak inla ch̄i chishke.

19. Hvchishno vto hvchi hopoyuksa kak osh, im anukfila iksho ǵ yukpa hosh ant ik yohmí, hvsh im ahni hoka.

20. Hatak okv̄t yuka hǒ hvch ikbi hokmá, keyukm̄vt vput hvchi tahli hokmá, keyukm̄vt nana hvchim ai ishi hokmá, keyukm̄vt ile chahvchi hokmá, keyukm̄vt hvchi nashuka ya isso hokmá, nana kia ant ik yohmí, hvsh im ahni hoke.

21. Ik ahobo hatuk osh isht a hofahya hi ǒ chohmichit anumpuli lishke. Yohmi ak inli hoh kia kanima kv̄t nana ka isht ik nukwayo kv̄t ~~as̄h̄a~~ hokma, nan im anukfila iksho chohmit anumpuli hosh, vno ak kia isht ik sa nukwiyo ak inlishke.

22. Heblu okla hǒ? vno ak kia yvmmak ǒ sia hoke. Israel okla hǒ? vno ak kia yvmmak ǒ sia hoke. Eblaham ak ǒ isht atia hǒ? vno ak kia yvmmak ǒ sia hoke.

23. Klaist in tishu hǒ? im anukfila iksho chohmit anumpuli li kv̄t, yvmmak oka i shahli li hoke; yvmma i shahlichit toksvli li hoke, atampa hǒ sa fahama hoke, aboha kv̄llo fohoka li chatuk, a svlli naha kv̄t laua chatuk oke.

24. Chu okla hǵ pokoli ushta ch̄i ma achvfa hosh iksho hǒ tahlapi ha im a sa fahama tok.

25. Hituchina ha fuli isht sa fahama tok, himonna ka tv̄li isht sa boa tok, hituchina ha, peni fohkv̄t aya li tok ǵ okpulo tok, ninak achvfa nitak achvfa aiena ka okhvta pakna takakanli li tok.

26. Anowa hopaki kia himonna a nohova li, oka kia isht vm a palvmmi, na wehli kia isht vm a palvmmi, ǵ yakni achvfa okla hak kia isht vm a palvmmi, vbanumpa ik ithano ma isht vm a palvmmi, tv̄maha anykaka kia isht vm a pa-

lummi, yakni haiaka kia isht vm a palvmmi, micha itibapishi li ilahobi vhleha kia isht vm a palvmmi ;

27. Hoyohambli, na hotohompa, himonng nusi vm okpo-honlo fehna, himmonng hohchvot, ituk shihinla, micha kapussa ka, haknip bieka aiena hosh isht vm a palvmmi hatuk.

28. Nana ilvppa moyuma kvv kochanli a mintit a si onv-tohonla ma, nitak moma ka chvch hiohli puyuta nana isht anukfilli mvt a si onvtohonla hoke.

29. Kvta hak osh ik hlampko na vno ak osh sa hlampko hq? kvta hak osh ibetvbli na vno ak osh ik sa nuklibisho hq?

30. Nana ka isht ilauata la he vlhpesa hokmvt, nana kvv isht a ik sa hlampko imma kak o isht ilauata la chi hoke.

31. Chihowa pin Chitokaka Chisvs Klaist Iki, holitopa bilia yak osh, holabi li keyu ka ithaiyana hoke.

32. Hatak pehlichu miko Aletas nutaka ahanta tuk vt Tamaskvs a si ai yukachi bvna kvv, Tamaseses tvnaha ha tvshka chipota atonichi tok.

33. Yohmi na kishi hq fohkvv tvli holihta okhissushi a hlopullit aka ona hosh yvma ibbak a i hlakofi li tok.'

CHAPTA XII.

Isht il anumpohonli mvt vba atuchina ka nana kvv auct im atokvvt im otvni tok vt anoli, 1, 9 yohmi kia nan isht ik hlampko ak o isht aholitopa hi vt ahni, iki nan i kana mak o chohmit im aya chi kvv im anoli.

1. NANA ka isht ilauata la he okvto vm vlhpesa keyu ak inli chishke. Nana ka Chitokaka yvt sa pisachit vm otvvinchi tok ak o isht anumpuli li la chi hoke.

2. Avvmmi auah ushta atampa kash hatak Klaist ibai achvfa ka ithanali tok; yvmmvt haknip o a fohka hokma nana tok chishba, ak ithanoshke; keyukmvt haknip a ai i filvmmi hokma nana tok chishba, ak ithanoshke; Chihowa ak osh ithana; yvmmak atuk ash o hoklit vba ont atuchina ka isht ona tok.

3. Hatak yvmma chohmi ka ithana li tok, haknip o a fohka hokmá, haknip g ai i filvmmi hokmá nana tok chishba, ak ithanoshke; Chihowa ak osh ithana hoke.

4. Yvmmak ash o hoklit Palatais g isht ona na, anumpa he keyu puta hatak okvt anumpula he vllhpiesa keyu hō haklo tok.

5. Yvmma chohmi kak o isht ilauata la chí hoke: yohmi kia vno ak inli hokvno isht ilauata la he keyu, amba nan isht ik sa hlampko puta kak a hi oke.

6. Isht ilauata ik sa bunna hoh kia, vm anukfila hokvto iksho ka he keyu hoka; ghli hō miha la hi okvt; yohmi kia ilolambi lishke; keyukma hatak kvna kia sa kaniohmi hō sa pisa, micha a sa haklo kvv, isht i shahlichit isht si anukfilla hinla hoke.

7. Micha nana vm otvni apakna pulla hō isht chahvt ak atapo ka chí kak o, kvti haknip shamvlli, Setan in tishu mak o ahama kvv, isht chahvt ak atapo ka chí kak o, ishit sahaso ya chí hatok.

8. Ilvppa pulla kak o Chitokaka yā hituchina ha im asilhha li kvv, ilvppak ash osh vm a filvmma chí kak atuk oke.

9. Mihma, Nan isht vm i kana yvt isht chim vllhpiesa hoke; nan vm isht hlampko yvt ik hlampko yak o isht im ai vlltaha yoka, vm achi tok. Yvmohmi hoka Klaist isht i hlampko yvt si onvtuyula chí ka, nan isht ik sa hlampko isht ilauata li kak osh vm vllhpiesa chí hoke.

10. Yvmohmi hoka Klaist pulla kak o nan isht ik sa hlampko puta, nan isht sa hofahyali puta, nan isht hotopa puta, na palvmmi atukonofa a hlakofa he keyu puta kak o, isht il ai yukpa li hoke, ik sa hlampko hok mak osh, sa hlampko hokvt.

11. Isht ilauahanta li kak osh ik hopoyukso yō toba lishke; hvs si atoblichit tuk oka; ahninchit isht hvs si anumpula he vllhpiesa tok oka: nana hō si ahomba keyu kia, apostel vhleha i shahli fehna kak kia gsha ka hikia li keyu hoka.

12. Apostel isht atokowa yvt hvch itin takla yā ai

yvmohmi kv̄t, nan nuk̄taiyalvt achunanchi, nan isht atokowa puta, nan isht nuk̄hlakvshli puta, na fehna yvmihchi puta aiena moma ka, isht ai yvmohmi mv̄hli tok.

13. Nanta liak o chvch inla puta ka isht hv̄ch ik a lauwo tuk oh cho? nana ka ak hv̄chj̄ kv̄llo ilv̄ppak atuk ak o? vno fehna kv̄t hv̄chim ashv̄chi li tok ilv̄ppak atuk ash hv̄s s̄g kashofashke.

14. Yakeh! ont isht atuchina mak o hv̄ch im ona la chj̄ kv̄t vm vlhtahv̄shke: yohmi kv̄t hv̄chj̄ kv̄llo la chj̄ keyu; na hv̄chimmi hak o keyu, amba hv̄chishno yak o hoyo li hokvt. Ulla yak osh iki micha ishki ita tuklo ka nana im ahayucha he vlhpesa keyu, amba iki micha ishki ita tuklo kak a hetuk oke.

15. Micha hv̄chishno pulla kak o a lushumichit ik si ataha kia sai yukpa fehna hi oke: hv̄chj̄ hullo li kv̄t isht i shahlich̄i li fehna kia, ik lauwt hv̄chim a holitopa li hoke.

16. Yohmi kia ant ik yohm̄i, hv̄chj̄ kv̄llo li tok keyu: yvmohmi kia i kostini li hatuk osh, a haksichit hv̄chim ishi li tuk o, achi hoke.

17. Hv̄chj̄ pila li tuk yvmmak ash o kanimi ka nan isht hv̄ch im ai ishit il ahayuchi li tuk o?

18. Tit̄vs vt hv̄chim ona he, ahni lish, itibapishi m̄s aieninchit pila li tok. Tit̄vs vt na hv̄chim ai ishit il ahayuchi tuk o? anukfila achv̄vt il itv̄nowa tuk keyu? ataya achv̄fa h̄o il ai itv̄nowa tuk keyu?

19. Anonti nana isht hv̄chim il il a miha, hv̄chim ahoba cho? Klaist g iba foyuka hosh Chihowa itikba ȳg il anum-pulishke, yohma kv̄t nana moma e yvmihchi kv̄t, p̄i holitopa fehna v̄hleha ma! isht hv̄sh a hlampka he ak oke.

20. Yvmmak keyukma ona likmvt, itachowa, it i potv̄nno, it i nokowa, it i nukhobela, ashaka nana a mihachi, itj̄ shukshovt na mihachi, ilefeh̄nv̄chi, itakv̄shkoa, hv̄sh aiena cha vlhpesvt hv̄sh m̄ya na, hv̄chi ahayuchi la hetuk ash osh keyu h̄o hv̄chi ahayuchi li, yohmikmvt a kaniohmi l̄j̄ hv̄s sa pisa hetuk ash o keyu hosh, hv̄chim otaiyani la he k̄á, ahnit sa nukshohumpa:

21. Yohmi ka anonti ona likma, an Chihowa yvt a hv̄chim

itin takla a si akanlosechi na nan ai ashvchi mashko tuk vt na liteha, micha na havi, micha chukvsh nan isht havi aiena ka yvmohmi tuk vt, i filvmmmit ik ile kostinincho kisha tuk o isht yahaya li yoba ná.

CHAPTA XIII.

Nan ibetvblichi vbleha hv̄t ile kostininchi keyu ka nana im apesa hi vt miha, 1; 5 nana ka a yimmi hatuk vt il imoma ka pisvt ik ono kisha h̄o nan a kaniohmi atuk vt falamvt il a chukmala hi a achi.

1. **ILUPPUT** isht atuchina mak o hv̄chim aya lishke: Nan atokoli tuklo, tuchina it̄h h̄o anumpa moma kv̄t isht ai ahlashke.

2. Tikba hoka hv̄chim anoli li tok osh, anonti atukla mak o hv̄chi takla anta li chohmit tikbanli hv̄chim ano li lishke; yohmi kv̄t himak a ik saksho hatuk osh tikba ka yoshuba tok ash, micha inla moma aiena ka pit i holissochi li, yohmi kv̄t anonti ona likmvt, apoanchi la he keyu hoke.

3. Klaist vt isht si a hv̄chim anumpohonli tuk a atokowa hv̄sh hoyo hoka, yvmmvt hv̄chishno yokvno ik hv̄chi hlampko keyu, amba hv̄chi ai a hlampko hoke.

4. Ik hlampko hosh ititaiyukhvna a takalit illi tok kia, Chihowa imi hlampko pulla h̄o okchaya hoka, pishno ak kia yvmma iba chafvt ik pi hlampko; yohmi kia Chihowa imi hlampko yvt hv̄chi onvtula chi pulla ka, yvmmak ash iba chafvt pi okchaya chi hoke.

5. Ai yimmi ka yoka hv̄sh ibai achvfakma, nana kv̄t hv̄chishno inli hv̄sh ile pisashke; hv̄chishno inli imomaka hv̄sh pisashke. Hv̄chishno inli hv̄ch ik ithano cho? Chisvs Klaist vt hv̄ch iba foyvka ka, ik ai ahl̄o hv̄chia keyukmvt.

6. Yohmi ka pishno yvt ik ai ahl̄o pia keyu ka, hv̄sh ithana chi ka sa yimmishke.

7. Micha Chihowa ya pit im asilhha li kv̄t, nan ik vlpeso ka ik hv̄chi yvmohmo ka he ak oke: il ai ahl̄i kv̄t isht il otvna he ak keyu, amba ik ai ahl̄o yo pia e chiyuhmi kin, hv̄chishno yokvto nana achukma kak o hv̄sh yvmohma he ak oke.

8. Anumpa ahli il i sanali kv̄t nana e kanihma he keyu, amba anumpa ahli ya il apelvchi yak oka.

9. Ik pi hlampkokm̄vt, hv̄chi hlampko kak o, pi yukpa hokv̄t: anonti ai ahlit hv̄chim vl̄htaha he ilvppak kia e hv̄chim ai ahni hoke.

10. Yvmohmi ka ik saksho hosh ilvppa puta ka hv̄chi holissochi lishke, ilvppak atuk keyukm̄vt ont hv̄ch iba takla anta likm̄vt, Chitokaka isht im ai ahli isht hlampkochi la he, micha isht okp̄vni la he ak keyu h̄o vma tok ak o anumpa ishit halupvchi la hetuk yoba ká.

11. Ishtaiyopi ka itibapishi li v̄hleha ma! na hv̄chi yukpashke. Ai ahlit hv̄chim vl̄htahashke, ahopohla achukm̄vt hv̄chim anukfila achv̄vt, it i nanaiyv̄t hv̄sh ai ashashke; mikma Chihowa holitoblit nan isht it i nanaiyv̄chi yosh hv̄chi anukfoyuka chi hoke.

12. Suxsowa holitopa yo isht hv̄sh it aiokpv̄chashke.

13. Ubanumpi yimmi ahli puta kv̄t pit hv̄chi aiokpv̄chishke.

14. Chitokaka Chisvs Klaist nan isht i kana, micha Chihowa isht i hullo micha Shilombish Holitopa ai itibai achv̄fa aiena kv̄t hv̄sh moyuma ka hv̄chi anukfoyukashke. Amen.

HOLISSO PAL VT

CHVCH KALESHAN

YAKNI A HIOHLI HQ I HOLISSOCHI TOK.

CHAPTA I.

Hatak keyu, amba Chihowa pulla hosh vbanumpa isht anumpula chi ka atokoli tok a Pal vt achi, 1: 6 Kaleshan vbanumpuli vt chekosi vbanumpa hg i filami kak o okokko! ahnit miha; 11 hatak o keyu, amba Chihowa yo vbanumpa hg im ai ithona; 14 nana ka ik vltoko kisha kvv hatak kaniohmi hatuk vt anoli, 17 yvm-mak atuk vt ont i himmak o im anukfila kaniohmi kvv anoli.

1. PAL apostel sia kvv hatak kaniohmi hq nan a si vltoka tok keyu, mikmvt hatak nan ahni hatok keyu, Chisvs Klaist, micha Iki Chihowa, yvm-mvt illi tok a falaminchit tanichi tok ita tuklo kak atok:

2. Yohmi ka itibapishi li vhleha si apehvt maya kvv, mo-mvt chvch Kaleshan yakni hiohli ka pit hvchi aiokpvchi lishke.

3. Iki Chihowa, micha hvpin Chitokaka Chisvs Klaist ita tuklo nan isht i kana, micha isht it i nanaiya ita tuklo kvv hvchi anukfoyukashke.

4. Yvm-mak okvt Piki Chihowa nan ahni tok mak o yakni ik achukmo iloppa a pi a hlakoficha chi hosh, nan il aiashvchi pulla kak o yvm-mak okvt il im issa tok.

5. Chihowa Piki yvm-mak osh holitopvt bilia cha bili-ashke. Amen.

6. Chekosi fehna hq Klaist isht i kana isht hvchi hohoyo

tok a i filvmmmit, vbanumpa inla yo hvsh eshi ka, okokko! ahni lishke.

7. Yvmmvt vbanumpa keyu; amba kanimi kvv hvchi anuktuklochi cha, Klaist im vbanumpa ha shanaiyvchi bvna kvv ashvshke.

8. Yohmi kia pishno, keyukmvt vba yakni enchil ak ok-ma nana hosh vbanumpa inla isht e hvchim anumpohonli tuk a keyu ho isht anumpulikmvt, okpulo taha he ik im vlvhpsa.

9. Tikba ka e hvchim achi tok a, anonti himak a mih mak inli ho hvchim achi lishke; Hatak nana kia vbanumpa hvsh eshi tok a inla yo isht anumpulikmvt, okpulo taha he ik im vlvhpsa.

10. Himak a hatak ak osh, keyukmvt Chihowa ak osh a kana he ahni li cho? hatak o yukpali sa bvna ho? hatak ak o yukpali li momakmvt, Klaist in tishu sia ha he keyu hokvt.

11. Amba itibapishi li vvhleha ma! hatak nan ahni keyu ho vbanumpa isht anumpohonli li tuk vt hvch ithvnanchi lishke.

12. Hatak o im ai ishi li tuk keyu, micha im ai ithvna li tuk keyu hokvt; amba Chisvs Klaist ak osh vm otvminchi hatuk.

13. Nitak chashpo ma kaniohmit Chu okla im vbanumpa anukfoyvkvv avvt, atablichit Chihowa in hvch a ilbvshalit, chukilissvchi li;

14. Yohmi kvv Chu im vbanumpa ithvna li kvv, vm okla achvfa ai itilau li laua ka i shaiyahlit, an tikba vvhleha im anumpa vlvhpsa ik holisso atok a amosholi li fehvvt im antia li tok a, hvsh haklo tuk oka.

15. Yohmi tok kia Chihowa yvmmak osh hvshki im oshvto ya ai ishit sa kohchi cha, isht i kana isht sa hoyo tok,

16. Yohmi kvv vlvhpsa ahni cha, Ushi ya si ai otvminchi kvv, vbanumpa ik ithano vvhleha ha vbanumpa isht im anumpohonli la chi ak atok; yohmi mak inli ho hatak nana kia it im anumpuli li tok keyu.

17. Mihmvt Cheluselem a kvv apostel vvhleha sa tikba tok

ǎ ont pisa li tok keyu ; amba Alabia yak ǒ ona li tok osh, anonti falamvt Tamaskvs ǎ ona li tok.

18. Atuk osh afvmmi tuchina ma Pita yǎ pist ia hosh Cheluselem ǎ ona li tok ; mihmvt ibai anta li nitak auah tahlapi tok.

19. Yohmi kia apostel vhleha inla yano ak peso, Chemis Chitokaka itibapishi ak illa tok.

20. Chihowa itikba yǒ hikivt nana puta hvch i holissochi li kv, holabi li keyu ka ho pesá.

21. I himmak ǒ Silia, micha Silisia foka ka ona li tok.

22. Micha Chutia chvch puta Klaist ibafoyuka yvt sa nashuka yǎ ik peso kisha tuk atok.

23. Amba chashpo ka pilbvshali tok yvmmak ash ot himak ano ai yimmi ka tikba ka okpvi tok vt isht anumpohonli ka haklo kak illa tok.

24. Micha vno ak atuk mak ǒ Chihowa yǎ holitobli tok.

CHAPTA II.

Atukla ma Cheluselem ǎ ia tok, nana kv yvmma akaniohmi tok ǎ anoli, 1 : 11 Antiak ǎ anta mvt, nana ka a yohma he vhpesa keyu kv Peta yvt yohmi na Pal vt im avmmi, mihmvt na yimmi kak keyu lokma, kvna hosh nan vhpiesa he keyu ka im anoli.

1. **YOHMI** tok ǎ i himmak afvmmi auah ushta ma anonti vno, Banabas ita, tuklot Titvs ǎ ilaunlit Cheluselem ǎ il ia tok.

2. Yohmi ka Chihowa yak osh vm otvniuchi na ona lish, vbanumpa Chentail vhleha hǎ isht im anumpohonli li tuk vt isht im anumpuli li tok ; yohmi kia vbanumpa tosholit ǎya li tuk ǎ peh pilla ná, anonti himmakma vbanumpa tosholit ǎya li kia peh pilla ná, ahni li hatuk osh luma hosh hatak annoa achukma kak ǒ im anumpuli li tok.

3. Yohmi ka Titvs vt si awant ǎya tuk vt, Klik atuk ǒ, hakshuk tvpa he i mihiha kia, ik yvmohmo ki tok.

4. Yohmi ka yvmmvt itibapishi ik ǎhlo takla iba chukowa kv, Klaist Chisvs puyulla hǒ a yuka keyut il ahashwa ka pim

agostinincha chi hosh lumvt piba chukowa tok ; yohmi kvf falaminchit pi yukacha chi hatok ; yohmi tuk kia ik yohmo ki tok oke.

5. Ubanumpa ahli yvt hvchin tonla chi kak o, yvmmak ash o hvshi kanvlli achvfa kia i nutakvt il a kanvlli tok keyu.

6. Amba, kvna hosh holitompa vhleha ahoba kvf, nana ho kaniohmi yoh kia, yvmmak okvto nan isht vm a kaniohmi keyu ; Chihowa yvt hatak a nashuka yak o pisa keyu ; holitompa ahoba yvmmak ash o it im anumpuli li tok a nana isht abafohki tok keyu.

7. Amba hakshup ik tapo vbanumpa in tosholi la hi vt si vlhtoka ma, hakshup tupa vbanumpa in toshola hi vt Pita ak osh vlhtoka tok a pisa mvt ;

8. Pita ya hakshup tupa vbanumpa in toshola he atokoli tok mak osh vbanumpa isht ai ahlichi tok, anonti mih mak inli hosh vbanumpa Chentail a in tosholi li ka isht ai ahlichi tok oka.

9. Yohmi ka Chemis, Sefas, micha Chan aiena kvf pehlichika yo ahoba hatuk osh isht i kana vma tok a pisa mvt, vno, micha Banabas, il ita tuklo kvf il iba holhtina chi kak o, ibbak isht impakimma ya pima tok ; yohmikma vbanumpa ik ithano yak o im anumpulit il iakma, ilap vt hakshup tupa vbanumpa in toshola chi hatok.

10. Ilbvsha ma il ithana he pim ahni tok ; yvmmak okvno vno ak kia aiokpanchit achunanchi li tok.

11. Yvmohmi tok kia Pita yvt Antiak a ant anta ma, atokovt im asanali li tok, nan ik vlhpeso yohmi tok ak oka.

12. Chemis vt tohno tok a ik lo kisha kano, Pita yvt Chentail a ibai impa tok ; yohmi tok kia ai vla ma, hakshup tupa ya i nukshopa hatuk osh, kohchvt il a filvmmi tok.

13. Mihma Chu inla ak kia nan il ahobi tok ; yohmi kak o Banabas ak kia nan il ahobi ka iba taklvt yvmohmi tok.

14. Yohmi kia yohmit vbanumpa ieshit ai vlhpiesvt itvnohova keyu ho pisa li mvt, momvt haklo ho, Pita ya, Chishno vt Chu chia hoh kia, Chentail nana a kaniohmi ka ish yvmohmi cha, Chu nana a kaniohmi ka chik yvmohmo

ho kak osh, nanta katihmi hq Chentail vt Chu chohmit ahanta he ish im ahni cho? im achi li tok.

15. Pishno vt Chu yosh il vta tok, yohmi kvv Chentail nan ashvchi pia keyu,

16. Hatak vt vba nan vlhpisa iakaiya kak osh isht ai vlhpiesa keyu, amba Chisvs Klaist i yimmi hok mak osh isht ai vlhpiesa ka ithaiyana hosh, vba nan vlhpisa yak o keyu, amba Klaist i yimmi mak o isht a pi vlhpiesa chi kvv, Chisvs Klaist il i yimmi tok; vba nan vlhpisa iakaiya hokvno hatak nana hosh isht ai vlhpiesa he keyu hoka.

17. Yohmi ka Klaist ak o isht ai vlhpiesa pi bvna hokvto, pishno vt nana ashvchi pia moma hatuk vt otaiyani; yohmi ka Klaist vt nan ai ashvchi in tishu hq? ik yvmohmo pullashke.

18. Nana ka okvni li tukvt anonti ikbi likvvt, nan vlhpisa kobvffi toba li hoke.

19. Vba nan vlhpisa pulla hq vba nan vlhpisa ya im illi li kvv, Chihowa yak o ai okchaya la he atok.

20. Klaist g ititaiyukhvna iba takalit svlli hoke: yohmi kia si okchaya hoke; yohmi kvv vno ak o keyu, amba Klaist ak osh okchayvt sa foyuka hoke; himak g okchayvt haknip a halaiia li moma hokvto, Chihowa Ushi, yvmmvt g hullot si vlhtobvt illi tok g i yimmi li hosh si okchaya hoke.

21. Chihowa nan isht i kana ya akshuchi li keyu; nan isht ai vlhpiesa hvv vba nan vlhpisa yak o isht atoba, yvm-mak okvno Klaist vt pilla illi tok.

CHAPTA III.

Vbanumpa hq i filvmmi ka nan i miha; 6 kvna hosh yimmi hokvto nan ai vlhpiesa; 9 mikvvt Eblaham g ibaiyukpa; 10 na lava hq isht miha hosh ilvppa anoli.

1. IM anukfila iksho Kalesan okla ma! hvchi nishkin a pisa yq Chisvs Klaist vt ititaiyukhvna atakalit illi tuk vt hvchi tikba ya ai anohwa tok g, kvta mak osh hvchi yovubli na vbanumpa ghli ya hvsh im antia he keyu cho?

2. Ilvppak illa hō hvchi ai ithvna sa bvnvshke ; vba nan vlhpisa yā hvsh iakaiya kak osh Shilombish Holitopa yā hvsh ieshi tok oh cho? akchu? haklot hvchi yimmi kak atuk o?

3. Hvchim anukfila iksho fehna kv̄t hvsh yvmohmi cho? Shilombish o anukfoyokv̄t isht hvsh ia kash ot, himak ano haknip o isht a hvchi vlhtaha cho?

4. Nan laua hō isht hvchi ilbaiyasha ka peh pilla ha tok o? peh pilla keyu hatok pulla hoke.

5. Yvmohmi ka Shilombish a hvch ima cha, hvch itin takla yā na fehna puta ka ai yvmihchi kv̄t, vba nan vlhpisa yā hvsh im antia tok ak o? akchu? vbanumpa haklot a hvchi yimmi kak atuk o?

6. Yvmmak inli hō chiyuhmit Eblaham vt Chihowa yā i yimmi tok: mihmvt nan isht ai yimmi kv̄t ai vlhpiesa im vlhpisa tok.

7. Yvmohmi ka hvsh ithaiyanashke, yimmi puyuta yvmmak okv̄to Eblaham im vlla vhleha yoke.

8. Mihma Holisso Holitopa yvt Chihowa yvt vbanumpa ik ithano yā na yimmi pulla kak o isht ai vlhpiesacha hi a tikbanli pisa kak osh, Eblaham a vbanumpa hā isht im anum-pulit, Chishno ak o okla moma kv̄t na yukpa hi oke, achi tok.

9. Yvmohmi hoka kv̄na hosh yimmi yokv̄to, mihi yosh na yimmi Eblaham a iba taklv̄t na yukpa hoke.

10. Uba nan vlhpisa anukchieto aiyuka hokv̄to, na hotopa anumpa hv̄t onv̄tonla bieka hoka: holisso kv̄t, Kv̄na kia vba nan vlhpisa holisso atakali puta ka achunanchit ik im antio aiyuka hokv̄no, na hotopa anumpa hv̄t onv̄tuyula hoke achi hoka,

11. Amba hatak kv̄na kia Chihowa ai itikba yokv̄no vba nan vlhpisa yā isht ai vlhpiesa he keyu kv̄t otv̄nishke; Hatak vlhpesa yokv̄to yimmi pulla kak osh isht ai okchaya hi oka.

12. Yohmi ka vba nan vlhpisa yvt ai yimmi ka yokv̄no ahalaia keyu, amba, Hatak vt yv̄mma yvmihchi hokv̄to, yvmmak o isht ai okchaya hi oke.

13. Klaist vt pi vlhtobvt na hotopa onv̄tula toba cha, vba

nan vlhpisa isht a hotopa ya a chumpvt pi falaminchi tok ; holisso kv̄t, K̄vna kia iti a atakalikm̄vt, na hotopa anumpa hosh onvtula hoke, achi hoke.

14. Yvmohmi h̄q Chisvs Klaist pulla hatuk mak o Eblaham nan isht aiyukpa yvt Chentail a onvtula ch̄i hatok ; yvmohmi h̄q pi yimmi pulla kak osh, Shilombish pim issa tok a il isha ch̄i hatok.

15. Itibapishi li vhleha ma ! hatak nana a kaniohmi yo anumpuli lishke : peh hatak nana it im vlhpisa yoh kia kv̄llochi hama, hatak k̄vna hosh akshochi, micha ibafohka he keyu.

16. Yohmi ka Eblaham, micha im isht atiaka yak o nan im ih̄isa tok ; Laua nana h̄q ahobv̄chit isht atiaka vhleha, achi keyu ; amba achv̄fa chohmichit, Chim isht atiaka yak o, achi yvmm̄vt Klaist ak oke.

17. Yohmi ka ilvppak o achi lishke, Nan itim vlhpisa Klaist isht anumpa yvmma Chihowa yvt kv̄llochi ha ya, av̄vmmi tahlepa ushta pokoli tuchina ha yo v̄ba nan vlhpisa toba tok vt akshocha he keyu, yohmi kv̄t nan im issa tok a ik ai ahlecho ka he atok keyu.

18. V̄ba nan vlhpisa im antia pulla kak o nana ai isha he vlhpesa kv̄t ai yvmohmi hokma, nan im issa yak keyu hoka ; yohmi kia Chihowa yvt nan im issa tuk osh Eblaham a ima tok.

19. Yohmi ka v̄ba nan vlhpisa yvt nanta h̄q katiohmichi hatok oh cho ? Nan vlhpisa kobv̄ffi pulla kak o vlhpisa tok o, isht atiaka yvmma nana im ih̄isa tok vt vlak mak a he vlhpisa tok ; yohmi ka enchil vhleha hosh iti takla hiki vt tosholi ya i nutaka hosh nan vlhpisa ya anolit haiakv̄chi tok.

20. Yohmi ka ititakla hiki vt tosholi vt achv̄fa h̄q ititakla hiki vt tosholi chatuk keyu, amba Chihowa yvto achv̄fa hoke.

21. Yohmi kv̄no nan vlhpisa yvt Chihowa nan isht im issa tok a i sanali cho ? ik yvmohmo pullashke ; nan vlhpisa ima tok intonla kv̄t okchalinda hinla hokma, nan vlhpisa pulla kak o isht ai vlhpisa hi atok o mv̄hlishke.

22. Holisso Holitopa yvt moma ka nan ai ashv̄chi i nutakv̄chit ompohomo hoke ; yohmi h̄q Chisvs Klaist i yimmi

pulla hō nan ai yukpa im issa tok a kvna hosh i yimmikmvt isha hi atok.

23. Yohmi kia ai yimmi ka yvt ik lo kisha ma, vba nan vlhpisa ya il i nutakvt il ai ashvt, ai yimmi ka yvt himmak o haiaka he yak o il anukchieta hi a pi atoblichitok.

24. Yvmohmi ka vba nan vlhpisa yvt pi kostininchit yosh Klaist a pisht im ona na, na yimmi pulla hosh isht ai vlhpiesa hi atok.

25. Yohmi tok kia ai yimmi ka yvt ai vla ha yokvno, kostininchit ya il i nuktaka keyu hoke.

26. Klaist Chisvs a i yimmi pulla hosh hvsh moma kvv Chihowa im vlla hvchia hokvt.

27. Klaist a ishit hohchifot hvchi baptismo tok aiyuka hokvto, Klaist a isht hvsh foyuka hoke.

28. Chu okmá, Klik okmá, nana kvv iksho; yuka yokmá, yuka keyu yokmá, nana kvv iksho; nakni okmá, ohoyo hokmá nana kvv iksho, amba hvsh moyuma kvv achvfvt Klaist Chisvs a hvsh ibafoyuka hoke.

29. Yohmi kvv Klaist a immi hvchia hokmvt, Eblaham isht atiaka hvchia, micha nan im issa tok a ai isha he vlhpesa hvchia hoke.

CHAPTA IV.

Nan vlhpisa i yuka pia hatuk a Klaist akosh na pi hlakofichi; mikmvt Chihowa ushi vhleha pikbi, 1; 6 yvmma i chukvsh okvno Chihowa yvt ilap ushi imi shilombish o auet nukfokihinchi. 22 Akah micha Sela itatuklo kvv nan isht vlhpisa.

1. ANONTI ibai isha he vlhpesa kvv, vlla moma hokvto, nana moma kvv immi hoh kia, yuka ha nan isht inla keyu hoke, achi lishke.

2. Amba kostininchit, micha apesvchi ya i nuta kvv ahanta na, iki vt im apesa tok nitak a ona chatuk oke.

3. Yvmmak inli hō chiyuhmit, pishno ak kia vlla pia momo mvt, yakni nan ai ithvna ai ishtia vmmona ya i nutakvt yukvt il ashwa tok.

4. Yohmi tok kia nitak ont vlhpesa kvv vla ma, Chihowa

yvt Ushi vt pila na, nan vlhpisa i nutaka toba hosh ohoje ho a toba tok.

5. Uba nan vlhpisa i nutakvt gsha tuk g falaminchit pi chumpa na, Chihowa ushi vhleha e toba chi hatok.

6. Yohmi tok g ushi vhleha hvchia hoka, Chihowa yvt Ush imi Shilombish g hvchi chukvsh g anukfohki na Abba Iki achit tahpahanla hoke.

7. Yvmohmi hoka himak a pilla ka yuka chia keyu, amba ushi mak o chia hoke; yohmi kvv ushi chia hokmvt, Klaist pulla hatok mak o Chihowa immi ha ai isha he vlhpiesa chia hoke.

8. Yohmi kia tikba ma Chihowa hvch ik ithano mvt, chihowa nana keyu ka hvsh i yuka tok.

9. Yohmi tok kia, himak g Chihowa ya hvsh ithana ha ya, yvmmak keyukmvt, Chihowa yak osh hvch ithana ha ya, katiohmi ho anonti nan ai ithana ai ishtia vmmona isht hlampka he keyu, micha isht ai yukpa he keyu ka falamvt i nutakvt yuka hvchi bvna cho?

10. Nitak il aiyuka, micha hvshi talali, micha afvmmi vlhpisa aiena ka hvsh holitobliskhe.

11. Peh pilla ho hvchin toksvlit isht a svlvsha tuk yoba ka ahnit, ahah! hvchim ahni lishke.

12. Itibapishi li vhleha ma! hvchishno ak inli chohmi li hokvt, vno ak o hvsh chohma chi ka hvchim asilhha lishke: nan ik vlhpeso hvv sa yvmihchi tok keyu kvvmohmi hoke.

13. Ummona hoka haknip ik hlampkot hoyubli hosh katiohmit vbanumpa ha hvchin tosholi li tok g, hvsh ithavnshke.

14. Micha imomaka pisa li yvt sa haknip g afoyuka ka ik shitlemot hvch ik sa kanchi ki tok; amba Chihowa im enchil chohmichit, Klaist Chisvs mak o, chohmichit hvv sashi tok.

15. Yokmi kvno nan isht aiyukpa ya isht hvsh anumpuli tok mvt? hvsh yvmihcha hinla nana hokmvt, hvchi nishkin g hvsh kohchi cha, hvv suma hinla tok g, atokowa hvchim anoli lishke.

16. Yvmohmi ka ghli ho hvchim anoli li kak osh hvchin tvnvp o toba li cho?

17. Hvchi hullo fehna ahoba kia vlpesa keyu hoke; ghli, hvchi atakvma he ahni na hvch ik sa hullo hosh, ilap ak o hvsh i hulla chi kak atok oke.

18. Yohmi kia nana achukma hokvno i hullo fehnvt bilia kak o vlpesa hoke; micha hvchi takla anta li kak bano keyu.

19. Um vlla chipunta vhleha ma! ohoyo vlla esha chi nukhvmi ka a hvchim a chohmi li tuk atok o Klaist vt a hvchi atobak mak a chi hoke.

20. Himak a hvchi takla anta lish, vm anumpa ha inlanchi la he sa bvnvshke; a hvchi anukfilli la he ak ithanoshke.

21. Uba nan vlpisa ya i nutaka hvchi bvna kv, vba nan vlpisa ya hvchik haklo ho? oh vm anoli

22. Holisso kv, Eblaham vt ushi in tuklo tok; achvfa kv ohoyo yuka yak o ushi yokma, achvfa kvto ohoyo yuka keyu yak o atok, achi hoka.

23. Yohmi ka ohoyo yuka ushi yvt haknip nana a kaniohmi chatuk a chiyuhmi tok; amba ohoyo yuka keyu ushi vto im issa tok ak atok.

24. Yvmmvt nan isht vlpisa yoke: ilvppvt nan it im vlpisa tuklo yoka; achvfa kv nvni chaha Sainai a tobt yuka ikbichi, yvmmvt Akah yak oke.

25. Akah ilvppvt nvni chaha Sainai yosh Alabia yak o hikia hosh, Chelusalem vt himak a talai ka isht vlpisa hosh, im vlla puta ka il ai eshit yuka hoke.

26. Amba Chelusalem vba yokvto yuka keyu hosh, e moma ka hvv ishki yoke.

27. Holisso kv, Ulla ik chim iksho, vlla ish eshi chatuk keyu ma! chi yukpashke; vlla esha chi chi nukhvmi chatuk keyu ma! chitolit ish tahpahanlashke; ohoyo vlhtakla ya tuk kia vlla in laua kv hatak im gsha tuk kak kia, i shahli hokvt, achi hoka.

28. Yohmi ka itibapishi li vhleha ma! pishno vt Aisaak atok a, chohmit nan im issa tok ak o im vlla pia hoke.

29. Yohmi ka nitak yvmma haknip o kaniohmi chatuk a chohmit ai vta yvt Shilombish ai vta ya ilbvshali tok a, chohmit himak ak kia yvmohmi hoke.

30. Yvmohmi ka Holisso Holitopa yvt nan tuk achi hō ? Ohoyo yuka, micha ushi ita tuklo ka kohchit ish kanchashke : ohoyo yuka ushi vt ohoyo yuka keyu ushi ya nana ibai isha he vlpesa keyu hoka.

31. Yvmohmi hoka itibapishi li vhleha ma ! ohoyo yuka im vlla pia keyu, amba ohoyo yuka keyu ak oke.

CHAPTA V.

Klaist pulla hatuk mak o yuka keyu toba tok vt yvmmak fehna hō ai itanohōwa chi ka i miha, 1 ; 3 Chu okla nan im vlpisa yokvno ik im antio ka chi, amba nan i hullo pullvt itanohōwa he ; 19 haknip imma atoksvli kvv kanihmi ka anoli ; 22 mihmvt shilombish imma nan vni ka anoli.

1. YUMOHHMI hoka a yuka keyu hō Klaist vt pisht ona tuk a kvllot hvsh hielashke, micha anonti yuka ikunla im abana ilvppa isht hvch ik il onochō kashke.

2. Yakeh ! Pal sia hosh hakshup hvchi tupa hokma, Klaist vt nan isht hvchim ai achukma he keyu ka hvchim achi lishke.

3. Anonti hatak moma kvv hakshup tupa yvmmak okvto, nan vlpisa moma ka yvmihcha he aheka in takanli ka atokolit im anoli lishke.

4. Kvna hvchia hosh nan vlpisa yak o isht hvchi ai vlpiesa hokma, Klaist vt nana isht hvchim ai achukma keyu ; isht i kana ya i filvmmmit hvchi tula hoke.

5. Yohmi ka Shilombish pulla hatuk mak o na yimmi hosh isht ai vlpiesa hi a il esha he ahnit, e hōhoyoshke.

6. Chisvs Klaist imma hokvno hakshup tupa yokmá, hakshup ik tapo yokmá, nana hoh kia nana a kanihma he keyu hoke ; amba ai yimmi ka i hullo isht atoba yak oke.

7. Vlpesa hosh hvsh maleli tuk ; anumpa ghli ya hvch ik im antio ka chi ka, kvta hosh hvchi ataklvmmi tuk o ?

8. Hvchi anukfohki na vlpesa hvsh ahni ilvppvt hvchi hoyo tok ak o a minti keyu hoke.

9. Isht shatvmmichi iskvtnosi kia yvmmvska ya mominchit shatvmmichi chatuk oke.

10. Chitokaka pulla kak o hvchi yimmi li kv̄t, nana inla hvch im anukfila he keyu ak oke ; amba kvna hatuk oh kia mihi yosh hvchi anuktuklochikm̄t, nan vlhpisa yv̄t onvtula hi oke.

11. Yohmi ka itibapishi li vhleha ma ! vno yv̄t hakshup t̄vpa ȳa isht anumpuli li moma hokak osh, nanta katiohmi h̄o nan ilbv̄sha yv̄t si onvtula moma cho ? yv̄mmak okma ititaiyukhvna isht ai ibetv̄bli vt yokopa hoke.

12. Hvchi anuktoklochi vhleha hatuk vt chvch a a t̄vpt kvniakbano ahni lishke.

13. Itibapishi li vhleha ma ! a yuka keyu ȳo hvch isht ona tuk oke ; a yuka keyu yv̄to haknip yukpali keyu, amba it i hullot it apelahanchi yak oke.

14. Anumpa achvfa h̄o vba nan vlhpisa a moma kv̄t isht ai ahli hoka ; yv̄mm̄t ilv̄ppak oke, Chin chuka panta hatak a ish i hullo kv̄t chishno ak inli h̄o chim itilau-ashke.

15. Amba iti koblit, v̄vpt hvsh ititahli hokm̄t, iti okpv̄nit hvch ik iti tahlo ka ch̄i kv̄t, ahah ! hvsh ahnashke.

16. Yohmi ka Shilombish iba foyukv̄t hvsh ayashke ; yohmi hokm̄to, haknip nan ahni okpulo ȳa hvch ik ai ahlecho ka ch̄i hoke.

17. Haknip nan ahni kv̄t Shilombish a im i sanalikma, Shilombish nan ahni kv̄t haknip a im i sanali hoke ; micha ilv̄pp̄v̄t it im inla hoke : yvmohmi h̄o nana yvmihcha he hvsh ahni kia hvsh yvmihcha he keyu hoke.

18. Amba Shilombish ak osh hvch isht aya hokma, nan vlhpisa ȳa hvsh i nutaka keyu hoke.

19. Yvmohmi ka haknip atoksv̄li otv̄ni yv̄mm̄t ilv̄ppak oke : Haui toba, itin lumaka, na liteha, haui anukfilli,

20. Na holba aiokpv̄chi, ikhish isht yushpakama, it̄i nukkilli, itachowa, it̄i shahshohlechi, anukhobela, it̄i yichina, ita kv̄shkov̄t nan vlhpisa i sanali, vbanumpuli iksa it̄i filamohli,

21. It i potv̄nno, hatak b̄ika vbi, okishko shahli, okishkot t̄vssahut aya, micha yv̄mma chohmi puta ka tikba ma hvchim anoli li ak inli tok kia, himak a atuklant hvchim

anoli li ka, ilvppa yvmihchi puta kv̄t Chihowa im apeli-
chika yō isha he vlhpesa keyu hoke.

22. Amba Shilombish o isht ai vni hokvto, i hullo, na-
yukpa, it i nanaiya, nuktaiyalt nokowa svlaha, anukfila
yohbi, nana achukma yvmohmi, na yimmi,

23. Il aiokha bv̄nna keyu, ahah! ahnit il oktamp̄li;
yvmma chohmi ka onvtonla kv̄t nan vlhpisa yvt ik-
shoshke.

24. Yohmi ka kv̄na hosh Klaist a immi hokvto hakn̄ip,
micha hakn̄ip nan isht i hullo, micha nan ai ahni okpulo
ya hakn̄ip ash aieninchit ititaiyukhv̄na a takalichit ilichi
hoke.

25. Shilombish ak o il ai okchaya hokmvt, Shilombish a
iba foyukvt il iba noh̄owa mak inlashke.

26. Nana ik ahobo a holitopa ya ahnit it i nokov̄vchit, it
i potv̄nnot kiloh ai asho kashke.

CHAPTA VI.

Kv̄na hosh nana kv̄t ik im vlhpeso ka i kanvt nan im anukfilla he,
micha nan i weki ka ib ai isha he i miha, 1; 6 vbanumpa isht
anumpuli yoka nana ka isht im vttvt apelacha he i miha: nan vl-
pisa chinto nitak yvmmak okv̄no momvt nan im vlhpisa hi a anoli.

1. ITIBAPISHI li vhleha ma! hatak kv̄na kia nan ai
ashv̄chi ka iba chukowa hokma, Shilombish anukfoyuka
hv̄chia hv̄t, chukv̄sh isht i nukhaklot yvmma chohmi kash
falaminchit hv̄sh hilechashke; hv̄chishno kia nan ai ashv̄chi
hv̄chi ai itula hinla kv̄t, hv̄sh il anukfihinlashke.

2. Nana isht a hv̄chi weki puyuta ka hv̄sh iti shaiya-
lashke; yohmi hosh Klaist i nan vlhpisa ya hv̄sh ai ahli-
chashke.

3. Hatak vt nana keyu kia, na sa fehna ahni hokmvt,
ilap inli hosh ile haksichi hoke.

4. Amba hatak puyuta kv̄t ilap nan isht ai v̄tta yak o
yakohmi ahnit, pisashke; yvmohmi hosh inla yō ai yukpa
keyut, ilap ak inli tuk ak osh nan isht il ai yuhukpa chi
hoke.

5. Hatak puyuta kv̄t ilap ī shahpo illa h̄o shaiyala he oka.

6. Kv̄na hosh vbanumpa h̄a isht im vlv̄chi hokmv̄t, nan im abv̄chi yvm̄mak ash nana hochukma puta ka it ibai eshashke.

7. Hv̄chik ile haksecho kashke; Chihowa hv̄t isht ik si yopulá, ahni keyu hoke; hatak vt nana h̄o hokchi tuk mv̄t, yvm̄mak o vma hi oke.

8. Kv̄na hosh haknip ak o ī hokchi hatuk okv̄to, haknip ak o isht okpula hi o vma hi oke; amba kv̄na hosh Shilombish ak o ī hokchi hatuk okv̄to, Shilombish ak o ai okchaya bilia ȳo vma hi oke.

9. Yohmi kv̄t nana achukma isht il ahanta kv̄t ik pin takobo kashke; pi tikambi keyu hokmv̄t, nitak ont ai vlv̄piesakma, il ai vma hi okv̄t.

10. Yohmi hoka hatak moma ka nana il im ai achukma la hi vt pin takalimv̄t, e yvm̄hchikmv̄t, na yimmi in chuka chv̄fa vhleha yokak heno ī shahlichit il ī yvm̄hchashke.

11. Holisso chito kv̄t, kaniohmi h̄o vno sv̄bbak ak inli h̄o pit isht hv̄ch̄i holissochi li tuk ā hopesá.

12. Haknip ak o isht otv̄ni achukma he ahni aiyukali hokv̄to, hakshup tv̄pa he ak o hv̄chim ahnishke; yvm̄mak keyukmv̄t Klaist ititaiyukhv̄na ai illi pulla hatuk mak o na palv̄mmi pisa hinla kak illa kak osh yvm̄ohmi hoke.

13. Yohmi ka hakshup tv̄pa vhleha ilap inli kak kia vba nan vlv̄pisa ȳa holitobli keyu: yohmi kia hv̄chi hakshup tv̄pa he hv̄chim ahni kv̄t, hv̄ch̄i haknip ak o isht ilauata he ahni hoke.

14. Amba vno yokv̄to isht ak ilauato pulla he, pin Chitokaka Chisvs Klaist ititaiyukhv̄na atakalit illi tok ak banashke: yvm̄mak atuk pulla mak o yakni vt ititaiyukhv̄na vm ai illi, mikmv̄t vno yvt yakni ā im ai illi li hoke.

15. Klaist Chisvs imma hokv̄no hakshup tv̄pa, micha hakshup tv̄pa keyu aiena kv̄t nana keyu, amba himonvt toba ak illa hoke.

16. Laua kv̄t kaniohmi hosh anumpa v̄lhpisa ilv̄ppak ash im antivt̄ aya, micha Chihowa im Islael aiena hokv̄no isht ī nanaiya, micha isht ī nukh̄aklo ita tuklo kv̄t onvtuyulashke.

17. Chitokaka Chisvs̄ pulla hatuk mak ō sa haknip ā na misa laua ka isht shaiyali li hoka; himak a pilla mv̄nc hatak nana kia ik si ataklammo kashke.

18. Itibapishi li v̄hleha ma! pin Chitokaka Chisvs̄ Klaist isht ī kana yvt̄ hv̄chimi shilombish ā anukfoyukashke. Amen.

HOLISSO PAL VT

CHUCH EFESVS

A HIKIA HO I HOLISSOCHI TOK.

CHAPTA I.

Pal vt Efeshan okla pit ai okpuchi, 1 ; 4 vbanumpuli vhleha hv t yakm vt ik tobo kisha mak o vlhtahvt Chihowa im vlla vhleha toba tok, 11 Klaist pulla ho nan ai yukpa ai immi ha he im vlhpisa 13 Shilombish Holitopa yo isht ai ghlit kvlllo ; 17 mihmvt Chitokaka Chisvs Klaist im a holitopa vba ya pisa hi mak o vba anumpo-honli.

1. **PAL**, Chihowa nan ai ahni ha tuk pulla mak o Chisvs Klaist im apostel vt vbanumpuli ahli Efesvs ai asha, micha Klaist Chisvs i yimmi aiena ka pit aiokpuchishke.

2. **Piki** Chihowa, micha Chitokaka Chisvs Klaist ita tuklo nan isht i kana, micha isht it i nanaiya ita tuklo kv t hvchi anukfoyukashke.

3. Chihowa pin Chitokaka Chisvs Klaist Iki, yvmmak osh Chisvs ak atuk mak o vba nana ishit pi yukpahanli yvt holitopashke :

4. Yohmi hosh yakni in tolahpi vt iksho pilla ma, Klaist a a pi atokoli kv t, i hullot nan ai ashvchi iksho, micha liteha iksho hosh yvma itikba il aya he ak atok oke.

5. Yvmohmi kak osh vlhpesa ahni pulla tuk mak osh, Chisvs Klaist atuk mak o ilap im vlla e toba he ak o, tik banli pi atokoli tok,

6. Yohmi kv t isht i kana chinto yvt isht annghowa he,

yvmmak pulla ho Holitopa achufa yvmma a pi ahninchi tok.

7. Yvmmak ash pulla im issish o isht a pi vlhtoba mvt, isht i kana yvt chinto pulla hatuk mak o nan pim ai ashvchi yvt pi kashofa hoke :

8. Yohmi kvv hopoyuksa biekvt im anukfila chinto hosh, isht i kana yvmma chitolechit pihima tok oke ;

9. Yvmihcha he il ai ahni tok vt vlhpiesa ahni pulla hosh, im anukfila luma hatok a pim otvninchi kvv ;

10. Yvmmvt nitak vt ont ai vlhpiesakma, nana puta vba ai asha, micha yakni pakna ai asha aiena ka itahobit achufalechit, Klaist yvmma fehna ka i nutakacha he ak atok :

11. Yvmmak inli pulla ho il ai isha he vlhpesa e toba hi osh, ilap nan ahni bieka hosh nana moma ka yvmihchi chatuk im anufila ho, tikbanli pi vlhtoka tok :

12. Yohmi kvv na tikba Klaist a il anukchieto tuk pishno ak o im a holitopa yvt a pi annohova chi hatok.

13. Hvchishno ak kia anumpa ahli vbanumpa isht hvsh ai okchaya hvsh haklo hayvt, yvmmak ash hvsh anukchieto tuk ak inli ; hvchi yimmi ha yosh, yvmmak ash nana im ihisa tok Shilombish Holitopa yvmma isht hvchim ai ahli tok,

14. Yvmmak okvt nana il ai isha he vlhpesa ka il isha he atokowa isht vlhpisa hosh mahaya tuk o falaminchit chumpvt a pim atahli tok a il ishi na, yvmma im a holitopa yvt isht annohovak mak a he oke.

15. Yvmohmi ka vno yak kia Chitokaka Chisvs a hvsh i yimmi, micha vbanumpa yimmi ahli moma ka hvsh i hullo ka, haklo li hayvt,

16. Yak oke ishit hvchi ahni li kvv, issa li keyu mvt, micha anumpa ilbvsha anumpuli likmvt, isht hvchi anohonli li hoke ;

17. Yohmi ka pin Chitokaka Chisvs Klaist in Chihowa, na holitopa puta Iki vt Shilombish isht a hopoyuksa, micha isht otvninchi hvch ima na yvmma ithaiyanvt hvsh mahaya he ;

18. Nan isht hvsh anukfilli i holhponayo yvt in tohwikeli

na, ai okchaya hvsh pihisa hi o hvchi atokoli kv̄t kaniohmi, micha vbanumpa yimmi ghli ya isht a holitopa chinto il ai isha hi vt kaniohmi,

19. Micha ilap nan isht im ai ghli chinto a yvmihchi kv̄t, na yimmi vhleha pia h̄ ilap nan isht im ai ghli chinto fehna ka isht p̄i yvmih̄ichi kv̄t kaniohmi aiena ka, hvsh a kostinicha he ak atuk oke.

20. Yvmmak ash o yvmihchi hosh, Klaist illi tuk ḡ falaminchit tanichit, vba a holitopa ilap ak inli ibbak isht impakimma yo binilichit,

21. Hochitoka puta, nan vlhtoka puta, nan im ai ghli, nan i shahli puta, micha na hohchifo moma yvmmvt yakni ilvppa a hohchihifo kak bano keyu, amba yakni yvmmvt vla ch̄i aiena ka i shaiyahli yak oke :

22. Yohmi kv̄t nana moma ka yvmma iyi nutakvchi, mihmvt chvch im ai achukma ch̄i ka nana moma i noshkobo ha ch̄i ka atokoli tok,

23. Yvmmak ashot ilap haknip oke, ilvppak osh kanima moma alotoli ḡ isht alota mak oke.

CHAPTER II.

Im anukfila kaniohmi yosh il vtta tok, 1 ; 8 Chihowa nan isht i kana pulla h̄o kaniohmit pim anukfila ka anoli ; 10 nan achukma ka e yvmihcha he e toba tok ; 13 Klaist il im antia hokmvt, vba imma nan im vhtaha hash il ahanta cha, Chihowa im okla achvfa mak o pia ha hi a tok.

1. YOHMI kv̄t na yoshuba, micha nan ai ashvchi isht hvchi illi yatuk ḡ, hvchi okchalinchi tok oke.

2. Ilvppa chiyuhmi ka chashpo ma hvsh ai itvnowa kv̄t, yakni ilvppa ai yvmohmi cha tuk ḡ yvmohmit shutik takla i miko, shilombish vbanumpa ik im antio puta anukfoyyukt isht gya kak o, iakaiya hosh hvsh itvnowa tok oke :

3. Yohmi kak o pishno ak kia chashpo ma iba takla pi haknip im anukfila ik achukmo iakaiyvt, haknip nan ai ahni, micha chukvsh nan ai ahni aiena h̄o e yvmohmi tuk oke :

yohmi kv̄t chukvsh okpulo vmmona il ishi tok moma kv̄t im ai anukilli pi onvtonla kv̄t, inla yak inli chohmi hoke.

4. Yohmi tok kia Chihowa nan i nukhaklo chinto im ai vlhtayak pulla hosh, nan isht i hullo chito hō isht pi hullo hatuk osh,

5. Nan ai ashvchi isht pilli moma kia, Klaist iba taklan chit hv̄pi okchalinchi tok oke; isht i kana pulla hō hv̄chi okchaya hoke;

6. Micha Chisvs Klaist ibafohkit wakayvchit, vba a holi topa puta pi binilichi tok oke;

7. Yohmi hosh himak a pilla ma Klaist Chisvs pulla hō pi nukhaklo tuk vt, isht i kana chinto fehna ka isht otv nincha chi hatok.

8. Na yimmi kak osh isht i kana pulla hō hv̄chi okchaya hoke; yohmi kv̄t ilvppvt hv̄chishno na hv̄sh ahni kak keyu, Chihowa na hv̄ch ima kak oke.

9. Nan toksvli kak keyu, yvmmak keyukma kv̄na kia isht ilauata yoba ná.

10. Yvmma im a toba hv̄pia kv̄t, nan toksvli achukma isht il ahanta hi osh Klaist Chisvs ak o il a toba tok; yvmma il ai itvnowa hi o Chihowa hv̄t tikbanli apesa tok.

11. Yvmohmi ka nitak chashpo ma haknip i nuta yosh Chentail hv̄chia ma, nipi hakshup tv̄pa ibbak isht toba hohchifo yvmmak okvt hakshup ik tapo hv̄chi hochifo hoke.

12. Yohmi kv̄t yvmma foka mv̄no Klaist ibafoyuka keyut, Israel okla ai achvfa hv̄sh ahalaia keyu, micha nan im issa tok isht it im vlhpisa hv̄ch ik ahalaio, aiokchaya pisa he ahni ik im iksho, Chihowa ik ithano yosh yakni a hv̄sh ai asha tok.

13. Yohmi tok kia himak ano Chisvs Klaist pulla hatuk mak o hv̄chishno vt tikba mv̄no hv̄sh mishemanchi tuk vt, Chisvs im issish o isht hv̄sh a bilika kv̄t hv̄sh ithaiyanashke.

14. Yvmmak osh pit i nanaiyvchi yosh, e tuklo ka achvfa pikbi cha, holihta nan isht pit i filvmmichi yatuk a ishit kanchi tok oke;

15. Yohmi kv̄t nan isht it i nukilli nan isht vlhpisa yvt im vlhpisa tok, haknip isht ilbvsha cha, ishit kanchi tok:

yohmi hosh tuklo ka hatak himona achvfa il ai ikbi cha, it i nanaiyvcha chi hatok :

16. Yohmi kv̄t ititaiyukhvna pulla hō tuklo ka hakniḡ achvfa isht ikbit, yvmmak o it i nukkilli tuk a ai illichi cha, Chihowa ya it i kanvcha chi hatok :

17. Atuk osh mishemanchit hvsh ai asha, micha bilika ai asha aiena tuk a, anumpa isht it i nanaiyvchi isht anumpulit hvchim aya tok oke.

18. Yvmmak atuk pulla hō Shilombish achvfa hosh pi anukfohkichi hō, il ita tuklo kv̄t Ūba Iki il im ohona hokvt.

19. Yakeh! yohmi ka himak a pilla ma ik ahalaio okla inla yo hvchia keyu, amba vbanumpuli ibai okla, micha Chihowa in chuka chvfa hvchia hoke.

20. Yohmi cha apostel, micha hopaii puta kv̄t in tolahpi yokma, Chisvs Klaist ak inli hosh noshkoboka chukbika tvli yo, onvtula hosh hvsh it abana hoke.

21. Yvmmak o ai it abana iti fohka achukma kv̄t, Chitokaka ibafoyukvt tempel holitopa tovt isht mahaya hoke.

22. Yvmmak o hvchishno ak kia hvsh ai it abana cha, Chihowa im aboha imi Shilombish a foyuka hvsh toba hoke.

CHAPTER III.

Chentail vt vbanumpa habena he atok, 1 ; 9 Pal vt im anumpohona he vt vhltoke ; 14 mihmvt Chihowa nan i hullo tok a okla akostinicha chi ka vba asihila ; 20 mihmvt uan isht aiokchaya chinto vt yakohmi ha tuk o Chihowa ya yakoke im ai ahni.

1. ILUPPA pulla kak o Pal sia hv̄t Chentail hvchia hatuk mak o Chisvs Klaist i yuka sia hoke.

2. Chihowa nan isht i kana vhpisa ishit hvchim anumpuli la chi hō vma tok a, hvsh haklo mvhli tok a ;

3. Yvmmvt Chihowa im anukfila luma hatok a kaniohmichit vm otvninchi tok a, anumpa ik lauwo ka tikba ka hvchi holissochi li tok oke.

4. Yvmmak o hvsh itim anumpulikmvt, Klaist im anukfila luma hatok a ithana li ka, hvsh akostinicha hinla hoke ;

5. Yvmmvt nitak tikba ma hatak ushi vhleha ha im an-

noa tok a ohmi keyu ho, himak ano Shilombish vt apostel holitopa vhleha, micha hopaii puta aiena ka im otvvinchi hoke;

6. Yvmohmi na Chentail vt vbanumpa pulla ho iba tak-
lv nan ai isha he vlhpesa toba, micha haknip ai achvfa
toba cha, Klaist pulla ho nan im ihisa tok a ibai isha he
atok:

7. Chihowa yvt ilap nan isht im ai ghli vm ai yvmihinchi
pulla hosh, ilap nan isht i kana vma pulla ho, vbanumpa
isht vtta toba li tok oke.

8. Uno vt vbanumpa yimmi moma ik lauwo ka ik a lau-
wo sia hoh kia, isht i kana ilvppa vma na Klaist nan isht
yukpali kvna hosh ithvnt hlopulicha he keyu a, Chentail
a isht im anumpuli la hi atok.

9. Mich a im anukfila luma hatok a itibai achvfa kvv ka-
niohmi ka hatak moma ka pisachi la hi atok; yvmma yakni
tobahpi a minti ka Chihowa hvv Chisvs Klaist nana moma
ka isht ikbi tok vt, luhmit ieshi tok;

10. Yvmohma hi o himak ano hochitoka ilaiyuka, nan
vlhtoka ilaiyuka, vba a holitopa ai asha kvv, hvch pulla
atuk mak o Chihowa a hopoyuksa chinto kvv im otaiyana
hi atok.

11. Yohmi kvv Chisvs Klaist pin Chitokaka isht yvmih-
cha he im anukfila bilia tok mak osh yvmihchishke.

12. Mihi yo i yimmi kak osh pi nukwaya keyut, pi hakla
chi ahnit, pi anukfoyokvt il im ohona hoke.

13. Yohmi ka hvchishno ak atuk mak o nan isht svlvsha
ka, yvmmvt nan isht a hvchi holitopa hokvt hvchi chukvsh
isht ik hvchim ello kashke.

14, 15. Ilvppa pulla kak o pin Chitokaka Chisvs Klaist,
yvmmak o chuka chvfa vba yakni a ai asha, micha yakni ai
asha a moyuma kvv ai a hohchifo Iki a i hvchukbehlipa li
kvv,

16. Isht im a holitopa chinto fehna ka hvch ima na, imi
Shilombish vt chukvsh isht hlampko isht hvchi hlampko-
honchi;

17. Mich a na hvchi yimmi ho Klaist vt hvchi chukvsh a

anukfoyuka he yohmi lishke; yohmi h_o nan isht i hullo a akshish a tobt a hvchi kvlllo hosh,

18. Ubanumpuli ghli puta iba taklv_t a pvtha, micha afa-laia ka, micha hofobi, micha chaha aiena ka hvsh akostinicha hinla hoke.

19. Michu Klaist vt nan isht pi hullo ka ai ithvna he atampa ka hvsh ithvna hosh, Chihowa isht alotowa moma kv_t isht hvchi alotowa he ak atok.

20. Yvmmak osh ilap im isht hlampko isht pi hlampkohonchi kv_t, nana h_o il asilhha, keyukmvt nan il anukfilli moma atampa fehna ka pim atahla hinla,

21. Mihi yosh Klaist atuk pulla mak o chvch isht a holi-topa na nitak ataha iksho, yakni ataha iksko kashke. Amen.

CHAPTA IV.

Itib achvfa he i miha, 1; 7 Chihowa hv_t 11 in chvch vt nan isht hlampkot i shah_t mghaya chi ka im okla ha shilombish holhpela il aiyuka ihjima ka anoli; 17 nan a kaniohmi tikba yatuk a naksi ka bohli; 28 nana a kaniohma he vlhpesa ka yvmihchi, micha nan ik vlhpeso moma ka mokofa chi ka i miha.

1. YUMOHMI ka Chitokaka atuk mak o yuka sia hv_t hvsh a yvmohma he hvchi vlhtoka tuk vt, ai vlhpiesvt hvsh ayvt,

2. Chukvsh akanlosi, micha chukvsh yohbi, micha anukhobela svlahvt, iti hullot, it im i nuktaiyalvt;

3. Shilombish ai isht itibai achvfv_t nan isht it i nanaiya isht iti talakchi kak o hvsh ai ahna he, hvchim asilhha lishke.

4. Yohmi ka haknip achvfa, micha Shilombish achvfa hosh aiasha, yvmmak inli h_o chohmit hvsh a yvmohma he hvchi vlhtoka tok vt, ai okchaya pisa he hvsh ai ahni kv_t achvfa hoke.

5. Chitokaka yvt achvfa, na yimmi mvt achvfa, baptismo mvt achvfa,

6. Moma iki achvfa, yvmmvt nana moma i shahli; nana moma a hlopulli, hvsh moyuma ka hvchi foyuka hoke.

7. Yohmi ak inli kia e moma ka nan isht i kana pima kv̄t, Klaist i na hvlbina kaniohmi hō pi anukfohki kak oke.

8. Yvmohmi kak o vba ia mvt, yuka lawa yukachit isht ayvt, na hvlbina puta ka hatak puta ka ima tok, achishke.

9. Yohmi ka vba ia tok, achi kv̄t nanta hoh cho? amba yvmmt tikba ma vba mintit aka yakni vla tok ak inli keyu?

10. Uba minti tok mihi yo ak inli hosh vba shutik pakna-ka pilla ona kv̄t, nana moma alotowa chi kak atok.

11. Micha kanimi kv̄t apostel; micha kanimi kv̄t hopai; micha kanimi kv̄t vbanumpa tosholi; micha kanimi kv̄t iksa apesvchi; micha kanimi kv̄t nan ithvnanchi aiena ya chi ima tok:

12. Yohmi kv̄t vbanumpa yimmi vhleha ha ai ahlichā he, vbanumpa isht vta he, Klaist haknīp ithvnanchit hlampko-honcha hi ak atok oke.

13. Yvmohmi na e moma kv̄t mahayvt nan ai yimmi ka, micha Chihowa Ushi ai ithvna aiena ka ont il ai achvft, hatak im ahli e tobt, Klaist vt a kaniohmit ai alotowa fehna ka e chiyuhma hi oke:

14. Yvmohmi hosh himak a pilla ma vlla pia keyu hosh, oka piakvchi ka chohmit, anumpa il aiyukali mahli chohmi hatak vt nan isht i kostini o isht haksicha chi kv̄t, isht im aihhinchī ka ibafohkv̄t ke fullokancho kashke.

15. Amba i hullo hosh anumpa ahli anumpulit, nan oklyha ka isht im a hofantit mahayvt, Klaist yvmmt noshkoboka ya e chiyuhmashke.

16. Yvmmak o haknīp moma kv̄t ai itifohka achukma, micha hakshish puta isht itī talakchi hosh moma kv̄t nana a kaniohma he vlpisa kv̄t, ahlit yohmit it apelachi hosh haknīp isht a chitot isht it i hullot mahaya hoke.

17. Yohmi ka ilvpa achi li mvt, anontī himak a pilla ma Chentail inla im anukfila ik ahobo,

18. Im anukfila okhlili, micha chukvsh vt okpulo fehna hatuk osh, nana ik ithano anukfoka kak osh, Chihowa im ai okchaya i filvmit yoshubvt aya;

19. Chukvsh svlahbot atvpa, na havi atampa, na liteha puta asitvt isht ahanta ka hvch ik ai itvnowo ka he

mak o, Chitokaka pulla hatuk mak o atokolit hvchim anoli lishke.

20. Amba hvchishno vt yvmohma hi osli Klaist a hvsh ithvna tuk keyu hoke:

21. Yohmi ka hvsh i haponaklo cha, Chisvs im anumpa ahli yo isht hvchim vlvchi tuk okmvt;

22. Tikba ma nana hvsh a kaniohmi tok vt hatak sipokni, yvmvt na haksichi chukvsh okpulo isht yoshuba aiena kvno, naksika hvsh bohlashke:

23. Micha chukvsh isht hvsh anukfilli vt himonvt tobashke:

24. Micha hatak himona, yvmvt Chihowa holba tovt nan ai vlvpiesa, micha nan ai ashvchi ik im iksho ahli mak o isht hvsh foyukashke.

25. Yohmi hokvt na holabi puta naksika bohli anumpa ahli in chuka panta hatak a hatak moma kvv im anumpulashke; haknip il itib achvfa hokvt:

26. Hvchi nokowa kia, ik hvchi yoshubo kashke; hvsh nokowa moma na hvshi vt ik okvtulo kashke.

27. Micha nan isht a hullo okpulo ya hvchik i kanvlllo kashke.

28. Kvna kia hukopa tuk vt, himmak ma ik hukopo kashke; amba ik plesa cha nana achukma kak o ibbak isht tok-sahanli hosh, kvna kia ilbvshakma ima hi vt nan ahayuchashke.

29. Anumpa liteha yvt chitih ha ik kohchot, amba nana kvv achukma isht hlampka he, micha haklo puta kvv isht im achukma he ak ashke.

30. Micha Chihowa imi Shilombish Holitopa, yvmmak o hvsh ai okchaya he nitak pit isht hvchim vlvpisa kvv, hvchik nukhaklocho kashke.

31. Chukvsh homi, micha it i nokowa, micha nukhobela, micha itachowa, micha anumpa ik achukmo nanumachi, micha nan ik achukmo puta aiena kvv naksika itonlashke.

32. Micha it i kanvt, chukvsh na hih isht iti ahnit, Chihowa hvv Klaist ak atuk mak o hvchi kashofi tuk a chohmit, hvsh it i kashohofashke.

CHAPTER V.

Chihowa yə im antiət nan ai i hullo yə ai itanohəwa he, 1; 3 im anumpu litela hosh itanowa beka tuk vt naksika bohla he; 18 nan ish-kot haksa he imma ka ik ahalaio ka he, amba shilombish holitopa yə isht anukfoyukvt im vlhtaba he nan i miha; 22 Ohoyo hv̄t ka-niohmit ahanta he, ilap i hatak ə im antia he; 25 Klaist vt chv̄ch ə i hullo ka chohmit hatak vt im ohoyo hə i hulla he nan isht miha.

1. YUMOHMI hoka vlla holitopa yə chiyuhmit Chihowa yə hv̄sh iakaiyashke.

2. Micha Klaist vt pi hullo cha, pishno ak atuk mak o nan ashv̄chi isht vlhtoba, Chihowa nan i balama, isht il im issa tok ə chiyuhmit, ai it i hullot hv̄sh ai itv̄nowashke.

3. Amba havi toba, micha nana liteha puta, nan anushkunna atampa vbanumpa yimmi vt yohma he vlhpesa keyu ka, himonna kia yohmi tok achit ik hv̄chi annowo kashke.

4. Micha anumpa isht a hofahya, anumpa makali anum-puli, na yopula, a yvmohma he ai vlhpiesa keyu ka hv̄ch ik anumpulo hosh, amba Chihowa yə yak oke im ai ahni kak osh hv̄chim i shahlashke.

5. Hatak havi nana kia, hatak ik kashofo, hatak nan anushkunna atampa, yvmmvt na holvt toba aiokpv̄chi, ilv̄ppvt Klaist, micha Chihowa im apehlichika nan ai isha he vlhpiesa keyu ka hv̄sh ithana hoke.

6. Hatak nana kia anumpa ik achukmo isht ik hv̄chi hak-secho kashke: ilv̄ppa puyuta pulla kak o Chihowa nan isht i nukilli yvt vbanumpa ik im antio hatak puta ka onvtuyula hoke.

7. Yvmohmi hoka yvmmak okv̄no hv̄chishno vt na hv̄ch ik iba taklo yashke.

8. Tikba ma hv̄chi okhlili tok kia, himak ano Chitokaka hv̄sh a tohwikeli hokvt, tohwikeli vlla yə chohmit hv̄sh itv̄nowashke.

9. Shilombish isht ai vni hokv̄to nana achukma bieka, micha nan aivlhpiesa yvmohmi, micha anumpa əhli yak oke.

10. Yohmi cha nana ho Chitokaka yut aiokpanchikma, hvsh akostinincha hi oke.

11. Micha okhlili ka a toksvli nan ik vno hvch ik iba taklo hosh, amba ik im ahninchot hvsh im alvmmashke.

12. Alumaka ho nana kvv ai yvmohmi tuk a isht anum-puli illa kak kia, isht hofaya he vhpesa hoke.

13. Yohmi ka atokowa otvni kvv nan tohwikeli ak o isht otvni hoke : nana hosh nana ka otvnichikmvv, yvmmak osh tohwikeli hoke.

14. Yvmohmi kak o, Nusi tuk chia kvv, chi okchashke, micha illi tuk chia kvv falamvvt ish tanashke, mikma Klaist vt tohwikeli chima chi hoke, achi hoke.

15. Yohmi ka im anukfila iksho chohmi keyut, amba hopoyksa chohmit ahah ! ahnit hvsh itvnowashke.

16. Nitak vt ik hvchi kvnio hosh nan isht hvsh il im ahantashke ; nitak hvsh ai ahanta kvv ik achukmo hoka.

17. Yvmohmi hoka ik hopoyukso yo hvchia keyu hosh, amba Ckitokakv im anukfila hvv kaniohmi ka hvsh akostin-inchashke.

18. Micha oka homi isht ik hvchi hakso, yvmmvvt im ilayak isht yopomo yoke ; amba Shilombish ak o isht hvchi alotowashke.

19. Uba isht taloa, micha Shilombish imma isht taloa aiena ka isht il ai anumpohonlit, chukvsh isht in champulit Chitokaka ya hvsh in talohvashke.

20. Nana puta ka pin Chitokaka Chisvs Klaist isht hochihifot Chihowa, yvmmvvt Iki mak oka, yak oke ai ahnit, il aiokpahanchashke.

21. Chihowa i nukshohompa hosh hvsh it im antiashke.

22. Tekchi vhleha ma ! Chitokaka chohmichit hvchi hatak a hvsh im antiashke.

23. Klaist vt hvch a i noshkoboko ya yvmmak inli ho chohmit hatak vt ilap tekchi a i noshkoboka yoka : micha yvmmvvt haknip ai okchaya mak oke.

24. Yvmohmi ka hvch vt Klaist a im antia ka yvmmak inli ho chohmit, tekchi vhleha hvv nana puta ka ilap i hatak a isht im antiashke.

25. I hatak vhleha ma! hvchi tekchi g hvsh i hullo kv̄t, Klaist vt chvch g i hullo hosh, il im issa tok ak inli ka, hvsh chiyuhmichashke :

26. Yvmohmi kv̄t oka isht achifvt vbanumpa isht kashofvt na hullochi cha,

27. Chvch holitopa, na liteha lapali iksho, shinowa, yvma chohmi nana kia iksho hō ilap itikba hilecha chī hatok ; ghli a holitopa, imomokpulo keyu hō ilap itikba hilech, chī hatok.

28. Yvmmak inli hō chiyuhmit, hatak puta kv̄t ilap haknīp chiyuhmichit, tekchi vhleha hā i hulla he v̄lhpesa hoke. Kvna hosh tekchi g i hūhullo kv̄t, ilap a i hullo hoke.

29. Kvna kia ilap haknīp g i nukkilli chatuk keyu hoka ; amba Chitokaka yvt chvch g i yvmihchi ak inli hō chohmit, apovchit hiahnit ilauei hoke.

30. Pishno vt yvmma haknīp, nipi micha foni aiena ka ai achvfa pia hoka.

31. Ilvppa pulla kak o hatak vt iki, micha ishki ita tuklo ka issa cha, tekchi ak o asitia he, mikmvt tuklo ilvppvt nipi achvfa hi oke.

32. Ilvppvt na fehna chinto hoke : yohmi kia Klaist, micha chvch ita tuklo yvmmak o isht miha lishke.

33. Yohmi ak inli kia hvchishno hvsh puta aiyukali kv̄t ilap inli chiyuhmit hvchi tekchi g hvsh i hullashke ; mikma tekchi vt yohmi ahnit, i hatak g holitoblashke.

CHAPTA VI.

Ulla yvt ishki, micha iki ita tuklo ka im antia he vt v̄lhpesa, 1 ; 5 yuka hv̄t i shahli hā im antia he vt v̄lhpesa : 9 mikma i shahli hv̄t ai v̄lhpiesa mak o i yuka hā i yvmohma he v̄lhpesa ; 10 na pi okchaya ilvppvt il itihimbi ; 13 vbanumpuli vt nan isht ile atukkochi, 18 yohmi ka kanimihchit ilvppak ash isht aya he anoli.

1. ULLA vhleha ma! Chitokaka ak o hvch iki, micha hvch ishki ita tuklo hvsh im antiashke ; ilvppak osh v̄lhpesa hoka.

2. Chiki, micha chishki ita tuklo ka ish holitoblashke, ilvppvt anumpa vlhpisa nan im issa ya apatoa vmona.

3. Yohmi hosh chim achukmut hopaki hq yakni paknaka ish ai ahantashke.

4. Mikma iki hvchia hvv hvehim vlla ya hvch ik nokowv-cho kashke: amba Chitokaka yak o anukfohki, micha nan ai ahni yak o a fohkit hvsh hofantihinchashke.

5. Yuka vhleha ma! yakni ilvppak inli haknip isht hvchi nahullo ya i nukwiyvt wvnihinchit, chukvsh apissali kvv, Klaist ak inli hq chohmichit hvsh im antiashke.

6. Yohmi kvv hatak yukpali yo chohmit, nishkin pisa bano toksvli keyu; amba Klaist in tishu hq chohmit hvchi chukvsh fehna Chihowa nan ai ahni ya hvsh yvmihinchashke:

7. Yohmi kvv aiokpanchit yuka a toksvli toksvlit, Chitokaka yak o i yvmihchi, hatak ak o keyu;

8. Nana achukma nana hq hatak kvna kia yuka hokma, yuka keyu hokma, nana hoh kia yvmihchikma, yvmak atuk mak inli hq Chitokaka ya im a habena hi q hvsh ithaiyanashke.

9. Mikma i nahullo hvchia hvv i nokowvt anumpuli iksho hosh, yvmak inli hq hvsh i yvmihinchashke: hatak iti shahshoblechit anukfilli keyu hosh, vba yakni hvchim i Shahli yvt binili ka hvsh ithaiyanashke.

10. Ishtaiyopi ka itibapishi li vhleha ma! Chitokaka a hlampkot im a hlampko chinto yo hvsh a hlampkashke.

11. Nan isht ahullo okpulo isht a yoshubli q im i sanalit hvsh hikia hinla kvv, nan isht il atukkochi Chihowa yvt atahli tok q a moyuma ka hvsh foyukashke.

12. Nipi, micha issish o im i sanalit il itibi keyu, amba miko vhleha, nan vhtoka, hochitoka, yakni ai okhlili ka ilvppa pehlichi vhleha, shilombish okpulo vba itvnowa puta aiena kak oke.

13. Yvmohmi ka nitak ik achukmo ka im ai i sanalit hikia, micha hvsh atahli hayvt, hvsh hikia hinla kvv, nan isht il atukkochi Chihowa yvt atahli tok q moyuma ka hvsh il ai eshashke.

14. Yvmohmi ka anumpa ai ahli isht vskofaiyachit nana isht ai vlhpiesa ikkishi alata ho foyukvt,

15. Micha vbanumpa it i nanaiyochi nan isht im vlhtaiyaha ma hvch iyi isht hoyulo hosh hvsh hikiashke.

16. Nan okpulo yvmma im iti naki ishit hulohushmi puta ka isht hvsh mosholicha hinla kv, moma pahnaka ya telihpa na yimmi ka mak o hvsh il ai eshashke.

17. Noshkobo isht ompoholmo ai okchaya, micha Shilombish i bvshpo falaia, yvmmvt Chihowa im anumpa mak oka hvsh ieshashke.

18. Shilombish anukfoyuka hosh anumpa ilbvsha puta im anumpohonlit, asihihla hosh achunanchit ahah! ahani, micha vbanumpa yimmi puta ka isht hvsh asihihlashke:

19. Micha vno ma isht hvv si anumpohonlashke: yohmi na itih kohchit anumpuli la hi a vma na vbanumpa luma ya tok a anohonli la chi kv, nukwaya ikshot svtih ha wakummi lashke.

20. Yvmma pulla ho Uba Miko im anumpeshi talakchi sia hoke: si yvmohmi kia nukwaya ikshot anumpuli la he vlhpesa hokvt, anumpuli la hi a vba isht hvv si anumpohonlashke.

21. Amba nana vm a kaniohmi, micha nana isht anta li aiena ka hvsh akostinincha chi ak inli kvno, Tikikvs itibapishi a holitopa, micha Chitokaka nan im isht vtta ai ahli ak osh nana moma ka hvchim anola chi hoke.

22. Yvmohma chi kak o yvmma hvchi pila li tuk oke; yohmi na nana pim a kaniohmi ka hvsh ithana chi hatuk; mikma hvchi chukvsh a hopohlvla chi hoke.

23. Iki Chihowa, micha Chitokaka Chisvs Klaist a minti na yimmi ka isht ai it i hullo, micha it i nanaiya aiena kv itibapishi vhleha ha hvchi anukfoyukashke.

24. Chitokaka Chisvs Klaist i hullo ai ahli moyuma ka nan isht i kana yvt anukfoyukashke. Amen.

HOLISSO PAL VT
 CHVCH FILIPPI

A HIKIA HO I HOLISSOCHI TOK.

CHAPTA I.

Filippi chvch hikia ka pit aiokpvchi, 1. 6 Na torevli achukma isht wakaya tok vt Chihowa hvv isht ai ghlichit im atahla chi ka yimmi, 12 Lom aboha kvllo afoyuka ka nan isht im anukfila he nana hosh akaniohmi tuk g anoli. 22 Klaist pulla kak o okchaya kak okma, keyukmvt illi kak okma nana hi vt im vhltaiahvt anta tok vt anoli.

1. PAL, micha Timohlivs, ita tuklo Chisvs Klaist in tishu hvv vbanumpa yimmi ghli vhleha Chisvs Klaist ibafoyuka Filippi ai asha, bishop puta, micha chvch nan isht im vta puta aiena ka pit aiokpvchi kvv,

2. Piki Chihowa, micha Chitokaka Chisvs Klaist ita tuklo nan isht i kana, micha isht it i nanaiya aiena kvv hvchi anukfoyukashke, hvchim abnishke.

3. Hvchi anukfilli li aiyuka kvv an Chihowa ya yak oke im aiahnit,

4, 5. Nitak na hvchi yimmi tok vhlit mintit ant himak ak o hvchim ilayak iti hopinhinlvv, vbanumpa isht hvsh apelvchi kak o, anumpa ilbvsha isht hvchi anumpuli li puta kvv chkvsh yukpvv isht hvchi asihhla li bilvshke.

6. Ilvppa fehna ka sai yimmi hatuk osh, Nan toksuli achukma isht a hvchi wakaya kvv, ai ghlichit Chisvs Klaist i nitak g hvch isht ona he, ilvppa fehna ka sai yimmi hatuk oke.

7. Yvmohmit hvsh moma ka ilvppa hvchi anukfilli la he vlhpesa, sa chukvsh isht hvch ithaiyana li hokvt; vbanumpa isht anumpuli li, micha ai ghlichli li hosh sa talakchi aiena ka nan isht i kana hvs svb ai ishi hoka.

8. Chisvs Klaist hiahnit isht i hullo chohmit hvchi sa palata fehna ka, Chihowa yvt atokolit si anoli yoka.

9. Michu ilvppa asihhla lishke; yvmmvt Chihowa im anumpa ithanvt, hvsh akostininchi puta kak osh hvsh it i hullo kv, chitot isht i shahlit hvsh mahayashke.

10. Yvmohmi hosh nana kv it im inla ka imoma ka pisvt, achukmaka vlhpesa ahnit, ai ghli, isht im ai ibetvbla he iksho hosh Klaist i nitak g hvsh onashke.

11. Yvmohmit Chisvs Klaist ak atuk mak o nan ai vlhpiesa isht ai vni isht a hvchi alotowa na, Chihowa yvt isht a holitovt isht anumpa he yak oke.

12. Yohmi ka itibapishi li vhleha ma! nana vm a kaniohmi tuk g vbanumpa kv isht i shahlit isht atoba tuk g hvsh ithana he, hvchim ai ahni lishke.

13. Yvmohmi ka Klaist pulla ho sai yuka kv miko atoni tvshka chipota i holihta, micha kanima moma ka ai otvnishke.

14. Mihma itibapishi li vhleha laua kv sai yuka kak o Chitokaka anukchieto kv, isht i shahlit nukwaya keyu fehnvt, nukshopa mv iksho hosh vbanumpa ha isht anumpohonlishke.

15. Kanimi kv isht g potvno, micha nan isht an chowa aiena ka bvna hosh Klaist g isht anumpulikma; anonti kanimi kvto g kana he ahni hosh yohmi hoke.

16. Achvfa kv nan isht an chowa kak o ahni hosh Klaist g isht anumpulit, chukvsh ghli keyu hosh, sai yuka ka ai vbechit svlvshali bvna hosh:

17. Amba achvfa kvto holitobli hosh, vbanumpa afov isht anumpuli la he si vlhtoka tuk g ithana hatuk osh, yohmi hoke.

18. Yohmi kvno ik kaniohmi hoh kia peh ilahobi hokma ghli hokma, nana kia Klaist vt isht anumpa hoke; yohmi na yvma a sai yukpa ghli hosh, a sai yuhkpa chi hoke.

19. Anumpa ilbvsha isht hvs si anumponli; micha Chisvs Klaist imi Shilombish vt si apelahanchi aiena, ilvp-pak osh isht si okchaya hi g ithana li hokvt,

20. Yvmmak a he ahni li fehna kv̄t, nana kia isht sa hofahya he keyu, amba nukwaya iksho kvmohmit ai yv-mohmi chatuk vt, a moyuma ch̄i h̄o si okchaya hokmá, svlli hokmá, nana kia Klaist vt sa haknip g isht a holidopa hi g ahni li hoke.

21. Ūno yak okvto si okchaya kv̄t Klaist ak okmvt, anonti svlli hoh kia nan isht vm ai achukma hoke.

22. Yohmi kia haknip ak o ai anta li hokmvt, a toksvli li nan ai vni kv̄t ilvppak oke; yohmi kia kanimampo ahni la hinla kv̄t ak ithanoshke.

23. Yakni issvt ia lish, Klaist g ont ai ibachvfa li, yvm-mak ok mak o i shahli fehna hoka sa bvna hatuk osh, nan a mia tuklo isht a svb bikeli hoka:

24. Yohmi kia haknip ai anta li kak o achukma kv̄t isht hvchim i shahli hoke.

25. Michā ilvppa sai yimmi ghli hatuk osh, nana a hvchi yimmi kv̄t i shahlit a hvchi yukpa kv̄t isht i shahla hi ak o hvsh moyuma ka hvchi takla ahanta la ch̄i kv̄t, ithana lishke.

26. Yohmi ka vno pulla, micha hvchim ona li kak o Chisvs Klaist g isht hvsh il ai yukpa kv̄t i shahla he ak oke.

27. Nana hvsh a kaniohmi kv̄t Klaist im anumpa ak o isht ai vlhpesa kak banashke: yohmi na onvt hvchi pesa li hokmá, keyukmvt kanima aya li ik saksho hokmá nana kia na hvchim a kaniohmi puta yvmvvt shilombish achvfa, im anukfila achvfa hosh vbanumpa ai yimmi ka hvsh it iba fohvt kvllot hvsh hiel̄i h̄o hahaklo lashke.

28. Michā nana hoh kia hvchim i sanali puta ka ik hvchi nukhlakancho kashke: yohmikm̄vno yvmmak okvto ai ok-puloka hi yosh isht ai im atokowa, amba hvchishno ano isht ai okchaya he Chihowa a minti mak osh isht hvchim atokowa hoke.

29. Hvchishno vto Klaist pulla kak o yvma hvsh i

yimmi kak bano keyu, amba yumma pulla kak o nan isht hvsh im ilbvsha he hvchim vlpisa hoka :

30. Yohmi kv̄t anumpulit it̄i kahanlot isht svlvvsha yvma hvs sa p̄isa tok, anonti himak a si onvtuyula ka hvs sa hahaklo ka yvmmak inli hosh hvchi onvtuyula hoke.

CHAPTA II.

Klaist ā iakaīvt im anukfila it̄i bai achv̄f̄vt il akanlosichi banot̄ ai asha hi ā i miha, 1; 12 ilap nan isht aiokchaya a toksahanlit p̄ula h̄o chohmit yakni a im a tohwikela hi ā im achi.

1. YOHMI ka Klaist atuk pulla mak o ahopohla yvt āsha hokma, ī hullo kv̄t a nuktanla yvt āsha hokma, Shilombish ai itiba chvfa yvt āsha hokma, chukvsh isht i nukhaklot hi ahni yvt āsha hokma,

2. Hvchim anukfila hv̄t itilavit nana a miha chvfa holitoblit, chukvsh achvfa cha, hvchim anukfila ai achvfa hosh nan a sai yukpa yā isht hvs sv̄m alotolashke.

3. Anumpa isht itachowa shahli, keyukmvt ilefeh̄nvchi nanasi kv̄t ik vltaho kashke; amba chukvsh akanlosi hosh moyuma kv̄t inla yvt achukma kv̄t ilap ā i shahli h̄o anukfillashke.

4. Hatak moma kv̄t ilap immi kak o bano keyu, amba hatak moma kv̄t inla immi ak kia anukfillashke.

5. Klaist Chisvs anukfoyuka tok akinli nan anukfila ilvp pvt hvchi anukfoyakashke.

6. Yvm̄vt Chihowa hoyulba yatuk osh, Chihowa yā ile itilauechi kv̄t na wehpuli ya he ahni tok keyu.

7. Yohmi kv̄t il a kohchichit yuka ohmi h̄o il aieshit hatak chohmi hosh toba tok oke.

8. Micha hatak ohmi hosh haiaka mvt, il akanlosechit im antia kv̄t, ititaiyukhvna a takalit illi yoh kia isht illi kak atok.

9. Yvmohmi hatuk o Chihowa hv̄t holitoblich̄i fehna mvt, hochifo kv̄t na hohchifo inla moma ka i shahli h̄o ima tok oke :

10. Yvmohmi ka Chisvs hohchifo h̄a vba yakni aiasha,

micha yakni paknaka aiasha, micha yakni nutaka aiasha puta kv̄t i hvchukbihlepa he ;

11. Micha hatak isunlvsh puta kv̄t Iki Chihowa yvt isht a holitopa he mak o, Chisvs Klaist vt Chitokaka ya he, achit anohonlashke.

12. Yvmohmi ka a holitopa vhleha ma! hvs svm antia chatuk vt hvchi takla anta li kak bano keyu, amba himonasi yokak heno ik saksho ka i shahlichit hvs svm antia kv̄t, nukshumpvt wvnihinchi hosh hvchishno inli aiokchaya ya hvsh atahlashke.

13. Chihowa ak osh ilap nan isht im vlvhesa hosh ai ahni kak o ahnit, hvsh yvmihcha chi ka hvchi a toksahanli hoke.

14. Nana moma ka ik ahninchot na miha keyu, micha anumpa ita chowa mvt iksho ho hvsh yvmihchashke.

15. Anumpa nana kia hvchi onvtonla keyu, nan okpvni keyu, na liteha lapanli keyu hosh okla shana Iowa, micha nan ai ashvchi ai ititakla yo yvma i pula tohwikeli chohtmit yakni paknaka ya hvsh ai ashvshke.

16. Micha anumpa okchaya ya hvsh otvvinchi na Klaist i nitak a pilla ho chahafa li tok keyu, micha pilla ho toksvli li keyu kv̄t sai yukpashke.

17. Ahli, na hvchi yimmit vba isht hvsh il ai okpvchi, micha nan isht hvsh ai ahanta aiena ont aiahla chi kak o, il imi kanchi li hokmvt, sai yukpvt hvsh moma ka hvch iba yukpa li hoke.

18. Yvmmak inli kak o yukpvt hvs svbai yukpa mak inlishke.

19. Yohmi kia chekikma Timohlivs a hvchi pila la chi, yvmohmi hosh hvchi a kaniohmi ka akostininchi lish, sai yukpa chi kv̄t, ahnit Chitokaka Chisvs a anukchieto lishke.

20. Nana a hvchi a kaniohmi ka anukfihinli fehna kv̄t hatak inla im anukfila yvmmak inli ohmi ho ik svm iksho hokvt.

21. Moma kv̄t ilap fmmi ak o hoyo mvt, nana kv̄t Chisvs Klaist immi hokvno ik hoyo hokvt.

22. Amba yvma imomaka pisa tuk a hvsh ithana ;

yvmmak okvt ushi yosh iki iba toksvli chohmit vbanumpa isht svb a toksahanli tuk oke.

23. Yvmohmi ka yvmmak o chekosikma sa kaniohma chi ka pisa likmvt, pila la chi ahni lishke.

24. Yohmi kvv vno yak kia chekosikma ona la chi, ahnit Chitokaka ya anukchieto lishke.

25. Yohmi ak inli kia Epaflotitvs, itibapishi li, itiba toksvli li, micha tvshka chipota sv bika, micha hvchim anumpa shahli, micha nana a sa bvna tuk a isht vm anta chatuk, yvmmak o hvchi pila la he vhpesa ahni li tuk oke.

26. Hvchi palata fehnvt, ilap vt abeka tuk a hvsh haklo tuk ak o nan a nukhaklo kvv chukvsh a alota fehna tok.

27. Abeka ho mvhlit illi naha fehna tuk, yohmi kia Chihowa hvv i nukhaklo tuk: yohmi kvv yvmmak bano keyu, amba vno ma a nukhaklo tuk: yvmmak keyukma svlvvsha kvv it vlvbhkvcha he atuk oke.

28. Yvmohmi kak o ahni fehnvt hvchi pila li tuk oke; yohmi na anonti hvchi pisa likmvt, hvchi yukpakma, vno vt a nukhaklo kvv ik lauwo ka he ak atuk oke.

29. Yvmohmi hoka Chitokaka ibafoyuka ka chohmichit chukvsh yukpa biekvv hvsh aiokpvchashke; mikmvt yvmma chohmi kash hvsh holitohomblashke:

30. Klaist ak o in toksvli pulla kak osh ilap im ilhfiopak a na fehna ik ahno hosh, illi naha fehna kvv, isht hvv si apelacha he tuk ik ono ka vm atahla chi kak atuk oke.

CHAPTA III.

Nan i hullo cha, nan avvchi ik ghlo yokvno ahah! im ahna hi a i miha, 1; 8 Klaist pulla ha tuk mak o nan oklgha ka ik ahobo ahna he: 18 haknip imma nan ahni hvv iakaiya yokvno i filvmma he nan i miha.

1. ISHTAIYOPI ka itibapishi li vvhleha ma! Chitokaka ya hvsh ai yukpashke. Nana kvv mihi yv ash inli hvv hvchi holissochi li kvv, vm ahchiba keyu mvhli, amba hvchishno yak osh isht hvchi a hlampka chi kak oke.

2. Ofi ya ahah! hvsh im ahnashke, nan ik vlvhpeso yv-

mohmi yə ahah! hvsh im ahnashke, tvblit kanchi yə ahah! hvsh im ahnashke.

3. Pishno ak okvto hakshup tupa shilombish anukfoyukvt Chihowa holitoblich, micha Chisvs Klaist ai yukpa pia, yohmi kvk haknip ə ai anukchieto keyu pia hoke.

4. Vno ak kia haknip ə ai anukchieto la hinla tuk ak inli hoke. Kvna kia haknip ə ai anukchieta hinla kvk ishi ka ahnikma, vno vt i shahli li hoke.

5. Nitak ont isht untuchina ma hakshup sa tupa tok, Is-lael isht ai unchululi, Benchamin apelhichi, Heblu ai ahli sia hoke; vba nan vlhpisa yak okmvno Falisi yo sia hoke.

6. Amosholi hosh chvch ə i palvmmichit, vba nan vlhpisa isht ai vlhpiesa yvmmak okmvno anumpa nana kia si onvtula he keyu ki tok.

7. Yohmi tok kia nana isht ahayuchi li yatuk vt, yvmmvt Klaist pulla kak o ə kvnia, ahni li tuk oke.

8. Ahli mvhlishke, yohmi kvk Klaist Chisvs an Chitokaka ithana achukma fehna kak o nana puta kvk peh ik ahobo ahni lishke; yvmma pulla kak o nana puta kvk isht ə kvnia, mikmvt yvmmak ash o chopilhkvsh ə chohmichi li, yvmohmit Klaist ə asitvbi li,

9. Mikmvt yvmma ibafoyuka la he, micha vno ak inli kvk vba nan vlhpisa yvmmak o isht ai vlhpiesvt il ai eshi li keyu, amba yvmmvt Klaist ə i yimmi kvk nan ai vlhpiesa na yimmi pulla kak o Chihowa a minti yak oke:

10. Yvmohmi ka Klaist, micha yvmmvt illit tani tok nan isht im ai ahli, micha yvmmvt ai ilbvsha tok ə iba takla kvk kaniohmi aiena ka ithana lish, yvmmvt illi tok ə hoyulba la chi kak a hetuk oke.

11. Ik kaniohmi kia illit tani ka ona li yoba ná, ahni li hatuk osh.

12. Himak okvno ona li mashko ahni li keyu, micha himak ak kia ai ahlit sa taha ahni li keyu; amba achunanchit iakaiya li, yvmohmi hosh yvmmak a he ak o Klaist Chisvs vt si atokoli tok yvmmak ash ieshi la he ak atuk oke.

13. Itibapishi li vhleha ma! ont ishi li tuk il ahni li keyu hoke; yohmi kia nana achvfa ilvppak o yohmi li, nana

puta olbul ai asha ka vmi haksi cha, nan tikba asha kak o subbak a pit wielit,

14. Achunanchit ai vlbi ya mahaya li, nan vlbi yummvt Klaist Chisvs pulla kak o Chihowa yvt vba et a hohoyo kak oke.

15. Yohmi ka ai ahli aiyuka pia hokvto, yakohmit pim anukfilashke; yohmi ka nana ka kaniohmit hvchim anukfila kvt inla tuk okma, Chihowa yvt ilvppak oh kia hvchim otv-nincha chi koke.

16. Yohmi kia iloh ai ona mashko hatuk okvto, yummak ash inli ho kiloh ai itvnowa cha, nana yummak ash inli ho iloh anukfihinlashke.

17. Itibapishi li vhleha ma! it apehvt na sa hobachi hvsh tobashke, micha pishno a hobachi hvsh ahni kvt yakohmit aya vhleha ha hvsh holitoblashke.

18. Lavt aya kvt yvma himonna hvchim anohonli li chatuk osh, anonti himak a nishkin okchi mihinti hosh, yvmt Klaist im ititaiyukhvna in tvnp vhleha hoka, hvchim anoli lishke.

19. Yvma ont im ishtayopi kvt aiokpuloka he, yvma i shahli yvt ilap takoba ak inli, micha nan isht hofahya isht ile holitobli, yvmt yakni paknaka nana a halaia kak o asitia yoke.

20. Uba yakni okla ai achvfa pia hoka; yummak o a minta hi o pi Okchalinchi Chitokaka Chisvs Klaist a e hohoyo hoke.

21. Yvmt imi hlampko ho isht yvmihchit nana puta ka imaiyachit il aiesha hinla hokvt, ilap haknip holitopa ya hoyulba chi ka yummak ash ot pi haknip akanlosi ya inlvcha hi oke.

CHAPTER IV.

Chitokaka ya a kvllo fehvvt itanowa he i miha, 1; 4 vbanumpuli ahli mak osh aiasha he im apesa; 10 ilap a i kana tuk a na yukvt yak oke pit im ai ahni fehna.

1. YUMOHMI ka itibapishi li a holitopa, micha i palata li, isht sai yukpa, micha isht sa holitopa hvchia ma! kvllot

hikiot Chitokaka ya hvsh ibai achvfashke, holitopa fehna vhleha ma!

2. Yuotias a ilbvshvt im asilhha li, micha Sintichi ma ilbvshvt im asilhha li ka, yvmmvt im anukfila it ibai achvfa hosh Chitokaka ya ibafoyukashke.

3. Mikmvt chishno itiba toksvli li ahli ak kia chim asilhha lishke, ohoyo yvmmvt vbanumpa ha isht svba toksvli tuk, micha Klement, micha svba toksvli vhleha inla aiena, yvmma hohchifo hvt holisso okchaya a takali ka, ish apelahanchashke.

4. Chitokaka ya hvsh ai yukpa na biliashke; micha anonti, Na hvchi yukpashke, achi lishke.

5. Nana ka isht hvsh il oktamplic yvt hatak moma ka im otaiyanashke. Chitokaka yvt vlg hosi hoke.

6. Nana kia isht ik hvchi ataklaiyamo kashke; amba nana puta ka anumpa ilbvsha anumpulit asihihlvvt aiokpahanchi hosh nana a hvchi bvna kvv Chihowa ya im annohowashke.

7. Michu Chihowa im isht it i nanaiya, yvmmvt im anukfila moma i shahli yvt hvchi chukvsh, micha hvchim anukfila aiena ka Klaist Chisvs pulla hatuk mak o atohona chi hoke.

8. Ishtaiyopi ka itibapishi li vhleha ma! nana hosh ahlikma, nana hosh holitopakma, nana hosh ai vhpiesakma, nana hosh kashofakma, nana hosh aioklikma, nana hosh annoa achukmakma, nan ai vhpesa inla yvt ashakma, anonti aiokpancha he vhpesa kvv ashakma, ilvppa puta kash hvsh anukfihinlashke.

9. Nana puta yvmma hvs svv ai ithvna, micha hvsh ishi, micha hvsh haklo, micha hvs si a pisa aiena tuk vt hvsh yvmohmashke; yohmikma Chihowa im isht it i nanaiya yvt hvch ibafoyuka chi hoke.

10. Yohmi kia himak ano polaka hvs si anukfilli tuk vt anonti okcha i shahli ka Chitokaka ya isht a sai yukpa fehnvshke; yvmmak a hi o isht hvs si anukfilli tuk kia, hvsh ai yvmihcha hinla kak osh ik hvchim iksho ki tok oke.

11. Nana kvv ik svv ono kak osh ilvppa achi li hq keyu: kaniohmi hq a hikia li hoh kia, yvmmak oka si a nuktaiyala he vt ithvntv tahlil li tuk okvt.

12. Kaniohmit nana ka ik sum iksho hosh gya li kv̄t ithana li, micha kaniohmit nana an laua hosh gya li kv̄t ithana li hoke; kanima moma, micha nana puta ka sa kaiya, micha sa hohchvfo, micha nan an laua, micha nana ik sum omo aiena hosh gya li kv̄t ithana li hoke.

13. Klaist pulla hosh sa hlampkohonchi kak o, nana moma ka yvmihchi la hinla hoke.

14. Yohmi ak inli kia ai vlhpiesa hō yvmohmit nana vm a palvmmi ka hvs svb anukhaklot hvs si apela tok oke.

15. Yvmohmi ka Filipian vhleha hvchia ma! vbanumpa hv̄t anumpa vmona ka Masetonia ya akohchvt ia li ma, chvch nana kia nana isht apela he vma na ishi la hetuk ash imma ka yvmohmi keyu ma, amba hvchishno ak illa tuk vt hvsh ithaiyanashke.

16. Hlessalonika ya anta li ma, himonna ka pit hvs sa pila tuk osh, anonti nana ka a sa bv̄nna tuk a pit hvs sa pila tuk oke.

17. Na hv̄lbina sa bv̄nna kak o keyu; amba nana achukma hvsh yvmohmi tuk isht ai vni kv̄t hvchin laua he kak o ahni lishke.

18. Yohmi kia nana moma ka ishi lish, nan an laua hoke; si alotowa hoke, Epaflotitvs ibbak fohkit nana balama vba nan isht aiokpvchi Chihowa hv̄t vlhpesa ahni ya et hvs sa pila tuk a, vm vla tuk oke.

19. Yohmi ka an Chihowa holitopa fehna kv̄t Chisvs Klaist pulla kak o nana a hvchi bv̄nna moma ka hvchim atahla hi oke.

20. Yohmi ka Chihowa, micha Piki yak osh holitopa na bilivt biliashke. Amen.

21. Ubanumpa yimmi Klaist Chisvs ibai achvfa vhleha ha hvsh aiokpvchashke. Itibapishi li vhleha hv̄t si apihvt maya kv̄t hvchi aiokpvchishke.

22. Ubanumpa yimmi moma kv̄t pit hvchi aiokpvchi; mihma Sesa in chuka chvfa yokak heto pit hvchi aiokpvchi fehvshke.

23. Pin Chitokaka Chisvs Klaist isht i kana yvt hvsh moyuma ka hvchi anukfoyakashke. Amen.

H O L I S S O P A L V T

C H U C H K O L O S S I

A H I K I A H O I H O L I S S O C H I T O K .

CHAPTA I.

Na yimmi ahlit maya pulla kak o Chihowa ya ai okpahanchi, 1 : 9 nan isht i kana anukfohkvt i shahlit mahaya he isht anumpohonli ; 14 Klaist holiropa he isht anumpuli ; 21 mihmvt nana ka Klaist vt im ataiyahli tok a im anoli.

1. **PAL**, Chihowa nan ai ahni hatuk pulla mak o Chisvs Klaist im apostel sia, micha Timohlivs pitibapishi ita tuklo kv,

2. **Ubanumpa** yimmi ahli vhleha, il itibapishi ahli Klaist a ibafoyuka Kolossi ai asha ka pit aiokpvchi kv, Piki Chihowa, micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo mak osh hvchi anukfoyukashke, hvchim ahnishke.

3. Chihowa, micha pin Chitokaka Chisvs Klaist Iki ya yak oke, im ahnit, vba isht e hvchi anumpohonli na bilia hoke ;

4. **Yohmi kv** Klaist Chisvs a hvsh i yimmi, micha vbanumpa yimmi vhleha ha hvsh i hullo ka e haklo ha yokvt,

5. Ai okchaya bilia hvsh isha he vba hvch in tuyula pulla kak o e yohmishke ; yvmmak oka vbanumpa ahli isht ai anumpa ho tikba kash hvsh haiyaklo tuk vt ;

6. **Mihi yosh hvchim vla tuk ak inli chohmit, yakni mo-** ma ka im aya cha, nan vnit waya kv, nana ka hvsh haiya-

klot, Chihowa nan isht i kana ghli hvsh ithaiyana nitak atuk taiyakla kv̄t, nan vn̄it hv̄sh waya kak inli h̄o chohmi hoke.

7. Yv̄mmak ash inli h̄o Epafias, tishu pi b̄ika pi holitopa ya hv̄sh im ai ithv̄na tuk; yv̄mmak okv̄t Klaist im vbanumpa isht vt̄ta hv̄chim ghli mak oke:

8. Yv̄mmak inli kak osh Shilombish a ibai achv̄fv̄t hv̄sh it i hullo ka pim anoli tok.

9. Yakohmi kak o nitak yv̄mma fehna ka e haiyaklo tuk taiyakla kv̄t, anumpa ilbv̄sha isht e hv̄chi anumpohonli kv̄t il issa keyu, mihmv̄t hv̄chi hopoyuksa bieka, micha shilombish im ahalaia ka ithv̄nv̄t, Chihowa nan ai ahni ka hv̄sh ithana ka isht hv̄chi alotowa he ak o, il ai ahni hoke:

10. Michā nan toksv̄li achukma puta ka isht ai vni, micha Chihowa nan isht im ithana ya isht i shahlit isht ia hosh, Chitokaka ya ai im v̄lhpiesv̄t nana moma ka isht yukpali cha;

11. Chihowa imi hlampko holitopa isht hlampko fehna hosh, nukchintot achunanchit, nan ilbv̄sha yv̄t onvtuyula kia nuktaiyalv̄t v̄lhpesa ahnit yukpa banot;

12. Ubanumpa yimmi yv̄t v̄ba atohwikeli ai isha he v̄lhpesa hosh ai asha ka ai il iba takla hi a pi ai atahli tok, P̄iki yv̄mma yak oke hv̄sh im ai ahna he ak o, il ai ahni hoke;

13. Yv̄mmak okv̄t aiokhlili ka isht im ai ghli ya a pi a hlakofichi mv̄t, anonti kanv̄lichit ilap Ushi holitopa im ap̄ehlichika ya pisht ona tuk oke;

14. Yv̄mmak o im issish isht v̄lbi ai okchaya, nan ai ashv̄chi isht kashofa mak o il eshi hoke:

15. Yv̄mmv̄t Chihowa ya pisa he keyu ka hoyulba kv̄t, nana toba tok puta ka Uttahpi yoke.

16. Yv̄mmak atuk mak o nana moma toba kv̄t nana v̄ba aiasha, micha yakni paknaka ai asha, nana ka pisa he, micha nana ka ik peso ka he, m̄iko yohmá, nan i shahli yokmá, hochitoka yokmá, nan v̄lhtoka yokmá, aiena mikmv̄t nana moma kv̄t yv̄mmak atuk mak o toba kv̄t, yv̄mmak ash o in toba tok.

17. Yohmi ka yv̄mmak ash osh nana moma ka in tikba yoke, mihma yv̄mmak o nana moma kv̄t a takala he atok vt̄ ont ai yv̄mohmit isht ai it im v̄lhpesa hoke.

18. Yohmi ka yvmmak osh chvch haknip a i noshkobo yoke: yvmmvt nana moma ka ai in tikbvt holitopa cha, ai isht ia vmmona illi tuk osh falamvt tani vhleha hq im Ut-tahpi yoke.

19. Iki vt vlhpesa ahni kvv, yvmmak ash o nan isht ai vlhtaha yvt afoyuka he, ahni tok:

20. Yohmi kvv ititaiyukhvna issish a hlatapa tok pulla hq it i nanaiyvichi ikbi cha, yvmmak pulla hq nana moma ka isht il ai i kanvcha hi vt ahni tok; yvmmak pulla hq nana yakni ai asha yokmá, nana vba yakni aiasha yokmá, nana kvv yvmohmi hoke.

21. Yohmi ka hvchishno vt tikba kamo ik ahalaio yosh nana ashvchi toksvlit hvchim anukfila isht in tanampi atuk kia, himak ano hvch il i kanvchi tuk oke,

22. Ilap haknip nipi illi kak o himak ano hvch il i kanvchi tuk; yvmohmi hosh nan ai ashvchi iksho, micha liteha a lapali iksho, micha anumpa nana kia hvchi onvtula he keyu hq ilap a itikba ya hvchi hilecha hi atok:

23. Nan ai yimmika ya a kvllot nan anukfilli fitikvchi iksho, micha nana ka yohma he ahni, vbanumpa a takali yvmma hvsh haiyaklo ma, yvmmak ash ot okla moma shutik nuta aiasha ka im anuhumpa tuk a hvch ik i filvmmo ka chi mak o, Pal sia hvv vbanumpa isht vtta toba li tuk osh;

24. Himak a hvchishno pulla kak o, nan isht a palvmmi puta kvv sai yukpa hoke; micha Klaist ai ilbvsha tok a sa haknip isht svlvsha kvv ik ono kisha ka, haknip yvmmvt chvch pulla kak oka, isht alotolit isht mahaya li hoke.

25. Hvchishno pulla hq Chihowa hvv nana ai ahnit vm apesa kvv, Chihowa im anumpa mominchit isht anumpuli la he ak o vbanumpa isht vtta si atokli tok.

26. Anumpa yvmmvt nitak bilia kash, micha hatak chash-po asha ka in luma hatok kia, himak ano vbanumpa yimmi puta ka im otvni yak oke.

27. Yvmmak ash o Chihowa hvv anumpa luma hatok ilvppak ash isht a holitopa chinto kvv Chentail ai itintakla otvni kvv kaniohmi ka im otvniacha he ai ahni tok; yvmmvt Klaist hvchi anukfoyuka a holitopa isha he isht ai ahni yoke.

28. Yvmma isht il anumpohonlit e hopoyuksa biekv̄t, hatak moma kv̄t ahah! ahna hi a il im ahanchi mv̄t, hatak moma ka il im abahanchi hoke; yvmohmi hosh Chisvs Klaist pulla hatuk mak o hatak moma ka ai ghlichit e hilecha ch̄i hatuk.

29. Yvmmak a ch̄i mak osh vno ak kia imi hlampk̄o isht sa hlampkohonchi fehna kak o amosholit toksahanli li hoke.

CHAPTA II.

Ai vlhpiesa banot chvch a ai asha he i miha, 1: 8 hatak nan im anukf̄ila, micha nana kv̄t Klaist a isht a hvch a filvmmicha hi okvno hvsh i filvmma he anoli.

1. **HUCHISHNO**, micha Laotisea ai asha, micha laua kv̄t kaniohmi hosh sa nashuka ya ik peso k̄isha puta ka anukf̄ihinlit, isht svlvvsha fehna ka hvsh ithaiyana hi a hvchim ahni lishke:

2. Yvmohmi h̄o ch̄ukvsh vt it i hullot itrshekonompa hosh ch̄ukvsh vt lopohohlashke: yvmohmi hosh ai yimmi ghli isht ai yukpa chinto ka ai ghli ithana he, yohmi hosh Chihowa yvmmv̄t Iki, micha Klaist isht anumpa luma hatok ma otvnihincha he ak atok;

3. Klaist ak o na hopoyuksa, micha nan ithana ita tuklo im isht ilaiyukpa moma kv̄t a luma hoke.

4. Michā hatak nana kia anumpa isht yimmichi isht hvchi haksicha hinla kak o ilvppa achi lishke.

5. Haknip okvno isht ik saksho kia, shilombish okvno isht hvch ibafoyukv̄t ai vlhpiesa hvsh yvmohmi, micha Klaist a i yimmi ka a kv̄llot hvsh hieli ka hvchi pih̄isa li kv̄t sai yukpa hoke.

6. Yvmohmi ka Klaist Chisvs Chitokaka ya hvsh i yimmi hatuk okv̄t, yvmohmit hvsh iba nohowashke:

7. Michā hakshish atobv̄t kv̄llot ontalaiut a hvchim ai vlhvchi tok mak o, ai yimmika a kv̄llot im ai vlhtaha fehv̄t, yak oke hvsh ai ahnashke.

8. Ahah! hvsh ahnashke, keyukma hatak nana kia hatak

im anumpa chashpo isht auehinchi iakaiya, micha yakni nan ai ithvna isht ia vmona iakaiya cha, Klaist a ik iakaiyo yvt anumpa inla, micha anumpa isht haksichi aiena ka isht hvchi okponichi ná.

9. Klaist ak osh Chihowa yvt akaniohmi ka isht alotowa kv̄t:

10. Hochitoka, micha nan vlhtoka puta i noshkoboka yvm̄mak o isht hvchim ai vlhtaha hoke:

11. Yvm̄mak pulla ho hvchishno ak kia ibbak o hakshup isht t̄vpa keyu ho hakshup isht hvchin t̄vpa tok: yvmohmi hosh Klaist hakshup t̄vpa pulla ho haknip nan isht ashvchi yash naksika hvsh bohli tuk oke:

12. Na baptismo ho hvsh iba hollopi tuk, Chihowa yvt toksv̄lit yvm̄mvt illi tuk a falaminchit tanichi tok ak o, hvchi yimmi hosh yvm̄mak ash awant hvsh tani hoke.

13. Yohmi kv̄t hvchishno vt nana hvsh ai ashvchi isht illi, micha hvchi haknip hakshup ik tapo atuk a nana hvsh ai ashvchi puta ka hvchi kashofi cha, yvm̄mak ash iba taklv̄chit hvchi okchalinchi tuk oke:

14. Nan isht vlhpisa ibbak isht holisso a kashofi tok, yvm̄mvt pi sanali, micha pim ai vlhpiesa keyu hosh pi ai ititakla hikia tok a ishit kanchit, im ititaiyukhvna ya ahonvhlichit tok oke:

15. Yv̄mma pulla ho hochitoka, micha isht im ai ghli puta aiena ka wehpulit, haiakv̄chit pisachit isht ai yukpa tok.

16. Yvmohmi hoka hatak nana kia impa ak ok má, nan ishko ak okmá, impa holitopa nitak ak okmá, hvshi talali ak okmá, nitak hv̄llo puta ak okmá, nana kia nan isht apesvt ik hvchi onochi kashke.

17. Yvm̄mvt nana kv̄t vla he isht vlhpisa yoke: amba haknip okv̄to Klaist ak oke.

18. Hatak nana kia ilap ahnit il akanlosechit, enchil v̄hleha ha aiokpv̄chit nana pisa chatuk keyu kv̄t, afv̄nalit haknip im anukfila isht ilefeh̄vchi, yvmohmit noshkoboka ya halv̄lli keyu kv̄t, na hvsh asitv̄ba he tuk a, ik hvchim eshc kashke.

19. Yvm̄mak o haknip moma itachakli, micha hakshish

aiena kv̄t isht ai iti talakchit isht hlampkot, Chihowa hv̄t ahni h̄q tcbvt ia hoke.

20. Yohmi ka yakni ai ithvna isht ia v̄mmona ai ī filv̄mit, Klaist ȳ hv̄sh ibai illi tok okmvt, nanta katihmi h̄q yakni hv̄sh ibafoyuka chohmit, nan isht vlhpisa hatak vt apev̄st ithvnanchi ka hv̄sh ī nutaka ch̄q?

21, 22. Ilv̄ppa chohmi ka, Ish potoli ná; v̄pvt ish pisa ná; ish pv̄shohli ná, moma kv̄t ieshi kv̄t okpula he bieka hoka.

23. Nana yv̄mma puta hokvt hopoyuksa ahoba ho mv̄hli, ilap ahnit v̄ba aiokpv̄chit il akanlosechit hahnip ȳ ilbv̄shali; yohmi kia holitoblichy keyu, peh haknip ak ȳ im achukmali hoke.

CHAPTA III.

Pim anukfila nan isht hih il ahni ȳ kanima ȳȳ il a bohla hi ȳ pim anoli, 1; 5 na liteha isht im anukfila puta ka illichy he vlhpesa ka ī miha; 9 nan ȳhli anumpuli; 12 ī kanvt nan iti nanaiyachi; 14 v̄ba isht taloh̄v̄t isht ī shahlit hv̄sh iti hlampkochashke; 18 hatak im ohoyo; 10 hatak ohoyo im ȳsha; 20 v̄lla, 21 īki 22, yuka aiena kv̄t nan a kanih̄ma hi vlhpesa ka isht anumpuli.

1. **YOHMI** ka Klaist ȳ hv̄sh iba tani tuk okmvt, Klaist vt a binili v̄ba Chihowa ibbak isht impakimma nana ai asha kak ȳ hv̄sh hohoyashke.

2. Hv̄chim anukfila h̄ȳ nana kv̄t v̄ba ai asha kak ȳ hv̄sh onochi cha, nana kv̄t yakni paknaka ai asha kak ȳ keyu kashke,

3. Hv̄ch illi; yohmi hosh hv̄chi okchaya v̄vt Klaist ȳ iba lumvt Chihowa ȳȳ ibafoyuka hoke.

4. Klaist yv̄mmvt il ai okchaya yosh haiaka, yohmikma hv̄chishno ak kia a holit̄opa hosh yv̄mmak ash awant hv̄sh haiaka hi oke.

5. Yvmohmi ka hv̄chim ī nana kv̄t yakni ai asha ka hv̄sh illihinch̄i; h̄aui toba, ch̄ukv̄sh liteha, anushkunna atampa, haknip nan ahni okpulo, nana ahayuchi bv̄nna atampa, yv̄mmvt na holbvt toba aiokpv̄chi yoke.

6. Na yakohmi pulla kak o Chihowa nan isht i nukkilli vt nan ik im antio hatak puta ka onvtuyula hoke :

7. Yomma chohmi ka hvchishno ak kia chashpo ma hvsh ibafoyuka kvv hvsh ai itvnowa tok.

8. Yohmi tuk kia himak okvno hvchishno vt nokowa, nukhobela, i nukkilli, ik ahobalot anumpuli, anumpa isht hofahya, hvch itih hā akocha ilvppa moma kak kia hvsh kanchashke.

9. Hvsh it i holabi ná, hatak sipokni ya shufit nana a kaniohmi chatuk puta ka hvsh kanchi cha ;

10. Hatak himona yo isht hvsh foyuka tuk okvt, yvmmak okvt nan ithana ka isht a himonvt, Ikbi tok a hoyulba hosh himonvt toba tok :

11. Yvmmak oka Klik, micha Chu yo keyu, hakshup tvpa, micha hakshup ik tapo yo keyu, Bvlbaha, micha okla nukshopa yo keyu, yuka, micha ik yuko yo keyu, amba Klaist vto nana moma ka im i shahli, micha moma ka ibafoyuka hoke.

12. Yvmohmi hoka Chihowa im vlhtoka nan ashvchi iksho, holitopa hvchia hokvt hiahni, i kana, anukfila akanlosi, chukvsh yohbi, anukhobela svlahvt nuktaiyala aiena kak o hvsh foyukashke.

13. Hatak kvna kia isht itachowa im ashakmvt, itin lumvt hvsh it i kashofashke ; Klaist vt hvchi kashofi tok oka, yvmmak inli ho chohmit hvsh yvmohmashke.

14. Michā ilvppa moma paknakachi kvv nan isht i hullo, yvmmak osh ai vlhtaha ai ghli ka isht iti talakchi yoka, isht hvsh foyukashke.

15. Michā it i nanaiyvchi Chihowa a minti vt hvchi chukvsh a foyukvt nana hvchim apesashke, yvmmak a he ak o haknip achvfa hvsh toba chi hosh hvchi vlhtoka tok oke : micha yak oke, hvsh ahnashke.

16. Klaist im anumpa hvv a chitot hvchi foyuka na isht a hvchi hopoyuksashke ; vba isht taloa, micha shilombish imma isht taloa aiena ka isht it im avvchit, isht it i nukfohkit, nana aiokpahancha he hvchi chukvsh a foyukvt Chitokaka ya hvsh in talohqashke.

17. Micha anumpa hokmá, na kaniohmi hokmá, nana hoh kia hvsh yvmohmikmvt, Chitokaka Chisvs hochihifot yvmak atuk mak o Iki Chihowa ya yak oke im ai ahnit, momnchit hvsh yvmihinchashke.

18. Tekchi vhleha ma! Chitokaka im ai vlhpiesa mak o hvchi hatak a hvsh im ile nutakvchashke.

19. I hatak vhleha ma! hvchi tekchi a hvsh i hullashke; yohmi kvv chukvsh homit hvch ik i kvllo kashke.

20. Ulla vhleha ma! nana moma ka hvch iki, micha hvch ishki ita tuklo ka, hvsh im antiashke; ilvppak osh Chitokaka ya im ai achukma ahli yoka.

21. Iki vhleha ma! hvchim vlla vhleha ha hvsh nokowvchi ná; yohmikma im ai ahli la he keyu ahnit, chukvsh iella hinla yoba ká.

22. Yuka vhleha ma! hvchi haknip i nahullo vhleha ha nana puta ka hvsh im antiashke; nishkin pisa toksvli hatak ak o yukpali chohmi keyu, chukvsh achvfa ai apissali hosh Chihowa ya hvsh i nukshoyupashke.

23. Yohmi kvv nan toksvli nana ho hvsh yvmihchikmvt, chukvsh ai ahlit Chitokaka pulla, micha hatak keyu ho hvsh i yvmihchashke.

24. Chitokaka yak o ai isha he ai vlhpesa isht hvchim vlhtoba he vt hvsh ithaiyanashke: Chitokaka Klaist ak o hvsh in toksahanli hokvt.

25. Amba kvna hosh nan ik vlhpeso yohmikmvt, nan ik vlhpeso yohmi tuk ak osh isht im vlhpisa hi oke: iti shahsholichit kvna kia im anukfilli kvv iksho hoka.

CHAPTA IV.

Nan i shahli vt nana a kaniohma he vlhpesa ka achi, 1. 2 Uba a sihila bilia he im achi; 5 chvch ik ibafoko itanowa ka nan vlhpesa bievvt im itvnohova he; 10 nana ka i shahlit mahaya he ahnit im achi.

1. I NAHULLO vhleha ma! hvchi yuka vhleha nan isht im vlhpesa, micha nan isht im itilau aiaina ka hvsh

imashke; micha hvchishno ak kia hvchi shahli hvt vba yakni binili ka hvsh ithaiyanashke.

2. Anumpa ilbvsha anumpohonlit, yvmmak ash o ai okchvt yak oke hvsh ahnashke.

3. Yohmi mak inlit Klaist im anumpa luma yatok, micha yvmma pulla kak o sa talakchi ak inli tuk vt isht anumpuli la he, okhissa ya Chihowa yvt pin tiwa hi a, isht hvsh anumpohonli mak inlashke.

4. Yvmohmi ho anumpuli la he vlhpesa hatuk vt, otvni-chi lashke.

5. Kocha ai asha ka i hopoyuksvt itvnowvt, nitak ik hvchi kvnio hosh nan isht hvsh il im ahantashke.

6. Hvchim anumpa puta kvv Chihowa nan isht i kana ai ibafoyuka biekvt hvpi ho isht yvmvashke; yohmi hosh kaniohmit hatak puta anumpa falama ka hvsh ima he vlhpesa kvv hvsh ithaiyana hoke.

7. Nana vma kaniohmi ka Tikikvs, ilvppvvt itibapishili holitopa, micha vbanumpa isht vta ai ahlit, micha tishu sa bika Chitokaka ibafoyuka yak osh hvchim anola chi hoke.

8. Yvmmvt yvmohma chi kak o hvchi pila li tuk: yohmi ka nana hvchim a kaniohmi ka akostininchi cha, hvchi chukvsh a hopohlva chi kak atuk;

9. Michas Onesimvs itibapishi li ai ahli holitopa, yvmmvt hvchishno ak inli ka aieninchit hvchi pila li hatuk. Yvmmak osh nana moma ilvppa a kaniohmi ka hvchim anola chi hoke.

10. Alistakvs, svbai yuka yvt pit hvchi aiokpvchishke: micha Makvs, Banabas in tek ushi mvvt pit hvchi aiokpvchishke; yvmmak oka isht anumpa vlhpisa ha hvsh ishi tuk vt hvchim onakma, hvsh aiokpvchashke.

11. Michas Chisvs, yvmmvt Chvstvs hohchifo hvt pit hvchi aiokpvchishke; yakohmi kvv hakshup tupa yoke. Ilvppak illa hosh Chihowa im apelihika a svba toksahanli yosh nan isht sa hopohhla yatuk oke.

12. Epafias, yvmmvt hvchishno mak inli, Klaist in tishu hosh pit hvchi aiokpvchishke, micha Chihowa nan ai ahni moma ka a kvllot ai ahlit hvsh hikia hi a anumpa ilbvsha achunanchit isht hvchi anumpohonli bilia yoke.

13. Hvchishno, micha Laotisea ai asha, micha Hielapolis ai asha aiena ka hvchi anukfihinli fehna ka im atokowa anoli sia hoke.

14. Luk, alikchi holitopa, micha Temas, ita tuklo kv̄t pit hvchi aiokpvchishke.

15. Itibapishi v̄hleha hv̄t Laotisea aiasha, micha Nimfas, micha in chuka chvfa chvch ai asha aiena ka pit hvsh aiokpvchashke.

16. Michā holisso ilv̄ppa hvsh it im anumpulikm̄vt, anonti Laotisea chvch ak kia ai it anumpa hi a hvsh apesashke: mikm̄vt holisso Laotisea a minti ak kia hvsh it im anumpulashke.

17. Michā Achipp̄vs a Chitokaka yak o v̄banumpa isht ai vtta ish im ai eshi tuk vt ahah! ahnit ish ai ahlichashke, hvsh im achashke.

18. Uno svbbak ak inli h̄o Pal sia hv̄t pit isht hvchi aiokpvchi lishke. Sa talakchi ka hvsh ithaiyanashke. Isht i kana yv̄t hvch anukfoyukashke. Amen.

HOLISSO VMMONA PAL VT

CHUCH HLESSALONIKA

A HIKIA HO I HOLISSOCHI TOK.

CHAPTA I.

Chuch Hlessalonika a hikia ka ithanvt vba isht anumpohonlit yak oke im ai ahni, 1 ; 5 mihmvt Chihowa anukfoyuka ghli ahnit i yimmi kvv isht anumpuli.

1. PAL, micha Silfanvs, micha Timohlivs aiena kvv Hlessalonian chuch Iki Chihowa, micha Chitokaka Chisvs Klaist ibafoyuka ya pit hvchi aiokpvchi kvv, Piki Chihowa micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo kvv hvchi anukfoyukashke hvchim ahnishke.

2. Anumpa ilbvsha il anumpulikmvt, e hvchi anohonlit, Chihowa ya yak oke hvsh moma ka isht e hvchim ahani hoke ;

3. Pin Chitokaka Chisvs Klaist ibafoyukvt na hvchi yimmi kvv na hvsh yvmihchi, micha na hvsh i hullo aiena kvv na hvsh toksahanli, micha ai okchaya pisa he ahnit nuktaiyalvt hvsh achunanchi aiena ka Chihowa Piki itikba ya ithaiyanvt e bilia hoke :

4. Micha itibapishi li vhleha ma ! Chihowa i holitopvt im ai vlhtoka hvchia ka il ithaiyana kak oke.

5. Pim vbanumpa hvv anumpa illa hosh hvchim aya tok keyu, amba nan isht ai ghli, micha Shilombish Holitopa ai

itibafoyuka aiena na na hvchi yimmi fehna tok ; yvmohmit hvchishno ak atuk mak o kaniohmit hvchi takla il aya tok a hvsh ithaiyana ak inli hoka.

6. Yvmohmi cha nan isht ai ilbvsha lawa kia, Shilombish Holitopa ai yukpvt vbanumpa ha hvsh aiokpvchi cha, pish no, micha Chitokaka ya im antia hvsh toba tuk oke :

7. Yvmohmi hokvt na yimmi moma Masetonia, micha Akaia aiena ai asha kvv im ai ithvntv iakaiya hi o hvchia hoke.

8. Hvchishno ak o mvhli ho Chitokaka im anumpa anoa kvv Masetonia, micha Akaia ak bano keyu, amba kani- ma moma kak kia, Chihowa hvsh i yimmi kvv annovshke ; yohmi ka pishno vt nana il acha he vlvpesa keyu hoke.

9. Micha yvmma chohmi puta kak osh pi anoli kvv, kaniohmit e hvch iba chukowa tok ; micha kaniohmit Chihowa ahli okchaya ya hvsh im antia chi hosh, na holba ya i filvmmmit Chihowa hvsh im ona tuk a anoli hoke.

10. Yohmi cha Ushi Chisvs vt illi tuk a falaminchit tani- chi tok a, mihi yosh vba yakni minta chi ka hvsh hohoyo ka, yvmmak osh nan isht i nukkilli minti ka pi ahlakofichi tok mak oke.

CHAPTER II.

vbanumpa hvv kaniohmit Hlessalonika ya ai anuhumpa ma, kanioh- mit okla aiokpvchi tok a anoli, 1 ; 18 pisa ka bvna fehna, yohmi kia nana hosh kaniohmi kak o ik im ono kvv anoli.

1. ITIBAPISHI li vhleha ma ! hvchishno ak kia kanioh- mit e hvch iba chukowa ma, yvmmvt pilla tok keyu ka, hvsh ithaiyana hoka :

2. Yohmi ka tikba ka pilbvsha, micha Filippi okla hvv pi hofahyali aiena tok a hvsh ithaiyanvshke ; yohmi ha ya pin Chihowa pulla ho a nukwaya keyut, achunanchit a lushum- mit vbanumpa ha isht e hvchim anumpohonli tok.

3. vbanumpa isht e hvchim anumpohonli kvv, anumpa yoshubli, micha chukvsh litehli, micha i kostinit haksichi atok keyu hoka ;

4. Amba Chihowa ak osh v_hpesa ahnit v_banumpa h_a pibbak fohki tok oka, yvmohmit il anumpuli hoke : hatak ak o e yukpali keyu, amba Chihowa pi chukvsh a pisa yak oke.

5. Micha nitak nan ash o na fehvchit il anumpuli tuk keyu, nan isht ahayuchi b_vanna hosh, nan il ilahobi ha tuk keyu ka hvsh ithana hoke : Chihowa mvt pisa yoke.

6. Micha hatak ak o a holitopa e hoyo tuk keyu, hvchishno, micha inla yak oh kia tok keyu, Klaist im apostel pia hvt hvchi wekit na hvch im a hoyocha he v_hpesa kia, e yvmohmi tuk keyu.

7. Amba hvchi takla il ashwa mvt, ik kvllot, vlla ilauei vt ipetvt hofantichi chatuk a e chohmi tuk oke :

8. Yvmohmi hosh hiahnit e hvchi palata fehna hokvt, v_hpesa ahnit Chihowa im anumpa ak bano keyu, amba pimi shilombish ak kia aieninchit e hvch ima hinla tuk, hvsh pi holitopa fehna hoka.

9. Itibapishi li v_hleha ma ! toksahanlit hoyvblit pilbvsha tok a hvsh ithana hoke ; achvfona kia e hvchi weka chi keyu kv, ninak, micha nitak, aiena ka toksahanlit Chihowa im anumpa h_a isht e hvchim anumpohonli tok.

10. Hvchishno, micha Chihowa ak kia kaniohmit chukvsh kashovt ai v_hpiesa, micha anumpa onvtula he iksho h_o na yimmi v_hleha hvchia h_a hvchi takla il ashwa tok a atokolit pi anoli hvchia hoke.

11. Atohnochit, micha hopohlvt iki yosh im vlla im anumpuli ak inli h_o e chohmi tuk a hvsh ithaiyana,

12. Yohmi hokvt v_ba apehlichika holitopa y_a hvsh esha chi ka, Chihowa, yvmak osh hvchi hoyo tuk a, hvsh im ai ghla he ak atuk.

13. Chihowa im anumpa h_a hvsh pi haponaklo mvt, im anumpa nana h_o chohmichit hvsh ishi keyu kv, amba ai ghli hoka, Chihowa im anumpa hoke, yvmvt na yimmi hvchia puta ka ai ahlit hvchi atahli tuk ilvppa pulla aiena kak o Chihowa y_a yak oke il im ahni kv, il issa keyu hoke.

14. Itibapishi li v_hleha ma ! hvchishno vt Chihowa in chvch puta Klaist ibafoyuka hosh Chutea aiasha ka, iakai-

ya hvsh toba tuk oke; hvchishno ak kia Chu okla hvv yvmihchi tok g, hvchim okla hvv chohmichit hvch ilbvshali tok oka :

15. Yvmmvt Chitokaka, micha ilap i hopaii puta atuk ak kia vbi tok osh, pishno ma pilbvshali tuk oke: mihmvt Chihowa yo yukpali keyu mvt, hatak moma ka im inla hoke :

16. Il im anumpuli na Chentail vt okchaya chi ka pim alvmmi hoke; ilap nan ashvchi alotola chi kak osh yvmohmi bilia chatuk okvt, nan isht i nukkilli vt onvtula kvv ont im ai okluha hoke.

17. Yohmi ka itibapishi li vhleha ma! nitak ik hopako ka nashuka yokvno hvchi filvmmichit pi ai ishi tuk, chukvsh ak okvno keyu, yvmohmi hv isht i shahli fehvvt hvchi nashuka ya pisa pi bvna fehna tuk oke.

18. Yvmohmi kak osh himonna, micha a tukla foka ka e hvchim ona he, Pal fehna sia hvv vm anukfila tuk; yohmi tuk kia Setan vt pi ataklvmmi tok.

19. Yohmi ka nanta hak o il isha he il ahni hv? nanta hak o isht pi aiyukpa yo? nanta kak osh pim iachuka isht pi aiyukpa yo? Pin Chitokaka Chisvs Klaist vt vlakma itikba ya hvchishno yak a he keyu?

20. Hvchishno ak o isht pi a holitopa, micha isht pi aiyukpa yoka.

CHAPTA III.

Timohli g pit i pila kvv Tlessalonian g i hullo; micha nan ai vhlpiesa hv okla yvmohmi ka isht yukpa kvv, otvvinchi hatok, 1; 10 vba isht anumpohonli, micha im ona hi g ahni fehna aiena.

1. YVMOHMI hoka pi nuktaiyala he keyu kit taha mvt, Ahlens g pishno bano hosh il gshwa he vlvpesa il ahni tok.

2. Micha Timohliivs, pitibapishi, Chihowa nan isht im vta, Klaist im vbanumpa a piba toksvli, vt hvchi ai yimmi ka ya a hvchi hlampkohonchit hvchi hopohlva chi hv, e pila tuk oke :

3. Yohmi na hatak kvna kia nan ai ilbvsha yakohmi ka isht ik a shanaiowo kashke; hvchishno ak kia yakohma hi vt isht pim vlhpisa tok a hvsh ithanvshke.

4. Hvchi takla il ashwa mvhli mvt, nan isht ilbvsha ya e pisa hi vt tikbanli hvchim anoli tok fehna kvv ant ai yvmohmi tuk a, hvsh ithaiyanvshke.

5. Yakohmi kak o sa nuktaiyala he keyu kit taha mvt, na nukpvlichi vt kaniohmit haksichi tuk yoba ka, yohmi na e toksvli tuk vt peh pilla na, ahni li hosh, hvchi ai yimmi ka akostininchi la chi hosh pila li tuk oke.

6. Yvmohmi tuk kia himak vno Timohlivs vt hvchi a kohchvt pim vla cha, a hvchi ai yimmi, micha hvsh iti hullo annoa achukma ka isht pim vla, mihma hvsh pithaiyana a bilia, hvchi pisa pi bvna ka, hvchishno mvt pi pisa hvchi bvna fehna ak inli tuk a, e haklo tuk oke.

7. Yvmohmi kvv itibapishi li vhleha ma! a pilbvsha putvt nana kvv pim atukonofa kia a hvchi yimmi ka pulla kak o isht pi a hopohla tuk oke.

8. Chitokaka ya ibafoyuka kvllot hvsh hielikma, himak a pi okchaya mak okvt.

9. Hvchishno pulla kak o pin Chihowa itikba ya na yukpa puta isht pi aiyukpa kvv, yak oke ahni katiohmi ho hvchishno pulla kak o anonti Chihowa ya il ima hinla?

10. Ninak, micha nitak moma anumpa ilbvsha achunanchit il asihhla kvv, yvmvvt hvchi nashuka ya e pisa cha, na hvchi yimmika yvt nan ik ai ono ketuk a il ai ghlicha he ak oke.

11. Yohmi ka Chihowa ilap vt Piki, micha pin Chitokaka Chisvs Klaist vt il atia chi ka apissvlichit pisht hvchim onashke.

12. Michu Chitokaka yvt hvsh it i hullo ka i shahlit isht ia, micha hatak moma hvsh i hullo ka i shahlit isht ia, a chinto ka hvchim ahnashke; pishno e hvchi hullo ka hvsh chohmashke:

13. Yvmohmi ho pin Chitokaka Chisvs Klaist vt vbanumpa yimmi puta pehlichit vlakma, nan ashvchi ikshot,

anumpa hvchi onvtula keyut, Chihowa, Piki mak o itikba ya hvsh hiela hi o, mihi yosh hvchi chukvsh a hlampkohon-chashke.

CHAPTER IV.

Chihowa anukfoyuka kv̄t i shahlit mahaya hi a atohnohonchi, 1 ; 9 it̄i hullo, 11 nuktanlv̄t ilap nan isht ai vtta he tok akbano h̄o ahni ; 14 illit falamvt tani, mikmvt anonti Klaist vt minta hi a isht anum-puli.

1. **YUMOHMI** ka anonti itibapishi li vhleha ma ! Chitokaka Chisvs puyulla h̄o isht e hvchim anumpohonli kv̄t, yvmvt kaniohmit ayvt Chihowa ya hvsh yukpala hi osh hvsh pi a haponaklo tok vt, yvmohmit chitot isht i shahli fehv̄t hvsh mahaya he ak o e hvchim asilhv̄shke.

2. Chitokaka Chisvs pulla h̄o anumpa vlpisa nana h̄o e hvch ima tok a hvsh ithaiyana hokvt.

3. Nan ashvchi ik hvchim iksho ilvppak osh Chihowa im anukfila hoka, yvmvt na havi hvchik ahalaio ka he ;

4. Micha hvsh moyuma kv̄t nan ashvchi iksho, micha holi-tobli hosh, kaniohmit im ai vlhto ya iesha he vt ithana hi ak oke.

5. Haknip nan ai ahni isht havi toba keyu hosh, Chentail vt Chihowa ik ithano ka ik chohmo kashke :

6. Hatak nana kia atablit itibapishi h̄a nana hoh kia ik haksecho kashke ; Chitokaka yvt ymma chohmi ka im apesvt na hotopa onocha he oka, ymma chashpo ma ahah ! hvsh im ahna he, atokolit e hvchim anoli tok.

7. Chihowa yvt a liteha yo a pi atokoli tok keyu, amba nan il ai ashvchi iksho ka hi ak atuk oke.

8. Yvmohmi ka kv̄na kia shitilemakmvt, hatak o shitilema keyu, amba Chihowa yvmvt ilap Shilombish Holitopa ya pina tok.ak oke.

9. Amba itibapishi it i hulla he imma hokvno isht hvchi holissochi la hi a hvsh ahna he keyu : hvchishno ak inli hosh it i hulla hi okvto Chihowa yak o hvsh im ai ithvna tuk oka.

10. Yohmi kv̄t il itibapishi moma Masetonia moma ai asha ka hvsh i yvmohmi mv̄hli hoke : yohmi kia il itibapishi vhle-

ha ma! isht i shahlit hvsh mahaya hi ak o e hvchim asilh-hvshke.

11. Micha na fehna ahnit nuktaiyalt, nana ilap isht ai vtta he bieka ho yvmihchi, micha ilap ibbak ak inli ho isht toksahanla hi ilvppak o e hvchim apesa tok ak oke:

12. Yvmohmi hosh kocha gsha ka ai vhlpiesa ho hvsh i yvmohmi cha, nana kia ik hvch im ono kvk iksho kashke.

13. Yohmi kia itibapishi li vhleha ma! nusi vhleha ak okvno hvch ik im ithano ka he ahni li keyu, inla yvt nana ai okchaya pisa he ik ahno yo, chohmit ik hvchi nukhaklo ka he ak oke.

14. Chisvs vt illi tuk osh falamvt tani tok a pi yimmi hokma, yvmmak inli ho chohmit kvna hosh Chisvs a ibafoyukvt nusi tok okvno Chihowa hvv iba tanicha hi oka.

15. Chihowa im anumpa pulla ho ilvppa e hvchim achi hoka, yvmmt Chisvs vt vlakma, pishno vt pi okchayvt il gsha tuk vt, nusi tok a il in tikba he keyu hoke.

16. Chitokaka yvt ilap ak inli hosh na shakapa, enchil i miko im anumpa ola, micha Chihowa im isht pufa chinto ohonla ho a pehliechit vba mintit vla hi oka; mikma Klaist a ibafoyukvt illi tuk vt tikba tana hi oke.

17. Yohmi mak inli ho pi okchayvt il gsha kvv, hoshonti ataya shutik takla Chitokaka ya il ai afama chi ka, yvmmak ash aieninchit pisht ia hi oke: yvmohmi ho Chitokaka takla ya il gsha na bilia hi oke.

18. Yvmohmi hoka, anumpa ilvppa puta kak o isht hvsh it i hopohlahanlashke.

CHAPTA V.

Nan vhlpiesa chinto nitak a kanihmit Klaist vt vla he anoli, 1; 12 nan im avchi, micha nana ka achukma he bano ho ahnit, apesahanchi puta ka holiobla he i miha; mihmvt nan inla isht ai im anukfila he vhlpiesa ka aieninchit achi.

1. YOHMI kia itibapishi li vhleha ma! himak a pilla nitak nan a kanihma he puta imma hokvno isht hvchi holis sochi la hi a hvsh ahna he keyushke.

2. Chitokaka i nitak vt hukopa yosh ninak o aya ho chohmit vla hi okvno, hvchishno ak inli kvv hvsh ithana fehna hoka.

3. Achukma bieka, tvnvp vt iksho, okla ahanchikma, yohmikmak o yohma chi ik ahno takla ho na palvmmi kvv onvtula kvv, ohoyo vlla esha chi kvv nukhvomi ka chiyuhma hi oka; mikma hlakofa he keyu hoke.

4. Yohmi kia itibapishi li vhleha ma! hukopa yo chohmit nitak yvmmvt hvchi sakka chi ka, ai okhlilika yo hvsh aya keyushke.

5. Hvsh moma kvv atohwikeli ka im vlla hvchia, micha nitak im vlla hvchia hoke; ninak, micha ai okhlileka yo pia keyu hoke.

6. Yvmohmi ka inla yo chohmit ik hvpi nuso kashke; amba okchvt ahah! il ahnashke.

7. Kvna hosh nusi hokvto ninak ak o nusi; mikma nan ishkot haksi hokvto ninak ak o haksi hoka.

8. Amba nitak o pia hokvto ahah! ahnit, na yimmi ikkishi alata, micha nan i hullo ma isht hvsh foyuka, micha noshkobo isht ompoholmo ai okchaya pisa he ahni ya il ieszashke.

9. Chihowa yvt ai i nukkilli yo a pim apesa tok keyu, amba pin Chitokaka Chisvs Klaist pulla ho ai okchaya il isha chi hatok oka.

10. Yvmmvt pi vltobvt illi tok, yohmi ka pi okcha hokma, pi nusi hokma, nana kia iba takla il ahanta hi atok.

11. Yvmohmi hoka hvsh yvmohmi ak inli hatok vt, it im anumpulit iti hopohlahanlit, hvsh iti hlampkohonchashke.

12. Micha itibapishi li vhleha ma! hvchin toksahanlit, Chitokaka pulla ho hvchi pehliehit, ahah! hvsh ahna he hvchi anukfohki ya, hvsh ithaiyana he;

13. Micha toksahanli pulla kak o holitoblit hvsh im anukfilli fehna hi a e hvchim asilhvshke. Micha hvchishno bika hvsh it i kanashke.

14. Yohmi ka itibapishi li vhleha ma! ilapunla yvt isht im ahleka hinla ka hvsh im anoli, chukvsh ielli ma hvsh hopohlahanlit, chukvsh ik hlampko hvsh hlampkohonchit,

hatak puta ka chukvsh isht hvsh i nuktaiyala he ak o e hvchi nukfohkishke.

15. Yohmi ka hvsh ahni na kvna kia nana ik achukmo ka nana ik achukmo mak inli ho hatak nana kia ik i yvmihcho kashke; amba hvchishno ak inli, micha hatak puta ka isht im achukma kak o hvsh iakaiya na biliashke.

16. Hvchi yukpa na biliashke.

17. Anumpa ilvsha hvsh anumpuli kvv hvch ik isso kashke.

18. Nana puta ka yak oke, hvsh ai ahnashke; Klaist Chisvs pulla kak o Chihowa hvv ilvppa hvchim ai ahni hoka.

19. Shilombish a hvsh mosholichi na.

20. Shilombish anukfoykvt anumpuli ka hvsh shitilema na.

21. Nana moma ka imomaka hvsh pisashke; nana kvv achukma ka kvvlochit hvsh ieshashke.

22. Nana ik achukmo ahomba moma ka ik hvchi ahalaio kashke.

23. Mikma it i nanaiya yvt a mihinti Chihowa ak inli hosh ai oklvhchit hvchi kashofashke; micha Chihowa ya im asihhla li kvv, hvchi shilombish, micha hvchim anukfila, micha hvchi haknip aiena kvv anumpa onvtula ikshochit hvchi ieshit, pin Chitokaka Chisvs Klaist vt ai vla hi a hvch isht onakbano ai ahni lishke.

24. Nana miha kvv ai ghlichy yosh hvchi hoyo kvv, yvm-mvt yvmihcha chi ak inli hoke.

25. Itibapishi li vbleha ma! anumpa ilvsha isht hvsh pi anumpohonlashke.

26. Hvsh itibapishi puta ka suksowa holitopa yo isht hvsh ai okpvchashke.

27. Chitokaka pulla ho holisso ilvppa il itibapishi holi-topa vbleha ha hvsh im it anumpohonla he ak o hvchi miha lishke.

28. Pin Chitokaka Chisvs Klaist nan isht i kana yvt hvchi anukfoykashke. Amen.

HOLISSO ATUKLA PAL VT

CHVCH HLESSALONIKA

A HIKIA HO I HOLISSOCHI TOK.

CHAPTA I.

Hlessalonian okla hvt vbanumpa anukfohka ai ghli ahnit, yiramt miha, 1; 7 nan i pvlammit maya ka vba afoha he isht hopohlahali; mihmvt nana kv̄t isht ai vhlpiesa ho nan vhlpiesa pvlammi kv̄t i nukkilli vhleha h̄a onvtuyula he isht miha.

1. PAL, micha Silfanvs, micha Timohlivs pia hvt Chvch Hlessalonika a hikia Piki Chihowa, micha Chitokaka Chisvs Klaist ibafoyuka ka pit il aiokpvchi kv̄t,

2. Piki Chihowa, micha Chitokaka Chisvs Klaist ita tuklo nan isht i kana, micha isht it i nanaiya ita tuklo kv̄t hvchi anukfoyukashke, e hvch im ahnishke.

3. Hvchi ai yimmi ka yvt chitot isht i shahli fehna, micha hvsh moma kv̄t hvsh it i hullo kv̄t laua fehna hoka, itibapishi li vhleha ma! isht ai vhlpiesa ho hvchishno pulla kak o Chihowa ya yak oke il im ai ahni na bilia hi atuk oke:

4. Yvmohmi kv̄t pishno vt ai ilbvsha, micha na palvmmi puta aiena kv̄t hvchi onvtuyula kv̄t, hvchi nuktaiyavt, na hvchi yimmi kak o, Chihowa in chvch puta ka a hvchi anolit isht e hvch ilauata hoke.

5. Yvmmak okvt Chihowa hvt ai vhlpiesa apesvt onochi ka isht otvni, yohmi ho Chihowa im apelihchi ka ya hvsh isha he vhlpiesa ka hvchi ahna hi atok, yvmmak a he mak o hvch ilbaiyvsha hoka.

6. Chihowa hvt hvch ilbvshali ya i falaminchit na palvmmi ho onocha hi vt vlhpesa ;

7. Micha hvchishno vt hvch ilbvsha kvv, hvsh pibafoha hi g hvchim ahna hi vt vlhpesa hoka, nitak yvmma fehna Chitokaka Chisvs vt enchil hlampko puta ka il ai eshit,

8. Uba mintit luak libbi biekvt haiakvt, Chihowa ik ithano, micha Chitokaka Chisvs Klaist im vbanumpa ik im antio aiena ka isha he vlhpesa mak o im apesvt onochikma ;

9. Yvmmak okvt Chitokaka, micha nan isht im ai ghli holitopa itikba ai i filvmmi na palvmmi a bilia isht im vlhtobvt ilbvsha he ;

10. Yvmmak okvt vla cha, vbanumpa yimmi puta ka isht a holitopa he, mikma i yimmi puta kvv okokko ! ahnit aiokpachana he nitak yvmmak ok mak o yakohma he, atokolit il anoli tok g hvchi yimmi tok oka.

11. Yvmohmi hoka anumpa ilbvsha isht e hvchim anumpohonli na bilia kvv, pin Chihowa yvt nan isht ilaiyukpa ilvppak ash hvsh isha hi g vlhpesa hvchi ahni cha, ilap nan isht i kana aiokpancha he achukma moma, micha ai yimmi a toksvli nan isht im ai ghli aiena ka isht hvchim atahli hokbano il ai ahni hoke.

12. Yvmohmi ka pin Chitokaka Chisvs Klaist hohchifo hvt, hvchi a holitopakma, pin Chihowa, micha Chitokaka Chisvs Klaist nan isht i kana pulla ho yvmmak ash hvchi a holitopashke.

CHAPTER II.

Nan ai ghli ya a kvllot iesha hi g i miha ; nan ai ghli laua kvv ai i filvmma he, mikma Klaist i sanali vt Chitokaka yvt ik lo kisha ka, otaiyana hi g anoli;15 vba isht anumpohonli.

1. YOHMI ka itibapishi li vhleha ma ! pin Chitokaka Chisvs Klaist vt vla he, micha il im itvnaha he ak o isht e hvchim asilhvshke.

2. Yohmi ka chekosi, shilombish tikbanli anoli yokma, vbanumpa tosholi yokma, pi holisso hak okma, nana hoh

kia Klaist i nitak vt auet olanlosi hvchi chohmit, hvchim anukfila hvv ik shanaïowot ik hvchi komunto kashke.

3. Hatak nana kia kaniohmit ik hvchi haksecho kashke: vbanumpa ha i filvmmmit ik asho kisha, micha nan okponi ushi, hatak nan ashvchi yvmmvt ik haiako kisha ka, nitak yvmmvt vla he keyu.

4. Yvmmak okvt Chihowa hohchifo, micha i shahli ikbit aiokpvchi puta ka i sanalit ile chahvchit, il i shahlichy yoke: yohmi hosh yvmmvt Chihowa chohmit, Chihowa in tempel a binilit, Chihowa ile mihvt ile haiakvchi hoke.

5. Hvchi takla anta li moma mvt, ilvppa puta ka hvchim anoli li tok a hvch ik ithaiyano hq?

6. Yohmi ka himak ano nitak vt im vlvpiesakmvt otvna hi a, nana hosh halvli ka, hvsh ithaiyanvshke.

7. Na luma chito ik vlvpeso yvt tobt isht ia mashko hoke: himak a halvli kvv halahanla chi; atuk o yvmmak ash o ishit i kanvlichik mak a hi oke.

8. Mikma yohmikmak o nan ashvchi yvmmak ash ot otvna hi oke; yvmmak oka Chitokaka yvt itih ilhfiopak isht illichy he, micha sholpakali hosh ant haiakakmvt, yvmmak ash o akshocha hi oke.

9, 10. Yvmmak okvt Setan nan akaniohmi yo iakaiya kvv, nan isht im ai ghli, nan isht atokowa puta, micha na holabi isht nukhlakancha, mikmvt nan ik vlvpeso isht yoshubli aiena hq il ai ishit illi na bilia he puta ai itin takla ya ayvt otaiyani yvmmak a he oke; okchaya hi atuk kia vbanumpa ghlika ya holitoblit ik yimmo tok okvt.

11. Mikma yakohmi kak o Chihowa yvt nan isht a yoshuba kvvlo kvv ik onvtula im ahni na na-holabi kia i yimma he:

12. Yvmohmi pulla hosh anumpa ghli ik yimmo hosh, amba nan ik vlvpeso aiokpanchi tuk vt momvt nan im vlvpisvt na hotopa hi atok.

13. Yohmi kia itibapishi li Chitokaka i holitopa hvchia ma! hvchishno pulla kak o Chihowa ya yak oke il im aiahnit bilia he vlvpesa hoke. Shilombish isht a kashofa, micha anumpa ghli yimmi pulla hosh hvchi okchaya he ai vmona ka hvchi atokoli tok oke:

14. Yvmmak a hi o pin Chitokaka Chisvs Klaist isht a holidopa ya hvsh isha hi a, yvmmak ash ot pim vbanumpa isht hvchi hohoyo tok oke.

15. Yvmohmi hoka itibapishi li vhleha ma! kvllot hvsh hielashke, micha anumpa vlhpisa puta vbanumpa toshowa hokma, keyukmut pi holisso hokma, nana ho hvsh ai ithvna tuk vt hvsh ieshashke.

16. Mikma pin Chitokaka Chisvs Klaist ilap inli, micha Piki Chihowa, yvmmvt pi hullo, micha nan isht i kana pulla hosh chukvsh isht a nuktaiyala bilia, micha nana isha he ahni achukma ya pihima tok vt,

17. Hvchi chukvsh a hopohlvi cha, anonti anumpa achukma puta, micha nan toksuli achukma aiena ka isht a hvchi hlampkohonchashke.

CHAPTA III.

Vba isht anumpohonla hi a im a sihlha, 1 ; 6 nan ai vlhpiesa ik shana iowo ka he i miha ; nan in takobi, micha nan ik vlhpeso aiena ka ik ai itapeho ka he, 16 isht aiyopichi kvv vba asihlha.

1. ISHTAIYOPI ka itibapishi li vhleha ma! anumpa ilbvsha isht hvsh pi anumpohonli na Chitokaka im anumpa yvt mvlihinlit ayvt, holidopa kvv, hvchim ai yvmohmi kak inli ho chohmashke :

2. Yohmi ho hatak ik vlhpeso, micha hatak nan ashvchi atampa aiena ka il i hlakofa he ak o, hatak moma kvv ai yimmi ka ishi keyu hoka.

3. Yohmi kia Chitokaka yvt na mihvt ai ghlich, yvmmak osh hvchi hlampkochi cha, nan okpulo ya hvchi a filvmmichit hvch iesha hi oke.

4. Mich a hvchishno pulla hokvno Chitokaka ya isht il anukhieto kvv, nana e hvchim apesa tok a hvsh yvmihchi kvv, anonti hvsh yvmihinja chi mak oke.

5. Mikma Chitokaka yvt hvchi chukvsh a apissvlechi na Chihowa ya hvsh i hullo, Klaist atok a chiyuhmit nuktaiyalt hvsh achunanehashke.

6. Yohmi ka itibapishi li vhleha ma! pin Chitokaka Chisvs Klaist a hochihifot isht e hvchim apesa kv̄t, itibapish. kv̄na hosh ai v̄lhpesa keyu h̄o aya, micha anumpa v̄lh̄pisa pim ai ishi tok ak keyu hokvno, hvsh i filvmmashke.

7. Hvchishno ak inli kia kaniohmit hvsh pi ahobacha he v̄lhpesa kv̄t hvsh ithanvshke: hvchi takla il āshwa m̄vt, ai v̄lhpesa keyu ka a pi yvmohmi tok keyu:

8. Micha pilla hatak inla i pvska e pa tok keyu, amba ninak, micha nitak moma ka toksvlit, hoyubl̄it p̄i palvmmi tok, yvmm̄vt hvsh kanima kia nana kv̄t ik hvch̄i kv̄nio ka ch̄i kak atok.

9. Yohmi kv̄t e yvmohma he v̄lhpesa keyu nana tok keyu: amba hvsh piakaiya hi o e hvchim ile haiakv̄chi hatuk oke.

10. Hvchi takla il āshwa m̄vt kv̄na kia toksvla he keyukm̄vt impa he v̄lhpesa keyu, ilvppak oka e hvchim apesa tok.

11. Kanimi kv̄t hvchi takla ai v̄lhpesa keyut aya m̄vt, toksvla he keyu kv̄mohmit, nan isht ahalaia keyu kia isht vt̄vt̄t fullokahanchi ka e haklo hoka.

12. Yvmma chohmi puta kv̄t nuktanlv̄t ahanlv̄t, toksvlit, ilap i pvska vpa he ak o im apesv̄t, pin Chitokaka Chisvs Klaist puyulla mak o il in tonohonchishke.

13. Yohmi kia itibapishi li vhleha ma! nana achukma ka hvsh yvmohmi kv̄t ik hvch in takobokashke.

14. Micha hatak nana hosh pim anumpa holisso ilvppa ik im antiokma, yohmi hvsh ahni cha, takla hvch ik ayo k̄i hofahyashke.

15. Yohmi kia hvchin tv̄nv̄p o ahnit hvchik anukfillo hosh, amba itibapishi h̄a chohmichit nana hvsh i mihashke.

16. Chitokaka it i nanaiyv̄chi ilap ak osh ik kaniohmi kia isht it i nanaiya ȳa hvch ima na biliashke. Chitokaka yvt hvsh moma ka hvch ibafoyukashke.

17. Pal sia hv̄t svbbak fehna h̄o isht hvchi aiokp̄ochi li ka, yvmm̄vt a holisso puta ka isht ithvna mak oke: yakohmi h̄o holissochi lishke.

18. Chitokaka Chisvs Klaist nan isht i kana yvt hvsh moyuma ka hvchi anukfoyukashke. Amen.

HOLISSO UMMONA PAL VT

TIMOHLI YA

I HOLISSOCHI TOK.

CHAPTER I.

Timohli a pit aiokpvchi, mihmvt nana ka isht atokoli tok vt isht i mihaha, 1; 5 nana ho isht ai vhpiesa hosh nan vhpiesa yatuk a anoli; 11 ilap vbanumpa nukfoka tok vt anoli.

1. PI Okchalnchi Chihowa, micha ai okchaya bilia e pihisa he ahnit il anukchieto, Chitokaka Chisvs Klaist ita tuklo ka im anumpa pulla ho, Chisvs Klaist im apostel Pal vt;

2. Nan ai yimmi pulla ho svso fehna Timohli ya pit aiokpvchi hoke; Isht i kana, isht i nukhaklo, micha isht it i nanaiya aiena kvv Piki Chihowa, micha pin Chitokaka Chisvs Klaist ita tuklo ka a mihinti kvv chi anukfoyakashke.

3. Masetonia ya ia li mvt, Efesvs a ish anta cha, kvna kia nana inla isht ik abacho ka chi ka,

4. Mikmvt anumpa ik ahobo, micha in tikba ai unchululit isht auehlnchi isht annoa ataha iksho, yvmmak okvt Chihowa holitobli nan isht ai yimmi i shahlichit nukfohkicha he keyu hosh, iti posilhhvchit ai asha hi a anukfohkichi yvmmak oka isht ik ahanto ka chi ka, ish im apihisa he chim ai ahni li tok a, ish yvmihchashke.

5. Uba nan vhpiesa yokvto chukvsh kashofa, micha im anukfila achukma, micha na-yimmi ai ghli aiena hosh it i hulla he ak q, hoyo hoke:

6. Kanimi kv̄t ilvppa puta kak ō i filvmm̄it, naksika ia cha, anumpa nan ik ahobo anumpuli hoh mak osh ;

7. Ilap okvt̄ nana hō okla miha, miha nana hō kv̄llochit miha aiena kv̄t akostininchi keyu kia, vba nan vlhpisa ithv nanchi ō toba bv̄nna chatuk oke.

8. Yohmi ka hatak okvt̄ ai vlhpiesvchi hosh isht vt̄ta hokma, vba nan vlhpisa yvt̄ achukma hoka il ithanvshke.

9. V̄ba nan vlhpisa yvt̄ hatak vlhpesa yak ō in toba tok keyu, amba vba nan vlhpisa ik ahninchot ik im antio, Chihowa ik holitoblo, nan ashvchi, Chihowa ik im antio, vbanumpa ik ahobalo, iki puta vbi v̄hleha, ishki puta vbi v̄hleha, hatak b̄ika vbi v̄hleha.

10, 11. Haui puta, kv̄na hosh ilap inli kv̄t̄ nakni b̄ika isht ile litehli v̄hleha, hatak b̄ika hukopa v̄hleha, holabi v̄hleha, anumpa kv̄llo il onochit ik ghlo v̄hleha, mikmvt̄ ilap inli isht ilaiyukpa Chihowa im anumpa holitopa, isht v̄m atokowa tok, nan ai ghli yv̄mma i sanali kia yvmohmi v̄hleha aiena kak atok, ilvppa il ithaiyanvshke.

12, 13. Yohmi ka tikba ma vbanumpa ik ahobalo, miha na yimmi v̄hleha i palvmmihinchi, miha chukvsh hotopahanli sia yatuk kia, ai ghli la he v̄m ahnit, pin Chitokaka Chisvs Klaist mihi yosh sa hlampkohonchi cha, vbanumpa isht im vt̄ta yō sa hilechi tok ; yohmi ka nan ik yimmot nan ak ithano hatuk osh, nana ka yvmihchi li tuk osh nan isht i nukhaklo ḡ ahayuchi li tuk vt̄, yak oke im ahni lishke.

14. Yohmi ka pin Chitokaka nan isht i kana yvt̄ l̄awa fehna hatak ō, Klaist Chisvs ai ibafoyuka hosh na sai yimmi cha, nan isht i hullo li tok oke.

15. Nan ashvchi v̄hleha yv̄mma vno ak osh moma i shahli li yatuk ḡ, okchalinya ch̄i hosh Klaist Chisvs vt̄ yakni pakna vla tok, anumpa ilvppvt̄ ai ghli fehna ka vlhpesa ahnit, aiokpancha he vlhpiesa hoke.

16. Yohmi ka nan ashvchi moma i shahli vno yak atuk osh nan isht i nukhaklo yḡ ahayuchi li tok, ilvppak ō himak a pilla ai asha kv̄t yv̄mma i yimmi cha, ai okchayvt̄ bilia isha ch̄i ka, Chisvs Klaist vt̄ vno ak ō nan isht ahobvcha he ak osh ilap nan isht i svlahvt̄ i nukhaklo yḡ otv̄nihincha ch̄i ha tok.

17. Yohmi ka Miko okchayot a bilia, illa he keyu, na holhponayo hvt pisa he keyu, Chihowa hopoyuksa yak banc kak o ahninchit holitohombli na bilia hosh ik biliá. Amen.

18. Tikba nan atokowa isht a chi anoli kv̄t, tikbalichit isht chi otv̄nihinchi yv̄mmak atuk pulla mak o, tv̄shka gh̄li achukma hosh ish tanahampa ch̄i ka, sv̄so Timohli ya nan isht ish ahanta he ilv̄ppa chi atokoli lishke:

19. Ilv̄ppak ash im ai gh̄li achukma kv̄t isht il akostininchi achukma ka ish ieshashke: yakohmit isht il ithaiyana he tuk ash osh kanimi kv̄t kanchi kv̄to, nan ai yimmi ka yash o it a yuhli yoke.

20. Yohmi ka kanimi kv̄t Himenevs, micha Aleksanta ita tuklo kak atuk; yv̄mmv̄t vbanumpa ik ahobalot nan ik mihacho ka ch̄i ka yv̄mmak o ithv̄na ch̄i ka, Setan ḡ im issa li tok oke.

CHAPTA II.

Hatak moma ka v̄ba isht anumpohonla he, mihmv̄t nana kv̄t kaniohmi kak o yakohma hi ḡ anoli, 1; 9 kaniohmit ohoyo hvt shema he: 12 ohoyo hvt v̄ba anumpa isht anumpula he keyu, yohmi kia na yimmi gh̄li hokmv̄t, okchaya he.

1, 2. YOHMI hoka nana ish a yvmohma he v̄mmona kv̄t, Chihowa hvt hatak puta ka i nukhaklo ka yak oke pit im ai ahnit, anumpa ilbv̄sha ish anumpuli kv̄t, Chihowa hvt hatak puta i kanv̄t, miko v̄hleha, micha nan v̄lhtoka v̄hleha aiena ka hopoyuksiacha he ak o ish im asih̄ihla he chi atohno lishke; yohmi kv̄t Chihowa ya e holitobli, micha hatak nana il ai it i kaniohmi puta kv̄t gh̄li achukma hosh il ahanta hok mak osh pi okchaya takla kv̄t, it i hullot it i kanv̄t il ahashwa hinla hoke.

3. Ilv̄ppak okv̄t achukma hoke; yohmi ka pi Okchalinchi Chihowa hvt pisa kv̄t ahninchit hoke:

4. Yv̄mmak okv̄t hatak puta kv̄t vbanumpa gh̄li yoka nukfoyuka cha, okchaya he ak o im aiahni hoke:

5. Yohmi ka Chihowa hvt achv̄fa, micha hatak, Chihowa ita tuklo it i nanaiyv̄chi yvt achv̄fa, hatak Klaist Chisvs ak oke.

6. Yv̄mmak okv̄t moma ka v̄lhtoba mak osh ilap inlit il

im issa kv̄t, anumpa aḡhli ilv̄p̄p̄t ont ai vlhpiesakma anoh̄wa hi a tok oke.

7. Yv̄mmak atuk mak ̄o apostel, micha vbanumpa isht vtta ita tuklo ka si vlhtoka tok oke ; yohmi kv̄t anumpa aḡhli, micha na yimmi imma aiena ka Chentail okla im av̄vchi sia hosh, holabi keyu hosh Klaist isht anumpa aḡhli mak ̄o anum-puli lishke.-

8. Yohmi ka anuktuklo, micha anukhobela aiena iksho hosh, ibbak mvt kashofa achukma bieka hosh v̄ba pit welit, kanima moma ka hatak puta kv̄t anumpa ilbv̄sha ai anum-pohonla hi a im ai ahni lishke.

9. Anonti yv̄mmak ash inli h̄o chiyuhmit, ohoyo puta kv̄t ilefoka ai v̄lli chito, pvl, tv̄li holisso lakna aiena ka isht ik shemo ka he, micha p̄ashi aiena ka yikyuchit ik shemacho ka he ; amba im anukfila puta kv̄t ile oktampilit, hatak ma ik ai okchifelo hosh nuktanlv̄t, ilap isht a shema he ai vlhpiesa ka isht shema he im ai ahni lishke.

10. Amba ohoyo puta kv̄t Chihowa holitobli kv̄t, si anuk-foyuka ahnit il anoli kv̄t, ai yvmohma he vlhpesa, nan isht vtta achukma kak ̄o yvmohmashke.

11. Ohoyo hv̄t ai aḡhlit im antīvt, lumvt maya hosh nana ka ithvnashke.

12. Yohmi ka hatak a ohoyo hv̄t i shahlit, nana ka im av̄vchit ahanta he ak im ahnoshke ; amba lumvt ai asha he im ai ahni lishke.

13. Yohmi ka Alvm ak osh If a tikba toba hatok oka.

14. Mihma Setan vt Alvm a haksichi tok keyu, amba ohoyo hak ̄o haksichi na ai ashvchika ya yvmohmi tok.

15. Yohmi kia vlla ishi kv̄t okeh̄ya he, yohmi kv̄t na yimmi kv̄t ik isso hosh, i hullo, micha chukvsh kashofa h̄o isht holitoblit, ile oktamp̄li hok mak osh okch̄ya hi oke.

CHAPTA III.

Bishop, micha iksa nan isht im vtta, micha im ohoyo aiena kv̄t nana hosh im v̄hltaiyaha he,1; 15 Chihowa in chvch, micha nan ai aḡhli vt ai vl̄vchi ka isht im anumpuli.

1. ANUMPA iluppvt ai aghlishke, yohmi kv̄t hatak kv̄na hosh bishop nan ai isht vtta ishi bvn̄nakmvt, nan ai isht vtta achukma h̄o ishi bvn̄na hoke.

2. Yohmi ka bishop vt̄ anumpa ik achukmo nana kia onvtula he keyu, tekchi achv̄fa ī hatak, nana ka ahah ! ahni, ile oktamp̄li, nana a kaniohmi mvt̄ achukma, hatak ik ithano moma ka ī kana, nana im abv̄chi kv̄t imponna,

3. Oka homi ishko shahli keyu, na fahama keyu, ai vlh-piesa keyu isht a hofahya he nan isht ahayuchi bvn̄na keyu ; amba nuktanlv̄t, ik itachowo, tv̄li holisso ī hullo keyu ;

4. Yohmi kv̄t ilap in chuka chv̄fa ȳa pehlich̄i kv̄t imponna, im v̄lla vhleha hv̄t im antia achukma ch̄i ka yopunla keyu hosh im anukfila nuktanla achukma hosh nana im ap̄i-hisashke :

5. Yohmi ka hatak in chuka chv̄fa pehlich̄i ik ithano kv̄t, katiohmit Chihowa in chv̄ch a apesv̄chi imponna hinla h̄o ?

6. Himona v̄banumpuli toba keyu hashke ; yohmi hatuk mvt̄ ilefeh̄nv̄chi isht a wakayvt̄ hikia hokmvt̄, nan isht ahullo okpulo nan isht ilbv̄sha im vlhpisa tok a chiyuhmit im vlhpisa hinla hoke.

7. Anonti v̄banumpuli keyu aiasha im annoa achukma kv̄t ieshashke ; keyukmvt̄ isht a hofahya, micha nan isht ahullo okpulo nan isht haksichi aiena ka pit itula hinla hoke.

8. Anonti chv̄ch nan isht im vtta yvt̄ yopunla iksho hosh im anukfila nuktanla achukmashke, im anumpa tuklo keyu, oka homi ishko shahli keyu, ai vlhpiesa keyu isht a hofahya he nan isht ahayuchi bvn̄na kv̄yu ;

9. Nan ai yimma hi vt̄ v̄banumpa a luma hatok a im anukfila kashofa achukma hosh isht ieshashke.

10. Yv̄mmak ash ō tikba imomaka pisashke ; yohmi kv̄t anumpa ik achukmo onvtuyula iksho hok mak osh, chv̄ch nan isht im ai vtta ȳa isht vt̄tashke.

11. Tekchi ak kia yopunla keyu hosh im anukfila nuktanla, hotopali bvn̄nvt̄ na-mihachi keyu, nana ka ahah ! ahni, nana moma ka ai aghli banashke.

12. Chv̄ch nan isht im vtta yvt̄ tekchi achv̄fa ī hatak osh,

im vlla vhleha, micha ilap in chuka chvfa yā ai vllhpiesa hosh pehlichashke.

13. Yohmi ka chvch nan isht im vtta nan-ai isht-vtta isht vtta ai ahli yvmmak osh ilap isht hohchifo achukma ka ishi hoke; yohmi cha Klaist Chisvs isht ai yimmi kv̄t nukwaya iksho hosh anukfoyukvt ahantvshke.

14, 15. Chekosikma chim ona la chi, ahni li; yohmi kia anta li hopaki hokma, Chihowa im aboha anukaka, yvmmtv̄t Chihowa okchaya in chvch okvt, vbanumpa ahli ka in tonik, micha in tolahpi yoka, ish a kaniohma he puta kv̄t ish ithaiyana he mak o, ilvppa puta ka pit chi holissochi lishke.

16. Mikma moyuma kv̄t ilvppa ai ahli ai ahnishke; vbanumpa nan otv̄ninchī kv̄t na chinto fehna; yohmi kv̄t Chihowa hv̄t haknip o isht otv̄nit, Shilombish Holitopa ka isht ai ahlit, enchil vhleha hā im a haiakvt, Chentail vhleha hā isht im anuhumpa tok, mihma yakni paknaka yā ai i yihimmi tok o, vba a holitopa ka ik chukowá im ai ahni na pit chukowa tok.

CHAPTA IV.

Nan ai yimmika yā i filv̄mmit akakoha hi ā tikbanli anoli, 1; 6 nana ka a yvmohma he vllhpiesa ka mominchit yvmihcha hi ā anumpa vllhpisa il aiyukali isht i miha.

1. SHILOMBISH Holitopa yvt otv̄ninchī fehna hosh anoli kv̄t, himak a pilla ka kaniohmi kv̄t vbanumpa yimmi tuk vt issa cha, shilombish na yoshubli im antivt, nan isht ahullo okpulo vhleha imma isht vlv̄vchi ka yimmit,

2. Nan ilahobi holabi hosh anumpohonli kv̄t, isht il akostininchī mvt tv̄li lv̄shpa isht luv̄t yikotvt kv̄nia hatuk osh;

3. Nan-itaumwaya im okv̄bichi, micha ilhpak kaniohmi ka ik po ka he aiena ka im apihisa he; ilhpak yvmmak oka anumpa ahli ithana, micha i yimmi aiena hokvto yak oke ai ahnit, habena he mak o, Chihowa hv̄t ikbi tok oke.

4. Yohmi ka Chihowa hv̄t nana moma ikbi tok ā achuk-

ma bano, yak oke ai ahnit habena hokvto, ik ahnincho ka hi g nana kv̄t ikshoshke.

5. Yohmi ka Chihowa im anumpa, micha anumpa ilbvsha ita tuklo atuk mak o yvm̄mak ash ot isht a pim vlhpiesa hoke.

6. Ilvppak o itibapishi vhleha hv̄t ithaiyana he mak o ish nukfoyuki hok mvt, Chisvs Klaist im anumpa isht vtta achukma chia mak a he, na yimmi, micha nan vlv̄vchi achukma ita tuklo isht anumpa ka isht chim vlv̄vchit a chi anukfoyuka hoke.

7. Anumpa kv̄llakshi shukanumpa, ohoyo sipokni nan anoli chohmi ka chik ahnincho hosh, amba Chihowa holitoblit isht ahantashke.

8. Haknip nan isht vtta isht ai achukma hokvto mishema he keyu hoke : amba Chihowa holitobli nana moma ka isht im ai achukma kv̄t, yakni paknaka nan ai isht ai yukpa, micha yakni inla vla he mihinti ita tuklo ka isht ai yukpa he im issa hoke.

9. Anumpa ilvpp̄vt ai gh̄li fehna ka, vlhpesa ahnit, ai okpancha he vlhpiesa hoke.

10. Yohmi ka ilvppak osh yohma ch̄i h̄o, e toksvlit pi hoyv̄blit, isht a hofahya anumpa aiena kv̄t pi onvtohonla kv̄t, Chihowa okchaya ak o il anukchieto ka ; yvm̄mak osh hatak moma okchalinchi, yv̄mma i yimmi hok mak heno gh̄li fehna hosh okchalinchi yoke.

11. Ilvppa puta ka im apesvt ish im abahanchashke.

12. Chi himita kak o isht ik ch̄i yukpo kv̄t kv̄na kia ik anto kashke ; amba nan ish a kaniohmi, ish anumpuli moma, ish i hullo, ch̄kv̄vsh nan isht ish ai ahni, na chi yimmi, haui imma anukfila iksho, ilvppa puta ka ish yvmohmi pulla na na-yimmi vhleha hv̄t chim ai ithv̄v̄t chiakaiyashke.

13. Holisso it im anmpulit nan atohnochit, vbanumpa im av̄vchit isht ish ahanta na ona lashke.

14. Na hv̄lbina chimmi ha he nitak hopaki pilla kash anoh̄owa tok o, vbanumpa isht vtta vhleha hv̄t ibbak ch̄i onochi na chim ai gh̄li tok vt, chi anukfoyuka kv̄t isht chik ahanto ki ná.

15. Ilvppa ish anukfihinli cha, chim anukfila ha a mo-minchit isht ish ahantvt, nana ka i shahlit ish mahaya ka nana moma ka ai otvnashke.

16. Ahah! ish il ahnashke, micha nana ish abahanchi kv̄t ahah! ish ahnashke: yohmi kv̄t yv̄mma achunanchit isht ish mahayashke: ilvppak o ish yvmohmi hokmak osh, ish ile okchalinchikmvt, anonti inlv̄t chi haklc aiena ka ish okchalincha hinla hoke.

CHAPTA V.

Hatak ilaiyuka ka kanimihchit nan i miha he anoli, 1: 5 ohoyo i hatak illi ya nan isht i miha: 17 ikxa nan isht im vtta, 23 Timohli abekoma chohmi aiena ka nan isht miha, 24 kanimi ka nan im ashv̄chika yvt tikba ivt nan v̄lhpisa ka ona, mikma kanimi nan im ashv̄chika yvt himmak o iakav̄t nan v̄lhpisa ka ona.

1. **HATAK** asv̄nochi ka anumpa kv̄llo isht chik im alv̄mmicho hosh, amba i ki chohmichit i kanvt nana ish i mihashke; micha hatak himita v̄hleha hokv̄no itibapishi chohmichit i kanvt nana ish i mihakmvt,

2. Ohoyo sipokni v̄hleha hokv̄no ishki chohmichit i kanvt nana ish i mihakmvt, anonti ohoyo himita v̄hleha hokv̄no hau imma anukfilli iksho hosh, in tek chohmichit i kanvt nana ish i mihashke.

3. Ohoyo i hatak illi v̄hleha hv̄t i hatak illi ahli pulla ka ish holioblashke.

4. Amba ohoyo i hatak illi kaniohmi kv̄t im v̄lla, keyukmvt ipok v̄hleha hv̄t ashakmvt, vmmona nan ithv̄na kv̄t, in chuka mayvt nana achukma ka yvmohmashke; micha ipokni, ishki chohmi ka falaminchit im atobbashke: ilvppvt achukm̄vshke, yohmi kv̄t Chihowa itikba ya ai v̄lhpiesa hoke.

5. Yohmi ka ohoyo i hatak illi ahli pulla, micha v̄lhtakla hokv̄to, Chihowa ak o anukchieto kv̄t, nitak, ninak ita tuklo ka anumpa ilbv̄sha anumpchonlit a bilia hoke.

6. Amba ohoyo i hatak illi yvt haknip nan isht ai yukpa isht ai yukv̄t ahanta hokv̄to, okchaya takla kv̄t illi yoke.

7. Yohmi ka ilvppa puta ka ish im apihisa na anumpa ik achukmo kv̄t ik onvtulo kashke.

8. Amba kanimi kv̄t ilap immi, micha ilap in chuka chvfa a fehna aiena ka ik im atahlo hokmvt, vbanumpa h̄a ik holitoblo kv̄t, nan ik yimmo ak kia ik achukmo kv̄t i shahli hoke.

9. Ohoyo i hatak illi yvt afummi pokoli hannali ka ik ono hokvto, ik iba holisso kashke,

10. Yvmmvt hatak achvfa tekchi atok, nan isht vta achukma ka isht annoa achukma, vlla achukmalit hofanti-hinchi, hatak ik ithano nowvt aya ka nan im atahanli, vbanumpuli holitopa iyi kia im achihifa, ilbvsha ya apelahanchi, nan isht vta achukma puta ka achunanchi biekvt isht ahanta cha tuk mak osh iba holissashke.

11. Amba ohoyo i hatak illi himita vhleha hokvno ish im olvbichashke; yvmmak okvto Klaist im antia ik bvnnot, yakni paknaka nan isht ai yukpa ahnit isht iakmvt, hatak auwaya bvna hinla hoke:

12. Yvmmak okvt na yimmi vmmona tuk vt issa hokvt, isht ilbvsha anumpa hv̄t onvtuyula hoke.

13. Mikmvt anonti nan isht vta intakobi kv̄t, chuka abaiyvchi banot itvnohova; micha nan isht vta intakobi kak bano keyu, amba anumpa chukushpali aiena, micha inla nana im a kaniohmi kak bieka isht ahantvt, nana isht anumpula he vhpesa keyu kia isht anumpuli hoke.

14. Yohmi hoka ohoyo i hatak illi himita vhleha hv̄t hatak auwayakmvt, vlla ishki tobtv, chuka apesvchit anta kv̄t, nana ik achukmo nana kia yvmohmi na vbanumpa i sanali vhleha hv̄t hofahyalit isht ik anumpulo ka he, im ai ahni lishke.

15. Himak a kaniohmi hokvto naksika filvmm̄it Setan a iakaiyvt ia mshko hoke.

16. Yohmi ka hatak, keyukmvt ohoyo na yimmi kani-mampo kv̄t ohoyo i hatak illi yvt i kanomi hv̄t asha hokmvt, yvmma apelahanchi na chvch ak okvto nan isht ik i kvnio kashke; amba ohoyo i hatak illi ahli pulla hokvno apelvchashke.

17. Iksa pehlich i vheha hvt achukmalit iksa pehlich kak osh holitopa kv̄t. i shahlikma, anonti vbanumpa ithv-nanchit isht anumpuli hokak heto i shahli fehnvt holitopashke.

18. Yohmi ka Holisso Holitopa yvt achi kv̄t, Wak tokvli vt onush nihechi ka itih h̄ chik takcho kashke : micha, Na tokvli vt im vlhtoba he ak osh ai vlhpiesa hoke, vchishke.

19. Ubanumpa isht vtta yvt nan ik achukmo kia yvmohmi tok annoa ka ik chi yimmo kashke ; amba nan atokowa anoli tuklo, tuchina kanima hosh anoli hok mak ashke.

20. Amba ashvchi hatuk o mvhli hokmvno, momvt p̄isa h̄, ish im alvmmichashke, yohmi na inla ḡsha kv̄t nukshopa mak inlashke.

21. Nana chim apihisa li kv̄t, Chihowa, micha Chitokaka Chisvs Klaist, micha enchil vlhtoka vheha aiena ka itikba hikia li hosh, ilvppa ish holitobli kv̄t it i shahsholechit, hatak achvfona h̄ i kana i shahlichit nana isht chik im ahanto ka he ahni lishke.

22. Hatak kv̄na kia himak fokalechit ibbak onochit, inla nan ai ashvchi ka chik iba taklo kashke : yvmohmi kv̄t a kashofa hosh ish ahantashke.

23. Himmakma oka kapvssa chik ishko hosh, amba chikfoka ak atuk pulla mak o, micha chi abeka shahli aiena hokvt oka-p̄aki kanomosi ka ish ishkashke.

24. Hatak kaniohmi nan ai ashvchi yvt tikbanli otv̄nit, nan ai vlhpisa itikba ȳ ohona hoke ; mikma hatak kaniohmi hokvno iakaiya hoke.

25. Anonti hatak kaniohmi nana achukma a yvmohmi kv̄t tikbanli otv̄ni akinlishke ; mikma ik yohmo ke tuk vt luma he keyu hoke.

CHAPTA VI.

Yuka hvt nana ka isht ahanta he vlhpesa ka anoli, 1 : 3 ilap vt nan isht ithvnachi tuk ḡ keyu h̄ kv̄na hosh isht ithvnachi hokvno i filvmma he. 6 Chihowa anukfoyuka hokvto nan il ahayuchi,

10 tvli holisso i hullo kv̄t nan ik v̄lhpeso ȳq̄ hakshish; 11 nana h̄q̄ Timohli vt̄ i filv̄m̄mi cha, anonti nana h̄q̄ im antia he: 17 nan in-
lava ȳq̄ nana h̄q̄ im acha hi q̄ im achi.

1. YUKA puta ikunla abana nuta ahanta kv̄t, ilap i na hullo isht a holitopa he v̄lhpiesa ka isht holitobli na Chihowa hohchifo, micha im vbanumpa aiena kv̄t isht ik kv̄llaksho kashke.

2. Mikma i na hullo vbanumpuli yosh āsha hokvt itibapishi hokvt, isht ik i ahno ka he v̄lhpesa keyushke; amba i na-hullo yvt na-yimmi, micha Chihowa i holitopa, micha nana isht ai yukpa vba minti ka it ibai ishi yoka, aiokpanchit nana ka isht im ahantashke. Ilv̄ppa puta kak ō im av̄chit ish ātonohonchashke.

3. Yohmi ka hatak kanima hosh nana inla h̄q̄ av̄chi, micha isht ai achukma anumpa Chitokaka Chisvs Klaist im anumpa, micha Chihowa holitobli nan isht v̄lbahanchi aiena ka v̄lhpesa ik ahnot,

4. Ilefhnv̄chi isht alotvt, nan ithana keyu, amba tasimbot nan isht a ponaklo ak bano isht anumpohonli, micha anumpa isht itachowa aiena yvm̄mak ō a minti hosh nan it i potv̄nno, it i nukowa anumpa, kanimanchit isht anumpuli, anukfila okpulo,

5. Micha hatak im anukfila ik achukmo, micha vbanumpa āhli kv̄t ik im iksho cha, nana ahayuchi kak osh Chihowa holitobli im ahoba hosh, it i kv̄llot anumpuli aiena hoke; yvm̄ma chohmi ka ish il i filv̄mmichashke.

6. A nuktanla hosh Chihowa holitobli kv̄t nana a fehna ahayuchi hoke.

7. Yohmi ka yakni ilv̄ppa nana il īshi hosh e la tok keyu; yohmi kv̄t nana īshit il ia he keyu kv̄t ai āhlishke.

8. Yohmi kv̄t nan ilhpak, micha ilefoka aiena il īshi kv̄t, yvm̄mak oka isht pim ai v̄lhpiesashke.

9. Amba nan in laua he ak bano bv̄nna fehna hokvto, nan isht hokli, nan isht anukpv̄li, micha anukfila ik hopoyukso, micha anukfila okpulo isht ile okpv̄ni aiena ka chukowa, yvm̄mak ash ai okpuloka chinto ka hatak q̄ okai āhambi hoke.

10. Yohmi ka tvli holisso i hullo kak osh nan ik achukmo moma ka hakshish isht a toba hoke; yvmmak o kaniobmi kv̄t anuksitiv̄t hohoyo kak osh, vbanumpa ha i filvmmi cha, nan isht a nukhaklo laua ka isht ile nvhlit ile hlopullihinchi tok oke.

11. Amba chishno Chihowa immi chia ma! ilvppa puta kano ish i filvmmashke: micha ai v̄lhpiesa yvmohmi, Chihowa holitobli, na yimmi, i hullo, nuktanlv̄t achunanchi, anukfila yohbi aiena hak o ish hohoyashke.

12. Na-yimmi isht itibi achukma yvmmak o isht ish itihimbashke; ai-okchayvt bilia ak o kv̄llo hosh ish ieshashke, yvmmak o chishno ak kia isht chi v̄lhtoka tok, micha nan atokowa anoli l̄awa ka itikba yv̄ vbanumpa yimmi isht anoli achukma ka ish il apesa tuk mak oke.

13. Chihowa yvmmak osh nana moma ka ik okchaya, im ahni na okchaya, micha Chisvs Klaist, yvmmak okvt Pontivs Pailat itikba hikia mvt, ai atokowa ghli achukma ka il anoli tok ita tuklo itikba yv̄ hikia li hosh nana chim apihisa li kv̄t;

14. Chishno yvt na-liteha iksho, anumpa ik achukmo chi onvtula he kia iiksho hosh, nan v̄lhpisa ilvppa holitoblit ish ahanta na pin Chitokaka Chisvs Klaist okvt haiakashke:

15. Ai yvmohma he apesa tok nitak yvmma ilap ak bano hosh ithana hosh yvmmak oka haiakvcha he; yohmi kv̄t ilap ak osh nayukpa Miko ak bano, miko moma ka i Miko, micha chitokaka moma ka in Chitokaka yoke.

16. Yvmmak okvt ai illa hi vt ik im iiksho, micha tohwikeli yvmmak oka hatak nana hosh ai ona he keyu ho anukaka ai ahanta hoke; yohmi ka yvmmak oka hatak nana hosh pisa chatuk keyu, micha pisa hi o keyu; yvmmak okvt isht a holitopa, micha nana moma isht imaiya bilia ita tuklo kv̄t immi hashke. Amen.

17. Himonasi im ilayak laua aiasha ka nana ish im apihisa kv̄t, im anukfila chahvt ik ai asho ka he, micha im ilayak ai ghli keyu ka ik anukchieto hosh, amba Chihowa okchaya, yvmmak osh nana isht pim ai achukma he moma ka lauchit pihima kak ashke:

18. Yohmi kv̄t nana achukmv̄li kv̄t nan isht vtta achukma ka isht ahanta fehna kv̄t, hopela hi vt im vltgha, habenv̄cha he vt ahni kv̄t ;

19. Nitak himak a pilla mihinta he ak pulla tuk mak o im ilayak achukma ilap immi mak osh intolahpi bohonli na ai okchayvt bilia ya isha he mak o, ish i mihishke.

20. Timohli ma ! nana chim vlp̄ihisa tok vt ish holiobli kv̄t, vbanumpa isht ik ahalaio isht anumpa, isht ik ahobo anumpa, micha nan ithana ghli keyu it i chilitvt isht it im anumpuli aiena ka chik ahalaio kashke.

21. Yohmi ka kaniohmi kv̄t yvm̄mak o iakaiya miha hosh, vbanumpa ha i shanaiyvt ashv̄chi tok oke. Isht i kana yvt chi anukfoyakashke. Amen.

HOLISSO ATUKLA PAL VT

TIMOHLI YA

I HOLISSOCHI TOK.

CHAPTA I.

Timohli i hullo kv̄t Pal vt isht anumpuli, 1; 6 Chihowa nan isht i ka na anukfoyuka tok vt i shablichit isht im anukfihinla hi na im achi

1. CHIHOWA nana ai ahni ho Chisvs Klaist im apostel Pal vt ai okchaya Chisvs Klaist vt ataiyahli tok a anohonla chi hosh iso i holiropa fehna Timohli ya aiokpvchishke;

2. Nan isht i kana, isht i nukhako, micha isht it i nana ai aiena kv̄t Iki Chihowa, micha pin Chitokaka Chisvs Klaist ita tuklo ka a mihinti kv̄t chi anukfoyakashke.

3. Chihowa ya yak oke im ai ahni li kv̄t, an tikba vheha hv̄t kanihmit aiokpahanchi beka tok a chiyuhmit anukfila kashofa ho isht aiokpahanchi li kv̄t, ak isso hosh nitak, ninak moyuma ka anumpa ilbsha anumpohonli likmv̄t, chithaiyana lishke:

4. Yohmi kv̄t chi nishkin okchi mihinti tok a ithaiyana li mv̄t, chi pisa sa banna fehna, yvmohmit sai yukpa ai ahli fehna hokbano ai ahni lishke;

5. Yohmi kv̄t na yimmi ai ahli kv̄t chi anukfoyuka ka ithaiyana li mv̄t, chipokni Lois ak o vmona ka yvmv̄t anukfoyuka tok osh, anonti chishki Yunis a anukfoyuka tok osh, chishno ak kia chi anukfoyuka ka sai yimmi akinlishke.

6. Yvmohmi hoka sbbak chi onochi li tok ak o nana

Chihowa ish i habena tok vt chi anukfoyuka, yvmma achukmalit ish okchvla chi mak o chim anohonli lishke.

7. Yvmohmi ka anukfila isht nukshopa keyu, amba isht hlampko, mikmvt isht i hullo, mikmvt isht a hopoyuksa aiena anukfila ho Chihowa hvt pima tok oka.

8. Yohmi ka pin Chitokaka im anumpa atokowa, mikmvt yvmma atuk pulla mak o yuka sia aiena ka chik i hofahyo hosh; amba vbanumpa ak atuk pulla mak o nan isht palvmmi puta ka Chihowa hvt chi hlampkohonchi mak o isht ish ibai ilbvshashke;

9. Yvmmak osh pi okchalnchi cha, vba nan isht ilaiyuk pa holitopa ho il iesha he mak o pi atokoli kv, pishno nan il ai isha he ai vlhpiesa kak o yohmi keyu, amba ilap nan isht im anukfihinla hosh, yakni ik tobo pilla kash inli ho ilap isht i kana ya Chisvs Klaist ak atuk pulla mak o pihima kak a tok oke:

10. Amba pi Okchalnchi Chisvs Klaist vt vla kak osh himonasi kvno isht i kana ya otvninchi kv, nan-illi ho imaiyachit kanchi cha, ai okohaya micha ai illa he keyu aiena ka vbanumpa ak pulla kak o isht otvninchishke:

11. Yvmmak atuk pulla mak o vbanumpa isht vtta, micha apostel, micha Chentail vhleha nan im avuchi aiena si vlhtoka tok oke.

12. Yvmmak atuk pulla mak o na-palvmmi puta ilvppa aiena ka pihisa li; yohmi ak inli kia sa hofahya he keyu; kvna ho i yimmi li hatuk vt ithana li hokvt; mikma nana ka isha chi ho ibbak fohki li tok g ishi na nitak yvmma ona he bano ka i sai yimmishke.

13. Anumpa ai ghli achukma is si a haklo tok vt, Chisvs Klaist isht i yimmi, micha isht i hullo aiena ka kvllot ish ieshashke.

14. Shilombish Holitopa pi anukfoka kak osh chi apihinla na nana achukma ish iesha chi ho chima tok g ish ieshashke.

15. Chishno yokvt ilvppa ish ithana; yohmi kv Asia ai asha tuk vt moyumvt g filvmmi kvnia tok: yvmma iba foka kv Fichellvs, micha Hemochenes ita tuklo kak oke.

16. Onesifolvs in chuka chvfa yoka Chitokaka yvt i nuk-

naklok bano, yvmmak okvt sai yukpahanli beka tok oka, mi cha yukvt sa talaiyakchi ka ik sa hofahyo ki tok.

17. Amba Lom a ont anta mvt, achunanchi fehna hosh sa hohoyo cha, si ahayuchi tok.

18. Chitokaka yokvt vlhpesa im ai ahni na nitak yvmmak oka Chitokaka yvt i nukhaklo ka ahayuchi hok bano; micha Efesvs a ont anta li ma, nana lawa kaniohmi ka isht si apelahanchi tok a, chishno yokvt ish ithana fehnvshke.

CHAPTA II.

Timohli vt achunanchit Chitokaka in tishu ai ghla chi ka Pal vt i miha, 1; 16 nana hq abah! ahna he; 24 mikmvt Chitokaka in tishu hvv kaniohmit ai vlhpiesvt im anukfila he im anoli.

1. YOHMI ka svso chia hvv Chisvs Klaist nan isht i kana yoka isht ish hlampkashke.

2. Nan-atokowa anoli lawa itikba yo chishno yokvt nana ka is si a haiyaklo tok vt, yvmmak oka hatak ai ghli achukma inla ai asha ka nan im avvcha he ai vlhpiesa ak inli kak o ish imashke.

3. Yohmi ka Chisvs Klaist in tvshka achukma chia hokvt na palvmmi ish pihisa kvv, vlhpesa ish ai ahnashke.

4. Hatak kvna kia tvshka toba hokvto, yakni ilvppa nana a kaniohmi ka isht atakluma keyu hoke: tvshka atokoli tok ak o yukpala chi hosh yvmohmi hoke.

5. Mikma it i shahlichu a bvna hosh hatak vt achunanchi ak inli mak osh, nan vlhpisa yak o holitoblit achunanchi keyu hokvto, iachukola he keyu hoke.

6. Yakni okchali yvt vmona ka toksvli ha yak osh nawayu yoka ai vpashke.

7. Nana chim ahanchi li ka ish anukfihinlashke; mikmvt nana moma ka ish ithaiyana chi ka Chitokaka yvt chi anukfohki hokbano.

8. Um vbanumpa hak atuk mak o Lewi isht ai unchululi Chisvs Klaist vt illi tuk vt, falamvt tani tok a ish ithaiyavvshke:

9. Yummak atuk pulla mak o nan-ishtakanomi yo chiyuhmit na-palvmmi ka pihisa li hosh, polaka sa talaiyakchi tuk oke: yohmi kia Chihowa im anumpa hokvto talakchi keyu hoke.

10. Yohmi ka ai-okchaya pisa he vlhtoka tok vhleha atuk pulla kak o na-palvmmi puta pihisa li kvv, yummak kia Chisvs Klaist vt ai-okchaya ataiyahli tok a, micha nan isht a holitopa aiena ka isha chi ka si yvmohmi hoke.

11. Ilvppvt anumpa ai ahli yoke: il ibai illi hokmvt, il ibai okchaya chi ak inli hoke.

12. Nuktanlvv il achunanchi hokmvt, il iba mika he ak inli hoke: Klaist a ak ithanoshke, il achikma, ilap ak kia ik pithano ak inla hi oke:

13. Kil i yimmo kia, ilap okvto ai ahlit ahanta: yohmi kvv ik ile holitoblo ka he keyu hoke.

14. Ilvppa puta ka ithana chi mak o ish ithvnanchashke: yohmi kvv anumpa illa nan isht achukma he keyu, amba haklot maya kvv isht ai okpula hi okvno isht itachovvt ik ai asho ka hi o, Chitokaka itikba ya anumpa ai ahli ka isht ish im apihisashke.

15. Vlhpiesa chi ahni ho Chihowa itikba ya ish hikia chi kvv ish achunanchashke; yohmi kvv ish a toksvli tuk vt isht chi hofahya he keyu hosh anumpa ai ahli yoka, moyumvt ai isha he ai vlhpiesa ka, ish ita kvshkolashke.

16. Yohmikmvt vbanumpa isht ik ahalaio isht anumpa, isht ik ahobo anumpa puta kvno ish apakfopashke; yvm-mak okvt Chihowa ik holitoblo i shahli ka ikba hinla hoke.

17. Mikmvt im anumpa hvv kanka yo chiyuhmit okpahana hi oke: yummak oka iba fokv kvv Himenevs, micha Filetvs ita tuklo kak oke.

18. Yummak okvt nan ai ahli ka i filvmmi kvv, illi falamvt tani yvt ant ia tok ahanchi kak atok; mihmvt na yimmi kaniohmi ka okpvni hoke.

19. Yohmi kia Chihowa im intolahpi yvt kullo ai ahli hoke: anumpa ilvppak osh ai o holisso kak o, Ilap immi ka Chitokaka yvto ithana hoke. Mikmvt Klaist hohchifo hohchihifo kvv moyumvt nan ai vlhpesa keyu ka i filvmmashke.

20. Yohmi kia chuka chinto anukaka ya nan ai vlhto tvli holisso lakna, micha tvli hvta isht a toba aiena kak bano hosh fokka chatuk keyu, amba iti, micha lukfi isht a toba kak kia aiena ak inli chatuk; yohmikma kaniohmi kvto isht a fehnakma, kaniohmi kvto isht a kvllakshi chatuk oke.

21. Yohmi ka ilvppak ash kvna hosh ai i filvmmi hok mvto, nan ai vlhto holitopa hosh kashofvt, i shahli ha isht im ahanta chi kvv im vlhtaha hosh, nan toksvli achukma puta ka isht ahanta chi kvv im vlhtaha hoke.

22. Havi anukfila himita immi ha tvshpvt ish i filvmmi mak inlashke; amba nan ai vlhpesa, nan ai ghli, it i hullo, micha it i nanaiya aiena ish yvmohmi kvv, chvkvsh kashofa Chitokaka isht a hochihifo kak o ish ibai achvfashke.

23. Amba isht a hopoyuksa he keyu anumpa tasimbo yokvno chik ahalaio kashke; mikmvv yvmmak okvt itachowa ikbi yoka ish ithanashke.

24. Mikmvv Chitokaka in tishu hokvt itachowa he vlhpesa keyu, amba hatak moma i kana, nan im avvchi kvv imponna, nan im okpulo isht ilbvaha kia, nuktanla aiena vlhpesa:

25. Im anukfila yohbi hosh vbanumpa i sanali vhleha yoka nan im avvchi vlhpesa; yohmik mak o Chihowa hvv nukfovki na ile kostininchit, vbanumpa ai ghli ka achukmalit ithana yoba na:

26. Yohmikmvv nan isht a hullo okpulo i nan isht hokli ya ai i hlakofa hinla; yvmmak osh ilap ai ahni hosh yvmmak ash o yukahanchi hatuk oke.

CHAPTER III.

Nan ik vlhpeso nitak vt vla hi a tikbanli anoli, 1; 6 vbanumpa in tvvvp vhleha ha otvvinchi; 10 Timohli vt ilap ak o nan im ai ithvvtvvt iakaiya he isht miha; 16 mihmvv Holisso Holitopa ya ahnichit isht anumpuli.

1. ILUPPA ish ithana mak inlashke: yohmi kvv nitak ishtaiyovpit mahayakma, nitak yvmmvvt nan isht a palvmmvvt alotova hi oke.

2. Yohmi ka hatak vt ilapunla he, tvi holisso i hullo, nan isht ilauata, ilefehvechi, vbanumpa ik ahobalo, iki, ishki ita tuklo ik im antio, Chihowa ya yak oke ik im ai ahno, Chihowa ya ik holitoblo,

3. Im vlla i hullo ik im iksho, nan it im vhpisa kobvfi, inla aholvbechi, ile oktampli ik ithano, anukfila yohbi iksho, hatak hochukma moyuma ka ik i hullo,

4. Ilap i yimmi tuk kia haksichi, ahah! ik ahno, anukfila chaha, haknip nan isht ai yukpa yak bano ho i hullo kvv Chihowa ya im i shahli;

5. Chihowa ya holitobli ilahobi kia, ai ahli ka ona hosh yohmi keyu ka he: yvmma chiyuhmi hokvno ish i filvm-mashke.

6. Yohmi ka ilvppa chiyuhmi kak osh chuka ya chukovvt, ohoyo im anukfila iksho, ai ashvchika isht ompoholmot kvnia, anukfila ik achukmo ilaiyuka ka im antivt ahantvt;

7. Nana ka ithahantv bilia kia, anumpa ai ahli kvno achukmalit ithvna he keyu puta ka yukahanchi hoke.

8. Yohmi ka Channes, micha Chambles ita tuklo kvv Moses a i sanali tok oka, ilvppak ash kia hatak im anukfila okpulot kvnia, na yimmi kvv ai vhpesa keyu hosh anumpa ai ahli ya i sanali mak inlishke.

9. Yohmi kia himak a pilla ma achakalit ia he keyu; yohmi kvv Channes micha Chambles ita tuklo atok a chiyuhmit, yvmmvt nana a kaniohmi kvv ai vhpiesa keyu kvv hatak puta ka im otvna chi mak inlishke.

10. Amba nana abahanchi li, kaniohmit ahanta li, nan isht vm anukfihinla, nan isht ai ahanta la he tuk vt ai ahli li, nan ilvsha pihisa li kvv sa nuktaiyala, nan i hullo li, nuktanlvv achunanchi li,

11. Antiak, Ikonivm, Lista aiena ka ahanta li ma, kani-mihchit a sa hotopahanli na svlbahasha, nan isht ilvsha kaniohmi ho pihisa li tok a chishno yokvt ish ithana feh-vashke: yohmi kia Chitokaka yokvt yvmma moyuma ka a sa hlakofihinchi tok oke.

12. Ahli mvhli, Chivsv Klaist ibai achvfa hosh Chihowa

im ai ghli bunna moyuma kv̄t nan isht a hotopa he pihisa pulla hi oke.

13. Amba hatak ik v̄lhpeso, micha na yoshubli aiena kv̄to nan ai v̄lhpesa keyu yohmi kv̄t ī shahlit mahaya hi oke: yohmi kv̄t ilap vt yoshuhumba hatuk osh inla ya yoshuhumbla hi oke.

14. Amba nana ka chishno yvt ish ai ithvna tuk vt, ai ghlit chi yimmi hatuk okvt ish mahayashke: yohmi kv̄t kvna h̄o ish im ai ithvna tuk vt ish ithaiyanvshke.

15. Mikmvt yv̄mma ish ithana kv̄t vlla chi tomba kash inli hosh Holisso Holitopa ak ō ish ai ithvna tok; yv̄mmak okvt chi hopoyuksacha hinla h̄o Chisvs Klaist a ī yimmit isht chi okchaya hi oke.

16. Holisso Holitopa moma ka Chihowa hv̄t nukfohkichi h̄o holissohonchi tok oka; nan isht v̄lv̄chi, nan isht ai atokowa, nan isht kostinichi, nan ai v̄lhpiesa aiena isht pithvnanchi achukma hoke.

17. Yohmi hatuk ō hatak Chihowa immi hv̄t ai ghli hesh, nan toksv̄li achukma puta ka isht ahanta ch̄i kv̄t im vltaha achukma hinla hoke.

CHAPTA IV.

Ai ghlit nan a kaniohma he v̄lhpesa kv̄t yv̄mihcha ch̄i ka i miha, 1; 6 ai illa he nitak vt im atikeli, mihmvt v̄ba achukma ka pisa ch̄i im ai ghli kv̄t im anoli; 9 chekosi im v̄la ch̄i ka ī miha; 16 nan ī palv̄m̄mi v̄mmona ka nana kv̄t kaniohmit onotuyula tok ā anoli.

1. **CHIHOWA**, micha Chisvs Klaist yv̄mmak osh ilap apelihika ish̄it haiakakmvt, okchaya, micha illi tok aiena ka nan im apihisa he itikba yā hikia hosh na ch̄i miha lishke.

2. Yohmi kv̄t v̄banumpa h̄a isht ish anumpohonlashke, yohmi kv̄t nitak ai yv̄mohma he ai v̄lhpiesa, ai v̄lhpiesa keyu aiena ka ish achunanchashke; ai atokolit im anumpo honlit, im alv̄m̄minchit nuktaiyala hosh nana ka ish im abahanchit ish atohnonchashke.

3. Yohmi ka v̄banumpa ai ghli ka haklo ik bunno ka hi ā

nitak vt vla hi oke: haksobish yauohlich i shi cha, ilap im anukfila okpulo ilaiyuka im antia kak osh nan-abvchi lawa ka il im itvnahanla hi oke:

4. Mikmvt vbanumpa ai ahli ka haksobish a isht i filvm-mitkvnia cha, anumpa ik ahobo yak o haklo bvna toba hi oke.

5. Amba chishno yokto nan okluha ka ahah! ahnit, nan iibvsha chi onvtuyula kia chi nuktanlv, vbanumpa isht anumpuli yvt nan isht ai vtta he tuk a isht ahantvt, vbanumpa isht ish ahanta hi atuk vt ish ai ahlich i fehnashke.

6. Yohmi ka svlla chi kv anumpa hvt si onvtula ho, a svlla chi kv atukonofvshke.

7. Itibi achukma ka itihimbit atahli lishke, nan isht ai ahanta la hi atuk vt atahli lishke, vbanumpa sai yimmi kv ai ahli hosh achunanchi lishke:

8. Yohmi hoka himak a pilla ma nan isht ai vlhpiesa ia-chukoli la he vmmi ituyula, yvma nan ai ahli apesa, Chitokaka yvt nitak yvmak fehna ka vma hi oke: yohmi kv vno ak bano ho vma he keyu, amba ilap vt vla ka i hullo moyuma aiena ka ima hi oke.

9. Chekosi chim vlhtaha pulla cha, ai ahanta li ka ish lashke.

10. Yohmi ka Temas vto himonasi yakni ilvppak inli kak o i hullo hatuk osh, svsvt ia tok: yohmi tuk osh Hlessalonika ya ia tok: Klesens vto Kaleshi yak o ia ma, Titvs vto Talmasia yak o ia tok.

11. Luk ak bano hosh si awant anta hoke; Mak ano ilauelit ish lashke; yvmak okvt vbanumpa isht ai vtta ya a si apela hinla hoka.

12. Yohmi ma Tikikvs ano Efesvs a ia chi ho tohno li tok.

13. Nowvt aya anchi chito ya Kapvs Tloas anta ka ibbak fohki li tok a ish mintikmvt, isht is sum vlashke; yohmikmvt holisso moma, micha tvlhko holisso yokak heno isht ish la pullashke.

14. Aleksanta tvli lakna nan isht ai ikbi yvt nan ik achukmo ilaiyuka si onohonchi tok: ilap nana a kaniohmi tok ak o Chitokaka yokvt isht im atobbashke.

15. Yvmmak oka ahah ! ish im ahni mak inlashke ; yvm-
mak okvt pim anumpa moyuma ka i sanali fehna hatuk
oka.

16. Ummona isht il anumpuli li kvno hatak achvfa kia si
awant hikia tok keyu ; amba hatak moma kvv svsvt ia tok ;
yvmma yvmohmi tok vt isht ik onvtuyulo hok bano ai ahnit,
Chihowa ya im ilbvsha lishke.

17. Yohmi kia Chitokaka yvt si awant hikia tok ; michr.
sa hlampkohonchi na vbanumpa isht anumpohonli li chatuk
vt ai ghli fehvt vno ak o isht ai otvni hq, Chentail moyu-
ma kvv haiyaklo tok : yohmi ma koi chito itakha ya sa koh-
chi tok.

18. Yohmi ka Chitokaka yvt nana a kaniohmi ik achuk-
mo moyuma ka a sa hlakfihinchi cha, sai okchalinchit ilap
vba apehlichika ya isht sai ona hi oke : yvmma isht a holito-
pa yokvt immit biliashke. Amen.

19. Pliska, micha Akuila, micha Onesifolvs in chuka chv-
fa aiokpvchi.

20. Elastvs vto Kolinhla yak o anta tok ; amba Tlofimvs
vto abeka hosh Miletvm ak o itonla hq issvt minti li tok.

21. Chim vlhtaha pulla cha, ik hvstulo kisha hq ish
lashke. Eubulvs vt pit chi aiokpvchishke, micha Putens,
Linvs, Klautia, micha itibapishi moyuma kvv pit chi aiokpv-
chi mak inlishke.

22. Chitokaka Chisvs Klaist vt chimi shilombish a iba-
foyukashke. Isht i kana yvt chi anukfoyukashke. Amen.

HOLISSO PAI 'T

TITVS A

I HOLISSOCHI TOK.

CHAPTA I.

Titvs g pit aiokpvchi, mihmvt nana kaniohmi hq Kleti g anta he im ahni tuk vt anoli, 1; 6 vbanumpa isht vttta yvt kaniohmit nan im ai vhltaiyaha he; 11 nan ik vlpeso anumpulit nan ithvnanchi itakha yvt issa he isht anumpuli.

1. PAL, Chihowa in tishu, micha Chisvs Klaist im apostel okvt, vbanumpa hq anohonli na okchayvt bilia he Chihowa hvt im ahni tok vhleha hvt yimmi cha, anumpa ai ghli ka achukmali fehvt ithvnt, Chihowa hq isht a holitobla hi atok;

2. Yohmi cha ai okchayvt bilia pisa he ai ahna hi atok, yvmmak oka Chihowa holaba he keyu yvt, nana puta kvk ik tobo pilla kash inli hq, im ihisa tok;

3. Yohmi tok osh ont ai vlpiesa ma nan im ihisa tok vt vbanumpa isht anumpohonli hq isht otvnihinchi; yvma vno ak osh isht anumpohonli la he vm vlpisa kvk, Chihowa pi Okchalinchi nan apihisa tok mak o yvmohmishke.

4. Yohmi kvk nan isht a pi yimmi pulla kak o svso, Titvs g, pit chi aiokpvchi lishke: Nan isht i kana, i nukhaklo, micha isht it i nanaiya aiena kvk Piki Chihowa, micha pi Okchalinchi Chitokaka Chisvs Klaist ita tuklo ka a mihinti kvk chi anukfoyukashke.

5. Kleti g ish anta he chim ai ahni li kv̄t ilvppak atok ; nana kv̄t ik vlhtaho puta tuk g achukmalit isht ish ahanta kv̄t, chim apesa li hatuk oka, vbanumpa isht vta ya tmaha puta ka ish ai atokohonlashke.

6. Kanima ka anumpa ik achukmo kv̄t onvtonla he keyu, oloyo achvfa i hatak, im vlla mut vbanumpa yimmi nan isht yopomo anumpa kia onvtonla he keyu, micha ilapunla keyu hok mak o ish atokolashke.

7. Yohmi ka bishop vt Chihowa nan im apesvchi yatuk osh, anumpa ik achukmo kia onvtula he keyu hō pullashke : ilap ai ahni keyu, nokowa shahli keyu, oka homi ishko shahli keyu, na-fahama keyu, ai vlhpiesa keyu isht a hofahya he nan isht ahayuchi bv̄nna keyu ;

8. Amba hatak ik ithano i hullo, hatak achukma puta ka i hullo, kostini, ai vlhpiesa, Chihowa holitobli, ile oktamp̄li ;

9. Mikmut anumpa ai ghli im vlbahanchi kash o kv̄llot halv̄lli hosh, nan isht vl̄vchi ai ghli ka isht im abahanchit, vbanumpa i sanali vhleha hā nan i mihvt im alv̄mminchi mak inlashke.

10. Yohmi ka ilapunla, nan ik ahobo isht anumpuli, micha na haksichi yvt laua fehna hosh ai asha hoka, mikmut hakshup t̄vpa vhleha hokak heto laua hoke :

11. Yv̄mma itih hv̄t vlhk̄vma pullashke, yv̄mmak osh chuka chvfa moma ka ai ghli ka i filv̄mmihinchi kv̄t, ai vlhpesa keyu isht a hofahya he nan isht ahayuchi bv̄nna kak osh, yohma hi atuk keyu kia nana ka abahanchishke.

12. Ilap ai achvfa, ilap i hopaii atuk ak inli hosh na miha kv̄t, Kletian vhleha hv̄t holabi kak bano chatuk, nampoa okpulo, intakobi, isikopa aiena hoke, achi tok.

13. Anumpa atokowa ilv̄ppvt ai ghli hoke ; yohmi hoka vbanumpa yimmi kv̄t ai ghla ch̄i mak o, hotopalit ish im alv̄mminchashke :

14. Yohmikmut Chu im anumpa ik ahobo, micha anumpa ai ghli ka i filv̄m̄mi hatak nan apihisa aiena ka chik im antio kashke.

15. Yohmi ka kashofa hokvno nan oklyha kv̄t i kashofa hoke ; amba ik kashofa, na yimma he keyu hokvno nana kia

ak i kashofo hoke ; amba nan ahni, micha isht il akostininchi aiena kv̄t litehvt kv̄nia hoke.

16. Yohmi kv̄t Chihowa h̄a ithana, miha kv̄t il otv̄ninchi **ak** inli kia, nana a kaniohmi puta kv̄t isht ik holitoblo, na yimma he keyu, mikmvt nan toksvli achukma puta ka ik ai **ahlo** hoka i yuwala he v̄lhpesa hoke.

CHAPTA II.

Nana h̄o isht anumpulit abahancha hi a, mikmvt kaniohmit ai v̄lhpie-
sv̄t aya hi a Titvs a im apesa, 1 ; 9 yuka, micha hatak moma kv̄t
nan akaniohma he v̄lhpesa ka anoli.

1. **AMBA** chishno yokvto nan okluha kv̄t nan isht v̄lv-
chi achukma ka isht ai **ahli** kak o isht ish anumpohon-
lashke ;

2. Yohmi kv̄t hatak asvnochi puta kv̄t ahah ! ahni, yo-
punla iksho hosh im anukfila weki achukma, kostini, vba-
numpa yimmi, it i hullo, nuktanlv̄t achunanchi aiena kv̄t ai
ahlashke :

3. Mikma ohoyo asvnochi puta kv̄t vbanumpuli yokvt ai
yvmohmi v̄lhpiesa kak o yvmohmi mak inlashke ; inla aho-
lvbechi keyu, oka homi yoka i yuhuka keyu, nana hochuk-
ma ka abahanchashke :

4. Yohmi kv̄t Chihowa im anumpa hv̄t ik kv̄llaksho ka
chi ka, ohoyo himita puta kv̄t ile oktamp̄li, i hatak i hullo,
im v̄lla ȳg i hullo aiena ;

5. Mikmvt kostini, havi anukfila iksho, ilap in chuka an-
tv̄t, nan isht ahanta, hochukma, ilap i hatak im antia achuk-
ma aiena chi ka im abahanchashke.

6. Hatak himita puta mvt ile oktamp̄la chi ka nan ish i
mihija mak inlashke.

7. Nan okluha ish a kaniohmi kv̄t nan toksvli achukma
puta isht ai ithvna yo ish il otv̄nihinchashke : nan ish aba-
hanchi kv̄t ai **ahli** kak bano, yopunla keyu hosh anukfila
weki achukma hosh ish im abahanchashke ;

8. Yohmi kv̄t anumpa achukma isht ai i sanala he iksho

hō ish abahanchashke ; yohmi na kvna hosh chī sanali hatak mvt, nan ik achukmo nana kia isht chi anumpula he iksho kv̄t hofahyashke.

9. Yuka puta kv̄t ilap i na-hullo yoka im antia, micha nan okluha ka isht ai yukpali, a sanalit ik anumpulo ka he ;

10. Micha ik hukopo, amba nan okluha ka ai ghli achukma he ; yvmohmi cha Chihowa pi Okchalinchi im anumpa hā nan okluha ka isht a holitobla chī ka ish i mihhashke.

11. Yohmi ka Chihowa isht i kana yak osh ai okchaya ishi kv̄t hatak puta ka im otvni tok oka,

12. Yvmmak osh pim abahanchi kv̄t, Chihowa isht ik holitoblo puta, yakni ilvppak inli anukfila okpulo ilaiyuka ka isht kil ahanta ka he, amba ile oktamp̄li, hatak bika it im ai ghli achukma, micha Chihowa yā holitobli hosh himonasi yakni ilvppa il ahanta he ;

13. Mikmvt ai okchayvt isht il ai yukpa bilia, micha Chihowa Chitokaka, pi okchalinchi Chisvs Klaist vt isht a holi-topa ieshi hosh haiaka hi ā pit hohoyot il ahanta he ;

14. Yohmi kv̄t yvmmak ash osh ai ashvchika puta ka a pi hlakofihinchi cha, pi kashofi na ilap immi okla holitopa fehna e toba cha, nan toksvli achukma puta ka a yiminta hosh isht il ahanta he mak o, pi vlhtoba hosh illi tok.

15. Ilvppa puta kak o ish anumpulashke, yohmi kv̄t Klaist im anumpa ai ghli ka nan isht a mihvt ish im olahambashke. Yohmi na hatak nana kia ik chi shitlemo kashke

CHAPTA III.

Nana hō ithvnancha he, mikmvt nana hō ik ithvnancho ka he aiena ka Titvs ā im av̄chi, 1 ; 12 im v̄la hi ā pit i miha.

1. MIKO, nan apesa, nan vlhtoka vhleha moyuma ka im antia achukma, nan toksvli achukma puta ka isht ahanta chī kv̄t im vlhtaha he,

2. Hatak nana kia kvllakshichit isht ik anumpulo, it i nokowvt ik itachowo, amba anukfila yohbi, hatak moma ka i kana aiena he mak o, ithana chī ka ish im anohonlashke.

3. Yohmi ka pishno ak kia tikba hokvno nana kil ithano, Chihowa kil im antio, pi yoshubvt, anukfila okpulo ilaiyuka, micha haknip isht ai yukpa aiena ka i yuhukvt, hotopali bvna, it i potvno aiena isht il ahanta kv, nan isht ik pi ahobo fehna hosh it i nukkillit il ahanta tok.

4. Yohmi tok kia Chihowa pi okchalinchi yvt hatak isht i kana, micha isht i nukhaklo aiena kv otaiyani ha yano,

5. Nan ai vlhpiesa isht ahantvt il atahli tok ak o keyu, amba pi nukhaklo kak osh himona toba isht vlhchihifa kv, Shilombish Holitopa yak o himona isht a toba ho isht a pi okchalinchi tok oke ;

6. Yohmi kv yvmak ash o Chisvs Klaist pi okchalinchi yvt nan atahli tok ak pulla kak o, lauachi fehna hosh pi o fohobli tok :

7. Yohmi na isht i kana yo isht a pi vlhpiesa hosh, ai okchayvt bilia il isha he pim ai vlhpiesa hosh e toba hinla hoke.

8. Anumpa ilvppvt ai ghli yoke, yohmi kv nana yvmak ash puta ka kvlochi fehna hosh isht ish anumpohonla he chim ai ahni li ; yohmi na Chihowa i yimmi tok vhleha hvt ahah ! ahnit, nan toksvli achukma puta ka achunanchit isht ahantashke. Nana ilvppa puta kv achukma, micha hatak a isht im achukma hoke.

9. Nan isht a ponaklo isht ik ahobo, in tikba ai unchululit isht auehinchi isht annoa, nan isht itachowa, micha Chu i nan vlhpisa isht itachowa aiena ka chik ahalaio kashke ; yvmvt nan isht ik ahobo, micha nan isht ai achukma hi vt iksho hoka.

10. Hatak kvna hosh vbanumpuli iksa i sanalit it a kvshkoli bvna hokma, vmmona, micha atuklant ish im olabi ha yoka yvmihchi kv imoma hokma, chik aiokpancho kashke.

11. Yvma chiyuhmi hokvto ai ghli ka i filvmmiit kvnia hosh, nan ashahanchi kv, ilap inli kv ik ai ghlo kv otvninchi hoka ish ithaiyanashke.

12. Tikikvs, Atemas, kanimampo ka pit chim pila li hokma, Nikopolis ak o anta li hoka ik kanihmi kia ish la pulashke : hvshtula ya yvmak o anta la chi hoke.

13. Nan vlhpisa imponna Senas, micha Apollos ita tuklo kv̄t im vlhtaha achukma cha, nana a b̄onna kv̄t ik im iksho ka ch̄i ka ish im atahli cha, auet ish pilashke.

14. Mikma pimmi yokv̄t nan isht ai v̄ni ik im iksho hosk ik anto ka ch̄i kv̄t, nana ka ai yvmohma he ai vlhpiesa nan toksv̄li achukma puta ka achunanchit isht ahanta ch̄i kv̄t, moyumv̄t ithv̄na mak inlashke,

15. Si apiha kv̄t moyumv̄t pit chi aiokpv̄chishke. Na yimmi pia h̄a p̄i hullo ka moyuma ish aiokpv̄chashke. Isht i kana yv̄t hv̄sh moyuma ka hv̄chi anukfoyakashke. Amen.

HOLISSO PAL V T

FILEMON A

I HOLISSOCHI TOK

Filemon ą pit aiokpuchi, mihmvt na yimmi, micha nan isht i hullo aiena kv̄t anukfoyuka ka haklo mvt, na yukpa; yohmi hosh in tishu Onesimvs ą nana ka i kashofi cha, atuklanchit i hullot aiokpucha chi ka ahni fehnvt miha.

1. PAL, Chisvs Klaist ak atuk pulla mak o yuka, micha il itibapishi Timohli yvt pi holitopa, il itiba toksvli Filemon,

2. Mikmvt pi holitopa Affia, micha tvshka il itilauī Achipvvs, micha chvch chin chuka ąsha aiena ka pit hvchi aiokpvchishke :

3. Nan isht i kana, micha isht it i nanaiya ita tuklo Piki Chihowa, micha Chitokaka Chisvs Klaist aiena ka a mihinti kv̄t hvchi anukfoyukashke.

4. Anumpa ilbvsha anumpohonli likmvt, chithaiyana li kv̄t,

5. Chitokaka Chisvs Klaist oka ish i yimmi, micha vbanumpuli vhleha hą ish i hullo aiena ka habaklo li kak osh, Chihowa ya yak oke im ai ahni lishke.

6. Na yimmi chi anukfoyuka kv̄t ai ąhli fehnvt otahani na Chisvs Klaist isht a holitopa he mak o, nana achukma puta kv̄t chi anukfoyuka ka ai ithaiyana hokbano, ai ahnit asilhha lishke.

7. Yohmi ka chishno ak atuk pulla mak o vbanumpuli vhleha chukvsh vt yuhkpa hoka, isht ish i hullo ka isht a pi nuktola, micha isht a pi yukpa chintoshke, itibapishili ma !

8. Yohmi ka Klaist immi sia hokvt nana ka nukwaja iksho kamohmi hosh a chim ai vlhpiesa ka chim apesa la he vlhpiesa kia,

9. Pal sipokni, micha Chisvs Klaist ak atuk pulla mak o yuka ma aiena mih sia hash osh, isht i hullo li pulla atuk mak osh chim asilhha li kak osh vm i shahlishke.

10. Yuka hosh anta li mvt, tobachi li tok svso, Onesimvs ak atuk pulla mak o chim asilhha lishke.

11. Yvmmak okvt tikba hokvno nan isht chim ai achukma iksho ki tok kia, himonasi kvno chishno, micha vno il ita tuklo ka isht pim ai achukma fehvshke.

12. Yvmmak oka falaminchit pila lishke; sa chukvsh chiyuhmi hoka i kanvt ish ishashke.

13. Yvmmak okvt si awant antvt, vbanumpa ak atuk pulla mak o yuka hosh anta li ka, chishno ak a he tuk mak o chi vlhtoba hosh nana kia isht vm ahanta he im ai ahni la he vlhpiesa kia;

14. Yohmi kia chishno chim anukfila keyu ka, nana kia yvmohmi la he ak ai ahno: yohmi na nana achukma ish yvmohmi kvk ik kaniohmi kia ish yvmohma hi atuk o keyu, amba chishno inli chim anukfila kak ashke.

15. Yohmi ka yvmmak okvt hvshi kanvli achvfa chohmi itin takla ho chi filvmmi na yvmmak ash ish ishi na bilia hi atuk yoba ka;

16. Yohmi ka yuka keyu, yuka kano i shahli, vno yvt itibapishi li a holitopa ho fehna, amba chishno yokak heno a chimmi, micha Chitokaka ibai achvfa hokvt chi holitopa kvk i shahli fehna hinla keyu?

17. Yohmi ka chibai achvfa li ka is si ahni hokmvt, vno ak a he tuk ma chiyuhmichit i kanvt ish ishashke.

18. Nana kia chim okpni tok, micha aheka kia chin takanli hokma, vno ak o aheka is svm ikbashke.

19. Pal sia hvv vno svbbak ak inli ho isht holissochi li kvk, atobbi la he mak oke; yohmi kia is svm aheka kvk chishno yak fehna kak kia is san takanli ak inli ak chim achoshke.

20. Ahlishke, itibapishi li ma! Chitokaka ish ibai achvfa

hoka nana isht chi a sai yukpashke; Chitokaka ish ibai achvfa hokvt is sa nuktalalashke.

21. Is svm antia hinla ka chī yimmi li, micha nana achi li ka i shahli ak inli ish yvmihcha chī ka ithana li aiena hatuk osh, chī holissochi li tuk oke.

22. Yohmi kia ai-vtta la chikma, aieninchit is svm atah-lashke: yohmi kv̄t anumpa ilbvsha ish anumpohonli hatuk mak o chim ona la he ai ahni lishke.

23. Chisvs Klaist ak atuk mak o yuka sa bika Epafias vt pit chi aiokpvchishke.

24. Maks, Alistachvs, Temas, Lukas it ibai toksvli li vhleha aiena kv̄t pit chi aiokpvchishke.

25. Pin Chitokaka Chisvs Klaist isht i kana yvt chi Shilombish q̄ ibafoyukashke. Amen.

HOLISSO PAL OT

HEBLU OKLA HA

! HOLISSOCHI TOK.

CHAPTA I.

Klaist vt Iki Chihowa ya itilaui kv̄t annoa, 1: 4 enchil puta i shahli fehna; 14 enchil v̄hleha hv̄t nan isht ai vtta ka anoli.

1. **CHIHOWA** hv̄t nitak chashpo ilaiyuka, micha a kaniohmi mv̄t ilaiyuka hosh pin tikba v̄hleha hopaii v̄hleha ak o isht ai im anumpohonli kv̄t,

2. Polaka ilv̄ppvt ai ishtaiyopi mak o ilap Ushi yo isht a pim anumpohonli kv̄t, yvm̄mak osh nana moma ka iesha he im ai v̄lhpiesa mak o atokoli tok; micha v̄ba yakni, micha yakni ilv̄ppa a moyuma ka yvm̄mak ash o isht ai ikbi ak inli tok:

3. Yvm̄mak ash osh Chihowa isht a holitopa shohmalali, micha Chihowa mih fehna yatuk, micha nan okluha ka im anumpa kv̄llo ai ghli kak o isht ieshi hosh ai ashv̄chika isht a pi kashofa hi ḡ ataiyahli tok osh, Nan okluha imaiya v̄ba chaha moma i shahli ka a binili im isht impak imma ak o binili tok.

4. Nan iesha he im ai v̄lhpiesa hatuk vt ieshi hatuk osh, ilap hohchifo isht a holitopa kak osh enchil v̄hleha h̄ḡ i shahli fehna hatuk osh kaniohmit holitopa kv̄t yv̄mma i shahli fehna hoke.

5. Nitak nanta kash o enchil v̄hleha h̄ḡ achv̄fona kia, Chishno yvt sv̄so chia mak o himak nitak ḡ chi tobachi

lishke; micha anonti ilap vt, Uno yak o Svso hachi, mikmvt, vno yvt Iki sia hachi hoke, im achi tok o?

6. Micha anonti, Tobahpi yash o yakni paknaka ya isht vla mvt, Chihowa im enchil vhleha hvt moyumvt aiokpahanchashke, ahanchishke.

7. Mikmvt enchil vhleha hano isht anumpuli kvv ilvppak o achishke, Yvmmvt im ehchil vhleha hokvno mahli chiyuhmichit, mikmvt in tishu hano luak libbi chiyumichi hoke.

8. Amba Ushi yokvno ilvppak o im achishke, Chihowa ma! ish ai o binili holitempa kvv hikia bilivt peh bilivshke: nan ai vllhpiesa tvbi yak osh ish apelhlichika yoka in tvbi yoke:

9. Chishno yokvt nan ai vllhpiesa kak o ish i hullo cha, nan ik vllhpeso yokvno ish i nukkillishke; yohmi ka Chihowa, chin Chihowa yak osh nan isht ai yukpa bilia ya laua i shahli ho isht chi avvmmi kvv, ish ai itilauituk a i shahli chikbi tok.

10. Micha Chitokaka chishno yak osh vmmona kash inli ho yakni ilvppa intolahpi ka ish boyuhli tok; mihmvt nana moma vba shutik ai asha ka, chibbak ak osh ihikbi tok.

11. Yvmmak okvto ont ai okpulo kvv taha kia, Chishno yokvto ish ahanta he; mikma yvmmak okvto moyumvt sipokni kvv na fohka yo chiyuhma hi oke:

12. Mikma anchi yak inli ho chohmichit ish pohla he; mikma yvmmak ash ot inlvv toba he: yohmi kia Chishno yokvto mih yash inli chia, micha chim avvmmi hokvt ont ataha he iiksho hoke.

13. Yohmi kia nitak nanta kash o enchil vhleha achvfona kia, Svbbak isht impak-imma ak o ish a binili na chin tvvvp vhleha hoka chiyi ai o hikia yo ikbi li hayashke, im achi tok o?

14. Yvmmak ash ot moyuma kvv nan isht ahanta shilombish osh ai okchaya pisa he im ai vllhpiesa vhleha yvmmak o nan isht im ahanta chi vllhtoka yo keyu?

CHAPTA II.

Klaist a il im antia he tuk, 1; 9 pi okchalincha chi kvt hatak o toba tok oka; 14 yohmi kvt nana kvt a yakohma he vlhpesa tok mak osh hatak o toba tok.

1. YOHMI hoka nana e haiyaklo tuk puta kvt ahah ahni fehna hosh il anukfihinla hetuk, e yvmohmi keyukmvt, nitak kanima ka pi kvnia hinla hoke.

2. Yohmi ka enchil vhleha hvt anumpa anumpohonli tok a ai ahlit kullo hatok okma, micha kvna hosh anumpa yvm-mak ash o kobahafi, micha ik im antio puta ka isht vlhtoba kvt isht ai vlhtoba he vlhpiesa ho ihishi tok okma:

3. Ai-okchaya chinto yakohmi ka kil anukfihinlokmt, katiohmit pi hlakofa hinla cho? yvmma vmmona ka Chitokaka yak osh isht anumpohonli tok o, anonti yvmma i haponaklo tok puta kvt ai ahlichu mak osh pim anohonli tok:

4. Chihowa hak kia atokowa ibai anohonli kvt, nan isht atokowa, nan isht anukhlakvshli, micha nan isht ai ahli ilai-yuka, micha Shilombish Holitopa na hopela aiena ka ilap im anukfihinla hosh isht ai ahlichu tok:

5. Yohmi ka yakni talaia he isht il anumpuli ka, enchil vhleha hokvno i nutaka apihisa tok keyu hoke.

6. Amba achvfa kvt kanima ka atokoli hosh ai anumpuli kvt, Hatak vt nanta ho yvmmak oka chishno yokvt isht chim anukfihinla ho? micha hatak ushi yoka, chishno yokvt ish i nohwa ho? ahanchi tok.

7. Yvmmak oka enchil vhleha hokvno lumvt ik lauwo ho ish ikbi tok osh, isht a holitopa chinto ka isht ish iachukolechi, micha nan okluha chibbak vt ihikbi tok a i shahli ho ish ikbi tok:

8. Chishno yokvt nan okluha kvt iyi nuta aiasha cha, im antia hi a ish apesa tok. Yakohmichit moyuma ka im i nutakvchi ha yokvt, nana kia ik im i nutakacho ka achvfa kia iksho ki tok. Yohmi kia nan okluha kvt ik im i nutako kisha ho himonasi ka e pihisvshke:

9. Yohmi kia Chisvs, yvmmak okvt enchil vhleha hā lumvt ik lauwo hosh toba tok kia, nan-illi isht ilbvsha ka pihisa kak osh isht a holitopa chinto ka isht iachuka ka e pihisvshke; yohmi na Chihowa isht i kana pulla hatuk mak o yvmmak ash ot hatak moyuma ka vlhtoba hosh illa hi atok.

10. Yvmmak pulla hosh nan okluha ka ihikbi tok, mih fehna kash inli atuk pulla mak o nan okluha kv̄t toba tok, yvmmvt yvmihcha he im ai vllhpiesa hosh ushi vhleha laua ka isht a holitopa ka pehlichit isht ohona kv̄t, yvmmak ash isht ai okchaya i kv̄pitvni hv̄t nan isht ilbvsha puta ka pihisa hosh isht ai ghla hi a im apihisa tok oka.

11. Yohmi ka na-kashofi, micha nan ai ashvchika i kashofa aiena kv̄t it ibai achvfa hoke; yakohmi hoka ik hofahyo hosh itibapishi vhleha hochihifo kv̄t,

12. Itibapishi li vhleha hā chi hohchifo hā otv̄ninchit im anohonli la chi; itibapishi li vhleha hā ai iklv̄nna hikivt talahov̄vt chi aiokpahanchi la chi hoke, ahanchishke.

13. Mikmvt anonti, Yvmmak o anukchieto la chi hoke, achishke. Anonti, Ūno, micha vlla vhleha hā Chihowa hv̄t ahama tok oka pisá, achishke.

14. Yohmi hoka vlla vhleha hash osh haknip, issish aiena ka ibai ishi hatuk o, ilap ak kia anonti yvmmak ash ibai ishi tok ak inli hoke: yohmi na vlhtobvt illi pulla hosh nan-illi ishi, yvmmvt nan isht ahullo okpulo ak atuk a imaiyachi cha;

15. Yvmmvt nan-illi i nukshopa kak osh, okchaya takla kv̄t yuka tobvt kv̄nia chatuk a mominchit hlakoficha hi atok.

16. Yohmi ka ghlishke, yvmmvt enchil vhleha hā halanli tok keyu; amba Eblaham isht ai unchululi hak o halanli tok.

17. Yvmohmi ka nan okluha ka ai yvmohma he ai vllhpiesa hosh itibapishi vhleha ak inli ho chiyuhmit toba hi atok; yvmohmi hosh i kana fehvt na-holitompa isht v̄tta chinto ai ghli fehna hosh Chihowa nan isht im ahanta kv̄t, okla puta nan ai ashahanchi tok isht vlhtohomba he ikbi mak osh isht ahanta hi atok.

18. Yohmi ka ilap ak kia imomaka pisa kv̄t, na-palv̄m̄mi pihisa hatuk okv̄t, kv̄na hosh imomaka pisa hokv̄no apelv̄cha hi vt ithana hoke.

CHAPTA III.

Klaist vt holitopa kv̄t Moses ā i shahli, 1 : 7 yohmi hoka kil ī yim-mokm̄v̄t, Israēl chukv̄sh kv̄llo vt na palv̄m̄mi isht onv̄tula he im v̄lhpisa tok ā i shahlit pi onv̄tula he bano hoke.

1. YUMOHMI hoka itibapishi holitopa v̄hleha v̄ba nan isht ilaiyukpa et annoh̄owa ka ibai ishi hv̄chia ma ! Apostel, micha Na-holitompa isht v̄tta chinto, Chisvs Klaist ā il ithai-yana, il il apihisa tok ā hv̄sh anukfihinlashke.

2. Moses vt ilap in chuka ai achv̄fa moyuma ka im ai āhli bano tok ā, chiyuhmit yvm̄mak ash osh ilap ā atokoli tok ā im ai āhli bano tok.

3. Yohmi ka hatak ilv̄ppvt isht a holitopa ī shahli h̄o isht a holitopa kv̄t Moses ā i shahli kv̄t, chuka yoka kv̄na hosh ikbi tok ak osh holitopa kv̄t, chuka yash ī shahli chatuk ā chiyuhmi hoke.

4. Yohmi ka chuka toba moyuma ka ikbi vt āsha bano chatuk ; amba nana moma ih̄ikbi tok vt Chihowa ak oke.

5. Yohmi ka tishu h̄o chiyuhmit Moses vt ilap in chuka ai achv̄fa moyuma ka im ai āhli bano kv̄t, nana isht anu-humpa he mak ō atokolit anohonli tok :

6. Amba Klaist v̄to Ushi yosh in chuka achv̄fa pehliechi h̄o chiyuhmit ai āhli tok ; yohmi ka ai okchaya yā na-yuk-pvt e hoh̄oyo hosh Chisvs Klaist il anukchieto kv̄t, achu-nanchi ai āhli hosh ai v̄hli ka il ona hokm̄v̄t, yvm̄mak ash in chuka pia hoke.

7. Yvm̄ohmi hoka Shilombish Holitopa yvt ahanchi kv̄t, Himak nitak oka im anumpa hoka hv̄sh haiyaklo hokm̄v̄t,

8. Hv̄chi chukv̄sh oka hv̄ch ik kv̄llocho kashke : yohmi kv̄t isht a nokov̄v̄chi, yvm̄ohmit nana ka imomaka pisachi hosh yakni haiaka itv̄nowa tok ā hv̄ch ik chiyuhmicho kashke.

9. Nitak yvm̄mak ash hv̄ch īki vt ik sai yimmo kv̄t imo-

mana sa pisvchi tok; micha nana a kaniohmi li puta ka pihisa na afvmmi pokoli ushta tok.

10. Yvmohmi hoka okla yvmmak ash isht vm ahchibvt kvnia tok: mihmvt, Yvmmvt chukvsh anukaka ya isht ashvchi bilia, micha vm anumpa vhpisa puta ka ik ithanoshke, achi li tok.

11. Yohmi kvv sa nukhobela hosh anumpa kvllo il onochit anumpohonli li hoka, Um afoha yoka chukowa himma keyu mak oke.

12. Itibapishi li vhleha hvv ahah! hvsh ai ahnashke, chukvsh okpulo, nan ik yimmo Chihowa okchaya ya isht hvsh ai i filvmma hinla kvv, hvsh kanima ka ik hvchi anukfoyuko kashke.

13. Amba himak nitak achi itin takla kak o nitak puta ka nan it i mihvt hvsh iti hlampkohonchi pulla ho, hvsh kanima kia nan ai ashvchi isht a haksit ik hvchi kvllo kashke.

14. Yohmi ka na pi yimmi vmmona tok vt ai ghli biekvv mahayvt ont ai vhli ka il ona hokmvt, Chisus oka ibai achvfa vhleha e toba hoke.

15. Himak nitak achi itin takla kak o, Himak nitak oka im anumpa hoka hvsh haiyaklo hokmvt, isht a nokovvchi yvmohmi tok a, chiyuhmit hvchi chukvsh oka hvch ik kvllocho kashke.

16. Yohmi ka kaniohmi kvv haklo hayvt nokovvchi tok: yohmi kia Moses vt pehlichit Echip a kohchi tok a moma hosh yohmi tok keyu hoke.

17. Amba afvmmi pokoli ushta ka kvta hak o isht im ahchibvt kvnia tok o? nan ashvchi tuk osh haknip illi vt yakni haiaka ya ai itohonla ak atok keyu cho?

18. Yohmi ka kvta hak osh im afoha yoka chukowa himma keyu ho anumpa kvllo il onochit anumpohonli tok o? amba ik i yimmo ke tuk vhleha ak atok keyu cho?

19. Yohmi ka ik i yimmo pulla kak osh chukowa he keyu ki tok a eho pisvshke.

CHAPTER IV.

Ubanumpuli a-foha he vltaha tok a na yimmi pulla hokmak osh isha he, 1: 12 Chihowa im anumpa hvt aighli fehna; 14 Na holiditempa chinto isht pim vttta yvt Klaist Chisvs Chihowa Ushi, 16 nan isht ai i kana ai o binili holiditempa nukwya keyu hosh i' ohqashke.

1. YUMOHMI hoka im afoha e chukowa he pim issa tok a takali moma hoka, hvsh kanima kvv hvch ik ono ahoba hinla ka, ahah! il ai ahnashke.

2. Isht ai yukpa anumpa yash ot pishno ak kia pim anohowa kvv, yvmmvt im annohowa tok ash o chiyuhmi tok: yohmi kia anumpa im annohowa kvv nan isht im achukma tok keyu kvv, anumpa hahaklo yvmmak okvt na yimmi ya ibafoki keyu ak atok.

3. Yohmi ka, Si anukhobela hosh anumpa kvvlo il onochit anumpohonli li hoka, yvmmak okvt vm afoha yoka chukowa he keyu, ilap vt achi tok: yohmi ak inli kia pishno il i yimmi hatuk okvt toba vmona pilla kash nan toksvli puta kash ot ont vltaiyaha tok im afoha yoka e chukowa hoke.

4. Ilap vt yakohmichit nitak isht untuklo ka ai atokowa kanima ka isht anumpuli tok: yohmi kvv Chihowa hokvt ilap a toksvli puta hoka ataiyahli kak osh nitak isht untuklo hokvno foha tok.

5. Mihmvt ilvppak o, Um afoha yoka chukowa he keyu, anonti achi tok.

6. Yakohmi hoka afoha yoka kaniohmi kvv chukowa chi pulla ka takanli moma hoka, yohmi ka isht ai yukpa anumpa im annohowa vmona tok vhleha hokvt afoha yoka ik chukowo kvv na-yimma he keyu kak atok.

7. Anonti Lewi ak o isht ai anumpulit nitak kaniohmi hq atokolit, Himak nitak a ahanchi, nitak yvmmak atok a hopakit taiyaha, achi hoka, Himak nitak a vm anumpa hvsh haiyaklo hokmvt, hvchi chukvsh oka hvch ik kvvlocho kashke.

8. Yohmi ka Choshua vt yvmmak ash afoha ya ima ha-

tok okma, i himmak okvno nitak inla ho isht anumpula hi atok keyu hoke.

9. Yvmohmi hoka Chihowa im okla vhleha hokvto afoha yvt in takanli hoke.

10. Yohmi ka kvna hosh Chihowa im afoha yoka ont chukowa hokvto, ilap inli toksvli kash issa kvv, Chihowa hvv ilap toksvli tuk vt issa ak inli tok ash inli ho chiyuhmi hoke.

11. Yohmi hoka afoha yvmma e chukowa chi kvv il achunanchi fehnashke; ik yimmo hosh itohonla tok ash o chiyubmit hatak kvna kia ik itulo kashke.

12. Yohmi ka Chihowa im anumpa hvv okchaya, micha isht ai ghli fehna, micha halupa kvv bvshpo falaia itahlakla halupa yak kia i shahli hosh hlopullichit bvshli kvv, ilhfopak, micha shilombish ita tuklo ka it i filvmmichi, anonti itachakli, micha lupi ita tuklo ka it i filvmmichi, micha chukvsh anukaka nan isht ahni, micha nan isht anukfilli puta ka akostininchit nan im apesa yoke.

13. Nana toba moma kvv achvfa kia itakba ya ik im ai otano kvv iiksho; amba nana ka il it i kaniohma chi yvmma i holhponayo hokvno nan okluha kvv ik ompoholmo i bieka hoke.

14. Na-holitompa isht vta chinto pim anta, Chihowa Ushi, Chisvs okv vba yakni oka ona tok oka, nana ka il il apihisa tok vt il ai ghlashke.

15. Yohmi ka na holitompa isht vta chinto nan isht a pilbvsha ka ik piba nukhaklo ka hi osh pim anta keyu; amba nana a kaniohmi puta ka imomaka pisa kvv, pishno ak inli ho chiyuhmi kia ai ashvchi yak osh ik im iksho ki tok.

16. Nan isht i nukhaklo il ishi cha, ont ai vlhpiesa pi apela chi ka isht i kana il ahayucha chi kvv, isht ai i kana ai o binili holitompa nukwaya keyu hosh il onashke.

CHAPTA V.

Ohihowa yvt Klaist a holitobli; mikmvt na holitompa isht vta i shahli yo atokoli, 1; 14 Heblu okla hvv nan ai ghli ilvppa ithvna be tuk vt a haksichi ka Pal vt nan i miha.

1. **YOHMI** ka na holitompa isht vtta chinto puta hatak a a kohchit ihishi ka, hatak ak atuk pulla mak o nana Chihowa immi ha isht ahanta chi kv, vlhtoka tuk osh nan ai ashvchi isht vlhtoba he puta, micha na hvlbina aiena ka isht im ona hi atok :

2. Ilap ak kia nan isht ai ibetvbla hi vt isht apakfoyupa ak inli hokvt, nan ik ithano, micha yoshuba vhleha aiena ka yummvt i nukhakla he bano hoke.

3. Mikmvt nana kv ai yakohmi hokvt, ilap nan ai ashvchi isht vlhtoba he yak kia, aieninchit okla nan ai ashvchi isht vlhtoba hi a isht im ona hi atok oke.

4. Hatak nana kia ilap ak inli kv nan isht a holitopa ilvpa isha he keyu, amba Alon atok a chohmichit Chihowa ak osh atokoli hok mak oke :

5. Yohmi ka Klaist ak kia ilap ak inli hosh na holitompa isht vtta chinto toba chi kv isht ile holitoblichit tok keyu : amba, Chishno vt Svso chia ho himak nitak oka chi tobachi lishke ; im achi kak atok oke.

6. Anonti, Chishno yokvt Melkisetek atok a chiyuhmit na holitompa isht vtta hosh ish ahanta na bilia hi oke, inla kanima ka ai achi ak inli tok.

7. Yummak ash ot hatak haknip ieszit yakni paknaka ilvpa ahanta mvt, nishkin okchi mihintit, chitoli fehna hosh pahayvt, nan-illi im a hlakoficha hinla ka im ilvsha fehvt anumpohonli tok : yohmi ka Chihowa ha holitobli hatuk mak o, Chihowa hv i haponaklo tok :

8. Yummak ash ot Ushi atuk ak inli kia, na palvmmi pi-hisa kak osh im antia kia isht ithvna tok :

9. Mihmvt nana kv ai ghlit im vlhtaiyaha kak osh, im antia puta hokvno ai okchayvt bilia ya im atahli yoke :

10. Yohmi kv Melkisetek atok a chiyuhmit na holitompa isht vtta chinto hosh Chihowa hak o im ai vlhtoka tok.

11. Melkisetek ash isht il anumpula chi kv pin laua : yohmi kia nana ka akostinichi hvchi svlaha hoka, tosholi ka kvlllo hoke.

12. Yohmi ka yummak atok a hopakit taiyaha hoka nan im avvchi yosh hvsh ahanta he vlhpiesa kia, kanima kv

Chihowa im anumpa ai isht ia vmona ka anonti hvchim avvcha hi ǵ vhpesa pulla hoke : yohmi kv̄t ilhpak kv̄llo vpa chatuk okvno hvch ik chohmo, amba pishukchi ishko chatuk ak ǝ chiyuhmi hǝ hvsh tobvshke.

13. Yohmi ka pishukchi ishko puta hokvto nan isht ai vhpiesa anumpa hoka akostinincha hi ǵ ik ona, vllǝsi yokv̄t

14. Amba ilhpak kv̄llo vt av̄nochi vhleha hak ǝ im ai vhpiesa hoke ; yv̄mmak ash ot nana ka ai yvmohǝmi kak osh im anukfila isht toksahanli hosh nan achukma, ik achukmo ita tuklo ka isht akostininchi hoke.

CHAPTA VI.

Nan ai yimmika yǵ ai i filv̄mmit aka ik kaho ka chi, 1 : 11 amba kv̄llōt hiela chi : 12 nana ka achunanchit nuktaiyav̄t Chihowa yǵ av̄okpv̄cha chi ka i miha : 13 Chihowa im anumpa hv̄t ghli hoka.

1. YUMOHMI hoka Klaist ai isht vlv̄vchi vmona hokvno e boyuhli cha, ai ghli fehv̄t itikba il ia hosh nan toksv̄li isht ai illi ai i filv̄mmit ile kostininchi, micha Chihowa isht i yimmi ;

2. Baptismo nan isht vlv̄vchi, micha ibbak onohonchi, micha illi tok vt falamv̄t tani, micha hatak puta nan im vlv̄pisev̄t bilia he aiena ka intolahpi ka atuklanchit keho bohlo kashke.

3. Micha Chihowa ak osh vlv̄pesa ahni hokma, ilv̄ppa e yvmohma he mak oke.

4. Yohmi ka kv̄na hosh himonna hǵ im vlv̄vchit, na-hvlbina vba yakni minti ka akostininchi, micha Shilombish Holitopa yǵ ibai ishi tok okvto,

5. Mikmv̄t Chihowa im anumpa achukma, micha vbanumpa nitak nan isht ai ghla he aiena ka anukfoyuka ha yak okvto,

6. Yv̄mmak ash osh vbanumpa hǵ i filv̄m̄mi hokv̄t kaniohmit atuklant himonv̄t toba cha, ai isht ile kostinincha hinla kv̄t iksho kamohmi hoke ; yohmi kv̄t ilap ash inli hosh Chihowa Ushi yǵ himonv̄chit ititaiyukhv̄na yǵ ai vbi kv̄t, otv̄ninchit hofahli hokv̄t.

7. Yohmi ka yakni ak osh uhumba aiyuka ka ai ihishkc

shahlichit im otvninchi bunna hosh, anumpa kvllo yq il onochit isht ai ghlichit tok :

18. Yohmi ka nana kanihmit ai inli himma keyu tuklo yvmmak oka Chihowa hokvt isht a holaba himma keyu hoka, vba isht il aiyukpa pim ihisa tok ash il isha chi hosh a hlakofi yq il o chahafa kvf, nan isht a nuktaiyala chinto il iesha he ak atok.

19. Nana pim ihisa tok ash il isha he il ai ahni kak osh, isht a kvllo ai ghli kanvlla he keyu yq shilombish vt im itilau, micha yvmmak osh, aholitopa fehna isht ompoholmo anukaka yoka chukowa mak oke.

20. Yvmmak oka pin tikba-heka, Chisvs vt chukovvt, Melkisetek atok q chiyuhmit na holitempa isht vtta chinto bilia toba tok oke.

CHAPTA VII.

Melkisetek atok q chohmit Klaist Chisvs vt nan isht vtta holitempa, 1, 11 Alon na holitempa isht vtta yatok q i shahli fehna.

1. YOHMI ka Melkisetek ilvppvt Salem i miko, Chihowa holitopa fehna i na holitempa isht vtta yosh, Eblaham vt miko vhleha ont vbit falamvt aya ma yvmmak ash ot ont afama mvt, yukpali tok.

2. Yvmmak ash o Eblaham vt moyuma ka a kashapa ont isht pokoli ka ima mak inli tok : vmmona hoka toshowakmvt, Nan ai vlpiesa i miko, mikmvt anonti yvmma achakaya kvf Salem i miko, yvmmvt nanaiya i miko achi hoke,

3. Iki iksho, ishki iksho, isht ai unchululi iksho, nitak ai isht ia vmmona tok vt iksho, micha im ilhfopak vt ont ai vhli tok vt iksho, amba Chihowa Ushi yak o chiyuhmi hosh na holitempa isht vtta yosh ahantvt bilia hoke.

4. Yohmi ka hatak ilvppvt a chinto kanihmi ho, iki chinto Eblaham ash ot nana ka in tvnvp q im ai ishi tok ash achukma i shahli kak o a kashapa ont isht pokoli ka ima tok q, hvsh anukfillashke.

5. Yohmi ka Lefai ushi vhleha atuk vt na-holitempa isht

vtta vlhtoka kv̄t, okla yvmmvt itibapishi; micha Eblaham ak ̄ isht atiaka yak inli kia, v̄ba nan-vlhpisa in tonla hatuk osh, a kashapa ont isht pokoli ka im ai ishi beka mvhlishke:

6. Amba yvmmak ash ̄ ilap okv̄to ai isht unchululi h̄q keyu kia, a kashapa ont isht pokoli ka Eblaham ̄ im ai ishi mv̄t, nana im ih̄isa tok ash ̄ yukpali tok.

7. Mikmv̄t ̄ shahli hak osh ik lauwo ka yukpali hoka ik ai āhlo, acha hi yv̄t ikshoshke.

8. Mikmv̄t ilv̄ppak okv̄no hatak vt illa he kia a kashapa ont isht pokoli ka ishi; amba yvmmak okv̄no yvmmvt ishi kv̄t okchayv̄t ahanta ka, nana kv̄t isht ai atokowa hoke.

9. Yohmi ka Lefai yokv̄t a kashapa ont isht pokoli ka ih̄ishi kia, Eblaham ak ̄ isht ai unchululi hokv̄t, a kashapa ont isht pokoli ka Eblaham ̄ ibā̄ atobbi ak inli tok, yvmma chiyuhmi achi la hinla ak inli hoke.

10. Yohmi ka Melkisetek vt yvmmak ash ̄ afama ma, yvmmvt ̄ iki ikfiksa an̄ukaka yak ̄ f̄oka moma hatok.

11. Yohmi ka Lefai na-holitompa isht ai vtta yokv̄t ai āhli bieka hatok okma, yvmmak ̄ okla hv̄t ̄ nuta ai asha hosh v̄ba nan vlhpisa puta ka ih̄ishi hatok oka, Melkisetek atok ̄ chiyuhmit na holitompa isht vtta inla hokv̄t na kat̄ihmi h̄q vlhtoka he vlhpesa moma h̄q? micha Alon na holitompa isht ai vtta yatok ̄ chiyuhma he keyu h̄q?

12. Yohmi ka na holitompa isht ai vtta inla hosh vlhtoka hatok ̄, anonti nan vlhpisa yash ot inlv̄t toba he vlhpiesa hoke.

13. Yohmi ka yvmma nana puta ilv̄ppv̄t isht anuhumpa hokv̄to, oklushi inla h̄q ibai achv̄fa hatok; yvmmak okv̄to hatak achv̄fa kia alta ȳa nan isht ai vtta beka tok keyu hoke.

14. Yohmi ka Chuta yak ̄ pin Chitokaka yv̄t a tobv̄t kohcha tok vt ai atokowa; oklushi yvmmak oka na holitompa isht ai vtta imma nana kia Moses vt isht anumpuli tok keyu hoke.

15. Mikmv̄t nana ai atokowa hokv̄t ̄ shaiyahli fehna imoma ka, Melkisetek atok ̄ hoyulba hosh na holitompa isht vtta inla kv̄t hikia hoke,

16. Yvmmak okv̄to hakn̄ip nan im vlhpisa imma h̄q isht

vlhtoka tok keyu, amba okchayvt bilia im ai vlhpiesa hatuk osh vlhtoka tok oke.

17. Yohmi ka yvmmvt atokolit anoli hosh, Chishno yokvt na-holitompa isht vtta Melkisetek atok g chiyuhmit bilia chia hoke, ahanchi tok.

18. Yohmi ka nan vlhpisa yvmmak ash osh nana ka isht ai achukma, ai ghli ka ik ono hatuk osh akshu tok vt ai ghlishke.

19. Nan-vlhpisa yvmmak ash okvto nana kia ai ghlichi tok keyu hoke: yvmmak atuk mak o nana achukma i shahli ho pim ataiyahli hosh vla hatok pulla kak o, Chihowa i bilikasi ka il ona hoke.

20. Mihma yvmmak ash ot anumpa kvllo il onoyuchi keyu iksho ho yvmmak ash ot na holitompa isht vtta toba tok oka:

21. Yohmi ka anumpa kvllo il onochi kia iksho ho yvmmvt na holitompa isht vtta vhleha tohomba tok oka: amba ilvppak okvno anumpa kvllo il onochi hosh nana im ahanchi kvv, Chitokaka yak osh anumpa kvllo il onochi kvv, inlvv im anukfila he keyu mak osh, Chishno yokvt na holitompa isht vtta Melkisetek atok g chiyuhmit bilia chia hoke, ahanchi tok:

22. Yakohmi hosh Chisvs okvt nan it im vlhpisa achukma i shahli yoka ai ghlichi toba tok oke.

23. Yohmi ka yvmmak ash okvto na holitompa isht vtta yvt lava mvhli tok: yohmi kvv yvmmak okvto nan illi ak atuk pulla mak o ahantvt bilia beka tok keyu hoke.

24. Amba hatak ilvppak okvto okchayvt bilia hatuk osh na holitompa isht ai vtta inla himma keyu ho ieshi hoke.

25. Yvmohmi hokvt anonti ilap ak o anukchieto hosh Chihowa hoka im ohona hokvno mominchit okchalicha he bano hosh, yvmmak oka apelvchit isht anumpohonli hosh ahantvt bilia hoka.

26. Yohmi ka na holitompa isht vtta chinto, yvmmak okvt ai ashvchika ik im iksho, nan ik okpano, na liteha iksho, nan ashvchi vhleha ha ai i filvmmi, micha chaha kvv vba yakni yak kia i shahli, yvmmak chiyuhmi hosh pim ahanta he ai vlhpiesa hatok:

27. Yohmi ka na holitempa isht vtta pehlichi chinto vhleha hokvto nitak moma ka ilap nan ai ashvchi isht vlhtoba ka tikba pit im issa ha yosh, okla nan ai ashvchi isht vlhtoba ka pit im issa beka tok o, yummak okvto chiyuhma he im vlhpes: keyu, nan ai ashvchi isht vlhtoba il im issa mak osh ilvppak oka himonna ma yvmohmi tok okvt.

28. Yohmi ka nan vlhpisa yummak ash ot hatak ibetvbla he im vlhtayak kia na holitempa isht vtta chinto atokohonli; amba anumpa kvllo isht ai ghli tok ash ot vba nan vlhpisa yummak ash ot toba ha yak o, Ushi ya atokoli ho, yummvt na holitempa isht vtta ai ghli bilia he mak oke.

CHAPTA VIII.

Klaist ak osh na holitempa isht vtta i shahli bilia, yohmi ka Klaist vt vla ha yokvno Alon isht ai unchululi kvv na holitempa isht vtta vlhtoka he keyu mak oke, 1 : 7 yummak inli chohmit Chihowa yvt nan vlhpisa himona ikbi ha yokvno Isael vt Echip a kohchvt minti ma, nan vlhpisa toba tok vt kashofvt taha hoke.

1. NANA isht il anumpohonli kash puta ka ilvppak osh moma i shahlishke : Na holitempa isht vtta chinto yakohmi hosh vba yakni Chihowa Chitokaka yvt a binili kak o isht impak imma yo pi binili hosh ;

2. Uba aholitopa, micha vlhtipo ai ghli fehna ka hatak ak atok keyu, amba Chitokaka yak osh ikbi tok, yummak o nan isht ai ahanta hoke.

3. Yohmi ka na holitempa isht vtta chinto puta kvv na hvlbina, micha nan ai ashvchi isht vlhtoba puta aiena pit im issa chi hosh vlhtoka chatuk oka; hatak ilvppak kia anonti nana im ai asha tuk osh pit im issa he im vlhpiesa hoke.

4. Yohmi kvv yakni ilvppak o ahanta hokmvt, na holitempa isht vtta ya hi o keyu, vba nan vlhpisa yak atuk pulla mak o na hvlbina pit im issa hosh na holitempa isht vtta vhleha hvv ai asha hoka :

5. Yummak okvt nan isht ahanta kvv vba yakni nana ai asha kak o isht vlhpisa, micha isht a hoyulba mak o isht ai yvmihchi hoke : yohmi ka Moses vt vlhtipo ya ikba chikma,

Chihowa hvt nan i miha kv̄t, Ahah! ahnit nan isht a holba nvnih paknaka chim ai otvni tok ak o chiyuhmi hō nan okl̄ha ka ish ikbashke, achi tok oka.

6. Yohmi tok kia himonasi hokvno yvmmak okvt nan it im vlhpisa achukma i shahli, nana achukma i shahli annohwa puta isht ai ghli tok a, it i nanaiyvchi yosh nan isht ai v̄tta holitopa i shahli fehna hō ieshi mak inlishke.

7. Yohmi ka nan it im vlhpisa v̄mmona yvmmvt nan isht ik ono iksho hatok okma, anonti atukla kv̄t ai yvmohma hi ya hoya hi atok keyu hoke.

8. Yohmi ka yvmmvt nan isht ik ono ka pisa kak osh Chitokaka yvt achi kv̄t, Yakeh! Israel in chukachvfa, micha Chuta in chukachvfa aiena ka nan it im vlhpisa himona im apihisa la he nitak vt vla hi oke,

9. Iki vhleha hoka ibbak halvllit pehliehit, nitak kaniohmi kash Echip yakni yoka a kohchi li mvt, nan it im vlhpisa im apihisa li tok okvno chiyuhma he keyu; yvmmak okvt nan it im vlhpisa im apihisa li tok ash foyukvt mahaya keyu hatuk o, ak ahnincho ki tok, Chitokaka yvt achishke, im ahanchi tok.

10. Yohmi ka nan it im vlhpisa ilvppak o nitak himak a pilla mak o Chuta in chukachvfa yoka im apihisa la hi oke; yohmikmvt a nan vlhpisa puta yoka anukfokihinchi likmvt, chukvsh oka ai o holissohonchi la hi oke; mikmvt in Chihowa sia hahe, mikma v̄m okla hahi oke. Chitokaka yvt ahanchishke.

11. Yvmohmikma hatak puta kv̄t in chuka panta, micha hatak puta kv̄t itibapishi aiena ka nan im avchit, Chihowa hoka ish ithaiyanashke, im ahancha he keyu; moma ik lauwo, micha moma i shahli aiena kv̄t svthana hi oka.

12. Yohmi ka ik vlhpeso ai yvmohmi puta ka i nukhaklo la he, mikmvt nan ai ashvchi, micha v̄ba nan vlhpisa kobahafi puta ka himak a pilla ak ithaiyano ka he mak oke.

13. Nan it im vlhpisa himona yvmmak achi kak osh, v̄mmona tok vt sipokni yo chohmichi hoke. Yohmi ka nana kv̄t okpulot sipoknit isht ai aiena hokvto, ont ik ai iksho kamohma chi kv̄t vlhtaiyaha hoke.

CHAPTA IX

**Ūba nan-vlhpisa yokvto issish g hlatahampła hi g im apesa 1; 11
amba Klaist vt ilap issish, micha ilap fehna isht a hlakofa hi q ile
kanchi tok vt mihi yosh holitopa fehna: 15 nan vlhpisa himona
ai ghlichī hosh Klaist vt illa he vlhpiesa hatok.**

1. **Y OHMI** ka nan it im vlhpisa vmona yvmmak ash
ot Chihowa aiokpvchi nan isht vlhpisa puta, micha aholito
pa yakni ilvppa ahalaiya aiena ka ishi tok vt ai ghlishke.

2. Yohmi ka vlhtipo yokvt toba tok: vmona yvmma
anukaka yak q pva ai q hikia, micha ai impa, micha pvska
otvni aiena kvť gsha beka tok, yvmmak osh aholitopa hoh-
chifo hoke.

3. Mihma nan-tvna isht ompoholmo vba takali atukla
mish gsha ka, vlhtipo yokvto aholitopa moma i shahli hoh-
chifo hoke :

4. Yvmmak oka anukaka ya na balama aluachi tvli ho-
lisso lakna isht toba, micha nan it im vlhpisa yash im itombi
yokvt tvli holisso lakna yosh isht ompoholmot apakfoyupa,
yvmmak q tvli holisso lakna nan ai vlhto manna yosh vlhto,
micha Alon in tvbi yvt bikobli tok, micha tvli patvssa tuklo
nan it im vlhpisa yvt ai q holihiso tok aiena kvť foyuka hosh
taloha tok :

5. Mihma paknaka ya Chelubim holitopa vhleha kvť isht
ai i kana ai q binili ya q hoshontikahanchi tok, yvmmak oka
himonasi ka achvfa ai yukt isht il anumpula he keyushke.

6. Yohmi ka nana puta kvť yakohmit vlhtaiyaha ha yak
q, na holitompā isht vttā yak osh vlhtipo vmona anukaka
yak q chukovvt, Chihowa aiokpvchit a hlopulli beka tok :

7. Amba atukla hokvno na holitompā isht vttā chinto kak
osh ilap bano hosh afvmmikma himonna hq chukowa kvť,
issish ik esho keyu hosh yvmmak q ilap nan ai ashvchi, mi-
cha okla nan ai ashvchi aiena ka isht vlhtoba mak q pit im
issa beka tok :

8. Shilombish Holitopa yak osh vlhtipo vmona yash

ot hikia imoma hokvno, aholitopa moma i shahli anukaka a chukowa yokvt ik otano kisha ho ilvppak o otvninchi tok :

9. Yvmmak osh nitak yvmmak fehna ka nan isht vlhpisa hatok ; yvmmak ash o na hvlbina, micha nan ai ashvchi isht vlhtoba ita tuklo ka im ihisa tok : yohmi ka yvmma isht ahanta hokvno yvmmak okvt nan isht il akostininchi imma hokvno nuktula ai ghli yo im ikba he keyu hatok.

10. Yvmmak okvt nan ilhpak, micha nan ishko puta, micha il achifa ilaiyuka, micha haknip imma nan isht vlhpisa puta aiena kak illa hosh im vlhpihisa na nan ai vlhpesa nitak vt vla hi atok.

11. Amba Klaist vt vla hokvt vlhtipo chito, micha vlhtaha achukma kvv i shahli, ibbak isht a toba keyu, yvmma achi kvv nan toba ilvppak o chohmi keyu, na holitompa isht vttta chinto hosh nana achukma vla chi puta ka isht ahanta kvv ;

12. Issi kosoma, micha wak ushi issish o keyu, amba ilap im issish ak inli ho isht a pi vlhtombvt bilia ya isht a pim ataiyahli ha yosh, aholitopa yoka himonna achvfa chukowa tok.

13. Yohmi ka wak nakni, micha issi kosoma issish, micha wak tek himita hullushmi hituk chubbi ya ik kashofo ka ai o fimimpa kak osh kanimihchit haknip a kashofi hatok okma ;

14. Shilombish okchayvt bilia anukfoka pulla hatuk osh isht ik ai ono kia iksho hosh Klaist vt Chihowa yoka pit il im issa tok ; yvmma im issish okak heto i shahlichichihna hosh nan a kanihmit isht ai illi ya a hvchi filvmmichit, isht hvsh il akostininchi yoka hvchi kashofichi na Chihowa okchaya yoka hvsh holitobla hinla hoke.

15. Yohmi ka yvmmak okvt nan it im vlhpisa vmmona nuta ai ashvt nan ai ashahanchi tok vt isht vlhtoba chi mak o, illi pulla hatuk mak osh nan it im vlhpisa himona yoka ai ghlichichihna toba ho, im annohowa tok puta hokvt ai okchayvt bilia isha he im ai vlhpisa im ihisa tok a isha hi atok.

16. Nan it im vlhpisa yvt tobakma, nan it im vlhpisa isht ai ghli kvv illi kak o pulla chatuk mak inlishke.

17. Yohmi ka nan it im vlhpisa isht ai ahli yash osh ok chaya imoma hokvno isht ik ai ahli kamohmi, amba illi ha yak o isht ai ahli chatuk oke.

18. Yvmohmi hoka nan it im vlhpisa vmmona hokvt issish iksho ho isht ai ahli tok keyu hoke.

19. Yohmi ka Moses okvt vba nan vlhpisa yvt nana apihisa ka mominchit okla puta ka isht im anumpohonlit taiyahli mvt, wak ushi, micha issi kosoma ushi issish ita tuklo, oka kapvssa, micha chukfi hishi humma, micha hissop aiena ho ieshi cha, holisso, micha okla moma aieninchit isht o fimmi mvt,

20. Ilvppak osh nan it im vlhpisa issish mak o Chihowa yokvt hvchim apihisa tuk oke, achi tok.

21. Anonti yvmmak ash ot vlhtipo, micha Chihowa isht aiokpvchi ai-vlhto aiena ka issish isht o fimmi mak inli tok.

22. Yohmi ka vba nan vlhpisa yak atuk pulla mak o nan okluha kvv moma chohmit issish isht a kashofa hoke; micha issish hlatahampa keyu hokvno nan ai ashvchika isht a kashofa iksho hoke.

23. Yohmi hoka nana vba ai asha puta ka isht vlhpisa puta kvv ilvppak ash o isht a kashofa hi atuk; amba nana vba ai asha yvmmak oka nan ai ashvchika isht vlhtoba achukma kvv ilvppak ash o i shahli ho isht a kashofa hi atuk oke.

24. Yohmi ka Chisvs vt aholitopa puta ibbak isht a toba, yvmmak o ai ahli fehna ka isht vlhpisa hatok ak o chukowa tok keyu; amba pishno ak atuk pulla mak o Chihowa itikba ya himonasi kvno ai otaiyana chi kak osh vba yakni fehna ka chukowa tok:

25. Na holitempa isht vtta chinto yokvto aholitopa yoka afvmmikma in issish o isht chukowa beka tok, chiyuhmit himonng ilap ash il im issa hi atok keyu hoke:

26. Yohmi tok okma, yakni intolahpi toba vmmona tok takla ka himonng ihinla hi atok pulla; amba himonasi kvno himonna achvfa ho yakni ont ishtaiyopi yak o ant ai otaiyani kvv, nan ai ashvchi isht kanchi mak osh ilap il im issa hosh illi tok.

27. Yohmi ka hatak puta kv̄t himonna h̄o illa hi vt im vl̄hpih̄isa tok ; amba misha pilla hokvno nan im vl̄hpisa nitak osh vla hi oke :

28. Yv̄mma chiyuhmit Klaist ak kia l̄awa nan im ai ashvchi isht kancha ch̄i mak osh himonna ma il im issa tok : yohmi kv̄t yv̄mma hoh̄oyo vhleha hokvno nan ai ashvchi ik im iksho hosh atukla okchalinya ch̄i hosh otaiyana hi oke.

CHAPTER X.

V̄ba nan-vl̄hpisa h̄o na nipi v̄ba isht aiokpv̄chi hokvno nan ashvchi isht kancha he keyu, 1 : 10 amba Klaist haknip osh himonna ha nan vl̄htoba hosh illi ha yokvto nan ashvchi ȳa isht kanchi ; 19 achunanchit nan ai yimmika ȳa kv̄llot ieshit Chihowa ȳa aiokpachan̄cha he i miba.

1. YOHMI ka v̄ba nan vl̄hpisa yokvt nana achukma puta vla he ak o isht vl̄hpisa hatok ; yohmi kv̄t nana yv̄mmak o isht a holba ai ḡhli keyu hokvt, nan ai ashvchi isht vl̄htoba puta yv̄mma afv̄mmi aiyuka ka pit im ih̄isa na bilia mak o isht ahanta vhleha hoka nuktalalit ai ḡhlich̄a himma keyu hoke.

2. Yohmi tok okma, ilvppak oka pit im issa kv̄t issa hi atok keyu ? yohmi ka aiokpv̄chi yakohmi vhleha hokvt himonna kashofa ha yokvt, nan ai ashvchi puta isht il akostin̄chi yvt ik im iksho ka hi atok oka,

3. Amba nan ai ashvchi isht vl̄htoba yv̄mmak ash o afv̄mmikma anonti nan ai ashvchi isht ai otaiyani beka tok.

4. Yohmi ka wak-nakni, micha issi kosomushi issish aiena kv̄t nan ai ashvchi puta ka isht kancha he keyu kamohmi hoka.

5. Yvmohmi hoka yakni ilvppa vla mvt, Nan ai ashvchi isht vl̄htoba, micha v̄ba isht aiokpv̄chi aiena hokvno chik ahno tok ; amba haknip o is sv̄m ikbi tok, achi tok :

6. Nan ai ashvchi isht vl̄htoba lua yokvno isht a chi yukpa tok keyu hoke.

7. Yohmi hatuk oka, yakeh ! nan isht si annoh̄owa ho-

lisso a foyuka hoka nan ish ai ahni tok a ataiyahli la chi hosh vla li hoke, Chihowa ma! achi li tok.

8. Tikba kash nan ai ashvchi isht vlhtoba, micha vba isht aiokpvchi, micha nan ai ashvchi isht vlhtoba lua aiena ilvppa vba nan vlhpisa yak atuk pulla kak o isht ahanta hoka, chik ahno mvt, anonti yvmma isht a chi yukpa keyu ki tok, achi tok.

9. Yohmi mvt, Yakeh! nan ish ai ahni tok a ataiyahli la chi hosh vla li hoke, Chihowa ma! achi kv, nana vmona kash o isht kanchi hosh nan atukla kash o ai ghlicha chi hatok.

10. Nan ai ahni tok yvmmak atuk pulla kak o Chisvs Klaist vt himonna achvfa ma, haknip a im issa tok ak o isht a pi kashofa hoke.

11. Yohmi ka na holitopa isht vta puta kv nitak moma ka hiki vt nan isht ahanta kv, nan ai ashvchi isht vlhtoba mih ash inli, yvmmvt nan ai ashvchi isht kancha himma keyu ka, himonna pit im ihisa chatuk:

12. Amba hatak ilvppvt o nan ai ashvchi isht vlhtoba achvfa ka, im issa ha ya tok vt, Chihowa ibbak isht impak imma ak o binilit bilia hoke:

13. Himak a pilla mahaya hokvno in tvnvp vhleha hokvt ilap iyi ai o hikia yo toba he, ai ahnit ahanta hoke.

14. Yohmi ka nan ai ashvchi isht vlhtoba achvfa ho kashofa vhleha yvmmak okvno isht nuktalalit ai ghlichit bilia hatok.

15. Yvmmak oka anonti Shilombish Holitopa yak kia nan atokowa pim anoli hoke; yohmi kv anonti tikba ka achi ha yak osh,

16. Nan it im vlhpisa ilvppak o nitak yvmma i himmak okvno it im apihisa likmvt, chukvsh fehna ka a nan vlhpisa yoka nukfohkihinchil la he, micha im anukfila fehna ka ai o holissohonchi la he;

17. Mikmvt nan im ai ashvchi, micha vba nan vlhpisa kobahfi tok puta ka himak a pilla ma ak ithaiyano ka hi oke, Chitokaka yvt achishke, achi tok.

18. Yohmi ka ilvppa isht a kashofa kv gsha hokvno,

anonti nan ai ashvchi isht vlhtoba himmakma im issa he iksho hoke.

19. Yvmohmi hoka itibapishi li vhleha ma! Chisvs im issish ak atuk pulla kak o nukwya iksho hosh aholitopa fehna ka e chukowa hoke:

20. Yohmi kv̄t aholitopa isht ompoholmo takali yv̄mma achi kv̄t haknip ak oke, yv̄mmak atuk pulla kak o hina himona, micha okchaya holitoblichit pim apesa tok o e chukowa hoke.

21. Yohmikmvt na holitompa isht vtta chinto Chihowa im aboha i shahli hosh pim ahanta hokvt;

22. Chukvsh ai ahli, micha i yimmi ai ahli fehna, pi chukvsh mvt issish o fimmvt, isht il il-akostininchi ik achukmo ka ai i filv̄mmit, pi haknip okvt oka kashofa achukma isht vlhchifa tuk aiena ho isht i bilikasi il onashke.

23. Nana pim ihisa tok vt ai ahli yoka, nana pi yimmi il il apihisa tok vt shanaia iksho hosh il ai ahlashke:

24. Michā nana ka isht it anukfilli hosh iloh it i hullot, micha nan isht vtta achukma puta ka e yvmohma chi kv̄t, il itaiyimitachashke:

25. Kaniohmi kv̄t ai yvmohmi chatuk a chiyuhmit il itv-naha he tuk vt kil isso kashke: amba nana ka it i mihvt, nitak yv̄mmvt vlg hosi ka hvsh pisa kak osh, i shahlichī fehvt hvsh yvmohmashke.

26. Yohmi ka nan ai ahli ka il ithaiyana ha yokvt, pishno inli pim anukfila hosh il ashvchi hokmvno, nan ai ashvchi isht vlhtoba yvt himmakma takanli keyu hoke;

27. Amba isht a nukshobla he na palv̄mmi vlhpisa, micha isht i nukkilli luak aiena ka hohoyot ahanta he; yv̄mmvt vbanumpa ai ahli i sanali vhleha hoka okpv̄nit tvmola he ak osh takanli hoke.

28. Moses i nan vlhpisa yoka ik holitoblo hatuk vt nan atokowa anoli tuklo, tuchina, kanima kv̄t pisa ho isht i nukhaklo kia iksho ho, illi hatok oke.

29. Yohmi ka kv̄na hosh Chihowa Ushi yoka iyi nuta bohli a hv̄hlihinchī, micha nan it im vlhpisa issish yv̄mmak o isht a kashofa tok ash osh nana ik holitopo isht ahobvchi.

micha nan isht i kana Shilombish Holitopa ya nan isht ik ahobalo hatuk okvto, nan isht ilbvsha yvt i shahli katiohmi ho isht ilbvsha he, hvchim ahoba ho?

30. Yohmi ka, Ai vlhpiesa isht atobba hi okvt vmmi hoke, ilvppak ash achi tok yummak okvno il ithana; falaminchit atobbi la he, Chitokaka yvt achishke. Mikma anonti, Chitokaka yvt im okla vhleha hoka nan im apesa hi oke, achi kvv takanlishke.

31. Chihowa okchaya yoka nan im vlhpisa chi hosh ibak a foyuka kvv nana ka isht a nvkshopa he vlhpesa hoke.

32. Yohmi kia nitak tok ash o hvsh ithaiyanashke, yvmak amo nana ka hvsh ithaiyana ha yokvto, na palvmmi chinto puta ka it i kahanlot isht hvch ilbahasha tok:

33. Yohmi kvv isht a hofahya, micha na palvmmi puta hvchi onvtuyula hosh okla a yopissa mak o hvsh tohomba kvv hvchi yvmohmi; micha kanimikma yvmma yvmohmi puta kash o ibai achvfa hvsh tohomba kvv chiyuhmi mak inli tok oke.

34. Yohmi ka yuka talakchi yosh ahanta li ma, hvs svba nukhaklo tok; micha hvchim ilayak puta ka hvchi wehponhli kia, vlhpesa ahnit hvchi yukpa kvv nana okpula he keyu, micha achukma i shahli hosh vba aholitopa yoka hvchin tuyula kvv, hvsh il ithana hatuk okvt.

35. Yvmohmi hoka na yimmi hvchi anukfoyuka kash osh hvch ik kancho kashke: yvmmak osh nan isht vlhtoba nan isht il aiyukpa chinto ho ieshi hoke.

36. Yohmi ka nuktaiyavt achunancha he hvchim vlhpiesa; yohmi hosh Chihowa nan ai ahni tok g hvsh ataiyahli ha yosh, nana auet hvchim ihisa tok ash hvsh iesha hi atok.

37. Himak a pilla chekosi fehnakma vla hi atok vt, vla chi kvv svlaha hosh vla chi keyu hoke.

38. Yohmi ka ai vlhpiesa yokvto na yimmi pulla kak osh okchaya chi; amba hatak nana hosh falama hok mvno, sa shilombish vt isht im ai yukpa hi vt iksho hoke.

39. Amba pishno vto falama cha, nan isht ai ilbvsha bilia pihisa he vhleha yvmmak okvno il ibai achvfa keyu, amba na yimmi cha, shilombish okvt okchayvt bilia yvmmak o il ibai achvfa hoke.

CHAPTER XI.

Na yimmika yvt nana hatuk a anoli, 1 ; 7 nayimmi isht ai vni kvv vbanumpuli tikba ash ot nan im anukfila na otvni tok a anoli.

1. NA yimmi kak osh nana il isha he ai ahnit e hohoyo ka nan isht pim ai ghli yoke ; micha nana ke peso ka nan isht ai atokowa yoke.

2. Yvmmak atuk pulla kak o hatak tikba vhleha hokvt nan annoa achukma ka isht ai atokowa tok oka.

3. Na pi yimma pulla kak osh yakni puta kvv Chihowa im anumpa hak o isht a toba tok a isht il akostininchi hoke ; yohmi hatuk o nana puta e pihisa kvv nana puta otaiyani kak o isht atoba tok keyu.

4. Na yimmi pulla kak osh Ebel okvt vba isht aiokpvchi achukma kvv Ken immi ya i shahli fehna ho Chihowa hoka ont im issa tok ; yvmmak ash o nana ka ai vlhpiesa kvv isht atokowa kvv, i na hulbina puta ka Chihowa hokvt atokolit im aiokpanchi tok ; micha yvmmak atuk pulla kak o illi tok kia anumpuli kvv imomvshke.

5. Na yimmi pulla kak osh Enok vt toshowa kvv nan-illi ik peso ka chi kak atok ; micha Chihowa ak osh tosholi hatuk oka, iksho ki tok : ik toshowo kisha kvv Chihowa yoka yukpali tok, nan isht atokowa ilvppak o ishi hatok okvt.

6. Amba na yimmi iksho hokvno kaniohmit yukpala himma keyu hoke ; yohmi hoka kvna hosh Chihowa im onakmvt, yvmmak osh ahanta, micha yvmmak okvt ilap o achunanchit hohoyo puta hokvno nan im atobbi aiena ka yimmi pullashke.

7. Noah yoka Chihowa hvv nana im anohonli ma, nana ka ik peso kisha ak inli kia, nvkshopvt holitobli hokvt, i yimmi pulla hosh in chuka-chvfa yvt isht ai okchaya hi a peni chito ya ikbi tok ; micha yvmma yvmohmi kak osh okla puta ai asha tok ash na palvmmi vlhpisa hvv onvtula he vlhpesa ka isht otvninchi tok ; micha na yimmi isht ai vlhpiesa iesha hi vlhpesa hosh toba tok.

8. Eblaham okvt yakni inla yvmma i himmak o immi tobtv isha hi o, ivt ona chi ho i howa ma, yimmi pulla kak osh im antia tok; micha yvmmak o ia li, ahni keyu kia, kohchvt ia tok.

9. Na yimma pulla kak osh yakni im issa tok ash ont ahanta kvv, yakni vt immi keyu ho chiyuhmi hosh Aisaak, micha Chekob ita tuklo, yvmmvt nan im issa tok mihi ash iesha he im ai vhpesa ak inli ka ai itapehvt vlhtipo anukaka yo ahshwa tok:

10. Tvmaha chito intolahpi yvt kvvlo achukma yvmmak oka Chihowa hak osh apesvt bohli, micha ikbi yak o hohoyo hatok okvt.

11. Na yimmi pulla kak osh anonti Sela ilap inlit isht hlampko ishi hosh chakali cha, vlla sholi tok, ai yvmohmi chatuk a ont ivt kvnia kia, yvmmak ash ot nan im issa tok a ai ghli yoke ahnit i yimmi hatok okvt.

12. Yvmohmi hoka achvfa, yvmmvt illi ak o chiyuhmi kia, laua kvv fochik vba shutik ai asha ka itilau, micha shinuk a holhtina iksho okhvta ontalaka ai asha kak o chiyuhmi hosh a toba tok.

13. Ilvppvt momvt yimmi imoma hosh illi tok; nan im ihisa tok a ishi tok keyu; amba yvmmvt hopaki fehna moma ho pihisa kvv, yvmma yimmi ai ghli fehvt anukfoyuka hosh, yakni paknaka ai asha kvv, peh novvt aya, ai anta na hopaka he ik im iksho yosh il anohonli tok.

14. Kvna hosh yvmma chohmi ka achi hokvto, ai ahanta he yakni yo hoyo kvv otvvinchi fehna hoka.

15. Yohimi ka yakni yvmma a kohchvt minti tok vt anukfihinli hatok okmvt, a falama hi vt takanli akinli tok mvhlishke.

16. Amba himonasi kvno yakni achukma i shahli, yvmmvt vba yakni yak o bunna hoke: yvmohmi hoka im Chihowa isht a hohchihifo kvv, Chihowa hvv hofahya keyu, yvmmak oka tvmaha chito yo im ataiyahli hatok okvt.

17. Na yimmi pulla kak osh Eblaham okvt nana ka imomaka pisa ho, Aisaak a im issa tok; micha nana im

ihisa puta kash ishi hatuk okvt ushi yvmmak i bieka tuk vt im issa tok.

18. Yvmmak o isht anumpa hosh Aisaak ak o chi unchululi kv̄t isht a toba hi oke, achi tok.

19. Chihowa yokvt, illi tuk kia, falaminchit tanicha he bano hoka, ai ahni pulla hatuk mak osh yvmmvt illi tuk a chiyuhmichit falaminchit ishi tok.

20. Na yimmi pulla kak osh Aisaak okvt Chekob, Esau ita tuklo kv̄t i himmak nana im akaniohma hi oka im anolit yukpali tok.

21. Na yimmi pulla kak osh Chekob okvt illit isht mahaya mvt, Chosef ushi a ita tuklont yukpali tok; mihmvt in tvbi wishakchi ak o on hlipia hosh Chihowa ha aiokpvchi tok.

22. Na yimmi pulla kak osh Chosef okvt illi mvt, Israel im vlla vhleha hokvt wihvt itvnowa hi oka isht anumpuli tok; micha ilap foni yoka kanimihcha hi oka im apesa tok.

23. Na yimmi pulla kak osh Moses okvt vttahpi mvt, vlla aiokli fehna ho iki, ishki ita tuklo kv̄t pisa hatuk osh, luhumi na hvshi tuchina ona tok; micha miko i nan vlhpi-sa ya i nukshopa tok keyu.

24. Na yimmi pulla kak osh Moses okvt avnot taiyaha mvt, Feleo ushetik ushi isht a hohchifa he ik ai ahno kv̄t;

25. Chihowa im okla vhleha hak o na palvmmi isht ibai ilbvsha kak osh nitak kanomosi takla, nan ai ashvchika ai isht ilaiyukpv̄t ahanta hi atuk vt im i shahli tok:

26. Yohmi kv̄t Klaist a i yimmit isht a hofahya yak osh nan isht ilaiyukpa chinto kv̄t Echip anukaka nan im ilayak puta ai asha ka im i shahli tok; nan isht vlhtoba nan isht ilaiyukpa yak o hohoyo tok okvt.

27. Na yimmi pulla kak osh yvmmak ash ot Echip a issa kv̄t, miko yokvt isht i nukkilli ya i nukshopa tok keyu yohmi kv̄t nishkin vt pisa he keyu yvmmak okvno pisa kash chiyuhmit nuktaiyalvt achunanchit ahanta tok.

28. Na yimmi pulla kak osh yvmmak ash ot vbanvblit ont ai, micha issish isht o fimmi aiena ka hohitobli na, vttahpi ahambi yvmmvt ik halelo ka chi hatok

29. Na yimmi pulla kak osh okla hut okhuta humma yvt yakni shila chiyuhmi ho a hlopulli tok; yvmma Echip okla hokvt hobachi hosh okai illit taiyaha tok.

30. Na yimmi pulla kak o Cheliko tvli isht a holihta yokvt okla apakfohempa na nitak untuklo ma aka itula tok.

31. Na yimmi pulla kak osh Lehab ohoyo havi yatuk vt, yimma he keyu vhleha hoka ibafokvt illi tok keyu, na tikba pisa vhleha hoka i kanvt ilap in chuka yoka ik chukowá, im ahni hatok okvt.

32. Micha himmakma nanta hak o achi la chi? Yohmi kvk Keteon, Balak, Samson, Chefhli, Lewi aiena, micha Samuel, micha hopaii vhleha aiena ka isht anolit ont taiyahli la he keyu hoke:

33. Yvmmak okvto na yimmi pulla kak osh apehlichika puta imaiyachi, nan ai vlpiesa ka yvmihinchi, nana im ihisa tok a ihishi, koi hochito itakha ya akvmmi aiena tok;

34. Luak libbi isht lua mosholihinchi, bvshpo falaia halupa ai i hlakohofi, tikambi tuk vi hlampko, itibi kvk kvllo isht i shahlit mahaya, oklushi inla in tvshka chipota ya falaminchit tihlinli aiena tok.

35. Ohoyo vhleha ha im illi tuk vt anonti falamvt okchaya na ihishi tok; mihma inla yvt a hlakofa he im issa kia, vlpesa ik ahno hosh nan isht a hotopa; issikkopa pihisa, yohmi kvk falamvt tani achukma i shahli ho isha he ak atok:

36. Mihma inla yvt isht ik ahobalo anumpa okpulo fehna, micha fvma isht a hotopa fehna puta, mihmvt anonti talakchit aboha kvllo fohoka aiena ka isht ai imomaka pihisa tok:

37. Okla tvli isht bohova, bvshvt ita hokohofa, isht ai imomaka pihisa, bvshpo falaia isht ai ihinli: chukfi vlpoba hakshup, micha issi kosoma hakshup aiena ho foyukvt yakni haiaka ai itvnowa, nana ik im iksho kamohmi hosh, nan ilbvshvt issikkopa aiena tok;

38. Yvmmak oka yakni yvt immi ha he ik ono hatok;

yakni haiaka nvnih anuka, micha tvli chiluk, micha yakni chiluk anuka aiena ka okla gshvt itvnowa tok.

39. Mihmvt ilvppvt moyumvt na yimmi pulla kak osh nana annoa achukma ka isht ai atokowa kia, nana im ihisa tok g ik isho ki tok.

40. Chihowa hak osh nana inla achukma ho pim ataiyahli ka, okla pibai achafa keyu kvv ai ghlit im vlhtaha hi atok keyu hoke.

CHAPTA XII.

Chihowa anukfoykvt achunanchit nayimmi ka il ai itvnowa he achi, 1; 22 kvna hosh nan vlhpisa himona aiokpvchi kvv isht ai yukpa ahalala he vlhpesa ka anoli.

1. YUMOHMI ka nan atokowa anoli puta kvv hoshonti chinto ka chiyuhmit yakohmi hosh isht a pi apakfoyupa ak inli hokvt, na weki puta, micha nan ai ashvchi yvt nan isht ahomba iksho isht a pi apakfoyupa a moma ka naksika e boyuhli cha, a mvllela he pit tikba ituyula ka nuktaiyalvt achunanchit e mvllihinlashke,

2. Chisvs nan isht a pi yimmi ka pi nukfohkichi, micha atahli, yvmmak osh nan isht ilaiyukpa yvt itikba auet takali kak osh vlhpesa ahnit, ititaiyukhvua ya takalit, nan isht a hofahya nan isht ik im ahobo tok osh, Chihowa ai o binili holitempa isht impakimma yak o binili ka hvsh pihisashke.

3. Yohmi ka hvchim anukfila hvv tikambit vm ai ghla he keyu, ahnit taha yoba hinla kvv, nan ashvchi vhleha hvv ilap g i sanahanli kia yvmmak oka vlhpesa ai ahni tok g hvsh anukfihinlashke.

4. Hvchishno yokvto nan ai ashvchika ya i sanali kullo fehvvt hvsh ilafoa na issish isht ik hlatapo kishvshke.

5. Micho isht a nukvla he anumpa hvv hvchim anum-puli kvv vlla yo chohmichit, Svso ma! Chitokaka i nan isht kostinichi ya chik ahobalo ki na; micha yvmvt chi kostinichikma, vm ai ghla he keyu, chik ai ahno kashke, achi ka chimi haksi tok o?

6. Yohmi ka Chitokaka yvt kena hō i hullo hokvto kostininchi hoke; micha ushi puta ka ahninchi hokvto fummi noke.

7. Hvchi kostininchi ka nuktaiyavt vhpesa hvsh ahni hokma, Chihowa hak osh ushi yō chohmichit hvchi yvmihchi hoke; ushi nanta hō iki vt kostininchi keyu ka anta hatuk o?

8. Amba nan isht kostininchi yvmmak oka moyuma kv̄t ibai ishi chatuk bano, yvmv̄t ik hvchim iksho hokv̄to, ushi vhleha hvchia keyu, amba iki iksho hvchia hoke.

9. Mihv̄t anonti p̄iki vt haknip āsha pishno chohmi hosh pi kostininchi chatuk; mihma yv̄mma e holitobli tuk vt shilombish puta Iki yokak heno i nutakv̄t il ai asha cha, pi okchaya he ak osh pim i shahla hinla keyu hō?

10. Yohmi ka yvmmak okv̄to nitak kanomosi takla hō ilap ai ahni hosh pi kostininchi chatuk mv̄hlishke: amba yvmv̄to nan isht pim ai achukv̄t, ilap nan ai v̄hpiesa kak o il ibai isha he ak atok oke.

11. Yohmi ka himonasi ka isht a kostininchi hokv̄no isht ai yukpa he ik ahobo, amba nukhaklochi; yohmi ak inli kia yv̄mma isht ai yvmohmi vhleha hokv̄no i himmak o nan isht ai v̄hpiesa nan vni achukma ka i wayvchi hoke.

12. Yohmi hoka hvch ibbak vt aka pit takali ka ho wakeli, micha hvch iyikalaha ik hlampko ka apissvlechit ho hilechi;

13. Michā hvch iyi ya hina apissa hō hvsh im ikbashke, keyukma hanali okpulo yv̄to tahlofa hinla hoke; amba yvmv̄to ik yohmo hosh hlakofi kak o ahni fehna hetuk oke.

14. Achunanchit hatak puta ka it i nanaiyvt, nan ai ashvchi iksho ya hvsh ieshashke, yvmv̄t iksho ka hatak nana kia Chitokaka ya pisa he keyu hoke.

15. Nana ka ahah! hvsh ai ahnashke, keyukma hatak kanima kv̄t Chihowa yvt isht i kana ya i hlakofi yoba ná; mikv̄t na homi okpulo hakshish kia offot kohcha cha, hvchi atakv̄m̄mi na lāwa kv̄t isht ai okpula hinla hoke.

16. Anonti hatak haui, micha vbanumpa ik ahobalo ka-

nima kv̄t, Esau yokv̄t ilhpak himonna vpa yokak o vttahpi nana kv̄t ilap ai immi hatuk vt kanchi tok a, chohma hinla kv̄t anta yoba ká.

17. Yohmi ka kaniohmit i himmak okvno nana isht ai yukpa he anumpa tok a isha he ai ahni kia, vlhpesa ik im ahno tok a hvsh ithana; yohmi ka im anukfila ha inlvcha he yvmmak o achunanchit nishkin okchi mihinti hosh asi-hihla ak inli kia, ik ahayucho ki tok.

18. Yohmi ka nv̄nih yv̄mma petola hinla, micha luak isht luhwa, hoshonti lusa, micha okhlilika, micha apeli chinto aiena hq hvsh ona keyu,

19. Yohmi kv̄t isht-pufa yvt ohonla, micha anumpa vlhpisa puta isht anumpohonli ma, yv̄mma okla hv̄t haiyak-lo mv̄t, anumpa yv̄mmv̄t himmakma ilap a isht ik im anum-po ka ch̄i ka asilhha tok :

20. Yohmi kv̄t nana im anuhumpa kv̄t kaniohmit vlhpesa ahnit okla haponakla he keyu hatok; yohmi ka nan vlhpo-ba yak oh kia nv̄nih ha haleli hokmv̄t, yv̄mmv̄t tv̄li isht bov̄t illa hi atok, keyukmv̄t iti falaia tv̄li halupa achaka yo isht bahv̄t hlopulla hi atok :

21. Michā na pisa yv̄mmv̄t isht a nukshopa fehna he vlhpiesa hatuk o, Moses vt, Sa nukshopa fehna hosh sa wv̄nihinchishke, achi tok :

22. Amba hv̄chishno yv̄to nv̄nih Saion, micha Chihowa okchaya in tv̄maha chinto, Chelusalem vba talaia, micha enchil vhleha, a holhtina iksho kamohmi, itahoba chinto ai asha,

23. Michā vttahpi im iksa hohchifo hv̄t vba a holitopa yak o a holihiso, micha Chihowa moyuma ka nan im apesa, micha hatak vlhpiesa puta imi shilombish vt ai ghli toba tok,

24. Michā Chisvs nan it im vlhpisa himona ya ai-ghlichī, micha issish nan isht o fimmi, yv̄mmak osh Ebel vt a yvmohmi tok a nana achukma i shahli hq isht anumpuli aiena hq hvsh ona hoke.

25. Ahah! ahnit yv̄mmv̄t anumpuli ka hv̄ch ik i hapo-naklo ki ná. Yohmi ka yakni paknaka ai anumpuli ka ik i

haponaklo mvt hlakofi tok keyu ka, yummvt vba a holitopa yak o suet anumpohonli ho il i fikvmmi hokak heto, pi hlakofa he keyu fehna hoke :

26. Yvmmak o im anumpa hosh nitak yvmmak ash yakni ya winalihinchi tok ; amba himonasi kvno yummvt nana anoli kv, Anonti himonna ha yo yakni ak bano keyu, amba vba yakni yak kia winalihinchi li mak inli, achishke.

27. Mikma, Anonti himonna ha yo achi, anumpa ikvppvt nana puta kv winakahancha hinla kvto, toba hatuk osh, ont akshot taha chi ho isht otvni na nana puta kv winakahancha he keyu kak osh gsha moma chi hatok.

28. Yvmohmi ka apehlichika yummvt aksha he keyu mak o il ishi hokvt, Chihowa yvt isht i kana yoka il ieshi pulla hosh, holitoblit i nukshopa ai ahli ai vlhpiesa hosh Chihowa yoka nan isht il im ahantashke.

29. Pin Chihowa yokvt luak nan okpvnit kahanchi yoka.

CHAPTA XIII.

Nana ka a yvmihcha he vlhpisa kanihmi ka anoli, 1 : 7 im vbanumpa isht anumpuli vbleha ho holitobla he i miha : 9 nan ithvnanchi inla hokvno ik i haponaklo he, 16 vbanumpa hvv holitopa, hi ahnit nan isht apelvchi : 17 nan vlhpisa ya im antia he aiena ka i miha : mihmvt isht aiyopichi kv vba isht anumpuli.

1. ITIBAPISHI it i hullo kv mahaya pullashke.

2. Hatak ik ithano ya i kanvt apelvcha he tuk vt ik hvchimi hakso kashke ; yvmma ai yvmohmi kak osh kanihmi kv ik ithano kia, enchil g aboha ya ik chukowá im ahni cha apelvchi tok oka.

3. Talakchi puta ka ibai achvfa ho chiyuhmit, micha na palvmmi isht ilbvsha yvmma puta ka hvsh ithaiyanashke ; hvchishno yak kia hvchi haknip vt hvchi shilombish ai itifo-ka moma hokvt.

4. Nan itauwaya yokvt hatak moma ka isht im ai vlhpiesa, micha topa yvt okpulo keyu kv isht a holitopa hoke ; amba itauwaya yvt ik it im ai ghlo puta, micha havi puta aiena kvno Chihowa hvv nan im apesa hi oke.

5. Nana hvsh it i kakiohmi kv̄t nana it im anushkunna kv̄t ik hvchim iksho kashke; micha nana kaniohmi hosh hvchim āsha hokmvt isht hvchim vlhpiesashke; yvmmvt, Chissvt ia la himma keyu, micha hvchi kanchi la himma keyu, ahanchi tok oka.

6. Yvmohmi hoka Chitokaka yak osh na si apela yoke, micha hatak vt nana h̄o sa kanimihcha hinla hokvno i sa nvkshopa he keyu, pi nukwaya iksho hosh il acha he bano hoke.

7. Hvchi pehlichy yvmmak oka hvsh itaiyanashke; yvmmak osh Chihowa im anumpa hoka isht hvchim anumpohonli tok; yvmmvt na yimmi tok ak o hvsh hobachi cha, nana a kaniohmi tuk ash ai vhli ka hvsh anukfihinlashke.

8. Chisvs Klaist okvt pilashash kaniohmi tuk vt, himak nitak ā mih ash inli, micha peh bilia yoke.

9. Nan isht vlvchi ilapissa, micha ilaiyuka ka isht hvchi filemoa ná; Chihowa hv̄t isht i kana hak o chukvsh vt isht ai āhli ka nana achukma hoke: nan ilhpak ak keyu, yvmmak okvto yvmma isht ai ahanta kia nana im achukmali tok keyu hoke.

10. Pishno vto alta yvt pi hikia; yvmohmi ka vlhtipo chash o nan isht ai ahanta yvmmak okvto ai impa im ai vlhpesa keyu hoke,

11. Yvmohmi ka anonti nan vlhpoba yvmmak o issish o isht nan ai ashvchika ak pulla kak o na holitompa isht vta chinto yvt a holitopa yā ishit chukowa h̄o, nipi ash ot abinanchi ka misha yo a hulukmi beka tok.

12. Yvmohmi ka Chisvs ak kia ilap im issish ak o okla isht kashofa chi kak osh, holihta isht vlhk̄vma misha yo ai ilbvshvt illi tok.

13. Yohmi hoka ilap vt nan isht hofahya tok chiyuhmi h̄o ieshi hosh, abinanchi yak o kiloh ia cha kiloh im oná.

14. Ilvppak okvno tv̄maha chito talaia bilia hi vt ik pim iksho, amba himmak vla he achvfa kak o e hoyo hokvt.

15. Yohmi ka yvmmak atuk pulla kak o Chihowa isht a holitopa he pitiv̄lbi isht a waya ka yvmmak o pit il im ih̄sv̄t bilia cha, ilap hohchifo h̄a yak oke ai ahnit, il aiokpahanchashke.

16. Micha nana achukma isht ahanta cha, vbanumpa nar isht apelvcha he aiena tuk vt hvchimi haksi ná: nana isht it i hullo yvmma chohmi kak o Chihowa yokvt isht im vlpesa fehna hoke.

17. Hvchi pehliechi ka holitoblit hvsh im antia pullashke; hvchimi shilombish isht im anukfhinla kv, nana il anohonli pulla chi ho chiyuhmit, na yukpa hosh yvmohmi hokbano, nan isht a nukhaklo keyu, yvmmak okma nan isht a hvchi yukpa he keyu hoka.

18. Anumpa ilbvsha isht hvsh pi anumpohonlashke; yohmi kv nan okluha ka ai isht il akostininchi achukma ho il ieshit ai vlpiesa kak bano hosh il ahanta he il ai ahnishke.

19. Yohmi kia ilvppak o yohmik bano hvchim ahni li i shahli hokvto, chekosi g holhtofa cha, falamvt hvchim ona li hok bano, ai ahni lishke.

20. Yohmi na nan it i nanaiyvchi Chihowa yvmmak osh nan it im vlpisa bilia issish ak atuk pulla kak o Chukvlpobapesa apesvchi chinto, pin Chitokaka Chisvs okvt illi tuk g falaminchit tanichi tok okvt,

21. Ilap nan ai ahni ka hvsh yvmihcha chi ka nan toksvli achukma puta ka hvchi anukfokhinchit isht hvchim ai ghlichich ho, ilap nan isht im vlpiesa fehna ka Chisvs Klaist ak atuk pulla kak o hvsh yvmihinchashke; yvmmak pulla kak o isht a holitopa yokvt immi bilivt peh biliashke. Amen.

22. Mikmvt itibapishi li vhleha ha nan isht atohnochi anumpa achukma ka vlpesa ahnit hvsh aiokpvchi hokbano hvchim ai ahni lishke: anumpa kanomosi hvchi holissochi li tuk okvt.

23. Yohmi ka il itibapishi Timohli vt ik ia im ahni na ia tuk oka hvsh ithanashke; yvmmvt chekosikma vla hokma, awant ont hvchi pisa la chi oke.

24. Hvchi pehliechi puta, micha vbanumpuli moyuma ka hvsh aiokpvchashke. Itali okla hv hvchi aiokpvchishke.

25. Isht i kana yokvt hvsh moyuma ka hvchi anukfoykashke. Amen.

CHEMIS

I HOLISSO HOKE

CHAPTA I.

Na pi palvmmi kv̄t nan isht il aiyukpa he tuk, 1 ; 3 mikmvt nan isht il ahopoyuksa Chihowa ya il im asilhha he tuk ; 13 nan isht a pi palvmmi kv̄t na pim ashvchika yvt Chihowa yak o a mintishke, il acha he keyu ; 22 vbanumpa ha im antia yo hv̄pia hashke. 27 vbanumpa nukfohka ghli kv̄t nana ha tuk a anoli.

1. CHEMIS, Chihowa, micha Chitokaka Chisvs Klaist in tishu hv̄t Islael isht atiaka akvshkoa auah tuklo kv̄t ita fimimpvt kanima moma maya puta ka, pit aiokpv̄chi hoke.

2. Itibapishi li v̄hleha ma ! nan isht imomaka pisa ilaiyuka puta ka hv̄sh pihisakmvt, na yukpali i shahli nana kak o hv̄chim itilauashke :

3. Na hv̄chi yimmi nan isht imomaka pisa yak osh nuktanlv̄t achunanchi ya anukfokkichi hoka hv̄sh ithaiyanashke.

4. Yohmi kia hv̄chishno vt hv̄chi aighlit hv̄chi v̄lhtaha ka nan isht ik ai ono kv̄t ik hv̄chim iksho ka hi a, nuktanlv̄t achunanchi yak osh a kaniohmi he tuk vt ont aighli pulashke.

5. Hv̄sh kanimi kv̄t isht a hopoyuksa hi vt ik hv̄chim iksho hokmvt, Chihowa hak o, yvmmak osh hatak moma ka ai okpanchit ima, micha nan isht ik mihacho chatuk ak o, im asilhashke. Yohmikma yvmmak oka ima he bano hoke.

6. Yohmi kia na yimmi hosh nan isht anuktuklo nana kia ikshot asilhashke ; kv̄na hosh anuktuklo hokv̄to, okhv̄ta oka

banvtha hq mahli hvt shalit isht ia na poakahanchi kak o chiyuhni hoka.

7. Yohmi hokvt hatak yummak okvt Chitokaka ya nanasi kia im a habena hi g ik im ahobo kashke.

8. Hatak im anukfila tuklo yvt nana a kaniohmi puta kvf fitikahanchi hoke.

9. Il itibapishi hvt ilbvsha yatuk osh holitopa kvf na yukpashke.

10. Yohmikma nan in laua yatuk osh akanlosit toba kvf na yukpashke: yohmi kvf yummak okvt ont iksho kvf haiyukpulo pakanli ak o chiyuhma chi hokvt.

11. Hvshi vt na hushma he lvshpa ka il ai ishit kohcha mak inli hosh haiyukpulo puta ka bvshechikma, pakanli asha tuk vt chilofa na pisa aiokli tuk vt okpulo chatuk; yohmi ka hatak nan in laua ahanta kak kia yummak inli hq chiyuhmit nana a kaniohmi yatuk vt ont ai iksho ka hi oke.

12. Hatak nana hosh nan isht imomaka pisa ya pisa cha, ai ghli hlopulli hokvto na yukpvshke; yummak okvto ai ghli hlopulli ha yokvto, ai okchaya iachuka holitompa Chitokaka yvt, kvna hosh ilap g holitoblikma, ima hi vt miha tok mak o isha hi okvt.

13. Hatak nana kia nan isht anukpvli pisa hokvt, Chihowa hak osh sa nukpvlechi hq, ik acho kashke; Chihowa hvt nan ik vlhpeso ya ishit nukpvla he keyu, mikmvt ilap vt hatak nana kia isht nukpvlecha hi o keyu hoka.

14. Amba ilap chukvsh nan ahni yak osh halvllit ishit mahayvt yukachi hok mak o, hatak moma kvf nukpvli hoke.

15. Yohmi tuk mak o chukvsh nan ahni ash osh chakali mvt, nan ai ashvchika yq cheli hoke; atukma nan ai ashvchika ash osh ont ai vlhtaba hokvto, nan illi hq ikbi hoke.

16. Itibapishi li g holitopa vhleha ma! hvch ik yoshubo kashke.

17. Na hvlbina achukma, micha na hvlbina ai ghli puta hokvto vba ak o a minti; yohmi kvf yummak okvt inlvf takohli, micha ilaiyuka kia ik im iksho, nan tohwikeli puta Iki ak o a minti hosh aka vla hoke.

18. Immi ha hi osh ikbi tok puta nan i wayahpi e chiyuhma hi o, ilap ahni hosh anumpa ai ahli yo ishit tobahan-chi tok.

19. Yohmi hoka itibapishi li a holitopa vhleha ma! hatak moyuma kv̄t tushpa hosh haponaklokmt̄, sv̄laha hosh anumpuli cha, nukhobela mt̄ sv̄lashashke:

20. Hatak nukhobela im anukfila hv̄t Chihowa holitobla hi a nukfohkichi chatuk keyu hoke.

21. Yohmi hoka na liteha okpulo puta, micha nan ik ai vlhpeso ilaiyuka puta ma mominchit naksika hv̄sh bohli cha, anukfila yohbi hosh anumpa hollokchi, yvm̄mak osh hv̄chim i shilombish puta okchalincha hi vt̄ im vlhpiesa ka hv̄sh ih̄ishashke.

22. Yohmi kv̄t anumpa h̄a haklo ill̄vt̄ hv̄chishno inli isht hv̄chik ile yoshublo kish, amba holitoblit im antia yo hv̄chia hashke.

23. Kv̄na hosh anumpa h̄a haponaklo kia, holitoblit im antia keyu hokmt̄, yvm̄mt̄ hatak osh a pisa ya ilap nashuka ak inli ka ai il a pisa ka chohmi hoka.

24. Yvm̄mak ash ot ilap inli ka ile pisa cha, kanima iakmt̄, mih mak inli h̄o hatak kaniohmi atuk ash osh imi haksi chatuk oka.

25. Amba kv̄na hosh a yuka keyu nan vlhpisa ahli ka pi-h̄isvt̄ achunanchi hokv̄to, yvm̄mt̄ anumpa h̄a peh haklot imi haksi keyu hatuk osh, amba holitoblit na toksuli isht ahanta hokv̄to, hatak mihi yosh yakohmit ahanta kv̄t nan isht ilai yukpa hi oke.

26. Hatak nana hosh hv̄chi takla anta kv̄t vbanumpuli yo ahoba kia, ilap isunlush a ik apesacho hosh, amba ilap chukv̄sh ash inli ka haksichit ahanta hokv̄to, hatak ilv̄ppvt̄ vbanumpa yimmi kv̄t im ahli keyu hoke.

27. Na yimmi ahli, liteha ikshot, Iki Chihowa itikba takali kv̄t, vlla vlhtakla vhleha, micha ohoyo i hatak illi puta aiena ka nana kv̄t im a palv̄mmit aiasha ka, i nowvt̄ aya, mikmt̄ yakni a isht ik ile litehacho aiena ilv̄ppak oke.

CHAPTER II.

Ubanompuli vt nan in laua ya holitobli cha, anonti itibapishi ilbvsha ya kanimanchi ka vlhpesa keyu, 1; 18 amba i hullot it i nukhakla he tuk; 17 na yimmi kv̄t isht ai v̄ni kv̄t ik im iksho hokv̄to illi yoke; 21 Eblaham na yimmi kv̄t yv̄mma chohmi tok keyu.

1. **ITIBAPISHI** li v̄hleha ma! pin Chitokaka Chisvs Klaist Chitokaka holitopa ya hvsh i yimmi kv̄t, hatak oka it̄i shahsholechit isht holitoblit hvch ik ahanto kashke.

2. Hatak vt na fohka hochukma h̄q fohka cha, tvli holisso lakna ibbak ushi abeha abehkv̄chi hosh, hvchim ai it̄v̄naha ya v̄la ma; anonti hatak ilbvsha mv̄t nafohka hlipa ya fohka hosh v̄la;

3. Yohmi hokma nafohka hochukma h̄q fohka kak ash o hvsh holitobli cha, yv̄mmak ash o, Aiasha achukma ilv̄ppak o binili, hvsh im achi: mikmv̄t ilbvsha ash o, Yv̄mmak o ish hikiashke; keyukmv̄t ai asha li nutaka ilv̄ppak o ant ish ashashke, hvsh im achi;

4. Yohmi kv̄t yv̄mmv̄t hvchishno inli hvsh il it̄i shahsholechi, micha anukfila ai vlhpesa keyu nan isht im anukfilli yo hvsh toba h̄q keyu?

5. Itibapishi li a holitopa v̄hleha ma! hvsh haponaklashke; yakni pakna ilv̄ppa ilbvshv̄t aiasha kv̄t ai yimmi ka yo nan isht ai in laua ch̄i, micha kv̄na hosh ilap a holitobli tuk ma, v̄ba apelihchika yo ima hi vt miha tok mak o immi ha ch̄i ka, Chihowa hv̄t atokolichi tok keyu?

6. Amba hvchishno yokv̄to ilbvsha ya hvsh kanimanchishke. Hatak nan in laua v̄hleha hv̄t hvchishno a hvch ilbvshachit, nan ai apesa kia hallv̄lit hvch isht oh̄na chatuk keyu?

7. Na hohchifo holitopa yv̄mmak o isht a hvchi hohchifo hatuk ash ik ahobalot okla nanumahanchi keyu?

8. V̄ba nan vlhpisa i noshkoboka, Holisso Holitopa vt, Chin chuka panta hatak a ish i hullo kv̄t chishno inli kak o ish itilauechashke, achi kak o, hvsh ai gh̄lich̄i hokmv̄t, vlhpesa h̄q hvchi yv̄mohmi hoke:

9. Amba hatak puta ka itij shahsholechi hosh hvsh ah-ninchi hok mvto, hvsh ashvchi; yohmikmvt nan vllhpisa kobvffi mak o nan vllhpisa yash ot isht a hvchi atokowa hoke.

10. Kvna hosh nan vllhpisa ya mominchit ai ghlichichosh, anonti achvffona ka kobvffi hokvt, mominchit kobvffi mak oke.

11. Hvsh itij lumaka na, achi mvt, anonti kvna kia ish bi na, achi ak inli tok oka. Yohmi ka hvch ik itij lumako hoh kia, hatak a ish bi hokmvt, nan vllhpisa kobvffi o ish toba hoke.

12. Hvsh anumpuli, micha nana hvsh a kaniohmi puta kvv, a yuka keyu nan vllhpisa ho kvna hosh nan isht im vllhpisa hi vt kaniohma he vllhpiesa ka, hvsh chiyuhmashke.

13. Kvna hosh inla ya ik i nukhaklo ke tuk okvto, ilap mvt i nukhaklo iksho ho nan im vllhpisvt na palvmmi pisa he; mikma nan i nukhaklo yokvto nan im vllhpisvt im a palvmmi a ik i nukshopo hoke.

14. Itibapishi li vhleha ma! hatak vt ai yimmika yvt anukfoka miha kia, na toksvli kvv ik im iksho hokvto, yvm-mvt nanta ho isht im ai achukma hinla ho? Ai yimmika illa kvv yvma okchalincha hinla ho?

15. Ikxa ibafohka itibapishi, in tek kanima hosh nipi bano cha, nitak yvma nana vpa he kia ik im iksho;

16. Yohmikma hvsh achvffona kvv yvmmak ash o haknip a nan isht apelvcha he ai vllhpesa ka hvsh ima keyu nana kia, Hvchi libishvt, hvchi kaiya hosh na yukvvt hvsh itvno-washke, hvsh im achi ka, nanta ho isht ai achukma hinla cho?

17. Yohmi ka ai yimmika yak kia yvmmak inli ho chohmit, na toksvli hvv ik im iksho ho, yvmmak illa hokmvt, illi hoke.

18. Ahli, kvna kia, Chishno vto ai yimmika yosh chi nukfoka ma, anonti vno vto na toksvli ak o isht ahanta lishke; nana ka isht ish ahanta keyu hosh nan isht a chi yimmi ha is svm otvnochikma, anonti vno vto nana ka isht ahanta li hosh nan isht a sai yimmi kvv chim otvnochilashke.

19. Chihowa hvt achvfa ka hvchi yimmi kv̄t, v̄lhpiesa h̄q hvchi yvmohmishke: nan isht ahullo okpulo vhleha ak kia yimmi cha, wvnihinchi hoke.

20. Yohmi kia ai yimmika yokvt, na toksvli hvt ik im iksho yokvto, illi mak atuk ̄, hatak ik hopoyukso chia hvt akostininchi ka ish ahni cho?

21. Pin tikba Eblaham vt ilap ushi Aisaak ̄ alta pakna vba isht ai okpv̄chit isht ahanta kak osh isht ai v̄lhpiesa tok keyu?

22. Yvmmak okvt nan ishi ahanta ka ai yimmika yokvt kaniohmit ibai isht ahanta tok, micha nan isht ahanta pulla h̄q ai yimmika yvt isht ai ̄hliit kv̄nia tok ̄ ish akostininchi cho?

23. Michā Eblaham vt Chihowa h̄q i yimmi tok; mihmvt yvmmvt nan ai v̄lhpiesa h̄q isht im v̄lhpisa tok, achi Holisso Holitopa vt ont ai ̄hli tok; mihma yvmmak ash osh Chihowa i kana isht hohchifo tok.

24. Yohmi hoka na yimmi illa kak keyu, amba nana ka isht ahanta kak o pulla hosh hatak vt kaniohmit isht ai v̄lhpiesa ka hvsh akostininchishke.

25. Yohmi ka yvmmak inli chohmi hosh ohoyo havi Leahab vt nan isht ahanta ilvppa pulla hosh okla yakni pisvt ̄ya tuk ̄ pehlichit ishi tuk osh, hina inla h̄q pit tihleli hosh isht ai v̄lhpiesa tok keyu?

26. Hatak haknip vt, shilombish vt iksho hokvno, illi yo chatuk ̄, na yimmi hak kia nan isht ahanta kv̄t ik im iksho hokvto, illi ak inli hoke.

CHAPTER III.

Ai o walamp̄li hosh inla ȳq na kil i miho ka he tok, 1; 5 pisunkv̄sh ̄ il im av̄mmashke, haknip ̄ ai achvfa kitinosi kia, nan achukma hokmā, ik v̄lhpeso chinto hokmā, nana ka yvmihcha he bano; 13 na hopoyuksa ̄hli hokvto im anukfila yohbit nanaiya, nukhobela kv̄t ik im iksho chatuk.

1. ITIBAPISHI li vhleha ma! nan isht v̄lhpisa chinto i shahli mak osh pi onvtula hinla ka hvsh ithana kv̄t, nan ithauanchi ̄ lauv̄t hvch ik tobo kashke.

2. E moma kv̄t nana ka il ai ibetv̄bli kv̄t laua hoke. Hatak nana hosh anumpa h̄a isht ik ibetv̄blo hokm̄vt, mihi yosh hatak ai gh̄li, micha hakn̄ip ̄a mominchit apesahancha hinla hoke.

3. Yakeh! pim antia ch̄i ka issuba itih h̄a kapali ̄a e fohki chatuk; micha hakn̄ip ̄a mominchit e fullolichi hoke.

4. Yakeh! anonti peni hochito, yv̄mm̄vt na hochito fehna h̄o mahli kullo hosh shalit isht ih̄iya kia, apesv̄chi mak osh kanima h̄o ia hi ̄a ahnikma, isht afana yv̄t iskv̄tinosi kia fullolichi chatuk oke.

5. Yv̄mmak in̄l h̄o chohmit isunlv̄sh vt nana iskv̄tinosi ak inli kia, nan aiaka mak ̄o ai isht il atambli chatuk: mikma yakeh! lvak vt iskv̄tinosi kia iti laua chinto luachi chatuk.

6. Yohmi ka isunlv̄sh vt luak, micha ai ashv̄chi yakni mak oke: yohmi hosh isunlv̄sh vt pi hakn̄ip ̄a ibai achv̄fa hatuk osh hakn̄ip ̄a mominchit okp̄ahani; micha yv̄mm̄vt ai okpuloka luak mak ̄o isht libbi hatuk osh, hatak isht ai unchululi puta ka libbichi chatuk oke.

7. Nampoia ilaiyuka, micha hushi, micha nana hosh aka a ita balv̄lli, mikm̄vt okhv̄ta an̄ka ai asha puta kv̄to kostini chatuk: hatak isht ai unchululi puta kv̄t yv̄mmak okvno kostininchi chatuk oke:

8. Amba isunlv̄sh ak okvno hatak naha hosh kostinincha hi ̄o keyu; yv̄mmak okv̄t nan ik v̄lhpeso, kostina hi ̄o keyu, hatak isht illi banot alotowa hoke.

9. Yv̄mmak ̄o Iki Chihowa h̄a isht il ai okpahanchikm̄vt; anonti yv̄mm̄vt Chihowa h̄a holba hosh toba tok hatak puta kash yv̄mmak ash inli h̄o anumpa okpv̄lo isht e mihachishke.

10. Itakha mih achv̄fa holitoblit isht ai okpv̄chi, mikm̄vt anumpa okpulo isht mihachi aiena hosh akohonchv̄shke. Itibapishi li vhleha ma! ilv̄ppa puta kv̄t yakohma he tuk ̄o keyushke.

11. Kv̄li hv̄t akocha achv̄fa ka oka champuli, takba aiena h̄o akohonchi chatuk ̄o?

12. Itibapishi li vhleha ma! fik vpi vt alif vni ȳo vna hinla h̄o? keyukm̄vt p̄ak-vpi vt fik ̄o vna hinla cho? yv̄m-

mak inli chiyuhmit kvli nanta hak osh hvpi oka, micha oka kashaha aiena ka kohonchi chatuk keyushke.

13. Kvt hak osh hatak hopoyuksa, micha nan ithana anukfohka achvkma kvv hvchi takla ahanta cho? mih mak osh hopoyuksa chvksh yohbi hosh nana kvv ai vlhpiesa hq yvmohmi kvv na toksuli ha isht otvnihinhashke.

14. Amba it i potvno homi, micha itachowa aiena hosh hvchi chvksh a foka hokvno, isht hvch ik ilaato, mikmvt nan ahli ka hvch ik a holabo kashke.

15. Na hopoyuksa ilvppak okvto vba ak o a minti keyu, amba yakni, hatak, micha nan isht ahullo okpulo aiena kak o immi hoke.

16. Kanima yo it i potvno, micha itachowa aiena kvv ashakma, ai itasheha, mikmvt nana a kaniohmi ik vlhpeso moma aiena kvv yvmak oka a takali hoke.

17. Amba na hopoyuksa vba ak o a minti hatuk osh vmona ka hanta achvkma tuk mvt, anonti it i nanaiyachi, yohbi, ilap nan ahni ak bano keyu, nan i nukhaklo, micha nan ai vlhpiesa yohma he aiena kvv alotowa, iti shahsholechi iksho, micha peh il ahobi vt ik im iiksho chatuk oke.

18. Mikma nan ai vlhpiesa vni a nanaiyachi vhleha yvmak osh im anukfila nuktaiyala hosh hohokchi hoke.

CHAPTA IV.

Nan ashvchi il-aiyuka ka ahah! im ahna he i miha, 1; 13 mihmvt nan okchaya ilvppvt ont ataha kia kil ithano, yohmi hokvt pishno, micha nana hq il, ieshi moma kvv Chihowa hosh nan ai ahni kak a chi ka il im asilhashke.

1. IT in tanampi, micha itibi puta kvv hvchi takla ya takali kvv, katima ko a toba cho? hvchishno hvchi haknip isht ai yukpa he ahni kvv hvchi haknip a a tanahampi kak o a toba ilvppak o keyu?

2. Nana ka hvchi bvna fehna ho kak osh hvch ik esho; hvsh bi mvt, ishi ka hvchi bvna kia, hvsh isha hi o keyushke; itibit it in tanampi aienvt hvsh aiasha kia, hvch ik asilho kak okvt, hvch ik eshoshke.

3. Hvsh asilhha kia, hvch ik esho ; yummak oka hvchishno hvchi haknip isht ai yukpa he ahni pulla kak o isht yopomot hvsh tahla chi kv, ai vlhpiesa keyu ho hvsh asilhha hokvt.

4. Hatak havi, ohoyo havi vhleha hvchia hvt yakni anushkunna hokvto, Chihowa ha in tanampi chatuk a, hvch ik ithano cho? Yohmi hoka kvna hoh kia yakni a it i kanvt ahanta chi mak okmvt, Chihowa ha in tvnvp oke.

5. Chukvsh pi anukfoka kak osh il it i potvna hi a ahni ka Holisso Holitopa vt achi ka, ik ghlo ho hvchim ahobo cho?

6. Yohmi kia yummak okvto i shablichit isht i kana ya ima hoke ; yohmi hatuk osh Chihowa hvt ilefehuvchi puta ka i sanalikmvt, amba chukvsh akanlosi yokvno i kanvt apelahanchi, achi hoke.

7. Yohmi hoka Chihowa ak o hvsh il im issa cha, hvsh im antiashke. Nan isht a hullo okpulo a hvsh i sanalashke, yohmikma yummak okvt hvch i kanulla hinla hoke.

8. Chihowa ai i bilika pit hvsh kanvllashke, yohmikma ilap mvt hvchi bilincha chi hoke. Nan ashvchi vhleha hvchia hvt hvch ibbak a hvsh kashofikma, anonti im anukfila mia tuklo hvchia mvt hvchi chukvsh a hvsh kostininchashke.

9. Il ilbvshachit nukhaklot yayvt hvsh ai ashashke ; yukvvt hvsh ai asha tuk a na yaya tobakma, na hvchi yukpa yatuk vt chukush isht nukhaklo yo tobashke.

10. Chitokaka itikba ya a hvsh il akanlosechashke ; yohmikma yummak okvt halvllit hvchi wakela chi hoke.

11. Itibapishi li vhleha ma ! hvchishno hvchi bika ya nan it i mihachit hvch ik anumpulo kashke. Kvna hosh itibapishi ha na mihachit anumpuli kv itibapishi hash o anumpa onochi hokvt, nan vlhpisa ak o nanumachi, micha nan vlhpisa hash o kanimanchi mak oke ; amba nan vlhpisa ya ish kanimanchi hokmvt, nan vlhpisa ya holitobli mak o chia keyu, amba nan vlhpisa kanimanchi mak o chia hoke.

12. Nan vlhpisa ikbi vt yummak okvto okchalinchi, micha vbi aiena kv im ai vlhpesa he bano mak osh achvfa kv

ashushke; chishno ak osh kvta chia hatuk osh inla ya anumpa ish onochi cho?

13. Inta! himak nitak, onna ha kanima ka tomaha yummak o il ona cha, afvmmi achvfa ka yummak o ashvvt, nan ita tobt nan isht ahayuchit il ahashwashke, achi hvchia ma!

14. Onna ha nana a kanihma hi a hvsh ithana keyu kv. Hvchim ilhfiopak vt nanta ho? oka shobulli yummak okvt chekosi takla hokvno otvni tuk osh kvnia chatuk a, yummak o itilau hoke.

15. Yohmi hoka Chitokaka ak osh yvmma ahni hokma, pi okchaya cha ilvppa, keyukvvt yvmma kanima ka pi yv-mohma chi chishke, hvsh acha he tuk oke.

16. Amba himak okvno hvchishno hvsh il atambli kak osh isht hvchi yukpvshke; nan isht ai yukpa yvmma chohmi puta kv vlhpesa keyu bano hoke.

17. Yohmi hatuk o kvna hosh nana ai vlhpesa ka yohma hi vt ithana hosh, yummak ash ik yohmo hokvto, mihi yosh ashvchi mak oke.

CHAPTER V.

Chihowa yvt na palvmmi isht im atobbi yoka, hatak nan in laua nan ashvchi vt i nukshohompashke, 1, 7 Chob atok a nan im ai ithvvt nana kv ik pvlvmmi kia nuktaiyala he tuk; 18 nana kv palvmmi ka anumpa ilbvsha yo anumpohonlikvvt, anonti nana kv isht im achukmakvvt vba taloa isht talohowashke; 16 pishno na kil aiahlo nukhaklot il itim anohonla he tuk, micha vba isht it anumpohonla he tuk, 19 itibapishi nan ashvchi tuk a falvminchit nan ai ahli ka a hilechi aina hi a isht anumpuli.

1. **INTA!** hatak nan in laua hvchia ma! na palvmmi hvch on itula chi kv, nishkin okchi mintit chitoli hosh hvsh yahayashke.

2. Nana laua hvchim ai asha tuk vt toshbit taha ma, hvchi na fohka puta ka shvshi ai vpa bano hoke.

3. Hvchin tvli holisso lakna, micha hvchin tvli holisso hvta aiena kv lakvvt taha: yohmi kv lakna yummak atuk vt nan isht hvchi atokola he; mikvvt luak o chiyuhmit

huchi nipi a ahampa chi hoke. Nitak hvchim ishtaiyopik mak a hi a hvchim ilayak a hvsh itahobi tuk oke.

4. Yakeh! toksvli vhleha hvchim osapa puta nana ai vmo tuk isht vltoba he tuk, yvmmak oka hvchishno ak osh nana ik vlpesalot falaminchit hvsh ishi tuk a, pghayvshke: yohmikma nan vmo tuk vhleha paya kvv Sabaolh Chitokaka haksobish a ont chukowa hoke.

5. Nan isht aiyukpa il impa in lauvt, haui toba hosh yakni pakna ya hvsh maya tuk: vlpoba illa chi hokvt ilhpihinta chatuk mak o, itilauechit hvchi chukvsh a hosh ipihinta tuk oke.

6. Hatak ai vlpiesa yatuk a anumpa onochit hvsh bi tok; yohmi kia yvmmak okvt ik hvchi sanalo kisha hoke.

7. Yohmi hoka itibapishi li vhleha ma! nukchintot hvsh hoyo na Chitokaka yvt vlashke. Yakeh! hatak osapa toksvli vt nan vni hochukma yakni a waya ka anukfillit hohoyo; yohmi kvv yvmma ahni kvv nukchintot falaiachi hosh, vmona micha ont ishtaiyopi aiena ka im on umba chatuk oke.

8. Yohmi ka hvchishno ak kia nukchintot hvchi chukvsh a ai ahlichit hvsh hlampkochashke: Chitokaka vt ai vla he tuk vt atukonofvt taha hoke.

9. Nanasi kia isht hvch ik it i potvno kashke, itibapishi li vhleha ma! yvmmak keyukmvt nana isht hvchim vlpisa hinla hoke. Yakeh! nan apesa yvt okhissa itikba ya hikia hoke.

10. Itibapishi li vhleha ma! hopaii Chitokaka i hohchifo pulla hatuk mak o anumpohonli tok vhleha hvv na palvmmi pisa, micha nukchinto tok puta mak o nan isht ithanvt hvsh hobacha chi kvv hvsh anukfillashke.

11. Yakeh! kvna hosh nuktanlvv achunanchi mak o yvmmak okvt na yukpa, il ahni chatuk. Chob vt nuktanlvv achunanchi tok okvno hvsh hkvlo chatuk: yohmi cha Chitokaka nana ai ahni tok ash hvsh akostininchi: yohmi kvv Chitokaka yvt nan i nukhaklo fehna, micha i kana fehna hoka hvsh akostininchiske:

12. Yohmi kia itibapishi li vhleha ma! ik kaniohmi nana kia vba shutik, keyukmvt yakni, keyukmvt anumpa kvvlo

isht ai vlpisa inla nana kia anumpa kvllo ai isht hvch ik il onochi kashke: amba yau, hvsh achikma, ik ai ghli; mikmvt keyu, hvsh achikma, keyu mak ashke: yummak keyukma nan isht hvchim vlpisa hvst hvchi on itula hi oke.

13. Kvna kia na palvmmi pisa kvst hvchi takla ahanta cho? yohmikmvt vba pit anumpohonlashke; kvna kia na yukpa kvst ashq? yohmi hokmvt vba isht taloa mak o isht taloashke.

14. Kvna kia abeka kvst hvchi takla ahanta cho? yohmi hokmvt ilap ak osh iksa pehlichu vhleha hq hoyashke: yohmikma yummak ash osh vba isht anumpulit, Chitokaka i hohchifo hq nan ahama ya okla ahvmmichashke.

15. Yohmi hokma na yimmi hosh vba isht anumpuli pulla kak osh abeka ya hlakoficha he; mikma Chitokaka yvt yummak ash tanicha hi oke: mikma nana hq ai ashvchi tuk ok mak heno i kashofa he mak oke.

16. Nan hvsh ai ashvchi pvta ka hvchishno bika yvt hvsh it im anohonlashke; mikmvt hvchi hlakofa chi kvst, vba isht hvsh it im anumpuli pullashke. Hatak ai vlpiesa hosh na yimmi hosh vba pit anumpohonli kvst nana ka ai ghlichu fehna chatuk oke.

17. Elias vt hatak im anukfila im a kaniohma he vt hvpushno ak inli chohmi tok; yohmi hatuk osh ik umbo ka hi q ai ghli fehvt vba pit anumpohonli tok; yohmi ma yakni yvma ik ai umbo hq afvmmi tuchina cha hvshi hannali aiena tok.

18. Yohmi ma anonti yummak ash inli hosh vba pit anumpohonli ma, Chitokaka yvt umbachi na yakni q nana kvst a wahaya tok.

19. Itibapishi li vhleha ma! hvsh kanima hosh vbanumpa hq i filvmmi hvsh aya na anonti achvft nukfohkichit falaminchi hokma,

20. Kvna hosh hatak nan ashvchi vt yoshubvt ataya tuk q nukfohkichit falaminchi hokvt, yvmmvt hatak shilombish q ai illi ya a hlakoficha he; mikmvt nan ai ashvchika laua hq ompohoma he aiena hoka ithaiyanashke.

P I T A

I H O L I S S O O M M O N A H O K E .

CHAPTA I.

Shilombish nan isht i kana laua pulla kak o Chihowa ya aiokpa-hanchi, 1 ; 10 Hopaii vhleha pulla ho Klaist isht im ai okchaya yvt tikbanli anohowa tok a anoli; 13 Chihowa im anumpa ho isht ai vta hatuk okvt, nan ashvchi ikshot maya chi ka i miha.

1. PITA, Chisvs Klaist im apostel okvt i yakni keyu ai it a fimimpvt Pontvs, Kaleshi Kappatosia, Asia, micha Bihlinia aiena ai asha ka pit ai okpvchi kv,

2. Iki Chihowa hak osh tikbanli ithaiyanvt, okchaya he atokoli tok yvmmak oka Shilombish Holitopa yak osh kashohofi na, nana ka im antia ho Chisvs Klaist im issish isht o fima tok hvchia hoka ; Nan isht i kana yvt hvchi anukforyuka, micha nan isht it i nanaiya yvt hvchin lauashke.

3. Pin Chitokaka Chisvs Klaist Iki, micha in Chihowa hokvt holitopashke, yvmmak osh pi nukhaklo chinto hatuk osh, Chisvs Klaist vt illi tuk kia, falaminchit tanichi kak osh anonti himonvchit pikbi tok o, na yukpa fehna hosh,

4. Ai ahanta okpula himma keyu, micha liteha he keyu, micha aksha he keyu ho e hohoyo ka, hvchimmi hosh vba yakni ya ai vlhtaiyaha hoke ;

5. Yvmmak oka na yimmi pulla kak o Chihowa imi hlampko kvt ishi na ai okchaya nitak ishtaiyopi otaiyana chi ka ona hoke.

6. Yvmmak oka nan isht a hvchi yukpa fehna ; yohmi kia yakosi itintakla ka ai yvmohma he vlhpesa ho isht

imomaka pisa ilaiyuka hvsh pihisa kak osh isht a hvchi nukhako hoke:

7. Yohmi kia na hvchi yimmi ka isht imomaka pihisa kak osh holitopa kv, tvli holisso lakna okpulo chatuk, yvmmak oka luak isht imomaka pisa chatuk ak kia i shabli fehna hokvt, Chisvs Klaist vt haiakakma, isht a holitopa, micha annoa chinto aiena kv isht a hvchi otaiyani hokbano;

8. Yvmmak oka hvch ik peso kia, hvsh i hullo; yvmmak ash himonasi ka hvsh pisa keyu ak inli kia, hvch i yimmi hosh, nan isht ilaiyukpa annoa he keyu, micha isht a holitopa alotowa aiena ka isht a hvchi yukpa:

9. Na hvchi yimmi isht vltoba ka hvsh ihishi kv, hvchi shilombish isht ai okchaya yak fehna hoke.

10. Ai okchaya yvmmak o hopaii vhleha hv a ponahako, micha achunanchit hohoyo tok, isht i kana yosh hvchim vla hi oka yvmvt tikbanli anohonli kv;

11. Nitak katiohmi, micha nitak nanta, Chisvs imi Shilombish vt yvmmak ash anukfoyuka hatuk vt Chisvs vt isht ai ilvsha he puta, micha yvmohmi hosh isht a holitopa he aiena ka tikbanli atokolit anoli tok a, ai ahnit hohoyo tok.

12. Yvmmak ash o im otaiyani kv, ilap ak atuk ak o yohmi keyu; amba pishno ak atuk mak o nana ka otvnhinchi tok yvmmak ash himonasi ka vbanumpa ha Shilombish Holitopa vba yakni mihinti hosh awant aya ho, isht hvchim anumpohonli kash osh hvchim anohonli tok; nana yvma puta kash enchil vhleha hokvt akostinichi bahana fehna hoke.

13. Yvmohmi hoka hvchi chukvsh a okchvlt aiksiachi cha, ahah! ahnit, Chisvs Klaist vt ant haiakakma, isht i kana yosh hvchim vla hi okvt ai ghli bano hosh hvsh hohoyashke.

14. Yohmi kv vlla nan im antia yo hvsh chiyubmit, tikba hokvno nana hvch ik ithano hosh chukvsh nan ahni kak o hvsh yvmohmi beka tok vt, hvch ik ile hobacho kashke:

15. Amba hvsh im antia chi hvchi h_owa tok, yvmmvt nan ai ashvchika ik im iksho hoka, nan ai ashvchika ik hvch im iksho ak inlashke :

16. Uno vt nan ai ashvchika ik svm iksho hoka, nan ai ashvchika ik hvch im iksho kashke ; achi hosh holihiso hoka ;

17. Yohmi ka Iki ak o hvsh im asithha hokmvt, yvm-mak okvt hatak it i shahshohlechi iksho hosh hatak puta kv_t ilap a kaniohmi tuk ak o isht im apesa yoka, ilvppa hvsh ai ahanta takla kv_t hvsh holitoblashke :

18. Yohmi kv_t hvch iki vhleha hak o hvsh im ai ithvna tok nana hvsh a kaniohmi ik achukmo yoka a hvchi filvm-michi kv_t nana okpula he tvli hvta, micha tvli holisso lakna chiyuhmi h_o isht hvchi vlhtoba tok keyu kv_t hvsh ithanushke ;

19. Amba Klaist im issish holitopa Chukfulhpobushi ai okpuloka iksho, micha liteha iksho yak a tok ;

20. Yvmmak osh yakni intolahpi vt ik tobo pilla kash o tikbanli vlhtoka tok osh, hvchishno yak atuk pulla kak o himak ont ishtaiyopi ilvppa otaiyani tok oke ;

21. Hvchishno yvt yvmmak atuk pulla kak o Chihowa h_o hvch i yimmi pulla kv_t, yvmmak osh illi tuk a falamin-chit tanichi cha, isht a holitopa ka ima tok oka ; ai okchaya ya Chihowa yak o im ai ishi la he ai ahnit, hvch i yim-mashke.

22. Yvmohmi ka Shilombish ak osh hvchi anukfoyuka h_o vbanumpa ai ahli ka hvsh im antia hosh, hvchi shilombish a hvsh kashofi hatuk osh, itibapishi vhleha hoka ilahobi keyu hosh isht i shahlichi fehna hosh hvsh it i hullashke ;

23. Chihowa im anumpa, yvmmvt mahayvt bilia yak atuk pulla kak o na nihi okpula he keyu y_o atuklant isht hvsh a toba hoke.

24. Yohmi ka haknip puta kv_t haiyukpulo yak o chiyuhmi, micha hatak isht a holitopa moma kv_t haiyukpulo pakanli yak o chiyuhmi hoke. Haiyukpulo yash ot bvshikma, pakanli yash ot liwelit taha hoke.

25. Amba Chihowa im anumpa hokvto mahayvt bilia hoke. Yohmi ka anumpa ilvppak o vbanumpa hvt isht a hvchim anuhumpa hatuk oke.

CHAPTA II.

Nan ik vhlpeso isht im anukfila puta ka naksika bohla chi ka i miha, 1; 5 Klaist akosh tikba intola yo okla ai itabana hatuk a anoli; 11 haknip imma nan isht im anukfila yokvno kano pit kancha chi ka achi; 13 yakni pakna nan apesa maya ka im antia he; 18 yvka hvt kaniohmit i nahollo ya im antia hi a ithvnachi.

1. YUMOHMI hoka isht i nukkilli, na haksichi, nan ilahobi, na potvno, anumpa chukushpvi puta a moyuma ka mokofit naksika hvsh boyuhli cha;

2. Ullosi himona vtta chiyuhmit, yvmmak o isht a hvchi hofahantit ai okchaya ya hvsh ona chi mak osh, vbanumpa pishukchi ai ghli kak o bvna fehnvt hvsh hohoyashke.

3. Chitokaka yvt hvchi kana achukma fehna ho hvsh akostininchi ai ghli hatuk okmvt;

4. Yvmmak okvt tvli okchaya chiyuhmi ho hvsh im ohona ka, hatak okvto ik ahnincho fehna tok kia, Chihowa hokvto holitobli fehnvt atokoli tok;

5. Hvchishno ak kia tvli okchaya chiyuhmit, shilombish chuka hvsh toba hosh, na holitopa isht vlla holitopa yosh Chisvs Klaist ak atuk pulla kak o, Chihowa hokvt im vhlpiesa ho, chukvsh isht aiokpvchi puta ka pit hvsh im ihisa hi a tok.

6. Yvmohmi hoka anonti Holisso Holitopa ya a foyuka kvv, Yakeh! chukbi in tola tvli vlhtoka, holitopa fehna ho Saion a a bohli lishke: yohmi ka kvna hosh yvmmak oka i yimmi hokvt hofahya he keyu hoke, achi tok.

7. Yohmi hoka yvmma i yimmi hvchia hokvno hvchi holitopa fehna; amba ik im antio yokvno, chuka ikbi vhleha yash ot tvli ya ik ahnincho ki tok, yvmmak ash inli hosh chukbi in tola noshkoboka yo toba hoke.

8. Micha ik im antio yo vbanumpa isht ai ibetvbli yvmmak fehna kak osh isht ai ibetvbla he tvli, micha isht ai

okpula he tvli chito aiena hq, yvmmak o ai yvmohma he im vlhpihisa tok.

9. Amba isht atiaka vlhtoka, miko i na holitompa isht vta ; oklushi holitopa, Chihowa immi ai ahli fehna hvchia hoke : yohmi ka yvmmak osh hvchi hqvvt ai okhlilika ya a kohchit im atohwikeli chinto ka hvchi foyuki tuk o, ilap isht aiokpahancha he a puta ka otvnochit hvsh anqhonla he a tok :

10. Yohmi kvv nitak tikba hokvno Chihowa im okla hvchia ha tok keyu kia, himak ano Chihowa im okla hvchia hoke ; isht i kana ya hvch ik esho ki tok kia, himak ano isht i nukhako ka hvsh ishi tuk oke.

11. A holitopa vhleha ma ! nana hvchim ai ahni li kvv hatak ik ithano, micha ilap i yakni keyu ai itvnowa chiyuhmit, haknip imma nan ahni, yvmvvt shilombish in tanampi yoka hvsh i filahamashke :

12. Nana hvsh a kaniohmi kvv achukma hosh vbanumpa ik ithano okla ha iba takla hvsh ahantashke : yohmi na nana ik achukmo yvmihchi chohmichit hvchi sanalit anumponli kia, nana achukma puta hvsh yimihinchi ka pihisakmvt, Chihowa yvt i nowvt aya nitak oka yvma okla holitoblashke.

13. Chitokaka yak atuk pulla mak o hatak i nan vlhpisa puta ka hvsh im antiashke : miko yok ma moma i shahli yo chohmichit hvsh holitoblashke.

14. Michi nan vlhtoka vhleha nana ik achukmo yvmohmi puta hokvno nan vlhpisa onochikmvt, nana achukma yvmohmi yak okvno aiokpvcha chi hq, miko yvt atokohonli tok a hvsh holitoblashke.

15. Yohmi ka nana kvv ai vlhpisa hq hvsh yvmohmi hosh hatak im anukfila iksho nan ik ithano itih puta ka hvsh i kamala he yak o, Chihowa hokvt ai ahni hoke :

16. Yuka keyu hvchia kia, hvsh yvmohmi kak osh nan ik vlhpeso ya isht hvsh ompohomo na : amba Chihowa in tishu vhleha mak o hvsh chiyuhmashke.

17. Hatak puta ka hvsh holitoblashke. Hvsh itibapishi

vhleha hā hvsh i hullashke. Chihowa yā i nukshopvt hvsh holitoblashke. Miko yoka hvsh holitoblashke.

18. Yuka hvchia hvt isht a holitopa he vlhpesa hō hvchi nahullo yoka isht hvsh im antia kv̄t achukma, micha im anukfila yohbi aiena kak bano keyu, amba hvch i kv̄llo aiena ka hvsh im antia ak inlashke.

19. Yohmi ka hatak vt chukvsh ak osh Chihowa yā isht im vlhpiesa kak osh isht a nukhaklo yā vlhpiesa ahnit, ai vlhpiesa keyu hō isht ilbahasha hokma, ilvppvt isht i kana hoke.

20. Yohmi ka nana ai vlhpiesa keyu hō hvsh yvmohmi tuk osh vlhpiesa ahnit, isht hvchi bohōwa hokmvt, yvmmv̄t nan isht annoa achukma nanta hō? amba nana ai vlhpiesa hō hvsh yvmohmi tuk kia, vlhpiesa ahnit isht hvch ilbahasha hokvno, ilvppak o Chihowa hokvto isht im vlhpiesa hoke.

21. Yohmi ka ilvppak o hvsh yvmohma he osh hvchi vlhtoka tok; pishno ak atuk pulla mak o Klaist ak kia ilbahasha kv̄t, ilap a nohōwa tok ā il iakaiya he mak o pim abahanchi hatok oka:

22. Yvmmv̄t nan ashvchi tok keyu, haksichi kia itih hā foyuka tok keyu:

23. Yvmmv̄t ilap ā isht ik ahobalot anumpuli mak o, afalaminchit isht ik ahobalot anumpuli keyu; na palvmmi onochi ma, na palvmmi onocha hé kia miha tok keyu; amba ai vlhpiesa apihisa yak o il im issa tok:

24. Yvmmak osh nan il ai ashvchika yā ilap haknip fehna ak o ilap inlit il onochi hosh iti yā takali tok: yohmi hō nan ai ashvchika puta il im ihinli hosh, nan ai vlhpiesa yā il im okchaya chī ha tok: yvmmv̄t fahama tok ak o isht hvchi hlakofi hoke.

25. Yohmi ka chukfv̄lhpora tamoa chiyuhmit hvsh itōnōwa tok kia, himonasi kano chukfv̄lhpora Apesvchi micha hvchimi shilombish ma Nan im atahli yoka falamvt hvsh im ona hoke.

CHAPTER III.

Hatak vt im ohoyo itatuklo kvv nan vlpiesa ho itim anukfilvt itapela he im avvchi, 1 ; 8 it i hullot it ibai achvfa he ; 14 na palvmmi ka isht it ibai il bvsha he ; 19 Oka falama yvt ik avo kvsha ma okchavvt aiasha tuk a Klaist vt nan i kanimihchi tok a anoli.

1. **ANONTI** tekchi hvchia hvv hvchi hatak oka hvsh im antiashke ; yohmi na kanima kvv vbanumpa ha ik ahnincho hokmvt, vbanumpa hash ik haklo kia, tekchi ak osh nana a kaniohmi kak o, yvmmvt vlpiesa ahnit isht anukfohka ak inli yoba na ;

2. Yohmi kvv havi imma ai yvmohmi ik hvchim iksho, micha hvsh holitobli aiena ka pihisa kak osh yvmohma hinla hoke.

3. Yvmma isht shema yvt pashi tanvffo, micha tvli holisso lakna isht shema, micha na fohka fohka aiena paknali isht shema yvmmak okvno keyu :

4. Amba chukvsh anukaka a toba hatak luma okpula himma keyu, anukfila yohbi, micha nuktanla isht shema yo fehna yvmmak ashke ; ilvppak osh nan ai vlli chinto fehna Chihowa hvv ai ahni hoke.

5. Nitak tikba ma ilvppak o yakohmit ohoyo hochukma Chihowa i yimmi ak inli hosh, isht ile shemahanchi kvv, ilap i hatak a im antia ya tok.

6. Sela ak oh kia Eblaham a i shahli hochihifot im antia tok : yvmmak o ushetik hvchia hoke, nana ai vlpiesa ka hvsh yvmohmi takla, micha isht a nukshopa he kia hvch ik i nukshopo hokmvt.

7. Anonti i hatak hvchia hvv nana ka ithaiyana hosh ibai ahantvt, blampko ik hvchi lauwo mak o chiyuhmichit, isht i kana ai okchaya bilia hvsh it ibai isha he mak okvt, hvchi tekchi a hvsh holitoblashke ; yohmi ho anumpa ilbvsha hvsh anumpohonli kvv ik ai ataklamo kashke.

8. Ai ishtaiyopi ka moyumvt hvchim anukfila hvv ai achvfa cha, it i nukhaklot, itibapishi vt i hullo chiyuhmit, inla i kanvt chukvsh akanlosi mvt aienashke.

9. Micha nana ik achukmo hvchi yvmihchikma, nana ik achukmo yo hvch ik falamincho kashke: micha isht ik hvchi ahobalokma, isht ik ahobalo yo hvch ik falamincho kashke; amba ilvppa ik holbø i kanvt hvsh im anumpulashke; ilvppak o hvsh yvmohma hi osh hvchi vlhtoka tok vt hvsh ithana hokvt, yohmi hosh nan isht ai yukpa ya hvsh pisa he vlhpesa yatok.

10. Yohmi ka kvna hosh, Si okchaya cha, nitak hochukma ho pihisa li hokbano ai ahnikmvt, isunlvsh oka nana ik achukmo ka i filvminchi cha, itivlbi yoka na haksichi ya isht ik anumpulo kashke.

11. Nan ik achukmo kvno i filvmmi cha, nana achukma kak o yvmihinchashke; it i nanaiya yak o hohoyot, achunanchit iakayashke.

12. Yohmi ka Chitokaka nishkin okvt ai vlhpiesa yokvo o wakaya, micha haksobish okvt im anumpa ilbvsha puta ka in tiwa hoka; amba nana ik achukmo yvmihchi puta hokvno Chitokaka nashuka yvt i sanali hoke.

13. Micha nana achukma yvmihchi yak o iakaiya vhleha hvchia hokma, kvta hak osh hvchi hotopala hinla ho?

14. Amba nan ai vlhpiesa yak atuk pulla mak o isht hvsh ilbahasha hokmvt, hvchi yukpa hoke; micha nan isht nukshobli yoka i nukshopvt isht hvch ik komunto kashke;

15. Amba Chitokaka Chihowa yak o i nukshopvt hvchi chukvsh isht hvsh holitoblashke; micha ai okchaya pisa la he ai ahnit hvchi anukfoyuka a kaniohmi ka hvchi ponohaklo puta ka anukfila akanlosit, holitoblit anumpa falama ka hvsh ima chi kv hvch im vlhtaha kak banashke.

16. Isht il akostininchi achukma ho hvsh ieshashke: yvmolmi ho nana ik achukmo yvmihchi chohmichit nana ik achukmo isht hvchi anumpohonli kv, Klaist a anukfoyukvt nana achukma hvsh yvmohmi ka, anumpa ahli keyu hvchi onochi tuk vhleha hv isht a hofahyashke.

17. Yohmi ka Chihowa hak osh ik yohmi ai ahni hokma, nana achukma ho yvmohmi cha, isht ilbvsha kak osh achukma kv, nana ik achukmo ho yvmohmit isht ilbvsha ka, i shahli hoke.

18. Yohmi ka Klaist ak kia himonna ma nan ai ashvchika pulla kak o ai vhpesa yvt ik ai vhpeso yak o vlhtobvt isht ilbvsha tok; yohmi hosh pi pehliechit Chihowa ya isht pim ona chi ha tok: haknip okvto illi ha tok kia, amba shilombish okvto okchaya tok:

19. Yvmmak ash o shilombish yuka vhleha ai asha ka ivt ont isht im anumpohonli ak inli tok:

20. Yvmmak okvt nitak tikba ma peni yokvt toba itin takla Noah okvt ahanta nitak yvmmak ash fehna kvno, Chihowa hvv i nukhaklot isht i nukkilli onochi svlaha hosh ahanta ma, im antia he keyu ki tok; peni yvmmak ash o kanimosi yvmmvt shilombish untuchina hosh oka ya isht a hlakofi tok.

21. Yvmmak ash o chiyuhmi hosh himonasi ak kia baptismo yvt, yvmmak osh haknip liteha yoka isht kanchi keyu, amba Chihowa itikba isht il akostininchi achukma ai yvmohma he il apihivt, Chisvs Klaist illi tok kia falamvt tani tok pulla kak o yvmohmi kak osh pi okchalnchi ak inli hoke.

22. Yvmmak okvt vba yakni yoka ona tuk osh, Chihowa im isht im pakimma yak o binili hoke; yvmmak oka enchil, micha miko, micha nan vlhtoka puta kvv i nutvt im antia he ya tok.

CHAPTA IV.

Nana moma kvv ont ai vhla chi kvv olanlosi vla hoka, Klaist iakaiya pullvt nanashvchi issvt ai i filvmmmit itanowa he i miha, 1; 12 nan i palvmmi puta ka hopohlvi.

1. YVMOHMI ka Klaist vt hvchishno yak atuk pulla kak o haknip a isht ilbahasha tok a, chiyuhmit hvchishno yak kia im anukfila hatok chiyuhmi ka hvsh il ataiyahli mak inlashke: yohmi ka haknip a isht ilbahasha tok vt nan ai ashvchi ya issvt ai i filvmmi ha tok oke:

2. Yohmi kvv yvmmvt haknip vt okchaya ai itin takla kvv hatak haknip imma nan ahni isht ahanta he a tok keyu, amba Chihowa nan ai ahni kak a hi a tok.

3. Yohmi ka pi okchayvt il ahanta tok ash ai vñli itin takla kak kia, haui imma anukfilli, chukvsh nan ahni, oka homi ishkot hoita, isht a haksichit tasimbot atampa, micha na holba nan isht ik ahobo puta ka isht il ahanta kv̄t, vbanumpa ik ithano vñleha nan ai ahni hokvno il a yvmihcha hi yā ona tok oke.

4. Yvmmak oka isht ahanta hosh ilap vt nan ik achukmo puta ka isht afekommit a tasimbo atampa ka hvch ik ibafohko kak ȳ okokko! ahnit, isht im anukfila hosh nan ik achukmo kia isht hvchi anumpohonli hoke.

5. Yvmmak okvt illi, okchaya aiena ka nan im apesa he im vñhtaiyaha yak ȳ ilap nana a kaniohmi tuk vt il im ai anola hi oke.

6. Yohmi ka ilvppak a he mak ȳ illi tok vñleha yvmmak kia vbanumpa hv̄t isht im anuhumpa ak inli tok; yohmi ma hatak haknip imma nan ahni yokvt nana ka im apihisa kia, Shilombish Holitopa yak osh apelahanchi hȳ Chihowa yā holitobla hi a tok.

7. Amba nan okluha kv̄t ont ai vñla chi kv̄t atukonofvshke; yvmohmi hoka nana ka hvsh ile oktambli cha, ahah! ahnit, anumpa ilbvsha hvsh anumpohonlashke.

8. Mikmvt hvchishno inli hvsh itȳ hullo ai ghli fehna hosh nan okluha ka hvchim ȳ shahli hosh hvsh ieshashke: yohmi ka it ȳ hullo yak osh nan ai ashvchika lāwa kia ompohoma hi oke.

9. Ik im vñhpesot anumpuli iksho hosh it ȳ kanvt hvsh it apelvchashke.

10. Hatak puta kv̄t isht ȳ kana hv̄lbina ishi ha tok mvt, yvmmak ash inli hȳ isht iti apihinla kv̄t, Chihowa isht ȳ kana ilaiyuka nan im apesvchi achukma yak ȳ chiyuhmashke.

11. Hatak kanima hosh anumpuli hokmvt, Chihowa im anumpa hv̄t av̄chi kak ȳ anumpulashke; hatak kanima hosh vbanumpuli ilbvsha yā nan isht im ahanta hokmvt, Chihowa hv̄t kanimihchit hlampkochi kak ȳ isht ahantashke: yohmi na Chihowa hv̄t Chisvs Klaist ak atuk pulla kak ȳ nan okluha ka isht a holitopashke, yvmmak ȳ isht a holitopa, mȳkot ahantvt bilia yvt immit biliashke. Amen.

12. A holitopa vhleha ma! isht hvchi imomaka pisa chi luak nan isht imomaka pisa imma hokvno, okokko! ai ahnit, nana ilapissa fehna kaniohmi hosh a hvchi yomohmi ka ik hvchim ahobo kashke.

13. Amba Klaist vt ilbvsha puta tok g chiyuhmit hvsh ibai ilbvsha ak inli hokvt, hvchi yukpashke: yohmi kv̄t ilap isht a holitopa hokvt otaiyanikma, hvchishno yak kia nan isht il ai yukpa chinto h̄o isht a hvchi yukpa mak a hinla hoke.

14. Klaist hohchifo ak atuk pulla kak o isht ik hvchi ahobalo hokma, hvchi yukpa hoke; yohmi kv̄t isht a holitopa Shilombish, micha Chihowa imi Shilombish vt hvchi onvtuyula hoke; yvm̄v̄to Klaist g isht ik ahobalot isht anumpohonlikma, amba hvchishno yokv̄to hvsh holitobli hoke.

15. Yohmi kia hvsh kanimi kv̄t hatak b̄ika vbi, na h̄uko-pa, nan ik achukmo yvmihchi, micha hatak inla nan im a kaniohmi ka ataklv̄m̄mi aiena hokvno chiyuhmit ik hvch ilbvsho kashke.

16. Amba hatak kanima kv̄t vbanumpuli yo chiyuhmit ilbahasha hokm̄v̄t, ik hofahyo kashke: amba ilvppa yakohmi hokvt Chihowa yak o holitoblashke.

17. Yohmi ka Chihowa im aboha yak o nan v̄lhpisa yv̄t ai onvtulv̄t isht ia ch̄i pulla ka nitak vt vla hoka; yohmi ka pishno ak o t̄ikba ai isht ia hokma, Chihowa im vbanumpa ik im antio vhleha ont im ai v̄hli kv̄t katiohma hi o?

18. Michā ai v̄lhpiesa yokv̄t palv̄m̄mi h̄o okchaya hokma, Chihowa ik holitoblo, micha nan ashvchi aiena kv̄to katima k̄o ai otaiyana hi oh cho?

19. Yvmohmi hoka Chihowa nana ai ahni h̄o im antia kv̄t ilbahasha vhleha hokv̄to, nana achukma h̄o ai yvmohmit nana Ih̄ikbi ai ghli yoka ai ahnit, ilap shilombish g iesha ch̄i h̄o, im ih̄isashke.

CHAPTA V.

Chukv̄lhpoba ushi g achukm̄v̄t vbanumpeshi v̄tta yv̄t ipihinta ch̄i ka i miha, 1; mihm̄v̄t itibapishi himithoa yv̄t nan im antia he, mikm̄v̄t moma kv̄t il oktamblit yichinut Setan a i sanala he i miha.

1. **ÜBANUMPULI** iksa apesvchi vhleha hvch itin takla aiasha ka nana atohnochi li kv̄t, vno ak kia vbanunipuli iksa ibai apesvchi, micha Klaist vt ilbahasha tok puta atokowa anoli, micha na holiropa kv̄t otaiyana hi oka ibai isha he ak inli sia hoke.

2. Chihowa in chukfv̄lh̄poba hvch itin takla ai asha ka hvsh ipihinta kv̄t, yohmi la he atuk okv̄t ik kaniohmi kia ahni keyu, amba yohmi likbano ahnit, ai v̄lh̄piesa keyu isht a hofahya he nan isht ahayuchi b̄v̄na keyu, amba hvchim anukfila hvt v̄lhtaha achukma hosh apesvchit hvsh pehlichashke.

3. Yohmi kv̄t Chihowa immi hoka i shahli chiyuhmit ahanta he keyu, amba chukfv̄lh̄poba ȳa nan isht im v̄lv̄chi ya he tuk.

4. Yohmi ka chukfv̄lh̄poba apesvchi M̄iko yvt ant il otv̄ninchikma, isht a holiropa iachuka okpula himma keyu mak o hvsh isha hi oke.

5. Yvmmak i chiyuhmit himita hvchia hvt asv̄nonchi ya hvsh im antiashke; ahli, moyuma kv̄t hvsh it im antia cha, im anukfila akanlosi h̄o isht hvsh shemashke: yohmi ka Chihowa hokv̄t ilapunla yano i sanali cha, im anukfila akanlosi yokvno isht i kana ȳa ima chatuk oka.

6. Yvmohmi hoka Chihowa ibbak hlampko nuta ȳa hvsh im il akanlosechashke; yohmi na ont ai yvmohma he ai v̄lh̄piesak ma v̄ba hvchi wakeli mak inlashke:

7. Anukfila isht a hvchi komunta puta ka yummak o hvsh onochashke: yohmi ka yvmmvt hvchi anukfihinli hoka.

8. Ahah! ahnit, hvchi okchashke, hvchi sanali nan isht ahullo okpulo yvt kv̄na kia isht nanv̄bli b̄v̄na kv̄t, hohoyot, koi chito woh̄gha chiyuhmi hosh noh̄owa hoka.

9. Yvmmak oka na yimma kullo ai ahli hosh hvsh i sanalashke: hvsh itibapishi vhleha yakni ilv̄ppa ai asha hokv̄t, na palv̄mmi yvmmak o chiyuhmi puta ka pih̄isa ha tok oka, hvsh ithaiyanashke.

10. Amba Chihowa isht i kana chinto yvmmak osh Chisvs Klaist ha tok pulla mak o ilap isht aholitopa bilia yoka il esha he mak o pi atokoli tok vt, yakosi itin takla hvsh

ilbahasha ha yak o, ai ahlichit kullochit hilechit, hlampko-honchit, chukvsh fitikvchi iksho ho hvchi anukfokihinchashke.

11. Yvmmak o isht a holitopvt, mikot bilia yvt immit biliashke. Amen.

12. Silfanvs hvsh itibapishi ai ahli ahni li ha tuk osh, anumpa kanomosi ka holissochit ima li ho, isht hvchim ia tok; yohmi kvv nana hvchi miha li kvv, hvsh a hikia yvm-mak osh Chihowa hvv isht i kana ai ahli mak o, atokolit hvchim anoli lishke.

13. Ubanumpuli iksa Babulon hikia kvv, hvch ibai vlhtoka ha tok vt hvchi aiokpvchishke; mikma suso Makvs vt yohmi ak inli.

14. It i hullo it i suksowa isht hvsh it aiokpvchashke. Klaist ibai achvfa hvsh moyuma ka isht it i nanaiya kvv hvchi anukfoyakashke. Amen.

II. P I T A

I H O L I S S O A T U K L A H O K E

CHAPTA I

Nan isht il aiyukpa chinto nan ho vbanumpuli vt isha chi hosh vlk toka ka anoli, 1; 5 nan ai vhlpiesa a yvmihcha he moma ka yv mihchi, yohmi pulla hosh ai okchaya pisa chi kv̄t ai ghlichā chi j miha: 14 ilap vt illa chi nitak vt ai vlg hosi ka anoli; mihmvt Klaist j yimmit akvllot hiela hi g j miha.

1. SAIMON Pita, Chisvs Klaist im apostel, micha in tishu hokvt pin Chihowa, micha pi Okchalīnchi, Chisvs Klaist vt nan aivhlpiesa yvmohmi tok pulla mak o, na yimmi p̄ holitopa itilauī ka ahayuchi tok vhleha yvmmak o pit aiokpuchi kv̄t,

2. Chihowa, micha Chisvs pin Chitokaka hvsh ithaiyana kak osh nan isht j kana, micha isht it j nanaiya aiena kv̄t hvchin lauashke;

3. Yohmi kv̄t ilap ai ghli kak osh nan okl̄ha isht ai okchaya, micha Chihowa isht holitobli imma aiena ka pih̄ima kv̄t, ilap ithvna kak osh nan ashvchi ik pim iksho hosh isht a holitopa ȳ e pih̄isa he mak o, pi atokoli tok:

4. Yvmmak o nana holitopa, micha achukma chinto puta ka isht a pih̄ima; yohmi kv̄t ilvppak atuk pulla kak o nan okpulo ch̄kv̄sh nan ai ahni yatuk pulla kak o yakni ilvppa ai asha ka hvsh j filvmmi hosh, Chihowa im anukfila h̄g hvsh ibai isha chi ha tok.

5. Michā ilvppa atuk pulla kak o achunanchi fehna hosh na hvchi yimmi ȳ nan vhlpesali ȳ isht hvsh otv̄nin-

chashke: micha nan vhpesali ya nan ithana ya isht hvsh otvninchashke.

6. **Micha nan ithana ya ile oktamplici ya isht hvsh otvninchashke: micha ile oktamplici ya nuktaiyalvt achunanchi ya isht hvsh otvninchashke; micha nuktaiyalvt achunanchi ya Chihowa isht holitoblici ya isht hvsh otvninchashke.**

7. **Micha Chihowa isht holitoblici ya itibapishi vbanumpulici it i hullo ya isht hvsh otvninchashke; micha itibapishi vbanumpulici it i hullo ya hatak moma i kana ya aieninchit isht hvsh otvninchashke.**

8. **Yohmi ka nana ilvppa puta kvv hvchi anukfoyuka kvv isht i shahlit lauvv ia hokmvt, pin Chitokaka Chisvs Klaist hvsh ithaiyana kvv, in takobit hvch ik vno ka hi o hvch ikbi keyu hoke.**

9. **Amba nana ilvppa puta ka ik im iiksho hokmvt, nishkin tamoa hosh mishema pit pisa he keyu, micha tikba ilap nan ai ashvchika yvt i kashofa ha tok vt imi haksi hoke.**

10. **Yvmohmi hoka na hvchi vlhtoka, micha na hvchim annoa aiena kvv hvchim ai ghla chi kvv ai yiminta hosh hvsh achunanchashke: yohmi ka nana ilvppak o hvsh yimihchi hokmvt, chi tula himma keyu hoke:**

11. **Hvsh yakohmi hok mak o pin Chitokaka, micha pi Okchalinchi Chisvs Klaist apehliechi ka bilia ya im vltaha achukma hosh ik chvkowá, hvchim ai ahni fehna hi oke.**

12. **Yvmohmi hoka nana ilvppa puta ka hvsh ithaiyana, micha vbanumpa hvchi yimmi kvv kvllot hvsh a hikia ak inli kia, hvsh ithaiyana chi ka himonna hvchi anukfokihinchici li kvv an takoba he keyu hoke.**

13. **Ahli, vlhtipo ilvppa anukakaka ahanta li takla kvv, hvsh ithaiyana chi kak o hvchi anukfokihinchit hvchi okchvlici li kvv ilvppvt ai vhpiesa, ahni lishke.**

14. **Chekosikma vm vlhtipo ilvppa mokofit boyuhlici la chi pulla ithaiyana li kvv, pin Chitokaka Chisvs Klaist ak kia vm otvninchici akinlici ha tok ak oke.**

15. **Yvmohmi hoka a svllici ha kia, nana ilvppa puta ka hvsh ithaiyana bieka hi ak o hvchim ai ahni li kvv achunanchici la hi oke.**

16. Pin Chitokaka Chisvs Klaist vt vla tok, micha nan im ai ahli tok aiena ka e hvchim anohonli mvt, anumpa nan isht ik ahobo nan isht haksicha he nana hq il iakaiya ha tok keyu, amba ilap isht a chinto ka nishkin isht ai atokoli pia ha tok.

17. Yohmi ka, Ilvppak osh Svso a holitopa yoke, yummak o nan isht vm vlhpiesa hoke, ahanchi anumpa yosh Holitopa chinto ka a minti hosh im vla kak osh isht a holitopa, micha isht annoa achukma ka Iki Chihowa yak o im ai eshi tok.

18. Mihma itvpehvt nvnih paknaka holitopa yak o e-hieli hq, anumpa ilvppvt vba yak o minti hosh vla hq e haiyaklo tok.

19. Hopaii im anumpa hak osh isht ai atokowa i shabli hvt pin tonla ak inlishke : yummak oka pula hosh ai okhlilika yo hikia chiyuhmi hq hvsh anukfihinli na onnvt taha, micha onnahnli fochik vt hvchi chukvsh a a kohcha hi okvt hvchim vlhpiesa hoke.

20. Hopaii im anumpa hvt ilap im anukfila ha tok keyu ka tikba ilvppa hvsh ithanashke.

21. Yohmi ka hatak nana ai ahni hq nitak tikba kash hopaii im anumpa hvt vla tok keyu, amba hatak holitopa yosh Chihowa nana ai ahni pulla hq Shilombish Holitopa yak osh nukfokihinchi hq anumpohonli tok.

CHAPTA 11.

Ubanumpa ithvnachi ik ai ghlo vt wakaya he, atuk kia yummak ashot im antia pit a moma ka Chihowa yvt okpvnit tahla he ; amba hopoyuksa vhleha hokvno okchalicha he tikbanli anoli, 1 ; 10 nan ithvnanchi ik vlhpeso ilvppak ash achukmvt anoli.

1. YOHMI kia hopaii ai ahli keyu vhleha hvt okla ai itin takla ya ai asha ak inli beka tok a, anonti nan ithvnanchi ai ahli keyu kvv hvch itin takla ai asha he ak inli ; yummak okvt isht okpula he ai ahli isht anumpa keyu puta ka lumvt isht hvch iba chukowa mvt, ilap a chumpa tok, Chitokaka

kanchi hosh isht ai okpulo ya tushpa fehnvt isht il onocha hi oke.

2. Mikma lawa kvv yvmmvt nan isht ai okpuloka he ai yvmohmi puta ka hobacha he; yvmmvt yvmohmi kak o hina ai ghli yvt nan isht ik ahobot isht anumpa hi oke.

3. Micha yvmmvt nan ahayuchi bvnna kak osh isht hak-sichi anumpa ho nan isht itatoba yo isht hvch ikba hi oke; yvmma nan isht im vlhpisa tok a hopaki kia svlaha he keyu, micha yvmma isht ilbvsha hi vt nosilhha keyu hoke.

4. Yohmi ka Chihowa yvt enchil vhleha hvv nan ashvchi ma ik il atombo hosh, amba ai okhlilika tuli itatakvli isht takchi cha, ai okpuloka ya pit ashachi kvv yvmma ai asha na nan vlhpisa hi vt ai ona hi a tokma;

5. Micha yakni vmona ka ila tomba tok keyu, Chihowa holitobla he keyu vhleha yakni paknaka ai asha tuk ash oka falama yo isht onochi tok: yohmi kia Noah hatak isht untuchina nan ai vlhpiesa isht anumpohonli yano okchalinchitok.

6. Chihowa ik holitoblo himak a pilla ai asha he ak osh isht im vlbvcha hi o ihikbi hosh, tmaha hochito Sotom micha Komola ita tuklo ka hushmit hituk chubbi banochi kvv, okpulo ai ghli mak o im apihisa tok.

7. Mihmvt hatak achukma Lot okvt, hatak haksi nan a kaniohmi liteha ya isht nukhgklot ik im achukmot ahanta tuk a, a hlakofichi tok.

8. Yohmi ka hatak ai vlhpiesa yvmmvt yvmma ai itintakla abantvt, nana ka pihisa, micha hahgklot, nan ai vlhpiesa keyu ai yvmohmi kak o onna hosh onnakma chukvsh vt isht a hotoyupa tok:

9. Chitokaka yokvt Chihowa i hullo yokvno isht imomaka pisa ya kanimihchit akohchi kvv ithana; micha ai vlhpiesa ka yvmihinja he keyu yokvno kanimihchit ishi na nan im vlhpisvt isht ilbvsha chi nitak vt ai ona hi oka ithana hoke:

10. Micha haknip isht ai yukpa anuksitia hosh chukvsh nan ai ahni kak bano iakaiya, micha nan vlhpisa yo ik holitoblo aiena kak fehna ho kak heno i yvmihcha hi oke.

Ilapuna, ilap nan ai ahni kak bano, nan vlhtoka puta ka nan isht ik ahobalot anumpuli kv̄t ik nukshoposhke.

11. Yohmi kia enchil vhleha hokv̄to isht ai ghli, micha isht hlampko aiena kv̄t yv̄mma i shahli fehna kia, Chitokaka itikba ya isht ik ahobalo anumpa kia yv̄mma ai onochi keyu hoke.

12. Amba ilv̄ppv̄to nampoa nan ithana keyu ilap nan ahni bano hosh itv̄nowa ka, ishit okp̄na hi o toba tok chiyuhmit nana ka akostininchi keyu kv̄t, isht ik ahobalot anumpulishke; yohmi kv̄t ilap im anukfila okpulo nan isht ai yv̄mohmi kak osh isht ai okpulot kv̄nia ch̄i hoke:

13. Michā yv̄mmv̄to nitak kia nan imv̄t, nan ishkot isht a havi kv̄t nan isht ilaiyukpa yo im ahobv̄t ai asha kia, nan ai vlhpiesa keyu ai yv̄mohmi isht vlhtoba ka isha ch̄i hoke: yv̄mmv̄t na liteha okpulo, na hofahyali yosh yv̄mmv̄t hv̄ch ibai impa itin takla kv̄t na haksichi kak osh nan isht ilaiyukpa hoke:

14. Yohmi kv̄t nishkin mv̄t isht a havi yak osh alotowa, micha nan ashv̄chi kv̄t issa keyu hosh, hatak im anukfila fitikv̄chi ya haksihinchi hoke; micha nan ahayuchi b̄v̄nna atampa isht ai yv̄mohmi puta ka chukv̄sh isht a toksahanli hosh, isht ai ilbv̄shv̄t onvtula he vlhpiesa v̄lla vhleha hoke.

15. Yv̄mmak okv̄t hina ai vlhpiesa issa cha, yoshubv̄t kv̄nia hosh Boso ushi, Belam, yv̄mmv̄t nan ai vlhpiesa keyu isht vlhtoba yak o anuksitia hosh nan a kaniohmi tok ak o iakaiya hoke:

16. Yohmi kia Belam ash ot nan ai vlhpiesa keyu yv̄mohmi kv̄t ik vlhpieso ka im otv̄ninchi kv̄t, issuba haksobish falaia anumpula he keyu kia, hatak im anumpa ho anumpuli hosh, hopaii im anukfila tasimbo yash im olv̄bi tok.

17. Ilv̄ppv̄t kv̄li oka iksho puta, micha hoshonti ha apeli v̄t isht aya mak oke: yv̄mmak okv̄no okhlili chinto yak osh immit bilia hi osh takali hoke.

18. Yohmi ka yv̄mmak okv̄t nan isht ik ahobo isht anumpa ilauatv̄t anumpohonlikmv̄t, haknip imma nan ahni, micha havi anukfilli isht alotowa kak osh nan ashv̄chi aiasha

yvunma yakosi itin takla hō ai i filvmmi tok ash yvmmak o haksihinchi hoke.

19. Ilap ai ahni hosh nana ka yvmmvt yvmohma he im ihisa ak inli kia, ilap ak okvto nan ai ashvchi yak o chukvsh okpulo ai yvmohmi yak o i yuka vhleha hoke: yohmi ka kvna hosh hatak g imaiyachi hokma, yvmmak ash inli hō i yuka toba chatuk oka.

20. Yohmi ka pin Chitokaka, micha pi Okchalinchi Chisvs Klaist oka ithaiyana kak osh yakni ilvppak inli isht a liteha puta ka ai i filvmmi ha ya tuk osh, anonti yvmmak ash inli hō isht ai apakfovt isht ai imaiya hokmvt, yvmmvt ont im ai ishtaiyopi kvt ik achukmo kvt im ai ishtia vmona tuk ash i shahli hoke.

21. Yohmi ka yvmmak okvt nan ai vlhpiesa hina yā ik ithano hatuk mak osh im achukma kvt yvmma ithana cha, anumpa vlhpisa holitopa yvt im anohōwa ha ya tuk osh i filvmmi kvt, im i shahla he atuk oka.

22. Yohmi kia yvmmak okvt nan isht vlhpisa ai ghli hō ai yvmohmishke; yohmi ka, Ofi yvt hoita kash osh falaminchit vpvshke; mikma, Shukha tek vt vlhchifa kash osh, falamvt lukchuk g oka tonolishke, achishke.

CHAPTER III.

Nan vlhpisa chinta he nitak g Klaist vt vla pulla hi g ghlichit im anoli 1, 10 kaniohmit yakni, micha vba pit a moyuma kvt ont ai okpulo ka he anoli; 14 nan ai okpula hi pit anukfoykvt anumpuli mvt nan ashvchi ikshot holitopvt itanowa chi ka i miha.

1. **A** HOLITOPA vhleha ma! ilvppvt holisso atukla mak o himonasi ka pit hvchi holissohonchi li kvv, ita tuklo ka nana ka isht hvsh ithaiyana chi hō hvchim anukfila toh-wikeli tok g isht okchvli lishke.

2. Yohmi na hopaii vhleha hokvt tikba kash anumpa puta isht anumpohonli tok; micha Chitokaka, micha Okchalinchi im anumpeshi pia hvv nana e hvchim apihisa tok aiena ka isht hvsh ithaiyana chi hatuk;

3. Ilvppa tikba hvsh ithana, yohmi ka ishit yopula anum-

puli, micha chukvsh nan ahni iakaiya puta kv̄t ont ai ishtai-yopi nitak puta ka vla hi oke ;

4. Mikm̄vt, Yvmm̄vt vla he anumpohonli tok m̄vto kati-mak o ? hatak tikba v̄hleha hv̄t nusi tok takla ha ya, nan okl̄uha hokv̄to tikba v̄mmona tok ash osh imom̄vt mahaya t̄oka, ahancha hi oke.

5. Yohmi ka ilv̄ppa ithv̄na ik b̄vno hokv̄t, hopaki pilla kash v̄ba yakni okv̄t Chihowa im anumpa hak o isht atoba tok, mihma yakni ilv̄ppv̄t oka akohcha cha, itin takla talaia tok :

6. Yvmm̄mak o yakni yvmm̄mak atuk vt oka yosh isht ompoholmot kv̄nia h̄o, isht ai okpulot kv̄nia tok.

7. Amba v̄ba shutik, micha yakni ilv̄ppa ita tuklo hokv̄no Chihowa im anumpa yvmm̄mak ash inli hosh Chihowa ik holitoblo hatuk puta kv̄t ai okpulot kv̄nia ch̄i nan vl̄hpisa nitak mak o lua he ai ahni hosh achukmalit ieshi hoke.

8. Amba ḡ holitopa v̄hleha ma ! nana achv̄fa ilv̄ppa hv̄ch ik ithano ki ná, yohmi kv̄t nitak achv̄fa kv̄t Chitokaka yokv̄no afv̄m̄mi tahlepa sipokni achv̄fa ka im itilau; micha afv̄m̄mi tahlepa sipokni kv̄t nitak achv̄fa ka im itilau hoke.

9. Chitokaka yokv̄t nana ka im ih̄isa tok vt, a sv̄laha hatak kaniohmi kv̄t ahni kia, sv̄laha keyu hoke ; amba p̄i nukh̄aklo hosh p̄i sv̄laha kv̄t, achv̄fona kia okpunlot ik kv̄nio hosh, amba moyuma kv̄t ile kostininha he, im ai ahni hoke.

10. Yohmi kia Chitokaka i nitak okv̄t, ninak anukaka yo na hukopa yv̄t aya chatuk mak o, chiyuhmit vla hi oke ; yvmohmikma shutik moma kv̄t nan ola chinto h̄o isht ai okpulot ont ai iksho ka he, mikma fochik moma kv̄t luak lv̄shpa fehna h̄o isht a luv̄t bihinlakma, yakni, micha nan okl̄uha ai vl̄htaiyaha puta tuk vt luv̄t taiyaha hi oke.

11. Yvmohmi ka nan okl̄uha ilv̄ppv̄t ont ai v̄hlit kv̄nia ch̄i hoka, hatak kaniohmi hosh nana a kaniohmi puta ka nan ai ashv̄chi iksho hosh Chihowa holitoblit hv̄sh ai asha hi atuk o ?

12. Micha Chihowa i nitak vt vlakma, v̄ba shutik moma kv̄t lua hatuk osh ont ai v̄hlit kv̄niakma, fochik moyuma kv̄t

luak lvshpa fehna hō isht a luvt bihinla he, yvmmak o ho-
hoyot tushpvt hvsh mahaya hokvt.

13. Yohmi kia pishno yokvto nana ka pim ihisa tok pulla
kak o, vba shutik himona, micha yakni himona ita tuklo nan
ai vlhpiesa ai ahanta yvmmak o e hohoyo hoke.

14. Yvmohmi ka g holitopa vhleha ma! nana ilvppa chi-
yuhmi puta hō hvsh hohoyo hokvt, anumpa isht ai onvtula
he, micha na liteha aiena ik hvchim iksho hosh hvsh i na-
naiya hō, hvsh im otaiyana hi vt hvsh achunanchashke.

15. Mikmvt pin Chitokaka yvt ilbvshala chi kvt svlaha
kvt isht pi ai okchaya he atuk, il ai ahnashke; ilvppa chi-
yuhmi il itibapishi Pal ak kia isht a hopoyuksa ya anukfoki-
hinchi hō hvchi holissohonchi tok:

16. Yohmi kvt holisso ihikbi puta kvt nana ilvppa moma
ka isht anumpohonli ak inli hatok okvt; yvmmak oka nana
kaniohmi kvt akostininchi kvlllo kvt ai asha, yvmmak oka nan
ik ithano, micha anukfila apissali iksho aiena hokvto ilap isht
ai okpula chi kvt anumpa holitopa inla ka yvmihinchi hatuk
ash osh, chohmichit shanaiyvchi hoke.

17. Yvmohmi ka g holitopa hvchia ma! tikba nana ilvppa
puta ka hvsh ithana hatuk okvt ahah! hvchik ai ahnokmvt,
hatak nan vlhpiesa ik holitoblo isht ai yoshuba ya isht ai
yoshubvt isht a hvchi yimmi kvlllo kash i filvmmmit chi
tula ná.

18. Amba isht i kana hvchi anukfokvt hvsh yvmohmi kvt
i shahlichit mahayvt, pin Chitokaka pi Okchalnchi Chisvs
Klaist g hvsh ithaiyana kvt i shahlichit hvsh mahayashke.
Yvmmak oka isht a holitopa yokvt, himonasi, micha himak
a pilla ka immit biliashke. Amen.

C H A N

I HOLISSO VMMONA HOKE.

CHAPTER I.

Klaist a isht anumpuli, mihmvt ymma anonti Iki itatuklo ka ibachv fvt nan im anukfila he miha, 1; 5 nan ib achvfa ilvppa yakohmi kvv nan isht il aiyukpa hokmvt, atohwekinli ka il ai itanowa he; 9 mikmvt na pim ai ashvchika puta ka il il anohonlikma, pi kashofa hinla.

1. AI okchaya anumpa yummak osh vmmona ka ahanta tok mak o e hahaklot, pi nishkin a isht e pihisvt, il o hopokohoyo tok, micha pibbak vt pvshohonli tok mih mak oke.

2. Ai okchaya yummvt haiaka na e pihisa tuk osh atokowa anolit, Ai okchaya bilia yummvt Iki a takla ahanta chatuk mak osh, ant pi haiaka tok a e hvchim anoli hoke.

3. Hvchishno mvt hvsh pibai achvfa he mak o, nana ka e pihisa tuk, micha e hahaklo tuk aiena kvv e hvchim anoli hoke: yohmi kvv pishno vt Iki, micha Ushi Chisvs Klaist aiena kak o il ibai achvfa mvhli hoke.

4. Mikmvt nana a hvchi yukpvt alotowa he mak o, yakohmi ka pit e hvchi holissochishke.

5. Yohmi ka Chihowa yvt tohwikelika, micha ymma okhlilika yvt atakali iksho kvvohmi aiena ilvppak o anumpa ymma il ai i haponaklo tuk mak osh e hvchim anolishke.

6. Yummak oka pit il ibai achvfa, il achi hosh, anonti ai okhlilika yo il itvnowa hokmvt, e holabi; micha nan ai ahlika mvno a pi yvmohmi keyu hoke.

7. Amba yummak okvt atohwikelika yo anta hoka, pishno vt atohwikelika yo il itvnowa hokmvt, iloh it ibai achvfa.

Yohmikma Ushi Chisvs Klaist im issish vt nan ai ashvchika ya mominchit a hvpi kashofi hoke.

8. Nan ai ashvchika yvt ik pim iksho, il achi hokmvt, peh il ile haksichi: micha nan ai ahlika yvt pi anukfoyuka keyu mak oke.

9. Na pim ai ashvchika ya il il im anohonli hokma, yvm-mak okvt ai ahli achukmvt, ai vlpiesa hatuk osh na pim ai ashvchika ya pi kanvlichi; micha nan ik ai vlpeso ka mominchit pi kashofa hinla hoke.

10. Nana il ai ashvchika chatuk keyu, il achi hokmvt, yvmmak oka holabi il ikbi; mikma im anumpa hvvt pi anukfoyuka keyu mak oke.

CHAPTA II.

Klaist vt pi a pelvt isht pi anumpuli, 1; 3 ai ahli Chihowa ya ithana hokvto im anumpa vlpisa ya holitobli hoke. 9 Pitibapishi ha il oh i hullashke; 15 yohmikmvt yakni imma hokvno keyu kashke; 18 na yoshubli a ahah! il im ahnashke.

1. UM vlla chipunta vhleha ma! hvch ik ashvcho ka chi mak o, ilvppa puta ka pit hvchi holissochi lishke. Micha hatak nana hosh ashvchi hokma, isht anumpuli vt Chisvs Klaist achukma yvt Iki a itikba pim anta hoke.

2. Yvmmak osh na pim ai ashvchika ya, vltoba kvv pish-no pimmi hak bano keyu, amba yakni moma nan ashvchi aiena ka okluha vltoba mak oke.

3. Micha im anumpa vlpisa yak o e holitobli hok mak osh, yvmma il ithaiyana ho mvhli kvv isht il akostininchi hoke.

4. Kvna hosh yvmma ithana li, achi hosh, anonti im anumpa vlpisa ya holitobli keyu hokvto, holabi; micha nan ai ahlika yvt anukfoyuka keyu mak oke.

5. Amba kvna hosh yvmma im anumpa ha holitobli hokvto, mihi yosh Chihowa ya i hullo ai ahli fehna hoke. Ilvppak o yvmma il ibai achvfa kvv isht il akostininchi hoke.

6. Kvna hosh yvmmak oka ai iba foyuka, miha hokvto, ilap mak kia, yvmvvt kaniohmit aya tok mak o, a chohmit aya he tuk oke.

7. Itibapishi li vhleha ma! anumpa vlhpisa himona nana h_o pit hvch_i holissochi li keyu; amba anumpa vlhpisa sipokni vmmona kash inli h_o hvchin tonlv_t isht auehinchi tok ash oke. Anumpa vlhpisa sipokni vt anumpa vmmona kash inli h_o haklot isht hvsh auehinchi tok ak oke.

8. Ai okhlilika yvto ant ia ma, himak okvno tohwikeli ghli mak osh tom_mi hoka, anonti anumpa vlhpisa himona, yvmmak okv_t ilapo, micha hvchishno aiena hokvno ghli mak o pit hvch_i holissochi lishke.

9. Kvna hosh atohwikelika y_o anta li, achi cha, itibapishi h_a i nukkilli kv_t, himonasi ak kia ai okhlilika y_o aya moma hoke.

10. Kvna hosh itibapishi h_a i hullo hokvto, mihi yosh atohwikelika y_o ahanta; yohmi cha kaniohmit ai ibetvbla hi vt ik im iksho mak oke.

11. Amba kvna hosh itibapishi h_a i nukkilli hokvto, ai okhlilika y_o ahanta cha, ai okhlilika y_o noh_owa; yohmi ma okhlilika kv_t nishkin g vmmoli hatuk o, kanima y_o ia kv_t ithana keyu hoke.

12. Ulla chipunta hvchia ma! yvmma hohchifo pulla h_o na hvchim ai ashvchika yv_t isht a hvchi kashofa hatuk oka, pit hvch_i holissochi lishke.

13. Iki hvchia ma! vmmona makinli h_o ahanta tok yvm-mak ash hvsh ithaiyana hatuk oka, pit hvch_i holissochi lishke. Hatak himita hvchia ma! nan okpulo atukma hvsh imaiyachi hatuk oka, pit hvch_i holissochi lishke. Ulla chipunta hvchia ma! Iki g hvsh ithaiyana hatuk oka, pit hvch_i holissochi lishke.

14. Iki hvchia ma! vmmona makinli h_o ahanta tok yvm-mak ash hvsh ithaiyana hatuk oka, pit hvch_i holissochi li tuk oke. Hatak himita hvchia ma! hvsh hlampko, yohmi ma Chihowa, im anumpa hv_t a hvchi anukfoyuka, micha nan okpulo atukma hvsh imaiyachi aiena hatuk oka, pit hvch_i holissochi li tuk oke.

15. Yakni g, micha nana kv_t yakni paknaka gsha ka hvch ik i hullo kashke. Hatak nana hosh yakni g i hullo hokma, Iki i hullo kv_t yvmma anukfoyuka keyu hoke.

16. Yakni gsha kvto moma, haknip nan isht anushkunna, micha nishkin nan isht anushkunna, mikmvt yakni pakna nan ai isht ilefehuvchi aiena kv̄t Iki ak o a minti h̄o keyu; amba yakni ak o a minti hoke.

17. Micha yakni vt, mikmvt nan ai isht anushkunna aiena hokvto, ant ḡv̄t kv̄nihiya hoke; amba Chihowa nan aiahni yak o a yvmohmi hosh ahanta hokvto, antvt bilia hoke.

18. Ulla chipunta ma! ai ishтайopi mak oke: yohmi ka Klaist im asanali vt gya hi oka, hvsh haklo tok mak o, himonasi ak kia Klaist im asanali vt lauv̄t aiasha; yohmi h̄o ont ai ishтайopi ka isht il akostininchishke.

19. Yvmmak ash ot a p̄i filv̄mmit kocha wiha tok; yohmi kia yvmmvt a hv̄pibai achv̄fa tok o keyu hoke; yvmmvt pishno ak o a hv̄pibai achv̄fa tok okmvt, a hv̄pibai afoka na bilia he tuk pulla chishke: amba yvmmvt moma kak osh a hv̄pibai achv̄fa h̄o keyu hatuk vt otvna ch̄i kak osh a hv̄p̄i filv̄mmit kocha wiha tok oke.

20. Amba hvchishno yokvto Shilombish Holitopa ak o hvsh im ai ahama tuk osh nan oklyha ka hvsh ithanvshke.

21. Nan ai ghlika ya hvch ik ithano hatuk o, pit hvch̄i holissochi li h̄o keyu, amba yvmma micha holabi hv̄t achv̄fona kia nan ai ghlika ya ahalaia keyu aiena ka hvsh ithana kak atuk oke.

22. Kv̄ta hosh holabi yo? amba Chisvs ak osh Klaist mak atuk a keyu achi kak oke. Iki micha Ushi aiena ka i yimmi keyukmvt, yvmmak osh Klaist im asanali mak oke.

23. Kv̄na hosh Ushi a i yimmi keyukmvt, yvmmak osh Iki a pit ahalaia keyu mak oke; amba Ushi a i yimmi hokvto Iki a ib ahalaia ak inli hoke.

24. Yohmi hoka nana ka hvsh haklo v̄mmona tok yvmmvt a hv̄chi anukfoyakashke. Nana ka hvsh haklo v̄mmona tok yvmmvt a hv̄chi anukfoyuka hokma, hvchishno mvt Ushi, mikmvt Iki aiena ka hvsh ai ibafoyuka hi oke.

25. Micha nana miha kv̄t ai okchaya bilia ilvppak o pim issa tok oke.

26. Na hv̄chi yoshubli vhleha h̄a ai immv̄chi kv̄t yakohmi kak o pit hv̄ch̄i holissochi li tuk oke.

27. Amba yumma nana hvsh ai im ahama tuk amo a hvchi anukfoyuka ; yohmi ka hatak osh nana hvchim abvcha he hvsh ahni ka keyu ; amba nan ahama yummak asl inli kak osh nana moma ka a hvchim abvchi kv̄t ai ghli, holabi keyu ; yohmi ka na hvchim abvchi tuk ash fehna ka yumma hvsh ai ibafoyuka hi oke.

28. Yohmi ka inta ! vlla chipunta ma ! yummak o hvsh ai iba foyukashke ; yohmi tuk o yummak ash ot ant haiakakma, il anukcheto cha, mihintikma itikba ma a ik pi hofahyo kashke.

29. Yummak okvt ai vlhpiesa yo hvsh akostininchi hokmvt, ai vlhpiesa ho a yvmohmi hokvto, momvt yummak o isht a toba yo hvsh akostininchishke.

CHAPTA III.

Chihowa vt̄ ilap ushi yo pihikbi kv̄t pi hullo fehna, 1 ; 3 yvmohmi hoka i nan vlhpisa ya e holitobla he tuk ; 11 il iti hulla he tuk.

1. CHIHOWA ushi vhleha hvpi hohchifa hi a Piki vt nan i hullo kv̄t a kaniohmit hv̄p i hullo tok a ho pesa : yohmi hatuk o yakni vt pishno a ik hv̄p ithano ; yumma ik ithano tok okvt.

2. Holitopa vhleha ma ! himak okvno Chihowa ushi hvpia, yohmi kia e kaniohma hi a himonasi kano ik otano kishvshke ; amba yummak osh ant haiakakma, pishno vt yvmak o e holba hi vt il ithana, yvmvt kaniohmi hatuk ma e pisa hi okvt.

3. Yumma anukchieto hosh si yakohma he ahnit, yvmak ash ot kashofa achukma yatuk a chiyuhmit momvt ile kashofi hoke.

4. Kvna hosh nana ashvchi kv̄t anumpa vlhpisa ma kobffi hoke : nan ai ashvchika yak osh anumpa vlhpisa ya kobffi hoka.

5. Yohmi ka yummak okvt pim ai ashvchika ya isht hvpi kancha chi mak osh ant haiaka tok a hvsh ithana ; micha yumma ai ashvchika nana hosh atakali keyushke.

6. Kuna hosh yvma ai iba foyuka hokvto ashahanchi chatuk keyu; kuna hosh ashahanchikmvt, yvma pisa tuk keyukmvt, anonti ithana tuk keyu aiena mak oke.

7. Ulla chipunta ma! hatak nana kia ik hvchi yoshublo kashke: kuna hosh nan ai vhpiesa ya a yvmohmi hosh ahantakmvt, ai vhpiesa kv, yvmmvt ai vhpiesa yatuk a, chohmi mak oke.

8. Kuna hosh ashahanchi kv Setan ak o ibai achvfa mak oke: Setan ak okvt vmmona mak inli ho ashvchit isht auehinchit tok oka. Setan vt nan ai isht vta tok puta ka okpna chi pulla kak osh Chihowa Ushi vt ant haiaka tok.

9. Kuna hosh Chihowa ak o isht a toba hokvto ashahanchi chatuk keyu: yvma i na nihi vt anukfoyuka hatuk o; micha yvmmak okvt Chihowa ak o isht a toba hatuk okvt, ashahancha he keyu hoke.

10. Ilvppak o Chihowa im vlla vhleha, mikmvt Setan im vlla vhleha aiena kv isht ai otvni hoke: kuna hosh nan ai vhpiesa ya a yvmohmi keyu, mikmvt itibapishi ha ik i hullo aiena kv, Chihowa ak o ai ibai achvfa ho keyu hoke.

11. Iloh it i hulla he anumpa ilvppak o vmmona mak inli ho hvsh habaklo tok.

12. Nan okpulo a ai ibai achvfa cha, itibapishi ha vbi tok Ken ak okvno ke chohmo kashke. Micha nanta katiohmi ho yvma vbi tok o? Ilapo nana a kaniohmi kvto ai vhpiesa keyu ma, itibapishi hvto ai vhpiesa kak a tok oke.

13. Itibapishi li vhleha ma! yakni vt hvchi nukkilli hokma, ik hvchi nukhlakancho kashke.

14. Il itibapishi vhleha ha il i hullo hatuk osh, ai illika ya a kohchvt ai okchaya ya il ona kv il ithanvshke. Kuna hosh itibapishi ha i hullo keyu hokvto, ai illika yo anta hoke.

15. Kuna hosh itibapishi ha i nukkilli kv, hatak vbi yoke: yohmi ka hatak vbi nana hak osh okchayvt bilia yvt anukfoyuka keyu ka hvsh ithanvshke.

16. Pishno pulla hatuk mak o ilap im ilhfiopak a isht pi atobbi tok a ilvppa fehna ak o Chihowa vt pi hullo ka, isht

il akostininchishke: yohmi ka pishno vt il itibapishi vhleha hā pim ilhfopak ā isht il atobba he vlpesa hoke.

17. Amba kvna hosh yakni ilvppa nana isht il ai yvkpa vt im āsha; yohmi hosh itibapishi hv̄t ilbvsha hō pisa kv̄t, yvm̄mak ash ī nukhaklo iksho; yohmikma Chihowa ī hullo kv̄to katiohmit yv̄mma anukfoyuka hinla cho?

18. Um vlla chipunta ma! anumpa, micha isunlvsh aiena kak bano hō ishit kiloh it ī hullo kashke; amba nan isht ahanta, micha ai āhli mak ashke.

19. Michā ilvppak o nan ai āhli ka yā il ibai achvfa kv̄t isht il akostininchī; mikmvt pi chukvsh ā nuktalanlit itakba yā il āsha hi oke.

20. Pi chukvsh vt isht pi atokoli hokma, Chihowa ho kak heto pi chukvsh ā ī shahli, micha nana moma ka ithana hoke.

21. Holitopa vhleha ma! pi chukvsh vt isht pi atokoli keyu hokm̄vno, Chihowa yā il ai nanaiya mak oke.

22. Michā im anumpa vlpisa yā e holitobli, mikm̄vt nana ka ilapvt ai ahninchī ak o a pi yvmohmi aiena hatuk osh, nana hō il asilhha kv̄t, yv̄mma il ai ī habena chatuk oke.

23. Yohmi kv̄t yvm̄mak a hi o, anumpa vlpisa hā pima tok oka, Ushi Chisvs Klaist hohchifo hā pi yimmi cha, it ī hulla he aiena ilvppak osh im anumpa vlpisa mak oke.

24. Michā kvna hosh im anumpa vlpisa yā holitobli kv̄t, yvm̄mak o ai ib achv̄fakma, ilap mvt yv̄mma ai ibai achvfa hoke: micha yvm̄mvt a pi nukfoyuka kv̄t, yvm̄mvt Shilombish pima tok ilvppak o isht il akostininchī hoke.

CHAPTA IV.

Nan ithvnanchi moma kak o i yimma he keyu amba Chihowa im anumpa hō isht imomaka pisa hi ā ī miha, 1; 7 nana hosh kaniohmi kak o il it ī hulla hi ā lauachit nan isht miha.

1. **HOLITOPA** vhleha ma! hopaii ilahobi lauvt yakni ā atiapa hatuk oka, shilombish ā uhvlinchit hv̄chi yimmi

na; amba Chihowa yak o a minti hokma, nana tukmá, shilombish puta kash imomakachit hvsh pisashke.

2. Ilvppak o Chihowa im Shilombish a isht hvsh akostininchishke; shilombish vt, Chisvs Klaist vt haknip a sha hosh vla tok a atokoli hokvto, Chihowa ak o a minti bano hoke.

3. Mikma shilombish vt, Chisvs Klaist vt haknip a sha hosh vla tok a atokoli keyu hokvto, Chihowa ak o a minti keyu bano hoke; micha ilvppak osh shilombish Klaist i sanali, yummvt aya hi a hvsh haklo tok a, anonti himonasi kak kia yakni paknaka ya aiasha ka mak oke.

4. Ulla chipunta ma! Chihowa ak o immi hvchia; yohmi hosh yummak ash hvsh imaiyachi tok; hvchishno a a hvchi anukfoyuka kak osh yakni paknaka ya anta kvno i shahli hatuk okvt.

5. Yummak ash ot yakni ak o ai ibai achvfa; yohmi hatuk osh yakni ak o isht anumpuli ma, yakni vt i haponakloshke.

6. Pishno vt Chihowa ak o immi hvpia hoke; kvna hosh Chihowa ya ithana hokmvt, hvpi haponaklo: kvna hosh Chihowa ya immi keyu hokvto, ik hvpi haponakloshke. Ilvppak o shilombish ai ahli, mikmvt shilombish na yoshubli aiena ka isht il akostininchishke.

7. Holitopa vhleha ma! nan i hullo vt Chihowa ak o a minti hoka, iloh it i hullashke: micha kvna hosh i hullo hokvt moyumvt Chihowa ak o isht a toba; micha Chihowa ya ithana mak oka.

8. Kvna hosh nan ik i hullokmvt, Chihowa ya ik ithano mak oke. Chihowa ak okvto nan i hullo mak oka.

9. Yummak atuk mak o pishno vt isht pi okchaya hi a Chihowa yvt Ushi achvfa illa yatuk a yakni a auet kanchi tok oka, ilvppak o Chihowa yvt auet hvpi hullo ka isht ai otvni tok oke.

10. Pishno ak osh Chihowa ya il i hullo tok o keyu, amba ilap ak osh pishno a pi hullo cha, na pim ai ashvchika yvt isht vltoba hi a, Ushi a auet kanchi tok ilvppak osh nan i hullo mak oke.

11. Holitopa vhleha ma! Chihowa yvt p̄i hullo kv̄t yak ohmi tok okma, pishno ak kia iloh it ī hulla he v̄lhpesa hoke.

12. Hatak achvfa kia nitak nan ash Chihowa ȳa pisa tok keyushke. Pishno vt iloh it ī hullo hokma, Chihowa yvt hv̄pi anukfoyuka; yohmikma yv̄mma il ī hullo kv̄t ai ḡhli mak oke.

13. Yv̄mmak okvt imi Shilombish ḡ ai isht pima tok oka, pishno vt yv̄mma il ibai achv̄fakma, anonti ilap mvt pibai achvfa ka ilv̄ppak o isht il ai akostininchi hoke.

14. Micha pishno vt e pih̄isa mak osh yakni ḡ okchalinchi a he īki vt Ushi ḡ auet kanchi tok ḡ atokowa il anohonlishke.

15. Kv̄na hosh Chisvs vt Chihowa ȳa Ushi yoke, achi hoka, Chihowa ak osh yv̄mma anukfoyuka ma, anonti ilap mvt Chihowa ȳa anukfoyuka hoke.

16. Mikmvt pishno ḡ Chihowa vt p̄i hullo ka il akostininchi, micha p̄i yimmi aiena tok. Chihowa vt nan ī hullo hoke: yohmi ka kv̄na hosh nan ī hullot ahanta hokvt, Chihowa ak o ai ib anukfuyukakma, anonti Chihowa mvt ilap ḡ ai ib anukfoyuka hoke.

17. Nan v̄lh̄pisa nitak fehnakma pi nukw̄aya iksho ka he vt ilv̄ppak o nan il ī hullo kv̄t isht ai ḡhli hoke: ilap vt kaniohmi ka, pishno mvt yv̄mmak inli h̄o chohmi hosh yakni ilv̄ppa il ḡsha hokvt.

18. Nan ī hullo ka nukshopa hv̄t iksho hoke; amba nan ī hullo ḡhlika yvt nukshopa h̄a kohchit kanchi yoke; na nukshopa hv̄t issikkopali yoka. Kv̄na hosh nukshompa hokvto nan ī hullo kv̄t ai ḡhli h̄o keyu mak oke.

19. Ilap ak osh tikba p̄i hullo tok oka, pishno vt yv̄mma il ī hulloshe.

20. Hatak vt Chihowa ȳa ī hullo li, achi hosh anonti itibapishi h̄a ī nukkilli hokmvt, yv̄mmvt holabi yoke. Itibapishi h̄a pisa kv̄t ik ī hullo kv̄to, anonti katiohmi hosh Chihowa pisa chatuk keyu kv̄t yv̄mma ī hulla hinla cho?

21. Kv̄na hosh Chihowa ȳa ī hullo hokvto, itibapishi ma ī hullo ak inla he anumpa v̄lh̄pisa ilv̄ppa yv̄mmak osh pima tok oke.

CHAPTA V

Kvna hosh Chihowa ya i hullo kv̄t i nan v̄lhpisa ma holitobli cha yv̄mma im v̄lla puta ka i hullo hoke, 1; 7 nan atokowa yv̄t tu china hosh v̄ba ya aiasha; 8 mikma tuchina makinli hosh aka ya āsha; 9 Chihowa ushi Chisvs vt pi okchalincha hinla kv̄t im v̄lhpiesa.

1. **KUNA** hosh Chisvs vt Klaist mak atuk a yimmi hokv̄to, Chihowa ak o isht a toba mak oke; micha na toba-chi tok ash i hullo hokv̄to, moma kv̄t yv̄mma isht a toba tok puta ma i hullo ak inli hoke.

2. Chihowa ya il i hullo, micha im anumpa v̄lhpisa aiena ka e holitobli hokm̄vt, ilv̄ppak o Chihowa im v̄lla v̄hleha h̄a il i hullo kv̄t isht il akostininchi hoke.

3. Im anumpa v̄lhpisa ya e holitobli ilv̄ppak osh Chihowa i hullo mak oke; micha im anumpa v̄lhpisa yv̄t a palv̄m̄mi ka keyu hoke.

4. Kvna hosh Chihowa yak o isht a toba tuk okv̄to, yakni a imaiyachi hoke; micha yakni a nan isht imaiyachi kv̄t nana pi yimmi ka ilv̄ppak oke.

5. Kvta hosh yakni a imaiyachi cho? amba Chisvs vt Chihowa ya Ushi a yimmi kak o banoshke.

6. Oka, micha issish aiena kak o isht otv̄nit aya tok vt Chisvs Klaist ilv̄ppak oke: oka yak o illa keyu; amba oka, micha issish aiena tok. Mikma Shilombish ak osh ai āhli ka mak okv̄t, Shilombish ak osh atokowa ka anoli hoke.

7. Tuchina hosh nan atokoli kv̄to v̄ba ya āsha, Iki, micha Anumpa, mikm̄vt Shilombish Holitopa aiena kak oke; mikm̄vt tuchina ilv̄ppv̄t achv̄fa hoke.

8. Yohmikma tuchina hosh nan atokoli kv̄t yakni a āsha, Shilombish, micha oka, mikm̄vt issish aienv̄shke; mikm̄vt tuchina ilv̄ppv̄t ai it im achv̄fa hoke.

9. Hatak osh nana atokoli ka pi yimmi chatuk ma, Chihowa hosh nana atokoli ho kak heto ai i shahli fehna hoke. Chihowa yv̄t nana ai atokoli Ushi ya isht ai anohonli tok ilv̄ppak oke.

10. Kvna hosh Chihowa Ushi ya i yimmi hokvto, nan isht atokowa kv̄t ilapo inlit anukfoyuka hoke: kvna hosh Chihowa ya ik i yimmo hokvto, Chihowa yvt Ushi a nan isht ai atokowa ka anoli tok a, ik yimmo hokvt, yv̄mma holabi hoke.

11. Yohmi ka Chihowa yvt ai okchayvt bilia ya pim issa tok ilvppak osh nan atokowa annoa mak oke; mikma ai okchaya ilvppvt Ushi yak o ai in takali hoke.

12. Kvna hosh Ushi vt anukfoyuka hokvto, ai okchaya ya ishi hoke; mikma kvna hosh Chihowa Ushi yvt ik anukfo-yuko hokvto, aiokchaya yvt ik im ikshoshke.

13. Chihowa Ushi hohchifo ha yimmi vhleha hvchia hv̄t ai okchaya bilia yvt hvchin takanli kv̄t hvsh ithaiyana chi, mikmvt Chihowa Ushi hohchifo ha hvchi yimma chi aiena kak o na yakohmi ka pit hvchi holissochi li hatuk oke.

14. Nana ka ilap nan ai ahmi ka ya pit ai vlhpesa ho isht ai il im asilhvchi hokma, pi haponaklo pulla ka ilvppa pi yimmi hoke.

15. Micha nana ho il im asilhha ka, pi haponaklo ka il akostininchi hokmvt, anonti nana ho il im asilhha tuk vt, il eshi kv̄t il akostininchi mak inlishke.

16. Hatak nana hosh itibapishi hv̄t nan ashvchi kv̄t isht ai illa he keyu ho isht ai ashvchika pisa hokmvt, yv̄mmak ash ot asilhha na isht ai illa he keyu yo isht ai ashvchi tuk vhleha hash yv̄mmvt ai okchaya ya ima hi oke. Isht ai illa he ai ashvchika yvt takanlishke; yohmi hokvno vba pit isht anumpula hi a ak mihoshke.

17. Nana ai vlhpesa keyu vt aiashvchika yo banoshke; yohmi ka isht ai illa he keyu nan ai ashvchika yvt takanlishke.

18. Kvna hosh Chihowa yak o isht a toba tuk okvto, ashahanchi keyu chatuk a il ithanvshke: amba Chihowa ak o isht a toba tuk okvto achukmalit il apesahanchi chatuk; yohmikma nan okpulo yv̄mmak ash ot ik halelo chatuk oke.

19. Micha pishno vto Chihowa yak o immi pia; mikma yakni moma kv̄to ik ai vlhpeso banot talaiia ka iloh ithanvshke.

20. Micha Chihowa Ushi vt vla cha, yvmmak osh nan ai ghli ka mak atuk ash il akostinincha chī ka, nan isht akostininchi g pi anukfoki tuk g iloh ithanvshke ; yohmi hō pishno vt yvmmak osh nan ai ghli ka mak atuk Ushi Chisvs Klaist g il ai ibai achvfa hoke. Ilvppak osh Chihowa ai ghli, micha ai okchgyvt bilia mak oke.

21. Ulla chipunta ma! na holvvt toba yz hvch ik ai ahalaio kashke. Amen.

C H A N

I H O L I S S O A T U K L O H O K E

Nan isht ai ĭ hullo a kvllot achunancha chi ka ohoyo holutopa, im vlla aiena ka ĭ miha, 1; 10 Klaist im vbanumpa hq isht aya keyu yvt na yoshublihi yoka yvmma hvchik abalaio kashke.

1. **U**BANUMPESHI sipokni yokvt ohoyo vlhtoka, micha im vlla vhleha aiena ka pit ai okpvchishke, yvmmak ash o vno vt ai ghli hosh ĭ hullo li chatuk; mikmvt vno ak bano chatuk keyu; amba nan ai ghli ka akostininchi tuk okvto ĭ hullo ak inli chatuk;

2. Nan ai ghli ka yvt a pi nukfoyuka kvv a pi nukfoyukvt bilia chi pulla hq yvmohmi hoke.

3. Hvch ĭ hullo li ai ghli mak osh Iki Chihowa, mikmvt Iki q Ushi, Chitokaka Chisvs Klaist ita tuklo a mihinti nan isht ĭ kana, mikmvt ai ĭ nukhakloka, micha nan isht it ĭ nanaiya aiena kvv hvchi anukfoyuka hi q ahni lishke.

4. Anumpa vlhpisa Piki vt pima tok mak o, chim vlla vhleha hvv nan ai ghli ka mak o ai itvnowa na pisa li kvv, sa yukpa fehna tuk oke.

5. Yvmohmi ka ohoyo ma! anumpa vlhpisa himona nana hq pit chi holissochi li hq keyu: amba vmona mak inli hq hvpin tonla tok ash iloh it ĭ hulla he yak o chim ai ahni lishke.

6. Mich a im anumpa vlhpisa yak o ai iakaiyvt il itvnowa ilvppak osh nan ĭ hullo mak oke. Ilvppak osh anumpa vlhpisa mak oke; vmona mak inli hq hvsh habaklo tok vt, yvmmak o hvsh ai itvnowa he tuk oke.

7. Na yoshubli laua kvv yakni q atiapa cha, Chisvs Klaist

vt haknip a^gsha hosh vla tok a^g atokowa anoli keyushke. Il-
vppak osh na yoshubli, micha Klaist i^g sanali aiena mak oke.

8. Hvsh il apesahanchi pulla na nana ka iloh atahli tuk
vt ik hv^g i^g kvnio hosh, amba ai vlhtoba vlhpiesa ka iloh
ishashke.

9. Kvna hosh ashabanchi cha, Klaist im anumpa anuk-
foyukvt aya keyu hokvto, Chihowa ya pit ai ibai achvfa h^g
keyu hoke. Kvna hosh Klaist im anumpa h^g afoyukvt aya
hokvto, mihi yosh Iki, micha Ushi aiena ka pit ai ibai achv-
fa hoke.

10. Kanima kv^g ayvt hvchim vla kv^g, anumpa ilvppak o^g
isht aya keyukma, hoyot hvchim aboha ya hvch ik chuko-
wachokmvt, hvch ik ai okpacho kashke.

11. Kvna hosh yv^gmma ai okpvchi hokvto, nan ik vlhpeso
a yohmi ya pit ahalaia mak oke.

12. Nana ka pit ch^gi holissochi la hi vt lauvt a^gsha; yoh-
mi kv^g holisso tohbi, micha isht holissochi okchi aiena h^g
isht a pit holissochi la he keyushke; amba nashuka bika it
atokowvt anumpulit a pi yukpa fehna ch^gi ka, vno vt ayvt
chim ona la ch^gi, vm ahoba hoke.

13. Chitibapishi ohoyo vlhtoka ya im vlla vhleha hv^g pit
chi ai okpvchishke. Amen.

C H A N

! H O L I S S O A T U C H I N A H O K E.

Kaivs vbanumpa anukfoyuka ka im ahninchit miha, 1; 5 i kanvt hiahni ka im aiokpanchi; 9 Tiotifvs nan akaniohmi kvno vlpesa ik im ahno; 12 Temetivs vno ahninchit isht anumpuli.

1. **U**BANUMPESHI sipokni yokvt Kaivs holitopa fehna yvmma ai ghli hosh i hullo li chatuk mak o pit ai okpvchishke.

2. Holitopa ma! chi haknip vt achukmaka cha, i shahlit ia kvv, chi shilombish vt isht i shahlit ia kak inli ho chohma hi g ahni li kak osh nana moma ka vm i shahlishke.

3. Il itibapishi vhleha hvv ai vla mvv, nan ai ghli ka yvt a chi anukfoyuka cha, nan ai ghli ka ai ish ataya ka atokowa anohonli ka a sa yukpa fehna tok.

4. Na sa yukpa kvv, vm vlla vhleha hvv nan ai ghli ka ya ai itvnowa na haklo li ka vm i shahli kvv iksho.

5. Holitopa ma! il itibapishi vhleha, micha hatak itvnowvvt aya aiena ka nana ho ish ai i kaniohmi kvv, ish ai ghli achukma bieka hoke.

6. Yvmmak ash ot, i hullot ish apelahanchi ka, chvch g im a chi atokovvshke; yvmmak oka nowvt aya ka Chihowa aiahni vlpiesa ho pit ai ish apelahanchi hokmvv ish ai vlpiesa he mak oke:

7. Yvmmak okvt yvmma hohchifo pulla hatuk mak o Chentail g nanasi kia ik im ai esho hosh itvnowvt aya hatuk oka.

8. Yohmi hoka pishno vt nan ai ghlika ya pit ai im

apelvchi pia ha chī kv̄t, yv̄mma chohmi ka ai okpv̄chit nana il im atahanla he v̄lhpiesa hoke.

9. Chv̄ch ǵ pit ī holissochi li tok; yohmi kia yv̄mma ai ī shahli bv̄nna hosh Tiotlefes yv̄mmak okv̄t ik pim ai okpacho tok oke.

10. Yohmi hoka v̄la li hokm̄vt, yv̄mm̄vt nana a kaniohmi tuk, anumpa okpulo ka isht a pi achukushpv̄li tuk: mikm̄vt yv̄mma illa hokv̄to ik im ono m̄vt, anonti il itibapishi v̄hleha hǵ ai okpv̄chit nan ik im atahlo m̄vt, anonti kanima kv̄to yohma he tuk ǵ im alv̄mmit, yv̄mmak ash chv̄ch ǵ akocha weli tuk ǵ ithaiyana la he mak oke.

11. Holitopa ma! nana kv̄t achukma keyu hokv̄no chik iakaiyo hosh, amba achukma kak ashke. Kv̄na hosh achukma hǵ a yohmi hokv̄to, Chihowa yv̄t anukfoyuka hoke, amba kv̄na hosh nan ik achukmo yǵ yohmi kv̄to, Chihowa yǵ pisa tok keyu mak oke.

12. Hatak moma, micha nana ai ǵhli ka fehna aiena kash kia Temetivs ǵ annoa achukma ka anolishke; ǵhli, micha pishno ak kia yv̄mma ai atokoli kv̄t il anoli ak inlishke; yohmi kv̄t pishno nan il atokoli ka ai ǵhli ka hv̄sh ithaiyanv̄shke.

13. Nana ka holissochi la he vt lauv̄t ǵsha hatuk: yohmi kia isht holissochi okchi, micha isht holissochi aiena ak okv̄no isht pit ak chī holissocho ka chishke:

14. Yohmi kia chekosikma chi pisv̄t, nashuka ai it atokov̄vt isht chim anumpuli la chī ka v̄m ahoba hoke, Nan isht il ai yukpa yv̄t chi anukfoyukashke. Pī kana v̄hleha hv̄t pit chi ai okpv̄chishke. Il itī kana v̄hleha hǵ hochif̄o cha, pit ish ai okpv̄chashke. Amen.

CHUTE

I HOLISSO HOKE.

Nan ai yimmika ya a kvllot achunanchit hiela he im ahni, 1 ; 4 nan ithvnanchi ik ai ghlo puta kvv ib a chukowa he, yahmi kia yvm-mvt ai ilbvsha hi okvto im vhltaha ; 20 Chihowa anukfoyuka yokvto shilombish holitopa apelachi pulla, mikmvt vbanumpohonli aiena pulla hosh ilap a okchalnchi cha, anonti inla na yoshubli isht a yoshuba tuk puta ma hlakoficha hi oke.

1. CHUTE, Chisvs Klaist in tishu, micha Chemis itibap-ishi hokvt, Iki Chihowa ya, i holitopa vhleha, micha okchaya he vhtoka tok ; micha Chisvs Klaist ak atuk pulla kak o ai ahlit i yimmit mahaya yvmmak o pit i holissochi kvv,

2. Isht i nukhaklo yvt hvchimmi hashke, micha isht iti nanaiya, micha nan i hullo aiena kvv hvchin lauashke.

3. A holitopa vhleha ma ! nana ka achunanchi fehna hosh moma isht ai okchaya yak o pit hvchi holissochi la chikmvt, hvchi holissochi li kvv nana ka hvchi atohnochi la he vm vlpiesa he tuk : yohmi kvv vbanumpa ai ahli yvt himonna ma vbanumpuli vhleha hoka im anohowa tok ak o i yimmi aiahlit hvsh mahaya chi kvv yichina fehna hosh hvsh hohoyashke.

4. Yohmi ka hatak kaniohmi hokvt ik i nuktaho fehna ho iba chukowa, yvmmak okvt nitak pilla kash o nan ik achukmo ilvppa ai yvmohma he vt im vlpihisa tok : yvm-mvt Chihowa holitobli keyu hokvt, pin Chihowa isht i kana ya haui imma isht ai ihikbi, micha yvmmak illa hosh Chito-

kaka Chihowa, micha pi Okchalinchi Chisvs Klaist ash o ik holitoblo hoke.

5. Yvmohmi ka Chitokaka yokvt kanimihchit Echip yakni a a kohchit okla ha hlakofichi ha yvt na yimma he keyu vhleha hokvno vbit taiyahli tok; ilvppa himonna ma hvsh ithana hatuk ak inli kia, hvsh ithaiyana he mak o hvchim ai ahni lishke.

6. Micha enchil vhleha hokvt a toba vmmona tok ash inli ai ahanta keyu hosh, amba ilap ai ahanta kash issa tok puta hokvno, ai okhlilika chinto twli itatakvli isht talakchit bilia hosh nitak chinto nan ai vlhpisa ka ona he im ai ahni hoke.

7. Yohmi ka Sotom, Komolah, micha tvmaha hochito auet i bilika aiena kash osh yvmmak ash o chiyuhmit, havi ai yvmohmi fehna, micha haknip inla ho asitia aiena tok vt nana ka isht ilbvsha he otaiyani mak osh isht i nukkilli luak bilia yo isht ilbvsha hoke.

8. Yvmmak o chiyuhmi hosh holhpokunna liteba vhleha ilvppak kia haknip a litehli, nan i shahli ya kvllakshichi, micha hatak nan vlhtoka holitopa he vlhpiesa kia nan isht ik ahobalot anumpuli hoke.

9. Yohmi kia Mikael, enchil miko yvt nan isht ahullo okpulo ya it im anumpuli kv, Moses, haknip imma yo isht it im anumpunli kia, isht a hofahya he anumpa hoka mihachi kv nukshopa mvt, amba Chitokaka yak osh chim olvbashke, achi tok.

10. Amba ilvppvto nana yakohmi puta ka akostininchi keyu kv, nan isht ik ahobalot isht anumpulishke; yohmi kv nampoa im anukfila iksho yak i chiyuhmit, haknip nan isht al anushkunna ithana yvmmak puta ho isht il ai okpvnit tahlishe.

11. Yvmmvt i palvmmi mak oke; Ken nana a kaniohmi tok ak o chiyuhmit itvnowa hokvt, micha nan isht vlhtoba yak o bvna hosh Belam vt nan ashahanchi tok ak o chiyuhmit, ai yimitvt kvnivt yihlihimpa hatuk osh Koli vt i sanalit anumpohonlit isht illi ha tok a chiyuhmit isht ai okpulo tok.

12. Ilvppak okvt iti hullo impa hvch ibai impakmvt, na

liteha vhleha yosh nukshopa kia ik im iksho hosh il impahanchi kv̄t; hoshonti oka iksho yō mahli puta kv̄t kanima isht aya; iti vni b̄sh̄it, vni iksho puta, hitukla illi, akshish m̄m̄vt lobahli mak oke:

13. Okhvta chito oka piakv̄chit it ai ihissot, ilap isht ahofahya ya pokpokit kohonchi; fochik yoshuba puta hoka ai okhlilika chinto yak osh yvm̄mak okvno immit bilia he im v̄lh̄pisa hoke.

14. Mihma Enok, Alvm̄ isht ai unchululi ont isht untuklo kak kia, anumpa ilv̄ppa tikbanli anohonli kv̄t, Yakeh! Chitokaka yokv̄t ī holitopa vhleha tahlepa sipokni pokoli ka ai itv̄pehvt v̄la kv̄t.

15. Moyuma ka nan im apesvt, Chihowa im antia he keyu yvt Chihowa ik holitoblo hosh nan ai v̄lh̄pesa keyu puta yvm̄ohmit ai asha chatuk, micha nan ashv̄chi Chihowa ik im antio vhleha hv̄t ilap ī sanalit anumpa kv̄llo anumpohonli chatuk aiena moyuma ka na palv̄m̄mi ka onocha hi oke.

16. Ilv̄ppak okv̄t ik ahninchot lumasit isht anumpuli vhleha hosh ilap ch̄ukv̄sh okpulo nan ahni kak ō iakaiya yoke; micha isht ilauata fehna anumpa puta ka itih h̄a isht anumpohonli kv̄t, ilap nan isht im achukma he, ahni kak osh, hatak nashuka puta ka ahninch̄i yoke.

17. Amba ā holitopa vhleha ma! hv̄chishno yv̄to pin Chitokaka Chisvs Klaist im anumpeshi vhleha hv̄t tikba kash anumpa isht hv̄chim anumpohonli tok puta kak ō hv̄sh ithaiyanashke:

18. Yohmi kv̄t ont ai ishtaiyopit mahayakma, nan isht ik ahobalo vhleha hv̄t Chihowa ik holitoblo hosh ilap ch̄ukv̄sh okpulo nan ahni kak ō iakaiya hosh ai asha hi oka, hv̄chim anohonli tok ā hv̄sh ithaiyanashke.

19. Ulv̄ppak osh v̄banumpuli iksa ai āhli ka il ai ī filv̄m̄mi-chi kv̄t, haknip nan ahni yō iakaiya hosh, Shilombish Holitopa yvt ik im iksho hoke.

20. Amba ā holitopa hv̄chishno yv̄to, Shilombish Holitopa yvt hv̄chi anukfoyuka hosh anumpa ilv̄sha anumpohonlit, na hv̄chi yimmi holitopa fehna kv̄t hv̄sh il ai āhlichashke;

21. Chihowa ya hvsh i hullo kv̄t hvsh il achunanchi hosh, Chitokaka Chisvs Klaist okv̄t hvchi nukh̄klo na aiok-chayvt bilia ya hvsh ona chi kv̄t hvsh hohoyashke.

22. Mikmvt yakohmi hoka im ahnit, kaniohmi kvno hvshi nukh̄klashke.

23. Micha inla kvno nukshoblit halvllit, luak a a kohchit' hvsh hlakofichi kv̄t, na fohka haknip isht aliteha yak heno hvsh i yuwalashke.

24. Yohmi ka yvmmak osh hvchi halanli h̄o ik hvch ibetvblo ka he, micha ilap ai o binili holitempa itikba ya anumpa ik achukmo hvchi onvtonla iksho nan isht il aiyukpa chinto h̄o isht hvchi ona hinla,

25. Pi Okchalinchi Chihowa hopoyuksa kak bieka yvmak o isht a holitopa, isht a chinto, micha isht a miko, micha nan isht ai ghli aiena kv̄t himonasi, micha himak a pill̄ka ka immit biliashke. Amen.

UBANUMPESHI CHAN A

NANA KVT IM OTUNI TOK.

CHAPTA I.

Uba nan im otaiyani tok vt tvli holisso lakna pula ai o hikia untuklo nan isht vlpisa ho Chan vt chvch untuklo Asia a hiohmaya ka pit i holisso chi tok, 1; 7 Klaist vt minta chi; 14 nan isht im ai ahli holitopa chinto aiena ka anoli.

1. **CHISVS** Klaist nan isht otvniuchi yvmmak oka Chihowa hvv ima na in chekosikma nana a kaniohmi pulla chi ka, in tishu vhleha ha im otvniucha hi a tok; atuk o yvmmak ash osh im enchil ak o pit chvffichi hosh in tishu Chan a nan it apesa hosh im anoli tok.

2. Mihi yosh Chihowa im anumpa, mikmvt Chisvs Klaist nan isht im atokowa, micha nana ho pisa tok aiena kvv atokowa anoli tok mak oke.

3. Kvna hosh ilvppa it im anumpohonli, mikma kvna hosh na tikbanli annoa anumpa ilvppa haklo cha, nana hosh a holihiso tuk a holitobli hokvto momvt na yukpvshke; yakohma chi ka ai ong hosi hoka.

4. Chan vt Asia yakni chvch a hiohli untuklo ka pit aiokpvchi; yvmmvv okchayvt ahanta kvv, yvmmak osh okchayvt ahanta tok osh, anonti himak a pilla ka okchayvt ahanta he mak o nan isht i kana, isht it i nanaiya aiena kvv a minti, yvmma im ai o binili holitompa itikba ya a hiel Na shilombish untuklo aiena ka a minti;

5. Micha Nan atokowa anoli ai ahli, mikmvt illi tuk cvh

falamvt tani kv̄t illi vhleha hak ǝ Uttahpi hosh holitopa i shahli ; micha m̄iko yakni pakna ai asha puta I shahli Chisvs Klaist mak ǝ a minti hosh hv̄chi anukfoyakashke. Hvp i hullo cha, na hv̄pim ai ashv̄chika puta hatuk ma ilap im issish ak inli hǝ isht achifvt hv̄p i kashofi cha,

6. Iki Chihowa na holitompa isht im vtta, micha m̄iko yǝ ohminchi hosh pi atokoli tuk mak osh mihi yǝ isht a holitopa, micha nana moma isht imaiya ita tuklo kv̄t immi hosh bilivt biliashke. Amen.

7. Yakeh! hoshonti hǝ il ai eshi hosh minti mak oke ; yohmi ka hatak nishkin puta, mikma kv̄na hosh yv̄mma tv̄li halupa isht bahli tok vhleha ash kia moyumvt pisa he ; yohmikma oklushi puta yakni pakna ai asha tuk vt moyumvt yv̄mmak atuk pulla kak ǝ komuntvt yahaya hi oke ; yakohmi mak inlashke. Amen.

8. Chitokaka nan okluha imaiya yvt himak a okchayvt ahanta kv̄t, yv̄mmak osh okchayvt ahanta tok osh, himak a pilla ka okchayvt ahanta he mak osh, Ūno ak osh Alfa, Omeka, ai isht ia v̄mmona, micha ont ai vhli aiena sia mak oke, achishke.

9. Chan sia hv̄ch itibapishi, mikmvt na palv̄mmi ka hv̄ch iba pihisa sia, micha Chisvs Klaist apelihika ibafohka, micha Chisvs vt nuktanlv̄t achunanchi tok a ohmit isht a hv̄ch iba achv̄fa sia hatuk vt, Chihowa im anumpa, micha Chisvs Klaist nan isht im atokowa pulla hatuk mak ǝ yakni tashaiyi Patmos hohchifo hǝ ont anta li tok.

10. Atuk osh Chitokaka i nitak ǝ Shilombish Holitopa yvt si anukfoyuka fehvt ahanta li hǝ, v̄m asha ka imma ya nan ola chinto isht pufa ola hǝ chohmi kv̄t,

11. Ūno ak osh Alfa, mikmvt Omeka, v̄mmona, mikmvt ont ishtaiyopi aiena sia mak oke ; yohmi hoka nana hǝ ish pihisa kv̄t holisso hǝ ish a holissochi cha, Asia yakni chv̄ch a hiohli untuklo Efesvs, micha Smvna, mikmvt Pvkamos, micha Hlaiatila, mikmvt Satis, micha Filatelfia, mikmvt Laotisea aiena ka pit ish pilashke, ahanchi hǝ haklo li tok.

12. Yohmi ma auet v̄m anumpohonli yv̄mmak ash ǝ pisa

la chi hosh pit filema li tok. Yohmi kv̄t pit filema li mv̄t, tv̄li holisso lakna pv̄la ai ǒ hikia untuklo ka pisa li tok:

13. Yohmi ma pv̄la ai ǒ hikia untuklo yv̄mmak ash ik-lv̄nna yǎ Hatak Ushi ak ǒ holba hosh, anchi vt̄ iyi pilla ona hǒ ai anchi hosh, tv̄li holisso lakna isht vskofv̄chi ǒ chinuko foka ak ǒ isht takchi hosh hikia tok.

14. Mihma noshkobo, micha pǎshi aiena kv̄t tohbi kv̄t chukfi hishi, micha okti pushi aiena kak ǒ chiyuhmi ma, nishkin vt̄ luak libbi hak ǒ chiyuhmi tok:

15. Yohmi mv̄t iyi yvt̄ malanta kv̄t tv̄li lakna yosh tv̄li abila yǒ fohkv̄t hullokmi tuk mak ǒ chiyuhmi ma, itih ola kv̄t oka chinto fopa hǒ chiyuhmi tok.

16. Mihmv̄t ibbak isht impak imma yǎ fochik untuklo hǒ isht ieshi tok; mihma itih hǎ bv̄shpo falaia itahlǎkla halupa yosh a kohcha ma, nashuka yvt̄ shohpakali kv̄t, hv̄shi tom-mi ai ǎhli tom̄mi chatuk mak ǒ chiyuhmi tok.

17. Yohmi ma yv̄mmak ash ǒ pisa li mv̄t, illi yǒ chohmit̄ iyi ituma yǎ ont sa tula tok. Yohmi ma ibbak isht impak imma yǎ ishit si umbitepa mv̄t, Ūno ak osh v̄mmona, micha ont ishtaiyopi aiena sia mak oke, ik chi nukshopo kashke.

18. Ūno ak osh okchayvt̄ ahanta sia mak osh, sv̄lli tok nana kia, anonti yakeh! okchayvt̄ sa bilia hoke, Amen: yohmi hosh isht ai illa he, micha shilombish aiasha aiena isht-tiwa yǎ ieshi li hoke.

19. Nana ish p̄isa tuk, micha nana kv̄t a kaniohmi, mikmv̄t himak a pilla hǒ nana kv̄t a kaniohma he puta ka ish holissochashke.

20. Fochik untuklo sv̄bbak isht impak imma ǎh̄to hǒ ish p̄isa kash, micha tv̄li holisso lakna pv̄la ai ǒ hikia puta aiena kash ot nan isht v̄lhpisa kv̄t ilv̄ppak oke. Fochik untuklo kv̄t chv̄ch a hiohli untuklo ka nan isht im v̄tta v̄hleha untuklo kak oke; yohmikma pv̄la ai ǒ hikia untuklo ish p̄isa kash ot chv̄ch a hiohli untuklo kak oke, v̄m achi tok.

CHAPTA II.

Efesvs, 1, 8 Smvna, 12 Pvkamos, 18 Hlaiatila aiena chvch a hiohli ka vbanumpa isht im vtta puta nana hq pit i holissocha chi ka Chan g im apesa kvv, nana kvv ai vhpiesa, anonti nana ka ik ai onot aiasha kak a tok.

1. **CHVCH** Efesvs a hikia nan isht im vtta ya pit ish i holissochashke: Ibbak isht impak imma ya fochik untuklo ka isht ieshi cha, tvli holisso lakna pva ai o hikia untuklo hq iklvna a nohova yak osh ilvppa puta ka achishke.

2. Nana ish a kaniohmi puta, nan isht ahantvt a chi hoyv-bli, nuktanlvv ish achunanchi, mikmvt ai vhpiesa keyu vhleha hq kaniohmit ish im ahninci keyu, yohmikmvt kvna kia ilap ak osh vbanumpeshi mak o ile miha hatuk kia, keyu hatuk puta ka imomaka pisvt holabi atuk o ish akostininchi:

3. Micha nana kvv palvmmi ka ish pihisa kia, nuktanlvv ish achunanchi, mikmvt vno sa hohchifo pulla hatuk mak o ish toksahanli mvt, ik chi hoyvblo a puta hatuk g chim ithaiyana lishke.

4. Yohmi nana kia vmmona ka nan i hullo chi anukfoyuka tuk vt chik a lauecho hatuk o, nana ka isht ak chim ahnincho kvv vm gshvshke.

5. Yohmi hoka kanima yo a hikivt ik a lauwot ish ia tuk vt pit anukfihinlit, ish ile kostininchi cha, nan isht ish ai vtta vmmona tok ak o ish yvmihchashke: yvmmak keyukma chekosi chim gya likmvt, ish ile kostininchi hq keyukma, chi pva ai o hikia ya ishit, a hikia tuk g kanvllichi la hi oke.

6. Amba chishno yokvto ilvppak o a chi yakohmi hatuk osh, Nikolaitan okla nana a kaniohmi puta ka chik ahnincho ka, yvmma vno ak kia ak ahninchoshke.

7. Kvna hosh haksobish vt i hinli hokvto, Shilombish Holitopa yvt chvch vhleha hq nan im ok ahanchi puta ka haklashke. Kvna hosh nana ka imaiyachit a hlopulli hokvto, mihi yosh ai-okchaya iti Chihowa i Palatais iklvna hikia hatuk ma ai vpa hi g ima la hi oke.

8. Mikmvt chvch Smvna a hikia nan isht im vtta ya pit

ish i holissochashke. Ummona, micha ont ishtaiyopi aiena, yummak osh illi tok vt, okchayvt ahanta mak osh, ilvppa puta ka achishke.

9. Nana ish a kaniohmi puta, mikmvt na palvmmi ish a pihisa puta, micha ilbvsha chim aiena, (yohmi kia nana kvv chin laua ka ithana li,) mikmvt kanima kvv nana ka ik ahobalot anumpulit mihi yo keyu kvv, amba Setan i sinakak mak okak osh, Chu mak o ile mihvt aiasha ka, ithana li hoke.

10. Nana kvv isht chi ai ilbvsha he puta gsha ka chik i komunto kashke. Yakeh! hvsh kanima ka hvch imomaka pisa chi ka, Setan vt aboha kvvlo g hvchi apitta he; yohmikma nitak pokoli ho na palvmmi hvsh pisa chi hoke: ai ahlit mahayvt ont chillashke; yohmikma iachuka okchaya yo chima la he mak oke.

11. Kvna hosh haksobish vt i hinli hokvto, Shilombish Holitopa yvt chvch vhleha hq nan im ok ahanchi puta ka haklashke. Kvna hosh nana ka imaiyachit a hlopulli hokvto, ai illi atukla ka ik im a palvmmo ka he mak oke.

12. Mikmvt chvch Pvkamos a hikia nan isht im vtta ya pit ish i holissochashke: Bvshpo falaia itahlakla halupa ishi mak osh ilvppa puta ka achishke.

13. Nana ish a kaniohmi puta, mikmvt kanima yo Setan vt apehlichi yummak kia ish ai vtta ka ithana lishke; yohmi kvv sa hohchifo hatuk ma kvvlochit ish ieshi mvt, anonti Antipas yummak okvt vm antia ai ahlit atokowa otvnninchi yosh hvchi takla ahanta tok g Setan ai vtta yak o ai vbi tok nitak foka kak kia, vno g is sai yimmi tuk vt chik kancho tok g ithana lishke.

14. Yohmi kia na holvvt toba puta isht aiokpvchi tuk puta ka vpa chi, mikmvt itin lumaka ma yvmohma chi ka, Israel okla itikba ya isht ai ibetvbli i bohla chi ka Belam vt Balak g im avvchi tok nan vlvchi ilvppa holitobli vhleha yummak o ish il a pehlichi hoka, nana ka isht ak chim ahnincho ka achafva kvv vm ashvshke.

15. Yohmi mvt anonti Nikolaitan okla nana isht ithvnan-

chi yvmmak oka ak ahnincho chatuk mak o, mihi yo holi-
tobli vhleha yvmmakma ish il apehlichí ak inlishke.

16. Ile kostininchí; yvmmak keyukma chekosi fehna
chim aya lish, okla yvmmak oka bvshpo falaia svtih a
koheha hatuk ma ont isht itibi la he mak oke.

17. Kvna hosh haksobish vt i hinli hokvto, Shilombish
Holitopa yvt chvch vhleha ha nan ok im ahanchi puta ka
haklashke. Kvna hosh nana ka imaiyachit a hlopulli ho-
kvto, mihi yosh manna lumpoa vpa chi ka ima likmvt,
anonti tvli tohbi yo yvmma hohchifo himona yosh a ho-
lisso, yohmi ka yvmma hatak nana hosh ithana he keyu,
amba ishi tuk ak illa hosh akostininchi mak o ima la hi
oke.

18. Anonti chvch Hlaiatila a hikia nan isht im vtta ya
pit ish i holissochashke: Chihowa Ushi yvmmvt nishkin vt
luak libbi ho chiyuhmi ma, iyi mvt tvli lakna malanta
achukma ho chiyuhmi mak osh ilvppa puta ka achishke.

19. Nana ish a kaniohmi puta, micha ish i hullo, nan
isht ish ahanta, na chi yimmi, nuktanlvvt ish achunanchi,
mikmvt nana ish a kaniohmi puta, yohmi kvvvt ont ishtaiyopi
kak osh tikba ya tok a imaiyachi ka chim ithaiyana lishke.

20. Yohmi nana kia ohoyo Chesebel, yvmmak okvt ohoyo
hopaii mak o ile miha hosh, yvmmvt an tishu vhleha ha
nan im avvchit, yoshubli na itin lumaka yvmohma he, mik-
mvt nana ka na holvvt toba yo isht aiokpvchi tuk puta kia
vpvt ai asha hi a, vlvpesa ish im ai ahni hatuk oka, nana ka
isht ak chim ahnincho ka achafoa kvvvt vm ashvshke.

21. Yohmi mvt itin lumakvt ahanta chatuk vto ai ile
kostinincha chi ka nitak a ima li tok, nana kia ile kostinin-
cha he keyu ki tok.

22. Yohmi hoka yakeh! yvmma atuk ma topa pakna yo
pit ai om bohli likmvt, yvmma itin lumaka yatuk ma na
palvmmi chinto ka onochi la chi hoke; nana a kaniohmi
yatuk puta kvvvt ai ile kostininchi ho keyukma.

23. Mikmvt ohoyo yvmma im vlla vhleha hatuk ma illi
mak o isht ahambi la chi hoke; yohmikma vno ak osh
hatak chukvsh nana ai ahni puta ka avvnalechit ithana sia

hatuk a chvch vhleha puta kut ithaiyana he mak oke yohmikma hvchishno hvsh a kaniohmi puta kak o isht ai vhpesa aiyukali mak o hvch ima la hi oke.

24. Yohmi kia hvchishno, micha inla Hlaiatila maya aiena, laua kut kaniohmi hosh nan vlvchi ilvppak ash ik ahnincho, micha Setan vt im anukfila ont ai vhli mak o, okla miha ka, ik ithano hvchia hokvno na weki inla nana ho hvchi onochi la chi ho keyu, hvchim achi lishke.

25. Amba nana ka hvsh ieszhi mashko hatuk okvto, kvllochit hvsh ishi na vla li hayashke.

26. Yohmikma kvna hosh nana ka imaiyachit, nana kut yakohma he ahni li ka holitoblit im antivt a hlopulli hokvto, mihi yosh oklushi puta hatuk ma i shahla he mak o, vno a Aki vt vm apesa tok a, chohmichit im apesa la he mak oke:

27. Yohmikma yvmak ash ot tvli fuli toba ho ieszhi hosh yvma nan im apihisa he; mikma yvmak atuk mvt shuti tvna yosh na tvna tuk o bushullit tvmoa chatuk a chiyuhma hi oke.

28. Yohmikma yvmak amo onnahinli fochik a ima la he mak oke.

29. Kvna hosh haksobish vt i hinli hokvto, Shilombish Holitopa yvt chvch vhleha ha nan im ok ahanchi puta ka haklashke.

CHAPTA III.

Satis chvch hikia vbanumpa isht im vtta ya nan i miha, 1: 3 ile nukhaklonchit ilekostinicha chi ka i miha: Filatelfia chvch hikia ka nan isht im vtta yvto nana ka ahlit achunsanchit ahanta ka im ahninchi; 15 Laotisea chvch nan isht im vtta ya tuk vt libisha keyu, mikmvt kapvsa keyu aiena ha tuk o im alvmmi; 20 Klaist vt okhissa ya hikivt sokoha.

1. MIKMVT chvch Satis a hikia nan isht im vtta ya pit ish i holissochashke. Chihowa imi shilombish untuklo, miha fochik untuklo aiena il ai eshi mak osh ilvppa puta ka achishke: Nana ish a kaniohmi puta, okchaya mak o chi hohchifo ak inli kia, illi yo chia hoka chim ithaiyana lishke.

2. Nana kv̄t ai v̄lhpesa ḡhli h̄o Chihowa itikba yḡ ish a yvmohmi na pisa li keyu hoka, ahah! ish il ai ahni cha, nana kv̄t illi mak o mahaya kia ḡsha moma hatuk okvno ish hlampkohonchashke.

3. Yohmi kv̄t nana ka ish ishi, micha ish haklo aiena tuk vt, ithaiyanvt kv̄llochit ish ieshi cha, ish ile kostininchashke. Amba ahah! chik il ai ahno hok mvno, hukopa nowvt ḡya h̄o chohmi hosh ant ch̄i kohcha la ch̄i; yohmi ka hvshi kanvlli nana h̄o ant ch̄i kohcha la ch̄i ka ish ithana hi o keyu hoke.

4. Satis ak okvno holhtina kanomosi kv̄t, yvmmak okvto im ilefoka yḡ ik litehlo kv̄t, chim ḡshvshke; yohmi hatuk osh yvmmak okvto yvmmak a he im ai v̄lhpesa hokvt, na fohka tohbi foyuka cha svb ai itvnowa he mak oke.

5. Kv̄na hosh nana ka imaiyachit a hlopulli hokvto, mihi yosh nafohka tohbi a fohka he; yohmikma yvmma hohchifo hv̄t ai okchaya holisso a takali tuk ḡ kashofi la he keyu, amba hohchifo hḡ Ḃki, micha im enchil v̄hleha aiena itikba yḡ ai anohonli la he mak oke.

6. Kv̄na hosh haksobish i hinli hokvto, Shilombish Holitopa yvt chvch v̄hleha hḡ nan im ok ahanchi puta ka haklashke.

7. Mikmvt chvch Filatelfia a hikia nan isht im v̄tta yḡ pit ish i holissochashke: Holitopa, ai ḡhli mak osh, Lewi im isht tiwa yḡ ieshi hosh, yvmmvt okhishta haya, hatak nana hosh wakvmma he keyu; anonti tiwa haya, hatak nana hosh okhishta he keyu chatuk mak o ilvppa puta ka achishke.

8. Nana ish a kaniohmi puta ka ithana lishke: yakeh! isht hlampko iskvtinosi kv̄t chin takanli cha, vm anumpa hḡ ish holiobli mvt, sa hohchifo hḡ chik kancho hatuk oka, okhissa yḡ tiwit chi tikba yḡ hilechi li: yohmi ka hatak nana hosh yvmmak oka okhishta hi o keyu hoke.

9. Kanimā kv̄t mih mak o keyu kv̄t, Chu mak o ile mihvt holabi v̄hleha hv̄t Setan i sinakak atuk ḡ atokolit anoli la ch̄i hoke: yakeh! yvmma puta kash ot ch̄iyi ituma yḡ ai v̄lv̄t ant aiokpv̄chi hosh, vno vt ch̄i hullo li hatuk ḡ akostinicha hi ḡ im anukfilli la ch̄i hoke.

10. Chishno vt nuktanvt ish achunancha hi chim apesa li tok vm anumpa hã ish holitobli tuk oka, vno ak kia na palvmmi yvmmvt yakni pakna asha puta ka imomaka pisa chi mak osh yakni pakna onvtuyula hi oka, hvshi kanvlli yvmma fehna ka chi hlakofihinchi la he oke.

11. Yakeh! chekosi vla la chi mak oke: nana ish ishi yvmmak atuk vt kvloochit ish ieshi pulla na iachuka hã hatak nana kia ik chim esho kashke.

12. Kva hosh nana ka imaiyachit a hlopulli hokvno mihi yv an Chihowa in tempel in tonik o ikbi la he: yohmikma yvmmak atuk mvt nitak nana ik kohcho ka he mak oke: yohmikma an Chihowa hohchifo, mikmvt an Chihowa in tv-maha chito hohchifo, yvmmvt Chelusalem himona, an Chihowa ak o minti hosh vba yakni a a kohchvt vla hatuk a yvmma isht a holissochi la he, mikmvt, sa hohchifo himona ma yvmmak ash isht a holissochi la hi oke.

13. Kva hosh haksobish vt i hinli hokvto, Shilombish Holitopa yvt chvch vhleha hã nan im ok ahanchi puta ka haklashke.

14. Mikmvt chvch Laotisea a hikia nan isht im vttã ya pit ish i holissochashke: Amen, Nan atokowa anoli ahli, Chihowa nana ikbi tok a moma in Tikba mak osh ilvppa puta ka achishke.

15. Nana ish a kaniohmi puta ma ithana li ka, chi kapvssa, keyukmvt, anonti ik chi lvshposhke; yohmi ka chi kapvssa hokmã, chi lvshpa hokmã, nana tuk okbano, ahni lishke.

16. Yohmi kvv chi kapvssa keyukmvt, anonti ik chi lvshpo hosh peh chi libisha vmmõna hatuk oka, hoitvt sa takha a kohchit chi kanchi la hi oke.

17. Nana kvv an laua kvv, i shahlit isht ia hatuk osh nana kia sa bvna keyu, ish achi; yohmi cha na palvmmi pihivt chilvsha, micha nana ik chim iksho, chik hoponayo, nipi bano aiena ho kak osh chik ithano hokvt.

18. Nan chin laua chi kvv, vli holisso lakna luak isht imomaka pivt vltaha yv vno ak o is san chumpa chi, mikmvt na fohka ish fohka cha, nipi banot hofahya kvv ik chim.

iksho ka chī kv̄t, vno ak ǒ na fohka tohbi yǒ is san chumpa chī, micha nishkin ahama ma an chumpvt, chī nishkin ǒ ish ahama cha, ish hoponaya chī ka, chī miha lishke.

19. K̄vna hǒ vno vt ī hullo li hok̄to, nana ka im olv̄bit kostininchashke.

20. Yakeh! okhissa yǒ hikīvt suk̄hǒha lishke: K̄vna hosh v̄m anumpa hǒ haklo cha, okhissa yǒ tiwi hok̄ma, iba chukowa lish, ibai impa likma, anonti ilap mv̄t sv̄bai impa chī mak oke.

21. K̄vna hosh nana ka imaiyachit a hlopulli hok̄to, mihi yosh, vno vt imaiyachit a hlopulli lish, Ǻki ǒ awant im ai ǒ binili holitompa yǒ a binili li kv̄t, yv̄mmak inli hǒ chohmit v̄m ai ǒ binili holitompa yǒ a binila chī ka, im apesa la he mak oke.

22. K̄vna hosh haksobish vt ī hinli hok̄to, Shilombish Holitopa yvt ch̄vch v̄hleha hǒ nan im ok ahanchi puta ka haklashke.

CHAPTER IV.

Ohihowa im aiasha holitopa vba yǒ Chan vt pisa, 1 ; 4 hatak tikba pokoli tuklo akucha ushta ; 6 nan okchaya kv̄t itikba, olv̄l aiena ka nishkin vt alotowa ; 10 aiasha holitopa ǒ binili kash ǒ hatak tikba v̄hleha hash ot iachuka holitopa yǒ aka bohli cha, aiokpahanchi.

1. NANA kv̄t a yakohmi haya, anonti pit hopokoyo li ma, yakeh! vba shutik ǒ okhissa yvt tiwa tuk atok : yohmi ma auet sv̄t im anumpuli anumpa v̄mmona haklo li ka, isht p̄fa yǒ chiyuhmi hosh, Ilv̄ppak ǒ oiyá, mikma himak a pilla nana a kanihoma he puta ka chim otv̄nichi lashke, achi tok.

2. Yohmi ma mih-mak inli hǒ Shilombish Holitopa isht a sa nukfoyuka ma, ai ǒ binili holitompa kv̄t vba shutik ǒ ai ǒ hikia ma, ai ǒ binili holitompa yv̄mmak ash achufa kv̄t ǒ binili tok.

3. Yohmi ka ai ǒ binili holitompa ǒ binili yv̄mmak ok̄vt pisa ka tv̄li holitopa chaspa, micha satin aiena kak ǒ holba

tok : mihma pisa ka emelal ak o holba hosh hinak bitepuh
hvt ai o binili holitompa yash apakfoyupa tok.

4. Yohmi ma ai o binili holitompa yash ai o binili pokoli
tuklo akucha ushta hosh hiohliit folubli tok : yohmi ma
hatak tikba pokoli tuklo akucha ushta kvv na fohka tohbi
abehkvchi hosh tvli holisso lakna iachuka ho iachukoli hosh
ai o binili yash o binohmaya tok.

5. Yohmi ma ai o binili holitompa yash malvtha, hiloha
ola aiena hosh a kohoncha tok. Mihma ai o binili holi-
tompa yash itikba ya pvla luak untuklo, yvmmvt Chihowa
imi Shilombish untuklo mak osh hiehi tok.

6. Yohmi ma ai o binili holitompa itikba ya okhvta shoh-
koali hosh klistal ak o chiyuhmi hosh talaia tok ; yohmi ma
ai o binili holitompa ai iklvna, mikmvt auet a bilika fullota
aiena ka nan okchaya ushta kvv itikba, micha im ashaka
aiena ka nishkin biekvv alotowa hosh aiasha tok.

7. Yohmi ka nan okchaya vmmona kash ot koi chito yo
holba ma, nan okchaya ont atukla kash ot wakushi yo holba
ma, nan okchaya ont atuchina kash ot nashuka asha kvv
hatak nashuka yo holba ma, anonti nan okchaya ont ai-
ushta kash ot ossi hika ho holba tok.

8. Mihmvt nan okchaya ushta hash ot sanahchi vt i han-
nali aiyuva ma, nishkin biekvv isht alotowa tok : mihmvt
yvmmak ash ot, Holitopa, holitopa, holitopa, Chihowa Chi-
tokaka nana moma imaiya, yvmmak osh okchayvt ahanta
tok osh himak a okchayvt ahanta kvv, himak a pilla ka
okchayvt ahanta hi oke, ahanchi kvv nitak, ninak aiena ka
ik ai yokoposhke.

9. Nan okchaya vhleha yvmmak ash ot okchayvt ahantvt
bilivt bilia yvt ai o binili holitompa o binili kash, yak oke
im ai ahnit, holitoblit, aiokpahanchi ma,

10. Hatak tikba pokoli tuklo akucha ushta kash osh
okchayvt ahantvt bilivt bilia yvt ai o binili holitompa o
binili kash itikba ya ant hlipkvchit, aiokpahanchi mvt, im
iachuka hash shoelit ai o binili holitopa itikba ya pit asha-
chi mvt,

11. Chishno ak osh nan oklyha ka ish ikbi tok : micha

chishno nana ish ai ahni hō nana ai asha kv̄t toba tok oka, Chihowa ma! nan isht a holitopa, micha isht ahninchī, mikm̄vt isht chim ai ḡhli puta kv̄t a chimmi ha he vt chim v̄lhpesa hoke.

CHAPTA V.

Holisso h̄vt nan isht ashana untuklo hō isht ashana hō Chan vt pisa, 1; 9 ȳmma chukf̄v̄lh̄poba ushi ȳmm̄vt illi tok ak bano hosh wakama hi vt im v̄lhpesa, yohmi hoka hatak tikba v̄hleha hashot ȳmm̄mak ash o aiokpahanchi; 9 ilap im issish o isht okchalinchī tuk ḡ okla anohonli.

1. YUMOHMI ma a holisso yvt anukaka, mikm̄vt pakna aiena ka holisso hosh, isht ashana untuklo hō isht ashana hosh ai o binili holitopa o binili ibbak isht impak imma yā foyuka na pisa li tok.

2. Mihma enchil hlampko fehna kv̄t chitolit anumpohonli m̄vt, Kv̄ta hak osh isht ashana puta hatuk ḡ mokohlichī cha, holisso hash tiwa hi vt im v̄lhpiesa cho? achi hō pisa li tok.

3. Yohmi ma vba shutik, micha yakni, mikm̄vt yakni nutaka aiena ai ahanta kv̄t kv̄na kia holisso ȳmma tiwa he, mikm̄vt pisa he ai im v̄lhpiesa aiena kv̄t iksho ki tok.

4. Yohmi ma kv̄na kia holisso hatuk ḡ tiwi cha, it im anumpula he, micha ȳmma pisa he ai im v̄lhpiesa kv̄t iksho hatuk o, sa nishkin okchi vt mihinti fehna tok.

5. Mihma hatak tikba v̄hleha hash osh ach̄v̄vt, Chi nishkin okchi vt minti ná; yakeh! Koi chito Chuta okla a minti, ȳmm̄vt Lewi a minti hakshish filaminchi yak osh isht ashana untuklo kash mokohlichī cha, holisso hash tiwa chī kv̄t ont im ai ḡhli hatuk oke, v̄m achi tok.

6. Yohmi ma yakeh! ai o binili holitopa, micha nan okchaya ushta, mikm̄vt hatak tikba v̄hleha aiena ka ai itin takla yā Chukf̄v̄lh̄pobushi vt hikia kv̄t illi tuk ḡ ahoba hosh, lapish vt untuklo cha, nishkin m̄vt untuklo, ȳmm̄vt Chihowa imi shilombish untuklo yakni moyuna ai iun aya mak o pisa li tok.

7. Mihmvt yvmmak ash ot minti mvt, ai o binili holi-
tompā o binili im ibbak isht impak imma holisso hvt foka
tuk ash ant kohchit ishi tok.

8. Mihma yvmmvt holisso hq ant ishi ma, nan okchaya
ushta, micha hatak tikba pokoli tuklo akucha ushta kash ot,
hap, micha tvli holisso lakna nan ai vltto yosh na balama
alotowa, yvmmvt vbanumpuli puta im anumpa ilbvsha mak
osh yohmi hq ishi banot, Chukfvlhpobushi itikba ya okla
ont hlipkvchi tok.

9, 10. Micha taloa himona ka okla talohowa kv̄t, Chishno
ak osh chilli hosh oklushi ilaiyuka, im anumpa ilaiyuka
puyuta, hatak okla moma a kohchi hosh Chihowa immi e
toba ch̄i ka, chishno chim issish ak o isht ish pi chumpa
hatuk; yohmi hosh Chihowa hq na holi-tompā isht imv̄tta,
micha m̄iko v̄hleha aiena ka ish pikbi tok: atuk o yakni
pakna ka a m̄ikot il ai asha ch̄i hoka, Chishno ak osh holisso
hash ish ishi cha, isht ashana yash ish tiwa he vt a chim
vlhpiesa hoke, ahanchi tok.

11. Yohmi ma pit pisa li ma, ai o binili holi-tompā bilika
fullota ka, enchil v̄hleha laua, mikmvt nan okchaya, micha
hatak tikba v̄hleha aiena ka itih ola biekā hq haklo li tok;
yohmi kv̄t yvmmvt holhtena kv̄t tahlepa sipokni pokoli
banot ia kv̄t tahlepa sipokni pokoli cha, anonti tahlepa
sipokni bano hosh tahlepa sipokni achvfa hosh,

12. Chitolit miha hosh, Chukfvlhpobushi illi tok vt nan
isht im ai ghla he, micha nan uha in laua, mikmvt isht a
hopoyuksa, micha isht hlampko, mikmvt isht ahn̄inchi,
micha isht aholitopa, mikmvt isht aiokpanchi aiena ka a
ch̄immi ha he vt chim vlhpesa hoke, ahanchi hq haklo li
tok.

13. Yohmi ma v̄ba, micha yakni pakna, mikmvt yakni
nutaka, mikmvt okhv̄ta anukaka, nan okchaya aiasha tuk,
mikmvt yvmma puta aiasha tuk vt momvt, Ai o binili holi-
tompā o binili, micha Chukfvlhpobushi ita tuklo kv̄t isht ai
okpanchi, micha isht ahn̄inchi, mikmvt isht a holi-topa, mik-
mvt isht im ai ghli aiena kv̄t ai immi kv̄t biliv̄t biliashke,
ahanchi hq haklo li tok.

14. Yohmi ma nan okchaya ushta kash ot Amen, achi tok : mihma hatak tikba pokoli tuklo akucha ushta kash ot aka hlipkvchi cha, okchayvt ahantvt bilivt bilia yash o aiokpahanchi tok.

CHAPTA VI.

Nan ashana kash it iakayachit wakamohli ; tiwakma nana hosh kaniohmi ; nana kvv ont ai vvhikma kaniohma he anoli.

1. YOHMI ma pisa li ho, Chukfvlhpobushi vt holisso isht ashana achvfa kash tiwi tok : mihma hiloha wimimpa ho chiyuhmi hosh nan okchaya ushta kash ot achvvt, Minti cha, ant pisa, achi ho haklo li tok.

2. Mihma yakeh ! issuba tohbi yo pisa li tok : mihma iti tanampo ishi hosh yvmmak ash o o binili ; yohmi ma yvmmak ash o iachuka ima ma, yvmmak ash ot imaiyachit hlopulla chi kvv imaiyahanchit ishit mahaya tok.

3. Atuk o anonti holisso isht ashana atukla kash tiwi ma, nan okchaya atukla kash osh, Minti cha, ant pisa, achi ho haklo li tok.

4. Atuk o issuba inla yvmvvt humma yosh kohchvt ia tok : yohmi ma yvmma o binili kvv nanaiya hatuk a yakni pakna ya a mokofit isha chi kvv im vlvpisa na okla hvv ilap bika ya itilicha he mak atok ; yohmi ma yvmmak ash o bvshpo falaia chinto ho ima tok.

5. Mihma anonti holisso isht ashana ont atuchina kash tiwi ma, nan okchaya atuchina kash osh, Minti cha, ant pisa, achi na haklo li tok ; mihma yakeh ! issuba lusa yo pisa li tok ; mihma yvmma o binili kvv nan-isht-weki ibbak isht ishi tok.

6. Yohmi ma nan okchaya ushta ai itintak'a ya ai anumpa ola kvv, Iskvli achvfakma onush isht vlvpisa achvfa, mikma iskvli achvfa ka bale vt isht vlvpisa tuchinashke ; yohmi kia ahah ! ish ai ahni cha, alif vni, mikvvt oka paki aiena hokvno chik okpano kashke, achi ho haklo li tok.

7. Atuk o anonti holisso isht ashana ont ai ushta kash

tiwi ma, nan okchaya ont ai ushta kash osh miha mvt, Minti cha, ant pisá, achi na haklo li tok.

8. Yohmi ma yakeh! issuba hatolakna yo pisa li tok: mihma Isht-ai-illi hohchifo hosh yummak ash o o binili ma, ai okpulo ka ai asha tuk vt pit iakaiya tok. Mihma yummak ash ot yakni itakashkoa ont isht ai ushta ka bshpo falaiá, micha na hohchvfo, mikmvt nan-illi, micha nampoa nukshopa puta yakni pakna ai asha aiena kak o isht illichá chí kv̄t im v̄hpisa tok.

9. Atuk o holisso isht ashana ont isht tahlapi kash tiwi ma, Chihowa im anumpa pulla, micha nana atokowa anolit ieshi pullvt isht illi tok v̄hleha shilombish vt alta nutaka ya ai asha na pisa li tok.

10. Mihma yummak ash ot, chitolit anumpulit miha mvt, Chitokaka ai ghli holiropa chia kv̄t pim issish a tok a atobvchi kv̄t yakni pakna ai asha ka chik im apeso ho, hopaki kv̄t katiohmi foka chí cho? ahanchi tok.

11. Yohmi ma yummak ash o ilefoka tohbi falaiá holiropa ai yuka ho ima tok: mihma chekosi takla hokvno nukchintot fohvt maya na itibapishi v̄hleha tishu ilap ai itilauí puta kak kia, ilap ak atok ak inli ho chohmit illa hi atuk vt, ont ai ghla hi a i miha tok.

12. Mihma holisso isht ashana ont isht hannali kash tiwi ma, yakeh! yakni winakvchi chinto ho pisa li tok: mihma hvshi vt lusa kv̄t na pashi tv̄nna yo chiyuhmi ma, hvshinínak-aya yvt issish ak o chiyuhmi tok.

13. Yohmi ma vba fochik puta kv̄t chilofvt akakoha kv̄t, fik vpi yvt mahli kv̄llo fehna ho faiokahanchi na ik ai ono ho vni vt chilofa chatuk ak o chiyuhmi tok.

14. Mihma vba shutik vt ita pahlatvt, a holisso yosh bonuntvt ont taiyahvt kv̄nia ho chohmit pit kv̄nia tok: mihma nvuih chaha, micha tashaiyi puta kv̄t a taloha tuk a a kanvllit taha tok.

15. Mihma miko v̄hleha yakni pakna ai asha tuk, micha hatak hochitokaka v̄hleha, mikma hatak nan in laua v̄hleha, kv̄pitvni hochito, hatak holiropa v̄hleha, mikmvt hatak yuka, micha hatak yuka keyu puyuta kv̄t nvuih chaha

puta tvli hochito aiena ka chiluk ai asha tuk a a lumpoa tok.

16. Mihmvt nmih chaha puta, micha tvli hochito aiena kash o, Auet hvsh pi o kinahli cha, ai o binili holitopa o binili ka i nashuka, micha Chukfvlhpobushi nan isht i nukkilli aiena hatuk ma pisht hvsh i luhmashke.

17. Himak a nan isht i nukkilli nitak chinto kvv vlvshke; yohmi ka kvta hak osh hikia hinla cho? achi tok.

CHAPTA VII.

Chihowa in tishu vhleha ibitakla ya enchil osh in chunli, 1; 4 Israel isht ai unchululi laua kanihmi hosh yakohmit nan isht ai in chuwa, 9 Oklushi inla mvt aholhtina iksho hosh in chuwa, ilvppak ashot na tohbi holitopa falaia isht fohkvv aiasha holitopa itikba ya hiohmaya; 14 im anchi vt chukfvlhpobushi im issish o isht ahchifa ha tok.

1. ATUK o ai yvmohmi ha ya, enchil ushta kvv, mahli hvv yakni, micha okhvta, mikmvt iti aiena ka ik o mahlo ka chi ka, yakni auet a mahli ushta hatuk ma ieshi hosh, yakni achukbeli ushta ka hiel h o pisa li tok.

2. Mihma anonti enchil inla hosh Chihowa okchaya im isht in chuwa ishi hosh hvshi akochaka imma yo vtvv oiyvt minti h o pisa li tok; mihma yvmmak ash osh enchil ushta yakni, micha okhvta aiena okpvna chi im vlvpisa tuk ash o chitoli hosh pit in tahpvvt,

3. Yakni, mikmvt okhvta, micha iti puta aiena ka hvch ik okpano h o, hvpin Chihowa in tishu vhleha ibitakla ya iloh in chonli hayashke, ahanchi tok.

4. Atuk o in chuwa tok vhleha holhtina ka haklo li tok: yohmi ma Israel okla isht ai unchululi vhleha moma kvv tahlepa sipokni banot tahlepa achvfa cha, tahlepa sipokni pokoli ushta akucha ushta hosh in chuwa tok.

5. Chuta isht ai unchululi hvv tahlepa sipokni auah tuklo hosh in chuwa tok. Luben isht ai unchululi hvv tahlepa sipokni auah tuklo hosh in chuwa tok: Kat isht ai unchululi hvv tahlepa sipokni auah tuklo hosh in chuwa tok.

6. Ase isht ai unchululi hv̄t tahlepa sipokni auah tuklo hosh in chuwa tok. Neftalim isht ai unchululi hv̄t tahlepa sipokni auah tuklo hosh in chuwa tok. Manasses isht ai unchululi hv̄t tahlepa sipokni auah tuklo hosh in chuwa tok.

7. Simeon isht ai unchululi hv̄t tahlepa sipokni auah tuklo hosh in chuwa tok. Lefai isht ai unchululi hv̄t tahlepa sipokni auah tuklo hosh in chuwa tok. Issaka isht ai unchululi hv̄t tahlepa sipokni auah tuklo hosh in chuwa tok.

8. Sabulon isht ai unchululi hv̄t tahlepa sipokni auah tuklo hosh in chuwa tok. Chosef isht ai unchululi hv̄t tahlepa sipokni auah tuklo hosh in chuwa tok. Benchamin isht ai unchululi hv̄t tahlepa sipokni auah tuklo hosh in chuwa tok.

9. Ilvppvt ai yakohmi haya, anonti yakeh! okla chinto fehna, hatak nana hosh hotehna kv̄t tahla he keyu mak o, oklushi ilaiyuka, im anumpa ilaiyuka puta yakni pakna ai asha moma ka a minti hosh, ilefoka tohbi falaia holitompa abehkv̄chi hosh, pam vt ibbak a foyuka h̄o ai o binili holitompa, micha Chukfv̄lh̄pobushi ita tuklo itikba ȳḡ h̄ieli h̄o pisa li tok.

10. Mihma chitolit miha hosh, Hv̄pin Chihowa ai o binili holitompa o binili kak osh, micha Chukfv̄lh̄pobushi ita tuklo kak osh pi okchalinchi tuk mak oke.

11. Mihma enchil vhleha ai o binili holitompa, micha hatak tikba vhleha, mikmvt nan okchaya ushta aiena kash a foluplit h̄ieli tuk vt ai o binili holitompa itikba ȳḡ okla oka hlipkv̄chit Chihowa h̄ḡ aiokpahanchi mvt,

12. Amen, hv̄pin Chihowa yvt hopoyuksa, hlampko, micha nan okluha imaiya aiena hoka, yak oke im ai ahnit ahninchit, holitoblichit, il aiokpahanchi na biliv̄t biliashke, Amen, ahanchi tok.

13. Yohmi ma hatak tikba vhleha hash ot achv̄fv̄t auet anumpuli mvt, Ilefoka tohbi falaia abehkv̄chi yakohmi kv̄t kv̄ta h̄o? micha katima ȳo okla minti tok oh cho? vm achi tok.

14. Mihma, A shahli ma! yvmmak okvno ish ithanvshke, im achi li tok. Mihma, Ilvppa yakohmi kak osh na palvm-

mi chinto hō asht kohchvt aya hosh, im ilefoka yash Chuk-
fulhpobushi issish q isht achifvt tohbichi tok mak oke.

15. Yohmi hatuk osh Chihowa im ai q binili holitompā
itikba yā nitak, micha ninak moyuma ka yvmma in tempel
anukaka yā aiokpahanchi hoke: yohmi ka ai q binili holi-
tompā q binili kv̄t yvmma ai itin takla yā ahanta hi oke.

16. Yohmikma himak a pilla ma ik hohchafo ka he, mik-
mvt ik itukshilo ka he, mikmvt hvshi vt ik onvtulo ka he,
mikmvt kocha lvshpa mvt ik towulhkocho ka hi oke.

17. Chukfulhpobushi ai q binili holitompā iklv̄nna binili
yvmmak osh impv̄chit, pehlichit oka kv̄li okchaya hiohli
puta ka isht ohōna he: yohmikma Chihowa ak osh nishkin
okchi puta ma mominchit i kasholichit tahla he mak oke,
vm achi tok.

CHAPTA VIII.

Nan ashana ont isht untuklo kash q wakami, 1; 2 isht pufa untuklo
hō enchil untuklo ka ima, 6 ushta kv̄t olachi ma na palv̄m̄mi
chinto kv̄t otv̄ni; 3 enchil achv̄fa kv̄t vbanumpuli v̄hleha v̄ba pit
anumpohonli taklak ma tv̄li holisso lakna alta toba ka na balama
pit q bohli.

1. **ATUK** q holisso isht ashana ont isht untuklo kash ti-
wi ma, hvshi kanv̄lli isht v̄lh̄pisa iklv̄nna itintakla ka v̄ba
aholitopā yvt chullusvt talaia tok.

2. Mihma enchil untuklo Chihowa itikba hiel̄i tuk ā pisa
li tok: yohmi ma yvmmak ash q isht pufa untuklo hō ima
tok.

3. Mihma enchil inla hosh tv̄li holisso lakna na-balama
ai-vl̄hto yō sholi kv̄t, mintit alta yā ant a hikia tok: yohmi
kv̄t vbanumpuli v̄hleha moyuma kv̄t v̄ba pit anumpohonlik-
ma ai atakla ma tv̄li holisso lakna alta toba yvt ai q binili
holitompā itikba hikia tuk ā ai q huhv̄kma ch̄i ka, na bala-
ma laua hō ima tok.

4. Atuk q na balama yā a shobulli kv̄t, vbanumpuli v̄hle-
ha v̄ba pit anumpohonli ka ai itiba fokvt enchil ibbak ā a
kohchvt ia hosh, Chihowa itikba ohōna tok.

5. Atuk o enchil ash ot na balama ai vlhto yash ishi cha, alta yak o luak a ai ishit alotuli mvt, aka pit fohobli tok ; yohmi ma nan ola, micha hiloa, malvtha, mikmvt yakni winakvchi aiena tok.

6. Mihma enchil untuklo kash ot isht pufa untuklo ka ishi tuk ash, olacha chi kvt il ai atahli tok.

7. Mihma enchil vmona kash ot olachi ma, hatafo, mikmvt luak, issish it ib vlhto aiena ho yakni a o kanchi tok : mihma iti okchaki moma ka a kashapa ont isht a tuchina kvt luvt taha ma, hvshuk okchaki mvt momvt luvt taha tok.

8. Mihma anonti enchil ont atukla kash ot olachi ma, nv-nih chito yosh luak o isht luhua chiyuhmi hosh okhvta ha pit okatula tok : mihma okhvta a kashapa ont isht atuchina kvt issish o toba tok.

9. Yohmi ma okhvta anukaka nana toba tok puta im ilh-fiopak asha tuk vt, kashapa ont isht atuchina kvt illi tok : mihma peni hochito yatuk vt kashapa ont isht atuchina kvt okpulot taha tok.

10. Mihma anonti enchil ont atuchina kash ot olachi ma, fochik chito yosh pula ho chiyuhmit luhua hosh, vba shutik a a mintit aka ant itola cha, okhina puta kashapa ont isht atuchina, mihmvt kvli a hiohli kashapa ont isht atuchina aiena ka onvtula tok.

11. Yohmi kvt fochik yvmma hochifo kvt wumwut achi hatok ; yohmi hatuk o oka moyuma ka kashapa ont isht atuchina kvt wumwut o toba tok : mihma oka ak osh takvt kvnia hatuk oka, hatak vt oka yash o isht illi kvt laua tok.

12. Mihma anonti enchil ont ai ushta kash ot olachi ma, hvshi, hvshi ninak aya, fochik puta aiena kvt koyufa ont isht atuchina hosh ai okpuloka tok ; yohmi hatuk osh koyufa ont isht atuchina kvt im okhlili na nitak koyufa ont isht atuchina kvt ik tommo ma, anonti ninak vt mihinli tok.

13. Mihma anonti pit hopokoyo li mvt, enchil achvfa kvt ossi hika ho chiyuhmit vba shutik iklvna ya hlopullit aya mvt, chitolit tahpulvt, enchil tuchina kash ot himak pilla isht pufa ola inla ka olacha chi kvt asha ka, yvmmak osh

ohonla hokvno, hatak yakni pakna a_{sha} hatuk vt i Palvmmi, palvmmi, palvmmi chinta chi mak oke, ahanchi h_o haklo li tok.

CHAPTA IX.

Enchil ont isht tahlapi kash ot olachi ma, fochik vt aka auet itula ma, yvmmak ash_ochittuk hofobi ont ataha he iksho isht tiwa y_a ima, 1: 2 chiluk ash o tiwi ma h_awa puta halambia h_o choh mi hosh auet kocha wiha tok; 13 isht pufa isht hannali kash ot ola; 15 mihma enchil ushta talakchi atuk vt i holhtofa.

1. YUMOHMI ma enchil ont isht tahlapi kash ot olachi ma, fochik vt vba shutik ak o a mintit yakni a ant onvtula h_o pisa li tok; mihma yvmmak ash o chiluk hofobi ont ai vhli iksho isht tiwa y_a ima tok.

2. Mihma yvmmak ash ot chiluk hofobi ont ai vhli iksho yash tiwi ma, tvli a bileli chito y_o shobullit a kohcha ka, chiyuhmit chiluk hofobi a a shobullit kohoncha tok; mihma chiluk hofobi a a shobullit kohoncha kak o hvshi, micha shutik takla aiena kv_t isht okhlilit kvnia tok.

3. Yohmi ma h_awa puta mv_t shobohli ka a_{sht} kohchvt, yakni a ai itvnowa tok; yohmi ka yvmmak atuk mv_t nan okpvna he im vlhpisa kv_t, halambia yakni pakna ai a_{sha} kv_t nan okpvna he im vlhpisa tok ak inli h_o chiyuhmi tok.

4. Yohmi mv_t yakni pakna hvshuk ai a_{sha} ka, micha nan okchaki puyuta, mikmv_t iti aiena hokvno ik okpano ka chi, amba hatak kaniohmi hosh Chihowa im isht in chu_{wa} yv_t in lapanli keyu hatuk ak illa chi h_o im vlhpisa tok.

5. Yohmi kia yvmmak oka ik illich_o ka chi, amba ilv_p pak ash ot nan i palvmmi kv_t hvshi tahlapi ka ona chi h_o im vlhpisa tok; yohmikma h_awa vt yvmmak ash o i palvmmichi kv_t halambia hosh hatak a nvhlikmv_t i palvmmichi chatuk a chiyuhmi tok.

6. Mikmv_t nitak yvmma foyuka hokvno hatak vt illa hi a hohoy_o kia, ik ahayucho ka he; micha illi ka ik bvna kia, nan illich_i vt i kvnihiya hi oke.

7. Yohmi ma h_awa yash osh issuba hosh tvnvp ia chi hosh im vlhtahvt kvnia chatuk a chiyuhmi tok: mihmv_t tvli

holisso lakna holba h_o iachuka iachukoli ma, nashuka yvt hatak nashuka y_o chiyuhmi tok.

8. Mihmvt pashi vt ohoyo pashi ak o chiyuhmi ma, noti vt koi chito noti y_o chiyuhmi tok.

9. Yohmi mvt ikkishi alata puta kv_t tvli ikkishi alata holba h_o okla ishi tok: mihmvt i sanahchi fopa kv_t itichanvli issuba laua shali h_o tvnvp itibit ia hosh yihleptv gya na winihvchi h_o chiyuhmi tok.

10. Mihmvt hasimbish vt halambia hasimbish o holba hosh gsha h_o, nan isht nvhli mvt gsha tok; yohmi hosh nan im vlhpisa kv_t hvshi tahlapi h_o hatak g ilbvshala ch_i hatok.

11. Mihmvt i miko vt binili tok: yvmmvt chiluk hofobi ont ai vhli iksho g im enchil mak a tok: yvmmvt Heblu anumpa hokma Abatton hohchifo ma, amba Klik anumpa hokvno hohchifo kv_t Apolyon oke.

12. Nana palvmmi achvfa kash ot ant ivt kvnia ma, anonti na palvmmi tuklo hosh himmakma mihinta ch_i oke.

13. Atuk o enchil ont isht hannali kash ot olachi ma, tvli holisso lakna alta Chihowa itikba hikia tuk lapish ushta ka, anumpa ola hv_t a kohcha mvt, enchil ont isht hannali kash ot isht pufa ishi hosh hikia kash o,

14. Enchil ushta talakchi yosh okhina chito Euflates g oka gsha ka ont ish i hotofashke, im achi h_o haklo li tok.

15. Mihma enchil ushta kash ot i holhtofa mvt, hatak puta kashapa ont isht atuchina ka vba ch_i kv_t, hvshi kanvlli achvfa, nitak achvfa, hvshi achvfa, afvmmi achvfa aiena ka im vlhtaha tok.

16. Mihma issuba o binilit tvnvp gya holhtina kv_t tahlepa sipokni tahlepa tuklo bat tahlepa sipokni achvfa tok: mihma holhtina ka haklo li tok.

17. Mihma nan isht atokowa kv_t yakohmi h_o pisa li tok; issuba o binili vhleha ilvppak ash ot ikkishi alata yvmmvt humma, micha okchamali, micha lakna ai itaiyoma aiena h_o ieshi tok; mihma issuba noshkobo hv_t koi chito noshkobo h_o chiyuhmi ma, itakha ya luak shobohli, mikmvt hituk lakna aiena hosh a kohoncha tok.

18. Luak shobohli, mikmvt hituk lakna aiena kv_t itakha

ya a kohoncha tuchina ilvppa pulla kax o, hatak moma ka kashapa ont isht atuchina kv̄t isht illi tok.

19. Itakha, mikmvt hasimbish aiena ka nan isht i palvm-micha hi vt im v̄lhpisa hoke; mihmvt i hasimbish vt nosh-kobo asha kv̄t sinti chilita yo holba hatuk o, ilvppak o nana ka isht okpani yoke.

20. Yohmi kia nan isht ahullo okpulo puta, micha tv̄li holisso lakna, tv̄li hv̄ta, mikmvt tv̄li lakna, tv̄li, iti aiena naholbvt toba puta, yvm̄mvt p̄isa keyu, micha haklo kia haklo keyu, mikmvt nowa kia nowa keyu aiena ilap ibbak vt ikbi tuk okvno ik aiokpacho ka ch̄i kv̄t, hatak kanimi na palvmmi ilvppa isht ik illo ke tuk okvto yv̄mma i filvmm̄it ik ile kostinincho kish;

21. Hatak vbi, il isht ahullochi, nan itin lum̄ka, micha na hukopa aiena ka i filvmm̄it ik ile kostinincho ki tok oke

CHAPTA X.

Enchil hlampko kv̄t holisso tiwa yvt ibbak a foyuka ho haiaka. 1
6 okchaya bilia yvm̄mak atuk mak o himak ma nitak vt atakala ch̄i keyu, achi tok: 9 holisso hosh ishi cha vpa ch̄i kv̄t, Chan vt im v̄lhpisa.

1. YOHMI ma enchil chinto inla yosh hoshonti ho ibafoyuka hosh vba shutik a mintit aka vla na pisa li tok; mihma hinak-bitepuli hosh noshkobo ha apakfoyupa ma, nashuka yvt hv̄shi yo chiyuhmi ma, anonti iyi yvt luak tonik o chiyuhmi tok.

2. Mihmvt holisso iskv̄tinosi kv̄t wakama yo ibbak a isht ieshi tok; mihmvt iyi isht impak imma ya okhv̄ta ha o hilechi mvt, anonti iyi isht im afv̄bekimma yano yakni ya o hilechi cha,

3. Koi chito woha chatuk a chohmit chitolit tahpv̄lv̄t miha tok; atukmvt yvm̄mak ash ot tahpv̄la ma, hiloha untuklo kv̄t hilohoha tok.

4. Atuk o hiloha untuklo kash ot hilohoha haya, holissochi la ch̄i hatok; atuk ak o vba aholitopa ya auet anumpna, Nana yakohmi ka hiloha untuklo kash ot anumpuli tuk

g chik holissocho hosh ish ashanichashke, vm achi na haklo li tok.

5. Yohmi ma enchil yummvt okhvta, micha yakni ita tuklo ka o hikia na pisa li kash, yummak ash ot ibbak g vba shutik pit weli tok.

6. Mihmvt okchayvt ahantvt bilivt bilia, yummak osh vba, micha yumma nana kvv aiasha puta, mikmvt yakni, micha yumma nana kvv aiasha puta, mikmvt okhvta, micha yumma nana kvv aiasha puta aiena ka ikbi tok mih mak o isht a mihvt anumpa kullo isht il onochi kvv, nana kvv a yohma he tuk ont ia he keyu ka hi atok ;

7. Amba enchil ont isht untuklo im anumpa chi nitak okvno yummak ash ot olachit isht iakma, Chihowa nana ai ahni tuk vt in tishu hopaii vhleha nan im otvniinchi tok mak osh ont vlhtaha chi mak oke.

8. Yohmi ma anumpa yumma vba aholitopa pit a haklo li tok ash ot anonti auet vm anumpuli tok : mihmvt, Ia cha, holisso iskvtnosi yummvt tiwa yash enchil, yummvt okhvta, micha yakni ita tuklo ka o hikia ka ibbak fokka ka ont ishi, vm achi tok.

9. Mihma enchil ash im ona lish, Holisso iskvtnosi yash et vma, im achi li tok : mihma, Ishi cha, vpvv tahli ; yohmikma chikfoka yg takbacha chi hoke, amba chitakha anukaka yano champuli kvv foi bila yg chohma chi hoke, vm achi tok.

10. Yohmi ma enchil ibbak g a kohchit holisso iskvtnosi yash ishi lish, vpvv tahli li tok ; mihma satakha anukaka yokvno champuli kvv foi bila yg chohmi tok : yohmi kia isht nanvbli li mak inli ho, sakfoka yash ot takvvt kvnia tok.

11. Mihma yummak ash ot, Hatak oklushi, mikmvt im anumpa ilaiyuka, miko vhleha puta lgwa ka itikba yg nana ka tikbanli ish ai otvnihincha chi pulla hoke, vm achi tok.

CHAPTER XI.

Vlhtokowa anoli tuklo hosh nan anohonli, 1 ; 5 ik umbo ka chi ka vba shutik akamala hi vt im vlhpisa ; 7 nampos nukshopa yvt i sanalit

Itihilat yummak ash vbi ; 8 ik hollopo hosh kaha na, 4 nitak ont atuchina cha iklovvot aiena ma tanit okla; 15 isht pufa isht untuklo kashot oia.

1. YUMOHMI ma kushak osh fuli yo holba ho vma tok ; mihmvt, Wakaya cha, Chihowa in tempel, micha alta, mikmvt kvna hosh yvmma ai ashvt aiokpahanchi vhleha aiena ma ish apesashke.

2. Yohmi kia apishia, yvmmvt tempel g ai ibachvfa keyu hoka, yummak okvno Chentail okla ho immi hoka, chik apeso kashke ; yohmi ka hvshi pokoli ushta cha tuklot aiena ka tmaha chito holitopa ya iyi pvtha okla isht a hvhlihinchachi hoke.

3. Mikma nan isht ai ghli ka nana vm atokowa ishi tuklo ka ima la chi ; mikma mihi yosh pashi tvnna na fohka yo foyuka hosh nitak tahlepa sipokni achvfa cha, tahlepa tuklo pokoli hannali aiena ka nana ka tikbanli otvnhinchachi hoke.

4. Ilvppak osh Alif iti tuklo, mikmvt pvla ai o hikia tuklo aiena kvv yakni pakna in Chihowa itikba hieli mak oke.

5. Yohmi ka hatak nana hosh ilvppa ilbvshali hokma, ilvppak ash itakha ya luak osh a kohcha hosh in tvnvp puta hatuk ma isht vpa hoke ; yohmi ka hatak nana hosh yvmma ilbvshali hokmvt, nana ai yakohmi mak o illashke.

6. Ilvppak ash osh nan ai atokowa anohonli kvv isht ahanta takla nitak g ik umbo ka chi ka, vba shutik g okshita hi vt ilvppak osh ai im vlhpesa mak oke ; mikmvt oka puta ma imaiyvt yummak ash o issish o ikba hi vt ai im vlhpesa ; mikmvt yvmmvt nana ka ik yohmi ahni hokmvt, na palvmi puta ma yakni ya isht ihissa hinla hoke.

7. Yohmi tok kia ilvppak ash ot nana atokowa ishi kash ot ont taiyahli tuk mak o, nampoia nukshopa chiluk hofobi ont ai vhli iksho a kohcha mak osh in tanampit, yummak ash imaiyachit vba hi oke.

8. Mihma tmaha chito yummak o hvpin Chitokaka yak kia ititaiyukhvna a honahla tok, nan isht it apesa kvv Sotom, micha Echip achi ka hina yvmma illi haknip vt a kaha chj hoke.

ma okchayvt ahanta he chia, yohmi kv̄t chishno nan isht chim ai gh̄li chinto ma il ai ishit, mikot ish ahanta hoka, yak oke e chim ai ahnishke, ahanchi tok.

18. Yohmi ka oklushi puta chukvsh vt nukhobela tok: mikma nan isht ish ī nukkilli yvt vlvshke: mikma illi puta kv̄t nan im ai vlpisa chi, mikmvt chin tishu hopaii vhleha. mikmvt vbanumpuli gh̄li puta, mikmvt kv̄na hosh chi hohchifo h̄q̄ ī nukshohompa aiena hokvno nan isht vlhtoba ma ish ai ima chi, mikmvt kv̄na hosh yakni yā okpvni hokma, yv̄mma ish ai okpvna chi nitak vt vlvshke.

19. Yohmi ma Chihowa in tempel vt vba aholitopa yā a tiwa tok; mihma in tempel anukaka yā nan it im vlpisa itombi holitopa kv̄t otvni tok; mihma malvlha, anumpa ola, hiloha, micha yakni winakvchi, mihmvt hatgfo chito aiena kv̄t a takali tok.

CHAPTA XII.

Ohoyo hv̄t hv̄shi yō isht foyukvt vlla isha chi nan ī palv̄m̄mi, 1; 4 sinti chilita humma yosh yvr̄mak ash itikba hikia kv̄t im vlla yā isht vpa chi kv̄t im vlhtaiyaha; 6 vlla yvt in tola mvt, ohoyo hash ot yakni haiaka yō pit maleli; 7 Mikael, mcha im enchil aiena kv̄t nan okpulo sinti chilita yash itih̄bit imaiyachi; 13 sinti chilita yash ot vba mintit aka itola cha, ohoyo hash ī tv̄nahampi tok.

1. YOHMI ma na fehna chinto kv̄t vba shutik ā ai otaiyani kv̄t, ohoyo hosh hv̄shi yō foyuka ma, hv̄shi-ninak-aya yvt iyi nuta yō takali tok, yohmi ma fochik auah tuklo iachuka toba h̄q̄ iachukoli tok.

2. Mihmvt yv̄mmak ash ot chakali hatuk osh, vlla itola he nan isht ī palv̄m̄mit na hotopa tuk vt itola hokbano ahnit, tahpahanla tok.

3. Mihma na fehna inla kv̄t vba shutik ā ai otvni kv̄t, yakeh! sinti chilita humma chinto hosh, noshkobo hv̄t im untuklo mvt, anonti in lapish vt pokoli ma, iachuka untuklo kv̄t noshkobo h̄q̄ afoyua tok.

4. Mihma ī hasimbish vt vba fochik a kashapa ont isht atuchina ka halanlit aka auet fohopli tok; yohmi ma vlla yvt

in tola he ai ona hatuk o, vlla yvt itola mak inli ho isht im vpa chi kv, ohoyo hash itikba sinti chilita yash ot hikia tok.

5. Atuk o yvmak osh tvli fuli yo ieshi hosh okla moma ka imaiyachit nan im apesa chi mak o, ohoyo hash ot vlla nakni yo sholi tok; atuk o im vlla yash o Chihowa, mikmvt im ai o binili holitempa pilla a maya tok.

6. Yohmi ma yakni haiaka kanima yo ai vta hi o Chihowa yvt ai im atahli tok mak o, ohoyo hash ot pit maleli tok: yvmak o nitak tahlepa sipokni achvfa tahlepa tuklo cha pokoli hannalit aiena ka yvmak oka okla nan ai im atahanla chi hatok.

7. Mihma vba ya ai it in tanampit ai asha tok: Mikael vt im enchil vhleha aiena kv sinti chilita yash itihimbi ma, anonti sinti chilita yash ot yvmak ash, mikmvt im enchil aiena ka itihimbi kia,

8. Imaiya chi keyu ki tok; mihmvt ai vta he nana kia vba ya iksho ki tok.

9. Mihma sinti chilita chinto, sinti sipokni, nan isht ahullo okpulo, micha Setan achi chatuk, yvmak osh yakni moma ka yoshubli chatuk mak o yvma a kohchi tok, atuk o aka pilla ho yvmak ash ot pit itola tok; mihma im enchil vhleha hash ot apehvt pit kaha tok.

10. Mihma vba aholitopa ya anumpa ola chinto ka pit a haklo li ma, Himak ano isht ai okchaya, isht hlampko, mikmvt hvpin Chihowa im apehlichika, micha Ushi Klaist nan isht im ai ghli aiena hash ot vlvshke; hvv itibapishi vhleha i nukkillit na-mihachi yvmak osh nitak, ninak aiena ka hvpin Chihowa itikba ya ai i nukkillit na-mihachi yatuk ash osh aka pit itolvshke, ahanchi tok.

11. Mihmvt Chukfvlhpobushi im issish, mikmvt ilap im anumpa isht atokowa puta ho yvmak ash okla isht imaiyachi tok; yohmi kia isht ai illa he kia, ilap im ilhfiopak a i hullo tok keyu.

12. Yvmohmi hoka vba aholitopa puta, micha yvma ai asha puta hvchia ma! ho yukpa, nan isht ahullo okpulo, yvmvt chekosi itintakla ho anta chi kv ithana hosh, nan isht i nukkilli chinto ka il ai eshit hvchim vla hoka, yakni

pakna, micha okhuta aiena ka ai asha tuk vt nana i palvmmi mak oke.

13. Yohmi ma sinti chilita yash ot aka ya pit itola kv̄t il ithana mvt, ohoyo yvmmak osh vlla nakni ishi kash, ilbvshahli tok.

14. Mikma ilap ai v̄tta yakni haiaka hikv̄t ia ch̄i ka, ohoyo hash ossi chito sanahchi tuklo h̄q ima tok; yohmi ma yvmmak o afv̄mami tuchina iklv̄nnv̄t aiena ka sinti chilita yash o itikba ai i filv̄mmit ai ilh̄pihintashke.

15. Mihma sinti chilita yash ot oka falama ohmi kv̄t oka yo ohoyo hash iakaiyachit ilap itakha a kohchi kv̄t, yvmmv̄t oka chito yosh yvmmak ash shalit kanima isht ia hi a ahni hatok.

16. Yohmi tok kia yakni vt ohoyo hash apela tok; mihmvt yakni ash ot ilap itakha ya wakv̄mmi cha, oka chito yvmma sinti chilita yv̄t ilap itakha ya a kohchi kash isht nanv̄pli tok.

17. Yohmi ma sinti chilita yash ot ohoyo hash i nukkilli fehna mvt, iv̄t ohoyo hash isht ai unchululi kaniohmi maya, yvmmv̄t Chihowa im anumpa v̄lhpisa puta ka holitobli, mikmvt Chisvs Klaist nan isht im atokowa aiena ka ieshi v̄hleha hash o in tanampi tok.

CHAPTA XIII.

Nampoā nukshopa yv̄t noshkobo hv̄t untuklo, lapish mvt pokoli hosh okhuta h̄q akohcha tok; mihma yvmmak o sinti chilita yash ot nan ai ahli ima tok, 1; 11 nampoā nukshopa inla yosh yakni a akohcha; 14 nampoā nukshopa tikba ya tuk toba ch̄i ka na holbvt toba ya im ahni; 15 yohmi na yvmmak ash o hatak puta kv̄t aiok pahancha ch̄i; 16 mikmvt isht ai in ch̄ywa ch̄i ha tok.

1. YUMOHMI ma okhuta shinuk pakna ya ai o hikia li mvt, nampoā nukshopa achv̄fa kv̄t okhuta h̄q a koyucha h̄q pisa li ma, noshkobo hv̄t untuklo mvt, lapish vt pokoli, mihma in lapish pakna ya iachuka pokoli ma, anonti Chihowa isht ik ahobalo hohchifo hosh noshkobo h̄q ai o holisso tok.

2. Mihma nampoa nukshopa yvmma pisa li kash o koi chikchiki ho holba ma, iyi yvt nita iyi yo chiyuhmi ma, anonti itakha mvt koi chito itakha yo chohmi tok: mihma sinti chilita yash ot nan isht hlampko, micha miko ai o binili, nikmvt nan isht im ai ghli aiena ka yvmmak ash o ima tok.

3. Yohmi ma yvmma noshkobo achofa kamo nvhlvt isht illa hi o chiyuhmi tok; atuk ak osh nvhlvt isht illa he kash ot hlakofi tok; mihma nampoa nukshopa hash o yakni moma kv, okokko! ai ahnit iakaiya tok.

4. Yvmohmi mvt sinti chilita yvmmak osh nampoa nukshopa ya nan isht ai ghli ima hatok oka, okla aiokpahanchi mvt; anonti nampoa nukshopa hash o okla aiokpahanchit, Kva hosh nampoa nukshopa holba cho? kva hosh yvmma in tanampit ahanta hinla cho?

5. Yohmi ma na chinto fehna, micha nana ka ik ahobalo puta isht anumpula chi ka yvmmak ash o itakha ima tok; yohmi ka hvshi pokoli ushta akucha tuklo ka a moyumvt isht ahanta chi mak osh im vlpisa tok.

6. Yohmi ma yvmmak ash ot itakha ya wakvmmi, Chihowa ya ik ahobalot isht anumpulit, i hohchifo, micha im vltipo, mikmvt vba aholitopa aiasha puta ma ik ahobalot na mihachi tok.

7. Yohmi kv vbanumpuli ghli vhleha in tanampit yvmmak ash o imaiyacha chi kv nan im vlpisa tok; micha hatak oklushi ilaiyuka, mikmvt im anumpa ilaiyuka puta ka imaiyacha chi ka yvmmak ash o nan isht im ai ghli ima tok.

8. Mikma kva hosh hohchifo hv yakni tovt a minti tok ai vhli ka vltobvt illi tok Chukvhlhpobushi i holisso ai-okchaya a holisso tok keyu kv, yakni pakna ai asha moma kv yvmmak ash o aiokpahancha chi hoke.

9. Hatak nana hoh kia haksobish vt i hikiakmvt, ik haklo.

10. Kva hoh kia inla ya yuka ikbit isht aya hokvo, ilap mvt yuka tovt aya hi oke; kva hoh kia inla ya bshpo falaja vo isht vbi hokvo, ilap mvt bshpo falaja yo isht

illa hi oke. Ilvppak o vbanumpuli vhleha hvt nukshanvt achunanchit na yimni ka isht otaiyani hoke.

11. Yakohmi ma nampoa nukshopa inla kvv yakni a auet a kohcha na pisa li tok; yohmi ka yvmmak ash ot in lapish vt asha kvv Chukvvlhpobushi ak o holba mvt, anonti sinti chilita yak o chiyuhmit anumpuli tok.

12. Mikmvt yvmmak ash ot nampoa nukshopa vmmona isht im ai ghli ash yvmma itikba yo isht ahanta hoke; mikmvt yakni, micha yvmma ai asha pit aiena kvv nampoa vmmona, yvmmvt bahvt illit hlakofi tok ash aiokpahancha chi ka im ahni hoke.

13. Mikmvt yvmmak ash ot na fehna chinto ka yvmihchi; yohmi hatuk osh yvmmak ash ot luak vt vba mintit hatak puta itikba yakni a ant onvtuyula chi ka ahni hoke.

14. Yohmi hatuk osh yvmmak ash ot nan im ai ghli nampoa nukshopa itikba ya na fehna puta ka a yvmihchi kak osh yakni pakna ai asha puta ka yoshublihinci mvt; bvshpo falaja isht baha tok kia, anonti okchaya tok nampoa nukshopa yvmma na-holbachit okla im ikba chi ka, yakni pakna ai asha vhleha ha im ahanchi hoke.

15. Mihmvt nampoa nukshopa holba yash ot anumpuli, mikmvt laua kvv kanihmi hosh nampoa nukshopa holba yash aiokpvcha hi o keyukmvt, illa hi a aiena ka im ahna hi oka nampoa nukshopa holba yash ilhfiopak ima hi vt im vlvpisa hoke.

16. Yohmi kvv hochitoka, mikmvt ik a lauwo, nan in laua, mikmvt ilbvsha, yuka keyu, mikmvt yuka a moyuma kvv ibbak isht impak imma, keyukmvt ibitakla ya in chuwa hi a yvmmak ash ot im apesa yoke.

17. Yohmikma hatak nana kia nanasi kia chumpa, keyukmvt kancha he keyu mak a tok: amba kvna hosh nampoa nukshopa isht in chuwa, yvmmak keyukmvt i hohchifo, yvmmak keyukmvt i hohchifo ha isht a holhtina kvv isht ai in chuwa ak a hi oke.

18. Ilvppak o nan isht ithana yoke. Kvna kia im anukfila isht akostininchi im ashakmvt, nampoa nukshopa isht im a holhtina ka ik hotehna, yvmma hatak vt a hotehna

yoka: yohmi ka yvmma isht im a holhtena kv̄t tahlepa hannali cha pokoli hannali akucha hannali hoke.

CHAPTA XIV

Chukfulhpobushi vt ilap ai itapeha itapehvt Saion nv̄nih ḡ hiohmḡya,

1. 6 Enchil osh vbanumpa isht anumpuli; 8 Babulon vt akama; 15 yakni pakna nawaya hoiyo; 20 Chihowa nan isht ī nukkilli oka p̄ki toba ȳḡ itahobi.

1. **YAKOHMI** ma hopokoyo li ma, anonti yakeh! Chukfulhpobushi ash osh Saion nv̄nih ha ō hikia ma, tahlepa sipokni bat tahlepa achvfa cha pokoli ushta akucha ushta kv̄t, yvmma Iki ī hohchifo hv̄t ibitakla ai ō holisso hosh yvmmak ash ō apeha tok.

2. Yohmi ma vba aholitopa ȳḡ auet anumpuli ka oka laua fopa, mikmvt hiloha chinto ola chiyuhmi h̄ō haklo li tok: mikma hap olachi vhleha hv̄t ilap ī hap ai olahanchi na ola ka haklo li tok.

3. Yohmi ma ai ō binili holitempa itikba, mikmvt nan okchaya ushta, micha hatak tikba vhleha aiena itikba taloa himona ȳō okla a talohowa tok; yohmi ka taloa yvmma hatak nana hosh ithvna he keyu ma, amba tahlepa sipokni bat tahlepa achvfa cha pokoli ushta akucha ushta yvmmak ō yakni ā a kohchit chumpa ak illa tok.

4. Ilvppak ash osh ohoyo nana kia isht a liteha tok keyu vhleha hoke; ohoyo himithoa hatak haleli keyu h̄ō chiyuhmi vhleha hoke. Ilvppak ash osh Chukfulhpobushi, yvmmvt kanima ȳō ia hoh kia, iakaiya vhleha mak oke. Ilvppak ō hatak puta ai itintakla a kohchit chumpa tok ō, Chihowa, micha Chukfulhpobushi ita tuklo ka immi nawaya v̄mmona vhleha hoke.

5. Yohmi ka yvmma itakha ȳḡ na holabi kia ai otv̄ni chatuk ō keyu; Chihowa ai ō binili holitempa itikba ȳḡ na liteha nana kia ik im iksho vhleha hoka.

6. Yakohmi ma anonti okla, oklushi ilaiyuka, mikmvt hatak im anumpa ilaiyuka moma yakni pakna ai asha tok ā

im anumpula chi hosh, enchil inla yvt vbanumpa ai ahlit bilia il ai eshi hosh vba shutik iklvna ya hikvt aya mvt,

7. Chitoli hosh mihvt, Chihowa hvt nan ai apesa chi hvshi kanvlli vt vla hoka; yvmmak o i nukshumpvt ho holitobli; micha yvmmak osh vba shutik, yakni, okhvta, mikmvt kvli hiohli puta aiena ka ikbi tok oka, oh aiokpahanchi, ahanchi na pisa li tok.

8. Yohmi ma anonti enchil inla kvt iakaiya mvt, Ilap nan itin lumaka nan isht haksichi oka paki chiyuhmi ho okla moma ka ishkochi tok okvt, Babulon tmaha chito yvmmak ash ot aiokpulokvshke, aiokpuloka mak oke, ahanchi tok.

9. Anonti enchil ont isht atuchina kvt yvmmak ash o pit iakaiya mvt, chitoli hosh mihvt, Hatak nana kia nampoa nukshopa, micha yvma holbvt toba yash aiokpvchi cha, anonti isht in chuwa ma ibitakla, keyukmvt ibbak isht impak imma okma, nana ka isht ai in chuwa hok mak osh,

10. Mihi yosh Chihowa nan isht i nukkilli oka paki yvmvt nan itaiyoma keyu hosh, yvmvt nan isht i nukhobela isht ishko ya a toshowa mak o ai ishka chi hoke; yohmikmvt yvmmak ash ot enchil holitopa vhleha itikba, mikmvt Chukfvhpobushi itikba aiena ka luak, micha hituk lakna aiena ho isht ai ilvsha hi oke, ahanchi tok.

11. Atuk o yvma isht ai ilvsha shobohli hvt vba ai ihya kv bilvt bilia hoke; yohmi ka kvna hosh nampoa nukshopa, micha yvma holbvt toba yash aiokpahanchi, mikma kvna hosh yvma i hohchifo isht in chuwa ya isht ai in chuwa hokvto nitak, ninak aiena ka a foha he ik im iksho vhleha hoke.

12. Ilvppak o vbanumpuli vhleha hvt nuktanlvvt achunanchi ka isht otaiyani hoke; ilvppak o Chihowa im anumpa vlpisa puta holitobli, micha Chisvs i yimmi aiena ka isht otaiyani hoke.

13. Yakohmi ma vba aholitopa ya auet anumpa na haklo li ma, Ish holissochashke, Kvna hoh kia himak a pilla ka Chitokaka ya ibai achvvt illi hokvto na yukpa hoke; ahli yvmmak okvt nana ka isht ahantvt isht hoyvbli tok puta ka a mokovvt a foha chi hatok, Shilombish Holitopa yvt

achishke; mikma nan-toksvli puta kash ot ilap a iakaiya hoke, um achi tok.

14. Atuk o anonti yakeh! hoshonti tohbi ka pisa li ma, hoshonti pakna ya hatak Ushi ak o holba hosh o binili cha, twli holisso lakna iachuka iachukoli mvt, anonti nan isht vlmo halupa fehna ka ibbak isht ieshi tok.

15. Mihma enchil inla yvt tempel a a kohchvt minti mvt, hoshonti o binili yvmmak ash chitolit in tahpvvt, Nan isht chim vlmo ya fahvmmi na-waya ya vmó; nan ish ma he vlhpesa ka ai ona hoka; micha yakni pakna nan a waya kvv a lakvvt tahvshke, im achi tok.

16. Mihma hoshonti o binili yvmmak ash ot nan isht im vlmo ya ishit yakni pakna moma o fahvmmi tok: mihma yakni vt vlmot taha tok.

17. Anonti enchil inla yosh yvmmak kia nan isht vlmo halupa ka ishi hosh, tempel vba aholitopa talaia ka auet a kohchvt minti tok.

18. Mihma enchil inla yvmvt luak o imaiya hosh alta ya ai vttvt kohchvt minti tok: mihvvt nan isht vlmo halupa ishi yvmmak ash o chitoli hosh in tahpvvt, Nan isht chim vlmo halupa yash ishi cha, yakni pakna pakvpi ai vnit pokospoa ka tvptulit itahobi; paki vt nuna fehvt taha hoka, im achi tok.

19. Mihma enchil ash ot nan isht im vlmo yash yakni pit o fahvmmi mvt, yakni pakna pakvpi a ai vmot itahobi cha, Chihowa nan isht i nukkilli ya oka paki atoba chito ya pit fohopli tok.

20. Yohmi ma tmaha chito kochanli ak o oka paki atoba yash o a hvhlichu tok: mihma issish osh oka paki atoba yash a kohoncha kvv, kovi tahlepa tuklo a taiyakla ka cha-ha kvv issuba twli kapali itih ha kapanli ona hosh talaia tok.

CHAPTA XV.

Enchil untuklo kvv na palvmmi untuklo ishtaiyopi ka il ai ishi, 1; 3 nampoa nukshopa yash im aiyachi tok vhleha in taloa; 7 koto bushi untuklo kvv Chihowa nan isht i nukkilli alota.

1. **MIHMA** nan isht atokowa inla yvt isht anukhlakancha he a chinto hō vba aholitopa yō a pisa li ma, enchil untuklo kv̄t na-palv̄m̄mi untuklo ish̄taiyopi yvm̄mak o Chihowa nan isht ī nukkilli yvt isht ai ḡhli mak o ieshi tok.

2. Yohmi ma okhv̄ta shohkoali hosh luak it ieshit talaia chiyuhmi na pisa li tok; mihma nampoa nukshopa, micha yv̄n̄ma holbv̄t toba, mikm̄vt isht in chuwa, yvmohmikm̄vt yv̄n̄ma hohchifo isht aholhtina aiena ka imaiyachi tok v̄hleha a moyuma hokv̄to Chihowa ī hap ieshi hosh, okhv̄ta shohkoali yash o hiohli tok.

3. Mihm̄vt Chihowa in tishu Moses im v̄lhtaloak, micha Chukf̄vlhpobushi im v̄lhtaloak aiena ka okla talohōwa kv̄t, Chitokaka Chihowa nana moma imaiya, v̄banumpuli v̄hleha ī Miko chia ma! nana ish a toksahanli puta ka isht a nukhlakancha he a chinto hoke: yohmi kv̄t ai v̄lhpiesa ai ḡhli yak osh a chim anukfila yoke.

4. Chitokaka ma! Chishno ak bano hosh chi holitopa hoka, kv̄ta hosh ik chī nukshohompot, chi hohchifo ḡ ik holitoblecho ka chī cho? ai v̄lhpiesa na palv̄m̄mi ish onochi hatuk a otv̄ni hoka, oklushi moma kv̄t chi tikba yā ai v̄lv̄t chi aiokpahancha hi oke, ahanchi tok.

5. Yakohmi ha ya anonti hopokoyo li tok; mihma yakeh! nan isht atokowa v̄lhtipo in tempel vt vba aholitopa yā a tiwa tok.

6. Yohmi ma enchil untuklo kv̄t na palv̄m̄mi untuklo kash ieshi hosh, linen kashofa tohbi yō foyuka m̄vt, anonti tv̄li holisso lakna isht v̄skofv̄chi toba hō chunuko yā isht v̄skofaiyachi hosh, tempel ash auet a kohcha tok.

7. Yohmi ma nan okchaya ushta kash ot achv̄vt Chihowa, yvm̄m̄vt okchayvt anta kv̄t biliv̄t bilia nan isht ī nukkilli yā tv̄li holisso lakna kotobushi untuklo alotowa hō enchil untuklo kash ima tok.

8. Yohmi ma Chihowa nan isht im aholitopa, mikm̄vt nan isht im ai ḡhli a minti shobohli hō tempel ash osh isht alotowa tok; yohmi ka enchil untuklo nan isht im a palv̄m̄mi untuklo kash ot ont ik ai ḡblo kisha hokv̄no hatak nana kia tempel ash a chukowa he keyu hatok.

CHAPTER XVI.

Nan isht i nukkilli kotabushi alota kash o enchil vt fohopli, 1; 6 mih ma na palemmi hosh aya; 15 hukopa yo chohmit Klaist vt vla chi; mikma kvna hosh okchvt hohoyo tuk okvto na yukpa he.

1. YUMOHMI ma anumpa ola chinto kvv tempel a auet a kohcha kvv, Oh ia cha, Chihowa nan isht i nukkilli kotobushi ai vlhto kash yakni pakna oh ai o fohopli, enchil untuklo kash im ahanchi na haklo li tok.

2. Mihma vmmona kash ot ia mvt, ilap i kotobushi vlhto kash yakni ont o fohopli tok; mihma kvna hosh nampoa nukshopa isht in chuwa ya isht ai in chuwa tok, mikmvt kvna hosh yvmma holbvt toba ya aiokpahanchi tok hatak puta kash o hichi okchushba nan okpunlo kvv onvtuyula tok.

3. Anonti enchil atukla kash ot ilap i kotobushi vlhto kash okhvta ont o fohopli tok; mihma hatak illi im issish o chohmit toba na nan okchaya okhvta ai asha tuk vt moyumvt illit taha tok.

4. Anonti enchil atuchina kash ot ilap i kotobushi vlhto kash okhina, mikmvt kvli puta ka o fohopli tok; mihma yvmmak ash ot issish o toba tok.

5. Yohmi ma oka puta ka im enchil osh okchayvt ish ahanta kvv, okchayvt ish ahanta tok osh, anonti okchayvt ish ahanta hi osh nana ka yakohmichit ish apesa hoka, Chitokaka ma! nan ai vlhpiesa chia hoke.

6. Yvmmak okvt vbanumpuli vhleha, mikmvt hopaii vhleha aiena im issish a hlatahambli tok okvt, ilap mvt, ai i yvmohma he vlhpesa mak o, ishka chi ka issish o ish ihmshke, achi ho haklo li tok.

7. Anonti inla kvv alta ya auet a kohcha kvv, Ik yvmohmi mvhli, Chitokaka Chihowa nana moma imaiya ma! nan ai ghli ai vlhpesa kak o ish apesa yoke, achi ho haklo li tok.

8. Anonti enchil ont ai ushta kash ot ilap i kotobushi vlhto kash hvshi yo o fohopli tok: mihma hatak puta ka

tuak o isht towulhkocha chi ka yummak ash o nan isht ai ghli yosh im vlhpisa tok.

9. Atuk o hatak puta kash ot na lvshpa chinto ka isht towulhko mvt, Chihowa, yummak osh na palvmmi ilvppa puta ka i shahli yatuk a i hohchifo ha ik ahobalot na miha-chi tok ; mihmvt yummak ash o holitoblicha hi atok vt okla ik ile kostinincho ki tok.

10. Yohmi ma enchil ont isht tahlapi kash ot ilap i kotobushi vlhto kash nampoa nukshopa yash im ai o binili o fohopli tok ; mihma yumma im afehlichika ya ai okhlili kvv knia ma, nan anukhahvmi hokvt, isunlvsh atuk a okla ahampa tok.

11. Mihmvt hichi okchushbvt hotohompa hokvt, ilap nana a kaniohmi tok puta ka okla ai ile kostininchi keyu mvt, vba aholitopa in Chihowa yak o ik ahobalot na miha-hanchi tok.

12. Anonti enchil ont isht hannali kash ot ilap i kotobushi vlhto kash okhina chito Euflates a o fohopli tok ; mihma hvshi a kochaka miko vhleha im ataya yvt vlhtaha chi mak o, oka yumma foyuka tuk vt shilvt taha tok.

13. Yvmohmi ma shilombish ik kashofo tuchina kvv ha tonlvbi ho holba hosh sinti chilita itakha, mikmvt nampoa nukshopa itakha, micha hopaii ilahobi itakha aiena kash akohcha na pisa li tok.

14. Yummak okvt nan isht ahullo okpulo imi shilombish vhleha hatuk osh, nafehna puta ka yvmihinchi mvt, Chihowa nana moma imaiya i nitak a chintokma ai itiba chi mak o itvnala chi hosh, miko vhleha yakni moma ai asha ka ivt im ohonvshke.

15. Yakeh ! hukopa yo chiyuhmit vla lishke ; isht a Eofahya ka okla pisa hinla ka, nipi banot ik ayo ka chi kvv, kvna hosh okchvt ahah ! ahnit ilap imi nafohka puta ka ilatomba hokvto nayukpvshke.

16. Yohmi ma Heblu anumpa hvv Amaketton achi yummak o ai itahobit tahli tok.

17. Yvmohmi ma enchil ont isht untuklo kash ot ilap i kotobushi vlhto kash vba shutik takla yak o a fohopli tok ;

mihma anumpa ola chinto kv̄t ai ǝ binili holitompa yak ǝ a minti hosh v̄ba aholitopa in tempel ǝ auet a kohcha m̄vt, Ulhtaiyahvshke, achi tok.

18. Yohmi ma nan ola, hiloha, mikm̄vt malvtha puta aiena kv̄t yvm̄mak ash ǝ a takali tok: yohmi ma yakni winnakv̄chi chinto atampa, yv̄mma chohmi kv̄t hatak vt yakni pakna ai vtta tok taiyakla ka iksho chatuk vt, yakni winnakv̄chi chinto kv̄t ituyula tok.

19. Yohmi ma tumaha chito yash ot itakv̄shkov̄t kashapa tuchina ma, anonti oklushi in tumaha puta hatuk vt aiokpuloکا tok; yohmi ma Chihowa hv̄t ilap nan isht ǝ nukkilli kv̄llo chinto oka p̄aki isht ishko vlhto ka ima ch̄i kv̄t Babulon chito ash ithahana tok.

20. Mihma tishaiyi yvt mom̄vt atoshowa tok osh iksho ma, anonti n̄v̄nih hochito puta hatuk m̄vt ik otaiyano ki tok.

21. Yvm̄ohmi ma hatafo chinto kv̄t v̄ba shutik a minti hosh, weki kv̄t talent achv̄fa foka aiyuka hosh hatak puta ka onvtuyula tok; yohmi ma hatafo nan isht palv̄m̄mi pulla hatuk mak ǝ, hatak puta kv̄t Chihowa h̄ǝ ik ahobalot namihahanchi tok, yv̄mma nan isht palv̄m̄mi kv̄t chinto hoka.

CHAPTER XVII.

Ohoyo hv̄t natishipa humma lapushki yǝ foyuka m̄vt, tv̄li hv̄ta lakna isht ishko toba h̄ǝ ieshi hosh nam̄poa nukshopa yash pakna, yvm̄ m̄vt Babulon mak ǝ ǝ binili, 1; 5 noshkobo untuklo kv̄t nana ka anoli: 12 mikm̄vt lapish pokoli kv̄t nana hatuk aiena kv̄t annoa ohoyo havi yashot nan ǝ palv̄m̄mi; 14 chukf̄vlhpobushi vt nan im aiyachi.

1. YUMOHMI ma enchil untuklo, yv̄m̄m̄vt kotobushi untuklo ieshi tok vhleha hash achv̄vt ant v̄m̄ anumpuli m̄vt, olehma minti; havi chinto yv̄m̄m̄vt oka lava pakna ǝ binili;

2. Yvm̄mak ǝ m̄iko puta yakni pakna ai asha kv̄t isht itin lumaka tok; yohmi ma ilap nan itin lumaka oka p̄aki ǝ yakni pakna ai asha vhleha hv̄t ishkot ik haks̄i im ahni tok,

yvmmvt nan isht i palvmmi im vlhpisa ka chim otvvinchi la chi hoke, vm achi tok.

3. Yohmi ma shilombish si anukfoka ho yvmmak ash ot ishit yakni haiaka vsst ona tok: mihma nampoa nukshopa humma hosh nana ka ik ahobalot miha hohchifo ho isht alo-towa mvt, noshkobo untuklo cha, anonti lapish mvt pokoli ho ohoyo hosh o binili ho pisa li tok.

4. Yvmohmi ma ohoyo hash ot na hummakbi mikmvt na tishepa na fohka hosh tvli holisso lakna, tvli holitopa puta, mikmvt pvl aiena ka isht a shema ho foyuka mvt, ilap itiv lumaka isht a liteha na yuwalvchi puta kvv tvli holisso lakna isht ishko yo alotowa hosh ibbak a foyuka tok.

5. Yvmohmi ma, NAN IK OTANO, NA CHINTO BABULON, HAVI PUTA, MIKMVT YAKNI PAKNA A YUWALVCHI PUTA ISHKI, hohchifo hosh yvmma ibitakla ya a holisso hatok.

6. Yohmi ma ohoyo hash ot vbanumpuli vhleha im issish, mikmvt Chisvs isht im atokowa kak o isht illi tok vhleha im issish aiena ka ishkot haksi na pisa li tok; mikmvt pisa li mvt, sa nukhlakanha mvt, okokko! ai ahni li fehna tok.

7. Atuk o enchil ash ot, Nanta katiohmi ho chi nukhla-kancha tuk oh cho? ohoyo hash, micha nampoa nukshopa yash ot, yvmmvt ohoyo ha isht gya kvv, noshkobo hvv untuklo mvt, anonti lapish mvt pokoli ka nan isht ik im otano ka chim anoli lashke.

8. Nampoa nukshopa yash, yvmma ish pisa tuk a anta tuk osh, anonti ikshoshke; yohmi kia yvmmvt chiluk hofobi ai vhli iksho a auet a kohcha chi hoke; mikmvt aiokpuloka ont chukowa chi hoke: mikma yakni pakna ai asha puta kvv, kvna hosh i hohchifo hvv yakni toba tok taiyakla ka holisso ai okchaya ya a holisso tok keyukmvt, nampoa nukshopa, yvmmvt anta tok osh, anonti iksho kia, anonti anta ak inli ka okla pisakmvt, nukhlakanha chi hoke.

9. Yohmi ka ilvppak o nan ithana anukfohka kak osh akostininchishke. Noshkobo untuklo kvv nvnih hochito untuklo mak o yvmma pakna ya ohoyo hash ot o binili hoke.

10. Mikma miko untuklo kvv ai asha ka, tahlapi hosh ik-

sho ma, achvfa kvto anta, mikma achvfa kvto ik lo kisha hoke; mikmvt kaniohmi hō yummvt vla hokmvt, chekosi ai itin takla hō anta chī hoke.

11. Anonti nampoa nukshopa yash ot, yummvt anta tok osh, anonti iksho kv, yummak ash kia isht untuchina kv, isht untuklo kak o ibai achvfa hosh aiokpuloka ya pit a chukowa mak oke.

12. Mihma lapish pokoli hō ish pisa tuk ash miko pokoli hoke; yummvt apehlichika ik im iksho kisha hoke; yohmi kia miko vhleha chohmit hvshi kanvlli achvfa ka nampoa nukshopa yash ibai achvvt nan isht ai ghli yvt im vlpisa hoke.

13. Ilvppak ash ot, im anukfila hvv achvfa cha, anonti ilap nan isht im ai ghli, mikmvt im ile hlampko ita tuklo ka nampoa nukshopa yash ima chī mak oke.

14. Mikmvt ilvppak ash ot Chukvlpobushi ya itinta-nampa chī, mikma yummak okvt chitokaka vhleha in Chitokaka, micha miko vhleha i Miko yokvt Chukvlpobushi yash ot yummak ash o imaiyacha chī hoke; yohmi ka kvna hosh yvmma ai ibachvfa hokvto vlhtoka, mikmvt ai ghli, micha holitopa mak oke, vm achi tok.

15. Mihmvt oka puta yvmma ish pisa tuk a, havi yash osh yvmma o binili ka, hatak okla chinto, oklushi puta im anumpa ilaiyuka mak oke.

16. Mikmvt lapish pokoli, yummvt nampoa nukshopa on talohmaya na ish pisa tuk, ilvppak okvto na havi yash i nukkillit, a chukillissvchit nipi banochi cha, nipi a vpa cha, anonti luak a isht hukma hi oke.

17. Chihowa yvt yummak ash chukvsh anukfobki na ilap nan ai ahni hō ai ghlichā chī ka im anukfila achvfa hosh ilap im apehlichika yatuk ma nampoa nukshopa yash ihima na Chihowa im anumpa puta kvv ont ai ghlik mak a hi oke.

18. Yohmi ka ohoyo yvmma ish pisa tuk vt tmaha chito mak oke, yummak osh miko vhleha yakni pakna ai asha ka ai i shahli mak oke, vm achi tok.

CHAPTA XVIII.

Babulon vt akama 1; 4 Chihowa im okla hvt yvmma akocha chi kvt im vlpisa; 11 yakni pakna a miko vhleha, mikmvt na chumpa, okberta gya vlheha aiena kvt isht yghaya; 20 Chihowa nan im vlpisa na palvmmi kvt onvtula hoka, vbanumpuli puta kvt na yukpa.

1. AIYAKOHMI ha ya, anonti enchil inla yvt nan isht ai ghli chinto ieshi hosh, vba a mintit aka vla na pisa li tok: mihma yvmma i shohpakali yo yakni vt isht a tohwikeli tok.

2. Mihma yvmmak ash ot anumpa ola chinto ka isht chitoli fehnvt tahpva mvt, Babulon na-chinto yash ot aiokpulokvshke, aiokpuloka mak oke: yohmi mvt nan isht ahullo okpulo puta im aboha kvllo, micha shilombish ik kashofo, mikmvt hushi okpulo ik kashofo moma ka in chuka yo toba mak oke.

3. Yvmmvt nan itin lumaka nan isht haksichi oka paki yo okla momvt ishko tok, mihma miko vhleha yakni pakna ai asha kvt yvmma ai itinlumaka tok; mihma na chumpa vhleha yakni pakna ai asha kvt, nan ilimpa hochukma in laua kak o nan in laua toba tok oka, ahanchi tok.

4. Anonti anumpa ola inla yvt vba aholitopa ya a minti mvt, Um okla hvchia mvt, yvmma nan im ai ashvchi puta ka, mikmvt na-palvmmi im vlpisa puta ka hvch ik ibai esho ka chi kvt, yvmma a kohchvt ho minti.

5. Yvmma nan im ai ashvchika puta kvt vba shutik g ont a bikeli hatuk o, Chihowa hvt, yvmmvt nan ik ai vlpeso puta ka ithaiyana tok oke.

6. Nana ka hvchi yvmihchi tok mak o chohmichit oh i yvmihchi; mikmvt nana ka a yvmihchi tok g vlbita ho apesvt oh im vlbitelichi; isht ishko yvmma alotoli ka, ilap ma vlbitelit oh im alotoli.

7. Ilap inli ile holiblichit kvt, mihma nan ilimpa champuli isht il ai atahlit, imput anta kvt kanihmi hatuk okma, yvmma chohmichit na palvmmi, na-nukhaklo aiena ka oh

imá; I hatak illi sia keyu, yohmi kv̄t na-nukh̄gklo pisa la ch̄i keyu, ohoyo m̄iko sia hosh binili li, ilap ch̄ukv̄sh any-kaka achi hoka.

8. Yohmi hoka na palv̄m̄mi puta, nan illi, yaiya, mikm̄vt hohchv̄fo aiena kv̄t nitak achv̄fa ka im ȳya ch̄i; mikm̄vt yv̄mmak ash ot luak ȳ isht hullukmit taiyaha ch̄i hoke; Chitokaka Chihowa hv̄t hlampko hokv̄t, yv̄mmak ash nan im apesv̄t i palv̄mmichishke.

9. Yohmikma m̄iko vhleha yakni pakna ai asha kv̄t yv̄mma ai itin lum̄kv̄t, nan ilimpa champuli ai it atahlit impv̄t ai asha tuk vt, yv̄mmv̄t luh̄wv̄t shobulli ka okla pisa cha isht yah̄ȳvt, nishkin okchi mihinti m̄vt,

10. Yv̄mmv̄t nan isht i palv̄m̄mi ka nukshopa hatuk osh, auet i mishema h̄ȳ hiohm̄ȳvt Ikikkeh! ikikkeh! tv̄maha chito, Babulon tv̄maha chinto kv̄llo atampa, yv̄mmv̄t hv̄shi kanv̄lli achv̄fa mak inli h̄ȳ nan isht palv̄m̄mi chim vlhpisa kv̄t chim ȳv̄shke.

11. Nan itatoba yakni paknaka ai asha kv̄t yv̄mmak ash ȳ nan isht nukh̄gklot nishkin okchi mihinti tok; ilap im vlhpoyak a himak a pilla ma kv̄na kia ik in chumpo hoka;

12. Tv̄li holisso lakna, micha tv̄li hv̄ta, micha tv̄li holitopa, pvl, linen lapushki, nahummakbi, silk, na-tishepa, mikm̄vt iti sitlon moma, mikm̄vt aifoli, nan ai vlhto ilaiyuka moma, mikm̄vt iti holitopa fehna nan ai vlhto ilaiyuka moma, micha tv̄li lakna, tv̄li, mab̄vl aiena nan ai vlhto ilaiyuka moma atoba;

13. Mikm̄vt sinnamon, na balama, nan ahama, micha filakinsen, oka p̄aki, na bila, bota tohbi achukma, onush, mikm̄vt nampoa puta chukfv̄lh̄poba, issuba, micha itichanv̄li, yuka, hatak shilombish puta aiena kash ȳ kv̄na kia ik in chumposhke.

14. Nan vn̄it waya puta yv̄mmak ȳ chi ch̄ukv̄sh vt anushkuna tuk ash a chim afilv̄m̄mi; mihma nana moma na champonli, micha na shohwalv̄shli aiena tuk ash ot a chim okpulo; yohmi kv̄t himak a pilla ma yv̄mmak ash ish abayucha ch̄i keyu kamohmi hoke.

15. Nana ilv̄ppa puta kash nan itatoba, yv̄mmak okv̄t

yvmmak o nan isht ai in laua tok vt, yvmmvt i palvmmi ka nukshopa hatuk osh, auet i mishemanchit hiohmayat isht nukhaklot nishkin okchi mihintit,

16. Ikikkeh! ikikkeh! tmaha chito yvmmak amo! yvm-mak okvt linen lapushki, micha na-hummakbi, micha na ti-shepa aiena ka isht ai im ai vlhtaha, yohmi kvv tvli holisso lakna, micha tvli holitopa puta pvl aiena ho isht a shema tok amo!

17. Nan laua chinto yakohmi kash ot hvshi kanvlli achvfa ho ont aiokpulokvt kvnia hoka, ahanchi tok. Yohmi ma peni chito isht gya apesvchi aiyuka, micha peni chito ai asha yatuk moma, micha a toksvli aiena, mikmvt okhvta nan ai itatoba yatuk vt momvt auet i mishemanchit hiohmayvt,

18. Yvmmvt luhvvt shobulli ka okla pisa mvt, tahpvlvt, Nanta hosh tmaha chito ilvppa chiyuhmi cho? ahanchi tok.

19. Mihmvt hituk chubbi okla ishit noshkobo il o fohopli mvt, tahpvlvt, nishkin okchi mihintit yahaya hosh Ikikkeh! ikikkeh! tmaha chito yvmmak amo! yvmmvt nan isht il ahayuchit, nan isht shema ai vlli hochito puta ka chumpa hatuk mak o, okhvta pakna peni im a takohli maya moma kvv nan in laua yo toba kvmo! hvshi kanvlli achvfa ma yvmmak ash ot a chukillissvt kvvishke, ahanchi tok.

20. Uba a holitopa chia ma! vbanumpeshi holitopa, micha hopaii holitopa hvchia ma! Chihowa yvt yvmmak ash nan im apesvt i palvminchi hokvt hvchi atobvchi hoka, nan isht il oh aiyukpa.

21. Yohmi ma enchil chinto yvt tvli na-botoli tvli chito yo chohmi ka ishit, okhvta pit pila ma, yvmma chiyuhmi hosh tmaha chito Babulon vt ai oklvht kinahla chi hoke; mikmvt himak a pilla ma otaiyana he keyu kamohmi hoke.

22. Yvmohmikma hap olachi, micha nan taloa, micha oskula olachi, micha isht pufa olachi aiena nan im ola ka himak a pilla ma a chi a haiyakla he keyu kamohmi; mikma hatak nan imponna nana ho isht ai imponna yatuk kia himak a pilla ma a chi otaiyana he keyu; mikma tvli na botoli kia himak a pilla ma a chi a haiyakla he keyu kamohmi hoka.

23. Mikma pva tohwikeli mvt himak a pilla ma a chi on

tohwikela he keyu ; mikma hatak himona nan itauwaya, micha ohoyo nan auwaya im anumpa ola himak a pilla ka a chi a haiyakla he keyu kamohmi hoke : na chin chumpa vhleha hvt yakni paknaka a hochito kv̄t maya tok oka ; ikhish isht yushpakv̄m̄mi isht ish ahanta hatuk mak o, oklushi moma kv̄t isht yushpakama hatok, ahanchi tok.

24. Yohmi ma hopaii vhleha, micha vbanumpuli ghli vhleha, mikm̄v̄t yakni paknaka ȳa ai vbi tok moma im issish vt yv̄mma ai otaiyani tok.

CHAPTA XIX.

Ilap im antia puta im issish hlatahamp̄li tuk isht v̄lhtoba mak o havi chinto yash na palv̄m̄mi ka im apesa hoka, v̄ba a holitopa ai asha yv̄t Chihowa ȳa aiokpahanchi, 1 ; 7 Chukfv̄lhpobushi nan im itauwaya ; 16 ilap okv̄no aiokpv̄cha hi ḡ enchil vt ik im ahno ; 17 nan illi lawa ai asha ka ai v̄la chi kv̄t hushi puta kv̄t im annoa.

1. NANA ilv̄ppvt ai yakohmi ha ya, hatak laua im anumpa ola chinto ka v̄ba aholitopa pit a haklo li ma, Alleluia, isht ai okchaya, isht a holitopa, isht ahninch̄i, nan isht ai ghli aiena kv̄t Chitokaka hv̄pin Chihowa ȳa ai immi hoke.

2. Nan apesa kv̄t ai ghli, micha ai v̄lhpiesa hoke ; yohmi kv̄t havi chinto yash, yv̄mm̄v̄t itin lumaka kak o yakni ȳa isht okpaiyani hatuk ḡ, yv̄mmak ash ot nan im apesv̄t i palv̄mm̄m̄ichi tuk : mihm̄v̄t in tishu vhleha im issish yv̄mma ibbak vt hlatahamp̄li tok ḡ ai isht im atobbi tok, ahanchi tok.

3. Atuk o anonti, Alleluia okla achi tok. Mihma yv̄mma i shobohli hvt v̄ba ȳa ihiya na biliv̄t bilia hoke.

4. Mihma hatak tikba pokoli tuklo akucha ushta, micha nan okchaya ushta aiena kash ot aka hlipkv̄chi m̄v̄t, Chihowa, yv̄mm̄v̄t ai o binili holitomp̄a o binili tuk ash aiokpv̄chit, Amen ; Alleluia, ahanchi tok.

5. Mihma anumpa ola hvt ai o binili holitomp̄a ȳa auet a kohchv̄t takali kv̄t, Pin Chihowa ȳa in tishu vhleha hv̄chia, micha kv̄na hosh yv̄mma i nukshohomp̄a aiena kv̄t ik alauwo, i shahli, a moyuma kv̄t oh aiokpahanchi, ahanchi tok.

6. Yohmi ma okla chinto im anumpa ola hq̄ chiyuhmi,

mihmvt oka l̄wa fopa h̄o chiyuhmi, mihmvt hiloha chinto ola h̄o chiyuhmi h̄o haiyaklo li ma, Alleluia; Chitokaka Chihowa nana moma imaiya hvt miko yoka.

7. Chukfvlhpobushi vt itauwaya ch̄i nitak vt vla, yohmi ma tekchi ya ch̄i mvt, il ai atahli tuk oka, nan ik hvpi yukpa cha, keho tullí, ahanchi tok.

8. Yohmi ma linen lapushki vt vbanumpuli ghli isht im ai vlhpiesa mak o, linen lapushki kashofa tohbi ka isht il ashemvcha ch̄i kv̄t, tekchi vt im vlhpisa tok.

9. Yohmi ma, Holissochí, Chukfvlhpobushi im ai itauwaya opiaka impa gya ch̄i kv̄t kv̄na hosh im annoa tuk mvt, mihi yosh na yukpa hoke, vm achishke. Mikmvt ilvppak osh Chihowa im anumpa ghli mak oke, vm achishke.

10. Mihma aiokpv̄chi la ch̄i hosh iyi ya a hlipia li tok. Atuk ak o yvmmak ash ot, Ahah! ahnit chik yohmo kashke; tishu chitilauí, chitibapishi, Chisvs nan isht im atokowa ieshi vhleha ibai achvfa sia hoke; Chihowa hak o aiokpv̄chí; Shilombish Holitopa yvt hopaii anukfoykvt Chisvs nan isht atokowa ka anumpohonli yoke, vm achi tok.

11. Yohmi ma vba aholitopa yvt tiwa ma, yakeh! issuba tohbi h̄o pisa li tok; mihma yvmma o binili kv̄t, Ai ghli, micha Na miha tuk vt ai ghlichí mak o hohchifo hosh, yvmmvt nan ai vlhpiesa bano h̄o nan apesvt, tvnvp ikbi yoke.

12. Nishkin vt luak libbi h̄o chiyuhmi ma, anonti iachuka l̄wa kv̄t noshkobo h̄a afoyua hatok; mihma i hohchifo holisso kv̄t lapali kia, kv̄na kia ik ithano h̄o, ilap ak bano tok.

13. Yohmi mvt issish isht humma anchi o ai anchi tok; mihmvt i hohchifo hvt, Chihowa im Anumpa, achi tok.

14. Yohmi ma vba aholitopa ai asha tuk vt issuba tohbi o binili hosh yvmmak ash okla iakaiya kv̄t, linen lapushki tohbi kashofa h̄o ai anchi tok.

15. Yohmi ma im itakha ya bvshpo falaia halupa hosh a kohcha na yvmmak o oklushi puta ka isht ahamba hi yatok; yohmi kv̄t tvli fuli yo yvmmak ash nan isht im apihisa hi oke; yohmi kv̄t oka paki atoba yo chohmit Chihowa Chitokaka nan okluha imaiya nan isht i nukkilli chinto ka isht a hvhlihinchí hoke.

16. Yohmi kut miko puta i Miko, mikmut chitokaka puta in chitokaka hohchifo hosh yvmma im anchi, mikmut iyubi ita tuklo ka ai o holisso hoke.

17. Yvmohmi ma enchil vt hvshi a ai o hikia na pisa li tok: mihma yvmmak ash ot chitolit tahpula mut, hushi puyuta; yvmmut vba a helit itvnowa moma kut, Hvchishno inli hosh mintit Chihowa chinto im opiaka ai impa oh ai itvnahá.

18. Yohmi kut miko vhleha nipi, micha kvpitvni vhleha nipi, hatak ishtokaka nipi, issuba puyuta, mikmut kvua hosh yvmma o binili tuk puyuta nipi, hatak moyuma, yuka keyu, micha yuka, yohmikmut ik alauwo, i shahli aiena ka nipi ya hvsh pa chi hoke, im ahanchi tok.

19. Anonti nampoa nukshopa yash ot, mikmut yakni paknaka a miko vhleha, mikmut in tvshka chipota vhleha aiena kut itahobvt taiyaha cha, issuba o binili, micha in tvshka chipota aiena yvmmak ash in tanahampi na pisa li tok.

20. Yohmi ma nampoa nukshopa yash ot yuka tok; mihma hopai ilahobi yash yvmmut na fehna puta ka yvmma itikba ai yvmihinchi kut, yvmmak o yvmihchi kak osh nampoa nukshopa isht in chuwa ieshi tuk vhleha, mikmut yvmma holbvt toba ya kvna hosh aiokpvchi yatuk puta ka yoshuhumbli tok. Ilvppak ash ot ita tuklot okchaya na okhvta hituk lakna isht ita luhvwa ka pit a kanchi tok.

21. Yohmi ma inlaka yatuk vto issuba o binili yvmma i bvshpo falaia, yvmmak osh im itakha ya a kohcha tuk mak o isht ihinli tok; mihma hushi puyuta kash ot yvmma nipi yo isht a kaiya tok oke.

CHAPTER XX.

Setan vt talakchi na afvmmi tahlepa sipokni achvfa chi, 1; 6 illi yvt tani vmmona yvmma ai ib abalaia hokvto na yukpa he; 7 chekosi takla ka Setan ashot i holhtofa he. 8 Kok micha Makok imma hq isht anumpuli. 10 Okhvta hituk lakna isht aluhvwa hq Setan amo pit itakanchi; 12 nan vlvpisa chinto isht aiyopi.

1. **YOHMI** ma enchil vt chiluk hofobi ont ai vhli iksho ash isht tiwa ieshi mvt, tvli itatakvli chito yosh ibbak a foyuka hosh vba ya a minti hō pisa li tok.

2. Mihma yvmmak ash ot sinti chilita chito yash, sinti sipokni, yvmmvt nan isht ahullo, micha Setan mak o afvmmi tahlepa sipokni achvfa ka ona chī hō ishit yukachi tok.

3. Mihmvt yvmmvt himmakma oklushi puta ik yoshublo hō afvmmi tahlepa sipokni achvfa he tuk vt ont ai ghli ha yo, misha pilla hō chekosi itintakla ka i hlitofa hi o, yvmmak ash chiluk hofobi ont ai vhli iksho ash pit pilvt im okshita mvt, isht in chuwa on lapalichi tok.

4. Mihma ai o binili holitempa puta ka pisa li tok, mihma yvmma o binohmaya kvv nan ai apihisa he im vlhpisa tok : yohmi ma nampoa nukshopa, mikmvt i holbvt toba aiena ka ik aiokpacho, mikmvt isht in chuwa yvt ilap ibitakla, ibbak aiena ka ik a lapalo hosh ; Chivts nan isht im atokowa, micha Chihowa im anumpa pulla hō noshobo hvv tahampa tok vhleha imi shilombish a pisa li ma, yvmmak ash ot okchaya cha afvmmi tahlepa sipokni achvfa ka, miko yo chohmit Klaist a ibai ahanta tok.

5. Amba illi inla maya tok okvto ik okchayo hō afvmmi tahlepa sipokni achvfa kvv tahak mak a hi atok. Ilvppak osh illit falamvt tani vmmona mak oke.

6. Illit falamvt tani vmmona ka kvna hosh ibahalaia hokvto, mihi yosh na yukvvt holitopa : yohmi hokvno atukla illi vt nan isht i shahla he ik im iksho hoke ; Chihowa, micha Klaist na holitempa isht im vta vhleha ha chī, mikmvt miko yo chohmit ibai ahanta na afvmmi tahlepa sipokni achvfa chī hoke.

7. Yvmohmi tuk ma afvmmi tahlepa sipokni achvfa kash ot ont ataiyahakma, Setan ash ot aboha kvllo a ik akohchá, im ai ahna hi oke.

8. Yohmikmak o oklushi puta, yvmmak okvt yakni pakna akvshkova ushta ka ai asha Kok, micha Makok okla yvmmvt holhtina kvv okhvta alaka shinuk ai asha kak o chiyuhmi hō yoshublihinchit itahobi cha, tanahampa chī hosh akohcha hi oke.

9. Mihmvt yvmmak ash ot, yakni pakna a mominchit ilhkoli mvt, yvmmvt vbanumpuli ghli vhleha i bina, mikmvt tomaha chito holitopa aiena ka okla ai apakfokahanchi; mihma luak osh Chihowa a mintit vba akohchvt vlvvt, yvmmak ash ishit vpa tok.

10. Yohmikma yvmma yoshublichy tuk nan isht ahullo yvt okhvta hituk lakna isht ita luhvwa, yvmma nampoa nukshopa, micha hopaii ilahobi aiena kash ot pit itvtula tok: yohmi kvv nitak, ninak aiena ka ai ilbahasha na bilia hosh bilia hi oke.

11. Yohmi ma ai o binili holitempa tohbi chinto, micha yvmma o binili ita tuklo ka pisa li ma; yvmma nashuka ya i filvmmmit yakni, mikmvt vba shutik ita tuklo kvv tamoa kvv, kanima yo a taloha he kia ik im iksho ki tok.

12. Yohmi ma illi, ik alauwo, micha i shahli pit aiena kvv ai o binili holitopa itikba hiohmaya ka pisa li tok; yohmi ma holisso puta kvv wakama tok; anonti holisso inla, yvmmak osh holisso ai okchaya mak osh wakama tok: mihma illi yash ot ilap nana a kaniohmi tuk puta, yvmmvt holisso ha a holihiso tok ilvppa puta ho isht ai im vlvpihisa tok.

13. Yohmi ma okhvta hvv illi puta, yvmmvt im aiasha tuk vt il ai a kocha welikma, anonti nan-illichy, micha illi ai asha mvt illi puta, yvmmvt im ai asha tuk vt il ai a kohcha weli na yvmmak ash ot ilap nana a kaniohmi puyulla tuk mak o hatak moma kash ot nan isht im vlvpihisa tok.

14. Mihma nan-illichy, micha illi ai asha yamo okhvta luak o pit itokaha tok. Ilvppak osh atukla illi mak oke.

15. Yohmi ka holisso ai okchaya ya a holisso tuk osh otvni keyu hokvto okhvta luak mak o pit a kvnia tok.

CHAPTA XXI.

Vba vmmona micha yakni vmmona ita tuklo ka Ohan vt pisa, 1; 10 Chelusalem vba isht annoa ghli moma; 23 yvmmak oka hvshi vt a tomma he ahna he keyu, Ohihowa im atohwikeli yak osh a tommi; 24 yakni pakna ai i miko puta kvv yvmmak o im abolitopa ya isht im ohona.

1. **U**BA vmona, micha yakni vmona ita tuklo kash ot ont ik ai iksho ma, anonti himak a pilla ma okhvta mvt iksho ka chī hō vba himona, micha yakni himona ita tuklo hō pisa li tok.

2. Mihma Chan sia hvt tmaha chito holitopa Chelusalem himona Chihowa yā a mintit vba yā auet a kohcha kv̄t, ohoyo himita hatak auwaya chī hosh isht il a shema chatuk ak o chiyuhmi tok.

3. Yohmi ma anumpa ola chinto kv̄t vba aholitopa yā a kohcha na haklo li ma, yakeh! Chihowa hvt im vlhtipo yvt hatak puta ka ibafoyuka hatuk o, yummak o ibai ahanta chī, mikma im okla tobakma, anonti Chihowa ilap mvt yv̄ma in Chihowa hosh ibafoyukvt ahanta chī hoke.

4. Mikmvt Chihowa yvt yv̄ma i nishkin okchi puyuta ma im a kasholichit kaiyancha chī; mikma naua tikba tuk vt ont taiyaha hoka, himak a pilla ma isht ai illi, micha nanukhaklo, micha yahaya aiena kv̄t ik ai iksho ka he, mikmvt na-hotopa mvt ik ai iksho ka hi oke, ahanchi tok.

5. Yohmi ma ai o binili holitopa o binili yummak ash ot, Yakeh! nana moma kv̄t himona hō ikbi lishke, achi mvt, yummak ash ot, Anumpa ilvppvt aighli, micha na miha ka ont ai ghla chī hoka holissochi, v̄m achi tok.

6. Atuk osh yummak ash ot, Ulhtaiyahvshke; Alfa, micha Omeka, ai isht ia vmona, micha ont ai vhli sia hosh, kv̄na hosh itukshila hokma, oka ai okchaya kv̄li hak o pilla ai ima la chī mak oke.

7. Kv̄na hosh nana ka imaiyachi tuk mak osh nana moma ka ai immi ha chī im ai vlhpiesa; mikma in Chihowa sia hokma, anonti ilap vt sv̄so ha chī hoke.

8. Amba na nukshopa, micha nan ik yimmo, i yuwala he vlhpesa kia yvmihchi, mikmvt hatak bika vbi vhleha, haui vhleha, mikmvt ikhish isht yushpakv̄mmi vhleha, na holbt toba aiokpv̄chi vhleha, holabi puta a moyuma hokv̄to atukla illi mak osh okhvta yummak okvt hituk lakna isht ita luhya hō isht ai i palv̄mma chī hosh im vlhpisa he mak oke, v̄m achi tok.

9. Yv̄mohmi ma enchil untuklo kash ai ibai achv̄fa, yv̄m-

mak okvt kotobushi untuklo nan isht palommi ishtaiyopi untuklo kash isht alotowa ho ieshi hosh, vlvv svv im anumpuli mvt, Minti, himona nan auwaya Chukvlhpobushi tekchi chj haiakvchi la chj hoke, achi tok.

10. Mihma shilombish o si anukfoyuka ho svst ia ma, nvnih chinto chaha yo svst ona cha, tmaha chito, Chelusalem holitopa yvt Chihowa isht im aholitopa ai ishit Chihowa a mintit, vba aholitopa auct a kohcha mak o a haiakvchi tok :

11. Mihma in tohwikeli hvv tvli holitopa fehna, tvli chaspa chohmi kak o hoyulba hosh, bvlancha kvv klistal o chiyuhmi tok ;

12. Mihmvt tvli yosh isht a holihta kvv chito, micha cha ha ma, anonti okhissa yvt im auah tuklo ma, enchil mvt okhissa ya vlvpivv auah tuklo kvv a hielv tok ; mihma yvma ai o holisso hohchifo kvv Islael okla it a kvshkova auah tuklo i hohchifo hatok.

13. I hvshi akochak-imma ya okhissa tuchina ma, i falvmmi imma ya okhissa tuchina ma, im oka-mahli imma ya okhissa tuchina ma, anonti i hvshi ai okvtulik-imma ya okhissa tuchina tok.

14. Yohmi ma tmaha chito a holihta ka in tolahpi auah tuklo tok ; mihma Chukvlhpobushi im anumpeshi auah tuklo hohchifo hosh a lapanli tok.

15. Yohmi ma svv im anumpuli tuk yvmmak ash ot tmaha chito, micha okhissa, mikmvt a holihta aiena ka isht apesa chj kvv tvli holisso lakna nan isht vlvpisa yo ieshi tok.

16. Yohmi ma tmaha chito yvt a itilauia bat fullotvt bolukta ma, afalaiaka yvt chito kvv okhowataka ya itilauv tok ; mihma tmaha chito yash yvmmak ash ot nan isht vlvpisa yash isht apesa ma, kovi tahlepa auah tahlapi tok. Afalaiaka pilla, micha okhowataka pilla, mikmvt chaha aiena kvv ai itilauv bano tok.

17. Mihmvt aholihta kash o hatak i nan isht vlvpisa yo yvma enchil ash ot isht apesa ma, kubit tahlepa achvfa pokoli ushta akucha ushta tok.

18. Yohmi ma a holihta kvv chaspa tvli yosh toba hatok ;

yohmi hoka tumaha chito yvt tvli holisso lakna bieka hq chohmi kvf apisa kashofa achukma ka chohmi tok.

19. Yohmi ka tumaha chito aholihtaka in tolahpi vt tvli holitopa ilaiyuka puta hq isht a shema hatok; in tolahpi vmmona kvf chaspa yatok; atukla kvf saffaia yatok; atuchina kvf kalsetoni yatok; ai ushta kvf emelal atok;

20. Isht tahlapi kvf salonik atok; isht hannali kvf sativs atok; isht untuklo kvf klisolait atok; isht untuchina kvf belil atok; isht chakkali kvf topas atok; isht pokoli kvf klisofasvs atok; isht auah achvfa kvf chasinlh atok; isht auah tuklo kvf amehlist atok.

21. Yohmi ma okhissa isht vlvkvma auah tuklo kvf pvl auah tuklo tok; okhissa isht vlvkvma achvfakma, pvl achvfvf ia tok; yohmi ma tumaha chito anukaka ya ai itvnowa yvt tvli holisso lakna bieka hq chohmit apisa shohkoali kak o chiyuhmi tok.

22. Yohmi ma yvmma anukaka ya tempel a ak peso ki tok: Chitokaka Chihowa nana moma imaiya, micha Chukfulhpobushi ita tuklo hosh in tempel oka.

23. Mihma Chihowa im aholitopaka yosh a tohwikeli ma, anonti yvmma ai i pva hvf Chukfulhpobushi yak atuk o, hvshi, mikmvt hvshi-ninak-gya kia im a tomma hi a tumaha chito yash ot ik bunno ki tok.

24. Yohmi ka oklushi puta yvmmak okvt okchaya mak osh a tohwikeli ka ya ai itvnohova he; mikma yakni pakna a miko vhleha atukmvt ilap im aholitopaka isht aiokpvchi hosh ai vlvshke.

25. Yvmmak oka ninak vt iksho ka chi hoka, nitak moma ka okhissa puta mvt ik okshilito kamohma hi oke.

26. Yohmikma oklushi puta im aholitopa, nan isht il ahninchii aiena ma yvmma anukaka ya isht ai vlvf chukowa hi oke.

27. Mikma yvmmak oka nana kvf liteha, micha ai yuwala he kia ai yohmi, micha na holabichi a moyuma hokvto kanihmi kia a chukowa himma keyu hoke; amba Chukfulhpobushi i holisso ai okchaya kvna hosh a holisso tok ak bana hi oke.

CHAPTER XXII.

Oka ai okchaya okhina, 1; 2 ai okchaya iti. 5 Tvmaha chito i pva hvv Chihowa ilap fehna kak inli: 9 ilap a aiokpvcha hi a enchil vt ik im ahno. 14 Tvmaha chito ash anvkaka ai anta hokvto holitopa, amba kocha yo gsha tuk okvto nan i palvmmmit vltakshi: 16 anumpa ai okchaya ya nana hq isht achakva he keyu, mikmvt ka-nimihchit ai ishit anumpa ha ishit kancha he keyu.

1. ANONTI ai okchaya okhina kashofa achukma, shohkoali klistal ak o chiyuhmi hosh Chihowa, micha Chukvvh-pobushi ita tuklo im ai o binili holitopa ak o akohoncha mak o, yvmmak ash ot a haiakvchi tok.

2. Okhina itahlakla ai itvnowa, okhina ititakla, iti ai okchaya yvt a hiohli kvv, auah tuklo ha nan-vnit waya beka kvv, hvshi achvfa aiyukakma vnit wahaya hoke; yohmi ka iti yvmma hishi puta hokvto oklushi moma isht a hlakofi mak oke.

3. Yohmi ka yvmmak oka himak a pilla ma na palvmmi kvv ik ai iksho ka he; amba Chihowa, micha Chukvvh-pobushi ita tuklo im ai o binili holitopa yosh a hikia na yvmma in tishu vhleha hosh aiokpahancha hi oke.

4. Yvmohmikmvt yvmma nashuka ya okla pihisa he; mikma yvmma i hohchifo hosh ibitakla puta ma a lapanla hi oke.

5. Mikma ninak vt yvmmak oka iksho ka he; Chitokaka Chihowa yosh in tohwikeli hoka, pva, mikmvt hvshi tommi aiena ka okla ik bvno hosh, miko yo chohmit okla ahanta na bilivt bilia hi oke.

6. Yohmi ka anumpa puta ilvppvvt ai ghli, micha nana miha ka ont ai ahla hi oke; yohmi hoka hopaii holitopa vhleha in Chihowa Chitokaka yvt, nana kvv chekosi ont ai yvmohma chi yvmma in tishu vhleha im otvnhincha chi ka im enchil a auet chvffichi tok.

7. Yakeh! chekosikma va lishke; holisso ilvppa tikbanli nan ai anohova anumpa puta tuk a kvna hosh holitobli kavv osh na yukpvshke, yvmmak ash ot vm achi tok.

8. Yohmi ma Chan sia mak osh nana ilvppa puta ka pi-svt haiyaklo li tok: yohmi mvt pisvt haiyaklo li mvt, nana ilvppa puta ka vm otvvinchi tuk, enchil a aiokpvchi la chi hosh iyi itikba ya hlipia li tok.

9. Yohmi ma, Ahah! ahnit chik yohmo kashke; tishu chitilau, micha chitibapishi hopaii vhleha, micha holisso ilvppa ai anuhumpa tuk a holitobli vhleha ai ibachvfa sia hoke; Chihowa ak o ish aiokpvchashke, yvmmak ash ot vm achi tok.

20. Mihmvt nitak vt ai onā hosi hoka, holisso ilvppa tikbanli ai anohowa tuk anumpa puta ka chik ashv nicho kashke.

11. Kvna hosh nan ik ai vlhpieso hokvto, mihi yosh ik ai vlhpieso kvt ik imoyumá; mikma kvna hosh liteha hokvto, mihi yosh liteha kvt ik imoyumá; mikma kvna hosh ai vlhpiesa hokvto, mihi yosh ai vlhpiesa kvt ik imoyumá; mikma kvna hosh nan ai ashvchika ik im iksho hokvto, mihi yosh nan ai ashvchika ik im iksho kvt ik imoyumá, vm achi tok.

12. Atuk osh yakeh! chekosikma vla lishke: yohmi kvt hatak moma kvt ilap nana a kaniohmi yvt kaniohmi ai yukali hō nana ka isht im atobbi la chi kvt il ai ishi lishke.

13. Alfa, Omeka, ai isht ia vmona, ont ai vhli, vmona, ont ishtaiyopi sia mak oke.

14. Kvna hosh im anumpa vlhpisa puta ka holitobli hokvto na yukpvshke: yohmi hok mak osh iti ai okchaya isht im ai vlhpiesa hosh okhissa ont a hlopullit tvnaha chito yash chukowa chi hoke.

15. Akochanli yak okvno ofi, ikhish isht yushpakvmmi, hau, hatak bika vbi, na holvvt toba aiokpvchi; mikmvt kvna kia il imi holabichi kvt isht im achukma a moyuma kak osh ai asha yoke.

16. Ilvppa puyuta ka atokolit chvch a hiohli puta ka a hvchim anohonla chi hoka, Chisvs sia mak osh vm enchil a chevffichi li tuk oke. Vno ak osh Lewi a minti hakshish filaminchi yosh anonti unchululi, mikmvt shohpakali onnahnli fochik sia mak oke, ahanchi tok.

17. Yohmi ma Shilombish Holitopa, micha Klaist himona

nan im auwaya ita tuklo kash ot, Mintí, achishke. Yohmi ka kvna hosh haiyaklokmt, mihi yosh, Mintí, ik achí. Mikma kvna hosh itukshila hokmt, mihi yosh ik mintí. Yohmi ka kvna hoh kia bunnakmt, mihi yosh pilla oka ai okchaya ya ik eshí.

18. Holisso ilvppak oka tikbanli nan ai anohowa tuk anumpa puta ka hatak vt haiyaklo tuk moma im atokowa lishke: nana yakohmi tuk a hatak vt nana kia ibafohkit achakalikma, na palvmmi yvmmvt holisso ilvppa a holihiso tuk a yvmmak ash q Chihowa hvt isht im achakala hi oke.

19. Mikma hatak nana hosh tikbanli nan ai anohowa tuk holisso ilvppa anumpa puta hatuk a kaniohmichit isht a kanchi hokma, ilap vt holisso ai okchaya, micha tvmaha chito holitopa yash, mikmt nana kvv holisso ilvppa yvmma isht a holisso tuk puyuta ka ahalaia hatuk a yvmmak ash Chihowa hvt isht kancha hi oke.

20. Ilvppa puyuta ka atokowvt otvvinchi mak osh, Chikosikma vla lishke, achishke. Amen. Chitokaka Chisvma! ik yvmohmi, ish lashke.

21. Pin Chitokaka Chisvs Klaist nan isht j kana yvt hvsh moyuma ka hvchi anukfoyukashke. Amen.

THE END.

